

C. 6⁶ 7c.

.18...180,

FD 1904

~~111773~~
21.189
Reg

†

DIVI ISIDORI

HISPALENSIS EPISCOPI

OPERA

PHILIPPI SECUNDI

CATHOLICI REGIS JUSSU

E VETUSTIS EXEMPLARIBUS

EMENDATA.

NUNC DENUO DILIGENTISSIME CORRECTA,

ATQUE ALIQUIBUS

OPUSCULIS APPENDICIS

LOCO AUCTA.

TOMUS PRIMUS.



MATRITI:

TYPIS, ET EXPENSIS BARTHOLOMÆI ULLOA

APUD MONASTERIUM CONCEPTIONIS HIERONYMIANÆ.

ANNO DOMINI M. DCC. LXXVIII.

O P E R U M
D I V I I S I D O R I
P A R S P R I O R,

IN QUA GRAMMATICA, ET HISTORICA.

Etymologiarum lib. XX.	Pag. 514
Differentiarum libri. II.	† 64
De Natura rerum liber. I.	86
Chronicon.	121
De Viris illustribus, cum S. Ildefonsi libello.	154
De Ortū, & Obitu Patrum.	182
Gotthorum, Wandalorum, & Suevorum historia cum Gotthorum Regum, & Toletanorum Antistitum cata- logo.	203

OF THE
DIVISION
OF THE
NATIONAL DEBT

1850	100,000,000
1851	100,000,000
1852	100,000,000
1853	100,000,000
1854	100,000,000
1855	100,000,000
1856	100,000,000
1857	100,000,000
1858	100,000,000
1859	100,000,000
1860	100,000,000
1861	100,000,000
1862	100,000,000
1863	100,000,000
1864	100,000,000
1865	100,000,000
1866	100,000,000
1867	100,000,000
1868	100,000,000
1869	100,000,000
1870	100,000,000
1871	100,000,000
1872	100,000,000
1873	100,000,000
1874	100,000,000
1875	100,000,000
1876	100,000,000
1877	100,000,000
1878	100,000,000
1879	100,000,000
1880	100,000,000
1881	100,000,000
1882	100,000,000
1883	100,000,000
1884	100,000,000
1885	100,000,000
1886	100,000,000
1887	100,000,000
1888	100,000,000
1889	100,000,000
1890	100,000,000
1891	100,000,000
1892	100,000,000
1893	100,000,000
1894	100,000,000
1895	100,000,000
1896	100,000,000
1897	100,000,000
1898	100,000,000
1899	100,000,000
1900	100,000,000

IN NOVAM
SANCTI ISIDORI
HISPALENSIS EPISCOPI
OPERUM EDITIONEM
BREVIS EDITORIS
PRÆFATIO.

PAUCIS TE VOLO, LECTOR BENEVOLE. SANCTISSIMI PATRIS, atque Clarissimi Hispaniarum Doctoris Isidori Opera omnia quotquot extant, quæque eruditorum virorum sententia genuinus ejusdem sunt foetus, tuæ, ac publicæ omnium utilitati libens offero. Neque meam qualemcumque operam in hac editione adornanda cuivis ingratam futuram puto. Id quod vel indè mihi satis persuasum habeo, quoniam per duo ferè sæcula, ab anno scilicet MDCXVII. nullus, quod sciam, recudenda curarit. Exigebat sanè Auctoris nobilissimi omnigena, ac præclarissima doctrina, ut quemadmodum ab omnibus jure meritò prædicatur, ita omnium manibus diù nocturne tereretur. Verùm id quò fieri potest, nisi exemplaria abundant? Eapropter ipsorum desiderium, quod Doctoris toto orbe celebratissimi magnum nomen augebat, ad novam quamdam, eamque accuratissimam, elaborandam editionem, Eruditorum omnium, Hispanorum præsertim, animos sollicitabat, perterritabatque. Nec tamen propterea fuit, qui opera, & industria sua publicis votis satisfaceret. Hæc autem omnia animadvertens ego, simulque verens ne indè Hispanorum genti dedecoris aliquid accederet, hanc editionem, quanta potui diligentia, ac studio, & aggressus sum, & perficere curavi.

Et quidem vehementer amabam non solum Isidori opera jam olim excussa denuò optimis characteribus, aliisque ornamentis, quæ ad typographum spectant, prædita in medium producere; verum etiam, undique collatis veteribus manuscriptis, emendatiora, auctiora, illustrioraque publici juris facere. Sed animi vim repressit, tum rei magnitudo facultates meas super-

perans, cùm ejusdem mei conatus spes vel omninò jam ex-
pleta, vel non nisi ægrè nimis explenda. Nemo enim nescit,
quanta cura, & diligentia, accedente Philippi II. Hispa-
niarum Principis Augustissimi speciali mandato, Viri ex tota
Hispania doctissimi, conquisitis hinc indè non per totam tan-
tùm Hispaniam, sed etiam per universam ferè Italiam antiquis
codicibus, singuli partes singulas ad trutinam revocantes, om-
nia tandem Sancti Isidori scripta, quæ inveniri potuerunt, &
emendarunt, & selectis annotationibus illustrarunt. Hinc pro-
diit anno MDXCIX. editio Regio nomine insignita, quam Joan-
nes Grialius Vir clarissimus aliorum perfunctus laboribus, ad-
jectis quoque suis, Philippo III. jam tunc regnanti nuncupatam
in vulgus emisit. Regiam hanc editionem optimam quidem,
atque aliis etiam posterioribus anteponendam asserunt Eruditi;
non tamen numeris omnibus absolutam arbitrantur. Certan-
dum adhuc, & novo labore insudandum clamant, ut Isidorus,
qua par est gloria & decore, procedat in publicum. At di-
cunt, non faciunt: Isidorus interim penè latet, atque in dies
magis, magisque desideratur.

Igitur quod per me licet, quodque à me, & observantia
in Isidorum, & publicæ utilitatis amor exigunt, id præsto: eam-
dem ipsam videlicet Regiam editionem integram, illustriori
forma digestam, elegantioribus characteribus, & nitida char-
ta, id est, optimis typis (quæ typographi sunt partes) conspi-
ciam iterum in medium profero. Neque tibi, Lector Benevo-
le, aliud à me exquirendum putes. At fortassis, plura sunt, in-
quies, Isidori nomine inscripta Opuscula, quæ frustrà in Regia
editione quæras. Ex his nonnulla sparsim ab aliquibus fuere in
lucem edita; reliqua adhuc in Ecclesiarum Archiviis, vel Char-
tulariis delitescent. Sunt planè; eademque tibi nunc exhibeo
Appendicis loco. Qua in re conjecturæ meæ effectu ipso com-
probatae luculentum habes testimonium. Revera enim nec labo-
ri, nec sumptui peperci, ut omnia ea requirerem, quæ novam
editionem uberiolem, locupletiolemque redderent. Accepi
itaque hinc indè apographa varia Sancti Isidori nomine insigni-
ta. Sed ea à Viris doctis in trutinam revocata, apocripha inven-
ta fuere ferè omnia. Edidi nihilominus & in studiosorum gra-
tiam

tiam, & in eruditorum exercitationem. Itaque singulorum seriem, addita brevi censura, contexam.

Primum obtinet locum *Liber quartus Sententiarum*, qui hactenus à nonnullis ob aliquorum codicum Isidori nomen præferentium fidem, tanquam ejusdem Sancti Doctoris genuinum opus fuit habitus. At jam ut spurium habendum dubitabit nemo, qui libros quinque Sententiarum à Tajone Cæsaraugustano Episcopo collectos, atque à Continuatore Hispaniæ Sacre Tom. 31. novissimè in lucem editos attentè legerit. Excerptus namque indè est quartus hic liber, ut cuique conferenti patebit. Atque ut id facili negotio perspicui valeat, singulis capitibus annotatur quodnam ex quonam Tajonis libro, & capite sit desumptum. Observantur præterea lectiones variæ, & alicubi non perpetuæ Sententiarum series alioquin sibi utrinque cohærentes. Quæ omnia ad SS. Patrum Augustini, & Gregorii opera, è quibus Tajo libros compilavit suos, illustranda plurimum conducent.

Sequuntur *Duo alia Sententiarum capitula*: quorum primum ex Divo Gregorio super Ezechielem ad verbum est depromptum; alterum ex Juliani Pomerii *De Vita contemplativa* lib. 3. capitibus 3. 4. 9. & 10. Invenitur hocce opus inter Sancti Prosperi Aquitanici scripta; eidemque longo tempore à permultis scriptoribus fuit assertum. Nunc ab omnibus Pomerio vindicatur. Videantur hac de re Isidorus noster de Viris illustribus cap. 25. & Cl. Ceillierius Tom. 15. *Histoire Generale des Auteurs Ecclesiastiq.* de Juliano Pomerio disserens.

Tertio loco subnexui opusculum hoc titulo, *Exhortatio humilitatis*, quod Sancto Martino Braccarensi Episcopo adscribitur, editumque est inter ejusdem opera Tom. 15. Hispaniæ Sacre à Doctis. Florezio.

Abjudicandus similiter est Isidoro nostro Sermo, qui sequitur, *De Corpore, & Sanguine Domini in Pascha*; cum idem sit omninò cum Homil. VII. Sancti Cæsarii Arelatensis, *De Paschate*. Vid. Biblioth. PP. Tom. 2. column. 277. Edit. Paris. 1624.

Adduntur carmina quædam Bibliothecæ Sancti Isidori appensa, quæ Tom. 9. Hispan. Sacr. edita fuerunt hac inscriptione:

ne: *Titulus Bibliothecæ à Domno Isidoro editus*; necnon fragmenta nonnulla, quibus capita ibidem indigitata suppleantur.

Sexto loco edidi *Expositionem Missæ*: quæ etsi non indigna videatur Isidori ingenio, & eruditione, vel eo nomine ab ipso est ableganda, quod Isidori ætate alius Missæ ordo, ritusque vigeat in Ecclesia Hispana ab eo, qui ibidem exponitur, quique idem est omninò cum Romano hodierno.

Deindè subjunxi *Lectiones novem* in Festo Translationis Sancti Isidori aliàs recitatas. Desumptæ sunt ad verbum ex Actis Translationis ejusdem Tom. 9. Hispan. Sacr. editis.

Postremo tandem loco supplendum curavi *Caput xvii. Questionum in Leviticum* ex Albornoiziano codice à D. Petro de Castro transcriptum: cujus apographum in Biblioth. Florentiana Conventus Divi Philippi Regalis Matritensis Ordinis Sancti Augustini asservatur.

Lamentum poenitiæ duplici alphabeto editum, &c. cujus meminit V. Cl. Nicolaus Antonius Tom. 1. Biblioth. Veter. lib. 5. cap. 4. pag. 265. quodque ab eodem ipso Nicolao acceptum ediderunt A. A. Actor. Sanctor. Tom. 1. Aprilis ad diem 14. editioni huic non addidi, quòd serò, ea nempe ferè in finem perducta, admonitus sum.

Liber autem *De Ordine Creaturarum* à D. D. Acheri Tom. 1. Spicilegii pag. 225. editus, & quæ Abb. Constantinus Cajetanus evulgavit opuscula sub Isidori nomine, cum à viris doctis vel ut spuria, vel ut nimium suspecta traducantur, non talia visa sunt, quæ hîc insererentur.

Habes igitur, candide Lector, Isidori Opera, si non ea summa diligentia, quam non nisi homines doctissimi, & eruditissimi præstare poterant, illustrata, ac nativo nitori restituta; aliquantò tamen defæciora, amplioraque, quàm Regia exhibuit editio. Ipsis itaque perfrui, ipsorum lectioni sedulò incumbere, meumque laborem, studium, conatum libentè amplectere. Vale.

PHILIPPO III.

CATHOLICO REGI.

JO. GRIAL.

SANCTI ISIDORI , (cujus ipse à stirpe genus ducis) Opera ante annos jam plures , conquisitis undique tota ex Hispania , Italiaque manuscriptis exemplaribus , Pater tuus Catholicorum Regum Maximus , selectis quibusdam Viris , quorum nonnullis nos , longè licèt impares , successimus , emendanda tradiderat. Nàm tametsi propter Auctoris præstantiam manserant , ferebanturque vulgò , qui nunc prodeunt , plerique omnes libri ; tamen postulandum non fuit , in tot excellentibus Scriptoribus , quibus temporis longinquitas fraudi fuisset , unus uti esset Isidorus Eximius. Ergò contrà potius accidit. Cum enim tererentur omnium manibus (nequè enim fuit ullius , aut nomen in litteris per ea tempora clarius , aut auctoritas in rebus , vel Ecclesiasticis , vel Civilibus gravior) factum est , & describentium vitio , & legentium sinistra diligentia , vix , ut ulli pro germanis , & sinceris aliena , atque adulterina , tam multa paulatim inolescerent. Ea verò tempora sunt consecuta , in quibus litterarum honos nullus , cultus nullus. Ut non tam queri debeamus , quod hæc deformarint , quàm quòd ad nos qualiacumque transmiserint , magna potius habenda sit gratia. Restituta porrò hac nostra ætate re litteraria , cum lux rebus reddita videretur , tamen majus periculum adire cœperant Sanctissimi Patris ægregii labores , tum propter ea , quæ diximus , intertrimenta ; tum verò propter præposteram quorundam hominum elegantiam. Nàm majorum disciplinarum studia , severioresque curæ , quæ , vel de Religione ab eo susceptæ sunt , vel in formandis , componendisque moribus versantur ; ea , vel nomine ipso tanti Pastoris , Doctoris , Legislitoris , satis tecta , munitaque videbantur. Quæ verò non tam vitam ipsam , quàm vitæ cultum attingunt , & ornatum ; ea , nisi Rex Potentissimus Gentilis sui scripta , quasi subolem , manu asseruisset , verendum planè fuit ; nè de statu dejecta , vix ullo in loco , exiguo certè cum honore consisterent. Fastidiabant enim hæc , & abnutabant delicati homines , quasi inventis frugibus , glandes ipsis objicerentur. Nunc verò non illa modo , quæ dignitatem suam per se tuebantur ipsa satis , illustriora , honoratoriaque officio isto reddentur , sed quæ criminationibus obnoxia , calumniisque obvia , atque exposita videri poterant ; ea post hac , & suis , & aliorum viribus fidere , & iniquorum voces contemnere assuescent. Nàm quæ le-

viora, minutioraque censebantur, ea robur, pondusque auctoritatis ex antiquioribus Scriptoribus bona ex parte recipient. Qua in re, cum nonnullorum, quibus hæc cura commissa fuerat, insignis Opera extiterit, illorum exemplo speramus, etiam fore; ut alii non nostri modo, sed externi etiam eruditione præstantes Viri, in id jam nobiscum certatim conspirent, ut laboriosissima Hispani Doctoris excerpta studio suo pervestigare porro pergant, fortunasque nostras opibus ipsi suis constabillant. Quod autem labor hic, qui, te necdum nato, susceptus est, ad exitum tamen perducere, (cum id Religiosissimus Pater admodum expetiisset) ante Regni tui initia minimè potuerit; nos hoc divino consilio factum putamus. Ut cui dies natalis in Sancti Herminigildi, Hispaniæ Regis, Martyris, Isidorianique ex Sorore Nepotis natalem fuerat præstitutus; iisdem omnino, eademque Coeli de parte oblatis auspiciis, Imperium inires, quibus primordia vitæ consecrasses. Atque, ut à Nepote constituendæ exemplum, ita ab Avunculo tuendæ, propagandæque Religionis adjumenta acciperes, atque documenta; eaque non à Majoribus solum, vel etiam à tali Parente tradita; sed à te quoque ipso, nisi te tuimet meminisse pigeat, satis tibi insignitè commendata.

AD LECTOREM.

JO. GRIAL.

QUIBUS emendatio librorum SANCTI ISIDORI HISPALITANI (sic enim cum Gregorio Magno , ut & analogia exposcit , appellare malumus , quam Hispalensem) ante annos ampliùs viginti Majestatis Catholicæ jussu commissa fuerat ; ii ità rem gessere , ut quidam nihil priùs habuerint , quàm ut se totos statim huic labori addicerent ; alii ab suis se studiis , & occupationibus ad hanc Operam traduci permolestè ferrent ; nonnulli etymologiarum correctionem (spissum sanè opus) expectantes , ità rem distulerunt , ut partim re imperfecta , partim nè incepta quidem , è vita excesserint : ità ut alii pro aliis , nequè id semel fuerint suffiendi. Donèc Rege admonito , finem nullum fore , nisi quidquid plures refecissent , atque id insuper , quod sarciendum restaret , ad unum omne deferretur : ad id Operis ego (cui nè abnuere quidem fas esset) maximè idoneus visus sum ; non quidem ingenii , doctrinæve facultate præ ceteris aliqua , (qui essem infra omnium censum) sed cui fortassè tantum esset ab re mea otii mihi , aliena , ut curarem ; sivè adeò certè cum pluribus , ut conflictarer , ea lege , atque omine , ut bene gesta rei laus solida ad alios , noxarum omnium ad me unum summa summarum rediret. Quod ne accidat , hoc est , ne in me solum culpa omnis derivetur , ità mihi cautio erit : ut nequis debito laboribus suis testimonio fraudetur , potior multò cura sit. Quod facturus fui aliquantò uberius : nisi is , qui editionem hanc à principio , usque pietate magna , sollicitudine assidua solus propè curarat Joannes Lopiùs Velascus Regius Secretarius probissimus Vir , nequè ab ullo litterarum genere alienus , sub ipsum hujus laboris finem nobis præreptus esset. Cujus obitu , nequè de manuscriptorum exemplarium numero , nequè de iis , à quibus missa fuissent , satis nobis constare potuit. Ergò in emendandi labore , quid quisque quantumque contulerit , (quod sciero , poteroque) quàm verissimè referam.

Etymologiarum emendatio Alvaro Gomezio Toletano , Viro in primis eruditò credita est , traditaque ipsi veterum Codicum magna copia , quorum bona pars Gotthicis , (seu majoris Longobardicis) characteribus erat scripta. Quo ipse , varietate notata , ad Antonium Augustinum Tarraconensem Archiepiscopum , & Petrum Chaconem Romæ jam tunc commorantem singulis de rebus referret. Quorum utrique id etiam à Rege fuerat injunctum : ut & ipsi , collatis suis exemplaribus , quid sensus sui esset ad eundem Alvarum remitterent. Constat autem omnes triginta,

aut eo pluribus manuscriptis libris in hoc Opere emendando fuisse usos. Sed Antonium Augustinum sanctissimum Antistitem, deque suis libris toto Orbe notissimum, cum ad XII. librum per-ventum esset, hoc est, Opere prope in medio, mors occupavit. Petrus Chacon, (sic enim ipse se nostro, non Ciaconum, aut Ciaconium Italarum more, scribebat: ut qui Hispanicum se, & Toletanum, id quod erat, quàm Romanum, atque Sabinum haberi mallet) is igitur, quòd multos annos in antiquis Auctori-bus emendandis versatus, de hoc Opere restituendo in primis cogitarat; dici vix potest, quantum opis attulerit, vir ingenio, industria, conjiciendi arte quadam singulari. Sed huic, quam dico, conjiciendi sollertia nos perparum, minusque fortassè, quàm æquum fuerat, tribuimus: libros vete-res, quos ut antiquissimi quique erant, ità minus auctos, minusque corrup-tos invenimus, fontesque, è quibus hæc hausta, ab eodem bona ex parte in-dicatos, eos sumus secuti. Alvarus ergò, & duorum, quos diximus, egre-gia Opera, & aliorum, in primisque Antonii Covarruvie nostrorum omnium, quot sunt, quotque fuere undecumque doctissimi, atque elegan-tissimi Viri communicatione adjutus, cum & pietate erga Isidorum exi-mia, & Majestati Catholica satisfaciendi studio plurimum duceretur, an-notationum in omnes XX. libros magna molis corpore relicto, defunctus est. Quod cum gravissimi Viri inspexissent, studium quidem diligentiamque, ut æquum fuit, valdè probarunt, totius rei formam, modumque incudi reddenda censuere. Idque visum tum alias ob causas necessarium; tum verò, quòd cum enumeranda scripturarum, conjecturarumque varietate multus ubique esset, tamen contextum ipsum, cujus gratia labor omnis susceptus fuerat, in emendatum reliquerat. Huic latifundio (quoad ge-nus hoc telluris ferret) perpurgando, conserendoque ego sum Colonus da-tus. Quanto meo cum labore nihil attinet dicere. Nam etsi talibus viris (ut par fuit) satis fidebam, tamen, quin veteres libros ipse quoque rursus evol-verem, identidemque in singulis propè cunctarer, efficere non potui. Ut mittam interim conquisita meo (ut ait ille) dulcique reperta labore. Quæ, quamvis pauca admodum non sint, mihi tamen videri sanè solent, quam paucissima: dum cogito, quàm multa adhuc restent, quæ nova aliqua cultura indigeant. In notis consilium non fuit de quorundam mi-nimè malorum hominum sententia quæstiones pertexere, aut è veterum scriptis in eundem sensum plura congerere, aut eorum, quos nostra hæc ætas ingenio, & eruditione præstantes plurimos tulit, scrinia compilare. Nam quis modus futurus esset cunctarum Artium, Disciplinarumque Bi-bliothecas omnes exhauriendi? Ergò in veteribus, è quo desumptum ali-quid comperimus, ei quin sua redderemus, vix aliquem prætermisimus. Alios verò non nisi cum necesse fuit, ac rarò, & perparcè citavimus; placuitque non hoc fieri, itidem ut in comædiis, omnes omnia ubi res-

cis-

ciscunt. E recentioribus vix quemquam nominavimus, nisi siquis fortè loci alicujus curationi medicam manum applicuerat.

Differentiarum librum priorem P. Pantinus Regius Capellanus è duobus manuscriptis libris correxit, quæque essent è veteribus Grammaticis accepta, vel cum iis consentirent, indicavit. Visum verò nobis est Parisiensis editionis addere differentias, partim quidem easdem, nonnunquam etiam diversas, nullo tamen ordine digestas, ut qua conditione Isidori scripta fuerint, vel ex eo libello appareat.

Posteriorem librum, qui de Theologicis Differentiis est Doctor Rolandus Wicelius Regius quoque Capellanus è duobus item manuscriptis libris emendavit.

Librum de Natura Rerum ad Sisebutum scholiis benè longis ab eo, cui fuerat commissus, auctum offendimus. Quæ, quia emendationi parum serviebant, placuit iis, qui hæc Regio jussu curabant, illis procùl rejectis, librum ex quatuor manuscriptis Codicibus, inter quos erat ex Orvetensi Ecclesia Longobardicus pervetustus, per nos reformari, notasque, quæ ex usu essent, affigi: quod est, nequè frustrà factum.

Chronicon Vir Clarissimus Garsias Loaisa, Serenissimi postea Principis Magister, Toletana nunc Ecclesia dignissimus Antistes præter emendationem, indicatosque fontes, è quibus confluit, multa insuper historiarum cognitione, variaque eruditione collocupletavit. Cui propterea lib. 5. Etymologiarum, ubi eadem omninò tempora, resque aliquanto brevius describuntur, locus integer, intactusque reservatus est. Illud mirari nemo debet; siqua temporum descriptio interdum discrepet; ille enim suos Codices, nos nostrorum consensum representavimus.

Idem Illustrissimus Antistes Sententiarum libros tres è manuscriptis XIII. codicibus (è quibus duo Longobardici) emendatos, & notis illustratos, Taurinique antea cum Chronico non satis probè excusos, longè nunc emendatiores dedit, totamque hanc editionem favore, industria, beneficio suo provexit.

Librum de Viris Illustribus Joannes Baptista Perezius, Episcopus postea Segobricensis è manuscriptis VII. emendavit, locosque illius quosdam illustravit.

Idem Gotthorum, Suevorum, & Wandalorum Historiam correxit. E quot manuscriptis libris, non liquet. In ea quod Æra DCLXIV. anno Imperii Justiniani I. edidimus, non (ut gravissimis viris placere videmus) anno Justiniani IX. secuti sumus, non tantum hujus Historie, sed etiam libri 5. Etymologiarum vetera exemplaria: quæ magno consensu Justiniano octo tantum annos assignant: utrovis autem modo Amalaricus (quod illi volunt) in eundem annum incidit. Quod item verba de S. Martyre Herminigildo Æra DCVI. Herminigildum deinde filium Imperiis suis tyran-

rannizantem obsessum exuperavit, quosdam offendunt : nos quidem vocis tyrannizantem insolentia nihil movemur : eadem namque est usus Rodericus Toletanus lib. 2. cap. 14. Herminigildum deinde filium contra Imperium tyrannizantem, obsessum Hispali dolo cœpit : Et quia nefandis ritibus noluit consentire, tormentis variis cruciavit. Demùm securi percussus parricida impius dignum Deo Martyrem consecravit. Hujusmodi aliquid de martyrio in Isidoro deesse suspicamur. Nàm quin nepoti idem cum Leandro fratre testimonium tribuerit, non fit verisimile. Atque eo magis, quòd iisdem propemodum verbis in eadem re est usus Alphonsus Cartagena Anacephaloosis cap. 26. Ut utrumque illa ex Isidoro descriptisse, planè non dubitemus.

Idem Epistolas collegit, atque correxit.

Librum de Ortu, & Obitu Patrum Petrus Fontidonius Salmanticensis Canonicus è vv. VIII. exemplaribus emendatum reliquit. Quod verò is liber gravissimis quibusdam viris suspecta auctoritatis videtur : nobis, præter tot exemplarium nostrorum, externorumque consensum, Sanctorum Ildephonsi, & Braulionis cum Sigeberto auctoritas omnibus illorum argumentis potior esse debuit.

Mysticorum Expositiones Sacramentorum nullo certo titulo præscriptas accepimus : quòd septem manuscriptorum librorum singuli singulas prorsus diversas, prorsusque ineptas præscriptiones præferbant, quarum nulla cum Parisiensi editione conveniebat. Notarat, selegeratque per totum hoc opus Vir doctissimus lectionum varietates quasdam. Sed cui fucum fecerant tum Codices quidam non satis attentè considerati ; tum Eucherii Lugdunensis editio fallax, è quo credidit bonam partem desumptam : cum contra potiùs deprehenderimus, ex Isidoro illa omnia ad Eucherium fuisse transfusa. Æquius, veriusque fuerat, eos Auctores, quibus hæc accepta refert Isidorus, Origenem, Victorinum, Hieronymum, Ambrosium, Augustinum, Cassianum, Gregorium evolvere : ni res esset laboris, tædiique multi, quæque hominem minùs occupatum, quàm ille planè fuerat, postularent. In ea re nos, quod qui vimus, prestitimus. Atquè in titulo restituendo, opus ipsum propè jam abalienatum Auctori suo restituisse videmur. Quòd ejus magna pars, Genesis scilicet tota, & libri Regum apud Eucherium leguntur : opus etiam univèrsam Venerabilis Bedæ libris attextum sit. Sed Eucherio tam multa non Isidori modo, sed aliorum inserta, vel assuta potiùs sunt, ut pudeat illorum, qui Romanæ editioni præfuerunt. Nàm (Augustinum, & Paulinum mitto, in quorum scripta an Eucherius inciderit, alii viderint) Gregorium, & Cassiodorum non potuisse ab Eucherio nominari, cujus fuit negligentie (an stuporis potiùs dicam) non vidisse ? Integer etiam de Templo Salomonis, si vè Bedæ, si vè alterius liber, in quo Cassiodorus citatur, in li-
bri

bri tertii Regum commentariam conjectus est. Sed Isidorum Eucherio adungere illius fuisse videtur, qui historicum, mysticumque sensum simul habere voluit. Bedæ verò (si modò is Beda est) cum è diversis Auctoribus quæstiones in Vetus Testamentum concinnare propositum fuerit, nequè id, nisi usque ad Exodi initium perduxerit; tamen per totam Genesim, cum aliquid ex hoc Opere proponit, vel Isidorum dissertè nominat, vel Recapitulationem subtegmen hoc appellat. Quæstionum porrò titulus in uno Oli-venensis Cænobii Codice legitur, in quo singulis expositionibus suæ sunt percunctationes prepositæ. Nequè tamen hujus Codicis quæstiones easdem puto cum iis, quarum Ildephonsus meminit in libro de Viris Illustribus. Non enim ulla in re Opus immutatum significat, nam nequè id necesse fuit, ut Quæstionum liber Hieronymi, & Augustini exemplo diceretur. Quapropter nèc veriti sumus nos quoquè Quæstionum etiam titulum retinere. Apparet etiam è Braulione has quæstiones in libros duos fuisse distinctas. Sic enim ille in prænotatione: Quæstionum libros duos, quos qui legit, veterum tractatorum supellectilem recognoscit. Nam respexisse videtur ad verba ipsius Isidori in præfatione: in quibus Lector non nostra leget, sed veterum releget. Fuerunt autem Codices, quibus usi sumus, octo: Palentinus, Valentinus, Complutensis, Guadalup. Oxomenses duo, & cujus antea meminimus, Oli-venensis: nullo ita vetusto, ut Longobardicis litteris esset notatus.

Allegorias Cyprianus Suarez è Societate Jesu emendatas cum scholiis reliquit. Quot manuscriptis libris adjutus sit, non constat.

Idem emendavit etiam libellum de Conflictu vitiorum, & virtutum. Nequè item constare potuit, quot veteres Codices acceperit. Sed non advertit doctissimus Vir, hunc tractatum cum Operibus Sancti Ambrosii Romæ nuper editum, in quo tam multa à nostris discrepant, ut nos ea singillatim referenda non duxerimus. Tantum hæc nostra qualiacumque cum Augustiniana editione propemodum congruentia, simul cum illis legi maluimus. Isidori autem esse Opusculum, (ut ipse scriptum reliquit) & Codices illius nomen preferentes, & stylus, (haud multum fortassè à Synonymis abludens) & Sigeberti testimonium optimo Viro persuaserant. Nos (ne quid dissimulemus) hoc fuisse Opus illud credimus, quod Isidori ipsius ætate Joan. Chrysostomi nomine ferebatur. Sic enim ille de Chrysostomo in libro de Viris Illustribus. Ad personam quoquè cujusdam Nobilissimæ Matronæ Gregoriæ reperitur Opus ejus insigne de Conversatione vitæ, & Institutione morum, sivè de Compugnancia virtutum, & vitiorum. Ergò scripturarum varietates, tam multas interpretibus potius, quàm librariis adscribemus. De Epilogo verò, qui apud Ambrosium brevior, in nostris aliquanto productior, apud Augustinum multò est longior; non est, quod laboremus, nam constat esse alienum, haud minus, quàm

quàm inscriptionem ad Simplicianum in Ambrosiana Editione. Nequè ex additamento conjecturam de Auctore facere Lovanienses Theologi debuerunt.

Idem Expositionem in Canticum Salomonis in uno tantum manuscripto libro repertam correxit ex Bedæ Commentariis, quos ille ex hoc fonticulo exuberasse autumabat. Causamque addidit, cur Isidoro rectè adscripta sit. Reperisse enim se in veteri quadam Braulionis prenotatione Operum Isidori verba hæc, quæ vulgò desiderantur. Moraliū libros Beati Gregorii Papæ rogatu compendiosè abbreviavit: Cantica Canticorum facunda expositione elucidavit: quartam Editionem Psalterii edidit; super libros Moysi, & Psalterium, & quatuor Evangelia expositioni non minimo insudavit studio. In Canonico quoquè, & Civili jure permaxima composuit instrumenta. Sed ne hæc quidem verba brevissima expositioni satis conveniunt. Est enim multò brevior ea Justi Urgellitani expositione, quæ Isidoro ipsi valdè brevis visa est. Quid si ex Bedæ excerpta? Hos duos libellos, quod de Auctore non satis liqueret, extremos fecimus.

Contra Judæos libros duos ex VII. manuscriptis Codicibus emendavit, annotationesque addidit Joannes Mariana è Societate Jesu: Idem in Proœmiorum libro ex totidem manuscriptis: Idem in Synonymis ex decem exemplaribus restituendis, & illustrandis præstitit.

De Ecclesiasticis Officiis libros nos ex vetustissimo Codice Albaildensi (quod Concilia plura, aliaque nonnulla contineat) ab aliis jam nobilitato, probè, ut speramus, refecimus. Nequè tamèn optimus Codex non sapè juvandus nostro labore fuit, conquisitis auctorum locis, è quibus fuerat id Opus concinnatum. Habuimus præterè exemplar aliud è Collegio Complutensi.

Regulam Monachorum, in Codice tantum uno prius repertam, admodum depravatam P. Chacon ex Smaragdo, & libro Sententiarum Patrum bona ex parte direxerat; cujus operam nos alterum Codicem naçti, & quidem Longobardicum, sed & ipsum tamen mendis oppidò deformem, permultum propevimus.

Atque hæc de singulis libris. In uni-versis verò id præ oculis habendum, excerpta esse pleraque. Id enim præ se tulit Sanctissimus Vir; cavet etiam aliquando, nè ad culpæ suæ titulum referrentur, de quibus testificatio adhiberetur Auctorum. Quæ testificatio, cum nequè ab ipso tam sapè, quàm nunc esset necesse, nequè à nobis fuerit adhibita, aut adhiberi etiam, ereptis Auctoribus nonnullis, quibus ille est usus, ullo modo potuerit: cohibebit se (si me audiet Lector) nè dum diligentissimum Scriptorem negligentia alicujus arguit, audacia, temeritatisque crimen incurrat, de quo, & ab aliis, & à se ipso fortassè non multo post sit ipse condemnandus.

*dus. Nàm sunt etiam, quæ proposuisse tantum, non etiam dijudicasse
 (nequè id nullo, sed Hieronymi, atque aliorum exemplo) sit existiman-
 dus. Cujusmodi sunt in Historia, quæ de trium capitulorum defensoribus
 in Theodoro Mopsestueno, in Facundo, in Justiniano Imperatore, atque
 in Victore Tunnensi ex ipso Victore narravit. Qualia fortassè fuerint,
 quæ in libro de Ortu, & Obitu Patrum à gravissimis Viris notata sunt,
 ut Isidoro indigna. Quorum Auctor alius quarendus potius fuit, quàm
 liber abjiciendus, qui SS. Ildephonsi, & Braulionis auctoritate nite-
 retur. Quibus addas licet, me lubente, quæ de Osii Cordubensis exitu ex
 Marcellino refert. Nequè id mirum videri debet ei, qui libro v. Etymolo-
 giarum cap. ult. imo. Etate iv. sub David Carthaginem conditam, eam-
 demque multis post annis sub Amasia rursus conditam aspiciat. Qua ta-
 men de re in Chronico sibi carvit. Subjecit enim in Amasia: Carthaginem
 hoc tempore quidam asserunt conditam: alii verò superius.*

*Quo de genere sunt etiam alia quadam in Etymologiis: non illa qui-
 dem magni momenti: sed interdum etiam secum ipsa pugnantia; ut
 quod exsul scribendum sit, non exul: at contra exultat, non exultat.
 Atqui illud è Terentio Scauro hoc è Velio Longo sumptum videri possit,
 quod satis esse debet.*

*Malitiosè, & impiè adjecta credimus, quæ de præfinitione extrema
 diei cap. vi. Expositionum in Genesim abesse prorsus à quibusdam exem-
 plaribus in aliis importunè repeti admonuimus. Nisi hæc quoquè non
 de suo, sed de aliorum sensu relata, propositaque cum Doctissimo Viro
 mavis. Sed hujusmodi vix aliud reperiās: ut libros omnes inoffenso pede
 possis decurrere.*

*Detracta etiam quadam suspicamur, ut quod paulo-antè de Sancti
 Herminigildi martyrio diximus.*

*Typographorum culpas omnes præstare vix ejus sit, qui etatem in
 hoc uno labore contriverit, præloque affixus perpetuo hæserit. Nos hujus
 rei inexperti, aliisque difficultatibus impediti obniti tantum non potui-
 mus. Quod superest, nè qua majoris negotii restent, in quibus labi, aut
 hære possis, quin de iis admonerere, sedulò curavimus.*

SANCTI BRAULIONIS

CÆSARAUGUST. EPISCOPI

PRÆNOTATIO LIBRORUM D. ISIDORI.

ISIDORUS Vir egregius, Hispalensis Ecclesiæ Episcopus, Leandri Episcopi Successor, & Germanus floruit à tempore Mauritiî Imperatoris, & Reccaredi Regis: in quo quiddam sibi antiquitas vindicavit, immò nostrum tempus antiquitatis in eo scientiam imaginavit: Vir in omni locutionis genere formatus, ut imperito, doctoquæ secundum qualitatem sermonis existeret aptus, congrua verò opportunitate loci incomparabili eloquentia clarus. Jam verò quantus sapientia fuerit, ex ejus diversis studiis, & elaboratis opusculis perfacilè prudens Lector intelligere poterit. Deniquè de iis, quæ ad noticiam nostram venerunt, ista commemoravi. Edidit libros Differentiarum duos, in quibus subtili discretionè ea, quæ confusè usu proferuntur, sensu discrevit. Procemiorum librum unum, in quo, quid quisque liber Sanctæ contineat Scripturæ, brevi subnotatione distinxit. De Ortu, & Obitu Patrum librum unum: in quo eorum gesta, dignitatem quoquè, & mortem eorum, atque sepulturam sententiali brevitate subnotavit. Ad Germanum suum Fulgentium, Episcopum Astigitanum Officiorum libros duos: in quibus originem Officiorum, cur unumquodque in Ecclesia Dei agatur, interprete suo stylo non sine Majorum auctoritate elicuit. Synonymorum libros duos: quibus ad Consolationem animæ, & ad Spem percipiendæ veniæ, intercedente rationis exhortatione, erexit. De Natura Rerum ad Sisebutum Regem librum unum: in quo tam de Ecclesiasticorum Doctorum, quàm etiam de Philosophorum indagine obscura quædam de elementis absolvit. De Numeris librum unum: in quo Arithmeticam propter Numeros Ecclesiasticis Scripturis insertos ex parte tetigit disciplinam. De Nominibus Legis, & Evangeliorum librum unum, in quo ostendit: quid memoratæ personæ mysterialitèr significant. De Hæresibus librum unum: in quo Majorum sequutus exempla, brevitate qua potuit, diffusa collegit. Sententiarum libros tres, quos floribus ex libris Papæ Gregorii Moraliis decoravit. Chronicorum à principio Mundi usque ad tempus suum, librum unum nimia brevitate collectum. Contra Judæos, postulante Florentina Germana sua proposito virgine, libros duos in quibus omnia, quæ Fides Catholica credit, ex Legis, & Prophetarum testimoniis approbavit. De Viris Illustribus librum unum. Cui nos ista subjunximus: Monasticæ Regulæ librum unum, quem pro Patriæ usu, & invalidorum animis decentissimè temperavit. De Origine Gotthorum, & Regno Suevorum, & etiam Wandalorum Historia librum unum. Quæ-
tio-

tionum libros duos; quos qui legit, veterum tractatorum multam supellectilem recognoscit. Etymologiarum Codicem nimia magnitudine, distinctum ab eo titulis, non libris, quem quia rogatu meo fecit, quamvis imperfectum ipse reliquerit, ego in viginti libros divisi. Quod Opus omnimodò Philosophiæ conveniens quisquis crebra meditatione perlegerit, non ignotus divinarum, humanarumque rerum scientia meritò erit. Ibi redundans diversarum artium elegantia, ubi quæcumque ferè sciri debentur, restricta collegit. Sunt & alia ejus Viri multa Opuscula, & in Ecclesia Dei multo cum ornamento inscripta. Quem Deus post tot defectus Hispaniæ novissimis temporibus suscitans (credo ad restauranda antiquorum monumenta, nè usquequaque rusticitate veterasceremus) quasi quamdam apposuit destinam. Cui non immeritò illud Philosophicum à nobis aptatur: Nos, inquit, in nostra Urbe peregrinantes, errantesque tanquam hospites, tui libri, quasi domum, reduxerunt: ut possimus aliquando qui, & ubi essemus agnoscere. Tu ætatem Patriæ, tu descriptiones temporum, tu sacrorum jura, tu Sacerdotum, tu domesticam, publicamque disciplinam, tu Sedium, Regionum, locorum, tu omnium divinarum, humanarumque rerum nomina, genera, officia, causas aperuisti. Quo verò flumine eloquentiæ, & quot jaculis divinarum Scripturarum, seu Patrum testimoniis Acephalitarum hæresim confoderit; Synodalia gesta coram eo Hispali acta declarant. In qua contra Gregorium præfate hæresis Antistitem eam asseruit veritatem. Obiit temporibus Heraclii Imperatoris, & Christianissimi Chintilani Regis, sana doctrina præstantior cunctis, & copiosior operibus charitatis.

EX SANCTI ILDEPHONSI TOLETANI EPISCOPI

LIBRO DE VIRIS ILLUSTRIBUS.

ISIDORUS post Leandrum Fratrem Hispalensis Sedis Provinciæ Bethicæ Cathedram tenuit : Vir decore simul , & ingenio pollens : nam tantæ jucunditatis affluentem copiam in eloquendo promeruit , ut ubertas admiranda dicendi ex eo in stuporem verteret audientes , ex quo audita bis , qui audisset non nisi repetita sæpius commendaret. Scripsit Opera , & eximia , & non parva , id est , librum de Ortu , & Obitu Patrum : librum Lamentationis , quem ipse Synonymorum vocavit : libellos duos ad Florentinam Sororem contra nequitiam Judæorum : librum de Natura Rerum ad Sisebutum Principem : librum Differentiarum : librum Sententiarum. Collegit etiam de diversis Auctoribus , quod ipse cognominat , Secretorum Expositiones Sacramentorum , quibus in unum congestis , idem liber dicitur Quæstionum. Scripsit quoque in ultimo ad petitionem Braulionis Cæsaraugustani Episcopi librum Etymologiarum , quem cum multis annis conaretur perficere , in ejus Opere diem extremum visus est conclusisse. Floruit temporibus Reccaredi , Liuvani , Witterici , Gundemari , Sisebutis , Suinthilani , & Sisenandi Regum : annis ferè quadraginta tenens Pontificatus honorem , insignemque doctrinæ sanctæ gloriam pariter , & decorem.

EX SIGEBERTI GEMBLACENSIS

LIBRO DE VIRIS ILLUSTRIBUS.

ISIDORUS Junior , Hispalensis Episcopus , multa scripsit. Scripsit ad Braulionem Episcopum xx. libros Etymologiarum. Scripsit librum Proœmiorum de libris Veteris, & Novi Testamenti , quos in Canonem recepit Ecclesia Catholica. De Ecclesiasticis Officiis ad Fulgentium. De Ortu, Vita, & Obitu Sanctorum Patrum , qui in Scriptura laudibus effe-
runtur. Ad Orosium librum de Significationibus Nominum. Ad Sisebutum librum de Natura Rerum. Scripsit & librum de Differentiis Verborum : librum de Proprietate Rerum : librum Sermonum : librum Ecclesiasticorum Dogmatum. Scripsit Synonyma, ubi inducuntur duæ personæ : una hominis plagentis, altera rationis admonentis. Scripsit & lamentum poenitentis, distinctum alphabeto, addita oratione. Scripsit de Conflictu virtutum, & vitiorum librum unum. De Mysteriis Salvatoris librum unum. Totum Vetus Testamentum simpliciter exponendo percurrit. Scripsit & alia seculari literaturæ competentia, quæ commemorare nihil ad nos.

OBITU S BEATI ISIDORI

A REDEMPTO CLERCO

RECENSITUS.

VISUM est mihi, ut tuæ Sanctitati breviter exponerem, qualiter bonæ recordationis Dominus meus Isidorus Hispalensis Ecclesiæ Metropolitanus Episcopus poenitentiam acceperit, suamque confessionem erga Deum, vel homines habuit: vel quomodo de hoc seculo ad Cœlum migrarit, fidei prænotationis meæ stylo, tuæ Dilectioni notescerem. Quæ res me primum compulit pro hac solitudine, quam ex amore in eum offertis, vestræ Charitati gratias agere: deinde, quia vera supprimere nequeo, & quod de eo, pauca de multis colligere potui, te orante, dicere cogor. Dùm finem suum, nescio qua sorte, jam prospiceret, & fatigatum corpus ægritudine assidua subtiliter animæ natura prævideret: tantam eleemosynam quotidianis diebus per sex penes menses, seu amplius, plusquam erat solitus pauperibus ab eo est erogata, ut Oriente Sole, usque in vespertum multis illis in accipiendam maneret substantiam. Post hæc vulnere percussus est, ita ut dùm febris in corpore convalesceret, & cibum rejiceret debilitatus stomachus. Ad poenitentiam convaluit, atque suos Coepiscopos Joannem, scilicet, & Apartium beatissimos mox adesse fecit præsentem. Et dùm à cellula sua ad Basilicam Sancti Vincentii Martyris adduceretur, cuncta agmina pauperum Clericorum, Religiosorum omnium, cunctarumque hujus Civitatis plebium cum vocibus, & magno ululatu eum susceperunt, ut si ferreum possideret quispiam pectus, solveretur mox in lacrymas, & lamentum totus. Et dùm in prædicti Martyris Basilicam juxta Altaris cancellum in medio poneretur Choro, mulierum turbas longius stare præcepit: ut in accipiendo ipse poenitentiam, virorum tantum, non illarum, circa eum cerneretur præsentia. Et dùm à prædictis Sacerdotibus ab uno cilicio, ab altero super se mitti * exponere cinerem, expandens manum ad Cœlum, ita exorsus est, dicens: Tu Deus, qui nosti corda hominum, & Publicano longè posito, dùm pectus percuteret suum, dimitti peccata dignatus es; qui Lazarum dormientem de monumento post resolutionem carnis die quarta dignatus es resuscitare, & Abrahæ Patriarchæ sinus eum reciperet, voluisti; suscipe in hac hora confessionem meam, & peccata, quæ innumerabiliter contraxi, ab oculis differ tuis: non reminiscaris mala mea, & juventutis delicta nè memineris. Tu, Domine, non posuisti poenitentiam justis, qui non peccaverunt tibi; sed mihi peccatori, qui peccavi super numerum arenæ maris. Non inveniatur in me hostis antiquus, quod pu-

puniat. Tu scis, quia postquam infelix ad onus istud, potius quam ad honorem, in hanc Sanctam Ecclesiam indignè perveni, peccare nunquam sinivi; sed ut iniquè agerem, laboravi. Et quia tu dixisti: In quacumque hora peccator à viis suis reverterit, omnes iniquitates suas traderes oblivioni: hujus præcepti memor sum tui. Clamo utiquè cum spe, & fiducia ad te, cujus Cœlos aspicere non sum dignus præ multitudine peccatorum, quæ conversantur in me. Adesto, & suscipe orationem meam, & mihi peccatori dona veniam postulatam. Quòd si Cœli non sunt mundi in conspectu tuo, quantò magis ego homo, qui bibi, quasi aquas, iniquitatem, & sumpsi, ut colostrā, peccatum. His igitur consummatis, Corpus, & Sanguinem Domini cum profundo gemitu cordis, indignum se judicans, ab ipsis suscepit Pontificibus. Deindè eorumdem Sacerdotum, & quicumque de Clero erant, civium cunctarumque plebium veniam precabatur, dicens: Deprecor vos, Sanctissimi Domini mei Sacerdotes, Sanctamque Congregationem Clericorum, & Populi: ut pro me infelici, & pleno omni sorde peccati ad Dominum vestra porrigatur oratio: ut qui meo merito Dei non sum dignus impetrare clementiam, intercessu vestro merear consequi meorum veniam delictorum. Dimittite mihi, obsecro, indigno, quod in unumquemque commisi vestrum: si quem contempsi odio, si quem rejeci impiè charitatis consortio, si quem maculavi consilio, si quem læsi irascendo: dimittite nunc petenti, immò, & poenitenti. Et dum una voce omnes pro eo indulgentiam postulassent, & unicuique debiti sua vincula, vel chirographa condonassent: circumstantes iterum admonuit, dicens: Sanctissimi Domini mei Episcopi, & omnes, qui adsunt, rogo, & obsecro: ut charitatem invicem vobis exhibeatis, non reddentes malum pro malo: nèc velitis esse susurro in Populo: non inveniat in vobis hostis antiquus, quod puniat: non reperiatur à vobis relictum lupus rapax, quem auferat: sed potius ereptam ab ore lupi ovem pastor suis humeris congaudens reportet ad hanc caulam. Igitur post hanc confessionem, vel orationem, residuam egenis, & pauperibus mox dari jussit pecuniam. Cui tamen fideli sit dubium, ut non statim, dimisso omni facinore, associaretur societatibus Angelorum? Interea se ab omnibus osculari studuit, dicens: Si ex toto corde dimiseritis ea, quæ in vos adversa, vel prava usque hæcenus intuli; dimittet vobis Creator Omnipotens omnia delicta vestra; ita ut sacri fontis unda, quam hodiè devotus est Populus percepturus, sit vobis in remissionem peccatorum, & hoc osculum inter me, & vos maneat in testimonium futurorum. Completis his omnibus, ad cellulam reductus est, & post diem confessionis, vel poenitentiae quantum pastorem jugiter curam, & finem suum consummavit in pace. Amen. Sub die pridie Kalend. April. Luna xix. Æra DCLXXIV.

EX CONCIL. TOLETAN. VIII.

CAPUT II.

NOSTRI quoquè sæculi Doctor egregius, Ecclesiæ Catholicæ novissimum Decus, præcedentibus ætate postremus, doctrinæ comparatione non infimus, & (quod majus est) in sæculorum fine doctissimus, atquè cum reverentia nominandus, Isidorus.

CANONES EX D. ISIDORO.

APUD GRATIANUM.

C Anon.	d. 3	Omne genus.	22. q. 2
Canones generalium.	d. 15	Omnes Leges.	d. 1
Canones , qui.	d. 16	Omnis autem.	d. 3
Christiani.	d. 34	Parvuli , <i>de Consec.</i>	d. 4
Cleros.	d. 21	Pauper.	11. q. 3
Conjuges.	27. q. 2	Perlectis.	d. 25
Consanguinitas.	35. q. 4	Plebiscita.	d. 2
Constat Baptisma , <i>de Consec.</i>	d. 4	Post Pascha.	d. 76
Constitutio.	d. 2	Primo gradu.	35. q. 5
Consuetudo.	d. 1	Principes seculi.	23. q. 5
Cum excommunicato.	11. q. 3	Privilegia.	d. 3
Domino Sancto.	d. 50	Quacumque Arte.	22. q. 5
Erit autem.	d. 4	Quædam etiam.	d. 2
Factæ sunt.	d. 4	Quidam autem.	24. q. 3
Fœminæ.	30. q. 5	Qui scelerate , <i>de Consec.</i>	d. 2
Fuerunt autem.	d. 7	Qui in Materno , <i>de Consec.</i>	d. 4
His igitur.	d. 23	Quicumque.	20. q. 1
Hoc ipsum.	33. q. 2	Quicumque.	27. q. 2
Ideo prohibetur.	d. 37	Quod conditio.	27. q. 1
In malis.	22. q. 4	Quos Deus.	33. q. 2
Irrisor , <i>de Pœnitentia.</i>	d. 3	Raptus est.	27. q. 2
Jus autem.	d. 1	Raptus quoque.	37. q. 1
Jus Civile.	d. 1	Regula.	d. 3
Jus Gentium.	d. 1	Responsa.	d. 2
Jus Militare.	d. 1	Rhodiæ.	d. 2
Jus Naturale.	d. 1	Romanus Pontifex , <i>de Consec.</i>	d. 3
Jus Publicum.	d. 1	Sanè consanguinitates.	35. q. 3
Jus Quiritium.	d. 1	Satyra verò.	d. 2
Justum est Bellum.	23. q. 2	Sciendum.	d. 29
Justum est Principem.	d. 9	Senatus-Consultum.	d. 2
Lex est constitutio scripta.	d. 1	Series consanguinitatis.	35. q. 5
Lex est constitutio Populi.	d. 2	Sicùt Viri.	d. 40
Liberi dicti.	32. q. 4	Si is , qui præest.	11. q. 3
Mos est.	d. 1	Si in Plebibus.	d. 63
Moyses.	d. 7	Si Presbyter.	1. q. 1
Non est contra.	22. q. 1	Si quis Diaconus.	d. 50
Non est observandum.	22. q. 4	Si quis Præventus.	22. q. 4
Non est peccatum.	d. 6	Sortilegi.	26. q. 1
Non mœchaberis.	32. q. 5	Valer interdum.	d. 81
Non potest.	32. q. 5	Usus auctoritati	d. 11
Non solum.	32. q. 7		

SCRIPTORES A D. ISIDORO.

Vel citati, vel quibus maximè videatur usus.

Æ Milius Macer.	Fulgentius.	Papinius.
Afranius.	Gennadius.	Paulinus.
Ambrosius.	Grachus in Mævium.	Paulus Juris-Consultus.
Apulejus.	Gregorius Magnus.	Paulus Orosius.
Arati Comentaria La-	Gregorius Nazianzenus.	Persius.
tinè.	Hegesippus.	Plautus.
Aristoteles.	Hieronymus.	Plinius.
Atta.	Hylarius.	Prosper Aquitanicus de
A. Gellius.	Hippolytus de Cyclo	Cyclo Paschali.
Boethius.	Paschali.	Prudentius.
Braulio.	Horatius Flacus.	Publius.
Cæcilius.	Hyginus de Limitibus	Quintilianus.
Cælius Aurelianus.	agrorum.	Rhemius Palemon de
Cajus Jurisc.	Hyginus Astronom.	Ponderibus.
Cassianus.	Innocentius I.	Salvius.
Cato.	Joannes Chrysostomus.	Salustius.
Catullus.	Julius Africanus.	Sedulius.
Cicero.	Julius Atticus.	Sergius.
Cinna.	Justiniani Institutiones.	Servius Grammaticus.
Clemens I.	Justinus.	Servius Honoratus.
Columella.	Juvenalis.	Siculus Flaccus.
Cornelius Tacitus.	Lactantius.	Solinus.
Cyprianus.	Leo Papa I.	Statius.
Cyrillus Alexandrinus.	Livius.	Suetonius Tranquillus.
Cyrillus Hierosolymita-	Lucanus.	Terentianus.
nus.	Lucilius.	Terentius.
Dionysius Lintius.	Lucretius.	Tertulianus.
Dioscorides.	Macrobius.	Theophilus Alexand. de
Donatus Grammaticus.	Martialis.	Cyclo Paschali.
Donatus in Terentium.	Monatius, vel Matius.	Turpilius.
Dracontius.	Nævius.	Valgius.
Ennius.	Nazarius in Panegyri.	Varro.
Epiphanius.	Nigidius.	Victorinus de Cyclo Pas-
Eusebii Chronicon.	Nonius Marcellus.	chali.
Eutropius.	Origenes.	Virgilius.
Festus Pompejus.	Ossidius Geta.	Vitruvius.
Flavius.	Ovidius.	Ulpianus.
Frontinus.	Pacuvius.	
Fronto.	Palladius.	

AD ETYMOLOGIARUM

LIBROS.

J O. G R I A L.

ORIGINES verborum, qui tradunt, si vè se intra Grammaticorum fines contineant, si vè philosophandi studio latius evagentur, si vè utrumque (quod Sancti Isidorus fecit) sequantur ; periculosa tractant plenum Opus alex. Id quod non modò Plato, & Varro, Stoicique, (quos hujus rei perstudiosos fuisse è Cicerone novimus) sed gravissimi quique è nostris nimium experti sunt. Nequè tamen ipsorum culpa, sed eorum vitio, qui quid illi spectarint, non sunt satis assecuti. Cujus rei caput illud est præcipuum ; quòd cum uniuscujusque verbi (ut ait Varro) natura sint due ; à qua re, & in qua re vocabulum sit impositum : illudque spectare Grammatici, hoc magis sit Philosophi : priorem illam rationem ingressis, huicque discipline (quæ Ετυμολογικὴ dicitur) insistentibus multi difficiles se, & morosos identidem exhibent ; diu ad syllabas, & litteras omnia revocantes, si quid paullulum deerrarit, id ut dissimulent, imperare sibi non possunt. At qui alterum genus, (quod περὶ συμμανομένων idem Varro neminat) sibi preponunt ; diu rebus ipsis edocendis, atque oculis subjiciendis intenti, occasionem tantum in vocibus captant, nequè tam verbis, quàm rebus lucem inferre student ; ii verò, diu parum Grammaticos videri se negligunt, in minus eruditorum opinionem incurrunt : cum sint maxima ex parte illis ipsis, qui Artem hanc unam profitentur, ea in ipsa longè sollertiores, modò animum ad eam rationem adhibeant, quàm seriò se nosse dissimulant. Quis enim credat, quæ res minutissimis Grammaticis obvia sint, eas doctrinarum omnium parentes, ac repertores usque adeò fugisse, ut se deridendos levissimis hominibus tam sæpè propinarint ? An erit, qui Ciceroni tumultum timorem multum, Sulpitio testamentum mentis testationem, Tertulliano limum liquorem opimum fuisse, persuasum habeat ? Aut qui Sylvestrum, & Romanæ Synodi Patres Curiam à cruore dictam existimasse arbitretur ? Nàm ex Platone, Varrone, Hieronymo exempla congerere superfluum. Cum duo priores jam olim ea de re vulgò male audiant : Hieronymus verò culpam hanc (si modo culpa est) ita agnoscat, ut sibi ipse ignoscat ; nequè enim aliter toties illam in se admitteret, Græcis, & Latinis nominibus Hebraicas notationes (ut ipsius utar verbo) tam violentè assignans. Lussisse, inquires,

gravissimos viros? Non nego. Illud ajo assecutos, ut cum luisse existimari voluerint, turpiter labi minus prudentibus hominibus videantur. Sed rursus eos, si vè lusus, si vè ineptias appellent; non carere fructu, & utilitate dico. Nam, quin res, aut involutas explicent, aut obscuras in apertum producant, aut quæ notæ, manifestæque sint, acrius, ut sensus irritent, faciant, æquus harum rerum estimator negabit nemo. Mantum (quod indumentum Hispanicum dicit esse Suidas) Isidorus, quod manus tegat tantum, nominatum vult. Qua notatione profusiore nos ea veste nunc uti ostendit, utpote quæ non manus solum, sed pedes quoque jam tegat. Loricam noverat è Servio suo (neque enim librum alium tam legendo triverat) tegmen esse de loro factum. Loris carentem dixisse maluit; ut à lorica, quæ jam olim exolevisset ad circulis consertam ferreis Lectoris animum, oculosque converteret. Sexcenta sunt hujusmodi. De definitionibus, qui scripsere, cum unam, quæ rei naturam proximè attingat, veræ definitionis nomine dignentur, tamèn reliquas ita non fastidiunt, ut earum plurima genera sedulo conquirant (nam quindecim, aut iis etiam plura Victorinus, & Boethius prodidere) notationum, quæ verborum enodationes, descriptionesque sunt, conceptiones varias, cur tantoperè aversentur, si queras: causam quam afferant? Nisi fortè, id se indignari, quod aberrationes hujusmodi in verborum, quam in rerum lusu magis appareant. At minori apparent cum periculo, non minori interdum cum fructu. Ut si qua in re, in hac planè verum sit, quod ait Flaccus: ridiculum acri, fortius, & melius magnas plerumquè secat res. Sed ad Isidorum redeamus. Qui cum omne Scriptorum genus diligentissime pervolutaret: optimum ratus, si parum eruditi seculi hominibus brevem, facilemque viam ad disciplinas omnes aperiret: ut simul, & rerum, & verborum notitiam traderet, quaque liceret, in ipsis vocibus hæc omnia ostenderet; nihil aptius visum, quàm si vocum enucleandis notionibus, & proprius earum usus ostenderetur, & rerum iisdem subjectarum, audito sono, observaretur ante oculos, maneretque veluti spectrum quoddam, atque simulacrum. Quod cum faceret, plurimas quidem si vè origines, si vè explicationes è veteribus Scriptoribus desumpsit; sed neque veritus est ipse illorum exemplo (quod bonum sibi esset, atque commodum) novas quoque proferre, consimilique ludo ludere. Eorum, inquam, exemplo, quorum emulari exoptavit negligentiam, non admodum perent, attendissent, minus sapè, minusque audacter in illum sævirent. Ridiculi enim planè ipsi sunt, cum ea multoties rident, quæ illorum, quos ipsi venerantur, quosque hic noster Auctores habuit, bona ex parte fuisse reperiuntur. Quos spero fore jam æquiores, cum multa, quæ quasi Isidoriana, cachinno excipiebant, vetustioribus Auctoribus reddita videbunt.

Quòd

Quòd si hoc Opus, aut perfecisset D. Isidorus, aut non damnis auxissent maximis Lectores: non diffideremus fortasse omni illum propemodum culpa liberare. Testatur enim ex veteris lectionis recollectione collectum: aliorum autem vitia prestare nolle se, disertè ipse profitetur. Nunc verò, cum Auctoris summa abfuerit manus, interpolaritque hæc, & digesserit (ut quibusdam videtur) Braulio; Lectores, quod in hoc volumine satis magnam, satisque lautam librorum suppellectilem per id tempus sibi esse ducebant, quidquid aliundè possent, huc congererent; librarii, quidquid illitum chartarum margini cernerent, pro se quisque certatim in contextum inferrent; cujus audaciæ, (an impietatis potius dicam?) tam multis aliorum delictis ad Isidori invidiam abuti? Sed ut quid in eo reprehendant, videamus, accusationis capita proposuisse fuerit operæpretium. Vocibus (inquiunt) Latinis Græcas, Græcis Latinas origines tribuit. Quæ priora sunt, è posterioribus oriri vult. Orthographiæ rationem nullam ducit. Quæ verborum productiones sunt, in stirpibus, & radicibus numerat. Pro certis originibus origines alias, quæ significationibus subseruiant, arbitrio suo supponit. Ad hanc opinor summam crimina omnia referri. Quæ nisi communia illi cum optimis Auctoribus ostendero, non causam dico, quin, quod meritis est, ferat. Sed pluribus exemplis non utar: quod indicatis locis, facile sibi quisque ingentem sylvam comportare possit. Artem, & oratorem Latinas esse voces ambigit nemo. At Artem Donatus ἀρτεν, oratorem ἀρατῆρα voluit esse Festus. Quam multa eodem modo Varro ex iis etiam, quæ in utroque agro (ut ait ille) non serpunt? Quid? Qui ex nostris Jesum Ἰησοῦν, Cephas κεφαλῆν esse dixerunt, quorum nominum certas origines, & interpretationes ex Evangelio noverant? At qui Viri? Quatuor à figura quadrata deduxit Isidorus, cum quadratum è quatuor oriri rectum, simplexque videatur. Nonnè jus eodem modo à justitia traxit Ulpianus? Orthographiæ rationem nullam ducit. Quid? Qui hortum ab oriendo, aut hederam ab edendo, aut ab herendo dictam docet? At is est Festus Pompejus. Cui verò productiones pro stirpibus non sint, ut Sulpitio in testamento, Aquillio in postliminio; eorum, qui in hoc ludo se exercuerunt, arbitror omninò fuisse neminem. Quid illis facias, qui de originum suppositionibus, quo significationes magis appareant, quaeruntur? Nisi Grammaticorum inter jubeas plorare Cathedras? Nam cum sinistrum, quantum ad auguria attinet, & Senatorem, quantum ad agendi facultatem, utrumque à sinendo trahit Servius; nonne aliud veriloquium sciens, prudensque dissimulat? Quid? Quod nonnumquam ita fieri res ipsa cogit. Germanum negat esse Varro de eodem germine, sed de eadem genitrice manantem. Quid cum dignitati, vel honestati serviunt, aut melius aliquid innuunt, quam voces præ se ferant? Ignorabat idem Varro, culinam, quam in postica domus parte fuisse dixerat,

à

à postica animalis parte dictam? A colendo ignem duxisse maluit. Obscurum Isidoro fuerat, medicinam à medendo oriri? A modo deflexit; ut ejus qualis usus esse deberet, ostenderet. Sed instant clamoribus, atque urgent; etymologias, veriloquiaque, quæ nequè etymologia, nequè veriloquia sint, appellari nequaquam debuisse: itaque nequè etymologiarum nomine libros fuisse præscribendos. Quasi non ἀλαζὼν μάρτυς ἡ ἐτυμολογία à Galeno dicta sit? Sed laborasse planè videtur Sanctissimus Vir, ut Opus longè utilissimum, & (ut illa ferebant tempora) immensi laboris, exigue admodum, & (ut ità dixerim) exiliter indicaret. Itaque rerum plurimarum doctrina refertos Commentarios, quasi nomina sola continerent, Etymologiarum libros appellari voluit; aut certè, cum longius progressus est, Opus de quarundam rerum origine ad Braulionem mittere se scribit. Qua præscriptione quid verecundius, aut modestius excogitari potuit? Ergò id ille consecutus est, ut posteri non quarundam, sed omnium (propè dixerim) rerum, ac verborum ab his libris habere se cognitionem ad hæc usque tempora perpetuò agnoverint, & magna voce prædicaverint.

INDEX CAPITUM IN LIBRIS ETYMOLOGIARUM.

LIBER PRIMUS.

De Grammatica.

DE Disciplina.	Cap. 1
De Septem liberalibus Disciplinis	2
De Litteris communibus.	3
De Litteris Latinis.	4
De Grammatica.	5
De Partibus Orationis.	6
De Nominē.	7
De Pronomine.	8
De Verbo.	9
De Adverbio.	10
De Participio.	11
De Conjunctione.	12
De Præpositione.	13
De Interjectione.	14
De Voce.	15
De Syllaba.	16
De Pedibus.	17
De Accentibus.	18
De Figuris Accentuum.	19
De Positura.	20
De Notis Sententiarum.	21
De Notis Vulgaribus.	22
De Notis Juridicis.	23
De Notis Militaribus.	24
De Notis Litterarum.	25
De Notis Digitorum.	26
De Orthographia.	27
De Analogia.	28
De Etymologia.	29
De Glossis.	30
De Differentiis.	31
De Barbarismo.	32
De Solæcismo.	33
De Vitiis.	34
De Metaplasmis.	35
De Schematibus.	36
De Tropis.	37
De Prosa.	38
De Metris.	39
De Fabula.	40
De Historia.	41
De Primis Auctoribus Historiarum.	42
De Utilitate Historiæ.	43
De Generibus Historiæ.	44

LIB. II.

De Rhetorica, & Dialectica.

DE Rhetorica, & ejus Nomine.	Cap. 1
De Inventoribus Rhetoricæ Artis.	2
De Nomine Oratoris, & Partibus Rhetoricæ.	3
De Tribus Generibus Causarum.	4
De Gemino Statu Causarum.	5
De Tripertita Controversia.	6
De Quatuor Partibus Orationis.	7
De Quinque Modis Causarum.	8
De Syllogismis.	9
De Lege.	10
De Sententia.	11
De Catasceve, & Anasceve.	12
De Prosopopœja.	13
De Ethopœja.	14
De Generibus Quæstionum.	15
De Elocutione.	16
De Trimodo Genere dicendi.	17
De Colo, Commate, & Periodis.	18
De Vitiis Litterarum, & Verborum, & Sententiarum Cavendis.	19
De Juncturis Verborum.	20
De Figuris Verborum, & Sententiarum.	21
De Dialectica.	22
De Differentia Dialecticæ, & Rhetoricæ Artis.	23
De Definitione Philosophiæ.	24
De Isagogis Porphyrii.	25
De Categoriis Aristotelis.	26
De Perihermenii Aristotelis.	27
De Syllogismis Dialecticis.	28
De Divisione Diffinitionum ex Marii Victorini Libro abbreviata.	29
De Topicis.	30
De Oppositis.	31

LIB. III.

De Quatuor Disciplinis Mathematicis.

DE Vocabulo Arithmeticæ Disciplinæ.	Cap. 1
De Auctoribus ejus.	2
Quid sit Numerus.	3

Quid

Quid Præsent Numeri.	4	De Effectu Solis,	51
De Prima Divisione Parium , & Impariorum.	5	De Itinere Solis.	52
De Secunda Divisione totius Numeri.	6	De Lumine Lunæ.	53
De Tertia Divisione totius Numeri.	7	De Formis Lunæ.	54
De Differentia Arithmetica , Geometriæ, & Musicæ.	8	De Interlunio Lunæ.	55
Quod Numeri infiniti existunt.	9	De Cursu Lunæ.	56
De Geometriæ Inventoribus , & Vocabulo ejus.	10	De Vicinitate Lunæ ad Terras.	57
De Quadripertita Divisione Geometriæ.	11	De Eclipsi Solis.	58
De Figuris Geometriæ.	12	De Eclipsi Lunæ.	59
De Principiis Geometriæ.	13	De Differentia Stellarum Siderum , & Astrotorum.	60
De Numeris secundum Geometriam quærendis.	14	De Lumine Stellarum.	61
De Musica , & ejus Nomine.	15	De Situ Stellarum.	62
De Inventoribus ejus.	16	De Cursu Stellarum.	63
Quid possit Musica.	17	De Vario Cursu Stellarum.	64
De Tribus Partibus Musicæ.	18	De Intervallis Stellarum.	65
De Triformi Musicæ Divisione.	19	De Numero Circulari Stellarum.	66
De Prima Divisione Musicæ , quæ Harmonica dicitur.	20	De Stellis Planetis.	67
De Secunda Divisione , quæ Organica dicitur.	21	De Præcedentia , & Antegradatione Stellarum.	68
De Tertia Divisione , quæ Rythmica nuncupatur.	22	De Remotione , vel Retrogradatione Stellarum.	69
De Musicis Numeris.	23	De Statu Stellarum.	70
De Astronomia.	24	De Nominibus Stellarum , quibus ex causis nomina acceperunt.	71
De Inventoribus ejus.	25		
De Institutoribus Astronomiæ.	26		
De Differentia Astronomiæ , & Astrologiæ.	27		
De Astronomiæ Ratione.	28		
De Mundo , & ejus Nomine.	29		
De Forma Mundi.	30		
De Cælo , & ejus Nomine.	31		
De Situ Sphæræ Cœlestis.	32		
De Motu ejusdem.	33		
De Cursu ejusdem Sphæræ.	34		
De Celeritate Cœli.	35		
De Axe Cœli.	36		
De Cœlestibus Polis.	37		
De Cardinibus Cœli.	38		
De Convexis Cœli.	39		
De Januis Cœli.	40		
De Gemina Cœli facie.	41		
De Quatuor Partibus Cœli.	42		
De Hemisphæris.	43		
De Quinque Circulis Cœli.	44		
De Zodiaco Circulo.	45		
De Candido Circulo.	46		
De Magnitudine Solis.	47		
De Magnitudine Lunæ.	48		
De Natura Solis.	49		
De Cursu Solis.	50		

LIB. IV.

De Medicina.

DE Medicina.	Cap. 1
De Nomine ejus.	2
De Inventoribus Medicinæ.	3
De Tribus Hæresibus Medicorum.	4
De Quatuor Humoribus Corporum.	5
De Acutis Morbis.	6
De Chronicis Morbis.	7
De Morbis , qui in superficie cutis videntur.	8
De Remediis , & Medicaminibus.	9
De Libris Medicinalibus.	10
De Instrumentis Medicorum.	11
De Odoribus , & Unguentis.	12
De Initio Medicinæ.	13

LIB. V.

De Legibus , & Temporibus.

DE Auctoribus Legum.	Cap. 1
De Legibus Divinis , & Humanis.	2
Quid differant inter se Jus , Leges , & Mores.	3
Quid Sit Jus Naturale.	4
Quid Sit Jus Civile.	5

Quid

Quid sit Jus Gentium.	6	De Libris conficiendis.	12
Quid sit Jus Militare.	7	De Librorum Vocabulis.	13
Quid sit Jus Publicum.	8	De Librariis , & eorum Instrumentis.	14
Quid sit Jus Quiritium.	9	De Canonibus Evangeliorum.	15
Quid Lex.	10	De Canonibus Conciliorum.	16
Quid scita Plebium.	11	De Cyclo Paschali.	17
Quid Senatus-Consultum.	12	De reliquis Festivitatibus.	18
Quid Constitutio , & Edictum.	13	De Officiis.	19
Quid responsa prudentum.	14		
De Legibus Consularibus , & Tribuni-	15		
tiis.	15		
De Lege Satyra.	16		
De Legibus Rhodiis.	17		
De Privilegiis.	18		
Quid possit Lex.	19		
Quare Lex facta sit.	20		
Qualis debeat fieri Lex.	21		
De Causis.	22		
De Testibus.	23		
De Instrumentis Legalibus.	24		
De Rebus.	25		
De Criminibus in Lege constitutis.	26		
De Pœnis in Legibus constitutis.	27		
De Chronicæ Vocabulo.	28		
De Momentis , & Horis.	29		
De Diebus.	30		
De Nocte.	31		
De Hebdomada.	32		
De Mensibus.	33		
De Solstitiis , & Æquinoctiis.	34		
De Temporibus Anni.	35		
De Annis.	36		
De Olympiadibus , & Iustis , & Jubi-	37		
laeis.	37		
De Seculis , & Ætatibus.	38		
De Discretionē temporum.	39		

LIB. VI.

De Libris , & Officiis Ecclesiasticis.

DE Veteri , & Novo Testamento.	Cap. 1
De Scriptoribus , & Vocabulis Sancto-	
rum Librorum.	2
De Bibliothecis.	3
De Interpretibus.	4
De eo , qui primum Romam Libros	
advexit.	5
Qui apud nos Bibliothecas instituerunt.	6
Qui multa scripserunt.	7
De Generibus Opusculorum.	8
De Ceris.	9
De Chartis.	10
De Pergamenis.	11

De Libris conficiendis.	12
De Librorum Vocabulis.	13
De Librariis , & eorum Instrumentis.	14
De Canonibus Evangeliorum.	15
De Canonibus Conciliorum.	16
De Cyclo Paschali.	17
De reliquis Festivitatibus.	18
De Officiis.	19

LIB. VII.

De Deo , Angelis , & Fidelium Ordinibus.

DE Deo.	Cap. 1
De Filio Dei.	2
De Spiritu Sancto.	3
De eadem Trinitate.	4
De Angelis.	5
De Hominibus , qui quodam præsgio no-	
men acceperunt.	6
De Patriarchis.	7
De Prophetis.	8
De Apostolis.	9
De reliquis in Evangelio nominibus.	10
De Martyribus.	11
De Clericis.	12
De Monachis.	13
De cæteris Fidelibus.	14

LIB. VIII.

De Ecclesia , & Sectis diversis.

DE Ecclesia , & Synagoga.	Cap. 1
De Religione , & Fide.	2
De Hæresi , & Schismate.	3
De Hæresibus Judæorum.	4
De Hæresibus Christianorum.	5
De Philosophis Gentium.	6
De Poëtis.	7
De Sibyllis.	8
De Magis.	9
De Paganis.	10
De Diis Gentium.	11

LIB. IX.

De Linguis , & Societatibus.

DE Linguis Gentium.	Cap. 1
De Gentium Vocabulis.	2
De Regnis , & Militiæ Vocabulis.	3
De Civibus.	4
De Affinitatibus , & Gradibus.	5

De Agnatis, & Cognatis.	6
De Conjugiis.	7

LIB. X.

Vocum certarum Alphabetum.

LIB. XI.

De Homine, & Portentis.

DE Homine, & Partibus ejus.	Cap. 1
De Ætibus Hominis.	2
De Portentis.	3
De Transformatis.	4

LIB. XII.

De Animalibus.

DE Pecoribus, & Jumentis.	Cap. 1
De Bestiis.	2
De Minutis animantibus.	3
De Serpentibus.	4
De Vermibus.	5
De Piscibus.	6
De Avibus.	7
De Minutis volatilibus.	8

LIB. XIII.

De Mundo, & Partibus.

DE Mundo.	Cap. 1
De Atomis.	2
De Elementis.	3
De Cælo.	4
De Partibus Cæli.	5
De Circulis Cæli.	6
De Aëre, & Nube.	7
De Tonitruo.	8
De Fulminibus.	9
De Arcu, & Nubium effectibus.	10
De Ventis.	11
De Aquis.	12
De diversitate Aquarum.	13
De Mari.	14
De Oceano.	15
De Mediterraneo Mari.	16
De Finibus Maris.	17
De Æstibus, & Fretis.	18
De Lacis, & Stangnis.	19
De Abyſſo.	20
De Fluminibus.	21
De Diluviis.	22

LIB. XIV.

De Terra, & Partibus.

DE Terra.	Cap. 1
De Orbe.	2
De Asia, & partibus ejus.	3
De Europa.	4
De Libya.	5
De Insulis.	6
De Promontoriis.	7
De Montibus cæterisque Terræ vocabulis.	8
De inferioribus Terræ.	9

LIB. XV.

De Ædificiis, & Agris.

DE Civitatibus.	Cap. 1
De Ædificiis publicis.	2
De Habitaculis.	3
De Ædificiis Sacris.	4
De Repositoriis.	5
De Operariis.	6
De Aditibus.	7
De Partibus Ædificiorum.	8
De Munitionibus.	9
De Tentoriis.	10
De Sepulchris.	11
De Ædificiis Rusticis.	12
De Agris.	13
De Finibus Agrorum.	14
De Mensuris Agrorum.	15
De Itineribus.	16

LIB. XVI.

De Lapidibus, & Metallis.

DE Pulveribus, & Glebis Terræ.	Cap. 1
De Glebis ex Aqua.	2
De Lapidibus vulgaribus.	3
De Lapidibus insignioribus.	4
De Marmoribus.	5
De Gemmis.	6
De Viridioribus Gemmis.	7
De Rubris Gemmis.	8
De Purpureis.	9
De Candidis.	10
De Nigris.	11
De Variis.	12
De Crystallis.	13
De Ignitis.	14
De Aureis.	15
De	16

De Vitro.
De Metallis.
De Auro.
De Argento.
De Ære.
De Ferro.
De Plumbo.
De Stanno.
De Electro.
De Ponderibus.
De Mensuris.
De Signis.

LIB. XVII.

De Rebus Rusticis.

DE Auctoribus rerum Rusticarum.
Cap.
De Cultura Agrorum.
De Frumentis.
De Leguminibus.
De Vitibus.
De Arboribus.
De propriis nominibus Arborum.
De Arboribus Aromaticis.
De Herbis Aromaticis, sivè communibus.
De Oleribus.
De Odoratis oleribus.

16 De Virtute.
17 De Luctatione.
18 De Palæstra.
19 De Agone.
20 De generibus Agonum.
21 De Ludis Circensibus.
22 De Circo.
23 De Ornamentis.
24 De Metis.
25 De Obelisco.
26 De Carceribus.
27 De Aurigis.
De Quadrigis.
De Curru.
De Equis quibus currunt.
De septem Spatiis.
De Equitibus.
De Desultoriis.
De Peditibus.
De Coloribus Equorum.
De Theatro.
De Scena.
De Orchestra.
De Tragædis.
De Comædis.
De Themeliciis.
De Histrionibus.
De Mimis.
De Saltatoribus.

22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50

Quid quo Patrono agatur.
De Amphitheatro.
De Ludo Equestri.
De Retiariis.
De Secutoribus.
De Laqueariis.
De Velitibus.
De Ferali certamine.
De Execratione Ludorum.
De Alea.
De Pyrgis.
De Calculis.
De Tesseriis.
De Figuris aleæ.
De Vocabulis Tesserarum.
De Jactibus Tesserarum.
De Calculorum motu.
De Interdictione aleæ.
De Pila.

35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69

LIB. XVIII.

De Bello, & Ludis.

DE Bellis.
De Triumphis.
De Signis.
De Buccinis.
De Armis.
De Gladiis.
De Hastis.
De Sagittis.
De Pharetris.
De Fundis.
De Ariete.
De Clypeis.
De Loricis.
De Galeis.
De Foro.
De Spectaculis.
De Ludo Gymnico.
De generibus Gymnicorum.
De Saltu.
De Cursu.
De Jactu.

Cap. I
2
3
4
5
6
7
8
9
10
11
12
13
14
15
16
17
18
19
20
21

LIB. XIX.

De Navibus , Ædificiis , & Vestibus.

D E Navibus.	Cap. 1
De Partibus Navium , & Arma-	1
mentis.	2
De Velis.	3
De Funibus.	4
De Retibus.	5
De Fabricis , sive fornacibus.	6
De Instrumentis Fabrorum.	7
De Fabricis Parietum.	8
De Dispositione.	9
De Constructione.	10
De Venustate.	11
De Laqueariis.	12
De Crustis.	13
De Lithostrotis.	14
De Plastis.	15
De Pictura.	16
De Coloribus.	17
De Instrumentis Ædificiorum.	18
De Lignariis.	19
De Inventione Lanificii.	20
De Veste Sacerdotali in Lege.	21
De Nominibus Vestium cæterarum.	22
De proprio quarundam Gentium habitu.	23
De Palliis Virorum.	24
De Palliis Fœminarum.	25

De Stratu , & reliquis Vestibus , quæ in usu habentur.	26
De Lanis.	27
De Coloribus vestium.	28
De Instrumentis vestium.	29
De Ornamentis.	30
De Ornamentis Capitis Fœminarum.	31
De Annulis.	32
De Cingulis.	33
De Calciamentis.	34

LIB. XX.

De Penù , Instrumentis rusticis , & Domesticis.

D E Mensis.	Cap. 1
De Escis.	2
De Potu.	3
De Vasis Escariis.	4
De Vasis Potoriis.	5
De Vasis Vinatis , & Aquariis.	6
De Vasis Oleariis.	7
De Vasis Coquinariis.	8
De Vasis Repositoriis.	9
De Vasis Luminariorum.	10
De Lectis , & Sellis.	11
De Vehiculis.	12
De reliquis , quæ in usu habentur.	13
De Instrumentis Rusticis.	14
De Instrumentis Hortorum.	15
De Instrumentis Equorum.	16

FINIS.

DIVI ISIDORI HISPALENSIS EPISCOPI ETYMOLOGIARUM

LIBER PRIMUS, DE GRAMMATICA. PRÆFATIO.

DOMNO MEO, ET DEI SERVO, BRAULIONI EPISCOPO, ISIDORUS.

EN tibi, sicut pollicitus sum, misi opus de origine quarundam rerum, ex veteris lectionis recordatione collectum, atque ita in quibusdam locis adnotatum, sicut extat conscriptum stylo majorum.

CAPUT PRIMUM.

De Disciplina, & Arte.

IDISCIPLINA ⁽¹⁾ à discendo nomen accepit: undè, & scientia dici potest. Nam scire dictum à discere: quia nemo nostrum scit, nisi qui discit. Alitèr dicta disciplina, ⁽²⁾ quia discitur plena.

² Ars verò dicta est, ⁽³⁾ quòd artis præceptis, regulisque consistat. ⁽⁴⁾ Alii dicunt à Græcis hoc tractum esse vocabulum ἀπὸ τῆς ἀρετῆς, id est, à virtute, quam scientiam vocaverunt.

³ ⁽⁵⁾ Inter artem, & disciplinam Plato, & Aristoteles differentiam esse voluerunt, dicentes: Artem esse in iis, quæ se, & alitèr habere possunt: disciplinam verò esse, quæ de iis agit, quæ alitèr evenire non possunt. Nam

quando veris disputationibus, aliquid disseritur, disciplina erit: quando aliquid verisimile, atque opinabile tractatur, nomen artis habebit.

CAPUT II.

De septem liberalibus artibus.

IDISCIPLINÆ liberalium artium septem sunt. Prima, Grammatica, id est, loquendi peritia. Secunda, Rhetorica: quæ propter nitorem, & copiam eloquentiæ suæ, maxime in civilibus quæstionibus necessaria existimatur. Tertia, Dialectica cognomento Logica: quæ disputationibus subtilissimis vera secernit à falsis. Quarta, Arithmetica: quæ continet ⁽⁶⁾ numerorum causas, & divisiones. Quinta, Musica: quæ in carminibus, cantibusque consistit. Sexta, Geo-

(1) Disciplina à disc. Verba sunt. D. Agust. Soliloq. cap. 2.

(2) Quia discitur plen. Pleni vis in disciplina nulla est, nam plena productio est sola verbi. Sed, ut huiusmodi notationum lusus, etymologiarum vera, ac sincera appellatione commendari se minime postulant; ita, qui hac statim, quasi inepta, aut inania prorsus, fastidiosè respuat, nimium ipse durus sit præter aquumque, & bonum.

(3) Quòd artis præcept. Artis pro artibus antiquos scripsisse constat. Nam Valerius Probus artus pro angusto, & artus pro membris inflexione sola distinguit. Festus; Artifices quod apte opera inter se artent, qua ex causa etiam artes appellatae sunt.

(4) Alii dicunt: Donatus in Andr. & Seru. in artem secundam Donati. Varro lib. 4. Nonnulla (inquit) nomina in utraque lingua habent radices: ut arbores, quæ in confinio natæ in utroque agro serpunt.

(5) Inter art. & disc. Eodem modo distinguit artem à scientia Arist.

(6) Numerorum causas. Ita Gottscio rectè, al. casus.

Geometria: quæ⁽¹⁾ mensuras, dimensionesque complectitur. Septima, Astronomia: quæ continet legem astrorum.

CAPUT III.

De Litteris communibus.

Primordia Grammaticæ artis, litteræ communes existunt: ⁽²⁾ quas librarii, & calculatores sequuntur: quorum disciplina velut quædam Grammaticæ artis infantia est. Undè, & eam Varro litterationem vocat. Litteræ autem sunt indices rerum, ⁽³⁾ signa verborum: quibus tanta vis est, ut nobis dicta absentium sine voce loquantur. Verba ⁽⁴⁾ enim per oculos, non per aures, introducunt. Usus litterarum repertus est propter memoriam rerum. Nam, ne oblivione fugiant, litteris alligantur. In tanta enim rerum varietate, nec disci audiendo poterant omnia, nec memoria contineri.

⁽⁵⁾ Litteræ autem dictæ, quasi legitæ, quod iter legentibus præstent, vel quòd in legendo iterentur.

⁽⁶⁾ Litteræ Latinæ, & Græcæ ab Hebræis videntur exortæ. Apud illos enim priùs dictum est Aleph: deindè ex simili enuntiatione apud Græcos tractum est Alpha: idem apud

Latinos A. Translator enim ex simili sono alterius linguæ litteram condidit: ⁽⁷⁾ ut nosse possimus, linguam Hebraicam omnium linguarum, & litterarum esse matrem. Sed Hebræi viginti duobus elementis litterarum secundum veteris Testamenti libros utuntur: Græci verò, viginti quatuor: Latini inter utramque linguam progredientes, viginti tria elementa habent. ⁽⁸⁾ Hebræorum litteras à lege cœpisse per Moysen: Syrorum autem, & Chaldæorum per Abraham. ⁽⁹⁾ Undè cum Hebræis, & numero, & sono concordant, solis characteribus discrepant. Ægyptiorum litteras Isis regina, ⁽¹⁰⁾ Inachi filia de Græcia veniens in Ægyptum, reperit, & Ægyptiis tradidit. ⁽¹¹⁾ Apud Ægyptios autem alias habuisse litteras sacerdotes dicunt, alias vulgus; sacerdotales *ιεράς*, vulgares *παραδήμιους*. Græcarum litterarum usum primi Phænices invenerunt, undè, & Lucanus:

Phænices primi (fama si creditur) ausi.

Mansuram rudibus vocem signare figuris.

⁽¹²⁾ Hinc est, quòd & Phœniceo colore librorum capita scribuntur: quia ab ipsis litteræ initium habuerunt, ⁽¹³⁾ Cadmus Agenoris filius

Græ-

⁽¹⁾ Mensuras. Soli duo Tarraconenses habent mensuras terræ. A reliquis ea vox abest. Quod si non tam etymon, quam rem ipsam, quæ magis communis est, spectes; non incommode illam rejiciemus. Est. (inquit) lib. 2. c. 25. Geometria mensura magnitudinis immobilis, atque formarum, cum lib. 3. c. 10. veram nominis rationem reddiderit.

⁽²⁾ Quas librarii. Aug. lib. 2. de Ord. cap. 12. Cum de litteris egisset, hæc subdit: Ergo utilitas numerandi magna necessitate animadversa est. Quibus duobus repertis nata est illa librariorum, & calculonum professio, velut furta verborum.

⁽³⁾ Signa verb. Hieron. de Notis ep. 34. Et linguæ celeritatem præcederent signa verborum. Et ep. 47. signa, 26

⁽⁴⁾ Verba-introducunt. Absunt hæc à quibusdam Goth. libris.

⁽⁵⁾ Litteræ autem, quasi legitæ. Neque hoc legitur in ullo Gothicor. Est tamen apud Priscianum, & Sergium.

⁽⁶⁾ Apud illos Alph. Ex Epiph. lib. de Ponderib.

⁽⁷⁾ Ut nosse-matrem. Verba sunt Hier. ad Sophon. c. 3.

⁽⁸⁾ Hebræorum litt. Eadem traduntur de inventor. litterarum septenariis quibusdam, quos Crinitus refert lib. 17. de Honest. disciplin.

⁽⁹⁾ Undè cum Hebr. Ex Hieron. prolog. Galeato.

⁽¹⁰⁾ Inachi filia. Secutus est Isidorus Augustinum 18. de Civit. cap. 3. Augustinus Ovidium Metamorph. 1. quòd etiam Græcorum aliquos sensisse Suidas in collectaneis testatur.

⁽¹¹⁾ Apud Ægypt. Nihil necesse est Græcarum litterarum monstra, quæ in Gothicis codicibus videntur, hinc proferri. Satis esse debet, ex iis Antonium, Aug. Petrum Chaconem, & Vulcanium eodem modo coniecisse. Cum præsertim Herodoti verba, quæ subscribam ex lib. 2. dubitandi nullum relinquant locum. Αἰγυπτίους διαφασίσει γράμματα ἔχοντάς, καὶ τὰ μὲν ἄνθρωποι ἴσα, τὰ δὲ θεοῦ τὰ καλέσει. Vid. Clem. Alex. σ. 44. 5.

⁽¹²⁾ Cadmus Agenoris. Plinius lib. 7. c. 56. Sed neque cum Plinio, neque cum Georgio Cedreno satis convenit Isidoro in hac litterarum assignatione.

Græcas litteras à Phœnice in Græciam septemdecim primus attulit: A. B. Γ. Δ. Ε. Ζ. Ι. Κ. Λ. Μ. Ν. Ο. Π. Ρ. Σ. Τ. Φ.

(1) His Palamedes Trojano bello tres adjecit: Η. Χ. Ω. (2) Post quem Simonides Melicus tres alias adjecit: Θ. Ψ. Ζ.

5 (3) Y litteram Pythagoras Samius ad exemplum vitæ humanæ primus formavit: cujus virgula subterior primam ætatem significat: incertam quippe, & quæ adhuc se, nec vitis, nec virtutibus dedit. Bivium autem, quod superest, ab adolescentia incipit: cujus dextera pars ardua est, sed ad beatam vitam tendens: sinistra facilius, sed ad labem, interitumque deducens. De qua sic Persius ait:

Et tibi, quæ Samios deduxit littera ramos,

Surgentem dextro monstravit limite callem.

6 Quinque autem esse apud Græcos mysticas litteras: prima Y, quæ humanam vitam significat, de qua nunc diximus. Secunda Θ, quæ mortem significat. Nam iudices eandem litteram theta apponebant ad eorum nomina, quos supplicio afficiebant. Et dicitur theta, ἀπὸ τῆ θανάτου, id est, à morte. Undè, & habet per medium telum, id est, mortis signum. De qua quidam sic ait:

Omniū ante alias infelix littera theta.

Tertia (4) T figuram demonstrans Dominicæ Crucis. Undè, & Hebraicè signum interpretatur, de qua dictum est in Ezechiele Angelo: Transi per mediam Jerusalem, & signa thau (5) in frontes virorum gementium, & dolentium. (6) Reliquas verò duas, summam, & ultimam sibi vendicat Christus. Ipse enim principium, ipse finis, dicens: Ego sum Alpha, & Ω. Concurrentibus enim in se invicem Alpha ad Ω. usque devolvitur: & rursus Ω ad Alpha replicatur: ut ostenderet in se Dominus, & initii decursum ad finem, & finis decursum ad initium.

7 Omnes autem litteræ apud Græcos, & verba componunt, & numeros faciunt. Nam Alpha littera apud eos vocatur in numeris unum: ubi autem scribunt beta, vocantur duo: ubi scribunt gamma, vocantur in numeris ipsorum tria: ubi scribunt delta, vocantur quatuor, & sic omnes litteræ apud eos numeros habent.

8 Latini autem (7) numeros ad litteras non computant: (8) sed sola verba componunt.

A 2

CA-

(1) His Palamedes adjecit tres Η. Χ. Ω. Malim de Servio Æn. 2. 8. 9. Χ. Plinius quoque easdem tres huic assignat, quartam addens, ξ.

(2) Post quem Simonides Melicus, Quatuor item à Simonide Melico adjectas vult Plinius, de quo sunt hæc s. v. ψ. u. P. Chacon cum dissente Isidorum à Plinio in numero videret; & in codicib. Gothicis partim miles tres, partim similiter tres reperisset; itaque apud Suidam, & Eustachium Simonidem διὰ τὸ εἶναι μιλιάρχην appellatum: existimabat legendum Simonides Melicertes.

(3) Y Littera de Ser. Æn. 6. in illud: latet arbore opaca, &c.

(4) T Figuram demonstrans Dominicæ Crucis. Recte doctissimi viri putant, propterea apud Latinos Missa canonem ab hac littera incipere. Hieron. ad Ezech. c. 9. Antiquis Hebræorum litteris, quibus hodie utuntur Samaritani, extrema theta littera Crucis habet similitudinem. Hæc Hieronymus: Quod non perinde apparet in Samaritanorum alphabeto, quod circumfertur. Ambros. lib. de Abrab. c. 2. Et cum trecentis decem, & octo viris adeptus victoriam. Numeravit (inquit) trecentos decem, & octo, ut scias non quantitatem numeri, sed meritum electionis expressum: eos enim adsciscit, quos dignos numero fidelium iudicavit, qui in Domini nostri Jesu Christi passionem crederent. Trecentos enim τ littera Græca significat: decem & octo autem summam 10 exprimit. Vocem ipsam thau, signum interpretati sunt. LXX. Crucem Caninius haud minus auctor in Institutionibus lingua Syriacæ.

(5) In frontes virorum. Ità omnino legendum ex Gothicis, & ex LXX. qui in τὰ μύσχα. Vulgat. super frontes.

(6) Reliquas verò duas, Ex Tertull. lib. de Monogam.

(7) Numeros ad litteras non computant. Dubitandum non fuit de hac lectione Gothicorum omnium codicum, mirumque in ea fuisse viros eruditissimos.

(8) Sed sola verba componunt. Post hac in plerisque libris subduntur ista. Exceptis aliquibus, quæ numeros figura demonstrant ut, I. pro uno, C. pro centum, D. pro quingentis, L. pro quinquaginta, M. pro

CAPUT IV.

De Litteris Latinis.

1 **L**atinas litteras Carmentis nymphæ prima Italidis tradidit. ⁽¹⁾ Carmentis autem dicta, quia carminibus futura canebat. Cæterum propriè vocata Nicostrata.

2 Litteræ autem, aut sunt ⁽²⁾ communes, aut liberales. Communes dictæ, quia multi eis utuntur in communi, ut in scribendo, & legendo. Liberales, quia eas tantum illi noverunt, qui libros conscribunt; rectèque loquendi, dictandique rationem noverunt.

3 Litterarum duplex modus est: dividuntur enim principalitèr in duas

partes, in vocales, & consonantes: ⁽³⁾ Vocales sunt, quæ directo hiatu faucium sine ulla collisione variè emittuntur. Et dictæ vocales, quod per se vocem impleant, & per se syllabam faciant, nulla adhærente consonante. Consonantes sunt, quæ diverso motu linguæ, vel impressione labiorum efficiuntur. Et vocatæ consonantes, quia per se non sonant, sed junctis vocalibus consonant. Hæ in duabus partibus dividuntur: in semivocalibus, & in mutis. ⁽⁴⁾ Semivocales dictæ, eò quod quiddam semis de vocalibus habeant. ⁽⁵⁾ Ab e quippe vocali incipiunt, & desinunt in naturalem sonum. Mutæ autem dictæ, quia nisi subjectis sibi vocalibus nequaquam erumpunt. ⁽⁶⁾ Si enim

eis

pro mille, V. pro quinque, & X. littera, quæ & in figura Crucem, & in numero decem demonstrat. Ex quibus tamen in Ver. Longobard. *Garia Loaisa V. Cl. & in Rom. Cod. tantum hæc leguntur.* Excepto I. quæ unum, & X. littera, quæ & in figura Crucem significat, & in numero decem demonstrat: Quæ omnia aliena esse constat. Nostris enim libri, quæ autè sint ab aliquo, qui notarum nullam prætermiserit, quæ littera speciem præberet, haud dubium est. Primum, quia quæ nunc videntur, aut etiam littera jam sunt: ea sine controversia littera olim non fuerunt: sed numerorum tantum nota: factaque sunt ex numerorum notis littera, non contra ex litteris nota. Deinde, quia quæ mille assignatur littera, rym ex I Latina nota, & linea imposita, scribentium vitio conjunctis fluxisse, quod hæc quoque nota I Romani mille significabant, idque Isidorum ignorasse non fit verisimile. Præterea cum paullo ante T figuram Dominice Crucis demonstrare dixerit; nunc X soli id tribuere, cum T quoque meminisset, non oportuit. Et T quidem figuram crucis esse, etiam Lucianus vult cum X in T invicem facit. De X nihil (quod sciam) ab ullo Latinorum proditum. Adde quod hæc eadem de X, quæ in quibusdam Gothicis sequenti capite repetuntur, ab aliis, atque ab impressis omnibus libris absunt. Postremo neque id esset numeros ad litteras computare. Id quod vidisse etiam videtur quisquis hunc locum cum tali accessione multavit. Non enim excepit litteras illas, quod ad eas numeri computarentur, sed quod figura numeros demonstrarent. Alioqui quomodo unus ad I. aut centum ad C. aut quinque ad V. aut decem ad X. aut ulla omnino ex hic exceptis ad numeros computabitur?

(1) Cap. IV. Carmentis autem. E Serv. Æn. 8.

(2) Communes, aut liberales. Hoc est littera dicuntur tum nota, & signa vocum, quæ scribuntur, & leguntur: tum res ipsa, & disciplina, quæ scriptura continentur. Ita sequenti capite Grammaticam appellabit originem liberalium litterarum. Nam quod artium eo loco quidam habent codices, interpretatur planè fuit litterarum: in plerisque numeris litteræ, quia simpliciores, & ad solam humilitatem legentium pertinentes. Eodem etiam pertinere videtur, quod infra cap. 9. verba quadam Grammaticorum esse dixit, alia Rhetorum. Sic hodie Hispani loquimur, cum litterarum dici- disciplinas probè callent.

(3) Vocales sunt. Aug. lib. 2. de Ordin. c. 12. Animadvertit oris sonos alios esse, qui moderato variè hiati, quasi tum; extremos autem, qui nisi adjunctis sibi primis, erumpere non valerent; itaque hæc litteras hoc ordine, quo posita sunt vocales, semivocales, & mutas nominavit.

(4) Semivocales, quod quiddam semis de v. h. Serg. in Art. primam Donati. Quod semis quiddam habeant vocis, quod per se voces perficimus vel sine quibus vox litteralis proferri non potest. Semivocales appellatæ, quod plenam vocem non habent, ut scimides, & semivoces dicimus, non qui dimidiam partem habent decorem, vel vitiorum, sed qui pleni dei, vel viri non sunt. Muta ad comparationem bene sonantur sunt dictæ, velut informis dictior, non qui cavocis exiguum.

(5) Ab e quippe vocali incipit. Id à mutis ipas distinguit, quia (ut ait Priscianus) littera plus sonant cum eis vocalis præponitur, quam cum postponitur; præponitur autem semivocalibus postponitur mutis.

(6) Si enim eis extremum vocalis detraxeris non incl. litt. m. s. Male quosdam hæc habuere verba; ita ut, vel dedus loqui Isidorum: Non enim editum, aut prolatum: sed inclusum: Quibus ita responsum sit: Vix potuisse commemorari quod vellet ostenderet, cum non prolatum, sed inclusum murmur id, quod volebat, enuntiaret, sed murmur dixit. Quod autem negari non potest, cum paullo post dicat, mutas à suo sono incipere, & in vocalem desinere; est igitur aliquid, à quo incipiunt, antequam ad vocalem perveniunt.

eis extremum vocalis detraxeris sonum, inclusum litteræ murmur sonabit. ⁽¹⁾ Vocales autem, & semivocales, & mutæ, à veteribus sonæ, & semisonæ, & insonæ dictæ.

4 ⁽²⁾ Inter vocales autem apud Grammaticos i, & u, ⁽³⁾ varias habent significationes.

5 Nam modò vocales, modò semivocales, modò mediæ sunt. Vocales ideò sunt, quia solæ positæ syllabas faciunt, & aliis consonantibus junguntur. ⁽⁴⁾ Consonantes habentur ideò, quia interdum habent post se vocales in eisdem syllabis constitutas, ut Iuno, Vates: & habentur pro consonantibus. Mediæ autem idcirco dicuntur, quoniam naturaliter solæ medium sonum habent, ut illius, unius. Coniunctæ aliis pinguius sonant, ut Ianus, Vanus. Solæ enim aliter sonant, aliter iunctæ. I verò propterea interdum duplex dicitur, quia quotiescumque inter duas vocales invenitur, pro duabus consonantibus habetur, ut Troia. Geminatur enim ibi sonus ejus.

6 ⁽⁵⁾ U quoque littera proinde interdum est nihil: quia alicubi, nec

consonans est, ut quis. Vocalis enim non est, quia i sequitur; consonans non est, quia q præcedit. Ideòque quando nec vocalis, nec consonans est, sine dubio nihil est. ⁽¹⁾ Eadem, & digamma à Græcis vocatur; quando sibiimet, aliisque vocalibus jungitur: quæ ideò digamma dicitur, quia duplex est instar F litteræ, quæ duplex gamma habet; ad cuius similitudinem coniunctas vocales digamma appellari Grammatici voluerunt, ut votum, virgo.

7 Inter semivocales autem quædam liquidæ dicuntur: quia interdum in una syllaba postpositæ aliis consonantibus ⁽⁷⁾ deficiunt, ⁽⁸⁾ & à metro excluduntur. Ex quibus duæ apud Latinos liquescunt l, & r, ut fragor, & flatus: ⁽⁹⁾ Reliquæ m, & n apud Græcos liquescunt: ut Mnestheus.

8 Decem, & septem autem Latinis litteris vetus scriptura constabat. ⁽¹⁰⁾ Undè, & legitimæ nominantur illa ⁽¹¹⁾ ratione, scilicet: vel quod ab e vocali incipiunt, & in mutum sonum desinunt, ut sunt semivocales: vel quod à suo sono incipiunt, & in

A 3

VO-

(1) Sonæ, semisonæ, & insonæ. Ex Victorini Grammatica.

(2) Inter vocales autem i, & u. Omnia ex Donato.

(3) Varias habent significationes. Assignmentes legebat Chacon.

(4) Consonantes habentur. Nigidius apud Agell. lib. 19. c. ult. Si quis putat præire V. in his verbis Valerius, Venno-
nius Volusius: aut I. in his Iampridem, iecur, iocum, iocundum, erabit; quod hæc litteræ cum præcunt, ne vo-
cales quidem sunt.

(5) U quoque littera, è Sergio.

(6) Eadem, & digamm. Cuius figuram quidam F rectum esse volunt, (qua nomini convenit) alii inversum I
qualis in marmoribus, etiam cernitur. Sed hanc inversam figuram à Claudio inductam opinor. Cum digamm ipsum
multo ante Claudium Varro usurpaverit. Videturque Claudius obtinere potuisse, ut atate sua ea figura in usu esset, ac
posterioribus seculis antiqua restituta est. Quare apud Priscianum, & Donatum perpetuò F rectum pro digammo scri-
bitur.

(7) Deficiunt, id enim est liquescere. Græci ὄγχα γράμματα, & Terentianus idem exprimens, udas litteras no-
minat.

(8) Et à metro excluduntur. Nam cum tempus consonantes (ut ait Terentianus) dividant unum dua; tamen liquida
muta subdita partem temporis non ministrabit. Ut idem Terentianus elegantissime docet:

Si mediam vocalis habet, quam consona, & uda

Excipiunt; nequeunt geminæ vexare priorem,

causam reddit.

Nam mediam nil uda juvat, quæ subdita currit.

(9) Reliquæ M. & N. apud Gr. liq. Sic etiam pleriq. alii. Contra Sergius. Si liquidæ (inquit) sibi præponantur, liquida-
rum iura deperdunt, ut Mnestheus.

(10) Undè, & legitimæ. Sic Gothici omnes libri; sed vulgatam lectionem undè, & Latinæ retinebat Chacon ex Donat
verbis. Unde fit, ut quidam putent Latinas litteras non plures esse quam XVII.

(11) Illa ratione scilicet, quod ab e voc. Rectè rationem reddit Isidorus cur tantum XVII. littera Latina, siquid legitima
sint, omittique vocalibus de quibus controversia esse nulla poterat. Nam consonantes, (inquit) aut ab e incipiunt, & in
sonum sonum desinunt, quales sunt omnino semivocales sex f. l. m. n. r. s: aut contra à suo sono incipiunt, & in e desinunt,
quales sunt muta totidem b. c. d. g. p. t. Vid. Donat. Artem primam c. 2. & Serg. c. 6.

vocalem e desinunt, ut sunt mutæ.

9 ⁽¹⁾ H autem littera pro sola aspiratione adjecta est postea. Undè, & à plerisque aspiratio putatur esse non littera: quæ proindè aspirationis nota dicitur, quia vocem elevat. Aspiratio enim est sonus uberiùs elatus: cui contraria est prosodia, sonus æqualitèr flexus.

10 ⁽²⁾ K litteram Salvius ludimagister prius Latinis adiecit, ut in sono discrimen faceret duarum litterarum c, & q: quæ idèò ⁽³⁾ supervacua dicitur, quia exceptis Kalendis superflua judicatur, per c enim universa exprimimus.

11 ⁽⁴⁾ Q litteram nec Græci resonant, nec Hebræi: exceptis enim Latinis, hanc nulla alia lingua habet. Hæc priùs non erat. Undè, & ipsa supervacua est vocata, quia per c cuncta veteres scripserunt.

12 ⁽⁵⁾ X littera usque ad Augusti tempus nondùm apud Latinos erat: sed pro ea c, & s scribebant: undè, & duplex vocatur, quia pro c, & s ponitur; undè, & ex eisdem litteris compositum nomen habet.

13 A Græcis duas litteras mutuavit Latinitas, y, & z, propter nomina, scilicet, Græca. Et hæ apud Ro-

manos usque ad Augusti tempus non scribebantur: sed pro z duo ss ponebant, ut hilarissat: pro y verò u scribebant.

14 ⁽⁶⁾ Unicuique autem litteræ tria accidunt: nomen, quomodò vocetur: figura, quo charactere signetur: potestas, quæ vocalis, quæ consonans habeatur. A quibusdam, & ordo adjicitur, quæ præcedat, quæ sequatur: ut a prior sit, sequens b. A autem in omnibus gentibus idèò prima est litterarum, pro eo quòd ipsa prior nascentibus vocem aperiat. Nomina autem litterarum gentes ex sono propriæ linguæ dederunt, ⁽⁷⁾ notatis oris sonis, atque discretis. Nam postquam eas animadverterunt, & nomina illis, & figuras imposuerunt: figuras autem partim ex placito, partim ex sono litterarum formaverunt: ut puta i, & o, quarum uni sicut exilis sonus, ita tenuis virgula: alterius pinguis sonus, sicut, & plena figura. ⁽⁸⁾ Potestatem autem natura, voluntas ordinem dedit.

15 Inter figuras litterarum, & apicem veteres distinxerunt: apicem dictum pro eo, quòd longè sit à pedibus, & in cacumine litterarum apponitur. Est enim linea jacens super lit-

(1) Unde & à plerisque aspirat p. c. n. l. Ex Hier. in nominib. Heb. ex Deuter.

(2) K litteram Salvius ludimag. Al. Sallustius. Salvi Rhetoris meminit Plinius in epistolis, & Suetonius in Vespasiano. Sed ante hunc Kaisones Eabii fuerunt, cujus prænominis nota K fuit, ut apparet ex fastis. Item Kalare, & Kalenda in omnib. veterib. libris.

(3) Idèò Supervacua. Ita Hieronym. Donatus, Priscianus, & Terentianus. Sergius tamen: K. inquit, & Q. antiqui quoties V sequebatur, præponebant. Eadem serè Diomedes, nisi quod K, non nisi A brevi præponi vult.

(4) Q. Litteram nec Græci, ex Hieron. in nominib. ex Jesu Nau.

(5) X Littera. Constat ante Augusti tempora X. litteram in usu fuisse, ex antiquissimis nummis, & columna Rostrata Duilli ante 1000. annos posita, & ex aneis legum tabulis Augusto longè superioribus, ac postremò ex Cicero; qui in Oratore ad Brut. Quomodò (inquit) Vester axilla ab ala factum est, nisi fuga litte-ræ vastioris? Quam litteram etiam è maxillis, taxillis, vexillo, paxillo consuetudo elegans Latini sermonis evellit. Eandem tamen Nigidium repudiassie, neque unquam ea in libris suis usum, sed antiquitatem secum innotuit, quod per cam, quæ Crucis signum figurat scriptatur. Ea licet in Gothicis quibusdam leguntur, cepimus.

(6) Unicuique litteræ tria. Ex Donat. & Sergio.

(7) Notatis oris sonis. Verba Augustini 2. de Ordin. cap. 12.

(8) Potestatem natura dedit. Tot enim figuris ad notandos sonos opus fuit. Sed placebat Chaconi Toletanus codex, in quo non sunt hæc verba. Quod mihi quoque valde probatur; nam neque in Goth. Ovet. collegii sunt, neque ubi sint collanda consentiunt libri, sed alius aliò ea rejicit.

litteram æqualitèr ducta. Figura autem, qua tota littera scribitur.

CAPUT V.

De Grammatica.

1 **G**rammatica est scientia ⁽¹⁾ rectè loquendi, & origo, & fundamentum ⁽²⁾ liberalium litterarum. Hæc in disciplinis post litteras communes inventa est, ut jam qui didicerunt litteras, per eam rectè loquendi rationem sciant. Grammatica autem à litteris nomen accepit γράμματα enim Græci litteras vocant.

2 Ars verò dicta est, quod artis præceptis, regulisque consistat. Alii dicunt à Græcis hoc tractum esse vocabulum ἀπὸ τῆς ἀρετῆς, id est, à virtute, quam scientiam vocaverunt.

3 ⁽³⁾ Oratio dicta quasi oris ratio: ⁽⁴⁾ nam orare est loqui, & dicere. Est autem oratio contextus verborum cum sensu. Contextus autem sine sensu non est oratio, quia non est oris ratio. Oratio autem plena est, sensu, voce, & littera.

4 Divisiones autem Grammaticæ artis à quibusdam triginta dinumerantur, id est, partes orationis octo: vox articulata, littera, syllaba, pedes, accentus, posituræ, notæ, orthographia, analogia, etymologia, glossæ, differentiæ, barbarismi, solæcismi, vitia, metaplasmi, schemata, tropi, prosæ, metra, fabulæ, historiæ.

CAPUT VI.

De Partibus orationis.

1 **P**artes orationis primus Aristoteles duas tradidit, nomen, & verbum. Deindè Donatus octo definivit. Sed omnes ad illa duo principalia revertuntur, hoc est, ad nomen, & verbum, quæ significant personam, & actum. Reliquæ appendices sunt, & ex his originem trahunt. Nam pronomen ex nomine nascitur, cujus officio fungitur: ut orator ille. Adverbium de nomine nascitur: ut doctus, doctè. Participium de nomine, & verbo: ut lego, legens. Conjunctio verò, & præpositio, vel interjectio ⁽⁵⁾ in complexum istarum cadunt. Ideò, & nonnulli quinque partes definiunt, quia istæ superflue sunt.

CAPUT VII.

De Nomine.

1 **N**omen dictum ⁽⁶⁾ quasi notamen, quod nobis vocabulo suo res notas efficiat. Nisi enim nomen scieris, cognitio rerum perit. Propria nomina dicta, quia specialia sunt. Unius enim tantum personam significant. Species propriorum nominum quatuor: prænomen, nomen, cognomen, agnomen. Prænomen dictum, eo quòd nomini præponatur, ut Lucius, Quintus. Nomen vocatum, quia notat genus, ut Cornelius: Cornelii enim omnes in eo genere. Cognomen, quia nomini conjungitur, ut Sci-

(1) Cap. V. Rectè loq. In editionibus veteribus additur, scribendique ratio; id non est in Gothicis: est verò apud Victorinum.

(2) Liberalium litterarum. Ita veteres cod. non artium, & supra litteras in communes, & liberales divisit.

(3) Oratio, quod oris ratio. Eod. modo luserunt in hac voce Hier. in ep. 139. ad Cyprian. Victorinus, & alii.

(4) Nam orare est loqui. Verba Servii Æn. X.

(5) Cap. VI. In complexum istarum cadunt. Vel eas conjungentes, vel præposita, vel interjecta, unde, & nomina accipiunt.

(6) Cap. VII. Nomen quasi notamen. Ita Boethius, & Priscianus. E Graeco δνομα tractum putant alii. Nos ex noscimen nomen abscissum putamus; ut ex noscibilis, nobilis.

Scipio : Agnomen verò, quasi accidens nomen , ut Metellus Creticus, quia Cretam subegit. Extrinsecus enim venit agnomen ab aliqua ratione. Cognomentum autem vulgò dictum, eo quòd nomini cognitionis causa superadjiciatur, sive quòd cum nomine est.

2 Appellativa nomina indè vocantur, quia communia sunt, & in multorum significatione consistunt. ⁽¹⁾ Hæc in viginti octo species dividuntur, ex quibus Corporalia dicta: quia vel videntur, vel tanguntur, ut cælum, terra.

3 Incorporalia: quia carent corpore: undè, nec videri, nec tangi possunt, ut veritas, justitia.

4 Generalia: quia multarum rerum sunt, ut animal; nam & homo, & equus, & avis animal sunt.

5 Specialia: quia partem demonstrant, ut homo, species enim animalium homo.

6 ⁽²⁾ Principalia: quia primam positionem habent, nec aliundè nascuntur, ut mons, fons.

7 Derivativa: eo quòd ex alio nomine deducuntur, ut à monte montanus.

8 ⁽³⁾ Diminutiva: quia minuunt sensum: ut Græculus, scholasticulus.

9 ⁽⁴⁾ Sono diminutiva: quia sic sonant, sicut diminutiva, sed intellectu principalia sunt, ut fabula, tabula.

10 Tota Græca: quia ex toto Græcè declinantur, ut Callisto. Sic enim, & Græcus, & Latinus dicit.

11 ⁽⁵⁾ Tota Latina: quia ex to-

to in Latinum vertuntur; Græcus dicit Odysseus, Latinus Ulysses.

12 Media dicta: quia ex parte Græca sunt, & ex parte Latina. Eadem, & notha, quia corrumpunt ultimas syllabas manentibus prioribus, ut apud Græcos, Alexandros, Menandros: apud nos verò Alexander, Menander. Dicta autem notha quemadmodum nothus dicitur quisquis de dispari genere nascitur.

13 Synonyma, hoc est, plurinomia: eo quòd sit in pluribus nominibus significatio una, ut terra, humus, tellus. Idem enim sunt omnia.

14 Homonyma, hoc est, uninomia: eo quòd sit in uno nomine significatio plurima: ut tumulus, nunc mons brevis, nunc tumens tellus, nunc sepulchrum. Est enim in uno nomine significatio diversa.

15 Relativa dicta, eo quòd ad aliam referantur personam: ut magister, pater, dominus.

16 Illa autem, ⁽⁶⁾ quæ dicuntur ad aliquid aliquatè se habentia, à contraria significatione dicta sunt, ut dexter. Dici enim dexter non potest, nisi sinister fuerit.

17 Porro qualitatis nomina ex eo dicta: quia per ea qualis quisque sit ostenditur: ut sapiens, formosus, dives.

18 Quantitatis, quia mensura trahuntur: ut longus, brevis.

19 Patronymica dicuntur, eo quòd trahuntur à patribus: ut Tydides, Tydei filius. Æneades, Æneæ filius. Quamvis, & à matribus, & à majoribus ducantur.

Cte-

⁽¹⁾ Hæc in XXVIII. XXVII. Sergius. Isidorus ipse XXVII. percipiet, ut deesse videatur aliquid.

⁽²⁾ Principalia q. primam pos. Utrouque num. nomine vocantur, & principalia, & prima positionis.

⁽³⁾ Diminutiva scholasticulus. Eod. exemplo utuntur Donatus, & Charisius.

⁽⁴⁾ Sono dimin. è Sergio.

⁽⁵⁾ Tota Latina. Ex Donato.

⁽⁶⁾ Quæ dicuntur ad aliquid aliquatè. Ita legendum ex Sergio, conjungendaque manuscriptorum, & impressorum librorum lectio, in illis enim qualiter, in his aliter legitur.

20 Ctetica, idest, possessiva à possessione, ut Evandrius ensis.

21 Epitheta, quæ latinè adjectiva, vel superposita appellantur, eò quòd ad implendam sui significationem nominibus adjiciantur: ut magnus, doctus. Adjicis ea personis, ut magnus Philosophus, doctus homo, & plenus est sensus.

22 ⁽¹⁾ Actualia ab actu descendunt: ut Rex, Dux, cursor, nutrix, orator.

23 Gentis à gente veniunt: ut Græcus, Romanus.

24 Patriæ à patria descendunt: ut Atheniensis, Thebanus.

25 ⁽²⁾ Loci à loco, ut suburbanus.

26 Verbalia dicuntur, quia de verbo nascuntur: ut lector.

27 Participalia, quæ sic sonant, sicut participia: ut clemens, prudens.

28 ⁽³⁾ Verbis similia: à verbi similitudine dicta, ut contemplator. Nam, & verbum est imperativi modi, futuri temporis: & nomen, quia casum recipit. Hæ omnes species à nominum appellatione descendunt.

29 ⁽⁴⁾ Secunda pars, nominis comparatio. Comparatio dicta, quia ex alterius comparatione alterum præfert. Cujus gradus tres sunt: positivus, comparativus, & superlativus.

Positivus dictus, quia primus ponitur in comparationis gradu: ut doctus. Comparativus ab eo, quòd comparatus positivo, præfertur illi: ut doctior, plus enim novit, quàm doctus. Superlativus, eò quòd comparativo superferatur: ut doctissimus, plus enim scit, quàm doctior.

30 Genera dicta sunt, eò quòd generent: ut masculinum, fœmininum. Cætera non sunt genera: sed hoc hominum ratio, & auctoritas voluit. Neutrum dictum, quia nec hoc est, nec illud, idest, nec masculinum, nec fœmininum. Commune dictum, quòd duobus generibus nomen unum communicat: ut hic, & hæc canis. Cui contrarium est Epicœnum: quia utrumque sexum sub uno genere enuntiat, ut hic piscis. Est enim incerti sexus, quòd nec natura, nec oculis discernitur, ⁽⁵⁾ sed sensus tantum peritia. Omne genus dictum, quia cunctis generibus servit: masculino, & fœminino, neutro, & communi, & omni.

31 Numerus vocatus, quia per eum, vel singularia, vel pluralia nomina ostenduntur.

32 Figura, quia, vel simplicia, vel composita sunt.

33 Casus à cadendo dicti: per eos enim inflexa nomina variantur, &

ca-

⁽¹⁾ Actualia. Hæc neque apud Donatum, neque apud Sergium leguntur.

⁽²⁾ Loci à loco. Ne hæc quidem, sed reliquis numeri, & ordinis species, quæ apud illos sunt, ita XXVIII. species constabunt.

⁽³⁾ Verbis similia. Aliquid hoc loco è Sergio desiderare possis. Sic n. ille Art. 2. c. 2. sunt etiam participiis similia, ut demens. Nam sic est demens, quasi legens, sed demens nomen est, quia recipit comparationem, idest, dementionem: legens verò participium, quia non recipit similiter comparationem. Sunt etiam Verbisimilia, ut contemplator, sed cum casum acceperint, nomina sunt, ut contemplator hujus contemplatoris facit. Cum autem tempus haberent verba, ut Maro dixit: Contemplator aquas dulces. Ergo casum ex Sergio posuimus. Ubi comparationem habebant libri omnes. Nam comparationem recipere de Participialibus, non de Verbo similibus, dixerat Sergius.

⁽⁴⁾ Secunda Pars nom. Quam primam dixerit, nisi appellativorum, nulla est: præcessit enim hæc omnes species à nominum appellatione descendunt.

⁽⁵⁾ Sed sensus tantum peritia. Aut sensum pro intellectus arbitrio posuit, aut male libri omnes sensus tantum peritia, Nam si neque natura, neque oculis discernitur genus, quomodo sensus peritia discernetur? Itaque suspensa habebat, hæc verba Chacon. Mirum ni usus tantum peritia Isidorus scripsit. Qui Servium legerit de hac scriptura non admodum dubitabit. Ejus verba sunt in art. 2. cap. 5. Inter epicœnum, & commune hoc interest: quòd in communi articulare secretivum sexum, ut hic canis, in epicœno verò unus articularis sumitur, & utrumque sexum intelligimus, ut hæc aquilas eum autem secretivum articulare, quem auctoritas dederit. Nam cum naturaliter non possumus in epicœnis sexum discernere, debemus auctoritate firmari. Sexus peritia, quòd in uno Rom. c. legitur absurdum omnino videtur.

cadunt. Nominativus casus dictus, quia per eum aliquid nominamus: ut hic magister. Genitivus, quia per eum genus cujuscumque quærimus: ut hujus magistri filius; vel quod rem significamus: ut hujus magistri liber. Dativus, quia per eum alicui aliquid nos dare demonstramus: ut da huic magistro. Accusativus, quia per eum aliquem accusamus: ut accuso hunc magistrum. Vocativus, quia per eum aliquem vocamus, ut ò magister. Ablativus, quia per eum nos auferre aliquid cuiquam significamus: ut auferam à magistro.

34 Hexaptota nomina dicta, quia per sex casus varietates habent: ut est unus. Pentaptota, quòd tantum in quinque casibus variantur: ut doctus. Treptota, quòd tantum in quatuor casibus declinantur: ut latus. Triptota, quòd tantum in tribus: ut templum. ⁽¹⁾ Diptota, quòd tantum in duobus: ut Jupiter. ⁽²⁾ Monoptota, quòd uno tantum casu utuntur: ut frugi.

CAPUT VIII.

De Pronomine.

1 PRonomen dictum, quia pro ⁽³⁾ vice nominis ponitur, ne fastidium faciat nomen ipsum, dum iteratur. Nam cum dicimus: Virgilius scripsit bucolica, addimus pronomen, ipse scripsit, & Georgica: sic varietas significationis, & fastidium tollit, & ornatum inducit.

2 ⁽⁴⁾ Pronomina autem aut fini-

ta sunt, aut infinita. Finita pronomina dicta, eò quòd definiunt certam personam: ut ego. Me enim statim intelligis. Infinita dicuntur: quia non sunt certæ personæ. De absentibus enim dicuntur, & incertis: ut quis, quæ, quod. Minus quàm finita appellantur: quia commemorationem faciunt notæ personæ: ut ipse, iste, certum est enim, de quo dicitur. Possessiva vocantur, eò quòd nos aliquid possidere ostendunt: nam dum dico meus, tuus, definitio aliquid meum esse, vel tuum. Relativa dicuntur: quia ad interrogationem referuntur, ut quis est? respondetur, is est. Demonstrativa: eò quòd habent demonstrantis significationem. Aliquem enim præsentem his demonstramus: ut hic, hæc, hoc, ⁽⁵⁾ quæ tria, & articuli nominantur.

3 Articuli autem dicti: quod nominibus arctantur, idest, colligantur: ut cum dicimus, hic orator. Inter articulum autem, & pronomen hoc interest, quod articulus tunc est, quum nomine jungitur: ut hic sapiens. Cum verò non conjungitur, demonstrativum pronomen est: ut hic, & hæc, & hoc.

4 Omnia autem pronomina, aut primigenia, aut deductiva sunt. Primigenia dicta sunt, quia aliundè originem non trahunt. Hæc viginti unum sunt. Finita tria: ego, tu, ille. ⁽⁶⁾ Infinita septem: quis, qualis, talis, quantus, tantus, quotus, totus. Minus quàm finita sex: iste, ipse, hic, is, idem, sui. Possessiva quinque: meus, tuus

(1) Diptota, ut Jupiter. *Dub. in casib. Jupiter dicti etiam Charisius ait, & Sergius. Varietates duas habere nemo dixerit, nam ne accentum quidem variat Jupiter in vocativo, & nominativo. Ergo varietatem à casu cum Sergio distinxit.*

(2) Monoptota. *Hæc Sergius aptota appellari mavult.*

(3) Cap. VIII. Pro vice nominis. *Sic infra c. 36. Antonomasia pro vice nominis ponitur. Donatus, Sergius, & Beda. Pro nomine ponitur. Posset legi, pro nomine, idest, vice nominis: ut eod. c. 36. Antonomasia est pro nomine, idest vice nominis posita.*

(4) Finita, eò quòd dif. c. p. *Servius ad art. Donat.*

(5) Quæ tria, & articuli n. *Sergius. Hæc nonnulli etiam pronomina articularia vocant, eò quòd more Græcor. cum nominibus declinantur.*

(6) Infinita septem. *Quæ nomina ab aliis dicuntur. Sed cum Isidoro faciunt Charisius, Diomedes, Servius, & D. Augustinus.*

tuus, suis, noster, vester. Reliqua autem deductiva dicuntur: quia ex illis deducta, atque composita existunt: ut quispiam, aliquis, &c.

CAPUT IX.

De Verbo.

1 **V**erbum ⁽¹⁾ dictum, eò quòd verberato aëre sonat: vel quod hæc pars frequentèr in oratione versetur. Sunt autem verba mentis signa, quibus homines cogitationes suas invicem loquendo demonstrant. Sicut autem nomen significat personam, ita verbum, factum, dictumque personæ. In persona verbi agentis, & patientis significatio est. Nam scribo agentis personæ factum est. Item scribor personæ factum indicat, sed ejus, à quo patimur.

2 Verborum genera duo sunt: Grammaticorum, atque Rhetorum. Grammaticorum in tria cadunt tempora: præteritum, præsens, & futurum: ut, fecit, facit, faciet. Rhetorum autem universa oratio. Verba dicuntur, veluti, verbis bonis nos cepit, verba bona habuit. Ubi non tantum verba, quæ in tria cadunt tempora: sed universa oratio est. Verborum species sunt: formæ, modi, conjugationes, & genera.

3 Formæ verborum inde dictæ, eò quòd nos ad unamquamque rem informant: per has enim ostendimus, quid agamus. Nam Meditativa dicta à meditantis sensu, ut ⁽²⁾ lecturio, id est, legere volo. Inchoativa post meditationem ab inchoantis indicio: ut calesco. Frequentativa à sæpiùs

agendo, ut lectito, clamito. Formæ enim sensum tenent: modi declinationem. Nam nescis, quid sit declinatio, nisi prius didiceris, quid sit sensus.

4 Modi dicti ab eo: quemadmodum sint in suis significationibus. Indicativus modus dicitur: quia significationem indicantis habet: ut lego. Imperativus, quia sonum habet imperantis: ut lege. Optativus, quia per ipsum optamus aliquid agere: ut utinam legerem. ⁽³⁾ Conjunctivus, quia ei conjungitur aliquid: ut locutio plena sit. Nam quando dicis, cum clamem, pendet sensus: quòd si dicam, cum clamem, quare putas, quòd taceam? Plenus est sensus. Infinitus dicitur, eò quòd tempora definiens personam verbi non definit: ut clamare, clamasse. Cui si adjungas personam: clamare debeo, debes, debet, fit quasi finitum. Impersonalis dicitur, quia indiget persona nominis, vel pronominis: ut legitur, addis personam à me, à te, ab illo, & plenè sentitur. Sed infinitus modus persona tantum verbi eget. Impersonalis verò, vel pronominis persona, vel nominis.

4 Conjugatio dicitur, eò quòd per eam ad unum sonum multa conjungantur. Docet enim, in quam syllabam exeat futurum tempus, ne per imperitiam quis dicat legebo, pro legam. Harum prima, & secunda mittunt futurum tempus in bo, & in bor: tertia in am, & in ar.

5 Genera verborum ideò dicta, quia gignunt. Nam activo adjicis r, & gignit passivum. Rursum passivo adimis r, & parit activum. Ipsa autem

(1) Cap. IX. Verbum quod verberat. E Serv. ad art. Don. sed improbat Quintil. lib. 1. c. 5. Quæ de perfecta forma leguntur in impressis, à Longobardicis quibusdam recte aberant.

(2) Lecturio i. legere volo. Sic Longobard. & Servius: Una meditativa forma est, quæ non agere nos aliquid, sed adhuc velle agere ostendit, ut est lecturio: significat enim non lego, sed legere volo.

(3) Conjunctivus, Servius. Ideò dictus est conjunctivus, quia in loquendo, cum solus elocutionem implere non possit, conjugit sibi indicativum.

tem activa dicuntur, quia agunt: ut verbero. Et passiva quia patiuntur: ut verberor. Neutralia, quia nec agunt, nec patiuntur: ut jaceo, sedeo. His si r litteram adjicis, ⁽¹⁾ non sonant latinè. Communia autem dicuntur, quia, & agunt, & patiuntur: ut amplector. Hæc similiter deposita r littera Latina non sunt. Deponentia verò dicuntur, ⁽²⁾ quia deponunt futuri temporis participium à significatione passiva, quod exit in dus, ut gloriandus.

CAPUT X.

De Adverbio.

Adverbium ⁽³⁾ dictum est, eò quòd verbis accidat: ut putà, benè legi. Benè, adverbium est, legi, verbum. Indè ergò dictum adverbium, quòd semper verbo junctum adimpleatur. Verbum enim solum sensum implet: ut scribo. Adverbium autem sine verbo non habet plenam significationem: ut hodie, adjicis illi verbum, hodie scribo, & juncto verbo implesti sensum.

CAPUT XI.

De Participio.

Participium dictum, quod nominis, & verbi capiat partes, quasi participium. A nomine

enim vindicari sibi genera, & casus; à verbo tempora, & significationes; ab utroque numerum, & figuram.

CAPUT XII.

De Conjunctione.

Conjunctio dicta, quòd sensus, sententiasque conjungat. Hæc enim per se nihil valet, sed in copulatione sermonum, quasi quoddam exhibet glutinum. Aut enim nomina sociat: ut Augustinus, & Hieronymus, aut verba: ut scribit, & legit. Una autem vis omnium, sive copulent, sive disjungant. Copulativæ autem conjunctiones dictæ, eò quòd sensum, vel personas conjungant: ut ego, & tu eamus ad forum, ipsum, & sensum conjunxit. Disjunctivæ dictæ, quia disjungunt res, aut personas: ut ego, aut tu faciamus. ⁽⁴⁾ Subjunctivæ dicuntur, quia subjunguntur: ut que: Dicimus enim, ⁽⁵⁾ regique, hominique, Deoque: non dicimus, que regi, que homini. ⁽⁶⁾ Expletivæ dictæ, quia expleant propositam rem: ut puta, si hoc non vis, saltem illud fac. Communes nominantur: quia ubivis ponuntur, & subjunguntur: ut, igitur hoc faciam, hoc igitur faciam. ⁽⁷⁾ Causales dicuntur à causa, eò quòd aliquid cogunt facere, ut puta: Occido illum, quia habet aurum causa est. Ratio-

na-

(1) Non sonant latinè. Latina *ms.* non sunt Latina *paull' post ex Donat.*

(2) Quia deponunt futuri temporis participium à passiva significatione. Deponens (*sic Carisius*) per antiphrasim dicitur, id est, è contrariò, quòd verbum r littera finitum deponere eam non potest. Idem totidem verbis Diomedes. Ergo hoc est, deiecerit: futurum in *dis* a patiendi significatione depellere nunquam queat. Nam sequendus, utendus, & signa propter passivam significationem, ut gloriandus, nam gloriandus in usu planè non est. Communiarius apud eundem Chardatus, vadandus. A deponenti tria; præsens, præteritum, & futurum, ut luctans, luctatus, lucturus.

(3) Cap. X. Totum caput e Sergio.

(4) Cap. XII. Subjunctivæ. Ita appellat eas Donatus.

(5) Regique, hominique, Deoque. Hemistichium *fluviis de Magis.*

(6) Expletivæ. Etiam Donatus, & Diomedes, solum in expletivis numerant.

(7) Causales, eò quòd aliquid cogunt facere. Rectè emendavit Chacon eum libri: partim cogitem, partim cogiten: habent rationales, quando de ratione. Causa est, quæ nos compellit (al. impingit) ad aliquid faciendum; ratio, quæ utimur in faciundo.

CAPUT XVI.

De Syllaba.

nales dicuntur à ratione, qua quisque utitur in faciendo: ut, quomodo eum occidam, ne agnoscar, veneno? an ferro?

CAPUT XIII.

De Prepositionibus.

PRæpositio dicta, quod nominibus præponatur, & verbis. ⁽¹⁾ Accusativæ autem, & Ablativæ præpositiones à casibus, quibus serviunt, dictæ. ⁽²⁾ Loquelaes verò, quia loquelis, id est, verbis semper coherent, nec aliquid valent solæ positæ: ut di, dis. Conjunctæ verò verbis figuram faciunt, ut diduco, distraho.

CAPUT XIV.

De Interjectione.

Interjectio ⁽³⁾ vocata, quia sermonibus interjecta, id est, interposita, affectum commoti animi exprimit: sicut cum dicitur ⁽⁴⁾ ab exultante, vah: à dolente, heu: ab irascente, hem: à timente, hei. Quæ voces quarumcumque linguarum propriæ sunt, nec in aliam linguam facillè transferuntur.

CAPUT XV.

De Voce.

Vox est aer ictus sensibilis auditu, quantum in ipso est. ⁽⁵⁾ Omnis vox, aut est articulata, aut confusa. Articulata est hominum, confusa animalium. Articulata est, quæ scribi potest. Confusa, quæ scribi non potest.

Syllaba Græcè, Latinè conceptio, sive complexio dicitur. ⁽⁶⁾ Nam syllaba dicta est ἀπὸ τοῦ συλλαμβάνειν τὰ γράμματα, id est, à conceptione litterarum, συλλαμβάνειν enim dicitur concipere. Undè verè illa est syllaba, quæ ex pluribus nascitur litteris. ⁽⁷⁾ Nam unam vocalem pro syllaba abusivè, non propriè dicimus: quæ non tam syllaba dicenda est, quàm ratio temporum. Syllabæ autem, aut breves sunt, aut longæ, aut communes. Breves vocatæ, quia numquam produci possunt. Longæ, quia numquam corripì possunt. Communes autem, quia pro scribentis arbitrio cum necessitas cogit, & producuntur, & corripiuntur: lege Donatum. Ideò autem syllabæ longæ, brevesque dicuntur, quia per varias vocum moras, aut dupla, aut simpla spatia temporis habere videntur. Diphthongæ syllabæ Græco nomine dictæ, quòd in eis binæ vocales jungantur.

2 Ex his apud nos veras esse scimus quatuor: ae, oe, au, eu. Ei verò apud majores tantum celebrata fuit. Syllaba autem apud metricos ideò semipes nominatur, quòd sit dimidius pes. Nam pes duabus constat syllabis. Cum ergo syllaba una est, quasi dimidius pes est. ⁽⁸⁾ Dionysius Lintius syllabarum omnium singulas formas

B

ap-

(1) Cap. XIII. Accusativæ autem, & Ablativæ. Ita appellantur à Servo. & Serg.

(2) Loquelaes. Ita appellantur à Probo, Servo. Donat. Diomed. Charis. Festo in Am. & Bed. de Arte Metr.

(3) Cap. XIV. Interjectiones. Omnia fere verba Aug. lib. 1. de Sermon. Domini in mont. c. 9.

(4) Ab exultante, vah, Diomedes. Exultantem significat evax: Item Donatus, & Bed. Latantis evax. Augustinus tamen. Cum delectamur, vah (inquit) dicimus.

(5) Cap. XV. Omnia, è Donato.

(6) Cap. XVI. ἀπὸ συλλαβῆς. Ita Serg. Diomed. Charis.

(7) Nam unam vocalem pro syllaba abusivè. Donatum videtur notare, qui vocalem longam, syllabam dici propriè voluit. Ejus enim verba sunt, Syllaba est comprehensio litterarum, vel unius vocalis enuntiatio temporum capax.

Nam abusivè, etiam vocalem brevem syllabam vocamus.

(8) Dionysius Lintius. Vel Lintius potius, cuius Strabo, & Cuias meminere. Is Pompeji ætate Grammaticam Roma docuit.

14
aptissimas fecit, & ob id statua honoratus est.

D. ISID. HISPAL.

CAPUT XVII.

De Pedibus.

PEdes ⁽¹⁾ sunt, qui certis syllabarum temporibus insistent: nec à legitimo spatio unquam recedunt. Pedes dicti, eò quòd per ipsos metra ambulent. Nam sicut nos pedibus incedimus, ità metra, quasi pedibus, gradiuntur. Pedes autem omnes centum, viginti quatuor sunt: dissyllabi quatuor, trissyllabi octo, tetrassyllabi sexdecim, pentassyllabi duo, & triginta, hexassyllabi quatuor, & sexaginta. Usque ad quatuor autem syllabas pedes dicuntur: reliquæ *συνυγισσι* vocantur. Ipsi autem pedes habent speciales causas nominum, quarè ità vocentur. Pyrrichius dictus est, quia hic assiduè, vel in certamine, vel in ludo puerili sapiùs ⁽²⁾ frequentabatur. ⁽³⁾ Spondeus dicitur, quia tractim sonat. Nam spondeus tractus quidam dicitur, id est

sonus, qui fundebatur circa aures sacrificantium. Undè, & ii, qui tibiis caneant in sacris gentilium, spondiales nominabantur.

2 Trochæus verò ab eo dictus est, quòd celerem conversionem faciat cantilenæ, & quasi rota velocitèr currat in metris, *τροχός* enim Græcè rota dicitur.

3 Jambus dictus est, quod *ιαμβίσειν* Græci detrahare dixerunt. Hujusmodi enim carmine omnes invectiones, vel detractiones implere poëtæ sunt soliti. Dictum autem nomen ab eo, quòd velut venenum quodammodò maledicti, aut liboris infundat.

4 ⁽⁴⁾ Tribrachys, qui, & Chorijs appellatur, dictus, quia fit ex tribus brevibus.

5 Molossus dictus à saltatione Molossorum, quam exercuerunt armati.

6 ⁽⁵⁾ Anapæstus, quia remissionibus, & ludis hic pes dicatus est.

7 Dactylus à digito dictus, quòd à longiore nodo inchoans, in duos de-

(1) Cap. XVII. Pedes sunt, qui certis Elegatissimè Terentianus: Una longa non valebit edere ex sese pedem. Idibus quia fit duobus non gemello tempore. Sergius quoque. Necesse est pedem unumquemque in se habere certum cum temporibus numerum syllabarum.

(2) Frequentabatur. Postea in Romano cod. hac leguntur. Sive Pyrrichius dicitur ἀπὸ τοῦ πυρρὸς id est, igne, celeris enim, sicut ignis, pes iste decurrit. Hinc est illud Virgilianum: Ardentes Tyti, id est, festinantes. Eadem sunt in recentioribus editionibus. Recta tamen prior etymologia: Terentianus πυρρῆχος idem vocatur, quippe, & apud Pyrrichius.

(3) Spondeus dictus, quia tractim. Est enim σπονδαῖον lentè moveri, unde spondeos stabiles dixit Horatius. Et potius ἀπὸ τοῦ σπονδαῖον id est, libatione, unde ἱερὸς ὕμνος etiam dictus, quòd eo Sacerdotes ad aras progredientes merentur, ut ejus pedis gravitas ominosis vocibus officeret, ne ad illorum aures pervenirent. Terentianus. Qui, quòd in templis canorus à sono vocis male Auribus libantis obstat, & faveat, σπονδαῖος est. Et qui tibiis longis in sacris caneant, spondiales dicebantur, quorum meminit Plutarchus.

(4) Tribrachys, qui, & chorijs Et trochæus dicitur: Quintilian. lib. 9. c. 4. Tres breves chorcum, quem tribrachys dici volunt. Terentianus, cum de jambo egisset:

Nec minus currit trochæus lege versa temporum,
Syllaba longus priore parciore novissima
χρόνος idem nuncupatur à magistris plurimis,
Idem.

Nam solet longam trochæus solvere in duas breves,
Unde, & appellant trochæum, quem vocamus τριβράχυν.

(5) Anapæstus. Longobardicos secuti sumus, qui in hanc lectionem consentiunt. Altera etymologia, quæ in aliis libris manuscriptis, & ineditis legitur: Anapæstus dicitur repercusus, (Græci enim ἀναπαίστιον repercussonem dicunt, qui ideo dicitur repercusus, eò quòd repercutitur à dactylo, est enim illi contrarius) à Diomedæ sumpta est. Quibus verò, quæ illud etiam subiungitur in sex libris. Illud autem mirandum est, in his duobus pedibus; quòd anapæstus suscipit quæritatem nominis: nam ex contrarietate sequenti in contrarietatem ponitur, eò quòd brevis in se præcurrit: ille vero, qui in contrario ponitur, non de eo sumit vocabulum, sed de qualitate syllabarum. Non prorsus absurdè, (si cui Diomedes tanti sit) sic enim ordinat Terentianus pedes, ut ab anapæsto incipiat, & omnino breviores semper præponat. Sed quis non videt, hac etymologia recepta, ut anapæstus quasi repercusus dicitur, nihilominus hunc, quam dactylum obvianduntur à sequenti longa, non quòd repercutitur à Dactylo, sed quòd duæ syllabæ breves repercutiuntur, &

desinat breves. Sic, & iste pes ⁽¹⁾ juncturam unam habet longam, & duas breves. Undè, & manus oppansa palma dicitur, & pendentes digiti dactyli.

8 Amphibrachus, quod in utraque parte brevem habeat, longa in medio interjacente, βραχυς enim brevis dicitur.

9 Amphimacrus dicitur, quòd duæ hinc inde longæ habent in medio inclusam brevem, μακρὸς enim Græcè longus dicitur.

10 Bacchius appellatus est, eò quòd eo pede Bacchica, id est, Liberi sacra, celebrabantur.

11 ⁽²⁾ Antibacchius, vel Palimbacchius dictus, quia contrarius, vel iteratus à Bacchio est.

12 Proceleumaticus, eò quòd sit ad ⁽³⁾ celeuma canentium aptus.

13 Dispondeus autem, & ditrochæus, & dijambus dictus, quòd geminis constent jambis, spondeis, vel trochæis.

14 Antispastus, quòd sit ex contrariis syllabis, ex brevi, & longa, ex longa, & brevi.

15 Choriambus verò, quia ex hoc pede compositum carmen choris aptissimum sit.

16 Jonici sanè propter numerorum inæqualem sonum dicti: habent enim binas longas syllabas, binasque correptas.

17 Pæones dicti ab inventore. Constant ipsi ex una longa, & tribus brevibus: quæ longa juxtà nomina

eorum variatim est constituta.

18 Epitriti vocati, quòd semper tres longas habeant syllabas, & unam brevem.

19 Syzygiæ autem sunt pentasyllabi, & hexasyllabi pedes. Et dicte apud Græcos συζυγίας, quasi quædam declinationes. ⁽⁴⁾ Sed hi non sunt pedes, sed appellantur pentasyllabi, & hexasyllabi: quia ultra quinque, & sex syllabas non procedunt: undè non oportet in carmine has syllabas quodlibet excedere nomen, ut Carthaginensium, Hierosolymitanorum, & Constantinopolitanorum.

20 ⁽⁵⁾ Accidunt unicuique pedi arsis, & thesis, id est, elevatio, & positio vocis. Neque enim iter pedes dirigere poterunt, nisi alterna vice levantur, & ponantur: ut arma, ar elevatio est, ma positio. In his duobus per divisionem pedes legitimi colliguntur. Æqua divisio est, quoties arsis, & thesis æquali temporum divisione cæduntur. Dupla, quoties ex his unus alterum duplo vincit. Sescupla verò est, quoties unum alterum sescuplo superat. In simpla enim ejus parte unum plus invenitur: in dupla unum minus habetur. ⁽⁶⁾ Sescum enim dimidium dicitur. Triplum est, quando major pars ter continet totum minus, id est, tria, & unum. Epitritum est, quando minus continetur à majore, & ejus tertia pars. Cæduntur verò pedum membra, vel per æqualitatem, vel per duplum,

B 2

(1) Juncturam unam. *Articulum juncturam dixit.*

(2) Antibacchius, vel Palimbacchius, quia iteratus. *Romanus codex cum Donato: Quia contrarius: hi antibacchium, nostri palimbacchium interpretati sunt.*

(3) Ad celeuma canentium. *Calcantium volebat Chacon. ex Jerem. 25. Celeuma, quasi calcantium. Et Hieronym. Is. 16. Nequaquam in vindemia lætus vindemiator celeuma cantabit. Et Jerem. 48. & 51. Canendum alii edidit, haud malè.*

(4) Sed hi non sunt pedes. *Cicero in Oratore. Jam pæan, quod plures habeat syllabas, quam tres; numerus à quibusdam non pes habetur. Sed quod συζυγίας declinationes dixit: conjugationes forte legendum.*

(5) Accidunt unicuique pedi arsis, & Sergio. *Vide Terentianum.*

(6) Sescum enim dimid. *Sic Longobard. libri. Cicero in Oratore: Ut necesse sit partem pedis, aut æqualem esse alteri parvi, aut altero tanto, aut sequi esse majorem; ita fit, ut æqualis dactylus, duplex jambus sescuplex pæan.*

Vid. Serg. art. 1. c. 5. & Quintil. lib. 9. c. 4.

plum, vel per sescuplum, vel per triplum, vel epitritum.

21 ⁽¹⁾ Partimur ergo in æqua hos.

Spondeum	ut	æstas
Pyrrhichium		fuga
Dactylum		Mænalus
Anapæstum		Erato
Dispondeum		oratores
Proceleumaticum		avicula
Dijambum		propinquitas
Ditrochæum		cantilena
Antispastum		Saloninus
Choriambum		Armipotens

Item in dupla partimur hos pedes.

Trochæum	ut	meta
Jambum		parens
Molossus		Æneas
Tribrachyn		macula
Jonicum majorem		Junonius
Jonicum minorem		Diomedes

Unus verò tantum est, qui tripla partitione dividitur, quæ ex maxima, atque ideo minimè metris adest.

Tripla.

Amphibrachys) ut (carina
Sescupli autem ii sunt.

Amphimacrus	ut	insulæes.
Bacchius		Achat
Antibacchius		natura
Pæon primus		legitimus.
Pæon secundus		colonia.
Pæon tertius		Menedemus.
Pæon quartus		celeritas.

Restant, quos ⁽²⁾ epitrita partitione dividimus.

Epitritus primus	ut	sacerdotes
Epitritus secundus		conditores
Epitritus tertius		Demosthenes
Epitritus quartus		Fescenninus

Sunt igitur æqui decem, dupli verò sex, triplus unus, sescupli septem, epitriti quatuor.

22 **N**umerus syllabarum in pedibus à duabus, usque ad sex protenditur, ulterius enim non procedit: quia usque ad sex syllabas tenduntur pedes. Tempora in pedibus sunt, utquanta unusquisque pes habeat. Resolutio est pedum, quando pro una longa duæ breves ponuntur: aut pro duabus longis quatuor breves, ut sectaque intexunt abiete costas. Abiete nunc resolutio est spondei in proceleumaticum: in qua resolutione semper ⁽³⁾ synalœpham sequitur Virgilius. ⁽⁴⁾ Ex una autem longa duæ breves fiunt: ex duabus autem brevibus longa nunquam fit. Findi enim solida possunt, solidari scissa non possunt. Figura est, cujus nota syllabæ agnoscuntur. Ubi enim circuli partem inferiorem bis positam aspicias, pyrrichius est, ∞: ubi i geminum jacens, spondeus. -- Nam nota brevis inferior semicirculus ∪. nota longa j jacens est. -

23 ⁽⁵⁾ Metra pedibus accidunt, ut à trochæo trochaicum, à dactylo dac-

(1) Partimur ergo in æqua. Omnia ex Donato usque ad Fescenninus.

(2) Epitrita partitione. Augustinus sequitur tertiam nominat, alii supertertiam: Epitritam Diomedes, Donatus, & Terentianus.

(3) Synalœpham sequitur Virgil. Servius Æn. 5. ad illud. Genus labant. Proceleumaticus (inquit) est, quem sic semper ponit Virgilius, ut cogi possit in dactylum. Quod alibi etiam reperit. Id fit si i, & u, consonantes fiant: sed in reijce capellas eclog. 3. etiam duo ii in unum, idque consonans contrahenda cum tamen i, in medio, nisi inter duas consonantes esse non possit.

(4) Ex una autem longa duæ breves f, ex duabus autem b, Terentianus:
Nam non ita est, ut longa dissolubilis.
Breves vicissim contrahi in longam valent.
Quia solida findi magnitudo non vetat:
Divisa jungi rursum in unum non queunt.

(5) Metra pedibus accidunt. Donatus. Accidunt unicuique pedi, arsis, & thesis, numerus syllabarum, tempus, resolutio, figura, metrum. De quibus omnibus jam egit Isidorus: Sergius Metrum, quod ex spondeo, spondaicum, ex trochæo, trochaicum; ex jambo jambicum nuncupatur. Ac rō nuncupatur, addendum putabat Isidorus Chacon, ita fore integra omnia.

daſtilicum , à jambo jambicum , de quibus paullopoſt dicendum eſt.

CAPUT XVIII.

De Accentibus.

Accentus , qui Græcè proſodia dicitur , ex Græco nomen accepit. Nam Græcè $\omega\rho\delta\varsigma$ Latine ad , $\acute{\alpha}\delta\eta$ Græce, Latine cantus eſt. Hoc enim nomen de verbo ad verbum expreſſum eſt. Latini enim habent , & alia nomina. Nam accentus , & tonos , & tenores dicunt , quia ibi ſonus creſcit , & deſinit: Accentus autem dictus , quod juxta cantum ſit , ſicut adverbium , quia juxta verbum eſt. Acutus accentus dictus , quod acuat , & erigat ſyllabam. Gravis , quod deprimat , & deponat , eſt enim contrarius acuto. Circumflexus , quia de acuto , & gravi conſtat : incipiens enim ab acuto in gravem deſinit : atque ita , dum aſcendit , & deſcendit , circumflexus efficitur. Acutus autem , & circumflexus ſimiles ſunt , nam uterque levat ſyllabam : Gravis contrarius videtur ambobus , nam ſemper deprimat ſyllabas , cum illi levant : ut unde venit Titan , & nox ubi ſidera condit : unde hic gravis eſt , minus enim ſonat quàm acutus , & circumflexus. Monosyllaba autem pars orationis , ſi naturaliter brevis eſt : ut vír , aut poſitione longa : ut árs , acutum accentum habebit. Si verò naturaliter longa : ut rêſ , circumflexum. Diſſyllaba pars orationis , ſi priorem naturaliter longam habet , & ultimam brevem , circumfleſcitur , ut Muſà , aliter acuitur. Trisylla-

ba pars orationis , ſi mediam brevem habet : ut tibia , tunc primam acuiſimus. Si verò naturaliter longam habet ſecundam , & ultimam brevem : ut ⁽¹⁾ Romànus , tunc mediam circumfleſcit. Tetraſyllaba autem , & pentaſyllaba ratione triſyllaborum retinentur. ⁽²⁾ Gravis accentus cum uno accentu poni poſteſt in diſtione una : cum utriſque nunquam , ut Catùllus. In compoſita diſtione unus accentus eſt : ut armipotens , omnipotens. ⁽³⁾ Accentus autem reperti ſunt , vel propter diſtinctionem : ut viridique in littore diſpiciſtur ſus , ne dicas urſus , vel propter pronuntiationem ne dicas mèta breviter , & non producta metâ , vel diſcernendæ ambiguitatis cauſâ , ut ergò. Nam cum produciſtur go , cauſam ſignificat , cum corripitur , conjunctio eſt.

CAPUT XIX.

De Figuris accentuum.

IFiguræ ⁽⁴⁾ accentuum decem ſunt , quæ à Grammaticis pro verborum diſtinctionibus apponuntur $\omicron\xi\epsilon\iota\alpha$, id eſt , acutus accentus , linea à ſiniſtra parte in dexteram partem ſurſum ducta fit ita .

2 $\beta\alpha\rho\epsilon\iota\alpha$, id eſt , gravis linea à ſummo ſiniſtræ in dexteram depoſita , fit ita .

3 $\Pi\epsilon\rho\iota\sigma\pi\omega\mu\acute{\epsilon}\nu\eta$, id eſt , circumflexus , linea de acuto , & gravi facta exprimitur ita .

4 $\mu\alpha\chi\rho\alpha$, id eſt , longa virgula jaccens eſt ita . -

5 $\beta\rho\alpha\chi\upsilon\varsigma$, id eſt , brevis pars eſt

B 3

cir-

(1) Cap. XVIII. Ut Romanus. Ita legendum ex Tarraconenſibus libris , vel Cethegus ex Donat. ut congruat exemplum , non Metellus , ut eſt in reliquis libris. Nam diſtinxit paullo ante naturaliter longam à poſitione longa.

(2) Gravis accentus c. v. a. p. i. d. v. cum utriſque nunquam. Nunquàm enim plus unâ acta in eadem voce , ut ait Quintilianus : ſed gravis poni in una diſtione non ſolum cum acuto , ſed etiam cum circumflexo poſteſt.

(3) Accentus autem reperti ſunt. Atqui Donatus , & Sergius , unde hæc ſumpta ſunt , conturbati , & diſſipati ſapè accentuum legendi , vel diſtinguendi , vel pronuntiandi ratione , vel diſcernendæ ambiguitatis neceſſitate dicunt : & utrumque verum eſſe , nemo negavit.

(4) Cap. XIX. Figuræ accentuum. Omnia ex Donato.

circuli inferior, jacens ita. ∪

6 ρφεν, id est, conjunctio, quia duo verba connectit, subiecta virgula versui circumflexa fit ita. ∪

7 Diastole, id est, distinctio, quæ è contrario separat, dextera pars circuli supposita versui fit ita. ∪

8 Apostrophos, pars item circuli dextera, & ad summam litteram apposita, fit ita', qua nota deesse ostenditur in sermone ultima vocalis: ut tribunal', pro tribunali.

9 Δασεία, quod interpretatur aspiratio, id est, ubi H littera poni debet, tali figura notatur. F

10 Ψιλλ, quod interpretatur siccitas, sive purum, id est, ubi h littera esse non debet, tali nota ostenditur. -I

11 (1) Quorum duorum accentuum figuram Latini ex ipsa littera aspirationis fecerunt. Unde, si jungas has, facis eandem aspirationis notam H. Rursum si medium ejus apicem scindis, δασείαν F, & ψιλλν -I facis.

CAPUT XX.

De Positura.

1 POSitura est figura ad distinguendos sensus per cola, & commata, & periodos, quæ dum ordine suo apponitur, sensum nobis lectionis ostendit. Dicitur autem positura, vel quia punctis positis annotantur: vel quia ibi vox pro intervallo distinctionis deponitur. Has Græci θέσεις vocant, Latini posituras. Prima positura subdistinctio dicitur, eadem, & κόμμα. Media distinctio sequens est, ipsa, & κῶλον. Ultima distinctio, quæ totam sententiam claudit ipsa est περίοδος: cu-

jus: ut diximus, partes sunt, κῶλον, & κόμμα: quarum diversitas punctis diverso loco positis demonstratur. Ubi enim in initio pronuntiationis necdum plena pars sensus est, & (2) tamen respirare oportet; fit comma, id est, particula sensus, punctusque ad imam litteram ponitur, & vocatur subdistinctio ab eo, quod punctum subtus, id est, ad imam litteram accipit. Ubi autem in sequentibus jam sententia sensum præstat, sed adhuc aliquid superest de sententiæ plenitudine: fit colon, mediâque litteram puncto notamus, & mediam distinctionem vocamus, quia punctum ad mediam litteram ponimus. Ubi verò jam per gradus pronuntiando plenam sententiæ clausulam facimus, fit periodus: punctumque ad caput litteræ ponimus, & vocatur distinctio, id est, disjunctio: quia integram separavit sententiam. Hoc quidem apud oratores. Cæterum apud poetas ubi in versu post duos pedes syllaba remanet, comma est, quia ibi post scansionem præcisio verbi facta est. Ubi verò post duos pedes de parte orationis nihil superest, colon est. Totus autem versus periodus est.

CAPUT XXI.

De Notis sententiarum.

1 PRæterea quædam scripturarum notæ apud celeberrimos auctores fuerunt, quasque antiqui ad distinctionem scripturarum carminibus, & historiis apposuerunt. Nota, est figura propria in litteræ modum posita, ad demonstrandum unamquam-

(1) Quorum duorum accentuum figuram Latini ipsam litteram H. Ita quidem Donatus, & Sergius. Sed A. August. etiam idque etiam Athenæum lib. 9. c. 19. & Priscianum in lib. de Ponderibus testari. A quibus ne Capella quidem verba prorsus abhorrent. H aspirationis notam Græci diviserunt. Quod si vocem Latini, tollas qua à Romano codice abest, non minus commoda erit scriptura. Quorum duorum accentuum figuram ex ipsa littera aspirationis fecerunt Græci scilicet.

(2) Cap. XX. Et tamen respirare oportet. Hanc respirationem Donatus, & Sergius media distinctioni tribuunt.

quamque verbi, sententiarumque, ac versuum rationem. Notæ autem versibus apponuntur numero viginti sex, quæ sunt nominibus infrascriptis.

* 2 ⁽¹⁾ Asteriscus apponitur in iis, quæ omissa sunt, ut illucescant per eam notam, quæ deesse videntur. Stella enim ἀσὴρ Græco sermone dicitur, à quo Asteriscus est derivatus.

3 ⁽²⁾ Obelus, id est, virgula jacens apponitur in verbis, vel sententiis superflue iteratis, sivè in iis locis, ubi lectio aliqua falsitate notata est; ut quasi sagitta jugulet supervacua, atque falsa confodiat. Sagitta enim Græcè ὀβελὸς dicitur.

4 Obelus supernè ad punctum ponitur in iis, de quibus dubitatur, utrum tolli debeant necne.

÷ 5 ⁽³⁾ Limniscus, id est, virgula inter geminos punctos jacens, apponitur in iis locis, quæ Sacræ Scripturæ interpretes eodem sensu, sed diversis sermonibus transtulerunt.

Y 6 ⁽⁴⁾ Antigraphus cum puncto apponitur, ubi in translationibus diversus sensus habetur.

*→ 7 ⁽⁵⁾ Asteriscus cum obelo: hac propriè Aristarchus utebatur in iis versibus, qui non suo loco positi erant.

↵ 8 Paragraphus ponitur ad separandas res à rebus, quæ in connexu concurrunt: quemadmodum in cata-

logo loca à locis, & regiones à regionibus: in agone præmia à præmiis, certamina à diversis certaminibus separantur.

9 Positura est figura paragrapho contraria, idè sic formata, quia sicut ille principia notat: ita ista fines à principiis separat.

10 ⁽⁶⁾ Cryphia: circuli pars inferior cum puncto ponitur in iis locis: ubi quæstio dura, & obscura aperiri, vel solvi non potest.

11 ⁽⁷⁾ Antisigma ponitur ad eos versus, quorum ordo permutandus est, sic, & in antiquis auctoribus positum invenitur.

12 ⁽⁸⁾ Antisigma cum puncto ponitur in iis locis, ubi in eodem sensu duplices versus sunt, & dubitatur, qui potius eligendus sit.

13 ⁽⁹⁾ Diple: hanc scriptores nostri apponunt in libris Ecclesiasticorum virorum ad separanda, vel demonstranda testimonia Sanctarum Scripturarum.

14 ⁽¹⁰⁾ Diple περι τήχον, hanc primus Leogoras Syracusanus apposuit Homericis versibus ad separationem Olympi à Cælo.

15 ⁽¹¹⁾ Diple περιεγγραμένη id est, cum geminis punctis: hanc antiqui in iis apponebant, ⁽¹²⁾ quæ Zenodotus Ephesius non rectè adjecerat, aut de-

tra-

(1) Cap. XXI. Asteriscus. De Asterisco, & obelo August. 18. de Civit. cap. 42. Hieronym. in Prefat. Paralipom. & in Job, & epist. 135. ad Sumiam, & Fretel. Reperiunturque adhuc in libris, & Asterisci, & obeli diversa aliquantulum figura Asterisci. * X X obeli.

(2) Obelus supernè apponitur. Placet A. Augustino sic pingi, ut est in Pandectis Florent. (3) Limniscus. De vocis notione vid. Veget. de Re veterinaria. Mirum verò Hypolimniscum ad Isidoro prætermisum (nam prætermisum non dubito, cum omnes xxvj. notas, quas proposuit, explicavit) cum constet quatuor omnino notis in hexaplis, aut octaplis usum fuisse Origenem, asterisco, obelo, limnisco, & hypolimnisco. Est verò hypolimniscus ex Epiphania virgula jacens punctum subitis habens, quo indicatur ab altero tantum lxx. pari, sensum eisdem verbis redditum: figura fuit.

(4) Anographus. Duplici figura pingitur in Gothicis hac tantum. Y (5) Asteriscus cum obelo. Hunc A. August. ita pingi vult. X→ (6) Postura. Cum reliqua omnia Græca sint: suspectum positura nomen videri possit. (7) Antisigma. Vid. Laert. in Platone. (8) Antisigma cum puncto. In Laertio A. Augustini hac erat figura. D. (9) Diple. Cicero lib. VIII. Ep. ad Att. ep. 1. Vibullii res gestæ sunt adhuc maxime, id ex Pompeii litteris cognoscens, in quibus animadvertito illum locum, ubi erit dīdū. De figura consentiunt omnia, præter codicem Laertii A. August. in quo hæc cernuntur D D E, mendose, ut ipse etiam putabat.

(10) Diple περι τήχον. Leogora meminit Suidas, sed nihil de eo præter nomen. (11) Diple περιεγγραμένη. Sic Anton. August. ex Casarar. C. & Gothic. CC. (12) Quæ Zenodotus. Primus hic (ut ait Suidas) Homerii corrector fuit, Bibliothecis Alexandrinis præfatus, & filiorum Ptolemæi Magister.

traxerat, aut permutaverat : in iis, & nostri ea usi sunt.

⇒⇒ 16 Diple *ᾠδισμένη* interponitur ad separandas in comœdiis, vel tragœdiis periodos.

< 17 ⁽¹⁾ Aversa ⁽²⁾ quotiès strophe, & antistrophus infertur.

↔ 18 Aversa cum obelo ad ea ponitur, quæ ad aliquid respiciunt, ut:
*(3) Nos ne tibi fluxas Phrygiæ res
vertere fundo*

⇒⇒ 19 *Conamur ? nos ? an miseros, qui
Troas Achivis Objecit ?*

>↔ 20 Diple supernè obelata ponitur ad conditiones locorum, ac temporum, personarumque mutatas.


>↔ 20 Diple recta, & aversa supernè obelata ponitur, finita loco suo monade significante similem sequentem quoque esse.

*V 21 Ceraunium ponitur quotiès multi versus improbantur, nec per singulos obelantur, ceraunus enim fulmen dicitur.

* 22 ⁽⁴⁾ Chresimon hæc sola ex voluntate uniuscujusque ad aliquid notandum ponitur.

Φ 23 ⁽⁵⁾ φ, & ρ, id est φ *φορτίς*, hæc ubi aliquid obscuritatis est, ob sollicitudinem ponitur.

Υ 24 Anchora superior ponitur, ubi aliqua res magna omnino est.



25 Anchora inferior, ubi aliquid vilissimè, vel inconvenientiùs denuntiatum est.

26 ⁽⁶⁾ Coronis nota tantum in fine libri apponitur.

27 ⁽⁷⁾ Alogus nota ad mendas adhibetur.

28 Fiunt, & aliæ librorum notulæ pro agnoscendis iis, quæ per extremitates paginarum exponuntur : ut ubi lector in liminari hujusmodi signum invenerit, ad textum recurrens ejusdem sermonis, vel versiculi sciat esse expositionem, cujus similem superjacentem notam invenerit.

CAPUT XXII.

De Notis vulgaribus.

I VULGARES ⁽⁸⁾ notas Ennius primus mille, & centum invenit. Notarum usus erat : ut quicquid pro concione, aut in judiciis diceretur, librarii scriberent complures simul astantes, divisim inter se partibus, quos quisque verba, & quo ordine exciperet. ⁽⁹⁾ Romæ primus Tullius Tiro Ciceronis libertus commentatus est notas, sed tantum præpositionum. ⁽¹⁰⁾ Post eum Vipsanius Philargius, ⁽¹¹⁾ & Aquila libertus Mæcenatis alius alias addiderunt. Deindè Seneca, ⁽¹²⁾ contrac-

(1) Diple aversa. Placet Casarav. libri figura > itemque aversa cum obelo, ↔ & supernè obelata. S

(2) Quotiès Strophe. De Strophis, & antistrophis vide Pindari interpretem, nō Olymp. & Hephæstionis encycyridion, & inveniri necesse est; strophem, antistrophen, epodon. Nam circuire aram dextra strophem vocabant, redire à sinistra antistrophen, post eum in conspectu Dei consistentes cantici reliqua peragebant, epodon.

(3) Nosne tibi fluxas Phrygiæ res. Quo loco Servius staturus (inquit) relativus est.

(4) Χρῆσιμον. Quod usui est.

(5) φ, & ρ. Cum in veteribus libris frontis laceretur, non difficilis fuit conjectura φφορτίς legendum, quæ vox curam significat, & sollicitudinem.

(6) Coronis. Varie in libris pingitur, à quibus diversa est Hephæstionis nota. Sed placet Carion apud Aristophanem χαμῶντις ἵσσι ἐφαχία κερῶντι τικῶποναι ἔχουσα.

(7) Alogus. Varie pingitur I Z V T

(8) Cap. XXII. Vulgares notas Ennius primus. Posteriorem intelligo, qui de litteris, & syllabis duos libros scripsit; ut ait Sueton. in Proëm lib. de Illustrib. Gramm.

(9) Romæ primus Tull. Tiro. Verba Hieronymi in Chronic. Euseb. Sed quonam modo primus, si Ennius quoque primus?

(10) Post eum Vipsanius. Confirmavit conjecturam A. Augustini codex Overensis collegii, in quo Vipsanius disertè scriptum arbitror liberti patronum id nomen d' disse, quod ipse respueret. Vñ. Senec. in Declamat.

(11) Et Aquila libertus Mæcen. Notæ à Mæcenate ipso excogitatas, sed editas ab Aquila narrat Dion. lib. 55.

(12) Contracta omnium. Sueton de Valer. Prob. Multaque exemplaria contracta emendare, ac distinguere, & adnotare curavit.

tractu omnium, digestoque, & aucto numero, opus effecit in quinque milia. Notæ autem dictæ, eò quòd verba, vel syllabas præfixis characteribus notent, & ad notitiam legentium revocent, quas qui didicerunt propriè jam notarii appellantur.

CAPUT XXIII.

De Notis juridicis.

I QUædam autem litteræ in libris juris verborum suorum notæ sunt, quò scriptio celeris breviorque fiat. Scribebatur enim verbi gratia: per B, & F, bonum factum: per S, & C, senatus consultum: per R, & P, respublica: per P, & R, populus Romanus: per D, & T, dumtaxat per supinam in litteram mulier: ⁽¹⁾ per P, secundum naturam pupillus: ⁽²⁾ per Pꝛ verso capite, pupilla: per unum K Kaput: per duo KK juncta Kalumniæ Kausa: per I, & E, judex esto: per D, & M, dolum malum. Cujus generis plurimæ consimiles notæ in libris antiquis inveniuntur. Has juris notas ⁽³⁾ novitii Imperatores à codicibus legum abolendas sanxerunt: quia multos per has callidi ingenio ignorantés decipiebant, atque ita jusserunt scribendas in legibus litteras, ut nullos errores, nullas ambages afferant, sed sequenda, & vitanda apertè demonstrant.

CAPUT XXIV.

De Notis militaribus.

IN ⁽⁴⁾ breviculis quoque quibus militum nomina continebantur, propria nota erat apud veteres, qua inspiceretur, quanti exi militibus superessent, quantique in bello cecidissent. ⁽⁵⁾ T nota in capite versiculi posita superstitem designabat. ☉ Verò ad uniuscujusque defuncti nomen apponebatur. Undè, & habet per medium telum. Id est, mortis signum, de qua Persius ait:

Et potis est nigrum vitio præfigere theta.

2 ⁽⁶⁾ Cùm autem impuritiā significare vellent lambda littera usi sunt: sicut mortem significabant cùm ponebant theta ad caput. In stipendiorum quoque largitione propriæ erant notæ.

CAPUT XXV.

De Notis litterarum.

I NOTAS etiam litterarum inter se veteres faciebant: ut quidquid occultè invicem scriptura significare vellent, mutuò scriberent. Testis est Brutus, qui iis litteris ea, quæ acturus erat, notabat, ignorantibus aliis quid sibi vellent eæ litteræ. Cæsar quoque Augustus ad filium: Cùm, inquit, innumerabilia incidunt assiduè, quæ scribi ad alteru-

trum

(1) Cap. XXIII. Per supinam in litteram. Cum plerique omnes libri in litteram haberent, probissimè conjecit. A. Augustinus in. scribendum, quo tertia littera significatur. Nam per C conversam in hunc modum D. Cujam significabant, eoque prænomine mulieres omnes utebantur. Plutarch. in Problem. & Boeth. in Top. Quod autem per supinam in litteram dicit Isidorus; Romanus Codex hanc notam habet V quæ est etiam in Goth. Ov.

(2) Per Pꝛ verso capite pupilla. Ita Valerius Prob.

(3) Novitii Imperatores. Justinianus in Prefat. qua Pandectis, & Codici præfixa est. Obierat autem Justinianus anno à Christo nato 528.

(4) Cap. XXIV. In breviculis Rufinus invecit. 2. Siquis accepto breviculo, in quo militum nomina continentur, nitatur inspicere, quanti ex militibus supersint, quanti in bello ceciderint; & requirens, qui inspicere missus est propriam notam, &c.

(5) T nota i. e. v. superstitem signif. Ita apud P. Diaconum quamvis V. nota vivum solere significari sciamus. Nam quod V. ferale vocat Antonius, alia ratio est, ut adnotavit eruditissimus vir.

(6) Cùm autem impuritiā. Al. pueritiā, al. imperitiā. Ergo λυγὴν, & λυγῖν, aut etiam λallare, quæ puerorum, & imperiorum sunt, per λ significari quidam suspicantur. Alii non λ, sed γ litteram Pythagoræ substituant puerorum αἰσῖν convenientem. Qui impuritiā malunt λυσῖν, aut aliud obscænum verbum ex Aristophane in Concionatricibus intelligunt.

trum oportet, & esse secreta: habemus ergo inter nos notas si vis tales: ut cum aliquid notis scribendum erit, pro unaquaque littera scribamus sequentem, hoc modo, pro a, b; pro b, c, & deinceps eadem ratione cæteras; ⁽¹⁾ pro z autem, littera redeundum erit ad duplex aa. Quidam etiam versis verbis scribebant.

CAPUT XXVI.

De Notis digitorum.

1 **S**unt quædam, & digitorum notæ: sunt, & oculorum, quibus secum taciti proculque distantes colloquuntur: sicut mos est militaris, ut quoties consentit exercitus, quia voce non potest, manu promittat, alii quia voce non posunt, gladiatorum ⁽²⁾ nutu salutant. ⁽³⁾ Ennius de quadam impudica. Quasi in choro pila ludens datatim dat sese, & communem facit. Alium tenet, alii adnutat, alibi manus est occupata, alii pervellit pedem, alii dat anulum spectandum à labris, alium invocatur, cum alio cantat, attamen aliis dat digito litteras. Et Salomon: Annuit oculo, terit pede, digito loquitur.

CAPUT XXVII.

De Orthographia.

1 **O** Orthographia Græcè, Latine recta scriptura interpretatur: ὀρθὴ enim Græcè recta: γράφῃ scriptura dicitur: hæc disciplina docet quemadmodum scribere debeamus. Nam sicut ars tractat de partium declinatione, ita orthographia de scribendi peritia: ut putà ad, cum est præpositio, d litteram, cum est conjunctio t litteram accipit.

2 Haud: quando adverbium est negandi, d littera terminatur, & aspiratur in capite: quando autem conjunctio est, per t litteram sine aspiratione scribitur.

3 Apud præpositio per d scribitur, sicut ad patrem, quoniam veteres sæpè ad pro apud usi sunt, duabus ex iis mediis litteris subtractis.

4 Interdum autem aliæ litteræ in locum aliarum ritè ponuntur, B, & P litteris quædam cognatio est. Nam pro Birro dicimus Pirrum. C, & G quandam cognitionem habent. Nam cum dicimus centum, & trecentos, postea dicimus quadringentos, gponentes pro c. C, & Q similiter cognatio est: nam hujusce per c: cujusque per

(1) Cap. XXV. Pro z autem l. red. ad dupl. aa. Suetonius in August. Pro x autem ad duplex aa: opinor, quia Augusti tempore extrema littera fuit x. Isidori verò z. ut supra vidimus c. 3. & 4.

(2) Cap. XXVI. Nutu gladiatorum. Sic est in Longobard. libro Viri clariss. G Loaisa, cum in reliquis omnibus motu non perinde eleganter legatur.

(3) Ennius de quad. impud. Nevium pro Ennio reponendum admonuit vir eruditus ex Festo. Sunt autem versus ex Terentilla Nevii quos Gab. Faernus Trochaicos quinque esse dicebat, sed duos mendose scriptos, illa verba in choro tollenda esse, vel potius ante scribenda, quasi dicta essent à poeta in choro:

Quasi pila ludens datatim dat se, & communem facit, Alium tenet, alii nutat.

Alibi manus est occupata, alii pervellit pedem, Alii dat anulum spectandum à labris alium invocatur,

Cum alio cantat, attamen aliis dat (de) digito litteras.

Licet eidem secundum verbum ex Festo in Adiciat ita supplere. Alii adnutat, alii adiciat, alium amat, alium tenet. Sed opera pretium erit eosdem senarios factos ab alio audire.

Quasi in foro pila.

Ludens datatim dat se, & communem facit, Alium tenet, alii adiciat, alibi manus

Est occupata, ast alii percellit pedem,

Alii dat anulum spectandum de labris,

Alium invocatur, cumque alio cantat, attamen Aliis dat digito litteras.

Vid. conjectanea in Varronem.

per q scribimus. ⁽¹⁾ Cùm autem præpositio per c scribenda est, si autem adverbium fuerit, per q. Dicimus enim quum lego. Deus per e solam: dæmon per æ diphthongum est notandus.

5 Equus quod est animal, per e scribendus. Æquus quod est justus, per æ diphthongon est scribendus. ⁽²⁾ Exul addita s debet scribi: quia exul dicitur, qui extra solum est. ⁽³⁾ Exultat, melius sine s littera scribitur. Nam cùm ipsa x ex c, & s constat, quomodo cùm in ea sit s, rursus ei additur alia?

6 Æquor per diphthongon scribendum, quia non ab aqua, sed ab æqualitate nomen est factum.

7 Forsitan per n in fine scribendum, quia integrum ejus est, si forte tandem.

8 Fedus, quod est deformis, per e solam scribendum: foedus, quod est pactum, cum œ diphthongo scribendum.

9 ⁽⁴⁾ Formosus sine n scribitur: quia à formo i. calido: calor, n. sanguinis efficit pulchritudinem.

10 ⁽⁵⁾ Gnatus quod est filius, per g scribendum: quia facit generatus.

11 H, quæ aspirationis nota est, in Latino tantum vocalibus jungitur: ut honor, homo, humus. ⁽⁶⁾ Aspiratur

autem, & consonantibus, sed in Græcis, & Hebræis nominibus. Heus autem, & heu interjectiones per h scribendæ.

12 I litteram inter duas vocales constitutam bis scribi quidam existimabant: ⁽⁷⁾ ut Trojia, Majia, sed hoc ratio non permittit. Nunquam enim tres vocales in una syllaba scribuntur. Sed I littera inter duas vocales constituta, pro duplici habetur.

13 Id, pronomen neutri generis per d scribitur, ab eo quod est is, ea, id: quia facit idem.

14 Quod si verbum est tertiæ personæ per t notabitur, ab eo quod est eo, is, it: quia facit itur.

15 K litteram antiqui præponebant ⁽⁸⁾ quoties a sequebatur, ut Kapput, Kanna, Kalamus. Nunc autem Kartago, & Kalendæ per eandem tantum scribuntur. Omnia autem Græca nomina qualicumque sequente vocali per K sunt scribenda.

16 Lætus per æ diphthongum scribitur: quia lætitia à latitudine vocata est, cui contraria est tristitia, quæ angustiam facit. L, autem littera interdatum pro d, littera utimur: ut latum pro datum, & calamitatem pro cadamitate: à cadendo enim nomen sumpsit calamitas.

17 ⁽⁹⁾ Maxumus: an maximus, &

(1) Cap. XXVII. Cum autem præp. Ex Velii Longi libello de Orthograph.

(2) Exul addito s. Quia saluum esse dictionibus suum initium debet, ait Terentius Scaurus.

(3) Exultat. E margine hæc adscita putabat Chacon, continent enim sententiam præcedenti contrariam, è Placidi glossis desumptam. Nos Eudoro id nihil obesse putamus: illius, n. non tam his de rebus judicare, quam pluribus è locis diversa corrigere studium fuit. Eadem fuit Velii Long. opinio in lib. de Orthographia. Porro in antiquissimis legum tabulis in æ incisi, maximus, proximus, dixerint, faxit, deduxit, exigatur hujusmodique alia multa videntur.

(4) Formosus sine n Scaurus. Non mediocriter peccant qui formoso n. litteram adsumunt, non magis necessariam, quam gloriosum. Quidam ex apicibus vocalibus longis impositis n contraxisse plurimas voces contendunt: ut formosus, thesaurum, mesam, quoties, vicesimum. A. Augustinus antiquiorem censebat hanc scripturam, quam usum apicum, extare enim Genus creant tabulam ante Ciceronis ætatem incisam, in qua sit VICENSUMUM. Idemque de thesauro, thesa mensa, & reliquis existimabat. Apices addere vocalibus longis non ita antiquum fuisse, licet sit vetus Quintiliano teste. Nam antiquiores longas vocales duplicare solitos: ut Felix, pro Felix, Vaala, pro Vala, qua in nummis leguntur. Quod autem formosus à formo ducit: idem repetit lib. x. & xix. c. 7. & xx. c. 13.

(5) Gnatus quia facit generatus. Eodem modo loquitur paullopost. Sat. per t, quia integrum facit satis.

(6) Aspiratur, & consonantibus. Cicer. in Orator. Quin ego ipse cùm scirem majores ita locutos: ut nusquam nisi in vocalibus aspiratione uteretur, loquebar ita: ut puleros, ceteros, Cartaginem dicerem.

(7) Ut Trojia, Majia. Ita Ciceronem solum scribere tradit Velius. Quis respexisse videtur Terentianus. Atque i. geminum scribere nos jubent magistri.

(8) Quoties a sequebatur a breve: ut diximus ex Diomed. ad cap. 4.

(9) Maximus an maximus. Vel. Longus. Ut jam in ambiguitatem cadat, utrum per i quædam debeant dici an per u: ut est opumus, maxumus. In quibus adnotandum antiquum sermonem plenioris sonus fuisse, & ut ait Cicerro, rus-

& si qua similia sunt, qualiter scribi debeant quaesitum est. Varro tradidit Casarem per i huiusmodi verba enuntiare, & scribere solitum esse: inde propter auctoritatem tanti viri consuetudinem factam: ut maximus, optimus, pessimus scribatur.

18 Malo per unum l scribendum: quia est magis volo: Malle per duo ll, quia est magis velle: nolo quoque per unum l, nolle per duo. ⁽¹⁾ Nolo enim, ne volo est: nolle, ne velle.

19 ⁽²⁾ Os si vultum, aut ossum significat per o solam scribendum est: ⁽³⁾ si personam, h praeposenda est.

20 Ora finium per o: hora diei, per h scribendum.

21 Onus si de onere venit per o solam scribendum: si de honore, cum h aspiratione.

22 Praepositio, & praeterea, per diphthongum scribendum.

23 ⁽⁴⁾ Penè verò quod est conjunctio, per e.

24 Poena, quod est supplicium, per oe.

25 Q littera tunc rectè ponitur: cum illam statim u littera sequitur, & alia quaelibet una pluresvè vocales junguntur, ita ut una syllaba fiat. Caetera per c scribuntur.

26 Quae, pronomen cum a scri-

bendum: quae, conjunctio, sine a.

27 Quid, per d litteram scribitur cum pronomen est: per t, cum verbum, cuius positio prima est, quoe, quis, quit: & in compositione nequeo, nequis, nequit.

28 Quod, quando pronomen est, per d scribendum: quando numerus, per t: quia totidem per t scribitur.

29 ⁽⁵⁾ Quotidiè per q scribendum: non per c, ut sit quot diebus.

30 R littera, communionem habet cum s littera. Itaque apud antiquos honos, labos, arbos dicebatur: nunc honor, labor, arbor.

31 Sat per t scribi oportet, quia integrum ejus facit satis.

32 Sed per d oportet scribi. Apud antiquos enim sedum dicebatur: nos finales duas litteras abscidimus.

33 ⁽⁶⁾ Tamtus sicut, & quamtus in medio m habebunt. De quam enim, & tam veniunt, unde, & quamtitas, quamtus, & tamtus.

34 ⁽⁷⁾ Vae interjectio cum a scribenda, Ve conjunctio, sine a.

35 Xristus, quia Graecum est per X scribendum. ⁽⁸⁾ Ita, & Xrisma.

36 Y, & Z litteris sola Graeca nomina scribuntur. Nam cum iustitia z litterae sonum exprimat: tamen, quia

ticanum: atque illis placuisse per u talia scribere, & enuntiare. Errare autem Grammatici, qui putaverunt superiora per u enuntiare: ut enim concedamus illis in optimo, in maximo, in pulcherrimo, in iustissimo. Quid facient in his nominibus in quibus aequè manet eadem quaestio superlacione sublata manibus, an manibus; lubido, an libido. Nec vero postquam exilitas sermonis delectare cepit, usque i, littera castigavimus illam pinguitudinem, non tamen: ut plebs ne i litteram enuntiaremus. Et contendam quosdam alia nomina per u scribere, qui antiquorum volucates sequuntur. Nec tamen sic enuntient, quomodo scribant. Vide Quintil. lib. 1. c. 3. & Gn. Cornuti librum de Orthog. apud Cassianum vis, dixit.

(1) Nolo n. nec volo. Ne pro non dixisse antiquos probat Festus. Idque frequens apud Plautum. Terentius quoque nisi tu pane coctum. Cum osso Agellium multo antecusum tradat Charisius. De loco vero Terentii in Eunuchio credo ego Faernum, mulaturos.

(2) Si personam. Ut sit accusativus pronominis articularis, hos.

(3) Penè quod est conjunctio per e. In Pandectis Florentinis per a perpetuò scribi aiebat A. Augustinus.

(4) Quotidie per q. Sed jam evanuisse dicit Quintilianus, Velius. Per q. quotidie magis dicunt, quam per c. cotidie, cum, & dicatur melius, & scribatur: non enim est quotidie à quoto dictum, sed à continenti die cotidie tractum.

(5) Vae interjectio. Eodem modo Agellius lib. 5. c. 12. Sed mirum (inquit) quod in compositione a deperditur, quae quae de re supra a. 3. & 4.

(6) Tamtus, & quamtus. Vide apud Cassiod. de Orthograph. Gn. Cornutum, & Cessellium.

(7) Ita, & Xrisma. Ita IV. CC. si latine placuit, immo Xristum Xrisma scribi ob id opinor: ut retineretur Cruxis figura.

quia Latinum est, per t scribendum est. Sic militia, malitia, nequitia, & cætera similia.

37 In dubiis quoque verbis consuetudo veterum erat: ut cum eadem littera alium intellectum correpta, alium producta haberet, longæ syllabæ apicem apponebant: ut putà populus arborem significaret, an hominum multitudinem: apice distinguebatur. Sic, & ubi litteræ consonantes geminabantur. ⁽¹⁾ Sicilicum superponebant: ut sel'a, ser'a, as'eres. Veteres enim non duplicabant litteras, sed suprâ sicilicos apponebant. Quæ nota admonebatur lector geminandam esse litteram.

CAPUT XXVIII.

De Analogia.

1 ⁽²⁾ **A** Nalogia ⁽³⁾ Græcè, Latine similitum comparatio, sive proportio nominatur. ⁽⁴⁾ Cujus hæc vis est: ut quod dubium est, ad aliquod simile, quod non est dubium referatur: ut incerta certis probentur. Octo autem modis comparatio analogiæ colligitur, id est, qualitate, comparatione, genere, numero, figura, casu, extremitatibus similitum syllabarum, & similitudine temporum. Si quid de iis unum defuerit, jam non est analogia, id est, similitudo: sed est anomalia, id est, extra regulam: ut lupus, & lepus, totum convenit: ⁽⁵⁾ sed dissentiant casu: facit enim lupi, leporis.

Nam regulariter est dum quæris utrum trames masculinum sit an foemininum: & erit masculinum. Item funis si incerti generis esse credis, similis est illi panis in declinatione, & erit masculinum. ⁽⁶⁾ Item ex comparatione positivorum: ut si dicas, doctus, magnus: positivi sunt, & sui similes. Fit, & per diminutionem: ut putà funem masculinum esse funiculus ostendit: sicut marmor neutri generis esse, marmusculum indicat. Nam quod genus in principalitate est, id esse solet in diminutione. Sed hoc non semper: ut pristinum pistrilla. Sed quia scire debemus ⁽⁷⁾ ex positione declinationem, & ex diminutione genus colligere.

CAPUT XXIX.

De Etymologia.

1 **E** Tymologia est origo vocabulorum, cum vis verbi, vel nominis per interpretationem colligitur. Hanc Aristoteles σύμβολον, Cicero notationem nominavit: quia nomina, & verba rerum nota facit: ut putà flumen, quia fluendo crevit, à fluendo dictum. Cujus cognitio sæpè usum necessarium habet in interpretatione sua. Nam cum videris unde ortum est nomen, citius vim ejus intelligis. Omnis enim rei inspectio, etymologia cognita, planior est. Non autem omnia nomina à veteribus secundum naturam imposita sunt, sed quædam, & secundum placitum: sicut,

C

cut,

⁽¹⁾ Sicilicum superponebat, Sic Victorinus in libro de Orthog. qui extare in signum atate sua multis in libris testatur. Fuit autem nota hujusmodi SER'A, SEL'A. Sicilicum dictum (ait Festus) quod semunciam secer. Id nunc nullum apparere in antiquis marmoribus, aut libris miramur, cum in Duillii titulo CLASES, NOMEI, in nummis FILIPPOS: sine ulla sicilici nota visantur.

⁽²⁾ Cap. XXVIII. Omnia ex Quintil. lib. 1. cap. 5. Et Sergii arte secunda, c. de Casibus, sed ita concinnata: ut nequæ in verbum cohercant, neque auditoribus, à quibus sumpta sunt satis respondeant.

⁽³⁾ Analogia - Latine similitum comparatio. Ferri poterat, nisi apud Quintilianum similitum comparatio alio sensu acciperetur. Est n. apud illum Analogia pars, hic genus ipsum. Sergius melius similitum rationem dicit.

⁽⁴⁾ Cujus hæc vis: ut quod dub. &c. Verba sunt Quintil.

⁽⁵⁾ Dissentiunt casu facit n. lupi, leporis. Non casu, sed genere differre voluit Sergius, quia non: ut lupus lupa, ita lepus lepa faceret.

⁽⁶⁾ Item ex comparatione positivor. Donat. in art. secund. In his regulis analogia, vel ex collatione positivor. nominum, vel ex diminutione cognoscitur.

⁽⁷⁾ Ex positione declinationem, & ex dim. g. Consentunt VV. CC. in hanc scripturam.

cūt, & nos servīs, & possessionibus interdum secundū quod placet nostræ voluntati nomina damus. Hinc est quod omnium nominum etymologiæ non reperiuntur : quia quædam non secundū qualitatem qua genita sunt, sed juxta arbitrium humanæ voluntatis vocabula acceperunt. Sunt autem etymologiæ nominum, aut ex causa datæ : ⁽¹⁾ ut reges à regendo, id est, à rectè agendo, aut ex origine: ut homo quia sit ex humo, aut ex contrariis : ut à lavando lutum, dum lutum non sit mundum, & lucus, quia umbra opacus, parum luceat. Quædam etiam facta sunt ex nominum derivatione : ut à prudentia prudens. Quædam etiam ex vocibus : ut à garritate graculus. Quædam ex Græca etymologia orta, & declinata sunt in Latinum : ut sylva, domus. Alia quoque ex nominibus locorum, urbium, fluminum traxerunt vocabula. Multa etiam ex diversarum gentium sermone vocantur. Undè, & origo eorum vix cernitur. Sunt enim pleraque barbarana nomina, & incognita Latinis, & Græcis.

CAPUT XXX.

De Glossis.

¹ **G**lossa Græca interpretatione linguæ sortitur nomen. ⁽²⁾ Hanc Philosophi ad verbum dicunt : quia vocem illam de qua requiritur, uno, & singulari verbo designat. Quid enim illud sit in uno verbo positum declarat : ut conticescere est tacere. Item, latus haurit apertum:

haurit, percutit. Item cū terminum dicimus finem : aut populas interpretatur esse vastatas, & omnino cū unius verbi rem uno verbo manifestamus.

CAPUT XXXI.

De Differentiis.

¹ **D**ifferentia ⁽³⁾ est species definitionis, quam Scriptores artium de eodem, & de altero nominant. Hæc enim duo quadam inter se communione confusa, conjecta differentia, secernuntur, per quam quid sit utrumque cognoscitur : ut cū quaeritur, quid inter regem intersit, & tyrannum, adjecta differentia quid uterque sit definitur : ut Rex modestus, & temperans, tyrannus verò crudelis. Inter hæc enim duo differentia cū posita fuerit, quid sit utrumque cognoscitur, sic, & cætera.

CAPUT XXXII.

De Barbarismo.

¹ **B**arbarismus est verbum corrupta littera, vel sono enuntiatum : littera, ut floriet, dūm floret dicere oporteat : sono, si pro media syllaba prima producat : ut, latebræ, tenebræ. Apellatus autem barbarismus à barbaris gentibus, dū Latinæ orationis integritatem nescirent : ⁽⁴⁾ unaquæque enim gens facta Romanorum, cū suis opibus vitia quoque, & verborum, & morum Romam transmisit. ⁽⁵⁾ Inter barbarismum

(1) Cap. XXIX. Ut reges à rectè agendo. *Al.* à regendo. *Utrumque ex codicibus, & ex alijs Isidori locis confirmari potest. Vide lib. 3. de Summ. bon. c. 48. & Burchard. lib. 15. c. 38. & Juon. part. 16. c. 39. & infra lib. 12. c. 3.*

(2) Cap. XXX. Hanc Philosophi Adverbium. *Al.* adverbium Græci πρὸς τὸν. Unde natum ἄλλο πρὸς τὸν. Glossas initio dictas ipsa verba, vel peregrina ex Aristotele, Galeno, Polluce, Suida, & Quintiliano novimus : posteriores interpretationes ipsi verbis additas eodem nomine vocarunt. Nimis tamen angustè loqui videtur Isidorus, cum unius verbi rem uno tantum verbo explanari precipit : ut si pluribus verbis explicetur glossam fore neget. Quod etiam repetit lib. 2. cap. 30.

(3) Cap. XXXI. Differentia est. Ex *Victorin.* & *Boeth.* lib. 1. de Diffinit. c. 28. repetuntur ead. lib. 2. c. 30.

(4) Cap. XXXII. Unaquæque n. gens. Eadem infra lib. 9. c. 1.

(5) Inter barbarismum, & barbarolexin. *Barbarolexin* quoque nominat *Charisius*, *Barbaralexin* *Donatus*, & *Diomedes*.

num autem, & barbarolexim hoc interest, quod barbarismus in verbo Latino fit, dum corrumpitur: quando autem barbara verba Latinis eloquiis inseruntur, barbarolexis dicitur. Item quando in prosa vitium fit sermonis, barbarismus vocatur: quando in metro, metaplasmus dicitur. Barbarismus autem fit scripto, & pronuntiatione. Scripto quatuor modis, si quis in verbo litteram, vel syllabam adiciat mutet, trasmutet, vel minuat. Pronuntiatione autem fit in temporibus, tonis aspirationibus, & reliquis, quæ sequuntur. Per tempora quippè fit barbarismus, si pro longa syllaba brevis ponatur, aut pro brevi longa. Per tonos, si accentus in aliam syllabam commutetur. Per aspirationem, si adiciatur h littera ubi non debet, aut detrahatur ubi esse oportet. Per hiatum, quoties in pronuntiatione scinditur versus antequam compleatur: sivè quoties vocalis vocalem sequitur: ut Musæ Aonides. Fit barbarismus, & per Metacismos, Jotacismos, & Labdacismos.

2 Metacismus est quoties in litteram vocalis sequitur: ut, bonum aurum, justum amicum. Sed, & hoc vitium, aut suspensione in litteræ, aut detractiōne vitamus.

3 Jotacismus est quoties in jota littera duplicatur sonus: ut, Trojia, Majia: ubi earum litterarum adeo exilis erit pronuntiatio: ut unum jota non duo sonare videatur.

4 ⁽¹⁾ Labdacismus est, si pro uno

l duo pronuntientur: ut Afri faciunt: sicut Colloquium pro conloquium: vel quoties unum l exilius, duo largius proferimus. Quod contrà est: ⁽²⁾ nam unum largius, duo exilius proferre debemus.

5 ⁽³⁾ Collisio est quoties novissimæ syllabæ finis in alterius principio est: ut matertera.

CAPUT XXXIII.

De Solœcismo.

1 Solœcismus est plurimorum verborum inter se inconveniēns compositio, sicut barbarismus unius verbi corruptio. ⁽⁴⁾ Verba enim non recta lege conjuncta solœcismus est: ut si quis dicat, inter nobis pro inter nos: aut dare veniam sceleratorum, pro sceleratis. Dictus autem solœcismus à ⁽⁵⁾ Cilicibus: qui ex urbe Solæ, quæ nunc Pompejopolis appellatur, profecti, cum apud alios commorantes, suam, & illorum linguam vitiosè insequenterque confunderent, solœcismo nomen dederunt. Undè, & similiter loquentes, solœcismos facere dicuntur. Solœcismus autem apud Poëtas schema dicitur, quoties in versu necessitate metri factus invenitur: cum autem non invenitur necessitas, permanet solœcismi culpa. Solœcismus fit duobus modis, aut per partes orationis, aut per accidentia. Per partes orationis fit, si alteram partem pro altera ponamus: ut

C 2

pu-

⁽¹⁾ Labdacism. Vide Martiā. Capell.

⁽²⁾ Nam unum l. largius, duo exilius. Contra videbatur, unum exilius, duo largius proferenda. Sed vetant libri omnes. Erit igitur, (ut opinor) hujusmodi Isidori sententiā: ut quemadmodum vocales duæ cum in diphthorū convenient, non plene singula proferuntur; sed ita coeunt: ut confuso sono aliquid unicuique depercat; neutraque illarum plene exaudiat; ita duplex ll in mediis dictione exilius proferitur, quàm simplex. Neque id (si arguari licet) præter rationem accidit. Nam prius l obundat cum in sequens illiditur: quàm plagam accipiens, alteram vicissim sequenti infligit, nam cum eo coalescens auferit illi quod semivocales erat proprium: ut à vocali inciperet. Ita utrumque languescit, prius posteriore sui parte, priore posteriori. Labdacismos quoque nostri qui mollius loqui student sæpè admittunt. Neque Hebræi has delicias non agnoscere, veluti cum in חָרֵף וְ חָרֵף daghes decorum appingunt.

⁽³⁾ Collisio est. Collisionis supra non meminerat, at meminit Donatus.

⁽⁴⁾ Cap. XXXIII. Verba non rectè conjuncta. Ex Aug. 2. de Doctrin. Christ. 6. 13.

⁽⁵⁾ E Cilicib. Ex Diomed.

putà si ⁽¹⁾ præpositiones adverbis applicemus. Per accidentia fit, id est, per ea quæ accidunt partibus: ut putà per qualitates, genera, numeros, figuras, & casus. Per ista igitur omnia fiunt solœcismi, sicut Donatus exposuit. Fiunt præterea, & plurimis modis. Nam Lucilius centum genera solœcismorum dixit, quos omnes vitare potius, quàm sequi debet, qui regulam rectè loquendi tenere studet.

CAPUT XXXIV.

De Vitiis.

1 **V**itia apud Grammaticos illa dicuntur, quæ in eloquio cavere debemus. Sunt autem hæc: barbarismus, solœcismus, acyrologia, cacephaton, & reliqua.

2 Barbarismus est corruptio verbi unius: ut si tertiam syllabam quis producat in ignoscere.

3 Solœcismus compositio vitiosa verborum: ut si aliquis dicat, inter hominibus pro inter homines.

4 Acyrologia non propria dictio: ut, liceat sperare timenti: proprium est autem timenti formidare, non sperare: ⁽²⁾ & gramineo in campo: proprium est graminosum dicere campum, non gramineum.

5 ⁽³⁾ Cacephaton dictio obscena, vel incompressè sonans. Obscœna: ut his animum arrectis dictis. Incompressa: ut juvat ire, & Dorica castra. ⁽⁴⁾ Mala enim compositio fit, ab ea syllaba incipere, qua superior finierat.

6 Pleonasmos adjectio unius verbi supervacua: ut hactenus arborum

cultus, & sydera cœli. Neque enim alibi nisi in cœlo sunt sydera.

7 Perissologia adjectio plurimorum verborum supervacua: ut, vivat ruben, & non moriatur: dùm non sit aliud vivere, quàm non mori.

8 Macrologia, longiloquium, res non necessarias comprehendens: ut, legati non impetrata pace retrò undè venerant domum reversi sunt.

9 ⁽⁵⁾ Tautologia, idemloquium: ut, si fata virum servant, si vescitur aura, ætherea, neque adhuc crudelibus occubat umbris. Totum enim quod repetitur una res est, sed crebro sermone adnuntiata.

10 Eclipsis est defectus dictionis, in quo necessarià verba desunt: ut, cui pharetra ex auro: deest enim, erat.

11 Tapinosis est humilitas statum magnæ rei dictis infirmans: ut, apparent rari nantes in gurgite vasto. Gurgitem posuit pro mari.

12 Cacosyntheton vitiosa compositio: ut, versaquæ juvenum Terga fatigamus hasta.

13 ⁽⁶⁾ Amphibolia, ambigua dictio: quæ fit, aut per casum accusativum: ut illud responsum Apollinis ad Pyrrhum: Ajo te Æacida Romanos vincere posse. In quo non est certum, quem in ipso versu monstraverit esse victorem. Fit, & per incertam distinctionem: ut, bellum ingens geret Italia. Incerta distinctio, utrum bellum ingens, an ingens Italia. Fit, & per commune verbum, deprecatur Cato, calumniatur Cicero, præstolatur Brutus, dedignatur Antonius: nec ostenditur in hac ambiguitate utrum

(1) Si præpositiones adverbis applicemus. Ita *VP. CC.* rectè: ut si dicas de longè: Non. Omnes artem secuti negant adverbis præpositionem addi oportere, sed auctoritas veterum præponi debet. De subito, &c.

(2) Cap. XXXIV. Gramineo in campo. Quod advertit Serv. 5. *Æn.*

(3) Cacephaton. Quod Lucilius incompressè sonans, Servius Cacephaton in sermone, Donatus Cacephaton in composita dictione vocat.

(4) Mala n. compositio. Verba Servii ad— Dorica castra *Æneid.* 2.

(5) Tautologia idemloquium. Ita paullo ante macrologia longiloquium, & c. 36. allegoriam alieniloquium interpretatur.

(6) Amphibolia. Ita *VP. CC.* & ita à Charito nominatur, rectius quàm à Diomede, & Donato amphibologia.

utrum ipsi alios, an alii ipsos deprecati sunt, aut calumniati. Fit, & per homonymiam, quando uno nomine multa significantur: ut acies, & non addas, aut ferri, aut oculorum, aut militum.

CAPUT XXXV.

De Metaplasmiss.

Metaplasmus Græca lingua, Latine transformatio dicitur, qui fit in uno verbo propter metri necessitatem, & licentiam Poëtarum, cujus species istæ sunt.

2 Prothesis, appositio in principio verbi: ut gnato, pro nato, & tetulit pro tulit. Epenthesis appositio in medio: ut reliquias, pro reliquias, induperator pro imperator.

3 ⁽¹⁾ Paragoge, appositio in fine: ut magis, pro mage, & potestur, pro potest.

4 Aphæresis: abscissio de principio: ut temno, pro contemno.

5 Synope, abscissio de medio: ut forsā, pro forsitan.

6 Apocope, abscissio de fine: ut sat, pro satis.

7 Ectasis, productio contra naturam: ut, Italiam fato, cum Italiam correptè dici debeat.

8 Systole, correptio contra naturam: aquosus Orion: cum Orion productè dici debeat.

9 Diæresis discissio unius syllabæ in duas: ut, albai, longai, pro albæ, longæ.

10 Episynalœphe, conglutinatio duarum in unam: ut, Phaeton, pro Phaëton, Nerei, pro Nerëi, æripedem, pro æripedem.

11 Synalœphe, collisio vocalium ⁽²⁾ adjunctarum vocalibus: ut, atque ea diversa penitus, dum parte geruntur.

12 Ecthlipsis, collisio consonantium cum vocalibus: ut, multum ille, & terris.

13 Antithesis, contrapositio litteræ pro alia littera: ut olli, pro illi.

14 Metathesis, transpositio litteræ: ut, Evandre, pro Evander, Timbre, pro Timber.

15 Inter barbarismum, & lexin hoc est Latinam, & perfectam elocutionem ⁽³⁾ metaplasmus est, qui in uno sermone, ratione fit vitiosus. Item inter solœcismum, phrasin, i, perfectam connexionem sermonum, schema, id est, figura est, quæ fit contextu sermonum ratione vitiosa. Ergo metaplasmi, & schemata media sunt: & discernuntur peritia, & imperitia. Fiunt autem ad ornatum.

CAPUT XXXVI.

De Schematibus.

Schemata, ex Græco in Latinum eloquium figuræ interpretantur, quæ fiunt in verbis, vel sententiis ⁽⁴⁾ per varias distinctionum formas propter eloquii ornatum. Hæc dum multa sint, ⁽⁵⁾ apud Grammaticos ista inveniuntur.

2 Prolepsis est presumptio, ubi ea, quæ sequi debent anteponuntur: ut, interea reges ingenti mole; latinus. Debit enim sic dicere: Interea reges ingenti mole, & statim adicere quod sequitur. Procedunt castris: deinde dicere: Latinus, &c, sed facta pro

C 3 or-

(1) Cap. XXXV. Paragoge: ut magis pro mage. Iisdem exemplis utitur Donatus; at Charisio Apocopes exemplum est magis, pro magis.

(2) Adjunctarum vocalibus. Sat erat collisionem vocalium dicere. Sed siquid addendum fuit, tolerabilior Romæ codicis scriptura visa est in quo, adjunctar, quam nostrorum ubi juncta, vel adjuncta legitur.

(3) Metaplasmi est, qui in uno sermone. Totus locus de Serv. An. 5. ad illud. Urbis opus, triplici pubes, quem Dardana versu. Utrobique tamen mendosus, quem restituit ex veteri editione Chacon.

(4) Cap. XXXVI. Per varias distinctionum formas. Ità plerique ex Longob. male in aliis dictionum. Nam distinctionum, & ac nomen schematis, & ad rem ipsam de qua agitur multo esse aptius.

(5) Apud Grammaticos ista inveniuntur. Necessaria ex Donato, & Charisio addebat Chacon.

ornamento præsumptio rei, & qui sequi debueret reges interpositi sunt in septem versibus, & postea additum est. Procedunt castris. Indè præsumptio, quia anteposita sunt quæ sequi debueret.

3 Zeugma est clausula, cum plures sensus uno verbo clauduntur, quæ fit tribus modis. Nam aut in primo, aut in postremo, aut in medio id verbum ponitur, quod sententias jungit. In primo: ut, ⁽¹⁾ vertitur cœnophoris fundus sententia nobis. In medio: ut, Græcia Sulpitio sorti data, Gallia Cottæ. In postremo: ut, namque hoc tempore obsequium amicos, veritas odium parit.

4 Hypozeuxis est figura superiori contraria, ubi in singulis sensibus propria unicuique clausula est: ut, Regem adit, & regi memorat nomenque, genusque.

5 ⁽²⁾ Syllepsis est in dissimilibus clausulis, aut pluralis dictio singulari verbo finita: ut, sociis, & rege recepto, aut singularis dictio plurali verbo expleta: ut, sunt nobis mitia poma, Castaneæ molles, & pressi copia lactis. Supra enim, sunt, dixit: hîc debuit dicere. Est pressi copia lactis. Fit autem Syllepsis non solum per partes orationis, sed, & per accidentia partibus. Nam ubi, & pro multis unus, & pro uno multi ponuntur, syllepsis est: pro multis unus: ut est illud; utrumque armato milite complent, cum non uno, sed multis militibus. Item pro uno multi: ut in Evangelio. Latrones qui crucifixi erant cum eo improperabant ei: ubi pro uno uterque inducitur blasphemasse.

6 Anadiplosis est, quando ab

eodem verbo quo prior versus finivit, sequens versus incipit: ut est illud, certent, & cygnis ululæ, sit Tityrus Orpheus, Orpheus in sylvis, inter delphinas Arion.

7 Anaphora est repetitio ejusdem verbi per principia versuum plurimorum: ut, nos te Dardania incensa tuaque arma secuti, nos tumidum sub te permensi classibus æquor.

8 Epanaphora est in uno versu per principia sensuum ejusdem verbi repetitio: ut, tenemus Angitiæ, vitrea te Fucinus unda, te liquidi flevire lacus.

9 Epizeusis in uno sensu congeminationo verbi: ut, sic sic juvat ire sub umbras.

10 Epanalepsis est sermonis in principio versus positi ejusdem in fine replicatio: ut est illud, crescit amor nummi, quantum ipsa pecunia crescit.

11 Paronomasia est in significatione diversa dictio pænè ipsa: ut illud: abire an obire te convenit, i, exulem fieri, an mori?

12 Schesis onomaton, multitudo nominum conjunctorum ⁽³⁾ quodam ambitu copulata: ut nubila, nix, grando, procellæ, fulmina, venti.

13 Paromœon est multitudo verborum ex una littera inchoantium, quale est apud Ennium: O Tite tute Tati tibi tanta tyranne tulisti. Sed hoc benè temperat Virgilius, dum non toto versu utitur hac figura: ut Ennius; sed nunc in principio versus tantum: ut est illud: Sæva sedens super arma; nunc in medio: ut, quæque lacus latè liquidos, quæque aspera dumis; nunc autem in fine: ut, sola mihi tales casus Cassandra canebat.

Ho-

(1) Vertitur cœnophoris fund. Citatur à Nonio in Sententia ex Lucil, lib. 3. Satyr.

(2) Syllepsis est in dissim. cl. Donatus. Item Syllepsis est in dissimilibus clausulis, quando dictio singularis verbo plurali adjungitur. Charis, syllepsis est cum singularis dictio plurali verbo concluditur.

(3) Quodam ambitu copulata. Attendere apud Donatum, Eodem habitu copulandi legitur.

14 Homœoptoton est, cùm prima nomina per unum casum denuntiantur : ut est illud , sed nequè currentem se , nèc cognoscit euntem , tolerantemque manus , saxumque immane moventem.

15 Homoteleuton est , cùm uno modo verba plurima finiuntur : ut abiit , abscessit , evasit , erupit.

16 Polyphton est , cum diversis casibus sententia variatur : ut , ex nihilo nihilum , ad nihilum nil posse reverti. (1) Marcus Dama , papæ , Marco spondente recusas , credere tu nummos ? Marco sub iudice palles ! Marcus dixit ita est , assignata Marcæ tabellas.

17 Hirmos est sententia continuatæ orationis tenorem suum , usque ad ultimum servans : ut , est in secessu longo locus , insula portum , & reliqua. Hinc enim in longum vadit sensus usque ad illud : horrentique atrum nemo imminet umbra.

18 Polysyntheton est dictio multis concatenata conjunctionibus : ut , rectumque , laremque , armaque , amydeumque canem.

19 Dialyton , vel asyntheton figura est , quæ è contrario sine conjunctionibus solutè , ac simpliciter eferitur : ut , venimus , vidimus , placuit.

20 (2) Antitheton est ubi contraria contrariis opponuntur , & sententiæ pulchritudinem reddunt : ut illud , frigida pugnabant calidis , humentia siccis : mollia cum duris ; sine pondere , habentia pondus.

21 Hypallage quotiescumque per contrarium verba intelliguntur : ut ,

dare classibus austros , cùm ventis naves demus , non navibus ventos.

CAPUT XXXVII.

De Tropis.

1 Tropos Græco nomine Grammatici vocant , qui Latine modi locutionum interpretantur. Fiunt autem à propria significatione (3) ad non propriam similitudinem. Quorum omnium nomina difficillimum est annotare , sed ex omnibus Donatus (4) tredecim usui tradenda conscripsit.

2 Metaphora est verbi alicujus usurpata translatio , sicut cùm dicimus , fluctu are segetes , gemmare vites : dùm in iis rebus fluctus , & gemmas non invenimus , in quibus hæc verba aliundè transferuntur , sed hæc atque aliæ tropicæ locutiones ad ea quæ intelligenda sunt proptereà figuratis amictibus obteguntur : ut sensum legentis exerceant , & ne nuda , atque in promptu posita vilescant. Fiunt autem metaphoræ modis quatuor , ab animali ad animale : ut , Aligeros confendit equos : metaphoricè loquens miscuit quadrupedi alas avis , & quo cursu deserta petiverit , miscuit volatili cursum quadrupedis. Ab inanimali ad inanimale : ut Pontum pinus arat ; sulcum premit alta carina. Miscuit usum terræ aquis , dum arare , & sulcum premere ad terram pertineat , non ad mare. Ab inanimali ad animale : ut florida inventus ; miscuit flores inanimales , juventuti quæ animam habet. Ab animali ad inanimale : ut , (5)

tu

(1) Marcus Dama. e Pers. Satyr. V.

(2) Antitheton. Hac usque ad finem capitis nequè Donati sunt , nequè Charisii , & in Rom. Codic. plures alia figura leguntur : ut hæc quoque aliena videri possint.

(3) Ad non propriam similitudinem. Ferri potest vulgata scriptura similitudinem : ut sit quod Charisius dixit propter similitudinem. Nam ex eo videtur hac. Sed cum idem Charisius metonymiam definiat. Dictionem translatam à propria significatione ad aliam proximitatem : utrovis modo legas licebit. Et Donatus. Ad impropriam similitudinem.

(4) XIII. Usui trad. Ita Beda XII. Donatus , & Charis.

(5) Tu Neptunæ pat. Citar ex Claudian. à D. Aug. lib. 3. de Doctr. Chr. Varroni quidam , Albinovano tribuunt. A. Augustini.

tu Neptune pater cui tempora cana crepanti Cincta salo resonant, magnus cui perpete mento profluit Oceanus, & flumina crinibus errant. Mentum enim, & tempora, & crines non ad Oceanum pertinent, sed ad homines. Sic, & alia rerum nomina de alio genere in aliud genus decentissimè decoris gratia transferuntur: ut oratio perornetur. Metaphora autem, aut partis unius est: ut fluctuare segetes, non potes dicere segetare fluctus; aut antistropha est, id est, reciproca: ut regimium alarum. Nam, & alæ navium, & alarum remigia dicuntur.

3 Cataphoresis, est alienæ rei nomen appositum: hæc eo à metaphora differt, quod illa, vocabulum habenti largitur: hæc quia non habet proprium, alieno utitur: ut, faciemque simillima lauro: & nunc una ambæ junctisque feruntur frontibus, & longa sulcant vada salsa carina. Dum facies, & frons tantum animalium, & hominum sint. Quod nomen si poeta non apposuisset navi, quid proprium eidem parti diceret, non haberet.

4 Metalepsis tropus à præcedente indicans quod sequitur: ⁽¹⁾ Inque manus chartæ nodosaque venit arundo. Nam per manum verba, per arundinem litteræ significatæ sunt.

5 Metonymia est transnominatio ab alia significatione ad aliam proximitatem translata. Fit autem multis modis: aut enim per id quod continet, id quod continetur ostendit: ut theatra plaudunt, prata mugiunt: dum illic homines plaudant, hic boves mugiant: aut contra per id quod continetur id quod continet: ut, jam proxi-

mus ardet Ucalegon, dum non ille, sed domus ejus arderet. Item per inventorem id quod inventum est: ut, sine Cerere, & Libero friget Venus, & commixtam Vulcanus (mittit) ad astra favillam. Vult enim per Cere, rem frumenti inventricem intelligere panem: per Liberum inventorem vitis, vinum: per Venerem, libidinem: per Vulcanum, ignem. At contra per inventum inventorem demonstrat: ⁽²⁾ ut vinum precamur pro Libero qui vinum apud Græcos invenit. Item per efficientem, id quod efficitur, sicut pigrum frigus, quod pigros homines faciat: & timor pallidus, eò quod pallidos homines reddat. At contra per id quod efficitur efficiens: ut, jungit equos auro genitor, spumantiaque addit Fræna feris. Spumantia fræna dixit, cum utique non ipsa faciant spumas, sed equus qui ea gerit spumis conspergat infusus.

6 ⁽³⁾ Antonomasia est pro nomine, i, vice nominis posita: ut Maja genitus pro Mercurio: qui tropus fit tribus modis, ab animo: ut magnanimusque Anchisiades, à corpore: ut ipse arduus, extrinsecus: ut, infelix puer, atque impar congressus Achilli.

7 Epitheton suprâ nomen, præponitur enim propriò nomini: ut Alma Ceres, obscenique canes, importunæque volucres. Inter antonomasiam autem, & epitheton hoc differt, quod antonomasia, pro vice nominis ponitur: Epitheton autem nunquam sine nomine est. ⁽⁴⁾ Quibus duobus tropis, vel vituperamus aliquem, vel ostendimus, vel laudamus.

8 Synecdoche est conceptio, cum à

(1) Inq. manus chart. Pers. Satyr. 3. Quod verò sequitur: Nam per manum verba, &c. Aut aliena sunt, ut aliis quoque visum est, aut forte legendum, nam per manum, chartam, & arundinem litteræ significatæ sunt.

(2) Vinum precamur. Serv. Æn. 1. ad-- Crateras magnos st. e. v. c. Tropus est synecdoche: ut cererem pro frumento dicimus. Sic Plautus: vinum precamur, nam hic Deus præsens adest.

(3) Antonomasia. Donatus Antonomasia est significatio vice nominis posita, &c. usq. ad Achilli.

(4) Quibus duobus tropis. Ex Donat. Chivisim quoque in istrop est dictio vocabulo adjecta, aut ornaadi, aut destrucendi, aut indicandi causa.

à parte totum , vel à toto pars intelligitur. Eo enim , & per speciem genus , & per genus species demonstratur : sed species pars est , genus autem totum. A toto enim pars intelligitur : ut , quàm multæ glomerantur aves , ubi frigidus annus Transpontum fugat. Non enim totus annus est frigidus , sed pars anni , id est , hyems. At contrà à parte totum : ut , flammæ cum regia puppis extulerat. Ubi non solum puppis , sed navis : & non navis , sed qui in ea : & non omnes , sed unus flammæ extulit.

9 Onomatopœia , nomen fictum ad imitandum sonum vocis confusæ : ut stridor valuarum , hinnitus equorum , mugitus boum , balatus ovium.

10 Periphrasis est circumloquium , dum res una plurimis verbis significatur : ut auras vitales carpit. Significavit enim per copulationem verborum unam rem , hoc est , vivit. Hic autem tropus geminus est , nam aut veritatem splendide producit , aut foeditatem circuitu evitat. Veritatem splendide producit , sicut : Et jam primo spargebat lumine terras , Tithoni croceum linguens aurora cubile. Vul enim dicere , jam lucebat , aut dies ortus erat. Foeditatem circuitu devitat , sicut ; placidumque petiit conjungis infusus gremio per membra soporem : Hoc enim circuitu evitat obscœnitatem , & decenter ostendit concubitum.

11 Hyperbaton est transcensio , cum verbum , aut sententia ordine commutatur. Hujus species quinque sunt , Anastrophe , Hysteron proteron , parenthesis , tmesis , synchysis.

12 Anastrophe verborum ordo præposterus : ut littora circum , pro circum littora.

13 Hysteron proteron , sententia ordine commutata : ut , postquam altos tetigit fluctus , & ad æquora venit. Ante enim ad æquora venit , & sic tetigit fluctus.

14 Parenthesis , ubi ⁽¹⁾ interponimus sententiam , qua ex medio remota , integer sermo perdurat : ut , Æneas (nequè enim patrius consistere mentem passus amor) rapidum ad naves præmittit Achatem. Est enim ordo Æneas rapidum præmittit Achatem , nam illud in medio parenthesis est.

15 Tmesis est sectio unius nominis per interpositionem verborum : ut , multò nebula circum Dea fudit amictu , pro circumfudit.

16 Synchysis est , ubi ex omni parte confusa sunt verba : ut illud , --- Juvenes , fortissima frustra pectora , si vobis audentem extrema cupido est certa sequi , quæ sit rebus fortuna videtis. Excessere omnes , adytis arisque relictis , Dii quibus imperium hoc steterat , succurritis urbi incensæ moriamur , & in media arma ruamus. ⁽²⁾ Ordo talis est , juvenes fortissima pectora frustra succurritis urbi incensæ , quia excessere Dii , quibus hoc imperium steterat. Undè si vobis cupido certa est me sequi audentem extrema , ruamus in media arma , & moriamur.

17 ⁽³⁾ Hyperbole est excelsitas fidem excedens ultra quàm credendum est : ut , sydera verberat unda , & , terram inter fluctus aperit. Hoc enim modò ultra fidem aliquid augetur , nec tamen à tramite significandæ veri-

ri-

(1) Interponimus sententiam. *Donatus*. Interposita formatio diversæ sententiæ.

(2) Ordo talis , &c. *Servius ad eum Virgilii locum*.

(3) Ut voluntas loq. non fall. *Quintil. lib. 8*. Monere satis est , mentiri hyperbolen , neque ità : ut mendatio fallere velit.

ritatis erratur, quamvis verba quibus indicatur excedant : ut voluntas loquentis non fallentis appareat : quo tropo non solum augetur aliquid, sed, & minuitur, augetur : ut, velocior aura, minuitur : ut, mollior pluma, durior saxo.

18 ⁽¹⁾ Allegoria est alieniloquium, aliud enim sonat, aliud intelligitur : ut, tres littore cervos conspicit errantes. Ubi tres duces belli Punici, vel tria bella Punica significantur. Et in Bucolicis, Aurea mala decem misi, id est, ad Augustum decem eclogas pastorum. Hujus tropi plures sunt species, ex quibus eminent septem : Ironia, Antiphrasis, Ænigma, Charientismos, Parœmia, Sarcasmos, Astysmos.

19 ⁽²⁾ Ironia est sententia per pronuntiationem contrarium habens intellectum. Hoc enim tropo callidè, aut per accusationem, aut per insultationem aliquid dicitur : ut est illud : Vestras Eure domos, illa se jactet in aula Æolus, & clauso ventorum carcere regnet. Et quomodò aula, si carcer est? Solvitur enim pronuntiatione. Nam carcer pronuntiatio est : jactet in aula, ironia est : & totum per contrariam pronuntiationem enuntiat per ironiæ speciem, quæ laudando deridet.

20 ⁽³⁾ Antiphrasis est sermo è contrario intelligendus : ut lucus, quia caret luce per nimiam nemorum umbram : & manes, id est, mites, & modesti, cum sint terribiles, & immanes : & Parcæ, & Eumenides, Furia,

quod nulli parcant, vel beneficiant. Hoc tropo, & nani Atlantes, & cæci videntes, & vulgo Æthiopes argentei appellantur. Inter ironiam autem, & antiphrasim hoc distat, quòd ironia pronuntiatione sola indicat quod intelligi vult, sicut cum dicimus homini agenti malè : Bonum est quod facis. Antiphrasis verò non voce pronuntiantis significat contrarium, sed suis tantum verbis, quorum origo contraria est.

21 Ænigma est quæstio obscura, quæ difficilè intelligitur, nisi aperiat : ut est illud : De comedente exivit civus, & de forti egressa est dulcedo, significans ex ore leonis favum extractum : Inter allegoriam autem, & enigma hoc interest : quòd allegoriæ vis gemina est, & sub re alia aliud figuratè indicat. Ænigma verò tantum, sensus obscurus est, & per quasdam imagines adumbratus.

22 ⁽⁴⁾ Charientismos est tropus, quo dura dictu gratius proferuntur : ut cum interrogantibus, numquid nos quæsierit aliquis ; respondetur, bona fortuna. Undè intelligitur, neminem nos quæsisse.

23 ⁽⁵⁾ Parœmia est rebus, & temporibus accommodatum proverbium. Rebus : ut contra stimulum calces, dum significatur adversis resistendum. Temporibus : ut, Lupus est in fabula. ⁽⁶⁾ Ajunt enim rustici vocem hominem perdere, si eum prior lupus viderit. Undè, & subito tacenti dicitur istud proverbium, Lupus in fabula.

Sar-

(1) Allegoria. *Ambros. lib. de Abraham.* Allegoria est, cum aliud geritur, & aliud figuratur. *Cic. 3. de Orat.* Aliud dicitur, & aliud intelligendum est.

(2) Ironia. *Charistius.* Ironia est oratio pronuntiationis gravitate in contrarium deducens sensum verborum. *Cic. 3. de Orat.* Ironia est oratio pronuntiationis gravitate in contrarium deducens sensum verborum. *Cic. 3. de Orat.* Ironia est oratio pronuntiationis gravitate in contrarium deducens sensum verborum.

(3) Antiphrasis. *Hieronymus Bonos. ep. 100.* An idèd tibi bellus videris quia fausto vocaris nomine, quasi non, & lucis idèd dicatur, quod minime luceat, & parcæ quod nequaquam parcant, & Eumenides furia quod non sint benignæ, & vulgo Æthiopes vocentur argentei.

(4) Charientism. *Ex Donat. & Charis.* Parœmia est vulgaris rei usurpatio cum aliqua diversitate : ut costa numerabimus exta, cum significet, ex eventu sciemus. Et, contra stimulum calces, id est, rei contrariæ resistere. *Quæ sit sententia hujus proverbi in Actis Apost. & apud Terentium nemo nescit.*

(5) Parœmia. *Ex Donat. & Charis.* Parœmia est vulgaris rei usurpatio cum aliqua diversitate : ut costa numerabimus exta, cum significet, ex eventu sciemus. Et, contra stimulum calces, id est, rei contrariæ resistere. *Quæ sit sententia hujus proverbi in Actis Apost. & apud Terentium nemo nescit.*

(6) Ajunt enim rustici. *Non rusticos, sed phycos id confirmare scribit Servius ad eclog. 9. Vid. Donat. in Adolpho.*

24 ⁽¹⁾ Sarcasmos est hostilis irrisio, cum amaritudine: ut refertur ergo hæc, & nuntius ibis pelidæ genitorum, illi mea tristitia facta, degeneremque Neoptolemum narrare memento. Huic contrarius est Astysmus, id est, urbanitas sine iracundia: ut illud, qui Baviū non odit, amet tua carmina Mævi, atque idem jungat vulpes, & mulgeat hircos, id est, qui Baviū non odit, pro pœna ei contingat: ut diligat Mævium. Fuerunt autem Mævius, & Bavius Poëtæ pessimi, & inimici Virgilio. Qui hos ergo diligit, faciat quæ contrā naturam sunt, id est, jungat vulpes, & mulgeat hircos.

25 Homœosis est, quæ Latine interpretatur similitudo: per quam minus notæ rei per similitudinem ejus quæ magis nota est panditur demonstratio. Hujus species sunt tres, icon, parabola, paradigma, id est, imago, comparatio, exemplum.

26 Icon est imago, cum figuram rei ex simili genere conamur exprimere: ut, omnia Mercurio similis, vocemque, coloremque, & crines flavos, & membra decora juventæ. Congrua enim est similitudo de specie, cujus persona inducitur.

27 Parabola est comparatio ex dissimilibus rebus: ut, qualis in arvis Æstiferæ Libyæ viso leo cominus hoste subsedit: ubi leoni Cæsarem comparavit, non ex suo, sed ex alieno genere similitudinem faciens.

28 Paradigma est exemplum dicti, vel facti alicujus, aut ex simili, aut

ex dissimili genere, conveniens ei, quàm proponimus rei; ita, ⁽²⁾ tam fortiter perii, apud Hipponem Scipio, quàm uticæ Cato. Similitudo autem tribus modis fit, à pari, à majore, à minore. A pari: ac veluti magno in populo cum sæpè cohorta est seditio. A majore, ad minus: qua liter expressum ventis per nubila fulmen, à minore, ad majus: si potuit manes arcescere conjugis Orpheus, Threicia fretus cithara fidibusque canoris, quasi dicat, re parva, & brevi, id est, si ille cithara fretus, ego pietate.

CAPUT XXXVIII.

De Prosa.

I **P**ROSA est producta oratio, & à lege metri soluta. ⁽¹⁾ Prosum enim antiqui productum dicebant, & rectum. Unde ait Varro, apud Plautum prosis lectis significare rectis: unde etiam quæ non est perflexa numero, sed recta, prosa oratio dicitur, in rectum producendo. Alii prosam ajunt dictam ab eò, quod sit profusa, vel ab eò quod spatiosius prorruat, & excurrat, nullo sibi termino præfinito. Præterea tam apud Græcos, quàm apud Latinos longè antiquiorem curam fuisse carminum, quàm prosæ. Omnia enim prius versibus condebantur, prosæ autem studium serò viguit. Primus apud Græcos ⁽⁴⁾ Pherecydes Syrius soluta oratione scripsit, apud Romanos autem Appius Cæcus adversus Pyrrhum solutam orationem primus exercuit. Jam

EX

(1) Sarcasmos. d. Servio *Æn.* 2. ad verba Pyrrhi. Refertur ergo hæc. *Et eclog.* 3. ad illud. Qui Baviū non odit. (2) Tam fortiter perii apud Hipp. Scip. Q. Metellum Scipionem, opinor, intellegit. Qui cum antea P. Cornellius Scipio diceretur, postea adoptione Q. Metelli Filii, dictus est Q. Cæcilius Metellus Scipio. Hic: ut refert Appianus, cum in classem Cæsaris incidisset, neque effugere posset, gladio perforatus in mare se precipitavit. (3) Cap. XXXVIII. Prosum n. antiqui productum d. e. r. Glossar. Prosa pœxatunica, πρὸς τὴν ὑπόθεσιν. Vid. Fest. Prosum autem, an prosum dicat, nihil referre (nisi quod illud antiquius) recte advertit vir eruditiss. (4) Pherecydes Syrius. Apulejus lib. 2. *Florida*. Pherecydes Syro insula Oritimius, qui primus veterum nexu repadiato, conscribere ausus est passis verbis, soluto loquuti, libera oratione. Meminit hujus Plinius lib. 5. c. 29. & lib. 7. c. 56. Strab. lib. 10. & Eustach. *Odysse.* o ad illud: Νῆστος εὐπιν κινδύνους αἰετῆς ἦν (inquit) εὐπινδύς. Quod verò sequitur apud eund. *Πολύβοιος* corruptum est ex *Πόλυς* *ἔπος* Vid. Laert.

ex hinc, & cæteri prosæ eloquentia contenderunt.

CAPUT XXXIX.

De Metris.

¹ **M**etra vocata, quia certis pedum mensuris, atque spatiis terminantur, nequē ultra dimensionem temporum constitutam procedunt. Mensura enim Græcè μέτρον dicitur. Versus dicti ab eò, quod pedibus in ordine suo dispositis, certò fine moderantur per articulos, qui cæsa, & membra nominantur. ⁽¹⁾ Qui ne longius provoluerentur, quàm iudicium posset sustinere, modum statuit ratio undè reverterentur, & ab eo ipso versum vocatum dicunt quod reverteratur.

² Huic adhæret rhythmus, qui non est certò fine moderatus, sed tamen rationabiliter ordinatis pedibus currit: qui Latine nihil aliud quàm numerus dicitur. De quo est illud, numeros memini, si verba tenerem.

³ ⁽²⁾ Carmen vocatur quicquid pedibus continetur: cui datum nomen existimant, seu quod carptim pronuntiaretur, ⁽³⁾ (undè hodiè lanam quam purgantes discerpunt, carminare dicimus) seu quòd qui illa canerent, carere mente existimabantur.

⁴ Metra, vel à pedibus nuncupata, vel à rebus quæ scribuntur, vel ab inventoribus, vel à frequentatoribus, vel à numero syllabarum.

⁵ A pedibus metra vocata: ut dactylica, jambica, trochaica. A trocheo enim trochaicum metrum nasci-

tur: à dactylo dactylicum, sic, & alia à suis pedibus. A numero verò hexametrum, pentametrum, trimetrum. Nam senarios versus nos ex numero pedum vocamus: hos Græci ⁽⁴⁾ quia geminos feriunt, trimetros dicunt. Hexametros autem Latinos primum fecisse Ennius traditur, ⁽⁵⁾ eosque longos vocat.

⁶ Ab inventoribus metra appellata dicuntur: ut, Anacreonticum, Sapphicum, Archilochium. Nam Anacreontica metra Anacreon composuit. Sapphica Sappho mulier edidit. Archilochia Archilochus quidam scripsit. Colophonia Colophonius quidam exercuit. Sotadeorum quoque reparator est ⁽⁶⁾ Sotades genere Cretensis. Simonidia quoque metra Simonides poetà lyricus composuit.

⁷ A frequentatoribus: ut Asclepiadea. Non enim ea Asclepius invenit, sed proinde ita vocata sunt, quod eis idem frequentissimè, & elegantissimè usus sit.

⁸ A rebus quæ scribuntur: ut heroicum, elegiacum, bucolicum. Heroicum enim carmen dictum, quòd eò virorum fortium res, & facta narentur. Nam heroes appellantur viri quasi aërei, & cælo digni propter sapientiam, & fortitudinem: quod metrum auctoritate cætera metra præcedit, unum ex omnibus, tam maximis operibus aptum, quàm parvis, suavitatis, & dulcedinis æquè capax. Quibus virtutibus ⁽⁷⁾ nomen solùm obtinuit: ut heroicum vocaretur ad memorandas scilicet heroum res. Nam, & præ cæteris simplicissimum habetur,

(1) Cap. XXXIX. Qui ne longius provolu. *Ec. Uigud ad numerus dicitur. Augustini sunt verba, 2. de Ordin. c. 14.*

Vidend. idem 3. de Mus. c. 1.

(2) Carmen vocatur, c. Serv. *En. 3.*

(3) Undè hodiè -- carminare. Utitur eo verbo non semel Plinius, ut lib. 9. c. 38.

(4) Quia geminos feriunt. Terentian. Sed ter feritur hinc trimetros dicitur.

(5) Eosque longos. Cicero 1. de Legib. Heroicis versibus, quos longos appellat Ennius.

(6) Sotades genere Cretan. De quo Suid. & Athenais lib. 14.

(7) Nomen solum obtin. Quamvis Lyricis heroum quoque facta canerentur.

tur, constatque duobus pedibus, dactylo, & spondeo: ac sæpè penè, vel ex hoc, vel ex illo, nisi quod temperantius fit utriusque mixtura, quàm si instruatür à singulis. Omnibus quoque metris priùs est. Hoc primum Moyses in cantico Deuteronomii, ⁽¹⁾ longè antè Pherecydem, & Homerum cecinisse probat. Undè, & apparet antiquius fuisse apud Hebræos studium carminum, quàm apud Gentiles. ⁽²⁾ Siquidem, & Job Moysi temporibus adæquatus hexametro versu dactylo, spondeoque decurrit. Hoc apud Græcos ⁽³⁾ Hecataeus Milesius fertur primus composuisse: vel ut alii putant Pherecydes Syrius, quod metrum ante Homerum Pythium dictum est: post Homerum heroicum nominatum. Pythium autem vocatum volunt, eò quòd hoc genere metri oracula Apollinis sint edita. Nam cùm in Parnasso monte Pythonem serpentem in vindictam matris sagittis insequeretur, accolæ Delphici hoc illum metro hortati sunt: ut ait Terentianus. ἡ Πάϊα, ἡ Παϊα, ἡ Πάϊα.

9 Elegiacum autem dictum, eò quòd modulatio ejusdem carminis conveniat miseris. Terentianus hos elegos dixere: solet quod clausula talis tristibus: ut tradunt, aptior esse modis. Hoc autem vix omnino constat à quo sit inventum, nisi quia apud nos Ennius eo prior usus est. Nam apud Græcos sic adhuc lis Grammatico-

rum pendet: ut sub iudice ⁽⁴⁾ res relicta sit. Nam quidam eorum Colophonium quemdam, quidam Archilochium auctorem, atque inventorem volunt.

10 Bucolicum, id est, pastorale carmen plerique Syracusis primum compositum à pastoribus opinantur, nonnulli Lacedæmone. Namque ⁽⁵⁾ transeunte in Græciam Xerxe rege Persarum, cùm Spartanæ virgines, sub hostili metu, nequè egredi urbem auderent, nequè pompam ⁽⁶⁾ chorumque agrestem Dianæ de more exercerent: turba pastorum, ne religio præteriret, eundem inconditis cantibus celebrarunt. Apellatur autem Bucolicum à bubus de maiore parte, quamvis opilionum caprariorumque sermones in iis, & cantica inserantur.

11 Hymnos primum David Propheta in laudem Dei composuisse, ac cecinisse manifestum est. Deindè apud Gentiles ⁽⁷⁾ prima Mnemia, Timotheo fecit in Apollinem, & Musas, quæ fuit temporibus Ennii longè post David. Hymni autem ex Græco in Latinum laudes interpretantur.

12 Epithalamia sunt carmina nuptientium, ⁽⁸⁾ quæ decantantur à scholasticis in honorem sponsi, & sponsæ. Hæc primum Salomon edidit in laudem Ecclesiæ, & Christi. Ex quo Gentiles sibi Epithalamium vendicant, & istius generis carmen assumptum est. Quod genus primum à Gen-

D ti-

(1) Longè antè Pherecydem. Duo fuerunt Pherecydes, Atheniensis antiquiorem fuisse Syrium (de quo cap. 37.) vult Strabo. Contra Suidas, nisi mendum in hoc haret.

(2) Siquidem Job. Hieron. in Prefat. ad Job.

(3) Hecataeus Milesius. Strab. lib. 1. πρώτος γὰρ ὁ ποιητὴς κατασκευὴν παρῶντες ἵς τὸ μέτρον καὶ ὑδαίνουσιν. ἵτα ἱκνῶν μὲν μὲν δὲ αὐτὸς τὸ μέτρον, τὰ ἄλλα δὲ συλλέξαντες τὰ ποιητικὰ συνήγαγον ἐν κυρίῳ κάμῳ, καὶ φερνόντες καὶ ἱκνῶντες, &c.

(4) Res relicta sit. Ἠλ' Ὑ. C. Rom. relegata, vel relicta nostri: nos duas voces, res relicta, alienas putamus. Horatius in Art. Quis tamen exiguos elegos emisit auctor? Grammatici certant, & adhuc sub iudice lis est.

(5) Transcurre in Græciam Xerxe. è Servo, ad Eclog. 1.

(6) Chorumque agrestem Dianæ. f. Agrestis, vel: ut est in Rom. C. Agrestis. Diana Agrestis meminit Pausan. lib. 7.

(7) Prima Mnemia Timotheo. Ἠλ' plerique CC. al. Memmia, Emmia, aut Inemia, & Cymothoe. Quæ de re amplius querendum. Nam Timotheos vestigium nullum. Mnemia verò an pars nominis sit, an μνημία, id est, monumenta reliquerit, id quoque in medio relinquitur.

(8) Quæ cantantur à Scholasticis. Aug. in Ps. 44. Solent dici à Scholasticis carmina quardam uxorem deducenribus, quæ vocantur epithalamia, quidquid ibi cantatur, in honorem cantatur sponsi, & sponsæ. Quod autem ad Scholasticis nomen attinet. Hieronym. in Catalog. de Sarapione. Sarapion qui ob elegantiam ingenii nomen Scholastici meruit.

tilibus in scenis celebrabatur postea tantum in nuptiis hesit. Vocatur autem epithalamium: eo quod in thalamis decantetur.

13 Threnos, quod Latine lamentum vocamus, primus Jeremias versu composuit super Urbem Jerusalem quando subversa est, & Populus Israël captivus ductus est. Post nunc apud Græcos Simonides poeta Lyricus. Adhibebantur autem funeribus, atque lamentis: similiter, & nunc.

14 Epitaphium Græcè, Latine suprâ tumulum. Est enim titulus mortuorum, qui in dormitione eorum fit, qui jam defuncti sunt. Scribuntur enim ibi vita, mores, & ætas eorum.

15 Poësis dicitur Græco nomine opus multorum librorum: poema unius. Idylion paucorum versuum: distichon duorum: monostichon unius.

16 Epigramma est titulus, quod in Latinum superscriptio interpretatur, ἐπι enim super γραμμῇ littera, vel scriptio dicitur.

17 Epodon in poemate clausula brevis est. Dictum autem epodon quod accinatur ad speciem elegiaci, ubi præmisso uno longiori, alter brevior componitur, atque ita in singulis quibusque maioribus sequentes minores quasi clausule recinunt. (1) Clausulas autem Lyrici appellant, quasi præcisos versus integris subjectos: ut est apud Horatium: Beatus ille qui pro-

cul negotiis, deinde sequitur præcisus. Ut prisca gens mortalium. Sic, & deinceps alterni, quibus aliqua pars deest: & ipsi præcedentibus similes, sed minores.

18 (2) Centones apud Grammaticos vocari solent, qui de carminibus Homeri, vel Virgilii ad propria opera more centonario, ex multis hincinde compositis in unum sarciunt corpus, ad facultatem cujusque materiæ. Denique (3) proba uxor Adelphi centonem ex Virgilio de Fabrica mundi, & Evangeliiis plenissime expressit, materia composita secundum versus, & versibus secundum materiam concinnatis. Sic quoque, & (4) quidam Pomponius ex eodem poeta inter cætera stili sui otia Tityrum in Christi honorem composuit, similiter, & de Æneide.

CAPUT XL.

De Fabula.

1 Fabulas poetæ à fando nominaverunt: quia non sunt res factæ, sed tantum loquendo fictæ. Quæ ideo sunt inductæ: ut ficto mortuorum animalium inter se colloquio imago, quædam vitæ hominum nosceretur. Has primus invenisse traditur (5) Alcæon Crotoniensis, appellaturque Æsopica, quia is apud Phrygas in hac re polluit. Sunt autem fabulæ, aut (6) Æsopica, aut Lybistica. Æsopica sunt, cum animalia muta inter se sermocinasse finguntur, vel quæ

(1) Clausulas autem Lyrici appellant. Sic Terentian, pauld ante pentameterum clausulam heroici dixit.

(2) Centones. Tertullianus lib. de Præscriptionib. Cum de secularibus quoque scripturis exemplum prædò sit ejusmodi fabularum, * quovis hodie ex Virgilio fabula in totum aliam componi, materiam secundum versus, versibus secundum materiam concinnatis. Denique Ossilius Gera Medeam tragediam ex Virgilio plenissime expressit. Meus quidam propinquus ex eodem poeta inter cætera stili sui otia pinacem Cebetis explicuit. Homin. ricentonas etiani vocare solent, qui de carminibus. Homeri propria opera more centonario ex multis hinc inde compositis in unum sarciunt corpus.

(3) Proba uxor Adelphi. Proba Falconia, cuius, & Hieronymus meminit, & cento quidam circumferunt.

(4) Et quidam Pomponius. Al. Pompinus.

(5) Cap. XL. Alcæon Crotoniensis. Pythagora discipulus.

(6) Aut Æsop. aut Lybistica. Arist. Rhetor. 2. de Exemplo. τῶν δὲ μὴ μὴ παρακαλῶν ἢ ἡλίοι, ὅτεν δὲ Αἰσώπειοι, καὶ λυβιστοί. Hieronymus: λυβιστοὶ λόγοι χαμαιῶν ποῖο λόγον ὡρῶν τῶν λόγους τῶν. Vid. Theon. progymnasim.

quæ animam non habent : ut urbes, arbores, montes, petræ, flumina. Lybisticæ autem dum hominum cum bestiis, aut bestiarum cum hominibus fingitur vocis esse commercium.

2 Fabulas poetæ quasdam delectandi causa finxerunt : quasdam ad naturam rerum, nonnullas ad mores hominum interpretati sunt. Delectandi causa fictæ : ut eæ, quas vulgo dicunt, vel quales Plautus, & Terentius composuerunt. Ad naturam rerum fabulas fingunt : ut ⁽¹⁾ Vulcanus claudus, quia per naturam numquam rectus est ignis : ut illa triformis bestia, ⁽²⁾ prima leo, postrema draco, media ipsa chimera, idest, caprea, ætates hominum per eam volentes distinguere, quarum ferox, & horrens prima adolescentia : ut leo, dimidium vitæ tempus lucidissimum : ut caprea, eò quòd acutissimè videat : tum fit senectus ⁽³⁾ casibus inflexis draco. Sic, & Hippocentauri fabulam esse confictam, id est, hominem equo mixtum ad exprimendam humanæ vitæ velocitatem, quia equum constat esse velocissimum. Ad mores : ut apud Horatium mus loquitur muri, mustella vulpeculæ : ut per narrationem fictam ad id quod agitur verax significatio referatur. Undè, & Æsopi tales fabulæ sunt ad morum finem relatæ, vel sicut in libro Judicum ligna sibi regem requirunt, & loquuntur ad oleam, & ad ficum, & ad vitem, & ad rubum. Quod totum utiquè ad mores fingitur : ut ad rem, quæ intenditur, ficta quidem narratione, sed veraci significatione veniatur. ⁽⁴⁾ Sic, &

Demosthenes orator fabula usus est adversus Philippum, qui cùm ab Atheniensibus postularet : ut sibi decem oratores darentur, & discederet, finxit ille fabulam, qua dissuaderet dicens : lupos aliquando pastoribus, quorum diligentiam decipere voluissent, suasisse : ut in amicitiam convenirent, ea tamen conditione, si canes in quibus erat causa iurgiorum, jure illis traderentur : annuisse pastores, & in spem securitatis dedisse canes, quos ovium suarum vigilantissimos custodes habebant. Tunc lupi, adempta omni formidine, omne quod in gregibus illis erat, non pro satietate tantum, verumetiam pro lividine laceraverunt : Philippum quoque Principes populi postulare, quo faciliùs posset opprimere spoliata custodibus urbem.

CAPUT XLI.

De Historia.

I **H**istoria est narratio rei gestæ, per quam ea quæ in præterito facta sunt, dignoscuntur. Dicta autem Græcè historia, ⁽¹⁾ ἀπὸ τοῦ ἱστορεῖν, idest, à videre, vel cognoscere. Apud veteres enim nemo conscribebat historiam, nisi is qui interfuisset, & ea quæ conscribenda essent, vidisset. Melius enim oculis quæ fiunt deprehendimus, quàm quæ auditione colligimus. Quæ enim videntur, sine mendacio proferuntur. ⁽²⁾ Hæc disciplina ad Grammaticam pertinet : quia quidquid dignum memoria est, litteris mandatur. Historiæ autem ideò monumenta dicuntur, quòd memoriam

D 2

tri-

(1) Vulcan. claud. è Serv. Æn. 8.

(2) Primalco, post. drac. Lucetii versus, lib. 5.

(3) Casibus inflexis. Qui Longobardicas characteres norint, vel cruribus, vel cursibus admittant, propter similitudinem, a, & u, r, & s, cum præsertim casibus sit in libro Salamant. in Romano vero; casibus subjacent inflexis.

(4) Sic, & Demosth. in Olynthiacis.

(5) Cap. XLI. Historia ἀπὸ τοῦ ἱστορεῖν, è Serv. Æn. 1.

(6) Hæc disciplina ad Grammaticam pertinet. Aug. lib. 2. de Ordin. cap. 12. Quia Grammatica ipso nomine profiteri se litteras elamat, unde etiam Latine litteratura dicitur, factum est : ut quidquid dignum memoria litteris mandaretur, ad eam necessariò pertineret.

tribuunt rerum gestarum. Series autem dicta per translationem à sertis rum invicem comprehensorum.

CAPUT XLII.

De primis Auctoribus Historiarum.

I Historiam autem primus apud nos Moyses de initio mundi conscripsit. Apud Gentiles verò primus Dares Phrygius de Græcis, & Trojanis historiam edidit, quam in foliis palmarum ab eo conscriptam esse ferunt. ⁽¹⁾ Post Daretem autem in Græcia Herodotus primus historicus habitus est. Post quem Pherecydes claruit iis temporibus quibus Esdras legem scripsit.

CAPUT XLIII.

De utilitate Historiæ.

I Historiæ ⁽²⁾ gentium non impediunt legentes in iis quæ utilia dixerunt. Multi enim sapientes præterita hominum gesta ad institutionem præsentium historiis indiderunt. Si quidem, & per historiam summa retro temporum, annorumque supputatio comprehenditur: & per consulum regumque successum multa necessaria perscrutantur.

CAPUT XLIV.

De generibus Historiæ.

I Genus ⁽³⁾ Historiæ triplex est. Ephemeris namque appellatur unius diei gestio. Hoc apud nos Diarium vocatur. ⁽⁴⁾ Nam quod Latini Diarium, Græci Ephemerida dicunt.

2 Kalendaria appellantur, quæ in menses singulos digeruntur.

3 Annales, sunt res singulorum annorum. Quæcumque enim digna memoriæ domi, militiæque, mari, ac terra per annos in ⁽⁵⁾ commentariis acta sunt, ab anniversariis gestis Annales nominaverunt.

4 Historia autem multorum annorum, vel temporum est: cujus diligentia annui commentarii in libris delati sunt. ⁽⁶⁾ Inter Historiam autem, & Annales hoc interest: quòd historia est eorum temporum quæ vidimus. Annales verò sunt eorum annorum, quos ætas nostra non novit. Unde Sallustius ⁽⁷⁾ ex historia: Livius, Eusebius, & Hieronymus ex annalibus, & historia constant. ⁽⁸⁾ Inter Historiam, & argumentum, & fabulam interest. Nam Historiæ sunt res veræ, quæ factæ sunt. Argumenta sunt, quæ etsi facta non sunt, fieri tamen possunt. Fabulæ verò sunt, quæ nec facta sunt, nec fieri possunt, quia contra naturam sunt.

DI-

(1) Cap. XLII. Primus historicus. *Primus in Historia Roman. C. quam scripturam confirmare videtur Silien. Gotth. mensuram* historiam: sic Martial. Crispus Romana primus in historia.

(2) Cap. XLIII. Historiæ gentium non impediunt legentes. &c. *Vid. Aug. 2. de Doctr. Christ. cap. 21.*

(3) Cap. XLIV. Genus historiæ triplex. *Vid. Agell. lib. 5. cap. 18.*

(4) Nam quod Latini Diarium Græci Ephemerid. *Agell. Id eorum est, qui Diarium scribunt, quam Græci Ephemerida vocant.*

(5) In Commentariis acta sunt. *Consuebantur ex actis primum commentarii, deinde ex commentariis annales, vel historia texebatur. Isidorus ex actis commentarios, ex commentariis annales, ex annalibus historiam confici vult, ejusque dici historiam, cujus opera ex annalibus historia sit composita, aut certe annales plures in volumen unum redacti.*

(6) Inter historiam autem, & annal. *Servius Æn. 1. ad verba. Et vacet annales: Historia ex eorum temporum, quæ, vel vidimus, vel videre potuimus, dicta àνδ τῷ ἰσχυρίῳ. i. videre. Annales verò sunt eorum annorum, & temporum, quæ ætas nostra non novit, unde Livius ex annalibus, & historia constat.*

(7) Sallustius ex historia: Livius, Euseb. *Ita Gotth. Ovet. collig. prævisum: cum in reliquis omnibus historialibus legatur. Videntur apud Servium voces. Sallustius ex historia deesse. Et plane in Sallust. atatem inciderunt non modo reliqua historia, quas à M. Emilio Lepido, & Q. Lucio Catulo Coss. orsus est; sed etiam Jugurthinum bellum, quod P. Scipio differencia. Vid. Beroaldi de Servii commentariis censuram.*

(8) Inter historiam, argum. & fab. & Serv. *Æn. 1. ad verba: revocato à sanguine Teucri. Qui locus emendari, & suppleri ex hoc potest, pessum enim affectus est.*

DIVI ISIDORI

HISPALENSIS EPISCOPI

ETYMOLOGIARUM

LIBER SECUNDUS,

DE RHETORICA, & DIALECTICA.

CAPUT PRIMUM.

De Rhetorica, ejusque nomine.

RHETORICA ⁽¹⁾ est benè dicendi scientia in civilibus quæstionibus eloquentiæ copia ad persuadendum justa, & bona. ⁽²⁾ Dicta autem Rhetorica Græca appellatione ἀπὸ τοῦ ῥητορῆς, id est, à copia locutionis ῥῆσις enim apud Græcos locutio dicitur ῥήτωρ orator. Conjuncta est autem Grammaticæ arti Rhetorica. In Grammatica enim scientiam rectè loquendi discimus. In Rhetorica verò percipimus qualiter ea, quæ didicimus, proferamus.

CAPUT II.

De Inventoribus Rhetoricæ Artis.

HÆc autem disciplina à Græcis inventa est à ⁽³⁾ Gorgia, Aristotele, Hermagora : & translata in Latinum à Tullio, videlicet, & ⁽⁴⁾ Quintiliano, sed ita copiosè, ita va-

riè: ut eam lectori admirari in promptu sit, comprehendere impossibile. ⁽⁵⁾ Nam membranarum retentis, quasi adhærescit memoriæ series dictionis, ac mox repositis recordatio omnis elabitur. Hujus disciplinæ perfecta cognitio oratorem facit.

CAPUT III.

De Nomine Oratoris, & partibus Rhetoricæ.

ORATOR est igitur vir bonus dicendi peritus. Vir bonus consistit natura moribus, artibus. Dicendi peritus consistit artificiosa eloquentia, quæ constat partibus quinque: Inventione, dispositione, elocutione, memoria, pronuntiatione, & fine officii, quod est aliquid persuadere. Ipsa autem peritia dicendi in tribus rebus consistit, natura, doctrina, usu. Natura, ingenio: doctrina, scientia: usus assiduitate. Hæc sunt enim quæ non solum in oratore, sed in unoquoque homine ⁽⁶⁾ artifice spectantur: ut aliquid efficiat.

D 3

CA-

(1) Rhetorica est benè dicendi scientia. Hac tantum verba hujus loci propria esse duco. Quia præterea leguntur in plerisque libris. In civilibus quæstionibus necessaria ad persuadendum justa, & bona; eloquentiæ copia in rerum, personarumque negotio. Neque eadem sunt in omnibus, & priora quidem importata huc sunt, & capite 2. lib. 1. postrema vera. In rerum, personarumque negotio. A Gothis, omnibus cc. absum, abscrisimus ergo tantum, quæ in melioribus libris leguntur.

(2) Dicta autem ἀπὸ τοῦ ῥητορῆς. Ità V. CC. neque id absumit interpretatio.

(3) Cap. II. A Gorgia, Aristot. Hermag. Quoniam hi præcipuè artem hanc excoluerunt, quamvis alii primâ fundamenta jecerint: ut Empedocles, Tisias, & Corax.

(4) Quintiliano. Et Titiano addunt quidam libri, non tamen melioris notæ. Reliquæ irrepsisse putabat Charon ex ultimis syllabis Quintiliani librator. vitio repetitis. De Titiano Hieronym. in Chronico. Titianus vir eloquens præfecturam prætorii apud Gallias administrat. Et Servo. Æneid. 10. Titianus, & Calvus, qui themata de Virgilio elicerunt, & deformaverunt ad dicendi usum.

(5) Nam membranarum, retentisquæ adh. Respexisse videtur ad Ciceronis verba Tusc. 1. Sed nescio quomodo dùm lego assentior: cum posui librum, assensio omnis elabitur.

(6) Cap. III. Artifice spectantur, Al. e spectantur, f. expetuntur.

CAPUT IV.

De tribus generibus causarum.

1 **G**enera causarum tria sunt: deliberativum, demonstrativum, judiciale. Deliberativum genus est, in quo de quibuslibet utilitatibus vitæ, quid aut debeat, aut non debeat fieri tractatur. Demonstrativum, in quo laudabilis persona, aut reprehensibilis ostenditur. Judiciale, in quo de ipsius personæ factō, aut poenæ, aut præmii sententia datur. Dictum autem judiciale, eò quòd judicet hominem, & sententia sua ostendat, utrum laudabilis præmio dignus sit, aut certe reus ⁽¹⁾ condemnari, liberarique supplicio. Deliberativum genus vocatur, eò quòd de unaquaque re in eo deliberatur. Hujus genus duplex est, suasio, & dissuasio, id est, de expetendo, & fugiendo, de faciendo, & non faciendo. Suasoria autem in tribus locis dividitur, honesto, utili, & possibili. Hæc differt aliquid à deliberativa, quia suasoria eget altera persona: deliberativa interdum, & apud se agit. In suasoria autem duæ sunt, quæ plus valent: spes, & metus. Demonstrativum dictum, quòd unamquamque rem, aut laudando, aut vituperando demonstrat: quod genus duas habet species, laudem, & vituperationem. Laudis ordo tribus temporibus distinguitur, ante ipsum, in ipsum, post ipsum. Ante ipsum: ut, - quæ te tam læta tulerunt Secula. In ipsum: ut, ò sola infandos Trojæ miserata labores. Post ipsum: ut, in freta dum fluvii current, dum montibus umbræ lustrabunt, convexa po-

lus dum sydera pascet: Semper homines, nomenque tuum, laudesque manebunt.

2 Pari ordine è contrario, & in vituperatione hominis hæc forma servanda est, antè hominem, in hominem, post hominem. Locus communis ad demonstrativum vituperationis genus pertinet: quod tamen ab eo in aliquo differt. Nam vituperatio, quæ contraria est laudi, specialitèr in certam facientis personam adhibetur. Communis verò locus generalitèr in facti crimine præponitur: undè, & communis locus dicitur, quia absente persona non tam in hominem, quàm in ipsum crimen exponitur. Omne enim vitium non in uno tantum, sed etiam commune in plurimis invenitur.

CAPUT V.

De Geminò statu causarum.

1 **S**tatus causarum apud Rhetores dicitur ea res, in qua causa consistit, id est, constitutio. ⁽²⁾ Græci autem statum à contentione *στάσις* dicunt. Latini autem non solum à pugna, per quam expugnent propositionem adversarii, sed quòd in eo pars utraque consistat. Fit autem ex intentione, & depulsione. Status autem causarum duo sunt, rationalis, & legalis. De rationali oriuntur conjectura, finis, qualitas, translatio. De fine juridicialis, & negotialis. De juridiciali absoluta, & assumptiva. De assumptiva, concessio, remotio criminis, relatio criminis, ⁽³⁾ comparatio. De concessione, purgatio, & deprecatio.

Con-

(1) Cap. IV. Liberarique. Rejiciebat hæc Chacon. Sed frequens apud Isidorum conjunctionum, disjunctionumque vicissitudo.

(2) Cap. V. Græci autem statum à content. Ità Herorodia, & Hermagoras. Preferre videtur Isidorus nostram vocem Græcā ἡ ἐνστάσις.

(3) Relatio criminis comparatio. Compensatio in plerisque libris, quæ de re Capella. Comparatio (inquit) quam compensationem novi à posterioribus perhiberi. Sed comparatio est apud Ciceronem, undè hæc sunt. Et infra comparatio definitur, contentientibus omnibus libris.

Conjecturalis status est, cum factum quod aliis obijcitur, ab alio pernegatur. Definitivus status est, cum id, quod obijcitur, non hoc esse contenditur, sed quid illud sit, adhibitis definitionibus approbatur. ⁽¹⁾ Qualitas est dum qualis sit res quaeritur: & quia de vi, & genere negotii controversia agitur, constitutio generalis appellatur. Translatio est, cum causa ex eo pender, quod aut non is agere videtur quem oportet, aut non apud quos, quo tempore, qua lege, quo crimine, qua poena oporteat. Translativa constitutio dicitur, quod actio translationis, & commutationis indigere videtur. Juridicialis est, in qua aequi, & recti natura, & praemii aut poenae ratio quaeritur. Negotialis est, in qua quid juris ex civili more, & aequitate sit, consideratur. ⁽²⁾ Assumptiva est, quae ipsa ex se nihil dat firmi ad recusationem, foris autem aliquid defensionis assumit. Concessio est, cum reus non id, quod factum est, defendit, sed: ut ignoscatur postulat: ⁽³⁾ quod nos ad poenitentes probavimus pertinere. Remotio criminis est, cum id crimen, quod inferitur, ab se, & ab sua culpa, vi, & potestate in alium reus dimovere conatur. Relatio criminis est, cum ideò iure factum dicitur, quod alius ante injuria lacessierit. Comparatio est, cum aliud aliquod alterius factum honestum, aut utile contenditur, quod: ut fieret, illud quod arguitur, dicitur esse commissum. Purgatio est, cum factum quidem conceditur, sed culpa removetur. Haec partes habet tres, imprudentiam, casum, necessitatem. Deprecatio est, cum, & peccasse se, &

consultò peccasse reus confitetur, & tamen: ut ignoscatur postulat: quod genus perrarò potest accidere. Item ex legali statu haec oriuntur, id est, scriptum, & voluntas, leges contrariae, ambiguitas, collectio, sive ratiocinatio, & definitio legalis. Scriptum, & voluntas est, quando verba ipsa videntur cum sententia scriptoris dissidere. Legis contrariae status est, quando inter se duae leges, aut plures discrepare noscuntur. Ambiguitas est, cum id quod scriptum est, duas, aut plures res significare videtur. Collectio, vel ratiocinatio est, quando ex eo, quod scriptum est, aliud quoque quod non scriptum est, invenitur. Definitio legalis est, cum vis verbi quasi in definitiva constitutione, in quo posita sit quaeritur. Status ergò tam rationales, quam legales à quibusdam certius decem, & octo connumerati sunt, ceterum ⁽⁴⁾ secundum Rhetoricos Tullii undè viginti reperiuntur, propterea quia translationem inter rationales principaliter affixit status. Indè se ipse etiam Cicero reprehendens, translationem legalibus statibus applicavit.

CAPUT VI.

De Tripartita controversia.

I TRIPARTITA controversia juxta Ciceronem, ⁽¹⁾ aut simplex est, aut conjuncta. Et si conjuncta erit, considerandum est, utrum sit ex pluribus quaestionibus juncta, an ex aliqua comparatione. Controversia simplex est, quae absolutam continet unam quaestionem, hoc modo: Corinthiis bellum indicamus, an non?

Con-

(1) Qualitas est. Videntur abundare haec voces ex Cic. 1. de Invent. legendumque. Dum qualis sit res quaeritur, quia de vi, & de genere negotii, &c.

(2) Assumptiva. Post assumptivam videtur desiderari absoluta. Dixerat enim ex juridiciali assumptivam, & absolutam oriri. Quam Cicero definit. Quae ipsa in se juris, & injuria continet quaestionem.

(3) Quod nos ad poenit. Vid. d. 50. c. in capite, & seqq.

(4) Secundum Rhetoricos Tullii. Libros de Inv.

(5) Cap. VI. Omnia ex eodem lib. 1. de Invent.

Coniuncta est ex pluribus quæstionibus, in qua plura quærentur hoc pacto : Utrum Carthago diruatur, an Carthaginensibus reddatur: an eo colonia deducatur? Ex comparatione, in qua per contentionem utrum potius, aut quid potissimum quæritur, ad hunc modum: Utrum exercitus in Macedoniam contra Philippum mittatur, qui sociis sit auxilio: an teneatur in Italia: ut quàm maximæ contra Hannibalem copię sint.

CAPUT VII.

De quatuor partibus Orationis.

PARTES orationis in Rhetorica Arte quatuor sunt, Exordium, Narratio, Argumentatio, Conclusio. Harum prima auditoris animum provocat; secunda res gestas explicat; tertia fidem assertionibus facit; quarta finem totius orationis complectitur. Inchoandum est itaque taliter: ut ⁽¹⁾ benivolum, docilem, vel attentum auditorem faciamus: benivolum precando, docilem instruendo, attentum excitando. Narrandum est ita: ut breviter, atque apertè loquamur. Argumentandum ita: ut primum nostra firmemus: dehinc adversa confringamus. Concludendum ita: ut concitemus animum audientis implere, quæ dicimus.

CAPUT VIII.

De quinque modis causarum.

SPecies causarum sunt quinque, honestum, admirabile, hu-

mile, anceps, obscurum. ⁽²⁾ Honestum causæ genus est, cui statim sine oratione nostra favet animus auditoris. Admirabile, à quo est alienatus animus eorum, qui audituri sunt. Humile est, quod negligitur ab auditore. Anceps est, in quo, aut judicatio dubia est, aut causa honestitatis, & turpitudinis particeps: ut, & benivolentiam pariat, & offensionem. Obscurum, in quo, aut tardi auditores sunt, aut difficilioribus ad cognoscendum negotiis causa cernitur implicata.

CAPUT IX.

De Syllogismis.

SYllogismus Græcè, Latine argumentatio appellatur. Argumentatio autem dicta est, quasi argumentæ mentis oratio, qua inventum probabile exequimur. ⁽³⁾ Syllogismus igitur est propositionis, & assumptionis, confirmationisque extrema conclusio: aut ex ambigentis incertò, aut ex fiducia comprobantis. Constat enim tribus partibus, propositione, assumptione, conclusione. Propositione: ut putà, quod bonum est, turpem usum habere non potest. Consentit audiens, assumit ille: Pecunia turpem usum habet: Concluditur, ergo pecunia bonum non est. Syllogismis autem non solum Rhetores, sed maximè Dialectici utuntur, ⁽⁴⁾ licet Apostolus sæpè proponat, assumat, confirmet, atque concludat, quæ: ut diximus, propriæ artis Dialecticæ, atque Rhetoricæ sunt. Syllogismorum apud Rhetores principalia genera duo sunt: inductio, & ratiocinatio. In-

duc-

(1) Cap. VII. Benivolum. Ità scribi præcipit Isidorus ipse, lib. 10. non benevolum.

(2) Cap. VIII. Ex eodem Ciceronis loco.

(3) Cap. IX. Confirmationis extrema concl. Confirmationem syllogismo addidit Ciceronem secutus, exemplo tamen non nisi syllogismi simplicis est usus.

(4) Licet Apostolus, Verba sunt Hieronymi ad Paul. Urbicam ep. 155. mutasse Isidorum vocem Apostol. in Philosophum credebat Chacon, rediisseque rursus, vel ex scribentium errore, utraque voce per compendium scripta, vel alicujus, qui

ductionis membra tria sunt : prima propositio , secunda illatio , quæ , & assumptio dicitur , tertia conclusio. Inductio est , quæ rebus non dubiis captat assensionem ejus , cui instituta est : sive inter Philosophos , sive inter Rhetores , sive ⁽¹⁾ inter sermocinantes. Propositio inductionis est , quæ similitudines concedendæ rei necessario unius inducit , aut plurium. Illatio inductionis est , quæ , & assumptio dicitur , quæ rem , de qua contenditur , & cujus causa similitudines habitæ sunt , introducit. Conclusio inductionis est , quæ aut concessionem illationis confirmat : aut quid ex ea conficiatur declarat. ⁽²⁾ Ratiocinatio est oratio , quæ id , de quo est quæstio , comprobatur.

2 Enthymema igitur latinè interpretatur mentis conceptio , quem imperfectum syllogismum solent ⁽³⁾ Artigraphi nuncupare. Nam in duabus partibus ejus argumenti forma consistit , quando eò quòd ad fidem pertinet faciendam , utitur syllogismorum lege præterita : ut est illud : Si tempestas vitanda est , non est igitur navigandum. Ex sola enim propositione constat esse perfectum : unde magis Rhetoribus , quàm Dialecticis convenire judicatum est. Ratiocinationis duo sunt modi. Primus enthymema , qui est imperfectus syllogismus , atque Rhetoricus. Secundus epichereia , qui est in Rhetoricis latior syllogismus. ⁽⁴⁾ Enthymematis membra sunt quinque , primum convincibile , secundum ostentabile , tertium sententiale , quartum exemplabile , quin-

tum collectivum. Convincibile est , quod evidenti ratione vincit , sicut fecit Cicero pro Milone. Ejus igitur mortis sedetis ultores , cujus vitam , si putaretis per vos restitui posse , nolle- tis. Ostentabile est , quod certa rei demonstratione constringit : sicut Cicero in Catilinam : Hic tamen vivit ? vivit ? immò etiam in senatum venit. Sententiale est , quod sententia generalis addicit : ut apud Terentium : obsequium amicos , veritas odium parit. Exemplabile est , quod alicujus exempli comparatione eventum similem comminatur : sicut ⁽⁵⁾ Cicero in Philippicis. Te miror Antoni , quorum exempla imitaris , eorum exitus non pertimescere. Collectivum est , cum in unum , quæ ⁽⁶⁾ argumenta ita sunt , colliguntur , sicut ait Cicero pro Milone : Quem igitur cum gratia noluit , hunc voluit cum aliquorum querela. Quem jure , quem loco , quem tempore non est ausus : hunc injuria , alieno tempore , cum periculo capitis non dubitavit occidere ? Præterea secundum Victorinum enthymematis est altera definitio ex sola propositione , sicut jam dictum est : quæ ita constat. Si tempestas vitanda est , non est navigatio requirenda. ⁽⁷⁾ Ex sola assumptione : ut est illud ; sunt autem , qui mundum dicunt sine divina administratione discurrere. Ex sola conclusione : ut est illud , vera est igitur divina sententia : ex propositione , & assumptione : ut est illud : Si inimicus est , occidit , inimicus autem est. Et quia illi deest conclusio , enthymema vocatur. ⁽⁸⁾ Sequitur

(1) Sive inter sermocinantes. *Victorinus* , in quacunque contentione verborum.

(2) Ratiocinatio. Eodem modo *Cassiodorus* , *Brevius Fortunatianus* : Ratiocinatio est , qua aliquid approbamus.

(3) Artigraphi. Eadem voce utuntur *Donatus* , & *Servius* , ad artem *Donati*. Constatque ex *D. Augusti* , ep. 59. hujusmodi Græcolas voces illa ætate usurpatis esse , quamvis *Quintiliano* invisas. Videm ab *Augustino* , & *Fortunatio* technici dicuntur.

(4) Enthymematum membra. *Fusius hæc Isidorus* , quam *Fortunatianus*.

(5) *Cic. Philipp.* 2. quorum exempla imitare , eorum exitus non perhorrescere ?

(6) Quæ argumentata. Ex *Ovet. Colleg. Goth.* reliqui quæ argumenta.

(7) Ex sola assumptione. *Supplevimus hic quædam ex Tarraconensis libris* , & *Cassiodoro auctore Ant. Augustino*.

(8) Sequitur epichereia. Ex lib. 1. de *Invent.*

tur epicherema, descendens de rationatione ⁽¹⁾ latior, & executior Rhetoricus syllogismus, latitudine distans, & productione sermonis à dialecticis syllogismis, propter quod Rhetoribus datur. Hic autem constat modis tribus: primus modus triperitus est: secundus quadriperitus: tertius quinqueperitus. Triperitus epicherematicus syllogismus est, qui constat membris tribus, id est, propositione, assumptione, conclusione. Quadriperitus est, qui constat ex membris quatuor: prima propositione, secunda assumptione, & una propositionis, si-vè assumptionis conjuncta: tertia probatione, & quarta conclusione. ⁽²⁾ Quinqueperitus est, qui constat ex membris quinque, id est: prima propositione: secunda ejus probatione: tertia assumptione: quarta ejus probatione: quinta conclusione. Hunc Cicero ita facit in Arte Rhetorica, si deliberatio, & demonstratio genera sunt causarum, non possunt rectè partes alicujus generis causæ putari: eadem enim res, alii genus, alii pars esse potest: eodem genus, & pars non potest, & cætera: quousque syllogismi hujus membra claudantur.

CAPUT X.

De Lege.

LEX ⁽³⁾ est constitutio populi, quàm majores natu cum plebibus sanxerunt. Nam quod Rex, aut Imperator edicit, constitutio, vel

edictum vocatur. ⁽⁴⁾ Institutio æquitatis duplex est, nunc in legibus, nunc in moribus. Inter legem autem, & mores hoc interest, quod lex scripta est: mos verò est vetustate probata consuetudo, si-vè lex non scripta: nam lex à legendo vocata, quia scripta est. Mos autem longa consuetudo est de moribus ⁽⁵⁾ tracta tantumdem. Consuetudo autem est jus quoddam moribus institutum, quod pro lege suscipitur cum deficit lex, nec differt scriptura, an ratione consistat, quando, & legem ⁽⁶⁾ ratio commendat. Porro si ratione lex constat, lex erit omne jam, quod ratione constiterit, dumtaxat, quod Religioni congruat, quod disciplinæ conveniat, quod saluti proficiat. Vocata autem consuetudo, quia in communi est usu. Omnis autem lex, aut permittit aliquid: ut, vir fortis petat præmium, aut vetat: ut, Sacrarum virginum nuptias nulli petere liceat, aut punit: ut, qui cædem fecerit, capite plectatur. ⁽⁷⁾ Factæ sunt autem leges: ut earum metu humana coërceatur audacia, tutaque sit inter improbos innocentia: & in ipsis improbis formidato supplicio refrænetur nocendi facultas. Legis enim præmio, aut poena ⁽⁸⁾ vita moderatur humana. Erit autem lex honesta, justa, possibilis, secundum naturam, secundum consuetudinem patriæ, loco, temporeque conveniens, necessariâ, utilis, manifesta quoque, nè aliquid per obscuritatem ⁽⁹⁾ in captionem contineat, nullo privato commodo, sed pro

(1) Latior, & executior Rhetoricus Syllogismus. Sic paulò ante epicherema latiorum syllogismum dixit, latior executio volebat A. Anquinus ex Fortunatiano.

(2) Et quarta conclus. Vox quarta ex Gothicis reposita est.

(3) Cap. X. Lex est. Lib. 5. cap. 10. & d. 1. cap. 2. Reperuntur eadem, lib. 5. cap. 1. 10. 19. & seqq. Vid. Grat. d. 1.

(4) Institutio æquit. Omne autem jus legibus, & moribus constat, lib. 5. cap. 3. & dis. 1. cap. 2.

(5) De moribus tracta tantumdem. Sico. l. tantummodò Grat.

(6) Ratio commendat. Tertul. lib. de Corona milit. Consuetudo etiam in civilibus rebus pro lege suscipitur, cum deficit lex. Nec differt scriptura an ratione consistat, quando, & legem ratio commendat.

(7) Factæ autem sunt leges. Ex Aug. ep. 56.

(8) Vita moderatur humana. Moderatur passivè: ut, l. 15. D. de Negot. gest. Pro qualitate personarum, & actio formatur, & condemnatio moderatur.

(9) In captionem contineat. Paul. lib. 5. Sentent. cap. 33. Ne quis in captionem verborum in cavendo incidat.

pro communi civium utilitate conscripta.

CAPUT XI.

De Sententia.

Sententia est dictum impersonale : ut , obsequium amicos veritas odium parit. Huic si persona fuerit adjecta , chria erit ; ita , offendit Achilles Agamemnonem , vera dicendo : Metrophanes promeruit gratiam Mithridatis obsequendo. Nam inter chriam , & sententiam hoc interest , quod sententia sine persona profertur , chria sine persona numquam dicitur. Unde , si sententiæ persona adjiciatur , fit chria : si detrahatur , fit sententia.

CAPUT XII.

De Catasceve , & Anasceve.

Catasceve est confirmatio propositæ rei ; Anasceve autem contraria superiori est : revincit enim non fuisse , aut non esse , quod natum , aut factum , aut dictum esse proponitur : ut si quis Chimeram neget fuisse , aut fuisse confirmet. Inter has , & Thesis hoc interest , quod Thesis quamvis , & ipsa habeat disputationem in utramque partem , tamen incertæ rei , quasi quædam liberatio , vel coarctatio est : Catasceve autem , & Anasceve in his rebus , quæ verisimiles non sunt , sed pro veris proponuntur , plerumque versantur. Anasceve prima divisio est , in inconveniens , & mendacium. Inconvenientis species sunt , quod inhonestum est , & quod inutile. Item inhonestum tractatur , aut in dic-

tis , aut in factis. In dictis : ut si quis indecora , & non respondentia auctoritati dixisse dicatur : velut , si aliquis infamet Catonem illum Censorium , juventutem ad nequitiam , & luxuriam cohortatum. In factis , ut si quis abhorrens aliquid à sanctimonia , & nomine suo fecisse dicatur : ut est fabula de adulterio Martis , & Veneris. Mendacium autem tres habet species : incredibile , quod factum non esse credatur : ut adolescentem de Siculo litore ⁽¹⁾ egredientes Africa classes videre. Impossibile est : ut Clodius insidias Miloni fecerit , & idem occisus sit à Milone. Contrarium est , nam si insidias fecit , occidit. Occisus est , non fecit insidias. Hæc distributio in contrarium reformata ⁽²⁾ Catasceve proderit. Oportebit tamen principia sic ordinare : ut aut credendum esse veterum auctoritati , aut fabulis fidem non habendum esse dicamus. Et ad id postremum in Anasceve recurramus , ne quid aliud significare voluerint , qui ista finxerunt : ut si Scyllam non marinam , sed maritimam fœminam : nec succinctam canibus , sed rapacem aliquam , & in hospitalem venientibus exitisse.

CAPUT XIII.

De Prosopopœia.

Prosopopœia ⁽³⁾ est cum inanimatum , & persona , & sermo fingitur : Cicero in Catilinam : Etenim si mecum patria mea , quæ mi vita mea multo est charior , loqueretur , dicens , &c. Sic , & montes , & flumina , vel arbores loquentes indu-

ci-

(1) Cap. XII. Egredientes Afric. Ex Plin. & Solin. mendosè libri omnes ingredientes.

(2) Catasceve proderit. Post hæc verba adduntur in Gothicis aliquot. Ut gradus omnes constituamus , honestum , utile , verisimile , possibile , consentaneum ; vel ex diverso inhonestum , inutile , parum verisimile , impossibile , contrarium. Quæ , quia neque satis cum superioribus coherent , neque sunt in vetustioribus libris , recipienda non putavimus. Licet quibusd. probarentur.

(3) Cap. XIII. Prosopop. Hæc , & Etopopœia majores visa sunt , quàm : ut cum figuris reliquis connumeranda essent , propterea eas in progymnasmatibus posuit.

cinus, personam imponentes rei, quæ non habet naturam loquendi, quod, & in tragœdiis usitarum est, & in orationibus frequentissimè invenitur.

certa omnia sunt, ⁽¹⁾ undè quasi pars causæ est propositum.

CAPUT XIV.

De Ethopæja.

I Ethopæjam verò illam vocamus, in qua hominis personam fingimus, pro exprimendis affectibus, ætatis, studii, fortunæ, lætitiæ, sexus, mœroris, audaciæ. Nam cum piratæ persona suscipitur, audax, abrupta, temeraria erit oratio: cum fœminæ sermo simulatur, sexui convenire debet oratio: jam verò adolescentis, & senis, & militis, & Imperatoris, & parasi, & rustici, & philosophi, ⁽¹⁾ diversa ratio ducenda est. Aliter enim loquitur gaudio affectus, aliter vulneratus. In quo genere dictionis illa sunt maximè cogitanda: quis loquatur, & apud quem, & de quo, & ubi, & quo tempore: quid egerit, quid acturus sit, aut quid pati possit, si hæc consulta neglexerit.

CAPUT XV.

De Generibus questionum.

I Genera quæstionum duo sunt: quorum unum est finitum, alterum infinitum. Finitum hypotheseos græcè, latinè causa dicitur, ubi cum certa persona controversia est. Infinitum quod græcè thesis, latinè propositum nominatur. Hoc personam non habet certam, nec ⁽²⁾ inest ei aliqua certa circumstantia, id est, nec locus, nec tempus. In causa verò

CAPUT XVI.

De Elocutione.

I Am-verò in elocutionibus illa uti oportebit: ut res, locus, tempus, persona audientis efflagitat, nè profana religiosis, nè inverecunda castis, nè levia gravibus, nè lasciva seriis, nè ridicula tristibus misceantur. Latinè autem, & perspicuè loquendum. Latinè autem loquitur, qui verba rerum vera, & naturalia persequitur, nè à sermone, atque cultu præsentis temporis discrepat. Huic non sit satis videre, quid dicat, ⁽⁴⁾ nisi id quoque apertè, & suaviter dicere, nè id quidem tantùm, nisi id, quod dicat, & facere dicat.

CAPUT XVII.

De trimodo dicendi Genere.

I Dicenda sunt quoque summissa leviter, incitata graviter, inflexa moderatè. Hoc est enim illud trimodum genus dicendi: humile, medium, grandiloquum. Cum enim magna dicimus, granditer proferenda sunt, cum parva subtiliter, cum mediocria temperatè. Nam in parvis causis nihil grande, nihil sublimè dicendum est, sed leni, ac pedestri more loquendum. In causis autem majoribus, ubi de Deo, vel hominum salute referimus, plus magnificentiæ, & fulgoris est exhibendum. In temperatis verò causis ubi nihil ⁽⁵⁾ agitur: ut agat, sed tantummodò: ut delectetur

(1) Cap. XIV. Diversa ratio ducenda. Ex Goth. Ov. Al. oratio dicenda.

(2) Cap. XV. Neque inest ei aliqua certà circumst. Al. Neque in thesi aliqua circumst. eodem sensu.

(3) Undè quasi pars causæ, c. p. Cic. in Top. Itaque propositum pars causæ est.

(4) Cap. XVI. Nisi id, quod dicat, & facere dicat. Rom. C. Nisi id, quod dicat, & fecerit. F. nisi id, quod debeat, fecerit. Al. Nisi id, quod dicat, & facere dicat. Quam scripturam una mutata littera recepinus.

(5) Cap. XVII. Nihil agitur, ut agat. Sic o. l. ac tales sunt causarum, pleræque in demonstrativo genere.

tur auditor, inter utrumque est moderatè dicendum : sed, & quamvis de magnis rebus quisque dicat, non tamen semper granditèr dicere debet, sed summisse cum docet : temperatè, cum aliquid laudat, vel vituperat: granditèr cum ad conversionem aversos animos provocat. Utenda tamèn verba in summisso genere sufficientia, in temperato splendentia, in grandi vehementia.

CAPUT XVIII.

De Colo, commate, & periodo.

I **C**omponitur autem, ⁽¹⁾instruiturquè omnis oratio commate, colo, & periodo. Comma particula est sententiæ. Colon membrum. Periodus ambitus, vel circuitus. Fit autem ex conjunctione verborum comma, ex commate colon, ex collis periodus. Comma est juncturæ finitio : ut putà, & si vereor, iudices, ecce unum comma : sequitur, & aliud comma, nè turpe sit pro fortissimo viro dicere incipientem timere : & factum est colon, id est, membrum, quod intellectum sensui præstat, sed adhuc pendet oratio : sicquè deinde ex pluribus membris fit periodus, id est, extrema sententiæ clausula, ità veterem iudiciorum morem ⁽²⁾requirunt. Periodus autem longior esse non debet, quàm : ut uno spiritu proferatur.

CAPUT XIX.

De Vitiis litterarum, & verborum, & sententiarum cavendis.

I **P**rætereà purum, & honestum oratoris eloquium care-

re debet omnibus vitiis, tam in litteris, quàm in verbis, quàm etiam in sententiis. In litteris : ut junctura apta, & conveniens sit : & sic observandum, nè præcedentis verbi extrema vocalis in eandem vocalem primam incidat verbi sequentis : ut fœminæ Ægyptiæ : ⁽³⁾quæ structura melior fit, si consonantes vocalibus applicantur : triumque consonantium, quæ in se incidentes stridere, & quasi rixari videntur, vitanda junctura est, id est, r, s, x : ut ars studiorum Rex Xerxes, error Romuli. Fugienda est, & consonans m, illisa vocalibus : ut verum, enim.

CAPUT XX.

De Juncturis verborum.

I **N** verbis quoquè cavenda sunt vitia : ut non impropria verba ponantur, quam Græci acyrologia vocant. Amanda est ergò proprietas, sic tamen : ut aliquando propter humilitatem sordidi, aut spurci vocabuli translatis nominibus sit utendum : non tamèn longè accitis, sed ut veris proxima, & cognata videantur. Fugienda etiam Hyperbata longiora, quæ fieri sine aliorum sensuum confusione non possunt. Ambiguitas quoquè, & vitium illud cavendum, cum quidam jactatione eloquentiæ ducti, quod uno, aut duobus verbis significare poterant, interpositis inanibus vocibus longa, & circumflexa ambage concludunt, quod vitium Perissologia vocatur. Cui contrarium vitium est brevitaris studio, etiam necessaria verba furari. Fugienda sunt quoquè sicut in litteris, & verbis, quæ

E in-

(1) Cap. XVIII. Instruitur. Prothesis in Gothica scriptura frequens instruitur pro struitur, nec minus frequens aphæresis Spania pro Hispania, Spalensis pro Hispanensis, storia pro historia.

(2) Morem requirunt. Eadem verba apud Fab. Nunc pro requirunt in Miloniana minimè vident, vulgo legimus. Cum alii quoque requirunt in ms. lib. legisse se asserunt.

(3) Cap. XIX. Quæ structura. Al. instruitura ex usitata prothesis.

inter prima Grammaticorum studia cognoscuntur, ita, & in sententiis vitia.

2 Sunt autem Cacophaton, Tautologia, Eclipsis, Acyrologia, Macrologia, Perissologia, Pleonasmos, & his similia. At contra orationem extollit, & exornat energia, tum emphasis, quæ plus quiddam, quam dixerit, intelligi facit: ut si dicas, ad gloriam Scipionis ascendet: & Virgilius, demissum lapsi per funem. Cum enim dicit lapsi, ⁽¹⁾ altitudinem suggerit. Huic contrariâ virtus est, verbis minuere, quæ natura sua magna sunt.

CAPUT XXI.

De Figuris verborum, & sententiarum.

1 **A**ugetur, & ornatur oratio, etiam figuris verborum, ac sententiarum. Nam quia directâ, & perpetua oratio fatigationem, atque fastidium, tam dicendi, quam audiendi creat: flectenda est, & in alias versanda formas: ut, & dicentem reficiat, & ornator fiat, & iudicem diverso vultu, audituque desleat. E quibus plurimæ superius à Donato in schematibus Artis Grammaticæ annotatæ sunt.

2 Undè tantum illa hic interponi oportuit, quæ in poemate, aut nunquam, aut difficulter fiunt: in oratione autem liberè.

3 Anadiplosis est congeminatione verborum: ut, hic tamen vivit? vivit? immò etiam in senatum venit.

4 Climax est gradatio cum ab eo verbo, quo sensus superior termi-

natur, inferior incipit: ac dehinc quasi per gradus dicendi ordo servatur: ut est illud Africani: Ex innocentia nascitur dignitas, ex dignitate honor, ex honore imperium, ex imperio libertas. Hanc figuram nonnulli catenam appellant, propter ea, quòd aliud in alio quasi nectitur nomine, atque ita res plures in geminatione verborum trahuntur. Fit autem hoc schema non solum in singulis verbis, sed etiam in contextione verborum: ut apud Gracchum, pueritia tua adolescentiæ tuæ inhonestamentum fuit, adolescentia senectuti dedecoramentum, senectus reipublicæ flagitium. Sic, & apud Scipionem: ⁽²⁾ Vi, atque ingratis coactus cum illo sponsionem feci, facta sponsione ad iudicem adduxi, adductum primo cœtu damnavi, damnatum ex voluntate dimisi.

5 Antitheta, quæ latinè contrapposita appellantur, quæ dum ex adverso ponuntur sententiæ pulchritudinem faciunt, & in ornamento locutionis decentissima existunt, ut, Cicero: Ex hac parte pudor pugnat, illinc petulantia: hinc pudicitia, illinc stuprum: hinc fides, illinc fraudatio: hinc pietas, illinc scelus: hinc constantia, illinc furor: hinc honestas, illinc turpitudine: hinc continentia, illinc libido: hinc denique æquitas, temperantia, fortitudo, prudentia, virtutes omnes certant: cum iniquitate luxuria: ignavia cum temeritate, cum vitiis omnibus: postremò copia cum egestate: bona ratio cum perdita: mens sana cum amentia: bona denique spes cum omnium rerum desperatione confligit. Hujusmodi locutionis ornamento Liber Ecclesi-

(1) Cap. XX. Altitudinem suggerit. Sic C. Romanus: nostri omnes altitudinem imaginis sugg. sed si vult imaginis, si vult imaginationi potius legas: nobis probari neutrum potuit.

(2) Cap. XXI. Vi, atque ingratis coactus. Coactus nō ingratis interpretationem esse, quis dubitet? ergò expungi sint fraude poterat.

siasticus usus est, dicens: Contra malum bonum; & contra mortem vita: sic contra pium peccator, & sic intueri in omnia opera Altissimi, ⁽¹⁾ bina, & bina, unum contra unum.

6 Synonymia est quotiès in connexa oratione pluribus verbis unam rem significamus: ut ait Cicero: Nihil agis, nihil moliris, nihil cogitas. Itèm, non feram, non patiar, non sinam.

7 Epanodos, quam regressio- nem nostri vocant, principum dignitas erat penè par, non par fortas- se eorum, qui sequebantur.

8 Antapodosis, quoties media primis, & ultimis conveniunt: ut, vestrum hic factum reprehenditur, patres conscripti, non meum, ac pulcherrimum quidem factum: ve- rùm, ut dixi, non meum, sed ves- trum.

9 Paradiastole est, quoties id, quod dicimus interpretatione discer- nimus, cùm te pro astuto sapientem appellas, ⁽²⁾ pro inconsiderato for- tem, pro inliberali diligentem.

10 ⁽³⁾ Antanacclasis est, quæ eod- em verbo contrarium exprimit sen- sum. ⁽⁴⁾ Quærebatur quidam de filio, cur mortem suam expectaret, respon- dente, non expecto: immò peto, in- quit, ut expectes.

11 Antimetabole est conversio verborum, quæ ordine mutato con- trarium efficit sensum: Non ut edam

vivo, sed, ut vivam edo. Et illud: Si Consul Antonius, Brutus hostis: Si conservator Reipublicæ Brutus, hostis Antonius.

12 ⁽⁵⁾ Exoche, * quis eos appel- lavit? Appius; quis produxit? Ap- pius.

13 Nunc figuras sententiarum, quas operæpretium est cognoscere per- sequamur.

14 ⁽⁶⁾ Sententia est dictum imper- sonale: ut, obsequium amicos, veri- tas odium parit. Huic si persona fue- rit adjecta, chria erit, ita: offendit Achilles Agamemnonem vera dicen- do. Metrophanes promeruit gratiam Mithridatis, obsequendo. Nam inter chriam, & sententiam hoc interest: quod sententia sine persona profer- tur, chria sine persona nunquam di- citur. Undè si sententiæ persona adji- ciatur, fit chria: si detrahatur, fit sen- tentia.

15 Sententiarum species multæ sunt: aliæ enim indicativæ, aliæ pro- nuntiativæ: ut, nusquam tuta fides, aliæ imperativæ: ut, vade, age nate voca zephyros, & labere pennis. Aliæ admirativæ: ut, tantæ nè animis coeles- tibus iræ?

16 Aliæ comparativæ: ut, si vinco, & pereo, quid ibi me vincere præstat? Aliæ superlativæ, quæ cum aliquo motu animi, & indignatione promuntur, - quid non mortalia pec- tora cogis auri sacra fames?

17 Aliæ interrogativæ: ut, - juve-
E 2 nes

(1) Bina, & bina. LXX. δύο, δύο, ἢ καὶ ἀπὸ τῶ ἰνδύ. Et ita quidam vulg. edit. libri ms. duo, duo, unum con- tra unum. Principum dignitas, &c. Ex oratione pro Ligario.

(2) Pro inconsiderato fortem, pro illiberali dilig. Pro confidente fortem, pro illiberali diligentem rei familiaris: dixit Rutilius citans idem exemplum ex Hyperide. Eodem utitur Fabius, lib. 9. cap. 3. Alterum autem Paradiastoles exem- plum apud Rutilium Fabius Synaclosi aptavit, cùm opposita figura videantur, illa enim rei, quæ videntur eadem, disjun- git: Synaclosis contra diversa conjungit.

(3) Antanacclasis. Anacclasin vocat Rutilius, nisi mendum in eo. Quintilianus speciem esse dicit paronomasia.

(4) Quærebatur quidam. Proclejum appellant hunc Fabius, & Rutilius.

(5) Exoche * Quis eos appellavit. Videtur hoc loco deesse tum definitio. Exoches cum suo exemplo: tum etiam alterius figura nomen ejus exemplum sit, quo de Miloniana assertur. Hanc A. Augustinus symplocem fuisse ajebat, utramque

& Servio, & Aquila Rom. supplere non erit difficile.

(6) Sententia est dict. imp. Idem sup. cap. 11. Quæ tamen, ne non intellecta. Verba Servii ad v. 1, sequere Italiam vent. Æn. 4.

nes quæ causa subegit ignotas tentare vias? — Qui genus, undè domo? pacemne, hùc fertis, an arma?

18 Alia responsivæ: ut, illinc, istinc. Alia deprecativæ: ut, eripe me his invictè malis. Alia promissivæ: ut, parce metu Cytherea, manent immota tuorum fata tibi. Alia concessivæ, quæ cum impulsione prohibeant: ut, I, sequere Italiam ventis pete regna per undas; quæ tamen nè non intellecta sit persuasio, permixta sunt aliqua, quæ vetant latentè: ut, - ventis per undas. Alia demonstrativæ: ut, en, ecce. Alia optativæ: ut, ô mihi præteritos referat si Jupiter annos.

19 Alia ⁽¹⁾ derogativæ: ut, nequaquam.

20 Alia, quæ cum exclamatione proferuntur: ut, ⁽²⁾ quis furor, ô ci-ves, pacem convertit in arma? Et Cicero: O Dii immortales, ubinàm gentium sumus?

21 Alia exhortativæ, cùm ad sententiam provocamus: ut, aude hospes contemnere opes.

22 Alia dehortativæ, cùm à contrario, vitio peccatoque reducimus. Sunt, & affirmativæ: ut, quidni, quippè.

23 Præceptivæ: ut, nudus ara, serè ⁽³⁾ nudus, habebis frigore messes.

24 Vetativæ: ut, neve inter vites corrylum serè, neve flagella summa pete.

25 Negativæ: ut, non, minimè. Sunt, & mirativæ: ut, ⁽⁴⁾ Papæ vivere non licet, & fornicari libet?

26 Dolentis: ut, he! mihi quòd nullis amor est ⁽⁵⁾ sanabilis herbis. Flentis.*----

27 Similitudinis sic: ⁽⁶⁾ ut, quondam Creta fertur labyrinthus in alta.

Admonentis.-----

Irridentis.-----

Gementis.-----

Exhortativæ.-----

Consolativæ.-----

Commiserantis.-----

28 Quorum quot sunt figuræ, tot, & in pronuntiando voces.

29 ⁽⁷⁾ Sunt, & amphidoxæ, quarum pars honesta est, pars inhonesta: ut, non est tua tuta voluntas: Magna petis Phaeton.

30 Sunt, & alia, ⁽⁸⁾ procatalepes: cùm id, quod vobis objici poterat, ante præsumimus ad diluendum: ut, si quis vestrum, Judices, aut eorum, qui adsunt, fortè miratur. Sunt, & aporiæ, dubitatio simulantis nescire se, quæ scit, aut quomodò dicatur.

31 ⁽⁹⁾ Cœnosis autem dicitur communicatio consilii cum iudicibus, aut adversariis: ut, si dicas, vos consulo, iudices, aut vos adversarii, quid me facere convenit, aut quid vos facturi fuissetis.

32 Paradoxon est, cùm dicimus inopinatum aliquid accidisse: ut pro Flacco Cicero: Cujus laudis prædicator esse debuerit, ejus periculi deprecatorem esse factum.

33 Epitrope, id est, permissio, cùm aliqua ipsis iudicibus, aut adversariis permittimus æstimanda: ⁽¹⁰⁾ ut, Cal-

(1) Alia derogativæ. *Al. denegativa.*

(2) Quis furor. *Petron. in Satyr. Quis furor, exclamat, pacem convertit in arma?*

(3) Habebis frigore messes. *Febrim potius ex Serv. & Virgilii vita. Sed hac verba e margine inserta verissimè judicanda habeo.*

(4) Pape vivere non licet. &c. *Verba sunt Hieronymi in ep. ad Rust. 4.*

(5) Sanabilis, medicabilis apud Ovid.

(6) Ut quondam Creta. *Ex Æn. 5.*

(7) Sunt, & amphidox. *Vid. Aq. de Rhetor. cap. 10.*

(8) Procatalepses. *Proleptin Fabius, & præsumptionem vocat.*

(9) Cœnosis. *Hanc Rufinianus Anacœnosit; Fabius communicationem nominat.*

(10) Calvus in Vatinius. *Constat à Calvo Vatinium accusatum; Catullus:*

Risi nescio, quem modo in corona,

Qui, cum mitifice Vatiniana

Meus crimina Calvus explicasset.

Calvus in Vatinius, perfrica frontem, & dic te digniorem, qui Prætor fieres, quàm Catonem.

34 Parrhesia est oratio libertatis, & fiduciæ plena, ⁽¹⁾ occidi, occidi non Spurium Melium, &c. Qua figura cautè utendum est, ut Cicero: præmisit enim rationem.

35 Ethopœja est, cùm sermo- nem ex aliena persona inducimus: ut, pro Cælio Tullius facit Appium cæcum cum Clodia loquentem. Energia est rerum gestarum, aut quasi gesta- rum sub oculis inductio, de qua locuti jam sumus.

36 ⁽²⁾ Metathesis est, quæ mittit animos judicum in res præteritas, aut futuras, hoc modo: Revocate mentes ad spectaculum expugnata miseræ civitatis, & videre vos credite incendia, cædes, rapinas, direptiones, liberorum corporum injurias, captivitates Matronarum, trucidationes se- num. In futurum autem anticipatio eorum, quæ dicturus est adversarius: ut Tullius pro Milone: cùm mittit animos judicum in eum Reipublicæ statum, qui futurus esset si occiso, Milone, Clodius viveret.

37 Aposiopesis est, cùm id, quod dicturi videbamur, silentio intercipimus: Quos ego, sed motos præstat componere fluctus.

38 ⁽³⁾ Epanalepsis est digressio: Tulit calor me dicendi, & dignitas rerum paullo longius, quàm volebam, sed redeo ad causam.

39 Anamnesis est, commemoratio ejus rei, quàm oblitos fuisse nos fingimus.

40 Apætesis est cùm id, quod in animos judicum, quasi deposueramus, opportunè reposcimus.

41 Ætiologia est, cùm proponimus aliquid, ejusque causam, & rationem reddimus.

42 ⁽⁴⁾ Characterismus est descriptio figuræ alicujus expressa: ut, omnia Mercurio similis, vocemque, coloremque. Et crines flavos, & membra decora inventæ.

43 ⁽⁵⁾ Epitrochasmus, cùm plures sensus breviter expeditos in unum locum coacervat, & cum quadam festinatione decurrit, ut Cicero: Rempublicam, Quirites, vitamque omnium vestrum, bona, fortunas, conjuges, liberosque vestros, &c.

44 Ironia est, cùm per simulationem diversum, quàm dicit, intelligi cupit. Fit autem, aut cùm laudamus eum, quem vituperare volumus, aut vituperamus, quem laudare volumus. Utriusque exemplum erit, si dicas: Amatorem Reipublicæ Catilinam, hostem Reipublicæ Scipionem.

45 ⁽⁶⁾ Diasyrmos ea, quæ magna sunt verbis minuit, aut minima extollit.

46 Epimone est quotiès in eodem sensu diutiùs immoramur: Cui tandem pepercit? Cujus amicitia fidem custodivit? Cui bono inimicus non fuit? Quando non, aut accusavit

E 3 ali-

[1] Occidi, occid. Ex Milonian.

[2] Metathesis. Hypotyposin Rufinianus, & reliqui vocant, P. Nannesi rectè nominatam ab Isid. Metathesis ajebat, quod per eam traducatur judicum animi ab eo, quod adest, ad præteritum, aut consequens.

[3] Epanalepsis. Cicero Reditum, Quintilianus ægesiv vocat.

[4] Chata terismus. Vid. Rutilius, apud quem mendose Chresterismus.

[5] Epitrochasmus cum pluris sens. Dnas figuras videtur confundere Epitrochasmus, & Synathrasmus. Nam coacervare plures sensus commune Epitrochasmus, cum Synathrasmus: cum quadam festinatione decurrere, Epitrochasmus potius est. Exemplum ex III. Catilinaria magis est Synathrasmus: non n. vita, bona, fortuna, conjuges, liberi plurimum inter se distantia, quod erat Epitrochasmus fortasse proprium. Volunt. n. Aquila, & Numenius esse paradoxum. Ergo cum in veteribus editionibus Epitrochasmus sit, Litrisimus, Litrisimus, & Syntrismus in manuscriptis: utramque figuram ab Isidoro definitam putamus, non admodum dissimilibus verbis, unde unius definitionem, alterius exemplum, utriusque tantum nomina liberiorum incertitia reliquerit. Quomodo peccatum ab iisdem paullo ante advertit. A. Augustinus in Exoche, & Symploce. Vid. Rutil. Aquil. & Fab. lib. 3. Vulcanius Athrasmus fecit (credo) ex Litrisimo.

[6] Diasyrmos. Cujus exempla plura apud Aquilam, & Rufinian.

aliquem, aut verberavit, aut prodidit?

47 Epangelia est promissio, qua iudicem attentum facimus: pollicentes nos aliqua magna, aut minima dicturos.

48 Prosopopœja est, cum inanimatum, & persona, & sermo fingitur. Cicero in Catilinam: Etenim, si necum patria mea, quæ mihi vita mea multò est, charior loqueretur, dicens, &c.

49 ⁽¹⁾ Parathesis est, cum quasi deponimus aliquid imperfectum apud memoriam iudicum repetituros nos dicentes cum opportunum fuerit.

50 Peusis, id est, soliloquium, cum ad interrogata ipsi nobis respondemus.

51 ⁽²⁾ Synchorexis est, cum differimus aliquid petentes: ut aliud interrim nos permittant dicere.

CAPUT XXII.

De Dialectica.

I ⁽³⁾ Dialectica est disciplina ⁽⁴⁾ ad discernendas rerum causas inventa. Ipsa est Philosophiæ species, quæ Logica dicitur, id est, rationalis, definiendi, quærendi, & disserendi potens. Docet enim in pluribus generibus quæstionum, quemadmodum disputando vera, & falsa dijudicentur. Hanc quidem primi Philosophi in

suis ⁽⁵⁾ dictionibus habuerunt, non tamen ad artis redege're peritiam. Post hos ⁽⁶⁾ Aristoteles ad regulas quasdam hujus doctrinæ argumenta perduxit, & ⁽⁷⁾ Dialecticam nuncupavit pro eo, quòd in ea de dictis disputatur: nam λεξιῶν dictio dicitur. Ideò autem post Rhetoricam disciplinam Dialectica sequitur, quia in multis utrique communia existunt.

CAPUT XXIII.

De differentia Dialecticæ, & Rhetoricæ Artis.

I Dialecticam verò, & Rhetoricam ⁽⁸⁾ Varro in IX. disciplinarum libris tali similitudine definiuit: Dialectica, & Rhetorica est ⁽⁹⁾ quod in manu hominis pugnus astrictus, & palma distensa, illa verba contrahens, ista distendens. Dialectica siquidè ad disserendas res acutior: Rhetorica ad illa, quæ nititur docenda facundior. Illa ad scholas nonnunquam venit, ista jugiter procedit in forum. Illa requirit rarissimos studiosos, hæc ⁽¹⁰⁾ frequenter, & populos. Solent autem philosophi antequam ad isagogen veniant exponendam, definitionem Philosophiæ ostendere: quòd facilius ea, quæ ad eam pertinent demonstrantur.

CA-

(1) Parathesis. Cui Apatesis (de qua paulò ante) respondet.

(2) Synchorexis. Discernimus aliquantulum à libris, nam in excusis synaresis in manuse, syneresis. Quia invenimus οὐκ ἔστιν, id est, permissionem ab Aristide. Quintiliano in Musicis inter figuras Rhetoricas numerari.

(3) Cap. XXII. Hoc initium tertii libri in Tarrac. CC.

(4) Ad discernendas rerum c. Al. ad disserendas. Sed discernendas legendum ostendunt verba sequentia. Docet quemadmodum disputando vera, & falsa dijudicentur.

(5) In suis dictionibus. Id est, disputationibus.

(6) Post hos Arist. Cassiodor. Quia quidem veteres sunt usi plurimum, tamen ad artis non redegere normam. Primum ferè Aristoteles eorum quidem, qui in aliquo sunt pretio, ad regulas quasdam hujus disciplinæ argumenta perduxit.

(7) Et Dialecticam nuncupavit. Non ille quidem totam artem, sed eam solam partem, qua probabiliter disserit: ut observatum est ab antiquis Peripatheticis Alexand. Boeth. & aliis.

(8) Cap. XXIII. In IX. discipl. lib. Legitur totum hoc cap. apud Cassiod. sed utrobique legendum nonno advertit. A. Aug. citari n. ab Acellio, Aeronio, & Non. Varronis, tertium, quintum, & octavum disciplinarum, lib. quamvis novem disciplinarum, libris ferri quoque possit, si novem non ad disciplinas, sed ad libros referatur.

(9) Quod in manu hom. pugn. Id multo ante Varronem Zeno Stoicus dixerat: ut refert non uno in loco Cicero.

(10) Frequenter, & populos. Frequenter, & populos, apud Cassiod.

CAPUT XXIV.

De definitione Philosophiæ.

I Philosophia est rerum humanarum, divinarumque cognitio, cum studio benè vivendi conjuncta. Hæc duabus ex rebus constare videtur, ⁽¹⁾ scientia, & opinione. Scientia est cum res aliqua certa ratione percipitur: opinatio autem cum adhuc incerta res latet, & nulla ratione firma videtur, ut putà: Sol utrum nè tantus, quantus videtur, an major sit, quàm omnis terra: itèm luna globosa sit, an concava: & stellæ utrum nè adhæreant Cælo, an per ærem libero cursu ferantur: Cælum ipsum, quæ magnitudine, quavè materia constat, utrum quietum sit, & immobile: an incredibili celeritate voluatur, quanta sit terræ crassitudo: aut quibus fundamentis librata, & suspensa permaneat. Ipsum autem nomen latinè interpretatum, amorem sapientiæ proficitur. ⁽²⁾ Nam Græci φιλον amorem σοφίας sapientiam dicunt: Philosophiæ species triperita est: una Naturalis, quæ græcè Physica appellatur, in qua de naturæ inquisitione disseritur: altera Moralis, quæ græcè Ethica dicitur, in qua de moribus agitur: tertia Rationalis, quæ græco vocabulo Logica appellatur, in qua disputatur quemadmodum in rerum causis, vel vitæ moribus veritas ipsa quæretur. In Physica igitur causa quærendi; in Ethica ordo vivendi; in Logica ratio intelligendi versatur. Physicam apud Græcos primus perscrutatus est Thales Milesius, unus ex septem illis sapientibus. Hic enim ante alios Cœli causas, atque vim

rerum naturalium ⁽³⁾ contemplata ratione suspexit, quàm postmodum Plato in quatuor definitiones distribuit, id est, Arithmeticam, Geometriam, Musicam, & Astronomiam. Ethicam Socrates primus ad corrigendos, componendosque mores instituit, atque omne studium ejus ad benè vivendi disputationem perduxit, dividens eam in quatuor virtutes animæ, id est, prudentiam, justitiam, fortitudinem, & temperantiam. Prudentia est in rebus, qua discernuntur à bonis mala. Fortitudo, qua adversa æquanimitè tolerantur. Temperantia, qua libido, concupiscentiaque rerum frænatur. Justitia, qua rectè judicando sua cuique distribuuntur. Logicam, quæ rationalis vocatur, Plato subjunxit, per quam discussis rerum, morumque causis, vim earum rationabiliter perscrutatus est, dividens eam in Dialecticam, & Rhetoricam. Dicta autem Logica, id est, rationalis: λόγος enim apud Græcos, & sermonem significat, & rationem. In his quippè tribus generibus Philosophiæ, etiam eloquia divina consistunt. Nam, aut de natura disputare solent: ut in Genesi, & Ecclesiaste, aut de moribus: ut in Proverbiis, & in omnibus sparsim libris, aut de Logica, pro qua nostri ⁽⁴⁾ Theoricam, sibi vendicant: ut in Cantico Canticorum, & Evangeliiis. Item aliqui doctorum Philosophiam in nomine, & partibus suis ita definierunt. Philosophia est divinarum, humanarumque rerum, in quantum homini possibile est, probabilis scientia. Aliter, Philosophia est ars artium, & disciplina disciplinarum. Rursus, Philosophia est meditatio mortis, quod magis con-

ve-

(1) Cap. XXIV. Scientia, & opinione. Ex *Lat. lib. 3. cap. 3.*

(2) Nam Græci φιλον amorem. F. amatorem.

(3) Contemplata ratione. S. O. L. contemplatus volebat A. Aug.

(4) Pro qua nostri Theoricam. Ex *Hieron. ep. ad Paulam Orbicam, vel ex Orig. homil. 1. in Cant.*

venit Christianis, qui seculi ambitione calcata, conversatione disciplinabili, similitudine futuræ patriæ vivunt. Alii definierunt Philosophiæ rationem in duabus consistere partibus, quarum prior inspectiva est, secunda actualis. Inspectiva dividitur in naturalem, doctrinalem, & divinalem. Doctrinalis dividitur in quatuor partes, in Arithmetica, Musicam, Geometriam, & Astronomiam. Actualis dividitur in moralem, dispensativam, & civilem. Inspectiva dicitur, quæ supergrassi visibilia, de divinis, aliquid, & cœlestibus contemplatur, ⁽¹⁾ eaque mente solummodo inspicimus, quoniam corporeum supergrediuntur obtutum. Naturalis dicitur, ubi uniuscujusque rei natura discutitur, ⁽²⁾ quia nihil contra naturam generatur in vita, sed unumquodque iis usibus deputatur, quibus à creatore definitum est, nisi fortè cum voluntate Dei aliquod miraculum provenire monstratur. Divinalis dicitur, quando, aut ineffabilem naturam Dei: aut spirituales creaturas ex aliqua parte profundissima qualitate disserimus. Doctrinalis dicitur scientia, quæ abstractam considerat quantitatem. Abstracta enim quantitas dicitur, quam intellectu à materia separantes, vel ab aliis accidentibus: ut est par, impar, vel alia hujuscemodi, in sola ratiocinatione tractamus. Cujus species sunt quatuor, Arithmetica, Geometria, Musica, Astronomia. Arithmetica est disciplina quantitatis numerabilis secundum se. Geometria est disciplina magnitudinis immobilis, & formarum. Musica est disciplina, quæ de numeris loquitur, qui ad aliquid sunt his, qui

inveniuntur in sonis. Astronomia est disciplina, quæ cursus cœlestium, syderumque figuras contemplatur omnes, & habitudines stellarum circà se, & circà terram indagabili ratione percurrit. Porro actualis dicitur, quæ res propositas operationibus suis explicat, cujus partes sunt tres, moralis, dispensativa, & civilis. Moralis dicitur, per quam vivendi mos honestus appetitur, & instituta ad virtutem tendentia præparantur. Dispensativa dicitur, cum domesticarum rerum sapienter ordo disponitur. Civilis dicitur, per quam totius civitatis utilitas administratur.

CAPUT XXV.

De Isagogis Porphyrii.

I **P**OST Philosophiæ definitiones, in quibus generalitèr omnia continentur, nunc Isagogas Porphyrii expediamus. Isagoga quippè græcè, latinè introductio dicitur, eorum scilicet, qui philosophiam incipiunt: continens in se demonstrationem primarum rationum de qualibet re quid sit, suæque certa, ac substantiali definitione declaratur. Nam posito primo genere, deindè species, & alia, quæ vicina esse possunt subjungimus, ac discretis communionibus separamus, tamdiù interponentes differentias, quousque ad proprium ejus de quo quærimus signata ejus expressione perveniamus, ut putà: Homo est animal rationale, mortale, terrenum, bipes, risus capax. Genus animal cum dictum est, substantia hominis declarata est. Est enim ad hominem genus animal, sed quia latè patebat, adjecta est spe-

(1) Eaque mente solummodo. Ex ead. Orig. hom.

(2) Quia nihil generatur in vita contra naturam. Orig. hom. cit. in Cant. Naturalis dicitur ubi uniuscujusque natura discutitur, quia nihil contra naturam generatur in vita, sed unumquodque iis usibus deputatur in quos a creatore productum est. *Dne voces contra naturam, absint à m. libris, pro quibus confusum legitur in excussis, & apud Cassiodor.*

species, terrenum, & jam exclusum est id, quod, aut æthereum, aut humidum. Differentia verò: ut bipes, quæ propter animalia posita est, quæ multis pedibus innituntur. Item rationale, propter illa, quæ ratione egent: mortale autem propter id, quod Angelus non est. Postea discretis, atque seclusis communionibus adjectum est proprium in parte postrema, est enim solum hominis, quod ridet: sic perfecta est omnis ex parte definitio, ad hominem declarandum. Cujus disciplinæ definitionem plenam existimaverunt Aristoteles, & Tullius ex genere, & differentiis consistere. Quidam postea pleniores in docendo, ejus perfectam substantialem definitionem in quinque partibus, velut in membris suis diviserunt. Quarum prima est de genere, secunda de specie, tertia de differentia, quarta de proprio, quinta de accidente. Genus, ut animal. Est enim vocabulum generale, & commune omnium animam habentium. Species, ut homo. Est enim specialitas, qua separatur à cæteris animantibus. Differentia, ut rationale, mortale. His enim duobus differt homo à cæteris. Cum enim dicitur rationale, discernitur ab irrationabilibus mutis, quæ non habent rationem. Cum mortale, discernitur ab Angelis, qui nesciunt mortem. Proprium, ut risibile. Homo est enim, qui ridet, & hoc præter hominem nullius animalis est. Accidens, ut color in corpore, doctrina in animo. Hæc enim temporum varietate, & accidunt, & mutantur: & est ex omnibus his quinque partibus oratio plenæ sententiæ, ita: Homo est animal rationale, mortale, risibile, boni, malique

capax: sic etiam in omni oratione substantiali tamdiu interponere debemus species, & differentias, quamdiu seclusis omnibus, quæ hoc idem possunt esse ad id perveniatur, ut proprietas jam certa teneatur. Isagogas autem ex Græco in Latinum transtulit ⁽¹⁾ Victorinus orator, commentumque ejus quique libris Boethius edidit.

CAPUT XXVI.

De Categoriis Aristotelis.

1 SEQUUNTUR Aristotelis Categoriæ, ⁽²⁾ quæ Latine prædicamenta dicuntur: quibus per varias significationes omnis sermo conclusus est.

2 Instrumenta Categoriarum sunt tria, id est, prima æquivoca, secunda univoca, tertia denominativa. Æquivoca sunt, quando multarum rerum nomen unum est, sed non eadem definitio, ut leo. Nam quantum ad nomen pertinet, & verus, & pictus, & cœlestis leo dicitur. Quantum ad definitionem pertinet, aliter verus definitur, aliter pictus, & aliter cœlestis.

3 Univoca sunt, quando duarum, aut plurium rerum unum nomen est, & definitio: ut vestis, nam, & ⁽³⁾ birrus, & tunica nomen vestis possunt accipere, & ejus definitionem. Ergo hoc univocum in generibus esse intelligitur: quia, & nomen, & definitionem dat formis suis. Denominativa dicuntur, quæcumque ab aliquo solo differentia casu secundum nomen habent appellationem: ut à bonitate bonus, à malitia malus.

Ca-

(1) Cap. XXV. Transtulit Victorin. Boet. Dialog. 1. Rogo: ut mihi explices, id quod Victorinus orator sui temporis fere doctissimus a Porphyrio per *ἰσαγωγὰς*, i per introductionem in Aristotelis categorias dicitur transtulisse.

(2) Cap. XXVI. Pleraque ex Arist. categoriis Boet. interp.

(3) Nam birrus, & tunic. Idem Capella, quod autem vestis genus birrus vid. lib. 19. cap. 24. & in Cassian. annot.

4 ⁽¹⁾ Categoriarum autem species decem sunt, id est, substantia, quantitas, qualitas, relatio, situs, locus, tempus, habitus, agere, & pati.

5 Substantia, quæ propriè, & principalitèr dicitur est, quæ nequè de subiecto prædicatur, nequè in subiecto est: ut aliquis homo, aliquis equus. Secundæ autem substantiæ dicuntur, in quibus speciebus illæ, quæ principalitèr substantiæ primò dictæ sunt, insunt, atque clauduntur, ut in homine Cicero. Quantitas est mensura, per quam aliquid, vel magnum, vel minus ostenditur, ut longus, brevis. Qualitas est, ut qualis sit orator, aut rusticus, niger, aut candidus. Relatio est, quæ refertur ad aliquid. Cùm enim dicitur filius, demonstratur, & pater. Hæc relativa simul incipiunt: nam servus, & dominus uno tempore exordium nominis sumunt: nec aliquando invenitur dominus prior servo, nec servus domino. Alterum enim alteri præesse non potest. Porro situs à positione dictus: ut quis, aut stet, aut sedeat, aut jaceat. Locus est ubi sit, in foro, in platea. Loci autem motus habet sex partes, dexteram, & sinistram, ante, & retro, sursum, atque deorsum. Partes quoque istæ sex duo habent, longè, & propè. Tempus; ut, hodie, heri. Habitus ab habendo, aliquid dictus: ut habere scientiam in mente, virtutem in corpore: circà corpus vestimentum, & cætera quæ ad habendi modum designato à doctoribus numero comprehenduntur. Jam verò agere, & pati ab agentis, & patientis significatione consistunt. Nam scribo vocis actum habet, quoniam facientis rem

indicat. Scribor patientis est, quoniam pati se ostendit. In his enim novem generibus, quorum exempli gratia quædam posita sunt, vel in ipso substantiæ genere, quod est *οὐσία*, innumerabilia reperiuntur: nam, & ea quæ intellectu capimus, ea ad alterum horum decem prædicamentorum sermone vulgamus. Plena enim sententia de his ita est. Augustinus magnus orator, filius illius, stans in templo, hodie infultus, disputando fatigatur. Usiæ autem, id est, substantiæ proprium est, quod cæteris subjacet, reliqua novem accidentia sunt. Substantia autem dicitur ab eo, quòd omnis res ad seipsam subsistit. Corpus enim subsistit, & idèò substantia est. Illa verò accidentia, quæ in subsistente, atque subiecto sunt, substantiæ non sunt, quia non subsistunt, sed mutantur, ut color, vel forma. De subiecto autem, & in subiecto quasi de ipso, & in ipso. Ubi enim dicitur de subiecto, substantia est, quasi dicatur de substantia. Ubi autem dicitur in subiecto, accidentia sunt, id est, quæ accidunt in substantia, ut quantitas, qualitas, vel figura. De subiecto igitur genera, & species, in subiecto accidentia sunt. ⁽²⁾ Ex his novem accidentibus tria intrà usiam sunt, quantitas, qualitas, & situs. Hæc enim sine usia esse non possunt. Extrà usiam verò sunt locus, tempus, & habitus: intrà, & extrà usiam relatio, facere, & pati. Appellatas autem categorias constat, quia non possunt nisi ex subiectis agnosci. Quis enim quid sit homo possit agnoscere, nisi aliquem hominem sibi ponat ante oculos, quasi subiectum homini? ⁽³⁾ Hoc opus Aristotelis intentè

le-

(1) Categoriar. species. *Cassiod.* Quidquid loquimur, aut cogitamus, in aliqua hor. specie invenitur.

(2) Ex his novem accid. *Ex Aug. lib. de Categoriis.*

(3) Hoc opus intendente legend. *Cis. in Horrent. apud Non.* Magna animi contentio adhibenda est explicando Aristotelem si legeris.

legendum est, quoniam sicut dictum est, quicquid homo loquitur, inter decem prædicamenta habetur. Proficiet etiam ad libros intelligendos, quosivè Rhetoribus, sivè Dialecticis applicantur.

(1) CAPUT XXVII.

De Perihermenias.

1 SEquitur de hinc liber Perihermenias subtilissimus nimis, & per varias formas, iterationesque cautissimus, de quo dicitur: Aristoteles quando perihermenias scriptitabat, (2) calamum in mente tinge-
bat.

Præfatio Perihermeniarum.

2 Omnis quippè res quæ una est, & uno significatur sermone, aut per nomen significatur, aut per verbum, quæ duæ partes orationis interpretantur totum quicquid concepit mens ad eloquendum. Omnis enim elocutio conceptæ rei mentis interpret est. Hanc Aristoteles vir in rerum expressione, & faciendis sermonibus peritissimus, hermeniam nominat, quam interpretationem nos appellamus, scilicet quòd res mente conceptas prolati sermonibus interpretatur per cataphrasin, & apophrasin, id est, per affirmationem, & negationem. Per affirmationem, ut homo currit: per negationem, ut homo non currit. In his itaque perihermenias, supradictus Philosophus de septem speciebus tractat, id est, de Nomine, de Verbo, de Oratione, de Enunciatione, de Affirmatione, de Negatione, de Contradictione. Nomen est vox significa-

tiva secundum placitum: sine tempore, cujus nulla pars significativa separata, ut Socrates. Verbum est, quod significat tempus, cujus pars nihil extrà significat, sed semper eorum, quæ de altero dicuntur nota est, ut cogitat, disputat. Oratio est vox significativa, cujus partium aliquid separatum significativum est, ut Socrates disputat. Enunciativa oratio est vox significativa de eo, quod est aliquid, vel non est, ut Socrates est, Socrates non est. Affirmatio est enunciatio alicujus de aliquo, ut Socrates est: negatio est alicujus ab aliquo, ut Socrates non est. Contradictio est affirmationis, & negationis oppositio, ut Socrates disputat, Socrates non disputat. (3) Hæc omnia in libro Perihermeniarum minutissimè divisa, & subdivisa tractantur, quarum rerum definitiones hic breviter sufficiat intinasse, quando in ipso competens explanatio reperitur. Utilitas perihermeniarum hæc est, quòd ex his interpretationis syllogismi fiunt. Undè, & analytica per tractantur.

CAPUT XXVIII.

De Syllogismis Dialecticis.

1 SEquuntur (4) de hinc Dialectici Syllogismi, ubi totius ejus artis utilitas, & virtus ostenditur: quorum conclusio plurimum lectorem adjuvat ad veritatem investigandam, tantum: ut absit ille error (5) decipiendi adversarium per sophismata falsarum conclusionum.

2 Formulæ categoricum, i. prædicativorum syllogismorum sunt tres.

Pri-

(1) Cap. XXVII. De Perihermenias. Ità VV. CC. & paulo post Præfatio Perihermeniarum.
(2) Calamum in mente ting. De universis Aristotelis scriptis Suidas. Ἀριστοτέλης τῆς φωνῆς γραμματικῆς ἔν, τὸν κάλαμον ἐπέβριεν ἢ το γέν.
(3) Hæc omnia-reperitur Addita sunt hæc ex ms. quæ etiam sunt apud Cassiodorum nonnihil immutata.
(4) Cap. XXVIII. Vid. Cassiod. & Apulei. de Syllogism. categor. sivè Perihermenias.
(5) Error decipiendi. Al. devincendi. Al. dejiendi.

Prime formulæ modi sunt novem.

3 Primus modus est, qui ⁽¹⁾conducit, i. qui colligit ex universalibus dedicativis, dedicativum universale directum: ut, omne justum honestum, omne honestum bonum, omne igitur justum bonum.

4 Secundus modus est, qui conducit ex universalibus dedicativis, & abdicativis, abdicativum universale directum: ut, omne justum honestum, nullum honestum turpe, nullum igitur justum turpe.

5 Tertius modus est, qui conducit ex dedicativis particulari, & universali, dedicativum particulare directum: ut, quoddam justum honestum, omne honestum utile, quoddam igitur justum utile.

6 Quartus modus est, qui conducit ex particulari dedicativa, & universali abdicativa, abdicativum particulare directum: ut, quoddam honestum justum, nullum honestum, turpe, quoddam igitur justum non est turpe.

7 Quintus modus est, qui conducit ex universalibus dedicativis particulare dedicativum ⁽²⁾per reflexionem: ut, omne justum honestum, omne honestum bonum, quoddam igitur bonum justum.

8 Sextus modus est, qui conducit ex universali dedicativa, & universali abdicativa, abdicativum universale per reflexionem: ut omne justum honestum, nullum honestum turpe, nullum igitur turpe justum.

9 Septimus modus est, qui conducit ex particulari, & universali dedicativis, dedicativum particulare per reflexionem: ut, quoddam jus-

tum honestum, omne honestum utile, quoddam igitur utile justum.

10 Octavus modus est, qui conducit ex universalibus, abdicativo, & dedicativo, particulare abdicativum per reflexionem: ut nullum turpe honestum, omne honestum justum, quoddam igitur turpe non est justum.

11 Nonus modus est, qui conducit ex universali abdicativo, & particulari dedicativo, dedicativum particulare per reflexionem: ut, nullum turpe honestum, quoddam honestum justum, quoddam igitur justum non est turpe.

Formulæ secundæ modi sunt quatuor.

12 Primus modus est, qui conducit ex universalibus dedicativo, & abdicativo, abdicativum universale directum: ut, omne justum honestum, nullum turpe honestum, nullum igitur justum turpe.

13 Secundus modus est, qui conducit ex universalibus abdicativo, & dedicativo, abdicativum universale directum: ut, nullum turpe honestum, omne justum honestum, nullum igitur turpe justum.

14 Tertius modus est, qui conducit ex particulari dedicativo, & universali abdicativo, particulare abdicativum directum: ut, quoddam justum honestum, nullum turpe honestum, quoddam igitur justum non est turpe.

15 Quartus modus est, qui conducit ex particulari abdicativo, & universali dedicativo abdicativum particulare directum: ut, quoddam justum non est turpe, omne malum turpe, quoddam igitur justum non est malum.

For-

(1) Qui conducit *συλλάγει*. Quod autem in exemplis propositionis loco assumptio collocatur, neque id de syllogismi vi quidquam minuit, neque sine Græcorum, & Arabum exemplo sit.

(2) Per reflexionem. *ἀντιθέσις*, vulgo conversionem.

Formulae tertiae modi sunt sex.

16 Primus modus, qui conducit ex dedicativis universalibus, dedicativum particulare, tam directum, quam reflexum: ut omne justum honestum, omne justum bonum, quoddam igitur honestum bonum, vel sic quoddam igitur bonum honestum.

17 Secundus modus est, qui conducit ex dedicativis particulari, & universali dedicativum particulare directum: ut quoddam justum honestum, omne justum bonum, quoddam igitur honestum bonum.

18 Tertius modus est, qui conducit ex dedicativis universali, & particulari dedicativum particulare directum: ut omne justum honestum, quoddam justum bonum, quoddam igitur bonum honestum.

19 Quartus modus est, qui conducit ex universalibus, dedicativa, & abdicativa abdicativum particulare directum: ut omne justum honestum, nullum justum malum, quoddam igitur honestum non est malum.

20 Quintus modus est, qui conducit ex dedicativo particulari, & abdicativo universali, abdicativum particulare directum: ut quoddam justum honestum, nullum justum malum, quoddam igitur honestum non est malum.

21 Sextus modus est, qui conducit ex dedicativo universali, & abdicativo particulari abdicativum particulare directum: ut, omne justum honestum: quoddam justum non est malum: quoddam igitur honestum non est malum. Has formulas categoricorum syllogismorum, qui plenè nosse

desiderat, librum legat, qui inscribitur Perihermenias Apuleii, & quæ subtilius sunt tractata, cognoscet. Distincta enim, atque considerata ad magnas intelligentiæ vias lectorem, præstante Domino, utiliter introducunt. Nunc ad Hypotheticos syllogismos ordine sequenti veniamus.

22 Modi syllogismorum Hypotheticorum, qui fiunt cum aliqua conclusione, sunt septem.

23 Primus modus est, si dies est, lucet: Est autem dies: Lucet igitur.

24 Secundus modus est, si dies est, lucet: Non autem lucet: Non est igitur dies.

25 Tertius modus est ita, non, & dies, est, & non lucet: Atqui dies est, lucet igitur.

26 Quartus modus est ita: Aut dies est, aut nox: Atqui dies est: Nox igitur non est.

27 Quintus modus est ita: Aut dies est, aut nox: Atqui nox non est: Dies igitur est.

28 Sextus modus est ita: Non, & dies, est, & nox: Dies autem est: Nox igitur non est.

29 Septimus modus est ita: Non est dies, & nox: Atqui nox non est: Dies igitur est. Modos autem syllogismorum Hypotheticorum, si quis plenius nosse desiderat, librum legat Marrii Victorini, qui inscribitur de Syllogismis Hypotheticis. ⁽¹⁾ Hinc ad Dialecticas definitionum species accedamus, quæ tanta dignitate præcellunt: ut possint jure dici orationum apertæ manifestationes, & quædam inditia dictionum.

F

CA-

(1) Hinc ad Dialecticas. Cassiod. Hinc ad pulcherrimas definitionum species accedamus, quæ tanta dignitate præcellunt: ut possint jure dici ornamenta orationum, & quædam lumina. Unde ex judiciorum, tria verba jure dici orationum non dubitavimus facere. Cum præsertim in ms. Tarracon. libris multo hac pejor affecta deprehendissemus. Sensus autem horum verborum hic erit: ut, & illustrandis sententiis, & enodandis dictionibus has definitiones dicat subseruire.

CAPUT XXIX.

*De Divisione definitionum ex
Marii Victorini libro
abreviata.*

Definitio Philosophorum est, quæ in rebus exprimendis explicat, quid res ipsa sit, ⁽¹⁾ non qualis sit, & quemadmodum membris suis constare debeat. Est enim oratio brevis uniuscujusque rei naturam à communione divisam propria significatione concludens. Divisio definitionum in partes quindecim habetur. Prima species definitionis est, οὐσιώδης, id est, substantialis: quæ propriè, & verè dicitur definitio: ut, est homo animal rationale, mortale, ⁽²⁾ risus, disciplinæque capax. Hæc enim definitio per species, & differentias descendens venit ad proprium, & designat plenissimè, quid sit homo. Secunda species definitionis est, quæ græcè ἐννοηματικὴ dicitur, latinè notio nuncupatur: quam notionem communi, non proprio nomine, possumus dicere. Hæc isto modo semper efficitur: Homo est, quod rationali conceptione, & exercitio præest animalibus cunctis. Non hic dixit, quid sit homo, sed dicendo, quid agat, quasi quodam signo in notitiam devocat. In isto enim, & in reliquis notitia rei profertur, non substantialis explicatio declaratur, quia illa substantialis definitionum omnium obtinet principatum. Tertia species definitionis est, quæ græcè ποιόδης dicitur, latinè qualitativa vocatur, quia ex qualitate nomen

accepit, pro eo quòd quale sit id, quod sit, evidentè ostendit. Cujus exemplum tale est: Homo est, qui ingenio valet, artibus pollet, & cognitione rerum, aut quid agere debeat, eligit, aut animadversione quid inutile sit, contemnit. His enim qualitatibus expressus, ac definitus est homo. Quarta species definitionis est, quæ græcè ὑπογραφικὴ, latinè à Tullio descriptio nuncupatur: quæ adhibita circuitione dictorum, factorumque, quid quæque res sit descriptione declarat. Quæritur enim, quid sit avarus, quid crudelis, quid luxuriosus, & universa luxuriosi, avari, & crudelis natura describitur: ut si luxuriosum volumus definire, dicimus, luxuriosus est victus non necessarij, sed sumptuosi ⁽³⁾ & onerosi appetens, in delitiis affluens, in libidinem pronus. Hæc, & alia definiunt luxuriosum: sed per descriptionem definiunt. Quæ species definitionis Oratoribus magis apta est, quàm Dialecticis: quia latitudines habet, quæ simili modo in bonis rebus ponitur, & in malis. Quinta species definitionis est, ⁽⁴⁾ quam græcè κατὰ ἀντίθεσιν, latinè ad verbum dicimus. Hæc vocem illam, de cujus re quæritur alio sermone designat, uno, & singulari, & quodam modo, quid illud sit in uno verbo positum, uno verbo alio declarat: ut, conticescere est tacere. Item cum terminum dicimus finem, aut populas interpretamur esse vastatas. Sexta species definitionis est, quam Græci κατὰ διαφοράν, nos per differentiam dicimus. Scriptores verò artium de eodem, & de altero nominant: ut cum quæritur, quid intersit inter Re-

⁽¹⁾ Cap. XXIX. Non qualis sit. *Deerat negatio in omnibus libris Boeth. de definit. cap. 4.* Ergo definitio, quæ est Philosophorum propria in rebus exprimendis explicat, quid sit, non quale sit, quemadmodum membris suis constare debeat, exponemus.

⁽²⁾ Risus, disciplinæque cap. *Malè o. 1.* sensus, disciplinæque cap. *Cum supra, cap. 26.* risus capax sit. *Itemque apud Boeth.*

⁽³⁾ Et onerosi—in libidinem pronus. *Ex Boeth.*

⁽⁴⁾ Quam Græci κατὰ ἀντίθεσιν. *Ex eodem lib. 3, in Top.*

gem, & tyrannum : adjecta differentia, quid uterque sit definitur : id est, Rex est modestus, & temperans : tyrannus verò impius, & immitis. Septima species definitionis est, quam Græci κατὰ μεταφοράν, Latini per translationem dicunt : ut Cicero in Top. Littus est, ⁽¹⁾ qua fluctus eludit ; hoc variè tractari potest. Modò enim : ut moneat, modò, ut designet, modò, ut laudet, ac vituperet. Ut moneat, nobilitas est virtus majorum apud posteros sarcina. Ut designet, caput est ars corporis. Ut laudet, adolescentia est flos ætatis. Ut vituperet, divitiæ sunt brevis vitæ longum viaticum. Octava species definitionis est, quam Græci κατ' ἀφάρεσιν τῷ ἐναντίῳ Latini per privantiam contrarii ejus, quod definitur, dicunt : Bonum est, quod malum non est. Justum est, quod injustum non est, & his similia. Hoc autem genere definitionis uti debemus, cùm contrarium est notum : ut, si bonum est, quod prodest cum honestate, id, quod tale non est, malum est.

2 Nona species definitionis est, quam Græci κατ' ὑποτύπωσιν. Latini per quamdam imaginationem dicunt : ut Æneas est Veneris, & Anchisæ filius. Hæc semper in individuís versatur, quæ Græci ἄτομα appellant.

3 Decima species definitionis est, quam Græci ὡς τύπος, Latini exemplum appellant : ut si quærat, quid sit animal ? Respondetur : ut homo. Rem enim quæsitam prædictum declaravit exemplum. Hoc est autem proprium definitionis, quid sit illud, quod quæritur, declarare.

(1) Qua hæc cludit. Eluderet quoque legitur apud Cicero. Idque probat A. Augustinus, & Gothi. CC. confirmant. Alludetur malum Lambinus, & Ursinus.

(2) Undecima κατ' ἰδιότητα. Boethius κατ' ἰδίαν. Porro, quæ restant, restituta sunt omnia ex Boethio.

(3) Ut si quærat, quid sit triens ? r. c. b. d. v. a. Prohè A. Augustinus cùm in plerisque m. legeretur. Ut si quærat, quid sit thesis ? respondeatur, cui vis deest, ut sit assis, quod exemplum è musica petiit ferri quomodo poterat. Sed non est : ut Isidorus à Boethio tam longè discesserit, cujus exemplum est, item uti apud Cassiodorum : Ut si quærat, quid sit quadrans ? respondeatur : cui dodrans deest : ut sit assis. Assis autem recto casu non est, quod quærat, apud Isidorum offendat.

(4) Quintadecima κατ' ἀντιλογία. Boethius ἀντιουδία.

4 ⁽²⁾ Undecima species definitionis est, quam Græci κατ' ἐλλειπίες πλήρους ὁμοίᾳ γένους, Latini per indigentiam pleni ex eodem genere dicunt. ⁽³⁾ Ut si quærat, quid sit triens ? Respondeatur, cui bes deest, ut sit assis.

5 Duodecima species definitionis est, quam Græci κατ' ἐπαινον vocant, id est, per laudem : ut Tullius pro Cluentio. Lex est mens, & consilium, & animus, & sententia civitatis, & aliter ; pax est, tranquilla libertas. Fit, & per vituperationem, quam Græci ὑβρίον vocant : ut servitus est, postremum omnium malorum, non modo bello, sed morte quoque repellenda.

6 Tertiadecima species definitionis est, quam Græci κατ' ἀναλογία, Latini juxta rationem dicunt. Sed hoc contingit, cùm majoris rei nomine res definitur inferior : ut est illud : Homo minor mundus. Cicero hac definitione sic usus est. Edictum legem annuam dicunt esse.

7 Quartadecima species definitionis est, quam Græci κατὰ τὸ πρὸς τι, Latini ad aliquid vocant : ut est illud. Pater est, cui est filius, Dominus est, cui est servus. Cicero in Rhetorica. Genus est, quod plures amplectitur partes. Item pars est, quæ sub est generi.

8 ⁽⁴⁾ Quintadecima species definitionis est, quam Græci κατ' ἀντιλογίαν, Latini secundum rei rationem vocant : ut dies est, Sol supra terras. Nox est, Sol sub terris. Scire autem debemus prædictas species definitionum Topicis merito esse, sociatas, quoniam inter quædam argumenta sunt posita,

F 2

&

& nonnullis locis commemorantur in Topicis. Nunc autem ad Topica veniamus, quæ sunt argumentorum sedes, fontes sensuum, & origines dictionum.

CAPUT XXX.

De Topicis.

Topica est disciplina inveniendorum argumentorum. Divisio Topicorum sive locorum, ex quibus argumenta ducuntur, triplex est. Nam alia in eo ipso de quo agitur hærent: alia quæ dicuntur affecta, quæ quodammodo ex rebus aliis tracta noscuntur: alia quæ assumuntur extrinsecus. Argumenta, quæ in eo ipso de quo agitur, hærent, in tribus divisa sunt. Prima à toto, secunda à parte, tertia à nota.

2 Argumentum à toto, cum definitio adhibetur ad id quod quaeritur, sicut ait Cicer. ⁽¹⁾ Gloria est laus rectè factorum, magnorumque in rempublicam fama meritum.

3 ⁽²⁾ A partibus est argumentum, cum is qui se defendit, aut negat factum, aut factum esse jure defendit.

4 A nota est argumentum, cum ex vi nominis argumentum aliquod elicitor, ut Cicer. Consulem, inquit, quærebam, quem ⁽³⁾ in isto majali invenire non poteram.

5 Affecta argumenta sunt, quæ quodammodo ex rebus aliis tracta noscuntur. Sunt autem numero quatuordecim, id est, primum à conjugatis argumentum est, cum declinatur à nomine, & fit verbum: ut

Cicero Verrem dicit everrisse provinciam: vel nomen à verbo, cum latrocinari dicitur latro. Nomen est à nomine, Terentius: ⁽⁴⁾ Inceptio est amentium, haud amantium: dummodò distet unius appellationis postremitas, in aliam vocis declinationem formata. Secundum argumentum à genere est, cum de eodem genere sententia dicitur, ut Virgilius: Varium, & mutabile semper foemina. Tertium à specie argumentum est, cum generali quæstioni fidem species facit: ut at non sic Phrygius penetrat Lacedæmona pastor. A simili argumentum est, quando rebus aliquibus similia proferuntur. Suggere tela mihi, non ullum dextera frustra torserit in Rutulos, steterunt quæ in corpore Grajûm Iliacis campis. A differentia argumentum est, quando per differentiam aliqua separantur: ut Virgilius, non Diomedis equos, nec curum cernis Achillis. A contrariis argumentum ducitur, quando res discrepantes sibimet opponuntur: ut Virgilius, mortali nè manu factæ, immortale carinæ fas habeant, certusque incerta pericula lustret Æneas? A consequentibus argumentum ducitur, quando positam rem aliquid inevitabiliter consequitur, ut Virgilius. Non ea vis animo, nec tanta superbia victis. Ab antecedentibus argumentum est, quando aliqua ex iis, quæ prius gesta sunt, comprobantur, ut Cicero pro Milone. Cum non dubitaverit aperire, quid cogitaverit, vos potestis dubitare, quid fecerit? A repugnantibus argumentum est, quando illud quod objicitur, aliqua contrarie-

ta-

(1) Gloria est laus rectè fact. Ex Orat. Pro Marcello.

(2) A partibus consentiunt lib. 6. At Cassiod. A partibus sic: ut puta si oculus videt, non idcò totum corpus videt.

(3) Quem in isto majali. Ità legendum apud Cic. in Pisoniana, non ut vulgo animali, quod advertit etiam Lamb. est vero majalis porcus castratus.

(4) Nam inceptio est amentium, haud amant. Indulsit hoc sibi: ut in etymologiis solet: ut amentem, & amantem conjugata diceret. Idem exemplum apud Cassiodorum. Neque verò displicebat A. Augustino Gottrichorum CC. scriptura: amentium, aut amantium.

tate destruitur, ut Cicero : ⁽¹⁾ Is igitur non modò de tali periculo liberatus, sed honore amplissimo ditatus domi te interficere voluisset ? A conjunctis argumentum est, cùm probabiliter ostenditur, quid sit ex re quaque venturum, ut Virgilius : Nos si pellant, nihil abfore credunt, quin omnem Hesperiam penitus sua sub juga mitant.

6 A causis argumentum est, quando consuetudine communi res quæque tractatur, ut Terent. Ego nonnihil veritus sum dudum abs te Dave : Ne faceres quod vulgus servorum solet, dolis, ut me deluderet. Ab effectis argumentum est : cùm ex iis quæ facta sunt aliquid approbatur, ut Virgilius : Degeneres animos timor arguit. A comparatione argumentum est, quando per collationem personarum, sivè causarum, sententiæ ratio sub imputatione formatur, ut Virg. Tu potes Æneam manibus subducere Grajùm, nos aliquid contra Rutulos juvisse nefandum est ? Item argumenta quæ ducuntur extrinsecus, quæ Græci ἀρετῆς, i artis expertia vocant, ut est testimonium. Testimonium omne est quod ab aliqua externa re sumitur ad faciendam fidem. Hæc dividitur quinque modis, id est : primo ex persona : secundo ex naturæ auctoritate : tertio ex temporibus : quarto ex dictis, fatisque majorum : quinto ex tormentis. Persona non qualiscumque est, quæ testimonii pondus habet ad faciendam fidem : sed morum probitate debet esse laudabilis. Naturæ auctoritas est, quæ maximè in virtute consistit. Temporibus multa sunt quæ

afferunt auctoritatem, id est, ingenium, opes, ætas, fortuna, ars, usus, necessitas, & concursio rerum fortuitarum. A dictis fatisque majorum petitur fides, cùm priscorum dicta, factaque memorantur. A tormentis fides præbetur, post quæ nemo creditur velle mentiri. Ea vero quæ tractantur in tempore, quia suis nominibus plana sunt, definitione non indigent. Memoria quoque condendum est, Topica oratoribus, dialecticis, poetis, & jurisperitis communiter quidem argumenta præstare : sed ⁽²⁾ quando aliquid specialiter probant, ad Rhetores, poëtas, jurisperitosque pertinet : quando verò generaliter disputant, ad philosophos attinere manifestum est. Mirabile planè genus operis in unum potuisse colligi, quicquid movilitas, ac varietas humanæ mentis in sensibus exquirendis per diversas causas poterat invenire : conclusum liberum, ac voluntarium intellectum. Nam quocunque se verterit, quas-cunque cogitationes intraverit in aliquid eorum, quæ prædicta sunt, necesse est cadat ingenium.

CAPUT XXXI.

De Oppositis.

I **C**ontrarium genera quatuor sunt, quæ Aristoteles ἀντικείμενα, id est, opposita vocat. Propterea quòd sibi velut ex adverso videntur obsistere : ut contraria, nec tamen omnia quæ sibi opponuntur, contraria sunt, sed omnia contraria opposita sunt. Primum genus est contrariorum, ⁽³⁾ quod juxta Ciceronem

F 3

ad-

(1) Is igitur non modo de tali. Hæc paullo aliter apud Ciceronem pro Dejotaro.

(2) Sed quando aliquid specialiter probant. Boetius, lib. 6. in Topica Ciceronis, ad locum de Causis. Communis quippe oratoribus, ac Philosophis locus hic esse perspicitur, qui est à causis : his naturas rerum (quod est Philosophiæ proprium) illis (quod oratoris facultatis est) facta probantibus.

(3) Cap. XXXI. Quod juxta Ciceronem adversum vocatur. Mendose diversum in libris omnibus. Nequè tamen dissimulandum, quod Boetius dicitur est ausus. Ciceronem, non tam propriis nominibus, quàm notioribus usum fuisse. Nam quæ contraria (inquis) nominat, opposita verius dicuntur, quæ adversa dicuntur, contrariorum melius suscipiunt nomen.

adversum vocatur, pro eo, quòd tantum contrariè sibi opponuntur : ut non eorum sint quibus opponuntur, ut sapientia, stultitia. Quod genus in tres species dividitur. Nam sunt quædam ex eis quæ medium habent : & sunt quædam quæ sine medio sunt : & quædam sunt quæ habent medium, & tamen sine nomine sunt : ⁽¹⁾ nisi utrumque ei vocabulum creet. Candidus, & niger medium habent, quia inter eos sæpè color pallidus, vel fuscus invenitur. Sine medio sunt quoties unum de duobus accidit : ut sanitas, vel infirmitas. Horum nihil est medium. Ea autem quorum media sine nomine sunt : ut felix, infelix, medium habent non felix. Secundum genus est relativorum : quæ ita sibi opponuntur : ut ad se conferantur, sicut duplum, simplum. Hoc solum oppositorum genus ad se refertur. Non enim est majus, nisi referatur ad minus, & simplum nisi ad duplum. Nam relativum relativo ita opponitur : ut hoc ipsum quod opponitur, aut ejus sit cui opponitur, aut ad id quocunque modo referatur. Dimidium enim opponitur duplo, ejusque dupli medium est : sed ita illi opponitur, ut ejus sit cui opponitur. Sic, & parvum opponitur magno : ita, ut ipsum parvum ad magnum cui opponitur, sit parvum. Nam superiora, quæ dicuntur contraria ita sibi opponuntur : ut eorum non sit quibus opponuntur, nec ad ea quocunque mo-

do referantur. Siquidem iniquitas justitiæ ita contraria est : ut non ejusdem justitiæ iniquitas sit, aut ad illam sit iniquitas. Tertium genus oppositorum est habitus, vel oratio. Quod genus Cicero privationem vocat, quia ostendit aliquid quempiam habuisse, undè privatus est. Cujus species sunt tres : quarum prima est in re, secunda in loco, tertia in tempore congruo. In re, ut cæcitas, & visio. In loco, ut cæcitatibus, & visionibus in oculis locus est. In tempore congruo : ut infantem non dicere, sine dentibus : eum cui dentes ætas adhuc parva negavit. Non enim est privatus dentibus, quos nondum habuit. Quartum verò genus ex affirmatione, & negatione opponitur, ut Socrates disputat, Socrates non disputat. Hæc à superioribus ideò differunt, quòd illa singulatim dici possunt, hæc nisi connexè dici non possunt. Quod genus quartum apud Dialecticos multum habet conflictum : & appellatur ab eis valdè oppositum : siquidem, & tertium non recipit. Nam ex illis quædam habere tertium possunt : ut in contrariis, candidum, & nigrum : tertium ejus nec candidum, nec nigrum, sed fuscum, vel pallidum. In relativis quoque, ut multa, & pauca : tertium ejus, nec multa, nec pauca, sed mediocria. In habitu, vel oratione, ut visio, & cæcitas : tertium ejus, nec cæcitas, nec visio, sed lippitudo. Hic ergo legit, non legit : tertium nihil habet.

DI-

(1) Nisi utrumque ei vocabulum creet. Id est, nisi medium ex extremis nomen accipiat.

DIVI ISIDORI HISPALENSIS EPISCOPI ETYMOLOGIARUM

LIBER TERTIUS.

DE QUATUOR DISCIPLINIS
Mathematicis.

P R Æ F A T I O.

Mathematica latine dicitur doctrinalis scientia, quæ abstractam considerat quantitatem. Abstracta enim quantitas est, quam intellectu à materia separantes, vel ab aliis accidentibus: ut est, par, impar: vel ab aliis hujusmodi in sola ratiocinatione tractamus. Cujus species sunt quatuor, id est, Arithmetica, Geometria, Musica, & Astronomia. Arithmetica est disciplina quantitatis numerabilis secundum se. Geometria est disciplina magnitudinis formarum. Musica, & est disciplina quæ de numeris loquitur, qui inveniuntur in sonis. Astronomia est disciplina quæ cursus cælestium siderum, atque figuras contemplatur, atque omnes habitudines stellarum. Quas disciplinas deinceps paullo latius indicabimus, ut earum causa competenter possint ostendi.

CAPUT PRIMUM.

*De Vocabulo Arithmetice
discipline.*

I ARITHMETICA est disciplina numerorum. Græci enim numerum ἀριθμὸν dicunt. Quam scriptores secularium litterarum inter disciplinas Mathematicas idè primam esse voluerunt, quoniam ipsa: ut sit, nulla alia indiget disciplina. Musica autem, & Geometria, & Astronomia, quæ sequuntur: ut sint, atque subsistant istius egent auxilio.

CAPUT II.

De Autoribus ejus.

(1) I Numeri disciplinam apud Græcos primum Pythagoram autumant conscripsisse, ac deindè à Nicomacho⁽²⁾ diffusius esse dispositam, quàm apud Latinos primus Apulejus, deindè Boethius transulerunt.

CAPUT III.

Quid sit numerus.

I Numerus autem est multitudo ex unitatibus constituta: nam unum semen numeri esse, non

(1) Cap. II. Numeri discipl. Eodem modo apud Boet.

(2) Diffusius esse dispositam. Ex Gotthicis. Al. compositam.

(1) non numerum. Numero nummus nomen dedit, & à sui frequentatione vocabulum indidit. Unus ex Græco nomen trahit. Græci enim unum, *ἓνα* dicunt: sic duo, tria, quos illi *δύο*, & *τρία* appellant. (2) Quatuor verò à figura quadrata nomen sumpserunt. Quinque autem non secundum naturam, sed secundum placitum voluntatis vocabulum acceperunt ab eo, qui numeris nomina indidit. Sex autem, & septem à Græco veniunt. (3) In multis enim nominibus, quæ in Græco aspirationem habent, nos pro aspiratione, s, ponimus. Indè pro *ἕξ* sex pro *ἑπτά* septem, sicut pro herpillo herba serpillum. Octo verò per translationem, sicut illi, & nos: illi *ἐννέα* nos novem: illi *δέκα* nos decem. Dicti autem decem à græca etymologia, eò quòd ligent, & conjungant infra jacentes numeros. Nam *δεσμίειν*, conjungere, vel ligare apud eos dicitur: Porro viginti dicti, quòd sint decem bis geniti, u, pro b littera posita. Triginta, quòd à ternario denario gignantur, sic usque ad nonaginta. (4) Centum verò vocati à cantho: quod est circulus, ducenti à duo, & centum, sic, & reliqui usque ad mille. Mille autem à multitudine, undè, & militia, quasi multitudo: indè, & (5) milia, quæ Græci mutata littera *μυρία* vocant.

CAPUT IV.

Quid præstent numeri.

Ratio (6) numeri contemnenda non est: in multis enim Sanctarum Scripturarum locis, quantum mysterium habeant, elucet. Non enim frustra in laudibus Dei dictum est: omnia in mensura, & numero, & pondere fecisti. Senarius namque qui partibus suis perfectus est, perfectionem mundi quadam numeri sui significatione declarat. Similiter, & quadraginta dies, quibus Moyses, & Helias, & ipse Dominus jejuna-verunt, sine numerorum cognitione non intelliguntur. Sic, & alii in Scripturis Sacris numeri existunt: quorum figuras (7) non nisi noti hujus artis scienter solvere possunt. Datum est etiam nobis ex magna parte sub numerorum consistere disciplina: quando horas per eam discimus, quando mensium curricula supputamus: quando anni spatium redeuntis agnoscimus. Per numerum siquidem, nè confundamur, instruimur. Tolle numerum rebus omnibus, & omnia pereunt. (8) Adime seculo computum, & cuncta ignorantia cæca complectitur, (9) nèc differri potest à cæteris animalibus, qui calculi nescit rationem.

CA-

(1) Cap. III. Non numerum, rō volunt additum in excusis, abest à Gottbicus, & quidem hujusmodi præcisa locutionis per infinita verba frequentes in hoc opere.

(2) Quatuor à figura quadrata. Imind figura quadrata à quatuor: quatuor verò à Græco *τρίσκατος*. Mutant n. sapè illi n. in r. ut *quies* pro *quies*, & contrā, quos nos quoque non raro imitamus.

(3) In multis n. nominibus i. Serv. ad Eclog. 2. Alia, serpillumque, &c.

(4) Centum verò à cantho. Canthus, & circulus est oculorum, & ferrum quo lignorum rotunditas in rotis arctatur, & stringitur: ut ait Hieronym. Ad Exod. cap. 20. canthos, n. eo loco legendum, non (ut habet Reatini editio) contos.

(5) Milia quæ Græci mutata lit. Quod in excusis libris additur. i. l. p. r. hoc est, id est, l. pro r. in manuscriptis non est, itaque licebit, vel à *μυρία*, vel à *χίλια* milia dicta putare.

(6) Cap. IV. Ratio numeri. Augustini sunt verba lib. 11. de Civit. cap. 30.

(7) Noti hujus artis, i. periti, sic in vetustioribus, lib. & apud Bed. qui caput hoc in librum suum de computo transtulit. Eodem modo Braulio in vita Didori. Quod opus (id est, etymologiarum) omnimodo philosophiæ conveniens quis crebra meditatione perlegerit, non ignotus divinarum, humanarumque rerum scientia merito crit.

(8) Adime seculo computum. Al. adime seculo calculi comp. sed vocem calculi, neque Bedæ, neque antiquiores libri agnoscunt.

(9) Nec differri potest. Itē o. l. m. ut differri sit distingui, nisi quod in quibusdā numero multitudinis, nec differri possunt a. c. q. c. nesciunt rationem.

CAPUT V.

*De prima divisione parium,
& imparium.*

Numerus dividitur in paribus, & in imparibus. Par numerus dividitur in his: pariter par, & pariter impar, ⁽¹⁾ & impariter par, & impariter impar. Impar numerus dividitur in iis, primum, & simplicem, secundum, & compositum, tertium mediocrem, qui quodammodo primus, & incompositus: alio vero modo secundus, & compositus est. Par numerus est, qui in duabus æquis partibus dividi potest: ut ii. iii. viii. Impar vero numerus est, qui dividi æquis partibus nequit, uno medio, vel deficiente, vel superante: ut iii. v. vii. ix. & reliqui. Pariter par numerus est, qui secundum parem numerum pariter dividitur, quousque ad indivisibilem perveniat unitatem: ut putà sexaginta quatuor habet medietatem xxxii. hic autem xvi. Sedecim vero, viii. octonarius, iiii. quaternarius, ii. binarius, unum, qui singularis indivisibilis est. Pariter impar est, qui in partes æquas recipit sectionem, sed partes ejus mox indisscables permanent: ut vi. x. xviii. triginta, & quinquaginta. Mox enim, ut hunc numerum divideris: incurris in numerum quem secare non possis. Impariter par numerus est cujus partes etiam dividi possunt: sed usque ad unitatem non perveniunt, ut xxiiii. Hi enim in medietatem divisi, faciunt xii. rursumque in aliam medietatem vi. deinde in aliam tres: & ultra divisionem non re-

cipit sectio illa, sed ante unitatem invenitur terminus quem secare non possis. Impariter impar est, qui ab impari numero impariter mensuratur: ut xxv. xlix. qui dum sint impares numeri, ab imparibus etiam partibus dividuntur, ut septies septem: xlix. & quinquies quini xxv. Imparium numerorum alii simplices sunt, alii compositi, alii mediocres. Simples sunt, qui nullam aliam partem habent nisi solam unitatem: ut ternarius solam tertiam, & quinarium solam quintam, & septenarius solam septimam. His enim una pars sola est. Compositi sunt, qui non solum unitate metiuntur, ⁽²⁾ sed etiam alieno numero procreantur, ut novem, xv. xxi. & xxv. Dicimus enim ter terni novem: & septies terni xxi. ter quini xv. & quinquies quini xxv. Mediocres numeri sunt, qui quodammodo simplices, & incompositi esse videntur: alio vero modo secundi, & compositi. Verbi gratia, novem ad xxv. dum comparatus fuerit, primus est, & incompositus: quia non habet communem numerum, nisi solum monadicum. Ad xv. vero si comparatus fuerit, secundus est, & compositus: quoniam inest illi communis numerus præter monadicum, id est, ternarius numerus: quia novem mensurat ter terni, & quindecim ter quini. Item parium numerorum alii sunt superflui, ⁽³⁾ alii diminuti, alii perfecti. Superflui sunt quorum partes simul ductæ plenitudinem suam excedunt: ut putà duodenarius, habet enim partes quinque: duodecimam, quod est unum, sextam, quo duo: quartam quod tria: tertiam, quod qua-

(1) Cap. V. Impariter impar. Eadem divisione utitur Capella, quamvis hoc membrum Boethius omiserit, nequè sic hoc loco in Gothicis, nisi quod paullopost explicat Isidorus quid sit impariter impar.

(2) Sed etiam alieno numero. Alio numero C. Rom. & Boet.

(3) Alii diminuti. Alii diminutivi.

quatuor, dimidiam, quod sex, unum enim, & duo, & tria, & quatuor, & sex simul ducta faciunt xvi. & ⁽¹⁾ longè à duodenario excedunt: sic, & alii similes plurimi, ut duodevicesimus, & multi tales. Diminuti numeri sunt, qui partibus suis computati, minorem summam efficiunt: ut putà denarius, cujus partes sunt tres: decima, quod est unum: quinta, quod duo, dimidia, quod quinque. Unum enim, & duo, & quinque simul ductæ, octonarium faciunt, ⁽²⁾ longè à denario minorem. Similis est huic octonarius, vel alii plurimi: qui in ⁽³⁾ partes redacti infra consistunt. Perfectus numerus est, qui suis partibus adimpletur: ut senarius, habet enim tres partes, sextam, tertiam, & dimidiam: sexta enim ejus est unum: tertia duo: dimidia tres. Hæ partes in summam ductæ, id est, unum, & duo, & tria simul eundem consummant, perficiuntque senarium. ⁽⁴⁾ Sunt autem perfecti numeri intrà denarium sex, intrà centenarium xxviii. intrà millenarium. CCCCxcvi.

CAPUT VI.

De secunda divisione totius numeri.

OMnis numerus, aut secundum se consideratur, aut ad aliquid. Iste dividitur sic: alii enim sunt æquales, alii id æquales.

Iste dividitur sic: alii sunt majores, alii sunt minores. ⁽⁵⁾ Majores dividuntur sic: in multiplices, superparticulares, superpartientes, multiplices superparticulares; multiplices superpartientes. Minores dividuntur sic: submultiplices, subsuperparticulares, subsuperpartientes, submultiplices, subsuperparticulares: submultiplices, subsuperpartientes. Per se numerus est, qui sine relatione aliqua elicitur: ut iii. iiii. v. vi. & cæteri similes. Ad aliquid est numerus, qui relativè ad alios comparatur. Verbi gratia, quatuor ad duo dum comparatus fuerit duplex dicitur, & multiplex: sex ad tria, octo ad iiii. x. ad v. & iterum tres ad unum triplex: sex ad ii. ix. ad tria, &c. Æquales numeri dicuntur, qui secundum quantitatem æquales sunt. Verbi gratia, ii. ad ii. iii. ad iii. x. ad x. c. ad c. Inæquales numeri sunt, qui ad invicem comparati inæqualitatem demonstrant: ut iii. ad ii. iiii. ad iii. v. ad iiii. x. ad vi. & universalitèr major, minori, aut minor, majori, inajusemodi dum comparatus fuerit inæqualis dicitur. Major numerus est, qui habet in se illum minorem numerum, ad quem comparatur, & aliquid plus: ut, verbi gratia: quinarium numerus ternario numero fortior est, eò quòd quinarium numerus habet in se ternarium, & alias partes ejus duas, & reliqui tales. Minor numerus est, qui continetur à majore, ad quem compara-

tur

(1) Et longè à duodenario numero excedunt. Hoc est duodenarium longè excedunt, quomodo, & mox, & alias etiam loquitur.

(2) Longè à denario minorem. Serv. in *Artem Donati*: Comparativus gradus tribus casibus jungitur: ablativo, septimò, & nominativo interposita particula quam; ablativo, ut doctior ab illo. *Quam loquendi rationem ipse etiam usurpat, ut Æn. 1. ad verba*, dederatque abeuntibus heros; heros (air) vir fortis, semideus, plus ab homine habens, & infr. cap. 47. dum Sol est superior à Luna.

(3) In partes redacti. *Al. reduci.*

(4) Sunt autem perfecti, &c. Omnia ex Boet. lib. 1. de *Arithm.* cap. 20.

(5) Cap. VI. Librariorum inscitia, & nominum similitudine pleraque in hoc capite malè accepta fuerant. Nam definitum quadam transposita, alia omitta, exempla mendosa. Qua omnia, ut minimo negotio, ita nullo cum periculo recte sunt. Quare illud unum adnotasse sufficit: quos numeros Isidorus submultiplicem superparticularem, submultiplicem superpartientem; aut submultiplicem subsuperparticularem, submultiplicem subsuperpartientem vocat; iisdem quidem nominibus, lib. 2. *Geomet.* à Boetio nominari, sed lib. 1. *Arithm.* cap. 22. Multiplices subsuperparticulares, & multiplices subsuperpartientes ab eodem dici.

tur cum aliqua parte sui : ut ternarius , ad qui narium , continetur enim ab eo cum duabus partibus suis. Multiplex numerus est , qui habet in se minorem numerum bis , aut ter , aut quater , aut multipliciter. Verbi gratia , duo ad unum dum comparati fuerint , duplex est , iii. ad unum triplex , ii. quadruplex , & reliqui. E contrà. Submultiplex numerus est , qui intrà multiplicem continetur bis , aut ter , aut quater , aut multipliciter. Verbi gratia , unum à duobus bis continetur , à tribus ter , à quatuor quater , & ab aliis multipliciter. Superparticularis numerus est , dum fortior continet intrà se inferiorem numerum circà quem comparatur , similiter , & unam partem ejus. Verbi gratia , iii. ad ii. dum comparati fuerint continent intrà se duos , & alium unum , qui media pars est duorum : quator ad iii. dum comparati fuerint , continent in se iii. & alium unum , qui est tertia pars trium. Item quinque ad ii. dum comparati fuerint , habent in se quaternarium numerum , & alium unum , qui est quarta pars dicti quaternarii numeri , & cæteri tales. Superpartiens numerus est , qui in se inferiorem numerum totum continet , & super hoc alteras partes ejus duas , aut iii. aut ii. aut v. aut alias. Verbi gratia , v. ad iii. dum comparati fuerint , habet in se quaternarius numerus ternarium , & super hoc alias partes ejus duas , vii. ad ii. dum comparati fuerint , habent in se quatuor , & alias tres partes ejus. Novem ad v. dum comparati fuerint , habent in se quinque , & alias quator partes ejus. Subsuperparticularis numerus est minor , qui continetur infortiori numero cum aliqua parte sua , aut media , aut tertia , aut quarta , aut quinta. Verbi gratia , duo ad iii. iii. ad ii. ii. ad v. & cæteri si-

miles. Subsuperpartiens numerus est , qui continetur in numero superpartienti cum aliquibus partibus suis duabus , aut tribus , aut pluribus. Verbi gratia , tria continentur à v. cum aliis duabus partibus suis : v. ad ix. cum ii. partibus suis. Multiplex superparticularis numerus est , qui dum comparatus fuerit ad numerum sibi inferiorem continet in se totum inferiorem numerum multipliciter , cum aliqua parte ejus. Verbi gratia , v. ad duo dum comparati fuerint , continent in se bis binos , & unam partem ejus : Novem ad ii. dum comparati fuerint , continent in se bis quaternos , & unam partem ejus. Multiplex superpartiens numerus est , qui dum comparatus ad inferiorem sibi numerum fuerit , continet eum multipliciter cum aliis partibus ejus. Verbi gratia , vii. ad tria dum comparati fuerint , continent in se bis ternos , cum aliis duabus partibus ejus , xiii. ad vi. dum comparati fuerint continent in se bis senos cum aliis duabus partibus ejus , xvi. ad vii. dum comparati fuerint continent inter se bis vii. cum aliis duabus partibus ejus , xxi. ad ix. dum comparati fuerint continent intrà se bis ix. cum aliis tribus partibus ejus. Submultiplex subsuperparticularis est , qui dum ad fortiorem comparatus fuerit continetur ab eo multipliciter cum aliqua parte sua , ut iii. ad vii. & ii. ad ix. Submultiplex subsuperpartiens numerus est , qui dum ad fortiorem sibi comparatus fuerit , continetur ab eo multipliciter cum aliquibus partibus suis. Verbi gratia , iii. ad vii. continentur bis cum duabus partibus ejus , ii. ad xi. continentur bis cum tribus partibus suis.

CAPUT VII.

De tertia divisione totius numeri.

I Numeri, aut discreti sunt, aut continentes. Iste dividitur sic, i. linealis, ii. ⁽¹⁾ superficialis, iii. solidus. Discretus numerus est, ⁽²⁾ qui discretis monadibus continetur. Verbi gratia, iii.iiii.v.vi. & reliqui. Continens numerus est, qui conjunctis monadibus continetur. Ut, verbi gratia, ternarius numerus, si in magnitudine intelligatur, ⁽³⁾ linea, aut spatio, aut solido dicitur continens. Similiter quaternarius, & quaternarius numeri. Linealis numerus est, qui inchoans à monade linealiter scribitur usque ad infinitum. Undè alpha ponitur pro designatione linearum, quoniam hæc littera unum significat apud Græcos.

2 Superficialis numerus est, qui non solum longitudine, sed, & latitudine continetur: ut trigonus, quadratus, quinquangulus, vel circularis numeri, & cæteri, qui semper in plano ⁽⁴⁾ pede, id est, superficie continentur.

3 Circularis dum sibimet multiplicatus fuerit, à se inchoans ad se convertitur. Verbi gratia, quinquies quini vicies quinque. ⁽⁵⁾ Solidus numerus est, qui longitudine, latitudine, & altitudine continetur: ut sunt pyramides, qui in modum flammæ consurgunt. Cubus sunt tesserae. Sphaeræ

quibus est æqualis undique rotunditas. Sphaericus autem numerus est, qui circulo numero multiplicatus à se inchoat, & in se convertitur: ut quinquies quini, vigintiquinque. Hic circulus dum seipso multiplicatus fuerit: facit spheram, id est, quinquies xxv. Cxxv.

CAPUT VIII.

De Differentia Arithmetica, Geometriae, & Musicae.

I Inter Arithmeticae autem, & Geometriae, & Musicae hoc interest: ut media invenias. In Arithmetica primò sic quæris. Conjungis extrema, & dividis, & facis medium: ut puta fac extrema esse vi. & xii. simul jungis, & faciunt xviii. partiris media, & facis ix. quod est analogicum Arithmeticae: ut medius, quot monadibus superat primum, iis superetur ab extremo. Superant enim ix. vi. tribus monadibus, iis superatur à xii. ⁽⁶⁾ Secundum verò Geometriae ita quæris. Extrema multiplicata tantum faciunt, quantum, & media multiplicata facient Lxxii. media, viii. & ix. multiplicata tantumdem faciunt. ⁽⁷⁾ Secundum Musicae ita: Qua parte superat medius primum, eadem parte superatur medius ab extremo: ut puta vi. ab viii. duabus monadibus superantur, quæ duæ pars sunt tertia eadem-

(1) Cap. VII. Secundus superficialis. Ità etiam paulò post, al. superficialis.

(2) Qui discretis monadibus. Ità apud Cassiod.

(3) Linea, aut spatio, aut solido dicitur continens. Eodem modo Cassiod. disjunctione, pro conjunctione utens.

(4) Plano pede, id est, superficie. Alio sensu dixit Vitruv. lib. 6. cap. 11. & lib. 7. cap. 1. & 4.

(5) Solidus, qui long. lat. & altitud. Vox latitudine abest à nostris libris. Est tamen inf. cap. 11. in definitione figurae

lida, & in Cod. Rom.

(6) Cap. VIII. Secund. Geomet. Hæc, nequè integra sunt, nequè satis cum superioribus coherent. Nam cum proponisset differentiam inter Arithm. Geomet. & Music. ex inventionem medii, rationemque Arithmetici medii inveniendi propositis extremis tradidisset; oportebat idem in Geometrico medio persequi, quod neque hoc loco prestat, nequè inferius, cap. 13.

(7) Secundum Musicae. Nequè hac meliore sunt conditione, nisi, quod cap. 22. alieno loco, quæ hujus propria erant, explicantur. Nam hic non rationem Musici medii inveniendi, sed definitionem proportionis Musica assignat, eamque non innotat. Vid. Boet. lib. 2. Arithm. cap. 34. & seq. & 50. & lib. 2. de Mus. cap. 12. & 16.

demque media viii. superantur ab ultima, quæ est xii.

CAPUT IX.

Quod Numeri infiniti existunt.

I Numeros autem infinitos esse certissimum est, quoniam in quocunque numero finem faciendum putaveris, idem ipse non dico uno addito augeri, sed quamlibet sit magnus, & quamlibet ingentem multitudinem continens, in ipsa ratione, atque scientiam numerorum, non solum duplicari, verum etiam multiplicari potest. Ità verò suis quisque numerus proprietatibus terminatur, ut nullus eorum par esse cuicumque alteri possit. Ergo, & dispare inter se, atque diversi sunt, & singuli quique finiti sunt, & omnes infiniti sunt.

DE GEOMETRIA.

CAPUT X.

De Geometria inventoris,
& vocabulo ejus.

I Geometriæ disciplina primùm ab Ægyptiis reperta dicitur, quia inundante Nilo, & omnium possessionibus limo obductis, initium terræ dividendæ per lineas, & mensuras nomen arti dedit. ⁽¹⁾ Quæ deindè longius acumine sapientum provecta, & maris, & Cœli, & aëris spatia metitur. Nam provocati studiosi cœperunt post terræ dimensionem, & Cœli spatia quærere: quanto intervallo Luna à terris, à Luna Sol ipse distaret, & usque ad verticem Cœli quanta se mensura distenderet, sicque intervalla ipsa Cœli, orbisque ambitum per numerum

estadiorum ratione probabili distinxerunt. Sed quia ex terræ dimensione, hæc disciplina cœpit, ex initio sui, & nomen servavit: nam Geometria de terra, & de mensura nuncupata est. Terra enim græce γῆ vocatur, μέτρον mensura. Hujus disciplinæ ars continet in se lineamenta, intervalla, magnitudines, & figuras, & in figuris dimensiones, & numeros.

CAPUT XI.

De Quadripartita divisione Geometriæ.

I Geometriæ quadripartita divisio est in figuras planas, in magnitudinem numerabilem, in magnitudinem rationalem, & in figuras solidas.

2 Planæ figuræ sunt, quæ longitudine, & latitudine continentur.

3 Numerabilis magnitudo est, quæ numeris Arithmeticæ dividi potest.

4 Magnitudines rationales sunt, quarum mensuram scire possumus, irrationales verò, quarum mensuræ quantitas cognita non habetur.

5 Figuræ solidæ sunt, quæ longitudine, & latitudine, & altitudine continentur: ⁽²⁾ quæ sunt juxta Platonem numero quinque.

CAPUT XII.

De Figuris Geometriæ.

I N plano figurarum prima circulus est, figura plana, & circumducta: cujus in medio punctus est, quo cuncta convergunt, quod centrum Geometriæ vocant: Latini

G

punc-

(1) Cap. X. Quæ deindè longius provecta. Ex Plin. lib. 2. cap. 23.

(2) Cap. XI. Quæ sunt juxta Plat. Probè hæc, quæ disjecta erant in sedes suas reduxit Chacon.

punctum circuli nuncupant.

2 Quadrilatera figura est in plano, quæ sub quatuor lineis rectis jacet.

3 ⁽¹⁾ Dianatheton grammion figura plana, &c.

4 Orthogonium triangulum est figura plana, quæ habet angulum rectum.

5 Isopleuros figura est plana, &c.

6 Sphæra est figura, in rotundum formata partibus cunctis æqualis.

7 ⁽²⁾ Cubus est figura solida, quæ longitudine, & latitudine, & altitudine continetur.

8 ⁽³⁾ Cylindrus est figura quadrata habens superius semicirculum insolidum.

9 Conon, figura solida, quæ ab amplo in angustum finit, sicut orthogonium.

10 Pyramis est figura solida, quæ in modum ignis ab amplo in acumen consurgit. Ignis enim apud Græcos πυρ appellatur.

11 Sicut autem intrà decem omnibus est numerus, ita intra circulum omnium figurarum concluditur ambitus.

CAPUT XIII.

De principiis Geometriæ.

1 Principia hujus artis ⁽⁴⁾ punctus est, cujus pars nulla est. Li-

nea est præter latitudinem longitudine. Recta linea est, quæ ex æquo in suis punctis jacet. Superficies verò, quæ longitudines, & latitudines solas habet. Superficiæ verò fines lineæ sunt, quorum formæ ideò in superioribus figuris positæ non sunt, ⁽⁵⁾ quia intras inveniuntur.

CAPUT XIV.

De Numeris Geometriæ.

1 N Umeros ⁽⁶⁾ autem secundum Geometriam ita quæris: Extrema quippè ejus multiplicata, tantum faciunt, quantum, & media multiplicata: ut putà, vi. & xii. multiplicata faciunt Lxxii. media viii. & ix. multiplicata tantundem faciunt.

DE MUSICA.

CAPUT XV.

De Musica, & ejus nomine.

1 M Usica est perititia modulationis sono, cantuque consistens: Et dicta Musica per derivationem à Musis. Musæ autem appellatæ ⁽⁷⁾ ἀπὸ τοῦ μῶσῃ, id est, à quærendo, quod per eas, sicut antiqui voluerunt vis carminum, & vocis modulatio quæreretur. Quorum sonus, quia

(1) Cap. XII. Dianatheton grammion. Hæc meliorum librorum Scriptura. Antonius Covarr. & doctrinarum omnium; & elegantiarum admirabili quadam scientia præstantissimus. Diacatheton grammion minima mutatione volebat. Fieri enim à καθῆναι, hoc est, perpendiculariter lineas productum. Id P. Nunniesio nequaquam probabatur, quod commune esset pluribus figuris. Nam, & in tetragono, & trigono orthogonio esse lineas καθῆναι. Ipse δὲ ἀντίθετον ὁρθογώνιον substituebat: retinens ἀντίθετον suspensio interpretabatur. Suspensio namque videri ejus figura lineas, quæ sit altera parte longior. Non Geometrar. aures non agnoscunt, & P. Nunniesii nimis arguta sententia est.

(2) Cubus. Adde quæ sex quadratis æqualibus continetur.

(3) Cylindrus. De Cylindri definitione amplius deliberandum.

(4) Cap. XIII. Principia hujus artis. Cæc. Academic. 4. Non quæro in his initia illa mathematicorum: Punctum esse, quod magnitudinem nullam habet. Extremum, quasi libramentum, in quo nulla omnino sit crassitudo. Lineamentum

(5) Quia intras eas invenit. Est enim punctus in circulo, linea in figuris planis, superficies, ejusque finis in solidis.

(6) Cap. XIV. Numeros autem. Repetuntur hæc ex cap. 8. quia caput 11. numerabilem magnitudinem partem Geometriæ placuit in Cratyle.

(7) Cap. XV. ἀπὸ τοῦ μῶσῃ. In CC. mira varietas, nos ex μῶσῃ, quod propriè aberat μῶσῃ: fecimus, quod etymon

quia sensibilis res est⁽¹⁾ præterfluit in præteritum tempus, imprimiturque memoriæ; indè à poëtis Jovis, & memoriæ filias Musas esse confictum est. Nisi enim ab homine memoria teneantur soni, pereunt, quia scribi non possunt.

CAPUT XVI.

De Inventoribus ejus.

I **M**Oyses dicit repertorem Musicæ artis fuisse Jubal, qui fuit de stirpe Cain antè diluvium.⁽²⁾ Græci verò Pythagoram dicunt hujus artis invenisse primordia, ex maleorum sonitu, & cordarum extensione percussa. Alii⁽³⁾ Linum Thebæum, &⁽⁴⁾ Zethum, & Amphiona in arte Musica primos claruisse ferunt. Post quos paulatim directæ est præcipuè, hæc disciplina, & aucta multis modis: eratque tam turpe Musicam nescire, quàm litteras. Interponebatur autem non modò sacris, sed, & omnibus, solemnibus, omnibusque lætis, vel tristioribus rebus.⁽⁵⁾ Ut enim in veneratione divina hymni: ita in nuptiis Hymenæi, ⁽⁶⁾ & in funeribus threni, & lamenta ad tibias caneantur.⁽⁷⁾ In conviviis verò lyra, vel cithara circumferebatur: & accubantibus singulis ordinabatur conviviale genus canticorum.

CAPUT XVII.

Quid possit Musica.

I **I**Taquè⁽⁸⁾ sine Musica nulla disciplina potest esse perfecta: nihil enim est sine illa. Nam, & ipse mundus quadam harmonia sonorum fertur esse compositus, & Cælum ipsum sub harmoniæ modulatione revolvitur. Musica movet affectus, provocat in diversum habitum sensus. In præliis quoque tubæ concentus pugnantes accendit; & quantò vehementior fuerit clangor, tanto fit fortior ad certamen animus. Siquidem, & regimes cantus hortatur. Ad tolerandos quoque labores Musica animum mulcet, & singulorum operum fatigationem modulatio vocis solatur. Excitos quoque animos Musica sedat, sicut legitur de David, qui à spiritu immundo Saulem arte modulationis eripuit. Ipsas quoque bestias, necnon, & serpentes, volucres, atque delphinas ad auditum suæ modulationis Musica provocat. Sed, & quicquid loquimur, vel intrinsecus venarum pulsibus commovemur, per musicos rhythmos harmoniæ virtutibus probatur esse sociatum.

CAPUT XVIII.

De tribus partibus Musicae.

I **M**USICÆ partes sunt tres, id est, harmonica, rhythmi-

G 2 ca,

(1) Præterfluit in præter. *Aug. lib. 2. de Ordin. cap. 4.* Quoniam illud quod mens, videt semper est præsens; sonus autem, quia sensibilis res est, præterfluit in præteritum tempus. imprimiturque memoriæ, rationabili mendatio jam poëtis favente ratione, querendum nequid propagini similiter inesset, Jovis, & memoriæ Musas filias esse confictum est.

(2) Cap. XVI. Græci verò Pythagor. *Macrob. lib. 2. in Somn. Scip.*

(3) Linum Theb. *Ex Euseb. in Chron.*

(4) Zeth. & Amph. *Ex eodem, & Serv. in Corydon.*

(5) Ut p. in veneratione divi. *Horat. Divitum mensis, & amica templis.*

(6) Et in funeribus threni. *Hinc Sitticinum modus in xii. tabul. de quibus Agell. lib. 2. cap. 2. & Non. in Sitticinis. Servius. Et. s. Sciendum majoris ætatis funera ad tubam solere proferri, minoris verò ad tibias. Vid. Fest. in Funebres tibias. Hebraeos quoque tibias in funeribus adhibuisse, ostendunt Matthæi verba, cap. 9. & vidisset tibiales, & turbam tumultuantem.*

(7) In conviviis circumf. *Ex Quint. cap. de Music.*

(8) Cap. XVII. Itaque sine Mus. *Ex eodem Quintil.*

ca, metrica. Harmonica est, quæ discernit in sonis acutum, & gravem. Rhythmica est, ⁽¹⁾ quæ requirit incursionem verborum: utrum benè sonus, an malè cohaereat. Metrica est, quæ mensuram diversorum metrorum probabili ratione cognoscit: ut verbi gratia, heroicum, jambicum, elegiacum, &c.

CAPUT XIX.

De triformi Musicae divisione.

I **A** Tomnem sonum, qui materies cantilenarum est, triformem constat esse natura. Prima est harmonica, quæ ex vocum cantibus constat. Secunda organica, quæ ex flatu consistit. Tertia rhythmica, quæ pulsu digitorum numeros recipit. ⁽²⁾ Nam aut voce editur sonus, sicut per fauces: aut flatu, sicut per tubam, vel tibiam: aut pulsu, sicut per cytharam: aut per quodlibet aliud, quod percutiendi canorum est.

CAPUT XX.

De prima divisione Musicae, quæ harmonica dicitur.

I **P**rima divisio Musicae, quæ harmonica dicitur, id est, modulatio vocis, pertinet ad comædos, tragædos, vel choros, vel ad omnes, qui voce propria canunt. Hæc ex animo, & corpore motum facit, & ex motu sonum, ex quo colligitur Musica, quæ in homine vox appellatur.

2 ⁽³⁾ Vox est aer spiritu verbe-

ratus, undè, & verba sunt huncupata. Propriè autem vox hominum est, seu irrationabilium animantium. Nam in aliis abusivè non propriè sonitus vox vocatur: ut, vox tubæ infremuit, fractasque ad littora voces. Nam proprium est: ut littorei resonent scopuli, & at tuba terribilem sonitum procul ærè canoro. Harmonia est modulatio vocis, & concordantia plurimorum sonorum, vel coaptatio.

3 Symphonia est modulationis temperamentum ex gravi, & acuto concordantibus sonis, sive in voce; sive in flatu, sive in pulsu. Per hanc quippè voces acutiores, gravioresque concordant, ita, ut quisquis ab ea dissonuerit sensum auditus offendant. Cujus contraria est diaphonia, id est, voces discrepantes, vel dissonæ.

4 Euphonia est suavitas vocis. Hæc, & melos à suavitatem, & melle dicta.

5 Diastema est vocis spatium, ex duobus, vel pluribus sonis aptatum.

6 Diesis est spatia quædam, & deductiones modulandi, atque vergerendi de uno in alterum sonum.

7 Tonus est acuta enuntiatio vocis: est enim harmoniæ differentia, & quantitas, quæ in vocis accentu, vel tenore consistit: cujus genera in quindecim partibus Musici diviserunt: ex quibus hyperlydius novissimus, & acutissimus: hypodorius omnium gravissimus est.

8 Cantus est inflexio vocis, nam sonus directus est, præcedit autem sonus cantum.

9 Ars is est vocis elevatio, i. initium. Thesis vocis positio, hoc est, finis. Sua-

(1) Quæ requirit incursionem verb. s. o. I. Cassiod. quæ in concursione verborum dijudicat. Capell. Quæ ad melos pertinet, harmonica dicitur, quæ ad numeros rhythmicæ, quæ ad verba metrica.

(2) Nam, aut voce. Ex August. in Psal. 150. & 2. de Doctr. Christ. cap. 17. unde sumpta hæc omnia, quod percutiendos canorum est. Ex eodem lib. 2. de Ord. cap. 14.

(3) Cap. XX. Vox est aer sp. v. Grammaticorum, & Philosophorum (ut ait Laërtius) definitio, sed quæ ipsi tamen minime probatur lib. de Opif. cap. 15.

10 Suaves voces sunt subtiles, & spissæ, claræ, atque acutæ. Perspicuæ voces sunt, quæ longius protrahuntur, ita ut omnem impleant continuum locum, sicut clangor tubarum. Subtiles voces sunt quibus non est spiritus, qualis est infantium, vel mulierum, vel ægrotantium, sicut in nervis. Quæ enim subtilissimæ chordæ sunt, subtiles, ac tenues sonos emittunt. Pingues sunt voces, quando spiritus multus simul egreditur, sicut viro- rum. Acuta vox est tenuis, & alta, sicut in chordis videmus. ⁽¹⁾ Dura vox est, quæ violentè emittit sonos, sicut tonitrum, sicut incudis sonus, quoties in durum malleus percutitur ferrum. Aspera vox est rauca, & quæ dispergitur per minutos, & in dissimiles pulsus. Cæca vox est, quæ mox: ut emissa fuerit, conticescit, atque suffocata nequaquam longius producit, sicut est in fictilibus. ⁽²⁾ Vinnola vox, est mollis, atque flexibilis. Et vinnola dicta à vinno, hoc est cincinno molli- tère flexo. Perfecta autem vox, est alta, suavis, & clara. Alta, ut in sublimi suf- ficiat: clara, ut aures impleat: suavis, ut animis audientium blandiatur. Si ex his aliquid defuerit, vox perfecta non erit.

CAPUT XXI.

De secunda divisione, quæ or- ganica dicitur.

1 **S**ecunda divisio organica est in iis, quæ spiritu reflante com-

pleta, in sonum vocis animantur: ut sunt tubæ, calami, fistulæ, or- gana, pandura, & iis similia instru- menta.

2 ⁽³⁾ Organum vocabulum est ge- nerale vasorum omnium musicorum. ⁽⁴⁾ Hoc autem cui folles adhibentur, alio Græci nomine appellant. Ut au- tem organum dicatur, magis ea vul- garis est consuetudo.

3 ⁽⁵⁾ Tuba primum à Tyrrenis inventa, de quibus Virgil. Tyrrenus- que tubæ mugire per æthera clangor, adhibebatur autem non solum in præliis, sed, & in omnibus festis die- bus propter laudes, vel gaudii clarita- tem. Undè, & in Psalterio dicitur: Ca- nite initio mensis tuba in die insigni solemnitatis vestræ. Præceptum enim fuerat Judæis: ut initio novæ Lunæ tu- ba clangerent, quod etiam hucusque faciunt.

4 Tibias excogitatas in Phrygia ferunt, has quidè diu funeribus tan- tum adhibitas: mox, & sacris genti- lium. Tibias autem appellatas putant, quòd primum de cervinis tibiis, cruri- busque hinnulorum fierent: deindè per abusionem ita cœptas vocari, etiam quæ non de cruribus, ossibusvè essent: hinc, & tibicen quasi tibiarium cantor.

5 ⁽⁶⁾ Calamus nomen est arboris proprium, à calendo, i. fundendo vo- ces vocatus.

6 Fistulam quidam putant à Mer- curio inventam: ⁽⁷⁾ alii à Fauno quem

G 3 Græ-

(1) Dura quoties in dur. m. percutitur. f. *Al. durum m. percutit ferrum.*

(2) Vinnola *Al. Vinnolata. Festus.* Vinnulus moliter se gerens, & minime quid viriliter faciens. Non. Vinnolum, sensi- loquum, illicebrium. Plaut. in *Asin.* oratione vinnula, venustula, *Gloss.* Vinnulus *Νυννιχτι.* *Ubi mendosè.* Vinnicus legitur.

(3) Cap. XXI. Organum vocab. est general. Ex *August.* in *Ps.* 150.

(4) Hoc autem cui folles adhibent. *Hydraulon* appellari à Græcis putabat *Chacon*, de *quo Vitruv.* lib. 10. cap. 13. & *Ter- tull.* lib. de *Anima*, c. de *Animo.* *Plin.* lib. 7. cap. 37. & *Heron* in *neupmat.* Alii Tyrrenam tibiam appellari putant ex *Polluce* lib. 4. cap. 9. de *Organis* vulgaribus extant pulcherrimi versus apud *Claudian.* in lib. de *Manlii Theod. consularu.*

(5) Tuba primum ~ tibiis excogitat. *Clem. Alex.* *strom.* 1. *Hetrusco* tubam, & *Phrygas* tibiis ait excogitasse.

(6) Calamus n. est prop. arb. Non valde mirum si arundinem arborem dixit, quisquis fuit, unde hæc sumpta sunt. Cur à calendo i. fundendo voces nomen deduxerit, id multo obscurius, nisi calando, hoc est vocando, legas. Nam canendo, quod est in plerisque Gothicis, mendosum putamus. Sed hæc origines, quæ, aut nimis aliena, aut etiam absurda mul- tis apud *Didorum* videbantur, non negligendas esse, satis jam viri eruditi hac ætate sunt experti.

(7) Alii à Fauno. *Plin.* lib. 7. cap. 56.

Græci vocant Pana.⁽¹⁾ Nonnulli eam ab Idi Pastore Agrigentino ex Sicilia.⁽²⁾ Fistula autem dicta, quod vocem emittat. Nam Græcè phos vox, stola missa appellatur.

7 Sambuca in Musicis species est symphoniarum. Est enim genus ligni fragilis, undè, & tibiæ componuntur.

8 ⁽³⁾ Pandura ab inventore vocatas: de qua Virg. Pan primus calamos cera conjungere plures Instituit, Pan curat oves, oviumque magistros. Fuit enim apud gentiles Deus pastoralis, qui primus dispare calamos ad cantum aptavit, & studiosa arte composuit.

CAPUT XXII.

De tertia divisione, quæ Rhythmica nuncupatur.

1 **T**ertia est divisio rhythmica pertinet ad nervos, & pulsum cui dantur species cithararum diversarum, tympanum, & cymbalum, sistrum, acitabula ænea, & argentea, vel alia, quæ metallico rigore percussa reddunt cum suavitate tinnitum, & cætera hujusmodi.

2 Citharæ, ac Psalterii repertor Jubal: ut prædictum est, perhibetur. Juxta opinionem autem Græcorum ⁽⁴⁾ citharæ usus repertus fuisse ab Apolline creditur. Forma citharæ initio si-

milis fuisse traditur pectori humano, quod uti vox de pectore, ita ex ipsa cantus ederetur, appellataque eadem de causa. Nam pectus Dorica lingua *κίθρα* vocatur. Paullatim autem plures ejus species extiterunt: ⁽⁵⁾ ut Psalteria, lyræ, barbiti, phœnices, & pectides, & quæ dicuntur indicæ, & feriuntur à duobus simul. Item aliæ, atque aliæ, & quadrata forma, & trigonali.

3 Chordarum etiam numerus multiplicatus est, & commutatum genus. Veteres autem citharam fiduculam, vel fidem nominaverunt: quia tam concinunt inter se chordæ ejus, quam benè conveniunt inter quos fides sit. Antiqua autem cithara septem chordis erat, undè Virgilius, septem discrimina vocom. Discrimina autem ideò, quòd nulla chorda vicinæ chordæ similem sonum reddat: sed ideò septem chordæ, vel quia totam vocem implent: vel quòd septem motibus sonat Cælum.

4 Chordas autem dictas à corde: quia sicut pulsus est cordis in pectore, ita pulsus chordæ in cithara. Has primus Mercurius excogitavit: idemque prior ⁽⁶⁾ nervos in sonum strinxit.

5 Psalterium, quod vulgo canticum dicitur, à psallendo nominatum: quòd ad ejus vocem chorus consonando respondeat. Est autem similitudo citharæ barbaricæ ⁽⁷⁾ in modum Δ litteræ. ⁽⁸⁾ Sed Psalterii, & citharæ hæc

(1) Ab Ide Pastore. Rom. C. ab uno pastore. Quid si vox mutilata ex Daphnide, quem Diod. lib. 8. Bucolici carminis auctorem facit, quod A. Augustino non displicebat?

(2) Nam Græcè phos vox. Visum est codicum simpliciore scripturam sequi, si quid forte veri crepant. Nam idem aliquoties repetit Isidorus. quæ non longè aberat.

(3) Pandura. Ab Assyrii inventam scribit Pollux, lib. 4. Varr. lib. 7. Cur non à cithara, & Psalterio, & Pandura.

(4) Cap. XXII. Citharæ usus ab Apolline. Bion.

ὅτι ἵσχυι παλαιότερόν τῶν, ὡς ἀνὰ Δ' ἔθενται.

ὅτι καὶ ἐν Εὐρώπῃ, κίθραν δ' ὡς ἀπὸς ἀπόλλωνος.

(5) Ut Psalter. barb. Vid. Athen. lib. 14. c. Pollux.

(6) Nervos in sonum strinxit. Mendozè libri o. in nervos sonum strinxit. Tertull. lib. de Coron. mil. cap. 8. Sed, & si nervos idem (Mercurius) in sonum strinxit, non negabo, & hoc ingenium cum sanctis fecisse.

(7) In modum Δ. Cassiod. in Prolog. in Ps. Psalterium est (ut Hieronymus ait) in modum Δ litteræ formati ligni sonora concavitas.

(8) Sed Psalter. & cithar. Ex August. in Ps. 80.

hæc est differentia: quòd Psalterium lignum illud concavum undè sonus redditur superius habet, & deorsum feruntur chordæ, & desuper sonant. Cithara verò concavitatem ligni inferius habet. ⁽¹⁾ Psalterio autem Hebræi decachordo usi sunt propter numerum decalogum legis.

6 Lyra dicta ἀπὸ τοῦ λυρεῖν, à varietate vocum, quod diversos sonos efficiat. Lyram primùm à Mercurio dicunt inventam fuisse, hoc modo. ⁽²⁾ Cùm regrediens Nilus in suos meatus varia in campis reliquisset animalia, relicta etiam testudo est, quæ cùm esset putrefacta, & nervi ejus remansissent extenti intra corium: percussa à Mercurio sonitum dedit, ad cujus speciem Mercurius lyram fecit, & Orpheo tradidit, qui erat hujus rei maximè studiosus. Undè, & æstimatur eadem arte non feras tantùm, sed, & saxa, atque sylvas cantus modulatione allucuisse. Hanc Musici propter studii amorem, & carminis laudem, etiam inter sidera suarum fabularum commentis collocatam esse finxerunt.

7 Tympanum est pellis, vel corium ligno ex una parte extentum. Est enim ⁽³⁾ pars media symphonix in similitudinem cribri. Tympanum autem dictum, quod medium est. Undè, & ⁽⁴⁾ margaritum medium tympanum dicitur, & ipsum ut symphonia ad virgulam percutitur.

8 ⁽⁵⁾ Cymbala acitabula quædam sunt, quæ percussa invicem se tangunt, & sonum faciunt. ⁽⁶⁾ Dicta autem cymbala, quia cum ballematia simul percutiuntur. Ità enim Græci dicunt cymbala ballematica.

9 Sistrum ab inventrice vocatum. Isis enim Ægyptiorum Regina, id genus invenisse probatu. Juvenalis, Isis, & irato feriat mea lumina sistro. Indè, & hoc mulieres percutiunt, quia inventrix hujus generis mulier. Undè, ⁽⁷⁾ & apud Amazonas sistro ad bellum foeminarum exercitus vocabatur.

10 Tintinabulum de sono vocis nomen habet, sicut, & plausus manuum, stridor valuarum.

I I ⁽⁸⁾ Symphoniam vulgo appellatur lignum cavum, ex utraque parte, pelle extenta, quam virgulis hinc, & indè Musici feriunt. Fitque in ea ex concordia gravis, & acuti suavissimus cantus.

CAPUT XXIII.

De Musicis numeris.

I Números autem secundùm Musicam, ità queris. Positis extremis, ut putà vi. & xii. vides quot monadibus superetur, vi. à xii. & est vi. monadibus: ducis per quadratum, sexies seni faciunt xxxvi. Conjungis extrema illa prima vi. ac xii. simul efficiunt xviii. Partiris xxxvi.

(1) Psalterio autem Hebræi decachord. Nam apud alios novum tantum chordas habuisse ait Athenæus.

(2) Cùm regrediens Nilus—allucuisse. Ex Comment. Arat. in Lyr. & Hygin. lib. 2.

(3) Pars media symphonix. Sic supra cap. 10. Sambuca species est symphoniar.

(4) Margaritum medium tympanum. Tympanum vocat Plin. lib. 9. cap. 35.

(5) Cymbala, & acitabula. Aug. in Ps. 150. Cymbala invicem se tangunt: ut bene sonent, idèd à quibusdam labiis nostris comparantur.

(6) Dicta autem cymbala, quia cum ballematis. Interdicitur ballemator, usus in natalitiis sanctior. Concil. Tol. III. Canon. ultim. Ballematium verò ἀπὸ τοῦ λαλῆσαι, opinor dictum. Est autem βαλλῆσαι, ut ait Suidas, τὰ κτύματα κτύπειν, καὶ πρὸς τὸν ἱκτῖνον ὑκὲν ἐρχεσθαι. Unde nostrum quoque ballar.

(7) Unde apud Amazonas. Quas ad calamos arma tractasse ait Capella lib. 9. sed Isidor. magis videtur respexisse ad Virgili cæmen. Regina in mediis patrio vocat agmina sistro. Æn. 8.

(8) Symphonia. Hieronym. ad Damas. epist. 146. Male quidam Latinorum Symphoniam putant esse genus organi, cum concors in Dei laudib. concentus hoc vocabulo significetur. Symphonia quippè consonantia exprimitur in Latino. Quæ locus Hieronymi, Isidorum proculdubio non fugit; invaluisse tamen consuetudinem: ut pro organi quodam genere illa atate usurparetur, apparet ex ejus verbis: Symphonia vulgò appellatur.

xxxvi. per xviii. efficitur dipondius. Hos jungis cum summa minore, scilicet vi. erunt viii. & erit medium inter vi. & xii. Propterea, quod viii. superant vi. duabus monadibus, ⁽¹⁾ id est, tertia de sex, & superantur viii. à xii. iiii. monadibus, tertia portione. Qua parte ergo superat, eadem superatur. Sed hæc ratio quemadmodum in mundo est, ex volubilitate circularum: ita, & in microcosmo in tantum præter vocem valet: ut sine ipsius perfectione, etiam homo symphonias carens non consistat. Ejusdem Musicæ perfectione, etiam metra consistunt, in arsi, & thesi, id est, elevatione, & positione.

DE ASTRONOMIA.

CAPUT XXIV.

De Astronomiæ nomine.

I Astronomia ⁽²⁾ est astrorum lex, quæ cursus siderum, & figuras, & habitudines stellarum, circa se, & circa terram indagabili ratione percurrit.

CAPUT XV.

De Inventoribus ejus.

I Astronomiam primi Ægyptii invenerunt. Astrologiam verò, & nativitatibus observantiam Caldæi primi docuerunt. Abraham autem instituisse Ægyptios astrologiam, Josephus auctor asseverat. Græci autem dicunt hanc artem ab Atlante prius excogitam; ideoque dictus est sustinuisse Cælum. Quisquis autem ille fuit motu Cæli, & ratione ani-

mæ excitatus per temporum vices, per astrorum ratos, definitosque cursus, per intervallo- rum spatia moderata, & consideravit dimensiones quasdam, & numeros, quæ definiendo, ac secernendo in ordinem necens astrologiam reperit.

CAPUT XVI.

De Institutoribus ejus.

I IN utraque autem lingua diversorum quidem sunt de Astronomia scripta volumina: inter quos tamen Ptolemæus apud Græcos habetur præcipuus, hic etiam, & canones instituit, quibus cursus astrorum inveniantur.

CAPUT XXVII.

De differentia Astronomiæ, & Astrologiæ.

I Nter astronomiam, & astrologiam aliquid differt. Nam astronomia conversionem Cæli, ortus, obitus, motusque siderum continet, vel qua ex causa ita vocentur. Astrologia verò partim naturalis, partim superstitiosa est. Naturalis dum exequitur Solis, & Lunæ cursus, vel Stellarum, certasque temporum stationes. Superstitiosa verò est illa quam Mathematici sequuntur, qui in stellis augurantur, quique etiam duodecim signa per singula animæ, vel corporis membra disponunt, siderumque cursu nativitates hominum, & mores prædicere conantur.

CA-

(1) Cap. XXIII. Id est, tertia de sex. In scribendis numeris, Chaconi sumus assensi: ut rejiceremus adverbium quoddam obsoletum, quæ in excusis, & m. leguntur, quæ si quis malit, ejusmodi plura apud Vo-us. Macianum inveniet.

(2) Cap. XXIV. Astronom. Eadem supra lib. 2. cap. 25.

CAPUT XXVIII.

De Astronomiæ ratione.

Astronomiæ ratio, modis plurimis constat. Definit enim quid sit mundus, quid Cœlum, quid sphaeræ situs, & cursus, & quid axis Cœli, & poli, quæ sint climata Cœli, qui cursus Solis, & Lunæ, atque astrorum, &c.

CAPUT XXIX.

De Mundo, & ejus nomine.

Mundus ⁽¹⁾ est is, qui constat ex Cœlo, & terra, mari, cunctisque sideribus. Qui idcirco mundus est appellatus, ⁽²⁾ quia semper in motu est: nulla enim requies ejus elementis concessa est.

CAPUT XXX.

De forma Mundi.

Formatio mundi, ita demonstratur. ⁽³⁾ Nam quemadmodum erigitur mundus in Septentrionalem plagam, ita declinatur in Australem. ⁽⁴⁾ Caput autem ejus, & quasi facies, orientalis regio est: ultima pars septentrionalis est.

CAPUT XXXI.

De Cœlo, & ejus nomine.

Cœlum Philosophi rotundum, volubile, atque ar-

dens esse dixerunt, ⁽⁵⁾ vocatumque hoc nomine, eò quòd tanquam cœlatum impressa habeat signa stellarum. Distinxit enim id Deus claris luminibus, & implevit Solis scilicet, & Lunæ orbe fulgenti, & astrorum micantium splendentibus signis adornavit. Hic autem Græcè *ἐπ' αὐτὸν* dicitur ἀπὸ τοῦ ὁρᾶσθαι, id est, à videndo, eò quòd aër perspicuus sit, & ⁽⁶⁾ ad speculandum purior.

CAPUT XXXII.

De Situ sphaeræ cœlestis.

Sphaera ⁽⁷⁾ Cœli est species quædam in rotundum formata, cujus centrum terra est ex omnibus partibus æqualitèr conclusa. Hanc sphaeram nec principium habere, (dicunt) nec terminum, idèò quòd in rotundum quasi circulus, undè incipiat, vel ubi desinat non facilè comprehenditur. Philosophi autem mundi septem Cœlos, id est, planetas globorum consono motu introduxerunt, ⁽⁸⁾ quorum orbibus connexa memorant omnia, quos sibi innexos, & velut insertos versari retrò, & è contrariò certis motibus ferri arbitrantur.

CAPUT XXXIII.

De Motu ejusdem.

Sphaeræ ⁽⁹⁾ motus duobus axis volvitur quorum unus est septentrionalis, qui numquam occi-

(1) Cap. XXIX. Mundus est. Hyginus (2 quo multa Isidor.) Astron. cap. 1. Mundus appellatur is, qui constat ex Sole, & Luna, & terra, & omnibus stellis.

(2) Quia semper in motu est. Nempè quasi movendus. Vid. lib. 13. cap. 1.

(3) Cap. XXIX. Nam quemadmodum Virg. Georg. 1. Mundus, ut ad Scythiam, Rhiphasque arduus arcus. Consurgit, præmitur Libiæ devexus in austos.

(4) Caput autem. Aristoteles tamen Australem verticem caput facit, secutus, ut quibusdam videtur, Homerum. Sed Philosophorum hac de re placita. Vid. apud Plutarch.

(5) Cap. XXXI. Vocatumque. Ex Ambros. 1. Hexam. cap. 4.

(6) Ad speculandum. Ex eodem lib. 3. cap. 22.

(7) Cap. XXXII. Sphaera Cœli est speci. Hoc caput ex Hygin. Astron. cap. 1. & Ambros. 1. & 2. Hexam. & ex Somn. Scip. continnatum est.

(8) Philosophi autem—arbitrantur. Ex Ambros. 2. Hexam. cap. 2. Cicero. Novem tibi orbibus, vel potiùs globis connexa sunt omnia, &c.

(9) Cap. XXXIII. Sphaeræ motus duobus axib. Id est, polis, quomodo alii quoque interdum loquuntur.

cidit: ⁽¹⁾ appellaturque Boreus: alter Australis, qui nunquam videtur, & ⁽²⁾ Austronotius dicitur. His duobus polis moveri sphaeram Cœli dicunt, & ⁽³⁾ cum motu ejus sidera in ea fixa ab Oriente, usque ad Occidentem circumire: Septentrionibus breviores gyros juxta cardinem peragentibus.

CAPUT XXXIV.

De Cursu ejusdem sphaerae.

Sphaera Cœli ab Oriente in Occidentem semel in die, & nocte vertitur xxiiii. horarum spatiis, quibus Sol cursum suum supra terras, & sub terra sua volubilitate concludit.

CAPUT XXXV.

De celeritate Cœli.

Tanta celeritate Cœli sphaera dicitur currere: ut nisi adversus præcipientem ejus cursum astra current, quæ eam remorarentur, mundi ruinam facerent.

CAPUT XXXVI.

De Axe Cœli.

Axis ⁽⁴⁾ est Septentrionalis linea recta, quæ per mediam pilam sphaeræ tendit, & dictus ⁽⁵⁾ axis, quod in eo sphaera: ut rota volvitur, vel quia ibi plaustrium est.

CAPUT XXXVII.

De Cœlestibus Polis.

Poli ⁽⁶⁾ sunt circuli, qui currunt per axem. Horum alter est Septentrionalis, qui nunquam occidit, appellaturque Boreus: alter Australis, qui nunquam videtur, & Austronotius dicitur. Et dicti poli, quod sint axium cycli ex usu plaustrium, à poliando scilicet nominati, sed polus Boreus semper videtur, Austronotius nunquam: quia dextra Cœli altiora sunt, pressa Austri.

CAPUT XXXVIII.

De cardinibus Cœli.

Cardines Cœli extremæ partes sunt axis. Et dicti cardines, eò quod per eos vertitur Cœlum, vel quia sicut cor volvuntur.

CAPUT XXXIX.

De convexis Cœli.

Convexa autem Cœli, extrema ejus sunt à curvitate dicta, undè est illud: Convexum quoties claudit nox humida Cœlum. ⁽⁷⁾ Convexum enim curvum est, seu inclinatum, & in modum circuli flexum.

CAPUT XL.

De Januis Cœli.

Janua ⁽⁸⁾ Cœli duæ sunt, Oriens, & Occasus. Nam una porta Sol procedit, alia se recipit.

CA-

(1) Appellaturque Boreus, sic etiam appellatur à Serv. Georg. 2.

(2) Et Austronotius. Al. Austronotus, & Hygino Notius, sed in Comment. in Arat. Austronotus, ut etiam inf. cap. 16.

(3) lib. 13. cap. 5.

(4) Et cum motu ejus sidera in ea fix. Aug. de Gen. ad lit. lib. 2. cap. 10.

(5) Cap. XXXVI. Axis est Septentrional. Sic rursus lib. 13. cap. 5. & Serv. 2. En. Axis est, aut plaustrium Septentrionale, aut pars Septentrionis. Delebat tamen vocem Septentrionalis Chacon, à quo non dissentimus.

(6) Et dictus axis, quoniam cap. 32. axium, cardinum, & polorum meminerat, eorum nunc etymologias reddit.

(7) Cap. XXXIX. Convexum à Serv. Eclog. 4. repetitur lib. 13. cap. 5.

(8) Cap. XL. Janua lib. 13. cap. 1.

CAPUT XLI.

De gemina facie Cœli.

Facies Cœli, vel caput, Orientalis regio : ⁽¹⁾ ultima Septentrionalis. De qua Lucanus : Sic mundi pars ima jacer, quam Zona Nilvalis, perpetuæque premunt hyemes.

CAPUT XLII.

De quatuor partibus Cœli.

Climata ⁽²⁾ Cœli, id est, plagæ, vel partes quatuor sunt, ex quibus prima pars Orientalis est, undè aliquæ Stellæ oriuntur. Secunda Occidentalis, ubi nobis aliquæ Stellæ occidunt. Tertia Septentrionalis, ubi Sol pervenit in diebus majoribus. Quarta Australis, ubi Sol pervenit noctibus majoribus. Oriens autem ab exortu Solis est nuncupatus. Occidens, quod diem faciat occidere, & interire. Abscondit enim lumen mundo, & tenebras superinducit, Septentrio autem, à septem Stellis axis vocatur, quæ in ipso revolutæ rotantur. Hic propriè, & vertex dicitur, eò quod vertitur. Meridies autem vocatur, vel quod ibi Sol facit medium diem, quasi medidies, vel quia tunc purius micat æther. Merum enim purum dicitur. Sunt, & alia septem climata Cœli, quasi septem lineæ ab

Oriente in Occidentem, sub quibus, & mores hominum dispares, atque animalia specialitèr diversa nascuntur: quæ vocata sunt à locis quibusdam famosis, quorum primus est Meroe, secundus Siene, ⁽³⁾ tertius Catachoras, id est, Aphrica, quartus Rhodus, quintus Hellespontus, sextus Mesopontus, septimus Boristhenes.

CAPUT XLIII.

De Hemisphæriis.

Hemisphærium dimidia pars sphæræ est Hemisphærium supra terras est ea pars Cœli, quæ à nobis tota videtur : Hemisphærium sub terra est, quæ videri non potest, quamdiù sub terra fuerit.

CAPUT XLIV.

De quinque circulis Cœli.

Zonæ Cœli quinque sunt, quarum distinctionibus quædam partes temperie sua incoluntur, quædam immanitate frigoris, aut caloris inhabitabiles existunt. Quæ ideò, & Zonæ, vel circuli appellantur, eò quod in circumductione sphæræ existunt. Quorum primus circulus ideò Arcticus appellatur, eo ⁽⁴⁾ quod intra eum Arctorum signa inclusa perspiciuntur. ⁽⁵⁾ Secundus circulus ex eo *ἡερινὸς τροπικὸς* dicitur, quia in eo circulo

(1) Cap. XLI. Ultima Septentrio. Vocem Lucani ima, ultimam interpretatur Isidorus. Alioquin quomodo ima pars Septentrionalis, si (ut cap. 29. dixit) mundus in Septentrionalem plagam erigitur. Itaque laborat, ut Virgilium cum Lucano conciliet. Idem vidit Servius, qui ad Virgilii verba, Mundus : ut ad Scythiam, jam, inquit, definitio est nostri climatis, id est, nostræ habitationis, quæ à Septentrione incipiens in Australi plaga desinit. Minus videt, qui his in Isidoro ima pro ultima reponere conatus sit ad Lucanum solum respiciens.

(2) Cap. XLII. Climata Cœli. Ex Hieronymo, in Ezech. cap. 6.

(3) Tertius Catachoras. Catagoras, cathocoras, cathagorini, & catagorini habent ms. & Voces, id est, Aphrica absunt à Romano C. & foris à Cassiodoro hinc allata, ille n. Tertius Aphrica. Capella Tertius Dialexandrias quod ducitur per Cyrenas in Aphricam Cartagini ab Austro adjacentem, ex quo quidam, Tertius Cyrenæ in Africa faciebat. Alius catagoras, catamiscoras interpretabatur, esse n. Miscoram portum in Mauritania, Chacon superioribus verbis annectebat, à locis famosis nata *χώρα*.

(4) Cap. XLIV. Quod intra eum Arctor. s. o. Gotth. tum hic, tum lib. 13. cap. 6. Hyginus lib. 3. cap. 1. de Polo Arctico, quo utraq; Arcti nixæ vehuntur Arctico circulo inclusæ. Nequè verò Arcturi, quod est in excusis displicet. Nam idem Hyg. lib. 1. Astron. (unde hæc sumpta videntur) qui circulus (inquit) Arcticus appellatur, quod intra eum Arcturi simulacra : ut inclusa perspiciuntur, quæ signa à nobis ursarum specie ficta, Septentriones appellantur. Et Arat. interp. Duo sunt Arcturi quorum majorem vocant Helicen, & paullo post. Arcturus minor, &c.

(5) Secundus circulus Verba Hygini lib. 1. de Astron. *ἡερινὸς* n. Latine dicitur dies æquinox. Quod si verbum ipsum redderemus, æquidialis potius nominaretur. Quomodo antiquos locutos tradit Festus his verbis : æquidiale apud

lo Sol Aquilonis finibus æstatem faciens ultra eum circulum non transit, sed estatim revertitur, & inde tropicus appellatus. Tertius circulus *ισσημερινός*, quia latinis ideò æquinoctialis appellatur, eò quòd Sol cùm ad eum orbem pervenerit, æquinoctium facit (*ισσημερινός* enim latinè dies dicitur æquinox) quo circulo dimidia sphaeræ pars constituta perspicitur. Quartus circulus Antarcticus vocatur, eò quòd contrarius sit circulo; quem Arcticum nominamus. Quintus circulus *χειμερινός τροπικός*, qui à latinis hyemalis, sive brumalis appellatur, ideò quia Sol cùm ad eum circulum pervenerit, hyemem iis, qui ad Aquilonem sunt facit, æstatem autem iis, qui in Austri partibus commorantur.

CAPUT XLV.

De circulo Zodiaco.

Zodiacus ⁽¹⁾ autem circulus est, qui ex linearum quinque angulis, & ex una linea constat.

CAPUT XLVI.

De candido Circulo.

Lacteus circulus via est, quæ in sphaera videtur, à cando-re dicta, quia alba est, ⁽²⁾ quam aliqui dicunt viam esse ⁽³⁾ qua circuit Sol, & ex splendoris ipsius transitu ita lucere.

CAPUT XLVII.

De magnitudine Solis.

Magnitudo Solis ⁽⁴⁾ fortior est terra, undè, & eodem momento quo oritur, & Orienti simul, & Occidenti æqualitèr apparet. Quia verò tanquam cubitalis nobis videtur, considerare oportet quantum Sol distat à terris: quæ longitudo facit, ut parvus videatur nobis.

CAPUT XLVIII.

De magnitudine Luna.

Magnitudo quoque Lunæ minor fertur esse, quam Solis. Nam dùm Sol ⁽⁵⁾ superior sit à Luna, & tamen à nobis major, quam Luna videatur: jam si propè nos accessisset, multò major, quam Luna conspiceretur. Sicut autem fortior est Sol terra, ita terra fortior Luna per aliquam quantitatem.

CAPUT XLIX.

De natura Solis.

SOL ⁽⁶⁾ dum igneus sit, præ nimio motu conversionis suæ ampliùs incalescit. ⁽⁷⁾ Cujus ignem dicunt philosophi aqua nutrirì, & è contrariò elemento virtutem luminis, & caloris accipere. Undè videmus eum sæpius madidum, atque rorantem.

CA-

antiquos dictum est, quod nunc dicimus æquinoctiale, quia nox diei potius, quàm dies nocti adnumerari debet. Graeci à die, nostra nocte nomen fecimus. Neque tamen dissimulabimus in omnibus libris legi, Homerinos enim latinè dicitur dies, atque nox, duobus exceptis Tarracensisibus, à quibus voces, atque nox, absunt. Chacon ita, *quæ n. Latine dicitur dies, atque nox; voluisse namque Isidorum huiusmodi appellatione diem, noctemque contineri, quomodo etiam edidit Vulcanius. Hygini lib. 1. Deinde ducitur circulus æquinoctialis Græcis Isemertinos appellatus, ideò quòd Sol cùm ad eum orbem pervenit, æquinoctium conficit. Hoc circulo factò dimidia sphaeræ pars constituta perspicitur.*

(1) Cap. XLV. Zodiacus. Ita o. libri, quo sensu, non planè dixerim, aliter lib. 13. cap. 6. Sed illa quoque, ut aliena à Gothicis absunt.

(2) Cap. XLVI. Quam aliqui dicunt. Metrodorus, ut refert Plutarch.

(3) Quia circuit Sol. Curvis R. ut lib. 13. cap. 5.

(4) Cap. XLVII. Fortior est terra. i. major, ut c. seq. *Ch. sup. cap. 6. Fortiorem numerum non semel dixit.*

(5) Cap. XLVIII. Superior sit à Luna. De hac constructione diximas in cap. 5. locus autem ex Hygini lib. 4. c. de Luna.

(6) Cap. XLIX. Sol dum igneus sit. Ex Comment. Arat. in fin.

(7) Cujus ignem dicunt philosophi. Cleanthes eam opinionem tribuit Cicero 2. de Nat. Deor. *Ch. 3. Alii autem Solem, Lunam, reliqua astra aquis, alia dulcibus, alia marinis: eamque causam Cleanthes affert, curse Sol referat, nec longius progrediat in solstitiali orbe, itaque brumali, ne longius discedat à cibo. Lucretius quoque de Sideribus lib. 5.*

Sive

CAPUT L.

De cursu Solis.

I **S**olem ⁽¹⁾ per seipsum moveri, non cum mundo verti dicunt. Nam si fixus Cœlo maneret, omnes dies, & noctes æquales existerent: sed quoniam alio loco cras occasurum, alio occidisse hesterno videmus: apparet eum per seipsum moveri, non cum mundo verti. Spatiis enim inæqualibus orbis annuos conficit propter temporum mutationes. Nam vadens longius ad meridiem, hyemem facit, ut hybernis humoribus, ac pruinis terra pinguescat. Accedens propius ad Septentrionem, æstatem reddit: ut fruges maturitate durentur, & quæ sunt in humidis incocta, fervefacta mitescant.

CAPUT LI.

De effectu Solis.

I **S**OL Oriens diem facit, Occidens noctem inducit: nam dies est Sol super terras, nox est Sol sub terris. ⁽¹⁾ Ex ipso enim sunt horæ: ex ipso dies, cum ascenderit: ex ipso etiam nox cum occiderit: ex ipso menses, & anni numerantur: ex ipso vicissitudines fiunt temporum. Quando autem per meridiem currit, vicinior est terræ: quando verò juxta Septentrionem, ⁽²⁾ sublimis attollitur. I Cui idem Deus diversos cursus constituit, loca, & tempora, ne dum semper eisdem

moraretur locis: quotidiano vapore ejus universa consumerentur, sicut Clemens ait: Cursus diversos accipit, quibus aëris temperies pro ratione temporum dispensatur, & ordo vicissitudinum, permutationumque servatur. Nam dum ad superiora conscenderit, ver temperat: ubi autem ad summum Cœli venerit, æstivos accendit calores: descendens rursus autumno temperiem reddit. Ubi verò ad inferiorem reddit circulum: ex glaciali compage Cœli rigorem nobis hyberni frigoris derelinquit. I

CAPUT LII.

De itinere Solis.

I **S**OL Oriens per meridiem iter habet, qui postquam ad Occasum venerit, & Oceano se tinxerit, ⁽⁴⁾ per incognitas sub terra vias vadit, & rursus ad Orientem recurrit.

CAPUT LIII.

De lumine Lunæ.

I **L**Unam ⁽⁵⁾ quidam philosophi dicunt proprium lumen habere, globique ejus unam partem esse lucifluam, aliam verò obscuram, & paulatim se vertendo diversas formas efficere. ⁽⁶⁾ Alii è contrà ajunt, Lunam non suum lumen habere, sed Solis radiis illuminari. Undè, & eclipsim patitur, si inter ipsam, & Solem umbra terræ se interponat.

H

CA-

Sive aliundè fluens alicundè extrinsecus alit
Versat agens ignes: sive ipsi serpere possunt,
Quo ejusque cibis vocat, atque invitat euntes,
Flammea per Cœli pascetes corpora passim.

Et Solem ex ignibus ab humidis vaporibus collectis coagm-matum, nubemque quamdam ustulantem esse, Xenophanes
ajebat. Vid. Plutarch. Plin. & Arat. Comment.

(1) Cap. L. Solem per seips. Pleraq. ex Hygin. lib. 4. cap. de Sole.

(2) Cap. LI. Ex ipso n. temporum. Verba Clem. VIII. Recogn.

(3) Sublimis attollitur. Reliqua, quæ in excusis libris leguntur absunt a. ms. & allata huc sunt è cap. 17. libri de Naturæ rer. ad Sisebut.

(4) Cap. LII. Per incognitas sub terra vias. Cognitas jam nostrorum hominum diligentia.

(5) Cap. LIII. Lunam quidam. Ex Arat. Comment.

(6) Alii è contrà. Sensum quidam ex iisdem Commentariis, sed verba ex Hieronymo mutatus est in Isaia cap. 66.

CAPUT LIV.

De formis Lunæ.

PRIMA figura Lunæ bicornis est. ⁽¹⁾ Secunda sc̄tilis. Tertia dimidia. Quarta plena. Quinta iterum dimidia ex maiore. Sexta iterum sc̄tilis. Septima bicornis.

2 Septima iterum semis, & vicesima secunda semis in suo orbe mediæ sunt : cæteræ proportionales sunt.

CAPUT LV.

De interlunio Lunæ.

INTERLUNIMUM Lunæ est tempus, illud inter deficientem, & nascentem Lunam. Est autem tricessima dies, qua Luna non lucet. Quæ ideò tunc videri non potest, quia Soli conjuncta obscuratur : sed eodem momento renascens paulatim ab eo recedendo videtur.

CAPUT LVI.

De cursu Lunæ.

LUNA amissi, ac recepti luminis vicibus menstrua spatia moderatur. ⁽²⁾ Quæ ideò obliquo, & non recto incedit cursu, ut Sol : nè incidat in centrum terræ, & frequenter patiatur eclipsim. Vicinus est enim circulus ejus terræ. Crescens autem Orientem cornibus spectat : decrescens Occidentem : meritò, quia occasura, & amissura est lumen.

CAPUT LVII.

De vicinitate Lunæ ad terras.

LUNA terris vicinior est, quàm Sol. Indè, & breviori orbe

celerius peragit cursum suum. Nam iter, quod Sol in diebus CCCLxv. peragit ; ista per triginta dies percurrit. Undè, & antiqui menses in Luna, ante nos autem in Solis cursu posuerunt.

CAPUT LVIII.

De Eclipsi Solis.

ECLIPSIS ⁽³⁾ Solis est, quotiès Luna tricessima ad eandem lineam, qua Sol vehitur pervenit, eiquè se objiciens Solem obscurat. Nam deficere nobis Sol videtur, dum illi orbis Lunæ opponitur.

CAPUT LIX.

De Eclipsi Lunæ.

ECLIPSIS Lunæ est quotiès in umbram terræ Luna incurrit. Non enim suum lumen habere, sed à Sole illuminari putatur, undè, & defectum patitur, si inter ipsam, & Solem umbra terræ interveniat. Patitur autem hoc decima quinta Luna eousque, quamdiù centrum, atque umbram obstantis terræ exeat, videatque Solem, vel à Sole videatur.

CAPUT LX.

De differentia Stellarum, Siderum, & Astrorum.

STELLÆ, & Sidera, & Astra inter se differunt. Nam Stella est quælibet singularis. Sidera verò sunt Stellis plurimis facta : ut Hyades, Plejades. Astra autem sunt Stellæ grandes : ut Orion, Bootes. Sed hæc nomina Scriptores confundunt, & Astra pro Stellis, & Stellas pro Sideribus ponunt.

CA-

(1) Cap. LIV. Secunda sc̄tilis, sexta iterum sc̄tilis. *Al. utrobique, sextilis.*

(2) Cap. LVI. Quæ ideò incidit. *E Servio. Æn. 1. ad V. Hic canit errantem Lunam.*

(3) Cap. LVIII. Eclipsis. *Ex interprete Arat. propè fin.*

CAPUT LXI.

De lumine Stellarum.

STELLÆ non habere proprium lumen, sed à Sole illuminari dicuntur, sicut, & Luna.

CAPUT LXII.

De Stellarum situ.

STELLÆ immobiles sunt, & cum Cœlo fixæ perpetuo motu feruntur, nequē cadunt per diem, sed Solis splendore obscurantur.

CAPUT LXIII.

De cursu Stellarum.

SIDERA, aut feruntur, aut moventur. Feruntur, quæ Cœlo fixa sunt, & cum Cœlo volvuntur. Moventur verò quædam, sicut Planetæ, i, erraticæ, quæ cursus suos vagos certâ tamen definitione conficiunt.

CAPUT LXIV.

De vario cursu Stellarum.

STELLÆ pro eo, quod ⁽¹⁾ per diversos orbes cœlestium planetarum feruntur: quædam celerius exortæ, seriùs occidunt, quædam tardiùs exortæ, citiùs ad occasum perveniunt. Aliæ paritèr oriuntur, & non simul occidunt: omnes autem suo tempore ad cursum proprium revertuntur.

CAPUT LXV.

De intervallis Stellarum.

STELLÆ inter se diversis intervallis distant à terra, propterea dispari claritate magis, minusvè nostris oculis apparent: nam multæ majores sunt iis, quas videmus conspicuas, sed longiùs positæ parvæ videntur à nobis.

CAPUT LXVI.

De numero circulari Stellarum.

NUMERUS circularis Stellarum est, per quem cognosci dicitur, in quanto tempore circulum suum unaquæque Stella percurrat, sivè per longitudinem, sivè per latitudinem. Nam Luna octo annis fertur explere circulum suum, Mercurius annis viginti, Lucifer annis novem, Sol annis decem, & novem, ⁽²⁾ Pyrois quindecim, Phaëton duodecim, Saturnus triginta. Quibus peractis ad reversionem circuli sui iisdem signis, & partibus revertuntur. Quædam sidera radiis Solis præpedita anomala fiunt, aut retrogada, aut stationaria, ⁽³⁾ juxta quod, & poëta meminit dicens: Sol tempora dividit ævi: Mutat nocte diem, radiisque potentibus astra ire vetat, cursusque vagos statione moratur.

CAPUT LXVII.

De Stellis Planetis.

QUÆDAM STELLÆ ideò Planetæ dicuntur, id est, errantes, quia per totum mundum va-

H 2

rio

(1) Cap. LXIV. Per diversos orbes cœlestium planetarum. Rom. C. Cœlestium polorum, ex quo parallelorum faciebant Chacon. Porro, quæ restant ex Hygini sunt præfatione.

(2) Cap. LXVI. Pyrois. Cum in omnibus libris esset Vesper, recte monuit Chacon, permutandas esse litteras. Ita n. Martem vocari ab omnibus, etiam ab Isid. cap. 70. Unde etiam corrigendus lib. 5. cap. 30. Vid. Cic. 2. de Nat. Deor. & Genes. cap. 13. de die Natali.

(3) Juxta quod, & poëta. Lucan. lib. 10. apud quem non ævi, sed anni legimus.

rio motu discurrunt. Undè pro eo, quod errant, retrogradæ dicuntur, vel anomalæ efficiuntur, id est, quando particulas addunt, & detrahunt. Cæterum quando tantum detrahunt retrogradæ dicuntur, stationem autem faciunt quando estant.

CAPUT LXVIII.

De præcedentia, & antegradatione Stellarum.

PRæcedentia, vel antegradatio Stellarum est, dum Stella motum suum consuetum agere videtur, & aliquid præter consuetudinem præcedit.

CAPUT LXIX.

De remotione, vel retrogradatione Stellarum.

REmotio, vel retrogradatio Stellarum est, quando Stella dum motum suum agit, simul, & retrorsum moveri videtur.

CAPUT LXX.

De statu Stellarum.

STatus Stellarum est, quia dum Stella semper movetur, tamen in aliquibus locis stare videtur.

CAPUT LXXI.

De nominibus Stellarum, quibus ex causis nomina acceperunt.

SOL appellatus è, quòd Solus appareat, obscura-

tis fulgore suo cunctis sideribus.

2 ⁽¹⁾ Luna dicta quasi Lucina, ablata media syllaba, de qua Virg. Casta fave Lucina. Sumpsit autem nomen per ⁽²⁾ derivationem à Solis luce, eo quòd ab eò lumen accipiat, acceptumque reddat.

3 Stellæ dictæ à stando, quia semper fixæ stant in Cœlo, nè cadunt. ⁽³⁾ Nam quod videmus de Cœlo Stellas quasi labi, non sunt Stellæ, sed igniculi ab æthere lapsi: qui fiunt dum ventus altiora petens æthereum ignem secum trahit, qui tractu suo imitatur Stellas cadentes. Nam Stellæ cadere non possunt: immobiles enim (ut prædictum est) sunt, & cum Cœlo fixæ feruntur.

4 ⁽⁴⁾ Sidera dicta, quòd ea navigantes considerando dirigunt ad cursum consilium, nè fallacibus undis, aut ventis aliò deducantur. Quædam autem Stellæ idcirco signa dicuntur, quia eas nautæ observant in gubernandis remigiis, contemplantes aciem, fulgoremque earum, quibus rebus status Cœli futurus ostenditur. Sed, & omnes homines ea intendunt ad prævidendas aëris qualitates per æstatem, & hyemem, vernalemque temperiem. Ortu enim, vel occasu suo, certis stationibus temporum qualitates significant.

5 Signorum primus Arctos, qui in axe fixus septem Stellis in se revolutis rotatur. Nomen est Græcum, quod latinè Ursa dicitur: quæ quia in modum plaustrum vertitur, nostri eam Septentrionem dixerunt. Triones enim propriè sunt boves aratorii, dicti eò, quòd terram terant quasi teriones. Septentriones autem non occidere axis

vi-

(1) Cap. LXXI. Luna dicta q. Lucina. Cic. Luna à lucendo nominata, eademque est Lucina.

(2) Per derivationem à Solis luce. Cicer. in Somn. Ex quibus illa, quæ ultima Cœlo, citima terris luce lucebat aliena ætheris, quæ sunt, &c.

(3) Nam quod videmus è Cœlo. Serv. Georg. 1. Quod autem videmus è Cœlo Stellas quasi labi ἀπόπτει sunt ignis.

(4) Sidera q. c. n. considerando. At Varro. Sidera quæ insidunt, atque ita significant aliquid in terris.

vicinitas facit : quia in eo sunt.

6 Arctophylax dicitur , quod Arcton, id est, Helicem ursam sequitur. Eundem, & Booten dixerunt, eò quòd plastro hæret: signum multis inspectabile Stellis, inter quas ⁽¹⁾ Arc-turus est. Arcturus est sidus post caudam majoris ursæ positum in signo Bootæ. Undè, & Arcturus dictus est, quasi ἀρκτου ὄρεα, quia Bootæ præcordiis collocata est. Oritur autem autumnali tempore.

7 Orion astrum ante Tauri vestigia fulget : & dictus Orion ab urina, id est, ab inundatione aquarum. Tempore enim hyemis obortus mare, & terras aquis, & tempestatibus turbat. ⁽¹⁾ Hunc Latini Jugulam vocant, quod sit armatus, ⁽¹⁾ ut gladio, & Stellarum luce terribilis, atque clarissimus : in quo, si effulgent omnia, serenitas portenditur ; si obscuratur his acies, tempestas cernitur imminere.

8 ⁽⁴⁾ Hyades dictæ ἀπὸ τοῦ ὕειν, id est, à succo, & pluviis. Nam pluvia græcè ὕερος dicitur. Ortu quippè suo efficiunt pluvias, undè, & eas Latini succulas appellaverunt: quia quando nascuntur pluviarum signa, monstrantur, de quibus Virgilius: Arcturum, pluviasque Hyadas. Sunt autem septem in fronte Tauri, & oriuntur tempore vernali. ⁽⁵⁾ Plejades à plura-

litate dictæ, quia pluralitatem Græci πλειότητα appellant. Sunt autem Stellæ septem ante genua Tauri, ex quibus sex videntur nam latet una. Has Latini Vergilias dicunt, à temporis significatione, quod est ver, quando exoriuntur. Nam occasu suo hyemem, ortu æstatem, primæque navigationis tempus ostendunt. Canicula Stella, quæ, & Sirius dicitur, æstivis mensibus in medio centro Cœli est, & dùm Sol ad eam ascenderit, conjuncta cum Sole, duplicatur calor ipsius, & dissolvuntur corpora, & vaporantur. Undè, & ex ipsa Stella dies caniculares dicuntur, quando, & molestæ sunt purgationes. Canis autem vocatur propterea, quòd corpora morbo afficiat. ⁽⁶⁾ Sirius propter flammæ candorem, quod ejusmodi sit, ut præ cæteris lucere videatur. Itaque quo magis eam cognoscerent, Sirion appellasse.

9 Cometes Stella dicta est, eò quòd comas luminis fundat ex se. Quod genus sideris quando apparuerit, aut pestilentiam, aut famem, aut bella significat. ⁽⁷⁾ Cometæ autem latine crinitæ appellantur, quòd in modum crinium flammæ spargunt, quas Stoici dicunt esse ultra xxx. quarum nomina, & effectus quidam Astrologi scripserunt.

10 Lucifer dictus, eò quòd inter

H 3

ter

⁽¹⁾ Arcturus sidus. V. Serv. *Æn.* 1.

⁽²⁾ Hunc Latini jug. Ex *Comm.* *Arat.*

⁽³⁾ Ut gladio. *Aratus* siquidem ἰσὶ πικροῦς. Cic. & dextra retinens non casum luminis ense. Varro; tamen non ad ense referit jugula etymon. Sic n. scribit. Citius Orion patet, hujus signi caput dicitur è Stellis tribus, quas infra duæ clare, quas appellant humeros; inter quæ, quod videtur jugulum, undè, & jugula dicta.

⁽⁴⁾ Hyades dict. Serv. *Æn.* 1. *Hyades dictæ ἀπὸ τοῦ ὕειν.* Latine succula à succo, & *Georg.* 1. *Hyades ἀπὸ τοῦ ὕειν* è quo apparet esse, quæ hoc loco confusa leguntur. *Arati quoque interpret.* Hyades (inquit) appellandibus Græcis, quod nostri à similitudine cognominis vocabulum eis Stellis propter succos impositum arbitrantur imperiti appellavere succulas. Cic. 1. de *Nat. Dior.* Has Græci Hyadas vocitate consueverunt à pliendo, ὕειν n. est pluere, nostri imperitè succulas, quasi à suis essent, non ab imbribus nominata.

⁽⁵⁾ Plejadas à pluralit. Ex *Arat.* *Comm.* Nam Serv. *Georg.* 1. ἀπὸ τοῦ πλείων i. navigando, quod ortu suo prima navigationis tempus ostendunt.

⁽⁶⁾ Sirius propter flammæ candore. Qui siquidem pro Sirius hoc loco legerunt, (ut est in plerisque omnibus manus.) officit eorum luminibus in canicula, & candore vocis similitudo, neque adverterunt cæpiam candore esse, & splendere, Isidorumque qui ante Canicula, quæ, & Sirius, dixisset, nunc utriusque nominis rationem reddere. Cum præsertim in *Arat.* *Commentariis*, unde sunt hæc ita scriptum sit. Sirius autem Stellam vocatam putant propter flammæ candorem. Postremo codicum varietas (nam in quibusdam sive, in aliis aut in aliis, vel ipsos satis coarguit, est verò propria Sirius (ut aut Serv. *Æn.* 10.) Stella in ore canis.

⁽⁷⁾ Cometæ autem Latine crinitæ. Serv. *Æn.* 10. Cometæ Latine crinitæ appellantur, & Stoici dicunt has Stellæ esse ultra xxxii. quarum nomina, & effectus Avienus, qui jam bicis scripsit Virgilio fabulas, memorat. Sed *Isid.* fortè ultra xxx. scripsit neglecto minori numero.

ter omnia sidera plùs lucem ferat , est autem unus ex planetis. Hic propriè , & jubar dicitur , eò ⁽¹⁾ quòd jubar lucis effundat , sed , & splendor Solis , & Lunæ , ac Stellarum jubar vocatur : quod in modum jubæ radii ipsorum extendantur.

11 ⁽²⁾ Hesperus Stella occidentalis , quam cognominatam perhibent ab Hespero Hispaniæ Rege. Est autem , & ipsa ex quinque Stellis planetis , noctem ducens , & Solem sequens. Fertur autem , quòd hæc Stella oriens Luciferum , occidens vespere facit , de qua Statius : -- & alterno deperditur unus in ortu. Planetæ Stellæ sunt , quæ non sunt fixæ in Cœlo : ut reliquæ , ⁽³⁾ sed in aëre feruntur. Dicti autem Planetæ ἀπὸ τῆς πλάνης , i. ab errore.

⁽⁴⁾ Nam interdum in Austrum , interdum in Septentrionem , plerumque contra mundum , nonnunquam cum mundo feruntur. ⁽⁵⁾ Quarum nomina Græca sunt Phaëton , Phænon , Pyrois , Hesperus , Stilbon.

12 Hos Romani nominibus deorum suorum , id est , Jovis , Saturni , Martis , Veneris , atque Mercurii sacraverunt. ⁽⁶⁾ Decepti enim , & decipere volentes , in eorum adulationem , qui sibi aliquid secundum amorem seculi præstitissent , sidera ostendebant in Cœlo , dicentes , quòd Jovis esset illud sidus , & illud Mercurii , & concepta est opinio vanitatis. Hanc opinionem erroris diabolus confirmavit , Christus evertit. Jam verò illa , quæ ab ipsis gentilibus signa dicuntur , in quibus , & animantium imago de Stel-

lis formatur : ut Arctos , Aries , Taurus , Libra , & hujusmodi alia , ii , qui sidera præviderunt , in numerum Stellarum speciem corporis superstitionis vanitate permoti finxerunt , ex causis quibusdam deorum suorum , & imaginis , & nomina conformantes.

13 Nam Arietem primum signum , cui : ut Libræ mediàm mundi lineam tradunt , propter Ammonem , Jovem ideò vocaverunt : in cæjus capite , qui simulacra faciunt Arietis cornua figunt. Quod signum Gentiles ideò inter signa primum constituerunt , quia in mense Martio , qui est anni principium , Solem in signo illo cursum agere dicunt , ⁽⁷⁾ sed , & Taurum inter sidera collocant , & ipsum in honorem Jovis , eò quòd in bovem sit fabulosè conversus , quando Europam transvexit.

14 ⁽⁸⁾ Castorem quoque , & Pollucem post mortem inter notissima sidera constituerunt , quod signum Gemini dicunt.

15 Cancrum quoquè indè dixerunt , eò quòd ad id signum mense Junio Sol dum venerit , retrograditur in modum cancri , brevioresque facit dies : hoc enim animal incertam habet primam partem , deniquè ad utramque partem gressum dirigit , ità , ut prior pars sit posterior , & posterior prior.

16 Leonem ingentem Hercules in Græcia occidit , & propter virtutem suam hunc inter duodecim signa constituit. Hoc signum Sol cum attigerit nimium calorem mundo reddit ,

&

(1) Quod jubar luc. d. Serv. *Æn.* 4. Ità portis jubare ex d. 1.

(2) Hesperus. Serv. *Æn.* 1. & 3.

(3) Sed in aëre fer. Ut multis est visum. Vid. Plin. lib. 2.

(4) Nam interdum ad Aust. Verba Serv. *Georg.* 1. ad versum : Quot ignis Cæli Cytlen.

(5) Quorum nomina Græc. Sive hæc ex Hygino , sive d. Cicerone sumpta sint ; illud certum est , Phaetonta Isidoro non esse Saturnum , ut sibi constet. Nam cap. 65. Phaetonta xii. annis cursum explere dixit , Saturnum verò xxx. Itaque frustra in hoc doctissimus vir laboravit. Vid. Plutarch. 2. de Plac. & Capell. 8. de Planet. Orb.

(6) Decepti n. & decipere vol. Ex Aug. in Pt. 93.

(7) Sed , & Taurum. Ex Arat. *Comm.*

(8) Castorem. Ex Hygini *Astr. lib.* 2.

& annuos flatus Etesias facit.

17 Virginis etiam signum idcirco intra astra collocaverunt, propter quod eisdem diebus in quibus Sol per illud decurrit, terra exusta Solis ardore nihil pariat, est enim hoc tempus canicularium dierum.

18 Libram autem vocaverunt ab æqualitate mensis ipsius, quia octavo Kal. Octobris Sol per illud signum currens æquinoctium facit. Unde, & Lucanus: ad iuxta pondera Libræ.

19 Scorpion quoque, & Sagittarium propter fulgura mensis ipsius appellaverunt.

20 Sagittarius vir equinis cruribus deformatus, cui sagittam, & arcum adjungunt: ut ex eo mensis ipsius fulmina demonstrentur. Unde, & Sagittarius est vocatus.

21 Capricorni figuram idcirco inter sidera finxerunt, propter capram Jovis nutricem, cujus posteriorem partem corporis in effigiem Piscis, ⁽¹⁾ idcirco formaverunt: ut pluvias ejusdem temporis designarent, quas solet idem mensis plerumque in extremis habere.

22 Porro Aquarium, & Pisces, ab imbribus temporum vocaverunt, quod hyeme, quando in his signis Sol vertitur, majores pluvie profunduntur. Et miranda gentiliū dementia, qui non solum pisces, sed etiam arietes, & hircos, & tauros, ursas, & canes, cancos, & scorpiones in Cælum transtulerunt: nam, & aquilam, & cygnum propter Jovis fabulas inter Cœli astra ejus memoriæ causa collocaverunt.

23 Perseum quoque, & uxorem ejus Andromedam, posteaquam sunt mortui in Cælum receptos esse

crediderunt: ita, ut imagines eorum Stellis designarent, eorumque appellare nominibus non erubescerent.

24 ⁽²⁾ Aurigam etiam Erichthonium inter Cœli astra collocaverunt, propter quod vidissent eum primum quadrigas junxisse. Mirati sunt enim ingenium ejus ad imitationem Solis accessisse: & propter hoc nomen ejus post mortem inter sidera posuerunt. Sic Calisto, Lycaonis Regis filia, dum ab Jove compressa, & fabulosè ab Junone in ursæ fuisset speciem versa, quæ Græcè ἀρκτος appellatur, post interfectionem ipsius nomen ejus Jovis ⁽³⁾ cum filio in Stellis Septentrionalibus transtulit, eamque Arcton, filium autem ejus Arctophylaca appellavit. Sic Iyra pro Mercurio in Cælum locata. Sic Centaurus Chiron, propter quod nutrierit Æsculapium, & Achillem, inter astra dinumeratus est. Sed quolibet modo superstitionis hæc ab hominibus nuncupentur, sunt tamen sidera, quæ Deus in mundi principio condidit, ac certo motu distinguere tempora ordinavit. Horum igitur signorum observationes, vel geneses, vel cætera superstitiosa, quæ se ad cognitionem siderum conjungunt, id est, ad notitiam fatorum, & fidei nostræ sine dubitatione contraria sunt, sic ignorari debent à Christianis: ut nec scripta esse videantur, sed nonnulli siderum pulchritudine, & claritate pellecti, in lapsus Stellarum cæcatis mentibus corruerunt, ita, ut per supputationes noxias, quæ mathesis dicitur, eventus rerum præscire posse conentur: quos non solum Christianæ religionis Doctores, sed etiam gentiliū Plato, Aristoteles, atque alii rerum veritate cominoti

con-

(1) Idcirco formaver. *Al. finxerunt.*

(2) Aurigam etiam Erichthon. *Hygini lib. 2.*

(3) Jovis cum filio. *Jovis in recto casu, etiam usus est Arati interpres, & Petronius, notus etiam de Diis Enniianns verius: Juno, Vesta, Minerva, Ceres, Diana, Venus, Mars, Mercurius, Jovis, Neptunus, Vulcanus, Apollo.*

concordi sententia damnaverunt, dicentes: confusionem rerum potius de tali persuasione generari. Nam si (ut dicunt) genus humanum ad varios actus nascendi necessitate premitur, cur, aut laudem mereantur boni, aut mali legum percipiant ultionem? Et quamvis ipsi non fuerint cœlesti sapien-

tia dediti, veritatis tamen testimonio errores eorum meritò pertulerunt. Ordo autem iste septem secularium disciplinarum ideò à Philosophis, usque ad astra perductus est, scilicet, ut animos seculari sapientia implicatos à terrenis rebus abduceret, & in superna contemplatione collocaret.

DIVI ISIDORI HISPALENSIS EPISCOPI ETYMOLOGIARUM LIBER QUARTUS. DE MEDICINA.

CAPUT PRIMUM.

De Medicina.

I **M**EDICINA⁽¹⁾ est, quæ corporis, vel tuetur, vel restaurat salutem, cuius materia versatur in morbis, & vulneribus. Ad hanc itaque pertinent, non ea tantum, quæ ars eorum exhibet, qui propriè Medici nominantur, ⁽²⁾ sed etiam cibus, & potus, & tegumen. Defensio deniquè omnis, atque munitio, qua corpus nostrum adversus externos ictus, casusque servatur.

CAPUT II.

De Nomine ejus.

I **N**OMEN⁽³⁾ autem Medicinæ à modo, id est, tempera-

mento impositum æstimatur, ut non satis, sed paullatim adhibeatur. Nam in multò constrictatur natura, medicari autem gaudet: undè, & qui pigmenta, & antidota satis, vel assiduè biberint, vexantur. Immoderatio enim omnis, non salutem, sed periculum affert.

CAPUT III.

De Inventoribus Medicinæ.

I **M**EDICINÆ⁽⁴⁾ autem artis auctor, ac repertor apud Græcos perhibetur Apollo. Hanc filius ejus Æsculapius laude, vel opere ampliavit. Sed postquam fulminis ictu Æsculapius interiit, interdicta fertur medendi cura, & ars simul cum auctore defecit, latuitque per annos penè quingentos, usque ad tempus Artaxerxis

(1) Cap. I. Medicina. Calium Aurelianum fere secutus est in hoc libro.

(2) Cibus, & potus, & tegumen. Al. cibi, & potus tegmen, & tegumen. Al. regimen, & tegmen, nos regimen ex varietate scriptura tegmen, & tegumen irrepsisse putamus.

(3) Cap. II. Nomen autem medicinæ à modo. Non tam de veriloquio laborasse, quam occasionem in voce quasisse videtur, ut reliqua inferret. Id. n. γεναιογόρεον, quod, & Plato, & Varro persapè faciunt.

(4) Cap. III. Medicinæ autem artem. Soranus in Prasat. Liogotes. Medicinam quidem invenit Apollo, amplificavit Æsculapius, perfectit Hippocrates.

xis Regis Persarum. Tunc eam⁽¹⁾ revocavit in lucem Hippocrates⁽²⁾ Asclepio patre genitus in insula Coo.

CAPUT IV.

De tribus hæresibus Medicorum.

I **H**I, itaque⁽³⁾ tres viri totidè hæreses invenerunt. Prima methodica inventa est ab Apolline, quæ remedia sectatur, & carmina. Secunda⁽⁴⁾ Empirica, i, experientissima, inventa est ab Æsculapio, quæ non indiciorum signis, sed solis constat experimentis. Tertia Logica, id est, rationalis, inventa ab Hippocrate. Iste enim discussis ætatium, regionum, vel ægritudinum qualitatibus, artis curam rationabiliter prescrutatus est. Empirici enim experientiam solam sectantur: Logici experientiæ rationem adjungunt: methodici, nec elementorum rationem observant, nec tempora, nec ætates, nec causas, sed solas morborum substantias.

CAPUT V.

De quatuor humoribus corporis.

I **S**Anitas est integritas corporis, & temperantia naturæ ex calido, & humido, quod est sanguis: undè, & sanitas dicta est, quasi sanguinis status.

2 Morbi generali vocabulo om-

nes passiones corporis continentur, quod indè veteres morbum nominaverunt: ut ipsa appellatione mortis vim, quæ ex eo nascitur demonstrarent. Inter sanitatem autem, & morbum media est curatio, quæ nisi morbo congruat, non perducit ad sanitatem. Morbi autem omnes ex quatuor nascuntur humoribus, i, ex sanguine, & felle, melancholia, & phlegmate: Sicut autem quatuor elementa, sic, & quatuor humores, & unusquisque humor suum elementum imitatur: sanguis aërem, cholera ignem, melancholia terram, phlegma aquam. Et sunt quatuor humores, sicut quatuor elementa, quæ conservant corpora nostra.

3 ⁽⁵⁾ Sanguis ex Græca etymologia vocabulum sumpsit, quod vegetet, & sustentet, & vivat. Cholera Græci vocaverunt, quod unius diei spatio terminetur: undè, & cholera, i, fellicula nominata est, ⁽⁶⁾ hoc est, felliculus effusio: Græci enim *χολήν* dicunt

4 Melancholia dicta eo, quod ex nigri sanguinis fece admixta sit abundantia fellis. Græci enim *μέλαν* nigrum vocant, fel autem *χολήν* appellant.

5 ⁽⁷⁾ Sanguis Latine vocatus, quod sit suavis: undè, & homines, quibus dominatur sanguis dulces, & blandi sunt.

6 ⁽⁸⁾ Phlegma autem dixerunt, quod sit frigidum. Græci enim rigorem *φλέγμα* appellant. Ex his quatuor

(1) Revocavit in lucem. *Plin. lib. 9. cap. 1.* Tum verò eam revocavit in lucem Hippocrates genitus in insula Coo imprimis clara, & valida, & Æsculapio dicata.

(2) Asclepio patre. *Qui fuit sanguinis fortasse auctor ultimus. Nam ab Æsculapio nonus, decimusvè fuisse dicitur Hippocrates, filius verò Heracleide, & Pherecreta.*

(3) Cap. IV. Itaque tres viri. *Vid. Celsi præfationem ad lib. de Re Medic.*

(4) Empirica, i, experientissima. *Potuit cum Plinio experimentosam dicere.*

(5) Cap. V. Sanguis ex Græc. etymolog. *ἀπὸ τοῦ ζῆν, ζῆν ζῆν, quod est vivere.*

(6) Hoc est effusio fellis. *Celsus lib. 3. Acutar. cap. 19.* Cholera passionem ajunt, quidam nominatam à fluore fellis, velut fellisfluam passionem, nam cholera fel appellant, rheam fluorem.

(7) Sanguis Latine. *Hæc omnes libri habent, sed verisimile est tentasse quoque Latinam etymologiam reddere, quam etiam repetit lib. 11. cap. 1.*

(8) Phlegma autem, quod sit frigid. *κατ' ἀντίρροπον.* Resp. n. *Celsus lib. 3. trad. cap. 1.* Multa (inquit) Medici contrariæ interpretationis vocabula sumpservunt: ut fella, quæ Græci glyce vocant, velut dulcia, cum sint amarissima. Alioquin *φλεγμὰ* ab Homero καὶ μακ appellari, ait Pollux. & cap. seq. Isidoro ipsi phlegmon inflammans est.

tuor humoribus reguntur sani : ex his læduntur infirmi. Dum enim amplius extra cursum naturæ creverint ægritudines faciunt. Ex sanguine autem , & felle acutæ passiones nascuntur , quas Græci ὀξεία vocant. Ex phlegmate verò , & melancholia veteres causæ procedunt , quas Græci χρόνια dicunt.

CAPUT VI.

De acutis Morbis.

1 **O**Xea est acutus morbus , qui aut citò transit , aut celerius interficit : ut ⁽¹⁾ pleuritis , phrenesis : ὀξύ enim acutum apud Græcos , & velocem significat. χρόνια est prolixus corporis morbus , qui multis temporibus remoratur , ut podagra , phtisis : χρόνος enim apud Græcos tempus dicitur. Quædam autem passiones ex propriis causis nomina acceperunt.

2 ⁽²⁾ Febris à fervore dicta est , est enim abundantia caloris.

3 Phrenesis appellata , sive ab impedimento mentis , quia Græci mentem φρένας vocant , seu quòd dentibus infrendant , nam frendere est dentes concutere. ⁽³⁾ Est autem perturbatio cum exagitazione , & dementia ex cholericâ vi effecta.

4 ⁽⁴⁾ Cardiacæ vocabulum à corde sumpsit , dum ex aliquo timore , aut dolore afficitur. Cor enim Græci καρδίαν vocant. Est enim cordis passio cum formidabili metu.

5 ⁽⁵⁾ Lethargia à somno vocata. Est enim oppressio cerebri , cum obli-

vione , & somno jugi , veluti stertentis.

6 ⁽⁶⁾ Synanche à continentia spiritus , & præfocatione dicta. Græci enim συνάγχειν continere dicunt : qui enim hoc vitio laborant , dolore faucium præfocantur.

7 Phlegmone est fervor stomachi cum extensione , & dolore. Nam cum cœperit fieri , inquietudo , & febris consequitur. Undè , & dicta est φλεγμονή ἀπὸ τοῦ φλέγειν , id est , inflammare : sic enim sentitur , & indè nomen accepit.

8 Pleuritis est dolor lateris acutus , cum febre , & sputo sanguinolento. Latus enim Græcè πλευρον dicitur , undè , & pleuritica passio nomen accepit.

9 Peripneumonia est pulmonis vitium , cum dolore vehementi , & suspirio : Græci enim pulmonem πνεύμονα vocant , undè , & ægritudo dicta est.

10 ⁽⁷⁾ Apoplexia est subita effusio sanguinis , qua suffocati intereunt. Dicta autem apoplexia , quòd ex lethali percussu repentinus casus fiat. Græci enim percussionem ἀπόπληξις vocant.

11 Spasmus Latinè contractio subita partium , aut nervorum , cum dolore vehementi. ⁽⁸⁾ Quam passionem à corde nominatam dixerunt , quod in nobis principatum vigoris habet. Fit autem duobus modis , aut ex repletionem , aut ex inanitione.

12 Tetanus ⁽⁹⁾ majorum est contractio nervorum à cervice ad dorsum.

Te-

(1) Cap. VI. Pleuritis , phrenesis. Pleuritis , phrenitis perpetuò apud Cælium.

(2) Febris à fervore. Ita Varro apud Non.

(3) Est autem perturbatio cum exag. Rom. C. Perturbatio mentis cum agitatione.

(4) Cardiacæ. Cal. lib. 2. acut. cap. 34.

(5) Lethargia. Idem lib. 2. acut. cap. 1. Græci lethæni oblivionem vocant , argian vacationem , quam corpori , atque animæ ingerit vis supradictæ passionis. Quæ verba non ab Isidoro , qui notationes captaret , sed à librariis omissa credenda sunt.

(6) Synanche. Ex eod. lib. 3. cap. 1.

(7) Apoplexia. Ex cap. 5.

(8) Quam passionem à corde nominatam , id est , ortam , oriuntur enim nervi à corde secundum Aristotelem.

(9) Majorum contractio nervorum Cal. lib. 3. cap. 6. Nervorum majorum , quos τένοντες vocant , levis tensio. In nostris tamen libris , major contractio , mendosè.

13⁽¹⁾ Telum lateris dolor est, dictum est autem ita à medicis, quòd dolore corpus transverberet, quasi gladius.

14 Ileos dolor intestinorum, undè, & illa dicta sunt: Græcè enim *εἰλεῖν* obvolvere dicitur, quòd se intestina præ dolore involvant. Hi, & torminosi dicuntur ab intestinorum tormento.

15⁽²⁾ Hydrophobia, i, aquæ metus: Græci enim *ὕδωρ* aquam vocant, *φόβον* timorem dicunt: undè, & Latini hunc morbum ob aquæ metum lymphaticum vocant. Fit autem, vel ex canis rabidi morsu, ⁽³⁾ aut ex ejus spuma in terram projecta, quàm si homo, vel bestia tetigerit, aut dementia repletur, aut in rabiem vertitur.

16 Carbunculus dictus, quòd in ortu suo rubens sit, ut ignis, postea niger, ut carbo extinctus.

17 Pestilentia est contagium, quod dum unum apprehenderit, celeritèr ad plures transit. Gignitur autem ex corrupto aëre, & in visceribus penetrando innititur. Hæc etsi plerumque per aëreas potestates fiat, tamen sine arbitrio Omnipotentis Dei omninò non fit. Dicta autem pestilentia, quasi pastulentia, quòd veluti incendium depascat: ⁽⁴⁾ Et toto descendat corpore pestis. Idem, & contagium à contingendo, quia quemque tetigerit, polluit. ⁽⁵⁾ Ipsa, & inguinaria ab inguinum percussione. Eadem, & lues

à labe, & luctu vocata, ⁽⁶⁾ quæ tanto acuta est: ut non habeat spatium temporis, quo, aut vita speretur, aut mors, sed repentinus languor simul cum morte venit.

CAPUT VII.

De Chronicis morbis.

1 Chronia est prolixus morbus, qui multis temporibus remoratur: ut podraga, phthisis, *χρόνος* enim, apud Græcos tempus dicitur.

2 ⁽⁷⁾ Cephelea ex causa vocabulum habet, capitis enim passio est: Græci enim caput *κεφαλήν* vocant.

3 ⁽⁸⁾ Scotoma ab accidenti nomen sumpsit, quòd repentinas tenebras ingerat oculis, cum vertigine capitis. Vertigo autem est, quotiescumque ventus consurgit, & terram in circuitum mittit. Sic, & in vertice hominis arteriæ, & venæ ventositatem ex resoluta humectatione gignunt, & in oculis gyrum faciunt, undè, & vertigo nuncupata est.

4 Epilepsia vocabulum sumpsit, quòd mentem apprehendens paritèr, etiam corpus possideat: Græci enim apprehensionem *ἐπιληψία* appellant. Fit autem ex melancholico humore quotiès exuberavit, & ad cerebrum conversus fuerit. Hæc passio, & caduca vocatur, eò quòd cadens æger spasmos patiatur. Hos etiam vulgus lunaticos vocat, quod pro ⁽⁹⁾ Lunæ cursu

CO-

(1) Telum. *Serenus*. Est, & vis morbi, quod telum commemoratur. Cum subito furor insanus fuerit incitus ictu.

(2) Hydrophobia. *Cal. lib. 3. cap. 9.*

(3) Aur ex ejus spuma. Cum aëris spuma legeretur in omnibus fere libris *Rodericus Fontejus*, Medicus doctissimus, ex *Ælian. lib. 9. de Hist. Anim.* ejus spuma legendum admonuit, ejus conjecturam comprobant *Mejoraden. Liber*, & *Conchensis Hispano sermone conscriptus*, in quod de la espuma de el calda en tierra. Sed cum in reliquis omnibus libris ex aëris spuma legatur, *Calisiusque*, quem *Isidorus* plane sequitur, ex solius aspirationis odore, ex rabido cane adducto quodam in hanc passi nem dicat devenisse, cum venenosus aër adducitur, & vitalibus interitur partibus, aëris quoque mentionem ab *Isidoro* factam verisimile nobis sit. *A. Augustinus*, vel oris, vel ejus probabat.

(4) Et toto descend. c. p. Ex s. *Æn.*

(5) Ipsa, & inguinaria. *Vid. Paul. Diacon. de Inguinaria nova Italia peste ante Justinianum.*

(6) Que tanto acuta est. *Gotthicismus* frequens, nec *Isidori* fortasse, sed librariorum.

(7) Cap. VII. Cephelea. *Cal. lib. 1. tard. cap. 1.* Cephelea à parte corporis, quæ patitur passionem nomen accepit.

(8) Scotoma. *Ex cod. cap. 2.*

(9) Pro Lunæ cursu comitetur eos insania. *Al. per Luna cursum comitentur eos insidia daemonum. Utraque scriptura retineri possit: ut prior lunationis (ut ita dixerim) posterior larvæ nationis notatio sit.*

comitetur eos insania : eadem , & larvatio. Ipse ⁽¹⁾ est , & morbus comitialis , idem major , ⁽²⁾ & divinus , quo caduci tenentur. Cujus tanta vis est , ut homo valens concidat , spumetque. Comitialis autem dictus , quod apud Gentiles , cum comitiorum die cuiquam accidisset , comitia dimittebantur. Erat ⁽³⁾ autem apud Romanos comitiorum dies sollemnis iii. Kal. Januar.

5 Mania ab insania , vel furore vocata. ⁽⁴⁾ Nam Græcorum vetustas furorem *μανικὴν* appellabat , ⁽⁵⁾ sive ab inanitate , quam Græci *μανίαν* vocaverunt , sive à divinatione , quia divina-re Græcè *μανεῖν* dicitur.

6 Melancholia dicta est à nigro felle : Græci enim nigrum *μέλαν* vocant , fel autem *χολήν* appellant. Epilepsia autem in phantasia fit , melancholia in ratione , mania in memoria.

7 ⁽⁶⁾ Typi sunt frigidae febres , quia *τύπος* Latinè forma , atque status dicitur : est enim accessionum , vel recessionum revolutio per statuta temporum inter valla.

8 Rheuma Græcè , Latinè eruptio , sive fluor appellatur.

9 Catarrus est fluor rheumæ jugis ex naribus , quæ dum ad fauces venerit *βράγχος* vocatur , dum ad thoracem , vel pulmonem *πτύσις* , dicitur.

10 ⁽⁷⁾ Coryza est quoties influxio capitis ⁽⁸⁾ in ossa venerit narium , & ⁽⁹⁾ provocationem fecerit , cum sternutatione : undè , & coryza nomen accepit.

11 Branchos est præfocatio faucium à frigido humore. Græci enim guttur *βράγχος* dicunt , circa quod fauces sunt , quas nos corruptè branchias dicimus.

12 Raucedo amputatio vocis. Hæc , & arteriasis vocatur , eò quod vocem raucam , & clausam reddat ab arteriarum injuria.

13 Suspirium nomen sumpsit , quia inspirationis difficultas est , quam Græci *δυσπνοίαν* dicunt , id est , præfocationem.

14 ⁽¹⁰⁾ Peripneumonia à pulmonibus nomen accepit. Est enim pulmonis tumor , cum spumarum sanguinearum effusione.

15 Hæmoptois emissio sanguinis per os , undè , & nomen sumpsit , *αἷμα* enim sanguis dicitur.

Phthi-

(1) Ipse est morbus comitialis idem major. Fest. in Prohibere comitia , & Cels. lib. 3.

(2) Et divinus. Sacer potius : cujus appellationis multas reddit causas Calvus Aurel. 1. trad. cap. 4. Pejus tamen in plerisque libris pro divinus , diutius legitur. Nisi utrumque hoc subsequenti passioni , i , mania aptemus. Ea enim , & divinus morbus dicitur , & diutius. Nam tardissima , ut Cal. ait , passio est.

(3) Erat autem apud Rom. comitiorum dies sollemnis iii. Kal. Januar. In Kal. Januar. omnes CC. Itaque expungebat hoc , ut aliena , absurdæque Chacon. Non. n. Kal. Januar. comitia haberi , cum is dies non comitialis , sed fastus esset. A. Augustinus in Kal. Januar. ante eas Kalend. quibus initium magistratus erat , interpretabatur. Anton. Covarrubias vol. cem in ex nota iii. factam advertit. Idemque esse iii. Kal. Januar. quod tertio Januarii die , quo die (ut ait Cæsar in ma. usque celeberrimus , eodemque modo dixisse Plutarchum , Ciceroñem tertio die Kalendærum natum , quem Cicero ipse in Aug. Capitolina in Pertina. Tacit. lili. & xv. Ann. Tertull. in lib. de Coron. Comitia autem non ea solim dici , quæ ad legendos magistratus ferebant , sed pro conventu populi accipi solere manifestum est.

(4) Nam Græcor. vetustas. Ex eod. Cal. lib. cap. 5. sed hæc confusa , & perturbata sunt.

(5) Sive ab inanitate , quam Græci *μανίαν*. Ità interpretatur *μανίαν* , & *μανίαν* sunt. Ergo etiam apud Aureliam. inanitate , pro iniquitate reponendum videri possit , subjicit enim : Quam appellant maniam , latio : O es dicta ab inanitate , et eo es , de vaciamento , dè de cosa vacia , que los Griegos llaman manie. Adde , quod vero , quod superius Græci *μανίαν* divinare esse dixit , Gothicos libros sumus secuti.

(6) Typi sunt frigidae febres. Ejecimus hinc illas , quæ abusive appellantur ab herba , quæ in aqua nascitur quavis erant bris scriptimus : statum mallebat Chaconi vocari enim legem , sive pragmaticam apud Justinianum *τύπος*. Novell. Græc. l. 166. edictumque vii. *τύπος* & *παρατύπος* inscribi. Easdem quoque leges formas Latinè dici in l. Decernimus , C. de sacros. Eccles. A statutis ergo temporibus , & ea lege , quam periodica febres servant , *τύπος* appellatas.

(8) In ossa ven. In os ven. n. R. C.

(9) Et provocationem. Ità Goth. o. alii præfocationem. Facilis lapsus ex digammo.

(10) Peripneumonia. Hanc superiori capite inter acutas posuit , alios fortasse secutus : hic Calium imitatur , qui eam in tardis numerat.

16 Phthisis est ulceratio, & tumor in pulmonibus, qui juvenibus facilius evenire solet: φθίσις autem apud Græcos dicta, quod sit totius corporis consumptio.

17 ⁽¹⁾ Tussis Græcè ab altitudine vocatur, quod à profundo pectoris veniat, cujus contraria est superior in faucibus ubi uva distillat.

18 ⁽²⁾ Apostema à collectione nomen accepit: nam collectiones Græci apostemata vocant.

19 ⁽³⁾ Empyæ dicta est apostema intrinsecus, vel in latere, vel in stomacho, cum dolore, & febribus, & tussi, & abundantibus sputis, & purulentiis.

20 Hepaticus morbus à jecoris passione nomen accepit, Græci enim jecur ἥπαρ vocant.

21 Lienosis à splene vocabulum sumpsit, Græci σπλὴν lien vocant.

22 ⁽⁴⁾ Hydrops nomen sumpsit ab aquoso humore cutis, nam Græci ὕδωρ aquam vocaverunt, est enim humor subcutaneus, cum inflatione turgente, & anhelitu foetido.

23 ⁽⁵⁾ Nephritis à renum languore nomen accepit. Renes enim Græci νεφρὲς dicunt.

24 ⁽⁶⁾ Paralysis dicta à corporis impensatione: facta ex multa infrigidatione, aut in toto corpore, aut in parte.

25 ⁽⁷⁾ Cachexia nomen sumpsit à corporis malo habitu, καχεξία enim

Græci malam vexationem vocaverunt. Fit autem hæc passio ex intemperantia ægrotantis, vel curatione mala medicantis, aut post ægritudinem tarda resumptione.

26 ⁽⁸⁾ Atrophia nomen accepit à diminutione corporis: nam Græci nutrimenti cessationem ἀτροφίαν dicunt. Est enim tenuitas corporis ex causis latentibus, & paullatim convalescentibus.

27 ⁽⁹⁾ Sarcia est superfluum carnis incrementum, quo ultra modum corpora saginantur: Græci enim carnem σάρκα vocant.

28 ⁽¹⁰⁾ Ischias vocata à parte corporis, quam vexat. Nam verteborum ossa, quorum summitas iliorum initio terminatur, Græci ισχία vocant. Fit autem de phlegmate quotiès descenderit in recta ossa, & efficitur ibi glutinatio.

29 ⁽¹¹⁾ Podagram Græci à retentione pedum dicunt nominatam, vel à ferali dolore: siquidè omne, quod immite fuerit abusivè agreste vocamus.

30 Arthriticus morbus ab articularum passione vocabulum sumpsit.

31 Calculus petra est, quæ in vesica fit, undè, & nomen accepit. Gignitur autem ex materia phlegmatica.

32 Stranguria dicta est, eò quòd stringat urinarum difficultate.

I

Sa-

(1) Tussis Græc. Nempe ἑὸς, quasi ἑὸς, siquid è ἑὸς, aut ἑὸς.

(2) Apostema à collectione. Collectionem vocant recentiores, quem Celsus abcessum nominat.

(3) Empyæ. Cal. lib. 2. tard. cap. 14. Item empyica passio, quod exonica collectionis interioris purulenta per tuniculam excludantur sputa.

(4) Hydrops. Cal. lib. 3. cap. 8.

(5) Nephritis. Quæ etiam διακρίσις.

(6) Paralysis dicta à corp. imp. Ità o. l. nequè deest, qui tueatur hanc lectionem, esse n. pensare, ponderare. Laborare igitur suo pondere paralyticos, qui agere suos artus (ut ait Seneca) moliantur. Nobis illud suspicari venit in mentem: ex librarior. compendiiis natum esse vitium. Fuisse enim potuit; dissolutio corporis impens ationem. Id est, dissolutio corporis impediens actionem.

(7) Cachexia. Cal. lib. 3. cap. 6.

(8) Atrophia. Idem lib. 2. cap. 14. & lib. 3. cap. 7.

(9) Sarcia. Ità lib. o. Cal. polyarctia.

(10) Ischias. Idem lib. 5. cap. 1.

(11) Podagra. Ibid. cap. 2.

33 Satyriasis iuge desiderium veneris cum extensione naturalium locorum, dicta passio à Satyris.

34 ⁽¹⁾ Diarrhœa jugis ventris fluxus sine vomitu.

35 Dysenteria est divisio continuationis, i, ulceratio intestini, Δυσ enim divisio est, ἐντέρα intestina. ⁽²⁾ Fit autem antecedente fluore, quam Græci Διάρροιαν vocant.

36 ⁽³⁾ Lienteria dicta, quod cibum tanquam per lævia intestina nullis obstantibus faciat prolabi.

37 Colica passio nomen sumpsit ab intestino, quod Græci κῶλον appellant.

38 Ragades dicuntur, eò quod fissuræ sint rugis collectæ circa orificium. Hæ, & hæmorrhoides à sanguinis fluore dictæ. Græci enim sanguinem αἷμα dicunt.

CAPUT VIII.

De Morbis, qui in superficie corporis videntur.

1 **A**lopecia est capillorum fluviorum circumscriptis pillis fulvis ⁽⁴⁾ æris qualitatem habentibus: vocata hoc nomine à similitudine animalis vulpeculæ, quam Græci ἀλώπεκα vocant.

2 Parotides sunt duritiæ, vel collectiones, quæ ex febribus, vel aliquo alio nascuntur in aurium vicinitate: undè, & παρατίδες sunt appellatæ, ὠτα enim Græcè auriculæ dicuntur.

3 Lentigo vestigia macularum parvula in rotunditatem formata, à specie lenticulæ dicta.

4 ⁽⁵⁾ Erysipelas est, quam Latini sacrum ignem appellant, id est, excreandum per antiphrasim. Siquidem in superficie rubore flammeo ⁽⁶⁾ cutis rubescit. Tunc moto rubore quasi ab igne vicina invaduntur loca, ita, ut etiam febris exciteretur.

5 Serpedito est rubor cutis cum pustularum extantia, & nomen sumpsit à serpendo, eò quod serpat per membra.

6 Impetigo est sicca scabies, prominens à corpore, cum asperitate, & rotunditate formæ. Hanc vulgus sarnam appellat.

7 Prurigo vocata à perurendo, & ardendo.

8 Nyctalmus est passio, qua per diem visus patentibus oculis denegatur, & nocturnis irruentibus tenebris redhibetur, aut versa vice, (ut plerique volunt) die redditur, nocte negatur.

9 ⁽⁷⁾ Verrucæ aliud sunt, Satyriasis aliud. Verrucæ singulatim sunt, satyriasis, verò una fortior, ac circa ipsam plures inveniuntur.

10 Scabies, & lepra, utraque passio, asperitas cutis cum pruritu, & squammatione: sed scabies tenuis asperitas, & squammatio est. Hinc denique nomen accepit, quæ ita veluti purgamenta amittat. Nam scabies quasi squammies.

11 ⁽⁸⁾ Lepra verò cutis asperitas squam-

(1) Diarrhœa. Diarrhœa, & Satyriasis in acutis numerantur à Cælio.

(2) Fit autem antecede, f. &c. Verba sunt Calii lib. 4. cap. 6.

(3) Per lævia intestin. Al. lenia.

(4) Cap. VIII. Circumscriptis p. f. æris qualitatem habentibus. Al. æris. Sed rejiciebat hæc omnia, ut aliena, Chacon.

(5) Erysipelas. Ab ipsi voce augendi, & σπινδα, puerescere ἰσχυρόν vocari quidam volunt.

(6) Cutis rubescit. Al. cutes rubescunt.

(7) Verrucæ aliud sunt, Satyriasis. Editio antiqua, phthiriasis, manuscripti omnes, satyriasis, habent. Morbus uterque à verrucoso valde diversus. Quamvis satyriasis nomine, alia quoque morborum genera ab eo, de quo superiori capite dixit, significantur. Ut phthires, aut phthiriasis velimus, Eustachius facit, qui in l. f. ad verba δὲ μύδατον ἔχον φθίρων τὸ ἴδιον sive, ut loquitur Didymus, φθίρων, cum verrucis. Siquis satyriasis magis probat, Gothicos codices auctores habet.

(8) Lepidi similis, id est, squamma. Cassius Felix: Lepida species scabiei corticosa squammas in se ostendens Græcè dictas lepidas, unde nomen à Græco lepra accepit. Scribon. larg. cap. 133. squamma æris, quam Græci λείδα vocant.

squammosa lepidi similis, undè, & nomen sumpsit, cujus color nunc in nigredinem vertitur, nunc in alborem, nunc in ruborem. In corpore hominis ita lepra dignoscitur: si variatim inter sanas cutis partes color diversus appareat: aut si ita se ubique diffundat, ut omnia unius coloris quamvis adulterrini faciat.

12 Elephantiacus morbus dicitur ex similitudine elephantis, cujus naturaliter dura, & aspera pellis nomen morbo in hominibus dedit, quia corporis superficiem similem facit elephantorum cuti, sive quia ingens passio est, sicut animal ipsum, ex quo derivatum ducit nomen.

15 (1) Icterus Græcè appellatur à ejusdem animalis nomine, quod sit coloris fellis. Hunc morbum Latini arcuaturn appellat ad similitudinem cœlestis arcus. Auruginem verò Varro appellari ait à colore auri. (2) Regium autem morbum indè æstimant dictum, quod vino bono, & regalibus cibis facilius curetur.

14 (3) Cancer à similitudine maritimi animalis vocatum vulnus (sicut medici dicunt) nullis medicamentis sanabile. Aut ergo præcidi solet à corpore membrum, ubi nascitur: ut aliquantò diutius vivat, tamen indè mortem quamlibet tardiùs, affuturam.

15 Furunculus est tumor in acutum surgens, dictus quod ferveat, quasi fervunculus: undè, & Græcè ἀνθήραξ dicitur, quod sit ignitus.

16 (4) Ordeolus est parvissima, & purulenta collectio in capillis palpebrarum constituta, in medio lata, & ex utroque conducta, hordei granum similans: undè, & nomen accepit.

17 (5) Oscedo est, qua infantum ora exulcerantur, dicta ex languore oscitantium.

18 Frænusculi ulcera circa rictum oris: similia his, quæ sunt jumentis asperitate frænorum.

19 Ulcus putredo ipsa: vulnus quod ferro fit quasi vi. Et ulcus, quod olet quasi olcus.

20 Pustula est in superficie corporis turgida, veluti collectio.

21 (6) Papula est parvissima cutis erectio, circumscripita cum rubore, & ideò papula dicta, quasi pupula. Sirmio—

22 Sanies dicta, quia ex sanguine nascitur, excitato enim calore vulneris, sanguis in saniem vertitur. Nam sanies non fit in quocumque loco, nisi ubi sanguis advenierit: quia omne, quod putrescit, nisi calidum, & humidum fuerit, quod est sanguis, putrefieri non potest. (7) Sanies autem, & tabes sibi differunt. Fluere enim sanie vivorum est, tabe mortuorum.

23 Cicatrix est obductio vulneris, naturalem colorem partibus servans, dicta, quod obducatur vulnera, atque obcæcet.

(1) Icteron à ejusdem animal. Galen. ab iñide mustella agresti, Plinius ab iñtero avicula. Gloss. Aurugo iñteris Hieronym. Amos. cap. 4. יִצְהָר id est, auruginem omnes iñteron trasulerunt.

(2) Regium. Plin. lib. 22. cap. 4. Varro regium cognominatum morbum arcuaturn tradit, quoniam mulso curetur.

(3) Cancer. Locus sumptus ex Aug. lib. 22. de Civitat. cap. 8. sed ulcus dicendus fuit potius, quam vulnus, cancer, si verè paullopost vulnus ab ulcere distinguit.

(4) Ordeolus, ex utroque conduct. Libri A. Aug. ex utraque parte conducta, id est, ut ipse interpretabatur, angusta, & quasi conclusa, vel circumducta.

(5) Oscedo. Duo morbi confundi videntur: Oscedo, & quas Græci ἀφθαε vocant. Ergo hac quidam isà distinguebant: Oscedo dicta ex languore oscitantium. Aphtha, quibus infantum ora exulcerantur.

(6) Papula q. pupula. Al. quasi papilla. Papulas veteres puellas dicebant laneas.

(7) Sanies autem, & tabus. è Serv. Æn. 8. ad V. tormenti genus.

CAPUT IX.

De Remediis, & Medicaminibus.

¹ **M**edicinæ curatio spernenda non est. ⁽¹⁾ Meminimus enim, & Isaiam Ezechiae languenti aliquid medicinale mandasse, & Paulus Apostolus Timothæo modicum vinum prodesse dixit. Curatio autem morborum tribus generibus constat: Pharmacia, quam Latini medicamina vocant. Chirurgia, quam Latini manuum operationem appellant, manus enim apud Græcos χείρ vocatur. Diæta, quam Latini regulam nuncupant, est enim observatio legis, & vitæ. Sunt autem omnium curationum species tres: primum genus diæticum: secundum pharmaceuticum: tertium chirurgicum. ⁽²⁾ Diæta est observatio legis, & vitæ. Pharmacia est medicamentorum curatio. Chirurgia est feramentorum incisio: nam ferro exciduntur, quæ medicamentorum non senserint medicinam. Antiquior autem medicina herbis tantum, & succis erat. Talis n. medendi usus coepit: deinde ferro, & cæteris medicamentis.

² Omnis autem curatio, aut ex contrariis, aut ex similibus adhibetur. Ex contrariis: ut frigidum calido, vel siccum humido: sicut, & in homine superbia sanari non potest, nisi humilitate sanetur. Ex similibus verò, sicut ligamentum, vel rotundo vulnere rotundum, vel oblongo oblongum

apponitur. Ligatura enim ipsa non eadem membris, & vulneribus omnibus, sed similis simili coaptatur, quæ duo, etiam ipsa adjutoria nominibus suis significant. Nam antidotum Græcè, Latine ex contrario datum dicitur. Contraria enim contrariis medicinæ ratione curantur. At contrà ex simili: ut πικρά, quod interpretatur amara: quia gustus ejus amarus est. Ex convenienti enim nomen accepit, quia amaritudo morbi amaritudine solvi solet.

³ Omnia autem medicamenta ex propriis causis habent vocabula. Hiera enim dicta quasi divina. Arteriacæ, quod apta sint gutturis meatui, & tumores faucium, & arteriarum leniant. Theriaca est antidotum serpentinum, quo venena pelluntur, ut pestis peste solvatur. Cathartica Græcè, Latine purgatoria dicuntur.

⁴ ⁽³⁾ Catapotia, eò quod modicum potetur, seu inglutiat. Diamoron à succo mori nomen sumpsit, ex quo conficitur: sicut diacodion, quia ἐκ τῆς κωδείας, id est, ex papavere fit: sicut diaspermaton, quia ex seminibus componitur. ⁽⁴⁾ Electarium vocatum, eò quod molle sorbeatur, Trochiscus dictus, quia in modum rotulæ deformatur, τροχός enim Græcè rota dicitur. ⁽⁵⁾ Colyria, Latine sonant, quod vitia oculorum detergant. Epithema, eò quod superponatur, aliis adjutoriis præcedentibus.

⁵ Cataplasma, eò quod inductio sola sit. Emplastrum, eò quod inducatur. Malagma, eò quod sine igne maceretur, & comprehendatur. Enema

(1) Cap. IX. Meminimus enim, & Isaiam. Verba sunt Tertull. in lib. de Coron. Milit.

(2) Diæta observatio legis, & vitæ. Legis cur dixerit, haud ita obviam. Sic apud Demosth. διαίταν ἀντιπύσαι, & apud Thucydidem διατροφήται idem esse, quod περιτρώματα observantur ante nos alii.

(3) Catapotia. Scrib. larg. cap. 87. Catapotium, id est, medicamentum, quod non diluitur, sed ita, ut est, de-

voratur. (4) Electarium. Ita vocatur à Cal. lib. 3. acut. cap. 4. ecligma à Plin. lib. 20. cap. 14. & 22. quod sub lingua li-

quatur à Celio. (5) Colyria. ἀπὸ τοῦ κολύειν τὸν ὄφθαλμόν, id est, à prohibenda fluxione.

ma Græcè, Latine relaxatio dicitur. ⁽¹⁾
Pessaria dicta, quòd intus injiciantur.

6 Medicinam jumentorum Chiron quidam Græcus invenit : indè pingitur dimidia parte homo , dimidia equus. Dictus autem Chiron ἀπὸ τῆς χειρὸς, quia chirurgus fuit.

7 Criticos dies medici vocant, quibus credo ex judicio infirmitatis illud nomen impositum est : quòd quasi judicent hominem , & sententia sua , aut puniant , aut liberent.

CAPUT X.

De Libris medicinalibus.

1 Aphorismus est sermo brevis, integrum sensum propositæ rei scribens.

2 Prognostica prævisio ægritudinum , à prænosendo vocata. Oportet enim medicum , & præterita agnoscere , & præsentia scire , & futura prævidere.

3 ⁽²⁾ Dynamidia potestas herbarum , id est , vis , & possibilitas. Nam in herbarum cura vis ipsa δύναμις dicitur. Undè , & Dynamidia nuncupatur , ubi eorum medicinæ scribuntur.

4 Botanicum herbarium dicitur, quòd ibi herbæ notentur.

CAPUT XI.

De Instrumentis Medicorum.

1 Enchiridion dictum , quòd manu astringatur , dum plurima contineat ferramenta. χεῖρ enim Græcè manus vocatur.

2 Phlebotomum ab incisione vocatum. Nam incisio Græcè τομή dicitur.

3 ⁽³⁾ Simile-- Angistrum-- Spatomele.--

4 Guva , quæ à Latinis à similitudine cucurbita , ⁽⁵⁾ à suspirio ventosa vocatur. Denique animata spiritu per igniculum , dehinc præciso corpori superposita , omne , quod intra cutem , vel altius æstuat , sivè humorem , sivè sanguinem evocat in superficiem. Clyster---

5 Pila à pinsendis seminibus , id est , terendis : Hinc , & pigmenta eò , quòd in pila , & pilo aguntur , quasi pilamenta. Est enim pila vas concavum , & medicorum aptum usui , in qua propriè ptisanæ fieri , & pigmenta concidi solent. Varro autem refert Pilumnus quemdam in Italia fuisse , ⁽⁶⁾ qui pinsendis præfuit arvis , undè , & pilumni , & pistores. Ab hoc ergo pilum , & pila inventa , quibus far pinsitur , & ex ejus nomine

I 3 ita

(1) Pessaria Cels. lib. 5. cap. 21. Ut ea , quæ sceminis subjiciunt πωδὲ Græci vocant. Indè πωδάριον diminutivus vox. Isidorus verò pessaria , quod pessum eant , dicta videtur existimasse.

(2) Cap. X. Dynamidia. Sic appellarunt recentiores medici Galeni libros de Simplicibus medicamentis , sernatque hodie id nomen vetus eorum librorum interpretatio.

(3) Cap. XI. Simile--Angistrum--Spatomele. Harum vocum interpretationes desunt eulævis nisi est in expurgandis vulneribus. Unde ἐμύλων vocat Aristoph. in Ranis , quod abraditur. Indè etiam ἐμύλαριον minuendi forma Angistrum vulneribus. nunc uncinum dicunt. Spatomele ad exploranda ulcera adhibetur , uñas , etiam meminit Pollux ad idem opus.

(4) Guva. Ità meliores CC. alii cum impress. antiq. Guvia. Utramque lectionem defendunt viri doctissimi. Qui Guvia voluit ex errore lectionis Græca vocis Guvia fluxisse dicunt. Græci n. οὐρία, vel οὐρία cucurbita is permutari n. sèpè i. & v alteramque in alterius locum immigrare. Chæcon , qui Guva mallebat ex Gufa G pro C , & V , pro E. digamma subeuntibus factum Guvia existimabat. Vocari enim cucurbitas leves , quæ sine scarificatione adhibentur , à Græcis κούρας , & quidem non modo n pro f. in Gothicis libris frequens : sed , & lib. 19. cap. 19. in Codice Ontensi perveitusto Gufia est , ubi in reliquis omnibus Guvia instrumentum fabror. De Cuphis porò sèpè Calvus , ut lib. 4. cap. 7. Cucurbitæ appendendæ leves , quas Græci cuphas vocant , & cap. 8. appositio cucurbitæ levis , quàm Græci cupham vocant. Isidorus verò , qui cucurbitas omnes à Græcis cuphas vocari putaret , deceptum Cæli lectione idem fatebatur.

(5) A suspirio ventosa. Satyrius. Jam dudum capit hoc ventosa cucurbita querit. Et Theod. Priscianus lib. 2. cap. 6. His cucurbitæ ventosæ sunt imponendæ. Celsus cucurbitas medicinales appellat.

(6) Pinsentis præfuit arvis. Ità CC. o. herbis tamen legis Hispanus interpres : Varro dice , quæ Pilomino fuc un hombre , en Italia , que mejor molia yervas , y mejor las amasaba , que todos los otros. Sed quia frumento pinsendo præfuisse ait Servius initio libri ix. arvis ex libris retinimus : ut arvis pro frumentis ponatur , ut apud Horat. Ne percundæris fundus meus optime Quincti , Arvo pascat herum , an baccis opulenter olivæ , &c.

itā appellata. Pilum autem est undē contunditur, quicquid in pilam mittitur.

6 Mortarium, quod ibi jam semina in pulverem redacta, & mortua condiantur.

7 ⁽¹⁾ Coticula est, in qua circumducta colyria resolvuntur, erit enim lenis. Nam aspera frangi potius, quā resolvī, colyrium facit.

CAPUT XII.

De Odoribus, & Unguentis.

1 ODO^r vocatus ab aëre.

2 Thymiana lingua Græca vocatur; quod sit odorabile. Nam thymus dicitur flos, qui odorem refert, de quo Virgilius: redolentque thymo flagrantia mella.

3 Incensum dictum, quia igne consumitur dum offertur.

4 Tetrados, formulæ incensi in longitudinem porrectæ, quæ fiunt ex quatuor pigmentis. Quatuor enim Græcè τέτραδος formula ἑτδός dicitur.

5 Staete est incensum, quod ex pressura manat, dictum à Græcis ⁽²⁾ ἀπὸ τοῦ στάζειν, quod est manare, & distillare.

6 Myrobalanum, quia fit ex glande adorata, de quo Horatius: Et pressa tuis balanis capillis. Oleum est purum, nullique rei admixtum. Unguentum verò est omne, quod ex communi oleo confectum, aliarum specierum commixtione augetur, odo-

ris jucunditatem sumens, & longius redolens.

7 Unguenta autem quædam dicuntur à locis: ut ⁽³⁾ Telinum, cujus Julius Cæsar meminit, dicens: Corpusque suavi Telino unguimus. Hoc conficiebatur in insula Telo, quæ est una ex Cycladibus. Sunt, & quædam ab inventorum nomine, ut Amaracinum. ⁽⁴⁾ Nam quidam tradunt regium quemdam puerum Amaracum nomine, complura unguentorum genera ferentem casu prolapsum esse, & majorem ex commixtione odorem creasse. Undē nunc optima unguenta Amaracina dicuntur, sunt autem ex genere florum. Item alia, quæ à materiæ suæ qualitate dicuntur, ut rosaceum à rosa: Cyprinum à flore Cyprī: Undē, & propriæ materiæ odorem referunt. Ex his quædam simplicia unguenta sunt, quæ ex una tantum specie existunt, undē, & sui nominis referunt odoratum, ut anethinum: est enim syncerum ex oleo, & anetho tantum. Composita autem sunt, quæ pluribus admixtis fiunt: undē, & nominis sui odorem non habent: quia obtinentibus aliis, quæ admiscentur, incertum odorem ducunt: ⁽⁵⁾

Cerotum.-----

Chalasticum.-----

Martiatum.-----

CA-

(1) Coticula. *Al. citicula. A. Augustinus Cotyla. Plinius lib. 31. cap. 9. de Sale. Ad hæc Hispaniensis eligitur, contraque suffusiones oculorum cum lacte in coticulis teritur.*

(2) Cap. XII. ἀπὸ τοῦ στάζειν. *VP. CC. παρὰ τὸ στάζειν ἔαυτον, id est, obritum. Al. id est, optimum.*

(3) Telinum, cujus Jul. Cæs. *Ad libros de Analog. hæc refert Fulvius Ursinus. Sed A. Augustinus non Casaris Dictatore, sed Strabonis Tragicæ verba putabat, cujus Cicero meminit in Bruto, & Festus in Prophetas, quod senarius ipse protulit Tertull. in lib. de Pall. & Athenæus lib. 15. cap. 15.*

(4) Nam quidam tradunt regium quemd. puer. à Serv. *Æn. 1.*

(5) Ut Cerotum, Chalasticum. *Conjuncte hæc legebat Chacon ex Marcell. lib. de Medic. cap. 35. Chalasticum Olympiacataplasmatis, adjutorii, aqua, clysteris mentio fit, in his omnibus. Chalastici vox laxandi vim habet. Martiatum verò splendent vulso brachia trita pilo.*

CAPUT XIII.

De initio Medicinæ.

QUæritur à quibusdam , quare inter cæteras liberales disciplinas Medicinæ Ars non contineatur. Propterea , quia illæ singulares continent causas , ista verò omnium. Nam , & Grammaticam Medicus scire jubetur , ut intelligere , vel exponere possit , quæ legit. Similiter , & Rhetoricam , ut veracibus argumentis valeat definire , quæ tractat. Nec non , & Dialecticam propter infirmitatum causas ratione adhibita perscrutandas , atque curandas. Sic , & Arithmeticam propter numerum horarum in accessionibus , & periodis dierum. Non aliter , & Geometriam propter qualitates regionum , & loco-

rum situs , in quibus doceat , quid quis observare debeat. Porro Musica incognita illi non erit , nam multa sunt , quæ in ægris hominibus per hanc disciplinam facta leguntur : sicut de David legitur , quia à spiritu immundo Saulem arte modulationis eripuit. Asclepiades quoquæ Medicus phreneticum quemdam per symphoniam pristinæ sanitati restituit. Postremo , & Astronomiam notam habebit , per quem contempletur rationem astrorum , & mutationem temporum , nam sicut ait quidam Medicorum , cum ipsorum qualitatibus , & nostra corpora commutantur. Hinc est , quod Medicina secunda Philosophia dicitur. Utraque enim disciplina totum sibi hominem vendicat. Nam sicut per illam anima , ita per hanc corpus curatur.

DIVI ISIDORI HISPALENSIS EPISCOPI ETYMOLOGIARUM

LIBER QUINTUS.

DE LEGIBUS , & TEMPORIBUS.

CAPUT PRIMUM.

De Auctoribus legum.

MOYSES⁽¹⁾ genti Hebraicæ primus omnium Divinas Leges Sacris Litteris explicavit.⁽²⁾

Phoroneus Rex Græcis primus leges , judiciumque constituit.⁽³⁾ Mercurius Trismegistus primus leges Ægyptiis tradidit.⁽⁴⁾ Solon primus leges Atheniensibus dedit.⁽⁵⁾ Lycurgus primus Lacedæmoniis jura ex Appollinis auctoritate confinxit.⁽⁶⁾ Numa Pompilius,

(1) Cap. I. Moyses genti Hebraicæ. Ex Euseb. Chron.

(2) Phoroneus Rex Græcis. Qui fuit Argivus. Rex 11. ut ibid. tradidit Euseb.

(3) Mercurius Trismeg. Laët. lib. 1. cap. 16.

(4) Solon primus. Ante Solonem scripserat leges Dracon. Sed populus Atheniensis uni Soloni reip. initia accepta ferre solitus est.

(5) Lycurgus. Aug. 2. de Civit. cap. 16. Quamvis Lycurgus Lacedæmoniis leges ex Appollinis auctoritate se instituisse confinxerit , quod prudenter Romani credere noluerunt ; propterea non inde acceperunt.

(6) Numa Pompil. Virgil. Nosco crines , incanaque menta Regis Romani primus , qui legibus urbem fundabit. Quamvis Romulum , & Tatium suas ante leges condidisse dicant Festus in Plorare , & Pompon. cap. 2. D. de Orig. Jur.

lius, qui Romulo successit in regnum, primus leges Romanis edidit: deinde ⁽¹⁾ cum populos seditiosos Magistratus ferre non posset, Decem-viros legibus scribendis creavit, qui leges ex libris Solonis in Latinum sermonem translatis xii. tabulis exposuerunt. Fuerunt autem hi: Appius Claudius, T. Genutius, P. Sextius, Spur. Veturius, C. Julius, A. Manlius, Ser. Sulpitius, ⁽²⁾ P. Curiatius, T. Romilius, Sp. Postumius. Hi ⁽³⁾ Decem-viri legum conscribendarum electi sunt.

2 ⁽⁴⁾ Leges autem redigere in libris primus Consul Pompejus institueret voluit, sed non perseveravit obtractatorum metu: ⁽⁵⁾ deinde Cæsar cœpit id facere, sed antè interfectus est. Paullatim autem antiquæ leges vetustate, atque incuria exolverunt: quarum etsi nullus jam usus est, notitia tamen necessaria videtur.

3 ⁽⁶⁾ Novæ à Constantino Cæsare cœperunt, & reliquis succedentibus: erantque permixtæ, & inordinatæ. ⁽⁷⁾ Postea Theodosius minor Augustus ad similitudinem Gregoriani, & Hermogeniani Codicem factum constitutionum à Constantini temporibus, sub proprio cujusque Imperatoris titulo disposuit, quem à suo nomine Theodosianum vocavit.

CAPUT II.

De Legibus divinis, & humanis.

1 OMnes autem leges, aut divinæ sunt, aut humanæ. Divinæ natura, humanæ moribus constant: ideoque hæ discrepant, quoniam aliæ aliis gentibus placent.

2 ⁽⁸⁾ Fas Lex divina est: jus lex humana. ⁽⁹⁾ Transire per alienum fas est, jus non est.

CAPUT III.

Quid differant inter se Jus, leges, & mores.

1 JUS ⁽¹⁰⁾ generale nomen est: lex autem juris est species. Jus ⁽¹¹⁾ autem dictum, quia justum. Omne autem jus legibus, & moribus constat.

2 Lex est constitutio scripta. Mos est vetustate probata consuetudo, sive lex non scripta. Nam lex à legendo vocata, quia scripta est.

3 Mos autem longa consuetudo est de moribus ⁽¹²⁾ tracta tantumdem. ⁽¹³⁾ Consuetudo autem est jus, quoddam moribus institutum, quod pro lege

SUS-

(1) Cum populos seditiosos Magistr. Ex lib. de Viris Illust. in Virginio, & seditiosus, legebat Chacon ex veteribus quibusdam libris. Nondum enim fuisse seditiosos magistratus.

(2) P. Curiatius. Ex Livio, & Cassiod. Al. Curiatius.

(3) Hi Decem-vir. leg. c. c. 5. At non hi xii. tab. auctores, sed his suspecti excepto App. Claudio, Gratianus, legum scribendarum causa.

(4) Leges autem redigere. Unde hoc sumperit, incertum a C. Tarracon, uno abest vox Pompejus. Unde suspicabatur A. Aug. C. primum scriptum fuisse, inde factum Consul, additumque ab aliquo Pompejus ex margine. Cum C. Ciceronem se obtractatorum metu, nescio an satis in Ciceronis personam cadat, cadit autem optime in Pompejum, cujus potentia invidiosa, & suspecta erat.

(5) Deinde Cæs. Suet. in Julio.

(6) Novæ à Constantino Cæs. corp. A. Aug. propter Theodosianas, inquit, constitut. quarum collectio ex Christianorum in quibus leges Paganorum, & Christianorum continentur.

(7) Postea Theodos. min. Sic etiam suo, part. 4. cap. 170. decret. & lib. 2. tit. 12. cap. 17. Panormia. Legitur etiam junior. in quibusdam Gratiani, & Isidori libris.

(8) Cap. II. Fas Lex Divina. & Serv. Georg. 1. ad P. Fas, & jura sinune.

(9) Cap. III. Jus generale. & Serv. An. 1. ad P. Jura dabat, legerque viris.

(10) Jus autem dictum, quia justum. Ulp. cap. 1. de Just. & Jur. Est autem jus à justitia appellatum, & Paul. cap. 11. Jus autem pluribus modis dicitur, &c.

(11) Tracta tantumdem. Ita plerique CC. unus Tarracon. tracta tantum.

(12) Consuetudo autem est i. q. m. c. Ex Juliano cap. 32. D. de Legibus. Reliqua ex Tertull. lib. de Corona Milit.

suscipitur, cum deficit lex. Nec differt Scriptura, an ratione consistat, quando, & legem ratio commendat. Porro ⁽¹⁾ si ratione lex constat; lex erit omne jam, quod ratione constiterit, dumtaxat, quod religioni congruat, quod disciplinæ conveniat, quod salutis proficiat. Vocata autem consuetudo, quia in communi est usu.

CAPUT IV.

Quid sit Jus naturale.

I **JUS**, aut naturale est, aut civile, aut gentium. Jus naturale est commune omnium nationum, & quod ubique instinctu naturæ, non constitutione aliqua habeatur: ut viri, & foeminæ conjunctio, ⁽²⁾ liberorum susceptio, & educatio, communis omnium possessio, & omnium una libertas, acquisitio eorum, quæ Cælo, terra, marique capiuntur. Itèm depositæ rei, ⁽³⁾ vel commodatæ restitutio: violentiæ per vim repulsio. ⁽⁴⁾ Nam hoc, aut si quid huic simile est, nunquam injustum, sed naturale, æquumque habetur.

CAPUT V.

Quid sit Jus civile.

I **JUS** ⁽⁵⁾ civile est, quod quisque populus, ⁽⁶⁾ vel civitas sibi proprium, ⁽⁷⁾ humana, divinaque causa constituit.

CAPUT VI.

Quid sit Jus gentium.

I **JUS** gentium est sedium occupatio, ædificatio, munitio, bella, captivitates, servitutes, postliminia, ⁽⁸⁾ fœdera, paces, induciæ, legatorum non violandorum religio, connubia inter alienigenas prohibita: & indè jus gentium, quod eo jure omnes ferè gentes utuntur.

CAPUT VII.

Quid sit Jus militare.

I **JUS** militare est belli inferendi solemnitas, fœderis faciendi nexus, signo dato egressio in hostem, vel pugnæ commissio. Itèm signo dato receptio: itèm flagitii militaris disciplina, si locus deseratur: itèm ⁽⁹⁾ stipendiorum modus: dignitatum gradus: præmiorum honor, veluti cum corona, vel torques donantur. Itèm præde dæcisio, & pro personarum qualitatibus, & laboribus justa divisio, itèm principis portio.

CAPUT VIII.

Quid sit Jus publicum.

I **JUS** ⁽¹⁰⁾ publicum est in sacris, & sacerdotibus, & in magistratibus.

CA-

(1) Si ratione lex constat. Ità apud Tertull. Al. consistat, ut lib. 2. cap. 10. & apud Gratian.

(2) Cap. IV. Liberorum susceptio. Ità meliores CC. non successio. Male enim ante procreationem, & educationem successio collocaretur.

(3) Vel commodatæ restitutio. Al. commendata pecunia, non perindè rectè.

(4) Nam hoc. Paul. cap. 9. de Just. Jus pluribus modis dicitur, uno modo cum id, quod semper æquum, & bonum est jus dicitur, ut est naturale.

(5) Cap. V. Jus civile. Ex Caj. cap. 9. de Just. & Jur.

(6) Vel civitas. Ex c. Omnis, de Just. & Jur. D.

(7) Humana, divinaque causa: divina, humanaque. Gratianus. Est autem posita conjunctio pro disjunctione, quod neque jurisconsultis insolens.

(8) Cap. VI. Fœdera paces. Sallust. in Jugurth. Leges judicia, fœdera, atque paces.

(9) Cap. VII. Stipendiorum modus. Hinc duplicarii, quibus virtutis, ergò stipendia duplicantur: & ave divisi, quibus detrahebantur ignominia causa. Vid. Fest. & Cicero. in Verr.

(10) Cap. VIII. Ex Ulp. cap. 1. D. de Just. & Jur.

CAPUT IX.

Quid sit Jus Quiritium.

1 **J**US Quiritium est propriè Romanorum, ⁽¹⁾ quo nulli tenentur nisi Quirites, id est, Romani : tanquam de legitimis hæreditatibus, ⁽²⁾ de cretionibus, de tutelis, de usucapionibus : quæ jura apud nullum alium populum reperiuntur, sed propria sunt Romanorum, & in eosdem solos constituta. Constat autem jus Quiritium ex legibus, & plebiscitis, constitutionibus principum, & edictis, ⁽³⁾ sivè prudentum responsis.

CAPUT X.

Quid Lex.

1 **L**EX ⁽⁴⁾ est constitutio populi, qua majores natu simul cum plebibus aliquid sanxerunt.

CAPUT XI.

Quid Scita plebium.

1 **S**CITA ⁽⁵⁾ sunt, quæ plebes tantum constituunt : & vocata scita, quòd ea plebs sciat, ⁽⁶⁾ vel quòd sciscit, ità uti rogata fuit.

CAPUT XII.

Quid Senatus-Consultum.

1 **S**ENATUS-Consultum, quod tantum ⁽⁷⁾ Senatores populis consulendo decernunt.

CAPUT XIII.

Quid Constitutio, & Edictum.

1 **C**ONSTITUTIO, vel edictum, quod Rex, vel Imperator constituit, vel edicit.

CAPUT XIV.

Quid Responsa prudentum.

1 **R**ESPONSA sunt, quæ jurisconsulti respondere dicuntur consulentibus : undè, ⁽⁸⁾ & responsa Pauli dicta. Fuerunt enim quidam prudentes, & arbitri æquitatis, qui ⁽⁹⁾ institutiones civilis juris compositas ediderunt, quibus dissidentium lites, contentionesque sopirent.

CAPUT XV.

De Legibus consularibus, & tribunitiis.

1 **Q**UÆDAM etiam leges dicuntur ab iis, qui condiderunt : ut
con-

(1) Cap. IX. Quo nulli tenentur, nisi cives Rom. Hæc Romanorum erant propria propter multas juris observationes, & solemnitates Quiritium proprias. Alioquin legitima hæreditates, & tutela, & usucapiones, etiam apud Græcos erant Græcorum succedere ex jure Quirit. quo jure alii non tenentur nisi cives Romani.

(2) De cretionibus. De quibus inf. cap. 24. & Ulp. in Fragm.

(3) Sivè prudentum resp. Disjunctio pro conjunctione satis frequens in hoc opere.

(4) Cap. X. Lex est. Sup. lib. 2. cap. 10.

(5) Cap. XI. Scita sunt. Plebiscita. Grat. d. 2. cap. 3.

(6) Vel quod sciscit, ità uti rogata fuit. Vel quod exsciscit, ut, & rogat, & fuit Salm. & Compl. codices vetustissimi, non longè à scita scriptura. Alii, quod sciscitatur, & rogat, mendosi : non enim plebs rogabat, sed ipsa potius rogabatur illa formula. Velicis, jubecatis, Quiritis, & in fine : Hæc uti dixi, ità vos, Quirites, rogo : Post rogationem plebs in suffragium vocabatur ; bina singulis tabella ministrabantur : alteri A littera erat inscripta, qua antiquo id est, antiqua probò significabat : alteri V. R. id est, uti rogas. Est autem scisco : ut Festus interpretatur, jubeo, sententiam dico, vel suffragium fero. Quod si sciscitatur, & rogatur, vel sciscitur, & rogatur legas : ut est in aliis libris, posterioris prioris eris interpretatio. Gloss. sciscit novbavi.

(7) Cap. XII. Senatores populi. Ità o. l. sed Populi Rom. legebat Chacon. natus error ex similitudine s, & s Gothicorum characterum : quorum prius s. posterius r. illis fuit.

(8) Cap. XIV. Responsa Pauli. Qui xciii. libros Responsorum scripsit, ex quibus multa in Digestor. libris leguntur.

(9) Institutiones juris civil. A. responis ad institutiones venisse dicebat A. Augustinus propter Cuij institutiones cum Pauli sententiis ab Alarico editas post Codicem Theodosianum.

(1) consulares : tribunitiæ , Juliæ , Cornelii. Nam , & sub Octaviano Cæsare (2) suffecti Consules Papius , & Poppæus legem tulerunt : quæ à nominibus eorum appellatur Papiæ Poppææ , continens Patrum præmia pro suscipiendis liberis. Sub eodem quoque Imperatore (3) Falcidius tribunus plebis legem fecit : nè quis plus testamento legaret , quàm , ut quarta pars superesset hæredibus. Ex cujus nomine lex Falcidia nuncupata est. Aquillius quoque legem condidit , quæ hæcenus Aquillia nuncupatur.

CAPUT XVI.

De Lege satyra.

1 SATyra (4) verò lex est , quæ de pluribus rebus simul eloquitur dicta à copia rerum , & (5) quasi à saturitate : undè , (6) & satyram scribere est poemata varia condere : ut Horatii , Juvenalis , & Persii.

CAPUT XVII.

De Legibus Rhodiis.

1 RHodiæ leges navalium commerciorum sunt , ab Insula Rhodo cognominatæ , in qua antiquitus mercatorum usus fuit.

CAPUT XVIII.

De Privilegiis.

1 PRIVilegia autem sunt leges privatorum , quasi privatarum leges. Nam privilegium inde dictum , (7) quòd in privato feratur.

CAPUT XIX.

Quid possit Lex.

1 (8) OMnis autem lex , aut permittit aliquid : ut , vir fortis petat præmium , aut vetat : ut , sacrarum virginum nuptias nulli petere liceat , aut punit : ut , qui eadem fecerit , capite plectatur : ejus enim præmio , aut poena vita moderatur humana.

CAPUT XX.

Quare facta sit Lex.

1 FACTæ sunt leges : ut earum metu humana coerceatur audacia , tutaque sit inter improbos innocentia , & in ipsis improbis formidato supplicio , refrænentur nocendi facultas.

CA-

(1) Cap. XV. Consulares , Tribunitiæ. Consulares leges vocabantur ; quæ , Consule populum rogante , lata erant. Tribunitia , qua tribuno : quamvis hac plebi scita propriè appellarentur. Sed sapius leges Cicer. 3. de Legibus. Leges sunt veteres , neque ex consulares , (si quid interesse arbitramini) sed Tribunitiæ. Vid. Agell. lib. 10. cap. 20.

(2) Suffecti consules. Consules suffecti dicebantur , qui non Kalendis Januariis : ut ordinarii , sed aliqua parte anni consulatum capiebant. Senec. lib. 3. de ira , cap. 31. Dedit mihi præturam , sed consulatum speraveram ; dedit duodecim fasces , sed non fecit ordinarium consulem : à me numerari voluit annum , sed de est mihi ad sacerdotium , &c. Antonius in Gratiani. actione. Sed consulatus ille cujusmodi ? Ordinario suffectus , bimestri spatio interpositus , in sexta anni parte consumptus. Vid. Dion. lib. 48.

(3) Falcidius. Locus ex Euseb. Chron.

(4) Cap. XVI. Satyra lex. Nulla fuit lex , qua proprio nomine satyra vocaretur ; sed leges omnes , quæ multa eaque diversa continebant satyra appellabantur , ducta similitudine , sive ab ea lance , qua diversis pomor , seu frugum generibus referta deorum templis inferebatur ; sive à cibo variis rebus condito. Inde quas leges perpetuè valere , & æternas esse volebant , in earum sanctionibus addebant , neque per satyram abrogato , aut derogato , hoc est , ne simul quis , cum aliis alterius legis capitibus de eis abrogandis ad pop. ferret. Cum enim turbulenti , aut fastidiosi magistratus legem aliquam populo non injucundam abrogare cupiebant , legum capita quasdam æquissima , & multitudini valde grata proponere , interque ea unum de illa , alia lege abroganda inseriebant , quo artificio circumventus populus utiles sapè leges imprudens abrogabat. Unde plures translationes fluxere. Nam quidquid consue non servato temporis , aut verum ordine fiebat , per satyram fieri dicebatur. Gloss. Satyra νόμος πρὸς ἀντίθεσιν. Vid. Fest.

(5) Et quasi saturitate. Saturam scilicet dicebant , & scribebant Isidori atate.

(6) Unde , & satyram scribere. Hæc aliena censemus cum Chachone.

(7) Cap. XVIII. Quod in privato feratur. More suo pro in privatum legendum. Cicer. 3. de Legibus. Majores nostri in privatos homines leges ferri noluerunt , id est , enim privilegium.

(8) Cap. XIX. Repetuntur hæc capita ex lib. 2. cap. 10.

CAPUT XXI.

Qualis debeat fieri Lex.

1 **E**Rit autem lex honesta, justa, possibilis, secundum naturam, secundum patriæ consuetudinem, loco, temporique conveniens, necessaria, utilis, manifesta quoque, nè aliquid per obscuritatem in captionem contineat, nullo privato commodo, sed pro communi civium utilitate conscripta.

CAPUT XXII.

De Causis.

1 **P**ragma Græcum est, quod latinè dicitur causa: undè, & pragmata negotia dicuntur, & actor causarum, & negotiorum pragmaticus nuncupatur.

CAPUT XXIII.

De Testibus.

1 **T**estes quisque ante iudicium, sibi ⁽¹⁾ placitis alligat: nè cui sit postea liberum, aut dissimulare, aut subtrahere se: undè, & alligati appellantur. Itèm testes dicti, quòd testamento adhiberi solent: sicut signatores, quòd testamenta signant.

CAPUT XXIV.

De Instrumentis legalibus.

1 **V**oluntas generale nomen omnium legalium ins-

trumentorum, quæ quia non vi, sed voluntate procedit, ideò tale nomen accepit.

2 Testamentum vocatum: quia nisi testator mortuus fuerit, nec confirmari potest, nec sciri, quod in eo scriptum sit: quia clausum, & obsignatum est, & indè dictum testamentum: quia non valet nisi post testatoris monumentum: undè Apostolus, testamentum, inquit, in mortuis confirmatur.

3 ⁽²⁾ Testamentum sanè in Scripturis Sanctis non hoc solùm dicitur: quod non valet, nisi testatoribus mortuis, sed omne pactum, & placitum, testamentum vocabant: nam Labam, & Jacob testamentum fecerunt, quod utiquè etiam inter vivos valeret, & in Psalmis legitur: Adversum te testamentum disposuerunt, hoc est, pactum, & innumerabilia talia.

4 Tabulæ testamenti ideò appellatæ sunt: quia ante chartæ, & membranarum usum in tabulis dolatis non solùm testamentum, sed etiam epistolarum alloquia scribebantur: undè, & portitores earum tabellarii vocantur.

5 Testamentum juris civilis est ⁽³⁾ quinque testium subscriptione firmatum.

6 Testamentum juris prætorii est septem testium signis signatum: sed illud apud cives fit indè civile: istud apud prætores, indè juris prætorii. Testamentum autem signare, notare est: ut notum sit, quod scriptum est.

7 ⁽⁴⁾ Holographum testamentum est

(1) Cap. XXIII. Sibi placitis alligat-undè, & alligati. An indè nos, aliados, & alianza, quasi alligatos, & alligationem dicimus? An potius sibi placitos ex A. Augustini veteri libro recipimus, & allegat legimus, & allegati? Namque finitis in vocibus passim cernimus: Nam ad antestationem respicere non fit verisimile.

(2) Cap. XXIV. Testamentum sanè. Verba sunt Aug. in Ps. 82. & Hieronym. Habac. 2. Quinque testium subscriptione firmatum. Tot enim testes in testamento per as, & libram adhibebantur. Justinianus verò, ait, jure civili signa testium necessaria non fuisse, sed jure tantum prætorio.

(3) Holographum testam. Amb. in Epist. ad Gal. cap. 6. Ubi holographa manus est, falsum dici non potest. Idem hologrammon, sive hologrammaton testamentum apud Justinianum dicitur, de quo Novell. 107. cap. 1. βυδωμὴν, ἢ τις γραμμάτα ληξάντων μεταξὺ τῶν αὐτῶν παίδων ἐξ αὐτοῦ ποιῆσθαι διατάξαι, πρῶτον μὲν αὐτοῖς προγράψας αὐτοῖς, ὥτα καὶ τὰ τῶν παίδων ὀνόματα ἰσχυρὰ καὶ πρὸς γὰ τοῖς δουλικοῖς, ὥς τε γράφα κληρονομῶντες αὐτοῖς, καὶ τοῖς συμβόλοις τῶν ἀγρίων συμφωνοῦντες, ἀλλὰ δι' ἑλῶν γραμμάτων δ' ἀρῶντες.

est manu auctoris totum conscriptum, atque subscriptum : undè, & nomen accepit. Græci enim ὅλον totum, ⁽¹⁾ γράφειν litteram dicunt.

8 Irritum testamentum est, si is qui testatus est, capite diminutus est, aut si non ritè, factum sit.

9 Inofficiosum testamentum est, quod frustrà liberis exhæredatis, sine officio naturalis pietatis in extraneas personas redactum est.

10 Ruptum testamentum indè vocatur, eò quòd nascente posthumo, nequè exhæredato nominatim, nequè hærede instituto, disrumpitur.

11 Suppressum testamentum est, quod in fraudem hæredum, vel legatariorum, seu libertorum non est palàm prolatum : quòd si non latet, tamen si prædictis personis non proferatur, suppressi tamen videtur.

12 ⁽²⁾ Nuncupatio est, quum in tabulis, cerisque testator recitat, dicens: Hæc, ut in his tabulis, cerisque scripta sunt, ità do, ità lego : itaque vos cives Romani testimonium mihi præbetote, & hoc dicitur nuncupatio: nuncupare enim est palàm nominare, & confirmare.

13 ⁽³⁾ Jus liberorum est conjugum sine liberis invicè loco pignorum hæreditatis alterna conscriptio.

14 ⁽⁴⁾ Codicillum : ut veteres

ajunt, sine dubio ab auctore dictum, qui hoc Scripturæ genus instituit. Est autem Scriptura nulla indigens sollemnitate verborum, sed sola testatoris voluntate qualicumque Scripturæ significatione expressa : cujus beneficio voluntatibus defunctorum constat esse subventum propter legalium verborum difficultatem, aut certè propter necessitatem adhibendorum sollemnium : ità ut, qui titulum scribit, ejusdem Scripturæ codicillum vocet : sicut autem codicillus fit vice testamenti, ità epistola vice codicillorum.

15 ⁽⁵⁾ Cretio est certus dierum numerus, in quo institutus hæres, aut addit hæreditatem, aut finito tempore cretionis excluditur, ⁽⁶⁾ nèc liberum est illi ultrà capiendæ hæreditatis.

16 ⁽⁷⁾ Cretio autem appellata est quasi decretio, id est, decernere, vel constituere : ut putà, ille mihi hæres esto: additurque, cernitoque intra dies tot. Adeundarum autem hæreditatum centessimus staturus erat dies, quibus non esset cretio addita.

17 ⁽⁸⁾ Fideicommissum dictum: ut fiat, quod à defuncto committitur. Nam fides dicta, eò quòd fiat : quod tamen non directis verbis, sed precativis exposcitur.

18 ⁽⁹⁾ Pactum dicitur inter partes ex pace conveniens Scriptura, legibus,

K

bus,

(1) γράφειν litteram. Littera pro Scriptura, ut apud incertum poetam : Littera rem gestam loquitur, res ipsa medullam.

(2) Nuncupatio—hæc, ut in his tabulis. Ulpian, in Fragm. titul. xx. Nuncupatur testamentum in hunc modum : Tabulas testamenti testator tenens ità dicit : Hæc, ut in his tabulis, cerisvè scripta sunt, ità do, ità lego, ità testor, itaque vos, Quirites, testimonium præbetote. Sed, quod Ulpianus addit ità testor, omissum ab Isidoro, nihil mirum. At n. Pomponius cap. 120. de Verbor. signif. in xii. tabul. legendi verbo, etiam heredis institutionem contineri.

(3) Jus liberorum. Conjuges, quibus filii non essent, non poterant se invicem hæreses in universum constituere, nisi jus liberorum à Principe impetrassent. Ulpian, tit. xvi. quod confirmatur etiam verbis veteris interpretis Nossell. Theodos. & Valent. de Testament. qua posita est in calce Codicis Theodosiani.

(4) Codicillum. Seneca lib. de Brevit. Vita : Hoc quoque querentibus remittimus : quis Romanis primus persuasit navem conscribere. Claudius is fuit. Caudex ob hoc ipsum appellatus, quia plurimum tabellarum contextus caudæ, apud antiquos vocabatur. Unde publicæ tabulle codices dicuntur, & naves nunc quoque, quæ ex antiqua consuetudine per Tyberim commearius subvehunt, caudicariæ vocantur. Hinc codicilli, qui ex tabulis cera illitis conficiebantur. Ut facile in sinu gestari possent. Itemque Scriptura, qua quis voluntatem suam sine ulla sollemnitate testatur.

(5) Cretio. Vid. Ulp. tit. xxii.

(6) Neque liberum illi est. Jus, si vult arbitrium intellige.

(7) Cretio appellata est. Parr. lib. 6. Crevi valet constitui, itaque hæres, cum constituit se hæredem esse dicitur ceteris, & cum id fecit, crevisse.

(8) Fideicommissum. Ulp. tit. xxv. Fideicommissum est, quod non civilibus verbis, sed precativis relinquatur.

(9) Pactum dicitur. Refert hæc verba Bernard. Papien. cap. 11. de Verb. sign. in 1. collect. Decretal. & Greg. IX. cap. 11. eo tit. Recte in VV. libris pactum à pago, non à pango ducitur.

bus, ac moribus comprobata: & dictum pactum, quasi ex pace factum ab eo, quod est paco; undè, & pepigit.

19 Placitum quoque similiter ab eo, quod placet. Alii dicunt pactum esse, quod volens quisque facit: ad placitum verò etiam nollens compellitur, veluti quando quisque paratus sit in iudicio ad respondendum: quod nemo potest dicere pactum, sed placitum.

20 Mandatum dictum, quod olim in commisso negotio alter alteri manum dabat.

21 Ratum verò quasi rationabile, & rectum: undè, & qui pollicetur, dicit: Ratum esse profiteor, hoc est, firmum, atque perpetuum.

22 ⁽¹⁾ Ritè autem esse non rectè, sed ex more.

⁽²⁾ Chirographum--- Cautio---

23 Emptio, & venditio est rerum commutatio, atque contractus ex convenientia veniens.

24 ⁽³⁾ Emptio autem dicta, quod à me tibi sit: venditio quasi venundinatio, id est, à nundinis.

25 Donatio est cuiuslibet rei transactio. Dictam autem dicunt donationem, quasi doni actionem: & dotem, quasi do item. Præcedente enim in nuptiis donatione, dos sequitur. ⁽⁴⁾ Nam antiquus nuptiarum erat ritus, quod se maritus, & uxor invicem emebant, nè videretur uxor ancilla, sicut habemus in iure. Indè est, quod præcedente donatione viri, sequitur dos uxoris.

26 Donatio usufructuaria ideò

dicitur: quia donator ex ea usumfructum adhuc retinet, servato, cui donatum est, iure.

27 Donatio directa ideò nuncupatur: quia, & iure, & usu statim transit in alterum: nèc ultra indè aliquid ad jus donatoris retorquetur.

28 ⁽⁵⁾ Conditiones testium sunt propriè, & dictæ conditiones à condicendo, quasi conditiones: quia non ibi testis unus jurat, sed vel duo, vel plures. Non enim in unius ore, sed in duorum, aut trium testium stat omne verbum. Item conditiones, quod inter se conveniat sermo testium, quasi conditiones.

29 Stipulatio est promissio, vel sponsio: undè, & promissores stipulatores vocantur: dicta autem stipulatio à stipula. ⁽⁶⁾ Veteres enim quando sibi aliquid promittebant, stipulam tenentes frangebant: quam iterum jungentes, sponsiones suas agnoscebant. Sive quod stipulum ⁽⁷⁾ juxta Paulum iudicum firmum appellaverunt.

30 Sacramentum est pignus sponsonis, vocatum autem Sacramentum, quia violare, quod quisque promittit, perfidiæ est.

CAPUT XXV.

De Rebus.

I **H**æreditas est res, quæ morte alicujus ad quempiam pervenit, ⁽⁸⁾ nec legata testamento, nec possessione retenta. Dicta autem hæreditas à rebus additis, sive ab ære, quia qui

⁽¹⁾ Ritè autem esse non rectè. Non dissentit à Servio, qui ritè non rectè solum, sed rectè secundum ritum interpretatur.

⁽²⁾ Chirographum---cautio. Separata leguntur hæc voces in melioribus libris sine interpretatione, quæ sunt in editis ipsa satis produnt. Cod. Neap. Chirographum cautio, id est, manus inscriptio.

⁽³⁾ Emptio autem dicta. Vel potius, quod è meo tuum fiat, nisi quod hac notatio est mutui apud Justinianum.

⁽⁴⁾ Nam antiquus nuptiarum.---sicut habemus in iure. Verba Servii initio lib. 1. Georg. ubi desunt, fortasse hæc verba: ne videretur uxor ancilla.

⁽⁵⁾ Conditiones propriè testium. Ità scriptum in Gothico, & ità procedit notatio.

⁽⁶⁾ Veteres---agnoscebant. Expungebat hæc Chacon.

⁽⁷⁾ Juxta Paul. iurid. Lib. 5. Sent. tit. 8. vid. inf. lib. 10. Stipul.

⁽⁸⁾ Cap. XXV. Nec legata testamento, aut possess. retenta. Verba sunt Ciceronis in Topicis, quæ in uno tantum libro Ovet. Colleg. integra leguntur.

qui possidet agrum , & censum solvit,
(1) indè hæres.

2 Res sunt , quæ in nostro jure consistunt.

3 (2) Jura autem sunt , quæ à nobis justè possidentur , nec aliena sunt.

4 Dicta autem res à rectè habendo , jus à justè possidendo. Hoc enim jure possidetur , quod justè , hoc justè , quod benè. Quod autem malè possidetur alienum est. Malè autem possidet , qui , vel sua malè utitur , vel aliena præsumit. Possidet autem justè , qui non irretitur cupiditate. Qui autem cupiditate tenetur , possessus est , non possessor.

5 Bona sunt honestorum , seu nobilium , quæ proinde bona dicuntur : ut non habeant turpem usum , sed ea homines ad res bonas utantur.

6 Peculium propriè minorum est personarum , sive servorum. Nam peculium est , quod pater , vel dominus filium suum , vel servum pro suo tractare patitur. Peculium autem à pecudibus dictum , in quibus veterum constabat universa substantia.

7 Bonorum possessio est jus possessionis certò ordine , certoque titulo acquisita.

8 Intestata hæreditas est , quæ testamento scripta non est , aut si scripta sit , jure tamen nequaquam est addita.

9 Caduca indè dicuntur , quia ejus hæredes cæciderunt.

10 Familia herciscunda est divisio hæreditatis inter hæredes. Herciscunda enim apud veteres divisio nuncupatur.

11 Communi dividendo est inter eos , quibus communis res est : quæ actio jubet postulantiibus iis arbitrium dari , cujus arbitrato res dividatur.

12 Finium regundorum actio dicta , eò quòd per eam regantur , fines utrique nè dissipentur , (3) dummodò non angustiore quinque pedum loco ea controversia sit.

13 Locatio est res ad usum data cum definitione mercedis.

14 Conductio est res in usum accepta , cum constituta mercede.

15 Res credita est , quæ in obligationem ità deducta est , ut ex tempore , quo contrahebatur , certum sit eam deberi.

16 Usura est incrementum fœnoris , ab usu æris crediti nuncupata.

17 (4) Commodatum est id , quod nostri juris est , & ad alterum temporalitèr translatum est (5) cum modo temporis , quamdiù apud eum sit , undè , & commodatum dictum est.

18 Precarium est , dum prece creditor rogatus permittit debitorem in possessione fundi , sibi obligati demorari , & ex eo fructus capere. (6) Et dictum precarium , quia prece additur , quasi prece adium , r , pro d , littera commutata.

19 Mutuum appellatum est , quia id , quod à me tibi datur , ex meo tuum fit.

20 Depositum est pignus commendatum ad tempus , quasi diù positum. Deponere autem quis videtur , cum aliquid metu furti , incendiï , naufragii apud alium custodiæ causa deponit.

K 2

In-

(1) Indè , & hæres. *Al. indè , & res.*

(2) Jura autem sunt. *Ex August. epist. 54. quæ referuntur à Greg. cap. 12. de Verbor. signif. & 14. q. 4. c. Quid dicam,*

& à Bernard. Pap. in 1. collect.

(3) Dummodò non angustiore quinq. ped. *Negationem tollit A. August. ad leg. xii. tab. cap. 20.*

(4) Commodatum. *Commodum lib. 6. mendois.*

(5) Cum modo temp. *Id est , cum præfinitione temporis. Al. per commodum temp.*

(6) Dictum precarium. *q. p. a. Productio verbi est arrium , ut in armario. Sed supraposuitur ità commodè explicari , quæ negat.*

21 Interest autem in loquendi usu inter pignus, & arram. Nam pignus est, quod datur propter rem creditam, quæ dum redditur statim pignus aufertur. Arra verò est, quæ primum pro re bonæ fidei contractu emptæ, ex parte datur, & postea completur. Est enim arra complenda, non auferenda, undè, qui habet arram non reddet sicut pignus, sed desiderat plenitudinem, & ⁽¹⁾ dicta arra à re pro qua traditur. Item inter pignus, & fiduciam, & hypothecam hoc interest.

22 Pignus est enim, quod propter rem credi tam obligatur: cujus rei possessionem solam ad tempus consequitur creditor. Cæterum dominium penes debitorem est.

23 Fiducia est, cum res aliqua sumendæ mutæ pecuniæ gratia, vel mancipatur, ⁽²⁾ vel injure ceditur.

24 Hypotheca est, cum res commodatur sine depositione pignoris, pactione, vel cautione sola interveniente.

25 ⁽³⁾ Momentum dictum à temporis brevitate, ut quam citò, quam statim salvo negotio reformetur, nec in ullam moram produci debeat, quod repetitur: sicut nec ullum spatium est momenti, cujus tam brevis est temporis punctus, ut in aliquam moram nullo modo producatur.

26 Instrumentum est undè aliquid construimus: ut culter, calamus, ascia.

27 Instructum, quod per instrumentum efficitur: ut baculus, codex, tabula.

28 Usus, quo in re instructa utimur: ut in baculo inniti, in codice le-

gere, in tabula ludere, sed, & ipse fructus agrorum, quia eo utimur, usus vocatur. Hæc sunt illa tria.*

29 Ususfructus autem vocatus, quia solo usu habetur ejus fructus, manente apud alium jure.

30 Usucapio est adeptio domini per continuationem justæ possessionis, ⁽⁴⁾ vel biennii, vel alicujus temporis.

31 Mancipatio dicta est, quia res manu capitur. Undè oportet eum qui mancipio accipit, comprehendere idipsum, quod ei mancipio datur.

32 Cessio est propriæ rei concessio, sicut est illud: Cedo jure propinquitatis. Cedere enim dicimus, quasi concedere, id est, quæ propria sunt: nam aliena restitimus, non cedimus. Nam cedere propriè dicitur, qui contra veritatem alteri consentit: ut ⁽⁵⁾ Cicero, cessit, inquit amplissimi viri auctoritati, vel potius parvit.

33 Interdictum est, quod à judice non in perpetuum, sed pro reformando momento ad tempus interrim dicitur: salva propositione actionis ejus.

34 Pretium vocatum, eò quòd prius illud damus, ut pro ejus vice rem, quam appetimus, possidere debeamus.

35 commercium dictum à mercibus, quo nomine res venales appellamus. Undè, & mercatus dicitur coetus multorum hominum, qui res vendere, vel emere solent.

36 Integri restitutio est causæ, vel rei reparatio.

37 Causa redintegratur, quæ vi potestatis expleta non est. Res redintegratur, quæ vi potestatis ablata, atque extorta est.

CA-

(1) Dicta autem arra à re. Immo ab arrabone præcise voce.

(2) Vel in jure ceditur. Quomodo juris cessio fiat, docet Ulpian. in *Fragm. & Causis citatus à Boethio in Top.*

(3) Momentum—ut quam citò, quam statim. Ita meliores libri.

(4) Vel biennii. Anni, vel biennii Ulpianus plenius.

(5) Ut Cicero. In *Ligariana*.

CAPUT XXVI.

De Criminibus in lege conscriptis.

1 **C**Rimen à carendo nominatur, ut furtum, falsitas, &c. quæ non occidunt, sed infamant.

2 Facinus dictum à faciendo malum, quod noceat alteri.

3 ⁽¹⁾ Flagitium à flagitando corruptelam libidinis, qua noceat sibi. Hæc duo sunt genera omnium peccatorum.

4 Vis est virtus potestatis, per quam causa, sivè res, vel aufertur, vel extorquetur.

5 ⁽²⁾ Vis privata est, si quisquam antè iudicium armatis hominibus quemquam à suo dejecerit, vel expugna verit.

6 Vis publica est, si quis civem antè populum, vel iudicem, vel regem appellantem necaverit, aut torserit, sivè verberaverit, vel vinxerit.

7 ⁽³⁾ Dolus est mentis calliditas, ab eo, quòd deludat: aliud enim agit, & aliud simulat. Petronius alitèr existimar dicens: Quid est iudices, dolus? Nimirum ubi aliquid factum est, quod legi dolet: habetis dolum, accipite nunc malum.

8 ⁽⁴⁾ Calumnia est jurgium alienæ litis à calvendo, i, decipiendo dicta.

9 Falsitas appellata à fando aliud, quam verum est.

10 ⁽⁵⁾ Injuria est injustitia, hinc est apud Comicos injurius, qui audet aliquid contra ordinem juris.

11 ⁽⁶⁾ Seditio dicitur dissensio cibium, quod seorsum alii ad alios eunt. Nam hi maximè turbatione rerum, & tumultu gaudent.

12 ⁽⁷⁾ Sacrilegium propriè est sacrarum rerum furtum: Postea, & ⁽⁸⁾ in idolorum cultu hæsit hoc nomen.

13 ⁽⁹⁾ Adulterium est illusio alieni conjugii, quod quia altèr alterius torum commaculavit, adulterii nomen accepit. ⁽¹⁰⁾ Stuprum.---

14 ⁽¹¹⁾ Raptus, propriè est illicitus coitus, à corrumpendo dictus, unde Virgilius: rapto potitur, id est, stupro fruitur.

15 Homicidii vocabulum compositum est ex homine, & cæde: qui enim cædem in hominem fecisse compertus erat, homicidam veteres appellabant.

16 Parricidii actio non solùm in eum dabatur, qui parentem, id est, qui patrem, vel matrem interemisset, sed, & in eum, qui fratrem occiderat, & dictum parricidium quasi parentis cædes.

17 ⁽¹²⁾ Internecivi iudicium in eum dabatur, qui falsum testamentum fecerat, & ob id hominem occiderat. Accusatorem ejus possessio bonorum sequebatur. Internecivi autem significatio est, quasi hominis quædam ene-

K 3

ca-

(1) Cap. XXVI. Flagitium. Non. Flagitium veteres vitium, quod virgini inferatur dici voluerunt.

(2) Vis privata-Vis publica. Ex Paul. lib. 5. Sentent. tit. 26. ex quo legendum videbatur Chaconi antea populum, nunc iudicem, vel regem appellantem, quod nobis quoque videtur, nisi ante populum Gothicismum esse movis.

(3) Do us est inentis calliditas. De dolo malo hac Labeo, & Aquilius. Roman. 2. etiam dolus bonus, ut videatur deesse vox imalus.

(4) Calumnia à calvendo, id est, decipiendo. Hinc in xii. tabul. Si calvitur pedemvè struit.

(5) Injuria est injust. Verba Servii Æn. 9. ad V. cum Turni injuria.

(6) Seditio. Citantur hæc à Non. ex Cic. vi. de Rep. in Seditio.

(7) Sacrilegium. Serv. Æn. 9. legere furari, unde, & sacrilegi, qui sacra furantur.

(8) In idolorum cultu hæsit. Ità interpretantur quidam illud Pauli ad Roman. 2. qui abominaris idola sacrilegium facis.

(9) Adulterium est illusio. Abusio Ovent. & Neap. Fest. Adulter, & adultera dicuntur, quia, & ille ad alteram, & hæc ad alterum se conferunt.

(10) Stuprum.—Lacuna est in melioribus libris in aliis, qua de Rapto dicuntur, pro interpretatione adhibentur.

(11) Raptus. à Servo. Æn. 4.

(12) Internecivi. Sic in antiquissimis quibusque libris, Fest. Internecivum testamentum propter quod dominus ejus necatus est. Neque aliorum librorum scripturas, in quibus internecivi, internecii. Internecidii legitur, rejicimus. Internecidi, etiam recipimus cum Jacob. Cujac. Nam, & Agell. internecium morbum dixit.

catio: nam præpositionem inter, ponebant antiqui pro E. Nævius: Mare interbibere. Et Plautus: Interluere mare, i, ebibere, & eluere.

18 Furtum est rei alienæ clandestina contrectatio, à furvo, i, fusco vocatum, quia in obscuro fit. ⁽¹⁾ Furtum autem capitale crimen apud majores fuit ⁽²⁾ ante poenam quadrupli.

19 Pervasio est rei alienæ manifestæ præsumptio. Furtum autem earum rerum fit, quæ de loco in locum transferri possunt, pervasio autem, & earum, quæ transferuntur, & earum quæ immobiles sunt.

20 Inficiatio est negatio debitæ rei cum à creditore deposcitur. Idem, & abjuratio, i, rei creditæ abnegatio.

21 Ambitus judicium in eum est, qui largitione honorem capit, & ambit, amissurus dignitatem, quam munere invadit.

22 Peculatus judicium in eos datur, qui fraudem ærario faciunt, pecuniamque publicam intervertunt: nam à pecunia peculatus est dictus. Non autem sic judicatur furtum publicæ rei, sicut rei privatæ: nam ille sic judicatur: ut sacrilegus, quia fur est sacrorum.

23 Repetundarum accusatur, qui pecunias à sociis cœpit. In hoc judicio reus si antè moriatur, in bona ejus judicium redditur.

24 Incesti judicium in virgines sacratas, vel propinquas sanguine constitutum est: qui enim talibus miscentur, incesti, id est, incasti habentur.

25 Majestatis reatu tenentur ii, qui regiam majestatem læserunt, vel violaverunt, vel qui rempublicam prodiderunt, vel cum hostibus consenserunt.

26 Piaculum dictum, quod expiari potest, commissæ sunt enim, quæ erant quoquo ordine expianda.

CAPUT XXVII.

De Poenis in legibus constitutis.

1 **D**upliciter malum appellatur, unum quod homo facit, alterum quod patitur. Quod facit, peccatum est, quod patitur poena. ⁽³⁾ Malum autem tunc plenum est, cum, & præteritum est, & impendit: ut sit, & dolor, & metus.

2 Poena dicta quod puniat. ⁽⁴⁾ Est autem epithetum necessarium, & sine adjectione non habet plenum sensum, adjicis poena carceris, poena exilii, poena mortis, & imple sensum.

3 Supplicium propriè dicitur, non quo quis quoquo modo punitur, sed cum ita damnatur: ut bona ejus consecrentur, & in publico redigantur: nam supplicia dicebantur supplicamenta. Et supplicium dicitur de cuius damnatione deliberatur aliquid Deo, unde, & supplicare.

4 ⁽⁵⁾ Octo genera poenarum in legibus contineri Tullius scribit, damnum, vincula, verbera, talionem, ignominium, exilium, servitutem, & mortem: his namque poenis vindicatur omne perpetratum peccatum.

Dam-

(1) Furtum capitale. *Legibus vii. tab. ut ait Theophilus, lib. 4. Inst. tit. 12. Draconis verò leges, etiam minima rei furæ capitis damnabant. Plutarch. & Agell.*

(2) Ante poenam quadrupli. *At Cato, in Praef. lib. de Re rust. Majores nostri sic habuerunt, & ita in legibus posuerunt, furem dupli condemnari, feneratorem quadrupli. Vid. Agell. lib. 11. cap. 18. qui hanc litem componit.*

(3) Cap. XXVII. Malum autem tunc plenum—& impendit. *Planum—& impendit legit interpres Hispanus, qui ita reddidit: El mal entonces es llano, quando es pasado, è embargo al que sea dolor, è miedo.*

(4) Est autem epithetum necessarium. *Pro necess. nomen est in plerisque libris, error natus ex Scripturæ compendio non meminit Aug.*

(5) Octo genera poenarum. *Ex August. 21. de Civit. cap. 11. Cic. lib. 1. de Orat. Vicia hominum, atque fraudes, damnum, vinculis, ignominia, verberibus, exiliis, morte multantur.—Talionis tamen (quod sciam) non meminit Cicero,*

5 Damnum à diminutione rei vocatum.

6 Vincula à vinciendo, i, arctando dicta, eò quòd constringant, atque retineant, vel quia vi ligant.

7 Compedes dictæ, quia continent pedes.

8 Pedicæ sunt laquei, quibus pedes illaqueantur, dictæ à pedibus capiendis.

9 Catenæ autem quòd accipiendo teneant utraque vestigia, nè progrediantur. Itèm catenæ, quòd se capiendo teneant plurimis nodis.

10 Manicæ sunt vincula, quibus manus capiuntur, licet, & manicæ tunicarum sint.

(1) Nervus.-----

11 (2) Boja est torques damnatorum, quasi jugum in bove: ex genere vinculorum est.

12 Carcer in quo custodiuntur noxii. Et dictus carcer, quòd eò homines coërceantur, includanturque quasi arcer, ab arcendo scilicèt. Locum autem in quo servantur noxii carcerem dicimus numero tantum singulari: undè verò emittuntur quadrigæ carceres vocamus (3) numero tantum plurali.

13 Verbera dicta, quia cum agitantur, aërem verberant. Hinc flagra, & plagæ, & flagella, quia cum flatu, & strepitu in corpore sonant. Nam plagæ quasi flagæ: sed plagæ, & flagra primæ positionis sunt: flagella au-

tem per diminutionem dicta.

14 (4) Anguilla est, qua coërcentur in scholis pueri, quæ vulgò scutica dicitur.

15 Fustes sunt, quibus pro criminibus juvenes feriuntur, appellati quod præfixi in fossis stent, quos palos rustici vocant.

16 (5) Vectes dicti, quòd manibus vectentur: undè ostia, saxaque velluntur, (6) sed hi ad pœnas legum non pertinent.

17 Virgæ sunt summitates frondium, arborumque dictæ, quòd virides sunt, vel quòd vim habeant arguendi: quæ si (7) lenis fuerit, virga est, si certè nodosa, vel aculeata scorpio rectissimo nomine: (8) quia arcuato vulnere in corpus infigitur.

18 Ictus propriè flagellorum sunt ab agitando vocati.

19 Ungulæ dictæ, quòd effodiant: hæ, & (9) fidiculæ, quia iis rei in equuleo torquentur, ut fides inveniantur.

20 (10) Equuleus autem dictus, quòd extendat.

21 Tormenta verò, quòd torquendo mentem inveniant.

22 Est, & (11) latomia supplicii genus -- ad (12) verberandum aptum) inventum à Tarquinio superbo ad pœnam sceleratorum. Iste enim prior latomias, tormenta, fustes, metalla, atque exilia adinvenit, & ipse prior ex rebus exilium meruit.

Ta-

(1) Nervus. -- In VV. cc. lacuna est aliorum interpretatio ex Festi epitome sumpta videri possit, sed aliquanto etiam verius Festus ipse.

(2) Boja. Fest. Bojæ genus vinculorum, tùm lignæ, quàm ferræ dicuntur.

(3) Numero tantum plurali. At Virgil. singulari dixit, rounque effusi carcere currus.

(4) Anguilla. Plin. lib. 9. cap. 23. Tenuissimum (murænis) torquis, contrà anguillis crassius, coque verberari solitos tradit Verrius pretertextatos, & ob id dicit his multam non institutam.

(5) Vectes--saxaque velluntur. Vchuntur mallebat A. August. sed velli, vebique saxa vectibus passim videmus.

(6) Sed hi ad pœnas leg. n. p. Cur igitur hic commemorati? An quia Martyres vectibus cruciatis sape legimus?

(7) Si lenis. Al. si levis.

(8) Quia arcuato vulnere. Verba sunt Hieronymi, si vè Tertulliani potius. Vid. inf. lib. 12. cap. 5.

(9) Et fidiculæ--ut fides inveniantur. Vel potius à fidium similitudine.

(10) Equuleus--quòd extendat. Al. extendatur.

(11) Latomia. Euseb. in Chron. Tarquinius superbus excogitavit vincula, tauræa, fustes latumias, carceres, compedes, catenas, exilia, metalla. Nec tamen latomia dicende, (ut quidam arbitrantur) quia Seneca lib. 5. Controversi. dicat: Nec quemquam vestrum decipiat nomen ipsum latumia, minime lauta res est. Vid. Fest. Ascen.

(12) Ad verberandum aptum. Aliena hæc censemus.

23 Talio est similitudo vindictæ: ut talitèr quis patiatùr, ut fecit. Hoc enim, & natura, & lege est institutum: ut lædentem similis vindicta sequatur. Undè, & illud est legis: Oculum pro oculo, dentem pro dente. Talio autem non solùm ad injuriam referendam, sed etiam pro beneficio reddendo ponitur. Est enim communis sermo, & injuriæ, & beneficentiæ.

24 ⁽¹⁾ Ignominium dictum, eò quòd desinat habere honestatis nomen, iis, qui in aliquo crimine deprehenditur. Dictum autem ignominium quasi sine nomine: sicut ignarus sine scientia, sicut ignobilis sine nobilitate. Hoc quoque, & infamium, quasi sine bona fama: fama autem dicta, quia fando, id est, loquendo pervagatur per traduces linguarum, & aurium serpens. Est autem nomen, & bonarum rerum, & malarum. Nam fama felicitatis interdùm est, ⁽²⁾ ut illud est: Illustris fama, quod laus est: malarum, ut Virgilius: Fama malum, qua ⁽³⁾ non aliud velocius ullum. ⁽⁴⁾ Fama autem nomen certi locum non habet, quia plurimùm mendax est, adjiciens multa, vel demutans de veritate: quæ tandiù vivit, quamdiù non probatur. At ubi probaveris, esse cessat, & exindè res nominatur non fama.

25 Exilium dictum quasi extra solum. Nam exul dicitur, qui extra solum est. -- Undè ⁽⁵⁾ postliminium redeuntibus, hoc est de exilio reducendis, qui sunt ejecti injuria extra limen patriæ) Dividitur autem exilium in relegatis, & deportatis.

26 Relegatus est, quem bona sua sequuntur, deportatus, quem non sequuntur.

27 Proscriptio exilii procul damnatio, quasi porrò scriptio. Itèm proscriptus, quia palàm scriptus.

28 ⁽⁶⁾ Metallum est ubi exules deputantur ad eruendam venam, marioraque secunda in crustis.

29 ⁽⁷⁾ Servitus à servando vocata, apud antiquos enim, qui in bello à morte servabantur, servi vocabantur. ⁽⁸⁾ Hæc est sola malorum omnium postrema, quæ liberis omni supplicio gravior est, nam ubi libertas periit, unà ibi perierunt, & omnia.

30 Mortium verò diversi casus, ex quibus crux, vel patibulum in quo homines appensi cruciantur, vel patiuntur, undè, & nomina habent.

31 Patibulum enim vulgò furca dicitur, quasi ferens caput, suspensum enim, & strangulatum ex eo exanimat, sed patibuli minor poena, quàm crucis. Nam patibulum appensos statim exanimat, crux autem suffixos diù cruciat, undè, & in Evangelio latronibus: ut morerentur, & de ligno ante Sabbatum deponerentur, crura contrafacta sunt, quia ligno suspensi citò mori non poterant.

32 In ipso ⁽⁹⁾ quoque genere necis differt. Crudeliùs est enim in aqua spiritum torquente extinguere, ignibus uri, frigore, & fame necari, canibus, & bestiis exponi. Nam ferro mori ætas quoque major optavit. Gladius enim sine majori cruciatu compendiosa morte vitam finire novit.

Cul-

(1) Ignominium. Sic meliores libri, & statim infamium, qua vox sæpè in Conciliis Toletan. legitur.

(2) Ut illud est illust. fam. Ex Orat. pro Marcel.

(3) Qua non aliud. Sic in omnibus Gothicis non quo, ac meo judicio, haud malè.

(4) Fama autem certi. Totus locus ex Apolog. Tertull. cap. 8.

(5) Undè postliminium-patriæ. Obelo hæc notavimus de A. Aug. & Chaconis Sentent.

(6) Metallum-deputantur. Neap. & deportantur.

(7) Servitus. Ex Aug. 19. de Civit. cap. 15.

(8) Hæc est sola malorum. Cir. Philpp. 11.

(9) In ipso quoque genere necis. Ex Apolog. Tertull.

33 Culleus est parricidale vasculum ab occultendo, i, claudendo dictum. Est autem uter ex corio factus, in quo parricidæ cum simia, & gallo, & ⁽¹⁾ serpente inclusi, in mare præcipitantur: omnium autem istarum mortium genus animadversio nominatur.

34 Animadversio enim est, quando iudex reum punit, & dicitur animadvertere, i, animum illud advertere, intendere utique ad puniendum reum, quia iudex est. Ideo autem Romani aqua, & igni interdicebant quibusdam damnatis, quia aer, & aqua cunctis patet, & omnibus data sunt: ut illi non fruerentur, quod omnibus per naturam concessum est.

DE TEMPORIBUS.

CAPUT XXVIII.

De Chronica vocabulo.

I ⁽²⁾ Chronica Græcè dicitur, quæ Latinè temporum series appellatur, qualem apud Græcos Eusebius Cæsariensis Episcopus edidit, & Hieronymus Presbyter in Latinam linguam convertit: *χρόνος* enim græcè, latinè tempus interpretatur.

CAPUT XXIX.

De Momentis, & Horis.

I Tempora autem momentis, horis, diebus, mensibus, an-

nis, lustris, seculis, ætatibus dividuntur. Momentum est minimum, atque angustissimum tempus, à motu siderum dictum. Est enim extremitas horæ in brevibus intervalis, cum aliquid sibi cedit, atque succedit. Hora Græcum est nomen, & tamen Latinum sonat. Hora enim finis est temporis, sicut, & horæ sunt fines maris, fluviorum, & vestimentorum.

CAPUT XXX.

De Diebus.

I Dies est præsentia Solis, sive Sol supra terras: sicut nox, Sol sub terris. Ut enim dies, aut nox sit: causa est, aut supra terram Sol, aut sub terris. Dies legitimus viginti quatuor horarum est, usque dum dies, & nox spatia sui cursus ab Oriente, usque ad alium Orientem Solem Cœli volubilitate concludat. Abusivè autem dies unus est spatium ab Oriente Sole, usque ad Occidentem. Sunt autem diei spatia duo, ⁽³⁾ interdianum, atque nocturnum, & est dies quidem horarum viginti quatuor, spatium autem horarum duodecim. ⁽⁴⁾ Vocatus autem dies à parte meliore: unde, & in usu est: ut sine commemoratione noctis, numerum dicamus dierum, sicut, & in Lege divina scriptum est: Factum est vespere, & manè dies unus.

2 Dies secundum Egyptios inchoat ab occasu Solis: secundum Persas, ab ortu Solis: ⁽⁵⁾ secundum Athenien-

(1) Et serpente. *Juvenal, satyr. 8.* Cuius supplicio non debuit una parari Simia, nec serpens unus, nec culleus unus. *Qua de serpente, gallo, & simia in quibusdam libris leguntur, in melioribus nulla sunt, præterquam in uno Salman. sane percutio, sed ibi quoque ad finem totius capitis rejecta: ut liquido appareat esse aliena. Huiusmodi accessionibus pessime multati sunt hi libri.*

(2) Cap. XXVIII. *Qua his xii. capitibus de Temporibus continentur, adducta huc sunt, è libro Isidori de Astris ad Sisebuthum Regem, & ejusdem Chronicæ.*

(3) Cap. XXX. Interdianum. *Sic. l. o.*

(4) Vocatus autem dies à part. mel. è *Serv. Æn. 5. ad. v.* Torquet medios nox humida curs.

(5) Secundum Atheniensis. à sexta hora diei. *Ex eod. Servii loco, qui Agellium citat, Agellius verò, lib. 3. cap. 2. ex Varone diem apud Athenienses ab Occasu Solis dicit incipire. Quod affirmat, etiam Macrobi. lib. 1. & Censorin. cap. 19. Ergo, vel Servium, vel Agellium emendari oportet. Isidorum secutus est Beda, cap. 2. de Ratione Temporum. Quid si è supra per compendium scripta sexta letores fecerunt cum? Supremam Isidorus intellexisset: vel potius, pro suprema sex-
ta hora legerunt? Nam alio pacto quomodo hinc honestè habeamus nescio.*

nienses , à sexta hora diei : secundum Romanos à media nocte. Undè , & tunc gallicinium est , ⁽¹⁾ id est , gallo- rum cantus , ⁽²⁾ quorum vox diei ostendit præconium , ⁽³⁾ quando , & mesonyctius afflatus fit.

3 Dies dicti à diis , quorum nomina Romani quibusdam sideribus sacraverunt. Primum enim diem à Sole appellaverunt , qui Princeps est omnium siderum , sicut , & idem dies caput est cunctorum dierum. Secundum à Luna , quæ Soli , & splendore , & magnitudine proxima est , & ex eo mutuatur lumen. Tertium à Stella ⁽⁴⁾ Martis , quæ Pyrois vocatur. Quartum à Stella Mercurii , ⁽⁵⁾ quem quidam Stilbonta dicunt. Quintum à Stella Jovis , quam Phaëntem ajunt. Sextum à veneris Stella , quam Luciferum asserunt , quæ inter omnia sidera plus lucis habet. Septimum à Stella Saturni , quæ septimo Cœlo locata xxx. annis fertur explere cursum suum. Proindè autem ex his septem Stellis nomina diebus gentiles dederunt , eò quòd per easdem aliquid sibi effici existimarent , ⁽⁶⁾ dicentes habere à Sole spiritum , à Luna corpus , à Mercurio ingenium , & linguam , à Venere voluptatem , à Marte sanguinem , à Jove temperantiam , à Saturno humo-

rem : talis quippè extitit gentilium stultitia , qui sibi finxerunt tam ridiculosa figmenta.

4 Apud Hebræos autem dies prima , una Sabbati dicitur , quæ apud nos dies dominicus est , quem gentiles Soli dicaverunt. Secunda Sabbati , secunda feria , quem seculares diem Lune vocant. Tertia Sabbati , tertia feria , quem illi diem Martis vocant. Quarta Sabbati , quarta feria , qui Mercurii dies dicitur à paganis. Quinta Sabbati , quinta feria est , i , quintus à die dominico , qui apud Gentiles Jovis vocatur. Sexta Sabbati , sexta feria est , quæ apud eosdem paganos Veneris nuncupatur. Sabbatum autem septimus à dominico die est , quem Gentiles Saturno dicaverunt , ⁽⁷⁾ & Saturni nominaverunt. Sabbatum autem ex Hebræo in Latinum requies interpretatur , eò quòd Deus in eo requievisset ab omnibus operibus suis. ⁽⁸⁾ Melius autem in vocabulis dierum de ore Christiano ritus loquendi Ecclesiasticus procedit : tamen si quem fortè consuetudo traxerit : ut illud exeat ex ore , quod improbat corde , intelligat illos omnes , de quorum nominibus appellati sunt hi dies , homines fuisse , & propter beneficia quædam mortalia , quia plurimum potuerunt , & eminuerunt in hoc

(1) Id est , gallos , cantus. Ha voces addita ex C. Neap. ut quod sequitur. Quor. vox , &c. procederet.

(2) Quor. vox diei est p. Ambros. Hoc excitatus Lucifer soluit polum caligine.

(3) Quando , & mesonyct. afflat. Et quia noctis melior pars astra , Solque ad nos jam flectitur , afflari radiis ejus orbis hic dicitur. Afflari autem magnum est verbum , qui , adventante Sole , simulacra nocturna aufugere credebant. Undè Philostratus lib. 3. de Vita Appollonii negat Achillis simulacrum gallicinium expectasse. Quo pertinet illud quoque Anchisæ Jamque vale , torquet medios nox humida cursus. Et nunc seivus equis oriens afflavit anhel. Eodemque modo interpretatur Servius illud Æn. 6. Ecce autem primi sub lumina Solis , & ortus. Ut lumina primi Solis medium noctis intel-

ligat.

(4) Stella Martis , quæ Pyrois. Chaconi assensum sumus hic , ut etiam supra lib. 3. cap. 70. cum in libris omnibus utro-

bique vesper pro Pyrois legatur.

(5) Quem quidam Stilbonta. Optimè quoque coniecit idem Chacon , cum hic legatur. Quem quidam candidum circum- lum dicunt , candidum glossam fuisse τὰ γινώσκοντα , unde ab imperito lectore sublatum Stilbonta additum circum- lum. Cum candidus circulus via lactea Isidoro sit lib. 3. cap. 45. hujus rei magnum argumentum , vocem circulum etiamnum à quibusdam libris abesse.

(6) Dicentes habere à Sole spiritum. Serv. Æn. 11. ad v. Nil jam cœlestibus ullis debentem. Superis debemus omnia donec vivimus , idèò , quia , ut dicunt physici , cum nasci ceperimus , sortimur à Sole spiritum , à Luna corpus , à Marte sanguinem , à Mercurio ingenium , à Jove desiderium , à Venere cupiditates , à Saturno humorem. Ubi , quod ad Jo-

quem propterea in Somn. Scip. fulgorem salutarem appellat. Cic. 2. de Nat. deor. His interjecta Jovis Stella illustrat , & temperat.

(7) Et Saturni nominaver. Æn. 18. cont. Enn. cap. 5. Saturnum importare conamini , quia cum diem Saturni gentes appellaverunt.

(8) Melius autem in vocab. Ex Aug. in Ps. 93.

hoc seculo, delati sunt eis ab amatoribus suis divini honores, & in diebus, & in sideribus, sed prius à nominibus hominum sidera nuncupata, & à sideribus dies sunt appellati.

5 Afando autem feriæ nuncupatæ sunt, quod in eis nobis sit tempus dictionis, id est, in divino, vel humano officio fari: sed ex iis festi dies hominum causa instituti sunt: feriatu causa divinatorum sacrorum.

6 ⁽¹⁾ Partes diei tres sunt: manè, meridies, & suprema.

7 Manè, lux matura, & plena: nec jam crepusculum. ⁽²⁾ Et dictum manè à mano, manum enim antiqui bonum dicebant. Quid enim melius luce? Alii manè existimant vocari à ⁽³⁾ manibus, quorum conversatio à Luna ad terram est. Alii putant ab aëre: quia manus, id est, rarus est, atque perspicuus.

8 Meridies dictus quasi medidies, hoc est, medius dies, vel quia tunc purior dies est. Merum enim purum dicitur. In toto enim die nihil clariùs meridie, quando Sol è medio Cœlo rutilat, & omnem orbem pari claritate illustrat.

9 ⁽⁴⁾ Suprema est postrema pars diei, quando Sol cursum suum in Occasum verti: dicta quòd superest ad partem ultimam diei.

10 ⁽⁵⁾ Serum vocatum à clausis seris, quando jam nox venit, ut

unusquisque somno tutior sit.

11 Hodie, quasi hoc die, & ⁽⁶⁾ quotidie non cotidie, ut sit quot diebus.

12 ⁽⁷⁾ Cras, quod est postea.

13 Hesternum est pridie: & dictum hesternum ab eo, quòd jam dies ipse sit à nobis extraneus, & prætereundo alienus.

14 Pridie autem, quasi priori die.

15 Perendie, id est, per ante diem, vel in ⁽⁸⁾ antecessum, id est, prius.

CAPUT XXXI.

De Nocte.

1 **N**OX ⁽⁹⁾ à nocendo dicta, eò quòd oculis noceat. Quæ idcirco Lunæ ac siderum lucem habet, ne indecora esset, & ⁽¹⁰⁾ ut consolaretur omnes nocte operantes: & ut quibusdam animantibus, quæ lucem Solis ferre non possunt ad sufficientiam temperaretur. Noctis autem, & diei alternatio propter vicissitudinem dormiendi, & vigilandi effecta est, & ut operis diurni laborem noctis requies temperaret. ⁽¹¹⁾ Noctem autem fieri, aut, quia longo itinere lassatur Sol, & cum ad ultimum Cœli spatium pervenit elanguescit, ac labefactus efflat suos ignes: aut, quia eadem vi sub terras cogitur, qua super terras pertulit lumen, & sic umbra terræ noctem facit. Unde, & Virgilius, —ruit Oceano

(1) Partes diei. ò Serv. Æn. 2.

(2) Et dictum manè à mano. ò Serv. Æn. 1. ad v. Tenet ille immania saxa. Varro lib. 5. manè, quod tunc manat dies ab Oriente: nisi potius, quod bonum antiqui dicebant manum. Vidend., item Serv. Æn. 3. ad v. Stant manibus aræ.

(3) A manibus. Macrob. lib. 1. Saturn. cap. 3. Manè autem dictum, quod à locis inferioribus, id est, à manibus lucis exordium emergat. Et in fin. lib. 8. infr.

(4) Suprema est post. Varro. Suprema summum diei, id à superima. Hoc tempus xii. tabulæ dicitur Occasum esse Solis.

(5) Serum. Al. Sero.

(6) Et quotidie non cotidie. Vid. sup. lib. 1. cap. 26.

(7) Cras, quod est postea. Deesse videtur aliquid. Et postea fortasse legendum.

(8) In antecessum, id est, prius. Gloss. in antecessum πρὸ ἡμέρας, & apud Senec. in antecessum solvere, hoc est, antequam dies debiti cedat.

(9) Cap. XXXI. Nox dicta. ò Serv. Æn. 1. ad v. Ponto nox incubat atra. Raba, lib. 10. cap. 6. Nox dicta, quòd noceat aspectibus, vel negotiis humanis, sive, quòd in ea fures, latronesque nocendi aliis occasionem nanciscantur? Nisi potius à Græco νύξ, ut ait Varro.

(10) Consolaretur homines. Al. omnes.

(11) Noctem autem fieri-lumen. Lucet. lib. 5. At nox obruit ingenti caligine terras, aut ubi de longo cursu Sol extrema Cœli impulit, atque suos efflavet languidos ignes: concussos icre, & labefactus aëre multo: aut quia sub terras cursum convertere cogit. Vis eadem supra, quæ terras pertulit orbem.

no nox, involuens umbra magna, terramque, polumque. ⁽¹⁾ Noctis partes septem sunt, vesper, crepusculum, conticinium, intempestum, gallicinium, matutinum, diluculum.

2 Vesper à Stella occidentali vocatur, quæ Solem occiduum sequitur, & tenebras sequentes præcedit. De qua Virgilius, ante diem clauso componet vesper Olympo.

3 Tenebræ autem dictæ, quod teneant umbras.

4 Crepusculum est dubia lux. Nam ⁽²⁾ creperum dubium dicimus, hoc est inter lucem, & tenebras.

5 Conticinium est, quando omnia silent. Conticescere enim silere est.

6 ⁽³⁾ Intempestum est medium, & inactuosum noctis tempus, quando agi nihil potest, & omnia sopore quiescunt. Nam tempus per se non intelligitur, nisi per actus humanos. Medium autem noctis actu caret. Ergo intempesta, inactiosa quasi sine tempore, hoc est sine actu, per quem dignoscitur tempus, undè est, intempestivè venisti, ergo intempesta dicitur, quia caret tempore, id est, actu.

7 Gallicinium propter gallos lucis prænuntios dictum.

8 Matutinum est inter abscessum tenebrarum, & auroræ adventum: & dictum matutinum, quod, hoc tempore inchoante, manè sit.

9 Diluculum quasi jam incipiens parva diei lux. Hæc, & aurora, quæ Solem præcedit.

10 ⁽⁴⁾ Est autem aurora diei cla-

rescentis exordium, & primus splendor aëris, qui Græcè *ἠὺς* dicitur, quàm nos per derivationem auroram vocamus, quasi eororam. Undè est illud, lætus Eois Euris equis, & Eoasque acies.

CAPUT XXXII.

De Hebdomada.

1 **H**ebdomada dicta à numero septem dierum quorum repetitione, & menses, & anni, & seculi peraguntur: *ἐπτά* enim Græci septem dicunt. Hanc nos septimanam vocamus, quasi septem luces. Nam manè lux est. Octavus autem dies, idem primus est, ad quem reditur, & à quo rursus Hebdomadis series orditur.

CAPUT XXXIII.

De Mensibus.

1 **M**ensis nomen est Græcum de Lunæ nomine tractum. Luna enim *μήνη* Græco sermone vocatur, undè, & apud Hebræos menses legitimi, non ex Solis circulo, sed ex Lunæ cursu enumerantur, qui est de nova ad novam. Ægyptii autem primi propter Lunæ velociorem cursum, & ne error computationis ejus velocitate accideret, ex Solis cursu diem mensis adinvenerunt: quoniam tardior Solis motus facilius poterat comprehendi.

2 ⁽⁵⁾ Januarius mensis à Jano dictus, cui fuit à gentilibus consecratus, vel quia limen, & janua sit anni.

(1) Noctis partes. *Serv. Æn. 2.* Sunt autem solidæ noctis partes secundum Varronem hæ: vespera, conticinium, intempestum, gallicinium, lucifer.

(2) Creperunt dubium. *Elegantè Ambros.* Lætus dies hic transeat: pudor sit, ut diluculum: fides velut merides: Crepusculum mens nesciat. *Est autem creperum Sabinum verbum, ut ait Varro.*

(3) Intempestum—id est, acti. *Omnia sunt Servii Æn. 3. ad v.* Nox intempesta tenebat.

(4) Est autem aurora. *Ex eodem Æn. 11. Varro tamen lib. 6.* Aurora dicitur ante Solis ortum ab eo, quod igne Solis tum aureo aër aurescit.

(5) Cap. XXXIII. — Januarius, vel quia limen, & janua. *Hieronym. Ezech. 28.* Januarius dicitur, eo quod apud Romanos anni sit janua. *Sed limen non limen in omnibus libris legi mirum.*

ni. Undè, & brifons idem Janus pingitur: ut introitus anni, & exitus demonstretur.

3 Februarius nuncupatur à Februo, id est, Plutone, cui eo mense sacrificabatur. Nam Januarius diis superis, Februarium diis manibus Romani consecraverunt. Ergo ⁽¹⁾ Februarius à Februo, id est, à Plutone, non à Febre, id est, ægritudine nominatus.

4 Martius appellatur propter Martem Romanæ gentis auctorem, vel quod eo tempore cuncta animantia ad marem agantur, & ad concumbendi voluptatem. ⁽²⁾ Idem appellatur, & mensis novorum, quia anni initium mensis est Martius. Idem, ⁽³⁾ & novum ver ab indicibus, scilicet, germinum, quia in eo, viridantibus fructibus novis, transactionum probatur Occasus.

5 ⁽⁴⁾ Aprilis pro Venere dicitur quasi Afrodidis. Græca enim ἀφροδίτη Venus dicitur, ⁽⁵⁾ vel quia hoc mense omnia aperiuntur in florem, quasi aperilis.

6 Majus dictus à Maja matre Mercurii, vel à majoribus natu, qui erant Principes Reipublicæ. Nam hunc mensem majoribus, sequentem verò minoribus Romani consecraverunt.

7 Undè, & Junius dicitur. Antè enim populus in centurias seniorum, & juniorum divisus erat.

8 ⁽⁶⁾ Julius verò, & Augustus de honoribus hominum Julii, & Augusti Cæsares nuncupati sunt. Nam

prius Quintilis, & Sextilis vocabantur: Quintilis, quia quintus erat à Martio, quem Principem anni testantur esse Romani, Sextilis similiter, quod sextus.

9 September nomen habet à ⁽⁷⁾ numero, & imbre, quia septimus est à Martio, & imbres habet. Sic, & October, November, atque December ex numero, & imbribus acceperunt vocabula: quem numerum decurrentem December finit, pro eo quod denarius numerus præcedentes numeros claudit.

10 Kalendas autem, Nonas, & Idus propter festos dies Romani instituerunt, vel propter officia Magistratum. In iis enim diebus conveniebatur in urbibus: Quidam autem Kalendas à colendo appellari existimant. Apud veteres enim omnium mensium principia colebantur: sicut, & apud Hebræos. Idus autem plerique Latinorum ab edendo dictas putant, quòd ii dies apud veteres epularum essent.

11 Nonæ à nundinis vocatæ, nundinæ enim sunt publicæ conventiones, sive mercimonia.

CAPUT XXXIV.

De Solstitiis, & Æquinoctiis.

1 Solstitium dictum, quasi Solis statio, quòd tunc, Sole stante, crescant dies, vel noctes.

2 Æquinoctium appellatum, quòd tunc dies, & nox horarum ⁽⁸⁾ spatio æquali consistunt.

L

Duo

(1) Februarius à Februo. *A die februario Varro, à Februo deo lustrationum Macrobius, à Februo, hoc est, purgamento Censorinus, Servius 1. Georg. & August. 18. contra Faust. cap. 5. Secutus est Isidorus.*

(2) Idem appell. mensis novorum. *In Sacris libris.*

(3) Idem novum ver ab indicibus. *Serv. Georg. 1. ad V. vere novo. Al. ab initiis.*

(4) Aprilis—q. Aphrodis. *Macrobius lib. 1. cap. 12. Secundum mensem nominavit Aprilem, quasi Aprilem à spuma, quam Græci vocant ἀφρός, undè Venus creditur orta.*

(5) Vel q. h. m. omnia aperiuntur in florem. *Quod Varro placuit.*

(6) Julius verò, & August. *Aug. 2. de Doct. Chr. cap. 21.*

(7) A numero, & imbre. *A numero tantum Varro, Augustinus, & Servius, à quo hac protulauit sumpsit Isidorus. Sed hac omnia additantis plena, Quamvis scio Cassiodorum ex imbribus quoque notationem confecisse.*

(8) Cap. XXXIV. Spatio æquali consistunt. *Ita nostri o. CC. constant. Romani.*

3 ⁽¹⁾ Duo autem sunt solstitia, unum æstivum octavo Kalendarum Juliarum, de quo tempore remeare Sol ad inferiores incipit circulos, aliud hyemale, octavo Kal. Januar. quo tempore Sol altiores incipit circulos petere. Undè, & hyemalis solstitii dies minimus, sicut æstivi maximus invenitur. Item duo sunt æquinoctia, unum vernale, & aliud autumnale, quæ Græci *ἰσημερινὰ* vocant. Sunt autem hæc æquinoctia die octava Kalend. April. & octavo Kalend. Octob. quia annus olim, in duas partes tantum dividebatur: hoc est, in æstivum, & in hyemale solstitium, & ⁽²⁾ in duo hemisphæria.

CAPUT XXXV.

De Temporibus anni.

1 **T**empora anni quatuor sunt: ver, æstas, autumnus, & hyems, dicta sunt autem tempora, à ⁽³⁾ communionis temperamento, quod invicem se humore, siccitate, calore, & frigore temperent. ⁽⁴⁾ Hæc, & curricula dicuntur, quia non stant, sed currunt.

2 ⁽⁵⁾ Constat autem post factum mundum ex qualitate cursus Solis tempora in ternos menses fuisse divisa. Quorum temporum talem veteres faciunt discretionem: ut primo mense ver novum dicatur, secundo adustum, tertio præceps. Sic, & æstas in suis tri-

bus mensibus nova, adulta, & præceps: Sic, & autumnus novus, adultus, & præceps: Item hyems nova, adulta, & præceps, sive extrema. Undè est illud: Extremæ sub casum hyemis. Ver autem dictum, quod viret. Tunc enim post hyemem vestitur telus herbis, & in florem ⁽⁶⁾ cuncta rumpuntur.

3 ⁽⁶⁾ Æstas dicitur ab æstu, id est, calore, & æstas quasi usta, id est, exusta, & arida. Nam calor aridus est.

4 ⁽⁷⁾ Autumnus à tempestate vocatur, quando, & folia arborum cadunt, & omnia maturescunt.

5 ⁽⁸⁾ Hyemem autem ratio hemisphærii nuncupavit, quia tunc breviori Sol volvitur circulo. Undè, & hoc tempus ⁽⁹⁾ bruma dicitur, quasi *βραχυὴ ἡμέρα*, id est, brevis, vel à cibo, quod major tunc sit vescendi appetitus. Eda citas enim Græcè *βρῶμα* appellatur: ⁽¹⁰⁾ undè, & imbrumari dicuntur, ⁽¹¹⁾ quibus fastidium est ciborum. Hybernus autem inter hyemem, & vernum est, ⁽¹²⁾ quasi hyeme vernus, qui plerumque à parte totam hyemem significat. Hæc tempora singulis, etiam Cœli partibus adscribuntur. Ver quippè Orienti datur, quia tunc ex terris omnia oriuntur: æstas verò Meridiano, eo quod pars ejus calore flagrantior sit: hyems Septentrioni, eo quod frigoribus, & perpetuo gelu torpeat: Autumnus occiduo, eo quod graves morbos habet:

un-

(1) Duo autem sunt. d. Serv. Georg. 1. ad v. Humida solstitia. At boni Latinitatis auctores æstivum solum solstitium agnoscunt, alterum non solstitium, sed brumam nominant.

(2) Et in duo hemisphæria. Sic o. l. in duas *ἰσημερινὰ* volebat A. Aug.

(3) Cap. XXXV. A communionis temperam. A communi temp. C. Rom.

(4) Hæc, & curricula. d. Serv. Æn. 8.

(5) Constat autem post fact. d. duobus Servii locis Georg. 1. ad v. Venire novo. & Georg. 2. ad v. Non alios prima c. o. m.

(6) Cuncta rumpuntur. Al. erumpunt, al. prorumpunt.

(7) Æstus ab æstu. Serv. Æn. 2. ad v. Propiusque æstus incend. volv. æstus (inquit) calorem, undè, & æstas dicitur. Vid. Varr. lib. 5.

(8) Autumnus à tempestate. An tempestatem tempestivitatem intelligit? Ut sit autumnus auctus annus detracta. c. ut in sator, fator, autor. Fest. Autumnum quidam dictum existimant, quod tum maxime augentur hominum opes.

(9) Bruma q. *βραχυὴ*. Varr. Fest. Serv. & Macrob.

(10) Undè, & imbrumari. Al. imbrumati, item brumati, & brumatici, quæ vox hodieque apud nos in usu est.

(11) Quibus fastidium est. Quibus studium est, unus Tarrac.

(12) Quasi hyemecivnus. Ex C. Neap. & Ovet. al. hybernus. Ut sit præceps hyems.

undè, & tunc folia arborum defluunt. Ut autem autumnus abundet morbis: facit hoc confinium frigoris, & caloris, & ⁽¹⁾ compugnantia inter se contrariorum aërum.

reddere professus est Reipublicæ.

CAPUT XXXVII.

De Olympiadibus, & lustris, & jubileis.

CAPUT XXXVI.

De Annis.

ANnus ⁽²⁾ est Solis anfractus, cum peractis cccclxv. diebus ad eadem loca siderum redit. Annus autem dictus, quia mensibus in se recurrentibus volvitur. Undè, & anulus, quasi annuus, id est, circulus, quòd in se redeat. Virgilius: Atque in se sua per vestigia volvitur annus: Sic enim, & apud Ægyptios indicabatur ante inventas litteras, picto dracone caudam suam mordente, quia in se recurrit. Alii annum dicunt, ἀπὸ τοῦ ἀναεῶσθαι, id est, ab innovatione, renovatur enim semper.

2 Tria sunt autem genera annorum. Aut enim lunaris annus est triginta dierum: aut solstitialis, qui xii. continet menses: aut magnus, omnibus Planetis in eundem locum recurrentibus, qui fit post annos solstitiales plurimos.

3 ⁽³⁾ Æra singulorum annorum constituta est à Cæsare Augusto, quando primum ⁽⁴⁾ censum exegit, ac Romanum orbem descripsit: Dicta autem Æra ex eo quòd omnis orbis, æs

1 Olympias apud Græcos constituta apud Elidem Græciæ civitatem. Elii agentibus agonem, & ⁽⁵⁾ quinquennale certamen, quatuor mediis annis vacantibus: & ob hoc Elidum certaminis tempus olympiadem vocaverunt, quadriennio in una olympiade supputato.

2 ⁽⁶⁾ Lustrum verò est πεντητηρίς, id est, quinquennium, quòd quinto anno dicitur condi propter olympiadas à Romanis: adhuc enim Consules, adhuc Æra nondum erant. Est enim quinquennale tempus. Ideò verò sic vocatur: eò quòd censu per quinquennium in Republica peractò, Urbs Roma lustrabatur.

3 Jubileus interpretatur, remissionis annus. Est enim Hebraicus, & sermo, & ⁽⁷⁾ numerus, qui septenis annorum hebdomadibus, id est, quadraginta novem annis textitur, in quo clangebatur tubis, & ad omnes revertebatur antiqua possessio, debita absoluebantur, confirmabantur libertates. Hunc numerum etiam in diebus Pentecostes, & ipsi celebramus post Domini Resurrectionem, remissa cul-

L 2

pa:

(1) Ex compugnantia contrarior. aërum. Contrariarum rerum Servius Georg. 1. ad v. Quid tempestates Autumni.

(2) Cap. XXXVI. Annus est. Totum caput, usque ad Æra conflatum ex variis Servii locis Æn. 1. 3. & s.

(3) Æra singulorum. annor. Leguntur hæc in plerisque Eusebii codicibus, sed negabat extare in antiquissimis Chacon. Porro de æra multi hæc ætate multa. Nos Nonio credimus ita scribenti. Æra numeri nota. Lucil. lib. xxix. Hæc est ratio, perversa æra, & summa, & subducta improbè. M. Tullius in Hortensio apud eundem. Non. Quid tu inquam, Solces, cum rationem à dispensatore accipis, si æra singula probasti, summam, quæ ex his confecta sit non probare? Vid. inf. lib. 6. cap. 15.

(4) Censum exegit. Ità lib. 3. Tarrac. Neap. exagitato censu, & quidem apud Euseb. frequens: censu Roma agitato inventa sunt hominum millia, &c.

(5) Cap. XXXVII. Et quinquennial. certam. Euseb. in Cron. Elii agunt quinquennale certamen, quatuor annis in medio explicitis, quam Olympiadem Iphitus filius Praxonidis, sive Hæmodis primus constituit.

(6) Lustrum verò. Serv. Æn. 1. ad v. Vencit lustris lab. ætas. Lustris quinquenniis, & bene Olympiadibus computata tempora, quia nondum, vel Roma, vel Consules. Lustrum autem dictum, quòd post quinquennium unaquæque civitas lustrabatur. Ergo verba illa, adhuc n. Consules, adhuc æta nondum erant. Quæ Virgiliti interpretationi tantum serviunt, n'hil Isidoro detracta oberunt. Nam Isidorus Servium legens non videtur Maronis verba considerasse: propter Olympiadas, pro Olympiadibus, vel loco Olympiadum interpreteris licet.

(7) Et numerus, qui septennis—gratiam Spiritus Sancti. Ex Hieron. ad Am. cap. 5. & Ambros. in Apolog. David cap. 8.

pi: & totius debiti chirographo evacuato, ab omni nexu liberi suscipientes advenientem in nos gratiam Spiritus Sancti.

CAPUT XXXVIII.

De Seculis, & ætatibus.

I **S**ECULA⁽¹⁾ generationibus constant, & inde secula, quod sequantur. Abeuntibus enim aliis alia succedunt.⁽²⁾ Hunc quidam quinquagesimum annum dicunt, quem Hebræi jubileum vocant. Ob hanc causam, & ille Hebræus, qui propter uxorem, & liberos amans dominum suum, aure pertusa, servitio subjugatur, servire jubetur in seculum, hoc est, usque ad annum quinquagesimum.⁽³⁾ Ætas plerumque dicitur, & pro uno anno: ut in annalibus, & pro septem, ut hominis, & pro centum, & pro quovis tempore. Unde, & ætas tempus, quod de multis seculis instruitur.⁽⁴⁾ Et dicta ætas quasi ævitas, id est, similitudo ævi. Nam ævum est ætas perpetua, cujus neque initium, neque extremum noscitur, quod Græci αἰῶνας vocant: quod aliquandò apud eos pro seculo, aliquandò pro æterno ponitur. Unde, & apud Latinos est derivatum.

2 Ætas autem propriè duobus modis dicitur: aut enim hominis, sicut infantia, juvenus, senectus: aut mundi, cujus prima ætas est ab Adam usque ad Noë: secunda à Noë usque ad Abraham: tertia ab Abraham usque ad David: quarta à David usque ad transmigrationem Ju-

dæ in Babyloniam: quinta deinde usque ad adventum Salvatoris in carne: sexta, quæ nunc agitur, usque quò mundus iste finiatur.⁽⁵⁾ Quorum decursus per generationes, & regna: primus ex nostris Julius Africanus sub Imperatore Marco Aurelio Antonino, simplicis historiæ stylo elicit. Dehinc Eusebius Episcopus Cæsariensis, atque sanctæ memoriæ Hieronymus Presbyter, chronicorum canonum multiplicem ediderunt historiam regnis simul, & temporibus ordinatam. Dehinc alii, atque alii inter quos præcipuè⁽⁶⁾ Victor Tununensis Ecclesiæ Episcopus recensitis priorum historiis gesta sequentium ætatum, usque ad consulatum Justini junioris Imperatoris explevit. Horum nos temporum summam ab exordio mundi ad Augusti Heraclii Imperatorem, vel Suinthilanis Regis Gotthorum, quanta potuimus brevitate notavimus, adiacente è latere descendente linea temporum, cujus indicio summa præterita seculi cognoscatur.

CAPUT XXXIX.

De Discretionem temporum.

I **P**RIMA ætas continet in exordio sui creationem mundi. Primo enim die: Deus in lucis nomine condidit Angelos. Secundo: in firmamenti appellatione Cœlos. Tertio: in discretionis vocabulo speciem aquarum, & terræ. Quarto: luminaria Cœli. Quinto: animantia ex aquis. Sexto: animantia ex terra, & hominem, quem appellavit Adam.

Adam

(1) Cap. XXXVIII. Secula generationibus constant. Secula sex generationibus constant. Cod. Neap. sed nullo (opinor) sensu.

(2) Hunc quidam. Ex Hieronymo. ad Gal. 2.

(3) Ætas. Serv. Georg. 3. Ætatem plerumque generalitèr dicimus, pro anno, pro tringinta, pro centum, pro quovis tempore. Verba autem, ut in annalibus. Itemque, ut in homine aliena cum Chacone censemus.

(4) Et dicta ætas q. ævitas. Nam, & ævitas olim eadem fuit.

(5) Quorum decursus—seculi cognoscatur. Hæc non sunt in vetustioribus sumpta tamen sunt ex Isidori Chronica.

(6) Victor Tununensis. Ità legendum ex lib. de Vir. illust. non (ut antea) Tunonensis.

Zoroastes magicam reperit.

III M. clxxxiv

Tertia atas.

² **A** Dam anno ccxxx. genuit Seth, à quo filii Dei. ccxxx.
Seth anno ccv. genuit Enòs, qui coepit invocare nomen Domini. cccxxxv.
Enòs anno clxxx. genuit Cainan. Dcxxv.
Cainan anno clxx. genuit Malaleel. Dccxv.
Malaleel anno clxv. genuit Jared. Dcccclx.
Jared anno clxxii. genuit Enoch, qui translatus est. Mcxxii.
Enoch anno clxv. genuit Mathusalem. Mcclxxxvii.
Matusalem anno clxvii. genuit Lamech. Mccccliv.
Lamech anno clxxxviii. genuit Noë. M. D. cxliii.
Noë autem anno Dc. factum est diluvium. II. Mccxlii.

Secunda atas.

³ **S**EM post diluvium secundo anno genuit Arphaxad, à quo Chaldaei. II M. ccxliv.
Arphaxad ann. cxxxv. genuit Sala: à quo Samaritæ, & Indi fuerunt. II Mccclxxix.
Sala ann. cxxx. genuit Heber, à quo Hebræi. II M. D. ix.
Heber ann. cxxxiv. genuit Phaleg. Turris ædificatur. II M. Dcxlvi.
Phaleg. ann. cxxx. genuit Ragau. Dii primum adorantur. II M. Dcclxxiii.
Ragau ann. cxxxii. genuit Seruch. Regnum inchoat Scytharum. II M. Dccccv.
Seruch ann. cxxx. genuit Nachor. Regnum Ægyptiorum nascitur. III M. xxxv.
Nachor ann. lxxix. genuit Tharam. Regnum Assyriorum, & Sycioniorum exoritur. III M. cxiv.
Thara ann. lxx. genuit Abraham.

⁴ **A** Braham an. centesimo genuit Isaac. Namprius, & Ismahël, à quo & Ismahëlitæ. III M. cclxxxiv.
Isaac an. sexagesimo genuit Jacob. Argivorum regnum inchoat. III M. cccxlii.
Jacob ann. xci. genuit Joseph. Phoroneus Græciæ leges dedit. III M. ccccxxxv.
Joseph ann. cx. vixit. Græcia segetes habere coepit. III M. Dxlvi.
Hebræorum servitus in Ægypto ann. cxlv. Atlas Astrologiam invenit. III M. Dclxxxix.
Moyses ann. xl. rexit populum in eremo. Hebræi legem, & litteras habere coeperunt. III M. Dccxxix.
Josuë ann. xxvii. Erichthonius in Græcia primus quadrigam junxit. III M. Dcclvi.
Othoniel ann. xl. Cadmus litteras Græcis dedit. III M. Dccxcvi.
Aoth ann. lxxx. fabulæ fictæ sunt. III M. Dccclxxvi.
Debbora ann. lx. Apollo Medicinæ artem invenit, & citharam reperit. III M. Dccccvi.
Gedeon ann. xl. Mercurius lyram condidit. III M. Dccccvi.
Abimelech ann. iii. Chorus in Græcia inventus. III M. Dcccclix.
Thola ann. xxiii. Priamus regnavit in Troja. III M. Dcccclxxxii.
Jair ann. xxii. Carmentis Latinas Litteras reperit. IV M. iv.
Jephte ann. vi. Hercules se flammis injecit. IV M. x.
Abesan ann. vii. Alexander Helenam rapuit. IV M. xviii.
Abdon ann. viii. Troja capta est. IV M. xxv.
Sam-

Samson ann. xx. Ascanius Albam
condidit. ivM.xlv.
Heli Sacerdos ann. xl. Arca Testa-
menti capitur. ivM.lxxxv.
Samuel ann. xl. Homerus fuisse puta-
tur. ivM.cxxv.

Quarta etas.

5 **D**avid ann. quadrag. Cartha-
go à Didone conditur. Gad,
Nathan, & Asaph prophetaverunt.
ivM.clxv.
Salomon ann. xl. Templum Hieroso-
lymis ædificatur. ivM.ccv.
Roboam ann. xvii. Regnum Israël,
& Juda dividitur. ivM.ccxxii.
Abia ann. tribus, sub quo Abimelech
Pontifex fuit. ivM.ccxxv.
Asa ann. xli. Achias, Amos, Jehu,
Johel, & Azarias prophetaverunt.
ivM.cclxvi.
Josaphat ann. xxv. Prophetavit Elias.
Abdias, & Michæas. ivM.ccxc.
Joram ann. viii. Prophetavit Elias, &
Eliseus. ivM.cccxc.
Ochozias ann. i. Elias rapitur.
ivM.ccc.
Athalia ann. vii. Jonadab Sacerdos cla-
ruit. ivM.cccvii.
Joas ann. xl. Eliseus moritur.
ivM.cccxlvii.
Amasias ann. xxix. Carthago condita.
ivM.cccclxxvi.
Ozias ann. lii. Olympias à Græcis
instituitur. ivM.ccccxxviii.
Joathan ann. xvi. Romulus nascitur.
ivM.ccccliv.
Achaz ann. xvi. Roma conditur.
ivM.cccclx.
Ezechias ann. xxix. Senatus Romæ
fit. ivM.cccclxxxix.
Manasses ann. lv. Sibylla Samia cla-
ruit. ivM.Dxlv.
Amon ann. xii. Census primùm agi-
tur. ivM.Dlvi.

Josias an. xxxii. Thales philosophus
agnoscitur. ivM.Dlxxxviii.
Joachim an. xi. Nabuchodonosor Ju-
dæam capit. ivM.Dxcix.
Sedechias an. xi. Templum Hierosoly-
mis incensum. Sappho mulier diver-
so poemate claruit. ivM.Dcx.

Quinta etas.

6 **H**ebraeorum captivitas ann.
septuaginta Judith historia
scribitur. ivM.Dclxxx.
Darius ann. xxxiiii. Judæorum capti-
vitas solvitur. ivM.Dccxiv.
Xerxes ann. xx. Sophocles, & Euri-
pides, tragœdi celebrantur. ivM.
Dccxxiii.
Artaxerxes an. xl. Esdras incensam le-
gem renovat. ivM.Dccclxiv.
Darius, qui, & nothus an. xix. Hæc
ætas habuit Platonem, & Gorgiam
primum Rhetorum. ivM.Dccxciii.
Artaxerxes an. xl. Hester historia ex-
pletur. ivM.Dcccxxxiii.
Artaxerxes (qui, & Ochus) ann. xxvi.
Demosthenes, & Aristoteles prædi-
cantur. ivM.Dccclix.
Xerxes an. iv. Xenocrates illustris ha-
betur. ivM.Dccclxiii.
Darius an. vi. Alexander Hierosoly-
mam cœpit. ivM.Dccclxix.
Alexander Macedo an. v. Asiam obti-
nuit. ivM.Dccclxxiv.
Ptolemæus ann. xl. Machabæorum li-
ber inchoat primus. ivM.Dcccxiv.
Philadelphus an. xxxviii. Septuaginta
interpretes agnoscuntur. ivM.Dcccclii.
Evergetes an. xxvi. Jesus sapientiæ li-
brum componit. ivM.Dcccclxxviii.
Philopator ann. xvii. Machabæorum
secundi libri historia componitur.
ivM.Dcccxcv.
Epiphanes an. xxiv. Romani Græcos
obtinuerunt. VMxix
Phi-

- Philometor an. xxxv. Scipio Africam vicit. VM.liv.
 Evergetes an. xxix. Brutus Hispaniam subegit. VM.lxxxiii.
 Soter an. xvii. Thraces Romanis subjiuntur. VM.c.
 Alexander an. x. Syria Romanis subiecta est. VM.cx.
 Ptolemæus an. viii. Rhetoricæ ars Romanæ cœpit. VM.cxviii.
 Dionysius an. xxx. Pompejus Judæam capit. VM.cxlvi.
 Cleopatra an. ii. Ægyptus Romanis subditur. VM.cl.
 Julius Cæsar ann. v. Hic primus Monarchiam tenuit. VM.clv.
 Commodus ann. xiii. Theodotion interpretres habetur. VM.ccclxxxix.
 Ælius pertinax an. i. Nihil habet historiæ. VM.cccxc.
 Severus ann. xviii. Symmachus interpretres habetur. VM.ccccvii.
 Antoninus Caracalla an. vii. Quinta editio Hierosolymis invenitur. VM.ccccxv.
 Macrinus an. i. Hujus brevitæ vitæ nihil gestorum habet. VM.ccccxvi.
 Aurelius Antoninus an. iv. Sabellii hæresis oritur. VM.ccccxix.
 Alexander annis xiii. Origenes insinistis habetur. VM.ccccxliii.
 Maximus ann. iii. Iste Germanos vicit. VM.ccccxvii.
 Gordianus an. vii. Iste de Parthis, & Persis triumphavit. VM.ccccxliii.
 Philippus an. vii. Hic primus Christianus Imperator fuit. VM.ccccl.
 Decius ann. i. Antonius Monachus claudit. VM.ccccli.
 Gallus an. ii. Novatus hæresim condidit. VM.ccccliii.
 Valerianus ann. xv. Cyprianus martyrio coronatur. VM.cccclxviii.
 Claudius ann. ii. iste Gotthos ab Illyrico expulit. VM.cccclxx.
 Aurelianus ann. v. Iste Christianos persequitur. VM.cccclxxv.
 Tacitus ann. i. Hujus brevitæ vitæ prænotatione caret. VM.cccclxxvi.
 Probus ann. vi. Manichæorum hæresis orta est. VM.cccclxxxii.
 Carus anno ii. Iste de Persis triumphavit. VM.cccclxxxiv.
 Diocletianus ann. xx. Iste divinis libris adustus martyria facit. VM.Div.
 Galerius ann. ii. Hujus brevitæ vitæ nihil dignum historiæ contulit. VM.Dvi.
 Constantinus ann. xxx. Nicæna Synodus congregatur. VM.Dxxxvi.
 Cons-

Sexta ætas.

- 7 OCTavianus an. lvi. Christus nascitur. VM.ccxi.
 Tiberius an. xxiii. Christus crucifigitur. VM.ccxxxiv.
 Cajus Caligula ann. iv. Matthæus Evangelium scripsit. VM.ccxxxiii.
 Claudius ann. xiv. Marcus Evangelium edidit. DM.cclii.
 Nero an. xiv. Petrus, & Paulus necantur. VM.cclxvi.
 Vespasianus ann. x. Hierosolyma à Tito subvertitur. VM.cclxxvi.
 Titus an. ii. Hic facundus, & pius fuit. VM.cclxxviii.
 Domitianus an. xvi. Joannes in Pathmos relegatur. VM.ccxciv.
 Nerva an. i. Joannes Ephesum redit. VM.ccxcv.
 Trojanus ann. xviv. Joannes Apostolus requiescit. VM.cccxiv.
 Adrianus ann. xxi. Aquila interpretres habetur. VM.cccxxxv.
 Antoninus Pius ann. xxii. Valentinus, & Marcion agnoscuntur. VM.cclvii.
 Antoninus an. xix. Cataphrygarum hæresis oritur. VM.cclxxvi.

Constantius ann. xxiv. Anthropomorphitarum hæresis oritur.

VM.Dlx.

Julianus ann. ii. Hic ex Christiano paganus effectus est.

VM.Dlxii.

Jovianus an. i. Iste iterum Christianus effectus est.

VM.Dlxiii.

Valens an. xiv. Gotthi hæretici efficiuntur.

VM.Dlxvii.

Gratianus an. vi. Priscilianus agnoscitur.

VM.Dlxxxiii.

Valentinianus an. vii. Hieronymis in Bethleem prædicatur.

VM.Dxc.

Theodosius an. iii. Joannes Anachoreta claruit.

VM.Dxciii.

Arcadius ann. xiii. Joannes Chrysostomus floruit.

VM.Dcvi.

Honorius ann. xv. Augustinus Episcopus claruit.

VM.Dcxxi.

Theodosius ann. xxvii. Nestorius hæresiarcha extitit.

VM.Dcxlvi.

Martianus ann. vi. Chalcedonensis Synodus agitur.

VM.Dcliv.

Leo major an. xvi. Ægyptus errore Dioscori latrat.

VM.Dclxx.

Zenon ann. xvii. Acephalorum hæresis orta est.

VM.Dclxxxvii.

Anasthasius ann. xxvii. Fulgentius Episcopus prædicatur.

VM.Dccxiv.

Justinus ann. viii. Acephalorum hæresis abdicatur.

VM.Dccxxii.

Justinianus xxxix. ann. Vandali in Africa extinguuntur.

VM.Dccclxi.

Justinus ann. xi. Armenii fidem Christi suscipiunt.

VM.Dccclxxii.

Tiberius ann. vii. Longobardi Italiam capiunt.

VM.Dccclxxix.

Mauritius ann. xxi. Gotthi catholici effecti sunt.

VM.Dccc.

Phocas an. viii. Romani cæduntur à Persis.

VM.Dcccviii.

Eraclius xvii nunc agit imperii annum : Judæi in Hispania Christiani efficiuntur. Residuum sextæ ætatis soli Deo est cognitum.

DIVI ISIDORI HISPALENSIS EPISCOPI ETYMOLOGIARUM LIBER SEXTUS.

DE LIBRIS, ET OFFICIIS ECCLESIASTICIS.

CAPUT PRIMUM.

De Veteri, & Novo Testamento.

1 **V**etus Testamentum ideò dicitur, quia veniente novo cessavit, de quo Apostolus meminit, dicens : Vetera transierunt, & ecce

facta sunt omnia nova. Testamentum autem novum ideò nuncupatur, quia innovat. Non enim illud discunt, nisi homines renovati ex vetustate per gratiam, & pertinentes jam ad Testamentum novum, quod est regnum Cælorum.

2 (1) Hebræi autem veteris testamenti, Esdra authore, juxta numerum lit-

(1) Cap. I. Hebræi autem. Ex Prolog. Galeato Hieronym. & præfatione in libros Reg. & Epiphan. lib. de Pond.

litterarum suarum, viginti duos libros accipiunt: dividentes eos in tres ordines, Legis scilicet, & Prophetarum, & Hagiographorum. Primus ordo Legis in quinque libris accipitur, quorum primus est Beresith, quod est Genesis. Secundus Veelle Semoth, quod est Exodus. Tertius Vaicra, quod est Leviticus. Quartus Vajedaber, quod est Numeri. Quintus Elleaddebarim, quod est Deuteronomium. Hi sunt quinque lib. Moysi: quos Hebraei Thora, Latini Legem appellant. Proprie autem lex appellatur, quæ per Moysen data est: Secundus est Prophetarum, in quo continentur libri octo: Quorum primus Josue Ben-Nun, qui Latine Jesu Nave dicitur: secundus Sophtin, quod est Judicum: tertius Samuel, qui est Regum primus: quartus Melachim, qui est Regum secundus: quintus Isaias: sextus Jeremias: septimus Ezechiel: octavus Thereasar, qui dicitur duodecim Prophetarum, qui libri, quia sibi pro brevitate adjuncti sunt, pro uno accipiuntur. Tertius est ordo Hagiographorum, id est, sancta scribentium, in quo sunt libri novem: quorum primus Job: secundus Psalterium: tertius Misse, quod est Proverbia Salomonis: quartus Coheleth, quod est Ecclesiastes: quintus Sir hassirim, quod est Cantica Canticorum: sextus Daniel: septimus Dibrehajamim, quod est verba dierum, ⁽¹⁾ hoc est Paralipomenon: octavus Esdras: nonus Hester, qui simul omnes v. viii. & ix. sunt xxii. sicut superius comprehensi sunt. Quidam autem Ruth, & Cinoth, quod Latine dicitur Lamentatio Jeremie Hagiographis adjiciunt, & xxiv. volumina Testamenti Veteris fa-

ciunt, juxta vigintiquatuor seniores, qui ante conspectum Domini assisunt.

3 Quartus est apud nos ordo Veteris Testamenti, eorum librorum, qui in Canone Hebraico non sunt. Quorum primus Sapientiae liber est: secundus Ecclesiasticus: tertius Tobias: quartus Judith: quintus, & sextus Machabæorum, quos licet Judæi inter apocrypha separent: Ecclesia tamen Christi inter divinos libros, & honorat, & prædicat.

4 In Novo autem Testamento duo sunt ordines: primus Evangelicus, in quo sunt Matthæus, Marcus, Lucas, & Joannes: secundus Apostolicus, in quo sunt Paulus in quatuordecim Epistolis, Petrus in duabus, Joannes in tribus, Jacobus, & Judas in singulis. Actus Apostolorum, & Apocalypsis Joannis.

5 Summa autem utriusque testamenti trifarie distinguitur, id est, in historia, in moribus, in allegoria. Rursus ista tria multifarie dividuntur, id est, quid à Deo, quid ab Angelis, vel hominibus gestum, dictumque sit, quid à Prophetis prænuntiatum de Christo, & corpore ejus: quid de diabolo, & membris ipsius: quid de veteri, & novo populo: quid de præsentī seculo, & futuro regno, atque judicio.

(2) CAPUT II.

De Scriptoribus, & vocabulis sanctorum librorum.

I **V**eteris testamenti secundum Hebræorum traditionem hi perhibentur auctores. Primus Moyses Di-

(1) Hoc est Paralip. Quæ post hæc verba adduntur in excusis, in ms. nulla sunt, nequæ esse debent. Non. n. Chronicon is liber dictus est, quamvis id nomen aptissime illi conveniat, ut Hieron. ait.

(2) Cap. II. Pleraque ex Hieron. Ep. ad Paulum.

Divinæ Historiæ cosmographiam in quinque voluminibus edidit, quod Pentateuchum nominatur.

2 Pentateuchum autem à quinque voluminibus dicitur, πέντε enim Græcè quinque τεῦχος volumen vocatur.

3 Genesis liber indè appellatur, eò quòd exordium mundi, & generatio seculi in eo contineatur.

4 Exodus verò exitum ab Ægypto, vel egressum populi Israël digessit, & ex ea causa nomen accepit.

5 Leviticus appellatur, eò quòd Levitarum ministeria, & diversitatem victimarum exequitur, totusque in eo ordo Leviticus annotatur.

6 Numerorum liber vocatur, eò quòd in eo egressæ de Ægypto tribus dinumerantur, & quadraginta duarum per eremum mansionum in eo descriptio continetur.

7 Deuteronomium Græco sermone appellatur, quod Latinè interpretatur secunda lex, id est, repetitio, & Evangelicæ legis præfiguratio, quæ sic ea habet, quæ priora sunt: ut tamen nova sint omnia, quæ in eo replicantur.

8 Josuë liber nomen accepit à Jesu filio Nave, cujus historiam continet, scriptorem verò ejus eundem Josuë Hebræi asseverant, in cujus textu post Jordanis transitum regna hostium subvertuntur, terra populo dividitur, & per singulas urbes, viculos, montes, atque confinia Ecclesiæ, cœlestisque Jerusalem spiritualia regna præfigurantur.

9 Judicum nominatur à Principibus populi, qui præfuerunt in Israël post Moysen, & Josuë, antequam David, & cæteri Reges existerent. ⁽¹⁾

Hunc librum, & Ruth edidisse creditur Samuel. Liber Samuel ejusdem Samuelis nativitatem, & sacerdotium, & gesta describit, idcirco, & ab eo nomen accepit. Et quamvis hic liber Saul, & David historiam contineat: utrique tamèn ad Samuel referuntur, quia ipse unxit Saul in regnum, ipse David in Regem futurum. Cujus libri primam partem conscripsit idem Samuel: sequentia verò ejus usque ad calcem scripsit David.

10 Melachim proindè appellatur: eò quòd Reges Judæ, & Israëliticæ gentis, gestaque eorum per ordinem digerat temporum. Melachim enim Hebraicè, Latinè Regum interpretatur. Hunc librum Jeremias primus in unum volumen coëgit. Nam antea sparsus erat per singulorum Regum historias.

11 Paralipomenon Græcè dicitur, quod nos prætermisorum, vel reliquorum dicere possumus, quia ea quæ in lege, vel in Regum libris, vel omissa, vel non plena relatè sunt, in isto summatis, & breviter explicantur.

12 Librum Job quidam Moysen scripsisse arbitrantur: alii unum ex Prophetis: nonnulli verò eundem Job post plagam suæ passionis scriptorem fuisse existimant, arbitantes: ut qui certamina specialis pugnæ sustinuit, ipse narraret, quas victorias expedit. ⁽²⁾ Principia autem, & fines libri Job apud Hebræos prosa oratione contexta sunt: media autem ipsius ab eo loco, in quo ait: Pereat dies, in qua natus sum usque ad eum locum: Idcirco ego me reprehendo, & ago poenitentiam, omnia heroico metro discurrunt.

Psal-

⁽¹⁾ Hunc librum, & Ruth. Voces, & Ruth. à plerisque aberant, sed rejicienda non fuerunt, cum idem dicat lib. i. de

Offic. Eccl. cap. 12.

⁽²⁾ Principia autem, & fin. Ex Pref. Hieron. ad lib. Job.

13 Psalmorum liber, Græcè psalterium, Hebraicè nebel, Latine organum dicitur. Vocatus autem Psalmorum, quod uno Propheta canente ad psalterium, Chorus consonando responderet. ⁽¹⁾ Titulus autem in Psalmis Hebraicus Thehilim, quod interpretatur Volumen hymnorum. ⁽²⁾ Auctores autem Psalmorum sunt, qui ponuntur in titulis: Moyses, scilicet, & David, & Salomon, Asaph, Ethan, Idithun, & filii Core Eman Ezraithæ, & reliquorum, quos Esdras uno volumine comprehendit. Omnes autem Psalmos apud Hebræos metrico carmine constat esse compositos. Nam ⁽³⁾ in morem Romani Flacci, & Græci Pindari, nunc alii jambo currunt, nunc Alcaico personant: ⁽⁴⁾ nunc Sapphico nitent, ⁽⁵⁾ trimetro, vel tetrametro pede incedentes.

14 ⁽⁶⁾ Salomon filius David Rex Israël juxta numerum vocabulorum suorum tria volumina edidit: quorum primus est Hebraicè Misle, quem Græci Parabolas, Latini proverbiorum nominant, eò quòd in ipso sub comparativa similitudine figuras verborum, & imagines veritatis ostenderit. Ipsam autem veritatem ad intelligendum legentibus reservavit. Secundum librum Coheleth vocavit, qui Græcè Ecclesiastes dicitur, Latine Concionator: eò quòd sermo ejus non specialitèr ad unum, sicut in Proverbiis, sed ad universos generalitèr dirigatur: docens omnia, quæ in mundo cernimus, caduca esse, &

brevia, & ob hoc minimè appetenda.

15 Tertium librum Sir-hassirim prænotavit, qui in Latinam linguam vertitur Canticum canticorum: ⁽⁷⁾ ubi per epithalamium carmen conjunctionem Christi, & Ecclesiæ mysticè canit. Dictum autem Canticum canticorum: eò quòd omnibus canticis præferatur, quæ in Scripturis Sacris habentur, sicut quædam in lege dicuntur sancta, quibus majora sunt Sancta Sanctorum.

16 Horum autem trium librorum carmina hexametris, & pentametris versibus apud suos composita perhibentur, ut Josephus, Hieronymusque scribunt.

17 Isaias Evangelista potius, quàm Propheta edidit librum suum, cujus omnis textus ⁽⁸⁾ eloquentia prosa incedit. Canticum verò hexametro, & pentametro versu discurret.

18 Jeremias similiter edidit librum suum cum threnis ejus: ⁽⁹⁾ quos nos lamenta vocamus, eò quòd in tristioribus rebus, funeribusque adhibeantur, in quibus quadruplex diverso metro composuit alphabetum: quorum duo prima quasi sapphico metro scripta sunt, quia tres versiculos, qui sibi nexi sunt, ⁽¹⁰⁾ & ab una tantum littera incipiunt, heroicum comma concludit. Tertium alphabetum trimetro scriptum est, & à ternis litteris iidem versus terni incipiunt. Quartum alphabetum simile primo, & secundo habetur.

Eze-

(1) Titulus autem comprehendit. Ex Ep. ad Sophron.

(2) Auctores autem. Ex eadem Ep.

(3) In morem Romanorum. Flacc. Ex Pref. ad Chiron. Euseb. & ad Job.

(4) Nunc Sapphico nitent. Tument apud Hieronymum, tinent. Segant. C. Ex quo tinnunt quidam legebat.

(5) Trimetro, vel tetrametro. Nihil de trimetro, aut tetrametro Hieronymus: sed nunc semipede ingreditur. Argue-
tia legi volebat Chacon, illud alterum glossema fuisse.

(6) Salomon. Ex Hieronymum. ad cap. 1. Ecclesiastæ.

(7) Ubi per epithalam. Vid. Orig. hom. 1. in Cant. Hieronymo interp.

(8) Eloquentia prosa. Ut supra prosa oratione. Al. eloquentia prosa.

(9) Quos nos lamenta v. eò quòd tristioribus rebus, funeribusque. Canebantur fortasse, uti nunc Job verba, ita Lira-
dori atate, Jeremia Lamentationes in Officio Defunctorum.

(10) Et ab una tantum. Ex Ep. ad Paul. Orbis.

19 ⁽¹⁾ Ezechiel, & Daniel à viris quibusdam sapientibus scripti esse perhibentur, quorum Ezechiel principia, & finis multis habet obscuritatibus involuta. Daniel verò claro sermone regna orbis pronuntiat, & tempus adventus Christi manifestissima prædicatione annotat. Hi sunt quatuor Prophetæ, qui majores vocantur, quia proluxa volumina condiderunt. Liber duodecim Prophetarum auctorum suorum nominibus prænotatur, qui propterea dicuntur minores, quia sermones eorum breves sunt. Undè, & connexi sibimet invicem in uno volumine continentur, quorum nomina sunt: Osee, Johel, Amos, Abdias, Jonas, Michæas, Nahum, Habacuc, Sophonias, Aggeus, Zacharias, & Malachias.

20 Esdræ liber auctoris sui titulo prænotatur, in cujus textu ejusdem Esdræ, Nehemiæque sermones pariter continentur. Nèc quenquam moveat, quod unus Esdræ dicitur liber: ⁽²⁾ quia secundus, tertius, & quartus non habentur apud Hebræos, sed inter apocryphos deputantur.

21 Hester librum Esdras creditur conscripsisse, in quo eadem regina sub figura Ecclesiæ Dei populum à servitute, & morte eripuisse scribitur, atque interfecto Aman, qui interpretatur iniquitas, diei celebritas in posteros mittitur.

22 ⁽³⁾ Liber Sapientiæ apud Hebræos nusquam est, undè, & ipse stylus Græcam magis eloquentiam redollet. Hunc Judæi Philonis esse affir-

mant, qui proindè Sapientiæ nominatur, quia in eo Christi adventus, qui est sapientia Patris, & passio ejus evidenter exprimitur.

23 ⁽⁴⁾ Librum autem Ecclesiasticum certissimè Jesus filius Sirac Hierosolymita nepos Jesu sacerdotis magni composuit, de quo meminit Zacharias, qui liber apud Latinos propter eloqui similitudinem Salomonis titulo prænotatur. Dicitur autem Ecclesiasticus, eò quòd de totiùs Ecclesiæ disciplina religiosæ conversationis magna cura, & ratione sit editus. Hic, & apud Hebræos reperitur, sed inter apocryphos habetur.

24 Judith verò, & Tobias sivè Machabæorum libri, quibus auctoribus scripti sint, minimè constant. Habent autem vocabula ex eorum nominibus quorum gesta scribuntur.

25 Quatuor libros Evangeliorum, quatuor Evangelistæ singularitè conscripserunt.

26 Primus Matthæus conscripsit Evangelium litteris Hebraicis, & sermonibus in Judea, initians evangelizare ab humana Christi nativitate dicens: Liber generationis Jusu-Christi filii David, filii Abraham: significans descendisse corporaliter ex semine Patriarcharum Christum: sicut promissum erat in Prophetis per Spiritum Sanctum.

27 Secundus Marcus plenus Spiritu Sancto scripsit Evangelium Christi eloquio Græco in Italia secutus Petrum, ut Discipulus. Is initium à spiritu prophetali fecit dicens: Vox clam-

(1) Ezechiel, & Daniel. Idem refert. i, de Eccles. Offic. ex Hebraeorum sententia, qui hac vaticinia, non ab ipsis viribus scripta, sed ab aliis excepta somniant. Sed de Ezechiele ne dubitatum quidem videtur Hieronymi ætate. Contra Danielis librum refert idem scripsisse Porphyrium, confutatunq; ab Euseb. Apollinario, & Methodio.

(2) Quia secundus, tertius, & quartus non habentur apud Hebr. Quia Esdræ, Nehemiæque sermones in unum volumen (ut ait Hier.) coarctant. Ità neque secundum agnoscunt: At nobis Nehemias, idem secundus Esdræ inscribitur.

(3) Liber Sap. Ex Hier. Pref. cum in lib. Proem. Jesu filio Sirac tribuat Augustinus secutus 17. de Civit. mundi de eo: Quem Hebraicum (inquit) reperi, non Ecclesiasticum, ut apud Latinos, sed parabolas prænotatum. Cui juncti erant Ecclesiastes, & Cantica Canticorum, ut similitudinem Salomonis non solum numero librorum, sed etiam materiarum genere coequaret.

mantis in deserto, parate viam Domino: ut ostenderet Christum post assumptionem carnis Evangelium prædicasse in mundo. Ipse enim Christus, & Propheta dictus est, sicut scriptum est. Et⁽¹⁾ Prophetam in gentibus posui te.

28 Tertius Lucas inter omnes Evangelistas⁽²⁾ Græci sermonis eruditissimus, quippe ut medicus in Græcia Evangelium scripsit Theophilo Episcopo, initians à sacerdotali spiritu, dicens: Fuit in diebus Herodis Regis Judææ Sacerdos quidam nomine Zacharias: ut manifestaret Christum post nativitatem carnis, & prædicationem Evangelii, hostiam fuisse effectum pro salute mundi. Ipse enim Sacerdos, de quo dictum est in Psalmis: Tu es Sacerdos in æternum secundum ordinem Melchisedech. Ubi enim Christus advenit: sacerdotium Judæorum obmutuit: lex, & prophetia cessavit. Quartus Joannes scripsit Evangelium ultimus in Asia, incipiens à Verbo: ut ostenderet eundem Salvatorem, qui pro nobis dignatus est nasci, & pari: ipsum ante sæcula Dei Verbum esse, ipsum à Cœlo venisse, & post mortem ad Cœlum iterum remeasse.

29 Hi sunt quatuor Evangelistæ, quos per Ezechielem Spiritus Sanctus significavit in quatuor animalibus. Propterea autem quatuor animalia, quia per quatuor mundi partes fides Christianæ religionis eorum prædicatione disseminata est. Animalia autem dicta sunt: quoniam propter animam hominis prædicatur Evangelium Christi. Nam, & oculis plena erant intus,

& foris, quoniam pervident, quæ dicta sunt à Prophetis, &⁽³⁾ quæ promissa erant, impleri.⁽⁴⁾ Crura autem eorum recta, quia nihil pravum in Evangeliiis. Et alas senas regentes crura, & facies suas: revelata sunt enim, quæ tegebantur in adventu Christi.

30 Evangelium autem interpretatur bona annuntiatio. Græcè enim ἔβεν ἀγγελία dicitur annuntiatio. Undè, & Angelus nuntius interpretatur.

31⁽⁵⁾ Paulus Apostolus suas scripsit Epistolas quatuordecim, ex quibus novem, septem Ecclesiis scripsit, reliquas discipulis suis Timotheo, Tito, & Philemoni.⁽⁶⁾ Ad Hebræos autem Epistola à plerisque Latinis ejus esse incerta est propter dissonantiam sermonis, eandemque alii Barnabam conscripsisse: alii à Clemente scriptam fuisse suspicantur.

32 Petrus scripsit duas nominis sui Epistolas, quæ Catholicæ ideò nominantur, quia non uni tantum Populo, vel Civitati, sed universis gentibus generalitèr scriptæ sunt.

33 Jacobus, & Joannes, & Judas suas scripserunt Epistolas.

34 Actus Apostolorum primordia fidei Christianæ in gentibus, & nascentis Ecclesiæ historiam digerit. Actuum Apostolorum Scriptorem Lucam esse (constat) Evangelistam: in quo opere nascentis Ecclesiæ infantia textitur, & Apostolorum historia retinetur. Undè, & Actus Apostolorum dicitur.

35 Apocalypsim librum Joannes Evangelista scripsit, eo tempore quo ob Evangelii prædicationem in Insula Pathmos traditur relegatus.

M Apo-

(1) Et Prophetam in Gen. posui te. Ex Lxx. תִּשְׁמַח אֲנִי. Vulg. dedi te.

(2) Græci sermonis. Ex Hieron. Epist. ad Damasum 145. sed ibi Græcis Evangelium scripsisse dicitur, non in Græcia.

(3) Et quæ promissa erant impleri. Ex Neap. c. Al. in priori.

(4) Crura autem eorum recta. Ex Lxx. Vulg. Pedes eorum recti.

(5) Paulus Apost. Eadem lib. 1. de Offic. cap. 12. & Rab. 2. de Instit. Cler. cap. 54.

(6) Ad Heb. Ex Hieronymi Catalog.

Apocalypsis autem ex Græco in Latium revelatio interpretatur. Revelatio enim dicitur manifestatio eorum, quæ abscondita erant, iuxta quod, & ipse Joannes dicit. Apocalypsis Jesu Christi, quàm dedit illi Deus palàm facere servis suis.

36 Hi sunt Scriptores sacrorum librorum, qui per Spiritum Sanctum loquentes ad eruditionem nostram, & præcepta vivendi, & credendi regulam conscripserunt.

37 Præter hæc, & alia volumina apocrypha nuncupantur. Apocrypha autem dicta, id est, secreta, quia in dubium veniunt. Est enim eorum occulta origo, nec patet Patribus, ex quibus usque ad nos auctoritas veracium scripturarum certissima, & notissima successione pervenit. In iis apocryphis, etsi invenitur aliqua veritas, tamen propter auctoritatem falsam, nulla est in eis canonica auctoritas, quæ rectè à prudentibus judicantur non esse eorum credenda, quibus adscribuntur. Nam multa, & sub nominibus Prophetarum, & recentiora sub nominibus Apostolorum ab hæreticis proferuntur, quæ omnia sub nomine apocryphorum auctoritate canonica diligenti examinatione remota sunt.

CAPUT III.

De Bibliothecis.

1 Bibliotheca à Græco nomen accepit, eò quòd ibi recondantur libri. Nam βιβλίον librorum γινῆν repositio interpretatur. (1) Bibliothecam Veteris Testamenti Esdras scri-

ba post incensam legem à Chaldæis, dum Judæi regressi fuissent in Hierusalem, divino afflatus spiritu reparavit: cunctaque legis, ac Prophetarum volumina, quæ fuerant à gentibus corrupta, correxit, totumque Vetus Testamentum in viginti duos libros constituit, ut tot libri essent in lege, quot habebantur, & litteræ.

2 (2) Apud Græcos autem Bibliothecam primus instituisse Pisistratus, creditur Atheniensium tyrannus: quam deinceps ab Atheniensibus auctam Xerxes, incensis Athenis, avexit in Persas, longoque post tempore Seleucus Nicanor rursum in Græciam retulit. Hinc studium Regibus, urbibusque cæteris natum est comparandi volumina diversarum gentium, & per Interpretes in Græcam linguam vertendi. Dehinc magnus Alexander, vel successores ejus instruendis omnium Librorum Bibliothecis animum intenderunt, maximè (3) Ptolemæus cognomento Philadelphus omnis litteraturæ sagacissimus, cum studio Bibliothecarum Pisistratum æmuleretur, non solum gentium scripturas, sed etiam, & divinas litteras in Bibliothecam suam contulit. (4) Nam septuaginta millia librorum hujus temporibus Alexandriæ inventa sunt.

CAPUT IV.

De Interpretibus.

1 HIC etiam, & (5) ab Eleazaro Pontifice petens Scripturas Veteris Testamenti, in Græcam vocem ex Hebraica lingua per septuaginta

III-

(1) Cap. III. Bibliothec. Veteris Testam. Libri sacri sæpè Bibliotheca appellantur. Hieron. in Catalog. Eusebius in Scripturis Divinis studiosissimus, & Bibliothecæ Divinæ cum Pamphilo Martyre diligentissimus per investigator. Et in Epist. ad let. aquare. Et Gratianus non semel Hicronymum in prologo Bibliotheca citat.

(2) Apud Græcos autem. Totus locus ex Agellii lib. 6. cap. ult. Vid. Athen. & Cicer. 3. de Orat. Eustachius Aristarchonemque decantari in Panathenæis ludis jussisse ait.

(3) Ptolemæus-omnis litterat. sag. Verba Terull. in Apolog. cap. 18.

(4) Septuaginta millia. s. o. l. Septuaginta millia. Agell. & Marcell. lib. 22.

(5) Cap. IV. Et ab Eleaz. Ex Hieron. in Chron.

interpretes transferre curavit : quas in Alexandrina Bibliotheca habuit. ⁽¹⁾ Siquidem singuli in singulis cellulis separati : ita omnia per Spiritum Sanctum interpretati sunt : ut nihil in alicujus eorum codice inventum esset : quod in cæteris, vel in verborum ordine discreparet. Fuerunt, & alii interpretes, qui ex Hebræa lingua in Græcam sacra eloquia transulerunt : sicut Aquila, Symmachus, & Theodotion : sicut etiam, & ⁽²⁾ Vulgaris illa interpretatio, cujus auctor non apparet, & ob hoc sine nomine interpretis. Quinta editio nuncupatur. Præterea sextam, & septimam editionem Origenes ⁽³⁾ miro labore reperit, & cum cæteris editionibus comparavit. ⁽⁴⁾ Presbyter quoque Hieronymus trium linguarum peritus ex Hebræo in Latinum eloquium easdem scripturas convertit, eloquentèrque transfudit, ⁽⁵⁾ cujus interpretatio meritò cæteris antefertur. Nam est, & verborum tenacior, & perspicuitate sententiæ clarior, ⁽⁶⁾ atque, utpote à Christiano interprete verior.

CAPUT V.

De eo, qui primum Romam libros advexit.

I Romam primus librorum copiam advexit ⁽⁷⁾ Æmilius

Paulus, Perse Macedonum Rege devicto : ⁽⁸⁾ deinde Lucullus è Pontica præda. Post hos Cæsar dedit Marco Varroni negotium, quàm maximæ Bibliothecæ construendæ. ⁽⁹⁾ Primum autem Romæ Bibliothecas publicavit Pollio, Græcas simul, atque Latinas additis auctorum imaginibus in atrio, quod de manubiis magnificentissimum instruxerat.

CAPUT VI.

Qui apud nos Bibliothecas instituerunt.

I Apud ⁽¹⁰⁾ nos quoque Pamphilus Martyr, cujus vitam Eusebius Cæsariensis conscripsit, Pistratum in sacra Bibliothecæ studio ⁽¹¹⁾ primus adæquare contendit. Hic enim in Bibliotheca sua prope triginta voluminum millia habuit. Hieronymus quoque, atque Gennadius Ecclesiasticos Scriptores toto orbe quærentes ordine persecuti sunt, eorumque studia in uno voluminis indiculo comprehenderunt.

CAPUT VII.

Qui multa scripserunt.

I Marcus ⁽¹¹⁾ Terentius Varro apud Latinos innumerabiles

M 2

(1) Siquidem sing. Idem refert Aug. lib. 2. de Doct. Christ. & lib. 18. de Civit. c. 42. & Epiph. lib. de Ponder. quæ de re nimis multa à nostris hoc tempore dicta sunt.

(2) Et vulgaris. Hac verba non sunt Augustini.

(3) Mito labore rep. Ex Catalog. Hier. in Origen. Reperit autem has editiones (ut ait Epiph.) in dolis, quinquam verò in Alæo litore ait Hieronymus in Prefat. ad homil. Origen. à se versas.

(4) Presbyter quoque. Aug. 18. de Civit. cap. 43.

(5) Cujus interpretatio. Ex eodem 2. de Doct. Christ. quæ tamen non de Hieronymi interpretatione, sed de Italia dicuntur ab Augustino.

(6) Atque utpote à Ch. inc. v. Hac quidam libri non habent, neque libro 1. de Offic. Eccles. leguntur, sunt tamen in veterioribus.

(7) Cap. V. Æmil. Paul. Videndum, num ad hoc satis sit, quod Plutarchus Æmilii abstinentiam laudans narrat; liberos Regis dumtaxat filios studia litterarum transluentibus concessisse, cum auri, & argenti acervos, reliquamque prædam ne aspicere quidem voluerit.

(8) Deinde Lucull. Cicer. in Lucull. & 3. de Finibus. Sed quod Lucullo Isidorus, Pompejo, qui Lucullo successit, bellumque confecit, tribuit Plin. lib. 7. cap. 30.

(9) Primum autem Rom. Plin. lib. 7. cap. 30. Marci Varronis in Bibliotheca, quæ prima in orbe ab Asinio Pollione de manubiis publicata Romæ est, unius viventis posita imago est. Nam etiam Reges illi multò ante Pollionem Bibliothecas instruxerant, non tamen fortasse publicarant, hoc est publicas fecerant.

(10) Cap. VI. Apud nos. Ex Epist. 141. ad Marcellam.

(11) Cap. VII. M. T. Varr. apud Græc. Locus est ex Hieronymi libello, qui non extat, ejus tamen eam partem, quæ ad hunc locum pertinet, refert Rufin. invec. his verbis : M. Terentium Varronem miratur antiquitas, quod apud La-

les libros scripsit. Apud Græcos quoque Chalcenterus miris attollitur laudibus : quòd tantos libros ediderit, quantos quisque nostrum alienos scribere propria manu vix possit. De nostris quoquè apud Græcos Origenes in scripturarum labore, tam Græcos, quàm Latinos operum suorum numero superavit. Deniquè Hieronymus⁽¹⁾ sex millia librorum ejus se legisse fateatur. Horum tamèn omnium studia Augustinus ingenio, vel scientia sua vicit. Nam tanta scripsit : ut diebus, ac noctibus non solum scribere libros ejus quisquam, sed nec legere quidèm occurrat.

CAPUT VIII.

De generibus Opusculorum.

1 **O**pusculorum⁽²⁾ genera sunt tria. Primum genus excerpta sunt : quæ Græcè scholiam nuncupantur, in quibus ea, quæ videntur obscura, vel difficilia, summam, ac breviter præstringuntur.

2 Secundum genus homiliæ sunt, quas Latini verba appellant, quæ proferuntur in populis. Tertium, tomi : quos nos libros, vel volumina nuncupamus. Homiliæ autem ad vulgum loquuntur : tomi verò, id est, libri majoris sunt disputationis. Dialogus est collatio duorum, vel plurimorum, quam Latini sermonem dicunt. Nam quos Græci dialogos

vocant nos sermones vocamus :⁽³⁾ Sermo autem dictus, quia inter utrumque seritur. Undè, & in Virgilio. Multa inter sese vario sermone se-rebant. Tractatus, est unius rei multiplex expositio, eò quòd trahat sensum in multa,⁽⁴⁾ sententiam contrectando secum.

3 Differt autem sermo, tractatus, & verbum. Sermo enim altera eget persona : tractatus specialitèr ad seipsum est : verbum autem ad omnes. Undè, & dicitur : verbum fecit ad populum.

4 Commentaria dicta quasi cum mente. Sunt enim interpretationes : ut commenta juris,⁽⁵⁾ commenta Evangelii.

5⁽⁶⁾ Apologeticum est excusatio, in quo solent quidam accusantibus respondere. In defensione enim, aut negatione sola positum est, & est nomen Græcum.

6⁽⁷⁾ Panegyricum est licentiosum, & laciniosum genus dicendi in laudibus Regum : in cujus compositione homines multis mendaciis adulantur. Quod malum à Græcis exortum est : quorum levitas instructa dicendi facultate, & copia incredibili multas mendaciorum nebulas suscitavit.

7⁽⁸⁾ Fastorum libri sunt, in quibus Reges, vel Consules scribuntur : à fascibus dicti, id est, potestatibus.⁽⁹⁾ Undè, & ob id libri Fastorum dicuntur.

tinus tam innumerabiles libros scripserit. Græci Chalcenterum miris efferunt laudibus, quod tantos libros composuerit, quantos quisvis nostrum alienos sua manu describere non possit. Id cognomen fuit Didymo Alexandrino Grammatico, ut ait Hesichius in lib. de iis, qui in discipl. claruerunt, Vid. Suid.

(1) Sex mill. lib. Ità Ruffin. in Apolog. sed cum Hieronymus Mendacii arguit, vixque tertiam partem ab Euseb. relationem affirmat. Idem tamen, quod Ruffinus, tradidit Epiphanius.

(2) Cap. VIII. Opusculorum. Ex Hieron. pref. in Homil. Orig. in Ezech. quæ repetit etiam Ruff. in introduct.

(3) Sententiam contrectando secum. Ità A. Aug. cum in o. l. sentiendi nullo sensu legeretur : seu à contrectando secum. Chacon.

(4) Commenta juris, commenta Evangel. Commenta pro commentaria præcisè scriptum putabat A. Augustinus. Sed retinet idem verbum hodie abscissum vulgaris sermo, ut suspicari possimus eodem modo Isidori ætate usurpatum.

(5) Apologeticum. Ex Laet. lib. 5. cap. 4.

(6) Panegyric. Ex eodem lib. 1. cap. 15.

(7) Fastor. lib. à fascibus dicti. Significationem etymon aptavit, ut consuevit, aliqui à fando dici non ignorans.

(8) Undè, & ob id. Ex C. Nep. mendose reliqui Ovid.

cuntur, quia de Regibus, & Consulibus editi sunt.

8 Procemium est initium dicendi. Sunt enim procemia principia librorum, quæ ante causæ narrationem ad instruendas audientium aures coaptantur. Cujus nomen plerique Latinitatis periti sine translatione posuerunt, hoc autem vocabulum apud nos interpretatum, præfatio nuncupatur, quasi prælocutio.

9 Præcepta sunt, quæ, aut quid faciendum, aut quid non faciendum sit, docent. Quid faciendum: ut dilige Deum tuum, & honora patrem tuum, & matrem tuam. Quid non faciendum: ut, non moechaberis, non furtum facies. Similiter, & gentilium præcepta, vel jubent, vel vetant. Jubent faciendum, ut nudus ara, sere nudus. Vetant, ut Neve inter vites corylum sere, neve flagella summa pete. Primus autem præcepta apud Hebræos Moyses scripsit, apud Latinos ⁽¹⁾ Martius vates primus præcepta composuit. Ex quibus est illud, postremus dicas, primus taceas. Parabolæ, & problemata nominibus suis indicant altius se perscrutari oportere. Parabola quippè alicujus rei similitudinem per se gerit, quod licet sit vocabulum Græcum, jam tamen pro Latino usurpatur. Et notum est, quod in parabolis, quæ dicuntur rerum similitudines, rebus de quibus agitur comparantur.

10 Problemata autem, quæ Latine appellantur propositiones, quæstiones sunt habentes aliquid, quod disputatione solvendum sit.

11 Quæstio autem est quæsitio,

cum quæritur, an sit, quid sit, quale sit.

12 Argumentum verò dictum quasi argutum, vel quasi argutè inventum, ad comprobandas res.

13 Epistolam propriè Græci vocant, quod interpretatur Latine missa.

14 Antè chartæ, & membranarum usum, ⁽²⁾ in dedolatis ex ligno codicillis epistolarum alloquia scribebantur. Undè, & portitores earum tabellarios vocaverunt.

CAPUT IX.

De Ceris.

1 CERæ litterarum materies, parvulorum nutrices, ⁽³⁾ ipsæ dant ingenium pueris primordia sensus, quarum studium primi Græci tradidisse produntur: Græci autem, & Thusci primùm ferro in ceris scripserunt, postea Romani jusserunt, ne graphium ferreum quis haberet. Undè, & apud scribas dicebatur, ceram ferro nè cædito. Postea institutum est: ut ceram ossibus scriberent, ⁽⁴⁾ sicut indicat Atta in satyra dicens: Vertamus vomerem in ceram, mucroneque aremus Osseo. Graphium autem Græcè: Latine scriptorium dicitur. Nam γραφὴ scriptura est.

CAPUT X.

De Chartis.

1 CHartarum ⁽⁵⁾ usum primùm Ægyptus ministravit coeptum apud Memphiticam urbem. Memphis enim civitas Ægyptio-

M 3

(1) Martius vates. Vid. Lil. Gyrald. Dialog. 4. de Poët. Latin.

(2) In dedolat. ex l. c. Ex Hieron. Epist. ad Niceam 42.

(3) Cap. IX. Ipsæ dant ingen. Carmen est Dracontii lib. 2. de Machin. Mundi. Cera dat ingenium pueris primordia sensus. Inde fit, ut præstet littera, vel noceat.

(4) Sicut indicat Atta. Cui cur Atta cognomen haberit. Vid. Fest. in Atta.

(5) Cap. X. Chartarum usus. Plin. lib. 13. cap. 12.

tiorum est, ubi chartæ usus inventus est primùm, sicut ait Lucanus: Confititur bibula Memphitis charta papyro. Bibulam autem papyrum dixit, quòd humorem bibat. Charta autem dicta, quòd carptim papyri tegmen decerptum glutinatur. Cujus genera quàm plura sunt. Prima, & præcipua ⁽¹⁾ Augustæa, regia, & majoris formæ in honorem Octavii Augusti appellata. Secunda Liviana ob honorem Livie. Tertia hieratica dicta, eò quòd ad sacros libros eligebatur, similis Augustæa, sed subcolorata. Quarta Tæniotica à loco Alexandria, qui ita vocatur ubi fiebat. Quinta Saitica ab oppido Sai. ⁽²⁾ Sexta Cornelianna à Cornelio Gallo præfecto Ægypti primùm confecta. Septima emporctica, quòd ea merces involvuntur, cùm sit scripturis minus idonea.

CAPUT XI.

De Pergamenis.

Pergameni ⁽³⁾ Reges cùm charta indigerent, membrana primi excogitaverunt. ⁽⁴⁾ Undè, & pergamenarum nomen hucusque tradente sibi posteritate servatum est. ⁽⁵⁾ Hæc membrana dicuntur, quia ex membris pecudum detrahuntur. Fiebant autem primùm coloris lutei, id est, crocei, postea verò Rontæ candida membrana reperta sunt, quod apparuit inhabile esse, quòd, & facile sordescant, aciemque legentium lædant. Cùm peritiores architecti, nequè aurea

lacunaria ponenda in Bibliothecis putent; nequè pavimenta alia, quàm è Carysteo marmore, quòd auri fulgor hebetet, & Carysti viriditas reficiat oculos. Nam, & qui nunmulariam discunt, denariorum formis myrteos pannos subjiiciunt: & gemmarum sculptores scarabeorum terga, quibus nihil est viridius, subindè respiciunt, & pictores idem faciunt: ut laborem visus eorum viriditate recreent.

2 Membrana autem, aut candida, aut lutea, aut purpurea sunt. Candida naturalitèr existunt. Luteum membranum bicolor est, quòd à confectore una tingitur parte, id est, crocatur, de quo Persius: Jam liber, & positus bicolor membrana capillis. ⁽⁶⁾ Purpurea verò inficiuntur colore purpureo, in quibus aurum, & argentum liquescens patescat in litteras.

CAPUT XII.

De Libris conficiendis.

Quædam genera librorum apud gentiles certis modulis conficiebantur. Breviore forma, carmina, atque epistolæ. At verò historiæ majori modulo scribebantur, & non solum in charta, vel membranis, sed etiam, & ⁽⁷⁾ in omentis elephantinis, textilibusque malvarum foliis, atque palmarum, cujus generis Cinna sic meminit: Hæc tibi Aratæis multùm invigilata lucernis Carmina, quæ ignes ⁽⁸⁾ novimus ætios, Lewis in aridulo malvæ descripta li-

(1) Augustæa regia. Regia, glossam putabat Chacon.

(2) Sexta Cornelianna. De Cornelianna nihil Plinius. Constat verò ex Dionè, & aliis Cornellium Gallum Ægypto fuisse præfectum ab Augusto.

(3) Cap. XI. Pergameni Reges. Eumenes Pergami rex membranas primus excogitavit.

(4) Undè, & pergamenarum. Verba sunt Hieronymi in Epist. ad Chromat. 43.

(5) Hæc, & membrana dic. Et fæminino, & neutro genere. Gloss. membranum & uirg.

(6) Purpurea verò. Hieron. ad Eustoch. de Custod. virg. Inficiuntur membranæ colore purpureo, aurum liquescit in litteras. Unde liquescit hic reponit Chacon.

(7) Cap. XII. In omentis eleph. Hinc elephantini libri, nisi major codices eboreos, aut tabulas eboreas significari, de quibus meminere Oly. de leg. 2. cap. 52. & Pompon. cap. 2. de Orig. jur.

(8) Novimus ætios. Sic Gotth. o. Basil. Zanchus ætherios legit, ætios autem ex illorum opinione, qui sidera non in ignibus fixa, sed per aëra ferri existimant.

libello, Prusiaca vexi munera navicula. Circumcidi libros Siciliæ primùm increbuit. Nam initio pumicabantur. Undè, & ait Catullus: Cui dono lepidum novum libellum Arido modo pumicè expoliturum?

CAPUT XIII.

De Librorum vocabulis.

1 **C**odex multorum librorum est, liber unius voluminis. Et dictus codex per translationem à caudicibus arborum, seu vitium, quasi caudex, quòd in se multitudinem librorum, quasi ramorum contineat.

2 Volumen liber est à volvendò dictus, sicut apud Hebræos volumen legis, volumina prophetarum.

3 Liber est interior tunica corticis quæ ligno coheret. De quo Virgilius, alta liberaret in ulmo. Undè, & liber dicitur in quo scribimus, quia ⁽¹⁾ ante usum chartæ, vel membranorum de libris arborum volumina fiebant, id est, compaginabantur. Undè, & Scriptores à libris arborum librarios vocaverunt.

CAPUT XIV.

De Librariis, & eorum instrumentis.

1 **L**ibrarios (constat) ante bibliopolas dictos. Librum enim Græci βιβλος vocant. Librarii autem, idem, & antiquarii vocantur; sed librarii sunt, qui, & nova, & vetera scribunt, antiquarii, qui tan-

tummodo vetera, undè, & nomen sumpserunt.

2 Ascribendo autem scriba nomen accepit, officium exprimens vocabuli qualitate.

3 Instrumenta scribæ, calamus, & penna. Ex his enim verba paginis infiguntur, sed calamus arboris est, penna avis, cujus acumen in duo dividitur: in toto corpore unitate servata (credo) propter mysterium: ut in duobus apicibus vetus, & novum testamentum signaretur, quibus exprimitur verbi sacramentum sanguine passionis effusum.

4 Dictus autem calamus quod liquorem ponat. ⁽²⁾ Undè, & apud nautas calare ponere dicitur.

5 Penna autem à pendendo vocata, id est, volando. Est enim, ut diximus, avium.

6 Folia autem librorum appellata, sivè ex similitudine foliorum arborum: seu quia ex folliis fiunt, id est, ex pellibus quæ de occisis pecudibus detrahi solent, cujus partes paginæ dicuntur, eò quòd sibi invicem compingantur.

7 Versus autem vulgò vocati, ⁽³⁾ quia sic scribebant antiqui sicut aratur terra. A sinistra enim ad dexteram primùm deducebant stylum: deinde convertiebantur ⁽⁴⁾ ad inferiora, & rursùm ad dexteram versus, quos, hodieque rustici versus vocant.

8 ⁽⁵⁾ Scheda est, quod adhuc emendatur, & necdum in libris redactum est, & est nomen Græcum, sicut, & tomus.

CA-

(1) Cap. XIII. Ante usum chartæ. Ex Hieronymo, ad Niceam.
 (2) Cap. XIV. Unde apud nautas calare. Quo verbo nostri quoque Trasones utuntur, cum calar el sombreto, calar la visera, atque alia hujusmodi effiunt inde etiam dies intercalares dictos vult, quasi interpositos inf. cap. 17.
 (3) Quia sic scribebant antiqui sicut arat. terr. Id Græci (ut ait Pausan. lib. 1. ἰδὲ αὖ) ἐκ τοῦ ποδὸς γράφειν dixere. Versum autem vocabantur rustici, cum sulco ad finem perducto, iterum eo redditur, unde arationis initium est, quod est versum Peragere Plinio lib. 18. cap. 19.
 (4) Ad inferiora. Al. ad inferiorem.
 (5) Scheda. Charis. lib. 1. Scida charta sine aspiratione, à scindendo dicta est, sed etiam alii cum aspiratione schedam ex Græco ἀνὰ τὴν ἐπιφύρην dictam putant.

CAPUT XV.

De Canonibus Evangeliorum.

I **C**ANONES Evangeliorum ⁽¹⁾ Ammonius Alexandriæ Episcopus primus excogitavit, quem postea Eusebius Cæsariensis secutus, plenius composuit. Qui idè facti sunt: ut per eos invenire, & scire possimus, qui reliquorum Evangelistarum similia, aut propria dixerunt. Sunt autem numero decem, quorum primus continet numeros, in quibus quatuor eadem dixerunt: Matthæus, Marcus, Lucas, & Joannes. Secundus, in quibus tres, Matthæus, Marcus, Lucas. Tertius, in quibus tres, Matthæus, Lucas, Joannes. Quartus, in quibus tres, Matthæus, Marcus, Joannes. Quintus, in quibus duo, Matthæus, Lucas. Sextus, in quibus duo, Matthæus, Marcus. Septimus, in quibus duo, Matthæus, Joannes. Octavus, in quibus duo, Marcus, Lucas. Nonus, in quibus duo, Lucas, Joannes. Decimus, in quibus singuli eorum propria quædam dixerunt, quorum expositio hæc est. Per singulos enim Evangelistas numerus quidam capitulis affixus adjacet, quibus numeris ⁽²⁾ subdita est æra quædam minio notata, quæ indicat in quoto canone positus sit numerus, cui subjecta est æra. Verbi gratia: Si est æra prima, in primo canone: Si secunda, in secundo: Si tertia, in tertio, & sic per ordinem usque ad decimum perveniens. Si igitur aperto quolibet Evangelio placuerit scire, qui reliquorum Evangelista-

rum similia dixerunt, assumes adjacentem numerum capituli: & requires ipsum numerum in suo canone quem indicat, ibique inveniens quot, & qui dixerint: & ita demum in corpore inquisita loca, quæ ex ipsis numeris indicantur per singula Evangelia de isdem dixisse invenies.

CAPUT XVI.

De Canonibus Conciliorum.

I **C**ANON ⁽³⁾ autem Græcè, Latine regula nuncupatur. Regula autem dicta, quod rectè dicit, nè aliquando aliorum trahit. Alii dixerunt regulam dictam, vel quod regat, vel quod normam rectè vivendi præbeat, vel quod distortum, pravumque quid corrigat.

2 ⁽⁴⁾ Canones autem generalium Conciliorum à temporibus Constantini cœperunt. In precedentibus namque annis, persecutione fervente, docendarum plebium minimè dabatur facultas. Indè Christianitas indiversas hæreses est scissa, quia non erat licentia Episcopis in unum convenire, nisi tempore supradicti Imperatoris. Ipse n. dedit facultatem Christianis liberè congregari. Sub hoc etiam Sancti Patres in Concilio Nicæno de omni orbe terrarum convenientes, juxta fidem Evangelicam, & Apostolicam secundum post Apostolos symbolum tradiderunt.

3 Inter cætera autem Concilia quatuor esse (scimus) venerabiles Synodos, quæ totam principaliter fidem complectuntur, quasi quatuor Evan-

gè-

(1) Cap. XV. Hammonius. Ex Hieronymi Catalogo, & Pref. in Evang. & Pref. Euseb. ad Canones Hammonii.

(2) Subdita est æra quædam. Vel ex hoc loco apparet aram nihil esse aliud, quam numeri notam. Nam quam Isidorus aram, Hieronymus numerum dixit, & Victor Capuanus in Pref. ad harmoniam Evangelicam Tatiani eadem de re. Memoratos In-

(3) Cap. XVI. Canon autem. Hoc caput ex alio Isidori volumine à Braultone, qui hoc opus interpolavit, in librosque distribuit, accersitum videtur. Nam, & Concilior. Acta hoc opere condita contineri inferius dicitur, & multa hujus loci verba in ea Pref. qua inscribitur origo Concilior. reperiuntur.

(4) Canones autem gen. Citantur hæc à Grat. disc. 15. cap. 1. & Ivone lib. 2. tit. xi. cap. 16. Panorm. ex 18. cap. lib. 6. Etymolog. Eademque in Rabani margine ex 17.

gelia, vel totidè paradisi flumina.

3 Harum prima Nicæna Synodus trecentorum octodecim Episcoporum Constantino Augusto imperante peracta est. In qua, Arianæ perfidiae damnata blasphemia, quam de inæqualitate Sanctæ Trinitatis idem Arius asserebat: consubstantiali Deo Patri, ⁽¹⁾ Deum Filium, eadem Sancta Synodus per symbolum definivit.

4 Secunda Synodus centum quinquaginta patrum sub Theodosio seniore ⁽²⁾ Constantinopoli congregata est, quæ Macedonium, Spiritum Sanctum Deum esse negantem, condemnans consubstantiali Patri, & Filio Sanctum Spiritum demonstravit, dans symboli formam, quam tota Græcorum, & Latinorum confessio in Ecclesiis prædicat.

5 ⁽³⁾ Tertia Synodus Ephesina prima, ducentorum Episcoporum sub juniore Theodosio Augusto edita, quæ Nestorium duas personas in Christo asserentem justo anathemate condemnavit: ⁽⁴⁾ ostendens manere in duabus naturis unam Domini Jesu Christi personam.

6 ⁽⁵⁾ Quarta Synodus Calcedonensis sexcentorum triginta Sacerdotum sub Martino Principe habita est,

in qua Eutychem Constantinopolitanum abbatem Verbi Dei, & carnis unam naturam pronuntiantem, & ejus defensorem Dioscorum quemdam Alexandrium Episcopum, & ipsum rursus Nestorium cum reliquis hæreticis una Patrum sententia prædamnavit prædicans eadem Synodus ⁽⁶⁾ Christum Dominum de Virgine sic natum, ut in eo substantiam, & divinam, & humanam ⁽⁷⁾ confiteamur naturæ. Quatuor hæ sunt Synodi principales, fidei doctrinam plenissimè prædicantes: sed, & si qua sunt Concilia quæ Sancti Patres spiritu Dei pleni sanxerunt, post istorum quatuor auctoritatem omni manent stabilita vigore: ⁽⁸⁾ quorum gesta in hoc corpore condita continentur.

7 Synodus autem ex Græco interpretatur committatus, vel cœtus.

8 ⁽⁹⁾ Concilii verò nomen tractum est ex more Romano. Tempore enim quo causæ agebantur, conveniebant omnes in unum, communique intentione tractabant. * Undè, & Concilium à communi intentione dictum, ⁽¹⁰⁾ quasi communicilium. Nam cilia oculorum sunt. Undè, & considium, consilium, d. in, l. litteram transeunte.

Cœ-

(1) Deum Filium. *Dei Filium Gratian.*

(2) Constantinopoli. *Al. Constantinopolim.*

(3) Tertia Synod. *Antè hæc verba Ivo, cap. 20.* Hæc Synodus acta est temporibus Damasi Papæ Romani, Cyrilli Hierosolymitani Episcopi. Nectarii Constantinopolitani. (*sic n. legendum non Nestorii.*)

(4) Ostendens manere. *Gennad.* Sixtus Urbis Rom. Episcopus Decretum Synodi adversum Nestorium à se habitum volumine describens ad Orientis, & Occidentis Ecclesias dedit, confirmans duobus in Christo manentibus perfectè naturis, unam Filii Dei credendam esse personam, & rursus eadem ferè in Leporio.

(5) Quarta Synod. *Antè hæc verba Ivo, cap. 21.* Hæc Synodus acta est temporibus Cælestini Papæ Romani, Juvenalis Constantinopol. Episcopi. *Ubi pro Constantinopolitani, Hierosolymitani legendum admonuit A. Augustin.*

(6) Christum Dominum. *Christum Deum alii libri, & Grat. Ivo Raban.*

(7) Confiteamur naturæ. *Addit post hæc verba Ivo, Hæc Synodus acta est temporibus Leonis Papæ Rom. & Juvenalis Hierosolymitani Episcopi, Anatolii Constantinopolitani. Sic n. legendum non Athanasii.*

(8) Quorum gesta in hoc opere. *Hæc omnia oportuit.*

(9) Concilii nom. r. e. m. Rom. è *Serv. Æn. 6.* ad v. Nec verò h. s. s. d. *Quid autem esset Concilium ostendunt Lallii Felicis verba apud Agell. lib. 5. cap. 27.* Qui non universum populum, sed partem aliquam adesse jubet, non comitia, sed Concilium edicere debet. *Sic enim legendum docuit A. August. ex Cicerone, & Livio.*

(10) Quasi communicilium *Ità Rabanus:* quasi consilium veteres libri, unus *Salment.* antè 860. annos scriptus, quasi consilium, quod ad hunc quidem locum attinet, mendosè, rem totam attentius si spectes, haud prius abinde. Nam Consilium. *Isidorus* atque solere scribi, mihi certe non fit dubium, nam, & paullo post idem codex habet: Vel consilium à societate, &c. E qua scriptura duas ipse notationes confeci: ut consilium, sit (neglecto s.) concilium, & hoc quasi communicilium, vel sit (neglecto c.) consilium; & hoc quasi considium d. in l. litteram transeunte, qua de re *Festus.* Consilium, vel à consulendo, vel quod in unam rem plurium mentes considerant. *Fuisse autem hanc consilii scripturam in usu testatur Pierius Valerianus lib. 5. Æn. ad V.* Consilium summis r. d. r. h. *Hoc Gratiani correctores non viderunt, nulla tamen re illorum sensus aquè adjuvatur.* Nos antiquiorum quodam scripturam representavimus, qua, hoc animadverso, & emendari, & suppleri facile possit, ut nihil sit jam amplius, quod desideretur.

9 Coetus verò conventus est, vel congregatio à coëundo, id est, conveniendo in unum. Undè, & conventus est nuncupatus: sicut conventus coetus, vel concilium à societate multorum in unum.

CAPUT XVII.

De Cyclo Paschali.

1 **P**aschalem ⁽¹⁾ Cyclum Hippolytus Episcopus temporibus Alexandri Imperatoris primus conscripsit. Post quem probatissimi auctores Eusebius Cæsariensis, ⁽²⁾ Theophilus Alexandrinus, Prosper quoque natione Aquitanus, atque ⁽³⁾ Victorius amplificatis ejusdem festivitatis rationibus, multiplices circulos ediderunt, cujus quidem rationem beatissimus Cyrillus Alexandrinæ Urbis Episcopus in xcv. annos ⁽⁴⁾ per quinques decem novies calculans, ⁽⁵⁾ quoto Kalendaris, vel Luna debeat Paschalis sollemnitas celebrari, summa brevitate notavit.

2 Cyclus autem vocatus, èd quòd in orbem digestus sit, & quasi in circulo dispositum ordinem complectatur annorum sine varietate, & sine ulla arte. Undè factum est: ut cujusque materiæ carmina ⁽⁶⁾ simplici

formitate facta cyclica vocarentur. ⁽⁷⁾ Hinc, & laterculum dictum, quòd ordinem habeat ⁽⁸⁾ stratum annorum.

Primus Cyclus decemnovenalis.

		Luna.
B.Com.an.ii.Idus	April.	xx
C.vi.Kal.	April.	xvi
Em.xvi.Kal.	Maii	xvii
C.vi.Idus	April.	xx
B.C.ix.Kal.	April.	xv
E.ii.Idus.	April.	xvi
C.ii.Non.	April.	xix
E.viii.Kal.	Maii	xx
B.C.v.Idus	April.	xv
C.ii.Kal.	April.	xviii
E.xii.Kal.	Maii	xix
C.Non.	April.	xv
B.C.v.Kal.	April.	xvii
E.xvi.Kal.	Maii	xviii
C.vi.Idus	April.	xxi
C.ix.Kal.	April.	xvii
B.E.xi.Idus	April.	xvii
C.ii.Non.	April.	xx
E.viii.Kal.	Maii	xxi

Secundus Cyclus Luna.

		Luna.
C.v.Idus	April.	xviii
B.C.ii.Kal.	April.	xx
E.xii.Kal.	Maii	xxi
C.Non.	April.	xvii
C.v.Kal.		

(1) Cap. XVII. Paschalem Cyclum Hippolytus Episcopus. Post vocem Episcopus lacuna, est in Cod. Neap. Hieronymus in Catalogo, negat se reperire potuisse cujus Urbis Episcopus fuerit. Gelasius Papa Metropolis Arabum Episcopum facit (Bostra fortasse) ejus enim Urbis subscriptio in conciliis nonnunquam legitur. Zonaras, & Nicephorus Porus Roma Episcopum fuisse tradunt. Reperta Roma est ante annos xx. illius marmorea statua sedentis, legiturque cyclus hic Paschalis in lateribus sedis cum Catalogo operum illius, non tamen integro, quia lapis ea parte fractus.

(2) Theophilus, Ex Catalogo Gemadii.

(3) Victorius. Ita omnino legendum ex Bed. lib. 6. de Ratione temp. cap. 48. & ex Gemadio cujus verba sunt: Victorius homo Aquitanicus, invitatus à S. Hyalario Urbis Romæ Episcopo composuit Paschalem cursum. (Al. recursum) inperum. Victorius quoque legitur in vetustiss. libris Salmant. & Complut.

(4) Per quinques decem novies. Per quinques decies novies Neap.

(5) Quoto Kal. vel Luna. Concil. Bracar. 2. cap. 9. quoto Kalendar. die, vel quoto Luna.

(6) Carmina simplici formitate facta cyclica. Alii cyclia cum Rabano, sive à carminis genus arte quadam feret, ut ait Aristophanis interpres in Avibus. Nam, & κίχας ποίματος quidam Homerum auctorem fuisse voluerunt, ut ait Phipon. ad lib. 1. ἀνάξ sive incitita potius feret, ut vult Acron ad carmen. Horat. Nec sic incipies, ut scriptor Cyclicus olim. Unde Cyclici à plerisque Græcis triviales, & circumforanei Poëta dicuntur.

(7) Hinc, & laterculum dictum. Sic in melioribus libris, & recte. Concilium Tolet. iv. cui Isidorus interfuit, cap. 4. Solis festivitatis errorem incedere partit. & Cedrenus. ὁ παρ' Ἰδμεν in τῇ πλὴντος ἀγαθῆς παρὰ Ρωμαίους ἀγίτας. & Hieronym. in Ezech. cap. 4. Pro latere, qui Græcè dicitur genere feminino ὁ πλῆντος Symmachus manescitius interpretatus est πλῆντος, quem nos laterculum, & abacum appellare possumus.

(8) Stratum annorum. Tertull. de Resurrect. Carn. Ordo temporum stratum.

ETYMOLOG. LIB. VI.

143

C.v.Kal.	April.	xx	B.C.viii.Idus	April.	xviii
B.E.xvi.Kal.	Maii	xx	C.iv.Kal.	April.	xxi
C.Kal.	April.	xvi	E.iii.Idus	April.	xv
E.xi.Kal.	Maii	xvii	C.iii.Non.	April.	xviii
C.Idus	April.	xx	B.E.x.Kal.	Maii	xviii
B.C.v.Kal.	April.	xv	C.xviii.Kal.	Maii	xxi
E.xv.Kal.	Maii	xvi	C.iii.Kal.	April.	xvii
C.v.Idus	April.	xix	E.xiii.Kal.	Maii	xviii
C.viii.Kal.	April.	xv	B.C.iv.Idus	April.	xx
B.E.Idus	April.	xv	C.vii.Kal.	April.	xvi
C.Non.	April.	xviii	E.xvii.Kal.	Maii	xvii
C.v.Kal.	April.	xxi	C.vii.Idus	April.	xx
E.iv.Idus	April.	xv	B.C.xi.Kal.	April.	xv
B.C.Kal.	April.	xvii	E.iii.Idus	April.	xvi
E.xi.Kal.	Maii	xviii	C.iii.Non.	April.	xix
			E.ix.Kal.	Maii	xx

Tertius Cyclus Lunæ.

Luna.

C.viii.Idus	April.	xv
C.iv.Kal.	April.	xviii
B.E.xv.Kal.	Maii	xviii
C.v.Idus	April.	xxi
C.viii.Kal.	April.	xvii
E.xviii.Kal.	Maii	xviii
B.C.Non.	April.	xx
E.vii.Kal.	Maii	xxi
C.iv.Idus	April.	xvii
C.iv.Non.	April.	xx
B.E.xi.Kal.	Maii	xx
C.viii.Idus	April.	xvi
C.iv.Kal.	April.	xix
E.xiv.Kal.	Maii	xx
B.C.iv.Non.	April.	xv
C.viii.Kal.	April.	xviii
E.xviii.Kal.	Maii	xviii
C.iii.Kal.	April.	xix
B.E.xiv.Kal.	Maii	xv

Quintus Cyclus Lunæ.

Luna.

B.C.vii.Idus	April.	xvi
C.iii.Kal.	April.	xix
E.xiii.Kal.	Maii	xx
C.ii.Non.	April.	xvi
B.C.vii.Kal.	April.	xvii
E.xvii.Kal.	Maii	xix
C.ii.Kal.	April.	xv
E.xii.Kal.	Maii	xvi
B.C.iii.Idus	April.	xviii
C.iii.Non.	April.	xxi
E.xvi.Kal.	Maii	xv
C.vi.Idus	April.	xviii
B.C.iii.Kal.	April.	xx
E.xiii.Kal.	Maii	xxi
C.ii.Non.	April.	xvii
C.vi.Kal.	April.	xx
B.E.xvii.Kal.	Maii	xx
C.ii.Kal.	April.	xvi
E.xii.Kal.	Maii	xvii

Quartus Cyclus Lunæ.

Luna.

C.iii.Idus	April.	xix
C.vii.Kal.	April.	xv
E.xvii.Kal.	Maii	xvi

1 (1) Post cujus expletionem ad primum exordium recurrendum. Antiquitus Ecclesia Pascha decima quarta Luna cum Judæis celebra-

(1) Post cujus expletionem. Qua ante hac in impressis sunt. A conditione mundi, usque ad hunc novissimum Cycli annum computantur anni 592. A manuscriptis vetustioribus absunt, neque in reliquis idem numerus legitur, sed, vel, 5900. vel 5911. vel, 5921.

brabat, quocumque die occurreret: quem ritum Sancti Patres in Nicæna Synodo prohibuerunt, constituentes non solum Lunam Paschalem, & mensem inquirere, sed etiam, & diem resurrectionis Dominicæ observare: & ob hoc Pascha à quartadecima Luna, usque ad vigessimam primam extenderunt: ut dies Dominicus non omitteretur.

2 ⁽¹⁾ Paschæ autem vocabulum non Græcum, sed Hebræum est: nec à passione, quoniam *πάσχειν* Græcè dicitur pati, sed à transitu Hebræo verbo Pascha appellatum est, eò ⁽²⁾ quòd tunc Populus Dei ex Ægypto transierit. Unde, & in Evangelio: Cùm vidisset inquit, Jesus, quia venit hora ut transiret de mundo ad Patrem. ⁽³⁾ Cujus nox ideò pervigil ducitur, propter adventum Regis, ac Dei nostri: ut tempus resurrectionis ejus nos non dormientes, sed vigilantes inveniat. Cujus noctis duplex ratio est: sive quòd in ea vitam tunc recepit cùm passus est: sive, quòd postea eadem hora, qua resurrexit, ad judicandum venturus est. Eo autem modo agimus Pascha: ut non solum mortem, & resurrectionem Christi in memoriam revocemus, sed etiam cætera, ⁽⁴⁾ quæ circa eum attestantur) ad sacramentorum significationem inspiciamus. Propter initium enim novæ vitæ, & propter novum hominem, quem jubemur induere, & exuere veterem expurgantes vetus fermentum: ut simus nova conspersio, quoniam Pascha nostrum immolatus est Christus. Propter hanc ergò vitæ novitatè primus ⁽⁵⁾ mensis in anni mensibus ce-

lebrationi Paschali mysticè attributus est.

3 Quòd verò tertiæ hebdomadæ die Pascha celebratur, i. qui dies occurrat à quartadecima in vicissimamprimam, hoc significat: quia in toto tempore sæculi, quod septenario dierum numero agitur, nunc tertium tempus hoc sacramentum aperuit. Primum enim tempus est ante legem, secundum sub lege, tertium sub gratia. Ubi jam manifestatum est sacramentum prius occultum in prophetico ænigmate, ideò, & propter hæc tria sæculi tempora resurrectio Domini triduana est. Quòd verò à quartadecima Luna, usque ad vigessimamprimam per dies septem Paschalis dies quæritur: hoc fit propter ipsum numerum septenarium, quo universitatis significatio sæpè figuratur, qui etiam ipsi Ecclesiæ tribuitur propter instar universitatis, unde, & Joannes Apostolus in Apoc. ad septem scribit Ecclesias. Ecclesia verò in ista adhuc mortalitate carnis constituta propter ipsam mutabilitatem, Lunæ nomine in scripturis significatur.

4 Varia autem observantia opinionum Paschalis festivitatis interdum errorem gignit. Latini namque à tertio Nonas Martii, usque in tertium Nonas Aprilis primi mensis Lunam inquirunt, & si quartadecima Luna die Dominico provenierit, in alio die Dominico Pascha protrahunt. Græci primi mensis Lunam ab octavo Idus Martias, usque in diem Non. April. observant, & si quintadecima Luna die Dominico incurrerit, sanctum Pascha celebrant. Hujusmodi igitur dis-

sen-

(1) Paschæ autem vocab. Ex August. Epistol. ad Januar. 119. Vid. Hieron. ad Matth. 26.

(2) Eò quòd Populus de Ægypt. t. immo, quod Angelus percussit postes agni sanguine illitos cado abstinentes pratergressus est. Ut Hieronym. loco citat. & Phil. sed hæc Augustini sunt.

(3) Cujus nox ideò pervigil. dicitur. Ex Luc. lib. 7. cap. 19.

(4) Quæ circa eum attest. Absunt hæc ab optimo Cod. Tolet.

(5) Primus mensis. Expunximus id novorum, nam nequè apud Aug. est, nequè esse debet. Vid. Exod. 12.

sensio inter utrosque Paschalem regulam turbat.

5 Communis annus dicitur, qui (1) duodecim tantum Lunas, hoc est, dies CCCIV. habet. Dicitur autem communis, quia sæpè duo ita conjuncti incedunt, ut invicem se in Paschali sollemnitate sequantur: nam embolismus annus semper solus est.

6 Embolismus annus est, qui tredecim menses lunares, id est, CCCXXXIV. dies habere monstratur. Ipse est annus sancto Moyse divinitus revelatus, in quo jubentur ii, qui longius habitabant in secundo mense Pascha celebrare. Embolismus autem nomen Græcum est, quod interpretatur Latine superaugmentum, eò quod expleat numerum annorum communium, quibus undecim lunares dies deesse cernuntur.

7 Embolismi autem anni, & communes sic inveniuntur. Si enim à quartadecima Luna Paschæ præcedentis, usque ad quartadecimam sequentis CCCXXXIV. dies fuerint: embolismalis annus est, si CCCIV. communis.

8 Bissexthus est post annos quatuor unus dies adjectus. Crescit enim per singulos annos quarta pars assis. At ubi quarto anno assem compleverit, bissexthum unum facit. Dicitur autem bissexthus, (2) quia bis sexies ductus assem facit: quod est unus dies, sicut quadrantem propter quater ductum, quod est bissexthus: quem superdierum cursum in anno (3) Sol facit: sive quòd nequeat (4) annus subintroduci, nisi bissexto Kal. Mart. compu-

taveris, hoc est, & prima die sexta Kal. Martias, & addito bissexto alio die sexto Kal. Martias iteraveris. A sexto autem Kal. Martias usque in diem pridie Kalendas Januarias, in Lunæ cursu bissexthus apponitur, atque inde detrahitur.

9 Intercalares autem dies idcirco vocantur, quia interponuntur, ut ratio Lunæ, Solisque convenient. Calare enim ponere dicitur, intercalare interponere.

10 Epactas Græci vocant, Latini adjectiones annuas lunares, quæ per undenarium numerum, usque ad tricenarium in se revolvuntur. Quas ideò Ægyptii adjiciunt, ut lunaris emensio rationi Solis æquetur. Luna enim juxta cursum suum vigintinovem semis dies lucere dignoscitur, & fiunt in annum lunarem dies CCCIV. Remanent ad cursum anni solaris dies undecim, quos Ægyptii adjiciunt. Unde, & adjectiones vocantur: absque his non invenies Lunam quota sit in quolibet anno, & mense, & die. Istæ Epactæ semper xi. Kal. April. reperiuntur in eadem Luna, quæ fuerit eo die. Continentur autem circulo decemnovenali: sed cum ad xxix. Epactas pervenerit, qui est circulus decemnovenalis jam sequenti anno non addes super vigintinovem, undecim: ut decem annunties detractis triginta, sed inde reverteris, ut undecim pronunties.

CAPUT XVIII.

De reliquis Festivitatibus.

1 FESTIVITAS dicta à festis diebus, quasi festiditas, eò quòd in

N

eis

(1) Qui xii. tantum Lunas. *Al.* lunationes.

(2) Quia bis sexies. Ità scribi placuit. *A. Augustino*, ut sexias semissem significaret, quod voluit *Isidorus*. Atqui certum est, bissexthum appellari, quod bis sexto Kal. Mart. dicamus, quod ipse statim subdit.

(3) Sol facit. *Quæ* post hæc leguntur in quibusdam ms. etiam Gotthicis, ut in *Otiensi*, & *Cesarav.* recipienda non putavimus, ea sunt: Quia tres dies sine auctore sole transierunt initio conditionis dierum. Inde quarta pars assis per annum crescit, & quarto anno diem integram reddit. Inde Ægyptii inventores hujus artis ob exaltationes siderum auctore sole dici in quarta feria condito, unam diem in quatuor annum adjecerunt in honorem Solis, & Lunæ.

(4) Quod nequeat annus subintroduci. *Al.* annum subintroducere.

eis sola res divina fit. Quibus contrarii sunt fasti, in quibus jus fatur, id est, dicitur. Sollemnitas à Sacris dicitur, ita suscepta : ut mutari ob religionem non debeat : ⁽¹⁾ à sollo, id est, firmo, atque solido nominata.

2 Celebritas autem nominatur, quòd non ibi terrena, sed cœlestia tantum agantur.

3 ⁽²⁾ Pascha festivitatum omnium prima est, de cujus vocabulo jam superius dictum est.

4 Pentecoste sicut, & Pascha apud Hebræos celebris dies erat, quæ post quinque decadas Paschæ celebratur: undè, & vocabulum sumpsit. πεντε enim Græcè quinque, in quo die secundum legem Panes Propositionis de novis frugibus offerebantur. Cujus figuram annus jubilœus in testamento veteri gessit: quæ nunc iterum per figuram repromissionis æternam requiem præfiguratur.

5 ⁽³⁾ Epiphania Græcè, Latine apparitio, sive manifestatio vocatur. Eo enim die Christus sideris indicio Magis apparuit adorandus. Quod fuit figura primitiæ credentium gentium. Quo die, & dominici baptismatis Sacramentum, & permutatæ in vinum aquæ factorum per dominum signorum principia extiterunt. Duæ sunt autem Epiphaniæ: prima, in qua natus Christus Pastoribus Hebræorum Angelo nuntiante apparuit: secunda, in qua ex gentium Populis Stella indice præsepis cunabula Magis adoraturis exhibuit.

4 Scenopegia sollemnitas Hebræorum, de Græco in Latinum, ta-

bernaculorum dedicatio interpretatur, quæ celebrabatur à Judæis in memoriam expeditionis, cum ab Ægypto promoti in tabernaculis agebant, & ex eo Scenopegia: σκηνη enim Græcè, tabernaculum dicitur. Quæ sollemnitas apud Hebræos Septembri mense celebrabatur.

5 ⁽⁴⁾ Neomenia apud nos Kalendæ: apud Hebræos autem, (quia secundum lunarem cursum menses supputantur) & Græcè μην Luna appellatur: indè Neomenia, id est, nova Luna. Erant enim apud Hebræos ipsi dies Kalendarum ex legali institutione sollemnes, de quibus dicitur in Psalmo: Canite initio mensis tuba, in die insigni sollemnitatis vestræ.

6 ⁽⁵⁾ Encæniam autem est nova Templi dedicatio. Græcè enim καινὸν dicitur novum. Quando enim aliquid novum dedicatur, encæniam dicitur. Hanc dedicationis Templi sollemnitatem Judæi Octobri mense colebant.

8 Dies Palmarum idèò dicitur, quia in eo Dominus, & Salvator noster, sicut Propheta cecinit, Hierusalem tendens asellum sedisse perhibetur. Tunc gradiens cum ramis palmarum multitudo plebium obviam ei clamaverunt: Osanna, benedictus, qui venit in nomine Domini Rex Israël. Vulgus autem idèò eum diem ⁽⁶⁾ Capitulavium vocant: quia tunc moris est lavandi capita infantium, qui ungendi sunt: ne observatione quadragesimæ sordidata ad unctionem accederent. ⁽⁷⁾ Hoc autem die symbolum competentibus traditur propter confinem Dominicæ Paschæ sollemnitatem:

ut

(1) Cap. XVIII. Ab sollo i. firmo. Vid. Fest.

(2) Pascha fest. De his tribus festivitibus. Vid. Hieron. ad Zach. cap. 1.

(3) Epiph. Qui dies à Græcis Baptismo Christi dicatus est, sed quis potissimum hoc die sit factum (ait S. Maximus) novæ illæ, qui fecit.

(4) Neomen. Ex Hieron. Epist. ad Sunniam.

(5) Encæn. Ex August. tract. 18. in Joann.

(6) Capitulavium. Vid. lib. 1. de Off. cap. 27. & Rab. lib. 2. cap. 35.

(7) Hoc autem die Symb. Comp. Qui dicantur competentes, inf. lib. 7. cap. ultim.

CAPUT XIX.

De Officiis.

ut qui jam ad Dei gratiam percipiendam festinant fidem, quam confiteantur agnoscant.

9 Coena Dominica dicta est, eò quod in illo die Salvator Pascha cum Discipulis suis fecerit: quod hodie, sicut est traditum, celebratur, sanctumque in eo chrisma conficitur, ⁽¹⁾ atque initium novi, & veteris cessatio testamenti declaratur.

10 Sabbatum ab Hebræis ex interpretatione vocabuli sui requies nominatur: quod Deus in ipso, perfecto mundo, requievisset. Siquidem, & eò die requievit in sepulchro Dominus, ut quietis illius mysterium confirmaret: quod Judæis observandum in umbra futuri præceptum est. Sed postquam Christus in sepultura sua ejus figuram adimplevit, observatio ejus quievit.

11 Dominicus dies proinde vocatur, quia in eo resurrectionis Domini nostri gaudium celebratur. ⁽²⁾ Qui dies non Judæis, sed Christianis in resurrectionem Domini declaratus est, & ex illo habere cœpit festivitatem suam. Illis enim solùm celebrandum Sabbatum traditum est: quia erat antè requies mortuorum: ⁽³⁾ resurrectio autem nullius erat, qui resurgens à mortuis non moreretur. Postquam autem facta est talis resurrectio in Corpore Domini: ut præiret in capite Ecclesiæ, quod corpus Ecclesiæ speraret in fine: jam dies Dominicus, id est, octavus, qui, & primus, celebrari cœpit.

1 Officiorum plurima sunt genera: sed præcipuum illud, quod in sacris, divinisque rebus habetur. ⁽⁴⁾ Officium autem ab efficiendo dictum, quasi efficium: propter decorem sermonis una mutata littera, vel certè: ut quisque illa agat, quæ nulli officiant, sed prosint omnibus.

2 Vespertinum officium est in noctis initio vocatum, ⁽⁵⁾ à Stella vespere, quæ surgit oriente nocte.

3 Matutinum verò officium est, in lucis initio, à stella lucifero appellatum, quæ inchoante manè oritur. Quorum duorum temporum significatione ostenditur: ut die, ac nocte semper Deus laudetur.

4 ⁽⁶⁾ Missa tempore sacrificii est, quando Catechumeni foras mittuntur, clamante Levita: Si quis Catechumenus remansit, exeat foras, & indè Missa, quia Sacramentis Altaris interesse non possunt, qui nondum regenerati noscuntur.

5 Chorus est multitudo in sacris collecta, & dictus chorus, quod initio in modum coronæ circum aras starent, & ita psallerent. ⁽⁷⁾ Alii chorum dixerunt à concordia, quæ in charitate consistit, quia si charitatem non habeat, respondere convenienter non potest. Cùm autem unus canit, Græcè monodia, ⁽⁸⁾ Latine sincinnium dicitur: cùm verò duo canunt, bicinium appellatur, cùm multi chorus. Nam

N 2 cho-

(1) Atque in n. a. v. e. t. d. *Addita sunt hæc ex veteribus libris, quæ in editis non erant: in quibus autem manuscriptis deerant, lacuna tantundem patebat.*

(2) Qui dies non lud. suam, *Verba Aug. Epist. 119. cap. 13.*

(3) Resurrectio autem, *ibid.*

(4) Cap. XIX. Officium autem ab eff. *Ex Amb. 1. Off. cap. 8.*

(5) A Stella vespere, *Virg. Denique quid vespere serus vehat, & alias sæpt.*

(6) Missa. *Ambrosium, Leonem, aliosque Patres sequitur. De Missa etymol. multa Claut. Sanct. in Præf. ad Liturg.*

(7) Alii chorum à concordia, *Ex Aug. in Ps. 87.*

(8) Latine Sincinnium. *Fest. Sincinnium cantionem solisariam. Agellius lib. 20. cap. 2. Qui rectius locuti sunt, Sincinnitas littera n. gemina dixerunt. Sincinnium n. genus veteris cantionis fuit. & paulo-post. Accius Poëta Sincinnis-*

chorea ludicrum cantilenæ, ⁽¹⁾ vel saltationes classium sunt.

6 Antiphona ex Græco interpretatur vox reciproca, duobus, scilicet, choris alternatim psallentibus ordine commutato, sivè de uno ad unum: quod genus psallendi Græci invenisse traduntur. ⁽²⁾ Responsorios Itali tradiderunt: quod indè Responsorios cantus vocant: quod alio desinente, id alter respondeat. Inter Responsorios autem & Antiphonas hoc differt, quod in Responsoriis unus versum dicit, in Antiphonis autem versibus alternant chori.

7 Lectio dicitur, quia non cantatur: ut Psalmus, vel Hymnus, sed legitur tantum. Illic enim modulatio, hic sola pronuntiatio quaeritur.

8 ⁽³⁾ Canticum est vox cantantis in lætitiā.

9 ⁽⁴⁾ Psalmus autem dicitur, qui cantatur ad Psalterium, quo usum esse David Prophetam in magno mysterio prodit historia. Hæc autem duo in quibusdam Psalmorum titulis juxta musicam artem alternatim sibi apponuntur. ⁽⁵⁾ Nam Canticum Psalmi est, cum id, quod organum modulatur, vox postea cantantis eloquitur. Psalmus verò canticum, cum quod humana vox præloquitur, ars organi modulantis imitatur. Psalmus autem à Psalterio dicitur, undè nec mos est ex alio opere eum componi.

10 Tres autem gradus sunt in cantando: ⁽⁶⁾ primus succentoris, secundus incentoris, tertius accentoris.

11 ⁽⁷⁾ Diapsalma Hebræum verbum quidam esse volunt, quo significatur, semper, i. quod illa, quibus hoc interponitur, sempiterna esse confirmant. ⁽⁸⁾ Quidam verò Græcum verbum existimant, quo significatur intervallum psallendi, ut psalma sit, quod psallitur: diapsalma verò interpositum in psallendo silentium: ut quemadmodum sympsalma dicitur vocum copulatio in cantando, ita diapsalma disjunctio earum, ubi quædam requies disjunctæ continuationis ostenditur. Undè illud probabile est, non jungendas sententias in psallendo, ubi diapsalma interpositum fuerit, quia idè interponitur: ut conversio sensuum, vel personarum esse noscatur.

12 Hymnus est ⁽⁹⁾ canticum laudantium, quod de Græco in Latinum laus interpretatur, pro eo, quod sit carmen lætitiæ, & laudis. ⁽¹⁰⁾ Proprie autem Hymni sunt cantus continentes laudem Dei. Si ergò sit laus, & non sit Dei, non est Hymnus; si sit, & laus, & Dei laus, & non canetur, non est Hymnus. Si ergò, & in laudem, & Dei, & cantatur, tunc est Hymnus.

Cui

tas appellari ait nebuloso nomine, quod Sincinnium cur diceretur, ei obscurum esset. Sed quoniam assam vocem Arconiti, & Nonius solam interpretatur: assicinium, ut assipondium dictum suspicabatur Chacon. Sincinnium apud Rabinum.

(1) Vel saltationes classium. Ità vetustiores libri al. psaltationes plausuum. Neap. Ludicrum cantinela, vel plausuum sine voce saltationes.

(2) Responsorios. Vel responsoria, utroque n. modo loquitur in lib. de Off. & in Regul. Monach. 6. de Off.

(3) Canticum ex vox. Ex Hylar. in Prolog. Ps.

(4) Psalmus autem. Ex Aug. in Ps. 4.

(5) Nam Canticum Psal. Ex eodem Hylario, vel Ruff.

(6) Primus succentoris. Permutari volebas hac Chacon, ut esset primus incentoris locus, ex Varr. 1. de Re Rust. cap. 2. modorum incentiva, altera succentiva. Et quidem licet adjicias (inquam) pastorum vitam esse incentivam, agricolis est. Cod. Neap. infimus succentoris.

(7) Diapsalma quidam Hebraum esset volunt. Nequè hoc (opinor) quisquam antè Isidorum, nequè Isidorus ipse profecto dixit, qui toties apud Hieronymum legerat, quod in Hebræo est מְדַבֵּר sela, id LXX. Theodozionem, & Aquilam διαψαλμα. Quintam verò editionem, semper reddidisse. Vid. Ep. ad Marcell. 138.

(8) Quidam verò. Ex Aug. in Ps. 4.

(9) Canticum laudantium. Canticum laudes Aug. in Ps. 39.

(10) Proprie autem Hymnus. Ex eodem in Ps. 72.

13 Cui contrarius est threnus, quod est lamenti carmen, & funeris.

14 ⁽¹⁾ Alleluia duorum verborum interpretatio est, hoc est, laus Dei, & est Hebræum. Ia enim unum est de decem nominibus, quibus apud Hebræos Deus vocatur.

15 Amen significat verè sivè fidelitèr, quod, & ipsum Hebræum est. Quæ duo verba amen, & alleluia, nèc Græcis, nèc Latinis, nèc Barbaris licèt in suam linguam omninò transferre, vel alia lingua enuntiare. Nàm quamvis interpretari possint, propter sanctiorem tamen auctoritatem servata est ab Apostolis in iis propriæ linguæ antiquitas. Tantò enim sacra sunt nomina: ut etiam Joannes in Apocalypsi referat; se spiritu revelante, vidisse, & audivisse vocem Cœlestis exercitus tanquàm vocem aquarum multarum, & tonitruum validorum dicentium: amen, & alleluia: ac per hoc sic oportet in terris utraque dici sicut in Cœlo resonant.

16 ⁽²⁾ Osianna in alteriùs linguæ interpretationem in toto transire non potest. Osi enim salvifica interpretatur: anna interjectio est, motum animi significans sub deprecantis affectu. Intègrè autem dicitur osianna, quod nos, corrupta media vocabuli littera, & elisa, dicimus osanna, sicut fit in versibus cùm scandimus. Littera enim prima verbi sequentis extremam prioris verbi veniens excludit, & dicitur Hebraicè Osianna, quod interpretatur salvifica: sub audiendo, vel populum tuum, vel totum mundum.

17 Offertorium tali ex causa

sumpsit vocabulum. ⁽³⁾ Fertum enim dicitur oblatio, quæ Altari offertur, & sacrificatur à Pontificibus, à quo offertorium nominatur, quasi propter fertum.

18 Oblatio vocatur, quia offertur.

19 ⁽⁴⁾ Dona propriè divina dicuntur munera hominum.

20 Nàm munera dicuntur obsequia, quæ pauperes divitibus loco munerum solvunt: itaque munus homini datur, donum Deo: undè etiam in templis donaria dicimus. Munera autem vocantur, quia manibus, vel accipiuntur, vel dantur.

21 Duo autem sunt quæ offeruntur: donum, & sacrificium.

22 Donum dicitur, quicquid auro, argentoque, aut qualibet alia specie efficitur.

23 Sacrificium autem est victima, & quæcunque cremantur in ara, seu ponuntur. Omne autem quod Deo datur, aut dedicatur, aut consecratur. Quod dedicatur, dicendo datur, undè, & appellatur. Undè errant, qui dedicationem consecrationem putant significare.

24 ⁽⁵⁾ Immolatio ab antiquis dicta eò quòd in mole Altaris posita victima caderetur, undè, & maceratio post immolationem est. Nunc autem immolatio Pani, & Calici convenit, libatio autem tantummodò Calicis oblatio est. Hinc est illud: ⁽⁶⁾ Et libavit de sanguine uvæ, sic, & sæcularium ⁽⁷⁾ quidam Poëtarum: Nunc pateras libate Jovi-. Libare enim propriè fundere est: sumptumque nomen de Li-

N 3 be-

(1) Alleluia—laus Dei. Ex *Amb. in Ps. 118.* Nam Hieronymus laudate Deum interpretatur, ut vocis ratio exposcit *Epist. 137.*

(2) Osianna. Ex *Hier. Ep. ad Damas. 145.*

(3) Fertum. Fest. Fertum (al. ferrum) genus libi dictum, quod crebrius ad sacra ferebatur. *Glossa quadam Latina Bibliotheca Vaticana.* Fertores ferti libantes.

(4) Dona propriè divina. *Sic Goth. al. Dei.*

(5) Immolatio—quod in mole. *A. Augustinus in mola.*

(6) Et libavit de sanguine uvæ. *Ecclesiastici cap. 50.*

(7) Sicut, & quidam Poëtar. *Virg. Æn. 7.*

bero quodam , qui in Græcia usum reperit vitis.

25 ⁽¹⁾ Hostiæ apud veteres dicebantur sacrificia , quæ fiebant antequam ad hostem pergerent.

26 Victimæ verò sacrificia , quæ post victoriam , devictis hostibus , immolabantur : & erant victimæ majora sacrificia , quàm hostiæ. Alii victimam dictam putaverunt , quia ictu percussa cadebat , vel quia vincita ad aras ducebatur.

27 ⁽²⁾ Holocaustum illud est , ubi totum igne consumitur , quod offertur. Antiqui enim cum maxima sacrificia administrarent , solebant totas hostias in sacrorum consumere flamma , & ipsa erant holocaustomata. ⁽³⁾ ὅλον enim Græcè , totum dicitur , καύσις incensio , & holocaustum totum incensum.

28 ⁽⁴⁾ Cerimoniæ apud Latinos dicuntur sacra omnia , quæ apud Græcos Orgia vocantur. Propriè autem visum est Doctoribus à carento appellari ceremonias , quasi carimonias , eò quòd ea , quæ in sacris divinis offeruntur , in suo usu carerent homines , quod etiam nomen in usu est Litterarum Sanctarum. Alii ceremonias propriè in observationibus Judæorum credunt : abstinentiam scilèt quarundam escarum secundum veterem legem , eò quòd observantes careant his rebus , quibus se abstinerint.

29 Sacrificium dictum , quasi sacrum factum , quia prece mystica consecratur in memoriam pro nobis Dominicæ Passionis : undè hoc eo jubente Corpus Christi , & Sanguinem dicimus , quòd dùm sit ex fructibus terræ , sanctificatur , & fit Sacramentum

operante invisibiliter Spiritu Dei , cuius Panis , & Calicis Sacramentum Græci Eucharistiam dicunt , quòd Latine bona gratia interpretatur. Et quid melius Corpore , & Sanguine Christi?

30 ⁽⁵⁾ Sacramentum est in aliqua celebratione , cum res gesta ita fit : ut aliquid significare intelligatur , quòd sanctè accipiendum est. Sunt autem Sacramenta Baptismus , & Chrisma , Corpus , & Sanguinis. Quæ ob id Sacramenta dicuntur , quia sub tegumento corporalium rerum , virtus divina secretius salutem eorundem Sacramentorum operatur , undè , & à secretis virtutibus , vel à sacris Sacramenta dicuntur. Quæ idèò fructuose pœnes Ecclesiam fiunt : quia Sanctus in ea manens Spiritus , eundem Sacramentorum latenter operatur effectum. Undè seu per bonos , seu per malos Ministros intra Dei Ecclesiam dispensantur : tamen , quia Spiritus Sanctus mysticè illa vivificat , qui quomdam Apostolico in tempore visibilibus apparebat operibus : nec bonorum meritis dispensatorum amplificatur hæc dona , nec malorum attenuantur : quia neque qui plantat est aliquid , neque qui rigat , sed qui incrementum dat Deus : undè , & Græcè mysterium dicitur , quòd secretam , & reconditam habeat dispositionem.

31 ⁽⁶⁾ Baptismus Græcè , Latine tinctio interpretatur , quæ idcirco tinctio dicitur , quia ibi homo spiritu gratiæ in melius immutatur , & longè aliud quàm erat , efficitur. Prius enim deformitate peccatorum fœdi eramus , in ipsa tinctioe reddimur pulchri dealbatione virtutum , undè in Canticis

(1) Hostiæ apud vet. à Serv. Æn. 1.

(2) Holocaustum. Ex Hieron. in Ezech. cap. 45.

(3) Holon n. cixc. Ex Aug. in Ps. 64.

(4) Cerimonia. Serv. Æn. 4. Sanè sciendum orgia apud Græcos dici omnia sacra , sicut apud Latinos ceremoniæ dicuntur. De Etym. vid. Fest.

(5) Sacramentum est in aliqua celebrat. Ex Aug. Ep. 119. in principio.

(6) Baptismus Græc. Vid. Terull. lib. de Baptism.

cis scribitur Canticorum. ⁽¹⁾ Quæ est ista, quæ ascendit dealbata? Cujus mysterium non aliter nisi sub Trinitatis designatione, i. Patris, & Filii, & Spiritus Sancti cognitione ⁽²⁾ completur, dicente Domino ad Apostolos: Ite, docete omnes, gentes baptizantes eos in nomine Patris, & Filii, & Spiritus Sancti. Sicut enim in tribus testibus stat omne verbum, ita hoc Sacramentum confirmat ternarius numerus nominum divinorum. Quod autem per aquam baptismus datur, hæc ratio est. Voluit enim Dominus: ut res illa invisibilis, per congruens, sed profecto contrectabile, & visibile impenderetur elementum, super quod etiam in principio ferebatur Spiritus Sanctus. Nam sicut aqua purgatur exterius corpus, ita latenter ejus mysterio per Spiritum Sanctum purificatur, & animus. Cujus sanctificatio ita est. ⁽³⁾ Invocato enim Deo descendit Spiritus Sanctus de Coelis, & medicatis aquis sanctificat eas de semetipso: & accipiunt vim purgationis: ut in eis, ut caro, & anima delictis inquinata munda-
detur.

32 ⁽⁴⁾ Chrisma Græcè Latinè, unctio nominatur, ex cujus nomine, & Christus dicitur, & homo post lavacrum sanctificatur. Nam sicut in baptismo peccatorum remissio datur, ita per unctionem sanctificatio spiritus adhibetur, & hoc de pristina disciplina, qua ungi in sacerdotium, & in regnum solebant, ex quo, & Aaron à Moyse unctus est. Quæ dum carnaliter fit, spiritualiter proficit: quomodo, & in ipsa baptismi gratia, visibili-

lis actus est, quod in aqua mergimur: sed spiritalis effectus, quod delictis mundamur. Hoc significat illud unguentum, quod peccatrix mulier super pedes, & ⁽⁵⁾ ea quæ dicitur non fuisse peccatrix super caput Jesu fuisse scribuntur.

33 Manus impositio ideo fit: ut per benedictionem advocatus invitetur Spiritus Sanctus. ⁽⁶⁾ Tunc enim ille Paracletus post mundata, & benedicta corpora, libens à Patre descendit, & quasi super baptismi aquam, tanquam super pristinam sedem recognoscens quiescit. Nam legitur, quod in principio aquis superferebatur Spiritus Sanctus.

34 Exorcismus Græcè, Latinè conjuratio, sive sermo increpationis est adversus Diabolum, ut discedat, sicut est illud in Zacharia. Et ostendit mihi Jesum Sacerdotem magnum stantem coram Angelo Domini, & Sathan stabat à dextris ejus, ut adversaretur ei, & dixit Dominus à Sathan: Increpet Dominus in te Sathan, & increpet Dominus in te, qui elegit Hierusalem. Hoc est exorcismus, increpare, & conjurare adversus Diabolum, unde sciendum, quod non creatura Dei in infantibus exorcizatur, aut exsufflatur, sed ille sub quo sunt omnes, qui cum peccato nascuntur. Est enim princeps peccatorum.

35 ⁽⁷⁾ Symbolum per linguam Græcam signum, vel collatio interpretatur. Discussuri enim Apostoli ad Evangelizandum in gentibus, hoc sibi prædicationis signum, vel incidium possuerunt. Continet autem confes-
sio-

(1) Quæ ascendit dealbata. Ita Lxx. ἀλβιναμένη. & Amb. serm. 19. in Ps. 118. Vulg. quæ ascendit de deserto delictis affluens.

(2) Cognom natione. f. connotatione pejus apud Rabanum cognitione.

(3) Invocato n. Deo. Ex Tertull.

(4) Chrisma. Ex eodem.

(5) Et ea quæ non dicitur fuisse peccatrix. S. o. l. Sed non videtur legisse hac Rabanus.

(6) Tunc cum ille Paracl. Verba sunt Tertull.

(7) Symbolum. Ex Rufi. Symbol.

sionem Trinitatis, & unitatem Ecclesiæ, & omne Christiani dogmatis sacramentum. Quod symbolum fidei, & spei nostræ non scribitur in charta, & atramento, sed in tabulis cordis carnalibus.

36 Oratio petitio dicitur. Nam ⁽¹⁾ orare est petere, sicut exorare impetrare. Constat autem oratio loco, & tempore. Loco, quia non ubique cum prohibeamur à Christo orare in publico: sed ubi opportunitas dederit, aut necessitas importaverit. Neque enim contra præceptum reputatur ab Apostolis factum, qui in carcere audientibus custodibus orabant, & caneabant Deo. De tempore verò dictum est: Sinè intermissione orate, sed hoc singularibus. Nam est observatio quarundam horarum communium, quæ diei interspatia signant, tertia, sexta, & nona: similiter, & noctis. Sed ideò orandi hæ horæ divisæ sunt: ut si fortè aliquo fuerimus opere detenti, ipsum nos ad officium tempus admoneat, quæ tempora in Scripturis inveniuntur. Primum enim Sanctus Spiritus, congregatis Discipulis, hora tertia infusus est. Petrus, quæ die visionem communicationis in illo Vasculo expertus est, sexta hora orandi gratia ascenderat. Idem etiam cum Joanne hora nona templum adiit, quando paralyticum sanitati reformavit. Sed, & Daniele legimus hæc tempora in oratione observasse, & utique ex Israël disciplina, ut nè minùs quàm tèr die adoremus. Debitores enim sumus trium personarum, Patris, & Filii, & Spiritus Sancti, excep-

tis utiquè, & aliis legitimis orationibus, quæ sinè ulla admonitione debentur in ingressu lucis, ac noctis sive vigiliarum: sed, & cibum non priùs sumere, quàm ⁽²⁾ interposita oratione. Priora enim habenda sunt spiritus refrigeria: quia priora coelestia, quàm terrena. Qui autem vult orationem suam volare ad Dominum: faciat illi duas alas, jejunium, & eleemosynam, & ⁽³⁾ ascendet celeritèr, & exaudietur.

37 Jejunium est parsimonia victus, abstinentiaque ciborum, cui nomen est inditum ex quadam parte viscerum tenui semper, & vacua, quod vulgò jejunum vocatur. Undè jejunii nomen creditur derivatum: quod sui inedia viscera vacua, & exinanita existunt. ⁽⁴⁾ Jejunium autem, & statio dicitur. ⁽⁵⁾ Statio autem de militari exemplo nomen accepit, pro eò quòd nulla lætitia, sive tristitia obveniens, castris stationem militum rescindat. Nam lætitia libentiùs, tristitia sollicitiùs administrat disciplinam; ⁽⁶⁾ undè, & milites nunquam immemores Sacramenti magis stationibus parent. Discernunt autem quidam inter jejunium, & stationem. Nam jejunium est indifferenter cujuslibet diei abstinentia: non secundum legem, sed secundum propriam voluntatem: statio autem est observatio statutorum dierum, vel temporum. Dierum, ut quartæ feriæ, & sextæ jejunium ex veteri lege præceptum, de qua statione in Evangelio dixit ille: Jejunio bis in Sabbato, id est, quarta, & sexta Sabbati. Temporum autem, quæ legalibus, ac prophetis institutionibus

(1) Orare est petere. *Ex Serv. Æn. 3.*

(2) Interposita orat. *Anteposita Chaconis codex.*

(3) Ascendit celeritèr. *Locus ex Aug. in Ps.*

(4) Jejunium autem, & statio. *Sic Cass. lib. 5. de Instit. Cænob. cap. 24.* Per Ægypti monasteria tanta cordis alacritate suscipiebamur, ut absque legitimis jejuniis quartæ, & sextæ feriæ, quocunque pergebamus, quotidiana statio solvetur.

(5) Statio de militari exemplo. *Tertull. in lib. de Orat. in fin.* Si statio de militari exemplo nomen accepit (nam, & tristitia sollicitiùs administrabit disciplinam.

(6) Undè, & milites. *Ex eodem in lib. de Jejun.*

bus terminatis temporibus statuta sunt, ⁽¹⁾ ut jejunium quarti, quinti, septimi, & decimi: vel sicut in Evangelio dies illi, in quibus ablati sunt sponus: vel sicut observatio quadragesimæ, quæ in universo orbe institutione Apostolica observatur circa confinium Dominicæ Passionis. His tertium genus quidam adjiciunt: ⁽²⁾ quam Xerophagiam dicunt, abstinentiam, scilicet, humentium ciborum. Unde, & nomen hoc datum, eò quòd siccis quidam escis utantur.

38 Pœnitentia appellata, ⁽³⁾ quasi punitentia, eò quòd ipse homo in se punitur pœnitendo, quod malè admittit: nam nihil aliud agunt, quos veraciter pœnitent, nisi ut id, quod malè fecerunt, impunitum esse non sinant. Eo quippe modo sibi non parentibus ille parit, cujus altum, justumque judicium nullus contempnor evadit. Perfecta est autem pœnitentia, præterita deslere, & futura non admittere. Hæc secunda in similitudinem fontis purgatio est: ut si fortè, impugnante diabolo, aliquod peccatum irreperit, hujus satisfactione purgetur.

39 Satisfactio autem est causas peccatorum, & suggestiones excludere, & ultra peccatum non iterare.

40 Reconciliatio verò est, quæ post complementum pœnitentiæ adhibetur: nam sicut conciliamur Deo, quando primùm à gentilitate convertimur: ita reconciliamur, quando post peccatum pœnitendo regredimur.

41 Exomologesis Græco vocabulo dicitur, quod Latine confessio interpretatur, cujus nominis duplex

significatio est. Aut enim in laude intelligitur confessio, sicut est: Confiteor tibi Pater Domine Cœli, & terræ. Aut dùm quisque confitetur sua peccata ab eo indulgenda, cujus indeficiens est misericordia. Ex hoc ⁽⁴⁾ igitur Græco vocabulo exprimitur, & frequentatur exomologesis, qua delictum nostrum Domino confitemur, non quidem ut ignaro, cujus cognitioni nihil occultum est, sed confessio est rei, scilicet, ejus, quæ ignoratur professio cognitio. Utile enim sibi, ac jucundum quisquam esse existimaverat, rapere, adulterari, furari, sed ubi hæc æternæ damnationi obnoxia esse cognovit, cognitis iis confitetur errorem.

42 Confessio autem erroris, profectio est desinendi: desinendum ergo à peccatis, dùm confessio est. Confessio autem antecedit, remissio sequitur: cæterum extra veniam est, qui peccatum cognoscit, nec cognitum confitetur. ⁽⁵⁾ Itaque exomologesis prosternendi, & humiliandi hominis disciplina est, habitu, atque victu, sacco, & cineri incubare: corpus sordibus obscurare: animum mœroribus dejicere: illa, quæ peccavit tristitia tractatione mutare.

43 Litanie autem Græco nomine appellantur, quæ Latine dicuntur rogationes. Inter litaniam verò, & exomologesin hoc differt: quod exomologesin pro sola confessione peccatorum aguntur: litanie verò indicuntur propter rogandum Dominum, & impetrandum in aliquo misericordiam ejus. ⁽⁶⁾ Sed nunc jam utrumque vocabu-

(1) Ut jejunium quarti. Verba Zacharia cap. 8. Vid. Hieron. ibid. & Isid. 1. Off. cap. 37.

(2) Quam Xerophagiam. Que voce sapè utuntur Tertull. Hieronym. & Cassian.

(3) Quasi punitentia. Al. quasi punitentia. Idem 2. de Off. cap. 16. Pœnitentia nomen sumpsit à pœna.

(4) Ex hoc ergo Græco vocab. Tertull. lib. de Pœnit. Is actus, qui Græco vocabulo magis exprimitur, & frequentatur, exomologesis est, qua delictum Domino nostro confitemur, non quidem, ut ignaro, sed quatenus satisfactio confessioni disponitur, confessionis pœnitentia Deus mitigatur.

(5) Itaque exomolog. prostern. & humiliat. h. d. est. Verba Tertull. ibid.

(6) Sed nunc jam utrumque vocab. Id unde natum sit ex Concil. Agathen. const. Sic in Concil. Tolet. 17. cap. 6. cum

bulum sub una designatione habetur: nec distat vulgo, utrùm litanîæ, an exomologeses dicantur. Supplicatio- nis autem nomen quodammodò nunc ex gentilitate retinetur. ⁽¹⁾ Nam feriæ, aut legitimæ erant apud eos, aut indic- tæ. Indictæ autem, quia paupertas an-

tiqua Romanorum ex collatione sacri- ficabat, aut certè de bonis damnato- rum. Undè supplicia dicuntur suppli- cationes, quæ fiebant de bonis passo- rum supplicia. Sacræ enim res de re- bus execrandorum fiebant.

DIVI ISIDORI HISPALENSIS EPISCOPI ETYMOLOGIARUM

LIBER SEPTIMUS.

DE DEO, ANGELIS, & FIDELIUM Ordinibus.

CAPUT PRIMUM.

De Deo.

I BEATISSIMUS Hieronymus vir eruditissimus, & linguarum multarum peritus, Hebræorum nomi- num interpretationem primus in Latinam linguam convertit. Ex qui- bus pro brevitate, prætermissis multis, quædam huic operi adjectis interpreta- tionibus interponenda studui. Voca- bulorum enim expositio satis indicat, quid velint, intelligi. Habent enim quædam ex propriis causis nominum rationem. In principio autem decem nomina ponimus, quibus apud He- bræos Deus vocatur.

2 ⁽²⁾ Primùm apud Hebræos Dei nomen **אֱלֹהִים** El dicitur: quod alii Deum, alii etymologiam ejus exprimentes, **ישׁוּעָה**, i. fortem interpretati sunt,

ideò quòd nulla infirmitate ⁽³⁾ oppri- mitur, sed fortis est, & sufficiens ad omnia perpetranda.

3 Secundum nomen **אֱלֹהִים** Eloim.

4 Tertium **אֱלֹהִים** Eloë, quod utrum- que in Latinum Deus dicitur. Est au- tem nomen in Latinum ex Græca appellatione translatum. Nam Deus Græcè **θεός** dicitur ⁽⁴⁾ quasi **δέος**, i. ti- mor: undè tractum est nomen Deus, quòd eum colentibus sit timori. ⁽⁵⁾ Deus autem propriè nomen est Trini- tatis pertinens ad Patrem, & Filium, & Spiritum Sanctum. Ad quam Tri- nitatem etiam reliqua, quæ in Deo in- frà sunt posita vocabula referuntur.

5 Quartum nomen Dei dicitur **שָׁבָאוֹת** Sabaoth, quod vertitur in La- tinum, exercituum, sivè virtutum, de quo in Psalmo ab Angelis dicitur: Quis est iste Rex Gloriæ? Dominus

vir-

titulus viz de diebus litaniarum per totos xii. menses celebrandis in canone tamen dicitur, ut exomologesis votis gliscen- tibus celebretur.

(1) Nam feriæ, aut legitimæ. Verba sunt Servii *Æn.* 1. ad v. Templis indicit honorem.

(2) Cap. I. Primum apud Heb. Ex Hieron. Ep. 136.

(3) Opprimitur. Al. premitur.

(4) Quasi *Δεός*. è Serv. *Æn.* 12. ad v. Diva Deam.

(5) Deus autem prop. c. n. I. Ex Hieron. Ep. ad Amant. 247.

virtutum. Sunt enim in hujusmodi ordinatione virtutes multæ: ut Angeli, Archangeli, Principatus, & Potestates, cunctique Cœlestis militiæ ordines, quorum tamen ille Dominus est. Omnes enim sub ipso sunt, ejusque dominatui subjacent.

6 ⁽¹⁾ Quintum עֶלְיוֹן Elion, quod interpretatur in Latinum excelsus, quia suprâ Cœlos est, sicut scriptum est de eo: Excelsus Dominus suprâ Cœlos gloria ejus. Excelsus autem dictus, pro valdè celsus. Ex enim pro valdè ponitur, sicut eximius, quasi valdè eminens.

7 Sextum nomen אֵהִי Eie, i. qui est. Deus enim solus, quia æternus est, hoc est, quia exordium non habet, essentiæ nomen verè tenet. ⁽²⁾ Hoc enim nomen ad Sanctum Moysen per Angelum est delatum. Quærenti enim, quod esset nomen ejus, qui eum pergere præcipiebat ad Populum ex Ægypto liberandum: respondit. Ego sum qui sum, & dices filiis Israël: qui est, misit me ad vos: tanquam in ejus comparatione, qui verè est, quia incommutabilis est: ea quæ mutabilia facta sunt, quasi non sint. ⁽³⁾ Quod enim dicitur fuit, non est: & quod dicitur erit, nondum est. ⁽⁴⁾ Deus autem esse tantum novit, fuisse, & futurum esse non novit. ⁽⁵⁾ Solus enim Pater cum Filio, & Spiritu Sancto veraciter est: cujus essentiæ comparatum esse nostrum, non esse est. Undè, & in communi eloquio dicimus:

⁽⁶⁾ Vivit Deus: quia essentia vita vivit, quam mors non habet.

8 Septimum אֲדֹנָי Adonai, quod generaliter Dominus interpretatur, quod dominetur creaturæ cunctæ, vel quod creatura omnis dominatui ejus deserviat. Dominus ergo, & Deus: vel quod dominetur omnibus, vel quod timeatur à cunctis.

9 ⁽⁷⁾ Octavum יְהִי Ia, quod in Deo tantum ponitur: quod etiam in alleluia in novissima syllaba sonat.

10 ⁽⁸⁾ Nonum Tetragrammaton, hoc est, quatuor litterarum, quod proprie apud Hebræos in Deo ponitur, יהוה id est, duabus יה יה ia, ia, quæ duplicata ineffabile illud, & gloriosum nomen Dei efficiunt: dicitur autem ineffabilis, non quia dici non potest, sed quia finiri sensu, & intellectu humano nullatenus potest, & ideo quia de eo nihil dignè dici potest, ineffabilis est.

11 Decimum שַׁדַּי Saddai id est, Omnipotens. Vocatus autem Omnipotens, eò quod omnia potest, sed à faciendo, quod vult, non à patiendo, quod non vult. Quod si ei accideret, nequaquam esset Omnipotens: facit enim quicquid vult, & indè Omnipotens. Itè Omnipotens, quia ipsius sunt omnia, quæ ubique sunt. Solus enim totius mundi habet imperium. Dicuntur autem, & alia quædam in Deum substantialiter nomina: ut Immortalis, Incorruptibilis, Incommutabilis, Æternus. Undè, & me-

⁽¹⁾ Quintum Helion. Undè quidam Græcos ἡλιον fecisse putant.

⁽²⁾ Hoc nomen-mors non habet. Falso citatur hic locus à Magistr. Sent. lib. 1. d. 8. cap. 1. Ex Hieron. Ep. ad Damasum, cum sit potius conflatus ex Augustini, & Greg. variis locis, prima pars, usque ad non sint, ex Aug. 8. de Civit. cap. 11.

⁽³⁾ Quod n. dicitur fuit. Ex eodem in lib. de Symbol. cap. 4. & in Ps. 101. ex quo γὰρ dicitur deleri bis hoc loco sine fraude posset.

⁽⁴⁾ Deus autem esse tantum nov. Ex Greg. 4. Moral. cap. 27. al. 32.

⁽⁵⁾ Solus n. Ex eod. 14. Moral. cap. 27. al. 32.

⁽⁶⁾ Vivit Deus, quia esset. Ex eodem lib. cap. 3. al. 1.

⁽⁷⁾ Octavum יְהִי. Ex Hieron. Ep. 136.

⁽⁸⁾ Nonum. Ex eadem Ep. & ex 142. & in quest. in cap. 17. Gen. Nec mirandum (inquit) quare cum apud Græcos, & nos a littera videatur addita, nos הָ litteram additam dixerimus, Idioma n. linguae illius est per הָ quidem scribere, seu per אֵ legere, sicut e contrariò a litteram sæpè per e pronuntiant.

merito cunctæ præponitur creaturæ.

12 Immortalis sicut de eo scriptum est : Qui solus habet immortalitatem, quia in ejus natura nulla est commutatio.⁽¹⁾ Nam omnis mutabilitas non inconvenienter mortalitas dicitur, secundum quam, & anima mori dicitur: non quia in corpus, vel in aliquam alteram substantiam mutatur, & vertitur, sed in ipsa sua substantia quicquid alio modo nunc est, aut fuit, secundum id, quod destitit esse, quod erat, mortalis utique deprehenditur, ac per hoc solus Deus dicitur Immortalis, quia solus Incommutabilis.

13 Incorruptibilis appellatur, quia corrumpi, & dissolvi non potest, nec dividi. Quicquid enim capit divisionem, & interitum capit. Ille nec dividi potest, nec interire: indè Incorruptibilis est.

14 Incommutabilis est, quia semper manet, & mutari nescit: nec proficit, quia perfectus est: nec deficit, quia æternus est.

15 Æternus est, quia sine tempore est. Non enim habet initium, neque finem. Hinc, & Sempiternus, eò quod sit semper æternus. A quibusdam autem Æternus ab æthere creditur dictus, quoniam Cælum sedes ejus habetur: undè est illud, Cælum Cœli Domino: & hæc ista quatuor unum significant, nam una, eademque res dicitur, sive dicatur Æternus Deus, sive Immortalis, sive Incorruptibilis, sive Immutabilis.

16 Invisibilis, quia nunquam per substantiam suam apparuit oculis mortalium Trinitas, nisi per speciem subjectæ creaturæ, ejusdemque corporeæ: nam nemo potest ipsam

manifestationem essentiæ Dei videre, & vivere, sicut, & dictum est Moysi. Undè, & Joannes in Epistola sua dicit: Deum nemo vidit unquam. Res est enim invisibilis, ideòque non oculo, sed corde quærendus est.

17 Impassibilis est, quia nullis perturbationibus afficitur, quibus fragilitas humana succumbit. Non enim attingunt eum ullæ passionēs: ut libido, iracundia, cupiditas, timor, moeror, invidia, & cætera, quibus humana mens turbatur. Sed cum dicitur, Deum irasci, aut zelare, aut dolere, nostro usu dicitur. Apud Deum enim perturbatio nulla est, apud quem tranquillitas summa est.

18 Simplex autem dicitur, sive non amittendo, quod habet: seu quia non aliud est ipse, & aliud quod in ipso est, ⁽²⁾ sicut in homine, cujus aliud est esse, aliud sapere. Nam, & esse potest, & sapiens non esse, Deus autem habet essentiam, habet, & sapientiam; sed quod habet, hoc, & est, & omnia unus est: ac proinde simplex est, quia non in eo aliquid accidentis est, sed, & quod est, & quod in ipso est, essentialiter est, ⁽³⁾ excepto quod relativè ad quamcumque personam est.

19 Summè bonus, quia incommutabilis est. Creatura verò bonum, sed non summum est, quia mutabilis est. Et dum sit quidè bonum, non tamen esse potest, & summum.

20 Incorporeus autem, vel incorporealis ideò dicitur Deus: ut spiritus credatur, vel intelligatur esse non corpus. Nam dum dicitur spiritus, ejus significatur substantia.

21 Immensus, quia cuncta concludit, ipse à nullo concluditur: sed

omni-

(1) Nam omnis mutabilis, *Ex Greg. 12. Moral. cap. 17. de quo sunt fere hujus cap. reliqua.*

(2) Sicut in homine cujus aliud, *Ex 18. Mor. cap. 27. al. 34.*

(3) Excepto hoc, quod relati, *Ex August. 11. de Civit. cap. 10.*

omnia intra ejus Omnipotentiam coarctantur.

22 Perfectus dicitur, quia nihil ei possit adjici. Attamen de consummatione alicujus facti perfectio dicitur. Deus autem, qui non est factus, quomodo est perfectus? Sed hoc vocabulum de usu nostro sumpsit humana inopia, sicut, & reliqua verba, quatenus id, quod ineffabile est, utcunque dici possit: quoniam de Deo nihil dignè humanus sermo dicit, sicut sunt, & alia.

23 Creator dictus pro totius mundi rebus ab ipso creatis: nihil enim est, quod non originem à Deo traxerit. Ipse, & unus, quia dividi non potest, vel quia nihil esse aliud potest, quod tantundem capiat potestatis.

24 Hæc igitur, quæ de Deo dicta sunt, ad totam pertinent Trinitatem propter unam, & coeternam substantiam, sive in Patre, sive in Filio ejus Unigenito in forma Dei, sive in Spiritu Sancto, qui unus est spiritus Dei Patris, & Filii ejus Unigeniti.

25 Sunt, & quædam vocabula ex usu nostro ad Deum sumpta, de membris nostris, sive de inferioribus, & quia in propria natura invisibilis, & incorporeus est, pro efficientiis tamen causarum in ipso rerum species adscribuntur: ut more locutionis nostræ facilius seipsum insinuet: ut quia omnia videt, dicatur oculus: propter quod audit omnia, dicatur auris: pro eo autem quod avertitur, ambulat: pro eo quod spectat, stat. Sic, & in cæteris horum similibus ⁽¹⁾ ab humanis mentibus trahitur similitudo ad Deum, sicut, & obliviscens, & memorans. Hinc est, quod, & Propheta dicit: Juravit Dominus exercituum

per animam suam: non quòd Deus animam habeat, sed hoc nostro narrat affectu. ⁽²⁾ Nam, & facies Dei in Scripturis Sanctis non caro, sed divina cognitio intelligitur, eadem ratione, quæ per faciem conspectam quisque cognoscitur. Hoc enim in oratione dicitur Deo: Ostende nobis faciem tuam, ac si dicatur: Da nobis cognitionem tuam. Sic, & vestigia Dei dicuntur: quia nunc Deus per speculum agnoscitur: ad perfectum verò Omnipotens reperitur, dum in futurum, facie ad faciem quibusque electis præsentabitur: ut ipsam speciem contemplentur, cujus nunc vestigia comprehendere conantur, hoc est, quem videre per speculum dicuntur. Nam, & situs, & habitus, & locus, & tempus in Deum non propriè, sed per similitudinem translata dicuntur, quippe sedere super Cherubim dicitur, quod est ad situm: &, abyssus tanquam vestimentum amictus ejus, quod est ad habitum. Et, anni tui non deficient, quod ad tempus pertinet. Et, si ascendero in Cælum, tu ibi es, quod ad locum. ⁽³⁾ Nam, & in Propheta, plaustris portantis fœnum species ad Deum dicitur. Et hæc omnia per figuram Deus, quia nihil est horum ad proprietatem substantiæ ejus.

CAPUT II.

De Filio Dei.

I Multis etiam modis Christus appellari in Scripturis invenitur divinis. Nam ipse Dei Patris Unigenitus Filius, dum esset æqualis Patri, propter salutem nostram formam servi accepit. Proinde quædam nomina in illo ex divinitatis substan-

O

tia,

(1) Ab humanis mentibus. Ex Greg. 32. cap. 5. al. 6.

(2) Nam, & facies Dei. Ex eodem in lib. 1. Reg. cap. 10.

(3) Nam, & in Proph. Amos 1.

tia, quædam ex dispensatione susceptæ humanitatis assumpta sunt. Christus namquæ à chrismate est appellatus, hoc est, unctus.⁽¹⁾ Præceptum enim fuerat Judæis: ut sacrum conficerent unguentum, quo perungi possent ii, qui vocabantur ad sacerdotium, vel ad regnum: & ⁽²⁾ sicut nunc Regibus indumentum purpuræ insignæ est regiæ dignitatis: sic illis unctio sacri unguenti nomen, ac potestatem regiam conferebat, & indè Christi dicti à chrismate, quod est unctio. Nam chrisma Græcè, Latine unctio nuncupatur, quæ etiam Domino nomen accomodavit facta spiritualis, quia spiritu unctus est à Deo Patre, sicut dicitur in Actibus Apostolorum: Collecti sunt enim in hac civitate, adversus Sanctum Filium tuum, quem unxisti: non utique oleo visibili, sed gratiæ dono, quod visibili significatur unguento.

2 ⁽³⁾ Non est autem Salvatoris proprium nomen Christus, sed communis nuncupatio potestatis, ⁽⁴⁾ dum enim dicitur Christus, commune dignitatis nomen est: dum Jesus-Christus, proprium est vocabulum Salvatoris. Christi autem nomen nusquam alibi omnino, nec in aliqua gente fuit, nisi tantum in illo regno, ubi Christus prophetabatur, & undè venturus erat.

3 Messias autem Hebraicè dicitur, Græcè Christus, Latina autem locutione unctus.

4 Jesus Hebraicè, Græcè σωτήρ, ⁽⁵⁾ Latine autem salutaris, sive Salvator interpretatur, pro eo quod cunctis gen-

tibus salutaris venit. ⁽⁶⁾ Etymologiam enim nominis hujus etiam Evangelista significat, dicens: Vocabis nomen ejus Jesum, quia ipse salvum faciet populum suum. Sicut enim Christus significat Regem, ita Jesus significat Salvatorem. Non itaque nos salvos facit quicumque Rex, sed Rex Salvator. ⁽⁷⁾ Quod verbum Latina lingua antea non habebat, sed habere poterat: sicut potuit, quando voluit.

5 Emmanuel ex Hebræo in Latinum significat nobiscum Deus: scilicet, quia per Virginem natus Deus hominibus in carne mortali apparuit, ut terrenis viam salutis ad Cælum aperiret. Ad divinitatis substantiam, quæ pertinent, ista sunt, Deus, Dominus.

6 Deus autem dictus propter unicam cum Patre substantiam.

7 Dominus propter servientem creaturam.

8 Deus autem, & homo, quia verbum, & caro. Undè, & bis genitus dicitur, sive quia Pater eum genuit sine Matre in æternitate, sive quia Mater sine Patre in tempore.

9 Unigenitus autem vocatur secundum divinitatis excellentiam, quia sine fratribus: Primogenitus secundum susceptionem hominis, in qua per adoptionem gratiæ fratres habere dignatus est, quibus esset primogenitus.

10 Omousios Patri ab unitate substantiæ appellatur. Substantia enim, vel essentia Græcè οὐσία dicitur, οὐς unus. Utrumque igitur conjunctum sonat una substantia. Hoc enim vocatur

(1) Cap. II. Præceptum n. fuerat Jud. Ex *Lev.* lib. 4. cap. 7. Gothor. quoque Reges à Pontificib. Toletanis inungi soliti tradunt historia.

(2) Et sic nunc Regibus indum. puerp. Hinc purpura regum apud Virg. & purpurei tyranni apud Horat.

(3) Non est autem Salvatoris. *Lev.* ibid. Nam Christus non proprium nomen est, sed nuncupatio potestatis, & regni.

(4) Dum n. dicitur Christus. Ex *Hieron.* in *Matth.* 16.

(5) Latine autem Salvar. Ex *Lev.* 4. cap. 12.

(6) Etymologiam n. Ex *Hieron.* in *Matth.* cap. 1.

(7) Quod verbum Latina ling. antè non hab. Qui enim σωτήρ Salvatoris voce satis se expressisse credunt, valde errant. Cic. *att.* 11. in *Verr.* Itaque cum non solum patronum istius insulæ, sed etiam Sotera inscriptum vidi Siracusis. Hoc quantum est? Itaque magnū, ut Latine uno verbo exprimi non possit. Is est nimium Soter, qui salutem dedit.

tur omousion , quod est : Ego , & Pater unum sumus , hoc est , ejusdem cum Patre substantiæ. Quod nomen, etsi scriptum in Sanctis Litteris non inveniatur , in assertione tamèn totius Trinitatis defenditur , quia datur ratio, undè rectè dici ostendatur : sicut , & Pater in illis libris nusquàm Ingenitus legitur, sed tamen dicendus esse, atque credendus non dubitatur. Omœusios similis substantiæ : quia qualis Deus, talis est , & imago ejus. Invisibilis Deus , & imago invisibilis.

11 Principium , eò quòd ab ipso sint omnia , & quia ante eum nihil.

12 Finis , vel quia dignatus est in fine temporum humiliter in carne nasci , & mori : & judicium novissimum ipse suscipere, vel quia quicquid agimus ad illum referimus : & cùm ad eum pervenerimus , ultra quod quæramus , non habemus.

13 Os Dei est , quia verbum ejus est. Nam sicut pro verbis , quæ per linguam fiunt , sæpè dicimus, illa, & illa lingua , ita , & pro Dei verbo os ponitur , quia mos est , ut ore verba formentur.

14 ⁽¹⁾ Verbum autem ideò dicitur , quia per eum Pater omnia condidit , sive jussit.

15 Veritas , quia non fallit , sed tribuit , quod promisit.

16 Vita , quia creavit.

17 Imago dicitur propter parem similitudinem Patris.

18 Figura est , quia suscipiens formam servi , operum, virtutumque similitudine Patris in se imaginem , atque immensam magnitudinem designavit.

19 Manus Dei est , quòd omnia per ipsum facta sunt. Hinc , & dex-

tera propter effectum operis totius creaturæ , quæ per ipsum formata est.

20 Brachium , quia ab ipso omnia continentur.

21 Virtus , pro eò quòd omnem potestatem Patris in semetipso habeat : & omnem Cœli , terræque creaturam gubernet , contineat , atque regat.

22 Sapientia , pro eo quòd ipse revelet mysteria scientiæ , & arcana sapientiæ. Sed tamen cùm sit Pater, & Spiritus Sanctus sapientia , & virtus , & lumen , & lux , propriè tamen iis nominibus Filius nuncupatur.

23 Splendor autem appellatur , propter quod manifestat.

24 Lumen , quia illuminat.

25 Lux , quia ad veritatem contemplandam cordis oculos reserat.

26 Sol , quia illuminator.

27 Oriens , quia luminis fons , & illustrator est rerum , & quòd oriri nos faciat ad vitam æternam.

28 Fons , quia rerum origo est , vel quòd satiat sitientes. Ipse quoque A , & Ω : Alpha enim litteram nulla præcedit : prima est enim litterarum , sicut , & Filius Dei : ipse enim se principium Judæis interrogantibus esse respondit. Undè , & Joannes in Apocalypsi , propriè ipsam litteram ponens ait : Ego sum A , & Ω , primus , & novissimus. Primus , quia ante eum nihil est : novissimus , quia judicium novissimum ipse suscipiet.

29 ⁽²⁾ Mediator , quia inter Deum , & hominem medius constitutus est , ut hominem ad Deum perduceret , undè , & illum Græci μεσίτης vocant.

30 Paracletus , id est , advocatus , quia pro nobis intercedit apud Patrem : sicut , & de eo dicit Joannes : Advocatum habemus apud Patrem

(1) Verbum autem. Vid. lib. de Patris , & Filii unitate inter Hylarii opera , & ejus sine istorum quadam desumpta.

(2) Mediator. Ex Lañ. ibid.

Jesum-Christum Justum. Paracletus autem Græcum est, quod Latine dicitur advocatus. Quod nomen, & Filio, & Spiritui Sancto adscribitur, juxta quod, & Dominus in Evangelio ait: Rogabo Patrem, & alium Paracletum dabit vobis.

31 Intercessor autem idem vocatur, quia pro culpa nostra removenda curam gerit, & pro abluendis nostris criminibus curam impendit.

32 Sponsus, quia descendens è Cœlo, adhæsit Ecclesiæ: ut pace novi Testamenti essent duo in carne una.

33 ⁽¹⁾ Angelus dicitur propter annuntiationem paternæ, ac suæ voluntatis. Undè, & apud Prophetam magni consilii Angelus legitur, dum sit Deus, & Dominus Angelorum.

34 Missus dicitur, eò quòd apparuit huic mundo Verbum Caro factum, undè, & idem dicit: Ego à Patre exivi, & veni in hunc mundum.

35 Homo autem dicitur, quia natus est.

36 Propheta, quia futura revelavit.

37 Sacerdos, quia pro nobis se hostiam obtulit.

38 Pastor, quia custos.

39 Magister, quia ostensor.

40 Nazaræus verò à loco.

41 Nazoræus à merito, i. Sanctus, sive mundus, quia peccatum non fecit.

42 Siquidem, & de aliis inferioribus rebus nominum species ad se trahit Christus, ut facilius intelligatur.

43 Dicitur enim Panis, quia Caro.

44 Vitis, quia Sanguine ipsius redempti sumus.

45 Flos, quia electus.

46 Via, quia per ipsum ad Deum imus.

47 Ostium, quia per ipsum ad Deum ingredimur.

48 Mons, quia fortis.

49 Petra, quia firmitas est credentium.

50 Lapis angularis, vel quia duos parietes è diverso, id est, de circumcissione, & præputio venientes in unam fabricam Ecclesiæ jungit: vel quòd pacem in se Angelis, & hominibus facit.

51 Lapis offensionis, ⁽²⁾ quia veniens humilis, offenderunt in eum increduli homines: & factus est petra scandali, sicut dicit Apostolus: Judæis quidè scandalum.

52 Fundamentum autem ideò vocatur, quia fides in eo firmissima est, vel quia super eum Catholica Ecclesia constructa est.

53 Nàm, & Christus agnus pro innocentia.

54 Ovis, propter patientiam.

55 Aries, propter principatum.

56 Hœdus, propter similitudinem carnis peccati.

57 Vitulus, pro eo quòd pro nobis est immolatus.

58 Leo, pro regno, & fortitudine.

59 ⁽³⁾ Serpens, pro morte, & sapientia.

60 ⁽⁴⁾ Idem, & vermis, quia resurrexit.

61 Aquila, propter quod post resurrectionem ad astra remeavit. Nèc mi-

(1) Angelus. Ex Tertull. lib. de Trinitat.

(2) Quia veniens humilis. Nominativus absolutus, quem (si quid id ad nostra hac) etiam apud Ciceronem reperiri notavit Budaus in Comment. ling. Græc.

(3) Serpens. Vid. Greg. Nyss. in Vita Moys.

(4) Idem, & vermis. Propter vermem, qui è cineribus Phœnicis existit, de quo Clem. Rom. in const. lib. 5. cap. 6. & carmen, quod Phœnicis titulo cum Lactantii operibus circumfertur, & Epiph. in Anchoratu. Nàm quòd bombycem intellexerit, quamvis eo verme, & notior, & fortasse verior resurrectionis species constet, tamen non fit verisimile.

mirum si villibus significationibus figuratur, qui usque ad nostrarum passionum, seu carnis contumelias descendisse cognoscitur. Qui cum sit coæternus Dei Patris ante sæcula Filius, postquam venit plenitudo temporis, propter salutem nostram formam servi accepit, & factus est hominis filius. Indè quædam de illo in Scripturis secundum formam Dei, quædam secundum formam servi dicuntur. Quorum exempli gratia duo quædam commemorantur, ut singula ad singula referantur. Secundum formam enim Dei de seipso dixit: Ego, & Pater unum sumus, secundum formam servi: Quoniam Pater major me est. Homines autem minùs intelligentes, quid pro quo dicatur, ea, quæ propter formam servi dicta sunt, volunt transferre ad formam Dei: & rursus ea, quæ dicta sunt: ut ad se invicem personæ referantur, volunt nomina esse naturæ, atque substantiæ, & faciunt errorem in fide. Sic autem Dei filio conjuncta est humana natura: ut ex duabus substantiis fieret una persona. Solus igitur homo pertulit crucem, sed propter unitatem personæ, & Deus dicitur pertulisse. Hinc est, quod scribitur: Si enim cognovissent, nunquam Dominum gloriæ crucifixissent. Filium ergo Dei crucifixum fateamur, non ex virtute divinitatis, sed ex infirmitate humanitatis: non ex suæ naturæ permansione, sed ex nostræ susceptione.

CAPUT III.

De Spiritu Sancto.

1 **S**piritus Sanctus ideò prædicatur Deus, quia ex Patre, Filioque procedit, & substantiam eorum habet. Nequè enim aliud de Patre procedere potuit, quàm quòd ipse est

Pater. Spiritus autem dictus secundum id, quod ad aliquid refertur: & spirans utique spiritu inspirans est, & ex eo appellatus Spiritus est. Proprio autem modo quodam dicitur Spiritus Sanctus secundum quod refertur ad Patrem, & Filium, quòd eorum Spiritus sit. Nam, & hoc nomen, quod Spiritus dicitur, non semper secundum id, quod refertur ad aliquid: sed secundum id, quod aliquam naturam significat. Omnis enim incorporea natura spiritus in Scripturis Sacris appellatur. Undè non tantum Patri, & Filio, & Spiritui Sancto, sed omni rationali creaturæ, & animæ hoc vocabulum congruit. Ideò igitur Spiritus Dei Sanctus vocatur, quia Patris, & Filii sanctitas est. Nam cum sit, & Pater Spiritus, & Filius Spiritus: & Pater Sanctus: & Filius Sanctus: propriè tamen ipse vocatur Spiritus Sanctus, tanquam sanctitas coessentialis, & consubstantialis amborum.

2 Spiritus Sanctus ideò non dicitur genitus, nè duo in Trinitate Filii suspicentur. Ideò non prædicatur ingenus, nè duo Patres in ipsa Trinitate credantur. Procedens autem dicitur testimonio Domini dicentis: Multa adhuc habeo, quæ vobis loquar, sed non potestis illa modò audire. Veniet autem Spiritus veritatis, qui à Patre procedit, & de meo accipiet: ille vobis indicabit omnia. Hic autem non solum natura procedit, sed semper ad peragenda Trinitatis opera indenter procedit.

3 Hoc autem interest inter nascentem Filium, & procedentem Spiritum Sanctum: quòd Filius ex uno nascitur: Spiritus Sanctus ex utroque procedit: & ideò dicit Apostolus: Qui autem Spiritum Christi non habet, hic non est ejus.

4 Spiritus Sanctus ex opere
O 3 etiam,

etiam, & Angelus intelligitur: dictum est enim de illo: Et quæ ventura sunt, annuntiabit vobis: & utiquè Angelus Græcè, Latine nuntius interpretatur. Undè, & duo Angeli apparuerunt Loth, in quibus Dominus singularitèr appellatur, quos intelligimus Filium, & Spiritum Sanctum: nam Pater nunquam legitur missus.

5 Spiritus Sanctus, quod dicitur Paracletus, à consolatione dicitur *παράκλησις* enim Græcè, Latine consolatio appellatur. Christus enim eum Apostolis lugentibus misit: postquam ab eorum oculis ipse in Cælum ascendit. Consolator enim tristibus mittitur, secundum illam ejusdem Domini sententiam: Beati lugentes, quoniam ipsi consolabuntur, ipse etiam dixit: tunc lugebunt filii sponsi, cum ablatus ab eis fuerit sponsus. Item Paracletus pro eo, quod consolationem præstet animabus, quæ gaudium temporale amittunt. Alii Paracletum Latine oratorem, vel advocatum interpretantur. Ipse enim Spiritus Sanctus dicit, ipse docet, per ipsum datur sermo sapientiæ, ab ipso Sancta Scriptura inspirata est.

6 Spiritus Sanctus ideò septiformis nuncupatur, propter dona, quæ de ⁽¹⁾ unita ejus plenitudine particulatim quique, ut digni sunt, consequi promerentur. Ipse enim Spiritus Sapientiæ, & intellectus: Spiritus consilii, & fortitudinis: Spiritus scientiæ, & pietatis: Spiritus timoris Domini.

7 Spiritus autem principalis in Psalmo quinquagesimo legitur: ubi quia tertio Spiritus repetitur, nonnulli Trinitatem intellexerunt, ideò quia scriptum est: Deus Spiritus est. Quod enim non est corpus, & tamen est, vi-

detur restare: ut spiritus sit. Intelligunt ergo ibi nonnulli Trinitatem significari: in Spiritu principali Patrem: in Spiritu recto Filium: in Spiritu Sancto Spiritum Sanctum.

8 Spiritus Sanctus ideò donum dicitur, eò quod datur. A dando enim donum est nuncupatum. Notissimum est enim Dominum Jesum-Christum cum post resurrectionem à mortuis ascendisset in Cælum, dedisse Spiritum Sanctum: quo credentes impleti, linguis omnium gentium loquebantur. In tantum autem donum Dei est, in quantum datur eis, qui per eum diligunt Deum. Apud se autem Deus est: apud nos autem, donum est, sed sempiternè Spiritus Sanctus donum est, distribuens singulis gratiarum dona, prout vult. Nam, & prophetias quibus vult, impertit, & peccata quibus vult, dimittit. Nam peccata sine Spiritu Sancto non donantur.

9 Spiritus Sanctus indè propriè charitas nuncupatur: vel quia naturalitèr eos, à quibus procedit, conjungit, & se unum cum eis esse ostendit: vel quia in nobis id agit, ut in Deo maneamus, & ipse in nobis. Undè, & in donis Dei nihil majus est charitate: & nullum majus est donum Dei quam Spiritus Sanctus.

10 Ipse est, & gratia, quæ quia non meritis nostris, sed voluntate divina gratis datur, indè gratia nuncupatur. Sic autem unicum Dei verbum propriè vocamus nomine Sapientiæ, cum sit universalitèr, & Spiritus Sanctus, & Pater ipse sapientia: ita Spiritus Sanctus propriè nuncupatur vocabulo Charitatis: cum sit, & Pater, & Filius universalitèr charitas.

11 Spiritus Sanctus Dignus Dei esse

(1) Cap. III. De Unitate ejus plenitudine, *Al. unitatis.*

esse in libris Evangelii apertissimè declaratur. ⁽¹⁾ Cùm enim unus Evangelista dixisset : In digito Dei ejicio dæmonia : ⁽²⁾ alius hoc idem ità dixit : In Spiritu Dei ejicio dæmonia. Undè , & digito Dei scripta lex est , data die quinquagesimo ab occisione agni : & die quinquagesimo à passione Domini Jesu-Christi venit Spiritus Sanctus. Ideò autem Digitus Dei dicitur : ut ejus operatoria virtus cum Patre , & Filio significetur. Undè , & Paulus ait : Hæc autem omnia operatur unus , atque idem Spiritus dividens singulis prout vult. Sicut autem per baptismum in Christo morimur , & renascimur : ista spiritu signamur , qui est Digitus Dei , & spirituale signaculum.

12 Spiritus Sanctus idcirco in Columbæ specie venisse scribitur : ⁽³⁾ ut natura ejus per avem simplicitatis , & innocentiae declaretur. Undè , & Dominus : Estote , inquit , simplices sicut columbæ. Hæc enim avis corporaliter ipso felle caret : habens tantum innocentiam , & amorem.

13 Spiritus Sanctus indè nomine Ignis appellatur , propter quod in Actibus Apostolorum per divisionem linguarum , ut ignis apparuit , qui , & insedit super unumquemque eorum.

14 Propterèa autem diversarum linguarum gratiam Apostolis dedit , ut idonei efficerentur fidelium eruditione populorum.

15 Quod verò supra singulos sedisse memoratur , id causæ est : ut intelligatur per plures non fuisse divisus , sed mansisse in singulis totus , si-

cùt ferè ignibus mos est. Hanc enim naturam habet ignis accensus : ut quanti ad eum , ⁽⁴⁾ quanti ad crinem purpurei splendoris aspexerint : tantis visum suæ lucis impertiat , tantis ministerium sui muneris tribuat , & ⁽⁴⁾ ipse nihilominus in sui integritate permaneat.

16 Spiritus Sanctus nomine Aquæ appellatur in Evangelio , Domino clamante , & dicente : Si quis sitit , veniat ad me , & bibat. Qui credit in me , flumina aquæ vivæ fluent de ventre ejus. Evangelista autem exposuit , undè diceret. Secutus enim ait. Hoc autem dicebat de Spiritu , quem accepturi erant credentes in eum. Sed aliud est aqua Sacramenti , aliud aqua , quæ significat Spiritum Dei. Aqua enim Sacramenti visibilis est : aqua Spiritus invisibilis est. Ista abluit corpus , & significat , quod fit in anima ; per illum autem Spiritum Sanctum ipsa anima mundatur , & saginatur.

17 Spiritus Sanctus ideò unctio dicitur , Joanne testante Apostolo , quia sicut oleum naturali pondere superferetur omni liquori , ità in principio superferebatur Spiritus Sanctus aquis. Undè , & Dominus oleo exultationis , hoc est , Spiritu Sancto fuisse legitur unctus. Sed , & Joannes Apostolus Spiritum Sanctum unctionem vocat , dicens : Et vos , inquit , unctionem , quam accepistis ab eo , permaneat in vobis : & necesse non habetis , ut aliquis doceat vos : sed sicut unctio ejus docet vos de omni re. Ipse enim Spiritus Sanctus unctio est invisibilis.

CA-

(1) Cùm n. unus Evangelista. Luc. cap. 11.

(2) Alius. Matih. cap. 12.

(3) Ut natura-ipsò felle caret. Verba sunt Tertull. in lib. de Baptism. & idè etiam cum plerisque loquitur D. Th. 3. p. 9. 39. artic. 6. non quod felle prorsus caret , sed quia fellis , quàm minimum habeat , ut ait Arist. lib. 1. de Part.

(4) Quanti ad crinem purp. coloris. Purpureum capillum , & purpuream comam Virgilius , & Tibullus dixere , & Sallust. cat. 7. Comæ capitis tui , sicut purpura Regis juncta canalibus. Sed cur hoc loco crinis mentio sit injecta , alii dixerunt

CAPUT IV.

De eadem Trinitate.

1 **T**Rinitas appellata, quòd fiat totum unum ex quibusdam tribus, quasi Triunitas: ut memoria, intelligentia, & voluntas, in quibus mens habet in se quamdam imaginem divinæ Trinitatis. Nàm dùm tria sint, unum sunt: quia, & singula in se manent, & omnia in omnibus. Pater igitur, & Filius, & Spiritus Sanctus. Trinitas, & unitas. Idem enim unum, idem, & tria. In natura unum, in personis tria. Unum propter Majestatis communionem, tria propter personarum proprietatem. Nàm alius Pater, alius Filius, alius Spiritus Sanctus: sed ⁽¹⁾ alius quidè non aliud, quia paritèr simplex, paritèrque incommutabile bonum, & cœternum. Pater solus, non est de alio: ideò solus appellatur ingenuus. Filius solus de Patre est natus, ideò solus dicitur genitus. Spiritus Sanctus solus de Patre, & Filio procedit: ideò solus amorum nuncupatur Spiritus.

2 In hac Trinitate, alia appellativa nomina, alia propria sunt. Propria sunt essentialia: ut Deus, Dominus, Omnipotens, Immutabilis, Immortalis. Et indè propria, quia ipsam substantiam significant, qua unum sunt. Appellativa verò Pater, & Filius, & Spiritus Sanctus, Ingenitus, & Genitus, & Procedens. Eadem, & relativa: quia ad se invicem referuntur. Cùm enim dicitur Deus, essentia est, quia ad seipsum dicitur. Cùm verò dicitur Pater, & Filius, & Spiritus Sanctus relativè dicuntur, quia ad se invicem referuntur. Nàm Pater non ad seipsum, sed

ad Filium relativè dicitur, quia est ei Filius: sic, & Filius relativè dicitur, quia est ei Pater: sic, & Spiritus Sanctus, quia est Patris, Filiique Spiritus. His enim appellationibus hoc significatur, quod ad se invicem referuntur, non ipsa substantia, qua unum sunt. Proindè Trinitas in relativis personarum nominibus est: deitas non triplicatur, sed in singularitate est: quia si triplicatur, deorum inducimus pluralitatem.

3 Nomen autem deorum in Angelis, & Sanctis hominibus ideò pluralitèr dicitur, propter quod non sint æquales. De quibus Psalmus: Ego dixi, dii estis. De Patre autem, & Filio, & Spiritu Sancto propter unam, & æqualem divinitatem non nomen deorum, sed Dei esse ostenditur: sicut ait Apostolus: nobis tamen unus Deus, vel sicut voce divina dicitur: Audi Israël, Dominus Deus tuus, Deus unus est: scilicet, ut, & Trinitas sit, & unus Dominus Deus sit. Fides apud Græcos de Trinitate hoc modo est: una *ὕψις*, ac si dicatur una natura, aut una essentia: tres hypostases, quod resonat in Latinum, vel tres personae, vel tres substantias. Nàm Latinitas propriè non dicit de Deo, nisi essentiam: substantiam verò non propriè dicit, sed abusivè: quoniam verè substantia apud Græcos persona intelligitur, non natura.

CAPUT V.

De Angelis.

1 **A**ngeli Græcè vocantur, Hebraicè dicuntur Melachim מלאכים: Latine verò Nuntii interpretantur, ab eo quod Domini voluntatem populis nuntient. ⁽²⁾ Angelorum autem

(1) Cap. IV. Sed alius quidè non aliud. Ex Aug. 11. de Crois. cap. 10.

(2) Cap. V. Angelorum autem vocab. Ex Greg. hom. 34. in Evang.

tem vocabulum, officii nomen est, non naturæ: semper enim Spiritus sunt, sed cum mittuntur, vocantur Angeli. ⁽¹⁾ Quibus ideo pictorum licentia pennas facit: ut celerem eorum in cuncta discursum significent, sicut, & juxta fabulas Poëtarum venti pennas habere dicuntur, propter velocitatem scilicet. Unde Scriptura Sacra dicit: Qui ambulat super pennas ventorum.

2 ⁽²⁾ Novem autem ordines esse Angelorum Sacre Scripturæ testantur, id est, Angeli, Archangeli, Throni, Dominationes, Virtutes, Principatus, Potestates, Cherubin, & Seraphin: quorum officiorum vocabula, cum ita dicta sint, interpretando exequemur.

3 Angeli vocantur, propter quod de Cœlis ad annuntiandum hominibus mittuntur: Angelus enim Græcè, Latinè Nuntius dicitur.

4 Archangeli Græca lingua, Latina summi Nuntii interpretantur: qui enim parva, vel minima annuntiant Angeli, qui verò summa, Archangeli nuncupantur, Archangeli dicti, quod primum teneant inter Angelos: ἀρχὸς enim Græcè, Latinè Princeps interpretatur. Sunt enim Duces, & Principes, sub quorum ordine unicuique Angelorum officia deputata sunt.

5 ⁽³⁾ Nam quia Archangeli Angelis præsent, Zacharias Propheta testatur, dicens: Et ecce Angelus, qui loquebatur in me egrediebatur, & Angelus alius egrediebatur in occursum ejus, & dixit ad eum: Curre, & loquere ad puerum istum, dicens: Absque muro habitabit Hierusalem. Si enim in ipsis officiis Angelorum nequaquam potestates superiores infe-

riores disponerent, nullo modo hoc, quod homini diceret Angelus, ab Angelo cognovisset. ⁽⁴⁾ Quidam autem Archangelorum privatis nominibus appellantur: ut per vocabula ipsa in opere suo, quid valeant designetur.

6 ⁽⁵⁾ Gabriël Hebraicè in linguam nostram vertitur fortitudo Dei. Ubi enim potentia divina, vel fortitudo manifestatur, Gabriël mittitur. Unde, & eo tempore, quo erat Dominus nasciturus, & triumphaturus de Mundo, Gabriël venit ad Mariam: ut illum annuntiaret, qui ad debellandas aëreas Potestates humilis venire dignatus est.

7 Michaël interpretatur, quis ut Deus? Quando enim aliquid in Mundo miræ virtutis fit, hic Archangelus mittitur. Et ex ipso opere nomen est ejus, quia nemo valet facere, quod facere prævalet Deus.

8 Raphaël interpretatur curatio, vel medicina Dei: ubicumque enim curandi, & medendi opus necessarium est, hic Archangelus à Deo mittitur, & inde medicina Dei vocatur. Unde, & ad Thobiam idem Archangelus missus oculis ejus curationem adhibuit, & cæcitate detera visum restituit: nominis enim interpretatione, & Angeli officium designatur.

9 Uriël interpretatur Ignis Dei: sicut legimus apparuisse ignem in rubo. Legimus etiam ignem missum desuper, & implesse, quod præceptum est.

10 Throni autem, & Dominationes, & Principatus, & Potestates, & Virtutes, quibus universam cœlestem societatem Apostolus complectitur, ordines Angelorum, & dignitates intelliguntur, & pro hac ipsa dis-

tri-

(1) Quibus ideo pictorum. Ex Hieron. Is. 6.

(2) Novem autem ordines. Ex Greg. end. hom.

(3) Nam quia Arch. cognovisset. Ex 4. Moral. cap. 27. al. 31.

(4) Quidam autem Archang. Ex end. hom.

(5) Gabriël Michaël. Ex Greg. & Hieronym. in Daniel. cap. 8.

tributione officiorum alii Throni, alii Dominationes, alii Principatus, alii Potestates dicuntur, pro certis dignitatibus, quibus invicem distinguuntur.

11 Virtutes Angelica, quædam ministeria perhibentur, per quæ signa, & miracula in Mundo fiunt, propter quod, & Virtutes dicuntur.

12 ⁽¹⁾ Potestates sunt, quibus Virtutes adversæ subjectæ sunt, & inde Potestatum nomine nuncupantur, quia maligni spiritus eorum Potestate coercentur, nè tantum Mundo noceant, quantum cupiunt.

13 Principatus sunt hi, qui Angelorum agminibus præsent. Qui pro eo, quod subditos Angelos ad explendum ministerium divinum disponunt, Principatus vocabulum acceperunt. Nam alii sunt, qui administrant, alii qui assistunt, sicut per Danielem dicitur: Millia millium ministrabant ei, & decies millies centena millia assistebant ei.

14 Dominationes sunt ii, qui etiam Virtutibus, & Principatibus præ eminent, qui pro eo, quod cæteris Angelorum agminibus dominantur, Dominationes vocantur.

15 Throni sunt agmina Angelorum, qui Latino eloquio sedes dicuntur: & vocati Throni, quia illis conditor præsidet, & per eos judicia sua disponit.

16 Cherubin autem, & ipsæ sublimes Cælorum Potestates, & Angelica ministeria perhibentur: quid ex Hebræo in linguam nostram interpretantur scientiæ multitudo. Sunt enim sublimiora agmina Angelorum, qui pro eo, quod vicini positi divina scientia cæteris amplius pleni sunt,

Cherubin, hoc est, plenitudo scientiæ appellantur. Ipsa sunt duo illa animalia super propitiatorium arcæ facta ex metallo, propter significantam Angelorum præsentiam, in quorum medio ostenditur Deus.

17 Seraphin quoque similiter multitudo est Angelorum, qui ex Hebræo ⁽²⁾ in Latinum ardentes, vel incendentes interpretantur, qui idcirco ardentes vocantur, quia inter eos, & Deum nulli Angeli consistunt: & ideo quantum vicini coram eo consistunt, tanto magis claritate divini luminis inflammantur. Unde, & ipsi velant faciem, & pedes sedentis in Throno Dei, & idcirco cætera Angelorum turba videre Dei essentiam plenè non valet quoniam Seraphin eam tegit.

18 Hæc igitur vocabula agminum Angelorum ita sunt specialia ordinum singulorum, ut tamen sint ex parte communia omnium. Nam dum Throni sedes Dei in quorundam Angelorum ordine specialiter designantur, tamen per Psalmistam: Qui sedes super Cherubin, dicitur: Sed ideo isti ordines Angelorum privatis nominibus appellantur: quia hoc ipsum officium in proprio ordine plenius acceperunt. Et cum sint omnibus communia, propria tamen hæc nomina suis ordinibus deputantur.

19 Unicuique enim, sicut prædictum est, propria officia sunt iuncta: quæ promeruisse eos in mundi constat exordio. ⁽³⁾ Nam quia Angeli, & locis, & hominibus præsent, per Prophetam testatur Angelus dicens: Princeps regni Persarum restitit mihi. Unde apparet, nullum esse locum cui Angeli non præsent. ⁽⁴⁾ Præsent enim,

&

(1) Potestates. Ex Gregor. *ibid.*

(2) In Latinum ard. Ita Gregorius, *comburentes Hieronymus.*

(3) Nam quia Angeli, & locis. Ex Gregor. 4. Mor. cap. 27.

(4) Præsent enim auspiciis operum omnium. *Al. hominum. Neap. c. præsent. n. ut aspiciant opera hominum.*

& auspiciis operum omnium.

20 Hic est ordo, vel distinctio Angelorum, qui post lapsum malorum in cœlesti vigore steterunt. Nam postquàm apostatæ Angeli ceciderunt, hi in perseverantia æternæ beatitudinis solidati sunt. Undè, & post Cœli creationem in principio repetitur: Fiat firmamentum, & vocatum est firmamentum Cœlum. Nimirum ostendens, quòd post ruinam Angelorum malorum: hi, qui permanserunt, firmitatem æternæ perseverantiæ consecuti sunt, nullo jam lapsu aversi, nulla superbia cadentes, sed firmitèr in Dei amore, & contemplatione manentes, nihil aliud dulce habent, nisi eum à quo creati sunt.

21 Quod autem duo Seraphim in Isaia leguntur, figuralitèr ⁽¹⁾ Veteris, & Novi Testamenti significationem ostendunt. Quòd verò faciem, & pedes Dei operiunt, quia præterita ante Mundum, & futura post Mundum scire non possumus: sed media tantum ⁽²⁾ eorum testimonio contemplamur. Singuli senas alas habent, ⁽³⁾ quia de fabrica tantum mundi, quæ in sex diebus facta sunt, in præsentì sæculo novimus. Quod clamant tèr Sanctus alter ad alterum, Trinitatis in una divinitate demonstrant mysterium.

CAPUT VI.

De Hominibus, qui quodam præasagio nomen acceperunt.

1 Plerique ⁽⁴⁾ primorum hominum ex propriis causis ori-

ginem nominum habent. Quibus ita prophetice indita sunt vocabula: ut aut futuris, aut præcedentibus eorum causis conveniant. In quibus tamen manente spiritali Sacramento, nunc tantum ad litteram intellectum historiæ persequemur. Ubi autem etymologiæ interpretationem non attigimus: solam ipsam etymologiam in Latinum posuimus. Quòd autem unum nomen Hebraicum alitèr, atque alitèr interpretatur: hoc secundum accentuum, & litterarum evenit diversitatem: ut in variis significationibus nomina commutentur.

2 Adam, sicut beatus Hieronymus tradidit, homo, sive terrenus, sive terra rubra interpretatur. Ex terra enim facta est caro, & humus hominis faciendi materies fuit.

3 Heva interpretatur vita: sive calamitas, sive, Væ, vita, quia origo fuit nascendi; calamitas, & Væ, quia per prævaricationem causa extitit moriendi. ⁽⁵⁾ A cadendo enim nomen sumpsit calamitas. Alii autem dicunt ob hoc etiam Hevam vitam, & calamitatem appellatam, quia sæpè mulier viro causa salutis est, sæpè calamitatis, & mortis, quod est Væ.

4 Cain possessio interpretatur: ⁽⁶⁾ undè etymologiam ipsius exprimens pater ejus ait: Cain, id est, possedi hominem per Deum. ⁽⁷⁾ Idem, & lamentatio, eò quòd pro interfecto Abel interfectus sit, & pœnam sui sceleris dederit.

5 Abel luctus interpretatur, quo nomine præfigurabatur occidendus. Idem, & vanitas, quia citò solutus

(1) Veteris, & Nov. Testam. Hieron. Isai. 6. & Orig. hom. 1. in Is.

(2) Eorum testimonio. Has voces rejiciebat Chacon, quod apud Hieronymum non essent.

(3) Quia de fab. Hieron. ibid.

(4) Cap. VI. Plerique. Omnia ferè ex Hieronymo.

(5) A cadendo n. n. s. calamit. Victorin. lib. de Orthog. & Ter. Scaurus. Calamitas antea dicebatur cadamitas.

(6) Unde etymolog. Ex Hieron. q. in Gen. cap. 4.

(7) Idem, & lamentatio. Hieronymus: Cain possessio, vel acquisitio. Cainam lamentatio, vel possessio eorum. Ut mirum non sit, si quemadmodum Cainam possessio, ita è converso Cainam lamentatio sit lidere.

tus est , atque subtractus.

6 Seth interpretatur resurrectio, eò quòd post fratris interfectionem natus sit , quasi resurrectionem fratris ex mortuis suscitarer. Idem , & positio , quia posuit eum Deus pro Abel.

7 Enos juxta propriæ linguæ varietatem , homo , vel vir dicitur. Et congruè hoc vocabulum habuit. De eo enim scriptum est. Tunc initium fuit invocandi nomen Domini. Licet plerique Hebræorum arbitrentur , quòd tunc primum in nomine Domini , & similitudine ejus fabricata sunt idola.

8 Enoch dedicatio. In ipsius enim nomine civitatem postea ædificavit Cain.

9 Cainam lamentatio , vel possessio eorum : sicut enim Cain possessio , ita derivatum nomen , quod est Cainam , facit possessio eorum.

10 Mathusalem interpretatur mortuus est. Evidens etymologia nominis.

(1) Quidam enim cum patre translatum fuisse , & diluvium præterisse putaverunt. Ob hoc signanter transfertur , mortuus est : ut ostenderetur non vixisse eum post diluvium : sed in eodem cataclysmo fuisse defunctum. Soli enim octo homines in Arca diluvium evaserunt.

11 Lamech percussus. Iste enim percussit , & interfecit Cain : quod etiam ipse postea perpetrasset uxoribus confiteretur.

12 Noë requies interpretatur , pro eo , quòd sub illo omnia retrò opera quieverunt per diluvium. Unde , & pater ejus vocans nomen ejus Noë dixit. Iste requiescere nos faciet ab omnibus operibus nostris.

13 Sem dicitur nominatus , quod nomen ex præsagio posteritatis accepit. Ex ipso enim Patriarchæ , & Prophetæ , & Apostoli , & Populus Dei , ex ejus quoque stirpe , & Christus , cujus ab ortu Solis , usque ad occasum magnum est nomen in gentibus.

14 Cham , calidus , & ipse ex præsagio futuri cognominatus est. Posteritas enim ejus eam terræ partem possedit , quæ vicino Sole calentior est. Unde , & Ægyptus , usque hodie (2) Ægyptiorum lingua Cham dicitur.

15 Japheth latitudo. Ex eo enim populus gentium nascitur , & quia lata est ex gentibus multitudo credentium ab eadem latitudine , Japheth dictus est.

16 Chanaan filius Cham interpretatur motus eorum. Quod quid est aliud , nisi opus eorum ? Pro motu enim patris , id est , pro opere ejus maledictus est.

17 Arfaxat sanans depopulationem.

18 Chus Hebraicè Æthiops interpretatur : à posteritate sui generis nomen sortitus. Ab ipso enim sunt progeniti Æthiopes.

19 Nembrod interpretatur tyrannus. Iste enim prior arripuit insuetam in populos tyrannidem , & ipse aggressus est adversus Deum impietatis ædificare turrem.

20 Heber transitus. Etymologia ejus mystica est , quod ab ejus stirpe transiret Deus : nec perseveraret in eis , translata in gentibus gratia. Ex ipso enim sunt exorti Hebræi.

21 Phaleg divisio , cui pater propterea tale nomen imposuit , quia tunc natus est , quando per linguas terra divisa est.

Tha-

(1) Quidam enim eum cum patre. Ex q. in cap. 5.

(2) Ægyptiorum lingua Cham. Vel Ham, ex q. ad cap. 9.

22 ⁽¹⁾ Thara exploratio ascensionis.

23 Melchisedech Rex justus. Rex, quia ipse postea imperavit Salem: justus, pro eo quod discernens Sacramenta Legis, & Evangelii: non pecudum victimas, sed oblationem Panis, & Calicis in sacrificium obtulit.

24 Loth declinans. Factis enim Sodomorum non consensit, sed eorum illicita carnis incendia declinavit.

25 Moab ex patre, & totum nomen etymologiam habet. Concepit enim eum primogenita filia de patre.

26 Ammon cujus causa nominis redditur filius populi mei: sic derivatur, ut ex parte sensus nominis, ex parte ipse sit sermo. Ammi enim, à quo dicti sunt Ammonitæ, vocatur populus meus.

27 Sarai interpretatur Princeps mea, eò quod esset unius tantummodò domus materfamilias. Postea causa nominis immutata ablata de fine, i. littera, dicitur Sara, id est, Princeps. Omnium quippè gentium futura Princeps erat, sicut, & Dominus pollicitus fuerat Abraham: Dabo tibi ex Sara filium, & benedicam ei, & erit in gentes: sed, & Reges populorum erunt ex ea.

28 Agar advena, vel conversa. Fuit enim Ægyptia, complexui Abrahamæ advena causa generandi data, quæ post contemptum, Angelo increpante, conversa est ad Saram.

29 ⁽²⁾ Cethura thymiama.

30 Ismahel interpretatur auditio Dei: sic enim scriptum est. Et vocavit nomen ejus Ismahel, quia exaudivit eum Deus.

31 ⁽³⁾ Esau trinomius est, & ex propriis causis variè nuncupatur. Di-

citur enim Esau, id est, rufus ob coccionem rufæ lentis ita appellatus, cuius edulio primogenita perdidit. Edom autem ob ruborem corporis dictus est, quod Latinè sanguineus dicitur. Seir verò, quod fuerit hispidus, & pilosus: quando enim natus est, totus, sicut pellis, pilosus erat. Atque ideò tribus nominibus appellatur, Esau, id est, rufus: Edom, id est, sanguineus: Seir, id est, pilosus, quia non habuit lenitatem.

32 Rebecca patientia: sive, quæ multum acceperit.

33 Lia laboriosa utique generando. Plurimos enim dolores, quàm Rachel, fecunditate pariendi experta est.

34 Rachël interpretatur ovis, pro ea enim Jacob pavit oves Laban.

35 ⁽⁴⁾ Zelpha os hians.

36 Bala inveterata.

37 Dina transfertur in causam, jurgii enim in Sichimis causa exitit.

38 Thamar amaritudo pro viris mortuis. Eadem, & commutans. Mutavit enim se in habitum meretricis, quando cum socero suo concubuit.

39 Phares divisio, ab eo quod dividerit membranulam secundinarum, divisionis, id est, Phares sortitus est nomen. Unde, & Pharisei, qui se quasi justos à populo separabant, divisi appellabantur.

40 Zara frater ejus, in cujus manu erat coccinum, interpretatur oriens: sive, quia primus apparuit, sive quod plurimi ex eo justi nati sunt, ut in Libro Paralipomenon continetur, Zara, id est, oriens appellatus est.

41 Job in Latinum vertitur dolens, & rectè propter percussionem carnis, & passiones dolorum. Calami-

P

ta-

(1) Thara exploratio Ascensionis. In nominibus ex Gen. Thara exploratoris odoris, sive exploratio Ascensionis, vel pascio.

(2) Cethura thymiama. Hieron. Cethura thymiama offerens, vel copulata, aut juncta.

(3) Esau trinom. Idem in Abd.

(4) Zelpha os hians. Hieron. os fluens.

tates enim suas nominis etymologia præfiguravit.

42 ⁽¹⁾ Pharaon nomen est non hominis, sed honoris: sic enim, & apud nos Augusti appellantur Reges cum propriis nominibus censeantur. Exprimitur autem in Latinum ⁽²⁾ Pharaon denudans eum, utique Deum, sive dissipator ejus populi enim Dei fuit afflictor.

43 Jannes, marinus, sive ubi est signum. Cessit, & defecit signum ejus coram signis Moysi undè, & dixerunt Magi. Hic digitus Dei est. ⁽³⁾ Mambres, mare pelliceum, sive mare in capite.

44 Moyses interpretatur sump-tus ex aqua. Invenit enim eum ad ripam fluminis expositum filia Pharaonis, quem colligens adoptavit sibi: vocavitque nomen ejus Moyses, eò quòd de aqua sumpsisset eum.

45 Aaron mons fortitudinis interpretatur, propter quod thuribulum accipiens in medio superstitum, & interemptorum obviam stetit, & ruinam mortis quasi quidam mons fortis exclusit.

46 Eleazar, Dei adjutorium.

47 Balac, præcipitans, sive devorans.

48 Balaam, vanus populus.

49 Phinees, ori parcens, transfexit enim pugione Zambri, cum scorto Madianitide, & Domini furorem placavit, ut parceret.

50 Zambri, iste lacessens, vel amaricans. Proprie enim nomen ab amaritudine præfiguratum, quod peccando amaricaverit populum.

51 Raab, latitudo, vel fames, sive impetus.

52 Josuè interpretatur salvator. Ipse enim in figura Christi populum à deserto salvavit, & in terram repositionis induxit.

53 Caleb, quasi cor, aut canis.

54 ⁽⁴⁾ Othoniel, tempus ejus Deus, vel responsio Dei.

55 ⁽⁵⁾ Aoth, gloriosus.

56 Barach, fulgurans.

57 Debbora, apis, vel loquax. Apis, quia fuit ad bellum promptissima, dimicans adversus Sisaram, quo perempto cecinit canticum: indè loquax.

58 Jahel, ascensio.

59 Gedeon, experimentum iniquitatis eorum. Frequentibus enim documentis informatus est, quali præ-sagio contra hostes futuram victoriam expediret: ex quo futuro experimento etymologiam nominis sumpsit.

60 Abimelech, pater meus Rex.

61 Tholah, vermiculus, vel coccinum.

62 Jair, illuminans.

63 Jephthe, aperiens, vel apertus.

64 ⁽⁶⁾ Hesebon, cogitatio, sive vinculum mœroris.

65 Abdo, servus ejus.

66 Samson Sol eorum, vel Solis fortitudo. Fuit enim virtute clarus, & liberavit Israël de hostibus.

67 Dalila, paupercula, vel situla.

68 Booz, in fortitudine, sive in quo robur.

Noë-

(1) Pharaon nomen est non hom. Ex eodem Isai. cap. 30.

(2) Pharaon denudans eum. In nominibus ex Act. Pharaon denudans eum, sive dissipator ejus. Idem in nom. Ep. ad Heb.

(3) Mambres mare pelliceum. Sic ô. l. & apud Hieron. sed cum idem Hieronymus Mambre perspicuum interpretetur: Mambres mare pellicidum, recta fortasse scriptura fuit, ut, & maris, & perspicui ratio constet aliqua. Nam, & apud Paul. 2. ad Timoth. 3. Iaul' qui legitur: & ita appellatur à Palladio in Vita Marcarii Alexand. & Euseb. lib. 9. de Præp. cap. 3.

(4) Othoniel. In nom. ex Jesu Nau, Othoniel responsio Dei, vel revelatio Dei, vel tempus mei Dei, vel signum Dei.

(5) Aoth. In nom. ex eodem.

(6) Hesebon. In nom. ex Num. cogitatio, sive cingulum mœroris.

69 ⁽¹⁾ Noëmi, quàm interpretari possumus consolatam, eò quòd, marito, & liberis peregrè mortuis, nurn Moabidem in consolationem suam tenuit.

70 Ruth, interpretatur festinans. Alienigena enim erat ex populo gentili, quæ relicta patria festinavit transire in terram Israël: dicens socru suæ. Quocumque perrexeris, pergam.

71 Anna, gratia ejus interpretatur, quia dùm esset prius sterilis natura: postremò Dei gratia fœcundata est.

72 Heli, Deus meus.

73 Ophni, discalciatus. Filius enim fuit Heli electus in ministerium Sacerdotii, cujus amissionem suo expressit vocabulo. Apostolus enim ait: Calciati pedes in præparationem Evangelii pacis. Et Propheta: Quàm speciosi pedes, qui annuntiant pacem. Iste ergò discalciatus interpretatur: ut ejus nomine Veteris Testamenti Sacerdocium à veteri populo significaretur ablatum.

74 Phinees frater Ophni, os murum interpretatur, quo significatur Sacerdotii veteris, & doctrinæ silentium.

75 Samuel, nomen ejus Deus.

76 Jessai, insulæ sacrificium, vel incensum.

77 Saul, petitio interpretatur: notum est enim quomodò Hebræorum populus eum sibi regem petierit, & accepit non secundum Deum, sed secundum suam voluntatem.

78 David, fortis manu, utique, quia fortissimus in præliis fuit. Ipse, & desiderabilis in stirpe scilicet sua, de qua prædixerat Propheta: Veniet desideratus cunctis gentibus.

79 ⁽²⁾ Salomon trinomius fuisse perhibetur. Primum vocabulum ejus Salomon dicitur, i. pacificus, eo quòd in regno ejus pax fuerit. Secundum nomen Idida, eò quòd fuerit dilectus, & amabilis domino. Tertium vocabulum ejus Coheleth, quod Græcè appellatur Ecclesiastes, Latine Concionator, quòd ad populum loqueretur.

80 Jonathas, columbæ donum.

81 ⁽³⁾ Absalom, patris pax per antiphrasin, eò quòd bellum adversus patrem gessisset: sive, quod in ipso bello David placatus fuisse legitur filio: adeò, ut etiam magno cum dolore extinctum plangeret.

82 Roboam, latitudo populi, & ipsum per antiphrasin, quòd decem tribubus ab eo separatis, duæ tantum ei relicte sint.

83 Abia, pater dominus, vel pater fuit.

84 Asa, tollens, sive sustollens.

85 Josaphat, Domini judicium.

86 Joram, qui est excelsus.

87 ⁽⁴⁾ Achazias, apprehendens Dominum.

88 Athalia, tempus Domini.

89 ⁽⁵⁾ Joas, spirans, vel Domini robur.

90 Amasias, populum tollens.

91 Ozias, fortitudo Domini.

P 2

Aza-

(1) Noëmi. Ex Ep. ad Euriam non longè à fine.

(2) Tribus nominibus. Ex Comm. Ecles. cap. 1.

(3) Absalon patris pax. Non ex Hieronymo, qui patrem pacis interpretatur, sed ex Greg. in Prolog. Psalm. 111. Pœnit. (si modo id opus Gregorii esse credimus) sic n. Absalon patris pax interpretatur, non quòd ei pax ulla cum patre fuerit, sed quia quantæ pacis, & patientiæ extitit, in ejus perversitate pater ostendit.

(4) Ochozias. in nom. ex Matth.

(5) Joas, spirans. Ità ms. o. quòd verò apud Hieronymum legitur in nom. ex lib. Judic. Joas sperans, sive temporalis, vel Domini robur. Spirans eo loco reponendum putamus. Una est enim etymologia spirans, sive temporalis ducta à verbo SPIRARE desperavit, quæ in spirantem, aut temporalem optimè cadit. Quod verò Domini robur additur, alia ratio est, (77) enim Dominus, & W fortis, sive W fortitudo. Isque mos nomina Hebræa confundendi, sive quod aliter olim scripta, sive quod Latina scriptura, & pronuntiatio eadem fiant, non infrequens Hieronymo, cum tamen diversa interpretationis rationes nonnumquam reddat, sepe etiam reddere negligat, quod ipse fatetur in Pref. ad lib. de Nom. Heb. & initio hujus capituli advertit Isidorus.

92 Azarias, auxilium Domini.
93 ⁽¹⁾ Ozias autem ipse est, qui,
& Azarias duplici nomine.

94 ⁽²⁾ Ipse est, qui illicitum, sibi
sacerdotium vendicare conatus, lepra
in fronte percussus est.

95 Joathan, est perfectus. Pul-
chram etymologiam nominis habet:
fecit enim rectum in conspectu Do-
mini, & portam templi edificavit ex-
celsam.

96 Achaz, apprehendens.

97 Ezechias, fortis Dominus.

98 Manasses, obliviosus. Per multa
enim scelera, & sacrilegia reliquerat,
& oblitus fuerat Dei, sive quod obli-
tus est Deus peccatorum illius.

99 ⁽³⁾ Amon, fidelis, vel onustus.

100 ⁽⁴⁾ Josias, ubi est incensum
Domini, propria etymologia nomi-
nis. Iste est enim, qui simulacra com-
bussit.

101 Joachaz, robustus.

102 Joachim, ubi est præparatio.

103 Eliachim, Dei resurrectio.

104 Jechonias, præparatio Do-
mini.

105 ⁽⁵⁾ Sedechias, justus Domini.

106 ⁽⁶⁾ Jeroboam, judicatio, si-
vè causa populi, vel: ut quidam ajunt,
divisio interpretatur, pro eo quòd in
regno ejus divisus sit populus Israël, &
præcisus à regno stirpis David. Divi-
sionis enim populi causa iste exitit.

107 Zambri, Psalmus, vel Can-
ticum meum.

108 Omri, crispans meus.

109 Achab, frater patris.

110 ⁽⁷⁾ Jezabel, fluxus sanguinis,
vel fluens sanguinem, sed meliùs,
ubi est sterquilinum. Præcipitata enim
deorsum, comederunt carnes ejus ca-
nes: sicut prædixerat Elias, & erunt,
inquit, carnes Jezabel, sicut stercus
super faciem terræ.

111 Ochozias, apprehendens
Deum.

112 ⁽⁸⁾ Jehu, ipse, vel est.

113 ⁽⁹⁾ Joatha, robustus.

114 Sella, umbra ejus, vel petitio.

115 Manahem, consolans.

116 Phaceas, aperiens.

117 Nabuchodonosor, prophe-
tia lagunculæ angustæ, sive prophe-
tans istiusmodi signum, per somnium
scilicet futurorum, quod vidisse nar-
ratur, & Daniël interpretatus est: si-
vè sessio in agnitione angustæ pro iis,
qui in captivitatem ab eo ducti sunt.

118 ⁽¹⁰⁾ Zorobabel apud Hebræos
ex tribus integris nominibus traditur
esse compositus. Zo, iste: ro, ma-
gister: Babel propriè Babylonium so-
nat: & efficitur nomen Zorobabel,
iste Magister de Babylone, in Babylo-
ne enim ortus est, ubi, & Princeps
gentis Judææ exitit.

CAPUT VII.

De Patriarchis.

I Quorumdam ⁽¹¹⁾ Patriarcha-
rum etymologiæ notandæ
sunt: ut sciamus, quid in
suo

(1) Ozias autem ipse est qui. *Verba Hieronymi in Isa. cap. 1.*

(2) Ipse est, qui illicit. *Idem in Amos cap. 1. apud quem indebitum sibi Sacerd.*

(3) Amon. *In nominibus ex Matth. « mon fidelis, vel nutritus, si tamen ab Aleph littera exordium habet, quod si*

ex Ain scribitur onustus interpretatur.

(4) Josias. *In nominibus, ex Matth.*

(5) Sedechias. *In nom. ex lib. 3. Reg. & in Ezech. cap. 2.*

(6) Jeroboam. *In Am. cap. 1. Jeroboam judicatio, sive causa populi: ἀδικασμὸς λαὸς licet quidam per χ Græcam lit-*

teram legentes divisionem populi suspicentur.

(7) Jezabel. *In nom. ex Apoc.*

(8) Jehu. *In nom. ex 3. Regum.*

(9) Joatha robustus. *Rom. c. Jathar ambustus Hieronymus, Etham robustus. Joatham verò, & Joachaz (qui in non-*

nullis codicibus leguntur) interpretationes, paullo ante posita. Ut tota de re amplius quarendum videatur.

(10) Zorobabel. *In Agg. cap. 1.*

(11) Cap. VII. Quorumdam. *Omnia ferè ex questionibus in Gen.*

suo vocabulo resonent. Nam plerique eorum ex causis propriis nomina acceperunt. Patriarcha interpretatur patrum Princeps. Α'ρχος enim Græcè Princeps est.

2 ⁽¹⁾ Abram primum vocatus est pater videns populum, propter Israël, scilicet tantum: ⁽²⁾ postea appellatus Abraham, quod transfertur pater multarum gentium, quod erat adhuc per fidem futurum. Gentium autem non habetur in nomine, sed subauditur, juxta illud: Erit nomen tantum Abraham, quia patrem multarum gentium posui te.

3 Isaac, ex risu nomen accepit. Riserat enim pater, quando ei promissus est admirans in gaudio. Risit, & mater, quando per illos tres viros promissus est, dubitans in gaudio. Ex hac ergo causa nomen accepit Isaac, interpretatur enim risus. ⁽³⁾ Sciendum autem, quod quatuor in Veteri Testamento absque ullo velamine nominibus suis, antequam nascerentur, vocati sunt: Ismaël, Isaac, Salomon, & Josias: Lege scripturas.

4 Jacob, supplantator interpretatur, sive quod in ortu plantam nascentis fratris apprehenderit, sive quod postea fratrem arte deceiverit. Unde, & Esau dixit: Juste vocatum est nomen ejus Jacob, supplantavit enim me ecce secundum.

5 ⁽⁴⁾ Israël, vir videns Deum. Tunc enim hoc nomen accepit, quando tota nocte luctatus vicit in certamine Angelum, & oriente lucifero benedictus est. Inde propter visionem Dei Israël appellatus est, sicut, & ip-

se ait. Vidi Dominum, & salva facta est anima mea.

6 ⁽⁵⁾ Ruben, interpretatur visionis filius. Sic enim quando eum peperit Lia, vocavit nomen ejus Ruben dicens: Quia vidit Deus humilitatem meam.

7 ⁽⁶⁾ Simeon, interpretatur auditio. Sic enim dixit Lia quando peperit eum: Quia exaudivit me Deus.

8 Levi, additus. Dixit enim Lia quando peperit eum non ambigens de amore viri: Nunc mecum erit vir meus, quia peperit ei tres filios.

9 Judas confessio dicitur. Quando enim peperit eum Lia, laudem Domino retulit dicens: Nunc super hoc confitebor Domino, & ob id vocatus est Judas. A confessione itaque nomen ejus est dictum, quod est gratiarum actio.

10 ⁽⁷⁾ Issachar interpretatur, est merces. Ie quippe dicitur est, Sachar merces. Hoc autem ideò, quia mandragoris filii Ruben introitum viri, qui Racheli debebatur, ad se emerat Lia. Unde, & dum natus est dixit Lia, dedit Deus mercedem meam.

11 Zabulon interpretatur habitaculum. Sextum enim hunc filium genuerat Lia: propterea jam securam dedit. Habitavit mecum vir meus. Unde, & filius ejus vocatus est habitaculum.

12 ⁽⁸⁾ Nephthalim de conversione, sive comparatione: causa nominis ejus est. Unde, & dixit Rachel, cum eum peperisset ancilla ejus Bala: Habitare me fecit Deus habitationem cum sorore mea.

P 3

Dan

(1) Abram pater vid. Ex nominibus apud Matth.

(2) Postea appellatus est Abraham. Ex quest. ad cap. 17.

(3) Sciendum autem. Ad. cap. 17. Falso autem pro Salomone Samuelem quidam substituunt. Vid. Paralip. 1. cap. 22.

(4) Israël, vir videns Deum. Ita quidem in nominibus, & in 1. cap. 1. Sed eam interpretationem improbat in quest. cap. 32. ubi princeps cum Deo interpretatur. Idemque rursus in Comment. in Joel, interpretatur deus, i. rectissimum Dei.

(5) Ruben. Ad. cap. 29.

(6) Simeon. Ibid.

(7) Issachar. Ad. cap. 30.

(8) Nephthalim. Ibid.

13 Dan interpretatur iudicium. Bala enim dùm eum peperisset, dixit Rachël domina ejus: Judicavit me Dominus, & exaudiens dedit mihi filium. Causam nominis expresit: ut ab eo, quod judicasset se Dominus, filio ancillæ iudicii nomen imponeret.

14 Gad ab eventu, sivè procinctu vocatus est. Quando enim peperit eum Zelpha, dixit domina ejus Lia; in fortuna, id est, quod dicitur, in procinctu, vel eventu.

15 Aser beatus dicitur, dùm enim peperisset eum Zelpha, dixit Lia: Beata ego, & beatificavit me mulieres: & ab eo quòd beata dicatur, ex etymologia nominis Beatum vocavit.

16 Joseph, ab eo quòd sibi alium addi mater optaverat, vocavit augmentum. Hunc ⁽¹⁾ Pharao, Zaphanath Phaanece appellavit, quòd Hebraicè absconditorum repertorem sonat, pro eo, quòd obscura somnia revelavit, & sterilitatem prædixit. Tamen, quia hoc nomen ab Ægyptio ponitur: ipsius linguæ debet habere rationem. Interpretatur ergò Zaphanath Phaanece Ægyptio sermone Salvator Mundi, eò quòd orbem terræ ab imminente famis excidio liberavit.

17 ⁽²⁾ Benjamin interpretatur filius dextræ, quod est virtutis. Dextra enim appellatur Jamin. Mater quipè ejus moriens vocaverat nomen ejus Benoni, id est, filius doloris mei. Pater hoc mutavit, filium dextræ nominans.

18 ⁽³⁾ Manasses dictus ab eo, quòd sit Pater ejus oblitus laborum suorum. Ità enim Hebraicè vocatur oblivio.

19 Ephraim, eò quòd auxerit eum Deus, & ex hoc vocabulo in lin-

guam nostram transfertur augmentum.

CAPUT VIII.

De Prophetis.

1 **Q**Uos gentilitas vates appellat, hos nostri Prophetas vocant, quasi præfatores, quia porrò fantur, & de futuris vera prædicunt. Qui autem à nobis ⁽⁴⁾ Prophetæ, in Veteri Testamento videntes appellabantur: quia videbant ea, quæ ceteri non videbant, & præspiciebant ea, quæ in mysterio abscondita erant. Hinc est, quod scriptum est in Samuèle: Eamus ad videntem. Hinc Isaïas: Vidi, inquit, Dominum sedentem super solium excelsum, & elevatum. Et Ezechiel: Aperti sunt Cœli, & vidi visiones Dei. Quorumdam autem Prophetarum nominum etymologiæ annotandæ sunt. Vocabula enim eorum satis ostendunt, quid in futurum factis, dictisque suis prænuntiassent.

2 Elias interpretatur Dominus Deus. Ex futuri igitur præsagio sic vocatur. Nam dùm altercaretur in sacrificio cum quadringentis Sacerdotibus Baal, invocato nomine Domini descendit de Cœlo ignis super holocaustum. Quod cùm vidisset omnis populus cecidit in faciem suam, & ait: Dominus ipse est Deus. Ex hac igitur causa tale priùs nomen accepit pro eo, quòd per eum postea cognoverit populus Dominum Deum. ⁽⁵⁾ Idem, & fortis Domini interpretatur: vel propter quod interfecit eosdem Sacerdotes, vel propter quod Achab adversitatem toleravit.

Eli-

(1) Hunc Pharao. *Ad. cap. 41.*

(2) Benjamin. *Ad. cap. 35.*

(3) Manasses—Ephraim. *Ad. cap. 41.*

(4) Cap. VIII. Prophetæ in Vet. Test. *Ex Prolog. Biblioth.*

(5) Idem, & fort. *Ex Ep. 61. ad Pammach.*

3 Elisæus Domini salus interpretatur, vocabulum autem idem ex futuri præsentis accepit. Denique, & multas virtutes fecit, & famem pelens populum à morte salvavit.

4 ⁽¹⁾ Nathan, dedit, sive dantis.

5 ⁽²⁾ Isaias interpretatur ⁽³⁾ Salvator Domini. Et merito. Salvatorem enim universarum gentium, ejusque Sacramenta amplius, quam cæteri prædicat.

6 Jeremias excelsus Domini, pro eo quod dictum est ei: Constitui te super gentes, & regna.

7 Ezechiel, fortitudo Dei.

8 Daniël, judicium Dei, sive, quia in presbyterorum judicio sententiam divinæ examinationis exhibuit, dum reperta eorum falsitate Susanam ab interitu liberavit: sive quod visiones, & somnia, quibus per signa quædam, & ænigmata futura monstrabantur, sagaci mente discernens apperuit. ⁽⁴⁾ Hic, & desiderio vir appellatus est, quia Panem desiderii non manducavit, & Vinum concupiscentiæ non bibit.

9 Ossee, salvator, aut salvans. Dum enim iram Dei in populum Israël ob crimen idololatriæ prophetasset: domui Judæ salutem prænuntiavit. Propter quod Ezechias Rex Juda, sublati idolis, quæ præcedentes Reges consecraverant, Templum Domini purgasse, ac purificasse monstratur.

10 ⁽⁵⁾ Joël, Dominus Deus, sive incipiens Deo, vel fuit Dei. Hæc

enim ejus vocabulum resonat etymologia incerta.

11 ⁽⁶⁾ Amos, populus avulsus. Prophetia enim ejus ad populum fuit Israël, quia jam avulsus erat à Domino, & aureis vitulis serviebat, sive avulsus à regno stirpis David.

12 ⁽⁷⁾ Nahum, gemens, sive consolator. Increpat enim civitatem sanguinum, & post eversionem illius consolatur Sion dicens: Ecce super montes pedes evangelizantis, & annuntiantis pacem.

13 ⁽⁸⁾ Habacuc amplexans, quia, vel ex eo quod amabilis Domini fuit, vocatur amplexatio, vel quod in certamen cum Deo congregitur, amplexantis, id est, luctantis sortitus est nomen. Nullus enim tam audaci voce ausus est Deum ad disceptationem justitiæ provocare: cur in rebus humanis, & mundi istius πολιτεία tanta rerum versatur iniquitas?

14 ⁽⁹⁾ Micheas, quis hic, vel quis iste? Communatur enim Samariæ ob causam simulacrorum illo modo, quo de Helio dicitur: Quis est iste involvens sententias?

15 ⁽¹⁰⁾ Sophonias, specula, vel arcum Domini interpretatur: utrumque ad Prophetam convenit. Ipsi enim sciunt mysteria Dei. Unde ad Ezechielem dicitur: Speculatorem te possuit domui Israël. Et alibi: Non faciet Dominus quicquam, nisi revelaverit servis suis Prophetis.

16 ⁽¹¹⁾ Abdias, servus Domini. Si-

(1) Nathan. In nom. ex Luc.

(2) Isaias. Salus Domini in nominibus ex Añ. Salutare Domini, in nom. ex Ep. ad Rom. Salvator Domini in cap. 1. Isai. ex sua sententia.

(3) Salvator est enim. Ex Praef. in eum. Isai.

(4) Hic, & desider. Ex Ep. ad Eustoch. de Custod. Virg.

(5) Joël. In Praef. Malach. Joël, qui interpretatur Dominus Deus: In nominibus Joël, incipiens, vel est Deus, vel Dei. In Praef. in Joëlem, Joël αρχαιρες, i. incipiens.

(6) Amos—quia jam avuls. Ex Comm. in cap. 1.

(7) Nahum gemens. Ità legendum apud Hieron. in nom. ex Ep. Barnab. non gemens, ex c. Toletan. nam reliqui mendose gemens.

(8) Habacuc. Ex Prolog. Commentarior.

(9) Micheas—quo de Helio dicitur. Job 38.

(10) Sophon. In cap. 1.

(11) Abdias. In cap. 1.

Sicut enim Moyses famulus Domini, & Apostolus servus Christi : ita iste legatus ad gentes missus videt, & prædicat, quæ prophetali digna sunt ministerio, & servitute : indè servus Domini.

17 ⁽¹⁾ Jonas interpretatur columba, sive dolens. Columba pro gemitu, quando in ventre ceti triduo fuit. Dolens autem, vel propter tristitiam, quam habuit de salute Ninivitarum: vel propter hederam subito arecentem: cujus umbraculo tegebatur contra Solis ardorem. Ipse est, & Amathi Sareptanæ viduæ filius, ut Judæi affirmant, quem resuscitavit Elias, matre postea ad eum dicente: Nunc cognovi, quoniam vir Dei es tu, & verbum Dei in ore tuo verum est. Ob hanc causam ipsum puerum Amathi vocitatum. Amathi enim ex Hebræo in Latinam linguam veritas dicitur, & ex eo quod verum Elias locutus est: ille, qui suscitatus est, filius nuncupatur est veritatis.

18 Zacharias, memoria Domini. Septuagessimo enim anno desolationis templi completo, Zacharia prædicante, memoratus est Dominus populi sui: jussuque Darii reversus est Dei populus, & reædificata est, & Urbs, & Templum.

19 ⁽²⁾ Aggæus in Latinum festivus, & latus resonat. Destructum enim Templum ædificandum prophetat, & post luctum captivitatis regressionis lætitiā prædicat.

20 Malachias interpretatur Angelus Domini, id est, Nuntius: Quidquid enim loquebatur, quasi à Domino essent mandata, ita credebantur,

& indè ita nomen ejus septuaginta transtulerunt, dicentes: Assumptio Verbi Domini super Israël in manu Angeli ejus.

21 Esdras, adjutor.

22 Nehemias, consolator à Domino. Quodam enim præsagio futurorum nomina ista sortiti sunt. Fuerunt enim in adjutorium, & consolationem omni illi populo redeunti ad patriam. Nam, & Templum Domini idem reædificaverunt, & murorum, ac turrium opus ipsi restauraverunt.

23 ⁽³⁾ Ananias, gratia Dei. Idem, & Sidrac lingua Chaldæa, quod interpretatur decorus meus.

24 Azarias, auxilium Domini. Idem, & Abdenago, quod in Latinum vertitur serviens taceo.

25 ⁽⁴⁾ Misaël, quæ palus Domini: ipse, & ⁽⁵⁾ Misach, quod interpretatur risus, vel gaudium.

26 Ahia frater ejus.

27 Semeja, audiens Dominum.

28 Asaph, congregans.

29 ⁽⁶⁾ Ethan, robustus, sive accensus.

30 Idithum, transiliens eos, sive saliens eos.

31 ⁽⁷⁾ Quosdam enim inhærentes humo: curvatus in terram, & ea, quæ in imo sunt cogitantes, & in rebus transeuntibus spem ponentes transilivit canendo iste, qui vocatur transiliens.

32 Eman, accipiens, vel formido eorum.

33 Barachia, benedictus Dominus, vel benedictus Domini.

OL-

(1) Jonas—ipse est Amathi. &c. Ex *Præf. in Jon.*

(2) Aggæus. Ex *Prolog. Biblioth.*

(3) Anania. Ex *nom. ex Jerem. & Daniele.*

(4) Misaël, quæ palus Domini. Ex *nom. ex Daniele. Mendosè ergò cc. omnes*, qui populus Domini—*In nomin. ex Exod.* Misaël, tactus Dei, sive quis interrogavit?

(5) Misach. *Ibid.*

(6) Ethan rob. sive accensus. *Ita etiam apud Hieronymum. accensus malebat A. August.*

(7) Quosd. n. inhærentes. Ex *Aug. in Ps. 38.*

34 ⁽¹⁾ Oida, distritio, sivè diverticulum.

35 Judith, laudans, vel confitens.

36 Hester, absconsa.

37 Zacharias, memoria Domini, ob hoc, quia canit: - memorari testamenti sui Sancti.

38 Joannes Baptista, Domini gratia: eò quòd sit limes prophetiæ, prænuntius gratiæ, sivè initium baptismatis, per quod gratia ministratur.

39 Hi sunt Prophetæ Veteris, Novique Testamenti, quorum finis Christus, cui dicitur à Patre: & Prophetam in gentibus posui te.

40 Prophetiæ autem genera septem sunt: Primum genus Ecstasis, quod est mentis excessus, sicut vidit Petrus vas illud submissum de Cœlo in stupore mentis cum variis animalibus. Secundum genus Visio, sicut apud Isaiam dicentem: Vidi Dominum sedentem super solium excelsum. Tertium genus Somnium, sicut Jacob subnixam in Cœlo scalam dormiens vidit. Quartum genus: Per nubem, sicut ad Moysen, & ad Job post plagam loquitur Deus. Quintum genus Vox de Cœlo, sicut ad Abraham sonuit dicens: Nè injicias manum tuam in puerum. Et ad Saulum in via: Saule, Saule, quid me persequeris? Sextum genus: Accepta parabola, sicut apud Salomonem in Proverbiis, & apud Balaam, cum evocaretur à Balac. Septimum genus Repletio Sancti Spiritus, sicut pænè apud omnes Prophetas.

41 ⁽²⁾ Alii tria genera visionum esse dixerunt. Unum secundum oculos corporis, sicut vidit Abraham tres viros sub ilice Mambræ: & Moyses ignem in rubo: & Discipuli transfi-

guratum Dominum in monte inter Moysen, & Eliam, & cætera hujusmodi. Alterum secundum spiritum, quo imaginamur ea, quæ per corpus sentimus, sicut vidit Petrus, discum illum submitti de Cœlo cum variis animalibus, & sicut Isaias Dominum in sede altissima non corporaliter, sed spiritualiter vidit. Non enim Deum forma corporea circumterminat, sed quemadmodum figuratè, non propriè multa dicuntur: ità etiam figuratè multa monstrantur. Tertium autem genus visionis est, quod nequè corporeis sensibus, nequè illa parte animæ, qua corporalium rerum imagines capiuntur, sed per intuitum mentis, quo intellecta conspicitur veritas, sicut Daniël hoc præditus mente vidit, quod Balthasar viderat corpore, sine quo genere illa duo, vel infructuosa sunt, vel etiam in errorem mittunt. Omnia tamen hæc genera Spiritus Sanctus moderatur.

41 Habere autem prophetiam, non solum bonus, sed etiam malus potest: nam invenimus Saulem Regem prophetasse. Persequebatur enim Sanctum David, & impletus Spiritu prophetare cœpit.

CAPUT IX.

De Apostolis.

1 **A**postoli missi interpretantur: hoc enim eorum nomen indicat. Nam sicut Græcè ἄγγελοι, Latine nuntii vocantur: ità Græcè Apostoli, Latine missi appellantur. Ipsos enim misit Christus evangelizare per universum Mundum: ità, ut quidam Persas, Indosque penetrarent, docentes gentes, & facientes in nomine Chris-

(1) Oida. Ex nom. 3. Reg.

(2) Alii triagen—moderatur. Omnia ex Aug. cont. Adimant. cap. ultim.

Christi magna, & incredibilia miracula: ut attestantibus signis, & prodigiis crederetur illis in iis, quæ dicebant, & viderant. Habent autem plerique ex iis causas suorum vocabulorum.

2 Petrus à petra nomen accepit, hoc est, à Christo super, quem est fundata Ecclesia. Non enim à Petro petra, sed Petrus à petra nomen sortitus est, sicut non Christus à Christiano, sed Christianus à Christo vocatur, ideoque ait Dominus: Tu es Petrus, & seper hanc petram, &c. quia dixerat Petrus: Tu es Christus Filius Dei vivi: deindè ei Dominus: Super hanc, inquit petram, quam confessus es, ædificabo Ecclesiam meam. Petra enim erat Christus, super quod fundamentum, etiam ipse ædificatus est Petrus.

3 ⁽¹⁾ Cephas dictus, eò quòd in capite sit constitutus Apostolorum: κεφαλὴ enim Græcè caput dicitur, ⁽²⁾ & ipsum nomen in Petro Syrum est.

4 Simon Bar-jona in linguam nostram sonat filius columbæ, & est nomen Syrum paritèr, & Hebræum. Bar quippè Syra lingua filius, Jona columba, utroque sermone dicitur. Alii simpliciter accipiunt, quod Simon, i. Petrus filius sit Joannis, juxta illam interrogationem: Simon Joannis diligis me? Et volunt Scriptorum vitio depravatum: ut pro Bar-joanna, hoc est, filius Joannis, Bar-jona scriptum sit una detracta syllaba. Joanna autem interpretatur Domini gratia. Et fuisse constat Petrum trinomium: Petrum Cepham, & Simonem Bar-jona: ⁽³⁾ Simon autem Hebraicè interpretatur obediens.

5 Saulus Hebraico sermone ten-

tatio dictus, eò quòd priùs in tentatione Ecclesiæ sit versatus. Persecutor enim erat, & indè nomen habebat istud, quandò persequabatur Christianos. Postèa mutato nomine de Saulo factus est Paulus, quod interpretatur mirabilis, sive electus. Mirabilis, vel quia multa signa fecit, vel quia ab Oriente, usquè ad Occasum Evangelium Christi in omnibus gentibus prædicavit. Electus, sicut in Actibus Apostolorum Spiritus Sanctus dicit: Segregate mihi Barnabam, & Saulum ad opus, ad quod elegit eos. Latino autem sermone Paulus à modico dictus: undè, & ipse ait: Ego sum minimus Apostolorum omnium. Quandò enim Saulus, superbus, elatus: quandò Paulus, humilis, & modicus. Ideò sic loquimur, paulò post videbo te, i. post modicum. Nam quia modicus factus est, ipse dicit: Ego enim sum novissimus Apostolorum, & mihi minimo omnium Sanctorum. Cephas autem, & Saulus idè mutato nomine sunt vocati: ut essent etiam ipso nomine novi, sicut Abraham, & Sara.

6 Andræas frater Petri carne, & cohæres gratiæ: secundum Hebræam etymologiam interpretatur decorus, sive respondens: sermone ⁽⁴⁾ autem Græco à viro virilis appellatur.

7 Joannes, quodam vaticinio ex merito nomen accepit: interpretatur enim, in quo est gratia, vel Domini gratia. Amplius enim eum cæteris Apostolis dilexit Jesus.

8 ⁽⁵⁾ Jacobus Zebedæi à patre cognominatur, quem reliquens, cum Joanne verum patrem secuti sunt. Hi

sunt

(1) Cap. IX. Cephas—quod in capite. Græcam Etymologiam Anacleti 111. Dionysii Areopag. & Optati Milevitani exemplo reddidit, cum Syrum verbum esse constet, idque statim idem testetur, Cujus rei exempla alia, rationemque non in-

(2) Et ipsum nomen in Petro Syr. Vid. Hieron. Matth. 6. & in nomin. ex eodem.

(3) Simon—audiens. Hieron. Simon quippè obediens dicitur.

(4) Sermonem autem Græcè. In nom. ex Act.

(5) Jacobus. In cap. Matth. 10.

sunt filii tonitruum, qui etiam ⁽¹⁾ Boanerges ex firmitate, & magnitudine fidei nominati sunt. Hic est Jacobus filius Zebedæi, frater Joannis, qui post Ascensionem Domini ab Herode manifestatur occisus.

9 Jacobus Alphæi ob distinctionem prioris cognominatus, qui dicitur filius Zebedæi: sicut iste filius Alphæi: cognomentum igitur ambo à patre sumpsit. Iste est Jacobus minor, qui in Evangelio frater Domini nominatur, ⁽²⁾ quia Maria uxor Alphæi soror fuit Matris Domini, quam Mariam Cleophæ Joannes Evangelista cognominat, à patre, sive à gentilitate familiæ, aut quacumque alia causa ei nomen imponens. Alphæus autem Hebræo sermone in Latinum exprimitur millesimus, sive doctus.

10 ⁽³⁾ Philippus, os lampadarum, vel os manuum.

11 Thomas, abyssus, vel geminus, unde Græcè Didymus appellatur.

12 Bartholomæus, filius suspendentis aquas, vel filius suspendentis me. Syrum est, non Hebræum.

13 Matthæus, in Hebræo donatus exprimitur. Idem, & appellatus Levi ex tribu, à qua ortus fuit. In Latino autem ex opere Publicani nomen accepit, quia ex Publicanis fuit electus, & in Apostolatam translatus.

14 ⁽⁴⁾ Simon Chananæus ad distinctionem Simonis Petri, de vico Galilææ Chana, ubi aquas Dominus mutavit in vinum: ipse est, qui in alio Evangelista scribitur Zelotes: Chana quippe zelus interpretatur.

15 Judas Jacobi, qui alibi appellatur Lebbaeus, figuratum nomen habet à corde, quod nos diminutivè corculum possumus appellare: ipse in alio Evangelista Thaddæus scribitur, ⁽⁵⁾ quem Ecclesiastica tradit Historia missum Edessam ad Abagarum Regem.

16 Judas Iscariotes, vel à vico, in quo ortus est, vel ex tribu Issachar vocabulum sumpsit, quodam præsa-gio futuri in condemnationem sui. Issachar enim interpretatur merces: ut significaretur pretium proditoris, qui vendidit Dominum, sicut scriptum est. Et acceperunt mercedem meam, triginta argenteos, pretium, quo appreciatus sum ab eis.

17 Matthias, qui inter Apostolos sine cognomine solus habetur, interpretatur donatus, ut subaudiatur pro Juda: iste enim in locum ejus electus est ab Apostolis, cum pro duobus sors mitteretur.

18 ⁽⁶⁾ Marcus, excelsus mandato, utique propter Evangelium Altissimi, quod prædicavit.

19 Lucas, ipse consurgens, sive ipse elevans, eò quod elevaverit prædicationum Evangelii post alios.

20 Barnabas, filius Prophetæ, vel filius consolationis.

CAPUT X.

De reliquis in Evangelio nominibus.

1 **M**aria, ⁽⁷⁾ Illuminatrix, sive Stella Maris: genuit enim Lu-

(1) Boanerges. *Ibid.* Sed in *Dan.* 1. Filii Zebedæi appellati sunt filii tonitruum, quod non (ut plerique putant) boanerges: sed emendatius legitur beneraham, & in *1.* cap. 62. & in *nom.* ex *Joann.*

(2) Quia Maria uxor Alphæi. Ex eodem advers. *Heliod.*

(3) Philippus. os lampadarum. In *nom.* ex *Act.* lampadarum. In *nom.* ex *Luc.* Os lampadis, vel os manuum.

(4) Simon Chananæus. In *Matth.* 10.

(5) Quem Ecclesiastica. *Ibid.* est autem historia Euseb. lib. 1. cap. ultimum.

(6) Marcus seclis. mand. Sapi hoc repetit Hieronymus. Sed in *nom.* Ep. ad *Coloss.* Marcus sublimis mandato, sive amarus, vel certe attritus, atque limatus.

(7) Cap. X. Maria Illumin. In *nom.* ex *Matth.* Mariam plerique æstimant interpretari illuminantem me isci, vel Illumina-

Lumen Mundi. Sermone autem Syro Maria Domina nuncupatur, & pulchrè, quia Dominum genuit.

2 Elisabeth, Dei mei saturitas, vel Dei mei iuramentum.

3 Magdalena, turre. Martha, irritans, aut provocans: sermone autem Syro interpretatur dominans.

4 Nathanaël, donum Dei, quia dolus, i. simulatio dono Dei in eo non fuit.

5 Zebedæus, donatus, sive fluens iste.

6 Zachæus, justus, sive iustificatus, sive iustificandus: Syrum est nomen non Hebræum.

7 Lazarus, adjutus, eò quod sit à morte resuscitatus.

8 Herodes, pelliceus, gloriosus, clara etymologia.

9 Caiphas, investigator, aut sagax, aut vomens ore: iniquo enim ore suo justum condemnavit, quamvis hoc mysterio prophetali annuntiasset.

10 ⁽¹⁾ Pontius, declinans consilium utique Judæorum: accepta enim aqua lavit manus suas, dicens: Innocens ego sum à sanguine hujus Justi.

11 Pilatus, os malleatoris, quia dum Christum ore suo, & iustificat, & condemnat, more malleatoris utraque ferit.

12 Barraba, filius magistri, eorum absque dubio Judæorum magistri, qui est diabolus, homicidiorum auctor, qui usque hodiè regnat in eis.

CAPUT XI.

De Martyribus.

1 **M**artyres Græca lingua Latine testes dicuntur, undè,

& testimonia Gracè martyria nuncupantur. Testes autem ideò vocati sunt, quia propter testimonium Christi passionem sustinuerunt, & usque ad mortem pro veritate certaverunt. Quod verò non testes, (quod Latine utique possemus) sed Gracè Martyres appellamus, familiarius Ecclesiæ auribus hoc Græcum verbum sonat, sicut multa Græca nomina, quæ pro Latinis utimur.

2 Martyrum primus in Novo Testamento Stephanus fuit, qui sermone Hebræo interpretatur norma, quod prior fuerit in martyrio ad imitationem fidelium: idem autem ex Græco sermone in Latinum vertitur coronatus, & hoc prophetice, ut quod sequeretur in re, vaticinio quodam futuri prius in vocabulo resonaret: passus est enim, & quod vocabatur accepit. Stephanus enim corona dicitur, humiliter lapidatus, sed sublimiter coronatus.

3 ⁽²⁾ Duo autem sunt martyrii genera, unum in aperta passione, alterum in occulta animi virtute. Nam multi hostis insidias tolerantes, & cunctis carnalibus desideriis resistentes, per hoc, quod se Omnipotenti Deo in corde mactaverunt, etiam pacis tempore Martyres facti sunt, qui etiam, si persecutionis tempore existerent, Martyres esse potuerunt.

CAPUT XII.

De Clericis.

1 **C**leros, ⁽³⁾ & Clericos hinc appellatos, (credimus) quia Mathias sorte electus est, quem primum per Apostolos legimus ordinatum,

natix vel Smyrna Maris. Sed mihi nequaquam videtur: Melius est autem, ut dicamus sonare eam Stellam Maris, sive amatum mare. Sciendum quoque, quod Maria sermone Syro Domina nuncupatur.

(1) Pontius declinans consilium. Ita Goth. cc. & apud Hieronymum. concilium impressi reliqua hujus cap. ex eodem Hieron.

(2) Cap. XI. Duo sunt autem martyrii gen. Ex Greg. 3. Dialog. cap. 26.

(3) Cap. XII. Clerus, & Cleric. Ex Augustin. in Ps. 67.

tum, *κληρος* enim Græcè, sors, vel hæreditas dicitur. Propterea ergo dicti Clerici, quod de sorte sunt Domini, ⁽¹⁾ vel quia Dominum partem habent, generalitèr autem Clerici nuncupantur omnes, qui in Ecclesia Christi deserviunt, quorum gradus, & nomina hæc sunt.

2 Ostiarius, ⁽²⁾ Psalmista, Lector, Exorcista, Acolythus, Subdiaconus, Diaconus, Presbyter, & Episcopus.

3 ⁽³⁾ Ordo Episcoporum quadripartitus est, i. in Patriarchis, Archiepiscopis, Metropolitanis, atque Episcopis.

4 Patriarcha Græca lingua summus Patrum interpretatur, ⁽⁴⁾ quia primum, i. Apostolicum retinet locum, & idè quia summo honore fungitur, tali nomine censetur, sicut Romanus, Antiochenus, & Alexandrinus.

5 Archiepiscopus Græco vocabulo, quod sit summus Episcoporum, tenet enim vicem Apostolicam, & præsidet, tam Metropolitanis, quàm Episcopis cæteris. ⁽⁵⁾ Metropolitanus autem à mensura civitatum vocati) Singulis enim Provinciis præminent, quorum auctoritati, & doctrinæ cæteri Sacerdotes subiecti sunt, sine quibus nihil reliquos Episcopos agere licet, sollicitudo enim totius Provinciæ ipsius commissæ est. Omnes autem superiùs designati ordines uno, eodemque vocabulo Episcopi nominantur,

sed idè privato nomine quidam utuntur propter distinctionem potestatis, quàm singularitèr acceperunt.

6 Patriarcha patrum Princeps: *Αρχὸς* enim Princeps.

7 Archiepiscopus Princeps Episcoporum, sicut Metropolitanus à mensura civitatum.

8 ⁽⁶⁾ Episcopatus autem vocabulum indè ductum, quod ille, qui superefficatur, superintendat, curam scilicet, subditorum gerens, *σκοπεῖν* enim Græcè, Latinè intendere dicitur. Episcopi autem Græcè, Latinè speculatores interpretantur: nam speculator est Præpositus in Ecclesia, dictus, eò quod speculetur, atque prospiciat populorum infrà se positorum mores, & vitam.

9 Pontifex Princeps Sacerdotum est, quasi via sequentium, ipse, & Summus Sacerdos, ipse, & Pontifex Maximus nuncupatur: ipse enim efficit Sacerdotes, atque Levitas, ipse omnes Ordines Ecclesiasticos disponit: ipse quid unusquisque facere debeat ostendit. Antea autem Pontifices, & Reges erant: ⁽⁷⁾ nam majorum hæc erat consuetudo: ut Rex esset etiam Sacerdos, & Pontifex. Unde, & Romani Imperatores Pontifices dicebantur.

10 ⁽⁸⁾ Vates à vi mentis appellatus, cujus significatio multiplex est: nam modò Sacerdotem, modò Prophetam significat, modò Poëtam.

11 Antistes Sacerdos dictus, ab

Q

eo

(1) Vel quia Dominum partem. *Al.* Domini partem. *Utrumque retulit in lib. Off.*

(2) Psalmist. Ict. *Psalmista*, sive lector *Rab. lib. 1. cap. 4.* Non est autem *Psalmista ordinis*, aut gradus proprium nomen. *Sed ordinis nomine aliquando censeri, fatetur D. Tb. in Addit. q. 37. art. 2.*

(3) Ordo Episcop. quadrip. *Sic Rab. Grat. & veteres libri, sed idem Rab. lib. 1. cap. 5.* Tripartitus est, id est, in Patriarchis, Archiepiscopis, qui, & Metropolitanis sunt, & in Episcopis.

(4) Quia primum i. Apostol. *Sic Rab. & vetus Gratiani lib. cum Gothicis libris.*

(5) Metropolitanus autem. *Hac parenthesi inclusimus, vel quia aliena fortassè sunt, ut censebat Chacon, cum veriore interpretationem Rabanus retineat, qui omnia hæc ex Isidoro sumpsit, vel ut quæ sequuntur: Singulis n. provinciis, &c. Archiepiscopis aptentur ex Sententia Antonii Augustini. Cui duo veteres libri favent, in quibus post hæc omnia Metropolitanus crymon hoc quaecumque est collocatum. Sic etiam erit Episcoporum tripartitus ordo.*

(6) Episcop. vocab. *Ex Aug. 19. de Civit. cap. 19.*

(7) Nūm majorum. *è Serv. Æn. 3. ad v. Rex Anius.*

(8) Vates à vi ment. *Aviendis versibus Varr. lib. 6.*

eo, quòd ante stat, primus est enim in ordine Ecclesiæ, & supra se nullum habet.

12 Sacerdos autem nomen habet compositum ex Græco, & Latino, quasi sacrum dans, sicut enim Rex à regendo, ita Sacerdos ⁽¹⁾ à sanctificando vocatus est: consecrat enim, & sanctificat.

13 Sacerdotes autem gentilium flamines dicebantur. Hi in capite habebant pileum, in quo erat brevis virga desuper, habens lanæ aliquid. Quod cum per æstum ferre non possent: filo tantum capita religare cœperunt. Nam nudis penitus eos capitibus incedere nefas erat: unde à filo, quo utebantur, ⁽²⁾ flamines dicti sunt, quasi filamines. Verum festis diebus filo deposito, pileum imponebant pro Sacerdotii eminentia.

14 Presbyter Græcè, Latinè Senior interpretatur non modò pro ætate, vel decrepita senectute, sed propter honorem, & dignitatem, quam acceperunt, Presbyteri nominantur: ⁽³⁾ unde, & apud veteres idem Episcopi, & Presbyteri fuerunt, quia illud nomen dignitatis est, hoc ætatis. Ideò autem, & Presbyteri Sacerdotes vocantur, quia sacrum dant, sicut, & Episcopi, ⁽⁴⁾ qui licet sint Sacerdotes, tamen Pontificatus apicem non habent, quia nec chrismate frontem signant, nec Paracletum Spiritum dant, quod solis deberi Episcopis lectio Actuum Apostolorum demonstrat.

15 Levitæ ex nomine auctoris vocati: de Levi enim Levitæ exorti sunt, à quibus in Templo Dei Mystici

Sacramenti ministeria explebantur. Hi Græcè Diaconi, Latinè Ministri dicuntur, quia ⁽⁵⁾ sicut in Sacerdote consecratio: ita in Diacono Mysteriorum dispensatio habetur.

16 Hypodiaconi Græcè, quos nos Subdiaconos dicimus, qui ideò sic appellantur, quia subjacent præceptis, & officiis Levitarum. Oblationes enim in Templo Dei à fidelibus ipsi suscipiunt, & Levitis superponendas Altaribus deferunt: hi ⁽⁶⁾ apud Hebræos Nathinæi vocantur.

17 Lectores à legendo: Psalmistæ à Psalmis canendis vocati: illi enim prædicant populis, quid sequantur: isti canunt, ut excitent ad computationem animos audientium: licet, & quidam lectores ita miserantè pronuntient, ut quosdam ad luctum, lamentationemque compellant. Idem etiam pronuntiatores vocantur, quòd porrò annuntient: tanta enim, & tam clara erit eorum vox, ut quàm vis longè positorum aures adimpleant.

18 Cantor autem vocatus, quia vocem modulatur in cantu. Hujus ⁽⁷⁾ duo genera dicuntur in arte musica, sicut ea docti homines Latinè dicere potuerunt, præcentor, & succentor.

19 Præcentor, qui vocem præmittit in cantu.

20 Succentor autem, qui subsequenter canendo respondet.

21 Concenter autem dicitur, quia consonat, quia autem non consonat, nèc concinit, nèc concenter erit.

22 Acolythi Græcè, Latinè Ceroferrarii dicuntur, à deportandis Ceris

(1) Sanctificando. Eodem modo lib. 9. cap. 3.

(2) Flamini, e Serv. AEn. 8. Vid. Fest. & Varr.

(3) Unde, & apud vet. idem Episcopis. Ex Hier. Ep. 83. ad Ocean.

(4) Qui licet sint Sacerd. Ex Innoc. I. Ep. 1. cap. 3.

(5) Sicut in Sacerdote consec. Ex Ep. ad Rustic. Narb. de sept. gradibus Eccles. qua cum Hieronymi operibus circum-

fertur.

(6) Hi apud Heb. Nathinæi. Al. Nathanaei. Vid. 2. Off. Eccl. cap. 10. & Raban.

(7) Duo genera—respondit. Ex Aug. in Ps. 87.

reus ⁽¹⁾ quando legendum Evangelium est, aut sacrificium offerendum. Tunc enim accenduntur luminaria ab eis, & deportantur, non ad effugandas tenebras, dum Sol eodem tempore ruilet, sed ad signum lætitiæ demonstrandum: ut sub typo luminis corporalis, illa lux ostendatur, de qua in Evangelio legitur: Erat lux vera, quæ illuminat omnem hominem venientem in hunc mundum.

23 Exorcistæ ex Græco in Latinum adjurantes, sive increpantes vocantur. Invocant enim super ⁽²⁾ Energumenos, vel super eos, qui habent spiritum immundum, nomen Domini Jesu, adjurantes per eum, ut egrediatur ab eis.

24 Ostiarii, iidem, & Janitores, qui in Veteri Testamento electi sunt ad custodiam templi: ut non ingrederetur illud immundus in omni re: dicitur autem Ostiarii, quod præsent ostiis templi. ⁽³⁾ Ipsi enim tenentes clavem, omnia intus, extraque custodiunt, atque inter bonos, & malos habentes judicium, fideles recipiunt, respuunt infideles.

CAPUT XIII.

De Monachis.

1 **M**onachus Græca etymologia vocatus, eò quod sit singularis: *μοναχς* enim Græcè singularitas dicitur. Ergo si solitarius interpretatur vocabulum Monachi, quid facit in turba, qui solus est? ⁽⁴⁾ Plura sunt autem genera Monachorum.

2 ⁽⁵⁾ Cœnobitæ, quos nos in commune viventes possumus appellare. Cœnobium enim plurimorum est.

3 Anachoritæ sunt, qui post cœnobialem vitam deserta petunt, & soli habitant per deserta: & ab eò quod procul ab hominibus recesserunt, tali nomine nuncupantur: sed Anachoritæ Eliam, & Joannem; Cœnobitæ Apostolos imitantur.

4 Eremitæ ii sunt, qui, & Anachoritæ, ab hominum conspectu remoti: eremum, & desertas solitudines appetentes. Nam eremum dicitur quasi remotum.

5 Abbà autem Syrum nomen, significat in Latinum pater: quod Paulus Romanis scribens exposuit, dicens: in quo clamamus Abba pater: in uno nomine duabus usus linguis. Dicit enim Abba Syro nomine patrem, & rursus Latine nominat itidem patrem.

CAPUT XIV.

De cæteris Fidelibus.

1 **C**hristianus, quantum interpretatione ostendit, de unctione deducitur, sive de nomine Auctoris, & Creatoris. A Christo enim Christiani sunt cognominati, sicut à Juda Judæi. De Magistri quippe nomine cognomen sectatoribus datum est.

2 Christiani autem olim à Judæis, quasi opprobrio Nazaræi vocabantur, pro eò quod Dominus noster, atque Salvator à vico quodam Galilææ Nazaræus sit appellatus.

3 Non se autem gloriatur Christianum, qui nomen habet, & facta non habet. Ubi autem nomen secutum fuerit opus, certissime ille est Christianus, quia se factis ostendit Christianum, ambulans sicut, & ille

Q 2

am-

(1) Quando Evang. Ex Hieron. Ep. Advers. Vigilant.

(2) Super energ. Vid. 2. Off. Eccl. c. 13. & d. 23. cap. 27.

(3) Ipsi enim tenent cl. Ex d. Ep. ad Rust. Navb.

(4) Cap. XIII. Plura autem sunt gen. Monach. Ex Hieron. Ep. ad Eustoch. 22.

(5) Cœnob. enim. Ex Cassian. collat. 18. cap. 10. & cap. 4. & seq.

ambulavit, à quō, & nomen traxit.

4 Catholicus universalis, sive generalis interpretatur : nam Græci universale καθολικόν vocant.

5 Orthodoxus est rectè credens, & ut credit vivens : ὀρθῶς enim Græcè rectè dicitur ⁽¹⁾ δόξα gloria : hoc est, vir rectæ gloriæ. Quo nomine non potest vocari, qui aliter vivit, quàm credit.

6 Neophytus Græcè, Latine novellus, & rudis, fidelis, vel nupèr renatus interpretari potest.

7 Catechumenus dictus pro eo, quod adhuc doctrinam fidei audit, nec dum tamen baptismum percepit, nam καθηλούμενος Græcè auditor dicitur.

8 ⁽²⁾ Competens vocatur, qui post instructionem fidei competit gratiam Christi, indè : & à petendo Competentes vocati.

9 Laicus popularis : λαός enim Græcè populus dicitur.

10 Proselytus, i. advena, & circumcisis, qui miscebatur populo Dei, Græcum est.

DIVI ISIDORI HISPALENSIS EPISCOPI ETYMOLOGIARUM

LIBER OCTAVUS.

DE ECCLESIA, & SECTIS DIVERSIS.

CAPUT PRIMUM.

De Ecclesia, & Synagoga.

1 **E**CCLÉSIA Græcum est, quod in Latinum vertitur convocatio, propter quod omnes ad se vocet. Catholica universalis ἀπὸ τοῦ καθ' ἑλόν, id est, secundum totum : non enim, sicut conventicula hæreticorum, in aliquibus regionum partibus coarctatur, sed per totum orbem terrarum dilatata diffunditur. Quod etiam Apostolus approbat ad Romanum dicens : Gratias ago Deo meo pro omnibus vobis, quia fides vestra annuntiatur in universo mundo : hinc, & universitas ab uno cognominata est, propter quod in unitatem colligitur.

Undè Dominus in Evangelio, qui mecum non colligit, spargit. Cur autem Ecclesia, cum una sit à Joanne, septem scribuntur, nisi, ut una catholica septiformi plena spiritu designetur? Sicut, & de Domino novimus dixisse Salomonem : Sapientia ædificavit sibi domum, & excidit columnas septem, quæ tamèn septem una esse non ambigitur, dicente Apostolo : Ecclesia Dei vivi, quæ est columna, & firmamentum veritatis.

2 Inchoavit autem Ecclesia à loco, ubi venit de Cælo Spiritus Sanctus, & implevit uno loco sedentes.

3 Pro peregrinatione autem præsentī Ecclesia Sion dicitur, eò quod ab hujus peregrinationis longitudine pro-

(1) Cap. XIV. Doxa gloria. *Opinio potius, ut reliqua conveniant.*

(2) Competens vocatur. Ex Aug. serm. ad Competentes. Hieronymus ad Pammach. Ep. 61. An non tu potius scindis Ecclesiam, qui præcepisti Bethlehem presbyteris, ne competentibus nostris in Pascha Baptismum traderent?

promissionem rerum cœlestium speculatur: & idcirco Sion, id est, speculatio nomen accepit. Pro futura verò patriæ pace Hierusalem vocatur, nam Hierusalem visio pacis interpretatur. Ibi enim absorpta omni adversitate pacem, quæ est Christus, præsentī possidebit obtutu.

4 ⁽¹⁾ Synagoga Græcè, congregatio dicitur, quod proprium nomen Judæorum populus tenuit. Ipsorum enim propriè Synagoga dici solet, quamvis, & Ecclesia dicta sit. Nostram verò Apostoli nunquam Synagogam dixerunt, sed semper Ecclesiam: sive discernendi causa, sive quòd inter congregationem, undè Synagoga, & convocationem, undè Ecclesia nomen accepit, distet aliquid: quod scilicet, congregari, & pecora solent, quorum, & greges propriè dicimus: convocari eutem magis est utentium ratione, sicut sunt homines.

CAPUT II.

De Religione, & Fide.

1 **D**ogma ⁽²⁾ à putando philosophi nominaverunt, id est, hoc puto esse bonum, hoc puto esse verum.

2 ⁽³⁾ Religio appellata, quòd per eam uni Deo religamus animas nostras ad cultum divinum vinculo serviendi.

Quod verbum compositum est à religendo, id est, eligendo, ut ità Latinum videatur religo, sicut eligo.

3 Tria sunt autem, quæ in religionis cultu ad colendum Deum in hominibus perquiruntur, id est, fides, spes, charitas. In fide, quid credendum; in spe, quid sperandum; in charitate, qui sit amandum.

4 Fides est, qua veraciter credimus id, quod nequaquam videre valemus. Nam credere jam non possumus, quod videmus. Propriè autem nomen fidei indè est dictum, ⁽⁴⁾ si omninò fiat, quod dictum est, aut promissum. Et indè fides vocata ab eo, quòd sit illud, quod inter utrosque placitum est, quasi inter Deum, & hominem, hinc, & fœdus.

5 Spes vocata, ⁽⁵⁾ quod sit pes progrediendi, quasi est pes. Undè è contrario desperatio, deest enim ibi pes, nullaque progrediendi facultas est, quia dùm quisque peccatum amat, futuram gloriam non sperat. Charitas Græcè, Latine dilectio interpretatur, quod duos in se illiget. Nam dilectio à duobus incipit, quod est amor Dei, & proximi, de qua Apostolus: Plenitudo, inquit, legis, dilectio. Major est autem hæc omnibus, quia qui diligit, & credit, & sperat. Qui autem non diligit, quamvis multa bona faciat, frustrà laborat. ⁽⁶⁾ Omnis autem dilectio car-

Q 3

na-

(1) Cap. I. De Synagoga. Ex Aug. in Ps. 81.

(2) Cap. II. Dogma à putando. Nempè ἀπό τοῦ δοκίμω.

(3) Religio. Aug. lib. 1. Retract. cap. 13. Ad unum Deum tendentes, & ei uni religantes animas nostras, undè religio dicta creditur. In his verbis meīs ratio, quæ reddita est, undè sit dicta religio plus mihi placuit. Nam non me fugit, aliam hujus nominis originem exposuisse Latini sermonis auctores, quod indè sit appellata religio, quod religatur, quod verbum compositum est à legendo, id est, eligendo, ut ità Latinum videatur religo, sicut eligo. Sed postrema Augustini verba rejicienda putamus: ut male coherentia, & adjecta ab aliquo, qui integrum locum descripsit, non animadvertens, id etymon secutum fuisse Isidorum, quod maxime probaretur Aug. & Lactantio lib. 4. cap. 28. qui etiam adversus Cic. notationem pluribus verbis disputat: quamvis hoc altero etiam utatur Aug. lib. 10. de Civit. cap. 4. Ipse n. fons nostræ beatitudinis, ipse omnis appetitionis est finis, hunc eligentes, vel potius religentes (amiseramus n. negligentes) hunc ergo religentes, undè religio dicta perhibetur, ad eum dilectione tendamus. Restat tertia notatio ex Cic. 2. de Nat. Deor. Qui omnia, quæ ad cultum Deorum pertinerent, diligenter pertractarent, & tanquam relegerent, sunt dicti religiosi, ex relegendo, ut elegantes ex eligendo. Ut religio sit, vel à religando, vel religendo, vel relegendo.

(4) Si omninò fiat, quod dic. Ex Cic. 1. de Offic.

(5) Quod sit pes. Rectè de spe, quæ virtus sit. Nam spem subdolam, qui respexere, spem, quasi sine pede interpretantur, undè in nummis veteribus non fixa, sed in altitudinem erectis pedibus fingitur. Aliis spes inais est.

(6) Omnis autem dilect. Aug. 14. de Civitat. cap. 7.

nalis, non dilectio, sed magis amor dici solet. Dilectionis autem nomen tantum in melioribus rebus accipi solet.

CAPUT III.

De Hæresi, & Schismate.

I HÆRESIS ⁽¹⁾ Græcè ab electio-
ne vocatur, quod, scilicet,
unusquisque id sibi eligat, quod me-
lius sibi esse videtur: ut Philosophi
Peripatetici, Academici, Epicuræi, &
Stoici, vel sicut alii, qui perversum
dogma cogitantes, arbitrio suo de Ec-
clesia recesserunt. ⁽²⁾ Indè ergò hæresis
dicta Græca voce, ex interpretatione
electionis, qua quisque arbitrio suo ad
instituenda, sive ad suscipienda quæli-
bet ipse sibi eligit. Nobis verò nihil nos-
tro ex arbitrio inducere licet: sed nec
eligere, quod aliquis de arbitrio suo in-
duxerit. Apostolos Dei habemus auc-
tores, qui nec ipsi quicquam ex suo
arbitrio, quod inducerent, elegerunt,
sed acceptam à Christo disciplinam fi-
delitèr nationibus assignaverunt. Ita-
que etiam si Angelus de Cœlis ali-
tèr evangelizaverit, anathema voca-
bitur.

2 Secta à sequendo, & tenendo
nominata. Nam sectas dicimus habi-
tus animorum, ac instituta circa disci-
plinam, vel propositum, quod tenen-
do sequuntur, longè alia in Religionis
cultu opinantes, quàm cæteri.

3 Schisma à scissura animorum
votum. Eodem enim cultu, eodem-

que ritu credit: ut cæteri, solo congre-
gationis delectatur dissidio. Fit autem
schisma, cum dicunt homines: Nos jus-
ti sumus, nos sanctificamus immun-
dos, & cætera similia.

4 ⁽³⁾ Superstitio dicta, eò quòd
sit superflua, aut superinstituta obser-
vatio. Alii dicunt à senibus, quia mul-
tis annis superstites per ætatem deli-
rant, & errant superstitione quadam,
nescientes, quæ vetera colant, aut quæ
veterum ignari ascendant. Lucretius
autem superstitionem dicit superstan-
tium rerum, id est, cœlestium, & di-
vinarum, quæ super nos stant, sed
malè dicit. Hæreticorum autem dog-
mata: ut facilè possint agnosci, cau-
sas eorum, vel nomina demonstrare
oportuit.

CAPUT IV.

De Hæresibus Judæorum.

I JUDÆI ⁽⁴⁾ confessores interpretan-
tur. Multos enim ex iis sequi-
tur confessio, quos antea perfidia pos-
sidebat.

2 Hebræi transitores dicuntur:
quo nomine admonentur: ut de pejo-
ribus ad meliora transeant, & pristi-
nos errores relinquunt.

3 ⁽⁵⁾ Pharisei, & Sadducæi inter
se contrarii sunt: nam Pharisei ex
Hebræo in Latinum interpretantur di-
visi, eò quòd traditionum, & obser-
vationum, quas illi δευτερώσεις vocant,
justitiam præferunt. Undè, & divisi

VO-

(1) Cap. III. Hæresis Græc. Ex Hieron. ad Gal. 5. & ad Tit. 3.

(2) Indè ergò hæresis—vocabitur. Ex Tertull. in præscript. apud quem pro indulgere, inducere, ex hoc loco reponas licet.
Nam ea voce paullo-post, alibi quoque sapius utitur.

(3) Superstitio. Verba Servii Æn. 8. ad V. Vana superstitio, &c. est verò Lucretii locus ad quem respexit. lib. 1.
Humana ante oculos fœde cum vita jaceret,
In terris oppressa gravi sub religione,
Quæ caput à Cæli regionibus ostendebat,
Horribili super aspectu mortalibus instans.

Meliùs Balbus apud Cic. 2. de Nat. Deor.

(4) Cap. IV. Judæi. Euseb. lib. 4. Hist. Eccl. cap. 21. ex Hegesippo septem fuisse refert Hebræorum sectas, quarum no-
mina hæc sunt. Essæi, Galilai, Hemerobaptista, Masbothai, Samarita, Sadducæi, Pharisei. Justin. contra Iudæ. ἀπει-
σθη, Ιουδαῖοι ἢ τῆς ἐξουσίας ἡμετέρας ἀπολογουμένων ὡς καὶ τὰς Σαδδουκαίων, ἢ τὰς ἱουδαίων ἀπεισθῆναι, καὶ μὴ ἐπι-
στάντων, Εὐλαβητικῶν, καὶ φαρισαίων, βαπτιστῶν, &c.

(5) Pharisei-Sadducæi. Ex Hieronym. Matth. 22. & Iud. 19.

vocantur à populo , quasi per justitiam.

4 Sadducæi interpretantur justitiam vendicant enim sibi , quod non sunt, corporis resurrectionem negant , & animam interire cum corpore prædicant. Hi quinque tantum libros Legis recipiunt , Prophetarum vaticinia respuunt.

5 ⁽¹⁾ Esseni dicunt , ipsum esse Christum, qui docuit illos omnem abstinentiam.

6 ⁽²⁾ Masbothæi dicunt , ipsum esse Christum , qui docuit illos in omni re sabbatizare.

7 Genistæi dicti , eò quòd de genere Abrahæ esse se gloriantur: nam cum in Babyloniam venisset populus Dei , plerique relinquentes uxores suas , Babylonice mulieribus adhæserunt : quidam autem Israëlitis tantum conjugii contenti , vel ex eis geniti , dum reversi essent de Babylonia , diviserunt se ab omni populo , & assumpserunt sibi hoc nomen jacrantæ.

8 ⁽³⁾ Meristæi appellati , eò quòd separant scripturas, non credentes omnibus Prophetis , dicentes aliis , & aliis spiritibus illos prophetasse : μέρος enim Græcè , Latine pars dicitur.

9 Samaritæ dicti , quòd Legem solam custodiunt, nam Prophetas non recipiunt.

10 ⁽⁴⁾ Hemerobaptistæ , eò quòd quotidie vestimenta sua , & corpora lavant.

CAPUT V.

De Hæresibus Christianorum.

1 Quidam ⁽⁵⁾ etiam Hæretici de Ecclesia recesserunt , & ex nomine auctorum suorum nuncupantur : quidam verò ex causis, quas eligentes instituerunt.

2 Simoniani dicti à Simone magicæ disciplinæ perito , cui Petrus in Actibus Apostolorum maledixit , pro eo quòd ab Apostolis Spiritus Sancti gratiam pecunia emere voluisset : hi dicunt creaturam non à Deo , sed à virtute quadam superna creatam.

3 Menandriani à Menandro Mago discipulo Simonis nuncupati , qui mundum non à Deo , sed ab Angelis factum esse asseruit.

4 Basilidiani à Basilide appellati, qui inter reliquas blasphemias passum Jesum abnegavit.

5 ⁽⁶⁾ Nicolaitæ dicti à Nicolao Diacono Ecclesiæ Hierosolymorum , qui cum Stephano , & cæteris constitutus est à Petro : qui propter pulchritudinem relinquens uxorem : ut qui vellet , ea uteretur , versa est in stuprum talis consuetudo , ut invicem conjugia commutarentur : quos Joannes in Apocalypsi improbat , dicens : Sed hoc habes , quia odisti facta Nicolaitarum.

6 Gnostici propter excellentiam scientiæ se ita appellare voluerunt. Animam naturam Dei esse dicunt, bonum , & malum Deum suis dogmatibus fingunt.

Car-

(1) Esseni. Vel Essæi , ex Euseb. Convenit autem , quòd Hieronymus lib. 2. advers. Jovin. ex Josepho de his refert , quòd ab uxoribus vino , & carnibus abstinere , & quotidianum jejunium verterent in naturam.

(2) Masbothæi. Hoc eorum proprium fuisse nomen , præter Eusebii verba , quæ indicavimus , hæresis ipsa Sabbatizandi his præsertim , qui Hebræis literas attigerunt , satis ostendit.

(3) Meristæi. Merista C. Rom. De Essenis Epiph. in Prolog. ἡμετέροις ἡμετέροις ἡμετέροις τὸν νόμον , τὸς ὅτι πλὴν τῶν μεταποταμίων ἀπὸ τῶν ἡμετέρων.

(4) Hemerobaptistæ. Epiph. lib. cap. 17. Retinent hunc morem interiorum vestium identidem lavandarum Tessani Masri.

(5) Cap. V. Quidam. Ex Aug. de Hæres. ad Quod vult. & Gennadii Catalogo plerique. Vid. 24. q. 3.

(6) Nicolaitæ. Aug. Qui cum de zelo pulcherrimæ conjugis culparetur , velut purgandi se causa , permisisse fertur, ut qui vellet , ea uteretur , quod ejus factum in sectam turpissimam versum est , quia placet usus indifferens sceminar.

7 Carpocratiani à Carpocrate quodam vocantur, qui dixit Christum hominem fuisse tantum, & de utroque sexu progenitum.

8 Cerinthiani à Cerintho quodam nuncupati. Hi inter cætera circumcisionem observant, mille annos post resurrectionem in voluptate carnis futuros prædicant: undè, & Græcè Chiliastæ, Latine Millenarii sunt appellati.

9 Nazaræi dicti, qui dùm Christum, qui à vico Nazaræus est appellatus Filium Dei confiteantur, omnia tamen veteris legis custodiunt.

10 ⁽¹⁾ Ophitæ à colubro nominati sunt. Coluber enim Græcè ὄφης dicitur. Colunt enim serpentem, dicentes ipsum in paradysum induxisse virtutis cognitionem.

11 ⁽²⁾ Valentiniani à Valentino quodam Platonicæ sectatore vocati, qui αἰώνας, id est, sæcula quædam in originem Dei Creatoris induxit: Christum quoque de Virgine nihil corporis assumpsisse, sed per eam, quasi per fistulam transisse asseruit.

12 ⁽³⁾ Apellitæ, quorum Apelles Princeps fuit, qui creatorem Angelum nescio quem gloriosum superioris Dei faciens Deum Legis, & Israël, illum igneum affirmans, dixit Christum non Deum in veritate, ⁽⁴⁾ sed hominem in phantasia apparuisse.

13 ⁽⁵⁾ Archontiaci à Principibus appellantur, qui universitatem, quàm Deus condidit, opera esse Archangelorum defendunt.

14 Adamiani vocati, quòd Adæ imitentur nuditate: undè, & nudi orant, & nudi inter se mares, foeminaeque conveniunt.

15 ⁽⁶⁾ Cainani proindè sic appellati, quoniam Cain adorant.

16 Sethiani nomen acceperunt à filio Adam, qui vocatus est Seth, dicentes eundem esse Christum.

17 Melchisedechiani vocati pro eo, quòd Melchisedech Sacerdotem Dei, non hominem fuisse, sed virtutem Dei esse arbitrantur.

18 ⁽⁷⁾ Angelici vocati, quia Angelos colunt.

19 Apostolici hoc sibi nomen ideò præsumperunt, quòd nihil possidentes proprium, nequaquam recipiant eos, qui aliquid in hoc mundo utuntur.

20 Cerdoniani à Cerdone quodam nominati, qui duo contraria principia asseruit.

21 ⁽⁸⁾ Marcionistæ à Marcione Stoico Philosopho appellati, qui Cerdonis dogma secutus, alterum bonum, alterum justum Deum asseruit, tantum duo principia creationis, & bonitatis.

22 Artotyritæ ab oblatione vocati. Panem enim, & caseum offerunt: dicentes primis hominibus oblationem à fructibus terræ, & à fructibus ovium fuisse celebratam.

23 Aquarii appellati, eò quòd aquam solam offerunt in Calice Sacramenti.

Se-

(1) Ophitæ, Ex Tertull. præscripto, à quo nonnihil discrepat Isidorus, quod ille serpentem ait fuisse virtutem, quæ generi humano scientiam bonorum, & malorum contribuit, quare vocem virtutis rejiciebat Chacon. Vid. Epiph. Philast. August. Platonicæ sectator?

(2) Valentiniani—Platonicæ sectatore, Ità C. Neap. rectè Tertull. Ubi nunc Marcion Stoicæ studiosus? Ubi Valentinus Platonicæ sectator?

(3) Apellitæ, Ex eodem. Vid. Epiph. & Irenæ.

(4) Sed hominem in phantasia apparuisse. At Tertull. ità de Apelle. Christum nequè in phantasmate dicit fuisse, si cut Marcion, neque in substantia veri corporis ut Evangelium docet. Et in lib. de Carne Christi, & in lib. de Resurr. separatim proficitur se disputare adversus Marcionem, qui veritatem carnis Christo tollebat, vanitatem phantasmatum in- tiis superioribus tra-ctam. Itaque negabat hunc locum integrum esse Chacon, cui assentimur.

(5) Archontiaci—opera Archangelorum. Archontem legebat Chacon. Nam, & Augustinus Principis interpretatur.

(6) Cainani, Vid. not. in Gen.

(7) Angelici, Vid. Epiph. August. & Theod. ad Coloss. cap. 2. & Concil. Laodic. cap. 35.

(8) Marcionistæ—à quo duo princip. Augustinum sequitur. Nam Epiphanius tria principia ad his inducitur refert.

24 Severiani à Severo exorti, vinum non bibunt, Vetus Testamentum, & Resurrectionem non recipiunt.

25 ⁽¹⁾ Tatiani à Tatiano quodam vocati, qui, & Encratitæ dicti, quia carnes abominantur.

26 Alogii vocantur tamquam sine Verbo: λόγος enim Græcè Verbum dicitur. Deum enim Verbum non credunt, respuentes Joannis Evangelium, & Apocalypsim.

27 Cataphrygiis nomen Provincia Phrygia dedit, quia ibi extiterunt auctores eorum Montanus Prisca, & Maximilla: hi adventum Spiritus Sancti non in Apostolis, sed in se traditum asserunt.

28 ⁽²⁾ Cathari propter munditiam ita se nominaverunt. Gloriantes enim de suis meritis, negant poenitentibus veniam peccatorum: viduas si nupserint, tamquam adulteras damnant, mundiores se cæteris prædicant. Qui nomen suum si cognoscere velent, mundanos se potius, quam mundos vocarent.

29 Pauliani à Paulo Samosateno exorti sunt: qui dixit non semper fuisse Christum, sed à Maria sumpsisse initium.

30 ⁽³⁾ Hermogeniani ab Hermogene quodam vocati, qui materiam non natam introducens, Deo non nato eam comparavit, matremque elementorum, & deam asseruit, quos Apostolus improbat, elementis servientes.

31 ⁽⁴⁾ Manichæi à quodam Persa extiterunt, qui vocatus est Manes. Hic duas naturas, & substantias introduxit, id est, bonam, & malam, & animas ex Deo, quasi ex aliquo fonte manare asseruit. Testamentum Vetus respuunt, Novum ex parte recipiunt.

32 ⁽⁵⁾ Anthropomorphitæ dicti pro eo, quod simplicitate rustica Deum habere humana membra, quæ in Divinis Libris scripta sunt, arbitrantur. Ανθρωπος enim Græcè, Latine homo interpretatur, ignorantes vocem Domini, qui ait: Spiritus est Deus: incorporeus est enim, nec membris distinguitur, nec corporis mole censetur.

33 ⁽⁶⁾ Hierachitæ ab Hieracha auctore exorti: Monachos tantum recipiunt, conjugia respuunt, Regna Cælorum parvulos habere non credunt.

34 ⁽⁷⁾ Novatiani à Novatiano Romæ Urbis Presbytero exorti, qui adversus Cornelium Cathedram Sacerdotalem conatus invadere, hæresim instituit, nolens Apostatas suscipere, & rebaptizans baptizatos.

35 Montani hæretici dicti, quod tempore persecutionis in montibus latuerunt, qua occasione se à Catholica Ecclesiæ corpore diviserunt.

36 ⁽⁸⁾ Ebionitæ ab Ebione dicti, sive à paupertate: Christum enim per profectum solum virum justum putant effectum. Unde competenter Ebionitæ pro paupertate intelligentiæ compelluntur.

(1) Tatiani—qui, & Encratitæ. Ità legend. ex Aug. Epiph. & veteribus lib. non Encratitæ. Nam quavis Isid. carnium tantum m. minerit, constat eos vino, carne, & nuptiis abstinuisse.

(2) Cathari—viduas si nup. Verba Aug. in lib. de Agon. Chr. cap. 31.

(3) Hermog.—quos Apost. improbat. Ex Tertull. præscript.

(4) Manich—qui vocatus est Manes. Al. Manis. apud Aug. Manin.

(5) Anthropomorph. Ex Hier. advers. errores Joann. Hierosolymitan.

(6) Hierachitæ. Etiam Hylarius Hieracham auctorem appellat lib. 6. de Trin.

(7) Novatiani à Novatiano. Ità legendum ex Hier. Catalogo, non Novato, quavis hic primus auctor sectæ fuerit. Hos cum Catharis (de quibus pauld. ante) non est necesse eisdem fuisse. Sed aliquid commune habuisse.

(8) Ebionitæ. Eusebius lib. 3. Hist. cap. 27. Rufinus interprete: Ebionaci solum esse hominem putant, & per profectum virtutis, ac virtutis virum justum effectum. Et pauld. post. Unde competenter Ebionitæ pro paupertate intelligentiæ appellati sunt. Horum meminit sapè Hieronym. & Tertull. in Præscript.

pellati sunt. ⁽¹⁾ Hi semijudæi sunt, ⁽²⁾ & ita tenent Evangelium : ut legem carnaliter servant, ⁽³⁾ adversus quos Apostolus ad Galatas scribens invenitur.

37 ⁽⁴⁾ Photiniani à Photino Gallogræciæ Sirmiæ Episcopo nuncupati, qui Ebionitarum hæresim suscitans, asseruit Christum à Mariâ per Joseph nuptiali coitu fuisse conceptum.

38 Aeriani ab Aerio, quodam nuncupati sunt : hi offerre sacrificium pro defunctis spernunt.

39 ⁽⁵⁾ Ætiani ab Ætio sunt vocati, iidemque Eunomiani, ab Eunomio quodam Dialectico Ætii discipulo, ex cujus nomine magis innotuerunt, dissimilem Patri asserentes Filium, & Filio Spiritum Sanctum. Dicunt etiam nullum imputari peccatum in fide manentium.

40 ⁽⁶⁾ Origeniani ab Origene auctore exorti sunt, dicentes : quod non possit Filius videre Patrem, nec Spiritus Sanctus Filium. Animas quoque in mundi principio dicunt peccasse, & pro diversitate peccatorum à Cœlis, usque ad terras diversa corpora, quasi vincula, meruisse, eaque causa factum fuisse mundum.

41 Noëtiani à quodam Noëto vocati, qui dicebat Christum eundem esse, & Patrem, & Spiritum Sanctum, ipsamque Trinitatem in officiorum nominibus non in personis accipiunt. Unde, & Patripassiani vocantur, quia Patrem passum dicunt.

42 Sabelliani ab eodem Noëto pullulasse dicuntur, cujus discipulum perhibent fuisse Sabellium, ex cujus

nomine maximè innotuerunt : unde, & Sabelliani vocati sunt. Hi unam personam Patris, & Filii, & Spiritus Sancti adstruunt.

43 Arriani ab Arrio Alexandrino Presbytero orti sunt, qui coæternum Patri Filium non agnoscens, diversas in Trinitate substantias asseruit : contra illud, quod ait Dominus : Ego, & Pater unum sumus.

44 Macedoniani à Macedonio Constantinopolitano Episcopo dicti sunt, negantes Deum esse Spiritum Sanctum.

45 Apollinaristæ ab Appollinare vocati sunt, dicentes Christum corpus tantummodò sine anima suscepisse.

46 ⁽⁷⁾ Antidicomaritæ appellati sunt, pro eo quod Mariæ virginitati contradicunt, asserentes eam post Christum natum viro suo fuisse commixtam.

47 Metangismonitæ, ideò talè nomen acceperunt, quia ἀγγος Græcè vas dicitur. Asserunt enim sic esse in Patre Filium, tanquam vas minus, intra vas majus.

48 Patritiani à quodam Patritio nuncupati sunt, qui substantiam humanæ carnis à diabolo conditam dicunt.

49 Coluthiani à quodam Colutho nominati, qui dicunt : Deum non facere mala, contra illud, quod scriptum est : Ego Dominus creans mala.

50 Floriani à Florino, qui è contrariò dicunt Deum creasse mala, contra id, quod scriptum est : Fecit Deus omnia bona.

Do-

(1) Hi semijudæi. Ita appellat Ebionem ad Gal. 3. Hieronym.

(2) Et ita tenent Evang. Ex eodem in L. cap. 1.

(3) Adversus quos ad Gal. Ex Tertull. præscript. ita paucissima verba trib. ex locis contexta.

(4) Photiniani. Hieron. de Vir. Illust. & Niceph. lib. 9. cap. 31. mendose apud Damascenum Smirnenis pro Syrmien. legitur.

(5) Ætiani—dicunt nullum imputari peccatum in fide manentium. Quorum furorem revocavit Lutherus.

(6) Origeniani—usque ad filium. Ex Hieronymi Apolog. Reliqua ex Aug. xi. de Civit. cap. 23.

(7) Antidicomaritæ. Qui, & Antidicomarianita ab Epiphanio, & Augustino dicuntur.

51 ⁽¹⁾ Donatistæ à Donato quodam Afro nuncupati, qui de Numidia veniens totam penè Africam sua persuasione decepit: asserens minorem Patre Filium, & minorem Filio Spiritum Sanctum, & rebaptizans Catholicos.

52 ⁽²⁾ Bonosiaci à Bonoso quodam Episcopo exorti produntur, qui Christum Filium Dei adoptivum non proprium asserunt.

53 ⁽³⁾ Circumcelliones dicti, eò quòd agrestes sunt, quos Cotopitas vocant, supradictæ hæresis habentes doctrinam. Hi amore martyrii semetipsos perimunt, ut violentè de hac vita discedentes martyres nominentur.

54 Priscillianistæ à Priscilliano vocati, qui in Hispania ex errore Gnosticorum, & Manichæorum permixtum dogma composuit.

55 ⁽⁴⁾ Luciferiani à Lucifero Sardinia Episcopo orti, qui Episcopos Catholicos, qui Constantii persecutione perfidiæ Arrianorum consentientes erant, & postea correcti redire in Catholicam delegerunt, damnantes, sive quod crediderant, sive quod se credidisse simulaverant, quos Ecclesia Catholica materno recepit sinu, tanquam Petrum post fletum negationis: hanc illi Matris charitatem superbè accipientes, eosque recipere nolentes ab Ecclesiæ communione recesserunt, & cum ipso Lucifero auctore

suo, qui manè oriebatur, cadere meruerunt.

56 Jovinianistæ à Joviniano, quodam Monacho dicti, asserentes nullam nuptiarum, & virginum esse distantiam, nullumque inter abstinentes, & simpliciter epulantes esse discrimen.

57 Elvidiani ab Elvidio nominati, qui dicunt post natum Christum, alios Mariam filios de viro Joseph peperisse.

58 Paterniani à Paterno, quodam exorti, inferiores corporis partes à diabolo factas opinantur.

59 Arabici nuncupati, eò quòd in Arabia exorti sunt, dicentes animam cum corpore mori, atque in novissimo utrumque resurgere.

60 Tertullianistæ dicti à Tertulliano Presbytero Africanæ Provinciæ, Civitatis Carthaginensis, animam immortalem esse, sed corpoream peccatorum post mortem in dæmones verti putantes.

61 Tessares Cædecatitæ dicti, quòd xiv. Luna Pascha cum Judæis observandum contendunt: nam τέσσαρες quatuor, δέκα decem significat.

62 ⁽⁵⁾ Nyctages à somno nuncupati, quòd vigilias noctis respuant, superstitionem esse dicentes: jura temerari divina, qui noctem ad requiem tribuit.

63 Pelagiani à Pelagio Monacho

exor-

(1) Donatistæ—decepit. Verba Hier. in Catalogo.

(2) Bonosiaci. Hi apud Aug. non sunt, & foras ab aliquo huc induci: cujus rei magnum argumentum, quòd antè circumcelliones leguntur, eosque à Donatistis contrà Isidori verba, mentemque separant. Nam circumcelliones Donatistas esse, non Bonosiacos manifestum est. Bonosiacos verò Photiniani adnumerat Innoc. I. in Ep. ad Laurent. Senen.

(3) Circumcelliones. Hi (ut ait Aug. in Ps. 81.) Agonistrios se nominabant, quod pro Christo cum demonio certarent. Eo verò circumcelliones dici, qui circumcellas vagarentur, nulloque in loco consistentes sedes quotidie mutarent. In Ovet. Goth. Tarrac. & Rom. Circilliones. Eisdem Aug. Montenses, Philast. circuitores appellat. Sed cum cotopitæ, coropitæ, catropitæ, catotopiscæ. (Tot n. aut pluribus modis hoc nomen in libris vet. legitur) Catoptæ. A. Aug. probatur. Illor. enim fuit non tantum se ipsos vario genere mortis interimere, sed aliis quoque in desertis locis insidiari, ut quos posenti in eundem furorem incitarent, sibi, ut mortem afferrent. Id nō effecissent, ipsi in illos saeviebant, necatosque pro martyribus colebant. Biotthanati dicuntur à Philastro.

(4) Luciferiani. Prima verba Aug. sunt in lib. de Hæresibus reliqua ex lib. de Agon. Chr. cap. 30. Sed voces ille auctore suo, quæ August. non sunt, rejici poterant. Fuit autem Lucifer Caralitan. Episc. Caralis vero Sardinia Urbis nobilis. Hujus stat adhuc liber. Vid. Hieron. lib. de Vir. Illust. & Niceph. lib. 10. cap. 17.

(5) Nyctages. Sive Nystages, vel Nystazantes à dormitando. Vid. lib. de Off. c. de Noctur. Vig.

exorti: hi liberum arbitrium divinæ gratiæ anteponunt, dicentes sufficere voluntatem ad implenda jussa divina.

64 Nestoriani à Nestorio Constantinopolitano Episcopo nuncupati, qui Beatam Virginem Mariam, non Dei, sed hominis tantummodò asseruit Genitricem, ut aliam personam carnis, aliam faceret Deitatis: nequè unum Christum in Verbo Dei, & carne credidit, sed separatim, atque se-junctim alterum Filium Dei, alterum hominis prædicavit.

65 Eutyechiani dicti ab Eutychē Constantinopolitano Abbate, qui Christum post humanam assumptionem negavit existere de duabus naturis, sed solam in eo divinam asseruit esse naturam.

66 ⁽¹⁾ Acephali dicti, id est, sine capite: nullus enim eorum reperitur auctor, à quo exorti sint. Hi trium Chalcedonensium capitulorum impugnatores duarum in Christo substantiarum proprietatem negant, & unam in ejus persona naturam prædicant.

67 ⁽²⁾ Theodosiani, & Gajanitæ appellati, à Theodosio, & Gajano, qui temporibus Justiniani Principis in Alexandria Populi perversi electione uno die sunt ordinati Episcopi. Hi errores Eutychetis, & Dioscori sequentes, Chalcedonense Consilium respuunt, ex duabus unam in Christo naturam asserunt, quam Theodosiani corruptam, Gajanitæ incorruptam contendunt.

68 ⁽³⁾ Agnoitæ, & Tritheitæ à Theodosianis exorti sunt, ex quibus Agnoitæ ab ignorantia dicti, quia perversitati, à qua exorti sunt, id adjiciunt, quòd Christi divinitas ignoret futura, quæ sunt scripta de die, & hora novissima, non recordantes Christi personam in Isaia loquentis: dies judicii in corde meo. Tritheitæ verò vocati, quòd sicut tres personas in Trinitate: ita quoquè tres adstruunt Deos esse contra illud, quod scriptum est: Audi Israël, Dominus Deus tuus, Deus unus est.

69 Sunt, & aliæ hæreses sine auctore, & sine nominibus: ex quibus aliæ triformem putant Deum esse: ⁽⁴⁾ aliæ Christi divinitatem passibilem dicunt: aliæ Christi de Patre nativitati initium temporis dant: aliæ ⁽⁵⁾ liberationem omnium apud inferos factam Christi descensione credunt: aliæ animam imaginem Dei negant: aliæ animas converti in dæmones, & in quæcumque animalia existimant: aliæ de mundi statu dissentiunt: aliæ innumerales mundos opinantur: aliæ aquam Deo coæternam faciunt: aliæ ⁽⁶⁾ nudis pedibus ambulant: aliæ cum hominibus non manducant.

70 Hæ sunt hæreses adversus Catholicam Fidem exortæ, & ab Apostolis, & Sanctis Patribus, vel Conciliis prædamnatæ: quæ dum in se multis erroribus divisæ, invicem sibi dissentiunt, communi tamen nomine adversus Ecclesiam Dei conspiciant.

(1) Aceph—Hi trium Chalcedon. capitulorum. Cur hæc tria capitula Chalcedonensia appellet, cum sint in quinta Synodo tractata; cur item eorumdem capitulorum D. Isidorus, aut debeat, aut non debeat defensor videri, vide Annot. Segobri- cen. Antistitis ad cap. 4. lib. de Vir. Illustrib.

(2) Theodosiani, & Gajanitæ. Illi corrupticolas, hi phantasiasta dicuntur in Breviario Liberati, quarum appellationum rationes explicat D. Thom. Quodlib. 4. Vid. notat. in Gratian. & Evagr. & Anastasium Bibliothecarium, quorum dicta sumpta sunt ex Petri Theophrasti libro qui in Vatican. asservatur.

(3) Agnoitæ, & Tritheitæ. Greg. lib. Registr. 8. Ep. 35. & 42. & Niceph. lib. 13. cap. 49. qui Agnoitarum Themistium sub Valente, Tritheitarum Joann. Philoponum sub Photia, nobiles Peripateticos Duces extitisse refert.

(4) Aliæ Christi divinitatem. Quos Græci *θεωαρχισ* vocant. Aliæ liberationem omnium. Ità omnino legendum ex tribus Codicibus Tolet. Salm. & Rom. & ex Aug. indice præfixo ad lib. de Hæresib. & opere ipso. Sic n. in indic. Liberationem omnium apud inferos factam Christi descensione credentes. In opere verò. Aliæ descendente ad inferos Christo credidisse incredulos, & omnes inde existimat liberatos.

(6) Aliæ nudis pedibus. Non quod ipsi nefas sit, sed quia ipsi nefas aliter ambulare putent.

rant. Sed, & quicumque aliter Scripturam Sanctam intelligit, quàm sensus Spiritus Sancti flagitat, à quo conscripta est, licet de Ecclesia non recesserit, tamen hæreticus appellari potest.

CAPUT VI.

De Philosophis gentium.

1 **P**hilosophi Græca appellatione vocantur, qui Latine amatores sapientiæ interpretantur. Est enim Philosophus, qui divinarum, & humanarum rerum scientiam habet, & omnem benè vivendi tramitem tenet. (1) Nomen Philosophorum primum à Pythagora fertur exortum. Nam dùm antea Græci veteres sophistas, i. sapientes, aut Doctores sapientiæ semetipsos jactantiùs nominarent, iste interrogatus, quid profiteretur? Verecundo nomine philosophum, i. amatorem sapientiæ se esse respondit, quoniam sapientem profiteri arrogantissimum videbatur. Ità deinceps posteris placuit: ut quantalibet de rebus ad sapientiam pertinentibus doctrina quisque, vel sibi, vel aliis videretur excellere, non nisi Philosophus vocaretur. (2) Idem autem Philosophi triplice genere dividuntur, nam aut Physici sunt, aut Ethici, aut Logici.

2 Physici dicti, quia de naturis tractant. Natura quippè φύσις Græcè vocatur.

3 Ethici, quia de moribus disputant. Mos enim νόμος apud Græcos appellatur.

4 Logici autem, quia in naturis, & moribus rationem adjungunt. Ratio

enim Græcè λόγος dicitur: Divisi sunt autem, & hi in hæresibus suis, (3) habentes quidam nomina ex auctoribus: ut Platonici, Epicurei, Pythagorici, alii à locis conventiculorum, & stationum suarum: ut Peripathetici, Stoici, Academici.

5 Platonici à Platone Philosopho dicti. Hi animarum creatorem esse Deum, corporum Angelos asserunt, post multos annorum circulos in diversa corpora redire animas dicunt.

6 Stoici à loco dicti. Porticus enim fuit Athenis, (4) quàm Pisanactiam, & Pœcilenstoam appellabant, in qua picta erant gesta sapientium, atque virorum fortium historiarum. In hac porticus sapientes philosophabantur, ex qua, & Stoici dicti sunt. Græcè enim porticus στωά dicitur. Hanc sectam primus Zeno instituit. Hi negant sine virtute effici quemquam Beatum. Omne peccatum uniforme esse asserunt, dicentes, sic ille nocens erit, qui paleas furatus fuerit, quàm qui aurum: qui mergum occiderit, quàm qui equum: non enim animal crimen, sed animus facit. Hi etiam animam cum corpore perire dicunt. Amant quoque virtutem continentia, affectant gloriam æternam, cùm se fateantur non esse æternos.

7 Academici appellati à villa Platonis Academia Athenarum, ubi idem Plato docebat. Hi omnia incerta opinantur: sed sicut fatendum est, multa incerta, & occulta esse, quæ voluit Deus excedere intelligentiam hominis: sic tamen plurima esse, quæ possint, & sensibus capi, & ratio-

R

tio-

(1) Cap. VI. Nomen Philosoph. Ex Aug. 8. de Civit. cap. 2. & Cic. Tuscul. 5.

(2) Idem autem phil. tripl. Aug. ibid.

(3) Habentes quidam nomina—Academici. Verba Tertull. in Apologet.

(4) Quam Pœcilenstoan. Ità veteres libri Pisanactiam impressi. Et quidem utroque modo constat eam porticum appellatam. Laert. in Zenon. ἀνακταίω ἢ ἐν τῇ ποικίλῃ· τῇ καὶ πεισιανταίῳ καλεμένη, ἀπὸ τῆς ὀψαφῆς τῆς Πεισιγνῶτης ποικίλῃς, ὅτι. Nisi πεισιανταίῳ, ex Plut. in Cimonis majoris, cujus verba sunt, καὶ διὰ τούτου φασὶν ἐν πεισιανταίῳ τῷ καλεσμένῃ, ποικίλῃ ἢ ἐν τῇ αἰ· ὅτι.

tione comprehendī. Hanc sectam ⁽¹⁾ Arcesilaus Cyrenaeus Philosophus reperit : ⁽²⁾ cuius sectator fuit Democritus , qui dixit tanquam in puteo alto , ita , ut fundus nullus sit : ita in occulto jacere veritatem.

8 Peripathetici à deambulatione dicti , eò quòd Aristoteles auctor eorum deambulans disputare solitus esset. Hi dicunt quamdam particulam animae esse aeternam , de reliquo magna ex parte mortalem.

9 ⁽³⁾ Cynici ab immunditia impudentiae nuncupati. Contrà humanam enim verecundiam in propatulo coire cum conjugibus eis mos erat : censes licitum , honestumque esse palam cum uxore concumbere , quia conjugium justum est , publicè id praedicantes agendum , ut canes in vicis , vel plateis. Undè , & à canibus , quorum vitam imitabantur , etiam vocabulum nomenque traxerunt.

10 Epicurei dicti ab Epicuro , quodam Philosopho amatore vanitatis non sapientiae , quem etiam ipsi Philosophi porcum nominaverunt : ⁽⁴⁾ quia se voluptans in coeno carnali , voluptatem corporis summum bonum asseruit , qui etiam dixit nulla providentia divina instructum esse , aut regi mundum. Sed originem rerum atomis , i. insecabilibus , ac solidis corporibus assignavit , quorum fortuitis concursuionibus universa nascuntur , & nata sint. Asseruit autem Deum nihil

agere , omnia constare corporibus , animam nihil aliud esse , quàm corpus. Undè , & dixit : Non ero postea quàm mortuus fuero.

11 Gymnosophistae nudi per opacas Indiae solitudines perhibentur philosophari , adhibentes tantum genitalibus tegmina : ⁽⁵⁾ gymnasium enim eò dictum est , quòd juvenes nudi exercentur in campo , ubi pudenda sola tantum operiunt , hi , & à generando se cohibent.

12 Theologi autem idem sunt , qui , & Physici : dicti autem Theologi , quoniam in scriptis suis de Deo dixerunt : quorum varia constat opinio , quid Deus esset , dum quaererent. Quidam enim corporeo sensu hunc mundum visibilem ex quatuor elementis Deum esse dixerunt , ut Dionysius Stoicus. Alii verò spiritualiter intellexerunt mentem esse Deum , ut Thales Milesius. Quidam animum in omnibus commentem , & ⁽⁶⁾ lucidum , & Pythagoras. Quidam Deum sine tempore incommutabilem , ut Plato. Quidam mentem solutam , ut Cicero. Quidam , & spiritum , & mentem , ut Maro. ⁽⁷⁾ Inventum enim solummodo Deum non , ut invenerunt , exposuerunt , quia evanuerunt in cogitationibus suis : dicentes enim se esse sapientes , stulti facti sunt. Platonici quidem Deum curatorem , & arbitrum , & judicem asserunt. Epicurei otiosum , & ⁽⁸⁾ inexercitatum. De mundo

(1) Arcesilaus Cyrenaeus. Vel quod voluptati deditus , vel quod Cyrenen navigavit , ibique Demetrium adolescentem perdidit adamari. Nam constat Pyrronem fuisse. Vid. Laert.

(2) Cuius sectator fuit Democritus. Non Arcesilai , quem constat Democrito longè posteriore fuisse , sed saeculae , vel ipsonis. Ergo id fuit , fuerit interpretare.

(3) Cynici ab immunditia impudentiae. Impudenti Anton. Augustinus.

(4) Quia se voluptans. Aug. in Ps. 73. in excensu Venetiis anno 1493. Et forte , qui dicit , cum mortuus fuero , nihil ero , & litteras didicit , & ab Epicuro didicit , hoc nescio , quo deliro Philosopho , vel potius amatore vanitatis , non sapientiae , quem ipsi etiam Philosophi porcum nominaverunt , quia voluptatem corporis summum bonum dixit. Horatius , cum ridere volens Epicuri de grege porcum.

(5) Gymnasium. Idem inf. lib. 18. cap. 17.

(6) Commemantem , & lucidum. Cic. 1. de Nat. Deor. Nam Pythagoras , qui censuit Deum animum esse per naturam rerum omnem intentum , & commemantem. Et Minutius in Octavio. Pythagorae l. eius est animus per universam naturam rerum commens , & intentus. Lucidum fortasse appellavit , quia apud Ciceronem non intentum , sed nitentem legitur.

(7) Inventum n. solummodo. Tertull. in Apologet. Inventum enim solummodo Deum , non ut invenerunt , disputaverunt. Isid. exposuerunt. Vulg. glorificaverunt , dōg n. & gloria est , & opinio.

(8) Et inexercitatum. Tertull. inexercitum.

do autem Platonici affirmant incorporealem, Stoici corporealem, Epicurus ex atomis, Pithagoras ex numeris, Heraclitus ex igne. Undè, & Varro ignem mundi animum dicit, proindè quòd in mundo ignis omnia gubernet, sicut animus in nobis. Quàm vanissimè : Qui cùm est, inquit, in nobis, ipsi sumus: cùm exit, emorimur. Ergò, & ⁽¹⁾ ignis cùm de mundo per fulgura proficiscitur, mundus emoritur. Hi ⁽²⁾ Philosophorum errores, etiam apud Ecclesiam induxerunt hæreses. ⁽³⁾ Indè *aiōnes*, & formæ nescio, quæ indè apud Arrium Trinitas nominis, & apud Valentinum, ⁽⁴⁾ Platonius furor. Indè Marcionis Deus melior de tranquillitate, à Stoicis enim venerat : & ut anima interire dicitur, Epicurus observatur : & ut carnis restitutio negetur, de una omnium Philosophorum schola sumitur : & ubi materia cum Deo æquatur, Zenonis disciplina est : & ubi quid de igneo Deo legitur, Heraclitus intervenit. Eadem materia apud Hæreticos, & Philosophos voluptatur, iidem retractatus implicantur.

CAPUT VII.

De Poëtis.

Poëtæ undè sint dicti, sic ait Tranquillus : Cùm primùm homines exuta feritate rationem vitæ habere cœpissent, seque, ac Deos suos nosse, cultum modicum, ac sermonem necessarium comenti sibi utriusque magnificentiam ad religionem deorum suorum excogitaverunt. Igitur,

ut templa illis domibus pulchriora, & simulacra corporibus ampliora faciebant: ità eloquio, etiam quasi augustiore honorandos putaverunt, laudesque eorum, & verbis illustrioribus, & jucundioribus numeris extulerunt. Id genus, quia forma quadam efficitur, quæ poësis dicitur, poëma vocitarum est, ejusque fictores, Poëtæ.

2 Vates à vi mentis appellatos, Varro auctor est : vel à viendis carminibus, id est, flectendis, hoc est, modulandis : & proindè Poëtæ Latine Vates olim : & scripta eorum vaticinia dicebantur, quòd vi quadam, & quasi vesania in scribendo commoverentur, vel quòd modis verba connecterent : Vire enim antiquis pro vincere ponebant. Etiam per furorem divini eodem erant nomine, quia, & ipsi quoque pleraque versibus efferebant.

3 Lyrici Poëtæ dicti ἀπὸ τοῦ λυρεῖν, i. à varietate carminum. Undè, & lyra dicta.

4 Tragici dicti, quòd initio canentibus præmium erat hircus, quem Græci τράγων vocant. Undè, & Horatius : Carmine, qui trágico vilem certavit ob hircum. Jam dehinc sequentes Tragici multum honorem adepti sunt, excellentes in argumentis fabularum ad veritatis imaginem fictis.

5 Comici appellati, sivè à loco, quia circum pagos agebant, quos Græci κώμας vocant, sivè à comessatione. Solebant enim post cibum homines ad eos audiendos venire. Sed Comici privatorum hominum prædicant acta: Tragici verò res publicas, & regum

R 2

his-

(1) Ignis cùm de mundo. Id est, Cælo, ut sup. lib. 3. cap. 63.

(2) Hi Philosophorum errores. Omnia, usque ad finem ex Tertull. præscript. ex quo aliqua correximus non repugnansibus libris ms.

(3) Indè *Æones*, & forma nescio, qua inde apud Arrium Trinitas nominis, & apud Valentinum.

(4) Platonius furor. Non dicissimus à veteribus lib. quorum magnus, hoc loco, consensus. Chacon ità ex Tertull. Indè *Æon*, e. f. n. q. & trinitas hominis apud Valentinum, Platonius fuerat. Nos verò nominis retinimus. Nam quamvis utrumque in Valent. cadat, quia tria hominum genera inducit : πνευματικὸν, ψυχικὸν, καὶ σαρκικὸν, ut est in lib. contra Valentinianos; tamen si Arrium cùm Valentino copulavit Isidorus *Æonem* primum trinomium fuisse suspicemur. Ità m. sed, in libro Præscript. sed, & cum genealogias indeterminatas nominat, Valentinus agnoscitur, apud quem *Æon* ille nescio, qui novi, & non unius nominis generat è sua charitate sensum, & veritatem, &c.

historias: itè Tragicorum argumenta ex rebus luctuosos sunt, Comicorum ex rebus latis.

6 ⁽¹⁾ Duo sunt autem genera Comicorum, i. veteres, & novi. Veteres, qui, & joco ridiculares exiterunt: ut Plautus, Aëtius, Terentius. Novi, qui, & Satyrici, à quibus generalitèr vitia carpuntur: ut Flaccus, Persius, Juvenalis, & alii: hi enim universorum delicta corripiunt: nèc vetabatur eis pessimum quemque describere, nèc cujuslibet peccata, moresque reprehendere. Undè, & nudi pinguntur, cò quòd per eos vitia singula denudentur.

7 ⁽²⁾ Satyrici autem dicti, sive quòd pleni sint omni facundia, sive à satiritate, & copia. De pluribus enim simul rebus loquuntur, seu ab illa lance, quæ referta diversis frugum, vel pomorum generibus ad templa gentilium solebat deferri: aut à Satyris nomen tractum, qui inulta habent, ea quæ per vinolentiam dicuntur.

8 ⁽³⁾ Quidam autem Poëtæ Theologi dicti sunt, quoniam de iis carmina faciebant.

9 ⁽⁴⁾ Officium autem Poëtæ in eo est: ut ea, quæ verè gesta sunt in alias species obliquis figurationibus cum decore aliquo conversa transducant. ⁽⁵⁾ Undè, & Lucanus idè in numero Poëtarum non ponitur, quia videtur historiam composuisse non poemam. ⁽⁶⁾ Apud Poëtæ autem tres caractères sunt dicendi: unus in quo tantum Poëta lo-

quitur, ut est in libris Virgilii Georgicorum. Alius dramaticus, in quo nusquam Poëta loquitur, ut est in Comœdiis, & Tragœdiis. Tertius mixtus, ut est in Æneide. Nam Poëta illic, & introductæ personæ loquuntur.

CAPUT VIII.

De Sibyllis.

I Sibyllæ generalitèr dicuntur omnes foemina vates lingua Græca. Nam ⁽⁷⁾ Σιδὸς Æolico sermone Deus, βουλήν Græci mentem nuncupant, quasi Dei mentem. Proinde igitur, quia divinam voluntatem hominibus interpretari solebant, Sibyllæ nominatæ sunt. Sicut enim omnis vir prophetans, vel vates dicitur, vel Propheta: ita omnis foemina prophetans Sibylla vocatur: Quod nomen ex officio, non ex proprietate vocabuli est.

2 Decem autem Sibyllæ à doctissimis auctoribus traduntur fuisse. Quarum prima de Persis fuit. Secunda Lybissa. Tertia Delphica in templo Delphici Apollinis genita, ⁽⁸⁾ quæ antè Trojana bella vaticinata est, cujus plurimos versus operi suo Homerus inseruit. Quarta Cimmeria in Italia. Quinta Erythræa nomine ⁽⁹⁾ Herophylla in Babylone orta, quæ Græcis Ælium petentibus vaticinata est perituram esse Trojam, & Homerum mendacia scripturum. Dicta autem Erythræa, quia in eadem Insula, ejus inventa sunt carmina. ⁽¹⁰⁾ Sexta Samia, quæ Phemo-

noe

(1) Cap. VII. Duo sunt autem genera Comicorum. Successisse Poëtæ Satyricos in locum veteris Comœdiæ, cujus licentia lege compressa sit, notum ex Horatio: sed aut hos novos Comicos, aut Plautum, & Terentium veteres dictos, aut Accium Comicum fuisse, quis credat? Neque mihi dubium quin, aut hæc aliena, aut valde depravata sint.

(2) Satyrici autem dicti. Vid. quæ sup. lib. 5. de Leg. Satyr.

(3) Quidam autem Poëtæ. Aug. lib. 18. de Civit. cap. 14.

(4) Officium autem Poëtæ. Verba Lat. lib. 1. cap. 11.

(5) Undè, & Lucan. de Serv. Æn. 5. ad v. Matre dea monst. viam.

(6) Apud Poëtæ. Ex eodem Eclog. 3.

(7) Cap. VIII. Σιδὸς. Ex Lat. lib. 1. cap. 6. & Serv. Æn. 3.

(8) Quæ antè Troj. & Solin. cap. 8.

(9) Herophylla. Vel Heriphile. Sed magna omnino in Sybillar. nominibus confusio. Nam Demophilen, Amaltheam, Cumanamque eandem, cum Herophila facit, ex Varrone, Lactantius. Vid. Suid. & Vin. ad lib. de Civit.

(10) Samia quæ Phemonoe. Samia à Suida ex Eratosthene Phyo vocatur. Phemonoe verò Delphica fuisse videtur. Pausan. in Phocæis, de Delphico oraculo. μυῖσις ἡ παρὰ Πηλίου τις φημιόνης δόξα ἣτις ὡς πρόμαντις γινώσκει τὰ φημιόνα ἢ δὲ πρῶτον, καὶ πρῶτον τὸ ἱερόμαχον ἦεν. Et Strab. lib. 9. πρῶτον ἡ φημιόνη φασὶ γινώσκει αὐτίκας. Lucanus quoque Phemonoen Delphici facit Appio responsa dantem.

noe dicta est à Samo Insula, undè fuit cognominata: Septima Cumana nomine Amalthæa, quæ novem libros attulit Tarquinio Prisco, ⁽¹⁾ in quibus erant decreta Romana conscripta. Ipsa est, & Cumæa, de qua Virgilius: Ultima Cumæi venit jam carminis ætas. Dicta autem Cumana à Civitate Cumis, quæ est in Campania, cujus sepulchrum in Sicilia adhuc manet. Octava Hellespontia in agro Trojano nata, quæ scribitur Solonis, & Cyri fuisse temporibus. Nona Phygria, quæ vaticinata est Ancyra. Decima Tyburtina nomine Albunea. Quarum omnium carmina efferuntur, in quibus de Deo, & de Christo, & gentibus multa scripsisse manifestissime comprobantur, celebrior autem inter cæteras, ac nobilior Erythræa prohibetur.

CAPUT IX.

De Magis.

¹ **M**agorum ⁽²⁾ primus Zoroastes Rex Bactrianorum, quem Ninus Rex Assyriorum prælio interfecit, de ⁽³⁾ quo Aristoteles scribit, quod vices centum millia versuum ab ipso condita indicii voluminum ejus declarentur. Hanc artem multa post sæcula Democritus ampliavit, quando, & Hippocrates Medicinæ disciplina effloruit. Apud Assyrios autem magicæ artes copiosæ sunt, testante Lucano, quis noscere fibra Fata queat, quis prodat aves, quis fulgura Cœli servet, & Assyria scrutetur sidera cu-

ra? Itaque hæc vanitas magicarum artium, ⁽⁴⁾ ex traditione Angelorum malorum in toto terrarum orbe plurimis sæculis valuit, per quamdam scientiam futurorum, & infernorum evocationes. Eorum inventa sunt aruspicia, augurationes, & ipsa, quæ dicuntur oracula, & necromantia. Nèc mirum de magorum præstigiis, quorum in tantum prodire maleficiorum artes: ut etiam Moysi simillimis signis resisterent, vertentes virgas in dracones, aquas in sanguinem.

2 ⁽⁵⁾ Fertur, & quædam maga famosissima Circe, quæ socios Ulyssis mutavit in bestias. Legitur, & de sacrificio, quod arcades Deo suo Lycæo immolabant, ex quo quicumque sumerent, in bestiarum formas convertebantur: Hinc apparet, non esse in totum dubium, quod ⁽⁶⁾ nobilis ille Poëta scripsit de quadam fœmina, quæ magicis artibus excellebat. Hæc, inquit, se carminibus promittit solvere mentes, quas velit, ast aliis duras immittere curas: Sistere aquam fluviiis, & vertere sidera retrò: Nocturnosque ciet manes, mugire videbis subpedibus terram, & descendere montibus ornos. Quid plura? Si ⁽⁷⁾ credere fas est, de Pythonissa, ut Prophetæ Samuelis animam de inferni abditis evocaret, & vivorum præsentaret conspectibus, si tamen animam Prophetæ fuisse credamus, & non aliquam phantasmaticam illusionem Satanæ fallacia factam. ⁽⁸⁾ Prudentius quoque

R 3 de

(1) In quibus erant decreta. à Serv. Æn. 6. ad v. Hic ego namque tuas sortes. Sed remedia non decreta apud Serv. Servia volebat Chacon.

(2) Cap. IX. Magor. primus. August. 1. de Civit. cap. 14.

(3) De quo Arist. Ex Plin. lib. 30. cap. 1. Sed Plinius Hermippum non Aristotelem citare videtur. Lapsus in eo, quod Plinii verba de Aristotele non precedentibus, (ut debuit) sed subsequentibus attexit Isidorus.

(4) Ex traditione Angelorum malorum. Ex Laët. lib. 2. cap. 16. & Tertull. in Apolog. Eadem officia dependunt, & qui Astrologos, & Auspices, & Augures, & Magos de Cæsaris capite consultant, quas Artes, ut ab Angelis descriptoribus proditas, & à Deo interdictas, ne causis quidem suis adhibeant Christiani.

(5) Fertur, & quædam, convertit. Ex Augustin. 18. de Civit. cap. 17.

(6) Nobilis ille, oïta. Eiusdem.

(7) Si credere fas est. Problema à nostris Theologis multum vexatum. Vid. Hieron. Is. 7. Cyrill. lib. 6. de Adorat. Ang. ad Simplician. & D. Thom. non uno in loco.

(8) Prudentius quoque. Lib. contra Symmach.

de Mercurio sic ait : Traditur extinctas sumptæ moderaminē virgæ : In lucem revocasse animas. Ast alias damnasce neci. -- Et post paullulum adjecit : Murmure nam magico tenues excire figuras, atquē sepulchrales scitē incantare favillas. Vita itidē spoliare alios ars noxia novit.

3 ⁽¹⁾ Magi sunt, qui vulgò malefici ob facinorum magnitudinem nuncupantur. Hi, & elementa concutiunt, turbant mentes hominum, ac sine ullo veneni haustu violentia tantum carminis interimunt. Undē, & Lucanus: Mens hausti nulla sanie polluta veneni ⁽²⁾ Incantata perit. Dæmonibus enim accitis ⁽³⁾ audent ventilare: ut quisque suos perimat malis artibus inimicos. Hi ⁽⁴⁾ etiam sanguine utuntur, & victimis, & sæpē contingunt corpora mortuorum.

4 Necromantii sunt, quorum præcantationibus videntur resuscitati mortui divinare, & ad interrogata respondere. *Nex pōs* enim Græcē mortuus, *μαρτεία* divinatio nuncupatur, ⁽⁵⁾ ad quos sciscitandos, cadaveri sanguis adjicitur: nam amare dæmones sanguinem dicunt: ideoque, quotiēs necromantia fit, cruor aqua miscetur: ut colore sanguinis facilius provocentur.

5 Hydromantii ab aqua dicti. ⁽⁶⁾ Est enim hydromantia in aquæ inspectione umbras dæmonum evocare,

& imagines, vel ludificationes eorum videre, ibique ab eis aliqua audire, ubi adhibito sanguine ⁽⁷⁾ etiam inferos perhibentur sciscitari. Quod genus divinationis à ⁽⁸⁾ Persis dicitur allatum. Varro dicit: Divinationis quatuor esse genera, terram, aquam, aërem, ignem. Hinc Geomantiam, Hydromantiam, Aëromantiam, Pyromantiam.

6 Divini dicti, quasi Deo pleni: divinitate enim se plenos assimilant, & astutia quadam fraudulenta hominibus futura conjectant.

7 Duo sunt autem genera divinationis: ars, & furor.

8 ⁽⁹⁾ Incantatores dicti sunt, qui artem verbis peragunt.

9 Arioli vocati, propter quod circa aras idolorum nefarias preces emittunt, & funesta sacrificia offerunt: iisque celebritatibus dæmonum responsa accipiunt.

10 ⁽¹⁰⁾ Aruspices nuncupati, quasi horarum inspectores. (dies enim, & horas in agendis negotiis, operibusque custodiunt, & quid per singula tempora observare debeat homo, intendunt) Hi etiam extra pecudum inspiciunt, & ex eis futura prædicunt.

11 Augures sunt, qui volatus avium, & voces intendunt, aliaque signa rerum, vel observationes improvisas hominibus occurrentes, iidem, & auspices. ⁽¹¹⁾ Nam auspicia sunt, quæ iter facientes observant. Dicta sunt

(1) Magi sunt, qui vulgò malef. Verba Hieronymi Daniël 2. eadem Augustin. 21. de Civit. cap. 9. & Laër. lib. 2. cap. 17. (2) Incantata perit. Excantata. Apud Lucan. Horatius quoque. Quæ sidera excantata voce Thessala, Lunæque Cælo decipit.

(3) Audent ventilare. Etiam Quintilianus præstigiores ventilatores vocat.

(4) Hi etiam sang. -- mortuorum. Ex Hieron. Dan. 2.

(5) Ad quos suscitand. & Serv. Æn. 6. ad v. Præterea jacet exan.

(6) Est n. hydrom. Ex Ang. 7. de Civit. cap. ultim.

(7) Etiam inferos perhib. sciscit. Ex eodem.

(8) A Persis allatum Varro dicit. Divinationis, &c. Secuti sumus Augustinum, non veteres libros, quorum hac scriptura: à Persis fertur allatum. Varro dicit divinationis, &c. Illud enim ex Augustino constat, hoc de Varrone non audent affirmare. Forma autem per infinita verba loquendi frequens Isidoro, ut antea annotavimus.

(9) Incantatores. Ex Hieron. Dan. 2.

(10) Aruspices. Donat. in Phorm. Aruspices harugarum inspectores, i. hostiar. ergo verba illa. Dies enim, & horas, intendunt, & margine adscita credimus. Cum Isidorus scripsisset. Aruspices harugarum (vel haruigarum ex Festo) inspectores. Hi extra inspic. &c.

(11) Nam auspicia sunt, quæ iter facientes observ. Horat. Cui si vitiosa libido fecerit auspiciū, cras ferramenta Thecanum Tolleris fabri. Sed exemplor. plena sunt omnia.

sunt autem auspicia, quasi avium aspiciat: & auguria, quasi avium garrula, hoc est, avium voces, & linguæ,
(1) Itē augurium, quasi avigerium, quod aves gerunt.

12 Duo sunt autem genera auspiciorum: unum ad oculos: alterum ad aures pertinens. Ad oculos, scilicet, volatus: ad aures, vox avium.

13 (2) Pythones à Pythio Apolline dicti, quod is auctor fuerit divi-
nandi.

14 Astrologi dicti, eò quod in astris augurantur.

15 (3) Genethliaci appellati propter natalium considerationes dierum. Genes enim hominum per duodecim Coeli signa describunt, siderumque cursu nascentium mores, actus, & ventus prædicere conantur, id est, quis quali signo fuerit natus, aut quem effectum habeat vitæ, qui nascitur. Hi sunt, qui vulgò Mathematici vocantur: cujus superstitionis genus constellationes Latini vocant, id est, notationes siderum, quomodo se habeant cum quisque nascitur. Primum autem (4) iidem Stellarum interpretes magi nuncupabantur: sicut de his legitur, qui in Evangelio natum Christum annuntiaverunt: postea hoc nomine soli Mathematici. (5) Cujus artis scientia, usque ad Evangelium fuit concessa: ut Christo edito nemo exinde nativitatem alicujus de Cœlo interpretaretur.

16 Horoscopi dicti, quod horas nativitatis hominum speculantur

dissimili, & diverso fato.

17 Sortilegi sunt, qui sub nomine fictæ religionis per quasdam, quas Sanctorum sortes vocant, divinationis scientiam profitentur, aut quarumcunque scripturarum inspectione futura promittunt.

18 (6) Salisatores vocati sunt, quia dum eis membrorum quæcumque partes salierint, aliquid sibi exinde prosperum, seu triste significare prædicunt. (7) Ad hæc omnia pertinent, & ligaturæ execrabilium remediorum, quæ ars Medicorum condemnat: (8) sive in præcantationibus, sive in characteribus, vel in quibuscumque rebus suspendendis, atque ligandis. In quibus omnibus ars dæmonum est ex quadam pestifera societate hominum, & Angelorum malorum exorta. Unde cuncta vitanda sunt à Christiano, & omni penitus execratione repudianda, atque damnanda.

19 Auguria autem avium Phryges primi invenerunt.

20 Præstigium verò Mercurius primus dicitur invenisse. Dictum autem præstigium, quod præstingat aciem oculorum.

21 Aruspiciæ artem primus Hetruscis tradidisse dicitur (9) quidam Tages. Hic ex (10) oris aruspiciam dictavit, & postea non apparuit. Nam dicitur fabulosè, arante, quodam rustico, subito hunc ex glebis exiluisse, & aruspiciam dictasse, qua die, & mortuus est. Quos libros Romani ex Hetrusca lingua in propriam mutaverunt.

CA-

(1) Angurium q. avigerium. *Serv. Aen. 5.*

(2) Pythones. *Al. Pythionisse.*

(3) Genethliaci. *Aug. 2. de Doctr. Chr. cap. 21. & Hier. Dan. 2.*

(4) Iidem Stellar. interp. *Ex Tertull. de Idololat.*

(5) Cujus artis scient. *Ex eodem.*

(6) Salisatores. *Al. Salitores. Gloss. Salisatio. παρὰ δὲ, extat libellus Melampodis Ægyptii πρὸς παρὰ μὲν. Vid. Justin. Martyr. in Respons. ad Orthodox. interrog. 19. Malc Cælius, & Vives Salisatores vocant.*

(7) Ad hæc omnia pertinent. *Ex Augustin. 2. de Doctr. Christ. cap. 20.*

(8) Sive in præcant. sive in char. *Vid. D. Thom. 3. cont. Gent. cap. 105.*

(9) Quidam Tages. *Ex Cic. 2. de Divin. Columel. Hinc caput Ascadici nudum cute ferru aselli Tyrthenus fixisse Tages in limite ruris.*

(10) Ex oris. *f. exarans, vel ex arvis.*

CAPUT X.

De Paganis.

1 **P**Agani ⁽¹⁾ ex pagis Atheniensium dicti ubi exorti sunt. Ibi enim in locis agrestibus, & pagis gentiles lucos, idolaque statuerunt, & à tali initio vocabulum Pagani sortiti sunt.

2 Gentiles sunt, qui sine lege sunt, & nondum crediderunt. Dicti autem Gentiles, quia ita sunt: ut fuerunt geniti, id est, sicut in carne descenderunt sub peccato, scilicet, idolis servientes, & necdum regenerati. Proinde Gentiles primitus nuncupantur: ipsi dicuntur Græcè Ethnici: Ethnici enim ex Græco in Latinum interpretantur Gentiles, ⁽²⁾ γένος enim Græcè gens dicitur. Post fidem autem non debent vocari gentes, sivè Gentiles, hi, qui ex gentibus credunt: sicut post fidem dici jam non potest Judæus, testante Paulo Apostolo, & dicente jam Christianis: Quoniam cum gentes essetis, hoc est, infideles.

3 Apostatæ dicuntur, qui post Baptismum Christi susceptum ad idolorum cultum, & sacrificiorum contaminationes revertuntur. Est autem nomen Græcum.

CAPUT XI.

De Diis gentium.

1 **Q**Uos Pagani Deos asserunt, homines olim fuisse produntur, & pro uniuscujusque vita, vel meritis coli, apud suos post mortem cœperunt: ut ⁽²⁾ apud

Ægyptum Isis, apud Cretam Jovis, ⁽³⁾ apud Mauros Juba, apud Latinos Faunus, apud Romanos Quirinus. Eodem quoque modò: apud Athenas Minerva, apud Samum Juno, apud Paphos Venus, apud Lemnos Vulcanus, apud Naxos Liber, apud Delphos Apollo: in quorum etiam laudibus accesserunt Poætæ, & compositis carminibus in Cœlum eos substulerunt. Nam quarundam adinventiones artium cultum peperisse dicuntur, ut Æsculapio medicina, Vulcano fabrica. ⁽⁴⁾ Ab actibus autem vocantur, ut Mercurius, quòd mercibus præest: Liber à libertate. Fuerunt etiam, & quidam viri fortes, aut Urbium conditores, quibus mortuis homines, qui eos dilexerunt, ⁽⁵⁾ simulacra finxerunt: ut haberent aliquod ex imaginum contemplatione solatium, sed paulatim hunc errorem persuadentibus dæmonibus, ita in posteris constat irrepsisse: ut quos illi pro sola nominis memoria honoraverunt successores Deos existimarent, atque colerent.

2 Simulacrorum usus exortus est, cum ex desiderio mortuorum constituerentur imagines, vel effigies, tanquam in Cœlum receptis, pro quibus se in terris dæmones colendos supposuerunt, & sibi sacrificari à deceptis, & perditis persuaserunt. Simulacra autem à similitudine nuncupata, eò quòd manu artificis ex lapide alia vè materia eorum vultus imitantur, in quorum honorem finguntur. Ergò simulacra, vel pro eo, quòd sunt similia, vel pro eo, quòd simulata, atque conficta, undè, & falsa sunt. Et notandum

(1) Cap. X. Pagani dicti. *Athenas in pagos divinos ostendunt pagorum ipsorum nomina Areopagus, Cronopagus, & alia. Sed melius Festus. Pagani dicti à pagis, pagi dicti à fontibus, quòd eadem aqua uterentur, nam αἶγαι lingua Dorica fontes.*

(2) Cap. XI. Apud Ægypt. Is. Ex *Lat.* 1. cap. 15.

(3) Apud Mauros Juba. *Qui in captivitate ex Barbaro doctissimus factus scripsit historiam. Minutius Fel. in Oñav. African. & Plutarch.*

(4) Ab actibus. à Serv. *Æn.* 4. ad v. Sacra Jovi Strig.

(5) Simulacra finx. Ex *Lat.*

dum quòd ⁽¹⁾ Latinus sermo sit in Hebraeis. Apud eos enim idolum, sive simulacrum Selem, dicitur. Judæi dicunt, quòd Ismaël primus simulacrum luto fecerit. Gentiles autem primum ⁽²⁾ Prometheum simulacra hominum de luto finxisse perhibent: ab eoque natam esse artem simulacra, & statuas fingendi. Undè, & Poëtæ ab eo homines primum factos esse confingunt figuratè propter effigies. Apud Græcos autem ⁽³⁾ Cecrops sub quo primum in arce oliva orta est, & Atheniensium Urbs ⁽⁴⁾ ex Minervæ appellatione nomen sortita est. Hic primus omnium Jovem appellavit, simulacra reperit, aras statuit, victimas immolavit, nequaquam istius modi rebus in Græcia unquam visis.

3 Idolatria idolorum servitus, sive cultura interpretatur. Nam λατρεία Græcè, Latine servitus dicitur, ⁽⁵⁾ quæ quantum ad veram religionem attinet, non nisi uni, & soli Deo debetur. Hanc sicut impia superbia, sive hominum, sive dæmonum, sibi exhiberi, vel jubet, vel cupit: ita pia humilitas, vel hominum, vel Angelorum Sanctorum, sibi oblatam recusat, & cui debetur ostendit. Idolum autem est simulacrum, quod humana effigie factum, & consecratum est juxta vocabuli interpretationem, ⁽⁶⁾ εἶδος enim Græcè formam sonat, ab eo per diminutionem idolum deductum, æquè apud nos formulam facit. Igitur omnis forma, vel formula idolum se dici exposcit. Indè idolatria omnis circa idolum famulatus, & servitus. Quidam verò Lati-

ni ignorantes Græcè imperitè dicunt, idolum ex dolo sumpsisse nomen, quod diabolus creaturæ cultum divini nominis invexit.

4 ⁽⁷⁾ Dæmonas à Græcis dictos ajunt, quasi δαίμονας, id est, peritos, ac rerum scios. Præsciunt enim futura multa, undè, & solent responsa aliqua dare. ⁽⁸⁾ Inest enim illis cognitio rerum plusquam infirmitati humanæ, partim subtilioris sensus acumine, partim experientia longissimæ vitæ, partim per Dei jussum angelica revelatione, hi corporum aëreorum natura vigent. ⁽⁹⁾ Antè transgressionem quidem cœlestia corpora gerebant. Lapsi vero, in aëream qualitatem conversi sunt, nèc aëris illius puriora spatia, sed ista caliginosa tenere permisi sunt, qui eis quasi carcer est, usque ad tempus judicii. Hi sunt prævaricatores Angeli, quorum Princeps diabolus est.

5 ⁽¹⁰⁾ Diabolus Hebraicè dicitur deorsum fluens, quia quietus in Cœli culmine stare contempsit: sed superbiæ pondere deorsum corruens cecidit. Græcè verò diabolus criminator vocatur, vel quod crimina in quæ ipse illicit ad Deum referat: vel quia electorum innocentiam criminibus fictis accuset: undè, & in Apocalypsi voce Angelica dicitur: Projectus est accusator fratrum nostrorum, qui accusabat illos in conspectu Dei nostri die, ac nocte. Satanas in Latinum sonat adversarius, sive transgressor: ipse enim est adversarius, qui est veritatis inimicus, & semper Sanctorum virtutibus contraire nititur: ipse, & transgressor, quia

(1) Latinus sermo sit in Heb. Est זלם zelem imago, vel simulacrum.

(2) Prometheus simul. Ex Lat. lib. 2. cap. 10.

(3) Cecrops sub quo. Integer locus ex Euseb. Chron.

(4) Ex Minervæ appell. Nam Minerva, Ἀθήνη.

(5) Quæ quantum ad relig. Alioquin in λατρεία, & λατρίων latior serviendi significatio.

(6) Idos enim Græc. Ex Tertull. de Idol.

(7) Dæmones. Ex Lat. 2. cap. 14. & Serv. Æn. 3.

(8) Inest enim illis cognit. Ex August. 2. de Gen. ad lit. cap. 17.

(9) Antè transg. Ex eodem lib. 3. cap. 10.

(10) Diabol. Hebrai. σατανάς. Ex Hieronym. ad Ephes. 6.

quia prævaricator effectus in veritate, qua conditus est, non esterit: idem, & tentator, quia tentandam justorum innocentiam postulat: sicut in Job scribitur.

6 Antichristus appellatur, quia contra Christum venturus est. Non quomodo quidam simplices intelligunt, Antichristum ideò dictum, quod ante Christum venturus sit, id est, post eum veniat Christus: non sic, sed Antichristus Græcè dicitur, quod est Latinè contrarius Christo: ἀντί enim Græcè in Latinum contra significat. Christum enim se mentietur, dum venerit, & contra eum dimicabit, & adversabitur Sacramentis Christi, ut veritatis ejus Evangelium solvat. Nam, & templum Hierosolymis reparare, & omnes veteris legis ceremonias restaurare tentabit: ⁽¹⁾ sed, & ille Antichristus est, qui negat esse Deum Christum, contrarius enim Christo est: omnes enim, qui exeunt de Ecclesia, & ab unitate fidei præciduntur, & ipsi Antichristi sunt.

7 Bel, idolum Babylonium est, quod interpretatur Vetus: fuit enim hic Belus pater Nini primus Rex Assyriorum, quem quidam Saturnum appellant, ⁽²⁾ quod nomen, & apud Assyrios, & apud Afros postea cultum est, ⁽³⁾ unde, & lingua Punica Bal Deus dicitur. Apud Assyrios autem Bel vocatur, quadam sacrorum suorum ratione, & Saturnus, & Sol.

8 Beelphegor interpretatur simulacrum ignominie: idolum ⁽⁴⁾ enim

fuit Moab cognomento Baal super Montem Phegor, quem Latini Priapum vocant, Deum hortorum. Fuit enim de Lampsaco Civitate Hellesponti, de qua pulsus est, & propter virilis membri magnitudinem in numerum deorum suorum eum Græci transtulerunt, & in numen sacraverunt hortorum, unde, & dicitur præesse hortis propter eorum foecunditatem.

9 ⁽⁵⁾ Beelzebub idolum fuit Accaron, quod interpretatur vir muscarum: Zebub enim musca vocatur. Spurcissimum igitur idolum, ideò vir muscarum vocatur, propter sordes idololatriæ, sive propter immunditiam.

10 Belial.----

11 ⁽⁶⁾ Behemoth ex Hebræa voce in Latinam linguam animal sonat, propter quod de excelsis ad terrena cecidit, & pro merito suo, ut animal brutum effectus sit. Ipse est, & Leviathan, i. serpens de aquis, quia in hujus sæculi mari, volubili versatur astutia. ⁽⁷⁾ Leviathan autem interpretatur additamentum eorum, quorum scilicet, nisi hominum: quibus in paradiso semel culpam prævaricationis intulit: & hanc usque ad æternam mortem quotidie persuadendo adjicit, vel extendit.

11 ⁽⁸⁾ Quædam autem nomina deorum suorum gentiles per vanas fabulas ad rationes physicas conantur traducere, eaque in causis elementorum composita esse interpretantur, sed hoc à Poëtis totum fictum est: ut Deos suos

(1) Sed, & ille Antichrist. Ex Tertull. *præscript.*

(2) Quod nomen apud Assyri. à Serv. *Æn.* 1. ad v. Quia Belus, & omnes à Belo. s.

(3) Unde, & ling. Pun. Ex Hieronym. in *Ezech.* 23. Idolum Baal, sive Bel, & ut apertius dicam Belis, Assyriorum religio est consecrata à Nino Belis filio in honore n patris, quem cum Saturno eundem facit. Is. 46.

(4) Idolum fuit Moabitar. Ex eodem lib. de locis Hebr. in voce Fegor. & Os. cap. 9. & Serv. Georg. 4. ad v. Hellespontiaci serv. tut. l'.

(5) Beelzebub. Hieron. *Eccles.* 10. & Matth. 10. Idem Græcis ἀπομυς, i. muscarum de Pulsor. quod muscas ab Olympo abegerit trans Alpheum: sive is Jupiter, ut Pausanias velle videtur, sive Hercules fuerit.

(6) Behemoth. Verba Greg. 32. Mor. cap. 10.

(7) Leviath. Ex Greg. 33. cap. 13.

(8) Quædam autem nomina Deor. Cic. de *Natura Deor.*

suos ornarent aliquibus figuris, quos perditos, ac decoris infamia plenos fuisse historiæ consentitur: omninò enim fingendi locus vacat, ubi veritas cessat.

12 Saturnus origo deorum, & totius posteritatis à Paganis designatur, ⁽¹⁾ hunc Latini à satu appellatum ferunt, quasi ad ipsum satio omnium pertineat rerum, vel à temporis longitudine, quòd saturaretur annis. ⁽²⁾ Undè eum Græci *κρόνος* nomen habere dicunt, quasi *χρόνος*, i. tempus, quod filios suos fertur devorasse, hoc est, annos, quos tempus produxerit in se revolvit, ⁽³⁾ vel eo quod semina, undè oriuntur, iterum redeunt. Hunc Coeli patris abscondisse genitalia dicunt, quia nihil in Cœlo de seminibus nascitur. Falcem tenet, inquit, propter agriculturam significandam, vel propter annos, & temporà quòd in se redeant, vel propter sapientiam quòd intus acuta sit. In aliquibus autem Civitatibus Saturno liberos suos Gentiles immolabant, quod Saturnum Poëtæ liberos suos devorasse solitum tradiderunt.

13 Jovis fertur à juvando dictus, & Jupiter quasi juvans pater, hoc est, omnibus præstans. Hunc, & privato titulo Jovem optimum dixerunt, dùm fuisset incestus in suis, impudicus in extraneis. Quèm modò taurum fingunt propter Europæ raptum, fuit enim in navi cujus insigne erat taurus: ⁽⁴⁾ modò Danaes per imbrem aureum appetiisse concubitus, ubi intelligitur pudicitiam mulieris ab auro fuisse cor-

ruptam, modò in similitudinem aquilæ, propter quod puerum ad stuprum rapuerit: modò serpentem, quia rep-taverit: & cygnum, quia cantaverit. Et idè non figuræ istæ sunt, sed planè de veritate scelera, undè turpe erat tales Deos credi, quales homines esse non debeant.

14 ⁽⁵⁾ Janum dicunt, quasi mundi, vel Cœli, vel mensium januam: duas Jani facies faciunt, propter Orientem, & Occidentem. Cùm verò faciunt eum quadrifrontem, & Janum geminum appellant, ad quatuor mundi partes hoc referunt, vel ad quatuor elementa, sive tempora. Sed dùm hoc fingunt, monstrum non Deum faciunt.

15 ⁽⁶⁾ Neptunum aquas mundi prædicant, & dictus ab eis Neptunus, quasi nube tonans.

16 Vulcanum volunt ignem, & ⁽⁷⁾ dictus Vulcanus, quasi volans candor, vel quasi volicanus, quod per aërem volet, ignis enim de nubibus nascitur. ⁽⁸⁾ Undè etiam Homerus dicit eum præcipitatum de aëre in terras, quod omne fulmen de aëre cadit. ⁽⁹⁾ Idcirco autem Vulcanus de femore Junonis fingitur natus, quòd fulmina de imo aëre nascuntur. Claudus autem dicitur Vulcanus, quia per naturam nunquàm est rectus ignis, ⁽¹⁰⁾ sed quasi claudus ejusmodi speciem, motumque habet. Idè autem in fabrorum fornace eundem Vulcanum auctorem dicunt, quia sine igne nullum metalli genus fundi, extendique potest.

Pul-

(1) Hunc Latini à Satur. Ex Aug. 7. de Civit. cap. 19.

(2) Undè, & cum Græc. è Serv. Æn. 1.

(3) Vel eo quod semen. Ex Aug. 7. de Civit. cap. 19.

(4) Modò Danaes per imb. Ex eod. 18. cap. 13.

(5) Janum dicunt. Ex 7. de Civit. cap. 8.

(6) Neptun. è cap. 16.

(7) Et dict. Vulc. è Serv. Æn. 8. ad v. Haud secus igni potens.

(8) Undè etiam Homer. *ιλ. α.* & ibi Eustach.

(9) Idcirco autem. Ex eodem Servii loco.

(10) Sed quasi claudus. Aug. 20. contra Faust.

17 ⁽¹⁾ Pluton Græcè, Latine Diespiter, ⁽²⁾ vel Ditis pater, ⁽³⁾ quem alii Orcum vocant, quasi receptorem mortuum. Undè, & orca nuncupatur vas, quod recipit aquas. Ipse, & Græcè Charon.

18 ⁽⁴⁾ Liberum à liberamento appellatum volunt, quòd quasi mares in coëundo per ejus beneficium emis- sis seminibus liberentur. Quod idem Liber muliebri, & delicato corpore pingitur: dicunt enim mulieres ei attributas, & vinum propter excitandam libidinem. Undè, & frons ejus pampino cingitur: sed ideò coronam viteam, & cornu habet, quia cùm gratè, & moderatè vinum bibitur, lætitiā præstat, cùm ultra modum, excitat lites, id est, quasi cornua dat. Idem autem, & Lyæus ἀπὸ τῆς λύειν, quòd multo vino membra solvantur. Iste, & Græcè Διόνυσος à ⁽⁵⁾ monte Indix Nysso, ubi dicitur esse nutritus. Cæterum est Nysa Civitas, in qua colitur idem Liber, undè, & Nysæus dictus est.

19 Mercurium sermonem interpretantur. ⁽⁶⁾ Nam ideò Mercurius, quasi medius currens dicitur appellatus, quòd sermo currat inter homines medius. Ideò, & ἑρμῆς Græcè, quòd sermo, vel interpretatio, quæ ad sermonem utiquè pertinet ἐρμηνεία dicitur. Ideò, & mercibus præesse, quia inter vendentes, & ementes sermo fit medius. Qui ideò fingitur habere pen- nas, quia citius verba discurrunt. ⁽⁷⁾

Undè, & velox, & errans inducitur: alas enim ejus in capite, & in pedibus, significare volucrum fieri per aëra sermonem. Nuntium dictum, quoniam per sermonem omnia cogitata enun- tiantur. Ideò autem hunc furti magistrum dicunt, quia sermo animos audientium fallit. Virgam tenet, quæ serpentes dividit, id est, venena. Nam bellantes, ac dissidentes interpretum oratione sedantur: undè, & secundum Livium legati pacis caduceatores di- cuntur. Sicut enim per fœciales bella indicebantur, ita pax per caduceato- res fiebat.

20 Hermes autem Græcè dicitur ἀπὸ τῆς ἑρμηνείας Latine, interpret, qui ob virtutem multarumque artium scientiam ⁽⁸⁾ Trismegistus, id est, ter maximus nominatus est. Cùm autem eum capite canino fingunt, hæc ratio dicitur, quòd inter omnia animalia canis sagacissimum genus, & perspi- cax habeatur.

21 Martem deum belli esse di- cunt, & Martem appellatum: quia per viros pugnatur, ⁽⁹⁾ ut sit Mars, maris ars: licet, & tria sint genera consuetudinum: sicut Scytharum, ubi, & fœminæ, & viri in pugnam eunt. Amazonum, ubi solæ fœminæ: Ro- manorum aliarumque gentium, ubi soli mares. Item ⁽¹⁰⁾ Martem dicunt, quasi effectorem mortium. Nam à Marte mors nuncupatur. ⁽¹¹⁾ Hunc, & adulterum dicunt, quia belligeranti- bus incertus est. Quòd verò nudo pec- to-

(1) Pluton Latine Diespiter, è *Lat.* 1. cap. 14.

(2) Sive: Ditis pater. Ditis recto casu, etiam alii usi: Petron. Has inter sedes Ditis pater extulit ora.

(3) Quem alii Orcum, quasi receptorem mort. *Aug.* 7. de *Civitat.* cap. 3. Quid de veritate? Quid de felicitate? Quas cum deas haberent, nullum eis locum inter selectos deos dare voluerunt, ubi dederunt Marti, & Orco, uni effectori mortium, alteri receptori.

(4) Liberum à liberamento. *Ibid.* cap. 2.

(5) A monte Indix Nys. è *Serv.* *Æn.* 6. ad v. Liber agens celso Nysæ d. v. t.

(6) Nam ideò Mercurius. *Ex eodem lib.* *Aug.* cap. 14.

(7) Undè, & velox. è *Serv.* *Æn.* 4. & *Aug.*

(8) Trismeg. *Ex Lat.* lib. de ira cap. 11. & *lib.* 1. cap. 6.

(9) Ut sit Mars, maris ars. *Ut sit Mars mas c. o. sed non fuit difficilis conjectura.*

(10) Item Martem dicunt effect. mort. *Ex August.*

(11) Hunc, & adult. &c. *Aug.* 10. contra *Enst.* cap. 9. Venerem Vulcani uxorem, & Martis adulteram, quia belli- gerantibus incongrua est.

tore stat, ut bello se quisque sine formidine cordis objiciat. ⁽¹⁾ Mars autem apud Thraces Gradivus dicitur, eò quòd in bello gradum inferant, qui pugnant, aut quòd impigrè gradiantur.

22 ⁽²⁾ Apollinem quamvis divinatorem, & medicum vellent, ipsum tamen etiam Solem dixerunt, quasi solum: ipsum Titan, quasi unum ex Titanis, ⁽³⁾ qui adversum Jovem non fecit. Ipsum Phœbum, quasi Ephœbum, hoc est, adolescentem: undè, & Sol puer pingitur, eò quòd quotidie oriatur, & nova luce nascatur. Pythium quoque eundem Apollinem vocari ajunt: à Pythone immensæ molis serpente: cujus non magis venena, quàm magnitudo terrebat. Hunc Apollo sagittarum ictibus sternens, nominis quoque spolia reportavit, ut Pythius vocaretur: undè, & ob insigne victoriæ Pythia sacra celebranda constituit.

23 ⁽⁴⁾ Dianam quoque germanam ejus similiter Lunam, & viarum præsidem ajunt. Undè, & virginem volunt, quòd via nihil pariat. Et ideò ambo sagittas habere finguntur, quod ipsa duo sidera de Cœlo radios, usque ad terras emittant: Dianam autem vocatam, quasi Duanam, quod Luna die, ac nocte appareat. Ipsam, & Lucinam asseverant, eò quòd luceat. Eandem, & Triviam, quòd tribus fingatur figuris. De qua Virgilius: Tria virginis ora Dianæ, ⁽⁵⁾ quia ea-

dem Luna, eadem Diana, eadem Proserpina vocatur. Sed cùm Luna fingitur: - ⁽⁶⁾ Sublustri splendet amictu. Cùm succincta jacit calamos, Latonia virgo est: Cùm subnixâ sedet solio, Plutonia conjux. Latonia autem Diana, eò quòd Latoniæ fuerit filia.

24 ⁽⁷⁾ Cererem, id est, terram à creandis frugibus asserunt, dictam: appellantes eam nominibus plurimis. Dicunt etiam eam, & opem, quòd opere melior fiat terra.

25 Proserpinam, quòd ex eo proserpant fruges.

26 ⁽⁸⁾ Vestam, quòd herbis, vel variis vestita sit rebus, vel à vi sua stando: Eandem, & Tellurem, & Matrem magnam fingunt turritam: cum Tympano, & Gallis, & strepitu Cymbalorum. Matrem vocatam, quòd plurima pariat, magnam, quod cibum gignat: aliam, quia universa animalia fructibus suis alit. Est enim alimentorum nutrix terra. ⁽⁹⁾ Quod simulacrum ejus cum clavi fingitur: quia tellus hyeme clauditur, verè aperitur, ut fruges nascentur. ⁽¹⁰⁾ Quod Tympanum habet, significari volunt orbem terræ. ⁽¹¹⁾ Quod curru vehi dicitur, quia ipsa est terra, quæ pendet in aëre. Quòd sustinetur rotis, quia mundus rotatur, & volubilis est. Quòd leones illi subjiçiant mansuetos: ut ostendant, nullum genus esse terræ, tam ferum, quod non subigi possit, aut superari ab ea. Quòd in capite turritam gestat coronam, ostendit superpositas terræ

S

Ci-

(1) Mars autem apud Thraces Gradivus. Non quod apud Thraces Gradivi nomen sit, sed quia idem sit illis & pater & pater qui Romanis Gradivus. Fecit enim (ut ait Serv. Æn. 1. & 3.) Roma duo Martis Temples, alterum intra Urbem Quirini, quæ custodit, & tranquillit: alterum extra Urbem via Appia propè portam, quasi bellatoris, & Gradivi.

(2) Apollinem quamvis, Aug. cap. 16.

(3) Qui adversum Jovem non fecit. Hispanismus, hæc por alguno, ò contra alguno, nequè fuit cur bellum adderent impressi libri, quod in ms. non est.

(4) Dianam quoque. Ex Aug. cap. 16.

(5) Quia eadem Luna, è Serv. Æn. 3. ad v. Sacra mari colit. Apud quem menses Juno pro Luna legitur.

(6) Sublustri splendet amictu. Carmen Prudentii 1. contra Symmachum.

(7) Cererem. Ex Aug. cap. 24.

(8) Vestam, quod herb. è Serv. Æn. 1. ad v. Cana fides, & Vesta.

(9) Quod simulacrum ejus cum clau. Ex eodem Æn. 10. ad v. Alma parens Idæa.

(10) Quod Tympana. Ex Aug.

(11) Quod curru vehitur. è Serv. Æn. 3. ad v. Et juncti currum dominæ sub. l.

Civitates, quas insignitas turribus constat. Quòd sedes finguntur circa eam: quia cùm omnia moveantur, ipsam non moveri. Quòd Corybantes ejus ministri cùm strictis gladiis esse finguntur: ut significetur omnes pro terra sua debere pugnare. Quod Gallos, huic Deæ: ut servirent, fecerunt: significant, qui semine indigeant, terram sequi oportere. In eo quippè omnia reperiri. Quòd se apud eam jactant, præcipitur, inquit: ut qui terram colunt, nè sedeant, semper enim esse quod agant. Cymbalorum autem æreorum sonitus, ferramentorum crepitus in colendis agris: ⁽¹⁾ & ideò ære, quod terram antiqui colebant ære, prius quàm ferrum esset inventum. ⁽²⁾ Eandem Vestam, & ignem esse perhibent: quia terram ignem habere non dubium est: ⁽³⁾ ut ex Ætna, Vulcanoque datur intelligi. Et ⁽⁴⁾ ideò virginem putant, quia ignis inviolabile sit elementum, nihilque nasci possit ex eo: quippè, qui omnia, quæ arripuerit, absumat. Ovidius in Fastis: Nèc tu aliud vestam, quàm vivam intellige flammam: Nataque de flamma corpora nulla vides, propterea, & virgines ei servire dicuntur, eò quòd sicut de virgine, ita nihil ex igne nascatur.

27 Junonem dicunt, quasi janonem, id est, januam ⁽⁵⁾ pro purificationibus fœminarum, & quod quasi portas matrum natis, & naturas pandat nubentium maritis. Sed hoc philo-

sophi. Poetæ autem Junonem Jovis asserunt sororem, & conjugem: ⁽⁶⁾ ignem enim, & aërem Jovem: aquam, & terram Junonem interpretantur, quorum duorum permixtione universa gignuntur. Et sororem dicunt, quod mundi pars est. Conjugem, quod commixta concordat, undè, & Virg. Tùm pater omnipotens fœcundis imbribus æther Conjugis in gremium lætæ descendit.--

28 ⁽⁷⁾ Minerva apud Græcos ἀθήνη dicitur, id est, fœmina. Apud Latinos autem Minervam vocatam, quasi Deam, & munus artium variorum. Hanc enim ⁽⁸⁾ inventricem multorum ingeniorum perhibent, & inde eam artem, & rationem interpretantur, quia sine ratione nihil potest contineri. Quæ ratio, quia ex solo animo nascitur, animumque putant esse in capite, & cerebro, ideò eam dicunt de capite Jovis esse natam, quia sensus sapientis, qui invenit omnia in capite est. ⁽⁹⁾ In cujus pectore ideò caput Gorgonis fingitur, quòd illic est omnis prudentia, quæ confundit alios, & imperitos, ac saxeos comprobatur, quod, & in antiquis Imperatorum statuiscernimus in medio pectore loriceæ, propter insinuandam sapientiam, & virtutem, ⁽¹⁰⁾ hæc Minerva, & Tritonia dicitur. Triton enim Africæ palus est, circa quam fertur virginali apparuisse ætate: propter quod Tritonia nuncupata est. Undè, & tantò proclivius Dea credita, quantò minis ori-

go-

(1) Et ideò ære, quod terram antiq. Lucret. lib. 5. Et prior æris erat, quàm ferri cognitus usus. Quo facilis magis est natura, & copia major. Ære solum terræ tractabant, æreque belli. Miscebant fluctus, & vulnera vasta scerebant.

(2) Eandem Vestam, & Ignem. August. 4. de Civit. & Serv. Æn. 1.

(3) Ex Ætna Vulcanoque. Ita apud Serv. alioquin Vulcaniis legerem, cùm inf. lib. 14. de Æoliis Insulis, eadem, & Vulcania vocantur, quod, & ipsa sicut Ætna ardeant.

(4) Et ideò virginem. Lact. 1. cap. 12.

(5) Pro purificationibus fœminat. Ex 7. de Civit. cap. 2. & 3.

(6) Ignem n. gignuntur. Verba Servii Geor. 2.

(7) Minerva—id est, fœmina. An potius sine fœmina. Orta n. è Jovis cerebro, undè, & ἀθήνη, ergò ἀθήνη, quasi ἀπὸ θένος, vel certe ἀθήνη.

(8) Inventricem multorum ingeniorum. Aug. 18. de Civit. cap. 8. Minerva multorum sanè operum inventrix.

(9) In cujus pect. è Serv. Æn. 8. ad v. Connexosque angues.

(10) Hæc Minerva—innotuit. Verba Aug. ibid.

go ejus innouit. Pallas autem dicta, vel ab Insula Pallene in Thracia, in qua nutrita est: ⁽¹⁾ vel ἀπὸ τῆς πάλλειος τοῦ δόρυ, id est, ab hastæ concussione, vel, quod Pallantem gigantem occiderit.

29 ⁽²⁾ Venerem exindè dicunt nuncupatam, quod sine vi fœmina virgo esse non desinat. Hanc Græci ἀφροδίτην vocant, propter spumam sanguinis generantem, ἀφρός enim Græcè spuma vocatur. Quod autem fingunt Saturnum Cœlo patri genitalia abscidisse, & sanguinem fluxisse in mare, & quod ex spuma maris concreta, Venus nata est: illud, ajunt, quod per coitum salis humoris substantia est: & indè ⁽³⁾ ἀφροδίτην Venerem dici, quia coitus spuma est sanguinis, quæ ex succo viscerum liquido, salsoque constat. Idèò ⁽⁴⁾ autem Venerem Vulcani dicunt uxorem, quia Venereum officium non nisi calore consistitur, undè est: Frigidus in Venerem senior. ⁽⁵⁾ Nam, quod Saturnus dicitur patri Cœlo virilia amputasse, quæ in mare cadentia Venerem creaverunt: idèò fingitur, quia nisi humor de Cœlo in terram descenderit, nihil creatur.

30 ⁽⁶⁾ Cupidinem vocatum ferunt propter amorem. Est enim dæmon fornicationis. Qui idèò alatus pingitur: quia nihil amantibus leuius, nihil mutabilius invenitur. Puer pingitur, quia stultus est, & irrationabilis amor. ⁽⁷⁾ Sagittam, & facem tenere fingitur: sagittam, quia amor cor vulnerat: facem, quia inflammat.

31 ⁽⁸⁾ Pan dicitur Græci, Latini Sylvanum: Deum rusticorum, quem in naturæ similitudinem formaverunt: undè, & Pan dictus est, id est, omne. Fingunt enim eum ex universali elementorum specie. Habet enim cornua in similitudinem radiorum Solis, & Lunæ. Distinctam maculis habet pellem, propter Cœli sidera. Ruber ejus facies ad similitudinem ætheris. Fistulam septem calamorum gestat, propter harmoniam Cœli, in qua septem sunt soni, & septem discrimina vocum. ⁽⁹⁾ Villosus est, quia tellus est convestita, & agitata ventis. Pars ejus inferior fœda est, propter arbores, & feras, & pecudes. Caprinas ungulas habet: ut soliditatem terræ ostendat, quem volunt rerum, & totius naturæ Deum: undè Pan, quasi omnia dicunt.

32 ⁽¹⁰⁾ Isis lingua Ægyptiorum terra appellatur: quàm Isim volunt esse. Fuit autem Isis Regina Ægyptiorum Inachi Regis filia, quæ de Græcia veniens Ægyptios litteras docuit, & terras colere instituit, propter quod, & terram ejus nomine appellaverunt.

33 ⁽¹¹⁾ Serapis omnium maximus Ægyptiorum Deus. Ipse est Apis Rex Argivorum; qui navibus transuectus in Ægyptum, cùm ibidem mortuus fuisset: Serapis appellatus est: propterea, quia arca, in qua mortuus ponitur, quàm Sarcophagum vocant, σαρπὶς dicitur Græcè, & ibi eum venerari sepultum cœperunt, priusquàm

S 2 tem-

(1) Vel ἀπὸ τῆς πάλλειος—occiderit. Verba Servii Æn. 1.

(2) Venerem exinde dic. Ex Aug. 6. de Civit. cap. 9.

(3) Ἀφροδίτην. Serv. Æn. 5. ad v. Undè genus Ducis.

(4) Idèò autem Venerem. Ex eod. Æn. 8. ad v. Accepit solitam flammam.

(5) Nam, quod Satur.—creatur. Verba ejusdem Georg. 2. ad. v. Rusticus, & curvo Sat.

(6) Cupidinem. Ex eodem Æn. 1. ad v. Ergò his aligerum. Vid. Propert. eleg. Quicumque ille fuit puerum, qui pinxit

Amorem.

(7) Sagitta. Ex Aug. 10. contrà Faust. cap. 9.

(8) Pan dicitur. è Serv. ecclg. 21.

(9) Villosus est, quia tellus convestita est, & agitur ventis. Horum nihil apud Servium, (è qua sunt reliqua) & variè leguntur in ms. quare suspella ea habebat Chacon.

(10) Isis ling. Ægypt. è Serv. Æn. 8. ad v. Regina in mediis p. v. 2.5.

(11) Serap. Verba Aug. 18. de Civit. cap. 5.

templum ejus esset instructum, velūt *σάπης* Apis: Sorapis primò, deindè, & littera commutata Serapis dictus est.

34 Apis fuit apud Ægyptios taurus Serapi consecratus, & ab eo ità cognominatus, quèm Ægyptus instar numinis colebat, eò quòd de futuris daret quædam manifesta signa: apparebat enim in Memphi. ⁽¹⁾ Quèm centum antistites prosequiebantur, & repentè velūt lymphatici præcinebant: hujus capitis imaginem ⁽²⁾ sibi in eremo Judæi fecerunt.

35 Fauni à fando velut ⁽³⁾ ἀπό τῆς φωνῆς dicti, quòd voce non signis ostendere viderentur futura: in lucis enim consulebantur à Paganis, & responsa illis non signis, sed vocibus dabant.

36 ⁽⁴⁾ Genium autem dicunt, quod quasi vim habeat omnium rerum gignendarum, seu à gignendis liberis: undè, & geniales lecti dicebantur à gentibus, qui novo marito sternebantur.

37 Hæc, & alia sunt gentilium fabulosa figmenta, quæ interpretata sic habent, ut ea non intellecta damnablem tamen adorentur.

38 Fatum autem dicunt esse, quicquid Dii fantur, quicquid Jupiter fatur: ⁽⁵⁾ à fando igitur fatum dicunt, i. à loquendo. ⁽⁶⁾ Quòd nisi hoc nomen jam in alia re soleret intelligi, quo corda hominum nolumus inclinare, rationabiliter possemus à fando fatum appellare. Non enim abnuere possumus esse scriptum in Litteris Sanctis: Semèl

locutus est Deus, duo hæc audiui, &c. Quod enim dictum est, semèl locutus est, intelligitur immobiliter, hoc est, incommutabiliter est locutus, sicut novit incommutabiliter omnia, quæ futura sunt, & quæ ipse facturus est.

39 ⁽⁷⁾ Tria autem fata fingunt in colo, & fuso, digitisque fila ex lana torquentibus, propter tria tempora: præteritum, quod in fuso jam netum, atque involutum est: præsens, quod inter digitos ⁽⁸⁾ neentis trajicitur: futurum, in lana, quæ colo implicata est, & quod adhuc per digitos neentis ad fusum, tanquàm præsens ad præteritum trajiciendum est.

40 ⁽⁹⁾ Parcas dicunt κατ' ἀντίφρασιν appellatas, quod minimè parcant. Quas tres esse voluerunt, unam, quæ vitam hominis ordiatur: alteram, quæ contexat: tertiam, quæ rumpat. Incipimus enim cum nascimur: sumus, cum vivimus: desinimus, cum interimus.

41 Fortunam à fortuitis nomen habere dicunt, ⁽¹⁰⁾ quasi Deam quamdam res humanas variis casibus, & fortuitis illudentem, ⁽¹¹⁾ undè, & cæcam appellant, eò quòd passim in quolibet incurrens sine ullo examine meritorum, & ad bonos, & ad malos venit. Fatum autem à Fortuna separant, & Fortunam, quasi si sit in his, quæ fortuito veniunt, nulla palam causa: Fatum verò appositum singularis, & statutum ajunt.

42 Ajunt, & tres Furias foeminas

(1) Quèm centum antist. à Solin. 35.

(2) Sibi in eremo Jud. Lat. lib. 4. cap. 10.

(3) Velut ἀπό τῆς φωνῆς. à Serv. Æn. 7.

(4) Genium. Ex Aug. 7. de Civit. cap. 13.

(5) A fando igitur fat. Ex eod. 5. de Civit. cap. 9. & Serv. eclog. 4.

(6) Quòd nisi hoc nomen. Ex eodem Aug.

(7) Tria autem fat. Ex 10. contrà Faust. cap. 9.

(8) Neentis. Ità constanter Gothici libri hic, & paulò-post servata analogia, non neentis. Sive secunda sit conjugatio nis, sive tertia, ut apud Tibull. Scamina, quæ ducunt, quæque futura neunt.

(9) Parcas. à Serv. eclog. 4.

(10) Quasi Deam quam. Ex Lat. lib. 3. cap. 27.

(11) Undè, & cæcæ. Ex 4. de Civit. cap. 18.

nas crinitas serpentibus, propter tres affectus, qui in animis hominum multas perturbationes gignunt, & interdum cogunt ita delinquere: ut nec famæ, nec periculi sui respectum habere permittant. Ira, quæ vindictam cupit: cupiditas, quæ desiderat opes: libido, quæ appetit voluptates. Quæ ideo Furæ appellantur, quod stimulis suis mentem feriant, & quietam esse non sinant.

43 Nymphas Deas aquarum putant dictas à nubibus: nam ex nubibus aquæ, undè derivatum est: nymphas aquarum Deas, quasi numina lympharum. ⁽¹⁾ Ipsas autem dicunt, & Musas, quas, & nymphas, nec immerito: nam aquæ motus musicem efficit. Nympharum apud Gentiles varia sunt vocabula, ⁽²⁾ Nymphas quippe montium Oreads dicunt: sylvarum Dryades: ⁽³⁾ camporum Hamadryades: fontium Najades: Maris Nereides.

44 ⁽⁴⁾ Heroas dicunt à Junone traxisse nomen, Græcè enim Juno Ἥρα appellatur, & ideo nescio, quis filius ejus, secundum Græcorum fabulam Ἥρας fuit nuncupatus? Hoc, videlicet, velut mysticum significante fabula, quod aër Junoni deputetur, ubi volunt Heroas habitare. Quo nomine appellantur alicujus meriti animas defunctorum, quasi ἀνψῶας, id est, viros aërios, & Cœlo dignos propter sapientiam, & fortitudinem.

45 ⁽⁵⁾ Penates gentiles dicebant omnes Deos, quos domi colebant. ⁽⁶⁾ Et penates dicti, quod essent in penetralibus, i. in secretis. Hi Dii, qui vocabantur, vel, quæ nomina habuerint, ignoratur.

46 ⁽⁷⁾ Manes dicunt Deos mortuorum, quorum potestatem inter Lunam, & terram asserunt: à quibus, & manè dictum existimant, quos putant ab aëre, qui manus, i. rarus est. Manes dictos, sive quia latè manant per auras: sive quia mites sunt immanibus, contrario nomine hoc appellantur. ⁽⁸⁾ Apulejus autem ait eos κατ' ἀντιφρασει dici Manes (hoc est, mites, ac modestos, cum sint terribiles, & immanes) ut Parcas, & Eumenides.

47 Larvas ex hominibus factos dæmones ajunt, qui meriti mali fuerint. ⁽⁹⁾ Quarum natura esse dicitur terrere parvulos, & in angulis garrere tenebrosis.

48 Lamias, quas fabulæ tradunt infantes corripere, ac laniare solitas, à laniando specialitèr dictas.

49 ⁽¹⁰⁾ Pilosi, qui Græcè Panitæ, Latinè Incubi appellantur: sive ⁽¹¹⁾ Invi ab ineundo passim cum animalibus: undè, & Incubi dicuntur ab incumbendo, hoc est, stuprando. ⁽¹²⁾ Sæpè enim improbi existunt, etiam mulieribus, & earum peragunt concubitum, quos dæmones Galli Dusios nuncupant, quia assiduè hanc peragunt immunditiam. Quem autem vul-

S 3

gò

(1) Ipsas autem dicunt. Mus. è Serv. eclog. 8.

(2) Nymphis quippe mont. Ex eodem An. 1. ad v. Hinc, atque hinc glomerantur Oreads, & eclog. 10.

(3) Campor. Hamadryad. Serv. quæ cum sylvis nascuntur Hamadryades.

(4) Heroas—defun. tot. Ex Aug. 10 de Civit. cap. 21.

(5) Penates—colebant. è Serv. An. 2.

(6) Penates dicti. Arnob. lib. 3. Varro qui sunt introitus, atque in intimis penetralibus Deos (Penates) esse censet.

(7) Manes. è Serv. An. 3. ad v. Stant manibus ara.

(8) Apulejus autem ait. Non est integer locus. Nam cum cetera ex Apulejo sint, (qui etiam ab Augustino citatur 9. de Civit. cap. 9. in lib. de Do. Socrat.) tamen hoc ex Servio est potius, ut manes nâr' ἀντιφρασει dictos scribat.

(9) Quarum natura. Ex Hieron. in Præf. Hebraic. Quasi.

(10) Pilosi, qui Græcè Panitæ. Gregor. 7. Moral. cap. 15. Quinam alii pilosi appellatione figurantur, nisi hi quos Græci Panas, Latini incubos vocant? Ità enim emendatior Gregorii libri, non Famos, cum tamen utrumque sit verum, & Panas, & Famos dictos. Sed Panisci hoc loco putamus legendum, non Panita.

(11) Invi ab ineundo. è Serv. An. 6. ad v. Pomerium Castrumque Invi.

(12) Sæpè enim improbi. Verba Augustin. 15. de Civit. cap. 23.

gò Incubonem vocant, ⁽¹⁾ hunc Romani Faunum Ficarium dicunt: ad quem Horatius dicit: Faune Nym-

pharum fugientum amator: Per meos fines, & aprica rura Lenis incedas.

DIVI ISIDORI HISPALENSIS EPISCOPI ETYMOLOGIARUM

LIBER NONUS.

DE LINGUIS, GENTIBUS, REGNIS, *Militia, Civibus, Affinitatibus.*

CAPUT PRIMUM.

De Linguis Gentium.

INGUARUM diversitas exorta est in ædificatione turris post diluvium: nam priùs, quàm superbia turris illius in diversos signorum sonos humanam divideret societatem, ⁽²⁾ una omnium nationum lingua fuit, quæ Hebræa vocatur, quæ Patriarchæ, & Prophetæ usi sunt, non solùm in sermonibus suis, verùm etiàm in Litteris Sacris: initio autem quot gentes, tot linguæ fuerunt, deindè plures gentes, quàm linguæ, quia ex una lingua multæ gentes sunt exortæ.

2 Linguæ autem dictæ in hoc loco pro verbis, quæ per linguam fiunt, genere locutionis illo, quo is, qui efficit per id, quod efficitur, nominatur: sicut os dici solet pro verbis, sicut manus pro litteris.

3 Tres autem sunt linguæ sacræ: Hebræa, Græca, Latina, quæ toto orbe maximè excellunt. His n. tribus linguis super crucem Domini à Pilato fuit causa ejus scripta. Undè, & propter obscuritatem Sanctarum Scripturarum harum trium linguarum cognitio necessaria est: ut ad alteram recurratur, si quàm dubitationem nominis, vel interpretationis sermo unius linguæ attulerit.

4 Græca autem lingua inter cæteras gentium clarior habetur. Est enim, & Latinis, & omnibus linguis sonantior, cujus varietas in quinque partibus discernitur: quarum prima dicitur *κοινή*, i. mixta, sive communis, qua omnes utuntur. Secunda Attica, videlicet, Atheniensis, ⁽³⁾ quasi usi sunt omnes Græciæ auctores. Tertia ⁽⁴⁾ Dorica, quàm habent Ægyptii, & ⁽⁵⁾ Siculi. Quarta Ionica. Quinta Æolica, qua sunt Æoles locuti, & sunt in observa-

tio-

(1) Hunc Romani Faunum Ficarium. Hieron. It. 13. Pilosi, vel Incubones, vel Saryros, Sylvestres, quosdam homines, quos nonnulli Faunos Ficaros vocant. Item Europ. lib. 12. Sylvestres homines, quos nonnulli Faunos Ficaros vocant. Idem Faunus: Faunelis videtur, cum Fauno Ficariorum, quantum è Servii loco citato conjicere licet.

(2) Cap. I. Una omnium nationum. in Litteris Sacris. Ex Aug. 16. de Civit. cap. 11.

(3) Qua usi sunt omnes Græciæ auctores, vel certè elegantiores, vel Græciam pro Hellade accepit, de cujus terminis vid. Eustach. 1. 2. ad v. *Ἰλλυριοὶ γίνονται ἐκ τῆς Ἰλλυρίας εἰς τὴν Ἰωνίαν*. Hieronymus quoque in Quæst. Heb. Jones, qui Attici vocantur Æoles.

(4) Dorica, quàm habent Ægyptii. Alexandrini.

(5) Et Siculi. Mendosè Syri in o. l.

tione Græcæ linguæ ejusmodi certâ discrimina: sermo enim eorum, ita est dispersitus.

5⁽¹⁾ Latinas autem linguas quatuor esse quidam dixerunt, i. Priscam, Latinam, Romanam, Mixtam. Prisca est, qua vetustissimi Italiæ sub Jano, & Saturno sunt usi incondita, ut se habent carmina Saliorum. Latina, quàm sub Latino, & Regibus Thuscis cæteri in Latio sunt locuti, ⁽²⁾ ex qua fuerunt duodecim tabulæ scriptæ. Romana, quæ post Reges exactos à Populo Romano cœpta est: ⁽³⁾ qua Nævius, Plautus, Ennius, Virgilius Poëtæ: ex oratoribus Gracchus, & Cato, & Cicero, vel cæteri sua scripta effuderunt. Mixta, quæ post imperium latius promotum simul cùm moribus, & hominibus in Romanam Civitatem irrupit: integritatem verbi per solœcismos, & barbarismos corrumpens.

6 Omnes autem Orientis gentes in gutture linguam, & verba collidunt: sicut Hebræi, & Syri. Omnes mediterraneæ gentes in palato sermones ferunt, sicut Græci, & Asiani. Omnes Occidentis gentes verba in dentibus frangunt, sicut Itali, & Hispani.

7⁽⁴⁾ Syrus, & Chaldæus vicinus Hebræo est in sermone, consonans in plerisque, & litterarum sono. ⁽⁵⁾ Quidam autem arbitrantur linguam Hebræam ipsam esse Caldæam, quia Abraham de Chaldeis fuit: quod si hoc recipitur, quomodo in Daniele Hebræi pueri linguam, quàm novèrant doceri jubentur?

8 Omnen autem linguam unus-

quisque hominum, sive Græcam, sive Latinam, sive cæterarum gentium, aut audiendo potest tenere, aut legendo ex præceptore accipere. Cùm autem omnium linguarum scientia difficilis cuiquam sic: nemo tamen tam desidiosus est, ut in sua gente positus suæ gentis linguam nesciat. Nàm quid aliud putandus est nisi ⁽⁶⁾ animalibus brutis deterior? Illa enim propriæ vocis clamorem exprimunt: iste deterior, qui propriæ linguæ caret notitia.

9 Cujusmodi autem lingua locutus est Deus in principio mundi cùm diceret: Fiat lux, invenire difficile est: nondum enim erant linguæ. Itèm qua lingua insonuit postea exterioribus hominum auribus, maximè ad primum hominem loquens, vel ad Prophetas, vel dùm corporaliter sonuit vox dicentis Dei: Tu es Filius meus dilectus, ubi à quibusdam creditur illa lingua una, & sola, quæ fuit antequàm esset linguarum diversitas: in diversis autem gentibus creditur, quòd eadem illis lingua Deus loquatur, qua ipsi homines utuntur, ut ab eis intelligatur. Loquitur autem Deus hominibus non per substantiam invisibilem, sed per creaturam corporalem, per quam, & hominibus apparere voluit, quandò locutus est. Dicit etiam Apostolus: Si linguis hominum loquar, & Angelorum. Ubi quæritur: Qua lingua Angeli loquantur, non quòd Angelorum aliquæ sint linguæ, sed hoc per exaggerationem dicitur. Itèm quæritur, qua lingua in futurum homines lo-

(1) Latinas autem linguas quatuor esse. In qua si quid vitii est, id Isidorus præstare non debuit, auctor magis querendus.

(2) Ex qua fuerunt xii. tab. Non quod sub Regibus scriptæ, sed quod illorum fortasse lingua, quo plus auctoritatis haberent antiquiora verba, quod se quoque fecisse profiteretur. Cicero 2. de Legibus. Sunt certâ verba legum: Quinque, neque ita prisca, ut in veteribus his, sacratissimæ legibus, &c.

(3) Qua Fann. effuderunt. Ex C. N. sed cum scripta sua absit ab omnibus nostris, non displicet lætio à Vulcan. indicata ex P. C. effulserunt.

(4) Syrus, & Chald. vicin. Ex Ambros. 1. Hexam. cap. 8. & Basil. homil. 1.

(5) Quidam autem arb. Verba Hieronym. ad Dani. l. cap. 1.

(6) Animalibus brutis deterior. Ex duabus Torr. & Rav.

loquantur, nusquam reperitur. Nam dicit Apostolus: Sive linguæ cessabunt, idè autem priùs de linguis, ac deindè de gentibus posuimus, quia ex linguis gentes, non ex gentibus linguæ exortæ sunt.

CAPUT II.

De Gentium vocabulis.

I GENS est multitudo ab uno principio orta, sive ab alia natione secundum propriam collectionem distincta: ut Græciæ, Asiæ, hinc, & gentilitas dicitur. Gens autem appellata propter generationes familiarum, i. à gignendo, sicut natio à nascendo. ⁽¹⁾ Gentes autem à quibus divisa est terra LXXIII. quindecim de Japhet, triginta, & una de Cham: viginti septem de Sem: quæ sunt septuaginta tres, vel potius, ut ratio declarat, septuaginta duæ; totidemque linguæ per terras esse cœperunt: quæ crescendo Provincias, & Insulas impleverunt. Filii Sem quinque, singularitèr gentes singulas procrearunt. Quorum primus Elam, à quo Elamitæ Principes Persidis: secundus Assur, à quo Assyriorum pullulavit imperium: tertius Arphaxat, à quo Chaldæorum gens exorta est: quartus Ludii, à quo Lydii: quintus Aram, à quo Syri, quorum Metropolis fuit Damascus.

2 Filii Aram, nepotes Sem, quatuor: Hus, & Ul, & Gether, &

Mes. ⁽²⁾ Hus Traconitidis conditor, qui inter Palæstinam, & Coelesyriam tenuit principatum, undè fuit Job secundum quod scriptum est: Vir erat in terra Hus nomine Job: secundus Ul, à quo Armenii: tertius Gether, à quo ⁽³⁾ Acarnanii, seu Curia: quartus Mes, à quo sunt ii, qui vocantur Mæones.

3 Posteritas Arphaxat, filii Sem, Heber nepos Arphaxat, à quo Hebræi. Jectam filius Heber, à quo Indorum gens orta est. Sale filius Jectam, à quo Bactriani: licèt eos alii Scytharum exules suspicentur.

4 Ismaël filius Abraham, à quo Ismaelitæ, qui nunc corrupto nomine Sarraceni, quasi à Sara, & Agareni, ab Agar.

5 Nabajoth filius Ismaël, à quo Nabathæi, ⁽⁴⁾ qui ab Euphrate in mare rubrum habitant.

6 Moab, & Ammom filii Loth, à quibus Moabitæ, & Ammonitæ.

7 ⁽⁵⁾ Edom filius Esau, à quo Idumæi: Hæ sunt gentes, quæ de Sem stirpe descendunt, possidentes terram Meridianam, ab ortu Solis, usquè ad Phœnices.

8 Filii Cham quatuor, à quibus ortæ sunt gentes hæ.

9 Chus, à quo Æthiopes progeniti.

10 Mesraim, à quo Ægyptii perhibentur exorti.

11 Phut, à quo Lybii: undè, & Mau-

(1) Cap. II. Gentes autem à quibus Aug. 16. de Civitate cap. 6. Ex illis igitur tribus hominibus. Noë filii, septuaginta tres, vel potius, ut ratio declarata est, &c. Nempè cap. 3. declarat.

(2) Hus Traconitid. Ex Hier. in Quatt. Heb. è quo sunt plerique hujus cap.

(3) Acarnanii, sive Curia. Mendoze apud Hieronym. Curia, pro Curia. Stephanus: Ακαρνάνια χώρα κρησιέμνη τῶν Κρητῶν πρὸς ἀρχαῖον, διὸ καλεῖται οὕτως, οὐδὲν ἕτερον Κρητῶν, οὐδὲν ἄλλοτερον ἀναγράφει. Quod autem Hieronymus, Ch. Isidorus Curetas, cum Acarnanibus confundunt idem ab aliis quoque factum narrat Strabo.

(4) Qui ab Euphrate. Idem inf. lib. 14. cap. 13. Vid. Hieron. Q. in cap. 25. Gen.

(5) Edom filius Esau. Quod Gen. 36. legitur: Hæ sunt generationes Esau patris Edom. Idumæorum intelligit. Ipse enim Esau est Edom, ut eo loco dicitur, filium ejus nominis nullum habuit, nisi Idumæos, quos semper Edom, nunquam Idumæa nomine nisi in Græca translatione nuncupari, ait Hieronymus ad Ezech. cap. 25. Et quidem in antiquissimis Biblioth. Vaticana Biblii: Ἰδουαὶ ἢ γένεας δεσφὸς πατὴρ τῶν Ἰδουμαίων, hodie legi affirmabat Chacon, Eusebius quoque in Chroni. (Unde sumpta hæc videntur) Primus (inquit) Esau, qui, & Edom, à quo gens Idumæorum. Ut legi hoc loco sine fraude possit. Edom, qui, & Esau, vel potius, Edom i. Esau.

Mauritaniae fluvius usque in praesens dicitur Phut, omnisque circa eum regio Phuthensis.

12 ⁽¹⁾ Chanaam, à quo Afri, & Phoenices, & Chananæorum decem gentes.

13 Item ex nepotibus Cham filii Chus nepotes Cham sex.

14 ⁽²⁾ Filii Chus, Saba, Hevila, Sabatha, Rhegma Sabathaca.

15 Saba, à quo progeniti, & appellati Sabæi, de quibus Virg.- Solis est thuræa virga Sabæis.

16 Hevila, à quo Getuli in parte remotioris Africæ eremo cohærentes.

17 Sabatha, à quo Sabatheni, qui nunc Astabari nominantur.

18 Rhegma verò, & Sabathaca paulatim antiqua vocabula perdidērunt, & quæ nunc pro veteribus habeant, ignoratur.

19 Filii Rhegma, Saba, & Dadan. Hic Saba per Schic litteram scribitur in Hebræo: ille autem superior Saba per Samech, à quo appellantur Sabæi, interpretatur autem nunc Saba Arabia.

20 Dadan, à quo gens est Æthiopie in occidentali plaga.

21 ⁽³⁾ Filii Mesraim Labaim, à quo Libyes, qui quondam Phuthæi vocabantur.

22 Casloim, à quo Philistiini, quos veteres ἀλλοφίλους, nos modò corruptè Palæstinos vocamus.

23 Cæteræ sex gentes ignotæ sunt, quia bello Æthiopico subversæ, usque ad oblivionem præteritorum nominum pervenerunt.

24 Filii Chanaam undecim, ex quo Chananæorum decem gentes, quorum terram, iis expulsis, Judæi possederunt. Quorum primogenitus Sidon, à quo Sidones: undè, & Urbis eorum in Phœnice Sidon vocatur.

25 Secundus Cheth, à quo Chethæi. Tertius Jebus, à quo Jebusæi, quorum fuit Hierusalem. Quartus Amorrhæus, à quo Amorrhæi. Quintus Gergesæus, à quo Gergesæi. Sextus Hevæus, à quo Hevæi: ipsi sunt Gaboanitæ à Civitate eorum Gabaon, qui supplices venerunt ad Jesum. Septimus Aracæus, qui arcas condidit oppidum contra Tripolim in radicibus Libani situm. Octavus Sinæus, à quo Sinæi. Nonus Aradius, à quo Aradii, qui Aradum insulam possederunt angusto freto à Phœnices littore separatam. Decimus Samaræus, ⁽⁴⁾ à quo Edessa Syriæ nobilis Civitas, quæ vocatur Coeles. Undecimus Amathæus. Hæ sunt gentes de stirpe Cham, quæ à Sidone, usquè ad Gaditanum fretum omnem meridianam partem tenent.

26 Filii Japhet septem nominantur: Gomer, ex quo Galatæ, i. Galli.

27 ⁽⁵⁾ Magog, à quo quidam arbitrantur Scythas, & Gotthos traxisse originem.

28 Madai, à quo Medos existere putant.

29 Javan, à quo Jones, qui, & Græci: undè, & mare Jonium.

30 Thubal, à quo Iberi, qui, & Hispani, ⁽⁶⁾ licèt quidam ex eo, & Italos suspicentur.

Mo-

(1) Chanaam à quo Afr. Hier. Gen. 10. De Chanaam primus natus est Sidon, à quo Urbs in Phœnicia Sidon vocatur. Deinde Aracæus, qui Arcas condidit oppidum contra Tripolim, &c. Ubi de Afris mentio nulla. Potuit tamen Isidorus ad Didonis migrationem respicere.

(2) Filii Chus. Ex Hier. ibid.

(3) Filii Mesraim. Videntur deesse nomina posita apud Hieronymum. Mesraim genuit Ludim, & Aramim, & Labaim, & Nephthuin. Et Phetrosim, & Chasloim, &c.

(4) A quo Edessa Syriæ—Coëles. Verba Hieronymi, à quo vocem Edessa supplēvimus.

(5) Magog, à quo quidam arb. Verba sunt Hieronymi, qui videtur notare Ambrosium: qui lib. 2. de Fid. Gog. Gotthos dixerat.

(6) Licèt quidam Hieron. in Genes. Idem Eszech. 38. Hebræi Italos suspicantur. Et Isa. 66. Thubal, sive Tobel, aut Italia interpretatur, aut Iberia.

31 Mosoch, ex quo Cappadoces sunt: undè, & Urbs apud eos, usque hodiè Mazaca dicitur.

32 Thiras, à quo Thraces, quorum non satis immutatum vocabulum est, quasi Tiraces.

33 Filii Gomer nepotes Japhet.

(1) Aschanaz, à quo Sarmatæ, quos Græci Reginos vocant.

34 Riphath, à quo Paphlagonες.

35 Thogorma, à quo sunt Phryges.

36 (2) Filii Javan Elisa, à quibus Græci Elisæi, qui vocantur Æolides: undè, & lingua quinta Græci Æolis appellatur.

37 Tharsis, à quo Cilices, ut Josephus arbitratur: undè Metropolis Civitas eorum Tharsus dicitur.

38 Cethim, à quo Citii, i. Cyprii, à quibus hodieque Urbs Citium nominatur.

39 Dodanum, à quo Rhodii.

40 Hæ sunt gentes de stirpe Japhet, quæ à Tauro monte ad Aquilonem mediam partem Asiæ, & omnem Europam, (3) usque ad Oceanum Britannicum possident, nomina, & locis, & gentibus relinquentes, de quibus postea immutata sunt plurima, cætera permanent, ut fuerunt. (4) Nam multarum gentium vocabula partim manserunt, ita, ut hodieque appareat, undè fuerant derivata, sicut ex Assur Assyrii, ex Heber Hebræi: partim verò temporis vetustate, ita mutata sunt, ut vix homines doctissimi antiquissimas historias perscrutantes, nec omnium, sed aliquarum ex istis origines gentium potuerint reperire.

Nam quod ex filio Cham, qui vocabatur Mesraim, Ægyptii sunt exorti, nulla hoc resonat origo vocabuli, sicut nec Æthiopum, qui dicuntur ad eum filium Cham pertinere, qui Chus appellatus est. Et si omnia considerentur, plura tamèn gentium mutata, quam manentia vocabula apparent: quibus postea nomina diversa, diversa dedit ratio. Namque Indi ab Indo flumine dicti sunt, qui ab Occidentali parte os includit.

41 Seres à proprio oppido nomen sortiti sunt, gens ad Orientem sita, apud quos de arboribus lana contextitur, de quibus est illud: Ignoti facie, sed non, & vellere Seres.

42 (5) Gangaridæ populi sunt inter Assyrios, Indosque inhabitantes circa Gangem fluvium: undè etiam Gangaridæ nuncupati sunt.

43 Hyrcani dicti sunt à sylva Hyrcana, ubi sunt plurimæ tigres.

44 Bactriani Scythæ fuerunt, qui suorum factione à sedibus suis pulsi juxta Bactron Orientis fluvium consederunt, ex cujus vocabulo, & nomen sortiti sunt. Hujus gentis Rex fuit Zoroastes inventor magicæ artis.

45 Parthi quoque, & ipsi à Scythis originem trahunt. (6) Fuerunt enim eorum exules, quod etiam eorum vocabulo manifestatur: nam Scythico sermone exules Parthi dicuntur. Hi similiter: ut Bactriani domesticis seditionibus Scythia pulsi, solitudines juxta Hyrcaniam primùm furtim occupaverunt, deindè plerique finium, etiam virtute obtinuerunt.

46 (7) Assyrii ab Assur filio Sem

VO-

(1) Aschanaz, à quo Sarmatæ. *Supplenda videntur apud Hieronym. voces, à quo Sarmatæ, & legendum ex Joseph. chapaxas Aschanaz, quos Græci Rheginos vocant.*

(2) Filii Javan. *Hier. Q. in cap. 10. De Ionib. id est, de Græcis nascuntur Elisæi, qui nominantur Æolides.*

(3) Usque ad Oceanum Britan. *Quod Hieronym. usque ad Gadira dixit.*

(4) Nam multarum gentium appareat. *Verba Aug. 16. de Civit. cap. 11.*

(5) Gangaridæ-Hyrcani. *Ex Serv. Georg. 1. & An. 7.*

(6) Fuerunt n. cor. exulæ-obtinuerunt. *Iustini verba lib. 41.*

(7) Assyrii ab Assur. *Ex Hier. Is. 19.*

vocati, gens potentissima, quæ ab Euphrate, usque ad Indorum fines omnem in medio tenuit regionem.

47 Medi à Rege suo cognominati putantur: namque⁽¹⁾ Jason Pelia Regis frater, à Pelia filii Thessalia pulsus est, cum Medea uxore sua,⁽²⁾ cujus fuit Privignus Medus Rex Atheniensium: qui post mortem Jasonis Orientis plagam perdomuit, ⁽³⁾ ibique Mediam Urbem condidit, gentemque Medorum nomine suo appellavit.⁽⁴⁾ Sed invenimus in Genesi, quod Madai auctor gentis Medorum fuit, à quo, & cognominati, ut superius dictum est.

48 ⁽⁵⁾ Persæ à Perseo Rege sunt vocati, qui è Græcia in Asiam transiens, ibi barbaras gentes gravi, diuturnoque bello perdomuit: novissimè victor nomen subjæctæ genti dedit. Persæ autem ante Cyrum ignobiles fuerunt, & nullius inter gentes loci habebantur. Medi semper potentissimi fuerunt.

49 Chasdim, qui nunc Chaldaei vocantur, à Chased filio Nachor fratris Abraham cognominati sunt.

50 ⁽⁶⁾ Sabæi dicti ἀπὸ τοῦ σέβειν, quod est supplicare, & venerari, quia divinitatem per ipsorum thura veneramus: ipsi sunt, & Arabes, qui in montibus Arabiæ sunt, qui vocantur Libanus, & Antilibanus, ubi thura colliguntur.

51 Syri ab Assurim vocati perhibentur, qui fuit nepos Abraham ex

Cethura, ⁽⁷⁾ quos autem veteres Assyrios, nunc nos vocamus Syros, à parte totum appellantes.

52 ⁽⁸⁾ Hebræi vocati sunt ab Heber, qui pronepos fuit Sem.

53 Israëlita verò ab Israël filio Isaac. ⁽⁹⁾ Nam Patriarcham Hebræorum constat fuisse Israël, à quo duodecim tribus Judæorum Israëlitis vocabulum sortitæ sunt. ⁽¹⁰⁾ Judæis autem scissura decem tribuum nomen imposuit. Nam antea Hebræi, sive Israëlita nuncupabantur. Ex quo autem in duo Regna Dei populus divisus est, tunc duæ tribus, quæ de stirpe Juda Reges habebant, Judæorum nomen sortitæ sunt. Reliqua pars decem tribuum, quæ in Samaria sibi Regem constituit, ob populi magnitudinem pristinum nomen retinuit Israël.

54 ⁽¹¹⁾ Samaritanorum gens sumpsit exordium ab Assyriis, qui transigrati habitaverunt in Samaria, qui Latine interpretantur custodes, eò quod captivato Israël isti in terra regionis eorum ad custodiam collocati sunt. Phoenix Cadmi frater de Thebis Ægyptiorum in Syriam profectus, apud Sidonem regnavit, eosque populos ex suo nomine Phœnices, eamque Provinciam Phœniciam nuncupavit.

55 Sidones autem à Civitate, quæ vocatur Sidon traxisse vocabulum perhibentur.

56 Saraceni dicti, vel quia ex Sara genitos se prædicent: vel sicut

Gen.

(1) Namque Jason. Ex *Iust. lib. 42.*

(2) Cuius fuit Privign. Ex *cod.*

(3) Ibi que Mediam. *Iustinus Medeam lib. 42. sic n.* Postmodum Jasonis Medus æmulus virtutis ejus in honorem matris Medeam Urbem condidit.

(4) Sed invenimus in Gen. Minime quidem in Genesi, sed apud Hieronymum in Gen. ut pro invenimus Hieronymus, cum Chacone legendum credamus.

(5) Persæ autem. Ex *Hieronymo, ad Is. cap. 21.*

(6) Sabæi dicti è *Serv. Jon. 1. ad verba.* Centumque Sabæo Thure. At supra à Saba filio Chus Sabæos deduxerat.

(7) Quos autem veteres Assyrii. è *Hier. in Is. cap. 19.*

(8) Hebræi vocati ab Heber. Ità *Hier. Gen. 10. Ab Abraham deduci enixè contendit ad cap. 3. Epist. ad Philip. Ambrosius.*

(9) Nam Patriarch. Heb. Ex *Euseb. Chronic.*

(10) Judæis autem sciss. *Hieron. Jon. 1. & aliis in locis.*

(11) Samaritanorum gens—Item Phœnix Cadmi. Ex *Euseb. Chron.*

Gentiles ajunt, quòd ex origine Syro-
rum sint, quasi Syrigenæ. Hi ⁽¹⁾ per-
amplam habitant solitudinem. Ipsi
sunt, & Ismaëlita: ut liber Geneseos
docet, quòd sint ex Ismaële. Ipsi Ce-
dar à filio Ismaëlis. Ipsi Agaræni ab
Agar, qui, ut diximus, perverso no-
mine Saraceni vocantur, quia ex Sara
se genitos gloriantur.

57 ⁽²⁾ Philistæi ipsi sunt Palæsti-
ni, quia p litteram sermo Hebræus
non habet: sed pro eo φ Græco utun-
tur. Indè Philistæi pro Palæstinis di-
cuntur à Civitate utiquè sua iidem, &
allophyli, id est, alienigenæ, ob hoc,
quia semper fuerunt inimici Israël, &
longè ab eorum genere, & societate
separati.

58 Chananæi appellati de Cha-
naam filio Cham, quorum terram Ju-
dæi possederunt. Ex cujus origine
fuit Emor pater Sichem, à quo Amor-
rhæi sunt nuncupati.

59 ⁽³⁾ Ægyptii ab Ægypto quo-
dam suo Rege vocati sunt. Nàm antè
Ærii dicebantur. Interpretantur au-
tem lingua Hebraica Ægyptii affligen-
tes, eò quòd afflixerint Dei popu-
lum, priusquàm divino auxilio libe-
raretur.

60 ⁽⁴⁾ Armenius ex Thessalia
unus de numero Ducum Jasonis, qui
ad Colchos profecti sunt: recollecta
multitudine, quæ amisso Rege Jasone
passim vagabatur, Armeniam con-
didit, gentique ex suo vocabulo no-
mem dedit.

61 ⁽⁵⁾ Limes est Persicus, qui

Scythas ab eis dividit Scythia cogno-
minatus, à quo limite Scythæ à qui-
busdam perhibentur vocati, ⁽⁶⁾ gens
antiquissima semper habitæ. Hi Par-
thos, Bactrianosque, fœminæ autem
eorum Amazonum Regna condide-
runt.

62 Massagetæ ex Scytharum ori-
gine sunt. Et dicti Massagetæ, quasi
graves, id est, fortes Getæ. ⁽⁷⁾ Nàm
sic Livius argentum grave dicit, id est,
massas. Hi sunt, qui inter Scythas, at-
que Albanos septentrionalibus jugis
inhabitant.

63 Amazones dictæ sunt, seu
quod simul viverent sine viris, quasi
ἀμα ζῶσαι, sive quòd adustis dexte-
rioribus mammis essent, nè sagitta-
rum jactus impediretur, quasi *ἀνευ μά-*
ζῃ. Nudabant enim, quàm adusse-
rant mammam. ⁽⁸⁾ Has Titianus uni-
mamas dicit. Nàm hoc est Ama-
zon, quasi *ἀνευ μάζῃ*, id est, sine
mamma. Has jam non esse constat:
quòd earum partim ab Hercule, par-
tim ab Achille, vel ab Alexandro us-
que ad internicionem deletæ sunt.

64 ⁽⁹⁾ In parte Asiaticæ Scythiæ
gentes, quæ posteros se Jasonis cre-
dunt albo crine nascuntur ab assiduis
nivibus, & ipsius capilli color genti
nomen dedit, & indè dicuntur Albani.
Horum glauca oculis, id est, picta in-
est pupilla: adeò, ut nocte plusquàm
die cernant. Albani autem vicinæ
Amazonibus fuerunt.

65 Ugnos antèa Hunnos voca-
tos, postremò à Rege suo Abares ap-
pe-

(1) Hi peramplam hab. Hieron. ad Isai. 21.

(2) Philistæi ipsi sunt. Ex Hieron. ad Ezech. 25. *apud quem à gente sua, quod hic à Civitate sua,*

(3) Ægyptii ab Ægypto. Ex Euseb. Chron.

(4) Armenius ex Thessal. Justin. lib. 42.

(5) Limes est Pers. Plin. & Solin. cap. 52.

(6) Gens antiquiss. Ex Justin. lib. 2. in princip.

(7) Nàm sic Livius arg. Serv. Æn. 6. ad v. Egegiom forma juvenem: Pro quo ære gravi donatus est, id est, massis.

Nàm sic, & Livius argentum grave dicit, id est, massas.

(8) Has Titianus—deletæ sunt. à Serv. Æn. 1. ad v. Ducit Amazonidum, &c. & Æn. 11. ad vers. At medias inter

cedes exultat Amazon.

(9) In parte Asiaticæ. Verba illa ab assiduis nivib. Itemque, id est, picta, aliis ducunt Chacon, neque n. sunt,

apud Solin. è quo sunt reliqua.

pellatos dicunt, qui prius in ultima Mæotide inter glaciale Tanaim, & Massagetarum immanes Populos habitaverunt. ⁽¹⁾ Deinde pernicibus equis Caucasi rupibus, ubi feras gentes Alexandri claustra cohibent, eruperunt: & Orientem viginti annis tenuerunt capitivum, & ab Ægyptiis, atque Æthiopicis annuum vectigal exegerunt.

66 Trojanorum gens antea Dardana, à Dardano nominata. Nam Dardanus, & Jasius fratres è Græcia profecti: ex iis Jasius ad Thraciam, ⁽²⁾ Dardanus ad Phrygiam pervenit, ibique primus regnavit. Post quem filius ejus Ericthonius, deinde nepos ejus Tros, à quo Trojani nuncupati sunt.

67 Galatæ Galli esse noscuntur, qui in auxilium à Rege Bithyniæ evocati, Regnum cum eo ⁽³⁾ parta victoria diviserunt: sicque deinde Græcis admixti, primum Gallogræci, nunc ex antiquo Gallorum nomine Galatæ nuncupantur.

68 Græci ante Thessali à Thesalo, postea à Græco Rege Græci sunt nuncupati. ⁽⁴⁾ Nam Græci propriè Thessali sunt.

69 Lapithas autem gentem Thesaliæ fuisse ajunt circa Pencum amnem olim inhabitantem, à Lapitha Apollinis filia nuncupati.

70 Sicyonii Græci sunt nuncupati, à Sicyonio Rege. Hi primum Ægialæi vocabantur, à ⁽⁵⁾ Rege Ægialeo, qui primus Sicyoniis imperavit, à quo, & Ægialæa nuncupata est, quæ nunc Peloponesus à Peloe Rege suo

vocatur. Ipsi sunt, & Arcades ab Arcade Rege Jovis, & Calystonis filio dicti.

71 Danaï à Danao Rege vocati. Iidem, & Argivi ab Argo conditore cognominati. Postquam autem Græcorum Rex Apis mortuus est: huic filius Argus successit in Regnum, & ex eo Argivi appellati sunt, qui etiam ab eis post obitum: ut Deus haberi cœpit, templo, & sacrificio honoratus.

72 Achæi, qui, & Achivi ab Achæo Jovis filio dicti.

73 Pelasgi nominati, quia cum velis passis verno tempore advenisse Italiam ⁽⁶⁾ visi sunt, ut aves. ⁽⁷⁾ Primos enim eos Varro Italiam appulisse commemorat. Græci verò Pelasgos à Pelasgo Jovis, & Larissæ filio perhibent dictos.

74 ⁽⁸⁾ Myrmidones fuerunt Achillis socii: Dolopes Pyrrhi, dicti autem Myrmidones propter astutiam, quasi *μύρμικες*, id est, formicæ. Eratosthenes autem dicit dictos Myrmidones à Myrmidone Duce, Jovis, & Eurimedusæ filio.

75 Cecropi Atheniensium Regi ⁽⁹⁾ successit Cranaus, cujus filia Atthis nomen, & regioni, & genti dedit. Et ex ea Attici cognominati, qui sunt Athenienses.

76 ⁽¹⁰⁾ Jon, vir fortis ex suo nomine eosdem Athenienses vocavit Jones.

77 Macedones à nomine Emathionis Regis antea Emathii nuncupati

T

ti

(1) Deinde pernicibus eq. *Verba sunt Hieron. Ep. 30.*

(2) Dardanus, & Jasius. *Serv. Aen. 5. ad v. Dardanus Idæas. Et Euseb. in Chron.*

(3) Parta Victoria. *Al. petacta. Ex Justin. lib. 25. & Hieron. in Ep. ad Gal. que repetuntur lib. 14. cap. 3.*

(4) Nam Græci propriè Thessali. *è Serv. Aen. 2. ad v. Erucint Danaï. Plin. lib. 7. cap. 4. Hellas eadem Thessalia, & Dryopis semper à Regibus cognominata. Ibi genitus Rex nomine Græcus, à quo Græcia, ibi Hellen, à quo Hel-*

lenes, ibi (fortasse) Thessalus, à quo Thessalia, ne Isidori fidei derogemus.

(5) A Rege Ægialo. *Euseb. in Chron.*

(6) Visi sunt, ut aves. Ergo Pelasgi, quasi *πτερυγοί*, id est, ciconia.

(7) Primos n. eos Varro. *Serv. Aen. 8. Hi primi Italiam tenuisse perhibentur.*

(8) Myrmidones fuer. *è Serv. Aen. 2. ad v. Myrmidonum, Dolopumvæ.*

(9) Successit Cranaus. *Ex Euseb. Chron.*

(10) Jon vir fortis. *Ex eod.*

ti sunt : postea Macedones dicti à Macedone Rege Deucalionis materno nepote.

78 ⁽¹⁾ Epirotæ à Pyrrho Achillis filio prius Pyrrhidæ, postea verò à Pyrrho Rege ad Italiam transire præsumperunt.

79 Dorus Neptuni, & ⁽²⁾ Ellipsis filius fuit, undè Dori, & originem, & nomen ducunt. Sunt autem pars Græciæ gentis, ex quibus etiam cognominata est tertia lingua Græcorum, quæ Dorica appellatur.

80 Lacedæmones à Lacedæmone Semelæ filio dicti. Hi ⁽³⁾ diu perseverantes in bello contra Messenios, veriti nè diuturnitate proclii spem prolis amitterent : præceperunt, ut virgines eorum cum juvenibus domi relictis concumberent, sicque ex promiscuo virginum, & maritorum concubitu juvenes de incertis parentibus nati sunt, & ex nota materni pudoris Parthenii vocati sunt. Nam ipsos esse Spartanos quos, & Lacedæmones. ⁽⁴⁾ Spartanos verò propter repentinos adversus Cadmum, quasi de terra contractus, & ex omni parte conflictus ita vocatos.

81 Thraces ex filio Japhet, qui vocatus est Thiras, & orti, & cognominati, ut superius dictum est, perhibentur : licet Gentiles eos ex moribus ita dictos existiment, quòd sint truces. Sævisimi enim omnium gentium fuerunt : undè, & multa de eis fabulosa memorantur : quòd captivos Diis

suis litarent, & humanum sanguinem in ossibus capitum essent soliti potare. De quibus Virgilius : Heu fuge crudelles terras, fuge littus avarum, quasi crudelium, & avarorum.

82 ⁽⁵⁾ Istrorum gens originem à Colchis ducit, qui missi ad Argonautas persequendos : ut à Ponto intraverunt Istrum fluvium, à vocabulo amnis, quo à Mari concesserant appellati sunt.

83 ⁽⁶⁾ Romani à Romuli nomine nuncupati, qui Urbem Romanam condidit, gentique, & Civitati nomen dedit. Hi antè à Saturno Saturnii, à Latino Latini vocati sunt. Nam Latinus Italiæ Rex fuit, qui ex suo nomine Latinos appellavit, qui postea Romani nuncupati sunt. Hi, & Quirites dicti, quia Quirinus dictus est Romulus, quòd semper hasta utebatur, quæ Sabinorum lingua Quiris dicitur.

84 Italus quoque, & Sabinus, & Sicanus fratres fuerunt, ex quibus nomina Populis imposita, & regionibus sunt. Nam ab Italo Itali, à Sabinò Sabini, à Sicano Sicani, qui, & Siculi cognominati sunt, idem, & Sicilienses.

85 Thusci Italiæ gens est à frequentia sacrorum, & thuris vocata, id est, ἀπὸ τοῦ θύειν.

86 ⁽⁷⁾ Umbri Italiæ gens est, sed Gallorum veterum propago, qui Apenninum montem incolunt. De quibus historiæ perhibent, quod tempore aquosæ cladis imbris superfluerint,

(1) Epirotæ à Pyrrho. *Justin. lib. 17. c. 18.*

(2) Et Ellopes filius. *Serv. Aen. 2. ad illud.* Dorica castra : sanè Dorus Neptuni filius fuit, undè Dori originem duxerunt, neque Ellipes, aut Ellipsis meminuit.

(3) Hi diu perseverantes in bello. *Refert hoc ex Ephoro Strabo lib. 6. cujus etiam meminuit Laërtianus lib. 1. cap. 20.* Sic juvenes ante dimissi, cum virginibus, ex quibus sunt Parthenii nati. *Eusebius in Chronico Parthenitas. Ephorus Parthenitas. Serv. Aen. 3. c. Georg. 4. Partheniatus vocat. Male ergo in plerisque Codicibus Spartchini. Propius à vera scriptura Goth. Ovet. Colleg. Sparthenii.*

(4) Spartanos verò. *Euseb. in Chron.* Ea quæ de Spartha memorantur, quos Palephatus scribit, cum proximarum essent regionum adversum Cadmum constitisse, & propter repentinos, quasi de terra contractus ex omni parte confluentes, Sparthos vocatos. *Vid. Agell. lib. 17. cap. 3. c. Isid. infra de Phalanto Parthenior. Duce.*

(5) Istrum-qui missi. *Ab Aretha Rege. Justin. lib. 32.*

(6) Romani-Quirites-Thusci. à Servio diversis locis.

(7) Umbri--tempore aquosæ clad. *Solin. cap. 8. Plin. lib. 3. cap. 14.*

rint, & ob hoc ὀμυβλῆς Græcè nominatos.

87 Marsi, gens Italiæ dicta ⁽¹⁾ à comite Liberi Marsya, qui usum illis vitium ostendit, & ob hoc illi statum fecerunt: quàm postea Romani victis Marsis tulerunt. ⁽²⁾ Marsos autem Græci Uscos vocant, quasi ὀφίχους, quòd multos serpentes habeant, & ὄφης serpens dicitur: illasos autem esse carminum maleficiis: inhabitant autem plagam Apennini montis simul cum Umbris.

88 Gothi à Magog filio Japhet nominati putantur, de similitudine ultimæ syllabæ, quos veteres magis Getas, quàm Gothos vocaverunt, gens fortis, & potentissima, corporum mole ardua, armorum genere terribilis, de quibus Lucanus. Hinc Dacus premat, indè Getes, occurrat Iberis.

89 ⁽³⁾ Daci autem Getarum suboles fuerunt, & dictos putant Dacos, quasi Dagos, quia de Gothorum stirpe creati sunt. De quibus ille: Ibis Arctoos prociū, usquē Dacos.

90 Bessi barbari fuerunt, qui à multitudine boum sic vocati creduntur. De ⁽⁴⁾ quibus quidam: Qui colit terræ medio, vel ille Divitis multò bove pileatus Accolaripæ.

91 Gipedes pedestri proelio magis, quàm equestri sunt, usi, & ex hac causa ita vocati.

92 Sarmatæ parentibus campis

armati inequitabant, priusquàm eos Lentulus Danubio prohiberet, atquè indè ob studium armorum Sarmatæ nuncupati existimantur.

93 Lanus fluvius fertur ultrà Danubium, à quo Alani dicti sunt, ⁽⁵⁾ sicut, & Populi inhabitantes juxta Lemannum fluvium Alemanni vocantur. De quibus Lucanus: Deservere cavo tentoria fixa Lemanno.

94 Longobardos vulgò ferunt, nominatos à proluxa barba, & nunquàm tonsa.

95 Vindilicus amnis ab extremis Galliæ erumpens, juxta què fluvium habitasse, & ex eo traxisse nomen Wandali perhibentur.

96 Germaniæ gentes dictæ, quòd sint immania corpora, immanesque nationes sevisimis duratæ frigoribus, qui mores ex ipso Cœli rigore traxerunt, ferocis animi, & semper indomiti raptu, venatuque viventes. Horum plurimæ gentes variæ armis, discoloribus habitu, linguis dissonæ, & origine vocabulorum incertæ; ⁽⁶⁾ ut Tolosates, Angrivari, Quadi, Tungrii, Marcomani, Bructeri, Chamavi, Wangiones, Tubantes, quorum immanitas barbariæ, etiam in ipsis vocabulis horrorem quemdam significat.

97 Suevi pars Germanorum fuerunt in fine Septentrionis, de quibus Lucanus: Fundit ab extremo flavos Aquilone Suevos. Quorum fuisse cen-

T 2 tum

(1) Dicta à comite Liberi Marsya. Silius lib. 8. Sed Populus nomen posuit metuencior hospes. Cùm fugeret Phrygios terras, a quo, Marsya Crenos, &c. Plinius tamen, lib. 7. cap. 2. à Marsa Circes filia.

(2) Marsos autem Græci. Serv. Aen. 7. ad. v. Ostorumque manus, ita scribit: Capuenses, dicit, qui antea Oscim appellati sunt, quòd ille plurimi abundanter serpentes. Sed, cur hos cùm Umbris postea habitare dicat Ivid, cùm à Capuensibus longissime distent, querendum.

(3) Daci autem Gothi. Verba sunt Justini, lib. 33. Carmen verdè S. Paulini.

(4) De quibus quidam. Idem Paulin.

(5) Sicut, & Populi hab. t. Iem. Serv. Georg. 4. ad verba, propè flumina Mellæ.

(6) Ut Tolerates. Mirà varietas in libris, à quoniam singula nomina multimodis scribantur: ut Tolerates, Tolorates, Dolerates, Olarates, Coloniatos. Item Amisviri, Samsi, Vari, Amisi, Vari Anismani. Item Quadi, Quadri, Item Tungrii, Turingii, Ungari, Munzii. Item Bruteri, Bruteni, Bructeri. Item Camasi, Clamassi, Chasuasi, Chamavi. Item Blangiani, Blanciani. Item Tubantes, Abantes. Nobis Tolosates, cùm Rhenan. lib. 1. German. rer. placent. Itemque Angrivari, Quadi, Tungrii, Marcomani, Bructeri, Chamavi, Wangiones, Tubantes, ex Tacito. Quamvis pro Chamavis Clavisi, in Panegyrico Nazarii ad Constantin. Aug. mendose (ut credo) legantur. Eadem An-
toio Au. probabantur, nisi quòd pro Tolosatis Teniteros, longius ab scriptura discedens, ex Tacito substituitur.

tum pagos, & Populos multi proderunt. Dicti autem Suevi putantur à monte Suevo, qui ab ortu initium Germaniæ facit, cujus loca incoluerunt.

98 Burgundiones quomdam à Romanis subacta interiore Germania per castrorum limites positi à Tiberio Cæsare in magnam coaluerunt gentem, atque ita nomen ex locis sumpserunt, quia crebra per limites habitacula constituta: Burgos vulgò vocant. Hi postea rebelles Romanis effecti: plusquam octoginta millia armatorum ripæ Rheni fluminis insederunt, & nomen gentis obtinuerunt.

99 Saxonum gens in Oceani litoribus, & paludibus inviis sita virtute, atque agilitate habilis. Undè, & appellata, quod sit durum, & validissimum genus hominum, & præstans cæteris piraticis.

100 Franci à quodam proprio Duce vocati putantur. Alii eos à feritate morum nuncupatos existimant. Sunt enim in illis mores inconditi, naturalis ferocitas animorum.

101 Britones quidam Latinè nominatos suspicantur: eò quòd bruti sint, gens inter Oceanum interfuso Mari, quasi extra orbem posita. De quibus Virgilius: Toto divisos orbe Britannos.

102 Scoti propria lingua nomen habent à picto corpore, eò quòd aculeis ferreis cum atramento variarum figurarum stigmate annotentur.

103 ⁽¹⁾ Galli à candore corporis

nuncupati sunt, γᾱλᾱ enim Græcè lac dicitur. Undè, & Virgilius sic eos appellat, cùm ait de iis, tùm lactea colla Auro innectuntur. Secundùm diversitatem enim Coeli, & facies hominum, & colores, & corporum quantitates, & animorum diversitates existunt. Indè Romanos graves, Græcos leves, Afros versipelles, ⁽²⁾ Gallos natura feroces, atque aciores ingenio pervidemus, quod natura climatum facit. Galli autem Senones antiquitus Xenones dicebantur, quòd Liberum hospitio recepissent, postea x in s litteram commutata est.

104 ⁽³⁾ Vacca oppidum fuit juxta Pyrenæum, à quo sunt cognominati Vaccæi, de quibus creditur dixisse Poëta: lateque vagantes Vaccæi. Hi Pyrenæi jugis peramplam montis habitant solitudinem. Idem, & Vascones, quasi Vaccones c in s litteram demutata. ⁽⁴⁾ Quos Cn. Pompejus edomita Hispania, & ad triumphum redire festinans de Pyrenæi jugis deposuit, & in unum oppidum congregavit. Undè, & Convenarum Urbs nomen accepit.

105 Hispani ab Ibero amne primum Iberi, postea ⁽⁵⁾ ab Hispalo Hispani cognominati sunt.

106 ⁽⁶⁾ Galleci à candore dicti, undè, & Galli. Reliquis enim Hispaniæ Populis candiores existunt. Hi Græcam sibi originem asserunt. Undè, & naturali ingenio callent. Siquidem post finem Trojani belli Teucrum morte Ajacis fratris invisum patri Telamoni, cùm non reciperetur in Regnum,

(1) Galli à candore. Hier. in *Prohem.* lib. 2. in Ep. ad Gal. ex Lactantio, è cujus verbis Sibylla pro Virgilii nomine in quodam nostro Codice irrepsit.

(2) Gallos natura feroces, atque aciores. è Serv. *Æn.* 6. ad v. Principio Cælum, ac terras, quo tamen loco non acrioris, sed pigrioris ingenii legitur. Et Julius Firmic. lib. 1. cap. 1. & Hydr. (ut refert loco citato Hieronymus) Gallos stolidos vocant.

(3) Vacca oppidum juxta Pyren. A. Augustinus Vacca legendum existimabat. Nàm, & Strabo lib. 3. de Gentibus inter Pyrenæum, & Idubedam montes Pæcetanor, agens, Pæcetanam nobilissimam prædicat, ubi nunc Vacca Urbs. Itaque vacantes Vaccæi, mendosum, sed eodem modo legitur apud Hier. in Ep. ad Dardan.

(4) Quos Cn. Pompei-nomen accep. Ex Hieronym. *advers. Vigilant.* hodieque Comange dicitur.

(5) Ab Hispalo Hispani. Ab Hispano Hispani. Justin. lib. 44. & C. Neap.

(6) Galleci. Ex eodem Justin. Sed illa apud eum non sunt: Undè, & naturali ingenio callent.

num, Cyprum concessisse, ibique Urbem nomine antiquæ patriæ Salaminam condidisse, ⁽¹⁾ indè ad Gallciam profectum, & positis sedibus ex loco genti nomen dedisse.

107 Austures gens Hispaniæ vocati, eò quòd circa Asturam flumen septi montibus, sylvisque crebris inhabitent.

108 ⁽²⁾ Cantabri gens Hispaniæ à vocabulo Urbis, & Iberi amnis, cui insidunt, appellati. Horum animus pertinax, & magis ad latrocinandum, & ad bellandum, vel ad perpetiendum verbera sempèr parati.

109 Celtiberi ex Gallis Celticis fuerunt, quorum ex nomine appellata est regio Celtiberia. Nàm ex flumine Hispaniæ Ibero, ubi consederant, & ex Gallis, qui Celtici dicebantur, mixto utroque vocabulo Celtiberi nuncupati sunt.

110 ⁽³⁾ Afri appellati ab uno ex posteris Abrahæ, qui vocabatur Afer: qui dicitur duxisse adversus Libyam exercitum, & ibi victis hostibus concessisse, ejusque posteros ex nomine Atavi, & Afros, & Africam nuncupasse.

111 ⁽⁴⁾ Pœni autem Carthaginenses sunt à Phœnicibus nuncupati, qui cum Didone profecti sunt.

112 Tyrii verò à Tyria Urbe Phœnicum nominati, de qua profecti sunt, & in Africæ littus venerunt.

113 Getuli Getæ dicuntur fuisse, qui ingenti agmine à locis suis navibus conscendentes, loca Syrtium in Lybia occupaverunt: & quia ex Getis venerant, derivato nomine Getuli cognominati sunt. Undè, & opinio est apud Gothos ab antiqua cognatio-

nè Mauros consanguinitate propinquos sibi vocare.

114 ⁽⁵⁾ Africam autem initio habuere Libyes, deindè Afri, post hæc Getuli, postremum Mauri, & Numidæ.

115 Mauri, & Numidæ, ut Afri putant, sic sumpserunt exordium, & vocabulum. Nàm postquam in Hispania Hercules interii; & exercitus ejus compositus ex variis gentibus, amisso Duce, passim sibi sedes quærebant, ex eo numero Medi, & Persæ, & Armeni navibus in Africam transuecti proxima maris loca occupare. Sed Persæ dum materiam in agris pro construendis domiciliis non invenirent, & ignara lingua commercium prohiberet: per patentem agros, & diversas solitudines vagabantur, & à pabulationibus vagabundis semetipsos propria lingua Numidas appellaverunt, id est, sine oppido vagos, & errantes. Medi autem cum Libyis se miscuerunt: qui proximè Hispaniam inhabitabant, quorum nomen paulatim Libyes corruerunt, barbara lingua Mauros pro Medis appellantes: licet Mauri ob colorem à Græcis vocentur. Græci enim nigrum *μαυρόν* vocant, æstifero quippè calore afflati atrii coloris speciem ducunt.

116 ⁽⁶⁾ Massilia Civitas Africæ est, non longè ab Atlante, & hortis Hesperidum: à qua Civitate Massilii vocati sunt, quos nos corruptè Massulos vocamus, de quibus Virgilius: Hinc mihi Massilæ gentis monstrata Sacerdos.

117 Gaulalum gentes sunt à meridie usquè Oceanum Hesperium

T3

per-

(1) Indè Galliciam profectus. Multa omissa sunt non ab Isidoro: ut Chacon quidem censebat, sed à librario, quæ petes à Justino.

(2) Cantabri à vocabulo Urbis. Cujus, & annales nostri sapè meminere, & ruina hodiè videntur.

(3) Afri appellati. Omnia à Hieron. & in Gen. cap. 25.

(4) Pœni à Phœnicibus. Serv. Æn. 1. Pœni *ἀφρική* est, quasi Phœni.

(5) Africam habuere libyes. Ex Sallust. in Jugurth.

(6) Massyla. Vid. Serv. ibidem.

pervagantes. ⁽¹⁾ His nomen Gauloë Insula dedit, quæ est juxta Æthiopiam, ubi nec serpens nascitur, nec vivit.

118 Garamantes Populi Africæ propè Cyrenas inhabitantes à Garamante Rege Apollinis filio nominati, qui ibi ex suo nomine Garama oppidum condidit. Sunt autem proximi gentibus Æthiopum, de quibus Virgilius, extremi Garamantes. ⁽²⁾ Extremi autem, quia sævi, & à consortio humanitatis remoti.

119 Hesperii verò sunt, qui circa Hispaniam commorantur. Nam Hispania Hesperia.

120 Æthiopes dicti à filio Cham, qui vocatus est Chus, à quo originem trahunt. ⁽³⁾ Chus enim Hebraica lingua Æthiops interpretatur. Hi ⁽⁴⁾ quondam ab Indo flumine consurgentes, juxta Ægyptum inter Nilum, & Oceanum, in meridie sub ipsa Solis vicinitate insederunt, quorum tres sunt Populi: Hesperii, Garamantes, & Indi: Hesperii sunt Occidentis, Garamantes Tripolis, Indi Orientis.

121 ⁽⁵⁾ Troglodytæ gens Æthiopum: ideò nuncupati, quòd tanta celeritate pollent, ut feras cursu pedum assequantur.

122 ⁽⁶⁾ Pamphagi, & hi in Æthiopia sunt: quibus esca est quicquid mandipotest, & omnia fortuitu gignentia, undè, & appellati.

123 ⁽⁷⁾ Ichthyophagi, quòd vendando in mari valeant, & piscibus tan-

tum alantur. Hi post Indos montanas regiones tenent, quos subactos Alexander Magnus piscibus vesci prohibuit.

124 ⁽⁸⁾ Anthropophagi gens asperrima sub regione Serum sita. Qui quia humanis carnibus vescuntur, ideo Anthropophagi nominantur. Itaque sicut his, ita, & cæteris gentibus per sæcula, aut à Regibus, aut à locis, aut à moribus, aut ex quibuslibet aliis causis immutata vocabula sunt: ita ut prima origo nominis eorum temporum vetustate non pateat.

125 Jam verò hi, qui ⁽⁹⁾ Antipodes dicuntur, eò quòd contrarii esse vestigiis nostris putantur: ut quasi sub terris positi adversa pedibus nostris calcant vestigia, nulla ratione credendum est: quia, nè soliditas patitur, nè centrum terræ: sed neque hoc ulla historiæ cognitione firmatur, sed hoc Poëtæ, quasi ratiocinando conjectant.

126 ⁽¹⁰⁾ Titanas autem quosdam in Græcia ferunt fuisse robustos, & excellentes viribus Populos, ⁽¹¹⁾ quos ferunt fabulæ ab irata contra Deos terra ad ejus ultionem creatos. Undè, & Titanes dicti sunt ἀπὸ τῆς τίσεως, id est, ab ultione, quod quasi ulciscendæ matris terræ causa in Deos armati extiterint: quos fabulæ à Jove bello fuisse superatos, atque extinctos fingunt, propter quod è Cælo jactis fulminibus interjerunt.

CA-

(1) His nomen Gauloë. à Solin. sed cur Æthiopia proxima? An quia Solinus statim de Æthiopia?

(2) Extremi, quia sævi. è Serv. ad eclog. 8. quasi sævi.

(3) Chus n. ling. Heb. è Hieron. de Nominib. Heb.

(4) Hi quondam, &c. Verba Hier. in lib. de Loc. Hebraica.

(5) Troglodytæ gens. ἀπὸ τῆς τρύγδους, id est, caverna, quod in speluncis habitent. Solin. cap. 34. sed Isidori notatio magis Trogloditis respondet, id est, via voratoribus. Plinius quoque lib. 6. cap. 29. Gentes Trogloditarum idem Jaba tradit Therothoas à venatu dictos miræ velocitatis. Neque tamen propterea Trogloditas ab Isid. nominatos putarim, cum præsertim Troglodita in omnibus cc. legatur: sed lussie in voce, ut solet, liberius.

(6) Pamphag. Verba Solin. cap. 33.

(7) Ichthyophag. Ex eod. cap. 33.

(8) Anthropophag. Ex eod. cap. 33.

(9) Antipodes. Ex Aug. 16. de Civit. cap. 9. qui Lacantium secutus est, quasdam etiam verba à Servio Æn. 6. ad illud. N. A. s. atque dies p. a. l. D. Hos omnes atas nostra coarguit ad Antipodas ipsos penetrans. Sed Servius non de Antipodibus, sed de insulis, ac terra centro loquitur.

(10) Titanas. Ex Lacantium lib. 5. cap. 6.

(11) Quos ferunt fabulæ. è Serv. Æn. 6. Hic genus antiquum Trojæ.

CAPUT III.

De Regnis, & Militia vocabulis.

1 **R**egnum à Regibus dictum, Nam sicut Reges à regendo vocati: ita Regnum à Regibus.

2 Regnum universæ Nationes suis quæque temporibus habuere, ut Assyrii, Medi, Persæ, Ægyptii, Græci, quorum vices sors temporum ita volutavit, ut alterum ab altero solveretur. Inter omnia autem Regna terrarum duo Regna cæteris gloriosiora traduntur, Assyriorum primò, deinde Romanorum, ut temporibus, & locis inter se ordinata, atque distincta. Nam sicut illud prius, & hoc posterius: ita illud in Oriente, hoc in Occidente exortum est: (1) denique in illius fine hujus initium confestim fuit. Regna cætera, cæterique Reges, velut appendices istorum habentur.

3 (2) Reges à regendo vocati, (3) sicut enim Sacerdos à sanctificando, ita, & Rex à regendo: non autem regit, qui non corrigit. Rectè igitur faciendo Regis nomen tenetur, peccando amittitur. Unde, & apud veteres tale erat proverbium. (4) Rex eris si rectè facies, si non facias, non eris.

4 Regiæ virtutes præcipuæ duæ, justitia, & pietas: plius autem in Re-

gibus laudatur pietas: nam justitia per se severa est.

5 Consules appellati à consulendo, sicut Reges à regendo, & sicut leges à legendo: (5) nam cum Romani Regum superbam dominationem non ferrent, annua Imperia, binosque Consules sibi fecerunt: nam fastus regius non benivolentia consulentis, sed superbia dominantis erat: hinc igitur Consules appellati, vel à consulendo civibus, vel à regendo cuncta consilio. Quos tamen idè mutandos per annos singulos instituerunt, ut nec insolens diu maneret, & moderatior citò succurreret. Indè autem duo pares, quia unus rem civilem, alter rem militarem administrabat. (6) Regnaverunt autem annis cccclxiii.

6 Pro-Consules subjecti erant consulibus, & dicti Pro-Consules, eò quòd vicem Consulis fungere rentur, (7) sicut Procurator Curatoris, i. Actoris.

7 Ex-Consules autem dicti, quòd jam à consulatu exierint, sive disceserint peracto vicis suæ anno.

8 (8) Dictatores nono anno post Reges expulsos Romani, sibi creaverunt, dum gener Tarquinii ad injuriam soceri vindicandam, ingentem adversus Romani collegisser exercitum. (9) Hi quinquenii temporis Imperio utebantur: plus enim erant honore, quàm Consules, quia annuas potestates tenebant. (10) Et dicti Dictatores, quasi

(1) Cap. III. Denique in illius fine hujus initium fuit. Nam quo tempore Sardanapalus ultimus Assyriorum Rex ab Arbace Medo victus igni se tradidit, Romulus, & Remus nati sunt, quantum ex Eusebio colligere licet.

(2) Reges à regendo. Ex Aug. ad Pr. 44.

(3) Sicut enim Sacerdos à sanctificando. Ex eodem, ut etiam sup. lib. 7. cap. 12.

(4) Rex eris, si rectè facies. Horatius.

(5) Nam cum Romani Regum superbam dominationem. Ex Aug. 15. de Civit. cap. 12. qui hac ex Sallust. Catilin. apud quem, etiam superbam dominationem (non ut vulgo in superbiæ dominationemque) in antiquiss. libro legi a Jebat Chron.

(6) Regnaverunt autem annis cccclxiv. Totidem numerat Hieronymus in Pref. ad Aggaum, & Euseb. in Chron. Mendose libri nostri cccclxvii. facili librorum lapsu.

(7) Sicut Procurator Curatoris. Vid. cap. 10 q.

(8) Dictatores nono anno. Euseb. (sive Hieronymus potius) in Chron. Nono (inquit) anno post exactos Reges nova dignitas est creata. Dictatura scilicet. In quo Livium secutus videtur. Cassiodorus octavo anno post exactos Reges, de qua discordia Fasti inspicendi. Ant. August. non nisi duodecimo. Nostri omnes libri magno consensu quinto anno retinent, error fortasse natus ex nota lix. vel xli.

(9) Hi quinquenii tenebant. Hac censoribus aptanda videntur, de quibus cap. seq. Nam Dictatura semestris fuit.

(10) Et dicti Dictat. Varr. lib. 5. Hinc in manipulis castris ducibus. Hinc dictata in ludo. Hinc Dictator Ma-

quasi Principes, & Præceptores: undè, & Magistri Populi nominabantur. Undè, & dicta dicuntur.

9 ⁽¹⁾ Cæsarum nomen à Julio cœpit, qui bello civili commoto primus Romanorum singularem obtinuit Principatum. Cæsar autem dictus, ⁽²⁾ quòd cæso mortuæ matris utero prolatus, eductusque fuerit: vel quòd cum cæsariè natus sit, à quo, & Imperatores sequentes Cæsares dicti. (eò quòd comati essent) ⁽³⁾ Qui enim ex secundo utero eximebantur, Cæsones, & Cæsares appellabantur.

10 Julius autem dictus, quia ab Iulo Æneæ filio originem duxit: ut confirmat Virgilius: Julius à magno demissum nomen Iulo.

11 Imperatorum autem nomen apud Romanos eorum tantum fuit prius, apud quos summa rei militaris consisteret, & ideo Imperatores dicti ab imperando exercitui: sed dum diu Duces titulis Imperatoriis fungerentur: Senatus censuit, ut Augusti Cæsaris hoc tantum nomen esset, eò quòd is distingueretur à cæteris gentium Regibus, quod, & sequentes Cæsares hæcenus usurpaverunt. ⁽⁴⁾ Solet enim fieri, ut Primi Regis nomen, etiam reliqui possideant, sicut apud Albanos ex Silvii nomine omnes Reges Albanorum Silvii appellati sunt: sicut, &

apud Persas Arsacidæ: apud Ægyptios Ptolomæi: apud Athenienses Cecropidæ.

12 ⁽⁵⁾ Augustus ideo apud Romanos nomen Imperii est, eò quòd olim augerent Rempublicam amplificando. Quod nomen primo Senatus Octaviano Cæsari tradidit: ut quia auxerat terras, ipso nomine, & titulo consecraretur. Dum autem idem Octavianus jam Cæsar, & Imperator appellaretur, vel Augustus: ⁽⁶⁾ postea verò dum ludos spectaret, & pronuntiatum esset illi à Populo: ut vocaretur, & Dominus, statim manu, vul-tuque averso, indecoras adulationes repressit, & Domini appellationem ut omen ⁽⁷⁾ declinavit, atque insequenti die omnem Populum gravissimo edicto corripuit, Dominumque se post hæc appellari, nè à liberis quidem suis permisit. Fuit enim filius Attiæ, quæ nata est de sorore Iulii Cæsaris.

13 Reges autem ob hanc causam apud Græcos βασιλεῖς vocantur, quòd tanquam bases Populum sustinent: undè, & bases coronas habent. Quantum enim quisque magis præponitur, tantò ampliùs pondere laborum gravatur.

14 Tyranni Græcè dicuntur, iudem Latine, & Reges: ⁽⁸⁾ nam apud veteres inter Regem, & tyrannum nulla

Magister Populi. Cic. 3. de Legibus. Ast quando duellum gravius discordiæ civium poscunt: Dictator esto, ne amplius sex menses, si Senatus creverit, idemque Juris, quod duo Consules tenero. Isque avi sinistra dictus Populi Magister esto. Dictus vero Dictator, quòd à Consule diceretur.

(1) Cæsarum autem Imperatorum, aliqui ante Cæsarem Dictatorem Cæsar Juliorum cognomen fuit. Euseb. in Chron.

C. Julius Cæsar Primus apud Romanos singularem obtinuit Imperium, à quo Cæsares Romani Principes appellati.

(2) Quod cæso matris, e Servo. Æn. 1. v. Nascetur p. t. o. Cæsar. Quam verum (cum vixerit Aurelia Cæsaris mater ài vivo Cæsare) Servius viderit.

(3) Qui n. ex secundo. Plin. lib. 7. Auspicius enecta parente gignatur, sicut Scipio Africanus prior natus, primusque Cæsarum à cæso matris utero dictus, qua de causa Cæsones appellati. Vid. Fest. Verba vero, eò quòd comati essent, aliena cum Chæcone ducimus.

(4) Solet u. fieri. e Servo. Æn. 12. ad v. Murrano hic atavos.

(5) Augustus—eò quòd augerent. Suetonius ab auctu, vel ab avium gestu, gustuque. Ovidius utrumque indicavit Fast. 1. Huius, & augurium dependet origine verbi: Et quodcumque sua Jupiter auget ope.

(6) Postea verò dum lud. spect. Sueton. cap. 53.

(7) Ut omen declinavit. Verissimè restituit hunc locum A. Gouarruvias cum in libris, ut homo legeretur. Neque Isidoriano Codici, à quo hæc voces absunt, tantum credo, quantum huic emendationi. Sueton. Domini appellationem, ut maledictum, & opprobrium semper exhortuit. Quod autem sequitur, quæ nata est de sorore Iulii Cæsaris. Verba sunt Servii initio Æneid.

(8) Nam apud veteres, e Servo. Æn. 4. En 7. & August. 5. de Civit. cap. 19. Sed ne tyranni non pessimi, atque improbi Reges, sed veteri nomine fortes dicti existimantur. Unde ait Virgil. Pars mihi pacis erit dextram tetigisse tyranni.

nulla discretio erat : ut Pars mihi pacis erit dextram tetigisse tyranni. Fortes enim Reges tyranni vocabantur : nam Tyro fortis , de quibus Dominus loquitur : per me Reges regnant , & tyranni per me tenent terram. Jam postea in usum accidit tyrannos vocari pessimos , atque improbos Reges , luxuriosae dominationis cupiditatem , & crudelissimam dominationem in populis exercentes.

15 ⁽¹⁾ Princeps , & dignitatis modo significatur , & ordinis , sicut est illud Virgilianum : Princeps ardentem coniecit lampadam Turnus , pro primus. ⁽²⁾ Dictus autem Princeps à capiendi significatiene , quod primum capiat , sicut municeps ab eo , quod munia capiat.

16 ⁽³⁾ Dux dictus , eo quod sit ductor exercitus : sed non statim quicumque Principes , vel Duces sunt , etiam Reges dici possunt. In bello autem melius Ducem nominari , quam Regem : nam hoc nomen exprimit in proelio ducentem : unde Virg. Ducis Evandri , Salust. Quo cupidius in ore Ducis sese quisque bonum. Non dixit in ore Consulis.

17 Monarchæ sunt , qui singularem possident Principatum , qualis fuit Alexander apud Græcos , & Julius apud Romanos. Hinc , & monarchia dicitur , *μονὰς* quippe singularitatis Græco nomine , ἀρχὴ principatus est.

18 Tetrarchæ sunt , quartam par-

tem Regni tenentes. Nam τετραρα quatuor sunt , qualis fuit apud Judæam Philippus.

19 ⁽⁴⁾ Patritii inde vocati sunt , pro eo quod sicut patres filiis , ita provideant Reipublicæ.

20 ⁽⁵⁾ Præfecti dicti , quod Prætoria potestate præsent.

21 ⁽⁶⁾ Prætores iidem , qui , & Præfecti , quasi præpositores.

22 ⁽⁷⁾ Præsides verò dicti , quia alicujus loci tutelam præsidialiter tenent.

23 Tribuni vocati , quod militibus , sive plebibus jura tribuunt.

24 ⁽⁸⁾ Chiliarchæ sunt , qui mille præsent , quos nos Millenarios nuncupamus , & est nomen Græcum.

25 Centuriones dicti , eo quod centum præsent militibus , sicut Quinquagenarii , qui in capite sunt quinquaginta militum , sicut Decani ab eo , quod militibus decem præferuntur.

26 ⁽⁹⁾ Miles dictus , quia mille erant ante in numero uno , vel quia unus est , ex mille electus. Romulus autem ⁽¹⁰⁾ Primus ex Populo milites sumpsit , & appellavit. Liber verò primus militiæ ordinem docuit.

27 Miles , aut ordinarius dicitur , aut extraordinarius. Ordinarius est , qui per ordinem militat : nec adhuc aliquem consecutus est gradum honoris : est enim gregarius , id est , humilis militiæ. Extraordinarius vero , qui ob virtutem promovetur ex ordine.

28 Emeriti dicuntur veterani ,

80-

(1) Princeps , & dignitatis mod. Serv. *Æn.* 5. ad v. Cùm Princeps medioque Gyas , &c.

(2) Dictus autem Princeps. Ex. *Aug. lib. de Grammat.*

(3) Dux dictus. Ex 18. *de Civit. cap. 45.*

(4) Patritii inde vocati. *De novo Patritiorum genere , quod erat Justiniani tempore , A. Augustinus.*

(5) Præfecti. *De Præfectis Prætoris.*

(6) Prætores iidem , qui , & Præfecti. Veteres Prætores intellige , hoc est Magistratus , qua ratione Prætores Consules dicebantur , & prætorium , & porta prætoria. Quod verò quasi præpositores , melius cùm Varrone , quasi Prætorces dixisset.

(7) Præsides. *Glossar. præses ἐπιστατης.*

(8) Chiliarchæ. Ex *Hieronym. Isai. 2.*

(9) Miles—quia mille erat ante in numero uno. Cohortes numeros appellari solitas à Latinis tradit *Sozomen. tripart. Hist. lib. 1. cap. 7. Varro tamen lib. 4.* Milites , quod triam milium legio primò fiebat , ac singulæ tribus Tac. *Raman.*

(10) Ex Populo. *Ex plebe.*

solutique militia, qui jam in usu praelii non sunt, quia mereri militare dicitur, à stipendiis, scilicet, quæ merentur. Idem, & veterani dicuntur, quia jam in usu praelii non sunt: sed post multos militiae labores quietis suffragium consequuntur.

29 Equestres milites dicti, eo quod equo sedeant. Item militat ille in equestri ordine.

30 Tirones, dicuntur fortes pueri, qui ad militiam deliguntur, atque armis gerendis habiles existunt. Hi enim non ex sola professione nativitatis, sed ex aspectu, & validudine corporis existimantur. Unde, & tirones dicti, qui antequam Sacramento rogati sint, milites non sunt. ⁽¹⁾ Romanæ autem militiae mos fuit, puberes primò exerceri armis. Nam decimosexto anno tirones militabant, quo etiam solo sub custodibus agebant, de quibus Virgilius: Et primævo flore juvenus.

31 ⁽²⁾ Servos sanè nunquam militasse constat, nisi servitute deposita, excepto Hannibalis tempore, cum post Cannense praelium in tanta necessitate fuissent Romani: ut nè liberandorum quidem servorum daretur facultas.

32 ⁽³⁾ Desertores vocati, eo quod desertis militaribus officiis, evagantur. Hi in alios numeros militiae nomen dare prohibentur, sed si non magni temporis culpam contraxerint, cæsi numeris suis restituuntur. Sed, & qui deserunt exercitum ad hostes transeuntes, & ipsi Desertores vocantur.

33 Conscripti milites dicuntur,

quia in tabulis conferuntur ab eo, qui eos ducturus est: sicut Transcripti vocantur, cum de alia in aliam legionem transeunt, & inde Transcripti, quia nomina dant, ut transcribantur.

34 ⁽⁴⁾ Optiones dicti, quod sint electi. Nam optare eligere est, sicut est illud: Optavitque locum Regno, id est, elegit.

35 Excubitores dicuntur, pro eo quod excubias semper agunt. Sunt enim ex numero militum, & in porticibus excubant propter regalem custodiam. ⁽⁵⁾ Excubiæ autem diurnæ sunt vigiliæ nocturnæ, unde, & vigiles.

36 Velites erant, apud Romanos genus militiae, à volitando vocati. Lecti enim agilitate juvenes, cum armis suis post terga equitum considerant, & mox cum ad hostes ventum esset, equis desiliebant, & continuo pedites ipsi ex alia parte, equitibus per quos advehi fuerant dimicantibus, hostem perturbabant. Ab his ergo Velitibus elephantum quondam Hannibalis retrò acti, cum Regi jam à suis non possent, fabrili scalpro inter aures adacto, necabantur.

37 Castra sunt ubi miles steterit, ⁽⁶⁾ dicta autem castra, quasi casta, eo quod illic castraretur libido. Nam nunquam iis intererat mulier.

38 Militia autem à millibus dicta, aut à multis: quasi multicia, quasi negotium multorum, aut à mole rerum, ⁽⁷⁾ quasi moletia.

39 Legio sex millium armorum est à delectu vocata, quasi lecti, id est, armis electi. Propriè autem Ma-

(1) Romanæ autem militiae. à Servo. *Æn.* 7. ad v. Ante Urbem pueri, &c.

(2) Servos sanè nunquam militasse. Ex eodem *Æn.* 9. ad v. Venuisque ad Trojam miserat armis.

(3) Desertores. *Vid. l. Desertorum*, §. 3. *D. de Re Milit. & Quintil. lib. 7. cap. 7.*

(4) Optiones—nam optate elig. à Servo. *Fest.* Optio qui nunc dicitur, antea appellabatur accensus, is adjuutor dabatur Centurioni à Tribuno milit. ut quem vellet eligeret, unde, & nomen sortitus est.

(5) Excubiæ autem diurnæ. Ex eodem *Æn.* v.

(6) Dicta autem castra. Ex eod. *Æn.* 3. ad v. Nos castra movemus.

(7) Quasi moletia. *Al. molestia*, quibus foveat Conchen. vernaculus, la molestia, & Rabanus. *Festus*, quoque Militem Aelius à molestia per antiphrasin dictum putat, eo quod nihil molle, sed asperum, quid reddat.

Macedonum ⁽¹⁾ phalanx, ⁽²⁾ Gallorum caterva nostra legio dicitur.

40 ⁽³⁾ Legio habet sexaginta centurias, manipulos triginta, cohortes duodecim, turmas ducentas.

41 Centuria est pars exercitus in centenos milites divisa. Undè, & qui iis præsunt centuriones dicunt.

42 Succenturiati sunt, non qui in prima, sed qui in secunda centuria sunt, quasi sub prima centuria, tamen stricti, etiam ipsi, & in speculis positi in bello sunt: ut si prima defecerit, isti quos sub se diximus laborantibus primis subveniant. Undè, & ad insidiandum ponitur succenturiatus, quasi armis dolosis instructus.

43 Manipulus ducentorum est militum Manipuli autem dicti sunt milites, sive quia bellum primò manu incipiebant, sive quod antequàm signa essent, manipulos sibi, id est, fasciculos stipulæ, vel herbæ alicujus pro signis faciebant, à quo signo manipulares milites cognominati sunt. De quibus Lucanus Convocat armatos ex templo ad signa manipulos.

44 ⁽⁴⁾ Turma triginta equites sunt. Romani enim equites in una tribu trecenti fuerunt. De singulis enim centuriis decem dabantur, & fiebat turma.

45 Cohors quingentos milites habet.

46 Tria sunt militiæ genera, Sacramentum, evocatio, conjuratio.

47 Sacramentum, in quo post electionem jurat unusquisque miles se non recedere à militia, nisi post completa stipendia, id est, militiæ tempora, & hi sunt, qui habent plenam militiam. Nam vigintiquinque annis tenentur.

48 Evocatio, dùm ad subitum bellum non solùm milites, sed, & cæteri evocantur. Undè etiam Consul solebat dicere: Qui Rempublicam salvam esse vult, me sequatur.

49 Conjuratio, quæ fit tumultu, quando vicinum Urbis periculum singulos jurare non patitur: sed repente colligitur multitudo, & tumultuosa in ira conflatur. Hæc, & tumultuatio dicitur.

50 In acie autem istæ ferè formæ sunt: Exercitus, classis, nodus, cuneus, alæ, cornua, agmen, quæ formas, & nomina ab ipsis rebus de quibus translata sunt mutuuntur.

51 Acies dicta, quòd ferro armata sit, & acumine gladiatorum.

52 Exercitus, multitudo ex uno genere, ab exercitatione belli vocata.

53 Classes dictæ propter divisionem exercitus, qui postea manipuli dicti sunt. Undè, & Virgilius: Classibus hic locus, hic acies certare solebant. Jam postea, & classis navium dicta.

54 ⁽⁵⁾ Nodus propriè est densa
pe-

(1) Macedonum phalanx. ò Serv. Æn. 2. Et jam Argiva phalanx.

(2) Gallorum caterva. Veget. lib. 2. cap. 2.

(3) Legio autem habet lx. Serv. Æn. 11. ad v. Volscor. edice manipulis: Signiferi, inquit, quia secundum antiquum morem in legione erant triginta. Legio autem habebat septem cohortes, sexaginta centurias. Putamus autem apud Serv. virosiè vii. pro xii. scriptum. Nam apud Isidor. omnia constant, qui paulo-post cohortem quingentis milibus constare dicit. Licet (ut ait ibidem Servius) in his rebus accessu temporis Ducum varietas semper mutaverit militiæ disciplinam. Agell. lib. 16. cap. 4. in legione sunt centuriæ lx. manipuli xxx. cohortes x. Vegetius quoque lib. 2. cap. 6. Sciendum est autem in una legione decem cohortes esse debere. Sed prima cohors reliquas, & numero militum, & dignitati præcedit.

(4) Turma- & fiebat turma. Concinnasse videtur hæc (qua nunc integra non esse nemo non videt) ò Servio, & Varrone, itæ, ut utriusque aliquid resset. Ergo scripturam, quæ in libris omnibus erat relinquentes, amborum verba proponemus: Serv. Æn. 9. Trecentum scutati omnes: Romani, inquit, equites primo trecenti fuerunt, de singulis enim centuriis decem dabantur, quas triginta fuisse diximus. Varro lib. 4. Turma turma E in V. abijt, quod terden equites ex tribus tribubus Tatiensium, Ramnens, & Lucer, fiebant: itaque primi singularum decuriarum, Decuriones dicti Chachon, reliquis rejectis, hæc tantum ex Servio retineri volebat: Romani equites primo trecenti fuerunt, de singulis enim centuriis decem dabatur cohors, &c.

(5) Nodus propriè est densa, òd Serv. Æn. 10. ad illud: Abantem oppositum interimit pugna, nodumque, moramque. Quod autem sequitur. Nodus autem dictus pro difficultate, alia verbi apud Servium notio est, non ratio prioris: ut videtur existimasse Isidorus, qui Servii Comentariorum sine Virgilii carminibus fortasse inspiciat.

peditum multitudo, sicut turma equitum. Nodus autem dictus, pro difficultate, quod vix possit resolvi.

55 Cuneus est collecta in unum militum multitudo. Unde propter quod in unum coit, ⁽¹⁾ ipsa coitio in unum, cuneus nominatus est, quasi couneus, eo quod in unum omnes coguntur.

56 Alæ in exercitu triginta equites esse dicuntur: ⁽²⁾ Alæ autem equites ob hoc dicti, quia tegunt pedites alarum vice.

57 Cornua vocantur extremitas exercitus, quod intorta sit.

58 ⁽³⁾ Agmen dicitur cum exercitus iter facit, ab agendo vocatum, id est, eundo. Plautus: Quò te agis ipse? Est enim exercitus ambulans. Nam agmen dicitur, quod in longitudine directum est, quale solet esse cum exercitus portis procedit: quicquid fuerit aliud, abusivè dicitur.

CAPUT IV.

De Civibus.

1 **D**E Imperiis, militiæque vocabulis ex parte dictum est, deinceps civium nomina summam subjungimus.

2 Cives vocati, quod in unum coeuntes vivant: ut vita communis, & ornator fiat, & tutor.

3 Domus unius familiæ habitaculum est, sicut Urbs unius Populi, sicut orbis domicilium totius generis humani. Est autem domus genus, fa-

milia, sive conjunctio viri, & uxoris. Incipit autem à duobus, & est nomen Græcum. Nam δώματα Græci testia vocant. Familia est, liberi ex liberis legibus suscepti, à femore.

4 Genus autem à gignendo, & progenerando dictum: aut à definitione certorum prognatorum, ut Nationes, quæ propriis cognationibus terminatæ, gentes appellantur.

5 ⁽⁴⁾ Populus est coetus humanæ multitudinis, juris consensu, & consensu communionis sociatus. Populus autem eo distat à plebibus, quod Populus universi cives sunt, connumeratis senioribus Civitatis: Plebs autem reliquum vulgus sine senioribus Civitatis. Populus ergo tota Civitas: vulgus verò plebs est. Plebs autem dicta à pluralitate: major est enim numerus minorum, quàm seniorum. ⁽⁵⁾ Populus verò συχὺς δῆμος dicitur, id est, κοῖτος πολὺς. Unde, & Populus dictus est. ⁽⁶⁾ Græcè autem Populus dicitur λαὸς à lapidibus. Vulgus est passim inhabitans multitudo, quasi quisque, quo vult.

6 Tribus dicuntur tanquam curiæ, & congregationes distinctæ Populorum, & vocatæ tribus ab eò, quod in principio Romani trifariè fuerunt à Romulo dispartiti, ⁽⁷⁾ in Senatoribus, militibus, & plebibus. ⁽⁸⁾ Quæ tamen tribus nunc multiplicatæ nomen pristinum retinent.

7 Senatui nomen ætas dedit, quod seniores essent. ⁽⁹⁾ Alii à sinendo

(1) Et ipsa coitio in unum. *verba Aug. in lib. de Ordin. cap. 18.*

(2) Alæ aut. m. equites. *Veget. lib. 2. cap. 1. & Agell. 16. cap. 4.*

(3) Agmen. *Serv. Æn. 1. & 9. Agmen propriè est exercitus ambulans, quicquid fuerit aliud abusivè dicitur.*

(4) Cap. IV. Populus est coetus. Aderat à libris vox coetus, quàm restituimus ex August. 19. de Civit. cap. 21. & 24. qui hac verba à libris Cic. de Rep. citat.

(5) Populus verò. Quot hic monstrat à Græcis characteribus? Sed proximi accedit, ad lectionem, quàm posuimus, Ovet. Colleg. Gottb. Vide inquit ad hac vocem συχὺς Hieronymi, Nabum 3. ad illud: Bruchus expansus est.

(6) Græcè autem Populus. à Serv. Georg. 1. ad v. Unde homines nati durum gen.

(7) In Senatoribus mil. & plebib. *Aliena hac ducimus.*

(8) Quæ tamen tribus nunc multipl. *Varr. lib. 4. Centuria Primo à centum jugeribus dicta, post duplicata retinuit nomen: ut tribus multiplicatæ idem tenent nomen. Ead. ex eod. Varrone refert Columella lib. 5. cap. 1. à quo verius fortasse sit Isidorum sumpsisse. Nam Varronis libros de Ling. Latin. non putabat ab Isidoro lectos, Chachon.*

(9) Alii à sinendo. *Verba sunt Servii Æn. 5. ad v. Et patribus dat jura vocatis. Sed quis hac, obsecro, in Isidoro non vixit? At in Servio suspiciunt idem.*

do dictos accipiunt Senatores : Ipsi enim agendi facultatem dabant.

8 Senatus-consultus à consulendo, & tractando est dictus : quod sic fit, ut consulat, & nocere non possit.

9 ⁽¹⁾ Patres autem, ut dicit Salustius à curæ similitudine vocati sunt. Nam sicut patres filios suos, ita illi, ⁽²⁾ Rempublicam habebant.

10 ⁽³⁾ Patres Conscripti, quia dum Romulus decem curias Senatorum elegeret : nomina eorum præsentem populo in tabulas aureas contulit, atque inde Patres Conscripti vocati.

11 ⁽⁴⁾ Primi ordines Senatorum dicuntur Illustres, secundi Spectabiles, tertii Clarissimi. Jam inferiorum quartum aliquod genus non est. Quamvis autem Senatoria quisque origine esset, usque ad legitimos annos Eques Romanus erat, deinde accipiebat honorem Senatoriæ dignitatis.

12 Censores apud veteres Romanos erant. Est enim nomen Censoris dignitas judicialis. Censere enim judicare est. Item Censores sunt patrimoniorum Judices à censu aeris appellati.

13 ⁽⁵⁾ Judices dicti, quasi Jus dicentes Populo, sive quod jure disceptent. Jure autem disceptare, est justè judicare. Non est autem judex, si non in eo est justitia.

14 Præsides Rectores sunt Provinciarum dicti, eò quod præsent.

15 Prætores autem, quasi Præ-

ceptores Civitatis, & Principes. Idem, & Quæstores, quasi quæsitores, eò quod quæstionibus præsent, consilium enim, & causa apud eos est.

16 ⁽⁶⁾ Proceres sunt Principes Civitatis, quasi procedes, quod ante omnes honore præcedant. Unde, & capita tratribum, quæ eminent extra parietes, proceres dicuntur, eò quod primò procedant. Hinc autem ad primores facta translatio, quod à cætera multitudine præminent.

17 ⁽⁷⁾ Tribuni dicti, quod plebi jura, vel opem tribuunt. Constituti sunt autem decimo sexto anno post Reges exactos. Dum enim plebs à Senatu, & Consulibus premeretur: tunc ipsa sibi Tribunos, quasi proprios Judices, & defensores creavit: qui eorum libertatem tuerentur, & eos adversus injuriam nobilitatis defenderent, unde, & defensores dicti, eò quod sibi plebem commissam contra insolentiam improborum defendant. ⁽⁸⁾ At contra nunc quidam eversores: non defensores existunt.

18 ⁽⁹⁾ Numerarii vocati sunt, qui publicum nummum ærariis inferunt.

19 Funchi, ab eò quod fungantur honore, & officio aliquo dicti. Hinc, & defunctos mortuos dicimus, qui compleverunt vitæ officia, nihil enim jam faciunt.

20 Municipales sunt in eodem municipio nati: ab officio munerum dicti, eò quod publica munia accipiunt. Munia enim officia sunt: unde, & immu-

V

mu-

(1) Patres autem. Serv. *ibid.*

(2) Remp. habebant. Ita Gotth. et. alii aliebat.

(3) Patres conscripti. Hæc unde sint, querendum. Dionys. *l. 3* *μὴ τῶν πρεσβυτέρων ἀλλὰ τῶν πρεσβυτέρων*, καὶ *μὴ τῶν πρεσβυτέρων ἀλλὰ τῶν πρεσβυτέρων*, ἵνα ἴδωμεν ὅτι τὰς αἰτίας. Neque tamen sic satis placere possunt, nec quæ si ex aureis aeris tabulis facias, adducimus, ut hæc non adulterina sint.

(4) Primi ordinis. è Placidi glossis, è quo Senatorum vocem debebat Chacon.

(5) Judices dicti. *Infra lib. 18. cap. 15. & Grat. 23. q. 2. cap. 1. & Greg. cap. 10. de Verb. signif.*

(6) Proceres—unde, & capit. tratrib. è Serv. *Æn. 1. ad v.* Post alii Proceres.

(7) Tribuni—decimosexto. Mendose omnes libri sextò. Ascon. in *Corneliana*: Tanta in illis virtus fuit, ut anno xvi. post Reges exactos propter nimiam dominationem potentium secederent, leges sacratas ipsi restituerent, duos Tribunos crearent, & Pompon. *cap. 2. de Origin. Jur.* Anno fere xvii. post Reges exactos Pop. Rom. Tribunos sibi in Monte Sacro creavit.

(8) At contra nunc quidam. Oportet hæc alicujus antiqui Scriptoris verba fuisse, nam Isidori atate Tribuni non erant.

(9) Numerarii. Extat Edictum Egies Regis in Concil. Tolet. 16. ubi Numerarii muneris mentio fit.

munes dicuntur, qui nullum gerunt officium.

21 Municipales originales cives, & in locum officium gerentes.

22 Decuriones dicti, quod sint de ordine Curiae. Officium enim Curiae administrant. Unde non est Decurio, ⁽¹⁾ qui summam non intulit, vel Curiam participavit.

23 Curiales autem iidem, & Decuriones. Et dicti Curiales, quia civilia munera procurant, & exequuntur.

24 Principales Magistratus, & Duumvires Curialium officiorum ordinis sunt. Principales dicti, quod primi sint Magistratibus.

25 Magistratus verò, quod majores sint reliquis officiis.

26 ⁽¹⁾ Duumvires.----

27 Tabellio vocatus, eò quod sit portitor tabellarum. Idem Exceptor, idem, & Scriba publicus, quia ea tantum, quæ gestis publicantur, scribit.

28 Burgarii à Burgis dicti, quia crebra per limites habitacula constituta burgos vulgò vocant. Unde, & Burgundionum genti nomen inhæsit: quos quondam, subacta Germania, Romani per castra disposerunt, atque ita ex locis nomen sumpserunt.

29 ⁽¹⁾ Collegiati dicuntur, quod ex eorum Collegio, Custodiisque deputentur, qui facinus aliquod commiserunt. Est enim sordidissimum genus hominum patre incerto progenitum.

30 Privati sunt extranei ab officiis publicis. Est enim nomen Magistratum habenti contrarium: & dicti privati, quod sint ab officiis Curiae absoluti.

31 Mercenarii sunt, qui serviunt accepta mercede: iidem, & Barones Græco nomine, quod sint fortes in laboribus: *Bapūs* enim dicitur gravis, quod sit fortis. Cui contrarius est levis, id est, infirmus.

32 Publicani appellantur conductores vectigalium fisci, vel rerum publicarum, sive qui vectigalia publica exigunt, vel qui per negotia sæculi lucra sectantur. Unde, & cognominati sunt.

33 ⁽⁴⁾ Villicus propriè Villæ gubernator est. Unde, & à Villa Villicus nomen accepit. Interdum autem Villicus non gubernationem Villæ, sed dispensationem universæ domus, Tullio interpretante, significat, quod est universarum possessionum, & Villarum dispensatorem.

34 ⁽⁵⁾ Actores iidem, & Curatores ab agendo, & curando vocati.

35 Procuratores verò, eò quod vicem Curatoris fungantur: ⁽⁶⁾ quasi propter Curatores, sicut Pro-Consul pro-Consule.

36 Coloni sunt cultores advenæ dicti à cultura agri. Sunt enim aliunde venientes, atque alienum agrum locatim colentes, ac debentes conditionem genitili solo propter agricultu-

(1) Qui summam non intulit, vel Curiam non participavit. *Qua de re ita Chacon: Qui decurio fiebat, is pro introitu præstitulam summam inferebat, neque, auequam eam inferret, Curialis erat; ubi verò de more nihil inferebatur, non antea Curialis dicebatur, quam cum aliis Curiam ingressus de Rebus Publicis consultaret. Vid. Plin. lib. 10. Ep. 331. Ant. Augustinus. Duplex, aiebat, Decurionum genus ostendi: alterum honorariorum, qui pecunia data honorem assequuntur, sed munere abstinere: alterum ordinariorum, qui Decurionum munus exercent, id enim esse Curiam participare.*

(2) Duumvires. *August. in lib. de Gram. Duumvires, quasi duorum hominum vir. Male verò expleat quidam libri lacunam, quæ est in Gothicis omnibus.*

(3) Collegiati. *De Collegiis dicuntur aliqui in titul. de Jure Imman. lib. 50. Digest. sed, quæ ad hunc locum illustrandum non sint satis.*

(4) Villicus—significat. *Hieronymi verba in q. 6. ad Algas. Unde pro aconomo villicum, & dispensatorem reddidisse videtur Cicero in OEconomic. Xenoph. Nàm, & in Hortens. (ut refert Non.) dispensatoris voce est usus. Quid tu, inquam, solus cum rationem à dispensatore accipis, si æra singula probasti, summam, quæ ex his confecta sit, non probare?*

(5) Actores—Procuratores. *Jurisconsulti Actorem presentis esse dicunt, Procuratorem absentis, Tutores Procuratorem constituere non posse, Actorem posse.*

(6) Quasi propter Curatores. *Hæc aliena existimamus.*

turam sub dominio possessoris , pro
eò quòd iis locatus est fundus. Coloni
autem quatuor modis dicuntur. Nàm
Coloni , aut Romani sunt , aut Coloni
Latini , aut Coloni auxiliares , aut Co-
loni ruris privati.

37 Inquilini vocati , quasi inco-
lentes aliena , non enim habent pro-
prium sedem , sed in terra aliena inha-
bitant.

38 Differt autem inter Inquilini-
um , & advenam. Inquilini enim sunt ,
qui emigrant , & non perpetuò per-
manent. Advenæ autem , vel incolæ
adventitii perhibentur , sed permanentes :
& indè incolæ , quia jam habitato-
res sunt ab incolendo.

39 Indigenæ sunt indè geniti ,
& in eodem loco nati , ubi inhabitant.

40 Incola autem non indigenam ,
sed advenam indicat.

41 Peregrini dicti , eò quòd ig-
norantur eorum parentes , à quibus
orti existunt : sunt enim de longinqua
regione.

42 Urbani vocabantur , qui Ro-
mæ habitabant : qui verò in cæteris lo-
cis Oppidani. ⁽¹⁾ Nàm sola Urbs Ro-
ma , cætera Oppida.

43 Famuli sunt ex propria ser-
vorum familia orti.

44 ⁽²⁾ Servi autem vocabulum
indè traxerunt , quòd hi , qui jure
belli possent occidi à victoribus , con-
servabantur , & servi fiebant à ser-
vando , scilicet , servi appellati.

45 Ancillæ à sustentaculo voca-

tæ , ἀγκύων enim Græcè cubitus dicitur ,
undè , & anconem dicimus.

46 Mancipium est quicquid ma-
nu capi , subdique potest , ut homo ,
equus , ovis. Hæc enim animalia sta-
tîm , ut nata sunt , mancipium esse
putantur : nàm , & ea , quæ in bestia-
rum numero sunt , tunc videntur man-
cipium esse , quandò capi , sivè domari
cœperint.

47 Ingenui dicti , qui in genere
habent libertatem , non in factò , sicut
liberti. Undè , & eos Græci εὐγενῆς vo-
cant , quod sint boni generis.

48 Libertus autem vocatus , qua-
si liberatus. Erat enim priùs jugo ser-
vitudinis additus. ⁽³⁾ Libertorum autem
filii apud antiquos libertini appella-
bantur , quasi de libertis nati , nunc
verò libertinus , aut à liberto factus ,
aut possessus.

49 Manumissus dicitur , quasi
manu emissus. Apud veteres enim
quotiès manu mittebant , ⁽⁴⁾ alapa per-
cussos circumagebant , & liberos con-
firmabant : undè , & manumissi dicti ,
eò quòd manu emitterentur.

50 Dedititii primùm à deditioe
sunt nuncupati. Deditio enim dicitur ,
quandò se vincti , aut vincendi hos-
tes victoribus tradunt , quibus hæc
origo nominis fuit. Dùm quondam
aversus Populum Romanum servi ar-
mis sumptis dimicassent , vincti se de-
derunt , comprehensique varia turpi-
tudine affecti sunt. ⁽⁵⁾ Ex his quidam
postea à dominis manumissi propter

V 2

sup-

(1) Nàm sola Urbs Roma , cætera Oppid. Si quando verò Romani Historici Oppidi mentionem faciunt , nihil præterea addentes , Oppidum Palatinum intelligunt , ubi primum fuit Roma condita , quàm Ennius quadratam vocavit , & quibus extiterat Romæ regnare quadratæ.

(2) Servi—quod hi qui. Verba Augustini , 19. de Civit. cap. 15.

(3) Libertorum filii apud antiquos. Suet. in Claud. cap. 24. Appium Cæcum Censorem generis sui proavertorem libertinorum filios in Senatum allegisse docuit , ignarus temporibus Appii , & deinceps aliquandiu libertinos dictos , non ipsos , qui manumitterentur , sed ingenuos ex his procreatos.

(4) Alapa percussos circumageb. Nàm vindicta servi caput percutere , faciemque palma , tergumve festuca verberare mos fuit. Vertebantur quoque , & circumagebantur à dominis. Hinc Persius : Hæu scitilles veteri , quibus una Quiritem Verigo facit.

(5) Ex his quidam postea à dominis manumissi. Aug. in Epist. ad Gal. Stigmata dicuntur notæ quædam penarum servitium : ut si quis verbis gratia servus in compedibus fuerit propter noxiam , id est , propter culpam , vel hujusmodi aliquid passus fuerit , stigmata habere dicitur , & ideo in jure manumissionis inferioris est ordinis.

suppliciorum notas, quas manifestè perpersi sunt, ad dignitatem civium Romanorum non pervenerunt.

5¹ ⁽¹⁾ Latini (ante Romam conditam apud Latinos fiebant) nunquam per testamentum, sed per epistolam libertatem sumentes. Indè quia per testamentum non fiebant, nè ex testamento aliquid capere, nè suos hæredes facere poterant, cives Romani postèa sub Consulibus per testamenta in Urbe Romana effecti sunt. Dicti autem cives Romani, quia testamento liberi effecti in numerum Romanorum civium rediguntur. His primùm aditus erat in Urbe Roma commorari, ⁽²⁾ cæteris autem libertis prohibebatur, nè vel in Urbe Roma, vel intra septimum ab Urbe milliarium commorarentur.

CAPUT V.

De Affinitatibus, & Gradibus.

1 **H**æredis nomen imposuit census æris, ⁽³⁾ solvit enim tributum auctoris. In hoc enim vocabulo prima successio est hæreditatis, & generis, ut sunt filii, & nepotes.

2 Prohæres est, qui loco hæredis fungitur, quasi pro hærede: est enim,

aut institutus, aut substitutus.

3 Pater est, à quo nascitur initium generis: itaque is Paterfamilias vocitatur. Pater autem dictus, eò quod patratiōe peracta filium procreet. ⁽⁴⁾ Patratiō enim est rei veneræ consummatio. ⁽⁵⁾ Lucret. Et benè parta patrant.

4 Genitores autem à gignendo, & parentes, quasi parientes.

5 Idem, & creatores. ⁽⁶⁾ Crementum enim est semen masculi, unde animalium, & hominum corpora concipiuntur. Hinc creatores parentes dicuntur.

6 Mater dicitur, quod exindè efficiatur aliquid: ⁽⁷⁾ mater enim quasi materia, nam causa pater est.

7 Paterfamilias autem dictus, quòd omnibus in familia sua positis servis tanquam pater filiis patria dilectione consulit, servorumque conditionem à filiorum affectu non discernit, sed quasi unum membrum amplectitur: hinc enim exortum est nomen Patrisfamilias. Qui autem iniquè dominantur in servis hoc se nomine nequaquam reputent appellari.

8 ⁽⁸⁾ Materfamilias indè vocatur, quia per quandam Juris sollemnitatem in familiam transit mariti. Tabulæ enim matrimoniales instrumenta emptionis suæ sunt. Alias sicut ⁽⁹⁾ matrona est

⁽¹⁾ Latini liberti ante Rom. cond. De Latinis libertis ex lege Julia Norbana, ex Ulpiani Titulis, Caiique, & Justiniani institutionibus satis constat. Quòd quibus hæc nequaquam congruunt. Itaque negligebat ista A. Augustinus, & avertitur. Nam quid illud? Ante Rom. cond. apud Latinos fiebant? Quid postremum? His primùm aditus erat in Urbe Rom. commorari, &c. Sed quia veri aliquid interficitur, ut quod per epistolam fierent, quod testamenti fæctionem non haberent, suspicari se dicebat Chacon: Latinos liberos ab Isidoro dictos, qui eo jure essent, quo liberti facti quoniam à Latinis Populis ante Rom. conditam. Quà quidem ad Latinorum libertorum etymon aliquid conferre, nemò negavit. Sed quomodo tam longe Isidoro respicit? Ergo amplius querendum.

⁽²⁾ Cæteris autem libertis prohib. Hoc (inquit) A. August. nemò unquam dixit. Expelebantur tamen Urbe nonnquam Latini cives, si comitia impedirent.

⁽³⁾ Cap. V. Solut enim tributum auctoris. Id est, ejus, qui illum heredem instituit.

⁽⁴⁾ Patratiō n. rei ven. consumm. Patrati obsecrum verbum fuisse ostendit. Quintil. lib. 8. cap. 3. ducere (inquit) exercitum, & parare bellum apud Sallustium dicta sanctè, & antiquè videntur à nobis. Et Gloss. patrati. *πατράται* *μακροφάτοι*, ut it' *αἰετοφῶτες*, atque hoc tritum antiquis Scriptorib. Catullo, Persio, & aliis.

⁽⁵⁾ Lucretius, & benè parta patrant. Optime restituit Lucretio simil, & Isidoro sua verba ex paullulū deformatā scriptura nostrorum Codicum Antonius Covarrubias.

⁽⁶⁾ Crementum sem. Idem reperit lib. 11. cap. 1. Placid. glos. Excrementum, quod exputimus, vel excreamus habetur. Item semen virile, unde animalium, & hominum corpora concipiuntur. Hinc creatores parentes dicuntur.

⁽⁷⁾ Mater enim quasi materia. Non vocis, quam Græcam esse non ignorabit, sed *οὐκ αὐτοφύκτος* notatio.

⁽⁸⁾ Materfam. indè voc. è Serv. AEn. 11. ad v, Tyrrhena per oppida matres. Vid. Boeth. ad Topic. Cit.

⁽⁹⁾ Matrona-mater nati. Vel nascituri, etiam ex Agellio, & ex ipso Isidoro, qui infra cap. 7. Quasi mater nati, vel quia jura mater fieri potest.

est mater primi pueri, i. quasi mater nati; ita Materfamilias illa est, quae plures enixa est. Nam familia ex duobus esse incipit.

9 Avus patris pater est, ab ævo dictus, id est, ab antiquitate.

10 Proavus avi pater est, quasi propè avum.

11 Abavus proavi pater, jam longè ab avo.

12 Atavus ab avi pater.

13 Tritavus atavi pater, quasi tetravus, id est, quartus supra avum. Sed tritavus ultimum cognationis nomen est. Familia enim oritur à patre, terminatur in tritavo.

14 ⁽¹⁾ Filius, & filia à familia dicti, ipsi enim primi in ordine nascentium existunt: undè, & Cornelia familia stirps ipsa omnis à Cornelio orta.

15 Familia autem à femore. ⁽²⁾ Femore enim genus, & stirps ostenditur. Nam familia pro servis abusivè, non propriè dicitur.

16 Stirps ex longa generis significatione vocatur.

17 Gnatus dictus, quia generatus. Undè, & per g scribitur.

18 ⁽³⁾ Suboles, eò quòd substitutio sit generis.

19 Quadripertitus est autem ordo filiorum, ita: Unigenitus, primogenitus, medius, novissimus. Unigenitus post quem nullus. Primogenitus ante quem nullus. Medius inter omnes. Novissimus, post omnes. ⁽⁴⁾ Idem, & minimus à monade. Novissimus autem propter quod novus, quia cæteri præcedendo antiquiores existunt.

20 ⁽⁵⁾ Quatuor etiam modis filii appellantur, natura, imitatione, adop-

tione, doctrina. Natura, veluti cùm dicuntur filii Abrahæ Judæi. Imitatione, ut ipsius Abrahæ fidem imitantes ex gentibus, dicente Evangelio: Potens est Deus de lapidibus istis suscitare filios Abrahæ, vel sicut eosdem Judæos Dominus filios esse dicit diaboli, à quo non nati, sed quem fuerant imitati. Adoptione quoque, quod humana consuetudine nulli, licet nescire, vel sicut nos Deo non natura, sed adoptione dicimus: Pater noster, qui es in Cælis. Doctrina, sicut Apostolus filios suos appellat eos, quibus Evangelium prædicavit.

21 Filii autem ideò in legibus liberi appellantur, ut isto vocabulo discernantur à servis: quia sicut servus in potestate est Domini: sic filius in potestate est Patris. Indè etiam filio fit emancipatio, ut sit liber à Patre: sicut fit servo manumissio, ut sit liberatus à Domino.

22 Itèr liberi dicti, quia ex libero sunt matrimonio orti. Nam filii ex libero, & ancilla servilis conditionis sunt. Sempèr enim, qui nascitur deteriorem parentis statum sumit.

23 Naturales autem dicuntur ingenuarum concubinarum filii, quos sola natura genuit, non honestas conjugii iidem, & pueri à pube.

24 Adoptivus filius est, qui aut à patre justo, aut avo, aut proavo, in cuius potestate est, per emancipationem est traditus in alienam potestatem, qui utriusque fert nomen: ⁽⁶⁾ ut Fabius Æmilii, vel Scipio Paullus.

25 Gemini sunt, non duo tantum simul nati, sed etiam plures. De geminis autem uno aborto, alter, qui

V 3

le-

(1) Filius—Filia. Quasi familii, nè hac quidem rejicienda.

(2) Femore enim genus. Silan. Gotth. femor enim, haud dubium quin e, cùm alterum sequeretur, omissum sit à librario. Legendum ergo femure, vel femore, quando utroque modò constat veteres locutos.

(3) Suboles, eò quòd sit substit. Ergò suboles, non soboles, ex hac quoque notatione scribendum apparet.

(4) Idem, & minimus à monade. Vid. lib. seq. litt. M.

(5) Quatuor modis. Ex Aug. lib. contra Adimant. cap. 5. Ep. 1. Retract. cap. 22.

(6) Ut Fabius Æmilii, vel Scipio Paullus. Vel Fabius Æmilianus, Scipio Paullianus.

legitimè natus fuerit, Vopiscus nominatur.

26 ⁽¹⁾ Posthumus vocatur, eò quòd post humationem patris nascitur, id est, post obitum. Iste, & defuncti nomen accipit: sic enim lex voluit, ut qui de defuncto nascitur, defuncti nomine appelleretur.

27 ⁽²⁾ Nothus dicitur, qui de patre nobili, & matre ignobili gignitur, sicut ex concubina. Est autem hoc nomen Græcum, & in Latinitate deficit.

28 Huic contrarius est spurius, qui de matre nobili, & patre ignobili nascitur. Itèm spurius patre incerto, matre vidua genitus, velut tantum spurii filius, ⁽³⁾ quia muliebrem naturam veteres *σπέρμιον* vocabant, velut *ἀπὸ τοῦ σπέρμτος*, hoc est, seminis, non patris nomine. ⁽⁴⁾ Eosdem, & Favonios appellabant, quia quædam animalia, Favonio spiritu hausto, concipere existimantur. Undè, & ii, qui non sunt de legitimo matrimonio, matrem potius, quàm patrem sequuntur. Latine autem spurii, quasi extra puritatem, id est, quasi immundi.

29 Nepos est, qui ex filio natus est. Dictus autem nepos, quasi natus post. Primum enim filius nascitur, deindè nepos. Gradus enim substitutionis est. Hinc, & posteritas, quasi postera ætas. ⁽⁵⁾ Nepos autem utriusque sexus est. Nam, ut neptis dicamus in jure est propter discretionem successionis admissum.

(1) Posthumus, eò quòd post humat. è Serv. *Æn.* 6. ad v. *Tua posthuma proles: Sed A. August. & Jacob. Cujacius posthumus scribi voluit: ut sit sola productio verbi post: ut in postremis, quorum sententiam adjuvant antiqui nummi.*

(2) Nothus. Serv. *Æn.* 7. ad v. Supposita de matre nothos: Nothos, inquit, materno ignobiles genere. Est autem nomen Græcum, nam Latine quomodo dicitur non est.

(3) Quia muliebrem naturam veteres sp̄m. Plutarch. in *Problem.* *καὶ τὸν ἴτιον λόγον ἔστι ὃ ἀποσπέρμιον*

(4) Eosd. & Favonios. *Varr.* 2. de *Re Rust.* in fœtura res incredibilis est in Hispania, sed est vera. Quod in Lusitania ad Oceanum in ea regione, ubi est Oppidum Olyssippo, in monte Tagro quædam à vento concipiunt ceterò tempore eque: ut hic galline quoque solent, quarum ova *ὀπώνια* appellant. Ut igitur ova *ὀπώνια*, ita equos *Favonios*, nani Favonio flante concipiebant equa, ut ait Plin. lib. 4. cap. 11.

(5) Nepos autem utriusque sex-admissum. è Serv. *Æn.* 12. ad v. *Pauperque domus.*

(6) Minores autem—vocabulum. Ex eod. *Æn.* 8. Hoc loco adjectus erat in quibusdam libris titulus integer de Gradibus cognat. ex Institut. Justiniani. Sed quoniam in antiquioribus libris non erat, & alia Isidori nomine eadem de Re à Burchardo referuntur lib. 7. cap. 28. & ab Ivone lib. 7. tit. 12. *Panormia*, & parte 9. cap. 64. *Decret.* & à Gratiano 35. q. 5. cap. 6. que etiam leguntur in Legib. *Gothor.* & apud *Jul. Paul.* lib. 4. *Sent.* tit. 11. de Gradib. nec illa Justiniani admissimus, & hæc (siquidem Isidori sunt) quibus ex locis peti possint, indicare nos habuimus.

30 Pronepos est, qui ex nepote conceptus, natusque est. Et dictus pronepos, quasi natus porrò post. Ex hoc quoque gradu incipit vocari, & progenies, quasi porrò post geniti. Nam filii, & nepotes non sunt progenies, quia non est in eis longa posteritas. Sicut autem inferiùs longè editi progenies dicuntur, ita superiùs proavi, atavique progenitores appellantur, quasi porrò generantes. Pronepos dictus, quia propè nepotem.

31 Abnepos, quia sejungitur ab nepote. Est enim inter illum, & nepotem pronepos.

32 Adnepos, abnepotis filius.

33 Trinepos, adnepotis filius, quia post nepotem quartus in ordine est, quasi tetranepos.

34 ⁽⁶⁾ Minores autem non dicimus, nisi quotiès graduum deficit nomen: ut putà filius, nepos, pronepos, abnepos, adnepos, trinepos. Ubi isti gradus defecerint: meritò jam dicimus minores, sicut, & majores dicimus, post patris, avi, proavi, abavi, atavi, tritavique vocabulum.

CAPUT VI.

De Agnatis, & Cognatis.

1 AGnati dicti, eò quòd accedant pro natis, dum desunt filii. Qui idèd priùs in gente agnoscuntur, quia veniunt per virilis sexus pro-

so-

sonas, veluti frater eodem patre natus, vel fratris filius, neposvè ex eo, itèmpatruus.

2 Cognati dicti, quia sunt, & ipsi propinquitate cognationis conjuncti. Qui indè post Agnatos habentur, quia per fœminini sexus personas veniunt: nèc sunt Agnati, sed aliàs naturali jure cognati.

3 Proximus propter proximitatem sanguinis appellatus.

4 Consanguinei vocati, eò quòd ex uno sanguine, i. ex uno patris semine nati sunt: nam semen viri spuma est sanguinis, ad instàr aquæ in scopulos collisæ, quæ spumam candidam facit, vel sicut vinum nigrum, quod in Calice agitatum spumam albam reddit.

5 ⁽¹⁾ Fratres dicti, eò quòd sunt ex eodem fructu, i. ex eodem semine nati.

6 ⁽²⁾ Germani verò de eadem genitrice manantes: non, ut multi dicunt, de eode germine, qui tantùm fratres vocantur. Ergò fratres ex eodem fructu, germani ex eadem genitrice manantes.

7 Uterini vocati, eò quòd sint ex diversis patribus, & uno utero editi: ⁽³⁾ nam uterus tantùm mulieris est.

8 ⁽⁴⁾ Quatuor autem modis fratres dicuntur in divinis Scripturis: natura, gente, cognatione, affectu. Natura, ut Esau, & Jacob. Andreas, & Petrus, Jacobus, & Joannes. Gente,

ut omnes Judæi fratres inter se vocantur, ut in Deuteronomio: Si autem emeris fratrem, qui est Hebræus. Et Apostolus: Optabam, inquit, ego anathema esse à Christo pro fratribus meis, qui sunt cognati mei secundum carnem, qui sunt Israëlita. Porro cognatione fratres vocantur, qui sunt de una familia, i. patria: quas Latini paternitates interpretantur, cum ex una radice multa generis turba diffunditur, ut in Genesi dixit Abraham ad Loth: Non sit rixa inter me, & te, & inter pastores tuos, & pastores meos, quia omnes fratres nos sumus: Et certè Loth non erat frater Abraham, sed filius fratris ejus Aram. Quarto modo affectu fratres dicti, qui in duo scinduntur: spiritale, & commune. Spiritale, quo omnes Christiani fratres vocantur, ut Ecce quàm bonum, & quàm jucundum habitare fratres in unum. Commune, cum omnes homines ex uno patre nati pari inter nos germanitate jungimur. Scriptura loquente: Dicite iis, qui oderunt vos: fratres nostri vos estis.

9 Germana ità intelligitur, ut germanus, eadem genitrice manans.

10 ⁽⁵⁾ Soror autem, ut frater: nam soror est ex eodem semine dicta, quòd sola cum fratribus in sorte agnationis habeatur.

11 Fratres patruales dicti, eò quòd patres eorum germani fratres inter se fuerunt.

Con-

(1) Cap. VI. Fratres dicti Fest. Frater à Græco dictus est *φράτης*, vel quod sit fœrè alter.

(2) Germani d. c. g. m. non (v. m. d.) de eod. germine. Vides à vocis verilogio significationem deerrare: ut aliud fuerit rō *εὐγενής* *ἱγνός* comminisci necesse. Saltem, ut res magis patsetur, fraterque à germano distinguatur. Sunt autem Servii verba *Æn.* 5. ad v. Hæc germanus Eryx. Germanus est secundum Varronem in libris de Gradibus de eadem genitrice manans, non (ut multi dicunt) de eodem germine, quos ille tantum fratres vocat, secundum quem bene nunc Erycen Butæ, & Veneris filium *Ænec* dicit fuisse germanum. At Corn. Fronto. Frater aut ex alia matre, aut ex alio fratre potest esse: germanus ex iisd. parentibus sit, necesse est. *Justinianus* verò lib. 3. instit cap. 2. Itaque eodem patre nati fratres agnati sibi sunt, qui, & consanguinei vocantur; nec requiritur, an etiam eandem matrem habuerint. Sed hos quoque germanos vocari advertit Cujac.

(3) Nam uterus tantum mulieris. è Serv. *Æn.* 2. ad v. Uterumque a. m. c.

(4) Quatuor autem modis fratres. Ex Hieron. advers. Heluid.

(5) Soror, quòd sola, cum fratre. *Anistius Labeo* apud Agellium. Soror, quod quasi scorsim nascitur, separaturque ab ea domo, in qua nata est, & in aliam familiam transgreditur.

12 ⁽¹⁾ Consobrini verò vocati, qui, aut ex sorore, & fratre, aut ex duabus sororibus sunt nati, quasi consororini.

13 Fratrueles autem materteræ filii sunt.

14 Subrini consubrinorum filii.

15 ⁽²⁾ Thius Græcum nomen est.

16 Patruus frater patris est, quasi pater alius: undè, & decedente patre pupillum prior patruus suscipit, & quasi filium lege tuetur.

17 Avunculus est matris frater, cuius nomen formam diminutivi habere videtur, quia ab avo venire monstratur.

18 Amita est soror patris, quasi alia mater.

19 Matertera est soror matris, quasi altera mater.

20 Socer est, qui filiam dedit.

21 ⁽³⁾ Gener est, qui filiam duxit: gener autem dictus, quòd adsciscatur ad augendum genus.

22 Socer autem, & socrus, quòd generum, vel nurum sibi associavit.

23 Vitricus autem, qui uxorem ex alio viro filium, aut filiam habentem duxit: & dictus vitricus, quasi novitricus, quòd à matre superducatur novus.

24 ⁽⁴⁾ Privignus est, qui ex alio patre natus est, & privignus dici putatur, quasi privigenus, vel quasi prius genitus: undè, & vulgò antenatus.

25 Vocabula autem à gente hæc videntur declinata; genitor, genitrix; agnati, agnatæ; cognati, cognatæ;

progenitores, progenitricæ; germani, germanæ.

Item de prædictis Affinitatibus.

1 **A**Uctor mei generis, pater mihi est, ego illi filius, aut filia.

2 Patris mei pater, mihi avus est, ego illi nepos, aut neptis.

3 Patris mei avus, mihi proavus est, ego illi pronepos, aut proneptis.

4 Patris mei proavus, mihi abavus est, ego illi abnepos, aut abneptis.

5 Patris mei abavus, mihi atavus est, ego ille adnepos, aut adneptis.

6 Patris mei atavus, mihi tritavus est, ego illi trinepos, aut trineptis.

De Patruis.

1 **P**atris mei frater, mihi patruus est, ego illi fratris filius, aut filia.

2 Patruui mei pater, mihi pater magnus est, ego illi filii fratris filius, aut filia.

3 Patruui mei avus, mihi propatruus est, ego illi filii, aut filia nepos, aut neptis.

4 Patruui mei proavus, mihi adpatruus est, ego illi nepotis, aut neptis filius, aut filia.

De Amitis.

1 **P**atris mei soror, mihi amita est, ego illi fratris filius, aut filia.

Amit-

(1) Consobrini. Et subrini, & consubrini per u perpetuò leguntur in antiquissimis libris.

(2) Thius Gloss. *hinc πτε πατρὸς patruus hinc πδρς πατρὸς avunculus. Cujus nominis non in elegantem rationem reddidit Simplic. in Epictet. quod cum liberis parentes, quasi fidi, id est, dii sint, eosque Deos nominare naminis metum vereamur, ejus tamen honoris, & pietatis signum aliquod in Thiis remanserit. Vid. Stob. cap. 42. & 77.*

(3) Gener-ad augendum genus. e. Serv. l. n. vi. ad v. Generumque adsciverit Urbi.

(4) Privignus. Daa notationes, vel quod prius, hoc est, proprio patre, vel quod prius genitus, de posteriore Paulus apud Festum. Privignus dictus, quòd antequam mater secundo nuberet, est progenitus, pri eximi antiqui pro pte dixerunt. Vulgo antenado.

2 Amitæ meæ mater, mihi amita magna est, ego illi filiæ fratris filius, aut filia.

3 Amitæ meæ avia, mihi proamita est, ego illi neptis filius, aut filia.

4 Amitæ meæ proavia mihi abamita est, ego illi nepotis, aut neptis filius, aut filia.

De Avunculis.

1 **M**Atris meæ frater mihi avunculus est, ego illi sororis filius, aut filia.

2 Avunculi mei pater, mihi avunculus magnus est, ego illi filii sororis filius, aut filia.

3 Avunculi mei avus, mihi proavunculus est, ego illi filii nepos, aut neptis.

4 Avunculi mei proavus, mihi abavunculus est, ego illi neptis filius, aut filia.

De Materteris.

1 **M**Atris meæ soror, mihi matertera est, ego illi sororis filius, aut filia.


2 Materteræ meæ soror, mihi matertera magna est, ego illi sororis nepos, aut neptis.

3 Aviæ meæ soror mihi abmatertera est, ego illi pronepos sororis, aut proneptis.

4 Proaviæ meæ soror mihi promatertera est, ego illi neptis filius, aut filia.

5 ⁽¹⁾ Stemmata dicuntur ramusculi, quos advocati faciunt in genere, cum gradus cognitionum partiuntur, ut puta: ille filius, ille pater, ille avus, ille agnatus, & cognatus, & ceteri, quorum figuræ hæc sunt.

ARBOR JURIS.



(1) Stemmata dicuntur l. Stemmata. D. de Gradibus. Sunt autem in antiquissimis quibusque libris duo hæc tantum stemmata descripta. De

De Gradibus

Generis Humani.

[illegible]

6 (1) Hæc consanguinitas dum se-
mens, usque ad ultimum gradum sub-
tam rursus lex matrimonii vinculo re-
tern.⁽²⁾ Ideo autem usque ad sextum gene-
tit sicut sex ætatibus Mundi generatio,
tas generis tot gradibus terminaretur.

paullatim propaginum ordinibus diritraxerit, & propinquitas esse desierit; petit, & quodammodo revocat fugientis gradum consanguinitas constituta est: & hominis status finitur; ita propinqui-

Idcirco autem usque ad hunc consanguinitas--fugientem. Ex 15. de Civit. cap. 16.

lact autem usque ad sexti. Cur usque ad sextum, cum intra quartum nunc haterit. Vid. Rabani Epist. ad Humbert. Episcopum.

CAPUT VII.

De Conjugiis.

1 VIR sexum significat, non conjugium, nisi adjeceris vir ejus.

2 Maritus verò etiam sine adjec-tione conjugem sonat, ⁽¹⁾ & à mare ma-ritus, quasi mas. Est enim nomen pri-mæ positionis, quod facit in diminu-tione masculus in derivatione maritus.

3 Sponsus à spondendo vocatus. Nam ante usum tabellarum matrimo-nii cautiones sibi invicem emittebant, in quibus spondebant se invicem con-sentire in jura matrimonii, & fidejus-sores dabant. Undè, & admissum est, ut sponsum dicamus virum, à spon-dendo, & sponsam similiter. ⁽²⁾ Cæte-rum propriè spondere velle est. Ergò sponsus non quia promittitur, sed quia spondet, & sponsores dat.

4 Arrabo dicta, quasi arra bo-na. Quod enim datur pro conjugio, benè datur, quia conjugium bonum est. Quod verò causa fornicationis, aut adulterii malum est, idcirco arrabo non est. Dicta autem arra à re, pro qua traditur. Est autem arra, non so-lum sponsio conjugalis, sed etiam pro qualibet promissa re data, ut com-pleatur.

5 ⁽³⁾ Proci, nuptiarum petitores, à procando, id est, petendo dicti.

6 ⁽⁴⁾ Pronuba dicta, eò quòd nubentibus præest, quæque nubentem viro conjungit, ipsa est, & Parany-

pha, nam nympha sponsa in nuptiis, & nympha pro lavationis officio, quod ad nomen nubentis alludit.

7 ⁽⁵⁾ Conjuges appellati propter jugum, quod imponitur matrimonio conjungendis. Jugo enim nubentes subjici solent, propter futuram con-cordiam, nè separentur. Conjuges au-tem veriùs appellantur à prima des-ponsationis fide, quamvis adhuc inter eos ignoretur conjugalis concubitus, sicut Maria Joseph conjux vocatur, inter quos nè fuerat, nè futura erat carnis ulla commixtio.

8 ⁽⁶⁾ Nuptæ dictæ, quòd vul-tus suos velent: translatum nomen à nubibus quibus tegitur Cœlum. Undè, & nuptiæ dicuntur, quòd ibi primum nubentium capita velantur. Obnube-re enim cooperire est.

9 Cui contraria Innuba, hoc est, innupta, quæ adhuc vultum suum non velat.

10 ⁽⁷⁾ Uxores vocatæ, quasi un-xores. Moris enim erat antiquitùs: ut nubentes puellæ simil venirent ad li-men mariti, & postes antequàm ingre-derentur ornarent lancis vittis, & oleo ungerent. Et indè uxores dictæ, quasi unxores, ⁽⁸⁾ quæ ideò vetabantur li-mina calcare, quòd illic januæ, & coëant, & separentur.

11 ⁽⁹⁾ Matrona est, quæ jam nup-sit, & dicta matrona, quasi mater na-ti, vel quia jam mater fieri potest, un-dè, & matrimonium dictum. Distin-guitur autem inter matronam ma-trem, & matremfamilias. Nam ma-

tro-

(1) Cap. VII. Et à mare maritus. Et à marie marit. Gothici mendosè, ut videtur.

(2) Ceterum spondere prop. velle est. Unde sponse. Vid. Varr. lib. 5. & Agell. lib. 4. cap. 4.

(3) Proci à procando, è Servo.

(4) Pronuba dicta, quòd nubentibus præest. è Servo. ad v. Pronuba Juno. Æn. 4. Festus, Pronubæ adhibentur nuptis, quæ semel nupsunt matrimonii perpetuitatem auspicientes.

(5) Conjuges, &c. Omnia ex Aug. lib. 1. de Nupt. & concup. cap. 11.

(6) Nuptæ. Ead. lib. 2. de Off. cap. 19.

(7) Uxores, quasi unxores-Moris. n. erat. è Servo. Æn. 4. ad v. Conjugis, antiq. m. q. h. c.

(8) Quæ ideò vetabantur limina calcare. Elegans ratio. Servius vero ex Varrone: idcirco, ait, nuptas limen non tangere, nè à sacrilegio inchoarent, si deposituræ virginitatem calcant rem Vestæ consecratam, ad eclog. VIIII.

(9) Matrona. Sup. cap. 5.

trona, quia jam in matrimonium convenerunt: Matres, quia genuerunt: Matresfamilia, quia jam per quamdam juris sollemnitatem in familiam mariti transierunt.

12 Monogamus dictus, quia uni tantum nupsit. *μόνος* enim apud Græcos unum dicitur, *γάμος* nuptiæ interpretantur.

13 Bigamus autem, trigamus à numero uxorum vocatus, quasi duabus, vel tribus maritus.

14 ⁽¹⁾ Vidua vocata, quod cum viro duo fuerint, nec circa consortium alterius viri post mortem primi conjugis, adhæserit. Nam quæ alteri post mortem prioris viri nupserint, viduæ non dicuntur. ⁽²⁾ Item vidua dicta, quod sola sit, nec circa consortium viri conjugalitatem jura custodiat.

15 ⁽³⁾ Fratris uxor, Fratrissa vocatur.

16 Mariti frater, ⁽⁴⁾ Levir dicitur.

17 Duorum inter se fratrum uxores, Janitricæ vocantur, quasi eandem januam terentes, vel per eandem januam iter habentes.

18 Viri soror, Glos appellatur.

19 Sororis vir, speciale nomen non habet, nec uxoris frater.

20 ⁽⁵⁾ Matrimonium, est nobilium justa conventio, & conditio.

21 Conjugium est, legitimarum personarum inter se coeundi, & co-

pulandi nuptiæ. Conjugium dictum, quia conjuncti sunt, vel à jugo, quo in nuptiis copulantur, nec resolvitur, aut separari possint.

22 Connubium autem non à nupta, sed à nubendo formatum. Dicitur autem connubium, cum æquales in nuptias coeunt: ut putà Cives Romani, pari utique dignitate. Connubium autem non est, cum Civis Romanus cum Latina jungitur. Quotiens autem connubium non est, filii patrem non sequuntur.

23 Hymenæus dicitur à quodam Hymenæo, qui primus prosperè usus est nuptiis, ⁽⁶⁾ vel *ἀπὸ τοῦ ὑμέως*, quod membranæ virginitatis est claustrum.

24 Contubernium est ad tempus coeundi conventio: Undè, & tebernaculum, quod modò huc, modò illuc præfigitur.

25 Repudium est, quod sub testimonio testium, vel præsentium, vel absentium mittitur.

26 ⁽⁷⁾ Divortium est quotiens dissoluto matrimonio, alter eorum alteras nuptias sequitur.

27 Divortium autem dictum à flexu viarum, hoc est, viarum in diversa tendentes.

28 ⁽⁸⁾ Fribolum est, cum eo animo separantur, ut rursùm ad se invicem revertantur. Nam frivolum est velut quassæ mentis, & effluxæ, nec

X

sta-

⁽¹⁾ Vidua vocata, quod cum viro duo fuerint. Quasi dicat, nunc una sit: ita enim videtur retineri posse veterum librorum scripturam. Quidam ex Rabano ita legebat; quod cum à viro divisa fuerit, circa consortium alterius viri non adhæserit.

⁽²⁾ Item vidua dicta, quod sola sit. Quasi sine duitate, ut enim Labeo ait. Vidua sic dicta quasi vecors, vesanus, qui sine corde, aut sanitate est. Aut verius fortasse quasi valde divisa; nam ve augere solet: ut in vehemens, vecors, idemque autem dividere, aut finire, quod videtur respexisse Horatius. Idus tibi sunt agendæ. Qui dies mensam Veneris maritæ sinit Aprilis.

⁽³⁾ Fratris uxor fratrissa. Festus. Fratria uxor fratris. Non. Fratriæ appellantur fratrum inter se uxores.

⁽⁴⁾ Levir-glos-janitricæ. Modestinus, in l. Non facile. D. de Gradibus. Viri frater levit. Is apud Græcos *ἀνὴρ* appellatur. Viri soror glos, dicitur, apud Græcos *γλῶσ* duorum fratrum uxores janitricæ dicuntur, apud Græcos *στράτις*.

⁽⁵⁾ Glos. Janitricæ *ἀπὸ ἀδελφῶν γοναίου*.

⁽⁶⁾ Matrimonium est nobilium. A. Augustus. Cur nobilium? An quia civium tantum erat Romanorum? Vel quia auspicio fiebat, & plebeiorum nulla erant antiqua auspicia, ut est apud Libanum?

⁽⁷⁾ Vel *ἀπὸ τοῦ διωριστε*. Donat. in Adelp. ad v. Missa hæc facce, Hymenæum, &c. Alii quod *ἕμπε* dicatur membrana quædam, qua est munita Virginitas.

⁽⁸⁾ Divortium à flexu viar. Serv. En. 9. ad v. Obijciunt equites sese ad divortia nota. Divortia, inquit, divorticula viæ militaris.

⁽⁹⁾ Fribolum est. Ulpian. in l. Cum hic Statius, §. Divortium, D. de Don. inter vir. & ux. Quod si divortium, inquit, non intercesserit, sed fribusculum, profecto valebit donatio, si fribusculum quievit.

stabilis. ⁽¹⁾ Propriè autem frivola vocantur fictilia vasa inutilia.

29 Tres autem ob causas ducitur uxor: prima est causa prolis, de qua legitur in Genesi: Et benedixit eis, dicens: Crescite, & multiplicamini: secunda causa adjutorii, de qua ibi in Genesi dicitur: Non est bonum esse hominem solum, faciamus ei adjutorium simile: tertia causa incontinentiæ: undè dicit Apostolus, ut qui se non continet, nubat.

30 ⁽²⁾ In eligendo marito quatuor spectari solent: Virtus, genus, pulchritudo, sapientia. Ex his sapientia potentior est ad amoris affectum. Refert hæc quatuor Virgilius de Ænea, quòd his Dido impulsæ est in amorem ejus. Pulchritudine: Quem sese ore ferens. Virtute. - Quàm forti pectore, & armis. Oratione, - Heu qui-

bus ille Jactatus fati, quæ bella exhausta canebat. Genere: Credo equidem, nèc vana fides, genus esse Deorum.

31 ⁽³⁾ Itèm in eligenda uxore, quatuor res impellunt hominem ad amorem: pulchritudo, genus, divitiæ, mores. Meliùs tamen est, si in ea mores quærantur, quàm pulchritudo. Nunc autem illæ quærantur, quas, aut divitiæ, aut forma, non quas probitas morum commendat.

32 Idèò autem fœminæ sub viri potestate consistunt, quia levitate animi plerumquè decipiuntur. Undè, & æquum erat eas viri auctoritate reprimi. Proindè, & veteres voluerunt fœminas innuptas, quamvis perfectæ ætatis essent, propter ipsam animi levitatem in tutela consistunt.

DIVI ISIDORI HISPALENSIS EPISCOPI ETYMOLOGIARUM LIBER DECIMUS.

VOCUM CERTARUM ALPHABETUM.

I **L** ICET ⁽⁴⁾ origo nominum undè veniat à Philosophis, eam tenet rationem: ut homo ab humanitate, sapiens à sapientia nominetur, quia priùs sapientia, deindè sapiens:

tamen claret alia specialis: in origine quorundam nominum causa, sicut homo ab humo, undè propriè homo est appellatus. Ex quibus exempli gratia quædam in hoc opere posuimus.

Æros

⁽¹⁾ Propriè enim frivola. Fest. Frivola sunt propriè vasa fictilia quassæ, undè dicta sunt verba frivola, quæ minus sunt fide subnixæ.

⁽²⁾ In eligendo marit. Ead. lib. 2. de Offic. cap. 6. Nisi quod pro sapientia orationem illic posuit. Ut hic quoque in enumeratione.

⁽³⁾ Itèm in eligenda uxore quatuor. In Officiis verb: In fœminis tria spectabantur, si generosa, si benè morata esset, si pulchra. Et Donat. in Phorm. Actor. 1. Scen. 2. Quatuor sunt, quæ in sponsis quaruntur; forma, probitas, dos, nobilitas. Sed quid in officiis secutus sit, cum dotem, sive divitias omisit (si modo omisit) non est obscurum.

⁽⁴⁾ Licet origo. Antè hæc verba in omnibus l'ris editis leguntur ista: Origine quorundam nominum, id est, undè veniunt: in aliis (ut in Salm. & Silien. Gothb.) tunc diverso caractere, tunc etiam interjecto hoc titulo (de quibusdam vocabulis hominum) ab hoc initio separantur.

A

- 1 Æros vir fortis, & sapiens.
- 2 Auctor ab augendo dictus.
- 3 ⁽¹⁾ Auctorem autem foeminino genere dici non posse existimant. Nam quædam sunt, quæ in foeminino flecti non possunt, ut cursor.
- 4 Actos, ab agendo.
- 5 ⁽²⁾ Alumnus, ab alendo vocatus: licet, & qui alit, & qui alitur, alumnus dici potest, i. & qui nutrit, & qui nutritur, sed melius tamen, qui nutrit.
- 6 Amicus per derivationem quasi animi custos: dictus autem proprie amicus ab hamo, id est, catena charitatis, unde, & hami, quod teneant.
- 7 Amator turpitudinis, quia amore torquentur libidinis.
- 8 Amabilis autem, quod sit amore dignus.
- 9 ⁽³⁾ Amasius, eò quod sit pronus ad amorem.
- 10 Astutus ab astu vocatus, quod est callidi, & cauti hominis, qui possit sine periculo fortiter aliquid facere.
- 11 Argutus, quia argumentum citò invenit in loquendo.
- 12 Acer, in unamquamque formam vegetus, ac nimius.
- 13 Alacer, à velocitate, & cursu, quasi diceret aliger.
- 14 Armiger, quod arma gerat.
- 15 Alacris, lætus, alacriter gestiens, & nullius rei novitate turbatus.
- 16 Agilis, ab agendo aliquid celeriter, sicut docilis.
- 17 ⁽⁴⁾ Æmulus, ejusdem rei stu-

diosus, quasi imitator, & amabilis: aliàs inimicus invenitur.

18 Æquus, est secundum naturam justus dictus, ab æqualitate: hoc est ab eo, quod sit æqualis, unde, & ⁽⁵⁾ æquitas appellata ab æqualitate quadam scilicet.

19 Æquævus, ab eo quod sit alteri æqualis ævo, i. coætaneus.

20 Arrogans, eò quod multum rogetur, & ille fastidiosus sit.

21 Audax, proprie pro arrogante ponitur.

22 Animosus, quod sit animis, & viribus plenus.

23 Animatus, quasi animo auctus, & quasi animo firmatus.

24 Elatus, pro eò quod seipsum super mensuram suam elevet, dum magnus sibi videtur de his, quæ agit.

25 Attollens, quod se elevet, & erigat.

26 Ambiciosus, quod honores ambiat.

27 Avidus dictus ab avendo, avere enim cupere est. Hinc, & avarus. Nam quid est avarum esse progredi ultra quàm sufficit.

28 ⁽⁶⁾ Avarus ex eo dictus, quod sit avidus auri, & nunquam opibus expleatur, & quantum plùs habuerit, tantum plùs cupiat: Flacci super hoc concordante sententia, qui ait: Semper avarus eget, & Sallustii: Quod avaritia neque copia, neque inopia minuitur.

29 Amarus, à sapore translatum nomen habet. Est enim insuavis,

X 2

nèc

(1) Auctorem foeminino genere dici non posse. *Charisius*. Auctor siquidem propterea dicitur, quod auget, & generaret; & auctricem dicemus, quod pariter augere possit, cum verò ad auctoritatem referatur pro communi accipendum. *Endem Serv.* *Æn.* 39. ad v. Auctor ego audendi. Sed hic locus non est integer. Nam in cursore alia ratio est.

(2) Alumnus—sed melius tamen, qui nutrit. Ita veteres libri. Et ita fortasse visum Nonio consuetudine repugnante: sic n. ille. Alumnos, quos alas, vel educes, vel eos, qui aluntur consuetudo dici vult. Quasi aliud ratio exposceret.

(3) Amas eò quod sit pronus ad amorem. *Julianus Rhetor apud Agellium lib. 9. cap. 9.* Audite, ac discite, nostros quoque antiquiores, quos nominastis Poëtas, amasios, ac Venerios fuisse.

(4) Æmulus. *Endem Serv.* *Æn.* 5. & 6. quod autem; & amabilis; additur ab *Isid.* idem dixerat *Hesiodus* *ἐν ἄγῃ μῦθον* *ἰσὶν ἰσίδωρ γινώσκει, ἀλλὰ καὶ γινώσκει* *Εἰσι δὲ τὸν τὸν μὴν καὶ ἰσίδωρ γινώσκει*.

(5) Æquitas ab æqualitate. Ex *August.* de *Quant. Anim.* cap. 9.

(6) Avarus. *Hieronymi verba Eccl.* 5.

nec novit quemquam ad consortium suum aliqua invitare dulcedine.

30 Adulter, violator maritalis pudoris, eò quòd alterius thorum polluat.

31 ⁽¹⁾ Anceps, hùc, illucque fluctuans, ac dubius, istud an illud capiat, & in quam partem declinet anxius.

32 Atrox, quòd sit tetrìs moribus.

33 Abstemius, à temeto, i. vino, quasi abstinens à vino.

34 Ablactatus, quòd sit à lacte ablati.

35 Æger, quòd agatur infirmitate, vel tristitia ad tempus.

36 Ægrotus, quòd sit eger frequentius, sicut iratus, & iracundus.

37 Ærumnosus, à rumine dictus, quòd per inopiam miser factus esuriat, & sitiât.

38 Auspex, eò quòd avium auspicia intendant, sicut auceps, quòd aves capiat.

T9 ⁽²⁾ Astrosus, ab astro dictus, quasi malo sidere natus.

40 Enormis, eò quòd normam, & mensuram excedat.

41 Abactor, est fur jumentorum, & pecorum, quem vulgò abigeum vocant, ab abigendo scilicet.

42 ⁽³⁾ Atratus, & Albatus: ille à veste nigra, iste ab alba.

43 ⁽⁴⁾ Advena, eò quòd aliundè adveniat.

44 Alienigena, qui ex alia gente genitus est, & non ex ea ubi est. Itèm

alienigena, quòd alienæ regionis sit, & non ejus ubi est.

45 Accola, eò quòd adventens terram colat.

46 Agricola, à colendo agro, sicut sylvicola.

47 Assecla, eò quòd sequatur aliquem lucri causa.

48 ⁽⁵⁾ Assiduus dicebatur apud antiquos, qui assibus ad erarium expensum conferendis erat, & in negotiis quoque publicis frequens: undè, & per s, non per d scribendus est.

49 Apparitor nominatus, quòd appareat, & videatur, & præsto sit ad obsequium.

50 Attentus, ut aliquid audiens teneat.

51 ⁽⁶⁾ Attonitus, veluti furor quodam instinctus, atque stupefactus: dictus autem attonitus à tonitru strepitu, quasi tonitruo stupefactus, & vicino fulgori, aut tactu proximus.

52 Allectus, quòd sit palam electus.

53 ⁽⁷⁾ Abactus, quòd sit ab actu remotus.

54 Abortivus, eò quòd non oriat, sed aboriat, & excidat.

55 Adoptivus, quia est palam optatus in filium.

56 Ambo, ab eo quod est ἀμφο, nomen de Græco Latinum factum, littera tertia demutata.

57 ⁽⁸⁾ Alius de multis dicitur, alter verò de duobus.

58 Æquimanus appellatus, qui

utra-

(1) Anceps. Aug. lib. de Gramm.

(2) Astrosus. Retinet vulgaris lingua eand. vocem.

(3) Atratus. Atramus VV. CC.

(4) Advena. Ambros. in Psalm. 38. Advena, qui aliundè venit: Accola, qui ad tempus colit.

(5) Assiduus. Charis. Assiduus quidam per d scribunt, quasi sit à sedendo figuratum, sed errant. Nàm cum à Serv. Tulio Populus esset in quinque classes divisus, ut tributum proit quisque possideret inferret, ditiores, qui asses dabant, assidui dicti sunt. Et quoniam soli negotiis publicis frequentes aderant, eos qui frequentèr adsunt, assiduos ab assibus dixerunt. Hinc Agellius assiduum in xii. tab. & pro locuplete, & facile manus faciente dictum ait ab assibus Caper ab assidendo deducitur legimus autem ad ætarii expensam ex C. Rom. Nàm reliqui ad ararium expensum nullo sensu, nisi arariam expensam mavis.

(6) Attonitus. Serv. Æn. 3. Attonitus stupefactus. Nàm propriè attonitus dicitur, cui casus vicini fulminis, & sonitus dante stuporem.

(7) Abactus q. s. a. a. r. Festus. Abacti Magistratus dicebantur, qui coacti deposuerunt Imperium.

(8) Alius de multis, à Serv. Æn. xi.

utraqùè manu gladio incunctantèr utitur.

B

1 **B**eat⁽¹⁾ dictus, quasi benè auctus, scilicèt ab habendo, quod velit, & nihil patièdo, quod nolit. Ille autem verè beatus est, qui, & habet omnia, quæ vult bona, ⁽²⁾ & nihil vult malè. Ex his enim duobus beatus homo efficitur.

2 Bonus à venustatè corporis creditur dictus: postea, & ad animum translatum nomen. Eum autem dicimus bonum, cui non prævalet malum: ⁽³⁾ eumque optimum, qui peccat minimum.

3 Benignus, est vir sponte ad benefaciendum paratus, & dulcis alloquio: non autem multùm distat benignus à bono, quia, & ipse ad benefaciendum videtur expositus. Sed in eo differt, quia potest bonus esse, & tristior, & benè quidè facere, & præstare, quod poscitur, non tamen suavis esse novit consortio. Benignus autem sua cunctos novit invitare dulcedine.

4 Beneficus à benefaciendo alteri dictus: undè, & beneficentia vocatur, quæ proximo prodest.

5 Benivulus, quia benè vult. Non tamen dicimus benevolus, sicut nè malevolus. Sæpè enim ex duabus partibus compositum nomen, aut priorem, aut sequentem litteram corrumpit: ⁽⁴⁾ nam benevolentia absurdum sonat.

6 Blandus, dulcis, & invitans ad familiaritatem sui.

7 Brutus, quasi obrutus, quia sensu caret. Est enim sine ratione, sine prudentia. Undè, & ille Junius Brutus ex sorore Tarquini superbi genitus, cùm eundem casum timeret, què frater inciderat, qui ob divitias, & prudentiam ab avunculo fuerat occisus, utilem temporis simulavit stultitiam. Undè etiam Brutus est cognominatus, dùm vocaretur Junius.

8 Balbus, à balando potiùs, quàm loquendo dictus, verba enim non explicat. Indè, & blesus, quia verba frangit.

9 ⁽⁵⁾ Bucco garrulus, quod cæteros oris loquacitate, non sensu exsuperet.

10 Biliosus, quod sempè sit tristis, ab humore nigro, qui bilis vocatur.

11 ⁽⁶⁾ Baburrus, stultus, ineptus.

12 ⁽⁷⁾ Biothanatus, quod est vi mortuus: *θάνατος* enim Græco sermone mors dicitur.

C

1 **C**larus à Cœlo, quod splendeat: undè, & clara dies, pro splendore Cœli.

2 Celsus à Cœlo dictus, quod sit sublimis, & altus, quasi Cœlestis.

3 Castus, primùm à castratione nuncupatus: postea placuit veteribus, etiam eos sic nominari, qui perpetuam libidinis abstinentiam pollicebantur.

X 3

Cæ-

(1) Beatus q. benè auctus. *Cassiod. in Psalm. 1.* Beatus sicut nobis majorum tradidit auctoritas, dicitur quasi benè apertus, cui omnia desiderata succedunt.

(2) Et nihil vult malè. *Ità Goth. libri, & August. 13. de Trinit. non malè.*

(3) Eumque optimum, qui peccat minimum. *Hor.* Nam vitis nemo sine nascitur, optimus ille est: Qui minimis urgetur.

(4) Nam benevolentia absurdum sonat. Et quia minus coalescunt partes altera manente integra, & voluntia per se absurda vox Latinis auribus, & quia minor vox i, quam e, ut ait *Hallucarnasseus*: cui rei in componendis dictionibus studemus, ut minus gravis sit plurium dictionum conjunctio. At atas hac benevolentiam usurpavit.

(5) Bucco. *Gloss.* Buccones & ἀπείκτους βουκίων. *Apulei. Apolog. 2.* Macie prorsus, ut Buccones videbuntur.

(6) Baburrus. *Gloss.* Baburra ἀββυρ, ἀββυρ, μάταιος.

(7) Biothanat. *Serv. Æn. 4. ad v.* Omnia umbra locis adero dicunt. *Physici biothanatonum animas non recipi in originem suam. Vox frequens Julio Firmico, Cassiano, Tertull.*

4 ⁽¹⁾ Cæles dictus, quia iter sibi facit ad Cœlum.

5 ⁽²⁾ Cælebs, connubii expers, qualia sunt numina in Cœlo, quæ absque conjugis sunt. Et cælebs dicitur, ⁽⁴⁾ quasi Cœlo beatus.

6 Cælicola, eò quòd Cœlum colat, est enim Angelus.

7 Continens, non solùm in castitate dicitur, sed, & in cibo, & potu: in ira quoque, & vexatione mentis, & detrahendi libidine. Et continens, quòd se à multis malis absteinet.

8 Clemens, misericors ab eo, quòd cluat, id est, protegat, & tueatur, sicut solet patronus clientem.

9 Concors à conjunctione cordis appellatus: nam sicut consors dicitur, qui sortem jungit, ita ille concors dicitur, qui corde jungitur.

10 Concionator, multitudinis allocutor.

11 Consolator, unius allocutor: & inde dictus consolator, quòd soli se applicat cui loquitur, & solitudinem levat alloquio suo: hinc, & solatium.

12 ⁽⁵⁾ Consultus est, qui consulitur, cui contrarius est inconsultus, qui non accipit consilium.

13 Constans dictus, quòd undique stat, nec in aliquam partem declinari potest.

14 Confidens, quòd sit in cunctis fiducia plenus. Unde, & Cæcilius: Si confidentiam habes, confide omnia.

15 Cautus, à cavendo dictus.

16 ⁽⁶⁾ Callidus, fraudulentus,

quia celare novit, & male peritus. Callidum autem veteres non pro astuto tantum, sed etiam pro astute docto ponebant: Hunc, & versutum, ab eo quòd animum citò vertat.

17 Cupidus, à capiendo multum, i. accipiendo vocatus.

18 Clamosus, quasi calamosus à calamo; scilicet, quòd sonet.

19 ⁽⁷⁾ Calumniator, falsi criminis accusator à caluendo, id est, frustrando, & decipiendo dictus.

20 Calculator, à calculis, i. lapillis minutis, quos antiqui in manu tenentes numeros componebant.

21 ⁽⁸⁾ Compiler, qui aliena dicta suis permiscet, sicut solent pigmentarii in pila diversa mixta contundere. Hoc scelere quondam accusabatur Mantuanus ille vates, cum quosdam versus Homeri transferens suis permiscisset, & cum compiler veterum ab æmulis diceretur, ille respondit: Magnarum esse virium clavam Herculi extorquere de manu.

22 Contumax, ab eo quòd contemnat.

23 Chromaticus, quia non confunditur, nec colorem mutat: Græcè enim χρωμα color vocatur.

24 Contumeliosus, quia velox est, & tumet in verbis injuriæ.

25 Contentiosus, ab intentione vocatus, qui non ratione aliquid, sed sola pertinacia vindicat.

26 Contemptibilis, vel quia contemptui habilis, vel quia contem-

(1) Cæles. *Aug. lib. de Gramm.* Præses, dives, heres, cæles, cælitus, qui iter sibi faciunt ad Cœlum. *Calite quoque in singulari usus. Ovid. lib. 5. de Ponto.* Quod tamen potui de calite Brute recenti: Vestra procul positus carmen in ora dedi.

(2) Cælebs. *Quintil. lib. 1. cap. 5.* Ingeniosè Cajus visus est dicere cælibes, veluti cælitus, quod onere gravissimo carere. Et *Hieronym. 2. contra Jovin.* Calibes, quod Cælo digni sunt, inditum nomen.

(3) Qualia sunt numina in Cælo. *Verba Aug. loco cit.*

(4) Quasi Cælo beatus. *Al. Cælo aptus.*

(5) Consultus, è *Serv. An. 3. ad v.* Inconsulti abeunt.

(6) Callidum pro astute docto. *Hor.* Callidus huic signo ponebam millia centum.

(7) Calumniator—à caluendo. *Cajus cap. 233. de Verb. sign.* Si calitur, & moretur, & frustratur. Inde, & calumniatores appellati, quia per fraudem, & vexationem alios vexarent litibus. Inde, & cavillatio dicta est.

(8) Compiler. *Fest.* Compilare est cogere in unum, & condere f. contundere. *Idem tamen:* Pilare, & compilare sunt, qui Græca originis—Græci n. furcs πιλῆται.

temptus, & vilis, id est, sine honore.

27 Crudelis, hoc est, crudus, quem Græci *ἄμω* appellant per translationem, quasi non coctus, nec esui habilis: est enim asper, & durus.

28 ⁽¹⁾ Carnifex, quod carnem efficiat.

29 ⁽²⁾ Crucarius, eod quod sit cruce dignus.

30 Collega, à colligatione societatis, & amicitiae complexu dictus.

31 Coetaneus, quasi compar ætatis.

32 Complex, qui uno peccato, vel crimine alteri est applicatus ad malum: ad bonum verò nunquam dicimus complicem.

33 Consors, eod quod ad eum pars pertinet bonorum: nam sortem veteres pro parte ponebant. Consors ergo, quod sit communis sorte, ⁽³⁾ sicut dissors dissimilis sortis.

34 Celer appellatus à celeritate, quia quod usus exigit velocius facit.

35 Confinalis, ab eo quod sit genere, vel loco affinis.

36 Colonus à colonia, vel ab agro colendo dictus.

37 Curator, quod curam ferat pueris, qui adhuc ejus ætatis sunt: ut negotia sua satis administrare non possint.

38 Cognitor, à cognoscendo causam dictus.

39 ⁽⁴⁾ Clientes, prius colentes dicebantur, à colendis patronis.

40 Captus.—

41 Captivus dicitur, quasi capite diminutus, ingenuitatis enim fortuna ab eo excidit, undè, & à jurisperitis capite diminutus dicitur.

42 ⁽⁵⁾ Colomis, à columna vocatus, eod quod erectus, & firmissimus sit.

43 Comptus, à coma dictus, quod sit formosus capillis, vel quia comam nutrit.

44 Calamistratus à calamistro, id est, acu ferreo in calami similitudine facto, in quo crines obtorquentur: ut crispi sint, quem in cinere calefacere solent, qui capillos crispant, ut calamistrati sint.

45 Corpulentus, quod sit corpore validus, & lentis carnibus.

46 Crassus, à sagina corporis, à creando carnes.

47 Comesor, à comedendo satis. Est enim gulæ, ac ventri immoderate deditus.

48 ⁽⁶⁾ Caupo pessimus de vino aquam faciens.

49 Candidus, canus dictus à candore, & candidus, quasi candor datus: studio enim accedit candor. Nam album vocari, naturæ est.

50 ⁽⁷⁾ Clodus.—

51 Curvus.—

52 Crispus.—

53 Cæcus appellatus, quod careat visu. Est enim luminibus amissis. Cæcus est, qui utroque oculo non videt.

54 Caducus à cadendo dictus, idem

(1) Carnifex. *Donat. in Hætyr.* Caro propriè dicitur mortuorum, undè carnifices dicti, quod carnes ex homine faciant.

(2) Crucarius. *Petronius.* Itaque cruciatii illius parentes, ut viderunt custodiam laxatam, detraxere nocte penitentem.

(3) Sicut dissors. *Aug. lib. de Gramm.* Dissors dicitur dissimilis sortis.

(4) Clientes. è *Serv. Æn. 6. ad v.* Pulsatusve patens, a. f. i. client.

(5) Colomis. Unde *incolomis à columna, vel columine.* *Donat. in Phorm.* Columen culmen, an columen columna?

Vitrui. lib. 4. cap. 20. Columen in summo fastigio culminis, undè, & columnæ dicuntur.

(6) Caupo pessimus. *Hieron. II. 1.* Hæretici quoque Evangelicam veritatem corrumpunt prava intelligentia, & sunt caupones pessimi facientes de vino aquam.

(7) Clodus—Curvus—Crispus. *Aliqui libri recentiores has lacunas explent. Sed ista, ut referre non sit opera pretium.*

idem Lunaticus, eò quòd certo Lunæ tempore patiatur.

55 Confusus, à confusione sceleris appellatus, indè, & confusio.

56 Convulsus dicitur, cui suavi aliqua adimuntur. Undè, & convulsa navis, cujus eminentia vi tempestatis adimuntur: undè, & Virgilius: Vix septem convulsæ undis, quasi mutilatæ.

57 Consumptus, totus sumptus, & devoratus.

58 Conciliatrix, ob societatem flagitiosæ consensionis dicta, eò quòd intercurrat, alienumque nundinent corpus. Hanc etiam, & lænam vocant.

59 Circumforanus, qui advocacy causa circum fora, & conventus vagatur.

60 ⁽¹⁾ Collegiatus.---

61 Carpentarius.---

D

1 **D**ominus per derivationem dictus, quòd domui præsit.

2 Dissertus, doctus à disserendo dictus, dispositè enim disserit.

3 Doctus à docendo, indè, & doctor.

4 Docilis, non quòd sit doctus, sed quia doceri potest: est enim ingeniosus, & ad discendum aptus.

5 Discipulus à disciplina dictus, disciplina autem à discendo vocata.

6 Dispensator vocatur, cui creditur administratio pecuniarum. Et idè dispensator, quia priùs, qui dabant pecuniam, non numerabant eam, sed appendebant.

7 ⁽¹⁾ Dives ab ære vocatus.

8 ⁽³⁾ Decorus, perfectus, à decem.

9 Dulcis.---

10 Decens, compositus, à numero decem dictus. Hinc, & decorus, & decibilis.

11 Directus, eò quòd in rectum vadit.

12 Dilectus à diligentia. Hæ sunt enim signa diligendi.

13 ⁽⁴⁾ Delibutus, de oleo unctus, ut athletæ solent, vel in ceromate pueri. Hinc, & delibutum gaudio, id est, perfusum, vel plenum.

14 Delicatus, quòd sit deliciis pastus: vivens in epulis, & nitore corporis.

15 Defessus, sempèr infirmus, quasi diù fessus.

16 Debilis, quòd per bilem factus sit fragilis. Bilis enim humor est afficiens corpus.

17 Decolor, quòd desit illi color.

18 Desperatus, vulgo vocatur malus, ac perditus, nèc jam ulius prosperæ spei. Dicitur autem per similitudinem ægrorum, qui affecti, & sine spe deponuntur. Consuetudo autem erat apud veteres: ut ⁽⁵⁾ desperati ante januas suas collocarentur, vel ut extremum spiritum redderent terræ, vel ut possent à transeuntibus fortè curari, qui aliquando simili laboraverant morbo.

19 Degener, aut ignobilis, aut quòd sit impari genere, aut si dùm sit optimo genere natus, inhonestè tamen vivit.

20 Decrepitus, quòd mori sit propior, & quasi ad mortis tenebras vertat: sicut crepusculum tempus noctis. Alii dicunt decrepitum, non qui

se-

(1) Collegiatus. De Collegiatis Titulus est lib. 11. Cod.

(2) Dives ab ære. Aliqui Goth. ab habere.

(3) Decorus -- à decem. Seg. à decendo.

(4) Delibutus. Ex Don. in Phorm. ad illud: Si te delibutum gaudio reddo.

(5) Desperati -- consuetudo autem erat. Servii sunt hac non Desperati, sed Depositi vocem interpretantis. En. 12. ad 4. Ille, ut depositi p. l. p. Quia si non satis apta sunt, minus mirum, eam Isidorus Servii commentariis sine Virgilio carminibus usus sit: ut Chacon optimè conjecit, & ex aliis hujus operis locis manifestè apparet.

senectute avulsus est, sed qui jam crepare desierit, id est, loqui cessaverit.

21 ⁽¹⁾ Depretiat, ab eo quod sit vilis, nec aliquo pretio dignus.

22 Dirus, præparcus, & teter, quasi divina ira in id actus. ⁽²⁾ Nam dirum dicitur, quod divina infertur ira. Alias dirus, magnus.

23 ⁽³⁾ Dehiscens, valde hiscens. Hic enim: De, augmentis est, ut deamare, desiderare.

24 Despiciens, eò quod deorsum aspiciat, vel contemptui habeat.

25 Dolosus, insidiosus, vel malignus, ab eo quod deludat. Ut enim decipiat, occultam malitiam blandis sermonibus ornat.

26 Dubius, incertus, quasi duarum viarum.

27 Delator dictus, eò quod detegat quod latebat.

28 Dilator, quia differt ad proferendum.

29 Desidiosus, tardus piger à desidendo vocatus, id est, valde sedendo: ⁽⁴⁾ (idem, & reses à residendo) De, enim hic augmentis est.

30 ⁽⁵⁾ Delirus mente defectus per ætatem ἀπὸ τοῦ λυπεῖν, vel quod à recto ordine, & quasi à lira aberret. Lira enim est arationis genus, cum agricolæ facta semente dirigunt sulcos, in quos omnis seges decurrit.

31 Demens, idem qui amens, id est, sine mente, vel quod diminutionem habeat mentis.

32 Desipiens, eo quod minus sapere incipit, quàm solebat.

33 Damnat, & damnabilis, quorum prior jam addictus est, sequens potest addici.

34 ⁽⁶⁾ Degulator, quod gulæ sit deditus.

E

1 **E** Latus pro eo, quod seipsum supra mensuram suam elevet, dum magnus sibi videtur de his, quæ agit.

2 ⁽⁷⁾ Enormis, eo quod normam, & mensuram excedat.

3 Eloquent, profusus eloquio.

4 Exertus in loquendo expeditus. Exerere enim proferre, vel expedit est.

5 ⁽⁸⁾ Eruditus, quia non rudis, sed jam doctus.

6 Expertus, multum peritus: Ex, enim hic pro valde ponitur.

7 Expers verò, qui est extra peritiam, & intellectum.

8 Exornatus, valde ornatus: Ex, enim pro valde ponitur: sicut excelsus, quasi valde celsus.

9 Eximius, quasi valde eminens.

10 Efficax dictus, quia nullam difficultatem habet in qualibet re faciendi: hinc, & efficiens à faciendo dictus.

11 Exspes, quod sine spe.

12 Expers, quia extra partem, caruit enim parte.

Exsors,

(5) Depreciat. Utitur hac voce antiquus Bibliorum Interpres, Tertull. & alii Ecclesiastici Scriptores.

(6) Dirus præparcus, & teter. Haud absurdè: opponitur enim divo comis. Cicero in Caton. Mai. Quanta in uno comitas, in altero diritas? Reliqua è Serv. Æn. 2. & 6.

(7) Dehiscens. Ex eodem Æn. 1. ad illud, his unda dehiscens.

(8) Delirus—dirigunt sulcos in quos omnis seges decurrit. Sulcos pro porcis posuit, vel liris: nam in sulcos non seges decurrit, sed aqua ex liris. Vid. Varro. & Columell.

(9) Degulator. Apulej. apolog. 2. Quæ tamen omnia in paucis annis ita hic degulator studiosè in ventrem condidit, &c. Idem Degulo dicitur ab Aug. in lib. de Gramm.

(10) Enormis. Anormis quibusdam placuerat, quod in Goth. Enormis: in aliquo etiam Anormis: sed non convenit interpretatio. Anormis n. qui sine norma. Hor. Rusticus anormis sapiens, crassaque Minerva. Enormis extra normam. Illud absurdius, quod supra in .d. Enormis, & Helatus, & Heros, quia in libris Aros, Enormis, Elatus.

(11) Eruditus. Vid. Cassiod. in Pt. 2.

- 13 Exsors, quia extra sortem est.
- 14 ⁽¹⁾ Exsul, quia extra solum suum est, quasi trans solum missus, aut extra solum vagus. ⁽²⁾ Nàm exsulare dicuntur, qui extra solum eunt.
- 15 ⁽³⁾ Extorris, quia extra terram suam est, quasi ex terris. Sed propriè extorris, cùm vi expulsus: & cum terrore solo patrio ejectus: & extorris, ex terra sua pulsus.
- 16 Extorris, extra terram: aut extra terminos suos, quia exterretur.
- 17 ⁽⁴⁾ Exterminator, non ille, qui vulgò dicitur ἀφαιρῶν εἴρας, sed qui dejicit, & expellit à terminis civitatis.
- 18 Exterminatus, ab eo quod sit extra terminos suos ejectus: sic, & externus, eo quòd sit alienæ terræ.
- 19 Egens, & egenus, sine gente, & sine genere, indigenis.
- 20 Exiguus, multum egens. Ex enim pro valdè ponitur.
- 21 ⁽⁵⁾ Exilis, tenuis, quod possit quamvis per angustum exire. (sivè sine illis)
- 22 Exesus, quasi percomesus. Est enim aridus, tenuis, & exilis.
- 23 Exhaustus, quia consumptus est, & inanis effectus.
- 24 Exanguis, quòd sit extra sanguinem.
- 25 ⁽⁶⁾ Exanimis, est mortuus. Exanimis autem, & exanimus dicimus, sicut unanimus, & unanimis, inermis inermis, & hoc nostro arbitrio subjacet.
- 26 Exustus dicitur, de quo nihil superest, quasi valdè ustus. Ex enim pro valdè ponitur.
- 27 Exosus ab odio dictus: ⁽⁷⁾ nàm antiqui, & odi dicebant, & osus sum: hinc est exosus, quo utimur, licèt, jam osus non dicamus.
- 28 Effractor, quòd sit expugnatore claustrorum.
- 29 Exitiosus, eo quòd multis exitio sit.
- 30 Executor, ab exequendo: idem, & exator.
- 31 Efferatus, mente ferina effectus, & ultra humanum modum excedens.
- 32 Effrænatus, ab eo quòd sit præceps, & pronus, & sine fræno rationis.
- 33 Eunuchus, Græcum nomen est, quod est spado. Horum quidam coeunt, sed tamen virtus in semine nulla est. Liquorem enim habent, & emittunt, sed ad gignendum inanem, atquè invalidum.
- 34 ⁽⁸⁾ Effœta ab eo, quòd sit frequenti foetu exhausta: partus enim eam assiduus debilem reddidit.

F

1 **F**acundus dictus, quia facile fari possit.

2 Facetus, qui jocos, & lusus gestis, & factis commendat, à faciendo dictus.

3 Frugalis, à fruge nominatus, id est, à fructu, vel parsimonia, sivè ut alii volunt, à modestia, & temperantia.

4 ⁽⁹⁾ Fœenerator, qui pecuniam de-

(1) Exsul. à Serv. Æn. 3.

(2) Nàm exulare dicitur. Ex eod. Æn. 11.

(3) Extorris. Ex eodem Æn. 4. ad v. Finibus extorris complexu avulsus Juli.

(4) Exterminator. Non una hic species Græcorum characterum: sed ἡφαίστος manuscripti nihil habent, ἀφαιρῶν aliquid omnes. Ergo quod præferre libri videbantur, ἀφαιρῶν sive scripsimus: nequè ἀφαιρῶν, quod A. Augustino probabatur, rejecimus.

(5) Exilis—sivè sine illis. Vid. Fest. vel Servium potius.

(6) Exanimis. à Serv. Æn. 1. ad v. Exanimumque auro c. v. A.

(7) Nàm antiqui diceb. Ex eodem Æn. 5. ad v. Si nondum exosus ad unum.

(8) Effœta. Ex eodem Æn. 5. ad v. Frigente effœta in corp. virgo.

(9) Fœenerator autem Latin. Ex Aug. in Ps. 36.

deponit apud debitorem, quasi fœnoris actor: nam fœnus pecunia est. Fœnerator autem Latine dicitur, & qui dat mutuum, & qui accipit.

5 Flamines, Pontifices idolorum.

6 ⁽¹⁾ Felix dicitur, qui felicitatem dat: felix qui accipit: & felix, per quem datur felicitas: ut felix tempus, felix locus.

7 Fidelis, pro eò quòd fit ab eo id, quod dicit, vel quod promittit bonum.

8 Facilis, à faciendo, nèc tardus.

9 Firmus, undè, & formosus.

10 Fortis, quia fert adversa, vel quæcumque acciderint: sivè à ferro, quòd sit durus, nèc molliatur.

11 ⁽²⁾ Formosus à formo dictus. Formum enim veteres calidum, & fervens dixerunt. Fervor enim sanguinem movet, sanguis pulchritudinem.

12 ⁽³⁾ Fœdus, nomen habet ab hirco, & hœdo, f. littera addita. ⁽⁴⁾ Hunc veteres in gravi significatione ponebant: ut Sanguine fœdantem, quos ipse sacraverat ignes.

13 Fragilis dictus, eò quòd facile frangi possit.

14 Fessus, quasi fissus, nèc jam integer salute: est autem generale. Dicimus enim fessus animo, ut terfessus valle resedit: & fessus corpore, quod magis est proprium: & fessus rerum à casu venientium.

15 Fatigatus, quasi fatis agitatus.

16 ⁽⁵⁾ Formidolosus à formo, id

est, sanguine dictus, cum se à cute ad præcordia fugiens contrahit sanguis: nam timor sanguinem gelat, qui coactus gignit formidinem, undè est illud: Gelidusque coit formidine sanguis.

17 Formidolosus autem cum sit timidus, & timendum significat.

18 ⁽⁶⁾ Fatuus ideò existimatur dictus, quia nequè quod fatur ipse, nequè, quod alii dicunt, intelligit. Fatuus originem ducere quidam putant à miratoribus Fatuæ Fauni uxoris fatidicæ, eosque primùm Fatuos appellatos, quòd præter modum obstupefacti sunt vaticiniis illius, usque ad amentiam.

19 Fautor, ab eò quòd faveat, & consentiat.

20 ⁽⁷⁾ Fictor, appellatus à fingendo, & componendo aliquid, sicut qui capillos mulierum lenit, & pertracat, ungit, & nitidat.

21 Fallax, quòd fando, id est, loquendo decipiat.

22 Fervidus, iracundus: ira enim inflamat.

23 Frendens, quòd minando frangat dentes, & comprimat.

24 Fremens----

25 Ferox, ab eo quòd feritatem exerceat, ut bestia.

26 ⁽⁸⁾ Fur à furvo dictus est, id est, à fusco: nam noctis utitur tempore.

27 ⁽⁹⁾ Factiosus inter opprobria, cum seditiosum accipi volumus: cum verò

(1) Felix. Serv. *Æn.* 1. Felix dicitur, & qui habet felicitatem, & facit esse felicem.

(2) Formosus—Formum n. veteres calidum. Ita legendum *inf.* lib. 19. cap. 7. in Forpice; & apud Serv. (cujus hæc sunt verba *Æn.* 8.) non fornum, & apud Non. in Fauno. Vid. Fest. in Forpice—Forma—& Formiculi; & Donat. in *Phorm.* act. 1. sc. 2. ad verba. Hæc formam extinguere.

(3) Fœdus. Fest. Fœdum antiqui dicebant pro hœdo, solus pro holere, fostem pro hoste, fostiam pro hostia.

(4) Hunc veteres in gravi signif. Serv. *Æn.* 2. Fœdum tam apud Virgilium, quàm apud Sallustium non turpe significat, sed crudele.

(5) Formidolosus, cum sit timidus. Serv. *Æn.* 4.

(6) Fatuus. Ex *ed.* *Æn.* 7. ad v. Hunc Fauno, & nimphæ, g. l. M. *Ar. Justin.* lib. 43. Fauno fuit uxor nomine Fatua, quæ assiduo divino spiritu impleta, velut per furem futura præmonbat. Undè adhuc, qui inspirari solent, fatui dicuntur. Ipse quoque Faunus, ut supra à Servio retulimus, Fatuus Fatuelis dicebatur.

(7) Fictor—lenit. *Al.* lenit.

(8) Fur. Vid. *Agell.* lib. 1. cap. 8.

(9) Factiosus—cum verò gratiosus, ac pet. *Gloss.* Factio τὰ γὰρ. Sueton. in Nerone: Quinque millia juvenum elegit, qui divisi in factiones plausuum genera condiscerent: & *Plaut.* in *Aulul.* Istas magnas factiones, doctæ dapilicæ nihil moror. Inde factiosi, potentes, & gratiosi in factionibus.

verò gratiosum, ac potentem, quasi magnæ factionis.

28 Facinorosus, à facti commissio nominatus: facit enim quod alteri noceat.

29 ⁽¹⁾ Fœmellarius, fœminis deditus, quem antiqui mulierarium appellabant.

30 Flagitiosus, eo quod frequentius flagitet, atquæ appetat libidinem.

31 ⁽²⁾ Furfifer dicebatur olim, qui ob leve delictum cobeatur à dominis, ignominie magis, quàm supplicii causa, furcam circa viam ferre, prædicans peccatum suum, & monere cæteros, nè quid simile peccarent.

32 Futilis, vanus, superfluous, loquax, & est metaphora à vasis fictilibus, quæ quassa, & rimosa non tenent: quæ injeceris.

33 Fornicarius.—

34 Fornicatrix est, cujus corpus publicum, & vulgare est. Hæ sub arcuatis prostabant, quæ loca fornices dicuntur: undè, & fornicariæ. Virgilius: Atquæ adverso fornice.

35 Fœcunda, foetu dicta, quasi foetu abundans, est enim partu frequens.

36 Fœta.—

37 Flens, quasi lacrymis fluens.

38 Fugitivus nemo rectè dicitur, nisi qui dominum fugit: nam si parvulus puer à nutrice, vel ab schola discesserit, fugitivus non est.

G

1 **G**loriosus à frequentia claritatis dictus, pro c, g. littera commutata. Gloriosus à laurea dictus, quæ datur victoribus.

2 Gnarus, sciens, cui contrarius: ignarus nesciens.

3 Gravis, venerabilis: undè, & contemptibiles leves dicimus. Gravis pro consilio, & constantia dictus, quia non levi motu dissilit, sed fixa constantie gravitate consistit.

4 Grandis.—

5 Gracilis.—

6 Grandævus, quod sit grandis ævo.

7 Gratus, gratiam servans: sed gratus tantum animo, gratissimus, & animo, & corpore dicitur.

8 Gratificus, ab eo quod gratis faciat bonum.

9 ⁽³⁾ Gratosus, qui plùs unicuique, quàm meretur, tribuit.

10 Garrulus propriè dicitur, qui vulgò verbosus appellatus, accedente lætitia, nè valens, nè volens tacere. Sumptum nomen à graculis avibus, qui importuna loquacitate semper strepunt, nè unquam quiescunt.

11 ⁽⁴⁾ Ganeo, luxuriosus, & tantum in occultis locis, & subterraneis, quæ ganea Græci vocant.

12 ⁽⁵⁾ Glutto, à gula, i. gulosus.

H

1 **H**eros ⁽⁶⁾ vir sapiens, & fortis.

2 **H**umilis, ⁽⁷⁾ quasi humo acclinis.

Ho-

(1) Fœmellarius. Aderat hæc vox à plerisque Gothis, erat in Ovis.

(2) Furfifer. Ex Donat. Vid. Gloss. in Furfifer & avguuquæ, &c.

(3) Gratosus. Agell. lib. 9. cap. 12. Gratosus, & qui adhibet gratiam, & qui admittit.

(4) Ganeo—tanquam in occultis, & subterr. Fest. Gancum locum abditi, ac velut sub terra dixerunt. Donat. in Adelp. Veteres gancum meretricum tabernam dixerunt, èνδ' τῆς γῆς, τῆςδ' ἰσθμῆς τῆς γῆς, quod ipsa sit in terra, non ut cœnacula superius, undè, & taberna, quasi taberna à validioribus dicta trabibus, quibus superiora suspensa sunt.

(5) Glutto. Aug. in lib. de Gramm. Heluo, qui, & Glutto. Fest. Ingulvies à gula dicta: Hinc, & ingluvisus, & gluto, & gulo.

(6) Heros. Idem sup. lib. 1. cap. 39. Heroës appellatur viri, quasi aërci, & Cælo digni, propter sapientiam, & fortitudinem. Vid. Serv. Æn. 1. & Aug. 10. de Civit. cap. 12. à quibus longè diversus in. Socrates in Cratilo Heros in libro V. in A scribitur.

(7) Humilis—humo acclinis. In Gothici omnes.

3 Honorabilis, quasi honori habilis, hoc est, aptus.

4 ⁽¹⁾ Honestus, quod nihil habeat turpitudinis: nam quid honestas, nisi honor perpetuus, i. quasi honoris status?

5 Humanus, quod habeat circa homines amorem, & miserationis affectum: undè, & humanitas, qua nos invicem tuemur.

6 Habilis, quod sit ad habendum commodus, atque aptus.

7 Honorosus, plùs, est quàm honoratus, sicut scelerosus, quàm sceleratus.

8 Hirsutus, ab eo quod sit hirtus, & pilis horridus.

9 ⁽²⁾ Hypocrita, è Græco sermone in Latinum simulator interpretatur. Qui dum intus malus sit, bonum se palàm ostendit: ὑπὸ enim falsum, κρίσις iudicium interpretatur. Nomen autem hypocritæ tractum est à specie eorum, qui in spectaculis contracta facie incedunt, distinguentes vultum ceruleo, minioque colore, & cæteris pigmentis, habentes simulacra oris lintea gypsata, & vario colore distincta, nonnunquam, & colla, & manus creta perungentes: ut ad personæ colorem pervenirent, & Populum dum in ludis agerent, fallerent, modò in specie viri, modò in foeminæ, modò tonsi, modò criniti, anili, & virginalli, cæteraque specie, ætate, sexuque diverso, ut fallant populum, dum in ludis agunt. Quæ species argumenti translata est, in iis, qui falso vultu incedunt, & simulant quod non sunt: nam hypocritæ dici non possunt, ex quo foras exierint.

10 Humatus, quod sit humo tectus, id est, sepultus.

11 Hilaris, Græcum est nomen.

I

1 Ingeniosus, quod intus vim habeat gignendi quamlibet artem.

2 Inventor dictus, quod in ea quæ quærit, venit: undè, & ipsa quæ appellatur inventio, si verbi originem retractemus, quid aliud resonat, nisi quia invenire est, in id venire, quod quæritur?

3 ⁽³⁾ Interpres, quod inter partes medius sit duarum linguarum dum transfert. Sed, & qui inter Deum, quem interpretatur, & homines, quibus divina indicat mysteria interpret vocatur.

4 Juridicus, quia legum jura dicit.

5 Indoles, propriè est imago quædam futuræ virtutis.

6 Justus dictus, quia jura custodit, & secundum legem vivit.

7 ⁽⁴⁾ Innox, quod non noceat.

8 Innocuus, cui nocitum non sit, sed apud veteres utrumque indifferens est.

9 Jocundus, eo quod si semper jocis aptus, & hilaritati, à frequentia, sicut iracundus.

10 Jocosus, jocis usus.

11 Inclytus, Græcum nomen est. Nam κλυτὸν Græci gloriosum vocant.

12 Illustris, nomen notitiæ est, quod clareat multis, splendore generis, vel sapientiæ, vel virtutis, cui contrarius est obscure natus.

13 Idoneus.---

14 Incolumis, à columna nomen

Y

men

(1) Honestus q. honoris status. *Al. q. honor. stans.*

(2) Hypocrita. *Ex Aug. Serm. 1. in Fer. vi. post Quinquag.*

(3) Interpres. *Serv. An. 10. ad v.* Tertius ille h. divumque interp. Asylas Interpres, mediū est, nam, & Deorum interpretator, & hominum, qui divinas indicat mentes interpret vocatur.

(4) Innox. *Gloss. Innox ἀβλαβής.*

men habet, quasi erectus, fortis, & stabilis.

15 Immarcessibilis, incorruptus, & sempiternus, quod sit sine marcore, & languore.

16 Intemeratus, incorruptus, & nulla temeritate violatus.

17 Infirmus, quia sine formo, i. sine calore.

18 Imbecillis, quasi sine baculo, fragilis, & inconstans.

19 Inanis, levis.

20 Inconstans, quia non est stabilis, sed quod placet ei rursus displicet.

21 Jactans, vel arrogans est, qui majorum institutis non acquiescit, sed propriam quamdam viam justitiæ, & sanctitatis inquit.

22 ⁽¹⁾ Iracundus dictus, qui acenso sanguine in furorem compellitur, ut enim flamma dicitur, & ira inflammat.

23 ⁽²⁾ Incentor, ab eo quod incendat, atque inflammet.

24 Incentor, quia prava suggestionem ad vitia cor aliorum succendit, & persuadendo inflammat.

25 Inexpiables, quod nunquam expietur, nunquam purgetur.

26 ⁽³⁾ Inlaudabilis, non quia laudatus non sit, sed quia laudari non meruerit.

27 Iratus, ira actus.

28 Impius, quia sine pietate religionis est.

29 Iniquus proprie dictus, quia non est æquus, sed inæqualis. ⁽⁴⁾ Inter impium autem, & iniquum hoc dista-

re nonnunquam solet, quia omnis impius, iniquus, non tamen omnis iniquus est impius. Impius namque pro infideli ponitur: & dictus impius, quod sit à pietate religionis alienus. Iniquus verò dicitur, pro eo quod non est æquus, sed pravis operibus maculatur, vel si Christianitatis nomine censetur.

30 Inimicus, quia non amicus, sed adversarius. Duæ autem res inimicos faciunt: fraus, & terror. Terror, quod timent: Fraus, mali, quod passi sunt.

31 Invidus, dictus ab intuendo felicitatem alterius.

32 ⁽⁵⁾ Invidiosus est, quia ab alio patitur invidia.

33 Invisus, odiosus, ab invidia, & zelo dictus.

34 Intestabilis, cujus testimonium non valet, & quod dixerit, irritum, improbatumque sit.

35 Infamis, non bonæ famæ.

36 Improbatus dictus, quod instat etiam prohibenti.

37 Importunus, inquietus, quia non habet portum, id est, quietem. Unde, & importuni, quia in naufragium citò feruntur.

38 Infrænis est, qui frænis non regitur: ut Numidæ infræni.

39 Infrendens, proprie est inter se comprimens dentes. ⁽⁶⁾ Nam, & frendere significat dentibus frangere: unde nefrendes infantes, qui necdum dentes habent.

40 Ingluviosus, à gula, & voracitate dictus.

In-

(1) Iracund. Ut n. flamma. Sæpè hoc repetit. Hebraicè *חַרָּוֹן* lux.

(2) Incentor, quia ptava. Succentor, quia prava. Græc. *Νεαπ. c.* Cui scriptura magis convenit interpretatio suggerendi, & succedendi.

(3) Illaudabilis, à Serv. Georg. 3. Sed hac interpretatio non illaudabilem, sed illaudatum respicit. Id unde tam sæpè nascatur, antea admonuimus.

(4) Inter impium autem, & inique. Hieron. contra Pelag. Omnis impius iniquus est, & peccator, nec reciproca-

(5) Invidiosus est q. a. a. p. i. Agell. lib. 9. cap. 12.

(6) Nam, & frendere. Fest.

41 ⁽¹⁾ Inglorius, quòd sit sine gloria, i. sine triumphis. Itè in glori-
rius, immemor gloriæ.

42 Informis, ingens, non quòd
non habeat formam, sed quòd ultra
formam magnitudinem habeat.

43 ⁽²⁾ Inveterator, eò quòd sit
multi, veterisque usus in malitia.

44 ⁽³⁾ Immanis, quia non bonus,
sed crudelis, & terribilis. Manum
enim bonum dicitur. Undè κατ' ἀντί-
φρασιν dii manes, minimè boni.

45 ⁽⁴⁾ Immunis, minimè munifi-
cus, ut est in Proverbio Veteri: Im-
munem cives odere sui. Itè immunis,
qui non facit munia, i. officio non fun-
gitur, est enim omni privilegio vacuus.

46 Indemnitas, eò quòd sine dam-
no vivat, & sine ulla culpa, atquè
periculo.

47 Iners, sine arte, & ob hoc
nè operi quidem ulli aptus.

48 Inermis, vel sine armis, vel
sine viribus. Nam semper arma pro
viribus.

49 Ignavus, ignarus viæ, i. ra-
tionis, & vitæ.

50 Ignarus, non gnarus, i. ins-
cius, vel sine naribus. ⁽⁵⁾ Olfecisse
enim veteres, scisse dicebant.

51 ⁽⁶⁾ Ignarus autem duo signifi-
cat, vel qui ignorat, vel qui ignoratur.

52 Immemor, qui oblitus est,
perdidit enim memoriam.

53 Inscius, quia sine scientia est.

54 Idiota, imperitus Græcum est.

55 Imperitus, sive peritia.

56 ⁽⁷⁾ Inconsultus, ab eò quòd non

accipiat consilium. Itè inconsultus,
quia est sine consilio, & inscius rerum,
atquè ignarus.

57 Ineptus, apto contrarius est,
quasi inaptus.

58 ⁽⁸⁾ Inops, qui sine terra est:
opem enim terram intelligimus, quia
opem fert fructificando. Alii inopem
intelligunt, non sepultum, inhuma-
tum, cui nè inanis absenti surrexit
tumulus.

59 Ignobilis, eo quod sit ignotus,
& vilis, & obscuri generis: cujus nè
nomen quidem scitur.

60 Ircosus, quia sudore corpo-
ris foetido putet.

61 Ignotus, ignobilis, vel ex im-
proviso veniens.

62 Improvisus dictus, eò quòd
subitò sit, & non porro antè visus.

63 Index, proditor ab indicando.

64 ⁽⁹⁾ Indigena vocatus, quòd
indè genitus sit, id est, in eodem lo-
co natus.

65 Impudens, eò quòd ab eo pu-
dor, & pudicitia procil abest.

66 Impudicus, à pædore voca-
tus. Pædorem enim foetorem dicunt.

67 Incestus, propter illicitam
commixtionem vocatus, quasi incas-
tus, sicut qui virginem sacram, vel
affinitati suæ proximam stupraverit.

68 ⁽¹⁰⁾ Internicida est, qui falsum
testamentum fecit, & ob id hominem
occidit.

69 Inficiator, negator, quia non
fatetur, sed contra veritatem menda-
cio innititur.

Y 2

Im-

(1) Inglorius. Serv. Æn. 10. Inglorius sine triumphis, immemor. gloriæ.

(2) Inveterator. Ità V. o. Danielis tamen 13. Inveterate dierum malorum.

(3) Immanis. Fest. Immanis, ferus, sive magnus. Gloss. Immanis, μέγας, ἄγριος. Vid. Serv. & Non.

(4) Immunis. Gloss. Immunes ἀτιμίαι, ἀνίπαροι, ἀκατάργητοι.

(5) Olfecisse n. veteres. Idem inf. lib. 11. cap. 1. Terent. An non sex totis mensibus prius olfecissem, quàm ille quid-
quam creperet?

(6) Ignarus autem duo. ð Serv. Æn. 1. & 6.

(7) Inconsultus. Vid. Sup. consultus.

(8) Inops. ð Serv. Æn. 6. ad v. Inops, iahumataque turba est.

(9) Indigena. Ex eod. Æn. 8.

(10) Internicida. Fest. in Internicivum testamentum, & interneccio. Vid. Cujac. observ.

70 Impostor---

71 Interceptus, propriè dicitur, qui inter duos de medio tollitur.

72 Insidiosus, quod insideat: Nam propriè insidere est dolosè aliquem expectare. Undè, & insidia nominatæ sunt.

73 ⁽¹⁾ Incincta, id est, sine cinctu: quia præcingi fortitèr uterus non permittit.

74 ⁽²⁾ Investis, id est, sine veste, nondum enim habet stolam, quod est signum maritalis dignitatis.

75 Iscurra vocatur, quia causa escæ quemlibet consecratur.

K

1 **K** Atholicus, universalis, Græcum est.

2 Karus, Græcum nomen est: sicut, & karitas: undè, & Karistia, Karismata gratiæ.

L

1 **L** Uculentus ab eo, quod sit lingua clarus, & sermone splendidus.

2 Lector, dicitur à legendo, id est, percurrendo. Undè, & navis dicitur legere quidquid transit. Nam legit, transit, præterit, ut: -- Crebris legimus freta concita terris. Itèr lector, à colligendo animo, quæ legit, quasi collector, sicut illud: Qui legitis flores.

3 Loquax, non est eloquens.

4 ⁽³⁾ Lætus, à latitudine.

5 ⁽⁴⁾ Locuples, quasi locis ple-

nus, & possessionum plurimarum possessor, quemadmodum docet Tullius in libro ii. de Republica: multæque dictione ovium, & boum, quòd tunc res erat in pecore, & in locorum possessionibus: ex quo pecuniosi, & locupletes vocabantur.

6 Liberalis dictus ab eo, quòd libenter donet, nèc murmuret.

7 Largus---

8 Longus à linea dictus, propter quod sit porrectus.

9 Longævus, quasi longi ævi, & longi temporis.

10 Longanimis, sive magnanimus, eo quòd nullis passionibus perturbatur, sed ad universa sustinenda patiens est. Cui contrarius est ⁽⁵⁾ pusillanimis, angustus, & in nulla tribulatione subsistens, de quo scribitur: Pusillanimis vehementèr insipiens.

11 Levis, ob inconstantiam vagationis appellatur, quia levi motu mentis nunc ista, nunc illa desiderat.

12 Lubricus, ab eo quòd labitur.

13 ⁽⁶⁾ Labens, interdum velox, ut: Labere nympha polo, & labere pennis. Cursu enim lapsus celerior est.

14 ⁽⁷⁾ Latro, insessor est viarum, à latendo dictus: Ælius autem latro est, inquit, latero ab latere, insidiator viæ.

15 Lanista, gladiator, id est, carnifex Thusca lingua appellatus, à laniando, scilicet corpora.

16 Lacessor, per translationem dictus à canibus, vel à feris, quæ solent lacerando provocare.

Le-

(1) Incincta. Eandem vocem nostri usurpant.

(2) Investis, id est, sine veste. Hactenus, rectè, hoc est, sine pube, auctoribus. Serv. Macrob. Non. Quod requiritur non admodum coheret, nondum n. habet stolam, quod est signum maritalis dignitatis. Itaque hoc additum, ejusque qui illud sine veste non intellexerat, auxeratque damno interpretationem, accersens hac verba è lib. 19. cap. 19.

(3) Lætus à latitudine. Varr. lib. 5. Latari ab eo, quod latius gaudium propter magni boni opinionem diffusum.

(4) Locuples. Vid. Non. in Pecuniosus.

(5) Pusillanimis vehementèr insip. Ex lxx. editione pro quo Vulg. qui autem impatiens exultat stulticiam suam. Prov. 14.

(6) Labens, interdum velox. è Serv. Æn. 2. ad v. Tot jam lab. ana.

(7) Latro. Vid. Varr. lib. 6.

M

17 Leno, conciliator stupri, eò quod mentes miserorum blandiat, & delinendo seducat.

18 Libidinosus, ab eo quod facit quodlibet.

19 Libidinosus, à Libero, qui puellari corpore pingitur.

20 Luxuriosus, quasi solutus in voluptates: undè, & membra loco mota, luxa dicuntur.

21 Lascivus, quod sit laxus, i. solutus, & vanus.

22 Lymphaticus, quod aquam timeat, quem Græci ἰδ' ποφόσος vocant. Lymphaticus propriè dicitur, qui vitium ex aqua contrahit: cujus vitium est hùc, atquè illùc currere, à fluore aquæ sumpto vitio. Sed poëtæ jam hoc genus nominis pro furiosis usurpant.

23 Languidus—

24 ⁽¹⁾ Luridus, quod sit pallidus, à loro dictus, quod hujusmodi habeat cutem.

25 Leprosus, à pruritu nimio ipsius scabiei dictus: undè per p. scribi debet.

26 Luscus quod lucem ex parte sciat: sicùt ⁽²⁾ luscitiosus, qui vespere nihil videt. ⁽³⁾ Luscus coclites dixerunt antiqui: undè, & Cyclopes coclites legimus dictos: qui unum oculum habuisse perhibentur.

27 Lotus, lavatus, id est, mundus.

28 Lupa, meretrix, à rapacitate vocata, quod ad se rapiat miseros, & apprehendat.

1 **M**isericors, ⁽⁴⁾ à compatiendo alienæ miseriæ vocabulum sortitus est: & hinc appellata misericordia, quòd miserum cor faciat dolentis alienam miseriam. Non autem occurrit ubiquè hæc etymologia: nam est in Deo misericordia sine ulla cordis miseria.

2 ⁽⁵⁾ Mactus, magis auctus gloria, & est nomen tractum à sacris. Quotiès enim thus, aut vinum super victimam fundebatur, dicebant: mactus est taurus vino, vel thure, hoc est, cumulata est hostia, & magis aucta.

3 Munificus dictus, vel quia aliqui munera multa dat: vel quia munus suum, i. officium quod debet adimplet: sic, & munifex, quia munera fert.

4 Magnus.—

5 Magnanimus, ab eo quòd sit magni animi, & magnæ virtutis. Cui contrarius pusillanimis.

6 Magnificus, à magna faciendo vocabulum traxit.

7 ⁽⁶⁾ Mansuetus, mitis, vel domitus, quasi manu assuetus.

8 ⁽⁷⁾ Modestus, à modo dictus, & temperie: nèc plùs quicquàm, nèc minùs agens.

9 Mitis, lenis, & mansuetus, & cedens improbitatibus, & ad sustinendam injuriam tacens, quasi mutus.

10 ⁽⁸⁾ Mutus, quia vox ejus non est sermo, nisi mugitus: vocalem enim spiritum per nares, quasi mugiens emittit.

Y 3

Me-

(1) Luridus, à loro. *Reið Varr.* Lotica à lotis, quod de loro crúdo pectoralia saciebant. Luridi autem hujusmodi coloris sunt. *Festus*, Luridi suprà modum pallidi.

(2) Luscitiosus, qui vesp. nihil vid. *At Festus contrà* Luscitio vitium oculorum, quod clarius vesperi, quàm manè cernit. *Vid. Fulg. Plac.*

(3) Luscus coclites. è *Serv. Æn.* 8.

(4) Misericors. *Ex Greg. Moral. lib. 20. cap. 23. Al. 24.*

(5) Mactus magis auct. è *Serv. Æn.* 9.

(6) Mansuetus. *Vid. Cassiod. in Ps. 24.*

(7) Modestus. *Ex Ambros. lib. 1. Off. cap. 18.*

(8) Mutus—vocalem n. sp. *Ex Lact. lib. de Opif. cap. 11.*

11 Memor, vel qui memoriam tenet, vel qui memoria tenetur.

12 ⁽¹⁾ Magister, major in statione: nam *μαγιστὴρ* Græcè statio dicitur.

13 Minister, minor in statione, sive quia officium debitum manibus exequitur.

14 Major---

15 Minor---

16 Mimus, à numero monadis, quod post eum non sit alter.

17 Maximus, aut meritis, aut ætate, aut honore, aut facundia, aut virtute, aut omnibus magis eximius.

18 Modicus, parvus, sed abusive, cæterum rationabilis.

19 Moderatus, à modo, scilicet, & temperamento.

20 Mediocris, quod modicum illi sufficiat.

21 ⁽²⁾ Miser propriè, eo quod omnem felicitatem amiserit. Secundum autem Ciceronem propriè mortuus, qui in Tusculanis miseros mortuos vocat, propter quod jam amiserunt vitam.

22 Miserabilis, quod sit miseræ habilis.

23 ⁽³⁾ Mæstus, naturalitèr tristis, non casu. Est enim à natura mentis, & animi: undè, ⁽⁴⁾ & mæstus.

24 Mendicus dictus, quia minus habet undè vitam degat, sive quia mos erat apud antiquos os claudere egenum, & manum extendere, quasi manu dicere.

25 Mendax, quod mentem alterius fallat.

26 Malignus, quia malitiæ votum, vel opus peragit.

27 Malus, appellatus à nigro felle, quod Græci *μέλαν* dicunt, undè, & melancholici appellantur homines, qui, & conversationem humanam refugiunt, ⁽⁵⁾ & amicorum charorum suspecti sunt.

28 Malitiosus deterior malo, quia frequentèr malus. ⁽⁶⁾ A malo autem pejor dicitur, à bono deterior.

29 Melior dictus, quia mollior, non durus, aut ferreus, nam melius, quasi mollius.

30 Minax, à facie oculorum, ⁽⁷⁾ quando furiosè ardescunt, ut amplius videns pertimescat.

31 Minator est monitor, sed monitor dicitur cum prænuntiat bona, minator cum prænuntiat adversa.

32 ⁽⁸⁾ Mulcator, eò quod blandis verbis mulceat ad declinandum animum: translatio à mulso, id est, quod acceptum lenire solet fauces dolentis, aut oppletum sordibus stomachum.

33 Metatores appellantur, qui castra designant, à metiendo scilicet, Lucanus: Hesperios audax veniat metator in agros.

34 Mollis, quod vigorem sexus enervato corpore dedecoret, & quasi mulier emolliatur.

35 Macer à macie: & macies à mœchia, eò quod immoderata libido macros faciat, sive à maceratione.

Man-

(1) Magister--nam steron Græc. statio. *Gloss.* *μαγιστὴρ*, Robustus, gravis, stabilis. *Στάσις ἡ καταμνησθῆς*. Statio. *Vid. Fest. in Magisterare, & Magisteria.*

(2) Miser--secundum Cic. & Serv. *Æn.* 4. ad v. Miseri post fata Sichæi.

(3) Mæstus naturalitèr tristis, & Serv. ad v. Mæstum mittit Ouyten. *Æn.* 12. mæstum, naturalitèr tristem, severum, quem Græci *ἀριστατον* dicunt.

(4) Undè, & mæstus. *f. metus. Vid. Serv. Æn.* 1. ad mæstumque timorem.

(5) Amicor. charor. suspecti sunt. *Ita l. o. Gothicismus.*

(6) A malo autem pejor, à bono det. & Serv. *Georg.* 4. ad v. Deterior qui visus.

(7) Quando furiosè. *Al. furore.*

(8) Mulcator. *Donat. in Hecy. sc. 1.* Nam propriè Mulciber dictus est, quod omnia mulceat, id est, molliat, & in *Adelph. scen. 2.* Ipsum dominum, atque omnem familiam mulcavit. *Ita enim legi in veteribus libris admonuit Cat. Faernus. Quia autem de mulso, Plinii videntur lib. 2. cap. 94.*

36 ⁽¹⁾ Mancus, manu ancus.

37 ⁽²⁾ Moribundus, morienti similis, sicut vitabundus, vitanti similis. Quando enim dicimus, moriturus est, verè moriturus est: moribundus autem non verè, sed verisimilis morientis est.

38 Meretrix dicta, eo quod pretium libidinis mereatur. Indè, & meritoria tabernæ: nam, & milites cum stipenda accipiunt, mereri dicuntur.

39 Morio, à morte vocatus, eò quod non vigeat intellectu.

40 Mulio, dictus à mulis, eò quod præsit eisdem vehiculis.

41 Manifestum dicitur, quod in manu est promptum.

N

1 **N**obilis, non vilis, cuius, & nomen, & genus scitur.

2 Nubilis, ad nubendum habilis.

3 ⁽³⁾ Nemo ab homine tractum est, id est, nè homo, quod est pro nullo.

4 Nullus autem, quasi nè ullus.

5 ⁽⁴⁾ Nihili, compositum est, ex nè, & hilo. Hilum autem Varro ait: Significare medullam ejus ferulæ, quam Græci asphodelon vocant: & sic dici apud nos nihilum, quomodò apud Græcos οὐδὲ γινῆ.

6 ⁽⁵⁾ Nequàm à malo plerique

distinguunt: alium perniciosum: alium nugam existimantes, ut ait Monatius: Hic adolescens nequàm non malus, id est, nugas, non perniciosus. Alii confundunt, quasi utrumque unum idemque significet.

7 Nequaquam, eò quod nèc quicquam sit, id est, ex eo quod nihil sit, veteres esse dictum voluerunt.

8 Neuter, nequè iste, nequè ille, q. dicat, nèc uterque.

9 ⁽⁶⁾ Nefarius, non dignus farre, quo primo cibi genere vita hominum sustinebatur. Aliàs nefarius.

10 Nefandus, id est, nè nominandus quidè.

11 Nutritor, quasi nutu eruditor.

12 ⁽⁷⁾ Nuntius est, qui nuntiat, & quod nuntiatur, id est, ἀγγελος καὶ ἀγγελία: sed nuntius ipse homo genere masculino: id verò, quod nuntiat genere neutro, ut hoc nuntium, & hæc nuntia.

13 Nazaræus, id est, Sanctus Dei: Nazaræus olim dicebatur, qui sanctam comam nutriebat, & nihil contaminatum accipiebat, abstinens se à vino, omnique siccera, quæ mentem ab integra sanitate pervertit.

14 ⁽⁸⁾ Nugas autem Hebræum nomen est. Ità enim in Prophetis est expositum, ubi dicit Sophonias: Nugas qui à lege recesserunt, ut nosse possimus linguam Hebraicam omnium linguarum esse matrem.

Nu-

(1) Mancus--manuancus. Festus: Ancus appellatur, qui ad uncum brachium habet, ut porrigi non possit. Gloss. Ancus, mancus, καὶ ἀδὲς παρὰ.

(2) Moribundus--morienti similis, à Servo. Æn. 10.

(3) Nemo, id est, nè homo. Vel nèc homo, Servo. & Fest.

(4) Nihili. Festus. Hilum putant esse, quod grano fabæ adheret, ex quo nihil, & nihilum.

(5) Nequàm--nequitiam. Vid. Varr. in extremo libro nono, & Agell. lib. 7. cap. 11. ut ait Monatius: f. Munatius, vel Matius potius, cujus Mimojambi laudantur à Terentiano. Numatius in c. Tarracón.

(6) Nefarius nos dignus farre. Non. Nefarii proprietatem lib. 1. de Vita Pop. Rom. Varro patefecit, à farre, quod adorem est, quo scelerati uti non debeant. Aicon. Nefarium quod sacra polluit farre pio solita celebrati, ergò nefarii sacrilegi.

(7) Nuntius. Servo. Æn. 6. ad v. Verus mihi nuntius ergò. Sanè qui nuntiat genere tantum dicitur masculinov. Quod autem nuntiatur, sicut neutro dicatur, tamen invenitur etiam masculino.

(8) Nugas autem Heb. Ex Hieron. Sophon. 3. Est autem vox Hebræa נָגַשׁ. Charis. lib. 1. Nugas sicut indeclinabile sit, tamen commune trium generum, hic, & hæc, & hoc nugas, & pauld-post. Neutralia indeclinabilia sunt, ut nugas, quod est commune trium generum.

15 Nugigerulus , appellatus ab eo, quòd sit turpis nuntius.

16 Negligens, quasi nè legens.

17 ⁽¹⁾ Nepos, dictus à genere quodam scorpionum, qui natos suos consumit, excepto eo, qui dorso ejus insederit : nàm rursus ipse, qui servatus fuerit, consumit patrem : undè homines, qui bona parentum per luxuriam consumunt, nepotes dicuntur. Hinc quoque nepotatio pro luxuria ponitur, qua certè quæque res consumuntur.

18 Niger, quasi nubiger, quia non serenus, sed fusco opertus est. Undè, & nubilum diem tetrum dicimus.

O

1 **O**Rthodoxus, rectæ gloriæ.

2 **O**rator, ⁽²⁾ ab ore vocatus, à perorando nominatus, id est, dicendo : nàm orare dicere est.

3 Obaudiens : ab aure, eo quòd audiat imperantem.

4 ⁽³⁾ Ospes, quod inferat ostio pedem.

5 Ospes, facilis, apertus, & ostio patens : undè, & ospitalis homo dicitur.

6 Osor, inimicus ab odio dictus : sicut amator ab amore, & est generis communis.

7 Odibilis, odio habilis.

8 Obsitus, obsessus, id est, undique insidiis convallatus.

9 ⁽⁴⁾ Obscenus impuræ libidinis, à vitio obscuro dictus.

10 ⁽⁵⁾ Obtusus hebetior, & obclusior, quasi ex omni parte tunsus.

11 Obnixus, contra nisus, & conabundus.

12 Obnoxius, quia obligatus est nexibus culpæ.

13 ⁽⁶⁾ Oblectator, quasi cum lacte, & fraude, ut Terentius : Nisi me lactasses amantem : undè, & oblectare dictum est.

14 ⁽⁷⁾ Obrectator, malignus, & qui obstringillando, officiendoque non sinat quempiam progredi, & augescere.

15 Orbus, quòd liberos non habeat, quasi oculis amissis.

16 Opifex, quòd opus faciat ali-quod.

17 Opilio, ovium pastor ovilio.

P

1 **P**Rudens, quasi porrò videns : perspicax enim est, & incertorum prævidet casus.

2 ⁽⁸⁾ Patiens, dictus à paviendo, pavire enim ferire est : percutitur enim, & tolerat.

3 ⁽⁹⁾ Perfectus, cui jam nihil adjici potest. Huic nomini apud Grammaticos comparatio non adjicitur, quia si dixeris. Ille perfectior est, iste perfectus non erit.

4 Pulcher à specie cutis dictus, quod est (rubens) pelis : postea transiit hoc nomen in genus. Nàm pulchritudo hominis, aut in vultu est, ut:

Os,

(1) Nepos à genere quodam scorp. *Gloss.* Nepa σκorpionος. Non. Nàm verè nepa scorpium dicitur. *Alister Festus de Nèpotis etymo, & Isidorus ipse lib. 9.*

(2) Orator. *At Festus.* Oratores ex Græco, quasi ἀγορεύει dicti, quod missi ad Reges, nationesque Deos solebant, ἀγορεύειν, id est, testari.

(3) Ospes. *Hospes.* Recte abest à quatuor *Tarr. cc. hac voce.*

(4) Obscenus. *Varr. lib. 6.* Obscenum turpe, quod nisi in scena palam dici non debet.

(5) Obtusus. *l.* Obtusus = obcluser. *Al.* obdurius. Utroque n. modo legi admittunt characteres Gothicæ.

(6) Oblectator. *Fest. in verbo lacit.*

(7) Obrectator = obstringillando. *Vel obstringillando potius, ut apud Varr. de Re Rust. cap. 20.*

(8) Patiens dictus à paviendo. *Festus.* Obpaviat verberat, à paviendo, id est, feriendo. Undè pueri, quod puniendo

coëreantur, undè, & pavimenta. Nimirum, quod Græcis παύειν ferire, & pulsare. Nàm, & pavimenta pro pavimenta

legi in antiqua inscriptione affirmat vir eruditissimus.

(9) Perfectus. *Servius An. 11. ad v.* O fama ingens ingentior arm. Alia illa nomina sunt, in quibus est dabitatio

utrum comparentur, ut est perfectus, quod si velis comparare, incipit perfectus non esse perfectus.

Os, humerosque Deo similis, --aut in capillis, ut: Namque ipsa decoram Cæsariem, aut in oculis, ut: Latos oculis afflarat honores, aut in candore, ut: Quale manus addunt ebori decus, aut in lineamentis, ut: Te multo plus figura, & lineamenta hospitis delectabant, aut in proceritate, ut: Turnus: Vertitur in mediis, & toto verticè superà est.

5 Pellax, à pelliciendo.

6 Perspicax, splendidus, eo quòd perluceat.

7 Perpetuus.----

8 Perennis, ab eo quòd sit perpetuus annis.

9 ⁽¹⁾ Præsul vocatus, quia præest solitudine.

10 Præpositus appellatus, eò quòd sit subceptorum, ac famulantium ordinator, vel rector.

11 Patroni à patribus dicti sunt, quòd huiusmodi affectum clientibus exhibeant, ut quasi patres illos regant.

12 ⁽²⁾ Pædagogus est, qui parvulis assignatur: Græcū nomen est, & est compositum ab, ab eo quòd pueros agat, id est, ducet, & lascivientem refrænet ætatem.

13 Præsens dictus, quòd sit præsensibus, id est, coram oculis, qui sensus sunt corporis.

14 Prior, quòd primus sit ordine: & primus, quasi præminens.

15 Primus.----

16 Postremus.----

17 Potens, rebus latè patens: un-

dè, & potestas, quod pateat illi quaquavelit, & nemò intercludat, nullus obsistere valeat.

18 Præopimus, præ cæteris opibus copiosus.

19 ⁽³⁾ Pecuniosos Tullius primū eos dictos refert, qui plurimam habuissent pecuniam, id est, pecora. Ità enim antiqui eos appellabant. Paulatim rurem per abusionem nomen in aliud devolutum est.

20 ⁽⁴⁾ Pervicax propriè dicitur, qui in proposito suo ad victoriam perseverat. ⁽⁵⁾ Antiqui enim viciam dicebant, quam nos victoriam: credo quòd indè dicatur herba vicia, id est, victoralis.

21 ⁽⁶⁾ Pernix à pernitendo tractum est, id est, in conatibus perseverando. Alii ⁽⁷⁾ pernicem velocem intelligunt pedibus: Nam pernicitas pedum est, ut: Pernicibus ignea Plantis: sicut celeritas pennarum est, ut: Celerique fuga sub sidera lapsæ.

22 Piger, quasi pedibus æger. Est enim tardus ad incendendum: quod nomen per usum transit, & ad animum.

23 Pernox, pervigilans nocte.

24 ⁽⁸⁾ Perseverans.----

25 ⁽⁹⁾ Pertinax, impudentè tenens, quasi pertinens.

26 Petulans, nunc quidè pro audace, & improbo ponitur: olim autem acerbi flagitatores, & propriè argentariorum coactorum pueri, quod pretia rerum crebrius, & asperius exigebant, à petendo petulantes vocati.

Pro-

(1) Præsul--quia præest solitudo. Paul. ad Rom. 12. Qui præest in solitudine. Dictus autem præsul à præsulendo (sic aut phocas) sic enim inter Salios primus appellabatur, quod tripudium auspicaretur, indè Lucilius: Præsul, ut antruat, indè, & volgas redamtruat olli. Hic est præsulor, quem Glossarium vetus tōd in tōit hōis πρὸς τὴν ἀρχὴν interpretatur.

(2) Pædagog, qui parvulis assign. Ex Hieron. ad Gal. 3.

(3) Pecuniosos. Ex eod. Ecclès. 5.

(4) Pervicax. Donat. in Hecyr. Pervicax perseverans cum quadam vi, & paulo-post, pervicax per vim agens.

(5) Antiqui nō viciam. Ovet. vicam. Vitiōe opinor.

(6) Pernix à pernitendo. è Sero. Georg. 3.

(7) Alii pernicem velocem. Ex eod. Æn. 11.

(8) Nam pernicitas ped. Ex eod. Æn. 4.

(9) Pertinax, q. pertinens. Quasi pertinens. Varro lib. 4.

27 ⁽¹⁾ Procax, propriè idem, quod petax. Nàm procare est petere: undè, & nuntiarum petitores proci dicuntur.

28 Prodigus, sumptuosus, atque consumptor, qui omnia porro agit, & quasi projicit.

29 Profugus propriè dicitur, qui procùl à sedibus suis vagatur, quasi porro fugatus.

30 Peregrinus longè à patria positus, sicut alienigena.

31 Projectus, quasi longè, & procùl jactatus, sicut, & produxit, quasi porro illum duxit, & provocavit, quasi porro illum vocavit.

32 Projectus, quasi porro ejectus, ac projectatus undè. Projectaque saxa Pachyni, id est, porro jactata.

33 ⁽²⁾ Proscriptus, cujus bona palam, & apertè scribuntur.

34 Præscriptus, ordinem significat, sicut, & præscriptiones apud Jurisconsultos.

35 ⁽³⁾ Procinctus, expeditus, & armatus, undè: Et in procinctu, id est, cum belli causa arma sumebant.

36 ⁽⁴⁾ Præcinctus, eo quòd antè se ponat aliquid, quo præcingitur. Undè, & de Domino dictum est: Præcinctus linteo, lavit pedes Discipulorum suorum.

37 ⁽⁵⁾ Prædo est, qui populando alienam invadit Provinciam. Prædo ab abigendo prædas dictus, & prædo qui prædam habet.

38 Prædator est, cui de præda debetur aliquid.

39 Plagiator, ἀπὸ τῆς πλαγίης, id est, obliquo, quòd non certa via gradiatur, sed pelliciendo dolis.

40 ⁽⁶⁾ Piratæ, sunt prædones maritimi ab incendio navium transeuntium, quas capiebant dicti. Nàm πῆρ ignis est.

41 Pugillator, qui de manu in manum nummorum aliquid subtrahit.

42 Peculator, pro eo quòd sit pecuniæ publicæ defraudator.

43 Proditor, pro eò quòd detegit. Itèm proditor, perditor: ut unius ob iram Prodimur.

44 Perfidus, quia fraudulentus est, & sine fide, quasi perdens fidem.

45 ⁽⁷⁾ Perjurus, quia perperè jurat, id est, malè jurat. Perjurus autem in verbo r. non habet. Nàm pejero, & dejero dicimus.

46 ⁽⁸⁾ Prævaricator, malè fidei advocatus, & qui, vel in accusando nocitura, vel in defendendo profutura prætereat, aut inutilitèr, dubieque ponat mercedis gratia, scilicèt corruptus. Cicero: Quid enim tam prævarum? id est, valdè varum.

47 Pellax, dolosus, & fallax, à pelle, id est, vultu. Foris enim ut fallat arridet, sed nequitiam intus gerit.

48 Profanus, quasi porro à fano. Sacris enim illi non licet interesse. Par-

(1) Procax. à Serv. Æn. 1.

(2) Præscript. ordinem significat. Præscriptiones appellam Jurisconsulti exceptiones, illas præserim, quæ longi temporis objectione actiones excludunt. Cujus nominis origo fortasse, quod earum formula præscripta esset, aut in edictis Prætorum, aut in actionum formulis. Sic etiam præscriptis verbis actio.

(3) Procinctus. Vid. Fest.

(4) Præcinctus. Ex August. in Ps. 92.

(5) Prædo. à Serv. Æn. 10.

(6) Piratæ ab incendio. At Græcis πειρατής, non πυρατής Hesich. πειρατής καυρητής.

(7) Perjurus in verb. r. non habet. Immo, & nomen ipsum in vetustiss. Cod. Salm. Pejurus, bis sine r. scribitur. Sunt autem hæc Serv. Æn. 2.

(8) Prævaricator. Plin. lib. 8. cap. 19. Arator nisi incurvus prævaricatur. Indè translaturum hoc crimen in forum. Ibi itaque caveatur ubi inventum est. Quod autem à vario deduxisse Cicero videtur in Partitionibus, cum dicit: Prævaricationis nomen significat, cum qui in contrariis causis, quasi variè esse positus videatur: Non propterea diversa notatio est, & varium à vario fortasse descendit. Quamquam id exigere iniquum est, cum præsertim. Quid enim tam prævarium in quibusdam libris legatur.

49 ⁽¹⁾ Parricida, propriè dicitur interfector parentis, quamvis quidam veteres hunc parenticidam dixerint: quoniam parricidium, & homicidium in quocumque intelligi possit, cum sint homines hominibus pares.

50 Persecutor non semper pro malo intellegitur, undè, persecutus, perfectè secutus.

51 ⁽²⁾ Publicanus est, qui vectigalia publica exigit, vel qui per publica negotia sæculi lucra sectatur: undè, & cognominatus est.

52 Peccator, à pellice, id est, meretrice vocatus, quasi pellicator, quod nomen apud antiquos tantum flagitiosum significabat, postea transit hoc vocabulum in appellationem omnium iniquorum.

53 Prostitutæ meretrices, à prosedendo in meritoris, vel in fornicibus.

54 ⁽³⁾ Pellex, apud Græcos propriè dicitur à Latinis concuba. Dicta autem à fallacia, id est, versutia, sub dolositate, vel mendacio.

55 Procurvus, quasi per longum curvus.

56 ⁽⁴⁾ Pavidus est, quem vexat trepidatio mentis (habet enim cordis pulsationem, cordis motum) nam pavire ferire est, undè, & pavimentum.

57 Petræ autem, & rupes à duritiâ saxorum nominantur.

58 Pusillanimis, pusillo animo.

59 ⁽⁵⁾ Petulcus, dictus ab appetendo, undè etiam, & meretrices petulcas vocamus.

60 Pisinus, à pusione.

61 Productus, quasi porro ductus.

Q

1 **Q**uæstor, à quærendo dictus, quasi quæsitör.

2 Quæstuosus querimoniosus.

3 Querulus, quia querelam infert.

4 Quietus, quod sit ipse sibi animo securus, neminem tangens.

R

1 **R**eligiosus ⁽⁶⁾ ait Cicero, à relegendò appellatur, qui retractat, & tanquàm relegit ea, quæ ad cultum divinum pertineant. Hi sunt dicti religiosi ex religendo, tanquàm ex eligendo, eligentes, ex diligendo, diligentes, ex intelligendo, intelligentes.

2 ⁽⁷⁾ Rationator dictus, ⁽⁸⁾ vir magnus, quia de omnibus rebus, quas esse mirabiles constat, possit reddere rationem.

3 Retractor repetitor, ⁽⁹⁾ nam retractare, est repetere, quod omiseras.

4 Resipiscens, eò quòd mentem, quasi post insaniam recipit, aut quia resipit, qui asperè desierat. Castigat enim seipsum dementiae, & confirmat animum suum ad rectiùs vivendum, cavens, nè iterum corruat.

5 Repentinus, à repente. ⁽¹⁰⁾ Repens autem, & adverbium, & nomen potest esse.

6 Robustus, fortis, validus, à fortitudine roboreæ arboris appellatus.

7 Rapidus, velox pedibus.

Rap-

(1) Parricida. Ità Gothici libr. non parricida.

(2) Publicanus. *Cajus* cap. 16. de Verb. sign. cum qui vectigal. Pop. Rom. conductum habet publicanum appellamus.

(3) Pellex apud Græc. *Vid. Fest. Agell. & Paul.* cap. 144. D. de Verb. sign.

(4) Pavidus-habet enim cordis puls. *Respexisse videtur ad Virgilii verba*; corda pavor pulsans.

(5) Petuleus. è *Serv. Georg.* 4. ad v. Hædique petulci.

(6) Religiosus ait *Cic.* 2. de Nat. Deor.

(7) Rationator. *Sic in Goth.* o. eaque scriptura Chaconi placebat. Nam ratiocinator alius est.

(8) Vir magnus. *Magnus volebat A. Augustinus.*

(9) Nam retractare. è *Serv. Æn.* 7. ad v. Mos erat Hesperio in Latio.

(10) Repens autem. *Ex eod. Æn.* 12.

8 Raptor, eo quòd corruptor. Indè, & rapta eo quòd corrupta est.

9 ⁽¹⁾ Reus, à re de qua obnoxius est, & reatus à reo est nuncupatus.

10 Reus majestatis, primùm dictus, qui adversus Rempubicam aliquid egisset, aut quicumque hostibus consensisset. Dictus autem reus majestatis, quia majus est lædere patriam, quàm civem unum. Postea autem, & hi rei majestatis dicti sunt: qui adversus majestatem Principis egisse videntur, vel qui leges inutiles Reipublicæ detulerant, vel utiles abrogaverant.

11 Rixosus, à rictu canino dictus. Sempèr enim ad contradicendum paratus est, & jurgio delectatur, & provocat contendentem.

12 Rusticus, dictus quòd rus operetur, id est, terram.

S

1 **S**apiens, dictus à sapore, quia sicut gustus aptus est ad discretionem saporis ciborum: sic sapiens ad dinoscentiam rerum, atque causarum, quod unumquodque dignoscatur, atque sensu veritatem discernat. Cui contrarius est insipiens, quod sit sine sapore, nèc alicujus discretionis, vel sensus.

2 Studiosus, quasi studiis curiosus.

3 ⁽²⁾ Sanctus, veteri consuetudine appellatus, eo quòd hi qui purificari volebant sanguine hostiæ tangebantur, & ex hoc sancti nomen acceperunt.

4 ⁽³⁾ Sincerus, quasi sine corruptione, cui contrarius est insincerus, vitia- tus corruptus.

5 Supremus, summus ab eo, quòd superemineat. Undè, & supremè pater dicimus.

6 Sublimis, ab altitudine vocatus honoris: nam propriè sublime dicitur, quod in alto est: ut, sublimemque feres ad sidera Cœli.

7 ⁽⁴⁾ Speciosus, à specie, vel aspectu: sicut formosus à forma.

8 ⁽⁵⁾ Sollers, quod sit sollicitus in arte, & utilis. Sollers enim apud antiquos dicebatur, qui erat omni bona arte instructus. Terentius: Adolescentem sollertem dabo.

9 ⁽⁶⁾ Superstitiosos, ait Cicero, appellatos, qui totos dies precabantur, & immolabant, ut sibi sui liberi superstites essent.

10 Sollicitus, quia sollers, & citus, atque inquietus.

11 Sedulus, familiare verbum Terentii: Hoc est sine dolo, aliàs assiduus.

12 ⁽⁷⁾ Sodales, dicuntur, qui ad symbolum convenire consueverunt, quasi sua edentes, aliàs quasi sedales, quod simul sedeant. ⁽⁸⁾ Socii dicuntur propter periculi, & operis societatem, quasi in unam caligam, & uno vestigio manentes.

13 Stultus, hebetior corde, sicut quidam ait: Ego me esse stultum existimo: fatuum esse non opinor, id est, obtusis quidè sensibus, non tamen nullis. ⁽⁹⁾ Stultus est, qui per

stu-

(1) Reus, à re de qua obnoxius. Cic. 2. de Orat. Reos autem appello non eos modò, qui arguuntur, sed omnes, quorum de re disceptatur.

(2) Sanctus. Vid. Serv. Æn. 12. ad v. Qui fœdera fulmine sancit, aut ad verba Pauli potius respexit: Et omnia prœ in sanguine secundum legem mundantur, & sine sanguinis effusione non fit remissio.

(3) Sincerus. è Serv. Georg. 4.

(4) Speciosus è Serv. Æn. 1. Quamvis aliàs formosum non à forma, sed à formò ducat Isidorus.

(5) Sollers. Donat. in Eunuch.

(6) Superstitiosos ait Cic. 2. de Nat. Deor.

(7) Sodalis. Tres etymologia indicantur à Festo, ut sodales sint, vel ex suo edentes: vel una sedentes, quasi sedales:

(8) Socii. Quasi in eod. loco insistentes.

(9) Stultus est, qui per stuporè è Serv. Æn. 11. ad v. Quis metus? o. n. d. sempèr inertes.

stuporem non movetur injuria, sævitiam enim perfert, nè ultus est, nè ullo ignominie commovetur dolore.

14 ⁽¹⁾ Segnis, id est, sine igne, ingenio carens (se autem sine significat: ut sedulus sine dolo, securus, quasi sine cura) id est, frigidus, per quod inutiles accipimus.

15 Stupidus, sæpiùs stupens.

16 Superbus dictus, quia super vult videri, quàm est: Qui enim vult supergredi, quod est, superbus est.

17 Susurro, de sono locutionis appellatur, quia non in facie alicujus, sed in aure loquitur de altero detrahendo.

18 Seditiosus, qui dissensionem animorum facit, & discordias gignit: quàm Græci διτάσιον dicunt.

19 Severus, quasi sævus verus, tenet enim sine pietate justitiam.

20 Simulator, dicitur à simulo. Gestat enim similitudinem ejus, quod non est ipse.

21 ⁽²⁾ Suasor, decipiens, id est, in suam sortem trahens.

22 Studiosus.—

23 ⁽³⁾ Scrupulosus, animi minuti, & asperi. Scrupus enim est arena durior.

24 ⁽⁴⁾ Sacrilegus, dicitur ab eo, quòd sacra legit, id est, furatur.

25 Sicarius vocatur, qui ad perpetrandum scelus telis armatus est. Sica

enim gladius est à secando vocatus.

26 ⁽⁵⁾ Scævus sinister, atque per-versus, ἀπὸ τῆς σκαίῃς. Est enim pessimus, & crudelis animi.

27 Scenicus, qui in theatro agit. Theatrum enim scena est.

28 ⁽⁶⁾ Scorta, quæ à Græcis quòque σκώρτα vocabantur, quo defricantur pelles, quibus corruptela fit.

29 Spurcus, quòd sit impurus.

30 ⁽⁷⁾ Scelerosus, sceleribus plenus, ut lapidosus locus, & arenosus. Plus est autem scelerosus, quàm sceleratus.

31 Sator, seminator, vel pater à semine.

32 ⁽⁸⁾ Scurra, qui sectari solet quempiam cibi gratia. A sequendo igitur indè scurra appellatus. Idem assecta, à sequendo.

33 Satelles, quòd adhæreat alteri, sive à lateris custodia.

34 Suffectus, in loco alterius suppositus, quasi suffactus. Undè, & Consulem suffectum dicimus eum, qui pro alio substituitur.

35 Secundus, quia secus pedes, & tractus est sermo à sequentibus servus pedisequis. Undè, & secunda fortuna dicitur, quod secundum nos est, id est, propè nos. Indè, & res secundæ, id est, prosperæ. Secundæ autem à sequendo sunt dictæ.

36 ⁽⁹⁾ Stipulator, promissor. Sti-

Z

pu-

(1) Segnis, id est, sine igne, è Serv. Æn. 1. Hunc locum disputatione sola restitimus.

(2) Suasor d. i. i. s. s. trahens. Al. suasor à suadendo, quem vult decipere. Utraque scriptura Gothicorum librorum.

(3) Scrupulosus, è Serv. Æn. 6.

(4) Sacrilegus. Ex eod. eclog. 8.

(5) Scævus. Ex eod. Æn. 3, ad v. Scæque amplector limina portæ. Gloss. σκαίος Scævus, & Scæva ἀγίτης χίς, & Non, in obscavavit.

(6) Scorta. Vid. Fest. & Epitom.

(7) Scelerosus—Plus est autem scelerosus. Donat. in Eunuch. Scelerosus propriè auctor est scelerum, sceleratus in quo scelus sit constitutum, vel commissum.

(8) Scurra. Vid. Fest. & Scalig.

(9) Stipulator—stipulari. n. promittere. Reiff. Gotth. o. Gloss. ἰσχυρῆσαι, promitto, spondeo, stipulor. Item ἰσχυρῶ consulto, interrogo, stipulo, seu major stipulorum. Nam stipulor commune, ut ait Priscianus lib. 5, citans ad id Suetonium lib. 8. Pratorum. Festus in Stipe: Stipem esse nummum signatum, testimonio est, & id quod datur stipendium militi; & cum sponderetur pecunia, quod stipulari dicitur, vel (ut edidit Ful. Ursinus) Stipem dicebant pecuniam signatam, quod stiparetur: idè stipulari dicitur is, qui interrogatus spondet. Ergo cum stipulari commune sit, interrogatoremque, & sponsonem contineat: rectè quoque ead. Gloss. ἰσχυρῆσαι interrogatio, stipulatio. Et Stipulatio ἰκαστολογία. Itemque ἰκαστολογία satisfactio. Satisfactio autem, & ἰκαστολογία promittentis sunt, non interrogantis. Hac propterea pluribus, quia A. Augusti. stipulari rogare esse volebat, non promittere, & stipulatorem eum, qui rogares nullo modo, qui promitteres.

pullare enim promittere est, ex verbis jurisperitorum, qui etiam stipulum firmum appellaverunt.

37 Sanus, à sanguine, quia sine pallore est.

38 Sospes.—

39 ⁽¹⁾ Salus, à sale nomen accepisse putatur.

40 Subtilis, ab extenuatione dictus.

41 ⁽²⁾ Sequester dicitur, qui certantibus medius intervenit, qui apud Græcos *ἀμείστος* dicitur, apud quem pignora deponi solent. Quod vocabulum à sequendo factum est, quod ejus, qui electus sit, utraque pars fidem sequatur.

42 Sessilis, quod non videtur stare, sed sedere.

43 Surdus, à sordibus humoris aure conceptis: & quamvis multis casibus accidat, nomen tamen æger ex prædicto vitio retinet.

44 Siccus, quod sit exsuccatus, sive per antiphrasin, quod sit sine succo.

45 ⁽³⁾ Sepultus dictus, eo quod sit sine palpatione, vel sine pulsu, id est, sine motu.

46 ⁽⁴⁾ Sajo, ab exigendo dictus.

47 Sutor, à suendis pellibus nominatur.

48 Subulcus, porcorum pastor, sicut bubulcus à cura boum.

T

1 Tutor, qui pupillum tuetur, hoc est, intuetur, de quo in consuetudine vulgari dicitur. Quid me mones? Et tutorem, & pædagogum olim obrui.

2 ⁽⁵⁾ Testes dicti, quod testamentum adhiberi solent, sicut signatores, quod testamentum signent.

3 ⁽⁶⁾ Tetricus, mons in sabinis asperimus. Unde, & tristes homines tetricos dicimus.

4 Taciturnus, in tacendo diuturnus.

5 Trutinator, examinatore ex iudicii libra perpendens recta translatione à trutina, quæ est gemina ponderum lanx.

6 Tristis,----

7 Tenax, nummi cupidior, quod teneat. ⁽⁷⁾ Interdum, & pertinax.

8 Truculentus,----

9 ⁽⁸⁾ Torvus, terribilis, eò quod sit torto vultu, & turbulento aspectu, ut: Torva læna, & cernimus astantes nequicquam lumine torvo.

10 ⁽⁹⁾ Turbidus,----

11 Terribilis,----

12 Teter, ab obscura, tenebrosa, quæ vita. Teterrimus pro fero nimium. Tetrum enim veteres pro fero dixerunt: ut Ennius, tetrosque elephantos.

13 Terribilis, quia timorem habet, & timetur.

14 Tergiversator, quod animum qua-

(1) Salus, à sale. *Quod corruptionem prohibeat.*

(2) Sequester. *Serv. Æn. 11. ad v. Pace sequestra: media (inquit) nunc sequester est medius inter duos altercantes apud quem aliquid ad tempus sponitur. Gloss. Sequester μενετής, ἐν τῇ τοῖς, οὐδὲν ἐκείνῳ.* Vid. Agell. lib. 10. cap. 10. & *Jurisconsultorum libros.*

(3) Sepultus. & *Serv. Æn. 6. ad v. Custode sepulto.*

(4) Sajo. *Gotthorum vox, quam, & nos retinemus, & sæpe legitur in Gotthicis legibus, & membranis, & apud Cassiodorum. In Concilio vero Emeritensi cap. 8. mendose Salomonem pro Sajonem habent aliqui codices. Illud adnotandum, I. consonans eo modo prolatum à Gotthis, quo à nobis gi, & ge. Idque non modo scriptura ipsa sagio, qua in quibusdam libris est, & Germanus sager eadem significatione, sed notatio quoque Isidori satis demonstrat.*

(5) Testes. *Sup. lib. 5. cap. 21.*

(6) Tetricus. & *Serv. Æn. 7. ad v. Qui Tetricæ horr. cautes.*

(7) Interdum, & pertinax. *Eleganter utrumque conjunxit Plautus. Quid ais, teneaxne ejus pater? Ph. immo ædopol pertinax.*

(8) Torvus terribilis. & *Serv. Æn. 10. ad v. Uaa torvus Abas. Eisdem nos rostrituertos dicimus.*

(9) Turbidus. & *Serv. Æn. 4.*

quasi tergum vertat hùc, & illùc, nèc
facile qualis sit intelligitur.

15 Temulentus, à temeto, id est,
vino, dictus.

16 ⁽¹⁾ Timidus, quòd timeat diù,
id est, à sanguine, nàm timor sangui-
nem gelat, qui coactus gignit timo-
rem.

17 Turpis, quòd sit informis,
& torpeat.

V

1 VIR, ⁽²⁾ à virtute.

2 Utilis, ab utendo benè sua,
vel quod benè quid uti possit, sicut
docilis, quod doceri possit.

3 Verus, à veritate, hinc, &
verax. Major est veritas, quàm verus,
quia non veritas à vero, sed verus à
veritate descendit.

4 Veridicus, quia verum dicit,
& veritatis assertor est.

5 Verecundus, quia verum fac-
tum erubescit.

6 ⁽³⁾ Viridis, vi, & succo plenus,
quasi vi rudis.

7 Venustus, pulcher, à venis,
id est, sanguine.

8 Vivens.---

9 Vivus.---

10 Varius, quasi non unius viæ,
sed incertæ, mixtæque sententiæ.

11 Versutus, eo quòd ejus mens

in quolibet actu ad quamlibet fraudem
facile vertitur, undè, & versutia di-
citur contorta sententia. Plautus: Ver-
sutior, quàm rota figularis.

12 ⁽⁴⁾ Villis, à villa, nullius enim
urbanitatis est.

13 Versipellis, eo quòd in diver-
sa vultum, & mentem vertat. Indè,
& versutus, & callidus.

14 Violentus, quia vim infert.

15 ⁽⁵⁾ Vecors, mali cordis, &
malæ conscientiæ.

16 Vagus, quia sine via.

17 Vanus, à Venere etymolo-
giam trahit. Itèm vanus inanis, fal-
sus, eo quòd sine memoria evanes-
cat.

18 Vesanus, non probè sanus.

19 Vinolentus, qui, & satis bi-
bit, & difficilè inebriatur.

20 ⁽⁶⁾ Vexatus, id est, portatus,
ab eo quòd est veho, vexo, vecto, ut
vexasse sit portasse.

21 Veneficus, eo quòd venenum
mortis causa paravit, aut præstitit,
aut vendidit.

22 ⁽⁷⁾ Vector, quasi vehitor. Est
autem vector, & qui vehit, & qui
vehitur.

23 Venator, quasi venabulator,
à venabulo, scilicèt, quo bestias pre-
mit: ⁽⁸⁾ Quatuor autem sunt venatorum
officia: Vestigatores, Indagatores,
Alatores, Pressores.

(1) Timidus-- id est, à sanguine. Hoc est, sit propter sanguinem. Nàm timor sanguis, &c. Qua sunt Servii verba Æn. 3.
(2) Vir à virtute. *Physica*, non *Grammatica*, hoc est, non vocis, sed rei ipsius origo, qua de re in præfatione hujus libri.
Nàm virtus posita à viro, vir à vi, quod major in eo vis, quàm in semina, nominatus, ut ait Lactantius in lib. de Opif.
cap. 12. eandem rationem sequitur paulo-post in vero, & veritate.

(3) Viridis, vi, & succo, pl. q. viridis. Varro. Viridis à vi quadam humoris, quæ si exaruit, moritur.

(4) Villis à villa, &c. Hac non leguntur in vetustioribus libris.

(5) Vecors. Festus: Vecors turtati, ac mali cordis. At Laber: Vecors sine corde. Vesanus sine sanitate.

(6) Vexatus, è Servio, eclog. 6.

(7) Vector. Ex eod. Æn. 4. ad v. Nescius, illa fuga, &c.

(8) Quatuor sunt venatorum officia. Vestigatorum munus vox ipsa ostendit satis. Alia duo expressit Virgilius uno versu:
Dum precipiant alæ, saltusque indagine cingunt. Pressorum officium ex eleganti verbi premendi significatione constabit.
Significant enim interdum fugientem insequi, atque ita urgere, ut prope prendas: nos ita alacriter dicimus: Hanc fugerent
Grazi, premeret Trojana juvenus. Æn. 1. & 2. Illum ardens in fusto vulnere Pyrrhus: lascivitur, jam, jamque manu
tenet, & premit hasta.

DIVI ISIDORI HISPALENSIS EPISCOPI ETYMOLOGIARUM

LIBER UNDECIMUS.

DE HOMINE, & PORTENTIS.

CAPUT PRIMUM.

De Homine, & partibus ejus.

1 **N**ATURA ⁽¹⁾ dicta ab eo, quod nasci aliquid faciat. Gignendi enim, & faciendi potens est. ⁽²⁾ Hanc quidam Deum esse dixerunt, à quo omnia creata sunt, & existunt.

2 Genus à ginendo dictum, cui derivatum nomen à terra, ex qua omnia gignuntur, γῆ enim Græcè terra dicitur.

3 Vita dicta propter vigorem, vel quod vim teneat nascendi, atque crescendi. Undè, & arbores vitam habere dicuntur, quia gignuntur, & crescunt.

4 Homo dictus, quia ex humo factus est, sicut dicitur in Genesi: Et creavit Deus ⁽³⁾ hominem de humo terræ. Abusivè autem pronuntiatur ex utraque substantia totus homo, id est, ex societate animæ, & corporis.

5 ⁽⁴⁾ Nam propriè homo ab humo. ⁽⁵⁾ Græci autem hominem, ἄνθρωπος

ἄνθρωπος appellaverunt, eo quòd sursum spectet sublebat, ab humo ad contemplationem artificis sui. Quod Ovidius Poëta designat, cum dicit: Pronaque, cum spectem animalia cætera terram: Os homini sublime dedit, Cœlumque videre Jussit, & erectos ad sidera tollere vultus. Qui idè erectus Cœlum aspicit, ut Deum quærat, non ut terram intendat, ⁽⁶⁾ veluti pecora, quæ natura prona, & ventri obedientia finxit.

6 ⁽⁷⁾ Duplex est autem homo, interior, & exterior. Interior homo, anima: exterior homo, corpus.

7 ⁽⁸⁾ Anima autem Gentilibus nomen accepit, eo quod ventus sit. Undè, & ventus Græcè ἀνεμος dicitur, quod ore trahentes aërem vivere videamur. Sed apertissimè falsum est, quia multò priùs gignitur anima, quàm concipi ore aër possit, quia jam in genitricis utero vivit. Non est igitur aër anima, quod quidam putaverunt, qui non potuerunt incorpoream ejus cogitare naturam.

8 Spiritum idem esse, quod animam, ⁽⁹⁾ Evangelista pronuntiat dicens: Potestatem habeo ponendi animam meam,

(1) Natura dicta est. Verba sunt Servii Georg. 2. ad verba: Quippè solo natura subest.

(2) Hanc quidem. Ex Lac. lib. 2. cap. 1.

(3) Hominem de humo terræ. Ità vetustissimi quique libri, secutusque est (ut solet) lxx. Interp.

(4) Nam propriè homo ab hum. Hieron. Joel. 2.

(5) Græcè autem ἀνθρωπος. Ex eod. Lac. loco.

(6) Veluti pecora. à Sallustio in Catilin.

(7) Duplex est autem homo. Ex Hieron. Ezech. 14.

(8) Anima autem Gentilibus. Ità Gottb. cc. vid. Lac. de Opif. cap. 17.

(9) Evangelista pronuntiat. Joann. cap. 10.

meam, & rursus potestatem habeo sumendi eam. De hac quoque ipsa Domini anima passionis tempore memoratus Evangelista ita protulit, dicens: Et inclinato capite ⁽¹⁾ emisit spiritum. Quid est enim emittere spiritum, nisi animam ponere? Sed anima dicta propter quod vivit: spiritus autem, vel pro spirituali natura, ⁽²⁾ vel pro eo, quod inspiret in corpore.

9 Item ⁽³⁾ animum idem esse, quod animam: ⁽⁴⁾ Sed anima vitæ est, animus consilii. Unde dicunt Philosophi, etiam sine animo vitam manere, & sine mente animam durare: unde, & amentes, nam mentem vocari, ut sciat: animum, ut velit.

10 Mens autem vocata, quod emineat in anima, vel quod meminit. Unde, & immemores amentes, quapropter non anima, sed quod excellit in anima mens vocatur, tanquam caput ejus, vel oculus. Unde, & ipse homo secundum mentem imago Dei dicitur. Itaque autem hæc omnia adjuncta sunt animæ, ut una res sit. Pro efficiendis enim causarum diversa nomina sortita est anima. Nam, & memoria mens est, unde, & immemores amentes: ⁽⁵⁾ dum ergo vivificat corpus, anima est: dum vult, animus est: dum scit, mens est: dum recolit, memoria est: dum rectum judicat, ratio est: dum spirat, spiritus est: dum aliquid sentit, sensus est. Nam inde

animus sensus dicitur pro iis, quæ sentit, unde, & sententia nomen accepit.

11 Corpus dictum, eo quod corruptum perit. Solubile enim, atque mortale est, & aliquandò solvendum.

12 Caro autem, à creando est appellata.

13 ⁽⁶⁾ Crementum enim semen est masculi, unde animalium, & hominum corpora concipiuntur. Hinc, & parentes creatores vocantur.

14 ⁽⁷⁾ Caro autem ex quatuor elementis compacta est. ⁽⁸⁾ Nam terra in carne est, aer in halitu, humor in sanguine, ignis in calore vitali. Habent enim in nobis elementa suam quæque partem, quibus quid debetur compage resoluta.

15 ⁽⁹⁾ Caro autem, & corpus diversa significant. In carne semper corpus est, non semper in corpore caro: nam caro est quæ vivit, idem, & corpus. Corpus, quod non vivit, idem non caro. Nam corpus dicitur, aut quod post vitam mortuum est, aut sine vita est conditum. Interdum, & cum vita corpus, & non caro, ut herba, & lignum.

16 Sensus corporis quinque sunt: visus, auditus, odoratus, gustus, & tactus. Ex quibus duo aperiuntur, & clauduntur, duo semper patentes sunt.

17 ⁽¹⁰⁾ Sensus dicti, quia per eos
Z 3 ani-

(1) Emisit sp. Joann. 17. tradidit sp. Matheus emisit. Sed eod. modo auctor libri de Sp. & Anim.

(2) Vel pro eo quod spirat. Ead. in lib. de Spiritu, & Anim. c. 34. Quod opus non esse Hugonis de S. Viâ. hac, &que alia in codicibus nostris Hugone antiquioribus satis ostendunt.

(3) Animum idem esse, quod animam. Ex Laët. de Opif. cap. 18.

(4) Sed anima vitæ, animus consilii. & Serv. Æn. 10. ad v. Sanguisque, animusque seq. Suntque in eod. lib. de Spir. & Anim.

(5) Dum ergo vivificat. In eod. lib. Desp. cap. 34.

(6) Crementum. è Placidi glossis, ut sup. lib. 9. cap. 1.

(7) Caro autem ex quatuor elem. Itaque CC. O. corpus scribebat Chacon ex Laët. & Hieron. non rectè, nisi corpora nostra, ex Laët. vel corpora humana, ex Hier. scribas, siquidem carnis nomine statim dicturus est, vitam contineri, corporis non item. Neque obstat, quod carnem, & totum, & partem videtur facere, dum subdit, nam terra in carne est; id enim ita dicitur, ut quasi manifestum, & evidens ponatur, quo ceteris elementis minus aliquanto notat sedes ac signare pergat.

(8) Nam terra in carn. Laët. lib. 2. cap. 12.

(9) Caro autem, & corp. Ex Hieron. Ep. ad Pammach. advers. error. Joann. Hierosolymitan.

(10) Sensus dicti. Eod. lib. de Spiritu.

anima subtilissimè totum corpus agitat vigore sentiendi.

18 ⁽¹⁾ Undè, & præsentia nuncupantur, quod sint præ sensibus, sicut præ oculis, quæ præstò sunt oculis.

19 Visus est, qui à Philosophis humor vitreus appellatur. ⁽²⁾ Visum autem fieri quidam asseverant, aut externa ætherea luce, aut interno spiritu lucido ⁽³⁾ per tenues vias à cerebro venientes, atquè penetratis tunicis in aërem exeuntes, & tunc commixtione similis materiæ visum dantes. ⁽⁴⁾ Visus dictus, quod vivacior sit cæteris sensibus, ac præstantior, sive velocior, ampliùsque vigeat, quantum memoria inter cætera mentis officia. Vicinior est enim cerebro, undè omnia manant, ex quo fit, ut ea, quæ ad alios pertinent sensus, videre dicamus, veluti cùm dicimus: Vide quomodò sonat, vide quomodò sapit, sic, & cætera.

20 Auditus appellatus, ⁽⁵⁾ quod voces hauriat, hoc est aëre verberato suscipiat sonos.

21 Odoratus, quasi aëris odore attactus. Tacto enim aëre sentitur, sic, & olfactus, quod odoribus afficiatur.

22 Gustus, à gutture dictus.

23 Tactus, eo quod pertractet, & tangat, & per omnia membra vigorem sensus aspergat. ⁽⁶⁾ Nàm tactu probamus quicquid cæteris sensibus judicare non possumus. Duo autem tactus ge-

nera sunt, nàm aut extrinsecus venit, quod feriat, aut intus in ipso corpore oritur.

24 Unicuique autem sensui propria natura data est. Nàm quod videndum, est oculis capitur: quod audiendum, auribus: mollia, & dura tactu æstimantur: sapor gustu, odor naribus ducitur.

25 ⁽⁷⁾ Prima pars corporis caput, datumque illi hoc nomen, eo quod sensus omnes, & nervi indè initium capiant, ⁽⁸⁾ atquè ex eo omnis vigendi causa oriatur. Ibi enim omnes sensus apparent. Undè ipsius animæ, quæ consulit corpori quodammodò personam gerit.

26 Vertex est ea pars, qua capilli capitis colliguntur, & in qua cæsaries vertitur, undè, & nuncupatur.

27 Calvaria, ab ossibus calvis dicta, ⁽⁹⁾ per defectionem, ⁽¹⁰⁾ & neutralitèr pronuntiatur.

28 Occipitium, capitis pars posterior, quasi contra capitium, vel quod sit capiti retrorsum.

29 ⁽¹¹⁾ Capilli vocati, quasi capitis pili, facti: ut, & decorem præstent, & cerebrum adversus frigus muniant, atquè à sole defendant.

30 Pili autem dicti à pelle, è qua prodeunt, ⁽¹²⁾ sicut, & pilum dicitur à pila, ubi pigmentum contunditur.

31 ⁽¹³⁾ Cæsaries, à cædendo vocata, ideo-

(1) Undè, & præsentia. *Sup. lib. 10. litt. P.*

(2) Visum autem fieri quid. *Prioris opinionis auctor Aristoteles, alterius Empedocles, & Plato, quos Galenus secutus est.*

(3) Per tenues vias. *At. Venas.*

(4) Visus dictus, quod vivacior. Itaque Græci, cum aliorum sensuum verbis gignendi casum tribuunt, videndi verbo, quod efficientia plus habeat, accusativum dedere, quo Platonis opinio adjuvari putatur.

(5) Quod voces hauriat. *Ex Lat. cap. 8. lib. de Opif.*

(6) Nàm tactu probamus. *Ambros. 6. Hexam. cap. 9. Plerumque n. tactu probamus, quæ oculis probare non possumus.*

(7) Prima pars corp. cap. datumque illi hoc nom. *Lat. de Opif. cap. 5. In summo vero caput collocavit, datumque illi hoc nomen, ut quidam Varro ad Cicéronem scribit, quod hinc capiant initium sensus, ac nervi.*

(8) Atque ex eo omnis vigendi causa oriatur. *Ambros. ibid. Viciniores oculi sunt cerebro, undè omnis manat usus vigendi.*

(9) Per defectionem. *Nempe à calvendo, ut calumina, & cavillatio, teste Cajo cap. 233. de Verb. signif. Gloss. Calvor ifanarà.*

(10) Et neutralitèr pronuntiatur. *Id est, non tantum fæminino genere, Gloss. Calvarium. καρύειον. Item Calvaria καρύειον.*

(11) Capilli q. capitis pili. *Aug. Dialect. cap. 6.*

(12) Sicut, & pilum d. a. pila. *Varro à piliendo: Servius à Pilumno ducit.*

(13) Cæsaries -- vitorum est. *Verba Servii lib. 8. ad v. Namque ipsam decoram Cæsariam.*

ideoque tantum virorum est. ⁽¹⁾ Virum enim tonsum decet, mulierem non decet.

32 ⁽²⁾ Comæ, sunt propriè non cæsi capilli, & est Græcus sermo. ⁽³⁾ Nam comas Græci caimos à secando nominant, undè, & *καίρειν* tondere dicunt. Undè, & cirri vocantur, quod etiam iidem ⁽⁴⁾ Græci *μαλλόν* vocant.

33 Crines, propriè mulierum sunt. Dicti autem crines, eo quòd vittis discernantur. Undè, & discriminalia dicuntur, quibus divisi religantur.

34 Tempora sunt, quæ calvariae dextra, lævaque subjacent. Quæ idè sic nuncupantur, quia moventur, ipsaque mobilitate, quasi tempora quibusdam intervallis mutantur.

35 ⁽⁵⁾ Facies dicta ab effigie. Ibi est enim tota figura hominis, & uniuscujusque personæ cognitio.

36 Vultus verò dictus, eo quòd per eum animi voluntas ostenditur: secundum voluntatem enim in varios motus mutatur. Undè, & differunt sibi utraque: nam facies simpliciter accipitur de uniuscujusque naturali aspectu: vultus autem animorum qualitates significat.

37 ⁽⁶⁾ Frons, ab oculorum foraminibus nominata est. Hæc imago quædam animi, mentis motum speciem suam exprimit, dum, vel læta, vel tristes est.

38 ⁽⁷⁾ Oculi vocati, si vè quia eos ciliorum tegmina occulunt: nè quia incidentis injuriæ offensione lædantur,

si vè quia occultum lumen habent, id est, secretum, vel intus positum. Hi inter omnes sensus viciniore animæ existunt: in oculis enim omne mentis indicium est, undè, & animi perturbatio, vel hilaritas in oculis apparet. Oculi autem, iidem, & lumina. Et dicta lumina, quòd ex eis lumen manat, vel quòd initio sui clausam teneant lucem, aut extrinsecus acceptam visui proponendum refundant.

39 Pupilla, est medius punctus oculi, in quo vis est videndi, ubi, quia parvæ imagines nobis videntur, propterea pupillæ appellantur. Nam parvuli pupilli dicuntur. Hanc plerique pupulam vocant: vocatur autem pupilla, quòd sit pura, atquè impolluta, ut sunt puellæ. ⁽⁸⁾ Physici dicunt, easdem pupillas, quas videmus in oculis, morituros ante triduum non habere, quibus non visis certa est desperatio.

40 Circulus verò, quo à pupilla partes albæ oculi separantur discreta nigredine. Corona dicitur, quòd rotunditate sui ornent ambitum pupillæ.

41 ⁽⁹⁾ Volvos autem quidam appellant ipsos vertices oculorum ex similitudine bolborum.

42 ⁽¹⁰⁾ Palpebræ, sunt sinus oculorum, à palpitatione dictæ, quia semper moventur. Concurrent enim invicem, ut assiduo motu reficiant obtutum. ⁽¹¹⁾ Munitæ sunt autem vallo capillorum, ut, & apertis oculis si quid inciderit repellatur, & somno

con-

(1) Virum n. tonsum. *Ambros. de Canticis*. Alium sexum crinita, alium tonsa decet.

(2) Comæ. Verba sunt *Servii* *En. 5. ad v.* Tonsa coma pressa corona.

(3) Nam comas Græci caimos. Ità plerique omnes Gothici libri. Nam culmos *Salmaticensis* eodem referri potest ex caracterum affinitate, aliorum librorum, monstra, qualia ferè occurrunt quoties à sermone Græco aliquid petitur, non est operæ pretium præferre.

(4) Græci mallon. *Gloss. μαλλόν* cirra, villus.

(5) Facies, &c. *Ambros. ibid.* Quid sine capite est homo? Cum totus in capite sit, cum caput videris, hominem agnoscis.

(6) Frons. *Ex Lat. cap. 8. G. Ambros. loco cit.*

(7) Oculi voc. *Ex eod. Lat.*

(8) Physici dicunt. Verba *Servii* *En. 4. ad v.* Dat somnos adimitque, &c.

(9) Volvos autem quidam. *Lib. 17. cap. 10.* Volvi appellati, quod sint volubiles, & rotundi, ab aliis *λεῖφοι*, & *εὐνίβοι*: ab *Isidoro* perpetuò volvi consentientibus omnibus libris. *Al.* à similitudine valvar. *Addit. Tarr. 6.* Valvuli folliculi fabæ.

(10) Palpebræ. *Ex Serv. En. 4. ad v.* Sinum lacrymis impl. oborris. *Et Lat. cap. 10. de Opif.*

(11) Munitæ sunt autem. *Ex Cic. 2. de Natur. Deor. vel ex Ambros. loco cit.*

conniventibus tanquàm involuti quiescant latentes. In summitate autem palpebrarum locis, quibus se utræque clausæ contingunt, extant adnati ordine servato pili, tutelam oculis ministrantes, nè irruentes facilè injurias excipiant, & ex eo noceantur, ut pulveris, vel cujuscumque crassioris materiæ arceant contactum, aut ipsum, quoque aërem concidendo mitificent, quo tenuem, atquè serenum faciant visum.

43 Lacrymas, quidam à laceratione mentis putant dictas, alii existimant ideò, quod Græci δάκρυα vocant.

44 Cilia, sunt tegmina, quibus cooperiuntur oculi, & dicta cilia, quod celent oculos, tegantque tuta custodia.

45 ⁽¹⁾ Supercilia dicta, quia superposita sunt ciliis, quæ idcirco pilis vestita sunt: ut oculis munimenta prætendant, ⁽²⁾ & sudorem à capite defluentem depellant.

46 Intercilium verò, est medium illud inter supercilia, quod sine pilis est.

47 Genæ, sunt inferiores oculorum partes, undè barbæ inchoant: nam Græcè γένειον barbæ. Hinc, & genæ, quod indè incipiant gigni barbæ.

48 Malæ, sunt eminentes sub oculis partes ad protectionem eorum suppositæ. Vocatæ autem malæ, sive quod infra oculos prominent in rotunditatem, quæ Græci μῆλα appellant, sive, quod sint super maxillas.

49 Maxillæ, per diminutionem à malis, sicut paxillus à palo, taxillus à talo.

50 Mandibulæ, sunt maxillarum partes, ex quo, & nomen factum.

51 Barbam veteres vocaverunt, quod virorum sit, non mulierum.

52* Aurium inditum nomen à vocibus hauriendis, undè, & Virg. Vocemque his auribus hausi. Aut quia vocem ipsam Græci αὐδὴν vocant, ab auditu. Per immutationem enim litteræ aures, quasi audes, nuncupatæ sunt. ⁽¹⁾ Vox enim reperiussa per fractus earum sonum facit, quo sensum excipiant audiendi. ⁽⁴⁾ Pinnula, summa pars auris, ab acumine dicta. ⁽⁵⁾ Pinnum enim antiqui acutum dicebant: undè, & bipennis, & pinna.

53 ⁽⁶⁾ Nares idcirco nominantur, quia per eas, vel odor, vel spiritus nare non desinit: ⁽⁷⁾ sive quia nos odore admonent, ut norimus aliquid, & sciamus: undè è contra inscii, ac rudes ignari dicuntur. Olfecisse enim, veteres scisse dicebant. Terentius: Ac non totis sex mensibus priùs olfecissem, quàm ille quidquàm coeperet?

54 Narium recta pars, propter quod æqualitèr sit in longitudine, & rotunditate porrecta: Columna vocatur: extremitas ejus: ⁽⁸⁾ Pirula, à formula pomi pyri. Quæ verò dextra, lævaque sunt: Pinnulæ ab alarum similitudine, medium autem, interfinium.

55 Os dictum, quod per ipsum, quasi per ostium, & cibos intus mitimus, & sputum foras projicimus: ⁽⁹⁾ vel quia indè ingrediuntur cibi, indè egrediuntur sermones.

La-

(1) Supercilia. Ambros. Frontem geminæ rupes superciliorum sequuntur, quæ oculis munimenta prætendant.

(2) Et sudorem c. d. depell. Ciceronis sunt verba.

(3) Vox n. reperiussa. Ambros. ibid.

(4) Pinnula summa pars. Gloss. Summa auricula πτερίγια.

(5) Pinnum n. Sic lib. 17 cap. 7. & lib. 19. cap. 19.

(6) Nares—nare non desinit. Ita C. R. & Lat. cap. 11. nostri mendosè manare.

(7) Quia nos odore admon. Ex Don. in Adolph.

(8) Pirulam. Hanc equivoce Græci, pinnulas πτερίγια, interfinium ἰσθμὸν appellant. Hoc idem interfinium, imbricem vocabit Arnobius. Septum voluisse videtur Lactantius, cum dixit: Velut pariete per medium ducto intercepisse, atque divisit. Theophil. lib. 3. περί τῆς κατασκευῆς τῆς τοῦ σώματος διαφύλαξης, καὶ τῶν ποταμῶν ὕδατος καὶ τῶν ἄλλων.

(9) Vel quia indè ingredit. Sic in Evang. quia indè erat transiurus. Sed illuc, vel illuc ex libris Tarr. legere, etiam

56 Labia à lambendo nominata. Quod autem superius est, labium dicimus, quod inferius, eo quòd grossius sit, labrum. ⁽¹⁾ Alii virorum labra, mulierum labia dicunt.

57 Lingua à ⁽²⁾ ligando cibum putat Varro nomen impositum. Alii quod per articulos sonos verba ligat. ⁽³⁾ Sic ut enim plectrum cordis, ita lingua illiditur dentibus, & vocalem efficit sonum.

58 Dentes Græci ὀδόντας vocant, & inde Latinum nomen trahere videntur. Horum primi. Præcisores dicuntur, quia omne quod accipitur, ipsi prius incidunt. Sequentes Canini vocantur, quorum duo in dextra maxilla, & duo in sinistra sunt. Et dicti Canini, quia ad similitudinem caninorum existunt, & canis ex ipsis ossa frangit, sic ut, & homo, & quod non possunt priores præcidere, illis tradunt, ut confringant. Hos vulgus pro longitudine, & rotunditate. ⁽⁴⁾ Colomellos vocant. Ultimi sunt Molares, qui concisa à prioribus, atque confracta subigunt, & molunt, atque immasant, unde, & molares vocati sunt.

59 ⁽⁵⁾ Dentium autem numerum discernit qualitas sexus. Nam in viris plures, in foeminis pauciores existunt.

60 ⁽⁶⁾ Gingivæ à gignendis dentibus nominatae. Factæ autem sunt, etiam ad decorem dentium, nè nudi horrori potius, quam ornamento existerent.

61 ⁽⁷⁾ Palatum nostrum, sic ut Cælum, est positum, & inde palatum à polo per derivationem. Sed, & Græci similiter palatum οὐρανὸν appellant, eò quòd pro sui concavitate Cæli similitudinem habeat.

62 Fauces, à fundendis vocibus nominatae, vel quod per eas famur voces.

63 ⁽⁸⁾ Arteriæ vocatae, sive quòd per eas à pulmone aer, hoc est, spiritus fertur: seu quòd arctis, & angustis meatibus spiritum vitalem retineant, unde vocis sonos emittunt, qui soni uno modo sonarent, nisi linguæ motus distantias vocis efficeret.

64 ⁽⁹⁾ Tolles Gallica lingua dicuntur, quas vulgò per diminutionem tusillas vocant, quæ in faucibus turgescere solent.

65 Mentum dictum, quòd inde mandibulæ oriantur, vel quod ibi jungantur.

66 ⁽¹⁰⁾ Gurgulio, à gutture nomen trahit, cujus meatus ad os, & nares pertendit, habens viam, qua vox ad linguam transmittitur: ut possit verba collidere, unde, & garrire dicimus.

67 ⁽¹¹⁾ Rumen, proximum gurgulioni, quo cibis, & potio devoratur. Hinc bestiae, quæ cibum revocant, ac remandunt, ruminare dicuntur.

68 ⁽¹²⁾ Sublinguium, operculum gurgulionis, quasi parva lingua, quæ foramen linguæ recludit operitve.

69 Collum dictum, quod sit ⁽¹³⁾ rigidum, & teres: ut columna bajulans

(1) Alii viror. labra. Quos reprehendit Serv. in Corydone.

(2) A ligando cibo. Lat. Itaque Varro à ligando cibo putat linguæ nomen impositum.

(3) Sic ut n. plectrum. Ex Hieronymo in Epitaph. Paula.

(4) Colomellos. Et Varr. 2. de Re Rust. collumellares appellari dicit.

(5) Dentium autem num. Solini verba cap. 4.

(6) Gingivæ. Lat. cap. 10.

(7) Palatum nostrum sic ut Cælum. Cic. de Epicuro. Sed dum palato quid sit optimum iudicat, Cæli palatium, ut ait Ennius, non suspexit.

(8) Arteriæ. Confundit asperam arteriam cum reliquis, quæ per corpus diffusa vitalem spiritum continent, aptatque Græcæ voci Latinam notationem iure suo.

(9) Tolles Gallica ling. Idem scribit Festus. Gloss. Tolæ, Tolia. τολαῖα & Tusillæ τασίλλια, Tusillas non tonsillas legi in Corn. Celsi manuscriptis libris lib. 6. cap. 10. agebat Chacon, & tonsilla Festo palus dolatus est.

(10) Gurgulio à gutture. Vid. Lat. & Serv. Georg. 1.

(11) Rumen. Et Fest.

(12) Sublinguium. Gloss. Sublingua ὑποδωμειν.

(13) Rigidum, & teres. Lactantii verba.

lans caput, & sustentans, ⁽¹⁾ quasi capitulum, cujus anterior pars, gula vocatur, posterior, cervix.

70 Cervix autem vocata, quòd per eam partem cerebrum ad medullam spinæ dirigitur, quasi cerebri via. Veteres autem plurali tantum numero cervices dicebant: ⁽²⁾ primus Hortensius cervicem singularitè dixit. Cervix autem numero singulari membrum ipsum significat. ⁽³⁾ nam pluralitèr contumaciam sæpè demonstrat Cic. in Verr. Prætorem tu accuses, frange cervicem.

71 Humeri dicti, quasi armi ad distinctionem hominis à pecudibus mutis: ut hi humeros, illi armos habere dicantur, nam propriè armi quadrupedum sunt.

72 ⁽⁴⁾ Ola, summi humeri pars posterior.

73 Brachia à fortitudine nominata, *εαρὸν* enim Græcè, grave, & forte significat. ⁽⁵⁾ In brachiis enim tori lacertorum sunt, & insigne musculorum robur existit. Hi sunt tori, i. musculi, ⁽⁶⁾ & dicti tori, quòd illic viscera torta videantur.

74 ⁽⁷⁾ Cubitus dictus, quòd ad cibos sumendos in ipso cubamus.

75 ⁽⁸⁾ Ulna, secundum quosdam utriusque manus extensio est, secundum alios cubitus: quod magis verum est, quia Græcè *ὀλένη* cubitus dicitur.

76 ⁽⁹⁾ Alæ subbrachia sunt appellatæ, eo quòd ex eis in modum alarum motus brachiorum inchoet, quas quidam ascillas vocant, quòd ex his brachia cillantur, id est, moventur, undè, & ⁽¹⁰⁾ oscilla dicta ab eo, quòd cillantur, id est, moveantur ora. Nam cillare est, movere. Has quidam subhircos vocant, propter quod in plerisque hominibus hircorum foetorem reddant.

77 ⁽¹¹⁾ Manus dicta, quòd sit totius corporis munus. Ipsa enim cibum ori ministrat, ipsa operatur omnia, atque dispensat, per eam accipimus, & damus. Abusivè autem manus etiam ars, vel artifex, ⁽¹²⁾ undè, & manupretium dicimus.

78 Dextra vocatur à dando, ipsa enim pignus pacis datur, ⁽¹³⁾ ipsa fidei testis, atque salutis adhibetur, & hoc est illud apud Tullium. Fidem publicam jussu senatus dedi, i. dextram. Undè, & Apostolus: dextras dederunt mihi, & Barnabæ societatis.

79 Læva, quòd aptior sit ad levandum. Sinistra autem vocata, quasi sine dextra, ⁽¹⁴⁾ sive quòd rem fieri sinat. A sinendo enim sinistra est nuncupata.

80 Palma, est manus expansis digitis, sicut contractis, pugnus.

81 Pugnus autem à pugillo dictus, sicut palma ab expansis palmæ ramis.

Di-

(1) Quasi capitulum. f. capitulum, vel (ut Isidorus loquitur) capitellum. Idem namque collo caput, quod columna capitulum.

(2) Primus Hortensius. Ex Quintil. lib. 8. cap. 3. Quamvis, & Varro idem referat, lib. 7. & 9. Quo alludit Cic. A. 5. in Verr. Tamenne putamus patronum tuum in hoc crimine cerviculam jactaturum?

(3) Nam pluralitèr contum. Interpunctione sola factum est, nè sibi ipse adversaretur hoc loco Isidorus.

(4) Ola. Al. Anla.

(5) In brachiis n. tori lacert. Ex Laß. Ambrosius quoque: Succedunt brachia, & validi lacertor. tori.

(6) Et dicti tori. Quia torum Servius à tortis herbis dictum scribit: Isidorus brachiorum, toros à tortis visceribus dictos voluit.

(7) Cubitus. Horat. Languidus in cubitum sese conviva reponat.

(8) Ulna. è Serv. Georg. 3.

(9) Alæ, subbrachia. Nos quoque sobacos dicimus.

(10) Oscilla—moverè. è Serv. Georg. 2. Vid. Fest. Macrob. Hygin. Arati interp. Ovid. in Fast.

(11) Manus. Ex Ambros. loco cit.

(12) Undè manupretium. Al. manuspretium. Ut apud Vlp. cap. 13. de Verb. signif.

(13) Fidei testis. Serv. Aen. 3. ad v. Dixerat, & genua amplexus: Physici dicunt, esse consecratas numinibus singulas

partes corporis, aurem memoria, frontem Genio, dexteram Fidei.

(14) Sive quod fieri sinat. è Serv. Aen. 2. Vid. Fest. in sinistra aves, & sinistrum.

81⁽¹⁾ Digiti nuncupati, vel quòd decem sunt, vel quia decentè juncti existunt. Nàm habent in se, & numerum perfectum, & ordinem decentissimum. Primus pollex vocatus, eo quòd inter cæteros polleat virtute, & potestate. ⁽²⁾ Secundus salutaris, seu demonstratorius, quia eo ferè salutamus, atquè ostendimus. Tertius impudicus, quòd plerumquè per eum probari insectatio exprimitur. Quartus anularis, eo quòd in ipso anulus geritur: ⁽³⁾ idem, & medicinalis, quòd eo trita colyria à medicis colliguntur. Quintus auricularis, pro eo quòd eo autem scalpinus.

82 Ungula ex Græco vocamus: illi enim has *ὀνυχας* dicunt.

83 Truncus, media pars corporis à collo ad inguina. ⁽⁴⁾ De quo Nigidius: Caput collo vehitur, truncus sustinetur, coxis, & genibus, cruribusque.

84 Thorax, à Græcis dicitur anterior pars trunci à collo, usquè ad stomachum, quam nos dicimus arcam, eo quòd ibi arcanum sit, i. secretum, quo cæteri arcentur. Undè, & arca, & ara dicta, quasi res secretæ, cujus eminentes pulpæ mamillæ. Inter quas pars illa ossea pectus dicitur, dextra autem, levaeque costæ.

85 Pectus vocatum, quod sit pexum inter eminentes mamillarum partes, undè, & pectinem dicimus, quòd pexos capillos faciat.

86 Mamillæ vocatæ, quia ro-

tundæ sunt, quasi malæ, per diminutionem scilicet.

87 Papillæ, capita mammarum sunt, quas sugentes comprehendunt. Et dictæ papillæ, quòd eas infantes quasi pappant, dùm lac sugunt. ⁽⁵⁾ Proindè mammilla est omnis eminentia uberis, papilla verò breve illud, undè lac trahitur.

88 Ubra dicta, vel ⁽⁶⁾ quia lacte uberta, vel quia uvida, humore scilicet lactis in morem uvarum plena.

89 ⁽⁷⁾ Lac vim nominis à colore trahit, quòd sit albus liquor, *λευκός* enim Græcè, album dicunt, cujus natura ex sanguine commutatur: nàm post partum si quid sanguinis nondum fuerit uteri nutrimento consumptum, naturali meatu fluit in mammas, & earum virtute albescens lactis accipit qualitatem.

90 Cutis est, quæ in corpore prima est, appellata, quod ipsa corpori superposita incisionem prima patitur, *κοπή* enim Græcè incisio dicitur. Eadem, & pellis, quòd externas injurias corporis tegendo pellat, pluviasque, & ventos, Solisque ardores perferat.

91 Pellis autem, mox detracta: subacta jam, corium dicitur.

92 Corium autem per derivationem caro appellavit, quod eo tegatur: sed hoc in brutis animalibus proprium est.

93 Pori corporis Græco nomine appellantur, qui Latinè propriè spi-

ra-

(1) Digiti. Ex *Lat.*

(2) Secundus salutaris. Ità vocatur à Sueton. in *Aug.* hodieque *Roma*, cum se *Matrona* salutant, indicem ori admovent. Idemque faciunt in publicis precibus viri, cum *Christum* salutant.

(3) Idem, & medicinalis. *Macrob.* & *Agell.* quod ab eo sinistra manus digito nervus quidam tenuissimus ad cor, usquè pertineat: ergo is erit potius medicinalis, quàm dexter.

(4) De quo *Nigidius* caput collo vehitur, &c. Non in coxendibus. Coxendicas coxas, *Lucil.* caput collo sustentatur, truncus sustinetur à coxendicibus. Quare totum hoc coxis, & genibusque, cruribusque, ex una voce coxendicibus non intellecta factum suspicamus. *Septenarius* autem sive *Lucii*, sive *Nigidii* sic sustentari posset: Caput à collo sustentatur, truncus à coxendicibus. Si in coxendice penultimam producas. Aut, ut *senarius* ex *Isidoro* fiat; caput collo vehitur, truncus coxendicis, vel coxendicibus.

(5) Proindè mamilla est. d. *Serv.* *Æn.* 11. Et *Fest.* in voce *Papillæ*.

(6) Quia lacte uberta. Eadem voce usus *Agell.* lib. 8. cap. 14.

(7) Lac vim nom. à col. Idem repetit lib. 20. cap. 2.

ramenta dicuntur, eò quòd per eos vivificus spiritus exterius ministretur.

94 ⁽¹⁾ Arvina, est pinguedo cuti adhærens.

95 Pulpa, est caro sine pinguedine, dicta quòd palpitèr, resilit enim sæpè. Hanc plerique, & viscum vocant, propter quod glutinosa sit.

96 Membra sunt partes corporis.

97 Artus, quibus colligantur membra, ab artando dicti.

98 Nervi, Græca derivatione appellati, quos illi νῆρρα vocant. Alii Latinè vocatos nervos putant, eo quòd artuum conjunctiones invicèm his inhæreant, id est, ab inhærendo. Maximam autem virium substantiam nervos facere certissimum est. Nàm quantò fuerint densiores, tantò propensius augescere firmitatem.

99 Artus dicti, quòd colligati invicèm nervis artentur, i. stringantur, quorum diminutiva sunt articuli. Nàm artus dicimus membra majora: ut brachia, articulos minora membra, ut digitos.

100 ⁽²⁾ Compago, capita sunt ossium: dicta, eo quòd sibi compacta nervis, velut glutino quodam adhæreant.

101 Ossa, sunt coporis solidamenta. In his enim positio, omnis, roburque subsistit. Ossa autem ab usto dicta, propter quod cremarentur ab antiquis, sivè: ut alii putant, ab ore,

quòd ibi pateant: nàm ubiquè cute, visceribusque obtecta celantur.

102 Medullæ appellatæ, quòd madefaciant ossa, irrigant enim, & confortant.

103 ⁽³⁾ Vertibula sunt, summæ ossium partes nodis crassioribus conglobatæ: dicta ità, eò quòd ad inflexionem membrorum illa vertantur.

104 Cartilagines, ossa mollia, & sine medula, quod genus auriculæ, & narium discrimen, & costarum extremitates habent, sivè opercula ossium, quæ moventur. Et dictæ cartilagines, quod leni attritu carent dolore, dum flectuntur.

105 Costas appellari quidam putant, quòd ab ipsis interiora custodiantur, ut tota mollicies ventris valata salvetur.

106 Latus quia jacentibus nobis latet. ⁽⁴⁾ Est enim læva pars corporis, ⁽⁵⁾ dextro autem lateri habilior motus est, lævo fortior, & oneri ferendo accommodatior. Undè, & læva nuncupata, quod aptior sit ad levandum aliquid, & portandum. Ipsa enim gestat clypeum, ense, pharetram, & reliqua onera, ut expedita sit dextera ad agendum.

107 ⁽⁶⁾ Dorsum est à cervice, usquè ad renes, dictum autem dorsum, quod sit superficies durior corporis in modum saxi, fortis, & ad portandum, & ad perpetiendum.

Ter-

non tū n. Græcè. Ità A. Aug. Cum in omnibus libris, cutis enim Græcè, nullo sensu legeretur. At Festo cutis est *ἀπό τῶ σπέρματος* quomodo libenter hoc loco legeremus, nisi incisionem interpretaretur Isidorus.

(1) Arvina. Serv. Æn. 7. Secundum Suetonium arvina est durum pingue, quod est inter cutem, & viscus.

(2) Compago. Ità plerique Goth. Al. compagia.

(3) Vertibula—Cartilagines. Lat. cap. 5. de Ossib. Summas eorum partes crassioribus nodis conglobavit: ut, & subtingi nervis facilius, & verti possent, undè sunt vertibula nominata; eos nodos firmiter solidatos levi quodam operculo textit, quod dicitur cartilago, scilicet, ut sine attritu, & sensu doloris aliquo flecterentur.

(4) Est n. læva pars corp. Hinc interior sinistra à Servio dicitur. li. n. Æn. 5. ad v. Dum proram ad saxa suborget Interior. Interior, id est, sinisterior, interpretatur. Itam Æn. 5. ad v. Urbem designat aratro: quem Cato in Originibus morem dicit fuisse. Condituri enim Civitates taurum in dextra, vaccam intrinsecus jungebant. Atque ità interpretatur, etiam Asconius jocum apud Ciceronem de Aspendio cytharista omnia intus canente. Undè illustratur, etiam Cæcili locus: Marcine Asini manu sinistra: Non bellè uteris in joco, atque vino: Tollis lineæ negligenciorum. Ergo, Scimus quid tota de re viro eruditissimum placeat: de quo illud dicam. Servio cur hac de re tantopere sciret, non fuit, cum Catoni, & Asconio eadem opera succurrere possit.

(5) Dextro lateri habil—accommodatior. Verba Solini extremo cap. 5.

(6) Dorsum. Nempe quasi durum cursum. At Fest. Dorsum dictum, quod ea pars corporis dextera sit dorsum.

108 ⁽¹⁾ Terga, quia in ea supini jacemus in terra: quod solus homo potest: nam muta animalia tantum, aut in ventre, aut in latere jacent: undè in animalibus terga abusivè dicuntur.

109 Scapula.----

110 ⁽²⁾ Interscapilium, spatium, quod inter scapulas est, undè, & nominatum.

111 Palæ, sunt dorsi dextra, lævaque eminentia membra, dicta quod in luctando eas premimus, quod Græci παλαίειν dicunt.

112 Spina, junctura dorsi, dicta eo quod habeat radiolos acutos, cuius junctura spondilia appellantur, propter partem cerebri, quæ fertur per eos longo tractu ad cæteras corporis partes.

113 ⁽³⁾ Sacra spina est ima perpetuæ spinæ, quam Græci ἱερὸν ὀστέον vocant: quoniam primùm infante concepto nascitur. ⁽⁴⁾ Ideoque ex hostia id primùm à gentilibus Diis suis datur, undè, & sacra spina dicitur.

114 ⁽⁵⁾ Renes, ait Varro, dictos, quod rivi ab his obsceni humoris nascantur. Nam venæ, & medullæ tenuem liquorem desudant in renibus, qui liquor rursus à renibus calore Venero resolutus decurrit.

115 ⁽⁶⁾ Lumbi, ob libidinis lasciviam dicti, quia in viris causa corporeæ voluptatis in ipsis est, sicut in umbilico foeminis: undè, & ad Job in exordio sermonis dictum est: Ac-

cinge sicut vir lumbos tuos: ut in iis esset resistendi præparatio, in quibus libidinis est usitata dominandi occasio.

116 Umbilicus, est medius locus corporis, dictus, quod sit umbo iliorum: undè, & umbo appellatur locus in medio clypei, à quo pendet. ⁽⁷⁾ Ex eo enim infans in utero pendet, ex eo etiam, & nutritur.

117 Ilium Græco sermone appellatum, quod ibi nos obvolvamus; Græcè enim εἰλύνειν obvolvere dicitur.

118 Clunes vocatæ, quod sint juxta colum, ⁽⁸⁾ quod est longao.

119 ⁽⁹⁾ Nates, quod in ipsis innitimur dum sedemus: undè, & conglobata est in eis caro, nè prementis corporis mole ossa dolerent.

120 Genitalia corporis partes, (ut nomen ipsum docet) gignendæ subolis acceperunt vocabulum, quod his procreatur, & gignitur. Hæc, & pudenda pro verecundia, sive à pube, undè, & indumento operiuntur. Dicuntur autem ista, & inhonesta, quia non habent eam speciem decoris, sicut membra, quæ in promptu locata sunt.

121 Idem, & veretrum, quia viri est tantum, sive, quod ex eo virus emittitur: nam virus propriè dicitur humor fluens à natura viri.

122 Testiculi, per diminutionem à testibus dicti, quorum numerus incipit à duobus. Hi semen calamo ministrant, quod ab spinæ medulla,

Aa

&

(1) Terga. Ex Lat. cap. 10.

(2) Interscapilium. Alii interscapulum, aut interscapilium. Interscapilium apud Cal. lib. 3. cap. 2. atque ita reponendum in gloss. ubi legitur, interscapulum μεταστροφον.

(3) Sacra spina. Hieron. in Eccles. 12. Florem amygdali, quem nos pro canis posuimus, quidam sacram spinam interpretantur: quod decrescentibus natium carnibus, spina crescat, & florcat. Cal. 4. tard. cap. 3. Spina sacra dicitur os sacrum, quod Græci quoque vocant ἱερὸν ὀστέον.

(4) Ideoque ex hostia. Menander ei ἡ τὸν ἱερὸν ἄγκυαν εὐκαρτεῖς.

(5) Renes. Ex Lat. cap. 14.

(6) Lumbi. Ex Greg. verbis Homil. 13. notationem qualemcumque confecit.

(7) Ex eo n. infra. Ex Lat. cap. 10.

(8) Quod est longao. Gloss. longao καλὸν ἵλεον. Apud Calium tum longao, tum longano, apud Arnobii, & Varr. manuscriptos libros longano apud Veget. lib. 1. cap. 42. de Veterinaria, longano intestinum.

(9) Nates. Ex Lat. cap. 13.

& renibus, & lumbis suscipiunt ad gratiam procreandi.

123 ⁽¹⁾ Viscus, est pellis, in qua testiculi sunt.

124 Posteriora verò vocata, quòd retrò sunt, & à vultu aversa, nè dùm alvum purgamus, inquinaremus aspectum.

125 Meatus, indè appellatus, quia per eum meant, i. egeruntur sterora.

126 Femora dicta sunt, quòd ea parte à foemina sexus viri discrepet: sunt autem ab inguinibus usque ad genua.

127 Femina autem per derivationem, femorum partes sunt, quibus in equitando tergis equorum adhæremus: undè, & præliatores olim sub feminibus equos admisisse dicebantur.

128 Coxæ, quasi conjunctæ axes: in ipsis enim femora moventur, quorum concava vertebra vocantur, quia in eis capita femorum vertuntur.

129 Suffragines, quia subtilis franguntur, i. flectuntur, non supra, sicut in brachiis.

130 Genua, sunt commissiones femorum, & crurum, & dicta genua, eo quòd in utero sint genis opposita. Cohærent enim ibi sibi, & cognata sunt oculis lacrymarum indicibus, & misericordiæ: ⁽²⁾ nam à genis genua dicuntur. Deniquè complicatum gigni, formarique hominem (dicunt) ita: ut genua sursùm sint, quibus oculi formantur, ut cavi, ac reconditi fiant, Ennius: Atquè genua comprimit artagena. Indè est, quod homines, dùm ad genua se prosternunt, statim lacry-

mantur. Voluit enim eos natura utrum maternum rememorari, ubi quasi in tenebris considebant, antequàm venirent ad lucem.

131 Crura dicta, quia iis currimus, & gressum facimus. Sunt autem sub genibus usque ad suras.

132 Tibiæ vocatæ, quasi tubæ: sunt enim, & longitudine, & specie similes.

133 Talus dictus à tolo: nam tolus est eminens rotunditas, undè, & fastigium templi rotundi tolus vocatur. Talus autem sub crure est, sub talo calcanei.

134 Pedes, ex Græca etymologia nomen sortiti sunt: hos enim Græci πῆδες dicunt, ⁽³⁾ quia alternis motibus solo fixi incedunt.

135 ⁽⁴⁾ Plantæ, à planitie nuncupatæ, quia non rotundæ: ut in quadrupedibus, nè stare non possit bipes homo, sed planæ, atquè longiores formatae sunt, ut stabile corpus efficerent. Sunt autem plantæ anteriores partes, quæ etiam ex multis ossibus constat.

136 ⁽⁵⁾ Calcis, prima pars plantæ, à callo illi nomen impositum, quod terram calcamus, hinc, & calcaneus.

237 ⁽⁶⁾ Solum, inferior pars pedis, dictum, quia eo terræ vestigia imprimimus, sed, & solum dicitur omne, quod aliquid sustinet, quasi solidum, undè, & terra solum, quod cuncta sustineat, & solum pedis, quod totam corporis molem portat.

138 ⁽⁷⁾ Viscera, non tantum intestina dicimus, sed quicquid sub corio est, ⁽⁸⁾ à visco, quod est inter cutem,

(1) Viscus est pellis. *Goth. Ficus per Digammon.*

(2) Nam à genis genua. *Ead. repetit in libro Differ. & in Cantic. expositione.*

(3) Qui alternis motib. *Lactantii verba non nihil detorta.*

(4) Plantæ. *Lat. ibid.*

(5) Calcis prima p. plantæ. *Calcis relictus, ut lantius lib. 20. cap. 4. sed utrumque librarium putamus erratum.*

(6) Solum dicitur. *Serv. verba Æn. 7. ad v. Et Cercæ solum.*

(7) Viscera. *Ex eod. Æn. 1.*

(8) A visco quod est inter cut. & carn. *Serv. Æn. 6. Ubi inter ossa, & carnem.*

rem, & carnem. Itèm viscera, vitæ, id est, circumfusa cordis loca, quasi viscera, eo quòd ibi vitæ, id est, anima contineatur. Itèm viscera, capita nervorum ex sanguine, & nervis copulata. Eadem lacerti, sive mures, quia sic in singulis membris cordis loco sunt, ut sit in media parte totius corporis cor: appellanturque à nomine similitum animalium sub terra delitescentium. Nàm indè musculi à murium similitudine. Iidem etiam, & tori, quod illuc viscera torta videantur.

139 Cor, à Græca appellatione derivatum, quod illi καρδιά dicunt, sive à cura. In eo enim omnis sollicitudo, & scientiæ causa manet.

140 ⁽¹⁾ Quod idèd pulmōni vicinum est, ut quum ira accenditur, pulmōnis humore temperetur. Hujus duæ arteriæ sunt, è quibus ⁽²⁾ sinistra plūs sanguinem habet, dextra plūs spiritum: undè, & in dextro brachio pulsum inspicimus.

141 ⁽³⁾ Præcordia verò sunt, loca cordi vicina, ⁽⁴⁾ quibus sensus percipitur, & dictæ præcordia, eo quòd ibi sit principium cordis, & cogitationis.

142 Pulsus vocatus, quòd palpitet, cujus indicio, aut infirmitatem intelligimus, aut salutem. Hujus duplex est motus. Simplex est, qui ex uno saltu constat. Compositus est, qui ex pluribus motibus inordinatus, & inæqualis existit. Qui motus certa habent spatia, dactylicum percussum, quamdiù sine vitio sunt. Si quando

verò citatiores sunt, ut διορκαδίζοντες, aut leniores, ut μυρμιζόντες, mortis signa sunt.

143 Venæ dictæ, eo quòd viæ sint natantis sanguinis, ⁽⁵⁾ atque rivi per corpus omne divisi, quibus universa membra irrigantur.

144 ⁽⁶⁾ Sanguis, ex Græca etymologia nomen duxit, quòd vegetetur, & sustentetur, & vivat. Sanguis autem est, dùm in corpore est, effusus verò cruor dicitur. Nàm cruor vocatus, eo quòd effusus decurrit, vel ab eo quod currendo corruiat. Alii autem cruorem interpretantur, sanguinem corruptum, qui emittitur. Alii ajunt vocatum sanguinem, quòd suavis sit.

145 ⁽⁷⁾ Sanguis autem non est integer, nisi in jūvenibus. Nàm dicunt Physici minui sanguinem per ætatem, undè in senibus tremor est. Propriè autem sanguis animæ possessio est: ⁽⁸⁾ indè genas lacerare in luctu mulieres solent, undè, & purpureæ vestes, & flores purpurei mortuis præbentur.

146 Pulmo, ex Græco trahit vocabulum. Græci enim pulmonem ⁽⁹⁾ πλέυμονα vocant, eo quòd ⁽¹⁰⁾ cordis flabellum sit, in quo πνεῦμα, id est, spiritus inest, per quod, & agitantur, & moventur, undè, & pulmōnes vocati sunt. Nàm Græcè πνεῦμα spiritus dicitur, qui flando, & agitando aërem admittit, & rejicit, à quo moventur pulmōnes, & palpitant, & aperiendo se, ut flatum capiant, & stringendo, ut ejiciant. Est enim organum corporis.

Aa 2

Je-

(1) Quod idèd pulm. Ex Ambros. 6. cap. 9.

(2) Sinistra plus sanguinem. Ità optimi quique libri, rectè opinor, quamvis paulò insolentior constructio videri possit.

(3) Præcordia, è Serv. Æn. 7. ad v. Hule Dca caruleum v. d. c. anguem.

(4) Quibus sensus percipitur. Ex Aristotelis sententiâ: Nàm cerebro id tribuunt medici.

(5) Atque rivi. Ex Lact. cap. 7.

(6) Sanguis. Sup. lib. 4. cap. 3.

(7) Sanguis non est integer. è Serv. Æn. 2. ad v. Vos d quibus integer ævi sanguis.

(8) Indè genas lacerare. Pleniora hæc apud Serv. Æn. 12. ad v. Roscas laniata genas, & Æn. 6. ad v. Purpureas sup.

vest. & ad v. Purpureos spargam flores. Cantum tamen lege xii. tab. Mulier, faciem nē carpiat.

(9) Græci enim pulmōcin πλέυμονα vocant. πλέυμων est Atticis, aliis πλάμων. Alicant apud Eustarch. τῆς πλέυμονας σπιν.

(10) Cordis flabellum. Ventilabrum cordis dixit auctor lib. de Spir. & Anim. cap. 33.

147 ⁽¹⁾ Jecur, nomen habet, eo quòd ignis ibi habeat sedem, qui in cerebro subvolat. Indè ad oculos, cæterosque sensus, & membra diffunditur, & calore suo ad se succum ex cibo tractum vertit in sanguinem, quem ad usum pascendi, nutriendique singulis membris præbet. In jecore autem consistit voluptas, & concupiscentia, juxta eos, qui de Physicis disputant.

148 ⁽²⁾ Fibræ, jecoris sunt extremitates: ⁽³⁾ sicut extremæ partes foliorum in intybis, sivè quasi linguæ eminentes. Dictæ autem fibræ, quod apud gentiles in sacris ad Phœbi aras ferebantur ab ariolis, quibus oblati, atque succensis responsa acciperent.

149 Splen dictus à supplemento ex contraria parte jecoris nè vacua existeret, quem quidam etiam risus causa factum existimant: ⁽⁴⁾ nam splene ridemus, felle irascimur, corde sapimus, jecore amamus. Quibus quatuor elementis constantibus, integrum est animal.

150 Fel appellatum, quod sit folliculus gestans humorem, qui vocatur bilis.

151 Stomachus, Græcè os vocatur, eo quòd ostium ventris sit, & cibum excipiat, atque in intestina transmittat.

152 Intestina dicuntur, eo quòd corporis interiore parte cohibentur, quæ idcirco longis nexibus in circulo-
rum ordinata sunt modum: ut susce-
ptas escas paullatim egerant, & super-

additis cibis non impediuntur.

153 ⁽⁵⁾ Omentum, membranum, quod continet intestinorum majorem partem, quod ἐπίπλου Græci vocant.

154 Disseptum intestinum, quod discernit ventrem, & cætera intestina à pulmonibus, & à corde.

155 Cæcum instentinum, quòd sit sine foramine, & exitu, quod Græci, ⁽⁶⁾ τυφλὸν ἔντερον dicunt.

156 Jejunum, tenue intestinum, undè, & jejuniū dicitur.

157 ⁽⁷⁾ Venter autem, & alvus, & uterus inter se differunt. Venter est, qui acceptos cibos digerit, & apparet extrinsecus, pertinetque à pectore ad inguina. Et dictus venter, quod per totum corpus vitæ alimenta transmittat.

158 Alvus est, quæ cibum recipit, & purgari solet. Sallustius: Simulans sibi alvum purgari. Et vocatur alvus, quod abluatur, id est, purgetur. Ex ipsa enim sordes stercorum defluunt.

159 Uterum solæ mulieres habent, in quo concipiunt, ad similitudinem caliculi. Tamen auctores uterum pro utriuslibet sexus ventre plerumquæ, posunt, nè Poëtæ tantummodò, sed, & cæteri. Vocatus autem uterus, quòd duplex sit, & ⁽⁸⁾ ab utraque in duas se dividat partes, quæ in diversum diffusæ, ac replexæ circumplicantur in modum cornuum arietis, vel quòd interiùs impleatur foetu. Hinc, & uter, quod aliquid intrinsecùs habuerit, ut membra, & viscera.

160 ⁽⁹⁾ Aqualiculus autem, proprie

(1) Jecur eo quod ignis. Ut sit, quasi jacens ut, nam ut Isidoro ignis non uno in loco.

(2) Fibræ jecoris sunt. & Serv. An. 10 ad v. Cui pecudum fibræ.

(3) Sic et extremæ partes foliorum, intybi. Serv. Georg. 1. ad v. Amariss intyba fibris: fibris autem abusive, quod radices intyborum hæc, atque illac decurrunt: ut fibræ per jecur, id est, venæ quædam, & nervi. Unde hæc male affectæ sunt? Filorum legebat Chacon. Sed quid simile cum linguis eminentibus.

(4) Nam splene ridemus. Ex eod. An. 8. ad v. Exarserat atro felle dolor.

(5) Omentum membranum. Gloss. Omentum ἐπίπλου. Membranum οὐ μόνον.

(6) τυφλὸν ἔντερον. Fundulum vocat Varro, & jejuniū bilium.

(7) Venter. & Serv. An. 1. ad v. Uterumque a. m. c.

(8) Ab utraque in duas. Ex Lat. 12.

(9) Aqualiculus autem proprie porci est, h. a. v. transl. Referuntur eadem hæc verba à veteri Persii interprete.

prîe porci est, hînc ad ventrem translatio.

161 Matrix dicitur, quod fœtus in ea generetur, ⁽¹⁾ semen enim receptum confovet, confotum corporat, corporatum in membra distinguit.

162 Vulva vocata, quasi valva, i. janua ventris, vel quod semen recipiat, vel quod ex ea fœtus procedat.

163 Vesica dicta, quia sicut vas aqua, ita de renibus urina collecta completur, & humore distenditur: cujus usus in volucris non habetur.

164 Urina autem dicta, sive quod urat, sive quod ex renibus egeritur: cujus indicio, & salus, & ægritudo futura monstratur. Qui humor vulgò lotium dicitur, quod eo lota, i. munda vestimenta efficiantur.

165 Semen est, quod jactum sumitur, aut à terra, aut ab utero ad gignendum, vel fructus, vel fœtus. Est enim liquor ex cibi, & corporis decoctione factus, ac diffusus per venas, atque medullas, qui inde desudatus in modum sentinæ concrescit in renibus, ejectusque per coitum, & in utero mulieris susceptus, calore quodammo- dō viscerum, & menstrualis sanguinis irrigatione formatur in corpus.

166 Menstrua, supervacua mulierum sanguis. Dicta autem menstrua à circuitu lunaris luminis, quo solet hoc venire pro fluvium. Luna enim Græcè *μήνη* dicitur, hæc, & muliebria nuncupantur: nam mulier solum animal menstruale est. Cujus cruoris contactu fruges non germinant, accescunt musta, moriuntur herbæ, amittunt arbores fœtus, ⁽²⁾ ferrum rubigo

corripit, nigrescunt æra. Si qui canes indè ederint in rabiem efferantur. Glutinum asphalti, quod nec ferro, nèc aquis dissolvitur cruore ipso pollutum spontè dispergitur. Post plurimos autem dies menstruos idè semen non est ⁽³⁾ germinabile: quia jam non est menstrualis sanguis à quo perfusum irrigetur. Tenue semen locis muliebribus non adhæret: labitur enim, nèc habet vim adhærendi. Similiter, & crassum vim non habet gignendi, quia muliebri sanguini miscere se non potest propter nimiam sui spissitudinem. Hinc, & steriles mares, & fœminas (dicunt) fieri, vel per nimiam seminis, vel sanguinis crassitudinem, vel propter nimiam raritatem.

167 ⁽⁴⁾ Primum autem, ajunt, cor hominis fingi, quod in eo sit, & vita hominis, & sapientia: deindè quadragessimo die totum opus expleri, quod ex abortionibus, ut fertur, collectum est. ⁽⁵⁾ Alii fœtus à capite sumere dicunt exordium: undè, & in avium fœtibus primum oculos fingi in ovis videmus.

168 Fœtus autem nominatus, quod adhuc in utero foveatur: Cujus secundæ dicuntur folliculus, qui simul cum infante nascitur, continetque eum: dictus ita, quia cum, cum editur, sequitur.

169 ⁽⁶⁾ Nasci autem patribus similes, ajunt, si paternum semen validius sit: matribus, si matris hac ratione similes exprimi vultus. Qui autem utriusque parentis figuram reddunt, æqualiter mixto paterno, maternoque semine concipiuntur: avorum, proavorumque similes fieri, quia sicut in

Aa 3

ter-

(1) Semen receptum, &c. Verba sunt Hieronymi in Ep. ad Pamach., cotti. errores Joann. Hierosolymit.

(2) Ferrum rubigo, è Solin. cap. 4. Plin. lib. 7. cap. 15.

(3) Germinabile. Generabile Gotth. o. & Rab.

(4) Primum autem ajunt cor. Ex Lucif. cap. 12.

(5) Alii fœtus. Ex eod. cap. 11.

(6) Nasci autem cap. 12.

terra multa semina occulta, sic, & in nobis semina celantur, figuras parentum redditura. Ex paterno autem semine puellas nasci, & ex materno pueros: quia omnis partus constat duplici semine, cujus pars major cum invaluit, occupat similitudinem sexus.

170 In corpore nostro quædam tantum utilitatis causa facta sunt, ut viscera: quædam, & utilitatis, & decoris: ut sensus in facie, & in corpore manus, ac pedes, quorum membrorum, & utilitas magna est, & species decensissima.

171 ⁽¹⁾ Quædam tantum decoris: ut mamillæ in viris, & in utroque sexu umbilicus. Quædam discretionis: ut in viris genitalia, barba promissa, pectus amplum: in mulieribus leves genæ, & angustum pectus, ad concipiendos autem, & portandos foetus renes, & latera dilatata. Quod ad hominem, & ad partes attinet corporis ex parte dictum est, nunc ætates ejus subjungam.

CAPUT II.

De Ætatibus hominis.

1 **G**Radus ⁽²⁾ ætatis sex sunt, infantia, pueritia, adolescentia, juvenus, gravitas, atque senectus.

2 Prima ætas, infantia est pueri nascentis ad lucem, quæ porrigitur in septem annis.

3 Secunda ætas, pueritia, i. pura, & necdum ad generandum apta,

tendens, usque ad decimum quartum annum.

4 Tertia, adolescentia ⁽³⁾ ad gignendum adulta, quæ porrigitur, usque ad vigessimum octavum annum.

5 Quarta, juvenus firmissima ætatum omnium finiens in quinquagesimo anno.

6 Quinta ætas, senioris, i. gravitas, quæ est declinatio à juvenute in senectutem, ⁽⁴⁾ nondum senectus, sed jam non juvenus, quia senioris ætas est, ⁽⁵⁾ quam Græci *πρεσβύτης* vocant. Nam senex apud Græcos non Presbyter, sed *γέρον* dicitur. Quæ ætas quinquagesimo anno incipiens, septuagesimo terminatur.

7 Sexta ætas, est senectus, quæ nullo annorum tempore finitur, sed post quinque illas ætates quantumcumque vitæ est, senectuti deputatur.

8 Senium autem, pars est ultima senectutis, dicta, quod sit terminus sextæ ætatis. In his igitur sex spatiis Philosophi vitam descripserunt humanam, in quibus mutatur, & currit, & ad mortis terminum pervenit. Pergamus ergo breviter per prædictos gradus ætatum, etymologias earum in homine demonstrantes.

9 Infans, dicitur homo primæ ætatis, dictus autem infans, quia adhuc fari nescit, id est, loqui non potest: nondum enim benè ordinatis dentibus, minor est sermonis expressio.

10 ⁽⁶⁾ Puer, à puritate vocatus, quia purus est, & necdum lanuginem, floremque genarum habens. ⁽⁷⁾ Hi sunt ephœ-

(1) Quædam decoris. cap. 10.

(2) Cap. II. Gradus ætat. Vid. Serv. Æn. 5. Ambros. Ep. 49. Philon. de Mundi Opific.

(3) Ad gignendum adulta. Non sunt hac in quibusdam codicibus.

(4) Quinta senioris ætas—nondum senectus. Serv. Æn. 5. Tum senior tales: Secundum Varronem, junior, & senior comparativi sunt per diminutionem, &c. Item Æn. 6. ad v. Jam senior: Aut pro positivo posuit, aut senior est vicens senex, ut junior intra juvenem est, quam rem à Varrone tractatam confirmat, etiam Plinius. Ità verò distinguit senes à senibus. Varro apud Censorinum de die natali, ut seniores vocari dicat à xlv. usque ad lx. annum, quod tum primum senescere incipit corpus, post sexagesimum verò senio jam laboret.

(5) Quem Græci *πρεσβύτης*. Ex Aug. de Gen. contra Manich. lib. 1. cap. 23.

(6) Puer à puritate. Varro apud Censorin. Pueri, quod sint puri, id est, impuberes.

(7) Hi sunt ephœbi, i. à Phœbo. Immo ab Hebe.

ephœbi, id est, à Phœbo dicti, necdum viri, ⁽¹⁾ sed adolescentuli læves.

11 Puer autem tribus modis dicitur, pro nativitate, ut Esaias: Puer natus est nobis. Pro ætate, ut octennis, decennis. Undè est illud: Jàm puerile jugum tenera cervice gerebat. Pro obsequio, & fidei puritate: ut Dominus ad Prophetam: Puer meus es tu, noli timere, dùm jàm Jeremias longè pueritiæ excessisset annos.

12 ⁽²⁾ Puella est, parvula, quasi pulla: undè, & pupillos, non pro conditione, sed pro ætate puerili vocamus. Pupilli autem dicti, quasi sine oculis, hoc est, à parentibus orbi. ⁽³⁾ Hi autem verè pupilli dicuntur: quorum patres antè discesserunt, quàm ab eis nomen acciperent. Cæteri orbi vocantur orphani, iidem, qui & pupilli: illud enim nomen Græcum est, hoc Latinum. Nàm, & in Psalmo ubi legitur, Pupillo tu eris adjutor: Græcus habet ὀρφάλα.

13 Puberes à pube, i. à pudendis corporis nuncupati, quòd hæc loca tunc primùm lanuginem ducunt. Quidam autem ex annis pubertatem existimant, i. eum puberem esse, qui quatuordecim annos expleverit, quamvis tardissimè pubescat. Certissimum autem, puberem esse, qui, & ex habitu corporis pubertatem ostendat, & generare jàm possit.

14 Puerperæ sunt, quæ annis puerilibus pariunt. Undè, & Horat. Laudantur simili prole puerperæ. ⁽⁴⁾

Et dictæ puerperæ, vel quòd primo partu gravantur, vel quòd primùm pueros pariunt.

15 Adolescens dictus, eo quòd sit ad gignendum adultus, sivè à crescere, & augeri.

16 Juvenis vocatus, quòd juvare posse incipiat, ut in bubus juveni, cùm à vitulis discesserint. Est enim juvenis in ipso ætatis incremento positus, & ad auxilium præparatus. Nàm juvare hominis est opus aliquod conferentis. Sicut autem triginta perfectæ ætatis est annus in hominibus, ità in pecudibus, ac jumentis tertius robustissimus.

17 ⁽⁵⁾ Vir nuncupatus, quòd major in eo vis est, quàm in fœmina. Undè, & virtus nomen accepit, sivè quod vi agat fœminam.

18 Mulier verò, à mollitie, tanquàm mollier detracta littera, vel mutata, appellata est mulier.

19 Utrique enim fortitudine, & imbecillitate corporum separantur. Sed ideò virtus maxima viri, mulieris minor, ut patiens viro esset, scilicet, nè fœminis repugnantibus libido cogeret viros aliud appetere, aut in alium sexum proruere. Dicitur igitur mulier secundum fœmineum sexum, non secundum corruptionem integritatis, & hoc ex lingua Sacræ Scripturæ. Nàm Eva statim facta de latere viri sui, nondùm contacta à viro, mulier appellata est, dicente Scriptura: Et formavit eam in mulierem.

Vir-

(1) Adolescentuli læves. *Al. lenes.*

(2) Puella est parvula q. pulla. *Fest.* Pullus Jovis dicebatur Q. Fabius cui cognomen Eburno fuit, propter candorem, quòd ejus natis fulmine icta erat. Antiqui autem puerum, quem amabant, pullum ejus dicebant.

(3) Hi autem verè pupilli—quam ab eis nomen acciperent. *Prænomen* (intellige) quòd antè pubertatem non accipiebatur. Nàm gentis, vel familiæ nomen lustrico die accipiebantur auctoribus. *Fest. Macrob. & Plutarch. in Problem. Et Julius Paris (seu Probus) in Epitom. lib. 10. Val. Max.* Patris, non prius, quam togam virilem sumerent, puellis, non antequam nuberent, prænominia imponi, Q. Scævola auctor est. *Et postea, Publii, qui prius pupilli facti erant, quam prænominia haberent. Alii omnia causa ex pube. Vid. A. August. in not. 1. Collect. decretal. cap. 7. de Despons. impub. & cap. 3. eo sit.*

Greg. 9.

(4) Et dictæ puerperæ. *Hieronym. in Jerem. cap. 4.* Puerpera interpretatur, quæ primos parit fœtus. *At Donatus in And.* Omnis quæ peperit puerpera, quæ primùm *περὶ γέννησιν*. *Paulus cap. 163. de Verb. sign.* Puerperas appellant recentes ex partu.

(5) Vir. *Ex Lat. cap. 12.*

20 ⁽¹⁾ Virgo à viridiore ætate dicta est, sicut virga, & vitula. Alias ab incorruptione, quasi virago, quod ignoret foemineam passionem.

21 ⁽²⁾ Virago vocata, quia virum agit, hoc est, opera virilia facit, & masculini vigoris est. Antiqui enim fortes foeminas ita vocabant. Virgo autem non rectè virago dicitur, si non viri officio fungatur. Mulier verò si virilia opera facit, rectè virago dicitur, ut Amazon. Quæ verò nunc foemina, antiquitus vira vocabatur, sicut à servo serva, sicut à famulo famula, ita à viro vira. Hinc, & virginis nomen quidam putant.

22 Foemina verò à partibus femorum dicta, ubi sexus species à viro distinguitur. Alii ⁽³⁾ Græca etymologia foeminam ab ignea vi dictam putant, quia vehementer concupiscit. Libidinosiores enim viris foeminæ sunt, tam in mulieribus, quam in animalibus. Undè nimius amor apud antiquos foemineus vocabatur.

23 Senior est adhuc viridior. * Ovidius in. 6. lib. Senior, inter juvenemque, senemque. Ter. Quo jure sum usus adolescentior.

24 Adolescentior non utique magis adolescens, sed minus; ⁽⁴⁾ ut senior minus senex: ubi comparativus gradus minus significat à positivo. Ergo senior non satis senex, sicut junior intra juvenem, sicut pauperior intra pauperem.

25 Senes autem dictos quidam putant à sensus diminutione, eo quod jam præ vetustate desipiant. ⁽⁵⁾ Nam Physici dicunt homines stultos esse frigidioris sanguinis, prudentes calidi. Undè, & senes in quibus jam friget, & pueri in quibus necdum calet, minus sapiunt: indè est, quod convenit sibi infantum ætas, & senum. Senes enim per nimiam ætatem delirant, pueri per lasciviam, & infantiam ignorant, quid agant. Senex autem tantum masculini generis est, sicut anus foeminini: nam anus dicitur sola mulier. Anus autem appellata à multis annis, quasi annosa. ⁽⁶⁾ Nam si commune esset nomen, cur diceret Terentius, senem mulierem? Hinc, & verula, quia vetusta. Sicut autem à sene senectus, ita ab anu anilitas nominata est.

26 Canities autem vocata à candore, quasi candidities. Undè est illud: Florida juvenus, laetæ canities, prout diceret, candida.

27 ⁽⁷⁾ Senectus autem multa secum, & bona affert, & mala. Bona, quia nos ab impotentissimis dominis liberat, voluptatibus imponit modum, libidinis frangit impetus, auget sapientiam, dat maturiora consilia. Mala autem, quia senium miserri-mum est, debilitate, & odio. Subeunt enim morbi, tristicque senectus. ⁽⁸⁾ Nam duo sunt, quibus minuuntur corporis vires: senectus, & morbus.

Mors

(1) Virgo à viridiore æt. à Serv. eclog. 3. ad v. Bis venit ad mulctram.

(2) Virago. Ex cod. Æn. 12. ad v. Juturna virago.

(3) Alii Græca etymologia. An quasi igne vira.

(4) Minus significat à positivo. Verba sunt Donati in Prolog. Hecyr.

(5) Nam si commune esset nomen, cur Terentius diceret senem mulierem? Assentior Chaconi, qui hæc putabat aliena.

(6) Nam si commune esset nomen, cur Terentius diceret senem mulierem? Assentior Chaconi, qui hæc putabat aliena, ejusque, cui Isidori sententia displiceret, itaque objiceret. Nisi commune esset nomen, &c. Sed fustis laborat Donatus, (quem Isidorus sequitur) ut senem & et nomen esse commune. Papinius sive Pomponius apud Varronem lib. 6.

Ridiculum est, cum te cascam tua dicit amica.

Fili Potoni sesquisenex puerum.

Dic tu illam pusam: sic fiet Mutua muli.

Nam verè pusus tu, tua amica senex. Et Tibullus.

Hanc animo gaudente vident juvenesque, senesque.

Commemorant merito tot mala ferre senem.

(7) Senectus autem. Ex Hieron. Pref. ad lib. 2. in Amos.

(8) Nam duo sunt. à Serv. Georg. 2. ad v. Subeunt morbi tristicque senectus.

28 Mors dicta, quod sit amara, vel à Marte, qui est effector mortium.

29 Tria sunt autem genera mortis, acerba, immatura, naturalis. Acerba infantium, immatura juvenum, matura, id est, naturalis senum.

30 Mortuus autem ex qua parte orationis declinetur incertum est. Nam, sicut ait Cæsar, ab eo quod est morior in participio præteriti temporis in tus exire debuit, per unum scilicet, u. non per duo. Nam ubi geminata est littera nomen est, non participium, ut fatuus, arduus. Convenienter itaque factum, ut quemadmodum, id quod significat, non potest agendo: ita, & ipsum nomen non possit loquendo declinari. Omnis autem mortuus, aut funus est, aut cadaver.

31 ⁽¹⁾ Funus est, si sepeliatur. Et dictum funus à funibus accensis, quos ante feretrum papyris cera circumdatis ferebant.

32 ⁽²⁾ Cadaver autem est, si insepultum jacet. Nam Cadaver nominatum à cadendo, quia jam stare non potest. ⁽³⁾ Quod dum portatur, exequias dicimus: crematum, reliquias: conditum jam sepultum. Corpus autem consuetudine dicitur, ut illud: Tùm corpora luce carentum.

33 Defunctus vocatus, quia complevit vitæ officium. Nam dicimus defunctos officio, qui officia debita compleverunt, unde, & honoribus functos: Hinc ergo defunctus, quod ab officio sit vitæ depositus: sive quod sit diem functus.

34 ⁽⁴⁾ Sepultus autem dictus, eo

quod jam sine pulsu, & palpitatione est, id est, sine motu. Sepelire autem est, condere corpus. Nam humare obruere dicimus, hoc est humum injicere.

CAPUT III.

De Portentis.

I **P**Ortenta ⁽¹⁾ esse ait Varro, quæ contra naturam nata videntur: sed non sunt contra naturam, quia divina voluntate fiunt, cum voluntas creatoris cujusque conditæ rei natura sit. Unde, & ipsi Gentiles Deum modò naturam, modò Deum appellant. Portentum ergo fit non contra naturam, sed contra quam est nota natura. Portenta autem, & ostenta, monstra, atque prodigia, ideò nuncupantur, quod portendere, atque ostendere, monstrare, atque prædicere aliqua futura videntur. ⁽²⁾ Nam portenta dicta perhibentur à portendendo, id est, præostendendo. Ostenta autem, quod ostendere quidquam futurum videantur. Prodigia, quod porro dicant, id est, futura prædicant. Monstra verò à monitu dicta, quod aliquid significandum demonstrent, sive quod statim monstrent quid appareat, & hoc proprietatis est: abusione tamen scriptorum plerumque corrumpitur. Quædam autem portentorum creationes in significationibus futuris constitutæ videntur. Vult enim Deus interdum ventura significare per aliqua nascentium noxia: sicut, & per somnos, & per oracula, quibus præmoneat, & significet quibusdam, vel gentibus, vel hominibus futuram cladem,

(1) Funus. Ex eod. Æn. 1. ad v. Noctem flammis funalia. v. ead. lib. 10. cap. 10.

(2) Cadaver. Ex eod. Æn. 6. ad v. Belloque caduci.

(3) Quod dum portatur. Ex eod. Æn. 2. ad v. Patrios fœdasti s. v.

(4) Sepultus. Ex eod. Æn. 3. ad v. Parce sepulto.

(5) Cap. III. Portenta. Ex Aug. 21. de Civ. cap. 8.

(6) Nam portenta. Cic. 2. de Divin. Quia enim ostendunt, portendunt, monstrent, prædicunt; ostenta, monstra, prodigia dicuntur.

dem, quod plurimis etiam experimentis probatum est. ⁽¹⁾ Xerxi quippè lepus ex equa creata, dissolvi regnum portendit. Alexandro ex muliere monstrum creatum est, quod superiores corporis partes hominis, sed mortuas habuerit, inferiores diversarum bestiarum, sed viventes: significasse repentinam regis interfectionem, supervixerant enim deteriora melioribus. Sed hæc monstra, quæ in significationibus dantur: non diù vivunt, sed continuò, ut nata fuerint, occidunt.

2 Inter portentum, & portentosum differt. Nam portenta sunt, quæ transfigurantur, sicut fertur in Umbria mulierem peperisse serpentem. Undè Lucanus: Matremque suus contreruit infans. Portentosa verò levem sumunt mutationem. Exempli causa, cum sex digitis nati. Portenta igitur, vel portentosa existunt, alia magnitudine totius corporis ultra communem hominum modum, ⁽²⁾ quantus fuit Tityon in novem jugeribus jacens, ⁽³⁾ Homero testante: alia, parvitate totius corporis: ut Nani, vel quos Græci pygmæos vocant, eo quod sint statura cubitales: alii magnitudine partium, veluti capite informi, aut superfluis membrorum partibus: ut bicipites, & trimani, ⁽⁴⁾ vel Cynodontes, quibus gemini procedunt dentes. Alii à defectu partium, in quibus altera pars plurimum deficit ab altera: ut manus à manu, vel pes à pede. Alii à discisione, ut sine manu, aut capite

generata, quos Græci steresios vocant. ⁽⁵⁾ Alia privimeria, quando solum caput, aut crus nascitur. Alia, quæ in parte transfigurantur, sicut, qui leonibus habent vultum, vel canis, vel taurinum caput, aut corpus: ut ex Pasiphæ memorant genitum Minotaurum, quod Græci *ἐτερομορφίαν* vocant. Alia, quæ ex omni parte transfigurantur in alienæ creationis portentum: ut ex muliere vitulum dicit historia generatum. Alia, quæ sine transfiguratione mutationem habent locorum: ut oculos in pectore, vel in fronte, aures supra tempora, vel sicut Aristoteles tradidit, quemdam in sinistra parte jecur, in dextera splenem habuisse. Alia secundum connaturationem: ut in alia manu digiti plures connaturati, & cohærentes reperiuntur, in alia minus, sive in pedibus. Alia secundum immaturam, & intemperatam creationem, sicut ii, qui dentati nascuntur, sive barbati, vel cani. Alia complexu plurimarum differentiarum, sicut illud, quod prædiximus in Alexandro multiforme portentum. Alia commixtione generis: ut *ἀνδρόγαυροι* qui, & *ἑρμαφροδίται* vocantur. ⁽⁶⁾ Hermaphroditæ autem nuncupati, eo quod eis uterque sexus appareat. *ἑρμῆς* Quippè apud Græcos Mercurius est: *ἀφροδίτη* Venus nuncupatur: ⁽⁷⁾ hi dextram mamillam virilem, sinistram muliebrem habentes vicissim coeundo, & gignunt, & pariunt.

3 Sicut autem in singulis gentibus quædam monstra sunt hominum, ita

(1) Xerxi quippè lepus. *Lepus scripsimus ex Herodoto in Polyhymnia, & Valer. Max. de Prodig. cum vulpes inversis litteris in omnibus CC. legeretur.*

(2) Quantus fuit Tityon. Cui tota novem per jugera corpus porrigitur. *Æn. 6.*

(3) Homero testante, *ἰδύοσα*.

(4) Vel Cynodontes. à Solon. 4.

(5) Alia privimeria. Ita Rabanus, nequè compositio Latina vocis suspecta esse debet, quando nequè epitogium respicit Quintilianus. *Hos juvenes vocat Agell. lib. 9. cap. 4.*

(6) Hermaphroditæ. Mirum Hermaphrodita, non Hermaphroditi in omnibus libris legi, cum dicat Aug. 16. de Civit. cap. 8. Consuetudinem loquendi prævaluisse, ut à meliore, hoc est, à masculino sexu appellarentur. Nam nemo (inquit) unquam, aut Androgynas, aut Hermaphroditas nuncupavit: Equas tamen Hermaphroditæ dixit Plin. 11. cap. 49.

(7) Hi dextram mamillam. à Plin. 8. cap. 2.

ità in universo genere humano quædam monstra sunt gentium, ut Gigantes, Cynocephali, Cyclopes, &c.

4 ⁽¹⁾ Gigantes dicti juxta Græci sermonis etymologiam, qui eos γίγαντες existimant, id est, terrigenas, eo quod eos fabulosè parens terra immensa mole, & similes sibi genuerit: γῆ enim terra appellatur: γένος genus, licèt, & terræ filios vulgus vocet, quorum genus incertum est. ⁽²⁾ Falsò autem opinantur quidam imperiti de Scripturis Sanctis, prævaricatores Angelos cum filiabus hominum ante diluvium concubuisse, & exindè natos Gigantes, id est, nimium grandes, & fortes viros, de quibus terra completa est.

5 ⁽³⁾ Cynocephali appellantur eo quòd canina capita habeant, quosque ipse latratus magis bestias, quàm homines confitetur: hi in India nascuntur.

6 Cyclopes, quoquè eadem India gignit, & dicti Cyclopes, eo quòd unum oculum in fronte media habere perhibentur. ⁽⁴⁾ Hi, & ἀγριοφαγίται dicuntur, propter quod solas ferarum carnes edunt.

7 ⁽⁵⁾ Blemmyas in Libya credunt truncos sine capite nasci, & os, & oculos habere in pectore. ⁽⁶⁾ Alios sine cervicibus gigni, oculos habentes in humeris.

8 ⁽⁷⁾ In ultimo autem Orientis monstrosæ gentium facies scribuntur. Aliæ sine naribus, æquali totius oris

planicie, informes habentes vultus. Aliæ labro subteriori adeò prominenti, ut in solis ardoribus totam ex eo faciem contegant dormientes. Aliis concreta ora esse, modico tantum foramine calamis avenarum pastus haurientes. Nonnulli sine linguis esse dicuntur, in vicem sermonis utentes nutu, sivè motu.

9 Panotios apud Scythiam esse ferunt, tam diffusa aurium magnitudine, ut omne corpus ex eis contegant: πάν enim Græco sermone omne, ὅτα aures dicuntur.

10 ⁽⁸⁾ Artabatitæ in Æthiopia proni, ut pecora, ambulare dicuntur quadragesimum ævi annum nullus supergreditur.

11 ⁽⁹⁾ Satyri, homunciones sunt aduncis naribus, cornua in frontibus, (habent) & caprarum pedibus similes, qualem in solitudine Antonius Sanctus vidit. Qui etiam interrogatus, Dei servo respondisse fertur, dicens: Mortalis ego sum unus ex accolis eremi, quos vario delusa errore gentilitas Faunos, Satyrosque colit.

12 ⁽¹⁰⁾ Dicuntur quidam, & sylvestres homines, quos nonnulli ⁽¹¹⁾ Faunos ficarios vocant.

13 Sciopodum gens fertur esse in Æthiopia, singulis cruribus, & celeritate mirabili: ⁽¹²⁾ quos indè Χιόποδας Græci vocant, eo quòd per æstum in terra resupini jacentes, pedum suorum magnitudine adumbrentur.

14 ⁽¹³⁾ Antipodes, in Libya plan-

tas

(1) Gigantes—qui eos gigenas. Sic Callimach. in lavacro Pallad. & Gloss. Terrigenæ, γιγάντες.

(2) Falso autem opinantur. Sumpta sunt hæc ex 3. de Civit. cap. 4. Fuit verò opinio, quæ hic exploditur gravissimorum auctorum, Clementis Alexandrini, Iustini Martyris, Cypriani, Ambrosii, Lactantii. Augustinus questionem proposuit, quid ipse sentiret, non pronuntiavit.

(3) Cynocephali. Augustini verba sunt 16. de Civit. cap. 8. Vid. Elian. & Plin.

(4) Hi, & agriophagitæ. Plin. 6. cap. 36. Solinus agriophagos vocat.

(5) Blemmyas. Plin. 5. cap. 8. Solin. cap. 34.

(6) Alios sine cervicibus. Ex Plin. 7. cap. 2. Vid. Aug. 16. de Civit. cap. 8. & Agell. lib. 9. cap. 4.

(7) In ultim. autem Orient. Ex Solin. cap. 32.

(8) Artabatitæ. Ità in Plinii emendationibus libris: apud Solinum Artabathitæ.

(9) Satyri. Ex Hieronym. In vita Pauli Eremitæ.

(10) Dicuntur, & quidam sylvestres. Vid. lib. 8. cap. ultim.

(11) Faunos ficarios. Faunos ficarios. C. Card. Sirleti, & Complut. Gotth. & Jerem. 50. Hieronymus cum fatuis ficariis.

(12) Quos indè Sciopodas. Plin. lib. 7. cap. 2. Aug. 16. de Civit. cap. 8. Agell. 9. cap. 4.

(13) Antipodes in Lib. Androphagi in Scythia legebat Chacon ex Plin. 7. cap. 2.

tas versas habent post crura, & octenos digitos in plantis.

15 Hippopodes in Scythia sunt, humanam formam, & equinos pedes habentes.

16 In India ferunt esse gentem, ⁽¹⁾ quæ *μακρόποιοι* nuncupantur octo pedum staturam habentes. Est, & gens ibi statura cubitalis, ⁽²⁾ quos Græci à cubito Pygmæos vocant, de qua supra diximus. Hi montana Indiæ tenent, quibus est vicinus Oceanus.

17 Perhibent, & in eadem India esse gentem fœminarum, quæ quinquentes concipiunt, & octavum vitæ annum non excedunt.

18 Dicuntur autem, & alia hominum fabulosa portenta, quæ non sunt, sed ficta: & in causis rerum interpretantur, ut Geryonem Hispaniæ Regem ⁽³⁾ triplici forma proditum. Fuerunt enim tres fratres tantæ concordiae, ut in tribus corporibus, quasi una anima esset.

19 ⁽⁴⁾ Gorgones quoque, meretrices crinitas serpentibus ferunt, quæ aspicientes convertebant in lapides, habentes unum oculum quo invicem utebantur. Fuerunt autem tres forores unius pulchritudinis, quasi unius oculi, quæ ita spectatores suos stupescere faciebant, ut vetere eos putarentur in lapides.

20 ⁽⁵⁾ Sirenas, tres fingunt fuisse ex parte virgines, ex parte volucres, habentes alas, & ungulas: quarum una voce, altera tibiis, tertia lyra ca-

nebat. Quæ illectos navigantes suo cantu in naufragia trahebant. Secundum veritatem autem meretricis fuerunt, quæ transeuntes, quoniam ad egestatem deducebant, iis fictæ sunt inferre naufragia. Alas autem habuissent: & ungulas, quia amor, & volat, & vulnerat. Quæ indè in fluctibus commorasse dicuntur, quia fluctus Venerem creaverunt.

21 ⁽⁶⁾ Scyllam quoque ferunt fœminam capitibus succinctam caninis, cum latratibus magnis propter fretum. Siculi maris, in quo navigantes verticibus in se concurrentium undarum exterriti, latrare existimant undas, quas sorbentis æstus vorago collidit.

22 Fingunt, & monstra quædam irrationalium animantium: ut Cerberum inferorum canem tria capita habentem, significantes per eum tres ætates, per quas mors hominem devorat, id est, infantiam, juventutem, & senectutem. ⁽⁷⁾ Quem quidam idè dictum Cerberum putant, quasi sit *κροκόποδς*, id est, carnem vorans.

23 Dicunt, & Hydram serpentem, cum novem capitibus, ⁽⁸⁾ quæ Latinè Excetra dicitur, quod uno cæso tria capita excrescebant. Sed constat hydram locum fuisse evomentem aquas, vastantem vicinam Civitatem, in quo uno clauso meatu, multi erumpebant. Quod Hercules videns, loca ipsa exussit, & sic aquæ clausit meatus. Nam hydra, ab aqua dicta est: ⁽⁹⁾ huius mentionem facit Ambrosius in

si-

(1) Qui macrobii nuncupatur octo ped. Optimè restituit hunc locum Chacon, cum n. xii. legatur in omnibus libris, deprehendit librariorum fuisse erratum, qui xii. pro iix. scripserunt. Nam horum corpora cubitorum, quinum, & binorum palmorum facit Plinius ex Onesicrito. Porro quinos cubitos, qui singuli seque pedibus constant, & binos palmos, qui semipedem faciunt, octo esse pedes, non duodecim.

(2) Quos pygmæos. Ex 16. de Civit. cap. 8.

(3) Triplici forma proditum. Al. proditum. Sed proditum retinimus ex Justino lib. 44. Porro Geryonem ipsum non triplicis naturæ, ut fabulis proditur fuisse.

(4) Gorgones quoque. à Serv. Æn. 6.

(5) Sirenes. Ex eod. Æn. 5.

(6) Scyllam quoque. Locus adumbratus ex Justini lib. 4.

(7) Quem quidem idè dictum cerber. à Serv. Æn. 6. ad v. Custodem in v. p.

(8) Quæ Latinè excetra. Ex eod. Æn. 6. ad v. Bellua lerna.

(9) Huius mentionem facit Ambrosius. Lib. 1. de Fid. cap. 4.

similitudinem hæresium , dicens : Hæresis enim , velut quædam hydra fabularum , vulneribus suis crevit : & dum sæpè reciditur , pullulat , ingni debita , incendioque peritura.

24 ⁽¹⁾ Fingunt , & Chimæram triformem bestiam : ore leonem , postremis partibus draconem , media capream. Quam quidam Physiologi non animal , sed Lyciæ montem esse ajunt , quibusdam locis leones , & capreas nutrientem , quibusdam ardentem , quibusdam plenum serpentibus. Hunc Bellerophontes habitabilem fecit , unde Chimæram dicitur occidisce.

25 Centauris autem , id est , hominibus equo mixtis species vocabulum dedit , quos quidam fuisse equites Thessalorum dicunt , sed quòd discurrerent in bello , velut unum corpus equorum , & hominum viderentur , inde Centauros fictos asseruerunt.

26 Porrò Minotaurum nomen sumpsisse ex tauro , & homine , qualem bestiam dicunt fabulosè in Labyrintho inclusam fuisse. De qua Ovidius : Semibovemque virum , semivirumque bovem.

27 ⁽²⁾ Onocentaurus autem vocatur , eo quod media hominis species , media asini esse dicatur , sicut , & Hypocentauri , quod equorum ,

hominumque in eis natura conjuncta fuisse putatur.

CAPUT IV.

De Transformatis.

1 **S**cribuntur autem , & quædam monstrosæ hominum transformationes , & commutationes in bestias , sicut de illa maga famosissima Circe , quæ socios quoque Ulyssis mutasse fertur in bestias , & de Arcadibus , qui sorte ducti , transnatabant quoddam stagnum , atquè ibi convertebantur in lupos. Nam , & Diomedis socios in volucres fuisse conversos , non fabuloso mendacio , sed historica affirmatione confirmant. Sed , & quidam asserunt Strigas ex hominibus fieri. Ad multa enim latrocinia figuræ sceleratorum mutantur , ⁽³⁾ & sive magicis cantibus , sive herbarum beneficio , totis corporibus in feras transeunt. Siquidem , & per naturam pleraque mutationem recipiunt , & corrupta in diversas species transformantur : sicut de vitulorum carnibus putridis apes : sicut de equis scarabei : de mulis locustæ : de cancri scorpiones. Ovidius : Concava littorei si demas brachia cancri : Scorpius exibat , caudaque minabitur unca.

Bb

DI.

(1) Fingunt , & chim. Ex eod. Servii loca.

(2) Onocentaur. Hier. l. cap. 14. Porrò centauri nomen ex asinis , centaurisque compositum. At Isidorus hominis pro Centauri videtur scripsisse.

(3) Cap. IV. Et sive magicis artibus. Omnia ferè ex Aug. 18. de Civitate cap. 16. & sequentibus.

DIVI ISIDORI HISPALENSIS EPISCOPI ETYMOLOGIARUM LIBER DUODECIMUS. DE ANIMALIBUS.

CAPUT PRIMUM.

De Pecoribus, & Jumentis.

I OMNIBUS ⁽¹⁾ animantibus Adam primum vocabula indidit, appellans unicuique nomen ex præsenti institutione, juxta conditionem naturæ cui serviret. Gentes autem unicuique animalium ex propria lingua dederunt vocabula. Non autem secundum Latinam linguam, atque Græcam, aut quarumlibet gentium barbarum nomina illa imposuit Adam: ⁽²⁾ sed illa lingua, quæ ante diluvium omnium una fuit, quæ Hebræa nuncupatur.

² Latine autem animalia, sive animantia dicta, quod animentur vita, & moveantur spiritu.

³ ⁽³⁾ Quadrupedia vocata, quia quatuor pedibus gradiuntur, quæ dum sint similia pecoribus, tamen sub cura humana non sunt: ut cervi, damæ, onagri, &c. Sed nequæ bestię sunt, ut leones: nequæ jumenta, ut usus hominum juvare possint.

⁴ ⁽⁴⁾ Pecus dicimus omne, quod humana lingua, & effigie caret. ⁽⁵⁾ Pro-

prie autem pecorum nomen iis animalibus accommodari solet, quæ sunt, aut ad vescendum apta, ut oves, & sves: aut in usu hominum commoda, ut equi, & boves. Differt autem inter pecora, & pecudes: nam veteres communiter in significatione omnium animalium pecora dixerunt: pecudes autem tantum illa animalia, quæ eduntur, quasi pecuedes. Generaliter autem omne animal pecus à pascendo vocatur.

⁵ Jumenta nomina indè traxerunt, quod nostrum laborem, vel onus suo adjutorio subvectando, vel arando juvent. ⁽⁶⁾ Nam bos carpenta trahit, & durissimas terræ glebas vomere vertit. Equus, & asinus portant onera, & hominum in gradiendo laborem temperant. Unde, & jumenta appellantur ab eo, quod juvent homines, sunt enim magnarum virium animalia.

⁶ Eadem quoque armenta, vel ⁽⁷⁾ quod sint apta armis, id est, bello: vel quod his in armis utimur. ⁽⁸⁾ Alii armenta tantum boves intelligunt ab arando, quasi aramenta, vel quod sint cornibus armata. Discretio est autem inter armenta, & greges: nam armen-

(1) Cap. I. Omnibus animantibus Adam. Ex Tertull. lib. de Virg. veland.

(2) Sed illa lingua, quæ ante diluv. Sup. lib. 9. cap. 1.

(3) Quadrupedia vocata. Ex Aug. 3. de Gen. ad lit. cap. 11.

(4) Pecus. è Serv. ad v. Ignavum fucos pecus. Æn. 1.

(5) Proprie autem pecorum, &c. Ex August. 3. de Gen. ad lit.

(6) Nam bos carpenta. Ex Hieronym. in Is. c. 1.

(7) Quod sint apta armis. è Serv. ad v. Bellum hæc arm. min. Æn. 3. Itemque Georg. 3. — Seu quis Olympiæ.

(8) Alii armenta tantum. è Serv. loco proximo cit.

menta equorum, & boum sunt, greges verò caprarum, & ovium.

7 ⁽¹⁾ Ovis, molle pecus lanis, corpore inerme, animo placidum, ab oblatione dictum, eo quod apud veteres in initio non tauri, sed oves in sacrificio mactarentur. ⁽²⁾ Ex iis quasdam bidentes vocant, eo quod inter octo dentes duos altiores habent: quas maximè gentiles in sacrificium offerebant.

8 ⁽³⁾ Vervex, vel à viribus dictus, quòd cæteris ovibus sit fortior, vel quod sit vir, i. masculus, vel quod vermem in capite habeant: quorum excitati pruritu, invicem se concutiant, & pugnantes cum magno impetu feriunt.

9 ⁽⁴⁾ Aries, vel ἀπὸ τοῦ ἀρεός, id est, à Marte vocatus, undè apud nos in gregibus masculi mares dicuntur: sive quod hoc pecus à gentilibus primum aris est immolatum. Aries, quod aris imponeretur. Undè est illud: Aries mactatur ad aram.

10 ⁽⁵⁾ Agnum, quanquam, & Græci vocent ἀπὸ τοῦ ἀγνός, quasi pium, Latini tamen idè hoc nomen habere putant, eo quod præ cæteris animalibus matrem agnoscat: adeò, ⁽⁶⁾ ut etiamsi in magno grege erraverit, sta-

tim balatu recognoscat vocem parentis.

11 ⁽⁷⁾ Hœdi ab edendo vocati, parvi enim pinguiissimi sunt, & saporis jucundi: undè, & edere, indè, & edulium vocatur.

12 Hircus, lascivum animal, & petulcum, & fervens semper ad coitum, cujus oculi ob libidinem in transversum aspiciunt, undè, & nomen traxit. ⁽⁸⁾ Nam hirci sunt oculorum anguli secundum Suetonium, cujus natura adeò calidissima est, ut adamantem lapidem, quem nec ignis, nec ferri domare valet materia, solus hujus cruor dissolvat. ⁽⁹⁾ Majores hirci Cinipii dicuntur à fluvio Ciniphe in Libya, ubi grandes nascuntur.

13 Capros, & capras à carpendis virgultis quidam dixerunt. Alii, quòd captent aspera. Nonnulli à crepitu crurum, ⁽¹⁰⁾ undè eas crepas vocitatas, quæ sunt capræ agrestes, ⁽¹¹⁾ quas Græci, pro eo quod acutissimè videant, ἀπὸ τῆ ὀξύ δερκέεσθαι dorcadas appellaverunt. Morantur enim in excelsis montibus, & quamvis de longinquo: vident tamen omnes, qui veniunt. Eadem autem, & capræ: eadem Ibices, quasi avices, eo quod ad instar avium ardua, & excelsa teneant, & in sublimi inhabitent: ità ut de sub-

Bb 2 bli-

(1) Ovis ab oblatione. Cur non ab eis? Septè gaudet ad terum, vel naturas, vel usus, magis quàm ad voces respicere, quod non semel monuimus.

(2) Ex iis quasdam bidentes. Vid. Serv. ad v. Mactant lætis de more, bidentes. Æn. 4. & Agell. lib. 16. & Fest. in bidental.

(3) Vervex, vel à viribus. A natura versa Varro.

(4) Aries, vel ἀπὸ τῆ ἀρεός, id est, à Marte. Varro. Aries, quod cum dicebant ares, veteres, nostri arviga.

(5) Agn. — ἀπὸ τῆ ἀγνός, quasi pium. Pium fortasse ex Festo. Glossar. agnus ἀγρίος, sive ἀγρῶς, & ἀγρὸς καλῶν, & castus. Varro tamen, quod pecori ovili agnatus sit Latina origine agnum dictum vult.

(6) Ut si in magno grege erraverit. Ex Ambros. Hexam. 6. cap. 4.

(7) Hœdi ab edendo. Eadem pro hœdi dixisse antiquos, tradit Festus; atqui digammon pro V. & contra Gotthos consuevit scribere ex Isidori codicibus satis constat. Nam, & paulo post Cinyoi, pro Cynipii, & tragelavi pro tragelaphi scribitur in omnibus nostris. Erit ergo hœdus, vel fœdus, quasi vedus, vel vestus, (licet enim nobis his de rebus cum gravissimis auctoribus interdum arguatur) idque secutum fuisse Isidorum, ratio, quam subjicit, satis videtur ostendere, ea est: parvi enim pinguiissimi sunt, & saporis jucundi. Voces quoque illas undè, & edere, quas alii expungendas censuerant, nos (cum in omnibus libris legantur) libenter retinemus; scribimusque, undè, & edere. Festus n. hederam, vel quòd hœreat, vel quòd edat, vel quòd edita petat, dictam existimat.

(8) Nam hirci sunt oculorum anguli. è Serv. ad eclog. 3. hircos autem, an hircos pro eodem scribas, nihil refert, ut recte monet Pierius Valerianus.

(9) Majores — à fluvio Ciniphe in Libya. Undè Theocrit. idil. 3. τὸν λιθὺν καὶ ἀκμὰ φιλάσσει μὲν τὸ κεφάλιν.

(10) Undè eas crepas. Festus. Capræ dicunt, vel quòd omne virgultum carpant, sive à crepitu crurum, undè, & crepas eas prisci dixerunt.

(11) Quas Græci pro eo, quòd acutissimè videant. Origen. homil. 2. in Cant. interprete Hieronym. Caprea, (inquit) id est, dorcadas acutissimè videt.

blimitate vix humanis obtutibus pateant. ⁽¹⁾ Undè, & meridiana pars Ibices aves vocat, quæ Nili fluentis inhabitant. Hæc itaque animalia, ut diximus, in petris altissimis commorantur, & si quandò ferarum, vel hominum adversitatem persenserint, de altissimis saxorum cacuminibus sese præcipitantes in suis se cornibus illæsa suscipiunt.

14 ⁽²⁾ Cervi dicti ἀπὸ τῶν κεράτων, i. à cornibus. κέρατα enim Græcè cornua dicuntur. ⁽³⁾ Hi serpentium inimici cùm se gravatos in infirmitate persenserint, spiritu narium eos extrahunt de cavernis, & superacta perniciæ veneni eorum pabulo reparantur. ⁽⁴⁾ Dictamnium herbam ipsi prodiderunt. Nam ea pasti excutiant acceptas sagittas. Mirantur autem sibilum fistularum. Erectis auribus acutè audiunt, summissis nihil. ⁽⁵⁾ Si quandò immensa flumina, vel maria transnatant, capita clunibus præcedentium superponunt, sibique invicem succedentes nullum laborem ponderis sentiunt.

15 ⁽⁶⁾ Tragelaphi à Græcis nominati, qui dùm eadem specie sint, ut cervi, villosos tamen habent armos, ut hirci, & menta promissis hirta barbis, qui non alibi sunt, quàm circa Phasidem.

16 ⁽⁷⁾ Innuli, filii sunt cervorum ab innuere dicti: quia ad nutum matris absconduntur.

17 Damula vocata, quod de manu effugiat: timidum animal, & imbelles: de quo Martialis: Dente timetur aper, defendunt cornua cervum. Imbelles damæ, quid nisi præda sumus.

18 ⁽⁸⁾ Lepus, quasi levipes, quia velocitèr currit. ⁽⁹⁾ Undè, & Græcè pro cursu λαγὼς dicitur: velox est enim animal, & satis timidum.

19 ⁽¹⁰⁾ Cuniculi, genus agrestium animalium, dicti, quasi caniculi, eo quòd canum indagine capiantur, vel excludantur ab speluncis.

20 ⁽¹¹⁾ Sus dicta, quòd pascua subigat, id est, terra subacta escas inquirat.

21 Verres, quòd grandes habeat vires.

22 ⁽¹²⁾ Porcus, quasi spurcus. Ingurgitat enim se coeno, luto immergit, limo illinit. Horatius: Et amica luto sus: hinc etiam spurcicia, vel spurcus nuncupatur.

23 Porcorum pilos setas vocamus, & setas à sue dictas: à quibus, & sutores vocantur, quòd ex setis suant, id est, consuunt pelles.

24 ⁽¹³⁾ Aper, à feritate vocatus, abla-

(1) Undè, & meridiana pars. Ex Gregor. 30. Moral. cap. 9. al. 16.
 (2) Cervi dicti. à Serv. ad v. Tres littore cervos. Æn. 1.
 (3) Hi serpentum inimici. Ex Orig. homil. 2. in Cant. & Serv. ad eclog. 8. & Plin. lib. 8. cap. 32.
 (4) Dictamnium. Sive Dictamnium, utraque enim scriptura suos auctores habet à Solin. cap. 22.
 (5) Si quando immensa flumina. à Gregor. 30. Moral. cap. 10. al. 9.
 (6) Tragelaphi. Solin. cap. 22. & Plin. lib. 8. cap. 33.
 (7) Innuli. Ita scriptum in Gotthicis; & in codicibus Horatianis lib. 1. od. 23. Vitas inulco me similis Chloë, Quos secuti sunt Canterus, Lambin. & Hartung. ergo aliter fortasse scribendus Innulus vsq; ad, quàm hinnulus à if inas, uti av.
 (8) Lepus quasi levip. Varr. 3. de Re Rust. cap. 12. Lucius Ælius putabat dictum leporem à celeritudine, quòd levipes esset, ego arbitror à Græco vocabulo antiquo, quod cum Æoles Boethii λίπεριν appellabant. Vid. Agell. & Quintil. lib. 1. cap. 6.
 (9) Undè, & Græci pro cursu λαγὼς. Ut sit ἀπὸ τῶ λα γέν, est enim λα intensiois particula. Alii ἀπὸ τῶ λῆρ, id est, cernendo, quod patentibus oculis dormiat.
 (10) Cuniculi—quasi caniculi Græcis id magis in promptu fuit ἀπὸ τῶν κυνῶν τῶ κυνῶν ducere, ita enim Polyb. lib. 12. & Alian de Hist. Animal. lib. 13. cap. 15. eos appellant, nisi quod uterque Hispanam vocem esse dicit. At Varro lib. 3. de Re Rust. cap. 12. Tertii (inquit) generis est, quod in Hispania nascitur, simile nostro lepori, sed humile, quem cuniculum appellant. Cuniculi dicti ab eo quod sub terra cuniculos ipsi facere solent, ubi lateant in agris. Varro nem sequitur Plin. lib. 8. cap. 55. Videre licet in Hadriani numismate Hispaniam ramum ilicis manu tenentem, ad cuius pedes cuniculus.
 (11) Sus—quod Pasqua subig. Non ineleganter, si rem speciet, sed Græca est vox vsq;.
 (12) Porcus q. spurcus, Nisi Gracum esse mavis cum Varro.
 (13) Aper à feritate. Varro. Apri à locis asperis, nisi à Græcis, quod his ἀπέρη.

ablata f littera , & subrogata p. Undè , & apud Græcos οὐαργον , id est , ferus dicitur. Omne enim , quod ferum est , & immite abusivè agreste vocamus.

25 ⁽¹⁾ Juvencus dictus , eo quod juvare incipiat hominum usus in excolenda terra , ⁽²⁾ vel quia apud gentiles Jovi semper ubique juvencus immolabatur , nunquam taurus. Nam in victimis etiam ætas considerabatur.

26 Taurus , Græcum nomen est , sicut , & bos. ⁽³⁾ Indicis tauris color fulvus est , volucris pernecitas , pilis in contrarium versis , caput circumflectunt flexibilitate , qua volunt , tergi duritia omne telum respuunt immitti feritate.

27 Bovem Græci βῶν dicunt. ⁽⁴⁾ Hunc Latini trionem vocant , eo quod terram terat , quasi terionem. Nævius : Trionum hic moderator rusticus. Cujus latitudo pellium à mento ad crura , palearia dicuntur , à pelle ipsa , quasi pellearia , quod est generositatis in bove signum. ⁽⁵⁾ Boum in sociis eximia pietas. Nam alter alterum inquit cùm quo ducere collo aratra consuevit , & frequenter mugitu pium testatur affectum , si fortè defecerit.

28 ⁽⁶⁾ Vacca dicta , quasi boacca. Est enim ex qualitate mobilium no-

minum : sicut leo læna , draco draconæna.

29 ⁽⁷⁾ Vitulus , & vitula , à viriditate vocata sunt , id est , ætate viridi , sicut virgo. Vitula ergo parva est nondum enixa. Nam enixa , juvenca est , aut vacca.

30 ⁽⁸⁾ Bubali vocati per derivationem , quod sint similes boum : adeò indomiti , ut præ feritate jugum cervicibus non recipiant. Hos Africa procreat.

31 Uri , agrestes boves sunt in Germania , habentes cornua in tantum protensa : ut regis mensis insigni capacitate ⁽⁹⁾ ex eis gerulæ fiant , dicti uri ἀπὸ τῶν ὀρῶν.

32 Camelis causa nomen dedit , sive quòd quandò onerantur : ut breviores , & humiles fiant , accubant , quia ⁽¹⁰⁾ Græci χαμαι humile , & breve dicunt : sive quia curvus est dorso. ⁽¹¹⁾ Camur enim verbum Græcum curvum significat. Hos , licèt , & aliæ regiones mittant , sed Arabia plurimos. Differunt autem sibi. ⁽¹²⁾ Nam Arabici bina tubera in dorso habent : reliquarum regionum singula.

33 ⁽¹³⁾ Dromeda , genus est camellorum , minoris quidè staturæ , sed velocioris. Undè , & nomen habet. Nam δρόμος Græcè cursus velocitas

Bb 3

appel-

⁽¹⁾ Juvencus. Ex Var. lib. 4.

⁽²⁾ Vel qua apud Gentiles. è Serv. Ad v. Calicolum regi mactabam in litore taurum. Æn. 3. & Æn. 9. ad v. Statuam ante aras aurata fronte juvenum. Vid. Macrobi. de Virgilio versu. Taurum Neptuno , taurum tibi pulcher. Apollo.

⁽³⁾ Indicis tauris. Plin. 8. cap. 21. & Solin.

⁽⁴⁾ Hunc Latini trionem. Varro lib. 6. & Agell. lib. 2. cap. 21.

⁽⁵⁾ Boum in sociis eximia pietas. Ambrosii verba sunt in Orat. de Morte Syri fratris , bos bovem requirit , sequè non totum putat , & frequenter mugitu pium testatur affectum , si forte defecit , cum quo ducere collo aratra consueverat. Basil. in Orat. in Martyr. fuit. και ποτ. ἴδον ἰὺν βῶν ἐπὶ φάτῃς ἀκρόντα τῷ συννόμῳ , καὶ ἰμειῖν τελευτῶντος. Virgil. Iti tristis arator mortentem abjunctis fraterna morte juvenum.

⁽⁶⁾ Vacca—ex qualitate mobil. nom. Donatus in Arte secund. Sunt (inquit) genera nominum fixa , sunt mobilia : fixa sunt , quæ in alterum genus flecti non possunt , ut pater , mater , soror. Mobilia autem : aut propria sunt , & duo genera ex se faciunt , ut Cajus , Cajo , Marcus , Marcia , aut appellativa , & tria genera faciunt , ut bonus bona bonum , &c.

⁽⁷⁾ Vitulus. è Serv. eclog. 3.

⁽⁸⁾ Bubali adeò indomiti. Ex Hieron. ad Am. cap. 6. & Solin. cap. 23.

⁽⁹⁾ Ex eis gerulæ fiant. è Solin. 23. vid. Caesar. 6. de Bell. Gall. Plin. lib. 8. cap. 15. & Serv. ad v. Silvestres uri assid. Georg. 2.

⁽¹⁰⁾ Græci χαμαι , Etymologicum Græcum. Κάμηλος τὸ ἄνῃ , ἐπὶ χαμῇ καθήμενον αἶψα τὸ πορτίον , ὡς καὶ κάμηλος , ἰνυμολογῆται ἢ παρὰ τὸ κάμπτον τῷ μεγέθι ἐν τῷ καθίσθαι κάμνει τίς δει. Sed melius Varro lib. 4. Camelus cum quo nomine Syriaco in Latium venit. Est n. Syris gemal Hebraei gamal.

⁽¹¹⁾ Camur enim. è Serv. Georg. 3. camutis , curvis , at Fest. Cametra ; & camuri boves à Græco καμυρή.

⁽¹²⁾ Nam Arabici. è Solin. cap. 52. Sed Baitrianis hoc tribuit Plin. lib. 8. cap. 18.

⁽¹³⁾ Dromeda , vel Dromedarii. Nam dromeda—præstit. eredo , scriptum in Gethibiois pro dromedarii.

appellatur. ⁽¹⁾ Centum enim, & amplius millia uno die pergere solet. Quod animal, sicut bos, & ovis, & camelus ruminat.

34 ⁽²⁾ Ruminatio autem dicta est à rumā eminente gutturis parte: per quā dimissus cibus à certis animalibus revocatur.

35 Asinus, & asellus à sedendo dictus, quasi assedus: sed hoc nomen, quod magis equis conveniebat, ideo hoc animal sumpsit, quia priusquam equos caperent homines, huic praesidere coeperunt. Animal quippe tardum, & nulla ratione renitens, statim ut voluit sibi homo subtravit.

36 Onager, interpretatur asinus ferus, ὄνος quippe Græci asinum vocant, ὄνιον ferum. Hos Africa habet magnos, & indomitos, & ⁽³⁾ in deserto vagantes. Singuli autem foeminarum gregibus praesunt. ⁽⁴⁾ Nascentibus masculis, zelant, & testiculos eorum morsu detruncant, quod tamen caventes matres eos in secretis locis occultant.

37 Asini Arcadici dicti, quod ab Arcadia primum vecti sint magni, & alti. ⁽⁵⁾ Minor autem asellus agrophilus necessarius est, quia, & laborem tolerat, & negligentiam propemodum non recusat.

38 Equi dicti, eo quod quando quadrigis iungebantur, aequabantur,

paresque forma, & similes cursu copulabantur.

39 ⁽⁶⁾ Caballus à cavando dictus, propter quod gradiens ungula impressa terram concaver, quod reliqua animalia non habent: indè, & sonipes quod pedibus sonat.

40 Vivacitas equorum multa, exultant enim in campis, odorantur bellum, excitantur sono tubæ ad praelium, ⁽⁷⁾ voce accensi ad cursum provocantur, dolent cum victi fuerint, exultant cum vicerint. Quidam hostes in bello sentiunt, adeo, ut adversarios morsu petant. ⁽⁸⁾ Aliqui etiam proprios dominos recognoscunt, oblitii mansuetudinis, si mutantur: aliqui praeter dominum nullum dorso recipiunt. ⁽⁹⁾ Interfectis, vel morientibus dominis multi lacrymas effundunt. Solius equi est propter hominem lacrymari, & doloris affectum sentire. Undè, & in centauris equorum, & hominum natura permixta est. ⁽¹⁰⁾ Solent etiam ex equorum maestitia, vel alacritate eventum futurum dimicaturi colligere. Aetas longæva equis Persicis, Hunnicis, Epiroticis, ac Siculis in annis ultra quinquaginta: brevior autem Hispanis, ac Numidis, & Gallicis, frequens opinio est.

41 ⁽¹¹⁾ In generosis equis, ut ajunt veteres, quatuor spectantur: forma, pulchritudo, meritum, atque color: Forma, ut sit validum corpus, & so-

(1) Centum enim, & amplius mill. Ex Hieronym, in Isidor. cap. 21.

(2) Ruminatio dicta est à rumā. à Serv. ad eclog. 6. vel à rumine, ut legunt editi. Rumen est pars colli, qua esca devoratur. Varro, Nonio, & Glossar. Ruma est mamma.

(3) In deserto vagantes. Solin. & Plin. lib. 8. cap. 3.

(4) Nascentibus masculis zelant. Eodem modo loquitur Orosius in Hist. Prefat. Non eos, quos insectantur, oderunt, sed his, quos amant, zelant.

(5) Minor autem asellus agro. Pestumè in editis quibusdam; onagro. Sunt enim Palladii verba lib. 4. cap. 14. idem Collumell. lib. 8. cap. 1.

(6) Caballus. Respexit ad Virgilium: At duplex agitur per lumbos spina cavatque Tellurem, & solido graviter sonat ungula cornu.

(7) Voce accensi ad cursum provocantur. Verior hac lectio, quam quæ apud Solinum est. Nonnulli etiam accensis facibus ad cursum provocantur.

(8) Aliqui etiam proprios. Solin. Aliqui inventi sunt, qui non nisi primos dominos recognoscere, oblitii mansuetudinis, si quando mutassent consueta servitia.

(9) Interfectis, vel morientibus dominis. Nota sunt Homeri, & Virgilii de Achillis, & Pallantis equis carmina.

(10) Solent etiam event. Plin. lib. 8. cap. 42.

(11) In generosis. eq. quatuor. Pallad. lib. 4. cap. 13. In admissatio quatuor spectantur: forma, color, meritum, pulchritudo.

lidum, robori conveniens altitudo, latitudo, latus longum, ⁽¹⁾ venter substrictus, maximæ, & rotundæ clunes, pectus latè patens, corpus omne musculorum densitate nodosum, pes siccus, & cornu concavo solidatus. Pulchritudo, ut sit exiguum caput, & siccum, pelle propè ossibus adhærente, aures breves, & argutæ, oculi magni, ⁽²⁾ nares patulæ, erecta cervix, coma densa, & cauda, ⁽³⁾ ungularum soliditate fixa rotunditas. Meritum, ut sit animo audax, pedibus alacer, tremantibus membris, quod est fortitudinis indicium, quique ex summa quiete facilè concitetur, vel ex citata festinatione non difficilè teneatur. ⁽⁴⁾ Motus autem equi in auribus intelligitur, virtus in membris tremantibus. ⁽⁵⁾ Color hic præcipuè spectandus: badius, aureus, roseus, myrteus, cervinus, gilvus, glaucus, scutulatus, canus, candidus, albus, guttatus, niger. Sequenti autem ordine, varius ex nigro, badioque distinctus: reliquus varius color, vel cinereus deterrimus.

⁽⁶⁾ Badium autem antiqui vadium dicebant, quòd inter cætera animalia fortius vadat. ⁽⁶⁾ Ipse est, & spa-

dix, quem phoenicatum vocant, & dictus spadix à colore palmæ, quam Siculi spadicam vocant.

43 ⁽⁷⁾ Glaucus verò est, velut pictos oculos habens, & quodam splendore perfusus: ⁽⁸⁾ nam glaucum veteres dicebant album.

44 ⁽⁹⁾ Gilvus autem, melinus color est subalbidus.

45 Guttatus, albus nigris intervenientibus punctis.

46 Candibus autem, & albus invicem sibi differunt. Nam albus cum quodam pallore est, candidus verò, niveus, & pura luce perfusus.

47 ⁽¹⁰⁾ Canus dictus, quia ex candido colore, & nigro est.

48 Scutulatus vocatus propter orbes, quos habet candidos inter purpuras.

49 Varius, quod vias habeat colorum imparium. Qui autem albos tantum pedes habent, ⁽¹¹⁾ Petili appellantur: ⁽¹²⁾ qui frontem albam, Callidi.

50 Cervinus est, quem vulgò ⁽¹³⁾ Gauranem dicunt.

51 Æranem idem vulgus vocat, quòd in modum ærei sit coloris.

52 ⁽¹⁴⁾ Myrteus autem est, pressus in purpura.

Do-

(1) Venter substrictus. Vox venter nulla erat in libris, sed cum constanter substrictus, non substrictum in Gothicis omnibus legeretur, non dubitavimus quin hac esset vera scriptura, quam indicavit Chacon ex Collumell. lib. 6. cap. 29. Palladii vero locum mendosum cum eod. Chacone credimus, & ex Isidoro supplendum.

(2) Nares patulæ. Quæ si angustæ sint, discindunt solent, nè longo cursu incalcescentes suffocentur, ut ait Theophil. lib. 4. de Homin. fabrica.

(3) Ungular. soliditate fixa rot. Pallad. Ungularum solida, & fixa rotunditas.

(4) Motus autem equi in auribus intellig. Solin. cap. 30. Motus equi in auribus intelligitur, animos leonum frons, & cauda indicat.

(5) Color hic præcipuè spect. Ex Pallad. lib. 4. Varro apud Non. Equi colore dispares, ita nati; hic badius, iste gilvus, ille nitrinus. Vid. A. ell. lib. 2. cap. 26. & lib. 3. cap. 9. & Alciat. lib. 2. Parerg. cap. 1.

(6) Ipse est spadix. & Serv. Georg. 3. Quos Bayos, & dactylos Hispani dicimus.

(7) Glaucus est velut pictos ocul. Serv. Glauci felinels oculis, id est, splendore perfusis.

(8) Nam veteres glaucum albi. Nam glaucum albo caruleum diluit. Unde, & Virg. Populus, & glauca canentia fronde salicis. Sed idem de glauco paulo aliter lib. 19. cap. 28. Est tamen in tribus Gothicis lacuna: Nam glaucum — veteres dicunt.

(9) Gilvus mellinus color. & Serv.

(10) Canus dictus, qui ex candido, & nigro. Tilius in lib. de Coloribus: Nascitur equus nonnunquam canus, atque albinus, non idem, qui, & candidus, aut albus, sed huius non expertus, hos nostri tordillos dicunt.

(11) Petili appellantur. Festus. Petilam suram ungulam equi albam dici, ait Scævola. In glossario quoque, ubi Persilis μικροκαλὴ legitur. Petilis μικροκαλὴ puto legendum, citat ex Plauto Non, hunc versum, in Petilis, & in fronte. Nam coloratam frontem habet petilis. Atque ipse tenuem, & exilem ex sua libidine, ut solet, interpretatur.

(12) Qui frontem albam calidi. Gloss. Callidis λευκίμηντοι. Habent tamen plerique libri calidi. Sed callidis probabat A. August.

(13) Gauranem dicunt. Retinent eandem vocem Itali, una littera mutata, nam sauro dicunt.

(14) Myrteus est pressus in purpura. Pressum quoque in coloribus equorum numerat Palladius, sed quid apud eum pressus, apud Serv. profertur nitrivum hoc loco pressus in purpura valeat, nondum satis constitui. Opinor tamen pressi vocem significari densiorem (ut ita dixerim) colorem, ducta similitudine ab uvis, quæ quo magis pedibus, vel prelo premuntur, minus liquida, & vel ex albis nitida, vel ex rubris subnigra uina reddant.

53 ⁽¹⁾ Dossinus autem dictus, quod sit color ejus de asino, idem, & Cinerus. Sunt autem hi de agresti genere orti, quos equiferos dicimus, & proinde ad urbanam dignitatem transire non possunt.

54 Mauros niger est. Nigrum enim Græci μαῦρον vocant.

55 Mannus verò, equus brevior est, ⁽²⁾ quem vulgò Buricum vocant.

56 ⁽³⁾ Veredos antiqui dixerunt, quod veherent rhedas, id est, ducebant, vel quod vias publicas currant, per quas, & rhedas ire solitum erat.

57 Equorum tria sunt genera, unum generosum, ⁽⁴⁾ proeliis, & oneribus aptum: alterum vulgare, atque gregarium ad vehendum, non ad equitandum aptum: tertium ex permixtione diversi generis ortum, quod etiam bigenerum dicitur, quia ex diversis nascitur: ut mulus.

58 ⁽¹⁾ Mulus autem à Græco tractum vocabulum habet. Quod jugo pistorum subactus, tardas molendo ducat in gyrum molas. ⁽²⁾ Judæi asserunt, quod Ana abnepos Esau equarum greges ab asinis in deserto ipse fecerit primus ascendi, ut mulorum indè nova contra naturam animalia nascerentur. Onagros quoque admissos esse ob hoc ad asinas: & ipsum istiusmodi reperisse concubitus, ut velo-

cissimi ex his asini nascerentur. Industria quippè humana diversum animal in coitum cœgit : sicque adulterina commixtione genus aliud reperit: sicut, & Jacob contra naturam colorum similitudines procuravit. ⁽⁷⁾ Nàm tales foetus oves illius concipiebant, quales umbras arietum desuper ascendentium in aquarum speculo contemplabantur. Deniquè, & hoc ipsum in equarum gregibus fieri fertur, ut generosos obijciant equos visibus concipientium, quo eorum similes concipere, & creare possint. Nàm, & columbarum dilectores depictas ponunt pulcherrimas columbas eisdem locis, quibus illæ versantur, quo, rapiente visu, similes generent. Indè est, quod quidam gravidas mulieres jubent nullos intueri turpissimos animalium vultus, ut Cynocephalos, & Simios, nè visibus occurrentes similes foetus pariant. ⁽⁸⁾ Hanc enim fœminarum esse naturam, ut quales prospexerint, sivè mente conceperint in extremo voluptatis æstu, dum concipiunt, talem, & subolem procreent. Etenim anima in usu Venerio formas extrinsecùs intùs transmittit, eorumque satiata typis rapit species eorum in propriam qualitatem.

59 In animantibus bigenera dicuntur, quæ ex diversis nascuntur, ut Mulus ex equa, & asino: ^(s) Burdo

(1) Dossinius. An quia Varro dossuarios vocat asinos oneribus ferendis aptos? & Gloss. Dorsuaria. Νεράφορα. Hunc colorem mirinum dicunt Pallad. & Collumella.

(2) Quem vulgò buricum. Hieronym., in Eccles. to. Dignitate Prelati vias publicas mannis terunt, quos vulgò buricos vocant, & ad Panmachium. Perferentes buricos mannos. Paulin. ad Senec. Macro, & viliores asellis burici scidentem. & Gloss. Mannis, *pascebat*. At Porphyrio. Manni, *sic*, equi dicuntur pusilli, quos vulgò burdos vocant; & Acro. Mannus burdo, *eliminans eque, linoz hodie exiguis Anelli*, nō, equi dicuntur pusilli, quos vulgò burdos vocant; & Acro. Mannus.

(3) Veredoz. *Verba eius Terri. incerta.*

(3) Vercedos. *Verba sunt Festi, in quo ex Isidoro restituentia vox, vercedos*, Procop. lib. 2, de Bello Persic. $\delta\epsilon\ \beta\epsilon\alpha\tau\epsilon\ \tau\iota\varsigma\ \alpha\upsilon\gamma\alpha\iota\sigma\tau\epsilon\ \delta\epsilon\ \alpha\delta\ \epsilon\lambda\iota\theta\iota\varsigma\ \epsilon\kappa\alpha\delta\iota\varsigma\ \nu\epsilon\kappa\alpha\iota\sigma\tau\iota\ \nu\epsilon\kappa\alpha\iota\sigma\tau\iota\ \alpha\upsilon\lambda\iota\alpha\iota\alpha\iota\ \iota\upsilon\lambda\iota\alpha\iota\alpha\iota$. *Julian, Antecessor, in Epitom. Novell. Justiniani Novell. 130.* *quod Græc est, τὸν ἀγνακὸν ἵππον ἀγνακὸν vercedorum cursum reddidit.*

(4) Proeliis, & onerib. Honoribus *quidam libri.*

(5) *Mulus, aulus pistrinum, & iula mola*, ergo editorum scripturam retinuimus, nam mendose Gotthici omnes. *Mulus* a. a. g. t. v. b. *Gracum* enim hoc, vel quod iugo, &c. Nisi iudicio mulum vocem esse *Gracum* putavit, *molas tantum* Latinum. Sed querendus auctor non ineleganti senarii, quem nemo offecit: *Tardas molendo ducat in eorum molas*.

(6) Judæi asserunt, quòd Ana abnep. Ex Hieron. q. in Gen. cap. 36. Id Paphlagonibus tribuit Homerus $\iota\alpha$. f.
(7) Nàm talis factus. Ex eod. lib. in cap. 30. Gen.
(8) Hanc enim femineam diuina

(8) Hanc enim foeminarum dicunt esse naturam. *Y*

(9) Burdo ex eq. & as. *Varro* 1. 1. 1. *Verba Hieronymi ibid.*

(9) Burdo ex eq. & as. Varro 2. de Re Rust. cap. 8. Ex equa, & asino fit mulus contra ex equo, & asina hinnus *Glossar. ὄπιπρος ἢ ἰπποϋνάσιος καὶ ἰνυ. Mulus. Burdo ὄπιπρος ἢ ἰππο καὶ ἰνυ θυγάτριος.*

do ex equo, & asina, ⁽¹⁾ Hybridæ ex apris, & porcis: ⁽²⁾ Tityrus ex ove, & hirco, ⁽³⁾ Musmo ex capra, & ariete, est autem dux gregis.

CAPUT II.

De Bestiis.

1 **B**estiarum ⁽⁴⁾ vocabulum propriè convenit leonibus, pardis, tigribus, lupis, & vulpibus, canibusque, & similibus, ac cæteris, quæ vel ore, vel unguibus sæviunt, exceptis serpentibus. Bestiæ autem dicti à vi, quæ sæviunt.

2 ⁽⁵⁾ Feræ appellatæ, eo quòd naturali utantur libertate, & pro desiderio suo ferantur. Sunt enim liberæ earum voluntates, & huc, atquè illuc vagantur, & quo animus duxerit, eò feruntur.

3 Leonis vocabulum ex Græca origine inflexum est in Latinum. Græcè enim λέων vocatur, & est nomen nothum, quia ex parte corruptum. ⁽⁶⁾ Leæna verò totum Græcum est, sicut, & dracæna. ⁽⁷⁾ Ut autem leæna lea dicatur usurpatum est à poetis. ⁽⁸⁾ Leo autem Græcè, Latinè Rex interpretatur, eò quòd Princeps sit omnium bestiarum. Cujus genus trifarium dicitur. E quibus breves, & juba crispa, imbelles sunt: longi, & coma simplici, acres. ⁽⁹⁾ Animos eorum frons, & cauda indicat. Virtus eorum in pectore,

firmitas in capite. Septi à venatoribus terram contuentur, quo minus conspectis venabulis terreantur. Rotarum timent strepitus, sed ignes magis. Cùm dormierint, vigilant oculi: cùm ambulat, cauda sua cooperiunt vestigia sua, ne eos venator inveniat. ⁽¹⁰⁾ Cùm genuerint catulum, tribus diebus, & tribus noctibus catulus dormire fertur: tunc deindè patris fremitu, vel rugitu veluti tremefactus cubilis locus, suscitare dicitur catulum dormientem. ⁽¹¹⁾ Circa hominem leonum natura est benigna, ut nisi læsi nequeant irasci. Patet enim eorum misericordia exemplis assiduus. Prostratis enim parcunt: ⁽¹²⁾ captivos obvios repatriare permittunt: hominem non nisi in magna fame interimunt. De quibus Lucretius: Scymnique leonum, &c.

4 ⁽¹³⁾ Tigris vocata propter volucrum fugam. Ità enim nominant Persæ, & Medi sagittam. Est enim bestia variis distincta maculis, virtute, & velocitate mirabilis, ex cujus nomine flumen Tigris appellatur, quòd is rapidissimus sit omnium fluviorum. Has magis Hyrcania gignit.

5 Panther dictus, ⁽¹⁴⁾ sive quod omnium animalium amicus sit, excepto dracone; sive quia, & sui generis societate guadet, & ad eandem similitudinem quidquid accipit, reddit. ⁽¹⁵⁾

Πάν

(1) Hybridæ ex apris, & porcis. *Plin. lib. 8. cap. 53. Acron tamen ad Satyr. 7. lib. 1. Tractum (inquit) ab aquila, quem ex aquila, & vulture nascitur, sive à canibus, qui nascuntur ex venatico, & gregario.*

(2) Tityrus. *Serv. eclog. 1. Laconum lingua Tityrus dicitur aries major, qui gregem anteire consuevit.*

(3) Musmo. *Ex Gothicis, & musmones dicuntur ab Strabone lib. 5. Musomones à Serv. Georg. 3. ad v. Udisque arice in gurgie vill. Nonius. Musimones asini, muli, aut equi breves.*

(4) Cap. II. Bestiar. — serpentibus. *Ex Aug. 3. de Gen. ad lit. cap. 11.*

(5) Feræ appellatæ. à *Serv. ad v. Pinguisque ferinæ. An. 1.*

(6) Leæna. *Ex eod. ad v. Catulorum obliata leæna. Georg. 3.*

(7) Ut autem leæna dicatur. *Ex eod. An. 12. Lucretius. Irritata leæ jaciebant corpora salu.*

(8) Leo autem Græcè, Latinè Rex. *De hoc loco Ant. August. in veteri (inquit) libro Græco post Orionis etymologicon ait:*

Λέων, λέω δὲ λέωνος, ὅτι ἐκ λέωνος.

(9) Animos eorum frons, & cauda. *Solin. cap. 30.*

(10) Cùm genuerint. *Verba sunt Origenis, homil. 17. in Gen.*

(11) Circa hominem leonum naturam. *Serv. ad v. Tum denum movet arma leo. An. 12. Hæc enim leonum natura est, ut nisi læssiti, irasci nequeant.*

(12) Captivos obvios repatriare. *Solin. Cùm multi captivorum aliquot leonibus obviis, intacti repatriaverint.*

(13) Tigris. *Ex Plin. lib. 8. cap. 18. & Solin. Etiam apud Armenios tigrim sagittam significare ait Varro.*

(14) Sive quod omnium animalium amicus. *Huic etymo favent, quæ Plin. lib. 8. cap. 17. & Elian. 6. de Hist. Animal. referunt. Vulgo panthera, quod tota fera sit, dicta putatur.*

(15) Πάν n. omne dicitur. *Aut aliquid deest (quod visum est A. Aug.) Ant hoc potius superfluum inepti aliusque, qui id solum nosset, interpretis glossæ.*

Πᾶν enim Græcè omne dicitur. Bestia
(1) minutis orbiculis super picta, ità,
ut oculatis ex fulvo circulis, nigra, vel
alba distinguatur varietate. Hæc semel
omniñò parturit, & cujus causæ ratio
manifesta est. Nam cum in utero ma-
tris coaluere catuli, maturisque ad nas-
cendum viribus pollent, odiunt tem-
porum moras. Itaque oneratam foeti-
bus vulbam tanquam obstantem par-
tui unguibus lacerant, effundit illa par-
tum, seu potius dimittit, dolore co-
gente. Ità postea corruptis, & cicatri-
cosis sedibus genitale semen infusum
non hæret acceptum, sed irritum resi-
lit. (2) Nam Plinius dicit: animalia cum
acutis unguibus frequentèr parere non
posse. Vitiantur enim intrinsecùs se
moventibus catulis.

6 (3) Pardus, secundus post pan-
therem est, genus varium, & velocis-
simum, & præceps ad sanguinem. Sal-
tu enim ad mortem ruit.

7 Leopardus ex adulterio lænæ,
& pardi nascitur, & tertiam originem
efficit, sicùt, & Plinius in naturali his-
toria dicit: Leonem cum parda, aut
pardum cum læna concumbere, &
ex utroque coitu degeneres partus
creari, (4) ut mulus, & burdo.

8 Rhinoceros à Græcis vocatus,
Latine interpretatur in nare cornu. (5)
Idem, & Monoceros, id est, Unicor-

nis, eò quòd unum cornu in media
fronte habeat (6) pedum quatuor ità
acutum, & validum, ut quicquid im-
petierit, aut ventilet, aut perforet.
Nam, & cum Elephante sæpè certa-
men habet, & in ventre vulneratum
prostrernit. Tantæ autem est fortitudi-
nis: ut nulla venantium virtute capia-
tur: sed sicùt asserunt, qui naturas
animalium scripserunt, virgo puella
proponitur, quæ venientis sinum ap-
perit: in quo ille omni ferocitate de-
posita caput ponit: sicque soporatus,
velut inermis, capitur.

9 Elephantem Græci à magnitu-
dine corporis vocatum putant, quòd
formam montis præferat. (7) Græcè
enim mons λόφος dicitur. Apud Indos
autem à voce barrus vocatur. Undè,
& vox ejus barritus dicitur, & dentes
ebur. (8) Rostrum autem promuscis di-
citur, quo ille pabulum ori admovet,
& est (9) angui similis, vallo munitus
eburno. (10) Hos boves Lucas dictos ab
antiquis Romanis: boves, quia nul-
lum animal grandius videbant: Lu-
cas, quia in Lucania illos primus Pyr-
rhus in prælio objecit Romanis. Nam
hoc genus animantis in rebus bellicis
aptum est. In eis enim Persæ, & Indi,
ligneis turribus collocatis, tanquàm de
muro jaculis dimicant. Intellectu au-
tem, & memoria multa vigent. (11) Gre-

ga-

(1) Minutis orbiculis. Solin. cap. 21. Minutis orbiculis superpictæ, ità ut oculatis ex fulvo circulis, vel cæcula, vel alba distinguatur tergi supellex.

(2) Nam Plin. dicit, & Sero. Georg. 2. ad v. Sæva leonum semina. Locus verò Plin. lib. 8. cap. 16.

(3) Pardus secundum post pantheram. & Solin. ibid.

(4) Ut mulus, & burdo. Ex tribus codicibus A. August.

(5) Idem, & Monoceros. Ex Greg. lib. 31. Moral. cap. 10. al. 13. Plinius alium à Monocero Rhinocerotem esse vult. lib. 8. cap. 20. & 21. Hunc Roma sæpè visum, illum negas vivum posse capi. Idem refert Solinus. Vivus, inquit, non venit in hominum potestatem, & in Balaërico codice, additur hoc loco, Ferrur tantam habere ferocitatem, ut captus statim moriatur.

(6) Pedum quatuor. Sic etiam Solin. sed Plin. Cubitorum duorum. Cubiti unus Cresias in Indicis apud Photium: æquienbiri Ælian. lib. 4. cap. 52. de Asinis Indiciis. Est etiam in ejus cornu coloris magna varietas apud eodem. Videtur autem Plinius eundem monocerotem existimasse cum asino Indico, negas enim lib. 11. cap. 46. Aliud esse animal unicorne præter asinum Indicum, & Orygem. Sumpitque, id ex Arist. lib. 2. cap. 1. de Hist. Animal. De certamine Rhinocerotis cum Elephante. Vid. Plin. Solin. Ælian. Diodor. Strab. Agatharchid. in lib. de Mari rubro.

(7) Græcis n. mons λόφος. In Gothicis elepho nulla sententia, ut ferè in Græcis vocibus accidit. A. Aug. secuti nu-
mus conjecturam non admodum dubiam. Aliàs ex aliis originet, aut notationes Elephantis asserre nihil attinet.

(8) Rostrum autem Promuscis. Ex Ambros. 9. Hex. cap. 5.

(9) Et est angui similis. Lucretius--Anguimano elephantos India, quorum Millib. è multis vallo munitur eburno.

(10) Hos boves Lucas. Varr. lib. 6. & Plin. 8. cap. 6. Lucret. lib. 5. Inde boves Lucas turris corpore retrors--Anguima-
nos belli docuerunt vulnera Pœni--Sufferre, &c.

(11) Gregatim incedunt. Ex Plin. 8. cap. 5. Solin. Oberrant agminatim.

gatim incedunt, ⁽¹⁾ motu quo valent, salutant, murem fugiunt, aversi coëunt, quandò autem parturiunt, in aquis, vel insulis dimittunt foetus propter dracones, quia inimici sunt, & ab eis implicati necantur. Biennio autem portant foetus, nèc ampliùs, quàm semèl gignunt, nèc plures, sed tantùm unum.

10 ⁽²⁾ Vivunt annos trecentos. Apud solam Africam, & Indiam Elephanti priùs nascebantur: nunc sola eos India gignit.

11 ⁽³⁾ Gryphes vocantur, quod sit animal pennatum, & quadrupes. Hoc genus ferarum in Hyperboreis montibus nascitur. Omni parte corporis leones sunt: alis, & facie Aquilis similes, & equis vehementèr infesti. Nam, & homines visos discerpunt.

12 ⁽⁴⁾ Cameleon non habet unum colorem, sed diversa varietate conspersus, ut pardus. Dictus autem ità, (eò quòd cameli similitudinem habet, & leonis) hujus cameleonis corpusculum ad colores, quos videt facillima conversione variatur, quod aliorum animalium non est ità ad conversionem facilis corpulentia. ⁽⁵⁾ Cameleopardus dictus, quod dùm sit, ut pardus albis maculis superaspersus, collo equo similis, pedibus bubulis, capite tamen cameleo est similis: hunc Æthiopia gignit.

13 ⁽⁶⁾ Lynx dictus, quia in lupo- rum genere numeratur: bestia maculis terga distincta, ut pardus, sed similis lupo. Undè, & ille λύκος, iste lynx. Hujus urinam converti in duritiam pretio-

si lapidis dicunt, qui ⁽⁷⁾ lincurius appellatur, quod, & ipsos lynces sentire, hoc documento probatur. Nam egestum liquorem arenis in quantum potuerint, contegunt invidia quadam naturæ, nè talis egestio transeat in usum humanum. ⁽⁸⁾ Lynces dicit Plinius secundus extra unum non admittere.

14 ⁽⁹⁾ Castores, à castrando dicti sunt. Nam testiculi eorum apti sunt medicaminibus, propter quod cum præsenserint venatorem, ipsi se castrant, & morsibus vires suas amputant. De quibus Cicero in Scauriana: redimunt se ea parte corporis, propter quam maximè expetuntur. Juvenalis: — Qui se, Eunuchum ipse facit, cupiens evadere damno Testiculi. Ipsi sunt, & Fibri, qui etiam Pontici canes vocantur.

15 ⁽¹⁰⁾ Ursus fertur dictus, quòd ore suo formet foetus, quasi orsus. Nam ajunt eos informes generare partus, & carnem quamdam nasci, quam mater lambendo in membra componit. ⁽¹¹⁾ Undè est illud: Sic format lingua foetum, cùm protulit ursa. Sed hoc immaturitas partus facit, deniquè tricesimo die generat. Undè evenit, ut præcipitata foecunditas informes procreet. Ursorum caput invalidum: vis maxima in brachiis, & in lumbis, undè interdùm erecti insistent.

16 Lupus Græca derivatione in linguam nostram transfertur. Lupos enim illi λύκος dicunt, ⁽¹²⁾ λύκος autem Græcè à morsibus appellatur, quòd rabie rapacitatis quæque invenerit truci-

(1) Motu quo valent, salutant. Solin. Solis exortus motib. quibus possunt, salutant.

(2) Vivunt ann. ccc. Est in Græco etymologic. ea de re Hemistichium.

(3) Gryphs vocatur quòd sit. Non etymon reddit, ut nequè Servius, è quo sunt hæc in eilog. 2.

(4) Cameleon—dictus autem. Post hæc verba lacuna est in Gothiciis.

(5) Cameleopardus. Cameleopardus dicitur à Plinio, & Solin. Vid. Varr. lib. 4.

(6) Lynx dictus. Goth. lyncis, ut supra lib. 11. Calcis pro calx.

(7) Λινκίριον. Diocorid. Plin. Solin. Eliandri.

(8) Lynces dicit Plin. è Serv. ad v. Degere more feræ. Æn. 4.

(9) Castores à castrand. è Serv. ad v. Virosque Ponti. Castoreâ. Georg. 1.

(10) Ursus q. orsus. Varro. Ursi Lucana origo.

(11) Undè est illud, sic format ling. Carmen Draconis, de quo paullo-post.

(12) Lycos Græcè. Est n. λύκος, τάβης, & λύκος τάβης fure, Vetus Orionis liber: λύκος δὲ τὸ κακῆς διὰ τὸ λύαν τὰ πρὸς πείνην.

cidet. Alii lupos vocatos ajunt, quasi leopos, quòd quasi leoni, ità sit illi virtus in pedibus, undè quidquid pede presserit, non vivit. Rapax autem bestia, & cruoris appetens, de ⁽¹⁾ quo rustici ajunt, vocem hominem perdere, si eum prior lupo viderit. Undè, & subito tacenti dicitur: Lupus est in fabula. Certè si se prævium senserit, deponit feritatis audaciam. ⁽²⁾ Lupi toto anno non ampliùs quàm dies duodecim coeunt, famem diù portant, & post longa jejunia multum devorant. ⁽³⁾ Lupos Æthiopia mittit cervice jubatos, & tantùm varios, ut nullum colorem illis dicant abesse.

17 Canis nomen Latinum Græcam etymologiam videtur habere. Græcè enim κύων dicitur: licèt eum ⁽⁴⁾ quidam à canore latratus appellatum æstiment, eò quòd insonet, undè, & canere. Nihil autem sagacius canibus, plus enim sensus cæteris animalibus habent. Namque ⁽⁵⁾ soli sua nomina recognoscunt, dominos suos diligunt: dominorum tecta defendunt: pro dominis suis se morti obijciunt: voluntariè cum domino suo ad prædam currunt: corpus domini sui etiam mortuum non relinquunt. Quorum postremò natura est, extra homines esse non

posse. In canibus duo sunt (spectanda) aut fortitudo, aut velocitas.

18 ⁽⁶⁾ Catuli abusivè dicuntur quarumlibet bestiarum filii: nam catuli propriè canum sunt, per diminutionem dicti.

19 ⁽⁷⁾ Lycisci autem dicuntur, ut ait Plinius, canes nati ex lupis, & canibus, cùm inter se fortè miscentur. ⁽⁸⁾ Solent, & Indæ fœminæ canes noctu in sylvis alligatæ admitti ad bestias tigres, à quibus insiliri, & nasci ex eodem fœtu canes adèd acerrimos, & fortes, ut in complexu leones prosternant.

20 ⁽⁹⁾ Vulpes dicta, quasi volupes. Est enim volubilis pedibus, & ⁽¹⁰⁾ nunquàm rectis itineribus, sed tortuosis anfractibus currit, fraudulentum animal, insidiisque decipiens. Nam dùm non habuerit escam, fingit mortem, sicque descendentes, quasi ad cadaver aves rapit, & devorat.

21 ⁽¹¹⁾ Simiæ Græcum est nomen, id est, pressis naribus. Undè, & Simias dicimus, quod suppressis naribus sint, & facie fœda, ⁽¹²⁾ rugis turpiter follicantibus, licèt, & capellarum sit pressum habere nasum. Alii simias Latino arbitrantur sermone vocatas, ⁽¹³⁾ eò quòd multa in eis similitudo rationis humanæ sentitur, sed falsum est.

Hæ

(1) De quo rustici. Idem suprà lib. 1. cap. 36. Vid. Plin. 8. cap. 28. Solin. in cap. de Ital. Ambros. 6. Hexam. cap. 4. Duodecim refert, quod ipse fabulosum putat lib. 6. cap. 35. de Hist. Animal. Duodecim dies parturire Ælianus ait lib. 4. cap. 4. de Animalibus, his verbis ἐκάλειν οἱ ἄνθρωποι τὴν ἀδινὰ ἀποδόσειν, ἀλλὰ ἐν ἡμέραις δώδεκα, καὶ κατὰ τὰς ἐξάταις ἑκατὶ τρεῖς τὴν λατὴν οἱ δὲ δόξαν ἵς Ἰνφροβίου ἰδὲν Διδίον φασίν. Theodori Gaza interpretatio confirmatur xii. dies tantum in utero ferre, cui opinioni occasionem præbuit vetus quidam Aristotelis κατὰ νόδον interpretatio. Vide Pier. Valerian. lib. 11. Hieroglyph. in lupo, & proferantia.

(2) Lupos Æthiop. Sol. c. de Æthiop. Æthiopia mittit Lycionem, lupo est cervice juvenis, & tot modis varius, ut nullum illi colorem dicant abesse.

(3) Quidam à canore latratus. Varr. lib. 4. Catulus à sagaci sensu, & acuto. Hinc canis, nisi quod tuba, & cornu signum eum dant, canel dicitur, quod hic item, & nocticulus in custodia, & venandi signum voce dat, canis dicitur. Vbi pro nocticulus, nocticulus quidam legunt.

(4) Soli nomina sua recognosc. Ex Plin. & Solin.

(5) Catuli abusivè. Ex Serv. Georg. 3.

(6) Lycisci. Ex Serv. eclog. 3.

(7) Solent, & Indi. Ex Plin. 8. cap. 4. & Solin.

(8) Vulpes dicta. Varro. Vulpes, ut Alius dicebat, quòd volat pedibus.

(9) Et nunquam rectis itineribus. Ex Gregor. 19. Moral. cap. 1.

(10) Simiæ. Ex Serv. eclog. 10.

(11) Rugis turpiter follicantibus. Usus est eadem voce Apulej. lib. 9. Quales illi muli senis, vel cantherii debiles circa præsepium capita demersi, contruncabant moles palcarum cervice cariosa vulnerum putredine follicantes nares languiliga follicantes.

(12) Quòd multa in eis similitudo. Enn. Simia quam similis turpissima bestia nobis.

Hæ elementorum sagaces ⁽¹⁾ nova Luna exultant, media, & cava tristantur. Fœtus, quos amant, ante se gestant, neglecti circa matrem hærent. Harum genera quinque sunt, ex quibus ceropitheci caudas habent. Simia enim cum cauda est, ⁽²⁾ quam quidam οὐρανὸν vocant.

22 ⁽³⁾ Sphinges, villosæ sunt comis, mammis prominentibus, dociles ad feritatis oblivionem.

23 Cynocephali, & ipsi similes simiis, sed facie ad modum canis, undè, & nuncupati.

24 Satyri, facie admodum grata, & gesticulatis motibus inquieti.

25 Callitriches, toto penè aspectu à cæteris distant: sunt enim in facie producta barba, & lata cauda.

26 Leontophonos, bestia modica, & ex eo ità vocata, quia capta exurit: ejusque cinere aspersæ carnes, & positæ per compita semitarum leones necant, si quantulumcunque ex illis sumpserint.

27 ⁽⁴⁾ Histrix, animal in Africa erinacii simile, vocatum à stridore spinarum, quas tergo laxatas emittit, ut canes vulneret insequentes. ⁽⁵⁾ Enhydros bestiola ex eo nuncupata, quod in aquis versetur, & maximè in Nilo. Quæ si invenerit dormientem Croco-

dilum, volutat se in lutum primum, & intrat per os ejus in ventrem, & carpens omnia interanea ejus, ⁽⁶⁾ exit viva de visceribus crocodili ipso mortuo.

28 ⁽⁷⁾ Ichneumon Græcè vocatus, eò quòd odore suo, & salubria ciborum, & venenosa prodantur. ⁽⁸⁾ De quo Dracontius ait: Prædicat Suillus vim cujuscumque veneni. Suillus autem à setis est nuncupatus. Hic etiam serpentes insequitur, qui cùm ⁽⁹⁾ adversus aspidem pugnat, caudam erigit, quam aspis maximè incipit observare, quasi minantem, ad quam cùm vim suam transfert, decepta corripitur.

29 Musio appellatus, quòd muribus infestus sit. Hunc vulgus cattum à captura vocant. ⁽¹⁰⁾ Alii dicunt quòd cattat, i. videt. Nam tanto acutè cernit, ut fulgore luminis noctis tenebras superet. ⁽¹¹⁾ Undè, & à Græco venit catus, i. ingeniosus, ἀπὸ τοῦ καίεσθαι.

30 ⁽¹²⁾ Furo à furvo dictus, undè, & fur. Tenebrosos enim, & occultos cuniculos effodit, & ejicit prædam, quam invenerit.

31 ⁽¹³⁾ Melo, quòd sit rotundissimo membro, vel quòd favos petat, & assiduè mella capter.

Cc

CA-

(1) Nova Luna. à Solin. vid. Arist. & Plin.

(2) Quam quidam οὐρανὸν. Chaconis conjectura: ut ad caudam non ad simiam referatur. Ad lectiones Vulcanii addas licet ex nostris alias non minus ineptas, Cluram, cram, diuram, cuuram.

(3) Sphinges, Callitriches-leontophonos. Ex Solin.

(4) Histrix animal in Africa. Ità Plin. 8. cap. 35. at Solin. in Æthiopia cap. 33.

(5) Enhydros. Solin. Plin. Amm. Marcellin. lib. 22. Hist. Diodor. Sicul. & Plutarch. in lib. Utrum terrestria aqualibus prudentiora.

(6) Exit viva de visceribus crocodili, ipso mortuo. Pro his verbis in veteribus libris sola hæc leguntur, & sic moritur. Vid. Plin. & Solin.

(7) Ichneumon, quod odore, ἰχθυωδὲς, hoc est, vestigatorem, siue indagatorem interpretantur Herodot. Nicander, & Hesychius.

(8) De quo Dracontius prædicat. Al. prædicat. Dracontius opus sex dierum carmine composuit. Athanagildo regnante, quid poema Eugenius III. Jolet. antistes sub Cindasuintho, & Reccesuintho, & emendavit, & septimi diei versibus auxit. Hunc librum Gotthicus characteribus scriptum Bibliotheca Martini Roderici Azagra nunc servat.

(9) Adversus aspidem pugnat. Plin. 8. cap. 24.

(10) Alii dicunt quòd cattat, id est, acutè videt. Varro lib. 6. Cata, acuta hoc n. verbo Sabini dicunt, quare Catus Ælius Sextus non, ut ajunt, sapiens, sed acutus, simul cata dicta, accipienda, acutè dicta.

(11) Undè, & à Græcis venit catus. à Serv. ad v. Instant ardentes Tyrii. Æn. 1.

(12) Furo à Furvo. Hodie à nobis huron, idem cum Plinii (ut opinor) viverra.

(13) Melo. Quem Georg. Agricola in lib. de Subterr. animalibus, & (nisi fallor Plin. lib. 8. cap. 38.) mælem appellant. Siue, ut scriptum est in Varrone edito à P. Victorio mælem. Georg. Alexand. in Priscar. vocum enarratione, quæ in libris veterum de Re rustica sunt: Meles (inquit) animal avibus inimicum, puto esse id, quòd vulgus fovinum, & mærum appellant, alii taxum dicunt.

CAPUT III.

De Minutis Animantibus.

1 **M**US pusillum animal, Græcum illi nomen est,⁽¹⁾ quidquid verò ex eo trahitur Latinum fit. Alii dicunt mures, quòd ex humore terræ nascuntur.⁽²⁾ Nam mus terra, undè, & humus.⁽³⁾ His in plenilunio jecur crescit, sicùt quædam maritima augentur, quæ rursùs minuente Luna deficiunt.

2 Sorex, Latinum est, eò quòd rodat, & in modum serræ præcidat.⁽⁴⁾ Antiqui autem soricen sauricen dicebant, sicùt, & clodum claudum.

3 ⁽⁵⁾ Mustella dicta, quasi mus longus: nam telum à longitudine dictum. Hæc ingenio subdola, in domibus, ubi nutrit catulos suos, transfert, mutatque sedem. Serpentes etiam, & mures persequitur: duo autem sunt genera mustellarum. Alterum enim sylvestre est distans magnitudine, quòd Græci *ixtid'as* vocant: ⁽⁶⁾ alterum in domibus oberrans. Falsò autem opinantur, qui dicunt mustellam⁽⁷⁾ ore concipere, aure effundere partum.

4 ⁽⁸⁾ Musaraneus—.

5 Aranea—

6 ⁽⁹⁾ Est in Sardinia animal perexiguum, araneæ forma, quæ Solifuga

dicitur, quòd diem fugiat. In metallis argentariis plurima est, occulto reptans, & per imprudentiam superudentibus pestem facit.

7 ⁽¹⁰⁾ Talpa dicta, quòd sit damnata cæcitate perpetua, & tenebris. Est etenim absque oculis, semper terram fodit, & humum egerit, atquè radices subter frugibus comedit, quam Græci *ασφάλαια* vocant.

8 Glires dicti sunt, quia pingues eos efficit somnus.⁽¹¹⁾ Nam gliscere dicimus crescere. Hyeme enim tota dormiunt, & immobiles, quasi mortui jacent, tempore æstivo⁽¹²⁾ reviviscunt.

9 ⁽¹³⁾ Heritius animal spinis coopertum, quod exindè dicitur nominatum, eò quòd subrigit se quandò spinis suis clauditur, quibus undiquè protectus est contra insidias. Nam statim, ut aliquid præsenſerit, primum se subrigit: atquè in globum conversus in sua se arma recolligit. Hujus prudentia quædam est. Nam dum absiderit uvam de vite, supinus sese volutat super eam, & sic eam exhibet natis suis.

10 Grillus nomen à sono vocis habet.⁽¹⁴⁾ Hic retrò ambulat, terram terebrat, stridet noctibus: venatur eum formica circumligata capillo in cavernam ejus conjecta, afflato prius pul-

(1) Cap. III. Quidquid verò ex eo trahitur. Voces quæ à mure ducuntur.

(2) Nam mus terra. Idem repetit lib. 20. cap. 3.

(3) His in plenilunio. Cic. in lib. de Divinat. Musculorum jecuscula bruma dicitur augeri. Item Plin. lib. 11. cap.

37. Murium jecusculis floræ ad numerum lunæ in mense congruere dicuntur.

(4) Antiqui Soricen, è Serv. Georg. 2. & 3.

(5) Mustella dicta. è Serv. in illud—ac non hoc telum. Æn. 9. Vide Fest. in—Arma—&—Tela. Et Cai. cap. 233. de Verb. signific.

(6) Alterum in domib. oberrans. Quam Græci ἀνδρὲς γὰρ, illam αἰγίαν γὰρ dicunt.

(7) Ore concipere, aure effund. Contrà duo CC. Tarrac. Aure concipere, ore effundere, quod magis probat A. August. (8) Musaraneus. Dna hic lacuna in Gothiciis, uno Ovetensi excepto, in quo: Musaraneus cujus m. a. p. in aliis, vel interimitur, vel moritur: ut suspecta prorsus mihi sit interpretatio μουράλις dicitur à Dioscoride. Glossar. μουράλις Musaraneus. Salm. C. Musaraneus, vel musaranea.

(9) Est in Sardin. è Solin. 10.

(10) Talpa—quam Græci. Ex Hier. in Is. cap. 2. Glossar. Talpa. ἀσφάλαις Gothiciis ἀσφάλαια (non ἀσφάλαια, ut Hieronymus) habent.

(11) Glires crescere. Verba Serv. Æn. 12. In princip.

(12) Reviviscunt. Post hæc verba adscriptum est in Balearico de quo quidam. Tota mihi dormisus hiems, & pinguior illo tempore sum, quo me nihil nisi somnus alit.

(13) Heritius. Ex Ambrosi. Hexam. 6.

(14) Hic retrò ambulat. Plin. verb. lib. 19. cap. ult.

pulvere, ne se abscondat, ita formicæ complexibus trahitur.

11 ⁽¹⁾ Formica dicta, eò quòd ferat micas farris, cujus sollertia multa. Providet enim in futurum, & præparat æstate, quòd hyeme comedat. In messe autem eligit triticum: hordeum non tangit. ⁽²⁾ Dum pluit ei super frumentum totum ejicit. ⁽³⁾ Dicuntur in Æthiopia esse formicæ ad canis formam, quæ arenas aureas pedibus eruunt, quas custodiunt ne quis auferat, captantesque ad necem persequuntur.

12 ⁽⁴⁾ Formicoleon, ob hoc vocatus, quia est, vel formicarum leo, vel certè formica paritèr, & leo. Est enim animal parvum formicis satis infestum, quòd se in pulvere abscondit, & formicas frumenta portantes interficit. Proindè autem leo, & formica vocatur, quia aliis animalibus, ut formica est, formicis autem, ut leo est.

CAPUT IV.

De Serpētibz.

1 **A**nguis vocabulum omnium serpentium genus, quòd plari, & contorqueri potest. Et indè anguis, quòd angulosus sit, & nunquam rectus. Angues autem apud Gentiles ⁽⁵⁾ pro Geniis locorum erant habiti semper, undè, & Persius: Pingere duos angues, pueri, sacer est locus.

2 Coluber, ab eo dictus, quòd colat umbras, ⁽⁶⁾ vel quòd in lubricos

tractus flexibus sinuosis labatur. Nam lubricum dicitur quidquid labitur dum tenetur, ut piscis, & serpens.

3 Serpens autem nomen accepit, quia occultis accessibus serpit: non enim apertis passibus, sed squamarum minutissimis nisibus repit. Illa autem, quæ quatuor pedibus nituntur, sicut lacerti, & stelliones, non serpentes, sed reptilia nominantur. Serpentes autem reptilia sunt, quia ventre, & pectore reptant: Quorum tot ⁽⁷⁾ venena, quot genera: tot pernicies, quot species: tot dolores, quot colores habentur.

4 Draco major cunctorum serpentium, sivè omnium animantium super terram. Hunc Græci *δράκοντα* vocant. Undè, & derivatum est in Latinum: ut diceretur Draco, ⁽⁸⁾ qui sæpè à speluncis abstractus fertur in aërem, concitaturque propter eum aër. Est autem cristatus, ore parvo, & arctis fistulis, per quas trahit spiritum, ⁽⁹⁾ & linguam exerit. Vim autem non in dentibus, sed in cauda habet, & verbere potius quàm rictu nocet. Innoxius autem est à venenis: sed idè huic ad mortem faciendam venena non esse necessaria, quia si quem ligaverit, occidit. ⁽¹⁰⁾ A quo nèc Elephas tutus est sui corporis magnitudine. Nam circa semitas delitescens, per quas elephanti solito gradiuntur, crura eorum nodis illigat, ac suffocatos perimit. Gignitur autem in Æthiopia, & India in ipso incendio jugis æstus.

Cc 2

Ba-

[1] Formica dicta. à Serv. Æn. 4. Sanè (inquit) formica dicta est ab eo, quòd ore ferat micas. Vox Farris, nihil ad symon, sed hallucinatus est Isidorus, qui commentaria Servii, sine versibus Poète habuerit. Vid. Serv.

[2] Dum pluit ei. Al. Dum pluit super frumentum-totum ejicit, hoc est, exponit soli.

[3] Picuntur in Æthiopia. Ex Sol. cap. 43.

[4] Formicoleon. à Greg. 5. Moral. cap. 16. Nisi quod apud eum myrmicoleon.

[5] Cap. IV. Pro Geniis locorum. à Serv. Æn. 5.

[6] Vel quòd in lubricos t. s. Ex Lact. cap. 8. de Opif.

[7] Tor venena, quot genera. Verba Tertull. in lib. Advers. Gnostic. nisi quid illic, ingenia hic genera.

[8] Qui sæpè ab speluncis. Ex Aug. in Pri 148.

[9] Ore parvum—& linguam exerit. Vid. Solin. cap. 33. de Æthiop. Dictus autem draco à πρὸ τῶ δῖσται, id est, videndo.

Cernit n. acutissime Macrobius, 1. Sat. 9. Fest. in Dracones.

[10] Nèc elephas tutus est. Lucan. lib. 9. Nèc tutus spatio est elephas. Sunt n. dracones quoque ipsi ingentes. Diodor. lib. 4. Tradunt quidam in desertis, ac feris locis, Serpentes, qui cum Elephantis propter aquas pugnant, magnitudine numeroque admirabiles esse, Græc. & Plin. 8. cap. 11.

5. ⁽¹⁾ Basiliscus Græcè, Latine interpretatur Regulus, eò quòd Rex serpentium sit, adeò, ut cum videntes fugiant, quia olfactu suo eos necat, nam, & hominem, vel si aspiciat, interimit. Siquidem ad ejus aspectum nulla avis volans illæsa transit, sed quamvis procùl sit, ejus ore combusta devoratur. A mustellis tamen vincitur, quas illic homines inferunt cavernis, in quibus delitescit. Itaque ea visa fugit, quem illa persequitur, & occidit. Nihil enim parens ille rerum sine remedio constituit. Est autem longitudine semipedalis, albis maculis lineatus.

6. ⁽²⁾ Reguli autem, sicut scorpiones, arentia quæque sectantur, & postquam ad aquas venerint, *ὑδροφόβους*, & lymphaticos faciunt.

7. ⁽³⁾ Sibilus idem est, qui, & Regulus. Sibilus enim occidit, antequàm mordeat, vel exurat.

8. ⁽⁴⁾ Vipera dicta, quòd vi pariat. Nam cum venter ejus ad partum ⁽⁵⁾ ingemuerit, catuli non expectantes naturæ maturam solutionem, corrosis ejus lateribus vi erumpunt cum matris interitu. Lucanus: Viperei còeunt abrupto corpore nodi. ⁽⁶⁾ Fertur autem quòd masculus ore inserto viperæ semen expuat. Illa autem ex voluptate libidinis in rabiem versa, caput maris ore receptum præcidat: ita fit, ut parens uterque pereat, masculus dum coit, foemina dum parturit. Ex vipera

autem pastilli fiunt, qui *ῥηπαστοί* vocantur à Græcis.

9. Aspis vocata, quòd morsu venena immittat, & spargat: *ἰς* enim Græci venenum dicunt, & inde aspis, quòd morsu venenato interimat. Hujus diversa genera, & species, & dispares effectus ad nocendum: ⁽⁷⁾ fertur autem aspis, cum cœperit pati incantatorem, qui eam quibusdam carminibus propriis evocat, ut eam de caverna educat: illa cum exire noluerit, unam aurem ad terram premit, alteram cauda obturat, & operit: atque ita voces illas magicas non audiens, non exit ad incantantem.

10. ⁽⁸⁾ Dipsas, genus aspidis, quæ Latine Situla dicitur, quia, quem morderit, siti perit.

11. ⁽⁹⁾ Hypnalis, genus aspidis dicta, quòd somno necat: hanc sibi Cleopatra apposuit, & ita morte quasi somno soluta est.

12. ⁽¹⁰⁾ Hæmorrhoids, aspis nunciat, quòd sanguinem sudet, qui ab eo morsus fuerit: ita, ut dissolutis venis, quidquid vitæ est per sanguinem evocet. Græcè enim sanguis *αἷμα* dicitur.

13. Præster, aspis semper ore patenti, & vaporante currit. Cujus Poëta sic meminit: Oraque distendens avidus fumantia præstet. Hic quem percusserit, distenditur, enormeque corpulentia necatur, ⁽¹¹⁾ extuberatum enim putredo sequitur.

Septs

(1) Basiliscus. Et Hieron. in Is. cap. 14. & Ep. 83. ad Ocean. quadam tamen ex Plin. 8. & Solin.

(2) Reguli-hydrophobos faciunt. Verba sunt Hieron. Ep. cii. ad Ocean.

(3) Sibilus idem, qui, & Regulus. Idem esse animal Sibilum, Regulum, & Basiliscum suspicor. De Regulo aperte in Glossario, *ῥαχιδόνδης* ὁ ῥέξ Regulus. — & postea *ῥαχιδόνδης* Regulus. De Sybilo Basilisci Plinius, Solinus, & Lucanus.

(4) Vipera. è Serv. — aut mala tactu vipera deliquit. Georg. 3. idem Greg. 13. Moral. cap. 9. Sed quàm commode citetur à Servio Lucani carmen, Isidorus non examinavit. Dicta est tamen vipera, quasi vivipara, quòd non ova, sed animal vivum pariat. Vid. Arist. lib. 1. de Hist. Animal.

(5) Ingemuerit. Ità habent Gothici, non intumuerit.

(6) Fertur autem quòd masculus. Hierodot. Nicand. Plin.

(7) Fertur autem aspis. Ex Aug. in Ps. 57.

(8) Dipsas, quæ Latine Situla. Sitacula malim. Glossar. Sitacula *ἀΐψας*. de Dipsade Solin. cap. 30. & Elian. lib. 6. c. 50.

(9) Hypnalis. Vide Solin.

(10) Hæmorrhoids. Lucan. lib. 9. Impressit dentibus Hæmorrhoids aspera Tullo Magnanimo juveni, miratorique Catonis. Ucq̃e solet pariter totis se effundere signis Corycii pressura croci, sic omnia membra: Emisere simul rutilum pro sanguine virus. Vide Solin. & Dioscor.

(11) Extuberatum. è Solin. 30. Ex quo loco (quoniam nequè ipse est integer) nihil hic mutamus.

14 ⁽¹⁾ Seps, tabificus aspis, qui dum momorderit hominem, statim eum consumit: ita ut liquefiat totus in ore serpentis.

15 ⁽²⁾ Cerastes serpens dictus, eo quod in capite cornua habeat similia arietum, κέρατα enim Græci cornua vocant: sunt autem illi quadrigemina cornicula, quorum ostentatione, veluti esca illice, sollicitata animalia perimit. Totum enim corpus arenis tegit, nec ullum indicium sui præbet, nisi ex ea parte, qua invitatas aves, vel animalia capit. Est autem flexuosus, plus quam alii serpentes, ita, ut spinam non habere videatur.

16 ⁽³⁾ Scytale serpens vocatus, eo quod tanta præfulget tergi varietate: ut notarium gratia aspicientes retardet, & quia reptando pigrior est, quos assequi non valet, miraculo sui stupentes capit. Tanti autem fervoris est, ut etiam hyemis tempore exuvias corporis ferventis exponat. De quo Lucanus: Et Scytale sparsis etiam nunc sola pruinis exuvias posituras suas.

17 Amphibæna dicta, eo quod duo capita habeat: unum in loco suo, alterum in cauda, currens ex utroque capite, tractu corporis circulato. Hæc sola serpentium frigori se committit, prima omnium procedens. De qua idem Lucanus: ⁽⁴⁾ Et gravis in geminum vergens caput Amphibæna. Cujus oculi lucent, veluti lucernæ.

18 ⁽⁵⁾ Enhydrys, coluber in aqua vivens. Græci enim Ἐνὺδρῳ aquam vocant.

19 ⁽⁶⁾ Hydros, aquatilis serpens, à quo isti obturgescunt, cujus quidam morbum Boam dicunt, ⁽⁷⁾ eo quod fimo bovis remediatur.

20 Hydra, draco multorum capitum, qualis fuit in ⁽⁸⁾ Lerna palude Provinciæ Arcadiæ, hæc latinè Excetra dicitur, quod uno cæso tria capita excrescebant, sed hoc fabulosum est. Nam constat Hydram locum fuisse evomentem aquas vastantes vicinam civitatem, in quo, uno meatu clauso, multi erumpebant. Quod Hercules videns, loca ipsa exussit, & sic aquæ clausit meatus. Nam Hydra ab aqua dicta est.

21 ⁽⁹⁾ Chelydros serpens, qui, & chersydros dicitur, quia, & in aquis, & in terris moratur. Nam χέλυσον dicunt Græci terram, Ἐνὺδρῳ aquam hic per quam labitur terram fumare facit, quem sic Macer describit:--Seu terga expirant spumantia virus: Seu terræ fumant, qua teter labitur anguis. Et Lucanus:--Tractique via fumante chelydri.

22 ⁽¹⁰⁾ Natrix, serpens aquam veneno inficiens. In quocumque enim fonte fuerit, eum veneno immiscet, de quo Lucanus: Et Natrix violator aquæ.

23 ⁽¹¹⁾ Cenchris, serpens inflexuosus,

Cc 3

sus,

(1) Seps tabificus. Respexit ad Lucani carmen lib. 9. Ossaque dissolvens eum corpore tabificus seps, Vid. Nicand. Schol. & Dioscorid. lib. 2. cap. 70.

(2) Cerastes, & Solim. 30. E quo sollicitata animalia, aves intelligas oportet.

(3) Scytale, Ex eod. c. Videitur autem Isidorus àνδ τῆς ἐύφης ducere, eum alii àνδ τῆς σκυτάλης, hoc est, tereti virgula. Nota fuit Scytale Laconica, qua Sparta utebatur resp. ne intercepta littera intelligerentur. Dioscorid. lib. 7. Amphibænam Scytalem vocat, interpret. Casiliam.

(4) Et gravis in geminum vergens. Etiam legitur surgens apud Lucan. quomodi legisse videtur Solinus, qui consurgens in geminum caput dixit. Vid. Nicand. in Therias.

(5) Enhydrys. Ex Plin. 31. cap. 7.

(6) Hydros aquatilis. Verba Festi ex Boa.

(7) Eo quod fimo bovis. Plin. lib. 28. cap. 18. Boas sanat fimum bibulum, unde, & nomen traxere.

(8) In Lerna palude, & Servio ad v. Bellua Lerna. Æn. 6.

(9) Chelydros. Verba sunt Servii ad v. Galbancoque agitare graves nidore chelydros. Georg. 3. Qua autem in omnibus libris sequuntur post hæc Lucani verba: Sempër n. directus, &c. Cenchri, ut aptavimus, auctor nobis fuit A. Aug.

Id, quin rectum sit, dubitatum credo neminem.

(10) Natrix. Malè in omnibus libris Rinatrix, etiam in Lucani versu, hunc, quod anguilla simillimus sit, edentibus exitio sape fuisse ferunt.

(11) Cenchris. Ita dictus, quod ejus macula millio, quod Græci κένκρεον dicunt, similis sim.

sus, qui semper iter rectum efficit. De quo Lucanus : Et semper recto lapsurus limite Cenchris. Semper enim directus ambulat. Nam si se torserit dum currit, statim crepat.

24 ⁽¹⁾ Parias, serpens, qui semper in cauda ambulat, & sulcum facere videtur. De quo idem Lucanus : Et contentus iter cauda sulcare parias.

25 ⁽²⁾ Boas, anguis Italiae immensa mole : persequitur greges armentorum, & bubulos : & plurimo lacte irriguis uberibus se innectit, & sugens interimit, atque inde à boum depopulatione Boas nomen accepit.

26 ⁽³⁾ Jaculus serpens volans, de quo Lucanus : Jaculique volucres. Exiliunt enim in arboribus, & dum aliquod animal obvium fuerit, jactant se super illud, & perimunt : unde, & Jaculi dicti sunt. In Arabia autem serpentes sunt cum alis, quæ ⁽⁴⁾ Sirenæ vocantur, quæ plus currunt ab equis, sed etiam, & volare dicuntur, quorum tantum virus est, ut morsum ante mors insequatur, quam dolor.

27 ⁽⁵⁾ Ammodytes dicta, quod colorem arenæ habeat. De qua Poëta : Quam parvis pictus maculis Thebanus Ophites Concolor exustis, atque indiscretus arenis, Ammodytes.

28 ⁽⁶⁾ Seeps, exigua serpens, quæ non solum corpus, sed, & ossa vene-

no consumit. Cujus Poëta sic meminit : Ossaque dissolvens cum corpore tabificus Seeps.

29 Dipsas, serpens tantæ exiguitatis fertur, ut cum calcatur non videatur. Cujus venenum ante extinguit, quam sentiat, ut facies præventa morte, nec tristitiam induat morituri. De quo Poëta : Signiferum juvenem Tyrrheni sanguinis Aulum torta caput retrò Dipsas calcata momordit. Vix dolor, aut sensus dentis fuit.

30 ⁽⁷⁾ Solpunga, serpens est, quæ non videtur.

31 ⁽⁸⁾ Cæcula dicta, eò quod parva sit, & non habeat oculos.

32 Centupeda, à multitudine pedum dicta.

33 Lacertus, reptilis genus est, vocatus ita, quod brachia habeat. Genera lacertorum plura, ut botrax, salamandra, saura, stellio.

34 Botrax dicta, quod ranæ habeat faciem : nam Græci ranam *Βοτράχον* vocant.

35 ⁽⁹⁾ Salamandra vocata, quod contra incendia valeat, cujus inter omnia venena vis maxima est. Cætera enim singulos feriunt : hæc plurimos pariter interimit : nam si arbori irreperit, omnia poma inficit veneno, & eos, qui ederint, occidit, quin etiam si, vel in puteum cadat, vis veneni ejus potantes interficit. Ista contra incen-

(1) Parias. *παρά τὸ πικρὸν μύρας ἔχει τὰς παρίας*, (ait Græcus etymologus.) hoc est ab inflatis maxillis. Hæc *Erculapii anguem* vult esse *Ælian. lib. 3. cap. 11.*

(2) Boas. *è Solin. cap. 8.*

(3) Jaculus. *Ex eod. cap. 30.*

(4) Sirenis. *Plin. lib. 10. cap. 49.*

(5) Ammodytes. Ita proculdubio legendum, dictusque Ammodytes, *ἀντὶ τὸ ὄνειν τὸν ἄμυρον*. Ut autem hic Ophites pro Ammodyte subiret, carmen Lucani fecit, in quo vox utraque corrupta erat, sed Ammodytes magis, nam in admodum mutatus, serpentis speciem prorsus exnerat. *Gloss. Harenarius, Ammodytes.*

(6) Seeps exigua. Hæc cur repetenda fuerint, non video.

(7) Solpunga. Mira varietas in hac voce tum in codicibus Isidori, tum apud alios etiam auctores. Nam est *Salpiga, Salpuga, Solpuga, Salpinga, Scalpiga, Scalpin*, apud *Solin. solifuga*, in *Gloss. Solipaga* *ἡλοκυστρίπτις πύλας ἰστῆς*. *Plin. lib. 29. est*, & genus formicarum vinctatum, non ferè in Italia, *Solipugas* *Cicero* appellat, *Salpugas* *Basica*. Ut non mirum sit *salpuga* nomen retinuisse plerosque libros *Gothicos*. *Festus*, *Solipunga* genus bestiolæ malficæ, quod acrius, concitatusque in fervore solis, unde etiam nomen traxit. *Lucanus* verò : Quis calcare tuas metuat salpuga tenebras ? *Al. solpuga* *læcibus*.

(8) Cæcula. *Glossarium, Cæca. Columella lib. 6. cap. 17. Cæcilia.*

(9) Salamandra vocata, quod contra incendia. Id *Plinius* inquit si verum esset, jam esset experta Roma. Sed nunquam ego credam de Etymologia cogitasse Isidorum in his verbis.

cendia repugnans, ignes sola animalium extinguit. Vivit enim in mediis flammis sine dolore, & consumptione, & non solum, quia non uritur, sed extinguit incendium.

36 Saura, lacertus, qui quando senescit, cæcantur oculi ejus, & intrat in foramen parietis aspicientis contra Orientem, & orto Sole intendit, & illuminatur.

37 Stellio, de colore inditum nomen habet. Est enim tergo pictus lucentibus guttis in modum stellarum. De quo Ovidius:—Aptumque colori nomen habet, variis stellatus corpora guttis. ⁽¹⁾ Hic autem scorpionibus adeò contrarius traditur, ut viso eo pavorem iis afferat, & torporem. ⁽²⁾ Sunt, & alia serpentium genera, ut Ammodytæ, Elephantæ, Chamædracontes. Postremò quantus nominum, tantus mortium numerus. Omnes autem serpentes natura sua frigidæ sunt, nè percutiunt, nisi quando calescunt: nam quando sunt frigidæ, nullum tangunt. Undè, & venena eorum plus die, quàm nocte nocent. Torpent enim noctis algore, & meritò, quia frigidi sunt nocturno rore. In se enim adducunt vaporem gelidæ pestes, & natura frigidæ. Undè, & hyeme in nodos torpent, æstate solvuntur. Indè est, quòd dum quicumque serpentium veneno percutitur, primum obstupescit: & postea ubi in illo calefactum ipsum virus exarserit, statim, & hominem extinguit. ⁽³⁾ Venenum autem dictum, eò quòd per venas vadit. Infusa enim pestis ejus per venas vegetatione cor-

poris aucta discurrit, & ⁽⁴⁾ animam exigit. Undè non potest venenum nocere, nisi hominis tetigerit sanguinem. Lucanus: Noxia serpentum est admixto sanguine pestis. Omne autem venenum frigidum est, & idèò anima, quæ ignea est, fugit venenum frigidum. In naturalibus bonis, quæ nobis, & irrationabilibus animantibus videmus esse communia, vivacitate quadam sensus serpens excellit. Undè, & legitur in Genesi: Serpens autem erat sapientior omnibus pecoribus terræ. ⁽⁵⁾ Dicit autem Plinius, (si creditur) quòd serpentis caput, etiam si cum duobus evaserit digitis, nihilominus vivit. ⁽⁶⁾ Undè, & totum corpus objicit pro capite ferientibus.

38 ⁽⁷⁾ Anguibus universis hebes visus est. Rarè in adversum contuentur, nè frustra, cum oculos non in fronte habeant, sed in temporibus, adeò, ut citius audiant, quàm aspiciant. ⁽⁸⁾ Nullum autem animal in tanta celeritate linguam movet, ut serpens: adeò, ut triplicem linguam habere videatur, cum una sit. ⁽⁹⁾ Serpentium uda sunt corpora, adeò: ut, quacumquè eunt, viam humore designent. Vestigia serpentium talia sunt, ut cum pedibus carere videantur, costis tamen, & squammarum nisibus repant, quas à summo gutture, usquè ad imam alvum parili modo dispositas habent. Squammis enim, quasi unguibus, costis quasi cruribus innituntur. Undè si in qualibet corporis parte ab alvo usquè ad caput ictu caput aliquo collidatur, debilis reddita cursum habet.

(1) Hic autem scorpionib. è Plin. 29. cap. 4.

(2) Sunt, & alia genera. Ex Solino. Sed Ammodytes prætermitti potuit, nam de eo jam dixerat. At hæc in adversariis ferri possunt.

(3) Venenum autem, è Serv. Æn. 1. ad v. Falasq. veneno.

(4) Animam exigit. Cc. 4. Tarrac. & Raban.

(5) Dicit autem Plin. Ex eod. ad v. Tumidum caput abdidit altè. Georg. 3.

(6) Undè, & totum corpus. Ex Aug. in Ps. 57.

(7) Anguib. universis. è Solin. 30.

(8) Nullum autem anim. è Serv. ad v. Linguis vibrantib. Æn. 2.

(9) Serpentum uda. è Serv. ad v. Udo sublapsa venæ. Æn. 7.

bere non possit: quia ubicumquè ictus ille inciderit, spinam solvit, per quam costarum pedes, & motus corporis agebantur. Serpentes autem diù vivere dicuntur, adedò, ut deposita veterè tunica, senectutem deponere, atquè in juventam redire perhibeantur.

39 Tunica serpentum exuviæ nuncupantur, eo quòd iis quandò senescunt, sese exuunt, quibus exuti in juventam redeunt. Dicuntur autem exuviæ, & induviæ, quia exuuntur, & induuntur. ⁽¹⁾ Pythagoras dicit de medulla hominis mortui, quæ in spina est, serpentem creari, quòd etiam Ovidius in *Metamorphosis* libris commemorat, dicens: Sunt, qui cum clauso putrefacta est spina sepulcro: Mutari credant humanas angue medullas. Quòd si creditur, meritò evenit, ut sicùt per serpentem mors hominis ita per hominis mortem serpens. ⁽²⁾ Fertur autem, quòd serpens hominem nudum non sit ausus contingere.

CAPUT V.

De Vermibus.

1 Vermis ⁽³⁾ est animal, quòd plerumquè de carne, vel de ligno, vel de quacumque re terrena sine ullo concubitu gignitur: licèt, nonnunquàm, & de ovīs nascantur, ut scorpio. Sunt autem vermes, aut terræ, aut aquæ, aut aëris, aut carniū, aut frondium, aut lignorum, aut vestimentorum.

2 Aranea, vermis aëris, ab aëris nutrimento cognominata, quæ exi-

guo corpore longa fila deducit, & telæ sempèr intenta nunquàm desinit laborare, perpetuum sustinens ⁽⁴⁾ in sua arte suspendium.

3 Sanguisuga, vermis aquatilis, dicta, quia sanguinem sugit. Potantibus enim insidiatur, cumque illabatur faucibus, vel ibi uspiam adhaerescit, sanguinem haurit: & cum nimio cruore maduerit, id evomit quod hausit, ut recentiore denuò sugat.

4 ⁽⁵⁾ Scorpio, vermis terrenus, qui potius vermibus adscribitur, non serpentibus: animal armatum aculeo, & ex eo Græcè vocatum, quòd cauda figat: & ⁽⁶⁾ arcuato vulnere venena diffundat. ⁽⁷⁾ Proprium autem est scorpionis, quòd manus palmam non feriat.

5 Cantharis, vermis terrenus, qui humano corpori statim ut fuerit applicatus, sui adustione vesicas efficit plenas humore.

6 ⁽⁸⁾ Multipes, vermis terrenus, ex multitudine pedum vocatus, qui contactus in globulum complicatur. Nascitur sub petris ex humore, & terra.

7 Limax, vermis lieti dictus, quòd in limo, vel de limo nascatur, undè, & sordidus sempèr, & immunus habetur.

8 Bombyx, frondium vermis, ex cuius textura bombycinum conficitur. Appellatur autem hoc nomine, ab eo quòd evacuetur, dùm fila generat, & aër solus in eo remaneat.

9 Eruca, frondium vermis, in oleribus, vel pampino involuta: ab

ero-

(1) Pythagoras dicit, *Ex eod. Æn. 5. ad v. Geniumne loci, famulumne p. Æn. 5. Vid. Plin. 10. cap. 66. Plutarch. in Cle-
ment. & Alian. lib. 1. cap. 53. & Ovid. 15. Metam.*

(2) Fertur autem quos serpens hominē nud. *Ex Ep. ad Presidium de Cereo Paschali, apud Hieron. tom. 9.*

(3) Cap. V. Vermis est anim. *Aug. in Ps. 21. Vermis de carne sine concubitu nascitur.*

(4) In sua arte, *Ita Gotthici. Al. In suo labore.*

(5) Scorpio--vermib. non serpentib. & *Solin. 30.*

(6) Arcuato vulnere. *Hieron. advers. Vigilant. Scripsit Tertullianus scorpiacum rectissimo nomine, quia arcuato vul-
nere in Ecclesie corpus venena diffudit. Itemque in Prolog. Josue.*

(7) Proprium autem, *Plin. 29. cap. 4.*

(8) Multipes & *vires* vocatur à Græcis. *Vid. Galen. lib. 11. de Simp. Medicam. Facult.*

erodendo dicta, de qua meminit ⁽¹⁾ Plautus : Imitatus nequam bestiam, & maleficam involutam in pampino. Implicat se eadem, ⁽²⁾ nec advolat : ut locusta, ut hùc, illùcque discurrens, semipasta dimittat : sed permanet perituris frugibus, & tardò lapsu, pigrisque morsibus universa consumit.

10 Teredonas Græci vocant lignorum vermes, quòd terendo edant.

⁽³⁾ Hos nos Termites dicimus. Ità enim apud Latinos ligni vermes vocantur, quos tempore importuno cæsæ arbores gignunt.

11 Tinea, vestimentorum vermis, dicta, quòd teneat, & eousquè insideat, quoad erodat. Indè pertinax eò quòd in eandem rem identidèmm urgeat.

12 Vermes carniùm, hemicraneus, lumbricus, ascaridæ, costi, pediculi, pulices, lendes, tarmus, ricinus, usia, cimex.

13 ⁽⁴⁾ Hemicraneus, vermis capitis vocatur.

14 Lumbricus, vermis intestinorum, dictus, quasi lubricus, quia labitur, vel quòd in lumbis sit.

15 ⁽⁵⁾ Ascaridæ.---

16 ⁽⁶⁾ Costi.---

17 Pediculi, vermes cutis, à pedibus dicti. Undè, & pediculosi dicuntur, quibus pediculi in corpore effervescunt.

18 Pulices verò vocati sunt, quòd

ex pulvere magis nutriantur.

19 Lendes.---

20 ⁽⁷⁾ Tarmus, vermis est lardi.

21 ⁽⁸⁾ Ricinus, vermis canis, vocatus eo quòd hæret in auribus canum, *κύνων* enim Græcè canis est.

22 ⁽⁹⁾ Usia, vermis est porci, appellata quia urit. Nam ubi momorderit, adeò locus ardet, ut statim ibi vesicæ fiant.

23 ⁽¹⁰⁾ Cimex, de similitudine cuiusdam herbæ vocatus cujus foetorem habet.

24 Propriè autem vermis in carne putri nascitur, tinea in vestimentis, eruca in olera, teredo in ligno, tarmus in lardo.

25 Vermis, non, ut serpens apertis passibus, vel squammarum nisibus repit, quia non est illi spinæ rigor : ut colubro, sed in directum corpusculi sui partes gradatim porrigendo contractas, contrahendo porrectas motum explicat : sicque agitatus perlabitur.

CAPUT VI.

De Piscibus.

1 **P**Isces dicti, undè, & pecus à pascendo scilicèt.

2 ⁽¹¹⁾ Reptilia ideò dicuntur hæc, quæ natant, eo quòd reptandi habeant speciem, & naturam, quamvis se in profundum immergant, tamen in natant-

(1) Plautus. In *Cistellar*. Imitatur nequam bestiam, & damnicam. Phi. Quamnam amabo? La--Involvolum, quæ in pampini folio intorta implicat se.

(2) Nec advolat, ut locusta. è Hieron. ad Am. cap. 4.

(3) Hos nos Termites dicimus. Serv. ad illud. Aut tempestivam sylvis evertere pinum. Nam tempore importuno cæsæ arbores termites faciunt, ita cuim ligni vermes vocantur.

(4) Hemicraneus. Chacon. cum Marcellus (inquit) lib. 2. de Medicam. ita scribat, Hemictanium statim curant vermes terreni, pari numero sinistra lecti vereor ne Isidorus hemictanium vermem inde eduxerit, quamvis eod. nomine morbum, & medicinam vocari nihil prohibet.

(5) Ascaridæ. Tipulas reddidit pro Ascaridis Gazæ. Hieronymus Ασκαρίδης ἰδὸς σκαλίκων, de his Medicor. libri Consulendi.

(6) Costi. Vid. Fest. & Plin. de Costis.

(7) Tarmus. Fest. Tarmes genus vermiculi carnem exedens. Sed pro termite quoque accipi ostendunt exempla, quæ ad hunc Festi locum affert Scalig.

(8) Ricinus Glossar. Riginus ῥίγινος, & postea ῥίγινος ῥίγινος, utitur hac voce Columella in morbis canum lib. 7. cap. 13.

(9) Usia. Quoniam s. ab r. vix distinguitur in Gothicis characterib. uriam, quàm usiam, magis probabat A. Aug.

(10) Cimex de similitudine cuiusdam herbæ. An. Hyperici? Quando nomen nō ē commune utrique.

(11) Cap. VI. Reptilia. Ex Ambros. Hexam. 5. cap. 1.

tando repunt. Undè, & ait David: Hoc mare magnum, & ⁽¹⁾ spatiosum: illic reptilia, quorum non est numerus.

3 Amphibia sunt quædam genera piscium, dicta eo quòd ambulandi in terris usum, & natandi in aquis officium habeant. *Ἀμφί* etiam Græcè utrumque dicitur, id est, quia in aquis, & in terris vivunt, ut Phocæ, Crocodili, Hippopotami, hoc est, equi fluviales.

4 Pecoribus autem, & bestiis, & volatilibus ante homines nomina imposuerunt, quàm piscibus, quia prius visa sunt, & cognita. ⁽²⁾ Piscium verò postea paulatim cognitis generibus nomina instituta sunt, aut ex similitudine terrestrium animalium, aut ex specie propria, sive moribus, seu colore, vel figura, aut sexu. Ex similitudine terrestrium, ut ranæ, leones, & vituli, & ⁽³⁾ nigri merulæ, & pavi diverso colore, collo, & dorso picti, & ⁽⁴⁾ turdi albovarii, & cætera quæ sibi juxta species terrestrium animalium nomina vindicarunt. Ex moribus terrestrium, ut canes in mari à terrenis canibus nuncupati, quòd mordeant. Et lupi, quòd improba voracitate alios persequantur. ⁽⁵⁾ A colore, ut Umbræ, quia colore umbræ sunt: & ⁽⁶⁾ Auratæ, quia in capite auri colorem habent: & Varii à varietate,

quos vulgò Tructas vocat. ⁽⁷⁾ A figura, ut Orbis, quia rotundus est, totusque in capite constat, ut Solea, quòd sit instar calciamentorum solis. A sexu, ut ⁽⁸⁾ Musculus, quòd sit Balenæ musculus ejus enim coitu concipere hæc belua perhibetur. ⁽⁹⁾ Hinc, & Musculi cochlearum, quorum lacte concipiunt Ostrea.

5 Balenæ autem sunt immensæ magnitudinis bestię, ab emittendo, & fundendo aquas vocatæ. Cæteris enim bestiis maris altius jaciunt undas: *βάλειν* enim Græcè emittere dicitur.

6 ⁽¹⁰⁾ Cete dicta, *τὸ κῆτος, καὶ τὰ κηταιν*, hoc est, ob immanitatem. Sunt enim ingentia genera belluarum, & æqualia montium corpora, qualis cætus excepit Jonam: cujus alvus tantæ magnitudinis fuit: ut instar obtineret inferni, dicente Propheta: Exaudivit me de ventre inferni.

7 Equi marini, quòd prima parte equi sunt, postrema solvuntur in piscem.

8 ⁽¹¹⁾ Phocas, dicunt esse boves marinos, quasi boacas.

9 Cærulei à colore appellati: nam cæruleum est viride cum nigro, ut est mare.

10 ⁽¹²⁾ Delphines certum habent vocabulum, quòd voces hominum sequantur, vel quòd ad symphoniam gre-

(1) Et spatiosum. Vox manib. qua est in editis, abest à Gothicis, ut etiam à lxx. quos Isidorus sequitur, ut dubium non sit, quin ex Hieronymo manarit in editionem vulgatam. Nos vocem Hebraeam exprimimus, cum brazos de mar dicimus. lxx. satis habuerunt *ω' εὐχόμενον* dicere.

(2) Piscium verò postea. Ambros. 5. Hexam. cap. 2.

(3) Nigri meruli. Negat Varro merulum dici, sed ter legitur in Glossar.

(4) Et turdi albovarii. Albovari quoque legitur in aliquib. Isidori, & Ambrosii libris. De turdorum colorib. Aristoteles, Athenæus, & Massarius in iis quæ de Piscib. ab Plin.

(5) A colere, ut Umbræ. Hujus piscis Varro meminit lib. 4. & Græci *οὐκία* ap. vocant. Plin. 32. cap. 11. & Ovid. in Halieutico. Glossar. *οὐκία* *ιχθύς*.

(6) Et aurata. Chrysophrys Ovidio.

(7) A Figura, ut Orbis. Orchis apud Plin. 32. cap. 2. cujus hac sunt, utrum verius, alii judicent.

(8) Musculus, quòd sit balenæ musculus, Rei porius, quàm vocis etymon, magnum n. amicitie exemplum balenæ, & musculus. Ait Plin. lib. 9. cap. ultimum.

(9) Hinc, & musculi cochlearum. Plin. 9. cap. 35.

(10) Cete dicte *τὸ κῆτος, καὶ τὰ κηταιν*, è Serv. *Æn.* 5. sed usum Isidorum Servii Commentariis sine Virgilio verbis hic quoque locus indicat. Nam quòd sequitur, hoc est, ob immanitatem, è Serv. Se putavit describere, quasi ille ceti immania interpretatus esset, cum immania ceti verba sint Virgilii. Nequè in hac ceti etymologia defendenda laborandum censeo, quamvis aliis quoque res: ut naues, propter magnitudinem ceti dici, non ignoro. Reliqua sunt ex Amb. 5. Hexam. cap. 9.

(11) Phocas. Quòd Bocas manuscripti quidam habent, è digammo fluxit.

(12) Delphines. Quòd vocabulum sequuntur, non Delphin, sed Simon, vel, (ut in aliis Solini libris scribitur) Simon est cap. 18.

gregatim convenient : nihil in mari velocius istis , nàm plerumquè salientes , naves transvolant . Quandò autem præludunt in fluctibus , & undarum semolibus saltu præcipiti feriunt , tempestates significare videntur : hi propriè Simones nominantur . ⁽¹⁾ Est , & Delphinum genus in Nilo dorso serrato , qui Crocodilos tenera ventrium secantes interimunt .

11 ⁽²⁾ Porci marini , qui vulgò vocantur Suilli , qui dùm escam quærunt , more Suis terram sub aquis fodiunt . Circa guttur enim habent oris officium , & nisi rostrum arenis immergant , pastum non colligunt .

12 Corvi , à cordis voce dicti , quia grunniunt pectore , suaque voce proditi capiuntur .

13 ⁽³⁾ Thynni nomen Græcum habent . Hi ingrediuntur veris tempore : intrant dextro latere , lævo exeunt . Hoc indè creduntur facere , quòd ⁽⁴⁾ dextris oculis acutiùs videant , quàm sinistris .

14 ⁽⁵⁾ Gladius dicitur , eo quòd rostro mucronato sit , & ob hoc naves perfossas mergit .

15 Serra nuncupata , quia serratam cristam habet , & subternatans navem secat .

16 Scorpio dictus , quia lædit , dùm manu tollitur . ⁽⁶⁾ Tradunt decem

canceris cum ocimi manipulo alligatis , omnes qui ibi sunt scorpiones ad eum locum congregari .

17 ⁽⁷⁾ Aranea , genus piscis , dictus quòd aure feriat , habet enim stimulos , quibus percutit .

18 ⁽⁸⁾ Crocodilus à croceo colore dictus , gignitur in Nilo , ⁽⁹⁾ animal quadrupes in terra , & in aquis valens , ⁽¹⁰⁾ longitudine plerumquè viginti cubitorum , dentium , & unguium immānitate armatum , tantaque cutis duritia : ⁽¹¹⁾ ut quamvis fortium ictus lapidum tergo percussus non sentiat . Nocte in aquis , die humi quiescit : ova in terra fovet : masculus , & foemina vices servant . Hunc pisces quidam serratam habentes cristam tenera ventrium desecantes interimunt . Solus ex animalibus superiorem maxillam movere dicitur .

19 ⁽¹²⁾ Hippopotamus vocatus , quòd sit equo similis dorso , juba , & hinnitu , rostro resupinato , aprinis dentibus , cauda tortuosa (ungulis bifidis) die in aquis commoratur : nocte segetes depascitur , & hunc Nilus gignit .

20 ⁽¹³⁾ Pagrum , quem Græci φάγρον idèò nuncupant , quòd duros dentes habeant , ità , ut ostreis in mari alatur .

21 ⁽¹⁴⁾ Dentix , pro multitudine , & granditate dentium dictus .

Le-

(1) Est , & Delphin. gen. in Nilo. Solin. cap. 35. de Egypto. Hi Delphines Crocodilos studio alliciunt ad natandum , demersisque asu fraudulento tenera ventrium subternantes secant , & interimunt .

(2) Porci marini , qui vulgò vocantur Suilli . Et nos Sollos vulgò dicimus . Lubenterque assentimur iis , qui Siluros eorū esse existimant .

(3) Thynni-hi ingrediuntur , Pontum Intellige , & Solin. cap. 18. apud quem ingrediuntur legitur in manu . non illabuntur . Vid. Arist. 8. de Hist. Anim. cap. 13. & Plin. 9. cap. 15 .

(4) Quòd dextris oculis acutiùs . Ità Arist. Plinius , & Solinus . Contra Plutarch. in libro . Ultra prudentiora animal . terrestr. an aquatili . acutiùs thynnos oculo sinistro cernere existimat .

(5) Gladius . & Plin. 32. cap. 2 .

(6) Tradunt decem canceris . Ex eod. cap. 5 .

(7) Aranea . Plin. lib. 9. cap. 48. Pestiferum (inquit) in aquis animal araneus , spinæ in dorso aculeo noxius ; etymologice utrumque voci aptata , nàm deferendo , (quod ad vocem attinet) ne cogitare quidam Isidorum credimus .

(8) Crocodilus à croceo colore . Rectè , si verum est , quòd P. Martyr in lib. 3. de Legatione ad Sultanum narrat , comperisse se è nautis , flavos esse Crocodilos . Sed Eustach. & etymologicè . Græcum , quòd crocum fugiat ; unde in apiariis crecum spargitur , sed hoc de terrestri , de marino quòd τὰς ὑβόνας , hoc est littora timent .

(9) Animal quadrupes . & Solin. cap. 35 .

(10) Longitudine plerumque xx. cubitorum . XVIII. Plin. & Herodot .

(11) Ut quamvis fortium ictus lap. Solin . Ut ictus quovis tormento adactos tergo repercutiat . Vid. Arist. Herod. Plin .

(12) Hippopotam. & Solin. ibid .

(13) Pagrum . Strabo lib. 17. φάγρον δὲ καὶ φαγρον καλεῖται Gloss. φάγρον ἰχθὺς dentatus .

(14) Dentix . Sive Dentex . Dentices Pisces . Collum. 8. cap. 18 .

22 ⁽¹⁾ Lepus, à similitudine capitis nuncupatus.

23 Lupum, ut dictum est, avitas appellavit piscem in captura ingeniosum: ⁽²⁾ denique reti circumdatus fertur arenas arare cauda, atque ita conditus transire rete.

24 ⁽³⁾ Mullus vocatus, quod mollis sit, atque tenerimus, cujus cibo tradunt ⁽⁴⁾ libidinem inhiberi: ⁽⁵⁾ oculorum autem aciem hebetari: homines verò, à quibus sæpè pastus est, ⁽⁶⁾ piscem olent. ⁽⁷⁾ Mullus in vino necatus, iis, qui indè biberint, tedium vini affert.

25 Mugilis nomen habet, quod sit multum agilis: nam ubi dispositas senserit piscatorum insidias, confestim retrorsum rediens ita transilit rete, ut volare piscem videas.

26 Melanurus, eo quod nigram caudam habeat, & nigras pennas, & in corpore lineas nigras: μέλαν enim Græci nigrum vocant.

27 Glaucus à colore dictus, eo quod albus sit. ⁽⁸⁾ Græci enim album λευκόν dicunt. Hic æstate rarè apparet, nisi tantum in nubilo.

28 ⁽⁹⁾ Thymallus ex flore nomen accepit. Thymus quippè flos appellatur, nam dum sit specie gratus, &

sapore jucundus, tamen sicut flos fragrat, & corpore odores aspirat.

29 ⁽¹⁰⁾ Scarus dictus, eo quod solus escam ruminare perhibetur, denique alii pisces non ruminant: tradunt autem hunc ingeniosum esse. Namque inclusum nassis, non fronte erumpere, nec infestis viminibus caput inserere, ⁽¹¹⁾ sed aversum caudæ ictibus crebris laxare fores, atque ita retrorsum redire, quem luctatum ejus, si forte alius scarus extrinsecus videat, apprehensa mordicis cauda, adjuvare nisus erumpentis.

30 Sparus à lancea missili traxit nomen, quod ejusdem figuræ sit. Terrestria enim prius inventa sunt, quam marina: ⁽¹²⁾ nam sparus est telum rusticorum missile, à spargendo dictum.

31 ⁽¹³⁾ Australis Pisciis, sive, quia aquarum undam suo ore suscipit: sive, quia tunc hic piscis oritur, quo tempore tendere in occasum Plejades coeperint.

32 ⁽¹⁴⁾ Hamio, saxatilis, dextra, sinistraque lateribus virgis puniceis perpetuis, aliisque discoloribus designatur: dictus Hamio, quia non capit nisi hamo.

33 ⁽¹⁵⁾ Echeneis, parvus, & 66-

(1) Lepus à similitudine cap. *Ælian. lib. 16. cap. 19. Magni maris leporem omni parte ad terreni similitudinem accedere præter pilos, ait. At Plin. 9. cap. 48. Lepus in nostro mari offa informis, colore tantum lepori similis. Quare à similitudine coloris legebat Chacon.*

(2) Deniq. reti circumdatus. *Ex Plin.*

(3) Mullus quod mollis. *An quod Plin. ait mullum, si lepore vescatur, tenerescere, & ingratiorem, viliorisque fieri? Non defendo, si quidem hæc Isidori sunt: de etymolog. vide Plin. 9. cap. 17. & inf. 19. cap. ultim.*

(4) Libidinem inhibeat. *Quod Echeneidi tribuit Plin. lib. 32. cap. 10.*

(5) Oculor. autem aciem hebetari. *Sic Plin. eod. lib. cap. 7.*

(6) Piscem olent. *Compl. Goth. horrent, hoc si attentius inspicias, lepori, non nullo tribuit idem lib. 32. cap. 1. Sed aliter. Homines (inquit) quib. impadus est, Piscem olent.*

(7) Mullus in vino affert. *Ex eod. lib. cap. 10.*

(8) Græci u. album λευκόν. *Secuti sumus Vilean. & Ant. Aug. quamvis γλάυκον pro γλάυκον, quod in Gothici est, non rejiciamus. Virg. populus, & glauca canentia throne salicta.*

(9) Thymallus. *Amb. 5. Hex. cap. 2. elegantissimus locus.*

(10) Scarus. *Ex eodem neque necesse est escarum scripsisse Isidorum: ut etymon conveniat, illud multò durius, quod ait Plinius, adeo littoribus Italia ignotum, ut nec nomen Latinum habeat: raros certe satis indicat Horatii versus. Non me Lucrina juverint Conchyliis, Magisve Rhombus, aut Scari.* Siquos Eois intonata fluctib. Hyems ad hoc vertat mare.

(11) Sed aversum cauda ictib. *Plin. 32. cap. 2.*

(12) Nam sparus telum. *è Serv. ad v. Agrestis armat sparus. En. 11.*

(13) Australis piscis. *Sæpè monuimus non contulisse Isidorum Servii Commentaria cum Virgilii verbis, idèque declinasse in ætærum à Servii mente. Hoc igitur loco, cum Pisces marinos captaret, cælestes inscius in idem rete conclusit. Ergo delæti hæc jubebat Chacon: locus Servii ad cermen; Aut eadem sidus fugiens ubi Piscis aquosus. Georg. 4.*

(14) Hamia. *Ita scribendum ex Plutarcho, lib. ultra prædientior. animal. qui ad aqua disci vult, id est, simul, quod gatum hi Pisces incedant.*

(15) Echeneis. *Plin. 32. cap. 1.*

mipedalis pisciculus nomen sumpsit, quòd navem adhærendo retineat. Ruant, licèt venti, & sæviant procel-
læ, navis tamen, quasi radicata in mari stare videtur, nèc moveri, non retinendo, sed tantummodò adhæren-
do. Hunc Latini Remoram appella-
verunt, eo quòd cogat stare navigia.

34 ⁽¹⁾ Uranoscopus vocatur ab oculo, quem in capite habet, à quo semper suprà intendit.

35 ⁽²⁾ Milvago nominatus, quia evolat super aquam : quoties autem cernitur extra aquam volitans, tem-
pestates mutari. (designat)

36 ⁽³⁾ Squatus dictus, quòd sit squammis acutis : undè, & ejus cute lignum politur.

37 ⁽⁴⁾ Civitas Syriæ, quæ nunc Tyrus dicitur, olim Sarra vocabatur à pisce quodam, qui illic abundat, quem lingua sua Sar appellant : ex quo derivatum est, hujus similitudinis pisciculus ⁽⁵⁾ Sardas, Sardinasque vocari.

38 Halec, pisciculus ad liquo-
rem salsamentorum idoneus, undè, & nuncupatus.

39 ⁽⁶⁾ Aphorus, pisciculus, qui propter exiguitatem hamo capi non potest.

40 Anguillæ similitudo anguis dedit nomen, origo ejus ex limo. Un-

dè, & quandò capitur adeò lenis est, ut quantò fortius presseris, tantò citius elabatur. ⁽⁷⁾ Ferunt autem Orientis fluvium Gangem anguillas tricenis pedibus gignere. ⁽⁸⁾ Anguilla vino necata, qui ex eo biberint, tædium vini habent.

41 ⁽⁹⁾ Draco marinus aculeos in branchiis habet ad caudam spectan-
tes, qui dùm percusserit, quaque ferit venenum fundit, undè, & vo-
catus.

42 ⁽¹⁰⁾ Murænam Græci *μύραινα* vocant, eo quòd complicit se in cir-
culos. ⁽¹¹⁾ Hanc foemini tantum se-
xus esse tradunt, & concipere à ser-
pente, ob id à piscatoribus tanquàm à serpente sibilo evocatur, & capitur. Ictu autem fustis difficultèr interimi-
tur, ferula protinus, animam in cau-
da habere certum est. Nam capite per-
cusso vix eam interimi, cauda sta-
tim exanimari.

43 Congrus.---

44 Polypus, id est, multipes:
plurimos enim nexus habet. Iste inge-
niosus hamum appetens brachiis com-
plectitur, non morsu : nèc priùs di-
mittit, quàm escam circumroserit.

45 Torpedo vocata, eo quòd corpus torpescere faciat, si eam quis-
quam viventem tangat. ⁽¹²⁾ Narrat Plinius Secundus : Ex Indico mari torpe-
Dd do

(1) Uranoscopus. Qui Anthias, Callyonymusque à quibusdam putatur. Plin. 32. cap. 7.

(2) Milvago—tempestates mutari. Plin. ibid. tempestates mutari cap. 7. Trebii niger auctor est. Est autem in libris ven-
terib. Milago, non Milvago.

(3) Squatus. Plin. 32. cap. 12. & cap. ultim. Rhina, quem Squatum vocamus, licèt lib. 9. eum. squatinam vocet Glos-
sar. squatus piva videt Isidorus. Angli quoque hodie scate appellant.

(4) Civitas Syriæ, quæ nunc Tyr. è Serv. ad u. Sartano dormiæ ostro. Georg. 2. Fest. Sarra Tyros Insula, quæ nunc
Epitros. i. continens.

(5) Sardas, Sardinas. Veteres CC. Sartas fortassè non male, solet n. ex duplici r, alterum in d non raro mutari : sed
Sarda hodie nomen etiam in vulgari lingua retinent.

(6) Aphorus. Ità scripsisse Isidorum etymologia indicat, sed Aphros rectum erat ex Arist. lib. 4. de Hist. cap. 15. Athe-
neus quoque lib. 7. τὸν ἀφρόσιον γόρον : ἐν οὐκὶ μὲν ἀφρόσιον ἀδδοὶ ἢ ἀφρόσιον ἰσχυρὰς οὐκ, οὐ δὲ ἀφρόσιον.

(7) Ferunt autem. è Plin. 9. cap. 3.

(8) Anguilla vin. Ex cod. lib. 32. cap. 104.

(9) Draco marinus. Eundem hunc videtur cum scorpione facere. Vid. Plin. lib. 2. cap. ultim.

(10) Muræna eo quòd complicit se in circulos. Nam ad muranulas aureas, quæ sunt in Salomonis canticiis respexit, quas
prioris pisce Muræna esse vult, eadem ratione, qua sparum telum pisce quoque sparum priorem antea dixerat : Porro *μύραινα*
væ, sive *εὐγύστρα* (nam utroq. modo effertur) à verbo *μύγω*. Id est, fluo dicta est, ut Eustachius putat.

(11) Hanc foemini generis. Ex Plin. 32. cap. 2.

(12) Narrat Plin. ex Indico mari. Lib. 32. cap. 1. Sed Antico, sive Antiocho pro Indico legendum credo : nam de eo loqui-
tur illic Plinius. Nisi deleri hæc mavis de Ant. August. sententia.

do etiam procul, & è longinquo, vel si hasta, virgaque attingatur, quamvis prævalidos lacertos torpescere, quamlibet ad cursum veloces pedes alligari. Tanta enim vis ejus est, ut etiam aura corporis sui afficiat membra.

46 Sepia dicitur, quia ⁽¹⁾ sepi-
bus interclusa facilius capitur. In
coëundo obscœnum genus, ore enim
concipit, sicut vipera. Cujus atramen-
ti tanta vis est, ut lucernæ addito ⁽²⁾
Æthiopes videri, ablato priori lumi-
ne, quidam tradant.

47 ⁽³⁾ Lulligo, tradunt in Occea-
no Mauritaniam non procul à Lixo
flumine tantam multitudinem Lulligi-
num evolare ex aqua, ut etiam naves
demergere possint.

48 ⁽⁴⁾ Conchæ, & cochleæ hac
ex causa vocatæ, quia deficiente Luna
cavantur, id est, evacuantur. ⁽⁵⁾ Om-
nium enim clausorum maris anima-
lium, atque concharum incremento
Lunæ membra turgescunt, defectu
evacuuntur. Luna enim cum in aug-
mento fuerit, auget humorem: cum
verò in defectum venerit, humores
minuuntur: hoc enim Physici dicunt.
Conchæ autem primæ positionis no-
men, cochleæ verò per diminutio-
nem, quasi concludæ.

49 Concharum multa genera
sunt, ⁽⁶⁾ inter quas, & margaritifera,
⁽⁷⁾ quæ Celoë dicuntur, ⁽⁸⁾ in quarum

carne pretiosus calculus solidatur. De
quibus tradunt ii, qui de animantium
scripsere naturis, quòd nocturno tem-
pore littora appetunt, & ex cœlesti
rore margaritum concipiunt, undè, &
Celoë nominantur.

50 ⁽⁹⁾ Murex, cochlea est maris,
dicta ab acumine, & asperitate, quæ
alio nomine ⁽¹⁰⁾ Conchylum nomina-
tur, propter quòd circumcisa ferro
lachrymas coloris purpurei emitat, ex
quibus purpura tingitur, & indè os-
trum appellatum, quòd hæc tinctura
ex testæ humore elicitur.

51 Cancris vocantur, quia conchæ
sunt crura habentes, ⁽¹¹⁾ inimica Ostreis
animalia: eorum enim carnibus vivunt
miro ingenio. Nam, quia valida testa
ejus aperiri non potest, explorat quan-
dò Ostrea claustra testarum aperiat:
tunc Cancer latentèr lapillum injicit,
atque impedita conclusione Ostreæ
carnes erodit. Tradunt quidam decem
Cancris cum ocimi manipulo alligatis,
omnes qui ibi sunt Scorpiones ad eum
locum coituros. Duo autem sunt gene-
ra cancrorum, fluviatiles, & marini.

52 Ostrea, dicta est à testa, qui-
bus mollities interior carnis munitur.
Græci enim testam ὄστρακα vocant.
⁽¹²⁾ Ostrea autem neutro, carnes ejus
fœminino dicuntur genere.

53 Musculi sunt, ut prædiximus
Cochleæ, à ⁽¹³⁾ quorum lacte concipiunt
Os-

(1) Sepibus interclusa—concipit. Verba Plin. lib. 9. cap. 51.

(2) Æthiopes videri. Ex Plin. 33. cap. 10.

(3) Lulligo—evolare ex aqua. Varro, Loligo quod subvolat, littera commutata, primo voligo.

(4) Conchæ, & conchæ. Al. cochleæ.

(5) Omnium n. clausorum maris animal. Verba Palladii lib. ult. cap. 6.

(6) Inter quas margaritifera. Plin. 32. cap. ultim.

(7) Quæ Celoë—& inf. undè, & Celoë. Etiam cœloë, ocellœ, & coclæ legitur. Ocelli, vel ocellati placebat A. Aug. (sed etymon cœli non convenit) Varro in Marciop. apud Nonium: altera exorat patrem libram Ocellatorum, altera virum semodium Margaritarum. Suet. in Aug. Ocellatis, nucibusque Indit. Etymon autem ocellatorum ex oculorum similitudine. Nam, & Athenæus lib. 83. cap. 8. margaritas bis oculis piscium magnis comparat.

(8) In quar. carne pretiosus calculus solidatur. Ambros. V. Hex. cap. 11. Undè etiam ostreis pretiosissimam margari-
tam natura infixerit, quomodo eam maris aqua in tam molli carne solidaverit.

(9) Murex, è Serv. ad v. Concussæ cautes, & acuto in murice remi. Æn. 5.

(10) Conchyl. è Virruo. lib. 7. cap. 13. Ead. repetuntur lib. 19. cap. 28.

(11) Inimica ostreis. Plutarch. dicto jam lib. & Ambros. V. Hex. cap. 8. De Polypo hac eadem Plin. 9. cap. 30.

(12) Ostrea autem neutro. Vide Serv. ad v. Ostifuri fauces tentantur Abydi. Georg. 1. & Non. Sed ex iis locis, quos vi-
tant contra potius existimare liceat promiscuè utroque genere usurpassè Latinos.

(13) Quorum lacte concipiunt Ostreæ, ita Gothi. o. Ostrea tamen, si sibi constare, aut Servium sequi vellet, dixisset
debuit. Plin. 9. cap. 51. Nuper compertum est in ostreæ humorem in iis foeticum modò lactis effluere.

Ostreæ, & dicti Musculi, quasi masculi.

54 Pelorides, à Peloro promontorio Siciliæ, ubi abundant, cognominatæ sunt. (Undè Virgilius dicit) Ecce autem Boreas angusta ab sede Pelori.

55 ⁽¹⁾ Ungues, à similitudine humanorum unguium dicti.

56 ⁽²⁾ Testudo dictus, eo quòd tegmine testæ sit adopertus in cameræ modum. Sunt autem quatuor genera, terrestres, maritimæ, lutariæ, id est, in cœno, & paludibus viventes. Quartum genus fluviatiles, quæ in dulci aqua vivunt. Tradunt quidam, quod incredibile est, tardiùs ire navigia Testudinis pedem dextrum vehentia.

57 ⁽³⁾ Echinus, à terrestri Echino nomen traxit, quem vulgus Heritium vocat. Hujus testula duplex, spinis aculeata in modum castanearum: quandò adhuc opertæ de arboribus cadunt. Caro ejus mollis, & minio similis. Et is tribus modis dicitur, ut Testudo, ac Peloris, & Conclea: nam, & quòd edimus, & ubi caro inest, utrumque dicitur Peloris.

58 Ranæ, à garrulitate vocatæ, eo quòd ⁽⁴⁾ circa genitales strepunt paludes, ⁽⁵⁾ & sonos vocis importunis clamoribus reddunt. Ex iis quædam

aquaticæ dicuntur, quædam palustres, ⁽⁶⁾ quædam Rubetæ, ob id, quia in vepribus vivunt grandiores cunctarum. ⁽⁷⁾ Aliæ Calamitæ vocantur, quoniam inter arundines, frutesque vivunt, minimæ omnium, & viridissimæ, ⁽⁸⁾ mutæ, & sine voce sunt.

59 ⁽⁹⁾ Agredulæ, ranæ parvæ in sicco, vel agris morantes, undè, & nuncupatæ. Negant quidam canes latrare, quibus in offa rana viva fuerit data.

60 ⁽¹⁰⁾ Sfungia, à fingere, id est, nitidare, & extergere dicta. Afranius: Accedo ad te, ut tibi cervicem fingam linteo, id est, extergam. Cicero: Effingebatur fungiis sanguis, id est, extergebatur. ⁽¹¹⁾ Animal autem esse docetur cruore inhærente petris Undè, & dùm absconditur, sanguinem remittit. Nam alia sunt viventia in aquis, & discurrunt, ut pisces, ⁽¹²⁾ alia stant fixa, ut Ostreæ, Echini, Sfungiæ. Ex his alias mares dici, eo quòd tenui sunt fistula, spissioresque: alias fœminas, quæ majoribus fistulis sunt, ac perpetuis: alias duriores, quas Græci appellant τράγους, & nos hircosas dicere possumus ob asperitatem sui.

61 ⁽¹³⁾ Mollissimum genus earum Pennicilli vocantur, eo quòd aptæ sint ad oculorum tumores, & ad extergendas

Ed 2

das

(1) Ungues. à Plin. (sunt autem quatuor genera) Item à Plin.

(2) Testudo. Sunt autem quatuor gen. Item à Plin.

(3) Echinus. Ambros. 6. Hex. cap. 4. Echinus iste terreus, quem vulgò Heritium vocat. Gloss. Eriçius ἰχθυὶς Eri-nacius.

(4) Circa genitales. Ex Ambros. 5. Hex. cap. 10.

(5) Et sonos vocis importun. Ex Origen. Hom. 4. in Exod.

(6) Quædam Rubetæ. Plin. 32. cap. 5.

(7) Aliæ Calamitæ. Idem cap. 10.

(8) Mutæ, & sine voce. Plin. 32. cap. 6.

(9) Agredulæ. Ex Gottb. alii Agridulæ.

(10) Sfungia à fingere. Sfungiam pro spongia scripsisse aliquos indicat Charisius. Spongia (inquit) sine h. dicenda est. Nam Græce σῦγγα: dicitur σάνδρος. Quin etiam Græci, vel ἀνδρὶ σῦγγα τὰ ὄψα, vel ἀνδρὶ σῦγγα τὰ ἐπίρρις τὰ ἐπὶ τῇ ἐλπίδι. hoc est, vel ab attrahendo, vel exprimendo humore deducunt. Notum illud Suet. in Vespas. Procuratoribus illum suis pro spongiis uti, quod quasi sicco maderet, & exprimeret humentes. Ut autem ab effingendo traheret Isidorus, Servius fecit, qui fingere tergere interpretatur. Æn. 8. adducto ad id Ciceronis loco à Sextian. Qua de Generib. spongiarum referuntur, ex Arist. sumpta videntur lib. 5. de Hist. cap. 16. & Plin. 9. cap. 45.

(11) Animal autem esse docetur. Plin. 31. cap. ultim.

(12) Alia, quæ stant fixa. Arist. lib. 4. de Histor. cap. 6.

(13) Mollissimum genus earum Pennicilli. Verba sunt Plinii. Sed in Codice vetustissimo Plinii Eccles. Toletana non pennicilli, sed pennicillis legitur hoc modo; Mollissimum genus earum penicillis oculorum tumores levat. Ità fortassis nullum spongiarum genus pennicillus à Plinio dictum fuerit: scio tamen Testum ita scribere; Penniculi spongiæ longæ, propter similitudinem caudarum appellatæ.

das lippitudines utiles. Candidæ Sfungiæ cura fiunt : per æstatem enim ad Solem sternuntur , & , sicut cera Punica , candorem bibunt.

62 ⁽¹⁾ Animalium omnium in aquis viventium nomina cxliiii, Plinius ait, divisa in generibus belluarum, serpentium communium terræ, & aquæ, cancrorum, concharum, locustarum, peloridum, polyporum, solearum, lacertorum, & luliginum, & his similia, ex quibus multa quodam naturæ intellectu temporum suorum ordinem agnoscunt, quædam verò in suis locis sine mutatione vagantur. In piscibus autem foeminis aliæ commixtione masculi concipiunt, & pariunt catulos: aliæ ponunt ova sine ⁽²⁾ masculi commixtione suscepta, ⁽³⁾ quæ idem insequens sui seminis jactu perfundit : & quæ hoc munere fuerint afflata, fiunt generabilia, quæ verò perfusa non fuerint, sterilia perseverant, aut putrescunt.

CAPUT VII.

De Avibus.

1 UNUM ⁽⁴⁾ nomen avium, sed genus diversum. Nam sicut specie sibi differunt, ita, & naturæ diversitate : nam aliæ simplices sunt, ut columbæ : aliæ astutæ, ut perdix : aliæ ad manum se subjiunt, ut accipiter : aliæ reformidant, ⁽⁵⁾ ut garamantes : aliæ hominum conversatione delectantur, ut hirundo : aliæ in deser-

tis secretam vitam diligunt, ut turtur : aliæ solo semine reperto pascuntur, ut anser : aliæ carnes edunt, & rapinis intendunt, ut milvus : ⁽⁶⁾ aliæ enchoriæ, quæ manent in locis semper, ut struthio : aliæ adventitiæ, quæ propriis temporibus revertuntur, ut ciconiæ, & hirundines : aliæ congregæ, id est, gregatim volantes, ut sturni, & coturnices : aliæ solivagæ, id est, solitariae propter insidias deprædandi, ut aquila, accipiter, & quæcumque ita sunt : aliæ vocibus strepunt, ut hirundo : aliæ cantus edunt dulcissimos, ut cygnus, & merula : aliæ verba, & voces hominum imitantur, ut psittacus, & pica. Sed, & alia, sicut genera, ita, & moribus innumerabilia. Nam volucrum quot genera sint, invenire quisquam non potest. ⁽⁷⁾ Nequè enim omnis Indiæ, & Æthiopiæ, aut Scythiæ deserta quis penetrare potuit, qui earum genus, vel differentias nosset.

2 Aves dictæ, eo quod vias certas non habeant : sed per avia quæque discurrant.

3 Alites, quod alis alta intendant, & ad sublimia remigio alarum conscendant.

4 Volucres à volando : ⁽⁸⁾ nam undè volare, indè, & ambulare dicimus. Vola enim dicitur media pars pedis, sive manus, & in avibus vola pars mediæ alarum, quarum motu pennæ agitantur, indè, & volucres.

5 Pulli, dicuntur omnium avium

na-

(1) Animalium omnium in aq. viv. nom. 144. Idem numerus in Codice Plin. Eccl. Tolet. in vulgatis 176. Hieronymus in Ezech. cap. 47. ex Oppiano, & aliis, qui ἀλιωτικά scripsere, refert 153. esse piscium genera, eaque omnia capita fuisse vult ab Apostolis Joann. 21.

(2) Masculi commixtione suscepta. Al. susceptione concepta.

(3) Quæ iidem insequentes. Arist. 6. de Hist. Anim. cap. 13. de Ovis Piscium. Gaza interprete. Nec verò hæc omnia fecunda sunt, sed ea quibus editis, mas semen asperserit genitale. Sub partu enim mas insequens semen ovis aspergit, & quæ eo afflantur, iis pisciculi enascuntur.

(4) Cap. VII. Unum nomen avium—psittacus. Omnia ex Ambros. 5. Hex. cap. 14. Præter exempla, quæ ab Isidoro quæque omnia putabat Chacon.

(5) Ut Garamantes. De quibus Nicephorus lib. 9.

(6) Aliæ Enchoriæ. Ex voce encuriæ, aut encoriæ, incolæ librarii non omnino absurdè fecerant. Basilii, à quo Ambrosius, vexigia.

(7) Nequè n. omnis Indiæ. Plin. 33. cap. 11.

(8) Nam undè volare, indè, & ambulare. à Serv. ad v. Pascentes illæ tantum prodire volando. Æn. 6.

nati , sed , & animalium quadrupedum nati pulli dicuntur , & ⁽¹⁾ homo parvus pullus. Recentes igitur nati pulli dicuntur , eo quod polluti sunt : undè , & vestis nigra pulla dicta est.

6 Alæ sunt , in quibus pennæ per ordinem fixæ volandi exhibent usum. Vocatæ autem alæ , quod iis aves complexos alant , & foveant pullos.

7 Penna à pendendo , id est , à volando , dicta , undè , & pendere volucres enim pennarum auxilio moventur , quandò se aëri mandant.

8 Pluma , quasi piluma : nam si cùt pili in quadrupedum corpore , ita pluma in avibus.

9 Avium nomina multa à sono vocis constat esse composita : ut grus , corvus , cygnus , pavo , milvus , ulula , cuculus , graculus , &c. varietas enim vocis eorum docuit homines , quid nominarentur.

10 Aquila , ab acumine oculorum vocata. ⁽²⁾ Tanti enim contuitus esse dicitur , ut cùm super maria immobili penna feratur , nèc humanis pateat obtutibus , de tanta sublimitate pisciculos natere videat , ac tormenti insitar descendens raptam prædam pennis ad littus pertrahat. ⁽³⁾ Nam , & contrà radium solis fertur obtutum non flectere , undè , & pullos suos ungue suspensos radiis solis objicit , & quos videt immobilem tenere aciem , ut dignos genere conservat , si quos verò inflectere obtutum , quasi degeneres abjicit.

11 Vultur , à volatu tardo nominata putatur. Magnitudine quippè corporis præpetes volatus non habet:

⁽⁴⁾ harum quasdam dicunt concubitu non misceri , & sine copula concipere , & generare , natosque earum penè , usquè ad centum annos procedere. ⁽⁵⁾ Vultures autem sicùt , & aquilæ etiam ultra maria cadavera sentiunt : altiùs quippè volantes multa , quæ montium obscuritate cælantur ex alto illæ conspiciunt.

12 ⁽⁶⁾ Bradypus apud Græcos vocatur , Avis apud nos Tarda , eo quod gravi volatu detenta , nequaquam , ut cæteræ volucres attollitur velocitate pennarum.

13 Grues verò nomen de propria voce sumpserunt , tali enim sono susurrant. Hæ autem dùm properant , unam sequuntur ⁽⁷⁾ ordine litterato. De quibus Lucanus : Et turbata perit dispersis littera pennis. Excelsa autem petunt , quo faciliùs videant , quas petant terras. Castigat autem voce , quæ cogit agmen. At ubi raucescit , succedit alia : nocte autem excubias dividunt , & ordinem vigiliarum per vices faciunt , tenentes lapillos suspensis digitis , quibus somnos arguant , quod cavendum erit clamor indicat. Etatem in illis color prodit , nam senectute nigrescunt.

14 Ciconiæ vocatæ à sono , quo crepitant , quasi cicianæ , ⁽⁸⁾ quem sonum oris potius esse , (constat) quàm vocis , quia eum quatiante rostro faciunt. Hæ veris nuntia , ⁽⁹⁾ societatis comites , serpentium hostes , maria transvolant , in Asiam collecto agmine pergunt. Cornices duces eas præcedunt , & ipsæ , quasi exercitus prosequuntur.

Dd 3

(1) Et homo parvus , pullo. Ut suprà ex Festo ostendimus.

(2) Tanti enim contuitus. Ex Hier. in Abd. cap. 1.

(3) Nam , & contrà radios. Ex Ambros. 5. Hex. cap. 18. & in Ps. 118.

(4) Harum quas dicunt. Ambros. cap. 20.

(5) Vultures autem. Idem in oratione de Obitu Theodosii.

(6) Bradypus apud Græcos. Facilis fuit lapsus ex hac voce in Gradipe , qua in plerisque CC. legitur Plin. 10. cap. 22.

Proximè sunt , quas Hispania aves tardas appellat , Græcia otidas.

(7) Ordine litterato. à Serv. Æn. 1. ad v. Cætu cinxere polum. Reliqua à Solin. c. de Thoracis.

(8) Quem sonum oris potius. à Solin. 35. & Ambros. V. Hex. cap. 16.

(9) Societatis comites. Sic paullo-post columbam castitatis comitem dicit.

quantur. Eximia illis circa filios pietas : nàm adèò nidos impensius fovent , ut assiduo incubitu plumas exuant. Quantum autem tempus impenderint in foetibus educandis , tantum , & ipsæ invicem à pullis suis aluntur.

15 Olor, avis est quàm Græci *ὄλιον* appellant. ⁽¹⁾ Olor autem dictus, quòd sit totus plumis albus : nullus enim meminit Cygnum nigrum : ὄλον enim Græcè totum dicitur.

16 ⁽²⁾ Cygnus autem à canendo est appellatus, eo quòd carminis dulcedinem modulatis vocibus fundit. Ideò autem suaviter eum canere, (dicunt) quia collum longum, & inflexum habet, & necessè est eluctantem vocem per longum, & flexuosum iter varias reddere modulationes. Ferunt in Hyperboreis partibus, præcinentibus cytharædis : Olores plurimos advolare, apteque admodum concinere. ⁽³⁾ Olores autem Latinum nomen est: nàm Græcè Cygni dicuntur. ⁽⁴⁾ Nautæ verò sibi hunc bonam prognosin facere dicunt, sicut ait ⁽⁵⁾ Æmilius: Cygnus in auspiciis semper lætissimus ales. Hunc optant nautæ, quia se non mergit in undas.

17 ⁽⁶⁾ Struthio Græco nomine dicitur, quòd animal in similitudine avis pennas habere videtur, tamen de terra altiùs non elevatur. Ova sua fovere negligit, sed projecta tantummodò, fotu pulveris animantur.

18 Ardea vocata, quasi ardua, i. propter altos volatus. Lucanus: ⁽⁷⁾ Quodquæ ausa volare Ardea. ⁽⁸⁾ Formidat enim imbres, & super nubes evolat, ut procellas nubium sentire non possit: cùm autem altiùs volaverit, significat tempestatem. Hanc multi ⁽⁹⁾ Tantalum nominant.

19 ⁽¹⁰⁾ Phoenix, Arabiæ avis, dicta, quòd colorem phoeniceum habeat, vel quòd sit toto orbe singularis, & unica. Nàm Arabes singularem, & unicam Phoenicem vocant. Hæc quingentis, & ultra annis vivens, dùm se viderit senuisse: collectis aromatibus virgulis, rogum sibi instruit, & conversa ad radium Solis alarum plausu voluntarium, sibi incendium nutrit, sicque iterùm de cineribus suis resurgit.

20 ⁽¹¹⁾ Cinnamolgus, & ipsa Arabiæ avis, proindè ita vocata, quòd in excelsis ne moribus textit nidos ex fruticibus cinnami, & quoniam non possunt ibi homines conscendere propter ramorum altitudinem, & fragilitatem, eosdem nidos plumbatis appetunt jaculis, ac sic cinnama illa deponunt, & pretiis amplioribus vendunt: eo quòd cinnamum illud magis, quàm alia mercatores probent.

21 ⁽¹²⁾ Psittacus, in Indiæ littoribus gignitur, colore viridi, torque puniceo, grandi lingua, & cæteris avibus latiore. Undè, & articulata verba

(1) Olor autem dictus, Olorem Latinam vocem statim faciet, sed à Græca duci, nihil vetat, nisi aliena hæc esse cum Chacone navis.

(2) Cygnus. Aliquanto durior notatio.

(3) Olores autem Latine, à Serv. ad v. Strymoniamque græcum, aut album deiecit olorem, Æn. 11.

(4) Nautæ bonam prognosin, à Serv. Æn. 1. ad v. Aspicibus senoi læt.

(5) Sicile Æmilius ait. Æmilius Macer in ornithogonia, & ita legendum censet Chacon, apud Nonium in Profecta, non Licinius. Nàm quamvis utriusque Plinius meminerit, tamen cum de avibus agit Æmillium citat, qui citatur etiam à Non. inculcens, ita Serv. Æn. 1. ad v. Ignarum funos pecus à præsepibus atrent.

(6) Struthio. Ex Gregor. 31. Moral. ad Job cap. 39.

(7) Quodquæ ausa volare Ardea. à Lucan. 5. Idæus vero, à Serv. Georg. 1. & Æn. 7.

(8) Formidat. Ex Ambros. Hexam. 5. cap. 13.

(9) Tantalum vocant. Videndum, num potius Taurum. Nàm ardeam stellarem ita appellat Aristoteles. Quod vobis mutatum voce imittitur, cuius meminit etiam Plin. lib. 10. cap. 42.

(10) Phoenix avis dicta. Plin. lib. 13. cap. 4. à phœnice, id est, palma.

(11) Cinnamulgus. Plin. 10. cap. 33. & Sol. cap. 46. Idem est cum cinnamomo. Sed cinnamomum unice n. scribunt Græci, atque ita scribi præcipit apud Latinos Nestor. antiquus Gramin.

(12) Psittacus à Solin. cap. 55.

ba exprimit, ita ut si eam non videris, hominem loqui putes. Ex natura autem salutat dicens, ave, vel χαῖρε; cætera nomina institutione discit. Hinc est illud: Psittacus à vobis aliorum nomina discam: Hoc didici per me dicere, Cæsar ave.

22 ⁽¹⁾ Halcyon, pelagi volucris dicta, quasi ales cyanea, eò quòd hyeme in stagnis Oceani nidos facit, pullosque educit. Qua excubante fertur extento æquore, pelagus silentibus ventis continua septem dierum tranquillitate mitescere, & ejus foetibus educandis obsequium ipsam rerum naturam præbere.

23 ⁽²⁾ Pellicanus, avis Ægyptia, habitans in solitudine Nili fluminis, undè, & nomen sumpsit: ⁽³⁾ nam Canopus Ægyptus dicitur. Fertur, si verum est, eam occidere natos suos, eosque per triduum lugere, deindè seipsam vulnerare, & aspersione sui sanguinis vivificare filios.

24 ⁽⁴⁾ Symphalidæ, aves à Stymphalidibus Insulis appellatæ, ubi plurimum abundant, adversus quas Hercules sagittis est usus: sunt enim pelagi volucres in Insulis habitantes.

25 ⁽⁵⁾ Diomedæas aves à sociis Diomedis appellatas, quos ferunt fabulæ in easdem volucres fuisse conversos, forma fulicæ similes, magnitudine cygnorum, colore candido,

duris, & grandibus rostris. Sunt autem circa Apuliam in Insula Diomedea inter scopulos littorum, & saxa volitantes, judicant inter suos, & advenas. Nam si Græcus est proprius accedunt, & blandiuntur: si alienigena, morsu impugnant, & vulnerant, lacrymosis, quasi vocibus dolentes, vel suam mutationem, vel Regis interitum. Nam Diomedes ab Ulyris interemptus est. Hæ aves Latine Diomedææ vocantur, Græci eas ἡπαδίους dicunt.

26 ⁽⁶⁾ Memnonides aves Ægyptiæ, appellatæ à loco, ubi Memnon periit. Nam catervatim advolare dicuntur ex Ægypto ad Ilium juxta Memnonis sepulchrum, & proindè eas Ilienses Memnonias vocant. Quinto autem anno ad Ilium veniunt, & cum biduo circumvolaverint, tertia die ineuntes pugnam vicissim se unguibus, rostrisque dilacerant.

27 ⁽⁷⁾ Hercyniæ aves dictæ ab Hercynio saltu Germaniæ ubi nascuntur, quarum pennæ adeò per obscurum emicant: ut ⁽⁸⁾ quamvis nox obtenta densis tenebris, sit ad præsidium itineris dirigendi præjactæ interluceant cursusque viæ pateat indicio plumarum fulgentium.

28 ⁽⁹⁾ Onocrotalon Græci vocant rostro longo. Quorum duo genera sunt: aliud aquatile, aliud solitudinis.

29 ⁽¹⁰⁾ Ibis, avis Nili fluminis, quæ

(1) Halcyon quasi avis Oceana. Gothici Cyanea;

(2) Pellicanus—fluminis. Verba Aug. in Ps. 101.

(3) Nam Canopus Ægyptus dicitur. Nam Pellæus Canopus mallet, ut magis etymon responderet? Virgil. Georg. Nam qua Pellæ gens fortunata Canopi 4. Et tamen lib. 19. cap. 5. Nam Canopus Ægyptus est.

(4) Symphalides aves ab Stymphalibus Insulis. GG. Goth. Stomphalidæ aves ab Strophadibus Insulis. Virgilium utrumque. Nam neque Stymphades Insula ulla (ut opinor) dicuntur; neque Stomphalidæ aves. Est autem Stymphalas Arcadiæ palus, etiamque in Epiro Strophades Insula, & utrobique aves; quarum illas confixisse sagittis Hercules, has abegisse Zethus. & Calais Boreæ filii memorantur: de illis Lucreti: 5. Uncisque timendæ, Unguibus Arcadiæ volucres Stymphala colentes—de his Virg. 3. Æn. Strophades Grajo stant nomine dictæ Insulæ Jonio in magno, quas dita Celeno, Harpyæque, &c.

(5) Diomedæas aves. Locus pluribus ex auctoribus concinnatus, è Serv. ad v. Nunc etiam horribili visu p. seq. Æn. 11. Aug. 18. de Civit. cap. 16. Solin. cap. 9. Plin. & Ovidio.

(6) Memnonides. Plin. 10. cap. 26. Solin. cap. 43. Albert. Mag. 23. de Animal. Ovid. 13. Metam. Terq. rogum lustrant, & consonus exit in auras Terplangor.

(7) Hercyniæ aves. è Solin. 32.

(8) Quamvis nox obtenta densis tenebris. Virg. Georg. 1. Semper, & obtenta densantur nocte tenebræ.

(9) Onocrotalon—quorum duo genera. Ex Hieron. in Seph. 2. Est avis hac voracissima, propterea Martial. Turpe Ravnennatis guttur Onocrotali. Vid. Nebriss. in lib. de L. locis.

(10) Ibis avis Nili. Plin. 8. cap. 27. Æliam. 2. cap. 35.

quæ semetipsam purgat, rostro in animum aqua fundens. ⁽¹⁾ Hæc serpentium ovis vescitur, ex eis escam gratissimam nidis suis deportans.

30 ⁽²⁾ Meropes, eosdem, & Gaulos, qui parentes suos recondere, atque alere dicuntur.

31 ⁽³⁾ Coredulæ, genus volatile, quasi cor edens.

32 ⁽⁴⁾ Monedula, quasi monetula, quæ cum aurum invenit, aufert, & occultat. Cic. pro Valer. Flac. Non plus aurum tibi, ⁽⁵⁾ quam monedulæ, committendum.

33 ⁽⁶⁾ Vespertilio, pro tempore nomen accepit, eò quod lucem fugiens, crepusculo vespertino circumvolat, præcipiti motu acta, & tenuissimis brachiorum membranis suspensa: ⁽⁷⁾ animal murium simile, non tam voce resonans, quam stridore: specie quoque volatilis, simul, & quadrupes, quod in aliis avibus reperiri non solet.

34 ⁽⁸⁾ Luscinia avis inde nomen sumpsit, quod cantu suo significare solet diei surgentis exortum, quasi luscinia. Eadem, & Acredula, de qua Cicer. in Prognosticis: ⁽⁹⁾ Et matutinos exercet Acredula cantus.

35 ⁽¹⁰⁾ Ulula avis, ἀπὸ τοῦ ὀλοῦ-ζεν, id est, à planctu, & luctu nominata: ⁽¹¹⁾ cum enim clamat, aut fletum

imitatur, aut gemitum: unde, & apud augures, si lamentatur, tristitiam tacens ostendere fertur prosperitatem.

36 Bubo, à sono vocis compositum nomen habet, avis feralis, onusta quidem plumis, sed gravi semper detenta pigritie: in sepulchris die, noctuque versatur, & semper commorans in cavernis: de qua Ovidius: Fœdaque fit volucris venturi nuntia luctus, ignavus bubo dirum mortalibus omen. Denique apud augures malum portendere fertur: nam cum in Urbe visa fuerit, solitudinem significari dicunt.

37 Noctua dicitur, pro eo quod nocte circumvolat, & per diem non possit videre. ⁽¹²⁾ Nam exorto splendore Solis visus illius hebetatur. Hanc autem ⁽¹³⁾ Insula Cretensis non habet, & si veniat aliunde statim moritur. ⁽¹⁴⁾ Noctua autem non est bubo, nam bubo maior est.

38 ⁽¹⁵⁾ Nycticorax, ipsa est noctua, ⁽¹⁶⁾ quia noctem amat: ⁽¹⁷⁾ est enim avis lucifuga, ⁽¹⁸⁾ & Solem videre non patitur.

39 ⁽¹⁹⁾ Strix, nocturna avis habens nomen de sono vocis: quando enim clamat, stridet: de quo Lucanus: Quod trepidus bubo, quod Strix nocturna queruntur. Hæc avis vulgo Amma dicitur, ab amando parvulos, unde,

(1) Hæc serpentium ovis, è Solin. cap. 45.

(2) Meropis--cos, & Gaulos. Sic vocant Itali, nos avejarucos.

(3) Quam monedulæ committend. Committebant legitur apud Cicer. Vid. Plin. lib. 10. cap. 29.

(4) Vespertilio. Ex Ambros. Hexam. 5. cap. 24.

(5) Animal murium simile. Verba Hieronym. in Is. 2. cap.

(6) Luscinia. Ex Ambros. Hexam. 5. cap. 11. Diversa tamen origo placuit Varro: Lusciola, aut Luscinia, (inquit) quod luctuosè canere existimatur, atque esse ex Ætica Progne in luctu facta avis.

(7) Et mat. c. a. c. & matutinis Acredula vocibus instat, vocibus instat, & assiduas jacit ore querelas, i. de Divinatione ex iis. prognost. Quintus frater.

(8) Ulula avis, è Serv. eclog. 8.

(9) Cum enim clamat. Servius hæc de Bubone, non de Ulula. Æn. 4.

(10) Nam exorto splendore. Ambros. 5. Hex. cap. 24.

(11) Hanc autem Insula Cretensis. è Solin. cap. 16.

(12) Noctua autem non est bubo. è Serv. Æn. 12.

(13) Nycticorax ipsa est noctua. Hieronym. Epist. 135. ad Sunniam.

(14) Quia noctem amat. Aug. in Ps. 101.

(15) Est n. avis lucifuga. è Serv. Georg. 1. ad v. Nequicquam seros c. noct.

(16) Et Solem videre non pat. De Vespertilio dixit Hieronym. Is. 2.

(17) Strix. Vid. Fest. sed quid vulgo Ammas dici refert. Hinc quidam nutrices amas à nostris vocari putant. Alii vero non Latinam vocem, sed à Germanis advectam existimant. Sed, qui Hebraam dixerit; minus, credo fallit.

dè, & lac præbere fertur nascentibus.

40 ⁽¹⁾ Corvus, sivè Corax nomen à sono gutturis habet, quòd voce coracinet. Fertur hæc avis, quòd editis pullis escam plenè non præbeat, priusquàm in eis per pennarum nigredinem similitudinem proprii coloris agnoscat. Postquàm verò eos tetros plumis aspexerit, in toto agnitos abundantius pascit. Hic prior in cadaveribus ⁽²⁾ oculum petit.

41 Cornix, annosa avis, apud Latinos Græco nomine appellatur, quàm ajunt augures hominum curas ⁽³⁾ significationibus augere, insidiarum vias monstrare, futura prædicere. Magnum nefas hæc credere, ut Deus consilia sua Cornicibus mandet. Huic inter multa auspicia tribuunt etiam pluvias portendere vocibus, undè est illud: Tunc cornix plena pluviam vocat improba voce.

42 Graculus, à garrulitate nuncupatus, non, ut quidam voluit, pro eo quòd gregatim volent: cum sit manifestum ex voce eum nuncupari. Est enim loquacissimum genus, & vocibus importunum.

43 ⁽⁴⁾ Picæ, quasi poëtricæ, quòd verba in discrimine vocis exprimant: ut homo. Per ramos enim arborum pendulæ importuna garrulitate sonantes, etsi linguas in sermone nequeunt explicare, sonum tamen humanæ vocis imitantur, de qua congruè quidam ait: ⁽⁵⁾ Pica loquax certa dominum re voce saluto. Si me non videas, esse negabis avem.

44 Picus, à Pico Saturni filio nomen sumpsit, eo quòd ea in auspiciis utebatur. Nàm ferunt hanc avem quiddam habere divinum, illo indicio, quòd in ⁽⁶⁾ quacumque arbore nidificaverit, clavus, vel quicquid aliud fixum fuerit, diù hære non possit, quin statim excidat, ubi ea insederit. ⁽⁷⁾ Iste est Picus Martius, nàm alia est Pica.

45 ⁽⁸⁾ Pavo, nomen de sono vocis habet, cujus caro tam dura est: ut putredinem vix sentiat, nèc facilè coquatur, ⁽⁹⁾ de quo quidam sic ait. Miraris quotiès gemmantès explicat alas. Et potes hunc sævo tradere durè coco?

46 Phasianus, à ⁽¹⁰⁾ Phaside Insula Græciæ, undè primum asportatus est, appellatur. Testatur id vetus distichon illud: Argiva primò sum transportata carina. Ante mihi notum, nisi Phasis erat.

47 Gallus à castratione vocatus. Inter cæteras enim aves huic soli testiculi adimuntur. Veteres enim abscessos Gallos vocabant: sicut autem à leone, leæna; & à dracone, dracæna; ita à gallo, gallina. Cujus membra, ferunt quidam, si auro liquescenti miscantur, ⁽¹¹⁾ consumi.

48 Anas, ab assiduitate natandi aptum nomen accepit. Ex quo genere quædam Germanæ dicuntur, quòd plùs cæteris nutriant.

49 Anseri, nomen Anas dedit per derivationem, vel à similitudine, vel

(1) Corvus--fertur hæc avis. à Greg. 30. Moral. cap. 9. Al. 15.

(2) Oculum petit. Catull. de Cominio--Non equidem dubito, quin primum inimica bonorum--Lingua execta avido sic data vulturio.--Effusos oculos vorat atro gutture corvus.--Intestina canes, cætera membra lupi.

(3) Significationibus augere. Ita solus Vulcan. reliqui agere.

(4) Picæ, q. Poëtricæ. Vel ad Persium respexit--Corvus Poëtæ, & Poëtidas picas--Aut ad fabulam de Piridibus in picas mutatis.

(5) Pica loquax. Carmen Martialis.

(6) In quacumque arbore nidificaver. Ex Plin. 10. cap. 18.

(7) Iste est picus Martius. à Serv. ad v. Autca percus. virga. Æn. 7.

(8) Pavo--ut putredinem vix sentiat. Ex Aug. 21. de Civit. cap. 4.

(9) De quo quidam. Martialis.

(10) A Phaside Insula Græciæ. Fluvio potius, aut Urbe.

(11) Consumi. Aurum scilicet. Plin. 29. cap. 4. Si auro liquescenti gallinar. membra miscantur, consumunt id in se, ita hoc venenum auri est.

vel quòd , & ipse natandi frequentiam habeat. ⁽¹⁾ Iste vigilias noctis assiduitate clangoris testatur. ⁽²⁾ Nullum autem animal ita odorem hominis sentit , ut Anser , undè , & clangore ejus Gallorum ascensus in Capitolio deprehensus est.

50 ⁽³⁾ Fulica dicta , quòd caro ejus leporinam sapiat. Lagos enim lepus dicitur , undè , & apud Græcos Lagois dicitur. ⁽⁴⁾ Est enim avis stagnensis , habens nidum in medio aquæ , vel in petris , quas aquæ circumdant , ⁽⁵⁾ maritimoque semper delectatur profundo. Quæ dum tempestatem persenserit , fugiens in vado ludit.

51 ⁽⁶⁾ Mergis ab assiduitate mergendi nomen hoc hæsit. Sæpè autem demisso in profundum capite aurarum signa sub fluctibus colligunt , & prævidentes æquoris tempestatem cum clamore ad littora tendunt. Nam in pelago jam gravissimam esse tempestatem , (constat) cum ad littora Mergi confugerint.

52 Accipiter , avis animo plus armata , quam unguis , virtutem majorem in minore corpore gestans. Hic ab accipiendo , id est , à capiendo nomen sumpsit. Est enim avis rapiendis aliis avibus avida , ideoque vocatur Accipiter , hoc est , raptor , undè , & Paulus Apostolus : Sustinetis enim si quis ⁽⁷⁾ vos accipit , ut enim diceret , si quis rapit , dixit , si quis accipit. ⁽⁸⁾ Fertur autem Accipitres circa pullos suos im-

pios esse. Nam dum viderint eos posse tentare volatus , nullas eis præbent escas , sed verberant pennis , & à nido præcitant , atque à tenero compellunt ad prædam , nè fortè adulti pigrescant.

53 ⁽⁹⁾ Capys Itala lingua dicitur à capiendo. Hunc nostri Falconem vocant , eo quòd incurvis digitis sit.

54 Milvus , mollis viribus , & volatu , quasi mollis avis , undè , & nuncupatur , ⁽¹⁰⁾ rapacissimus tamen , & semper domesticis avibus insidiatur.

55 Ossifragus , vulgò appellatur avis , quæ ossa ab alto dimittit , & frangit. Undè , & à frangendo ossa nomen accepit.

56 ⁽¹¹⁾ Turtur de voce vocatur , avis pudica , & semper in montium jugis , & in desertis solitudinibus commorans. Tecta enim hominum , & conversationem fugit , & commoratur in sylvis. Quæ etiam hyeme deplumata in truncis arborum concavis habitare perhibetur. Cujus è contrario columba hospitia humana diligit semper domorum blanda habitatrix.

57 Columbæ dictæ , quòd earum colla ad singulas conversiones colores mutant , aves mansuetæ , & in hominum multitudine conversantes , ac ⁽¹²⁾ sine felle , quas antiqui Venerias nuncupabant , eo quòd nidos frequentent , & osculo amorem concipiant.

58 Palumbes , eo quòd sint fartæ ,

(1) Iste vigilias noctis. Ex Ambros. Hexam. 5. cap. 13.

(2) Nullum animal. è Serv. Æn. 8.

(3) Fulica dicta , eo quòd caro ejus leporem sapiat. Fuliginem , credo , aut uliginem sapit , sed quorsum illud : lagos n. lepus dicitur-mirum n. glossema est.

(4) Est enim avis stagnensis. Ex August. in Ps. 103.

(5) Maritimo q. s. d. p. Ex Ambros. cap. 13.

(6) Mergis ab assid. Ita est in Goth. & apud Ambros. Reliqua ex Virg. Georg. 1.

(7) Si quis vos accipit. Ex Greg. 13. Moral. cap. 11. Al. 16.

(8) Fertur autem accipiter. Ex Ambros. cap. 8.

(9) Capys. Serv. ad carmen. Et capys hinc nomen Campanæ ducitur Urbi constat (inquit) Capuam à Thuscis conditam viso falconis augurio , qui Thusca lingua Capys dicitur. Et Fest. in Capuam.

(10) Rapacissimus , &c. Verba Hieronymi ad Zachar. cap. 5.

(11) Turtur avis pudica. Hieron. 1. contra Jovinian. Turtur avis pudicissima. Et Orig. hom. 2. in Cant. Hier. interpret. Turtur semper in montium jugis , & arborum verticibus commoratur.

(12) Ac sine felle. Quod minimum felle habent , ut dicitur supra. Vid. Arist. 2. de Hist. Anim. cap. 15.

tæ, à pabulo, ⁽¹⁾ quas vulgus Titos vocant, avis casta ex moribus appellatur, quòd comes sit castitatis. Nàm dicitur, quòd amisso corporali consortio solitaria incedat, nè carnalem copulam ultrà requirat.

59 ⁽²⁾ Perdix, de voce nomen habet, avis dolosa, atquè immunda. Nàm masculus in masculum insurgit, & obliviscitur sexum libido præceps. ⁽³⁾ Adeò autem fraudulenta, ut alteri ova diripiens foveat, sed fraus fructum non habet, deniquè dùm pulli propriæ vocem genitricis audierint, naturali quodam instinctu hanc, quæ fovit, relinquunt, & ad eandem, quæ genuit, revertuntur.

60 Coturnices, à sono vocis dictæ, quas Græci *ὄρνυγας* vocant, eo quòd primum visæ fuerint in Ortygia Insula. Hæ adveniendi habent tempora. Nàm æstate depulsa maria transmeant.

61 ⁽⁴⁾ Ortygetra dicitur, quæ gregem ducit, eam terræ propinquantem accipiter videns rapit, ac propterea cura est universis ducem sollicitare externi generis, per quam caveant prima discrimina. Cibos gratissimos habent semina venenorum, quam ob causam iis veteres vesci interdixerunt. Solum enim hoc animal, sicut, & homo, caducum patitur morbum.

62 ⁽⁵⁾ Upupam Græci appellant, eo quòd stercora humana consideret, & foetenti pascatur fimo avis spurcissima, cristis extantibus galeata sem-

pèr in sepulcris, & humano stercore commorans. Cujus sanguine quisquis se inunxerit, dormitum pergens dæmones suffocantes se videbit.

63 ⁽⁶⁾ Tucos, quos Hispani Cuculos vocant, à propria voce constat nominatos. Hi veniendi tempus habent milvorum scapulis suscepti propter breves, & parvos volatus, nè per longa aëris spatia fatigati deficiant. Horum salivæ cicadas gignunt, ova passeris nido reperta comedit, & sua obijcit, quæ ille suscepta, & fovet, & nutrit.

64 Passeres verò sunt minuta volatilia, à parvitate vocata, undè, & pusilli, & parvi.

65 ⁽⁷⁾ Merula antiquitùs medula vocabatur, eo quòd moduletur. Alii Merulam vocatam ajunt, quia sola volat, quasi mera volans. ⁽⁸⁾ Hæc cum in omnibus locis nigra sit, in Achaja candida est.

66 Hirundo dicta, quòd cibos non sumat residens, sed in aëre capiat escas, & edat, garrula avis, & per tortuosos orbes, & flexuosos circuitus pervolans, & in nidis construendis, educandisque foetibus sollertissima, habens etiam quiddam præcium, quòd lapsura deserat, nè appetat culmina, ⁽⁹⁾ à diris quoque avibus non impetitur, nè unquam præda est, maria transvolat, ibique hyeme commoratur.

67 Turdi à tarditate dicti, ⁽¹⁰⁾ hyemis enim confinio se referunt.

Tur-

(1) Quas vulgò Titos. *Serv. eclog. 1.* Columbæ, quas vulgus tetras vocat.

(2) Perdix de voce nomen habet. *Est enim πειδίξ, flagitium (ut ait Plautus) crepando facere honestè. Statius.* Quique refert jungens iterata vocabula perdix. *Hieron, tamen (oratoricè credo, ut causa servaret) à perdendo perdissem nominatam dixit. Ep. 48.*

(3) Adeò autem fraudulenta. *Ex Ambros. 6. cap. 3. & Hieronym. ad Jerem. 17. & Ep. 48.*

(4) Ortygetra. *è Solin.*

(5) Upupa. *Ex Hier. in Zach. cap. 25. usque ad commorans.*

(6) Tucos, quos Hispani Cuculos. *Inverso ordine in libris omnibus legerim cum Chacone, Cuculos, quos Hispani Cucos.*

(7) Merula-q. mera volans. *Sic Varro; & Festus, sed improbat Quintilian. lib. 1. cap. 5.*

(8) Hæc cum in omnibus locis nigra, *è Solin.*

(9) A diris quoque avibus. *Ita est in Gethicis rell. Solin.* Minimè certe à diris avibus impetuntur, acquè unquam prædæ sunt, ut sacræ.

(10) Hyemis enim confinio. *Ambros. 5. Hex. cap. 14.*

68 Turdela, quasi major turdus, cuius stercore viscum generari putatur. Undè, & proverbium apud antiquos erat: Malum sibi avem cacare.

69 ⁽¹⁾ Furfurio vocatus, quòd prius farre in farinam redactò pascere-
retur.

70 Ficedulæ dictæ, quòd ficos magis edant. Quòd panditur versiculo veteri illo: Cùm me ficus alat, cùm pascas dulcibus uvis: Cur potiùs nomen non dedit uva mihi?

71 ⁽²⁾ Carduelis, quòd spinis, & carduis pascitur, undè etiam apud Græcos ἀκάρυις dicta est ab ἀκάρυαις, id est, spinis quibus alitur.

72 Augures autem dicunt, & in gestu, & in motu, & in volatu, & in voce avium signa esse constituta.

73 ⁽³⁾ Oscines, aves vocant, quæ ore, cantuque auspiciū faciunt: ut corvus, cornix, picus.

74 Alites, quæ volatu ostendere futura videntur: ⁽⁴⁾ quæ si adversæ sunt, Inebræ dicuntur, quòd inhi-
beant, id est, vetent: si prosperæ, ⁽⁵⁾ Præpetes: & ideò Præpetes, quia omnes aves priora petunt volantes.

75 Tertiam faciunt speciem auguriorum in avibus, quàm communem vocant, ex utroque permixtam, id est, cùm aves ex ore, & volatu ⁽⁶⁾ auguriantur, ⁽⁷⁾ sed fidem non habet.

76 ⁽⁸⁾ Omnium autem genera

volucrum bis nascuntur. Primum enim ova gignuntur, indè calore materni corporis formantur, & animantur.

77 Ova autem dicta, ab eo, quòd sint uvida. ⁽⁹⁾ Undè, & uva eo quòd intrinsecus humore sit plena. Nàm humidum est, quòd exterius humorem habet, uvidum, quòd interiorius. Quidam autem putant ovum Græcam habere originem nominis. Isti autem dicunt ὠα, v littera ablata. Ova autem quædam inani vento concipiuntur, sed non sunt generabilia, nisi quæ fuerint concubitu masculino concepta, & seminali spiritu penetrata. ⁽¹⁰⁾ Ovorum vim tantam dicunt, ut lignum perfusum ovo non ardeat, ac nè vestis quidè contacta aduratur. Admixta quoque calce glutinare fertur vitri fragmenta.

CAPUT VIII.

De Minutis Volatilibus.

1 **A** Pes ⁽¹¹⁾ dictæ, vel quòd se pedibus invicem alligent, vel pro eo quòd sine pedibus nascuntur. ⁽¹²⁾ Nàm postea, & pedes, & pennas accipiunt. Hæ sollertes in ⁽¹³⁾ generandi mellis officio, assignatas incolunt sedes, domicilia inenarrabili arte componunt, ex variis floribus favum condunt, textisque ceris innumera prole cas-

(1) Furfurio. Sic et Furfario, utramque enim lectionem admittunt, & Gothici characteres, & ipsa notatio. Varr. 3. de Re Rust. Diebus xx. antequam quis tollere vult turdos; largius dat cibum, quod plus ponit, & farre subtiliore incipit alere.

(2) Carduelis. è Serv. Georg. 3. ad v. Littoraque Halcyonem resonant, achalaudent dumi.

(3) Oscines. Ex Festo.

(4) Quæ si adversæ sunt Inebræ. Fest. Inebræ aves, quæ in auguriis aliquid fieri prohibent, & prorsus omnia inebra appellatur, quæ tardant, vel morantur agentem. Gloss. Enibra Exavria. Inebra ègron marturidov. Ember picus ègron marturidov. Enibrum πῆγυαλὸς τινδάλις.

(5) Præpetes. Vid. Serv. ad v. Præpetis omnia pennæ. Æn. 3. Agell. lib. 6. cap. 6. & Fest.

(6) Auguriantur. Ita V. cap. 1. Anguria faciunt.

(7) Sed fidem non habet. Hoc est, ea auguria certa, & rata non sunt, mendois omnes libri, sed fides hoc, vel hæc non habet: Rabanus, sed fides Christi hoc non habet, quasi minus superiora fides Christi damnet.

(8) Omnium autem genera volucrum. Ex Lact. de Opif. cap. 3.

(9) Undè, & uva. è Serv. eclog. 10.

(10) Ovorum vim. Ex Plin. 29. cap. 3.

(11) Cap. VIII. Apes dictæ, è Serv. Georg. 4. ad Carmen. Aut illæ pedibus connexæ.

(12) Nàm postea, & ped. Ex eod. ad v. Trunca pedum primo.

(13) Generandi mellis officium. Ex Lact. lib. 3. cap. 10.

castra replent, exercitum, & Reges habent, prœlia movent, fumum fugiunt, tumultu exasperantur. Has plerique experti sunt nasci de boum cadaveribus. ⁽¹⁾ Nàm pro his creandis, vitulorum occisorum carnes verberantur: ut ex putrefacto cruore vermes creentur, qui postea efficiuntur apes. ⁽²⁾ Propriè autem Apes vocantur ortæ de bobus, sicut Crabrones de equis, Fuci de mulis, Vespæ de asinis.

2 ⁽³⁾ Costros Græci appellant, qui in extremis partibus favorum majores creantur, quos aliqui Reges putant. (dicti quod castra ducant)

3 ⁽⁴⁾ Fucus est major ape, Crabrone minor. Dictus autem fucus, quod alienos labores edat, quasi fagus. Depascitur enim, quod non laboravit: De quo Virgilius: Ignavum fucus pecus à præsepibus arcent.

4 Vespæ.---

5 Crabrones vocati à cabo, i. caballo, quod ex his creentur: sicut autem Crabrones nascuntur de equorum carnibus putridis, ita ex eis iterum sæpè nascuntur Scarabæi, undè, & cognominati sunt.

6 ⁽⁵⁾ Tauri vocantur Scarabæi terrestres Ricino similes.

7 ⁽⁶⁾ Buprestis, animal est in Italia parvum, simillimum Scarabæo, longipedi. Fallit inter herbas bovem maximè, undè, & nomen habet, devoratumque tacto felle ita inflammat, ut rumpat.

8 Cicendela, Scarabæorum genus est, eo quod gradens, vel volans lucet.

9 Blattæ, à colore nuncupatæ, siquidè, & comprehensæ manum tingunt, undè, & blatteum colorem dicunt. Hoc autem animal lucem videre non patitur, contrarium muscæ: nàm musca lucipeta, & blatta lucifuga est, per noctem enim tantum ambulat.

10 Papiliones, aviculæ sunt, quæ maximè abundant florentibus malvis, quique vermiculos stercore suo faciunt nasci.

11 Locusta, quod pedibus sit longis, veluti hasta, undè, & cam Græci, tam maritimam, quam terrestrem astacon appellant.

12 Cicadæ, ex cuculorum nascuntur sputo, ⁽⁷⁾ hæ in Italia apud Rheginos multæ sunt, nèc usquam alibi.

13 Musca ex Græco venit, sicut, & mus: hæ, sicut, & apes, necatæ in aqua, aliquoties post unius horæ spatium reviviscunt.

14 Cynomyja Græcè vocatur, i. musca canina. Nàm κύων Græcè canis vocatur.

15 ⁽⁸⁾ Culex ab aculeo dictus, quod sanguinem sugat: habet enim in ore fistulam in modum stimuli, qua carnem terebrat, ut sanguinem bibat.

16 ⁽⁹⁾ Cyniphes, muscæ minutis-

Ee

tis-

⁽¹⁾ Nàm pro his creandis. Serv. ad v. Cæsisque juvenis.

⁽²⁾ Propriè tamen apes. Ex eodem ad v. Ignavum fucus. Æn. 1.

⁽³⁾ Costros Græci appellant, Costros impressi libri, Chacon Oestros legebat, cum oestros in libris omnibus sit, alienasque esse illas voces. (dicti quod castra ducant) Cur enim Græci voci Latinum etymon aptaret, quod perversissimum esse Servius, & Charisius dicunt. Sumpta enim esse hæc à Palladio lib. 6. cap. 10. Hoc mense incipiunt augeri examina, & in extremis favorum partibus majores creantur apiculæ, quas aliqui Reges putant; sed Græci δῖς-πες appellant, & necati jubent. Eadem præp. Columella lib. 6. cap. 10. Sed cum rursus paullo-post de æstris sermo sit, Costros hoc loco more religio fuit.

⁽⁴⁾ Fucus ape maj. Crabr. min. Verba Æmilii Macri apud Serv. loco cit.

⁽⁵⁾ Tauri vocantur scarab. Ex Plin. 30. cap. 5.

⁽⁶⁾ Buprestis. Ex eod. lib. cap. 4.

⁽⁷⁾ Hæ in Italia apud Rhegin. è Solin. cap. 8.

⁽⁸⁾ Culex ab aculeo. Non dubito, quin ex Aug. in Ps. 148. Quis dedit aculeum culici, ut sanguinem sugat? Quam tenuis fistula est, qua sorbet?

⁽⁹⁾ Cyniphes. Aug. 3. de Trinit. cap. 7. Cyniphes musculæ sunt brevissimæ, qua tertia plaga superbus Populus Ægyptiorum cardebatur. A Græcis κυνίς, & κυνίς ab Ætio dicuntur.

tissimæ sunt, sed aculeis permolestæ, qua tertia plaga superbus Populus Ægyptiorum cæsus est.

17 ⁽¹⁾ Oestrus, animal armentis aculeis permolestum. Oestrum autem Græcum est, quòd Latinè Asilus, vulgò Tabanus vocatur.

18 ⁽²⁾ Bibiones sunt, qui in vino

nascuntur, quos vulgò Mustiones à Musto appellant, undè, & Afranius: Ad me cum spectas, fabularique incipis. Ex ore in oculos tuos bibiones involant.

19 ⁽³⁾ Gurgulio dicitur, quia penè nihil aliud est, nisi guttur.

DIVI ISIDORI HISPALENSIS EPISCOPI ETYMOLOGIARUM

LIBER DECIMUSTERTIUS.

DE MUNDO, & PARTIBUS.

PRÆFATIO.

IN hoc libello, quasi in quadam brevi tabella, quasdam Cæli causas, situsque terrarum, & maris spatia annotavimus, ut in modico lector ea percurrat, & compendiosa brevitate etymologias eorum, causasque cognoscat.

CAPUT PRIMUM.

De Mundo.

MUNDUS ⁽⁴⁾ est Cælum, Terra, Mare, & quæ in eis opera Dei, de quo dicitur: Et mundus per eum factus est. Mundus Latinè à Philosophis dicitur, ⁽⁵⁾ quòd in sempiterno motu sit: ut Cælum, Sol, Luna, Aër, Maria. Nulla enim requies

ejus Elementis concessa est, ideòque semper in motu est. Undè, & animalia Varroni videntur elementa, quoniam per semetipsa, inquit, moventur. Græci verò nomen Mundo de ornamento accommodaverunt propter diversitatem elementorum, & pulchritudinem syderum. Appellatur enim apud eos κόσμος, quòd significat ornamentum. ⁽⁶⁾ Nihil enim Mundo pulchrius oculis carnis aspicimus.

Qua-

(1) Oestrum autem Græcum. Verba Servii Georg. 3. ad. v. Oestromi Graii vertere vocantes.

(2) Bibiones. Al. bibones. Afranii senariis nihil elegantius.

(3) Gurgul. è Serv. Georg. 1.

(4) Cap. I. Mundus est Cælum, & Terra. Ex Aug. tract. 2. in Joann.

(5) Quod in sempiterno motu. Idem etymon secutus videtur Festus cum dixit: Mundus appellatur Cælum, & Terra, mare, & aer. Mundus etiam dicitur ornatus muliebris, quia non est alius, quàm quod moveri potest. Varro verò, & Plinius ab absoluta, perfectaque elegantia mundum ex Græcor. imitatione dictum volunt, & Cicer. de Univ. Ut hunc proprietate distinctum bene Græci κόσμος, nos lucentem Mundum nominaremus.

(6) Nihil enim Mundo pulchrius o. c. 2. Verba Hier. in Jon. cap. 1.

2 ⁽¹⁾ Quatuor autem esse (constat) climata mundi, id est, plagas: Orientem, Occidentem, Septemtrionem, & Meridiem.

3 Oriens, ab exortu Solis est nuncupatus.

4 Occidens, quòd diem faciat occidere, atquè interire. Abscondit enim lumen mundo, & tenebras superinducit.

5 Septemtrio autem à septem Stellis axis vocatur, quæ in ipso revolutæ rotantur. Hic propriè, & verter dicitur, eo quòd vertitur, sicut Poëta ait: Vertitur interea Cœlum.

6 ⁽²⁾ Meridies, vel quia ibi Sol faciat medium diem, quasi medidies, vel quia tunc purius micat æther. Merum enim purum dicitur.

7 Januæ Cœli, duæ sunt, Oriens, & Occasus: nam una porta Sol procedit, alia se recipit.

8 ⁽³⁾ Cardines autem mundi duo, Septemtrio, & Meridies, in ipsis enim volvitur Cœlum.

CAPUT II.

De Atomis.

1 **A**Tomos ⁽⁴⁾ Philosophi vocant quasdam in mundo corporum partes tam minutissimas, ut nec visui pateant, nec *τομὴν*, id est, sectionem recipiant, undè, & *ἄτομοι* dicti sunt. Hi per inane totius mundi irrequietis motibus volitare, & huc, atquè illuc ferri dicuntur, sicut tenuissimi pulveres, qui infusis per fenestras radiis Solis videntur, ex iis arbores, & herbas, & fruges omnes oriri, &

ex iis ignem, & aquam, & universa gigni, atquè constare quidam Philosophi gentium putaverunt

2 Sunt autem atomi, aut in corpore, aut in tempore, aut in numero. (aut in littera) In corpore ut lapis: Dividis eum in partes, & partes ipsas dividis in grana, velut sunt arenæ, rursumque ipsa arenæ grana divide in minutissimum pulverem, donèc si possis pervenias ad aliquam minutiam, quæ jam non sit, quæ dividi, vel secari possit. Hæc est atomus in corporibus. In tempore verò, sic intelligitur atomus: Annum, verbi gratia, dividis in menses: menses, in dies: dies, in horas: adhuc partes horarum admittunt divisionem, quousque venias ad tantum temporis punctum, & quamdam momenti stillam, ut per nullam morulam produci possit, & ideò jam dividi non potest. Hæc est atomus temporis: In numeris, ut puta octo dividuntur in quatuor, rursum quatuor in duo, deinde duo in unum. Unus autem atomus est, quia insecabilis est. ⁽⁵⁾ Sic, & in littera, nam orationem dividis in verba, verba autem in syllabas, syllabam autem in litteras. Littera pars minima atomus est, nec dividi potest. Atomus ergo est, quòd dividi non potest, ut punctus in Geometria. Nam *τομὴ* Græcè sectio dicitur, *ἄτομος* indivisio.

CAPUT III.

De Elementis.

1 **H**Ylen ⁽⁶⁾ Græci rerum quamdam primam materiam dicunt,

Ee 2

(1) Quatuor autem esse constat clim. eod. modo loquitur Hieronymus in nom. Heb. ex Exod. & in quest. in Genes. cap. 23. Quatuor (inquit) climata mundi posuit, Orientem, & Occidentem, Septemtrionem, & Meridiem. Vid. Serv. Georg. 1. ad v. Mundus, ut ad Scythiam, Rhiphasque arduas arcus.

(2) Meridies. Eodem modo supra lib. 3. cap. 41. & lib. 5. cap. 31.

(3) Cardines mundi. supra lib. 3. cap. 37.

(4) Cap. II. Atomos Philosophi. Vid. Plutarch. 1. de Placit. Philos. cap. 3. & Stob. eclog. 1. Phys. cap. 17. & Serv. in Silen.

(5) Sic, & in littera. & Serg. in Art. Donati.

(6) Cap. III. Hylen. Ex Aug. 20. contra Faust. cap. 14.

cunt, nullo prorsus modo formatam, sed omnium corporalium formarum capacem, ex qua visibilia hæc elementa formata sunt: undè, & ⁽¹⁾ ex ejus derivatione vocabulum acceperunt. ⁽²⁾ Hanc Hylen Latini materiam appellarunt, ideò quia omne informe, undè aliquid faciendum est, semper materia nuncupatur. Proindè, & eam Poëtæ sylvam nominaverunt. Nèc incongruè, quia materiæ sylvarum sunt. ⁽³⁾ Græci autem elementa στοιχεῖα nuncupant: (eo quòd sibi societatis concordia, & communione quadam conveniant, nam sic ea inter se naturali quadam ratione juncta dicuntur) modò originem ab igne repetentes usquè ad terram: modò à terra usquè ad ignem: ut ignis quidè in aëra desinat, aër in aquam densetur, aqua in terram crassescat, rursusque terra diluatur in aquam, aqua rareseat in aërem, aër in ignem extenuetur. Qua propter omnia elementa omnibus inesse: sed unumquodque eorum ex eo, quòd amplius habet accepisse vocabulum. Sunt autem Divina Providentia propriis animantibus distributa, nam Cælum Angelis, aërem volucibus, mare piscibus, terram hominibus, cæterisque animantibus Creator ipse implevit.

CAPUT IV.

De Cælo.

I CÆLUM ⁽⁴⁾ vocatum, eo quòd tanquam cœlatum vas im-

pressa lumina habeat Stellarum veluti signa. Nam cœlatum dicitur vas, quòd signis eminentioribus refulget. Distinxit enim Cælum Deus claris luminibus, & implevit, Solis scilicet, & Lunæ orbe fulgenti, & Astrorum micantium splendentibus signis adornavit. ⁽⁵⁾ Alias autem à superiora celando. ⁽⁶⁾ Hic autem Græcè ἐφανὲς ἀπὸ τοῦ ὁπῶσθαι, id est, à videndo, eo quòd aër perspicuus sit, & ad speculandum purior. Cælum autem in Scripturis Sanctis ideò Firmamentum vocatur, quòd sit cursu syderum, & ratis legibus, fixisque firmatum: interdum, & Cælum pro aëre accipitur, ubi venti, & nubes, procellæ, & turbines fiunt. ⁽⁷⁾ Lucretius: Cælo, qui dicitur aër. Et Psalmus Volucres Cœli appellat: cum manifestum sit aves in aëre volare: ⁽⁸⁾ & nos in consuetudine hunc aërem Cælum appellamus: nam cum de sereno, vel nubilo quærimus, aliquando dicimus: qualis est aër? Aliquando, quale est Cælum?

CAPUT V.

De Partibus Cœli.

I Æther ⁽⁹⁾ locus est, in quo sydera sunt, & significat eum ignem, qui à toto mundo in altum separatus est. ⁽¹⁰⁾ Sanè Æther est ipsum elementum: Æthra verò splendor ætheris, & est sermo Græcus.

2 Sphæra Cœli dicta, eò quòd species ejus in rotundum formata est, sed,

(1) Ex ejus derivatione vocabulum accep. Nempè, ut elementa sint, quasi hylementa.

(2) Hanc hylen Græci. Serv. Æn. 8. ad v. Arvor. pecorisque Deo.

(3) Græci autem elem. στοιχεῖα. Ambros. Hex. 3. cap. 4. Undè, & Græcè στοιχεῖα dicuntur, quòd sibi conveniant, & concinant.

(4) Cap. IV. Cælum vocatum. Ex Ambros. 2. Hex. cap. 4. aliis Cælum, quasi κελύς, id est, carum.

(5) Alias autem à superiora celando. Absunt hæc à CC. Rom.

(6) Hoc autem Græcè ἐφανὲς. Ex Ambros. 5. Hex. cap. 22. Auctor verò libri de Mundo ad Alexand. quòd super τὸ ὁπῶσθαι est, montes sit.

(7) Lucretius lib. 4. Sunt etiam, quæ sponte sua gignuntur, & ipsa Constituuntur in hoc cælo, qui dicitur aër.

(8) Et nos in consuetudinem. Ex Aug. de Arone Christ. cap. 3.

(9) Cap. V. Æther. Reperitur hoc caput ex lib. 3. cap. 32. 36. 38. & 45.

(10) Sanè æther est. Verba Servii ad v. Lucidus æthra. Æn. 2.

CAPUT VI.

De Circulis Coeli.

sed, & quicquid tale est, à volubilitate sphaera à Græcis dicitur, sic, & pilæ, quibus ludunt infantes. Nam Philosophi dicunt Cœlum in Sphaeræ figuram undique esse convexum, omnibus partibus æquale, concludens terram in media mundi mole libratam. Hoc moveri dicunt, & cum mora ejus sidera in eo fixa ab Oriente usque ad Occidentem circuire, Septemtrionibus breviores gyros juxta cardinem peragentibus.

3 Axis, est Septemtrionis linea recta, quæ per mediam pilam sphaeræ tendit, & dictus axis, quod in ea sphaera, ut rota volvitur, vel quia ibi plaustrum est.

4 Cardines, extremæ partes sunt axis, & dicti cardines, eo quod per eos vertitur Cœlum.

5 Poli sunt circuli, qui currunt per axem. ⁽¹⁾ Horum alter est Septemtrionalis, qui nunquam occidit, appellaturque Boreus: alter Australis, qui nunquam videtur, & Austronotius dicitur. Et dicti Poli, quod sint axium cycli ex usu plaustrorum, à poliando, scilicet nominati, sed Polus Boreus semper videtur, Austronotius nunquam, quia dextra Cœli altiora sunt, præssa Austri.

6 Convexa, extrema Coeli sunt, à curvitate dicta: nam convexum curvum est, & inclinatum, & in modum circuli flexum.

7 Lacteus circulus, via est, quæ in sphaera videtur, à candore dicta, quia alba est, quam aliqui dicunt viam esse, qua circuit Sol, & ex splendoris ipsius transitu ita lucere.

1 **H**abitatio ista Cœli circulorum distincta zonis, quasdam partes temperie sua incolere permisit, quasdam negavit, enormitate frigoris, aut caloris. Zonæ autem ipsæ quinque sunt: quæ ideò zonæ, vel circuli appellantur, quod in circumductione sphaeræ existunt. Quorum primus circulus ideò Arcticus appellatur, ⁽²⁾ eò quod intra eum Arctorum signa inclusa perspiciuntur, quæ à nostris in ursarum speciem ficta, Septemtriones appellantur. Secundus circulus ex eo τροπικὸς ὁριζὸς dicitur, quia in eo circulo Sol Aquilonis finibus æstatem faciens, ultra eum circulum non transit: sed statim revertitur, & inde Tropicus appellatur. Tertius circulus ἰσημερινὸς, qui à Latinis ideò Æquinoctialis appellatur, eò quod Sol cum ad eum orbem pervenerit, æquinoctium facit, ἰσημερινὸς enim Latinè dies dicitur æquinox, quo circulo dimidia sphaeræ pars constituta perspicitur. Quartus circulus Antarcticus vocatur, eo quod contrarius sit circulo, quem Arcticum nominamus. Quintus circulus χειμερινὸς τροπικὸς, qui à Latinis Hyemalis, sive Brumalis appellatur, ideò quia Sol, cum ad eum circulum pervenit, hyemem iis, qui ad Aquilonem sunt, facit, æstatem autem iis, qui in Austri partibus commorantur. ⁽³⁾ Zodiacus autem circulus est, (qui duodecim continet signa, ἀπὸ τῶν ζώων, id est, animalibus, ita dictus.)

Ec 3

CA-

(1) Horum alter est Septemtrional. Ex Commentariis Arati in fine.

(2) Cap. VI. Eo quod intra ipsum Arctorum signa. Hac quoque ex lib. 3. cap. 43. Arcturi, quod est in editis non displicet (quamvis Arctorum sit in Gothicis) sunt n. verba Hygini lib. 1. Astronom. ut illic notavimus.

(3) Zodiacus circulus est. Lacuna est in Gothicis quibusdam post hæc verba, & hic, & in lib. 3. quam impleri nolim, cum utrobique dissident inter se Codices, qui eam explent.

CAPUT VII.

De Aëre, & Nube.

I AER est inanitas plurimum habens admixtum raritatis, ⁽¹⁾ quàm cætera elementa. De quo Virgilius: ⁽²⁾ Longum per inane secutus. Aër dictus ἀπὸ τῆς αἰφῆς, ab eo quòd ferat terram, vel ab eo quòd feratur. Hic autem partim ad cœlestem, partim ad terrenam materiam pertinet: nàm ille subtilis, ubi ventosi, ac procellosi motus non possunt existere, ad cœlestem pertinent partem, iste verò turbulentior, qui exhalationibus humidis corporescit, terræ deputatur, quique ex se multas species reddit: ⁽³⁾ nàm commotus ventos facit: vehementius concitatus, ignes, & tonitrua: contractus, nubila: conspissatus, pluviam: congelantibus nubilis, nivem: turbulentius congelantibus densioribus nubilis, grandinem: distentus, serenum efficit: nàm aëre densum nubem esse constat: nubem rarefactam, & solutam, aërem.

² ⁽⁴⁾ Nubes dictæ, ab obnubendo, id est, operiendo Cœlum, undè, & nuptæ, quod vultus suos velent, ⁽⁵⁾ undè, & Neptunus, quod nubat, id est, mare terram tegat. ⁽⁶⁾ Nubes autem aëris densitas facit. Ventī enim aërem conglobant, nubemque faciunt,

undè est illud, atquè in nubem cogitur aër.

CAPUT VIII.

De Tonitruo.

I TONITRUM dictum, quòd sonus ejus terreat, ⁽⁷⁾ nàm tonus, sonus. Qui idèò interdum tam gravitèr concutit omnia, ità, ⁽⁸⁾ ut Cœlum discidissee videatur, quia cum procella vehementissimi venti nubibus se repentè immiserit, turbine invalescente, exitumque quærente, nubem, quàm excavavit, impetu magno perscindit, ac sic cum horrido fragore defertur ad aures. ⁽⁹⁾ Quod mirari quis non debet, cum vesicula, quamvis parva, magnum tamen sonitum displosa emitat. Cum tonitruo autem simul, & fulgura exprimit, sed illud celerius videtur, quia clarum est, hoc autem ad aures tardiùs pervenit. Lux autem, quæ apparet ante tonitruum, ⁽¹⁰⁾ Fulgetra vocatur. Quæ, ut diximus, idèò ante videtur, quia clarum est lumen, tonitruum autem ad aures tardiùs pervenit.

CAPUT IX.

De Fulminibus.

I FULGUR, & fulmen, ictus cœlestis jaculi, à feriendo dicti: ful-

(1) Cap. VII. Quàm cætera elementa. Assentior Chaconi, cui adulterina videntur hæ voces.

(2) Longum per inane secutus. Non sunt hæc apud Maronem. Ergo legas licebis, vel ex Sileno-magnum per inane coacta, vel ex XII. Æn. Vacuum per inane volutus.

(3) Nàm commotus ventos, &c. Verba sunt Aug. 3. de Genes. ad lit. cap. 10.

(4) Nubes dictæ, è Serv. ad v. Arsurasque comas obnubit amictu.

(5) Undè, & Neptunus. Arnob. 3. advers. Gent. quod aqua nubat terram, putabat Chacon Isidorum scripsisse: undè, & Neptunus, quòd nubat terram: & mare Neptuni, tegat, & nubat glossas fuisse alienas.

(6) Nubes autem aëris densitas. Ex eod. Æn. 5. Atquè in nubem cogitur aër.

(7) Cap. VIII. Nàm tonus, sonus. Tonitruum à Cæcina tonum dictum refert Seneca lib. 2. Natural. Quasi. & à præciti quidem tonitruum, ætate sua non nisi tonitrua pluralitèr efferi.

(8) Ità, ut Cœlum discidissee. Discessisse quoque, & decidisse legitur, quar. ego scripturarum, ut nullam prorsus rejicis, ità discidissee libentius amplector, ut se discidissee intelligas, ut sapè alias, na, & discindi legit Romanus Codex, & discisse alii mendoisè, & præscindit, vel perscindit potius, quod sequitur, ter usurpavit eadem in re Lucretius, quem imitatur hoc loco Isidorus, & exemplum de vesicula displosa magis discidissee videtur postulare. Quod verò ad discessisse attinet, non semel in libris de Divinatione discissus Cœli legitur.

(9) Quod mirari quis non debet, cum vesicula. Lucet. lib. 6. Nec mirum, cum plena animæ vesicula parva. Sæpè ità dat pariter sonitum displosa repentè.

(10) Fulgetra vocatur. Al. fulgetrum. Sed fulgetra omninò legendum ex Serv. Æn. 8. ad-fulgores nunc terrificos ignemque, necumque. Vulcanius fulgor edidit.

(1) fulgere enim ferire est, ac percutere. (2) Fulmina autem collisa nubila faciunt: (3) nam omnium rerum collisio ignem creat, ut in lapidibus cernimus, vel attritu rotarum, vel in sylvis arborum: simili modo in nubibus ignis, unde, & prius nubila sunt, deinde ignes. Ex vento autem, & igne fulmina (certum est) in nubibus fieri, & impulsu ventorum emitti: ideò autem fulminis ignem vim habere majorem ad penetrandum, (4) quia subtilioribus elementis factus est, quàm nos- ter, id est, qui nobis in usu est. Tria sunt autem ejus nomina, fulgur, fulgor, & fulmen. Fulgur, quia tangit: fulgor, quia incendit, & urit: fulmen, quia findit: ideò, & cum ternis radiis finguntur.

CAPUT X.

De Arcu, & Nubium effe- fectibus.

ARCUS Cœlestis dictus à similitudine curvati arcus. Iris huic proprium nomen est. Et dicitur Iris, (1) quasi aëris, id est, quod per aërem ad terras descendit. Hic autem à Sole resplendet, dum cavæ nubes (6) ex adverso radium Solis accipiunt, & arcus speciem fingunt, cui varios colores illa dat res, quia aqua tenuis, aër lucidus, & nubes caligans irradiata, ista varios creant colores.

2 Pluviae dictæ, quòd fluant, quasi fluviae. (7) Nascuntur enim de terræ, & maris anhelitu, quæ cum altiùs elevatæ fuerint, aut Solis calore resolutæ, aut vi ventorum compressæ stillantur in terris.

3 Nimbus est densitas nubis in tempesta, & obscura, & inde nimbus à nube. (8) Sunt autem nimbi repentina, & præcipientes pluviae: nam pluvias vocamus lentas, & juges, quasi fluvias, vel quasi fluentes.

4 Imbres autem, & ad nubes, & ad pluvias pertinent, (9) dicti à Græco vocabulo, quòd terram inebrient ad germinandum. Ex his enim cuncta creantur, (10) unde, & Lucretius: Ex igni terra, atque anima nascuntur, & imbrì. Est autem nomen Græcum.

5 Grando appellata, quòd forma ejus granorum similitudinem habeat. Hæc autem ventorum rigore durantur in nube, ac solidantur in nivem, ruptoque aëre solvuntur.

6 Nix, à nube unde venit.

7 Glacies, à gelu, & aqua, quasi gelaquies, id est, gelata aqua.

8 Gelu autem, quòd eo stringatur tellus, & quippè terra dicitur. Tunc autem majori gelu stringitur terra, cum fuerit nox serena.

9 Pruina, est matutini temporis frigus: quòd inde pruinæ nomen accepit, quia sicut ignis urit, πῦρ enim

ig-

(1) Cap. IX. Fulgere enim ferire. Fest. Fulgere prisci pro ferire dicebant, unde fulgur dictum est.

(2) Fulmina autem. è Servo, ad v. Jaculata e nubibus ignem. Æn. 1.

(3) Nam omnium rerum collisio arborum. Verba Servii Æn. 1. ad illud. Unde imber, & ignes.

(4) Quia subleitionibus elementis. Rexistit ad Lucretii carmina lib. 2. Quare fulmineus multo penetratior ignis. Quam ceteris flammis & tedis terrestribus oritur. Dicere enim possis cœlestis fulminis ignem: Subtilem magis e parvis constare figuris.

(5) Cap. X. Dicitur Iris q. aëris. Graci ab εἶπερ, id est, dicere, quod sit deor. nuntia. Servius Irin, quasi εἶπιν interpretatur, quod ut Mercurius ad concordiam, ita Iris ad discordiam plerumque mittatur.

(6) Ex adverso radium Solis accipit. è Servo, ad v. Mille trah. v. a. s. c. Æo. 4.

(7) Nascuntur enim de terræ, & maris anhel. Verba sunt Servii Æn. 1. ad v. Unde imber, & fluges. Lucretius verò locutus, qui à Servio citatur, ex lib. 6. Consimili ratione ex omnibus annib. humor, &c.

(8) Sunt autem nimbi. è Servo, ad v. Nimbor. in patriam. Æn. 1.

(9) Dicti à Græco vocabulo. εὐλας.

(10) Unde, & Lucretius. Eod. modo legitur Lucretius versus apud Servium, è quo sunt hæc, pauld aliter in Lucretianis libris: Et qui quatuor ex reb. posse omnia sentur—Ex igni terra, atque anima procreescere, & imbrì.

ignis : ⁽¹⁾ urere verò , & ad Solem , & ad frigus pertinet. Nàm uno sermone duo diversa significantur , pro eo quòd unum effectum habent. Similis enim vis est caloris , & frigoris , undè , & utraque saxa rumpunt. Nàm calor urit , ut est. Uritur infœlix Dido. Itèm frigus urit , ut est , aut Boreæ penetrabile frigus adurat.

10 Ros, Græcum est , quod illi *ῥόσος* , dicunt. Alii ros putant dictum , quia rarus est , non spissus , ut pluvia.

11 Nebula indè dicta , undè , & nubila , ab obnubendo scilicèt , hoc est , operiendo terram , sivè quòd nubes volans faciat. Exhalant enim valles humidæ nebulas , & fiunt nubes , indè nubilum , indè nives. Nebulæ autem ima petunt , cùm serenitas est , summa , cùm nubilum.

12 Caligo , umbra est de spissitudine aëris effecta. Et dicta caligo , quòd maximè aëris calore gignatur.

13 Tenebræ dicuntur , quòd teneant umbras. ⁽²⁾ Nihil autem sunt tenebræ , sed ipsa lucis absentia tenebræ dicuntur : sicut silentium non aliqua res est , sed ubi sonus non est , silentium dicitur : sic tenebræ non aliquid sunt , sed ubi lux non est , tenebræ dicuntur.

14 Umbra est aër carens Sole , dicta autem , quod fiat , cum Solis objicimur radiis. Est autem mobilis , & incerta , & ex Solis circuitu , & ⁽³⁾ ex motu ventorum. Namque quotiès movetur in Sole , nobiscum moveri videtur : quia ⁽⁴⁾ ubi quoquo loco à radiis Solis obstitimus , perindè illi lumen auf-

ferimus : sicque ingredi nobiscum umbra , & gestus nostros videtur imitari.

15 Lux , ipsa substantia : lumen , quòd à luce manat , id est , candor lucis. Sed hoc confundunt auctores.

CAPUT XI.

De Ventis.

1 **V**entus ⁽⁵⁾ est aër commotus , & agitatus , & pro diversis partibus Cœli , nomina diversa sortitur ; dicitur autem ventus , quòd sit vehemens , & violentus. Vis enim ejus tanta est , ut non solùm saxa , & arbores evellat , sed etiam Cœlum , terramque conturbet , maria commoveat.

2 Ventorum quatuor principales spiritus sunt. Quorum primus ab Oriente Subsolanus , à Meridie Auster , ab Occidente Favonius , à Septentrione ejusdem nominis ventus aspirat , habentes geminos hinc indè ventorum spiritus. Subsolanus à latere dextro Vulturum habet , à lævo Eurum : Auster à dextris Euroaustrium , à sinistris Austroafricum : Favonius à parte dextra Africum , à læva Corum. Porrò Septentrio à dextris Circium , à sinistris Aquilonem. Hi duodecim venti mundi globum flatibus circumagunt. Quorum nomina propriis ex causis signata sunt. Nàm Subsolanus vocatus , eo quòd sub ortu Solis nascatur. Eurus , eo quòd ab Eoo flat , id est , ab Oriente. Est enim conjunctus Subsolanus.

3 Vulturum , quòd altè tonat : de quo Lucretius : Altitonans Vulturum , & Auster fulmine pollens.

Aus-

(1) Urere verò , & ad frigus. *Vid. Serv.* Ad penetrabile frigus adurat. *Georg.* 1. *Reaë* advertit Chacon , *Servium* ab *Indoro* sine *Virgilii* carminibus lectum hoc loco , ut sapè alias , illi fraudi fuisse. Nàm uno sermone duo (inquit *Servius*) diversa conclusit , quia verbum adurat , & ad potentiam Solis , & ad frigus *Maro* retulit.

(2) Nihil autem sunt tenebræ—dicuntur. *Verba Augusti*, in 1. de *Genes.* cont. *Manich.* cap. 4.

(3) Et ex motu ventorum. *Serv.* *eclog.* 5. ad *vers.* Sive sub incertas *Zephyris* motantibus umbras.

(4) Ubi quoquo loco. *Ita Salm.* *vetustissimus* : ubique quo loco. *Complut.*

(5) Cap. XI. Ventus. *De Ventorum nominibus.* *Agell.* lib. 2. cap. 22.

4 Auster, ab hauriendo aquas vocatus, undè, & crassum aërem facit, & nubila nutrit. Hic Græcè *νέτος* appellatur, propter quod ⁽¹⁾ interdum corrumpat aërem. Nam pestilentiam quæ ex corrupto aëre nascitur, Auster flans in reliquis Regionibus transmittit: sed sicut Auster pestilentiam gignit, sic Aquilo repellit. Euroauster dictus, quod ex una parte habeat Euum, ex altera Austrum.

5 Austroafricanus, quod junctus sit hinc indè Austrò, & Africo. Ipse, & ⁽²⁾ Libonotus, quod sit ei Libi hinc, & indè Notus.

6 Zephyrus, Græco nomine appellatus, eò quod flores, & germina ejus flatu vivificentur. Hic Latine Favonius dicitur, propter quod foveat, quæ nascuntur. Austro autem flores solvuntur, Zephyro fiunt.

7 Africus, à propria Regione vocatus. In Africa enim initium flandi sumit.

8 Corus est, qui ab Occidente æstivo flat, & vocatus Corus, quod ipse ventorum circulum claudat, & quasi chorum faciat. Hic antea ⁽³⁾ Caurus dictus, quem plerique Argesten dicunt, non ut imprudens vulgus Agrestem.

9 Septemtrio dictus, eo quod à circulo septem Stellarum consurgit: quæ vertente se mundo resupinato capite ferri videntur.

10 ⁽⁴⁾ Circius dictus, eo quod Coro sit junctus. Hunc Hispani Gallectum vocant, propter quod eis à parte Gallectiæ flat.

11 Aquilo dictus, eò quod aquas stringat, & nubes dissipet. Est enim gelidus ventus, & siccus. Idem, & Boreas, quia ab Hyperboreis montibus flat. Indè enim origo ejusdem venti est, undè, & frigidus est. Natura enim omnium Septemtrionalium ventorum frigida, & sicca est: Australium humida, & calida.

12 Ex omnibus autem ventis duo cardinales sunt: Septemtrio, & Auster.

13 ⁽⁵⁾ Etesia autem, flabra Aquilonis sunt, quibus nomen inditum est, quod certo anni tempore flatus agere incipiunt, ⁽⁶⁾ *ἐπαιρός* enim Græcè, annus Latine dicitur. Hæ autem cursum rectum à Borea in Ægyptum ferunt, quibus Auster contrarius est.

14 Duo sunt autem extra hos ubique spiritus magis, quam venti, Aura, & Altanus.

15 Aura ab aëre dicta, quasi aërea, quod lenis sit motus aëris. Agitatus enim aër auram facit, undè, & ⁽⁷⁾ Lucretius: Aëreas auras.

16 ⁽⁸⁾ Altanus, qui in pelago est per derivationem ab alto, id est, mari vocatus. Nam alter est flatus in ripis, quem diximus Auram. Nam aura terræ est.

Tur-

(1) Notus quod interdum corrumpat. Est enim *νέτος* corrumpere, undè Horatius de *Illegitimis filiis*. Fœcunda culpa excula nuptias primùm inquinaverit, & genus, & domos.

(2) Ipse est Libonotus. Seneca. A Meridiano axe Euronotus est, deinde Notus, Latine Auster, deinde Libonotus, qui apud nos sine nomine est.

(3) Caurus, quem plerique Argesten. Idem 3. Natur. Quast. A solstitiali Occidente Corus venit, qui apud quosdam Argestes dicitur. Mihi non videtur, quia Cori violenta vis, & in unam partem rapax. Argestes verò mollis est, & cum cunctis communis, quàm redeuntibus.

(4) Circius—hunc Hispani Gallectum. Al. Gallicum, & à parte Gallia, sed mendose, nam Gallecti nomen nos hodie retinemus.

(5) Etesia autem flabra Aquilonis. Lucret. lib. 6. Etesia flabra Aquilonum—Nubila conjiciunt.

(6) *ἐπαιρός*. Proprius aberat *έρε*, & *έρεος*, sed Hyginum secutus est, in cujus veteribus libris *ἐπαιρός* legebatur.

(7) apparet ex Joan. Baptistæ Pio ad Lucretii verba lib. 5. Indè loci sequitur calor aridus, nunc melius *έρε*.

(8) Undè, & Lucret. aërias auras. lib. 1.—Ex aërias auras, toremque liquorum, & lib. 4. Aëris quoniam vicinum tangitur auris.

(9) Altanus. Servius ad—Cum venti posuere, omnisque repente resedit—Flatus omnis, (inquit) & qui ripæ est, & qui pelagi, qui Altanus vocatur. Et Plin. lib. 2. cap. 43. Namque è fluminibus, ac nivibus, & è mari videmus, & quidem tranquillo, & alios quos vocant Altanos è terra consurgere, qui quidem cum è mari redeunt, Tropæi vocantur, si pergant, Apogæi.

17 Turbo est volubilitas ventorum, & Turbo dictus à terra quotiès ventus consurgit, & terram in circuitum mittit.

18 Tempestas autem pro tempore dicitur, sicut ubique historiographi solent, dum dicunt, ea tempestate: aut ab statu Coeli, ⁽¹⁾ quia magnitudine sui multis diebus oritur. ⁽²⁾ Verno autem, & autumnali tempore, quam maximæ fiunt tempestates: quando nèc plena est æstas, nèc plena hyems, undè medium, & confine utriusque temporis ex conjunctione aërum contrariorum efficiunt tempestates.

19 ⁽³⁾ Fragor, à fractarum rerum nominatus est sonitu: quem sicca quæque, & arida cum franguntur faciunt.

20 ⁽⁴⁾ Procella, ab eo quod percellat, id est, percutiat, & evellat. Est enim vis ventorum cum pluvia. ⁽⁵⁾ Procellæ enim, aut de fulminibus, aut de ventis fiunt. Nihil autem velocius ventis, undè, & propter celeritatem, tam ventos, quam fulmina alata fungunt Poëtæ, ⁽⁶⁾ ut alitis Austri.

CAPUT XII.

De Aquis.

1 **A** Qua dicta, quod superficies ejus æqualis sit. Hinc, & æquor appellatum, quia æqualitèr sursum est.

2 Duo autem (sunt) validissima

vitæ humanæ elementa, ignis, & aqua, undè gravitèr damnantur, quibus ignis, & aqua interdicitur.

3 ⁽⁷⁾ Aquarum elementum cæteris omnibus imperat. Aquæ enim Cœlum temperant, terram fecundant, aërem exhalationibus suis incorporant, scandunt in sublime, & Cœlum sibi vendicant: quid enim mirabilis aquis in Cœlo stantibus? Parum sit in tantam pervenisse altitudinem: rapiunt eo secum piscium examina: effusæ, omnium in terra nascentium causa fiunt. Fruges gignunt, arbores frutices, herbasque producant, sordes detergunt, ⁽⁸⁾ peccata abluunt, potum cunctis animantibus tribuunt.

CAPUT XIII.

De Diversitate Aquarum.

1 **A** Quarum naturæ multa est diversitas: aliæ enim salis, aliæ nitri, aliæ aluminis, aliæ sulphuris, aliæ bituminis, aliæ curam morborum adhibentes: nam juxta Romam ⁽⁹⁾ Albulæ aquæ vulneribus medentur.

2 ⁽¹⁰⁾ In Italia fons Ciceronis oculorum vulnera curat.

3 In Æthiopia lacus est, quo perfusa corpora ⁽¹¹⁾ velut oleo, nitescunt.

4 ⁽¹²⁾ Zamæ fons in Africa, canoras voces facit.

5 Ex Clitorio lacu Italiæ, qui biberint, vini tædium habent.

In

(1) Quia magnitudine sua multis diebus oritur. *Quomodo hac verba, qua sunt à Serv. ad v. Nimbosus Orion. En. 1. Hinc loco aptentur, amplius querendum.*

(2) Verno autem, & autumnali. *Ex eod. ad 1. Georg. Quid tempestates autumnali, & sydera dicam?*

(3) Fragor à fractat. *Ex eod. ad—Aridus fragor.*

(4) Procella. *Ex eod. En. 1. ad illud. Creberque procellis.*

(5) Procellæ, aut de fluminibus. *Ex eod. En. 5. ad verba. Tres Erici vitul.*

(6) Alitis Austri. *Virg. En. 8.—Rurali tres ignes, & alitis Austri.*

(7) Cap. XII. Aquarum elementum. *Ex Plin. 31. cap. 1. Ex quo legendum videtur; & cum parum sit i. e. p. a. sapiunt eos.*

(8) Peccata abluunt. *Ambrós. 3. Hexam. cap. 5. Reliqua à Plin. lib. 14. cap. 22.*

(9) Cap. XIII. Albulæ aquæ. *Plin. 31. cap. 2.*

(10) In Italia fons Cicer. *ibid.*

(11) Velut oleo nitescunt. *à Solin. cap. 43.*

(12) Zamæ. *Vid. Virruv. lib. 8. cap. 3. Item de Clitorio, ex quo Arcadiæ pro Italiæ fortasse legendum.*

6 ⁽¹⁾ In Chio Insula fontem esse, (dicunt) quo hebetes fiunt.

7 In Bœotia duo fontes : alter memoriam, alter oblivionem affert.

8 Cyzici fons amorem Veneris tollit.

9 Bœotix lacus furialis est, de quo qui biberit, ardore libidinis exardescit.

10 In Campania sunt aquæ, quæ sterilitatem foeminarum, & virorum insaniam abolere dicuntur.

11 In Æthiopiæ fonte rubro, qui biberit, lymphaticus fit.

12 ⁽²⁾ Linus, fons Arcadiæ abortus fieri non patitur.

13 ⁽³⁾ In Sicilia fontes sunt duo, quorum unus sterilem foecundat : alter foecundam sterilem facit.

14 ⁽⁴⁾ In Thessalia duo sunt flumina : ex uno bibentes oves nigras fieri ferunt : ex altero albas, ex utroque varias.

15 ⁽⁵⁾ Clitumnus, lacus in Umbria, maximos boves gignit.

16 ⁽⁶⁾ Reatinis paludibus jumentorum ungulas indurari dicunt.

17 ⁽⁷⁾ In Asphaltide lacu Judææ nihil mergi potest, quidquid animam habet.

18 ⁽⁸⁾ In Indiis Siden vocatur stagnum, in quo nihil innatat, sed omnia merguntur.

19 At contra in Africæ lacu ⁽⁹⁾ Apuscidamo omnia fluitant, nihil mergitur.

20 Marsidæ fons in Phrygia saxa egerit.

21 In Achaja aqua profluit è saxis, Styx appellata, quod illic potata interficit.

22 ⁽¹⁰⁾ Gelonium stagnum Siciliae tetra odore abigit proximantes.

23 ⁽¹¹⁾ Fons est in Africa circa Templum Ammonis, qui humoris nexibus humum stringit. Favillas etiam in cespitem solidat.

24 Fons Job in Idumæa, quater in anno colorem mutare dicitur, i. pulverulentum, sanguineum, viridem, & limpidum, ternis mensibus in anno tenens ex his unum colorem.

25 ⁽¹²⁾ In Troglodytis lacus est, ter in die fit amarus, & deinde toties dulcis.

26 Fons Siloa ad radicem montis Sion, non jugibus aquis, sed in certis horis, diebusque ebullit.

27 In Judæa quondam rivus sabbatis omnibus siccabatur.

28 In Sardinia fontes calidi ⁽¹³⁾ oculis medentur, fures arguunt, nam cæcitate detegitur eorum facinus.

29 ⁽¹⁴⁾ In Epiro esse (ferunt) fontem, in quo faces extinguuntur accensæ, & accenduntur extinctæ.

Apud

(1) In Chio. Ex Plin. *ibid.*

(2) Linus fons Arcad. Linus scripsimus ex Plin. Nam Codices non uno modo, sed lechnus, lecinus, lethinus, lechnus. Etiam Plinii vetustus liber Ecclesia Tolet. Levius habet.

(3) In Sicilia fontes duæ. à Solin. cap. 11.

(4) In Thessalia. In Bœotia Solin. cap. 12. Ex Varrone. Plin. in Hestiaside, quæ pars est Thessalia.

(5) Clitumnus—qui maximos boves. Virg. Georg. 2. Hinc albi Clitumne greges, & maxima taurus victima—Silius lib.

8. Et lavat ingentem perfundens flumine sacro—Clitumnus taurum, Ergo, & albos, & maximos Clitumnus tauris generat.

(6) Reatinis paludibus. Verba Plinii lib. 31. cap. 2.

(7) In Asphaltide. Josephus s. de Bello Judaic. cap. 5. Hegesipp. lib. 4. cap. 18. Plin. 5. cap. 16. Solin. cap. 48. nihil in eo mergi posse, quod, & Plin. dixerat lib. 2. cap. 103.

(8) In Indiis Siden. Siderin Codex Tolet. De Silia id prodidit. Strab. lib. 15. in δὲ τῇ ἐπαύξει τῆς πόλεως ἀνέστη, & Epitome Strabonis, nos Siden ex Geographis libris, & Plin. 31. cap. 2.

(9) Apuscedamo—Marsyx fons in Achaja. Ex eodem Plin.

(10) Gelonium Stagnum. à Sol. cap. 11.

(11) Fons est in Africa. à Solin. 40.

(12) In Troglod. Ex Plin.

(13) Oculis medentur. Ex Sol. 10.

(14) In Epiro. Plin. 2. cap. 103. & Solin. cap. 12.

30 ⁽¹⁾ Apud Garamantas fontem esse, (ajunt) ita algentem die, ut non bibatur: ita ardentem nocte, ut non tangatur.

31 Jam verò in multis locis aquæ manant perpetim ferventes, tanta vi, ut balnea calefaciant. Quædam enim terræ sunt, quæ multum sulphuris, & aluminis habent: itaque ⁽²⁾ cum per venas calentes aqua frigida venit, vicino sulphuris calore contacta excandescit: nec talis ab origine effluit, sed permutatur dum venit. Sulphur enim, alumenque secum ferunt aquæ, utramque materiam igne plenam, minimisque motibus incalescentem.

CAPUT XIV.

De Mari.

1 **M**are est aquarum generalis collectio. ⁽³⁾ Omnis enim congregatio aquarum, sive salsæ sint, sive dulces, abusivè maria nuncupantur, juxta illud: Et congregationes aquarum vocavit maria. Propriè autem mare appellatum, eo quod aquæ ejus amaræ sint.

2 Æquor autem vocatum, quia æqualitèr sursum est, & quamvis aquæ fluctuantes velut montes erigantur, sedatis rursus tempestatibus adæquantur. Altitudo enim maris diversa est, indiscreta tamen dorsi ejus æqualitas. ⁽⁴⁾ Ideò autem mare incrementum non capere, cum omnia flumina, & omnes fontes recipiat, hæc causa est: partim, quod influentes undas ip-

sa magnitudo ejus non sentiat, deinde, quod amara aqua dulce fluentum consumat, vel quod ipsæ nubes multum aquarum ad se attrahant, sive quod illam partim venti auferant, partim Sol exsiccet, postremum, quod per occulta quædam terræ foramina percolatur, & ad caput amnium, fontesque revolutum recurrat. ⁽⁵⁾ Maris autem certum non esse colorem, sed pro qualitate ventorum mutari: nam modò flavum est, modò luculentum, modò atrum.

CAPUT XV.

De Oceano.

1 **O**ceanum, & Græci, & Latini ideò nominant, quod in circuli modo ambiat Orbem: ⁽⁶⁾ sive à celeritate, eò quod ocyus currat: itèr quia, ut Cælum purpureo colore nitet. Oceanus, quasi *κυανεος*: iste est, qui oras terrarum amplectitur, alternisque æstibus accedit, atque recedit. Respirantibus enim in profundum ventis, aut removet maria, aut resorbet. Quique à proximis Regionibus diversa vocabula sumpsit: ut Gallicus, Germanicus, Scythicus, Caspius, Hyrcanus, Atlanticus, Gaditanus. Nam Gaditanum fretum à Gadibus dictum, ubi primò ab Oceano Maris magni limen aperitur. Undè, & Hercules cum Gadibus pervenisset, columnas ibi posuit, sperans illic esse Orbis terrarum finem.

Ca-

(1) Apud Garamant. *Plin. ibid. & Solin. cap. 42.*

(2) Cum per venas calentes. *Vid. Vitruv. lib. 8. cap. 3.*

(3) Cap. XIV. Omnis enim congregatio. *Ex Aug. 1. de Genes. contra Manich. cap. 12.*

(4) Ideò autem mare incrementum non capere. *Totus locus expressus è Lucret. 6. Nunc ratio reddenda, augmen- tum accipiat æquor. &c.*

(5) Maris autem certum non esse colorem. *è Servio ad v. Fluctusque atra Aquilone secabat. Æn. 5. luculentum verò ex Servio, & uno Rom. Codice, quam luculentum è nostris Gothicis malimus, ut luculentum à luce sit. Vid. Agell. lib. 2. cap. ultim.*

(6) Cap. XV. Sive à celeritate. *è Solin. cap. 26. de Hispan.*

CAPUT XVI.

De Mediterraneo Mari.

MARE ⁽¹⁾ magnum est, quod ab Occasu ex Oceano fluit, & in Meridiem vergit, deinde ad Septemtrionem tendit. Quod inde magnum appellatur, quia cætera maria in comparatione ejus minora sunt. Istud est, & Mediterraneum, quia per mediam terram usque ad Orientem perfunditur, Europam, & Africam, Asiamque determinans. Cujus primæ partis sinus, ⁽²⁾ qui in Hispaniis perfunditur, Ibericus, & Balearicus appellatur. Deinde Gallicus, qui Narbonensem Provinciam alluit. Mox Ligusticus, qui juxta Genuam Urbem est proximus. Post hæc Tyrrhenus, qui Italiam attingit, quem Græci Jonium, Itali Inferum vocant. Inde Siculus, qui à Sicilia usque ad Cretam vadit. Deinde Creticus, qui in Pamphyliam, & Ægyptum pertendit. Inde Hellespontus, qui in Septemtrionem retorquens, anfractibus magnis juxta Græcias, & Illyricum in angustias septem stadiorum stringitur, quo Xerxes, ponte navibus facto, in Græciam commavit, ibi est Abydos. Inde diffusus æquore patente, rursus stringitur, & facit Propontidem, qui mox in quingentos passus coarctatur, fitque Bosphorus Thracius, quo Darius copias transportavit. Inde Ponticus sinus am-

plissimus à tergo Mæotidis paludis, ⁽³⁾ quod mare ex multitudine fluminum dulcius, quàm cætera, ⁽⁴⁾ nebulosumque, & brevius est, ⁽⁵⁾ undè, & Ponticum vocatur, quòd sit brevius, atquè præter phocas, & thynnos, atquè delphinos, ⁽⁶⁾ alias belluas majores non patitur.

2 ⁽⁷⁾ Sicùt autem terra, dùm una sit, pro diversis locis variis appellatur vocabulis, ità & pro Regionibus hoc mare magnum diversis nominibus nuncupatur: ⁽⁸⁾ nam Ibericum, & Asiaticum à Provinciis dictum: ab Insulis, Balearicum, Siculum, Creticum, Cyprium, Ægeum, Carpathium: ⁽⁹⁾ nam inter Tenedum, & Chium, saxum est in mari potiùs, quàm Insula, quod visentibus procul capræ simile creditur, quàm αἶγα nuncupant, undè, & Ægeum mare est dictum, ⁽¹⁰⁾ sic & Carpathium mare inter Ægyptum, & Rhodum ab Insula Carpatho illic posita. A gentibus Gallicum, Ausonium, Dalmaticum, Ligusticum. Ab Oppidis Argolicum, Corinthium, Tyrium, Adriaticum. Nam Adria quædam Civitas Illyrico mari proxima fuit, quæ Adriatico mari nomen dedit. A positione Cœli, ut Superum, & Inferum, quòd sit Oriens superior, Occidens inferior, est autem Thuscum, & Adriaticum. A memoria Regis, ut Jonium. ⁽¹¹⁾ Jon quippè Rex fuit Græciæ, undè Jones Athenienses. Hoc mare, & Tyrrhe-

Ff num

(1) Cap. XVI. Mare magnum. Non Oceanus. Sed mare Mediterraneum, ut sæpè in Sacris Libris, ut in Num. à cap. 54. & in lib. Josue.

(2) Qui in Hispaniis perfunditur. Hispanias perfundit Solinus.

(3) Quod mare ex multitudine fluminum. Refert hoc à Sallustio, Serv. Æn. 11. atquè ità esse facillè credet, qui apud Plinium læget Danubium lxx. annibus, quorum dimidia pars sit navigabilis receptis Illyricum alluere, deinde in Pontum influere adjuncit sex aliis vastis fluminibus, quamvis idem Plin. lib. 6. cap. 17. Caspio mari id tribuat.

(4) Nebulosumque, & brevius. e Mela lib. 1. cap. 19.

(5) Undè & Ponticum. Vel à Pontone brevi navigio, vel ἀπὸ τοῦ πόντου, id est, angusto astu.

(6) Alias belluas majores non patitur à Solino.

(7) Sicùt autem terra, dùm una sit. Ex Ambros. 1. Hex. cap. 3.

(8) Nam Ibericum, & Asiaticum, Solinus; causas nominum non uniformis dedidit ratio, nam Ibericum, & Asiaticum, &c.

(9) Nam inter Tenedum, & Chium. Ex Solin. c. 4. 17. vel legendum ex Plinii emendationibus libris Tenedum, & Cium lib. 4. cap. 11. nam hæc in Cycladibus numerantur ab ipso, & Strabone.

(10) Sic & Carpath. posita. e Serv. ad v. Carpathium, Libycumque Serv. Æn. 5.

(11) Jon quippè Dux fuit. Euseb. in Chron. Jon Vir fortis ex suo nomine Athenienses Jones vocabant.

num dictum : sive quod Thusciam al-
luit, i. Tyrrheniam, sive à Tyrrhenis
nautis, qui se in hoc mare præcipita-
verunt. ⁽¹⁾ Et sciendum Jonium sinum
esse immensum, ab Jonia usque ad
Siciliam, & hujus partes esse Adriati-
cum, Achaicum, & Epiroticum. ⁽²⁾
A moribus accolarum Euxinus, Axe-
nos antea appellatus. Acasibus homi-
num, qui ceciderunt in mare, ut
Hellesponticum, Icarium, Myrtoum:
⁽³⁾ nam Myrtoum mare dictum à
Myrtili lapsu, quod illic ab Oenomaio
præcipitatus sit. Icarus verò Cretensis,
ut fabulæ ferunt, altiora petens, pen-
nis Solis calore solutis mari, in quo
cecidit, nomen imposuit. Phrixus quo-
quæ cum Helle sorore sua fugiens insi-
dias novercales, conscendit navem sig-
num arietis habentem, qua liberatus
est. Helles autem soror ejus perpessa
naufragium decidit in mari, & mortua
Hellesponto mari dedit nomen. Ab
ordine fluenti Propontis: nam dicta
Propontis, quia pontum prævenit.
Item & à transitu, vel angustis me-
tibus boum Bosphorus. ⁽⁴⁾ Ægyptium
autem pelagus Asiæ datur, Gallicum
Europæ, Africum Libyæ: his, ut
quæque proxima sunt, ⁽⁵⁾ venerunt in
partes partium.

3 Pelagus autem est latitudo,
mare sine littore, & portu. Græco no-
mine ἀπὸ τῆς πλαγίου, hoc est à lati-
tudine dictum, ⁽⁶⁾ undè & plagia, eo
quod sint importuosa.

CAPUT XVII.

De Sinibus Maris.

1 Sinus dicuntur majores recessus
maris, ut in mari magno Ju-
nius: in Oceano, Caspius, Indicus,
Persicus, Arabicus, qui & mare ru-
brum, ⁽⁷⁾ qui Oceano adscribitur.

2 ⁽⁸⁾ Rubrum autem mare voca-
tum, eo quod sit roseis undis infectum:
non tamen talem naturam habet, quæ-
lem videtur ostendere, sed vicinis
littoribus vitatur gurges, atque infi-
citur, quia omnis terra, quæ ⁽⁹⁾ cir-
cunstat pelago, rubra est, & sangui-
neo colori proxima: ideoque indè ⁽¹⁰⁾
minium acutissimum excernitur, &
alii colores, quibus pictura variatur.
Ergò cum terra hanc habeat naturam,
fluctibus subindè diluitur, & quidquid
⁽¹¹⁾ adesum est, in colorem cadit: ob
hoc etiam in iis littoribus gemmæ ru-
bræ inveniuntur. Lapillus enim hujus-
modi humo involutus, cum inter arenas
attritus est, & terræ colorem habet, &
maris. Hoc mare in duos scinditur si-
nus: Ex iis, qui ab Oriente est, Persicus
appellatur, quia oram illius Persæ in-
habitant. Alter verò Arabicus dicitur,
quod sit circa Arabiam.

CAPUT XVIII.

De Æstibus, & Fretis.

1 Æstus ad Oceanum perti-
net, Fretum ad urrum-
que

(1) Et sciendum Jonicum sinum. ð Serv. ad — Insulæ Jonio in magno. Æn. 3.

(2) A moribus accolarum. ð Solin.

(3) Nam Myrtoum mare. ð Serv. Georg. 3. in princip.

(4) Ægyptium autem pelagus Asiæ datur. Ità Solinus, & Mella, at Ptolemaus de Asia; ea (inquit) Ægypti pars, quæ
ultra Nilum est, ad Asiam pertinere omnes affirmant.

(5) Venerunt in partes. Solinus, venerunt in partes partium.

(6) Undè & plagia quod sit importuosa. Servius ad — Statio malè fida caralis. Statio (inquit) est quam plagiam di-
cunt, & non playa vocamus.

(7) Cap. XVII. Qui Oceano. Qui ad sinum refertur, non ad mare.

(8) Rubrum autem mare vocatur. Ità Solin.

(9) Circunstat pelago. s. o. l.

(10) Minium acutissimum. f. acceptissimum.

(11) Adesum est. Ità Gotib. al. adhesum est.

que mare: nam Æstus est maris accessus, vel recessus, id est, inquietudo, undè & æstuaria, per quæ mare vicissim tam accedit, quam recedit.

2 Fretum autem appellatum, quòd ibi semper mare ferveat: nam fretum est angustum, & quasi fervens mare, ab undarum fervore nominatum, ut Gaditanum, vel Siculum: nam freta dicta Varro ait, quasi fervida, i. ferventia, & motum fervoris habentia. ⁽¹⁾ Fretum Siciliae, quod Rhegium dicitur, Sallustius ex tali causa vocari scribit, dicens: Italiae olim Siciliam conjunctam fuisse, & dum esset una tellus, medium spatium, aut per humilitatem abruptum est aquis, aut per angustiam scissum. Et inde ῥήγιον nominatum, quia Græcè abruptum hoc nomine nuncupatur. Est autem arctissimum, trium millium spatio Siciliam ab Italia dividens, fabulosis infame monstribus, quibus hinc inde Scylla, & Charybdis ostenditur.

3 ⁽²⁾ Scyllam, accolæ saxum mari imminens appellant simile celebratæ formæ procul visentibus. Undè & monstrosam speciem fabulæ illi dederunt, quasi formam hominis capitibus succinctam caninis, quia collisi ibi fluctus latratus videntur exprimeret.

4 Charybdis dicta, quòd gurgitibus occultis naves absorbeat. Est enim mare verticosum, ⁽³⁾ & inde ibi laniata naufragia profundo emergunt. Ter autem in die ⁽⁴⁾ erigit fluctus, &

ter absorbet: nam accipit aquas, ut vomat: vomit, ut rursus accipiat.

5 ⁽⁵⁾ Syrtes autem sunt arenosa in mari loca. Syrtes autem ⁽⁶⁾ Sallustius à tractu vocari dicit, quòd omnia ad se trahant, ⁽⁷⁾ & appropinquant vadoso mari hæreant. Hæ autem ad mare Ægyptium vicinæ sunt, & pariter admiscentur. ⁽⁸⁾ Vada verò sunt, per quæ in mari, vel in fluminibus homines, vel animalia pedibus vadunt: Quæ Virgilius breviter appellat, Græci βραχύν.

CAPUT XIX.

De Lacis, & Stagnis.

1 **S**unt & quædam maria, quæ non miscentur Oceani fluctibus, aut mari magno, & dicuntur Lacus, & Stagna.

2 Lacus est receptaculum, in quo aqua retinetur, nèc miscetur fluctibus: ut lacus Asphalti, lacus Benacus, & Larius, & cæteri quos Græci λιμένας, id est, Stagna vocant. Nam fontes labuntur in fluviis, flumina in freta discurrunt. Lacus stat in loco, nèc profuit: & dictus Lacus, quasi aquæ locus.

3 ⁽⁹⁾ Lacus Asphalti idem & Mare mortuum vocatum, propter quod nihil gignit vivum, nihil recipit ex genere viventium. Nam nequè pisces habet, nequè assuetas aquis, & lætas mergendi usu patitur aves: sed & quæcumque viventia mergenda tasteris, quacumque arte demersa sta-

Ff 2

tum

(1) Cap. XVIII. Fretum Siciliae: è Serv. Æn. 3. Hæc loca vi quondam vast, &c.

(2) Scyllam accolæ. Citat hæc è Sallustio Servius ad—v. Dextrum Scylla lacus. Æn. 3.

(3) Ubi laniata naufragia. f. c. Affert hæc eadem verba Frontio antiquus Grammaticus probans emergere se dixisse Salustium.

(4) Erigit fluctus. Respexit ad Virgilii verba Æn. 3. Sorbet in abruptum fluctus, tursusque sub auras. Erigit alternos.

(5) Syrtes autem sunt arenosa. è Serv. ad v. Saxisque vadis immitte Syrtis. Æn. 10.

(6) Syrtes autem Sallust. in Juguirib.

(7) Et appropinquant vadoso mari hæreant. Omnia, scilicet, Gothicos secuti sumus, nam edissi appropinquantes habent, appropinquantia, fortasse rectum erat.

(8) Vada verò, è Serv. Æn. 1. in breviter, & Syrtis.

(9) Cap. XIX. Lacus Asphalti. Hegeſipp. lib. 4. cap. 18. & Joseph. 4. de Bell. Jud.

tim resiliunt, & quamvis vehementer illisa confestim excutuntur: sed neque ventis movetur, resistente turbinibus bitumine, quo aqua omnis stagnatur: neque navigationis patiens est, quia omnia vita carentia in profundum merguntur, nec materiam ullam sustinet.⁽¹⁾ nisi quæ bitumine illustratur.⁽²⁾ Lucernam accensam ferunt supernatare, extincto lumine demergi.⁽³⁾ Hoc & mare Salinarum dicitur, sive lacus Asphalti, id est, bituminis: & est in Judæa inter Hierico, & Zoaran.⁽⁴⁾ Longitudo ejus usque ad Zoaras Arabiæ, dirigitur stadiis quingentis octoginta: latitudo stadiis centum quinquaginta usque ad vicina. Sodorum----

4 Lacus Tiberiadis ab oppido Tiberiade vocatus, quod quondam Herodes in honorem Tiberii Cæsaris condidit. Est autem in Judæa omnibus lacis salubrior, & ad sanitatem corporum quodammodo efficacior. Circuit stadia.

5⁽⁵⁾ Genesar, lacus amplissimus in Judæa longitudine centum quadraginta extenditur stadiis: latitudine quadraginta diffunditur, crispantibus aquis: ⁽⁶⁾ auram non ventis, sed de seipso sibi excreans. Unde & Genesar dicitur Græco vocabulo, quasi generans sibi auram: denique per diffusiora spatia lacus frequentibus auris

spirantibus agitur: unde & purior haustus ejus, & ad potandum dulcis, & habilis.

6⁽⁷⁾ Benacus, lacus Italiæ in Venetia, de quo fluvius nascitur Minicius, qui lacus magnitudine sui tempestates imitatur marinas.

7 Lucrinus, & Avernus lacus Campaniæ sunt. Lucrinus autem dictus, quia olim propter copiam piscium vestigalia magna præstabat.⁽⁸⁾ Avernus autem lacus vocatus, quia aves ibi supervolare non possent. Nam antea sylvarum densitate sic ambiebat, ut exhalantis inde per angustias aquæ sulphureæ foetor gravissimus supervolantes aves halitu suo necaret. Quam rem Augustus Cæsar intelligens, dejectis sylvis, ex pestilentibus amœna reddidit loca.

8 Lacus autem idem & stagnum, ubi immensa aqua convenit: nam dictum est stagnum ab eo, quod illic aqua stet, nec decurrat.

CAPUT XX.

De Abyssu.

1 **A**byssus, ⁽⁹⁾ profunditas aquarum impenetrabilis: sive speluncae aquarum latentium, è quibus fontes, & flumina procedunt: vel quæ occultè subter eunt, unde & Abyssus dictus.⁽¹⁰⁾ Nam omnes aquæ, si-

(1) Nisi quæ bitumine illustratur, Justin. lib. 36. Neque materia ullam sustinet, nisi quæ alumine illinitur. Euseb. in Chron. bitumine illita—sed cum illustratur sit in Gothicis omnibus; suspicor Isidorum incrustatur scripsisse.

(2) Lucernam accensam, Verba Hieronymi in Ep. ad Dardan.

(3) Hoc & mare salinarum. Verè lib. de Locis Heb.

(4) Longitudo—stadiis quingentis octoginta. Hagesippum potius è quo sunt hæc, & Josephum secuti sumus, unde hantit Hagesippus, quam Isidorianus libros, in quibus septingentis octoginta constanter legitur.

(5) Genesar. Ex Hagesipp. lib. 3. cap. 26. Sed uti tres lacus in Judæa constituere, Solinus fecit. Nam reliqui eundem Genesar, vel Genesareth, cum Tiberiade faciunt. Hieron. ad Dardan. lacum Genesareth, quæ nunc Tiberias appellatur. Beda ad lac. cap. 5. Stagnum Genesareth idem dicunt esse, quod mare Galileæ, vel mare Tiberiadis. Neque Josephus, nisi lacuum duorum: meminit.

(6) Auram non vent. s. d. s. i. excreans. Non putavi id excreans rejiciendum, quamvis excitans apud Hagesippum, & Bed. legatur.

(7) Benacus—tempestates imitatur marinas. Virg. Georg. 2. Teque fluctibus, & fremitu assurgens Benace marino. Quæ loco vid. Serv.

(8) Avernus autem lacus, è Serv. ad—Divinosque lacus, & Averna sonantia sylvis. Æn. 3.

(9) Cap. XX. Abyssus profund. Ex Aug. in Ps. 12.

(10) Nam omnes aquæ—ad matricem abyssum. Ex Hieronym. in Eccles. 1. Hanc matricem abyssum, Tartarum vocat Plato in Phædone.

sivè torrentes per occultas venas ad
matricem abyssum revertuntur.

2 Fluctus dicti, quod flatibus
fiant. Ventorum enim impulsu agita-
tæ aquæ fluctuant.

3 Aqua, est stativa, & sine motu æqualis.

4 Unda verò , emīnens liquor,
qui semp̄r in motu est , Lucretius:

(n) Aërias undas , id est , motus.
& corpus illud quod refluat. Nam nec unda per se aqua est : sed aqua in motu quodam , & agitatione, quasi ab eundo , & redeundo unda vocata.

5 ⁽²⁾ Latex, propriè liquor fontis
est. Et dictus latex, quòd in venis ter-
ræ lateat.

6 ⁽³⁾ Gutta est, quæ stat, stilla, quæ cadit. ⁽⁴⁾ Hinc & stillicidium, quasi stilla cadens. Stiria enim Græcum est, id est, gutta: indè fit diminutivum, ut dicamus stilla, dùm autem stat, aut pendet de tectis, vel arboribus, quasi glutinosa, gutta est: dùm ceciderit, stilla est.

7 Spuma dicta, eo quòd spuat, sordes enim sunt undarum: unde, & mustum, & ea quæ coquuntur, spuma purgantur. Hinc & sputum.

CAPUT XXI.

De Fluminibus.

Fluvius est perennis aquarum decursus, à fluendo perpe-

tim dictus. Propriè autem flumen ipsa
aqua, fluvius cursus aquæ. Prius au-
tem flumen, quàm fluvius, id est,
prior aqua, quàm decursus. Duo sunt
fluminum genera: unum torrens, al-
terum vivum: de quo Virgilius: Donè
me flumine vivo, abluero.

2 ⁽⁵⁾ Torrens, est aqua veniens cum impetu. Dictus autem torrens, quia pluvia crescit, siccitate torrescit, id est, arescit. ⁽⁶⁾ De quo Pacuvius: Flammeo vapore torrens terræ foetum exusserit. Cui Græci ab hyeme nomen dederunt, nos ab æstate: illi à tempore, quo succrescit, nos à tempore, quo siccatur.

3 Amnis, fluvius est nemore, ac frondibus redimitus, & ex ipsa amœnitate amnis vocatur.

4 Decursus, propriè finis cursus,
sivè aquarum sit, seu quarumlibet re-
rum.

§ Rivi dicti , quòd deriventur ad irrigandum , id est , inducendum aquas in agros. Nàm irrigare inducere est.

6 Gorges , propriè locus altus in
flumine.

7 Puteus est locus defossus, ex quo hauritur aqua, à potatione dictus.

8 Fons, caput aquæ est nascentis, quasi fundens aquas.

9 Quidam autem fluviorum propriis ex causis nomina acceperunt, ex quibus nonnulli notandi sunt, qui in Historiis celebres memorantur.

Ff₃

Geon,

(1) Aëthias undas, id est, motus. Nè minimum quidem dubitandum de hac lectione, elegantissimè unda rationem expli-
cat Isidorus, Virg. Qua plurimum undam fumus agit. Æn. 8. & alio loco. Et juvat undantem buxo expectare Cythorum.

(3) Gutta est, quæ stat. *Hieron. in Chron. ann. Domini 50.* Palemon (inquit) insignis Grammaticus quondam interrogatus, quid inter eorum. & stillam interesset: gutta (inquit) stat, stilla cadit.

(4) Hinc et stillicidium, è Serv. ad—Stiriaque impexis ind. horr. b. sed *Stiriam Gracum* esse vocem *Servius* non dicit. Quare id *Gracum* est, eximie jubebat Chacon. Glossarium *stiria* i τὸ ὄργανον ημεώμενος κηρῶν αλλος.

(f) Cap. XXI. Torrens. et Servo. ad—montano flumine torrens. *Att.* 2.

(6) De quo Pacuvius. *Reſſe Chacon dolet voces*, de quo *non enim de torrente Pacuvius, sed de Sole; cuius versus idem adducitur, ut ostendatur torrens esse idem, quod arescere. Integer Pacuvii versus legitur apud Festum in voce torrens: flammam vapore torrens terrae fornum exusserit, quod de Sole dictum esse constat ex Varrone 1. de Re Rust. sed sive Varro Pacuvii versus adducit, sive Chacon, cui adducit videntur in Varrone non esse*

neq. vapore torrens terra factum exusserit, quod de Sole dictum esse constat ex Varrone l. de Re Rust. sed siue Varro Pacuvii verba referre voluit, siue sensum tantum, placet nobis Chacon, cui adjecta videntur in Varrone voces illa, aut
nox, aut frigore.

box, aut frigore.

10 Geon, fluvius de paradiso exiens, atque universam Æthiopiam cingens, vocatus hoc nomine, quòd incremento suæ inundationis terram Ægypti irriget: γῆ enim Græcè, Latine terram significat. Hic apud Ægyptios Nilus vocatur propter limum, quem trahit, qui efficit fecunditatem.

(1) Undè & Nilus dictus est, quasi νέαν ὕλην trahens. (2) Nam antea Nilus Latine Melo dicebatur. Apparet autem in Nilide lacu, (3) de quo in Meridiem versus excipitur Ægypto, ubi Aquilonis flatibus repressus aquis retrolucantibus intumescit, & inundationem Ægypti facit.

11 Ganges fluvius, quem Phisone Scriptura Sacra cognominat, exiens de paradiso pergit ad Indiæ Regiones, Dictus autem (4) Phison, id est, cathera, (5) quia quindecim fluminibus magnis sibi adjunctis impletur, & efficitur unus. Ganges autem vocatus à Gange (6) Rege Indiæ. Fertur autem Nili modo (7) exaltari, & super Orientis terras erumpere.

12 Tigris fluvius Mesopotamiæ, de paradiso exurgens, & pergens contra Assyrios, & post multos circuitus in mare mortuum influens. Vocatur autem hoc nomine propter velocitatem, instar bestię nimia pernecitate currentis.

13 Euphrates fluvius Mesopotamiæ, de paradiso exoriens, copiosissimus gemmis, qui per mediam Babyloniam influit, hic à frugibus, vel ab ubertate nomen accepit. (8) Nam Hebraicè Ephrata fertilitas interpretatur, Mesopotamiani enim in quibusdam locis ita irrigat, sicut Nilus Alexandriam. (9) Sallustius autem Auctor certissimus asserit, Tigrim, & Euphratem uno fonte manare in Armenia, qui per diversa euntes longius dividuntur, spatio medio relicto multorum millium, quæ tamen terra, quæ ab ipsis ambitur, Mesopotamia dicitur. Ex quo Hieronymus animadvertit, aliter de paradisi fluminibus intelligendum.

14 Indus, fluvius Orientis, qui rubro mari accipitur.

15 Hydaspes fuit Medorum Rex antiquissimus, ex quo annis orientis nomen accepit, qui nunc Hydaspes dicitur, de quo Lucanus: (Vastis Indus aquis mixtum non sentit Hydaspem) Et qua Medus Hydaspes accedit pelago, Phœbi surgentis ab igne. (10) Qui dum sit fluvius Persarum, dicitur tamen contra Orientem decurrere.

16 (11) Araris fluvius Germaniæ. De quo Virgilius: Aut Ararim Partus bibet, aut Germania Tigrim.

Bac-

(1) Undè & Nilus dictus, è Serv. ad v. Pingui flumine Nilus. Æn. 9.

(2) Nam antea Nilus Melo. Ex eod. Æn. 4. ad v. Nubila, jantique volans apicem, & latera ardua cernit.

(3) De quo in Meridiem versus. è Solin. cap. de Ægypto: ex quo pro Ægypto, Ægyptio mari; & pro retro lactantibus in arcto lactantibus, videri possit in Isidoro repetendum.

(4) Phison, id est, cathera. Ex Hieron. de Locis Heb.

(5) Quia quindecim fluminibus. Totidem numerantur ab Arrian. lib. 5. de Alexand. undè viginti verò à Plinio lib. 6. cap. 18. Libri. o. quia decem, sed plane repetita syllabæ similitudo librarios decipit.

(6) A Rege Gange. Gangem quoque Regem appellant Suidas, & Plutarch. in lib. de Fluminibus male libri o. Rege Gangaro.

(7) Exaltari. Etiam in manuscripto Solino exaltari, non exundare, ut in excuso legitur.

(8) Nam Hebraicè Ephrata fertilitas. Ità scribo ex Hier. non Euphrata, quæ vox apud Hebræos nulla est. sed פרתה, id est, Euphrates. פרתה, hoc est, fructu.

(9) Sallustius autem certissimus. Hieronym. in lib. de Locis Heb. Porro Sallustius Auctor certissimus asserit, cum Tigris, quàm Euphratis in Armenia fontes demonstrari. Ergo aliter legit Isidorus eum Hieronymi locum. Vld. Vibii Sequest. librum de Flum. & quidem diversos utrinque fontes prodidit Strabo.

(10) Qui dum sit fluvius Persarum, dicitur tamen contra Or. Hoc de Gange, non de Hydaspes cecinit Lucanus lib. 3. Moveret & Eoos bellorum fama recessus. Quia colitur Ganges, qui toto solus in Orbe, Ostia nascenti contraria solvere Phœbo-Audet & adversum flatus impellit in Eorum. Quæ leguntur in impressis libris Lucani carmina, in Gothiciis nulla sunt.

(11) Araris fluvius Germaniæ. è Serv. eclog. 1. Quod autem in editis, & quibusd. manus. est: Currat n. per Parthiam, & Assyriam, expungi maluimus (deceant enim in plerisque manuscriptis) quam Tigri aptare, quod fecit Vulcanius.

17 Baëtrus fluvius Orientis, à Rege ⁽¹⁾ Baëtro vocatus fertur, à quo & Baëtriani, & Urbs eorum.

18 Choaspis Persarum fluvius, vocatus eorum lingua, quòd miram aquæ dulcedinem habeat: ⁽²⁾ adeò, ut Persici Reges, quamdiù inter ripas Persidis fluit, sibi ex eo pocula vendicarint. Ex hoc amne quidam Cydnum Ciliciæ fluvium derivari existimant.

19 Araxis amnis Armeniæ, qui ab uno monte cum Euphrate diversa specie oritur, dictus quod rapacitate cuncta prostrnat. ⁽³⁾ Undè, & cum Alexander eum transgredi vellet, ponte fabricato, tantavi inundavit, ut pontem dirueret. ⁽⁴⁾ Hic brevibus intervallis ab Euphratis ortu. caput tollit, ac deindè Caspium fertur in mare.

20 Fluvius Syriæ, ⁽⁵⁾ qui vocatur Orontes, juxta Antiochiæ muros decurrens, qui à Solis ortu Oriens non longè ab Urbe mari conditur, quem de originis suæ tractu Orontem veteres Latine appellaverunt, cujus fluentis ex ipso impetu frigidioribus, & Zephyris assidue ibi spirantibus, tota Civitas momentis propè omnibus refrigeratur.

21 ⁽⁶⁾ Jordanis Judeæ fluvius, à duobus fontibus nominatus: quorum alter vocatur Jor, alter Dan. His igitur procul à se distantibus, in unum alveum foederatis, Jordanis deinceps

appellatur. Nascitur autem sub Libano monte, & dividit Judæam, & Arabiam, qui per multos circuitus juxta Jericho in Mare, mortuum influit.

22 ⁽⁷⁾ Phasis Caucasæis montibus fusus, cum pluribus aliis in Euxinum se præcipitat mare. ⁽⁸⁾ Undè & nuncupatur.

23 ⁽⁹⁾ Cyd nus amnis Ciliciæ, à Tauro monte progrediens, miram aquarum habens suavitatem, & quidquid candidum est, Cydnum gentili lingua Syri dicunt. Undè amni huic nomen datum, quia tumet æstate quandò nives solvuntur: reliquis anni temporibus tenuis est, & quietus.

24 ⁽¹⁰⁾ Hylas fluvius Asiæ.

25 Pactolus fluvius Asiæ, arenas aureas trahens. De quo Virgilius:—Pactolusque irrigat auro, quem pro aurato fluore alii Chrysorhoam vocant.

26 ⁽¹¹⁾ Hermus fluvius Asiæ, qui Smyrneos secatur campos, & ipse fluctibus aureis, & arenis plenus, ⁽¹²⁾ à quo Smyrna vocata est.

27 Mæander amnis Asiæ flexuosus, qui recurrentibus ripis inter Cariam, & Joniam præcipitatur in sinum, qui Miletum dividit, & Prienen. Mæander autem vocatus, quòd sit flexuosus, & nunquam currat rectus. De quo Ovidius: Quique recurvatus ludit Mæander in undis.

Ta-

(1) A Rege Baëtro. Josephus non Baëtrum, sed Cotrum filium Aram Baëtrianorum primum Auctorem facit.

(2) Adeò ut Reges, è Solin. cap. de Cilicia.

(3) Undè & cum Alexander. Memini pontis Curtius lib. 5. inundationis non meminit. Idem tentatum à Xerxe referi Seroius ad-pontem indignatus Araxis. Xen. 8.

(4) Hic brevibus intervallis—mare. è Solin. cap. 25.

(5) Qui vocatur Orontes. Sic est in Gotthiel's Hegeipp. lib. 3. cap. 5.

(6) Jordanis Judeæ fluv. Hier. in lib. de Locis Heb.

(7) Phasis. Verba sunt Ambrosii 2. Hexam. cap. 3. Erat autem in omnibus libris Euxis, ni restitisset Chacon, indici-
cio Ambrosii loco.

(8) Undè & nuncupatur. Delemus hac cum Chacone.

(9) Cyd nus, è Solin.

(10) Hylas fluvius Asiæ. Vid. Solin. cap. de Bithynia, & Plin. lib. 5. cap. 32.

(11) Hermus. Plin. lib. 5. cap. 29. à Smyrna Hermus amnis campos facit, & nomini suo adoptat. Sed hac è Solino
potius.

(12) A quo Smyrna vocata est. An quia Plinius, & nomini (inquit) suo adoptat. At idem Plinius ex Herodoto ab Smyrna Amazone Smyrnam Urbem appellatam dicit.

28 Tanus fuit Rex Scytharum primus, à quo Tanais fertur fluvius nuncupatus, qui ex Riphæis sylvis veniens, dirimit Europam ab Asia, inter duas Mundi partes medius currens, atque in Pontum fluens.

29 ⁽¹⁾ Inachus Achajæ amnis, Argolicos irrigans campos, quem Rex Inachus à se nominavit, qui exordium Argivæ genti primus dedit. Ibi est, & Erimanthus ab Erimantho monte demissus.

30 Padus Italiæ fluvius, à jugis Alpium fusus, ex tribus fontibus oritur, ex quibus uni vocabulum est Padus, qui diffusus in modum stagni ⁽²⁾ amnem sinu dirigit, à quo, & Padus est nuncupatus. Hic à Græcis Eridanus cognominatur, ab Eridano Solis filio, quem Phaëntem dicunt, qui fulmine percussus in eodem fluvio dejectus est, & extinctus. ⁽³⁾ Augetur autem exortu Canis liquescentibus nivibus, & cum accessione triginta fluminum circa Ravennam in Adriaticum mare defertur.

31 Tyberis Italiæ fluvius, à Tyberino Rege Albanorum dicitur appellatus, qui in hunc fluvium cecidit, & de exitu suo nomen dedit. Nam antea Albula antiquum nomen à colore habuit, ⁽⁴⁾ quod nivibus albus sit. ⁽⁵⁾ Ipse est autem Tybris, qui & Tyberis, sed Tyberis in cotidiano sermone, Tybris in versu dicitur.

32 ⁽⁶⁾ Danubius Germaniæ fluvius, vocari fertur à nivium copia,

quibus magis augetur. Iste est, qui in Europa plus omnibus habet famam. Idem & Ister, quia dum per innumeras vadit gentes, mutat & nomen, & majores sibi ambiendo colligit vires. Oritur à Germanicis jugis, & ⁽⁷⁾ occidentalibus partibus Barbarorum, pergens contra Orientem, sexaginta in se fluvios recipit, septem ostiis in Pontum influit.

33 Rhodanus Galliæ fluvius ab oppido Rhodo cognominatus, quem coloni Rhodiorum locaverunt, ⁽⁸⁾ qui rapido concitus cursu, Tyrreni æquoris freta scindens, non modicum sæpè navigantium facit periculum, dum inter se maris fluctus, & amnis fluentia decertant.

34 Rhenus à Rhodani societate fertur vocatus: quoniam cum eodem ex una Provincia oritur. Est autem Germaniæ fluvius, inter tres Europæ maximos fluvios computatus, ⁽⁹⁾ qui à jugo Alpium usque in Oceani profunda cursus suos dirigit.

35 Iberus amnis, qui quondam toti Hispaniæ nomen dedit.

36 Minius fluvius Galliciæ nomen à colore pigmenti sumpsit, qui in eo plurimus invenitur.

37 ⁽¹⁰⁾ Durius à Græcis, quasi Doricus.

38 ⁽¹¹⁾ Tagum fluvium Carthago Hispaniæ nuncupavit, ex qua ortus procedit, fluvius arenis auriferis copiosus, & ob hoc cæteris fluviiis Hispaniarum prælatus.

Bæ-

(1) Inachus--dedit. Verba sunt Solinii cap. de Græcia.

(2) Amnem sinu dirigit. Digerit VV. CC. unus Rom. Arinem sinum.

(3) Augetur autem--defertur, è Solin. C. de Italia.

(4) Quod nivibus albus sit. Alena videntur Chaconi.

(5) Ipse autem est Tybris. è Serv. ad v. Tuque d Tybri, tu d genitor cum flumine sancto. Æn. 8.

(6) Danubius à nubium copia. De Danubii etymo vid. Steph. qui prius παρθας, hoc est, αἰετος, & felicem, deinde δαρυβρις aut δαρυβρις ab adversa fortuna appellatum à Scythiis refert.

(7) Et occidentalibus partibus Barbar. Paullo aliter Ambros. 2. Hexam. cap. 3. Danubius de Occidentalibus partibus Barbarorum, atque Romanos intersecans Populos, donec Ponto ipse condatur.

(8) Qui rapido concit. curs. Ex Ambros. nisi quod apud illum non mediocre fertur navigantium periculum.

(9) Qui à jugo Alpium. Ex eod.

(10) Durius. Darius quidam libri.

(11) Tagum--Carthago Hisp. nuncup. Quod à Tago Rege ex filio Bereto, dictum fertur, nihilo certius duco.

39 Bætis fluvius, qui & Bæticae Provinciæ nomen dedit, de quo Martialis: Bætis olivifera crinem redimite corona Aurea, qui nitidis vellera tingis aquis: ⁽¹⁾ eò quòd ibi lanæ pulchro colore tinguntur. Bætis autem dictus, eò quòd humili solo decurrat. βατὶς ⁽²⁾ enim Græci humile, vel mersum vocant. Quædam autem flumina in diluvio soluta, mole terrarum præclusa sunt: quædam verò, quæ non erant, abyssi tunc ruptis meatibus eruperunt.

CAPUT XXII.

De Diluviis.

1 **D**iluvium dictum, quòd aquarum clade omnia, quæ inundaverit, debeat.

2 Primum diluvium exitit sub Noë, quando hominum sceleribus offensus Omnipotens, ⁽³⁾ toto Orbe cuncto, deletis cunctis, unum spatium Cœli fuit, ac pelagi, cujus hactenus indicium videmus in lapidibus, quos in remotis montibus, conchis & ostreis ⁽⁴⁾ concretos, sæpè etiam cava-
tos aquis visere solemus.

3 ⁽¹⁾ Secundum diluvium fuit in Achaja Jacob Patriarchæ, & Ogygi temporibus, qui Eleusinae Conditor, & Rex fuit, nomenque loco, & temporì dedit.

4 ⁽⁶⁾ Tertium diluvium in Thessalia Moysi, vel Amphictyonis temporibus, qui tertius ⁽⁷⁾ post Cecropem regnavit. Cujus temporibus aquarum ingluvies majorem partem Populorum Thessaliæ absumpsit, paucis per refugia montium liberatis: maximè in monte Parnaso, in cujus circuitu Deucalion tunc regno potiebatur: qui tunc ad se ratibus confugientes susceptos, per gemina Parnasi juga fovit, & aluit. A quo propterea genus humanum Græcorum fabulæ ex lapidibus reparatum ferunt, propter hominum insitam cordis duritiam.

5 Sed & flumina cum insolitis aucta imbribus ultra consuetudinem, vel diuturnitatem, vel magnitudinem redundant, multaque prosternunt, & ipsa diluvium dicuntur. Sciendum autem flumina, cum supramodum crescunt, non tantum ad præsens inferre damna, sed etiam, & aliqua significare futura.

DI-

(1) Eò quòd ibi lanæ. *Plin. lib. 8. cap. 48.*

(2) Græci n. βατὶς. Vel βατὶς Gothici bytin.

(3) Cap. XXII. Toto Orbe cuncto. *Pleraque hujus capituli ex Orosii lib. 1. Mas ex cap. 3.*

(4) Concretos sæpè, & cav. *Oros. Scabros sæpè, & cava-
tos.*

(5) Secundum diluv. *Oros. cap. 7.*

(6) Tertium. *Idem cap. 9. qui ex Justin. lib. 2. desumpsit.*

(7) Qui post Cecropem regnavit. *Athenis addis Oros.*

DIVI ISIDORI
HISPALENSIS EPISCOPI
ETYMOLOGIARUM

LIBER DECIMUSQUARTUS.

DE TERRA, & PARTIBUS.

CAPUT PRIMUM.

De Terra.

TERRA ⁽¹⁾ est in media Mundi Regione posita omnibus partibus Cœli in modum centri æquali intervallo consistens : ⁽²⁾ quæ singulari numero totum Orbem significat , plurali verò singulas partes , cujus nomina diversa dat ratio : nàm Terra dicta à superiori parte , qua teritur : humus ab inferiore , velut humida , ut sub mari : tellus autem , quia fructus ejus tollimus : hæc , & Ops dicta , eò quod opem fert frugibus. ⁽³⁾ Eadem & arua , ab arando , & colendo vocata. ⁽⁴⁾ Propriè autem terra ad distinctionem aquæ , arida nuncupatur : sicut Scriptura ait. Quod vocaverit Deus terram aridam. Naturalis enim proprietas , siccitas est terræ : nàm ut humida sit , hoc aquarum affinitate sortitur. ⁽⁵⁾ Cujus motum alii dicunt ventum esse in concavis ejus , qui motus eam movet. Sallustius : Venti per ca-

va terræ præcipitati, rupti aliquot
montes tumulique sedere. Alii aquam
dicunt genitalem in terris moveri, &
(6) eas simul concutere, sicut vas, ut
dicit Lucretius: Alii $\sigma\phi\alpha\gamma\gamma\sigma\iota\delta\eta\tau\iota$ terram
volunt, cujus plerumque latentes rui-
næ superposita cuncta concutunt. (7)
Terræ quoque hiatus, aut motu aquæ
inferioris fit, aut crebris tonitruis,
aut de concavis terræ erumpentibus
ventis.

CAPUT II.

De Orbe.

ORbis à rotunditate circuli dictus, quia sicut rota est: undè brevis etiam rotella orbiculus appellatur. Undique enim Oceanus circumfluens ejus in circulo ambit fines. Divisus est autem trifariè: ex quibus una pars Asia, altera Europa, tertia Africa nuncupatur. Quas tres partes Orbis veteres non æqualitèr divisèrunt: nam Asia à Meridie per Orientem usque ad Septemtrionem pervenit. Eu-

(1) Cap. I. Terra est in medio. Hyginus lib. i. de Astron. cap. ultim. Terra media Mundi Regione collocata, omnibus partibus aequali dissidens intervallo, centrum obinet sphaerae.

(2) Quæ singulari numero totum Orb. à *Serv. Æn. 6. ad v.* Medioque ex hoste recepi -- Itemque ad *v.* Tot maria intravi.

(3) Eadem & arua. *Varr. lib. 4.* Aruum, & arationes ab arando.

(4) Proprie autem terra. *Ex Ambros. lib. 3. Hexam. cap. 4. apud quem vox aquæ non legitur.*

(1) Proprie autem terra. *Ex Ambros. lib. 3, Hexam. cap. 4, apud quem vox aquae non legitur.*
 (2) Cuius motum alii dicunt, &c. Usque ad conuentum, *è Serv. Georg. 2. ad v. Quia vi maria alta tumescunt. Sed quod Sallustius hic à Servio etiam citatur; mihi non fit verisimile hemistichium cum integro hexametro à Sallustio scripsit.*
 (3) Ventī per cava terra. Precipitatis, rupei alioque montes tumulique sedere. *Itaque Auctor alius querendus eorum verborum, pro gentilem verò generalem habebant Iudoriani omnes libri.*
 (4) Et ex

(6) Et eas concutere sicut vas, ut dicit Lucretius lib. 6. Ut vas in terra non quie constare, nisi humor: Descendit in
dubio Aucta jactantier intus.

(7) Terræ quoque hiatus. Usque ad fin. à *Serv. Æn. 8. Ad v.* Non secus, ac si qua penitus vi terra dchiscens.

Europa verò à Septemtrione usque ad Occidentem, atque indè Africa ab Occidente usque ad Meridiem. Undè evidentèr Orbem dimidium duæ tenent Europa, & Africa, alium verò dimidium sola Asia. Sed ideò istæ duæ partes factæ sunt, ⁽¹⁾ quia inter utramque ab Oceano Mare magnum ingreditur, quod eas intersecat. Quapropter si in duas partes Orientis, & Occidentis Orbem dividas, Asia erit in una, in altera verò Europa, & Africa.

CAPUT III.

De Asia.

¹ **A**sia ex nomine cujusdam mulieris est appellata, quæ apud antiquos Imperium tenuit Orientis. Hæc in tertia Orbis parte disposita, ab Oriente ortu Solis, à Meridie Oceano, ab occiduo nostro mari finitur: à Septemtrione Mæotide lacu, & Tanai fluvio terminatur. Habet autem Provincias multas, & Regiones, quarum breviter nomina, & situs expeditur, sumpto initio à Paradiso.

² Paradisus est locus in Orientis partibus constitutus, cujus vocabulum ex Græco in Latinum vertitur hortus: porro Hebraicè Eden dicitur, quòd in nostra lingua deliciæ interpretatur. Quod utrumque junctum facit hortum deliciarum: est enim omni genere ligni, & pomiferarum arborum consitus, habens etiam lignum vitæ: non ibi frigus, non æstus, sed perpetua veris temperies. E cujus medio fons prorumpens totum nemus irrigat, dividiturque in quatuor nascentia

flumina, cujus loci post peccatum homini aditus interclusus est. Sæptus est enim undiquè romphæa flamma, id est, muro igneo accinctus, ita ut ejus cum Cælo ⁽²⁾ penè jungatur incendium. Cherubin quoquè, id est, Angelorum præsidium arcendis spiritibus malis super romphæa flammam, Angelos verò malos Angeli (boni) submoveant, ne cui carni, vel spiritui transgressionis aditus Paradisi pateat.

³ India vocata ab Indo flumine, quo ex parte occidentali clauditur: ⁽³⁾ hæc à Meridiano mari porrecta usque ad ortum Solis, & à Septemtrione usque ad Montem Caucasum pervenit, habens gentes multas, & Oppida, Insulam quoquè Taprobanam Elephantis refertam. Chrysen, & Argyram auro, argentoque fœcundas, ⁽⁴⁾ Tylen quoquè arborum foliis nunquam carentem. ⁽⁵⁾ Habet & fluvios Gangem, & Indum, & Hypasin illustrantes Indos. Terra Indiæ Favonii spiritu saluberrima, in anno bis metit fruges: vice hyemis ⁽⁶⁾ Etesiis potitur. Gignit autem tincti coloris homines, Elephantes ingentes, Monoceron bestiam, psittacum avem, ebenum quoque lignum, & cinnamum, & piper, & calamus aromaticum. Mittit & ebur, lapides quoquè pretiosos, berillos, chrysoprasos, & adamantem, carbunculos, lychnites, margaritas, & uniones, quibus nobilium fœminarum ardet ambitio. Ibi sunt & montes aurei, quos adire propter dracones, & gryphas, & immensorum hominum monstra impossibile est.

⁴ Parthia ab Indiæ finibus usque

(1) Cap. II. Quia inter utramque ab Oceano Mare magnum ingreditur. *Aperiè hic Mare magnum Mediterraneum dicitur.*

(2) Cap. III. Penè jungatur. *Jungat Gotthici.*

(3) Hæc à Meridiano mari porrecta. *Ex Solin. cap. 55.*

(4) Tylen quoque. *De qua inf. cap. 6. Vid. Teophrast. Plin. Solin.*

(5) Habet & fluvios. *Ex eod. Sol. è quo Indum pro Nidam, & Hypasin pro Hyzanim posuimus.*

(6) Etesiis potitur. *Solini verba.*

que ad Mesopotamiam generalitèr nominatur. Propter invictam enim virtutem Parthorum, & Assyria, & reliquæ proximæ Regiones in ejus nomen transierunt. ⁽¹⁾ Sunt enim ea Arachosia, Parthia, Assyria, Media, & Persia: quæ Regiones invicem sibi conjunctæ initium ab Indo flumine sumunt, Tigri clauduntur, locis montuosis, & asperioribus sitæ, habentes fluvios Hydaspen, & Arbem: sunt enim inter se finibus suis discretæ, nomina à propriis auctoribus ita trahentes.

5 Arachosia ab oppido suo nuncupata.

6 Parthiam Parthi à Scythia venientes occupaverunt, eamque ex suo nomine vocaverunt. ⁽²⁾ Hujus à Meridie rubrum mare est, à Septemtrione Hyrcanum salum, ab Occidua solis plaga, Media. Regna in ea octodecim sunt, porrecta à Caspio littore usque ad terras Scytharum.

7 Assyria vocata ab Assur filio Sem, qui eam Regionem post diluvium primus incoluit: hæc ab Ortu Indiam, à Meridie Mediam tangit: ab Occiduo Tigrim: à Septemtrione montem Caucasum, ubi portæ Caspiæ sunt. In hac Regione primus inventus est usus purpuræ, indè primum crinium, & corporum unguenta venerunt, ac odores quibus Romanorum, atque Græcorum effluxit luxuria.

8 Media, & Persis, à Regibus Medo, & Perso cognominatæ, qui easdem Provincias bellando aggressi sunt. ⁽³⁾ Ex quibus Media ab Occasu

transversa Parthia Regna amplectitur: à Septemtrione Armenia circumdatur, ab Ortu Caspios videt, à Meridie Persiam: hujus terra medicam arborem gignit, quàm alia Regio minimè parturit. Sunt autem Mediæ duæ major, & minor.

9 Persis tendens ab Ortu usque ad Indos: ab Occasu rubrum mare habet, ab Aquilone verò Mediam tangit, ab Austro Cariniam, quæ Persidi annectitur, quibus est Susa Oppidum nobilissimum. In Persia primum orta est Ars Magica, ad quam Nemroth Gigas post confusionem linguarum abiit, ibique Persas ignem colore docuit: nam omnes in illis partibus Solem colunt, ⁽⁴⁾ qui ipsorum lingua: El dicitur.

10 Mesopotamia Græcam Etymologiam possidet, quòd duobus fluviiis ambiatur. Nam ab Oriente Tigrim habet, ab Occiduo Euphratem, ⁽⁵⁾ incipit autem à Septemtrione inter montem Taurum, & Caucasum, cuius à Meridie sequitur Babylonia, deindè Chaldæa, novissimè Arabia *ἑσδαίμων*.

11 Babyloniæ Regionis caput Babylon Urbs est, à qua nuncupata, tam nobilis, ut Chaldæa, & Assyria, & Mesopotamia in ejus nomen aliquandò transierint.

12 Arabia appellata, id est, sacra. ⁽⁶⁾ Hoc enim significare interpretatur, eo quòd sit Regio thurifera, odores creans. Hinc eam Græci *ἑσδαίμων*, nostri beatam nominaverunt: in cujus saltibus & myrrha, & cinnamum provenit: ibi nascitur avis Phoenix, Sar-

(1) Sunt in ea Arachos--Arbin. Ex Orosii lib. 1. cap. 2.

(2) A Septemtrione Hircan. salum. Ex Solin. cap. 59. de Parthia, Ità n. legit Camertes: & ità est in manuscriptis Esti. Toletan. nisi Hircanii saltus mavis, cujus non semel meministi Solinus, & Hirc. Græc. Hircania sylva meministi lib. 10. lib. 9. cap. 2.

(3) Ex quibus Media. Ex Solin. ibid.

(4) Qui ipsorum lingua: El dic. à Serv. Æn. 1. ad vers. Per tot ducta viros, &c.

(5) Incipit à Septemtr. Ex Oros. lib. 1. cap. 2.

(6) Hoc n. significare interp. Ex Solin. cap. 36.

Sardonix gemma, Iris, Malochites, & Pæderotes ibi inveniuntur. ⁽¹⁾ Ipsa est, & Saba appellata, à filio Chus, qui nuncupatus est Saba. ⁽²⁾ Hæc autem angusto terræ tractu ad Orientem versus Persicum sinum extenditur, cuius Septentrionalia Chaldæa claudit, Occasum sinus Arabicus.

13 Syriam Syrus quidam perhibetur indigena à suo vocabulo nuncupasse. ⁽³⁾ Hæc ab Oriente, fluvio Euphrate: ab Occasu, mari nostro, & Ægypto terminatur: Tangens à Septentrione Armeniam, & Cappadociam: à Meridie sinum Arabicum. Situs ejus porrectus in immensam longitudinem: in lato angustior. Habet autem in se Provincias Commagenam, Phœniciam, & Palestinam: cuius pars est Judæa absque Sarracenis, & Nabathæis. Commagena prima Provincia Syriæ à vocabulo ⁽⁴⁾ Commagenæ Urbis nuncupata, quæ quondam ibi Metropolis habebatur. Hujus est à Septentrione ⁽⁵⁾ Armenia: ab Ortu Mesopotamia, à Meridie Syria: ab Occasu Mare magnum. ⁽⁶⁾ Phœnix Cadmi frater de Thebis Ægyptiorum in Syriam profectus, apud Sidonem regnavit, eamque Provinciam ex nomine suo Phœniciam appellavit. Ipsa est ubi Tyrus est, ad quam Isaias loquitur. Habet autem ab Orientem Arabiam, à Meridie mare rubrum.

14 Palestina Provincia Philistin Urbem metropolim habuit, quæ nunc dicitur Ascalon, ex qua Civitate om-

nis circa eam Regio Palestina est nuncupata. Hujus ab Oriente mare rubrum occurrit: à Meridiano latere Judæa excipitur: à Septentrionali plaga Tyriorum finibus clauditur: ab Occasu Ægyptio limite terminatur.

15 Judæa Regio Palestinæ ex nomine Judæ appellata, ex cuius tribu Reges habuit. Hæc prius Chanaan dicta, à filio Cham, sive à decem Chananæorum gentibus, quibus expulsis eandem terram Judæi possederunt. ⁽⁷⁾ Initium longitudinis ejus à vico Arfa usque ad vicum Juliadem porrigitur, in quo Judæorum pariter, & Tyriorum communis habitatio est. Latitudo autem ejus à monte Libani usque ad Tiberiadis lacum extenditur. In medio autem Judææ Civitas Hierosolyma est, quasi umbilicus Regionis totius. Terra variarum opum dives, frugibus fertilis, aquis illustris, opima balsamis. ⁽⁸⁾ Unde secundum elementorum gratiam existimaverunt Judæi eam promissam patribus, terram fluentem lacte, & melle, cum hinc illis Deus resurrectionis prærogativam polliceretur.

16 ⁽⁹⁾ Samaria Regio Palestinæ ab Oppido quodam nomen accepit, quod vocabatur Samaria, Civitas quondam regalis in Israël, quæ nunc ab Augusti nomine Sebastia nuncupatur. Hæc Regio inter Judæam, & Galilæam media jacet, incipiens ⁽¹⁰⁾ à vico, cui nomen est Eleas, deficiens in terra

Gg

Agra-

(1) Ipsa est, & Sabb. *Joseph. lib. 1. antiq.*

(2) Hæc autem angusto--Arabicus. *Ex Oror. lib. 1. cap. 2.*

(3) Hæc ab Orient. Nabathæis. *Ex eod. cap.*

(4) A vocabuli Commagenæ Urbis. *Vetus Cod. Romani, à vocabulo, quo Urbs nuncupata, quæ quondam, &c. Ergo Commagena ea Urbis, non Commage vocabatur. In Ethili quoque cosmographia inter famoia (sic n. appellat ipse) Orientalis Occani oppida, Commagena numeratur.*

(5) A Septentrione Armenia. *Sic veteres lib. non Capadocia, idque & Ptolomæus tabul. 6. Asia confirmat, & Juvenal. satyr. 6. Armenios, & Commagenos haruspices conjungens.*

(6) Phœnix Cadmi frater. *Sup. lib. 9. cap. 2. ex Euseb. Chron.*

(7) Initium longitudinis--Regiones totius. *Ex Hegeipp. lib. 3. cap. 6. Aquis illustris. Ex Solin. cap. 33.*

(8) Unde secundum elem--polliceretur. *Hæc Hegeipp. 4. cap. 6. de Samaria.*

(9) Samaria. *Ex Hieron. in Or. cap. 14.*

(10) A vico cui nomen est Eleas. *Hegeipp. ibid.*

Agrabat. Situs ejus natura consimili, nèc ullo differens à Judæa.

17 ⁽¹⁾ Galilæa Regio Palestinæ vocata, quod gignat candidiores homines, quàm Palestina. ⁽²⁾ Hæc autem duplex est, superior & inferior, sibi tamen connexæ Syriæ, & Phœniciæ adhærentes. Terra earum opima, & ferax, & fructibus satis fœcunda.

18 Pentapolis Regio in confinio Arabiæ, & Palestinæ sita. Dicta à quinque Civitatibus impiorum, quæ Cœlesti igne consumptæ sunt: terra amplius olim à Hierosolymis ⁽³⁾ uberima, nunc autem deserta, atque exusta. Nam pro scelere incolarum de Cœlo descendit ignis, qui Regionem illam in cineres æternos dissolvit. Cujus umbra quædam, & species in favillis, & arboribus ipsis etiam adhuc videtur. Nascuntur enim ibi poma virentia sub tanta specie maturitatis, ut edendi desiderium gignant. Si carpas, fatiscunt, ac resolvuntur in cinerem, fumumque exhalant, quasi adhuc ardeant.

19 ⁽⁴⁾ Nabathæa Regio, à Nabath filio Ismaël nuncupata. Jacet autem inter Judæam, & Arabiam, & surgens ab Euphrate in mare rubrum porrigitur, & est pars Arabiæ.

20 ⁽⁵⁾ Ægyptus, quæ prius Æria dicebatur, ab Ægypto Danai fratre, postea ibi regnante, nomen accepit. ⁽⁶⁾ Hæc ab Oriente Syriæ, ac rubro Mari conjuncta, ab Occasu Libyam habet, à Septemtrione Mare magnum, ⁽⁷⁾ à meridie verò introrsus recedit, tendens usque ad Æthiopes, Regio

Cœli imbribus insueta, & pluviarum ignara. Nilus solus eam circumfluens irrigat, & inundatione sua fœcundat, ⁽⁸⁾ undè & ferax frugibus multam partem terrarum frumento alit, cæterorum quoque negotiorum adeò copiosa, ut impleat necessariis mercibus etiam Orbem terrarum. Finis Ægypti Canopæ à Canope Menelai Gubernatore sepulto in ea Insula, quæ Libyæ principium, & ostium Nili facit.

21 Seres Oppidum Orientis, à quo, & genus Sericum, & Regio nuncupata est. ⁽⁹⁾ Hæc à Scythico Oceano, & Mari Caspio ad Oceanum Orientalem inflectitur, nobilibus fertilis frondibus, à quibus vellera decerpuntur, quæ cæterarum gentium commercia abnuentes Seres ad usum vestium vendunt.

22 Bactriæ Regioni proprius annis Bactrus vocabulum dedit. ⁽¹⁰⁾ Partes ejus, quæ ponè sunt, Paropanis jugis ambiuntur: quæ adversæ sunt, Indi fluvii fontibus terminantur. Reliqua includit Ochus fluvius. Mittit Bactria fortissimos Camelos nunquam atterentes pedes.

23 Scythia sicut &, Gothia à Magog filio Japhet fertur cognominata: cujus terra olim ingens fuit, nam ab Oriente India, à Septemtrione per paludes Mœotides inter Danubium, & Oceanum, usque ad Germaniæ fines porrigebatur. Postea verò minor effecta, ⁽¹¹⁾ à dextra Orientis parte, qua Oceanus Sericus tenditur usque ad Mare Caspium, quod est ad Occasum:

Ma-

(1) Galilæa—quod gignunt candidiores. Etymon Græcum, cum vox sit Hebræa.

(2) Hæc autem duplex—fœcunda. *ibid.* Hegesipp.

(3) Uberima nunc autem des. Ex Hegesipp. lib. 4. cap. 18. Solin. cap. 35. & August. lib. 21. de Civit. cap. 5.

(4) Nabathæa. *Sup.* lib. 9. cap. 2. & Hieron. in *Quæst. Heb.* ad Genes. cap. 25.

(5) Ægyptus—accepit. *Sup.* lib. 9. cap. 2. & Euseb. in *Chron.*

(6) Hæc ab Oriente. Ex Oros. lib. 1. cap. 2.

(7) A meridie. *Solin.* cap. 33.

(8) Undè & ferax—terrarum. Ex Hegesipp. lib. 4. cap. 27.

(9) Hæc à Scythico Oc. Totus locus ex *Solin.* cap. 33. è quo voces duas commerciam abnuentes supplēvimus, cum cæterarum gentium legatur in *V. CC.* non cæteris gentibus, ut quidam edidere.

(10) Partes ejus, quæ ponè. *Al.* pronæ. *Al.* planæ. *Vid.* *Solin.* & *Plin.* lib. 6. cap. 16.

(11) A dextra Orient—vagantes. Ex Oros. lib. 1. cap. 2.

de hinc à Meridie usque ad Caucasum jugum deducta est : cui subjacet Hyrcania, ab Occasu habens pariter gentes multas propter terrarum infœcunditatem latè vagantes. Ex quibus quædam agros incolunt, quædam portentosæ ac truces carnibus humanis, & eorum sanguine vivunt. ⁽¹⁾ Scythiæ plures terræ sunt locupletes : inhabitabiles tamen plures, nam dum in plerisque locis auro, & gemmis affluent, Gryphorum immanitate accessus hominum rarus est. Smaragdis autem optimis hæc Patria est. Cyaneus quoque lapis & crystallus purissimus Scythiæ est. Habet & flumina magna Moschorum, ⁽²⁾ Phasiden, atque Araxen.

24 ⁽³⁾ Hyrcania dicta à sylva Hyrcana, quæ Scythiæ subjacet : habens ab Oriente Mare Caspium : à Meridie Armeniam : à Septemtrione Albaniam, ab Occasu Iberiam. ⁽⁴⁾ Est autem sylvis aspera, copiosa immanibus feris, Tigribus, Pantherisque, ac Pardis : De qua Virgil. Hyrcanæque admorunt ubera Tigres

25 ⁽⁵⁾ Albania à colore Populi nuncupata, eo quod albo crine nascantur : ⁽⁶⁾ hæc ab Oriente sub Mare Caspium surgens, per oram Oceani Septemtrionalis ⁽⁷⁾ usque ad Mæotides paludes per deserta, & inculta extenditur. Huic terræ canes ingentes sunt, tan-
tæque feritatis, ⁽⁸⁾ ut Tauros premant, Leones perimant.

26 ⁽⁹⁾ Armenia nuncupata ab Ar-

meno Jasonis Thessali Comite, qui amisso Rege Jasone, collecta multitudine ejus, quæ passim vagabatur, Armeniam condidit, & ex suo nomine nuncupavit. Sita est inter Taurum, & Caucasum, à Cappadocia usque ad Caspium Mare protensa, habens à Septemtrione Ceraunios montes, ex cujus collibus Tigris fluvius nascitur : & in cujus montibus arca post diluvium sedisse perhibetur. Duplex est autem Armenia, superior & inferior, sicut duæ Pannoniæ.

27 Hiberia Regio Asiæ est, propè Pontum Armeniæ juncta : in hac herbæ tincturæ utiles nascuntur.

28 Cappadociam Urbs propria nominavit : ⁽¹⁰⁾ hæc in capite Syriæ sita : ab Oriente Armeniam tangit : ab Occasu Asiæ minorem : ab Aquilone Mare Cimmericum, & Themiscirios campos, quos habuere Amazones : à Meridie verò Taurum montem, cui subjacet Cilicia, & Isauria usque ad Cilicum sinum, qui spectat contra Insulam Cyprum. ⁽¹¹⁾ Terra ejus ante alias nutrix equorum. Halys amnis per eam fluit, qui quondam Lydiæ Regna disjuxit à Persis.

29 ⁽¹²⁾ Asia minor ab Oriente Cappadocia attingitur : ab aliis partibus, undique mari circumdatur. Nam à Septemtrione Pontum Euxinum habet, ab Occasu Propontidem, à Meridie Ægyptium Mare. Habet Provincias Bithyniam, Phrygiam, Galatiam,

Gg 2

tiam,

(1) Scythiæ plures—rarus est. Ex Solin. cap. 20.

(2) Moschorum Phasiden. Arax Solin. Heniochorum montes Araxen, Moschorum, Phasiden fundunt. *Ibid. lib. 6.*

(3) Hyrcania dicta à sylv. Hyr. *Idem sup. lib. 9. cap. 2. ex Serv. Æn. 7.*

(4) Est autem Sylv. asp. Solin. cap. 21.

(5) Albania à colore Populi. F. capilli.

(6) Hæc ab Orient. Ex Oros. lib. 1. cap. 2.

(7) Usque ad Mæotides paludes. *Usque ad Tannum fluvium, & Mæotides. Oro.*

(8) Ut Tauros premant, Leones per. Solin. cap. 25. Apud Albanos nati Canes feris omnibus anteponuntur ; frangunt Tauros, Leones perimunt, ex quo frangant malebat Chæcon.

(9) Armenia nuncupata. *Supra lib. 9. cap. 1. & Justinus lib. 42.*

(10) Hæc in c. Syr.—Cyprum. Ex Oros. lib. 1. cap. 2. Orois ex Sallustio, quem citat Serv. Æn. xi. ad v. Quales Threiciæ cum fulmina Thermod.

(11) Terra ejus a. a. n. equot. Ex Solin. cap. 57.

(12) Asia minor—mare. Ex Oros. lib. 1. cap. 2. apud quem Cappadocia attingitur non cingitur ut in Isidorianis lib.

tiam, Lydiam, Cariam, Pamphiliam, Isauriam, Lyciam, atque Ciliciam.

30 Prima Asiæ minoris Bithynia in Ponti exordio ad Solis Orientis partem, adversa Thraciæ jacet, multis antea nominibus appellata. ⁽¹⁾ Nam prius Bebrycia dicta, deinde Mygdonia, mox à Bithyno Rege Bithynia nuncupata, ipsa est, & major Phrygia. ⁽²⁾ Nicomedia Urbs in ea est, ubi ⁽³⁾ Hannibal fugiens veneni haustu animam expiravit.

31 ⁽⁴⁾ Galatia dicta à priscis Gallorum gentibus, à quibus extitit occupata. ⁽⁵⁾ Nam Galli in auxilium à Rege Bithyniæ evocati, Regnum cum eo pacta victoria dividerunt: sicque deinde Græcis admixti, primum Gallogræci, nunc ex antiquo Gallorum nomine Galatæ dicuntur, & eorum Regio Galatia nuncupatur.

32 ⁽⁶⁾ Phrygia dicta à Phrygia Æsopi filia. ⁽⁷⁾ Hæc Dardania à Dardano Jovis filio dicta. De ⁽⁸⁾ quo Homerus ait: Quem primum genuit cœlesti Jupiter arce. ⁽⁹⁾ Hic enim profectus de Corito Civitate primus venit in Phrygiam. Est autem Regio ⁽¹⁰⁾ Troadi superjecta ab Aquilonis parte Galatiæ: à Meridiana vicina est Lycaoniæ: ab Oriente Lydiæ adhæret: ab Occidente Hellesponto mari terminatur. ⁽¹¹⁾ Hujus Regio Troja est, quam ex suo nomine appellavit Tros, Trojanorum

Rex, Ganymedis Pater. Duæ sunt autem Phrygiæ major, & minor. Major Phrygia Smyrnam habet: ⁽¹²⁾ Minor verò Ilium. Lycaonia ----

33 ⁽¹³⁾ Cariam Hermus fluvius discernit à Phrygia.

34 Lydia sedes antiqua Regum, quam Pactoli unda extulit in divitias, torrentibus aureis: hæc antea Mæonia dicebatur, quæ dum pro brevitate duos fratres Reges Lydum, & Tyrrhenum ferre non posset: ex sorte Tyrrhenus cum ingenti multitudine profectus loca ⁽¹⁴⁾ Italiæ occupavit, & Tyrrheniam nuncupavit Lydia autem à Lydo ⁽¹⁵⁾ Regis fratre, qui in Provincia remanserat, cognominata est. Conjungitur ab Occidente minori Phrygiæ: ab Ortu Smyrnam Urbem habet, quam ⁽¹⁶⁾ Meles fluvius cingit, cujus campos Pactolus, & Hermus circumfluunt, arenis aureis ditissimi.

Pamphylia ----

35 Isauria ex situ loci perhibetur cognominata, quòd undique aurarum aperta flatibus pateat. Metropolim Urbem Seleuciam habet.

36 ⁽¹⁷⁾ Cilicia à Cilice quodam nomen traxit, quem ortum Phœnice dicunt, & antiquiorem Jove fuisse asserunt. Plurima jacet campis, recipiens ab Occiduo Lyciam, à Meridie Mare Issicum, à tergo montis Tauri juga. Hanc Cydnus amnis intersecat,

(1) Nam prius Bebrycia. *Solin. cap. 44.*

(2) Ipsa est, & major Phrygia. *Ex Serv. Æn. 6. ad v. Bebrycia ven. A. d. g. f. apud quem Sallus. Igitur in rorsus prima Asiæ Bithynia est, multis antea nominibus appellata, ipsa est, & major Phrygia.*

(3) Hannibal - animam expiravit. *Expulit Sol. cap. 44. exhalavit. Margarit. Virgil. lib. 11.*

(4) Galatia. *è Solin. cap. 43. aut ex Hieron. in loc. Heb. ex Aëtib.*

(5) Nam Galli. *Ex Justin. lib. 25. & lib. de Locis Heb. ex Aët. Apost. inter Hieron. Opera.*

(6) Phrygia - Æsopi f. *Sic veteres lib. & Messalla Corvin. in lib. de Progenie August.*

(7) Hæc & Dardania. *è Serv. Æn. 2.*

(8) De quo Homerus ait, &c. *Verba Eusebii in Chronic.*

(9) Hic n. profectus de Corito. *è Serv. Æn. 3. ad versum 170. Coritum, terrasque req. & Virg. Æn. 7. de Dardania.*

Hinc illum Coriti Tyrrhena ab sede profectum.

(10) Troadi superjecta. *è Solin. cap. 43. de Asia minore.*

(11) Hujus Regio Troja. *è Serv. Georg. 3. ad - Trosque parens, & Troja. Cy. a.*

(12) Minor verò Ilium. *Ex d. lib. de Locis Heb. Aët.*

(13) Cariam. *è Solin. cap. 43.*

(14) Locca Italiæ occup. *è Serv. & impres. veteres lib. o. Galliz.*

(15) A Lydo Regis fratre. *Vocem Regis debebat Chacon. videntur autem hac à Servio sumpta Æn. vii. 11. ad Urbis Ægypti.*

Hinc sedes, ubi Lydia quondam.

(16) Meles fluv. *Sic vet. lib. de quo superiori lib. vin. Plin. lib. 5. cap. 29.*

(17) Ciliciam à Cilice. *è Solin. cap. de Cilic.*

cat, ⁽¹⁾ matrem Urbium habet Tarsum. In ea, & Corycus Oppidum est, undè crocum plurimum, & optimum venit, spiramine fragrantius, & colore plus aureo.

37 Lycia nuncupata, quod ab Oriente adjuncta Cylicia sit. Nam habet ab Ortu Ciliciam, ab Occasu, & Meridie Mare, à Septemtrione Cariam. ⁽²⁾ Ibi est mons Chimæra, qui nocturnis æstibus ignem exhalat: sicut in Sicilia Ætna, & Vesuvius in Campania.

CAPUT IV.

De Europa.

1 **P**ost Asiam ad Europam stilum vertimus. Europa quippe Agenoris Regis Libyæ filia fuit, ⁽³⁾ quam Jovis ab Africa raptam Creatam advexit, & tertiam partem Orbis ex ejus nomine appellavit. ⁽⁴⁾ Iste autem est Agenor Libyæ filius, ex qua, & Libya, i. Africa fertur cognominata. Undè apparet prius Libyam accepisse vocabulum, postea Europam. Europa autem in tertiam partem Orbis divisa, incipit à flumine Tanai, descendens ad Occasum per Septemtrionalem Oceanum usque ad fines Hispaniæ, cujus pars Orientalis, & Meridiana à Ponto consurgens, tota ⁽⁵⁾ Mari magno conjungitur, & in Insula Ga-

libus finitur. ⁽⁶⁾ Prima Europæ Regio Scythia inferior, quæ à Mæotidis paludibus incipiens inter Danubium, & Oceanum Septemtrionalem usque ad Germaniam porrigitur: quæ terra generaliter propter barbaras gentes, quibus inhabitatur, Barbaria dicitur. Hujus pars prima Alania est, quæ ad Mæotidas paludes pertingit. Post hanc Dacia ubi, & Gothia: deinde Germania, ubi plurimam partem Suevi incoluerunt.

2 Germania post Scythiam inferiorem à Danubio inter Rhenum fluvium, Oceanumque conclusa, cingitur à Septemtrione, & Occasu Oceano: ab Ortu verò Danubio: à Meridie Rheno flumine dirimitur: ⁽⁷⁾ terra dives virorum, ac Populis numerosis, ⁽⁸⁾ & immanibus frequens. Undè & propter fecunditatem gignendorum Populorum, Germania dicta est: ⁽⁹⁾ gignit aves Hercynia sylva quarum pennæ noctu perlucet. ⁽¹⁰⁾ Bisontes quoque feras, & Uros atque Alces parit. Mittit & gemmas, Crystalum & Succinum. ⁽¹¹⁾ Callaicum quoque viridem, & Ceraunium candidum. Duæ sunt autem Germaniæ, superior juxta Septemtrionalem Oceanum, inferior circa Rhenum.

3 ⁽¹²⁾ Provinciarum autem quas Danubius à Barbarico ad Mediterraneum mare claudit: ⁽¹³⁾ prima est Mæ-

Gg 3 sia,

(1) Matrem Urb. h. Tarsos, hanc Cydn. &c. Ex Solino. Nam inverso ordine hac leguntur in Codicib. Isid. & in d. ib. de Locis Heb. ex Añ. Apost.

(2) Ibi est mons Chimera. Ex Solin. cap. 42. de Lycia. Ex quo Vesuvius hic legendum fuit, non Vesulus, ut est in msscriptis vid. Serv. Añ. xi. ad Multos Vesulus quem p. 2. & Georg. 2. ad v. Talem dives arat Capua, & vicina Vesovo.

(3) Cap. IV. Jovis. Ità o. G. ut ante quoque adnotavimus.

(4) Iste autem est Agenor Libyæ fil. Apollodorus de Agenore, αἰθέρος δὲ καὶ ποσειδῶνος γίγνεται παῖδας δ' ἄνδρας ἄνδρας, καὶ ἑσπέρης.

(5) Mari magno conjungitur. Contingitur Chac.

(6) Prima Europæ Reg. Ex Oros. lib. 1. cap. 2.

(7) Terra dives viror. Al. Virium virotum. Solin. cap. 23.

(8) Et immanibus frequens. Frequens ex Solin. reposuimus.

(9) Gignit aves. Ex Solin. ibid.

(10) Bisontes quoque feras, & Uros, atque Alces. Solin. ibid. Plin. lib. 8. cap. 15. Caesar lib. 6. de Bell. Gall. Serv. Georg. 2.

(11) Callaicum quoque. Callaim Plin. lib. 37. cap. 8.

(12) Provinciarum autem. Ex Oros. ibid.

(13) Prima est Mæsia. Mæsia, an Mysia verior scriptura sit, nondum satis constitui. Nam Isidori, & Solini, cujus hac sunt, Codices variant, apud Orosium Mæsia perpetua. Serv. Georg. 1. ad-nullo tantum sc Mæsia culta, Mæsia, inquit,

sia, à Messium proventu vocata. Undè eam veteres Cereris horreum nuncupabant. ⁽¹⁾ Hæc autem ab Oriente ostiis Danubii jungitur : ab Euro verò Thraciæ : à Meridie Macedoniae : ab Occasu Histriæ copulatur. Post Mœsiam autem Pannonia est. Indè Noricus ager frigidus, & parcius fructuosus. Post quæ Reticus ferax frugibus, qui excipit Galliam Belgicam.

4 Thraciæ Thiras Japhet filius veniens nomen dedisse perhibetur. Alii à sævitia incolarum Thraciam appellatam dixerunt. ⁽²⁾ Huic ab Oriente Propontis, & Urbs Constantinopolis opposita est : à Septemtrione verò Ister obtenditur : à Meridie verò Ægæo mari adhæret : ab Occasu Macedonia illi subjacet. Cujus Regionem olim Bessorum Populus, Massagetæ, Sarmatæ, Scythæ, & aliæ plurimæ nationes incoluerunt. Ampla est enim ideoque plurimas continuit gentes, Hebrum fluvium Thracia fundit, qui etiam gentes barbarorum plurimas tangit.

5 Græcia à Græco Rege vocata, qui cunctam eam Regionem Regno incoluit. Sunt autem Provinciæ Græciæ septem : quarum prima ab Occidente Dalmatia, indè Epirus, indè Hellas, indè Thessalia, indè Macedonia, indè Achaja, & duæ in mari Creta, & Cyclades. Illyricum autem generalitèr omnis Græcia est.

6 Dalmatiam à Delmi maxima ejusdem Provinciæ Civitate traxisse nomen existimatur. Adhæret ⁽³⁾ ab Oriente Macedoniae : à Septemtrione Mœsiæ : ab Occasu Istria terminatur : à Meridie verò Adriatico sinu clauditur.

7 ⁽⁴⁾ Epirus à Pyrrho Achilles filio cognominata, cujus pars Chaonia, quæ ante Molossia dicta est, à Molosso filio Pyrrhi, quem de Andromacha habuit. Sed postquàm occisus est Pyrrhus Orestis insidiis, Andromacham Helenus suscepit, tenuitque Regnum Privigni, qui successerat Patri, à quo Molossia dicta pars Epiri, quam Helenus postea à fratre Chaone, quem in venatu per ignorantiam dicitur occidisse, Chaoniam nominavit, quasi ad solatium fratris extincti.

8 ⁽⁵⁾ Hellas dicta à Rege Hellene Deucalionis, & Pyrrhæ filio, à quo & prius Græci Hellenes nuncupati sunt. Ipsa est, & Attica terra Aetæ prius dicta. ⁽⁶⁾ Nàm Cranaus quidam Græciæ indigena fuit, ex cujus filia Attis nomine Attica terra vocata est. Hæc inter Macedoniam, & Achajam media jacet, Arcadiæ à Septemtrionali parte conjuncta. ⁽⁷⁾ Ipsa est, & vera Græcia, ubi fuit Athenæ Civitas ⁽⁸⁾ mater liberalium litterarum, & Philosophorum nutrix, qua nihil habuit Græcia clarius, atque nobilius. In ea est & Marathonius campus opinione

quit, Civitas Phrygiæ. Mysia Provincia est. Verum rem ipsam si species, Mysiam minore periculo scripseris. Constat enim Mysiam à Geographis, & in Asia, & in Europa collocari. Quin etiam apud Virgilium, (Si Pierio credimus) ut Mœsia legatur, invitis manuscriptis libris, Servii auctoritas fecit. Sed origo à messibus tracta Mœsiam, sive Meriam potius ab Iridoro didam arguit, quod Chacont quoque magis placebat. Nàm quod præter, aut præter apud Lydos Auctoribus Eustachio ad Dionys. Afrum, & Hesychio, significat, nihil ad Iridorum.

(1) Hæc autem ab Oriente ostiis Danub. Ex Oros. lib. 1. cap. 2.

(2) Huic ab Oriente Propontis. Ex Oros. ibid.

(3) Adhæret autem ab Oriente—clauditur. Ex eod. Post hac verba leguntur in quibusdam Gothicis ista, Illyrica Regio juxta Adriaticum mare, in qua Dardanii sedes habent, ipsa est, & Dardania à Dardano Rege cognominata, homines ex Trojana prosapia in morès barbaros effrati, qua fortassis rejicienda non sunt. Vide Plinium lib. 4. cap. 1. & Solin. cap. 8.

(4) Epirus à Pyrrho—extincti. È Serv. plerique An. 3. ad v. Patrio Andromachen iterum cessisse marito, apud quem in lib. impressis à Rob. Step. Positam à fratre Chaone, legitur. De qua lectione alii judicabunt.

(5) Hellas dicta à Rege. Ex Eusebii Chron. & Serv. eclog. 2. ad—Aetæo Aracyntho.

(6) Nàm Cranaus indigena, &c. Verba sunt Eusebii.

(7) Ipsa est, & vera Græcia. Hac omnia carptim sumpta è Solin. c. de Græcia.

(8) Mater liberal—nobilis. Ex Aug. 18. de Civit. cap. 9.

ne quondam prælii cruentissimus.

9 Helladis autem duæ sunt Provinciae, Bœotia & Peloponesus.

10 Bœotia autem dicta hac ex causa. Dùm Cadmus Agenoris filius Europam sororem à Jove raptam ex præcepto genitoris quæreret, nè reperiret, patris iram formidans confirmato animo, elegit exilium. Nam bovis fortè conspectæ secutus vestigia, amplexus est sedem, ubi illa recubuerat: sicque locum de nomine bovis Bœotiam nominavit: ubi & Thebas Urbem construxit, in qua olim civilia bella detonuerunt: & ⁽¹⁾ ubi nati sunt Apollo, & Hercules major ille Thebanus. Eadem est ⁽²⁾ Aonia vocata, à fonte quodam Apollini, & Musis consecrato, qui in eadem Bœotia est.

11 Peloponesus secunda pars Helladis, à Pelope regnata, atque vocata.

12 Thessalia à Thessalo Rege cognominata, quæ à meridiana plaga Macedoniae conjuncta est, ⁽³⁾ cujus à tergo Pieria est. Multa in Thessalia flumina, & Oppida, inter quæ præcipuè Thessalonica, & Thebæ. Ibi est mons Parnasus quondam Apollini consecratus. Thessalia patria Achillis, & origo Lapitharum fuit, de quibus ⁽⁴⁾ fertur, quòd hi primo equos frænâ domuerint: undè & Centauri dicti sunt. In Thessalia primum solidi aurei facti

sunt, domandorum quoque equorum usus primum repertus est.

13 Macedonia in exordio ab Emutio Rege Emathiae nomen erat, sed ⁽⁵⁾ Macedo Deucalionis maternus nepos, postquam ibi accepit principatum, mutavit vocabulum, Macedoniaeque à suo nomine dixit. ⁽⁶⁾ Est autem confinis ab Oriente Ægæo mari, à Meridie Achajæ, ab Occasu Dalmatiae, à Septentrione Mœsiæ: Patria Alexandri Magni, & ⁽⁷⁾ Regio aureis venis, argenteisque opima. Lapidem quem Pæantidem vocant, ista gignit. Mons Olympus in ea est, ⁽⁸⁾ qui excellenti vertice tantus attollitur, ut in cacumine ejus, nèc nubes, nèc venti sentiantur.

14 ⁽⁹⁾ Achaja ab Achæo Rege, & Urbs, & Provincia appellata: hæc penè Insula est. Nam absque Septentrionali parte, qua Macedoniae jungitur, undiquè septa est mari. Ab Oriente enim habet Myrteum mare: ab Euro Creticum: à Meridie Jonium: ab Africo, & Occasu ⁽¹⁰⁾ Cephaloniam, & Cassiopam Insulas: à sola Septentrionali parte Macedoniae, vel Atticæ terræ adjungitur, hujus caput est Urbs Corinthus Græciæ Decus. Inachus est Achajæ fluvius.

15 ⁽¹¹⁾ Arcadia sinus Achajæ est, ut platani folium, inter Jonium, & Ægæum mare exposita, ⁽¹²⁾ quàm Arcas Jovis, & Calistæ filius Pelasgis in

(1) Ubi nati sunt Apol. & Herc. *At Solin. cap. 13. de Thebis.* Urbs ista numinibus apud se ortis gloriatur, ut perhibent, qui sacris carminibus Herculem, & Liberum celebrant, è quo pro Apolline Liberum substituebat Chæon in visis omnibus lib.

(2) Eadem est, & Aonia. *è Serv. eclog. 10. ad v. Aonia Aganippe.*

(3) Cujus à tergo Pieria est. *Ita Solin. c. de Thessalia, sed paullo aliter Plinius lib. 4. cap. 8.*

(4) De quibus fertur quod hi prim. *Virg. Georg. 2. Fræna Pelætronii Lapythæ, gyrosque dederat. & Serv.*

(5) Macedo Deucal. *è Sol. c. de Macedonia.*

(6) Est autem confinis. *Mysia. Ex Oros. lib. 1. cap. 2.*

(7) Et Regio. *è Solin.*

(8) Qui excellenti vertice tantus. *Ex eod. c. de Thessalia.*

(9) Achaja ab Ach. *Ex Chron. Eusebii.*

(10) Cassiopas Insulas. *Oros. ib. cap. 2. Ab Africo, & Occasu Cephaloniam, & Cassiopam Insulas, à Septentrione sinum Corinthium, ab Aquilone angustum terræ dorsum, quo Macedoniae conjungitur, vel potius Atticæ, qui locus Isthmos vocatur, ubi est Corinthus.*

(11) Arcadia verò sinus—ut platani folium. *Confusa sunt hæc—Arcadia in sinu est Peloponesi, id est, in medio ipsius. Peloponesus verò, ut platani folium, extenditur.*

(12) Quam Arcas Jov. &c. *Ex Chron. Euseb.*

in ditionem redactis, ex suo nomine Arcadium nuncupavit. Ipsa est, & Sicyonia à Sicyone Rege, à quo, & Regnum Sicyoniorum est dictum. Habet autem Arcadia fluvium magnum Erimanthum: Asbeston quoque lapidem, qui semel accensus nunquam extinguitur. Candidissimæ etiam mæculæ ibi nascuntur,

16 Lacedemonia—

17 ⁽¹⁾ Pannonia ab Alpibus Pæni-
nis est nuncupata, quibus ab Italia
secernitur: Regio ⁽²⁾ viro fortis, & so-
lo læta, duobus satis acribus fluviis
Drabo, Saboque vallata. Coniungi-
tur autem cum Norico, & Rhetia,
habens ab Oriente Moesiā: ⁽³⁾ ab
Euro Istriam: ab Africo verò Alpes
Appenninas: ab Occasu Galliam Bel-
gicā: à Septemtrione Danubii Fon-
tem, vel limitem, qui Germaniam,
Galliamque secernit.

18 Istriam Ister amnis vocavit,
qui ejus terram influit, ipse est Danu-
bius. Habet autem Istria à Septemtrio-
ne Pannoniam.

19 Italia olim à Græcis Populis
occupata, ⁽⁴⁾ magna Græcia appellata
est: deindè à Regis nomine Saturnia,
mox, & Latium dicta, eò quòd,
idem Saturnus, à Jove sedibus suis
pulsus, ibi latuerit: postremò ab Italo
Siculorum Rege ibi regnante, Italia
nuncupata est. ⁽⁵⁾ Cujus situs longitu-
dine ampliùs, quàm latitudine ⁽⁶⁾ à Cir-
cio in Eurum extenditur: à Meridie
Tyrrheno mari: ab Aquilone Adria-
tico clauditur: ab Occiduo Alpium

jugis finitur: terra in rebus omni-
bus pulcherrima: Soli fertilitate, pa-
buli ubertate gratissima. Habet lacus
Benacum, Avernum, atque Lucri-
num: fluvios Eridanum, & Tyberim,
& tepentes Fontibus Bajas. Gignit gem-
mas Syrtitem, Lyncurium, & Coral-
lium: Boam quoque serpentem, Lyn-
cem feram, & Diomedæas aves. Italia
autem, & Hispania idcirco Hesperia
dictæ, quòd Græci Hespero Stella na-
vigant, & in Italia, & in Hispania, ⁽⁷⁾
quæ hac ratione discernuntur, aut
enim Hesperiam solam dicis, & signi-
ficas Italiam: aut addis ultimam, & sig-
nificas Hispaniam, quia in Occidentis
est fine.

20 Thuscia pars Italiæ, ⁽⁸⁾ Um-
bria verò pars Thuscia. Thuscia au-
tem à frequentia Sacrorum, & Thuris
vocata, ἀπὸ τῆς Θύειν.

21 Umbriam verò historiæ nar-
rant, eo quòd tempore aquosæ cladis
imbris superfuerit, ob hoc Um-
briam Græcè cognominatam. Est
enim in jugis Appennini montis si-
ta, in parte Italiæ juxta Meridiem.

22 ⁽⁹⁾ Hetruria pars Italiæ dicta,
quod ejus fines tendebantur, usque
ad ripam Tyberis, quasi ἑτερος ὄρος.
Nam ἑτερος alter, ὄρος finis vocatur.
Romæ enim fines antea unam tam-
tùm Tyberis ripam tenebant: alii He-
truriam ab Hetrusco Principe putant.
Item, & Tyrrhenia à Tyrrheno Ly-
dii fratre, qui ex sorte cum Populi
parte de Mæonia venit ad Italiam.
Hæc est, & Thuscia, sed Thusciam
di-

(1) Pannonia. Ex Oros. *ibid.*

(2) Viro fortis. Ita veter. lib. & Solin. *cap. de Gallia.*

(3) Ab Euro Istriam. A Meridio mallems.

(4) Italia—magna Græcia. Serv. *Æn.* 1. *ad v.* Seu vos Hesperiam magnam, &c. μυρία Ἰλλας appellata est, quia à Tarento usque ad Cumas omnes Civitates Græci coudiderunt. *Vid. Justin. lib. 20.*

(5) Cujus situs longitudine ampl. & Solin. *cap. de Italia.* Proccitate amplior, quàm latitudine.

(6) A Circio in Eurum—finitur. Ex Oros.

(7) Quæ hac ratione discernuntur, &c. & Serv. *Æn.* 1. *ad v.* Est locus Hesperiam. Et lib. 3. Ab Hespero (inquit) His-
paniæ Rege, vel à Stella, quin intuentur penentes Italiam.

(8) Umbria verò pars Thuscia. Ex eod. *Æn.* 12. Umbria verò dicitur, ut hist. & Solin. *cap. 8.*

(9) Hetruria pars Italiæ. & Serv. *Æn.* 11. Hetrusque Duces, & 2. Ad terram Hesp. venies.

dicere non debemus, quia nusquam legimus. Thracia autem, à frequentia Sacrificii, & Thuris, dicta est ἀπὸ τῆς θύειν: illic & aruspiciam dicunt esse reptam.

23 ⁽¹⁾ Apulia, ubi Brundisium situm est, quam Ætoli secuti Diomedem Ducem condiderunt.

24 Campania habet terras hyeme, atque æstate vernantes. Sol ibi mitis, grata temperies, aer purus, & blandus.

25 Gallia à candore Populi nuncupata est, γάλα enim Græcè lac dicitur. Montes enim, & rigor Cœli ab ea parte Solis ardorem excludunt, quo fit, ut candor corporum non coloretur. Hanc ab Oriente Alpium iuga tuentur, ab Occasu Oceanus includit, à Meridie prærupta Pyrenæi, à Septemtrione Rheni fluentia, atque Germania cuius initium Belgica, finis Aquitania est, Regio gleba uberis, ac pabulosa ad usum animantium apta, fluminibus quoque, & fontibus irrigua, perfusa duobus magnis Rheno, & Rhodano fluviis.

26 ⁽²⁾ Belgis autem Civitas est Galliæ, à qua Belgica Provincia dicta est.

27 Cisalpina, quia citra Alpes.

28 Transalpina, id est, trans Alpes, contra Septemtrionem.

29 Rhetia verò, quòd sint iuxta Rhenum.

30 ⁽³⁾ Aquitania autem ab obliquis aquis Ligeri fluminis appellata, quia ex plurima parte terminus ejus est, eamque pene in Orbem cingit.

31 ⁽⁴⁾ Hispania prius ab Ibero

amne Iberia nuncupata. Postea ab Hispalo Hispania cognominata est. ⁽⁵⁾ Ipsa est, & verè Hesperia, ab Hespero Stella Occidentali dicta. Sita est autem inter Africam, & Galliam, à Septemtrione Pyrenæis montibus clausa, à reliquis partibus undique mari conclusa, salubritate Cœli æqualis, omnium frugum generibus fecunda, gemmarum, metallorumque copias ditissima. Interfluunt eam flumina magna, Bætis, Minius, Iberus, & Tagus aurum trahens, ut Pactolus. Habet Provincias sex: Tarraconensem, Carthaginensem, Lusitaniam, Galleciam, Bæticam, & transfreta in Regione Africæ Tingitaniam. ⁽⁶⁾ Duæ sunt autem Hispaniæ, Citerior, quæ in Septemtrionis plaga à Pyrenæo usque ad Carthaginem porrigitur: Ulterior, quæ in Meridiem à Celtiberis usque ad Gaditanum fretum extenditur. Citerior autem, & Ulterior dicta, quasi citra, & ultra: sed citra, quasi circa terras: & ultra, vel quod ultima, vel quod non sit post hanc ulla, hoc est, alia terra.

CAPUT V.

De Libya.

1 **L**ibya dicta, ⁽⁷⁾ quòd indè Libs fiat, hoc est, Africus. ⁽⁸⁾ Alii ajunt Epaphum Jovis filium, qui Memphim in Ægypto condidit ex Cassiopa uxore procreasse filiam Libyam, quæ postea in Africa Regnum possedit, cujus ex nomine terra Libya est appellata.

2 Africam autem nominatam qui-

⁽¹⁾ Apulia ubi Brundisium, quam Æoli. Verba sunt Justin. lib. 12.

⁽²⁾ Belgis. Belgium dicitur à Cesare.

⁽³⁾ Aquitania. Ex Oros.

⁽⁴⁾ Hispania. Ex Justin. lib. 44.

⁽⁵⁾ Ipsa est, & vera Hesperia. à Serv. Æn. 1. ad v. Est locus Hesp.

⁽⁶⁾ Duæ sunt Hispaniæ. Ex Oros.

⁽⁷⁾ Cap. V. Libya, quòd indè Libs fiat. à Serv. Æn. 1. ad—Venturum excidit, Libya.

⁽⁸⁾ Alii ajunt Epaphum. Hyginus in Fabulis cap. 149. & Placidus ad Thebaid. 4.

quidam indè existimant, quasi apri-
cam, quòd sit aperta Cœlo, vel So-
li, & sine horrore frigoris. ⁽¹⁾ Alii di-
cunt Africam appellari ab uno ex pos-
teris Abrahæ de Cethura, qui voca-
tus est Afer, ⁽²⁾ de quo suprà memi-
nimus. Incipit autem à finibus Ægyp-
ti pergens juxta Meridiem per Æthio-
piam usque ad Atlantem montem. A
Septemtrionali verò parte, Mediterra-
neo mari conjuncta clauditur, & in
Gaditano freto finitur, habens Provin-
cias Libyam Cyrenensem, Pentapo-
lim, Tripolim, ⁽³⁾ Bizantium, Cartha-
ginem, Numidiam, ⁽⁴⁾ Mauritaniam
Sitifensem, Mauritaniam Tingitanam,
& circa Solis ardorem Æthiopiam.

3 ⁽⁵⁾ Libya Cirenensis in parte
Africæ prima est, à Cyrene Urbe
Metropoli, quæ est in ejus finibus
nuncupata: Huic ab Oriente Ægyp-
tus est, ab Occasu Syrtes majores, &
Troglodytæ, à Septemtrione mare Li-
bycum: à Meridie Æthiopia, & bar-
barorum variæ nationes, & solitudi-
nes inaccessibiles, quæ etiam Basilis-
cos Serpentes creant.

4 Pentapolis Græca lingua à
quinque Urbibus nuncupata, id est,
Cyrene, Berenice, ⁽⁶⁾ Theuchira, Apol-
lonia, Ptolemaide: Ex quibus Prole-
mais, & Berenice à Regibus nomina-
tæ sunt. Est autem Pentapolis Libyæ

Cirenensi adjuncta, & in ejus finibus
deputata.

5 Tripolitanam quoquè Provin-
ciam Græci lingua sua signant de nu-
mero trium magnarum Urbium: ⁽⁷⁾
Oëa, Sabratæ, Leptis magnæ: hæc
habet ab Oriente Syrtes majores, &
Troglodytas, à Septemtrione mare
Adriaticum: ab Occasu Bizantium: à
Meridie Getulos, & Garamantes us-
que ad Oceanum Æthiopicum per-
tinentes.

6 Byzacena Regio ex duobus no-
bilissimis Oppidis nomen sortita est,
ex quibus unum Adrumetus vocatur.
(alterum Byzantium) Hæc sub Tripo-
li est, ⁽⁸⁾ patens passuum ducenta, vel
amplius millia, fœcunda oleis, &
glebis ita præpinguis, ut jacta ibi semi-
na, incremento penè centesimo fru-
gis renascantur.

7 ⁽⁹⁾ Zeugis, ubi Carthago mag-
na ipsa est, & vera Africa inter By-
zantium, & Numidiam sita, à Septem-
trione mari Siculo juncta, & à Meri-
die usque ad Getulorum Regionem
porrecta, cujus proxima quæque fru-
gifera sunt, ulteriora autem bestiis, &
serpentibus plena, atque onagris mag-
nis in deserto vagantibus.

8 Getulia autem Africæ pars
mediterranea est.

9 ⁽¹⁰⁾ Numidia ab incolis passim va-
gan-

(1) Alii dicunt Africanam. Hieronym. in *Quæst. in Genes. ad cap. 25.*

(2) De quo suprà. *Lib. 9. cap. 2.*

(3) Byzacium Byzantium legitur in antiquissimis libris, & apud Stephanum. Veram tamen scrip-
turam Byzantium existimabat Chacon ex veteris Varronis Codicibus *lib. 1. de Re Rust. cap. 44.* & *Plin. lib. 5. cap. 4.* & *lib. 17. cap. 5.* & *lib. 18. cap. 10.* & *Aug. in Ps. 36. concione 2.* Quam etiam vulgati Isidori libri, & plerique ex Gothicis
vetinent.

(4) Mauritaniam Sitifensem Mauritan. Ting. Quod Casariensem addunt quidam libri, tresque Mauritanias videntur ex
Orosio facere: nihil est, quod morem, quando ex eod. & Isidoro paullo post Casariensem, & Sitifensem, vel etiam
Sitifensem, & Tingitanam ex Concil. Carthag. vii. constat esse conjunctas, ut Casariensis alterutrinus, quasi appendix
sit. Ità tamen, ut pro Tingitana in Conciliis sæpe ponatur.

(5) Libya Cyren--perpendentes. Ex Oros. *lib. 1. cap. 2.*

(6) Theuchira. Mendose o. l. Ceutria. Vid. Ptolemæi tabul. 4.

(7) Oëa, Sabratæ, Leptis mag. *Solin. cap. 30.* Achæi Tripolim lingua sua signant de trium Urbium numero Taphæ,
Abrotani, Leptis magnæ. *Nostri Codices partim Ocrabratæ partim Oëa Tabratæ partim Oëa Sabratæ Sil. lib. 5.* Sabratæ,
tum Tyrium vulgus, Sacranique Leptis. Atque Trinacrios Afris permista Colonos. Ubi Oëaque ex Isidoro lubentius
legerim.

(8) Patens passuum duc. à *Solin. cap. 30.*

(9) Zeugis ubi Carthago magna. Verba sunt Oros.

(10) Numidia ab incolis passim vag. *Sallust. in Jugurth.* Et quia sæpe tentantes agros, alia, deinde alia loca petiverant,
semicipsi Numidas appellavere. *Idem Plin. lib. 5. cap. 3. paullo tamen aliter Festus.*

gantibus sic vocata, quod nullam certam haberent sedem. Nam lingua eorum incertæ sedes, & vagæ Numidia dicuntur. Incipit autem à flumine Ampsaga, in Zeugitanum limitem desinit, ⁽¹⁾ habens ab Ortu Syrtis minores: à Septentrione mare quod intendit Sardiniam: ab Occasu Mauritaniam Sitifensem: à Meridie Æthiopum gentes, Regio campis præpinguis. Ubi autem sylvestris est, feras educat: ubi jugis ardua, equos & onagros procreat: eximio etiam marmore prædicatur, quod Numidicum dicitur. Habet autem Urbes præcipuas ⁽²⁾ Hipponem, Rhegium, & Rusicadam.

10 Mauritania vocata à colore Populorum. Græci enim nigrum *μῆλον* vocant. Sicut enim Gallia à candore Populi, ita Mauritania à nigredine nomen sortita est. Cujus prima Provincia Mauritania Sitifensis est, quæ Sitifi habet Oppidum, à quo, & vocabulum traxisse Regio perhibetur.

11 Mauritania verò Cæsariensis Colonia, Cæsaria Civitas fuit, & nomen Provinciæ ex ea datum. ⁽³⁾ Utræque igitur sibi conjunctæ ab Oriente Numidiam habent, à Septentrione Mare magnum, ab Occasu flumen Malvam: à Meridie Montem Astrixim, ⁽⁴⁾ qui discernit inter fecundam terram, & arenas jacentes usque ad Oceanum.

12 Mauritania Tingitana à Tingi Metropolitana hujus Provinciæ Civitate vocata. ⁽⁵⁾ Hæc ultima Africæ

exurgit à montibus septem habens ab Oriente flumen Malvam: ⁽⁶⁾ à Septentrione fretum Gaditanum: ab occiduo Oceanum Atlanticum: à ⁽⁷⁾ Meridie Gaulalum gentes usque ad Oceanum Hesperium pererrantes. Regio gignens feras, simias Dracones, & struthiones, olim etiam, & Elephantis plena fuit, quos sola nunc India parturit.

13 ⁽⁸⁾ Garamantis Regionis caput, Garamma Oppidum fuit. Est autem inter Cyrenensem, & Æthiopiam, ubi est Fons, ⁽⁹⁾ qui riget calore dici, & calet frigore noctis.

14 Æthiopia dicta à colore Populorum, quos Solis vicinitas torret. ⁽¹⁰⁾ Denique vim syderis prodit hominum color, est enim ibi jugis æstus. ⁽¹¹⁾ Nam quidque ejus est, sub Meridiano cardine est. Circa Occiduum autem montuosa est, arenosa in medio, ad Orientalem verò plagam deserta: cuius situs ab Occiduo Atlantis montis ad Orientem usque in Ægypti fines porrigitur: à Meridie Oceano: à Septentrione Nilo flumine clauditur, plurimas habens gentes, diverso vultu, & monstrosa specie horribiles. Ferarum quoque, & Serpentium referta est multitudo. Illic quippè Rhinoceros bestia, & Camelopardalis, Basiliscus, Dracones ingentes, ex quorum cerebro gemmæ extrahuntur, Hyacinthus quoque, & Crysoprassus ibi reperiuntur. Cinamomum ibi colligitur.

15 Duæ sunt autem Æthiopiæ, una

(1) Habens ab Ortu Syrt. min. *Oros. ibid.*

(2) Hipponem, Rheg. & Rusicem. *Idem Oros.*

(3) Utræque igitur. *Oros.*

(4) Qui discernit inter fecund. terram. *Oros.* Qui dividit inter vivam terram, & jacentes arenas usque ad Oceanum.

(5) Hæc ultima Africæ-pererrantes. *Ex Orosio, illa tamen, exurgit à montibus septem. Solini sunt cap. de Mauritania.*

(6) A Septentrione fretum Gaditanum. *Orosius, à Septentrione mare nostrum, & fretum Gaditanum.*

(7) A Meridie Gaulalum gentes. *Orosius, à Meridie Autololum gentes, quas nunc Gaulalcs vocant.*

(8) Garam. Reg. è *Solin.*

(9) Qui riget cal. *Ita Gothici, friger Solinus.*

(10) Denique vim s. p. b. c. *Verba sunt Solini, cap. de India.*

(11) Nam quidquid ejus est sub Merid. card. è *Solin. cap. de Æthiop.*

una circa Solis Ortum, altera circa Occasum in Mauritania.

16 Extra tres autem partes Orbis, quarta pars trans Oceanum interior est in Meridie, quæ Solis ardore nobis incognita est, in cujus finibus ⁽¹⁾ Antipodes fabulosè inhabitare produntur. Proxima autem Hispaniæ Mauritania est, deinde Numidia, inde Regio Carthaginensis, post quæ Getuliam accepimus, postea Æthiopiam, inde loca exusta Solis ardoribus.

17 Sciendum sanè, quòd quædam Provinciæ primum de nomine Auctoris appellatæ sunt: postea à Provincia gentis nomen est factum nam ab Italo Italia, & rursus ab Italia Italus, & sic utimur ipso nomine gentis, quomodò fuit ipsum nomen Auctoris: undè derivatum est nomen Provinciæ. Ex quo accidit ex uno homine nominari, & Civitatem, & Regionem, & gentem. Provinciæ autem ex causa vocabulū acceperunt. Principatus namque gentium, qui ad Reges alios pertinebant, cū in jus suum Romani vincendo redigerent, procul positas Regiones Provincias appellaverunt. Patria autem vocata, quod communis sit omnium, qui in ea nati sunt. ⁽²⁾ Terram autem significare, prædiximus, elementum: terras verò singulas partes, ut Africa, Italia: Eadem & loca. Nam loca, & terræ spatia in Orbe terrarum, multas in se continent Provincias: sicut in corpore locus est, pars una multa in

se continens membra: sicut & domus multa in se habens cubacula: sic terræ, & loca dicuntur terrarum spatia, quorum partes sunt Provinciæ: sicut in Asia, Phrygia, in Gallia Rhetia: in Hispana, Bætica. Nam Asia locus est, Provincia Asiæ Phrygia, Troja Regio Phrygiæ, Illium Civitas, Trojæ. Item Regiones partes sunt Provinciarum, quas vulgus Conventus vocat: sicut in Phrygia Troja, sicut in Gallicia Cantabria, Asturia. A rectoribus autem Regio nuncupata est, cujus partes territoria sunt.

18 ⁽³⁾ Territorium autem vocatum, quasi tauritorium, tritum bobus, & aratro. Antiqui enim sulco ducto, & possessionum, & territoriorum limites designabant.

CAPUT VI.

De Insulis.

1 **I**NSULÆ dictæ, quòd in salo sint, id est, in mari. Ex iis quoque notissimæ, & maximæ, quas plurimi veterum sollerti studio indagaverunt, notandæ sunt.

2 ⁽⁴⁾ Britannia Oceani Insula, interfuso mari toto Orbe divisa, à vocabulo suæ gentis cognominata. ⁽⁵⁾ Hæc in aversa Galliarum parte ad prospectum Hispaniæ sita est: ⁽⁶⁾ circuitus ejus quadragies octies septuaginta quinque millia: multa, & magna flumina in ea, Fontes calidi, metallorum larga, & varia copia. Gagates lapidis ibi plurimus, & Margaritæ.

3 ⁽⁷⁾ Thanatos Insula Oceani fre-

to

(1) Antipodes fab. Sequitur Lactantium, & Agustinum.

(2) Terram autem significare prædixim. Sup. cap. 1. ex Servo. Æn. 6.

(3) Territorium vocatum. Servo. Æn. 5. ad—Urbem designat aratro. Undè & territorium dictum, quasi terribovium, tritum bobus, & aratro. Sed tauritorium retinimus ex Gotho, lib. nisi territerium majoris ex Vulcani editione, aut territaurium.

(4) Cap. VI. Britannia Oceani Insula, &c. Hegeripp. lib. 5. cap. 15. Quid attexam Britannias interfuso mari, toto Orbe divisas? Et Oros. lib. 1. cap. 2. Britannia Oceani Insula.

(5) Hæc in aversa Gall. Oros. ibid. Et quoniam Oceanus habet Insulas, quas Britanniam, & Hiberniam vocant, quæ in adversa Galliarum parte ad prospectum Hispaniæ sitæ sunt.

(6) Circuitus ejus—plurimus. Ex Solin. cap. de Britannia.

(7) Thanatos. Solin. Athanatis.

to Gallico ⁽¹⁾ à Britannia æstuario tenui separata, frumentariis campis, & gleba uberi. Dicta autem Thanatos à morte serpentum, quos dùm ipsa nesciat, asportata indè terra quoquo gentium vecta sit, angues illicò perimit.

4 ⁽²⁾ Thyle ultima Insula Oceani inter Septentrionalem, & Occidentalem plagam ultra Britanniam, à Sole nomen habens, quia in ea æstivum solstitium Sol facit, & nullus ultra eam dies est: undè & pigrum, & concretum est ejus mare.

5 Orchades Insulæ Oceani, ultra Britanniam positæ numero triginta tres, ⁽³⁾ quarum viginti desertæ sunt, tredecim coluntur.

6 ⁽⁴⁾ Scotia eadem, & Hibernia proxima Britannia Insula, spatio terrarum angustior, sed situ fecundior: hæc ab Africo in Boream porrigitur, cujus partes priores Iberiam, & Cantabricum Oceanum intendunt. Undè & Hibernia dicta. Scotia autem, quòd ab Scottorum gentibus colitur, appellata. ⁽⁵⁾ Illic nullus anguis, avis rara, apes nulla: adeò ut advectos indè pulveres, seu lapillos, si quis alibi sparserit inter alvearia, examina favos deserant.

7 Gades Insula in fine Bæticae Provinciæ sita, quæ dirimit Europam

ab Africa, ⁽⁶⁾ in qua Herculis columnæ visuntur, & undè Tyrrheni maris faucibus Oceani æstus immittitur. Est autem ⁽⁷⁾ à Continenti terra centum viginti passibus divisa. Quàm Tyrii à rubro profecti mare occupantes ⁽⁸⁾ lingua sua Gadir, id est, sæpem nominaverunt, pro eo quòd circumscripta sit mari. Nascitur in ea arbor similis palmæ, cujus gummi infectum vitrum Ceraunium gemmam reddit.

8 ⁽⁹⁾ Fortunatæ Insulæ vocabulo suo significant omnia ferre bona, quasi felices, & beata fructuum ubertate. Supte enim natura pretiosarum poma sylvarum parturiunt. Fortuitis vitibus juga collium vestiuntur, ad herbarum vicem messis, & olus vulgo est: undè gentiliū error, & secularium carmina Poëtarum propter Soli fecunditatem easdem esse Paradisum putaverunt. ⁽¹⁰⁾ Sitæ sunt autem in Oceano contra lævam Mauritaniae Occiduo proximæ, & inter se interjecto mari discretæ.

9 ⁽¹¹⁾ Gorgades Insulæ Oceani, obversæ promontorio, quod vocatur Hesperuceras, quas incoluerunt Gorgones foeminae aliti pernecitate, hirsuto, & aspero corpore, ex iis Insulæ cognominatæ: distant autem à Continenti terra bidui navigatione.

10 Hesperidum Insulæ vocatæ

Hh à

(1) A Britannia æstuario tenui sep. à Solin. ibid. è quo restitutus est hic locus, mendosus in omnibus libris.

(2) Thyle ultima Insula Oceani. Locus è Serv. Georg. 1. ad v. Tibi serviat ult. Thule, & è Solin. cap. de Britannia sumptus. Horum verba apponemus, ex his qui volet, medicinam faciet. Thule (ait Serv.) Insula est Oceani inter Septentrionalem, & Occidentalem plagam ultra Britanniam, & Hiberniam, & Orchadas. Est autem Insula in Oceano ultima, in qua, cum Sol in Cancro est, perpetui dies sine noctibus esse dicuntur. Solinus multæ, & aliæ circum Britanniam Insulæ, e quibus Thyle ultima, in qua æstivo solstitio, Sole de Cancro sydere faciente transiunt, novæ pene nulla; brumali solstitio, perinde nullus dies, ut ortus junctus sit Occasui. Ultra Thulem accepimus pigrum esse, & concretum mare. Chacon ita legebat, inter Sep. & Occ. plagam, in qua cum brumale solstitium Sol facit nullus dies est, unde pigrum, & concretum est ultra mare. Sed à Sole Thulen nomen habere dicit, non ut Thule, (opinor) sed ut ultima, propter causam à Servio, & Solino relata, dicitur.

(3) Quarum vig. des. Ex Oros. ibid.

(4) Scotia eadem, & Hibern. Ex eod. quamvis non prorsus eadem.

(5) Illic nullus anguis. Ex Solin. vid. Bed. in Angl. Hist.

(6) In qua Herculis columnæ immittitur. Ex Oros.

(7) A Continenti terra exx. passus. xli. emendat Chacon ex Solini manuscriptis libris, ubi septingentis pedibus legitur, non passibus, ut in Vagatis. Sed verant Codices, Resque ipsa Iudoro Gadibus ipsis vicino, ut par fuit, satis explorata.

(8) In lingua sua Gadir. Est quoque גָּדַר ghadar Hebrais sapire, ex Solin. cap. de Hispania.

(9) Fortunatæ easd. esse Paradisum. Serv. Æn. 5. ad-Elysiumque colo secundum Philosophos Elysium est Insulæ fortunatæ.

(10) Sic sunt autem, è Solin. cap. ult.

(11) Gorgades. Ità v. libri, & Plinii, & Solini manuscripti.

à Civitate Hesperide, quæ fuit in fine Mauritanix: sunt enim ultra Gorgadas sitæ sub Atlanteum littus in intimis maris sinibus, in quarum hortis fingunt fabulæ Draconem pervigilem aurea mala servantem. Fertur ibi esse maris æstuarium adeò sinuosus lateribus tortuosus, ut visentibus procul lapsus angueos imitetur.

11 ⁽¹⁾ Chryse & Argyre Insulæ in Indico Oceano sitæ, adeò fœcundæ copia metallorum, ut plerique eas auream superficiem, & argenteam habere prodiderint, undè & vocabula sortitæ sunt.

12 Taprobana Insula Indiæ subjacens ad Eurum, ex qua Oceanus Indicus incipit, patens in longitudine octingentis septuaginta quinque millibus passuum, in latitudine ⁽²⁾ sexcentis viginti quinque millibus. Scinditur amne interfluo, tota margaritis repleta, & gemmis. Pars ejus bestiis, & Elephantis repleta est, partem verò homines tenent: in hac Insula dicunt in uno anno duas esse æstates, & duas hyemes, & bis locum vernare floribus.

13 ⁽³⁾ Tylos Insula est Indiæ, ferens omni tempore folia: hucusquæ Insulæ Oceani.

14 Itèm Insulæ, quæ ab Hellesponto usque ad Gades in mari magno sunt constitutæ.

15 Cyprus Insula à Civitate Cypro, quæ in ea est, nomen accepit:

ipsa ⁽⁴⁾ est, & Paphos Veneri consecrata in Carpathio mari, vicina Austro, famosa quondam divitiis, & maximè æris: ⁽⁵⁾ ibi enim prima hujus metalli inventio, & utilitas fuit.

16 Creta Græciæ pars est ingens contra Peloponesum: ⁽⁶⁾ hæc primum à temperie Cœli Macaronesum appellata est, deindè Creta dicta à Crete quodam indigena, quèm ajunt unum Curetum fuisse, à quibus Jupiter ibi absconditus est, & enutritus. Est autem Insula Græciæ inter Ortum, & Occasum longissimo tractu porrecta, à Septentrione Græciæ æstibus, ab Austro Ægyptiis undis perfusa. Fuit autem quondam centum Urbibus nobilis, undè & Hecatompolis dicta est. ⁽⁷⁾ Prima etiam remis, & sagittis claruit: prima litteris ⁽⁸⁾ jura fixit, equestres turmas prima docuit. Studium musicum ab Idæis dactylis in ea cœptum: capris copiosa, ⁽⁹⁾ cervis eget, Lupos, & Vulpes, aliaque ferarum noxia nusquam gignit, serpens ibi nullus, noctua nulla, & si invehatur, statim moritur. Larga est autem vitibus, & arboribus. Dictamnus herba in Creta nascitur, & Alimus, quæ admorsa diurnam famem prohibet: ⁽¹⁰⁾ Phalangos autem venenatos gignit, & lapidem, qui Idæus dactylus dicitur.

17 ⁽¹¹⁾ Abydos Insula in Europa super Hellespontum posita, angusto & periculoso mari separata, & à *Æludes* Græcè dicta, quod sit introitus Helles-

(1) Chryse & Argyr. *Solin. Plin. & Mela.*

(2) Sexcentis viginti quinque millibus. *Vocem, Stadium ex Solino, Plinio, & Chacone Authoribus expunximus.*

(3) Tylos—ferens omni tempore fol. *Al. virens o. r. f.*

(4) Ipsa est & Paphos. *Hoc non refertur ad Cyprum Insulam, sed ad Urbem in ea, qua olim Cypros dicebatur, & Paphos agebat Chacon.*

(5) Ibi enim prima hujus metalli. *inv. Plin. lib. 8. cap. 56. & lib. 34. cap. 2.*

(6) Hæc primum à temperie Cœli. *ex Solin. cap. 17.*

(7) Prima etiam rem. *Ex eod.*

(8) Jura fixit. *Solinus, jura junxit. Vid. Platon. in Minoc.*

(9) Cervis eget. *Ex Solin. Plin. lib. 8. cap. 58.*

(10) Mirabilis in ead. Insula (Creta) cervos præterquam in Cydoniatarum Regione non esse.

(11) Phalangos autem. *Sic v. l. Solinus. Phalangium aranci genus est, si nium quarras nulla vis est, si potestatem ictum hominem veneno interficit.*

(11) Abydos Insula. *Abydos neque Insula, neque in Europa est, sed ut ait Solinus de Hellesponto loquens: Abydos Asiæ est, & Sestos Europæ. Serv. ad v. Fauces tentantur Abydi. Georg. 1. Sestos & Abydos Civitates sunt Hellespontici, quæ angusto, & periculoso mari segregantur. Nos hæc alius concinnanda relinquirimus.*

lesponti maris, in quo Xerxes pontem ex navibus fecit, & in Græciam transit.

18 ⁽¹⁾ Coos Insula adjacens Provinciæ Atticæ, in qua Hippocrates Medicus natus est, quæ ut Varro testis est, Arte Lanificii prima in ornamentum foeminarum inclauit.

19 ⁽²⁾ Cyclades Insulæ antiquitus Græciæ fuerunt, quas indè Cycladas autumant dictas, quod licet spatiis longioribus à Delo projectæ, in Orbem tamèn circa Delum sitæ sint. Nam Orbem κύκλος Graii loquuntur. ⁽³⁾ Quidam verò non quod in Orbem digestæ, sed propter scopulos, qui circa eandem sunt, dictas putant Cyclades. Hæ in Hellesponto inter Ægæum, & Maleum mare constitutæ circumdantur etiam pelago Myrtoo. ⁽⁴⁾ Sunt autem omnes numero quinquaginta tres, ⁽⁵⁾ tenentes à Septemtrione in Meridiem millia quingenta: ab Oriente in Occasum millia ducenta: Metropolis earum Rhodus.

20 Delos Insula, in medio Cycladum sita. Et dicta Delos fertur, quod post diluvium quod Ogygii temporibus notatur, cum Orbem multis mensibus continua nox inumbrasset, ante omnes terras radiis Solis illuminata est, sortitaque ex eo nomen, quod prima manifestata fuisset visibus. ⁽⁶⁾

Nam δῆλος Græci manifestum dicunt.

⁽⁷⁾ Ipsa est & Ortygia, eo quod primum ibi visæ sunt coturnices aves, quas Græci ὄρτυγας vocant. ⁽⁸⁾ In hac Insula Latona enixa est Apollinem, & Dianam. Delos autem, & Civitas dicitur, & Insula.

21 ⁽⁹⁾ Rhodos Cycladum prima ab Oriente, in qua ⁽¹⁰⁾ rosæ capitulum dicitur esse inventum, dum ibi Civitas conderetur: ex quo, & Urbs, & Insula Rhodos est appellata. In hac Urbe Solis Colossus fuit æreus septuaginta cubitorum altitudine. Fuerunt & alii centum numero in eadem Insula Colossi minores.

22 ⁽¹¹⁾ Tenedos una ex Cycladibus ad Septemtrionem sita, in qua olim Civitas à Tene quodam condita est. Undè nomen Urbis illius, vel potius Insulæ fuit. ⁽¹²⁾ Nam Tenes iste infamatus, quod cum noverca sua concubisset, fugiens hanc Insulam vacuam cultoribus obtinuit: Undè & Tenedos Insula dicta est: ⁽¹³⁾ sic Cicero, Tenen ipsum, cujus ex nomine Tenedos nominatur.

23 ⁽¹⁴⁾ Carpathos una ex Cycladibus à Meridie posita ⁽¹⁵⁾ contra Ægyptum, à qua Carpathium mare appellatum est vocata propter celerem fructuum maturitatem. ⁽¹⁶⁾ Est enim inter

Hh 2

Ægyp-

(1) Coos. Solinus: Multæ quidem Insulæ adjacent Atticæ Continenti, sed suburbanæ fermè sunt Salamis, Sunium, Cos, Ceos, & cætera. Quæ ut Varro testis est, subtilioris vestis amicula Arte Lanificæ scientia prima in ornatum foeminarum dedit. In Solin. manuic. Ecclesia Tolet. libro, Coos, Cos legitur: Quod quidem jampridem questus est Hermolani Barb. harum vocum affinitate sapè peccatum à librariis in bonis Auctoribus. Ità ut jampropè usurpata sint à Coo, quæ Coos erant fortassis propria, sed lanificium fuerit Plinio Auctore utriusque commune, Hippocrates tamen communis esse non potuit, quem fuisse constat Coom. Sed Coos Hippocratis Patria non adjacent Attica in mari Ægeæ, sed Rhodo in Icario pelago.

(2) Cyclades—quas indè Cycl. aut. è Solin.

(3) Quidam verò non quod in Orb. Vid. Serv. Æn. 3. ad—Cycladas, & creb. l. f. c. t.

(4) Sunt autem omnes num. Ex Oros.

(5) Tenentes. Ità Goth. o. Tendentes non displicet, ex Vule.

(6) Nam δῆλος Græci. Verba sunt Serv. Æn. 3.

(7) Ipsa est & Ortygia. è Solin. cap. 17.

(8) In hac Insula Laconia. Verba Serv. Æn. 3. ad v. Sacra mari colitur med.

(9) Rhodos Cycladum prim. Ex Oros.

(10) Rosæ capitulum. Al. capitulum, al. capulum. f. cohivum, vel coivum Gloss. coivum καὶ ἡ δὲ μὴ μύκωτος.

(11) Tenedos. Ex Oros.

(12) Nam Tenes isto—dicta est. è Serv. Æn. 2. ad v. Tenedos notissima fama.

(13) Sic Cicero. Parr. 3.

(14) Carpathos. Ex Oros.

(15) Contra Ægypt. a. q. C. m. Acro in Hor.

(16) Est n. inter Ægyptum, & Rhod. è Serv. Æn. 3.

Ægyptum, & *Rhodom*. Ex hac Insula dicuntur, & *Carpasæ Naves* magnæ, & spatiosæ.

24 ⁽¹⁾ *Cythera Insula* una ex *Cycladibus* à parte Occidua sita, cujus *Porphyrus* antea nomen fuit. *Cythera* autem vocata, quòd ibi *Venus* sit orta.

25 ⁽²⁾ *Icaria Insula* una de *Cycladibus*, quæ *Icario mari* nomen dedit. Hæc inter *Samum*, & *Myconum* procurrentibus saxis inhospitalis est, & nullis sinibus portuosa. Dicitur autem *Icarum* *Gretensem* ibi naufragio interisse, & de exitu hominis impostum nomen loco.

26 ⁽³⁾ *Naxos Insula* ante *Dionysias* dicta, quasi *Dionaxos*, quòd fertilitate vitium vincat cæteras: est autem à *Delo* XVIII. millia passuum separata, ex qua olim *Jovis* fertur adversus *Titanas* fuisse profectus.

27 ⁽⁴⁾ *Melos* ex numero *Cycladum*, una omnium *Insularum* rotundissima, undè & nuncupata. Historia dicit, ex *Jasone* natum fuisse *Philomelum*, & *Plutum*: ex *Philomelo* *Pareantum* genitur: qui de suo nomine *Paron Insulam*, & *Oppidum* appellavit, priùs autem *Minoja*, deindè *Paros* dicta. ⁽⁵⁾ De qua *Virgilius*: *Niveamque Paron*. Gignit enim marmor candidissimum, quod *Parium* dicunt. Mittit & *Sardan lapidem*, marmoribus quidè præstantiorem, sed inter gemmas villissimum.

28 *Chios Insula* *Syra lingua* appellatur, eo quòd ibi *masticæ* gignitur. ⁽⁶⁾ *Syri* enim *masticem* *Chio* vocant.

29 *Samos Insula* est mari *Ægæo*, ubi nata est *Juno*: ex qua fuit *Sibylla Samia*, & *Pythagoras Samius*, à quo *Philosophiæ* nomen inventum est. In hac *Insula* reperta priùs fictilia vasa traduntur. Undè & vasa *Samia* appellata sunt.

30 *Sicilia* à *Sicano Rege* *Sicania* cognominata est: deindè à *Siculo Itali* fratre *Sicilia*. Priùs autem *Trinacria* dicta propter tria *ἄκρα*, id est, promontoria, *Pelorum*, *Pachynum*, & *Lilybæum*. ⁽⁷⁾ *Trinacria* enim *Græcum* est, quod Latine *Triquetra* dicitur, quasi in tres quadras divisa. ⁽⁸⁾ Hæc ab *Italiæ* exiguo freto discreta, *Africum mare* prospectans, terris frugifera, auro abundans: cavernis tamen, & fistulis penetrabilis, ventisque, & sulphure plena. Undè & ibi *Ætnæ montis* extant incendia: in cujus freto *Scylla* est, & *Charybdis*, quibus navigia, aut absorbentur, aut colliduntur. Fuit autem ⁽⁹⁾ quondam *Patria Cyclopum*, & postea nutrix tyrannorum, frugum fertilis, ac primùm terris omnibus commissis seminibus aratro proscissa. Principem Urbium *Syracusas* habet: Fontem *Arcthusam*, & *Alphæum fluvium* magnorum generatorem equorum. In ea *Insula* ⁽¹⁰⁾ primùm est inventa comed-
dia.

(1) *Cythera*. Ex *Oros. & Solin.* licebit etiam *Cytheream* appellare. *Stephanus*, *Ἀίγλας καὶ ἡ νῆσος, καὶ ἡ γὰρ αὐτὴ γαῖα. Serv.* *Æn.* 1. ad illud. At *Cythera* novas *Artes*. *Cythera* ab *Insula*, (inquit) quæ plurali tantum numero dicitur, ut sunt alta *Cythera*. *Æn.* 10.

(2) *Icaria* uni de *Cycladibus*. *Solinus* de *Sporadibus* est *Icaros*. Sed *Cycladas* quoquæ *Sporadas* fecisse videtur *Virgilius*, cum dixit. *Sparsasque per æquor Cycladas*.

(3) *Naxos Insula* ante *Dionysias* dicta. *Solinus*. *Naxos* *Dionysias* priùs, quàm *Naxos* dicta; vel quòd hospita *Libero Patri*, vel quòd fertilitate vitium vincat cæteras. Quare autem *Naxos* dicta sit *Diod. Sicul. lib. 6.* illud verò, quasi *Dionaxon*, adulterinum duco.

(4) *Melos*. è *Solin.*

(5) De qua *Virg.* *Niveamque Paron*. *Æn.* 3.

(6) *Syri n. mastichen*. Ead. leguntur in *Libell. de Locis Heb. ex Añ. Apost. inter Hieronymi Opera*.

(7) *Trinacria*—quod Latine *Triquetra*. *Plinius*, & *Solin.* *triquetra*; sed triquadram scripsisse *Isidorum* verisimile est ex etymologia, & ex *Quintiliano* qui *lib. 1. cap. 5.* Etymologia (inquit) nonnunquam barbara ab emendatis conatur discernere, ut cum triquetram dici *Siciliam*, an triquadram oporteat, &c.

(8) Hæc ab *Italiæ* exig. freo. Ex *Justin. lib. 4. in princip.*

(9) Fuit autem quondam *Patria*. Ex *Oros. lib. 2. cap. 4.*

(10) Primùm est inventa *Comedia*. Ex *Solin.*

diā. Achaten lapidem ipsa primum ex Achate flumine dedit. Parturit, & mare ejus corallium: ⁽¹⁾ gignit & sales Agrigentinus in igne solubiles, crepitantes in aquis. Omnis ambitus ejus clauditur stadiorum tribus millibus. Sallustius autem dicit: Italiæ conjunctam fuisse Siciliam: sed medium spatium impetu maris divisum, & ⁽²⁾ per angustiam scissum.

31 Tapsus Insula stadiis decem à Sicilia remota jacens, & planior, unde & nuncupata. De qua Virgilius: ⁽³⁾ Tapsumque jacentem.

32 Æoliæ Insulæ Siciliæ appellatæ ab ⁽⁴⁾ Æolo Hippotæ filio: quem Poëtæ finxerunt Regem fuisse ventorum, sed ut Varro dicit: Rector fuit istarum Insularum, & quia ex earum nebulis, & fumo futuros prædicebat flatus ventorum, ab Imperitis visus est ventos sua potestate retinuisse. Eadem Insulæ, & Vulcaniæ vocantur, quod & ipsæ, sicut Ætna ardeant. Sunt autem novem habentes propria nomina, quarum primam Lyparus quidam Lyparen vocavit, qui eam ante Æolum Rexit. Altera ⁽⁵⁾ Hiera vocatur, quod sit collibus eminentissimis reliquæ verò, id est, Strongyle Didyme Ericusa, ⁽⁶⁾ Hephæstias, Phænicusa, Evonymos, Ericodes, Phænicodes: quæ quoniam nocte ardent Æoliæ, sive Vulcaniæ dicuntur, ex iis quædam ab initio non fuerunt, postea

mari editæ usque nunc permanent.

33 Stœchades Insulæ Massiliensium sexaginta millium spatio à Continenti in fronte. ⁽⁷⁾ Narbonensis Provinciæ, quæ Rhodanus fluvius in mare exit. Dictæ autem Græcè Stœchades, quasi opere in ordinem sint positæ.

34 Sardus Hercule procreatus, cum magna multitudine à Libya profectus Sardiniam occupavit, & ex suo vocabulo Insulæ nomen dedit. Hæc in Africo mari facie vestigiū humani, ⁽⁸⁾ in Orientem, quàm in Occidentem latior prominet: fermè paribus lateribus, quæ in Meridiem, & Septemtrionem vertunt, ex quo ante commercium à navigantibus Græcorum ⁽⁹⁾ *Ἰνσος* appellata est. Terra patet in longitudine millia cxi. latitudine xl. In ea nequæ Serpens gignitur, nequæ Lupus, sed ⁽¹⁰⁾ Solifuga tantum animal exiguum hominibus perniciosum. Venenum quoque ibi non nascitur, ⁽¹¹⁾ nisi herba per Scriptores plurimos, & Poëtâs memorata, apiastro similis, quæ hominibus rictus contrahit, & quasi ridentes interimit. ⁽¹²⁾ Fontes habet Sardinia calidos, infirmis medelam, præbentes, furibus cæcitate, si Sacramento dato oculos aquis tetigerint.

35 Corsicæ Insulæ exordium incolæ Ligures dederunt, appellantes eam ex nomine Ducis. Nam quædam Corsa nomine ⁽¹³⁾ Ligur mulier, cum

Hh 3

Tau-

(1) Gignit & sales Agreg. Ex eod. idem inf. lib. 16. cap. 2.

(2) Ex per angustiam scissum. Idem sup. lib. 13. cap. 18.

(3) Virg. Tapsumque jacentem. Ubi Serv. Insula non longè à Syracusis fluctibus pendit.

(4) Æolo Hippotæ fil. è Serv. Æn. 1. ad v. Æoliam venit.

(5) Hiera quod sit collibus emin. Sive quod *ἱερὸν*, hoc est, sacrum pro magno usurpant, ita uti nos Græci, sive ut ait Solinus, quod sit Vulcano præcipue sacra.

(6) Hephæstias, Hæc in Editione Margarini non est, & quidem sine ea numerus constat. Solinus, & Plinius septem tantum esse dicunt.

(7) In fronte Narbon. Prov. Oros. lib. 1. cap. 2.

(8) In Orientem, quam in Occidentem latior. Locus est ex lib. 2. Histor. Sallustii citatus ab Agell. lib. 12. cap. 28. Cui ex Isidoro addi hæc possunt. Fermè paribus lateribus, quæ in Meridiem, & Septemtrionem vertunt. Corrigenâs idem apud Non. in Facies. Vocet autem, ante commercium. Chæoni suspecta erant.

(9) Sed solifuga. Sup. lib. 12. cap. 1.

(10) Nisi herba. Ex Isidoro emendandus Servii locus eclog. 8. Unde sunt hæc.

(11) Fontes habet. Ex Solin.

(12) Ligur mulier. Citat hæc Priscian. lib. 6. ex Sallustii lib. 2. Histor. Sed ipsi ferunt, Taurum ex grege, quem propè littora regebat Corsa nomine Ligur mulier, ex quo intelligitur totum hunc locum esse Sallustii.

Taurum ex grege, quem propè littora regebat transnatare solitum, atque per intervalla corpore aucto remeare videret: cupiens scire incognita sibi pabula, Taurum à cæteris digredientem usque ad Insulam navigio prosecuta est. Cujus regressu Insulæ fertilitatem cognoscentes Ligures, ratibus ibi profecti sunt, eamque nomine mulieris Auctoris, & Ducis appellaverunt. Hæc autem Insula Græcè *κύρνη* dicitur, à Cyno Herculis filio habitata. De qua Virgilius-Cyrnæas taxos. ⁽¹⁾ Dividitur autem à Sardinia xx. millium freto, cincta Ligustici æquoris sinu ad prospectum Italiæ. Est autem multis promontoriis angulosa, gignens lætissima pabula, & lapidem quem Catochiten Græci vocant.

36 ⁽²⁾ Ebusus Insula Hispaniæ dicta, quod à Zanio non procul sit, quasi ebozos. Nàm LXX. stadiis ab ea distat, cujus terram Serpentes fugiunt. Huit contraria est Colubraria, quæ referta est anguibus.

37 ⁽³⁾ Balears Insulæ Hispaniæ, duæ sunt, Aphrosiade, & Gymnasie, & major, & minor. Unde & eas vulgus majoricam, & minoricam nuncupant. In iis primùm Insulis inventa est funda, qua lapides emittuntur, undè & Balears dictæ: ⁽⁴⁾ *βέλλειν* enim Græcè mittere dicitur: ⁽⁵⁾ undè & ballista, quasi missa, & fundibulum. Virgilius: Balearis verbere fundæ.

(1) Dividitur autem à Sardin. Oros. ibi.

(2) Ebusus. Oros. ibid. Casarum de Etymol. Quod non procul à Zanio, amplius querendum. Si vè Zanio, si vè Dianio legas.

(3) Balears Insulæ duæ s. Aprosias, & Gymnasides. f. Aphrodisiade, sic dicta quod (ut ait Arist. lib. *περί ζωων. ἀνατομίας*) apud hos majori in pretio fœminæ sint, quam viri. De Gymnasiis Plin. lib. 3. cap. 5. Balears funda bellicosas Græci Gymnasias dicere. Diodor. Siculus lib. 6. cap. 1. Gymnasias dictas ait, quod ætate nudi, quasi palestritia incedant.

(4) *βέλλειν*. n. Græc. Eod. mod. inf. lib. 18. cap. 10.

(5) Undè ballista, quasi missa, & fundibulum. Ità veteres lib. hic, & lib. 18. cap. 10. & apud Aug. in Pt. 54. & Vigt. lib. 1. cap. 16. Tereos lapides de funda, vel de fustibulo, & lib. 2. cap. 15. Funditores, qui ad fundas, vel fustibulos & lib. 3. cap. 4. Fustibulus fastis est longas. Quare fundibulum omnino legendum, non fundibulum.

(6) Cap. VII. Sic Sallustius de Sardin. Qui citatur (ut superiori capite dicimus) ab Agellio, & Non. ex lib. 2. Hist.

(7) Sigæum prom-*σηγῆ*. è Serv. *Æn.* 2. ad illud-Sigæa igni frita lata reluc. Ubi Codex Servii Vaticanus. q. d. *εἴρη*.

(8) Ut persequi navig. Servius *Æn.* 5. ad illud-Maleæque sequacibus undis, sequaces, inquit, id est, persecutores.

(9) Pelorum prom. Ex eod. *Æn.* 3. ad illud. Rarescent claustra pelori-illud tamen respiciens Aquilonem. Oros. est lib. 1. cap. 2.

(10) Pachynum. Item à Serv. *Æn.* 3. ad v. Projectaque saxa Pachyai, & voces, pinguis, & aliæ videbantur Chaconi, neque immerito.

(11) Lilybæum. Ex Oros. ibid.

CAPUT VII.

De Promontoriis.

1 COMMUNE est Insulis, ut promineant: Indè & loca eorum Promontoria dicuntur. Sic ⁽⁶⁾ Sallustius de Sardinia: In Orientem latior prominet, quàm in Occidentem.

2 ⁽⁷⁾ Sigæum promontorium Asiæ, ubi Hellespontus apertius dilatatur. Dictum autem Sigæum propter Herculis taciturnitatem, quia prohibitus hospitio à Laomedonte Trojanorum Rege, simulavit abscessum, & indè contra Trojam cum silentio venit, quod dicitur. *σηγῆ*.

3 Maleum promontorium Græciæ, quod intrat mare, & per millia quinquaginta protenditur, ubi unda ità sæva est, ⁽⁸⁾ ut persequi navigantes videatur. Hoc autem promontorium à Maleo Rege Argivorum nomen accepit.

4 ⁽⁹⁾ Pelorum promontorium Siciliæ respiciens ad Aquilonem, secundum Sallustium dictum à Gubernatore Hannibalis illic sepulto.

5 ⁽¹⁰⁾ Pachynum promontorium Siciliæ, Austrum spectans ab aëris crassitudine dictum. Nàm *παχὺς* est pinguis, & crassus, Austro enim perflat.

6 ⁽¹¹⁾ Lilybæum promontorium Si-

Siciliæ, Solis Occasum intendens, vocatum ab ejusdem nominis Civitate, quæ ibi est sita.

7 ⁽¹⁾ Borion promontorium Nudiæ vocatum, eo quod Aquilonem intendat. Hoc Hipponem Rhegium postea dictum, pro eo quod sit æquore interruptum.

8 Calpe Hispaniæ promontorium.

CAPUT VIII.

De Montibus, caterisque Terræ vocabulis.

1 **M**ontes sunt tumores terrarum altissimi dicti, quod sint eminentes. Quidam autem propriis ex causis vocati sunt, ex quibus notandi sunt, qui opinione maximi celebrantur.

2 Mons Caucasus ab India usque ad Taurum porrectus, pro gentium, ac linguarum varietate quoquo versum vadit, diversis nominibus nuncupatur. Ubi autem ad Orientem in excelsiorem consurgit sublimitatem: propter nivium candorem Caucasus nuncupatur. Nam Orientali lingua Caucasum significat candidum, id est, nivibus densissimis candicantem. Unde & eum Scythæ, qui eidem monti junguntur, ⁽²⁾ Croacasini vocaverunt. Casim enim apud eos candor, sive nix dicitur.

3 Mons Taurus à plerisque idem vocatur, qui & Caucasus.

4 Libanus mons Phœnicum altissimus, cujus meminerunt Prophetæ: ⁽³⁾ dictus à Thure, quia ibi colligitur, cujus ea pars, quæ est super eum ad Orientalem plagam respiciens, Antilbanus appellatur, id est, contra Libanum.

5 ⁽⁴⁾ Ararath mons Armeniæ, in quo Arca Historiæ post diluvium resedissee testantur. Unde & usque hodie ibidem lignorum ejus videntur vestigia.

6 ⁽⁵⁾ Acroceraunii montes propter altitudinem, & fulminum jactus vocati sunt. Græcè enim fulmen *καταιφαινος* dicitur. Sunt autem inter Armeniam, & Iberiam incipientes à portis Caspiis usque ad fontem Tigridis fluvii.

7 Hyperborei montes Scythiæ dicti, quod supra, id est, ultra eos flat Boreas.

8 ⁽⁶⁾ Riphæi montes in capite Germaniæ sunt à perpetuo ventorum flatu nominati. Nam *ῥιφῆ* Græcè impetus, & *ῥιφῆ* dicitur, *ἀπὸ τῆς ῥίπης*.

9 Olympus mons Macedoniæ nimium præcelsus, ita ut sub illo nubes esse dicantur. ⁽⁷⁾ De quo Virgilius: -- Nubes excessit Olympus. Dicitur autem Olympus, ⁽⁸⁾ quasi Oloampus (id est, ⁽⁹⁾ quasi Cælum) Hic mons Macedoniam dividit à Thracia.

10 ⁽¹⁰⁾ Athos mons Macedoniæ, & ipse altior nubibus, tantoque sublimis, ut in Lemnum umbra ejus pertendat, quæ ab eo LXXVI. millibus separatur.

Par-

(1) Borion prom. Solin. cap. 30. Borion promontorium, quod Aquilone cæditur, Græci advenæ sic vocaverunt. Quæ vero sequatur de Hipponem, Rhegium postea dicto, sunt quidem ex eod. Solino, sed non erant hujus loci, tantum abest, ut superioribus fuerint annexenda.

(2) Cap. VIII. Croacasini. Al. Græcæsum. Vid. Plin. lib. 6. cap. 18. & Solin. cap. 52.

(3) Libanus—dictus à thure. Est n. Hebræis *לבנון* lebona, thus.

(4) Ararath. Ex Hieron. de Locis Hebræis. Gen. cap. 8.

(5) Acroceraunii. & Serv. Aen. 2. ad v. Vicina Ceraunia juxta. Et Georg. 1. ad v. Alta Ceraunia telo dejicit.

(6) Riphæi montes, & Serv. Georg. 1. ad illud—Gens effræna virum Riphæo t. euro.

(7) De quo Virgilius: Nubes excessit Olympus. Apud Maronem hæc nusquam sunt.

(8) Olympus, quasi oloampus. Ex eod. Aen. 4. ad illud. Ipse Deum tibi m. c. d. Olympo.

(9) Quasi Cælum. Hæc Isidori profecto non est.

(10) Athos—qui ab eo LXXVI. mill. Ita Solin. cap. 21.

11 ⁽¹⁾ Parnasus mons est Thessaliæ juxta Bœotiam, qui gemino vertice est erectus in Cœlum. Hic in duo finditur juga, Cyrrham & Nissam, undè & nuncupatus, eo quòd in singulis jugis colebantur Apollo, & Liber. Hæc juga à duobus fratribus Citheron, & Helicon appellantur. Nàm Helicon dictus ab Helicone fratre Citheronis.

12 Itèm Ceraunii sunt montes Epiri, à crebris dicti fulminibus. Græcè enim fulmen *κέραυνος* dicitur.

13 Apenninus mons appellatus, quasi Alpes Pæninæ, quia Hannibal veniens ad Italiam easdem Alpes aperuit, undè & Virgilius: Alpes immitte apertas. Has enim Hannibal ⁽²⁾ post Bella Hispaniæ aceto rupit. Juvenalis: Et montem rupit aceto. Et indè loca ipsa quæ rupit Pæninæ Alpes vocantur.

14 Mons Ætna ex igne, & sulphure dictus; undè ⁽³⁾ & Gehenna. Constat autem hunc ab ea parte, qua Eurys, & Africus flat, habere speluncas plenas sulphuris, & usque ad mare deductas: quæ speluncæ recipientes in se fluctus ventum creant, qui agitata ignem gignit ex sulphure, undè fit quod videtur incendium.

15 Pyrenæus & ipse à crebris fulminum ignibus nuncupatus. Græcè enim ignis *πῦρ* vocatur. Iste est, qui inter Galliam, atque Hispaniam, quasi de industria, munimentum interjacet.

16 ⁽⁴⁾ Solorius à singularitate dicitur, quòd omnibus Hispaniæ mon-

tibus solus altior videatur, sive quòd Oriente Sole, antè radius ejus in eo, quàm ipse cernatur.

17 Calpe mons in ultimis finibus Oceani, qui dirimit Europam ab Africa, quem Atlantis finem esse dicunt. ⁽⁵⁾ De quo Lucanus: Hesperiam Calpen, summumque implevit Atlantem. Atlas Promethei frater fuit, & Rex Africæ, à quo Astrologiæ Artem priùs dicunt excogitatam, ideoque dictus est sustinuisse Cœlum. Ob eruditionem igitur ejus disciplinæ, & scientiam Cœli nomen ejus in montem Africæ derivatum est, qui nunc Atlas cognominatur, qui propter altitudinem suam, quasi Cœli machinam atque astra sustentare videtur.

18 Alpes autem propriè montes Galliæ sunt, de quibus Virgilius: Aërias Alpes. Et dicendo aërias, verbum expressit à verbo. Nàm ⁽⁶⁾ Gallorum lingua Alpes montes alti vocantur. Hæ sunt enim quæ Italiæ murorum exhibent vicem.

19 Colles sunt præminentiora juga montium, quasi colla.

20 Juga autem montium ex eo appellata sunt, quòd propinquitate sui jungantur.

21 Tumulus est mons brevis, quasi tumens tellus. Itèm ⁽⁷⁾ tumulus terra congesta, ubi nulla memoria est.

22 Valles sunt humilia loca quasi vulsa. Hinc & convalles, depressa loca terrarum inter montes.

23 Campus est terrarum planities. Dictus autem campus, quòd brevis

vis

(1) Parnasus. *Serv. Æn. 10.* Parnasus mons est Thessaliæ juxta Bœotiam, qui in duo finditur juga, Citheronem Liberi, & Heliconem Apollinis, & Musarum, itemque *lib. 7.* Cyrrha autem, & Nysa Urbes sunt sub eisdem jugis sitæ.

(2) Post Bella Hispaniæ. *E Serv. Æn. 10. ad v.* Exitium maga. a. Alpes imm. ap.

(3) Undè & Gehenna. *Hoc quam vim habeat nescio.*

(4) Solorius. *Vid. Plin. lib. 3. cap. 1.*

(5) De quo Lucanus. *Lib. 1.*

(6) Nàm Gallorum lingua Alpes m. a. è *Serv. Æn. 4. ad illud.* Alpini Vorez n. h. n. f. i. *At Festus.* Albam quod nos dicimus à Græco, quod est *ἀλφει* est appellatum—Sabini tamen Alpum dixerunt. Undè credi potest nomen Alpium à candore nivium vocitatum.

(7) Item tumulus terra congesta. *Dresse videtur aliquid. Serv. Æn. 3. ad v.* Forè fuit juxta tumulus, &c. Hoc sermone, (*inquit*) & collem, & sepulchrum fuisse significat.

vis sit pedibus, nè erectus ut montes: sed patens, & spatio suo porrectus, & jacens: undè & Græcè *πελιος* dicitur. Sumpsit autem nomen ex Græca etymologia: ⁽¹⁾ *χαμαι* enim Græci breve dicunt.

24 ⁽²⁾ Solum est omne, quod sustinet, à soliditate dictum scilicèt, undè & de mari Virgilius ait: Subtrahiturque solum.

25 Saltus sunt vasta, & sylvestria loca, ubi arbores exiliunt in altum.

26 ⁽³⁾ Fauces sunt angustorum locorum aditus inter duos montes, loca angusta, & pervia, dicta à faucium similitudine, quasi foces.

27 ⁽⁴⁾ Confrages loca, in quæ undique venti currunt, ac sese frangunt, ut Nævius ait: In montes ubi venti frangebant locum.

28 ⁽⁵⁾ Scabra sunt loca situ aspera, undè & scabies dicitur, à corporis asperitate.

29 ⁽⁶⁾ Lustra obscura latibula ferarum, & Luporum cubilia sunt, undè & Lupanaria lustra dicuntur, per contrarium videlicèt, quia parum illustrantur.

30 ⁽⁷⁾ Lucus est locus densis arboribus sæptus, solo lucem detrahens. Potest & à collucendo crebris luminibus dici, quæ ibi propter religionem gentilium, cultumque fiebant.

31 Deserta vocata, quia non seruntur, & ideò quasi deseruntur: ut sunt loca sylvarum, & montium contraria uberrimarum terrarum, quæ sunt uberrimæ glebæ.

32 Devia sunt loca secreta, & abdita quasi extra viam: ipsa sunt, & invia. Indè & ⁽⁸⁾ Aviaria secreta loca, & à via remota, aut tantùm adibilia avibus: undè est illud: Inculta rubent aviaria baccis.

33 ⁽⁹⁾ Amœna loca Verrius Flaccus dicta ait, eo quòd solum amorem præstent, & ad se amanda alliciant; Varro quòd sine munere sunt, nè quidquam in his officii, quasi amunia; hoc est, sine fructu, undè & nullus fructus exolvitur. Indè etiam nihil præstantes, immunes vocantur.

34 ⁽¹⁰⁾ Aprica loca, quæ Sole gaudent, quasi *ἀρεν φεικνς*, id est, sine frigore, sivè quod sint aperto Cœlo.

35 Opaca verò loca, quasi operata Cœlo, aprico contraria.

36 ⁽¹¹⁾ Lubricum dici (constat) locum, ab eo quòd ibi quis labitur: & lubricum dicitur, non quod labitur, sed in quo labitur.

37 ⁽¹²⁾ Æstiva sunt loca umbrosa, in quibus per æstatem vitant pecora Solis ardorem. Statius: Et umbrosi patuere æstiva Lycæi.

38 ⁽¹³⁾ Navalia sunt loca ubi na-
ves

(1) *χαμαι* n. Vid. sup. lib. 12. in voce Camel. & inf. lib. 20. cap. 11. in Cama.

(2) Solum est, quod sustinet. à Serv. Æn. 7. ad v. Cereale solum. Locus verò ab Isid. citatus Æn. 5.

(3) Fauces sunt. à Serv. Ut bivias armato obsidam milite fauces. Æn. 11.

(4) Confrages. Festus. Confrages loca dicuntur, in quæ undique conflunt venti. Nonius. Confluges loca, in quæ diversi conflunt rivi.

(5) Scabra sunt loca s. a. à Serv. ad v. Scabra rubigine. Georg. 1. Sed vox, loca, apud eum non legitur.

(6) Lustra. Idem Æn. 1. ad v. Lustrabunt, convexa pol. d. s. p. Lustra, & ferarum cubilia, & lupanaria per contrarium dicimus, quia parum illustrantur.

(7) Lucus. Idem ad v. Lucus in Urbe fuit summ. Æn. 1. Lucus autem dicitur, quod non luceat, non quod sint ibi lumina causa Religionis.

(8) Aviaria. Idem Georg. 2. Aviaria secreta nemora, quæ aves frequentant.

(9) Amœna loca Varro. Hic Verrius, & Varro, alter alterius sedem occupaverat, ut constat ex Festo, & Serv. Æn. 6.

ad v. Amœna viteta, & Æn. 5. ad Tattata habent—sed amœna piorum.

(10) Aprica loca. à Serv. Æn. 6. Trans pontum fugat, & terris immitte. apricis.

(11) Et lubricum dicitur non quod labitur. Quod quidem ad locum attinet: aliqui lubricum dicitur, & quod labitur, & in quo labimur. Serv. Æn. 2. Lubricum dicitur, quod labitur, dum tenetur, ut piscis: & in quo labimur, ut sese opposuit Satio per lubrica surgens. Et Isidorus ipse lib. x. Lubricus, ab eo quod labitur: Quare nihil hic Opus ulla correctione: consentientibus præteritis libris omnibus tantum, quæ de re sis sermo, attendisse oportuit.

(12) Æstiva. à Serv. Georg. 3.

(13) Navalia. Ex eodem Æn. 11.

ves fabricantur. Hoc & ⁽¹⁾ Textrinum vocatur.

39 ⁽²⁾ Statio est ubi ad tempus stant naves.

40 Portus ubi hyemant: ⁽³⁾ Importunum autem, ubi nullum refugium, quasi nullus portus.

41 ⁽⁴⁾ Portus autem locus est ab accessu ventorum remotus, ubi hyberna opponere solent. Et portus dictus à deportandis commerciis: hunc veteres à ⁽⁵⁾ bajulandis mercibus Bajas vocabant, illa declinatione à baja bajas, ut à familia familias.

42 ⁽⁶⁾ Littus est terra aquæ, & mari vicina. Et dictum littus, ⁽⁷⁾ quia fluctu eliditur, ⁽⁸⁾ vel quod aqua alluitur. ⁽⁹⁾ Cicero in Top. Littus est qua fluctus eludit.

43 Circumluvium locus, quem aqua circumluit. Alluvium consumptio riparum ex aquis.

44 Margo est pars cujuslibet loci, ut puta maris, undè & nomen accepit.

45 Mariùma, quasi maris intima.

46 Ostia ab ingressu, & exitu fluminis dicta in mari.

47 Continens, perpetua terra, nèc

ullo mari discreta: quam Græci *ἡπειρὴν* vocant.

CAPUT IX.

De Inferioribus Terræ.

1 **S**pecus est fossa sub terra, ⁽¹⁰⁾ quæ perspicui potest: ⁽¹¹⁾ *σπήλαιον* Græcè, spelunca Latinè.

2 Spiracula appellata omnia loca pestiferi spiritus, ⁽¹²⁾ quæ Græci *χαρῶντα* appellant, vel Acherontea. Etiam Varro spiraculum dicit hujuscemodi locum, & spiracula ex eo dicuntur loca, qua terra spiritum edit.

3 Hiatus præruptio terræ profunda, quasi itus: propriè autem hiatus est omnis oris apertio, translata à feris, quarum aviditas oris adaptionis monstratur.

4 ⁽¹³⁾ Profundum propriè, quasi cujus porrò sit fundus: abusivè autem profundum, vel sursùm, vel deorsùm dicitur: ut, ⁽¹⁴⁾ Maria ac terras, Cælumque profundum.

5 ⁽¹⁵⁾ Barathrum nimiaë altitudinis nomen est, & dictum barathrum, quasi vorago atra, scilicèt, à profunditate.

6 ⁽¹⁶⁾ Erebus inferiorum profunditas, atque recessus.

Styx

(1) Hoc & Textrinum. Serv. *Æn.* 2. ad v. — Edificant, sectaque in tex. abiete costas. Translatio (inquit) à navibus, ut Cicero: Navem tibi edificatam esse Messanæ. Item intexant, ut — Bidasen Italo texamus robore naves. Ad hanc videtur texturini notionem respexisse Cicero lib. 4. *act.* 2. in *Verrum* dicens. Insula, Judices, Melita est satis lato à Sicilia mari periculosoque disjuncta, in qua est eodem nomine Oppidum, quo iste numquam accessit, quod tamen isti texturinum per triennium ad mulicbrem vestem conficiendam fuit. *Ludens, scilicèt, in voce ambigua.*

(2) Satio est. *è Serv. Æn.* 2.

(3) Importunum est. Serv. *Æn.* 11. Importunam autem est, quod caret porta, id est, quiete, ubi nullus est portus.

(4) Portus autem locus ab acc. v. l. Hæc ex margine assumptis credo. Sunt autem Virgilii verb. *Æn.* 3. Portus ab accessu ventorum immotus—Nec minùs illa que sequuntur, qua sunt ex 3. Georg. Et stabula à ventis hyberno opponere Soli.

(5) A bajulandis mercibus Bajas. *Bajaram* verò, qua propè Cumas alia est ratio, dicta n. à Bajo *Ulyssis Socio* illi sepulso, ut ait Serv. *Æn.* 3. ad v. Huc ubi delatus Cumæam accessetis Urbem. Silius—docet ille tepentes—Unde erat nomen Bajæ, comitemque dedisse puppis stagno sua nomina monstrat.

(6) Littus est terr. a. c. in v. Et quidem Servius modo littus definit terram aqua vicinam, modo terram mari vicinam, quod utrumque inclusit Lidorus.

(7) Quia fluctu eliditur. *Al. eluditur.*

(8) Vel quod aqua alluitur. *Al. addiditur.*

(9) Cic. qua fluctus eludit. *Al. elidit de quo lib. 2. cap. 30. Non est autem Ciceronis definitio, sed Aquilii.*

(10) Cap. IX. Specus—qua perspicui p. Nempe ab aspiciendo dicitur. De genere, & declinatione hujus nominis, vide Serv. ad verba Virg. *Æn.* 6. Hic specus horrendum, & Priscian. lib. 6.

(11) Spelæa Græc. spelunc. lat. *è Serv. eclog.* 10.

(12) Que Græci *χαρῶντα*. Galenus. *πολλὰς ἀπὸ τῆς πνύματος μόνον κατὰ τὴν στενότητα ἢ βάθος γίνονται, καὶ οὐκ ἐν τοῖς χαρῶντασιν οὐρανοῦσιν οὐρανοῦσιν.*

(13) Profundum propriè, *è Serv. Æn.* 2.

(14) Maria ac terras, Cælumque profund. verba Virg. *Æn.* 1.

(15) Barathrum nim. a. n. *è Serv. Æn.* 3. Obsidet, atque imo Batachri, &c.

(16) Erebus. Ex eod. *Æn.* 4.

7 ⁽¹⁾ Styx ἀπὸ τοῦ στυγερῆς, id est, à tristitia dicta, eo quòd tristes faciat, vel quòd tristitiam gignat.

8 ⁽²⁾ Cocytus locus inferi: Cocytus autem nomen accepit Græca interpretatione, à luctu & gemitu.

9 ⁽³⁾ Tartarus, vel quia omnia illic turbata sunt, ἀπὸ τῆς παραχῆς, vel quod est verius ἀπὸ τοῦ ταρταρίζειν, id est, à tremore frigoris, quod est algere, & rigere, scilicet, quia luce, Soleque caret. Nam nequè illic vapores sunt, qui ex Solis luce gignuntur, nequè flatus, qui ejusdem motibus incitantur, sed perpetuus stupor: ταρταρίζειν enim horrere, & tremere apud Græcos legitur. Illic enim fletus, & stridor dentium.

10 ⁽⁴⁾ Gehenna est locus ignis, & sulphuris, quem appellari putant à valle Idolis consecrata, quæ est juxta murum Hierusalen, repleta olim cadaveribus mortuorum. Ibi enim Hebræi fi-

lios suos immolabant Dæmonibus, & appellabatur locus ipse Gehennon. Futuri ergò supplicii locus, ubi peccatores cruciandi sunt, hujus loci vocabulo designatur. Duplicem autem esse gehennam, & ignis, & frigoris (in Job legimus.)

11 ⁽⁵⁾ Inferus appellatur, eo quòd infrà sit. Sic autem secundum corpus, si ponderis sui ordinem teneant, inferiora sunt omnia graviora: ita secundum spiritum inferiora sunt omnia tristiora. ⁽⁶⁾ Undè & in Græca lingua origo nominis, quo appellatur Inferus, ex eo quod nihil suave habeat, resonare perhibetur. ⁽⁷⁾ Sic autem cor animalis in medio est, ⁽⁸⁾ ita & Infernus in medio terræ esse perhibetur. Undè & in Evangelio legimus: In corde terræ. Philosophi autem dicunt, quod Inferi pro eo dicantur, quòd animæ hinc ibi ferantur.

DIVI ISIDORI HISPALENSIS EPISCOPI ETYMOLOGIARUM

LIBER DECIMUSQUINTUS.

DE ÆDIFICIIS, & AGRIS.

CAPUT PRIMUM.

De Civitatibus.

1 DE ⁽⁹⁾ Auctoribus conditarum Urbium plerumque dissensio invenitur: adeò ut ne Urbis qui-

dem Romæ origo possit diligentèr agnoscì. Nam Sallustius dicit: Urbem Romam, sicuti ego accepi, condidere, atque habuere initio Trojani, & cum iis Aborigines. Alii dicunt ab Evandro, secundum quod Virgilius: Tunc Rex Evandrus Romanæ Conditor arcis.

(1) Styx, ἀπὸ τῆς στυγερῆς. Ex Serv. Æn. 6.

(2) Cocytus. Serv. Æn. 6. Cocytus fluvius inferorum dictus ἀπὸ τῆς κοκύειν, id est, lugere.

(3) Tartarus. Ex eodem Æn. 6. ad illud. Tum Tartarus ipse. Bis patet, &c.

(4) Gehenna. Ex Hieron. in Matth. cap. 10.

(5) Infernus—perhibetur. Ex Aug. lib. 12. de Genes. ad litt. cap. 34.

(6) Undè & in Græca ling. orig. n.—quod nihil suave. Nempe ἀδύς, quasi ἀσπύς.

(7) Sic autem cor animal. Ex Hieron. in Jon. cap. 2. Qui locus restituendus ex hoc loco.

(8) Ità infernus in medio terræ. Serv. ad v. Telluris petras subire. Æn. 6.

(9) Cap. I. De Auctoribus—errorem. Ex Serv. Æn. 7. ad illud. Nec Prænestinæ Fundator defuit Urbis.

cis. Alii à Romulo, ut: En hujus, nate, auspiciis illa inclyta Roma. Si igitur tantæ Civitatis certa ratio non apparet, non mirum si in aliarum opinione dubitatur. Undè nec Historicos, nec Commentatores varia dicentes imperitiæ condemnare debemus, quia antiquitas ipsa creavit errorem. Sanè quasdam, de quibus aut Sanctæ Scripturæ, aut Historiæ gentium certam originem referunt, paucis admodum verbis retexere oportet.

2 Primus ante diluvium Cain Civitatem Enoch ex nomine filii sui in (1) Naid condidit: quàm Urbem sola multitudine suæ posteritatis implevit.

3 (2) Primus post diluvium Nemrod Gigas Babylonem Urbem Mesopotamiæ fundavit. Hanc Semiramis Regina Assyriorum ampliavit, murumque Urbis bitumine, & cocto latere fecit. Vocabulum autem sumpsit à confusione: eo quòd ibi confusæ sint atque permixtæ linguæ ædificantium turrim.

4 (3) Judæi asserunt Sem filium Noë, quem dicunt Melchisedech, primum post diluvium in Syria condidisse Urbem Salem: in qua Regnum fuit ejusdem Melchisedech. Hanc postea tenuerunt Jebusæi: ex quibus, & sortita est vocabulum Jebus: sicque duobus nominibus copulatis, Jebus & Salem, vocata est Hierusalem, (4) quæ

postea à Salomone Hierosolyma, quasi Hierosolomonia dicta est. Hæc & corruptè à Poëtis Solyma nuncupata est, & postmodum ab Ælio Adriano Ælia vocitata est. Ipsa est Sion, quæ Hebraicè (5) speculatio interpretatur, eo quòd in sublimi constructa sit, & de longè venientia contempletur. Hierusalem autem pacifica in nostro sermone transferitur. (Oppida nobilia qui, vel quæ constituerunt)

5 (6) Dionysius qui & Liber pater, cùm Indiam victor perambulasset, Nysam Urbem ex suo nomine juxta Indum fluvium condidit, & quinquaginta millibus hominum adimplevit.

6 (7) Medus autem Ægæi filius Mediam construxit, undè & Regio ejus Mediæ nomen sortita est.

7 Persepolim Urbem caput Persici Regni (8) Perseus Danaës filius condidit famosissimam, confertissimamque opibus, (9) à quo & Persida dicta est.

8 (10) Ctesiphontem quoque Parthi apud Parthiam condiderunt, in æmulationem Babylonis Urbis.

9 (11) Susis Oppidum Persidæ ajunt Memnonis Patrem constituisse. Dictum autem Susis, quòd imminet Susæ fluvio. Ibi est Regia Cyri lapide candido, & vario cum columnis aureis, & lacunaribus gemmisque distincta, continens etiam simulacrum Cœli, Stellis micantibus præsignatum, & cæ-

te-

(1) In Naid condidit. In o. l. permutatis litteris ex Naid India evaserat. Ixx. ἰσῆδης ἢ νάϊδ ἀπὸ τῆς ἀγοράς τῆς ἑστῆς καὶ ἀγορῆς ἐν τῇ Νάϊδ κερταῖν τῇ ἰσῆδ. Et Joseph lib. 1. Antiq. cap. 4. πάλιν ἢ παλιν γὰρ ὁδὸς αὐτῆς παρὰ τῇ γορῆς αὐτῇ οὐκ αὐτῇ τῇ αὐτῇ τῇ αὐτῇ. Quod autem eo loco Hieronymus. Non aliter interpretetur, nihil ad Iudæum, qui Ixx. ut solet, secutus est. Adde quòd idem Hieronymus in lib. de Locis Heb. Naid, terra (inquit) in qua habitavit Cain. Nisi Idem pro India cum Chachone mavis.

(2) Primus post dil. Ex Oros. lib. 2. cap. 6.

(3) Judæi Asser. Ex Hieron. lib. de Locis Heb.

(4) Quæ postea à Salomone Hierosolym. Idem dixit Euseb. lib. 9. de Prep. Evang.

(5) Quæ Heb. speculatio. S. o. l. speculam. Hieronymus.

(6) Dionysius--condidit. Ex Eusebii Chron.

(7) Medus autem Ægæi filius. Et Medea, ut ait Diodor. lib. 5.

(8) Perseus Danaes. Cum libri. Atchi, Athe, Audie, & Andie, haberent, cur ipse sibi Isidorus non auxiliaretur, qui paullo post Tarsum Cilicia à Perseo Danaes prole ædificatam dicit? Vid. Hygin. Fabul. 275.

(9) A quo Persida. Rufinus in Translatione Josephi Susan Persida Metropolit. vocat.

(10) Ctesiphontem. Plin. lib. 6. cap. 26.

(11) Susis Oppidum. Hæc Urbis, & Susis, & Susa, & Susa à Hieronymo dicitur, Daniel cap. 8. & 9. de qua Plin. lib. 6. cap. 27. Menonis Patrum habens Gothici quos vidimus, non fratrem, ut impressi.

tera humanis mentibus incredibilia.

10 Bactrum Oppidum Bactriani condiderunt ex proprio amne eum cognominantes, qui Bactrus vocatur.

11 ⁽¹⁾ Carra Civitas Mesopotamiæ trans Edessam condita à Parthis, ubi quondam Romanus est Cæsus exercitus, & Crassus Dux captus.

12 Edessam Urbem Mesopotamiæ condidit Nembroth filius Chus, postquam de Babylone migravit, in qua, & regnavit, quæ antè Arach cognominata est. ⁽²⁾ Ipse construxit, & Chalannen, quæ postea verso nomine à Seleuco Rege dicta est Seleucia. ⁽³⁾ Philadelphiam Urbem Arabiæ condidit Raphaim, gens antiquissima, quam interfecerunt filii Loth.

13 Seleucus unus ex pueris Alexandri post mortem ejusdem Alexandri occupato Regno Orientis, Urbem in Syria condidit, eamque ex Antiochi Patris sui nomine Antiochiam nuncupavit, & Syriæ caput instituit. ⁽⁴⁾ Ipse quoque Laodiciam, & Seuliciam, ipse Apamiam, & Edessam Urbes construxit.

14 ⁽⁵⁾ Damascus Syriæ condita, & nuncupata à Damasco dispensatoris Abraham filio. Hæc antea in omni Syria tenuit principatum: Necdum enim florebant ibi Antiochia, Laodicia, & Apamia: quas Urbes post Alexandrum constructas esse cognoscimus. Hic est Damascus, quem Abraham futurum sibi hæredem dixerat, antequam esset illi promissus Isaac.

15 ⁽⁶⁾ Gazam Oppidum Palæstinæ condiderunt Hevæi, in qua habitaverunt Cappadoces pristinis Cultoribus interfectis. Vocata autem Gaza, eo quod ibi Cambyses Rex Persarum thesauros suos posuit, cum Belium Ægyptiis intulisset. Persarum enim lingua thesaurus Gaza nominatur.

16 Philistim Urbem condiderunt Allophyli: ipsa est Ascalon, de qua superius memoravimus: nuncupata ex nomine Cesloim, qui fuit nepos Cham, & filius Mesraim.

17 ⁽⁷⁾ Dor Urbs fuit quondam potentissima, & versa vice Stratonis turris: postea ab Herode Rege Judææ in honorem Cæsaris Augusti Cæsarea nuncupata. In qua Cornelii domum Christi vidit Ecclesia, & Philippi ædificulas, & cubiculum quatuor Virginum Prophetarum.

18 Joppe Oppidum Palæstinæ maritimum, iidem Palæstini ædificaverunt, ⁽⁸⁾ ubi saxum ostenditur, quod vinculorum Andromedæ adhuc vestigia retinet: cujus Belluæ forma eminentior Elephantis fuit.

19 ⁽⁹⁾ Jericho à Jebusæis condita traditur, à quibus & nomen traxisse perhibetur, hanc subvertit Jesus. Pro qua extruxit aliam Ozam de Bethel ex Tribu Ephraim. Sed & hæc eo tempore, quo Hierusalem oppugnabatur à Romanis, propter perfidiam Civium capta, atque destructa est, pro qua tertia ædificata est Urbs, quæ hodiè usque permanet.

Li

Si-

(1) Carra. Ex Hier. de Locis Heb.

(2) Ipse construxit, & Chalannen. Quam eandem esse, cum Ctesiphonte ait Hieronym. in Quast. in Genes. & in Am. cap. 6. Vidend. idem in Locis Hebraicis.

(3) Philadelph. Ex cod. lib.

(4) Ipse quoque Laodiciam. Euseb. in Chron. Seleucus Antiochiam, Seleuciam, Laodiciam, Apamiam, Edissam, Berceam, & Pellam Urbes condidit.

(5) Damascus. Ex Hieron. in Quast. in Genes.

(6) Gazam. Ex cod. in Locis Heb. & in Ezech. cap. 40.

(7) Dor. Ex Hieronym. in Epitaph. Paula. Sed locum Hieronym. in Palimpsesto relictum ab Isid. Bravilio non expolivit.

(8) Ubi saxum ostenditur. Ex Solim. cap. 47. Ex quo restitutus est hic locus.

(9) Jericho. Ex Hier. de Locis Heb.

20 Sichem Samariæ Urbem, quæ Latinè, & Græcè Sichima vocatur, ædificavit Emor, appellavitque eam nomine Sichem filii sui. ⁽¹⁾ Ipsa est nunc Neapolis, Civitas Samaritanorum.

21 Bethel Urbem Samariæ condiderunt Jebusæi, quæ prius vocabatur Luza, sed postquam dormiens ibi Jacob vidit scalam innitentem Cœlo, & dixit: Verè hic Domus Dei est, & Porta Cœli: hac ex causa nomen locus accepit Bethel, ⁽²⁾ id est, Domus Dei. Quando autem ibi ab Jeroboam vituli aurei fabricati sunt, vocata est Bethaven, id est, Domus Idoli, quæ antea vocabatur Domus Dei.

22 ⁽³⁾ Bethlehem Juda Civitas David, quæ mundi genuit Salvatorem, à Jebusæis condita fertur, & vocata primùm Ephrata. Quando autem Jacob ibi pecora sua pavit, eidem loco Bethlehem nomen quodam vaticinio futuri imposuit, quod Domus Panis interpretatur propter eum Panem, qui ibi de Cœlo descendit.

23 ⁽⁴⁾ Chebron Civitas Judææ, quæ quondam vocabatur Arbe, condita est à Gigantibus ante septem annos, quàm ab eis. Tanis Urbs Ægypti conderetur. Ipsa est Arbe à numero ita vocata, quòd ibi tres Patriarchæ sepulti sunt, & quartus Adam. Ipsa est ⁽⁵⁾ & Mambre vocata ex uno amico Abrahæ.

24 ⁽⁶⁾ Samariam, à qua omnis Regio, quæ circa eam fuit, nomen accepit, Sennacherib Rex Assyriorum

construxit, vocavitque Samariam, id est, custodiam, quia quando Israël transtulit, Medos ibi Custodes constituit. Hanc obsidione captam Antiochus solo cœquavit. Quàm postea Herodes à fundamentis instaurans, in in honorem Augusti, Augustam, id est, Sebastiam Græco sermone vocavit. Ibi siti sunt Elisæus, & Abdias Prophetæ, & quo major inter natos mulierum non fuit, Baptista Joannes.

25 Tiberiadem verò Herodes alius in Judæa in nomine Tiberii Cæsaris condidit.

26 ⁽⁷⁾ Tyrus Urbs Phœnicum condita à Phœnicibus fuit. Hæc est Civitas, ex qua aurum Regi Salomoni deferebatur, in qua optima purpura tingitur. Undè & Tyria dicitur nobilis purpura.

27 ⁽⁸⁾ Phœnices à rubro profecti mari, Sidonem Urbem opulentissimam condiderunt: ⁽⁹⁾ quam à piscium copia Sidon appellaverunt. Nàm piscem Phœnices Sidon vocant. Ipsi etiam Tyrum in Syria: Ipsi Uticam in Africa, Hipponem, Leptim, aliasque Urbes in ora maritima condiderunt. Ipsi Thebas in Bœotia Duce Cadmo: ipsi postremò in ultima Orbis tendentes Urbem in Oceano construxerunt, eamque lingua sua Gades nominaverunt. Nàm mos erat antiquus Phœnicum gentis, multos simul mercandi causa à domo proficisci, & cum incolarum animos commercio rerum iis antè incognitarum sibi conciliassent: loca

(1) Sichem, ipsa est nunc Neap. Hier. *ibid.* & in *Epitaph. Paula.*

(2) Beth. Ex *lib. de Locis Heb.*

(3) Bethlehem, &c. Hier. in *Prol. in Am.* Sex millibus abest à Sancta Bethlehem, quæ Mundi genuit Salvatorem. Et in *Epitaph. Paul.* Salve Bethlehem Domus Panis, in qua natus est ille Panis, qui de Cœlo descendit.

(4) Chebron. *Quomodo etiam scribit Hieronym.* Al. Hebron.

(5) Ipsa est, & Mambre. Ex *Q. in Gen.* cap. 35.

(6) Samariam, &c. Vid. *Hieronym.* in *Isai.* cap. 36.

(7) Tyrus. *Idem in cap. 33.*

(8) Phœnices. Ex *Justin.* lib. 18.

(9) Quàm à piscium copia. Vidi ego nummos Gadibus, quæ Phœnicum Colonia fuit reperiis, quorum una in parte Herculis Sidoniorum Dens, in altera duo Pisces inérant.

ca quæ condendis Urbibus idonea videbantur capere. Ex iis profecta, & Dido in littus Africæ Urbem condidit, & ⁽¹⁾ Carthadam nominavit, quod Phœnicia lingua exprimit Civitatem novam: mox sermone verso Carthago est dicta: hanc Scipio delevit. Quæ autem nunc est, postea à Romanis condita est. ⁽²⁾ Carthago autem antea Byrsa, post Tyrus dicta est, deinde Carthago.

28 ⁽³⁾ Memphim Civitatem Ægypti ædificavit Epaphus Jovis filius, cum in secunda Ægypto regnaret. Hæc est Urbs ubi charta nascitur, ubi etiam optimi Mathematici fuerunt. ⁽⁴⁾ Nam hanc Urbem magicis artibus deditam, pristini usque ad præsens tempus vestigia erroris ostendunt.

29 ⁽⁵⁾ Tanis Metropolis Ægypti, ubi Pharo fuit, & Moyses cuncta signa fecit, quæ in Exodo scribuntur. Hanc construxisse perhibentur Titanes, id est, Gigantes, & ex suo nomine nuncupaverunt.

30 ⁽⁶⁾ Heliopolis Urbs Ægypti, quæ Latine interpretatur Solis Civitas, ⁽⁷⁾ sicut LXX Interpretes arbitrantur. Ædificata est autem à filiis Israël, in qua ⁽⁸⁾ Petephres Sacerdos fuit, cujus meminit Ezechiel.

31 ⁽⁹⁾ Urbem Alexandriam condidit Alexander Magnus, cujus

& nomen detinet. Hanc enim idem in terminis Africæ, & Ægypti constituit, & caput esse Regionis Ægypti jussit. Interjacet autem inter Ægyptum, & mare, quasi claustrum, importuosa. ⁽¹⁰⁾ Hæc est Urbs Ægypti Noo, postea versa in Alexandriam.

32 Thebas Ægyptias condidit Cadmus, ⁽¹¹⁾ quæ inter Ægyptias Urbes numero portarum nobiliores habentur, ad quas commercia Arabes undique subvehunt. Hinc Regio Ægypti Thebais dicta est. Thebæ autem, & Bœotia sunt, & Ægyptiæ, uno tamen Auctore conditæ.

33 Ptolemais, & Berenice à Regibus Ægyptiis nominatæ, à quibus & ædificatæ fuerunt.

34 ⁽¹²⁾ Cæsaream Cappadociæ—

35 Tarsum Ciliciæ Danaes proles Perseus ædificavit. De qua Civitate fuit Paulus Apostolus: Natus, inquit, Tharso Ciliciæ. ⁽¹³⁾ Quidam etiam locus Indiæ Tharsis vocatur.

36 Seleuciam Isauriæ condidit Seleucus, qui & Antiochiam.

37 Ilus autem Apollinis filius in Phrygia Ilium condidit.

38 ⁽¹⁴⁾ Amazones Ephesum in Asia construxerunt.

39 Theseus vero Smyrnam construxit, quæ Homero Poëtæ Patria ex-

II 2

ti-

(1) Carthadam nominavit. à Solin. cap. 40. & Carthaginem à Cartha dictam ait etiam Serv. Æn. 4. ad illud. Carthago, aut antiqua Tyros.

(2) Carthago autem antea Byrsa. à Serv. ibid. Virgilius Æn. 1. Mercatique Solum f. d. n. Byrsam.

(3) Memphim—regnaret. Verba sunt Eusebii in Chronico.

(4) Nam hanc Urbem. Ex Hieron. in Isai. cap. 19.

(5) Tanis. Ex eod. in Is. cap. 3.

(6) Heliopolis. Ex eod. in lib. de Locis Heb. in On.

(7) Sicut LXX Interpretes. Sic n. illi Exod. 1. καὶ ἐκδόσαν (filii Israël) πόλιν ἐκδοσαν τῇ φαραῶ, τὴν τοῦ θεοῦ, καὶ ἐκδόσαν, καὶ ἡν, ὅτι ἐστὶν ἡ πόλις. Sed verba hæc καὶ ἡν, ὅτι ἐστὶν ἡ πόλις. Neque in Hebræis, neque in Latinis libris leguntur.

(8) Petephres. Sic etiam Hieronymus. Vulgat. Puthiphates. Quam varietatem Hebræica scriptura vocabulis destituta ea de creat.

(9) Urbem Alexan. Ex Hegesipp. lib. 4. cap. 27. Vid. Strab. lib. 17.

(10) Hæc est Urbs Ægypti, &c. Hieronym. in Epitaph. Paula. Et Urbem Noo, quæ postea versa est in Alexandriam.

(11) Quæ inter Ægyptias Urbes num. port. Ex Solin. cap. de Ægypt. 45.

(12) Cæsaream Cappadociæ. Post hæc verba lacuna est in melioribus lib. ineptissime à recentioribus expleta.

(13) Quidam locus Indiæ Tharsis vocatur. Ità proculdubio legendum, non Tarsus. Hieron. Is. 66. Tharsis lingua Hebræa mare appellatur, & ut ajunt, Indiæ Regio est, licet Josephus littera commutata Tarsum pueri nuncupari pro Tharsis, Urbem Ciliciæ, ad quam Jonas de Joppo fugiens ire cupiebat. Rursusque Ep. 133. Reprehendit Josephum, quod

Tarsum, & Tharsin eand. esse putet.

(14) Amazones Ephesum. à Soline

titit, & ⁽¹⁾ Smyrna vocata, quod ejus campos Hermus fluvius secat.

40 Dioscoriam Colchorum Urbem ⁽²⁾ Amphytus, & Tilchius aurigæ Castoris, & Pollucis fabricaverunt, ex eorum nomine eam cognominantes. Nam Castor, & Pollux Græcè δῖος-καστοί appellantur.

41 ⁽³⁾ Nicomedia, à Nicomede Rege Bithyniæ ædificata est.

42 ⁽⁴⁾ Bithynia condita à Phœnice, quæ primum Mariandyna vocabatur.

43 ⁽⁵⁾ Constantinopolim Urbem Thraciæ Constantinus ex nomine suo instituit, solam Romæ meritis, & potentia adæquatam. Hæc ⁽⁶⁾ condita primum à Pausania Rege Spartanorum, & vocata Bizantium, ⁽⁷⁾ vel quod tantum pateat inter Adriaticum mare, & Propontidem, vel ⁽⁸⁾ quod sit receptaculum terræ, marisque copiis. Unde & eam Constantinus aptissimam condere judicavit, ut receptaculum sibi terra, marique fieret. Unde & nunc Romani Imperii sedes, & totius caput est Orientis, sicut Roma Occidentis.

44 Epirus Thraciæ condita est à Pyrrho, & cognominata.

45 Athenas in Hellade Cecrops condidit, & ex suo nomine Cecropiam nominavit, ⁽⁹⁾ hanc Amphycion,

qui in Græcia tertius post Cecropem regnavit, Minervæ sacravit, & nomen Civitati Athenas dedit. Nam Minerva Græcè Ἀθηνᾶ dicitur: unde & Minervam Græci inventricem multarum artium asserunt, ⁽¹⁰⁾ quia & litteræ, & artes diversorum studiorum, & ipsa Philosophia veluti Templum Athenas habuerunt.

46 Corinthum in Achaja ⁽¹¹⁾ condidit Corinthus Orestis filius. Hanc Græci Corintheam vocant, hoc est, administrationem Reipublicæ.

47 Thebas Bœotiæ Cadmus veniens à Phœnicibus condidit, Thebis Ægyptiis prius ab eo constructis.

48 Mycenæ---

49 Lacedæmonia condita à Lacedæmone Semeles filio.

50 Sparta à Sparto filio Phoronei vocata, qui fuit filius Inachi. ⁽¹²⁾ Ipsam autem esse Spartam, quam & Lacedæmoniam Civitatem, atque inde Lacedæmonios Spartanos dici.

51 ⁽¹³⁾ Achaja ab Achæo constructa.

52 ⁽¹⁴⁾ Pelops, qui apud Argos regnavit, Peloponensem Urbem condidit.

53 ⁽¹⁵⁾ Cecrops in Insula Rhodo Rhodum ædificavit.

54 ⁽¹⁶⁾ Carpathus Coum.

55 Æos Typhonis filius Paphum.

AN-

(1) Smyrna vocata. *Idem sup. lib. 13. cap. 21.*

(2) Amphytus, & Tilchius. *Plin. lib. 6. cap. 5. Ammian. lib. 22. & Solin. Circius verò qui in plerisque libris est, ex Tilchius, quod etiam in Codice Plinii Ecclesia Toletana legitur, fluxit.*

(3) Nicomedia à Nicomede. *Euseb. in Chron. Nicomedes Rex Bithyniæ Asracum Urbem amplians Nicomediam nuncupavit.*

(4) Bithynia cond. *Idem Euseb. Bithynia condita à Phœnice, quæ prius Mariandyna vocabatur.*

(5) Constantinopolim. *Ex Oros. lib. 7. cap. 28. Totidem fere verbis.*

(6) Condita primum à Pausania. *Ex Justin. lib. 9.*

(7) Vel quod tantum pateat. *Vid. Plin. lib. 4. cap. 11. Solin. & Cappell. Neque tamen adhuc de Etymologia liquet.*

(8) Vel quod sit receptaculum, &c. *Ex Justin. lib. 9.*

(9) Hanc Amphycion—dedit. *Ex eod. lib. 2.*

(10) Quia & litteræ—habuerunt. *Ex eod.*

(11) Condidit Corinthus Orestis filius. *Strabo conditam ait à Sysipho, & Corcyram primo vocatam, dein à Ephyræ. Ab Ephyræ Oceani filia, postremo eversam, & instauratam à Corintho Orestis filio.*

(12) Ipsam autem esse Spartam, &c. *Ex Oros. lib. 1. cap. ultim.*

(13) Achaja ab Achæo. *Ex Euseb. Chronio.*

(14) Pelopsque a. A. r. Peloponensem. *Euseb. Pelops apud Argos regnavit annos 1111. à quo Peloponnesus vocata.*

(15) Cecrops. *Sic o. l. Sed Cercapus malim, cujus filii Lindum, Talyzon, & Camiron condiderunt. Nidos, autem (ait Stephan.) πόλις ἐν τῇ ἰσθμῷ τῆς ἡπείρου, καὶ ἡδὲ καὶ τὸν ἑσπέρου βυζαντίου. Vid. Strab. lib. 14. & Diodor. lib. 11.*

(16) Carpathus Coum. *Hæc integra non sunt, suppleri autem ex Diodoro, & Stephano possent ita: Carpathum Joculus, Metrops Coum.*

56 Angæus Lycurgi filius Samum.

57 ⁽¹⁾ Dardanus autem condidit Dardaniam.

58 ⁽²⁾ Thèssalonicam Thessalus Græci filius ædificavit, in qua etiam regnavit

59 ⁽³⁾ Brundisium construxerunt Græci. Brundisium autem dictum est Græcè, quod brunda caput cervi dicitur: sic est enim, ut & cornua videantur, & caput, & lingua in positione ipsius Civitatis.

60 ⁽⁴⁾ In Italia autem à Jano Janiculum, à Saturno Saturnia, atque Latium conditum, & quod ibi fugiens latuisset, cognominatum.

61 ⁽⁵⁾ Ab Hercule in Campania Pompeja, qui victor ex Hispania pompam boum duxerat.

62 Æneas autem post excidium Trojæ in eandem Italiam veniens, ab uxoris nomine Lavinium condidit.

63 Ascanius verò relicto Lavinia Novercæ suæ Regno, Albam Longam ædificavit. Alba autem vocata propter colorem suis: Longa, quia longum Oppidum est juxta prolixitatem collis, in quo sita est. Ex hac etiam Urbe Reges Albanorum appellari cœperunt.

64 ⁽⁶⁾ Capuam Capys Sylvius Rex Albanorum Construxit, appellatam nomine Conditoris: licet & sint, qui dicant à capacitate eam Capuam dictam, quod ejus terra omnem viræ fructum capiat: alii à locis campes-

tribus in quibus sita est. Est autem caput Urbium Campaniæ, inter tres maximas Romam, Carthaginemque numerata, ex qua & Provincia Italiæ Campania dicta est.

65 Romulus cum interfecto apud Albam Amulio, Avum Numitorem in Regnum restituisset, in eum locum, ubi nunc Roma est, devenit, ibique sedes posuit, moenia construxit, Urbemque ex nomine suo Romam vocavit. Hanc autem antè Evander dicitur condidisse, undè est illud: Tunc Pater Evandrus Romanæ Conditor arcis.

66 Ancus Martius ex filia Numæ Pompilii natus hic Urbem in exitu Tyberis condidit, quæ & peregrinas merces exciperet, & hostem moraretur, quam ab ipso situ Ostiam appellavit.

67 ⁽⁷⁾ Galli quidam intestina discordia, & assiduis dissensionibus suorum permoti, sedes novas quærentes Italiam profecti sunt, sedibusque propriis Thuscis expulsis, Mediolanum, atque alias Urbes condiderunt. ⁽⁸⁾ Vocatum autem Mediolanum, ab eo quod ibi sus medio lanca perhibetur inventa.

68 Historiis placet à Messappo Græco Messappiæ datam originem versa postmodum in nomen Calabriæ, quam in exordio Oenotri frater Peucetius Peucetiam nominaverat.

69 ⁽⁹⁾ Manto Tiresiæ filia post interitum Thebanorum dicitur delata
 in 3

(1) Dardanus e. Dardaniam. Ex Euseb. Chron.

(2) Thessalonicam Thessalus. Thessaliam velim, nam Thessalonicam à Cassandro conditam, ait Stephanus.

(3) Brundisium. Bgirdor, idaq; hoc est, cervum significare Auctor Hesychius. Et f girdor, ut ait Stephanus, sive Bgirdor, ut est apud Strabonem caput cervi à Messappis dicebatur.

(4) In Italia autem à Jano Janiculi. è Solin. cap. de Italia.

(5) Ab Herc. i. C. Pompeja. Pompeii. Apud Solin. ibid. Pompeja apud Strabon. lib. 5.

(6) Capuam Capys. Servius An. 10. ad illud. Et Capys, hinc nomen Campanæ ducitur Urbi—Iste quidem dicit à Capi dictam esse Campaniam, sed Livius vult à locis campestribus dictam, in quibus sita est.

(7) Galli quidam intestina discordia. Ex Livii lib. 5.

(8) Vocatum autem Mediol. ab eo quod ibi sus. Claudianus de Nuptiis Honorii & Jani Ligurum terris spumanti pectore Triton appulerat, lassosque fretis extenderat Orbes, continuò sublime volans ad moenia Gallis condita lanigere suis oscitantia pellem pervenit. Visitur etiam nunc sus marmoreis in Mediolanensi Curia, Al. media lanca.

(9) Manto Tiresiæ filia. è Serv. An. 10. ad illud. Fatidicæ Mantus; & T. f. amnis.

in Italiam Mantuam condidisse. Est autem in Veneria, quæ Gallia Cisalpina dicitur. ⁽¹⁾ Et Mantua dicta, quòd inanes tuetur.

70 Parthenopia à Parthenope Virgine quadam illic sepulta, Parthenopea appellata, quod Oppidum postea Augustus Neapolim esse maluit.

71 Ad promontorium Leucaten, in quo Actii Apollinis Templum fuit, bellum Augustus contra Antonium gessit. Quo victo, Urbem in Actiaco sinu condidit, quam à victoria Nicopolim appellavit.

72 ⁽²⁾ Phalantus Partheniorum Dux Parthenios constituit.

73 Taras Neptuni filius fuit, à quo Tarentum Civitas, & condita & appellata est.

74 ⁽³⁾ Cum Cyrus maritimas Urbes Græciæ occuparet, & Phocenses ab eo expugnati omnibus angustiis premerentur, juraverunt, ut profugerent quàm longissimè ab Imperio Persarum, ubi ne nomen quidè eorum audirent: ⁽⁴⁾ atque ita in ultimos Galliæ sinus navibus profecti, armisque se adversus Gallicam feritatem tuentes, Massyliam condiderunt, & ex nomine Ducis nuncupaverunt. Hos ⁽⁵⁾ Varro trilingues esse ait: quòd & Græcè loquantur, & Latine, & Gallicè.

75 Narbonam, & Arelatum, & Picavium Coloni proprii condiderunt.

76 Burdegalem appellatam fuerunt, quòd Burgos Gallos primùm

Colonos habuerit, quibus antea cultoribus adimpleta est.

77 Tarraconam in Hispania Scipiones construxerunt: ideo caput est Tarraconensis Provinciæ.

78 ⁽⁶⁾ Cæsaraugusta Tarracensis Hispaniæ Oppidum à Cæsare Augusto & situm & nominatum, loci amoenitate, & deliciis præstantius Civitatibus Hispaniæ cunctis, atque illustrius, florens Sanctorum Martyrum sepulchris.

79 Afri sub Hannibale maritima Hispaniæ occupantes, Carthaginem Spartariam construxerunt, quæ mox à Romanis captat, & Colonia facta, nomen etiam Provinciæ dedit. Nunc autem à Gotthis subversa, atque in desolationem redacta est.

80 ⁽⁷⁾ Saguntum Græci ex Insula Zacyntho profecti in Hispaniam condiderunt, quam Afri postea bello impetitam deleverunt.

81 ⁽⁸⁾ Emeritam Cæsar-Augustus edificavit, postquam Lusitaniam, & quasdam Oceani Insulas cepit, dans ei nomen ab eo quòd ibi Milites Veteranos constituisset. Nam emeriti dicunt Veterani, solutique militia.

82 Olyssipona, ab Ulysse est condita, & nuncupata: ⁽⁹⁾ quo loco, sicut Historiographi dicunt, Cælum à terra, & maria distinguuntur à terris.

83 Hispalim Cæsar Julius condidit, quam ex suo nomine, & Romæ Urbis vocabulo Juliam Romulam nun-

(1) Et Mantua dicta, quòd inanes tuetur. Sic veteres lib. & rectè fortasse. Nam lib. 4. Maniam morbum ab inanitate dictam dixit, quam Græci *μανία* vocant, & manè, quasi *maniv*, id est, rarum, & vacuum. Id autem pulchri savenit cum Historia de Mantone fatidica eo confugiente. Manes si quis malit, molesti non erimus.

(2) Phalantus Taras. Vid. Serv. *Æn.* 3. Hic genus Herculei si vera est fama Tarenti

(3) Cum Cyrus. Eadem *Ammian.* *Marcell.* lib. 15.

(4) Atque in ultimos condiderunt. Ex *Iustin.* lib. 43.

(5) Hos Varro triling. c. 2. Ex Hier. *Prolog.* lib. 2. in *Epist.* ad Galat.

(6) Cæsaraugusta-sepulchris. Abest totum hoc à libro *Card. Sireti*, & uno ex *Toletanis*.

(7) Saguntum. Ex *Hieronym.* lib. 2. in *Ep.* ad Galat.

(8) Emeritam Cæsar-August. *Dion.* lib. 53.

(9) Quo loco sicut Historiog. *Plin.* lib. 4. cap. 21. Excurrit deinde in altum vasto cornu promontorium, quod alii Artabrum appellavere, alii Magnum, multi Olyssiponense ab Oppido terras, maria, Cælum discernians. Eadem prope *Solinus*, & *Capella*, qua nimis *arctavis* *Lidorsus*.

CAPUT II.

De Ædificiis publicis.

nuncupavit. ⁽¹⁾ Hispalis autem à situ cognominata est, eo quòd in solo palustri suffixis in profundo palis locata sit, ne lubrico, atque instabili fundamento cederet.

84 Gades Oppidum à Pœnis conditum, qui etiam Carthaginem Spartariam condiderunt.

85 ⁽²⁾ Septa Oppidum à montibus septem, qui à similitudine Fratres vocati Gaditano imminet freto.

86 Tingis Civitatis, ⁽³⁾ & Lixis Antheus auctor est, quem Hercules fertur luctæ certamine superatum interfecisse. Lix autem à Lixo flumine Mauritanix nuncupata, ubi Anthæi Regia fuit, & Sala quod immineat Salæ flumini.

87 Cæsaream Mauritanix Oppidum Juba Rex Maurorum in honorem Cæsaris-Augusti condidit, quàm ex ejus nomine Cæsaream appellavit, sicut Herodes aliam Cæsaream in Palæstina, quæ nunc Urbs est clarissima.

88 ⁽⁴⁾ Icosium Cæsariensis Mauritanix Oppidum, Hercule illic transeunte, viginti à comitatu ejus discedentes construxerunt, ac ne quis imposito à se nomine privatim gloriaretur, de condentium numero Urbi Icosio nomen est datum.

89 ⁽⁵⁾ Cyrene Regina fuit Libyæ, quæ ex suo nomine Civitatem Cyrenem condidit, à qua & Libyam Cyrenensem vocavit.

1 CIVITAS ⁽⁶⁾ est hominum multitudo societatis vinculo adunata, dicta à Civibus, id est, ab ipsis incolis Urbis, pro eo quòd plurimorum consciscat, & contineat vitas. Nam Urbs ipsa mœnia sunt: Civitas autem non saxa, sed habitatores vocantur.

2 Tres autem sunt societates: Familiarum, Urbium, Gentium.

3 Urbs vocata ab Orbe, quod antiquitus Civitates in Orbem fiebant, ⁽⁷⁾ vel ab urbo parte aratri, quo muri designabantur, undè est illud: ⁽⁸⁾ Optavitque locum Regno, & concludere sulco. Locus enim futuræ Civitatis sulco designabatur, id est, aratro. ⁽⁹⁾ Cato: Qui Urbem, inquit, novam condet, Tauro & Bacca aret, ubi araverit, murum faciat, ubi portam vult esse, aratrum sustollat, & portet, & portam vocet. Idèd autem Urbs aratro circumdabatur dispari sexu juvenecorum propter commixtionem familiarum, & imaginem serentis, fructumque redditentis. ⁽¹⁰⁾ Urbs autem aratro conditur, aratro evertitur. Undè Horatius: Imprimeretque muris hostile aratrum.

4 Oppidum quidam ab oppositione murorum dixerunt: alii ab opibus recondendis, eo quòd sit munitum,

(1) Hispalis—eo quod in solo palust. Nihil certiora proferunt alii.

(2) Septa Oppid—Septem montium fratrum meminere Plin. lib. 5. cap. 2. & Capella—Ptolemaus quoque in l'ad'ique eos vocat.

(3) Et Lixis. Hæc à Solino quoque Lix, à Plinio Lixos, ab aliis Lixa dicitur.

(4) Icosium. à Solin. cap. de Mauritanis.

(5) Cyrene Regina f. lib. Serv. Æn. 4. Cyrene, & Barce Reginæ fuerunt, quæ singulis dederunt Civitatibus nomina.

(6) Cap. II. Civitas est. Aug. 15. de Civit. cap. 8. Civitas nihil aliud est, quam hominum multitudo aliquo societatis vinculo colligata.

(7) Vel ab urbo. Varr. lib. 4.

(8) Optavitque locum. Virg. Æn. 1. Pars saptare locum tecto, & concludere sulco. Idem. lib. 3. Optavitque locum Regno, nondum Ilium, & arces: hæc conjunxit Isid.

(9) Cato, qui Urbem. Hunc locum innuere videtur Servius lib. 5. Æn. Ad illud Urbem designat aratro. Vidend. Varr. lib. 4. de Ling. Lat.

(10) Urbs autem aratro cond. aratro evert. Acron ad locum Hor. Condendis, atque evertendis Civitatibus hæc consuetudo fuit, ut aratro fierent. Et Cajus tit. de Viisfruct. Carthagini evertæ aratrum impressum ait.

tum, alii quod sibi in eo conventus habitantium opem det mutuam contra hostem. Nam primum homines tantum nudi, & inermes, nec contra belluas præsidia habebant, nec receptacula frigoris, & caloris, nec ipsi inter se homines ab hominibus satis erant tuti. Tandem naturali sollertia speluncis, sylvestribusque tegumentis tuguria sibi, & casas virgultis, arundinibusque contexuerunt, quo esset vita tutior, ne iis qui nocere possent, aditus esset. Hæc est origo Oppidorum, quæ quod opem darent, idcirco Oppida nominata dixerunt. Oppidum autem magnitudine, & mœnibus discrepat à Vico, & Castello, & Pago.

5 Civitates autem, aut Coloniae, aut Municipia, aut Vici, aut Castella, aut Pagi appellantur.

6 Civitas propriè dicitur, quam non advenæ, sed eodem innati solo condiderunt. Ideoque Urbes à propriis Civibus conditæ, Civitates non Coloniae nuncupantur.

7 Colonia verò est, quæ defectu indigenarum novis cultoribus adimpletur. Undè & Colonia à cultu agri est dicta.

8 Municipium est, quod manente statu Civitatis jus aliquod minoris, aut majoris officii à Principe impetrat. Dictum autem municipium à muniis, id est, officiis, quod tantum munia, id est, tributa debita, vel munera reddant. Nam liberales, & famosissimæ causæ, & quæ ex Principe profiscuntur, ibi non aguntur. Hæc enim ad dignitatem Civitatum pertinent.

9 Vici, & Castella, & Pagi ii sunt, quæ nulla dignitate Civitatis ornan-

tur, sed vulgari hominum conventu incoluntur, & propter parvitatem sui majoribus Civitatibus attribuuntur.

10 ⁽¹⁾ Vicus autem dictus à vicinis tantum habitatoribus, vel quod vias habeat tantum sine muris. Est autem sine munitione murorum; licet & Vici dicantur ipsæ habitationes Urbis. Dictus autem Vicus, eo quod sit vice Civitatis, vel quod vias habeat tantum sine muris.

11 Castrum Antiqui dicebant Oppidum loco altissimo situm, quasi casam altam, cujus pluralis numerus castra, diminutivum Castellum est: sive quod castrabatur licentia inibi habitantium, nè passim vaga hosti pareret.

12 Pagi sunt apta ædificiis loca, inter agros habitantibus. Hæc & Conciliabula dicta à conventu, & societate multorum in unum.

13 Compita sunt, ubi usus est conventus fieri rusticorum, & dicta Compita, quia multa loca in agris eodem competunt, & quo convenitur à rusticis.

14 Suburbana sunt circumjecta Civitatis ædificia, quasi sub Urbe.

15 Mœnia sunt muri Civitatis, dicta ab eo quod muniant Civitatem, quasi munimenta Civitatis, id est, tumenta.

16 Munium autem dictum, quasi manu factum: sic & muri à munitione dicti, quasi muniti, quod muniant, & tueantur interiora Urbis. Mœnia autem duplicem habent significationem. Nam interdum mœnia abusivè dici (solent) omnia ædificia publica Civitatis, ut: Dividimus muros, & mœnia pandimus Urbis. Propriè autem Mœnia sunt tantum muri.

Mu-

(1) Vicus à vicinis t. h. Ità imp. ab ipsis tantum habitationibus. Goth. Placuit editor. Scriptura quia paullo post ipsæ habitationes vicos dici affirmat.

17 Murus autem turribus, propugnaculisque ornatur.

18 Turres vocatæ, quod teretes sint, & longæ.

19 Teres enim est aliquid ⁽¹⁾ rotundum cum proceritate; ut columna.

⁽²⁾ Nam quamvis quadratæ, aut latæ construantur, procul tamen videntibus rotundæ existimantur: idè quia omne cujusque anguli simulacrum per longum aeris spatium evanescit, atque consumitur, & rotundum videtur.

20 Propugnacula pinnæ murorum sunt, dicta qua ex his propugnatur.

21 Promurale verò, eo quòd sit pro munitione muri. Est enim muro proximum, id est, ante murum.

22 ⁽³⁾ Porta dicitur, qua potest, vel importari, vel exportari aliquid. Propriè autem porta, aut Urbis, aut Castrorum vocatur, sicut superius dictum est. Vicus, ut prædictum est, ipsæ habitationes Urbis sunt, undè & vicini dicti. Viæ ipsa spatia angusta, quæ inter Vicos sunt.

23 ⁽⁴⁾ Plateæ perpetuæ, ac latiores Civitatum viæ sunt, juxta proprietatem linguæ Græcæ à latitudine nuncupatæ: *πλάτος* enim Græci latum dicunt.

24 Quintana pars plateæ quinta

est, qua carpentum progredi potest.

25 Cloacæ dictæ, quòd iis percolantur aquæ. Has primùm Romæ fecisse dicunt Tarquinius Priscum, ut quotiens pluviarum inundatio existeret, per eas aquæ extra Civitatem emitterentur, ne maximis, perpetuisque tempestatibus planitiem, vel fundamenta Urbium strages aquarum subverteret.

26 ⁽⁵⁾ Imboli, vel quia subvolamina sunt, vel quia sub iis ambulant: sunt enim porticus hinc inde platearum.

27 ⁽⁶⁾ Forus est exercendarum litium locus, à fando dictus, sive à Phoroneo Rege, qui primus Græcis leges dedit. Hæc loca, & ⁽⁷⁾ Prorostis vocantur, idè quòd ex Bello Punico capitis navibus Carthaginensium, rostra ablata sunt, & in foro Romano præfixa, ut esset hujus insigne victoriæ.

28 Curia dicitur, eo quòd ibi cura per Senatum de cunctis administratur.

29 Prætorium, eo quòd ibi Prætor ⁽⁸⁾ sedeat ad discutiendum.

30 Gymnasium generalis est exercitiorum locus: tamen apud Athenas locus erat, ubi discebatur Philosophia, & sapientiæ exercebatur studium. Nam *γυμνάσιον* Græcè vocatur, quod Latine exercitium dicitur, hoc est

(1) Teres est aliquid rotundum, *Serv. Æn. 6.* Teres est rotundum aliquid cum proceritate. *Et eclog. 8.* Teres est oblongum, & rotundum, ut columna.

(2) Nam quamvis quadratæ. *Locus ex Lucret. lib. 4.* Quadratasque procul turres cum cernimus Urbis: Propterèd sit uti videantur sæpè rotundæ Angulus obtusus, &c.

(3) Porta dicitur, qua potest, &c. *Serv. Æn. 1.* Omnis exitus porta dicitur, quasi qua potest, vel importari, vel exportari aliquid.

(4) Plateæ. *Aug. in Ps. 118. Serm. 10.*

(5) Imboli. *Sic Fest. libri puto legendum emboli*, & subvolamina-significarique illa, qua *Asconius* in divinat. provocantia tabulata dixit. Notum quid *ταύλαν* sit apud Græcos.

(6) Forus est exercendarum litium locus. *Qui Isidorus de Genere hujus nominis audacter accusavit, ipsi se deridendo præbuerunt. Charisius lib. 1.* Forum neutro genere dicimus locum rebus agendis destinatum, aut cum commercium significamus: *Lucil.* quum illa fora itant. Masculinè autem tabulata navium, & semper pluralitèr, quamvis *Gellius* fora navium neutralitèr dixerit, & *Lucilius* negotiorum forum masculinè extulerit, lib. 3. Forus olim ornatus lucernis. *Et Victorin. in lib. de Orthog.* Forus status, tam in fore, quàm in navi, & torculari. *Quod verò ad etymol. attinet, quoniam semel toto hoc de genere diximus, tantum monebo, ne has quidam contemnendas videri: Nam cur non forum à fando, sive àνδ τῷ φῶ cum ἀγορᾷ ἀνδ τῷ ἀγορεύειν. In Phoronei verò mentione quadam negligentia est communis Isidorus cum aliis gravissimis Autoribus.*

(7) Rostra vocantur. *Ita etiam lib. 18. cap. 15.*

(8) Sedeat ad discutiendum. *Al. ad disputandum. f. ad disceptandum. Ut lib. 9. cap. 4. & lib. 18. cap. 15.* Index dictus, quod jure disceptet.

est meditatio. Sed & balnea, & loca cursorum, & athletarum gymnasia sunt; eo quod illuc omnes in suæ artis studio exercitentur.

31 Capitolium Romæ vocatum, eo quod fuerit Romanæ Urbis, & Religionis caput summum. Alii ajunt: cum Tarquinius Priscus Capitolii fundamenta Romæ aperiret, in loco fundamenti caput hominis litteris Thuscis notatum invenit, & proindè Capitolium appellavit.

32 Arces sunt partes Urbis excelsæ, atque munitæ: (1) nam quæcumque tutissima Urbium sunt, ab arcendo hostem arces vocantur: undè & arcus, & arca.

33 (2) Circum Romani dictum putant à circuitu equorum, eo quod ibi circum metas equi currant.

34 (3) Theatrum autem à spectaculo nominatum, ἀπὸ τῆς θεωρίας quod in eo Populus stans desupèr, atque spectans, ludos scenicos contempletur.

35 Amphitheatrum verò vocatum, quod ex duobus sit theatris compositum: nam amphitheatrum rotundum est, theatrum verò ex medio amphitheatri est, semicirculi figuram habens.

36 (4) Labyrinthus est perplexis parietibus ædificium, qualis est apud Cretam à Dædalo factus, ubi fuit Minotaurus inclusus, in quo si quis introierit sine glomere lini, exitum invenire non valet: cujus ædificii talis est situs, ut aperientibus fores tonitruum intus terribile audiatur. Des-

cenditur centenis ultra gradibus, intus simulacra, & monstificæ effigies, in partes diversas transitus innumeri per tenebras, & cætera ad errorem ingredientium facta, ita ut de tenebris ejus ad lucem venire impossibile videatur. Quatuor sunt autem Labyrinthi: Primus Ægyptius, secundus Creticus, tertius in Lemno, quartus in Italia, omnes ita constructi, ut dissolvere eos, nè secula quidè possint.

37 (5) Pharos turris est maxima, quam Græci, & Latini in commune ex ipsius rei usu Pharum appellaverunt, eo quod flammæ indicio longè videatur à navigantibus, qualem Ptolemæus juxta Alexandriam construxisse ostingentis talentis traditur. Usus ejus est nocturno navium cursui ignes ostendere, ad prænuntianda vada, portusque introitus, ne decipi tenebris navigantes in scopulos incidant: (6) nam Alexandria fallacibus vadis insidiosos accessus habet. Hinc igitur in portibus machinas ad prælucendi ministerium fabricatas, Pharos dicunt: nam phōs lux est, ὄρασις visio dicitur: undè & Lucifer Græcè φάσφορος appellatur.

38 Cochleæ sunt altæ, & rotundæ turres, & dictæ Cochleæ, quasi Cycleæ, quòd in eis tanquam per circulum, Orbemque conscendatur, qualis est (7) Romæ CLXXV. ped.

39 Thermæ appellatæ, quòd caleant: Græci enim θερμὸν calorem vocant.

40 (8) Balneis verò nomen inditum à levatione mœroris: nam Græci

(1) Nam quæcumque tutissima. Varro lib. 4. Arx ab arcendo, quod is locus munitissimus Urbis, à quo facillimè posset hostis prohiberi.

(2) Circum Roman. Repetuntur hac lib. 18. cap. 18.

(3) Theatrum ἀπὸ τῆς θεωρίας. è Serv. Æn. 5. Ad illud: Mediæque in valle theatri.

(4) Labyrinthus, è Serv. Æn. 5. Ad illud: Ut quondam. Creta fertur labyrinthus in alta. Vid. Plin. lib. 36. cap. 13.

(5) Pharos. Ex Hegeiipp. lib. 4. cap. 27. & Plin. 36. cap. 12. & Solin. cap. 45.

(6) Nam Alexandria fall. &c. è Solin. cap. 35. Al. 35.

(7) Romæ 175. Apparet hanc esse columinam Antonini, quàm clxxv. pedes altam affirmat Philander ad Vitruv. lib. 9. cap. 2.

(8) Balneis—tollat. Ex August. lib. 9. Confess. cap. 12.

ci βαλάντιον dixerunt, quod anxietatem animi tollat. Hæc & gymnasia dicuntur, quia ibi Athletæ uncto corpore, & perfricato manibus exercitantur: nam γυμνάσιον Græcè, Latinè exercitium dicitur, γυμνός enim nudus.

41 Apodyterium, ubi lavantium vestimenta ponuntur, ab exuendo dictum: ἀποδυέειν enim Græcè exuere dicitur.

42 Popina Græcus sermo est, qui apud nos corruptè propina dicitur. Est autem locus juxta balnea publica, ubi post lavacrum à fame, & siti reficiuntur, undè & propina, & propinare dicitur: πείνα enim Græcè famem significat, eo quòd hic locus famem tollat.

43 Tabernæ olim vocabantur, ædiculæ plebejorum parvæ, & simplices in vicis, ⁽¹⁾ asseribus, & tabulis clausæ, undè & tabernariæ, quòd ibi solebant considerare: dictæ autem tabernæ quòd ex tabulis, lignisque erant constructæ: quæ nunc, etsi non speciem, nomen tamen pristinum retinent.

44 Macellum dictum, quòd ibi macentur pecora, quæ mercantibus venundantur.

45 Mercatum autem à commercio nominatum: ibi enim res vendere, vel emere solitum est, sicut & Telonium dicitur, ⁽²⁾ ubi merces navium, & nautarum emolumenta reddun-

tur. Ibi enim vectigalis exactor sedet, pretium rebus impositurus, & voce à mercatoribus flagitans.

46 ⁽³⁾ Carcer est, à quo prohibemur exire, & dictus carcer à coërcendo. Hinc Fronto: Ut pergræcari potius amoenis locis, quam coërceri carcere viderentur.

CAPUT III.

De Habitaculis.

1 **H**abitatio ⁽⁴⁾ ab habendo vocata, ut habitare casas.

2 Domus ex Græca appellatione vocata, ⁽⁵⁾ nam δώματα Græci tecta dicunt. Est autem domus unius familiæ habitatio, sicut Urbs unius Populi, sicut Orbis domicilium totius generis humani.

3 Omne ædificium antiqui ædem appellaverunt. Alii ædem ab edendo quiddam sumpsisse nomen existimant, dantes exemplum de Plauto: Si vocassem vos in ædem ad prandium. Hinc & ædificium, eo quòd fuerit prius ad edendum factum.

4 ⁽⁶⁾ Aula domus est Regia, sive spatiosum habitaculum porticibus quatuor conclusum.

5 ⁽⁷⁾ Atrium magna ædes est, sive amplior, & spatiosa domus. Et dictum est atrium, ⁽⁸⁾ eo quòd addantur ei tres porticus extrisecus. ⁽⁹⁾ Alii atrium quasi ab igne, & lychno atrum dixerunt,

(1) Asseribus, & tab. *Al. Axibus.*

(2) Ubi merces navium. *Respexisse ad Ambrosii verba in Luc. cap. 5. Ostendunt illa verba nautarum emolumenta.*

(3) Carcer à quo prohibemur exire. *Servius Æn. 1.* Carcer est undecumque prohibemur exire, dictus quasi arcet ab arcendo. *Sed libro 3. Georg. Ad illud.* Runneque effusi carcere currus, ubi in *Vulgatis legitur*, qui ab arcendo dicti sunt. *Vaticani Codex habet*, qui à coërcendo d. s. *Ut emendandus videatur Serv. ex Isid. Varro quoque lib. 4.* Carcer à coërcendo, quod exire prohibentur.

(4) Cap. III. Habitatio ab hab. è *Serv. eclog. 2.* Nisi quod more suo aliquid mutavit.

(5) Nam δώματα Græci tecta d. *Verba sunt Hieronymi in cap. 6. Daniel. Vid. & Ep. ad Sun. & Fret.*

(6) Aula domus regia. *Aug. in Quæst. sup. Exod. prope fin.* Quam Græci vocant αὐλὴν, nostri aulam vocaverunt. *Sed jam non atrium isto nomine, sed domus regia significatur in Lingua Latina. Et in Græca, ut ait Athenæus lib. 5.*

Menandrum, & Diphilum citans.

(7) Atrium magna æd. sive amplior, & spatiosa dom. *Aug. in Ps. 133.* Atria, ampliora spatia domus intelligantur.

(8) Atrium-co quod addantur ei tres porticus. *Aug. in Quæst. in Exod.* Ibi erat illa tanquam triporticus, quæ concludebat spatium atrii. *Et in Ps. 133.* Habebat atrium decem columnas, non tamen recto ordine dispositas, sed sicut ostendimus, tanquam triporticum.

(9) Alii atrum quasi ab igne, &c. è *Serv. Æn. 1. Ad illud.* Vocemque per ampla volutant Atria. *Lychno autem scripsimus ex Cod. Rom. Al. ligno, al. lignis.*

runt, atrum enim fit ex fumo.

6 Palatium à Pallante Principe Arcadum dictum, in cuius honore Arcades Pallanteum Oppidum construxerunt, & Regiam in ipsius nomine conditam Palatium vocaverunt.

7 Thalamum hac ex causa vocatum ferunt. ⁽¹⁾ Cum enim raptæ fuissent à Romanis Sabinæ, ex quibus cum una ante alias specie nobilis cum magna omnium admiratione raperetur, Talassioni Duci eam oraculo responsum est dari, & quoniam hæ nuptiæ felicitè cesserant, institutum est, ut in omnibus nuptiis thalassii nomen iteretur. Ægyptii quoquè lingua sua loca in quibus nubentes succedunt, & incubant, thalamum nominant.

8 Cœnaculum dictum à communione vescendi, undè & cœnobium congregatio. Antiqui enim publicè, & in commune vescebantur, nèc ullius convivium singulare erat, ne in occulto deliciæ luxuriam gignerent.

9 ⁽²⁾ Triclinium est cœnaculum à tribus lectulis discumbentium dictum: apud veteres enim in loco ubi convivii apparatus exponebatur, tres lectuli strati erant, in quibus discumbentes epulabantur: κλίνη enim Græcè lectus, vel accubitus dicitur, ex quo confectum est, ut triclinium diceretur.

10 ⁽³⁾ Cella dicta, quòd nos occultet, & celet.

11 Cubiculum verò, quòd eo cubemus, ibique dormientes requiescamus.

12 Cubile autem, cubandi locus est.

13 Secessus, quòd sit locus secretus, id est, sinè accessu.

14 Diversorium dictum, eo quòd ex diversis viis ibi conveniatur.

15 ⁽⁴⁾ Hospitium sermo Græcus est, ubi quis ad tempus hospitali jure inhabitat, & iterum indè transiens migrat: ⁽⁵⁾ indè & metatum, quia mutatur. Undè & legitur, & castra metati sunt, pro mutaverunt. Non enim illic permanet exercitus, sed pertransit.

16 ⁽⁶⁾ Mænius Collega Crassi in foro projecit materies, ut essent loca, in quibus spectantes insisterent, quæ ex nomine ejus Mæniana appellata. Hæc & Solaria quia patent soli: post hæc alii lapide, alii materia ædificare portibus Mæniana, & foribus & domibus adjecerunt.

17 Tabulata olim lignæ domus fiebant, indè nomen permanet Tabulatorum.

18 Hypogæum est constructum sub terris ædificium, quod nos antrum, vel speluncam dicimus.

19 Solarium, quòd Soli, & auris pateat, qualis fuit locus in quo David Bethsabee lavantem aspexit, & admavit.

Cum

(1) Cum n. raptæ fuissent à Rom. Sab. Vid. Liv. lib. 1. & Fest. in Talassio, sed cum Talamoni in nostris libris legitur Talassioni, à Servio reposuimus, nam, & Talassium, & Talassionem illum vocat.

(2) Triclinium est Cœnaculum. Rectè Isidorus. Non rectè An. 1. ad illud: Auta composuit sponda. Servius, qui errare eos dicat, qui triclinium vocant ipsum basilicam, aut cœnationem. Cicerò 2. de Orat. Serv. Galba cum Judicis L. Scribonio Liboni Tribuno plebis ferret familiares suos, & dixisset Libo: Quando tandem, Galba, de triclinio tuo exhibitum tu (inquit) de cubiculo alieno. Et ad Att. lib. 13. Ep. 50. Cum secundis Saturnalibus ad Philippum vesperi venisset, villa ite completa Militibus est, ut vix triclinium, ubi cœnatus ipse Cæsar esset, vacaret. Et Vitruvius lib. 6. cap. 5. Triclinior, quanta latitudo fuerit, bis tanta longitudo fieri debet. Et Sueton. in Tiberio. Ac Miscenî cinis è favilla, & carbonibus ad calefaciendum triclinium illatus.

(3) Cella dicta q. n. o. Serv. A. 1. ad illud—Discendunt nectare cellas, vel à celando (inquit) undè cellas appellaverunt.

(4) Hospitium sermo Græcus est. An quia omnes pro domo usurpant? Undè illud καὶ οἱ ἑταῖροι καὶ οἱ ἀπὸ τῆς πόλεως ἐκείνης.

(5) Indè & metatum. Vegetius lib. 2. cap. 7. Metatores autem dicuntur, qui diversorium, & hospitiorum designant loca.

(6) Mænius Colleg. Crassi, Festus. Mænianæ ædificia à Menio sunt appellata. Is n. primus ultra columnas extendit signa, quo ampliarentur superiora: Et Arconius in Divinat. de Columna Mænia. Mænius cum domum suam venderet Cætoni, & Flacco Censoribus, ut ibi basilica ædificaretur, excepit jus sibi unius columnæ, super quam rectum proiecisset ex provolantibus tabulatis. Ergò vocem tabulata hoc loco superioribus annexendam censebat Chacon.

20 ⁽¹⁾ Cùm Hierosolymam Antiochus obsideret, Hyrcanus Princeps Judæorum, reserato David sepulchro, tria millia auri talenta indè abstraxit, ex quibus CCC. Antiocho dedit, ut obsidionem relinqueret, atque ut facti invidiam demeret, fertur ex reliqua pecunia instituisse primus Xenodochia, quibus adventum susceperet pauperum peregrinorum, undè & vocabulum sumpsit. Nàm ex Græco in Latinum *ξενοδοχεῖον* peregrinorum susceptio nuncupatur. ⁽²⁾ Ubi autem ægrotantes de plateis colliguntur, *νοσοκομείον* Græcè dicitur: in quo consumpta languoribus, atque inedia miserorum membra foveantur.

CAPUT IV.

De Ædificiis Sacris.

1 **S**acra sunt loca, Divinis Cultibus instituta, utpotè ea in quibus Altaria litantibus de more Pontificibus consecrantur.

2 Sancta juxta veteres exteriora Templi sunt.

3 Sancta autem Sanctorum, locus Templi secretior, ad quem nulli erat accessus, nisi tantum Sacerdoti. Dicta autem Sancta Sanctorum, quia exteriori oraculo sanctiora sunt, vel ⁽¹⁾ quia Sanctorum comparatione sanctiora sunt, sicut Cantica Canticorum, quia cantica universa præcellunt. Sanctum autem à Sanguine Hostiæ nuncupatum: nihil enim Sanctum apud ve-

teres dicebatur, nisi quod Hostiæ Sanguine esset consecratum, aut conspersum. Itè Sanctum, quod extat esse sancitum. Sancire autem est confirmare, & irrogatione poenæ ab injuria defendere, ⁽⁴⁾ sic & leges Sanctæ, & muri Sancti esse dicuntur.

4 Propitiatorium, quasi propitiationis oratorium: propitiatio enim placatio est.

5 Oracula dicta, eò quòd indè responsa redduntur, & oraculo ab ore.

6 ⁽⁵⁾ Penetralia secreta sunt oraculorum, & penetralia dicta, ab eo quòd est penitus, hoc est, penè intus.

7 ⁽⁶⁾ Oratorium orationi tantum est consecratum, in quo nemo aliquid agere debet, nisi ad quod est factum, undè nomen accepit.

8 Monasterium, unius Monachi habitatio. Monos n. apud Græcos solus, sterium statio, i. solitarii habitatio.

9 Cœnobium ex Græco, & Latino videtur esse compositum. Est enim habitaculum plurimorum in commune viventium: *κοινόν* enim Græcè commune dicitur.

10 Templi nomen generale, pro locis enim quibuscumque magnis antiqui Tempia dicebant. Et Tempia dicta, quasi tecta ampla. ⁽⁷⁾ Sed & locus designatus ad Orientem à contemplatione templum dicebatur. Cujus partes quatuor erant, antica ad Ortum,

Kk

pos-

(1) Cum Hierosolymam-peregrinorum. Ex *Hegesipp.* lib. 1. cap. 6. *Vid. Joseph.* 1. de Bell. Jud. cap. 2. & lib. 13. *Antiq.* cap. 15.

(2) Ubi autem ægrotantes, &c. *Hieron.* in Ep. ad Oceanum, de Fabiola. Prima (inquit) omnium *νοσοκομείων* instituit, in quo ægrotantes colligeret de plateis, & consumpta languoribus, & media misericord. membra foveret.

(3) Cap. IV. Quia sanctor. compar. præcellunt. Ex *Hier.* in Ep. ad Galat. cap. 1.

(4) Sic leges Sanctæ, & muri. Sic *Gotthici libri*, rectè cap. 1. D. de Rer. divisione: Sanctæ quoque res veluti muri, & porte, & in c. Sanctum eodem tit. In municipiis quoque muros esse Sanctos, Sabinum rectè respondisse Cassius refert. Et *Zonar.* tom. 2. *ἐκείνη γὰρ ἀπὸ τῶν ἱερῶν τῶν τειχῶν.*

(5) Penetralia. *Serv.* *Æn.* 6. Penetralia secreta Templorum.

(6) Oratorium-acceptit. Ex *Aug.* Ep. 109. ad *Monach.*

(7) Sed & locus designatus ad Orientem. Sic o. l. Designatus augurio, vel ad augurium legebat *Chacon.* *Festus.* Tecta loca augurio designata. *Varro* lib. 6. In terris dictum Templum locus augurii, aut auspicii causa quibusdam verbis finitus, &c. *Vid. Serv.* *ætol.* 8. & *Liv.* lib. 1. de *Numa* inauguratiens.

postica ad Occasum, sinistra ad Septentrionem, dextra ad Meridiem spectans. ⁽¹⁾ Undè & quandò Templum construebant, Orientem spectabant Æquinoctialem, ità ut lineæ ab Ortu ad Occidentem missæ, fierent partes Cœli dextra, atque sinistra æquales, ut qui consuleret, ac deprecaretur, rectum aspiceret Orientem.

11 Fana dicta à Faunis, quibus Tempa error Gentilium construebat, undè consulentes dæmonum responsa audirent.

12 ⁽²⁾ Delubra veteres dicebant Tempa Fontes habentia, quibus ante ingressum diluebantur, & appellantur delubra à diluendo. Ipsa nunc sunt ædes cum Sacris Fontibus, in quibus fideles regenerati purificantur, & benè quodam præsgio delubra sunt appellata: sunt enim in ablutionem peccatorum. ⁽³⁾ Fons autem in delubris locus regeneratorum est, in quo septem gradus in Spiritu Sancti mysterio formantur, tres in descensu, & tres in ascensu. Septimus verò is est, qui & ⁽⁴⁾ quartus, similis filio hominis: extinguens fornacem ignis, stabilimentum pedum, fundamentum aquæ, in quo omnis plenitudo divinitatis habitat corporaliter.

13 Basilicæ priùs vocabantur Regum habitacula, undè & nomen habent: nam *Basileus* Rex, & Basilicæ Regiæ habitationes. Nunc autem ideò Divini Tempa Basilicæ nominantur, quia ibi Regi omnium Deo cultus, & sacrificia offeruntur.

14 Martyrium locus Martyrum Græca derivatione, eo quòd in memoriam Martyris sit constructum, vel quòd sepulchra Sanctorum ibi sint Martyrum.

15 Aram quidam vocatam dixerunt, quòd ibi incensæ victimæ ardeant. ⁽⁵⁾ Alii aras dicunt à precationibus, id est, quas Græci *ἀράς* vocant, undè contra imprecatio *κατάρα* dicitur. Alii volunt ab altitudine aras, sed malè.

16 Altare autem ab altitudine constat esse nominatum, quasi alta ara.

17 Pulpitum, quòd in eo Lector, vel Psalmista positus in publico conspici à Populo possit, quo liberius audiat.

18 Tribunal, eo quòd indè à Sacerdote tribuantur præcepta vivendi. Est enim locus in sublimi constitutus, undè universi exaudire possint. Aliàs tribunal à tribubus denominatum, quòd ad illum tribus convocentur.

19 ⁽⁶⁾ Analogium dictum, quod sermo indè prædicetur: nam *λόγος* Græcè sermo dicitur, quod & ipsum altius situm est.

CAPUT V.

De Repositoriis.

1 Sacrarium ⁽⁷⁾ propriè est locus Templi, in quo Sacra reponuntur, sicut donarium est, in quo collocantur oblata, sicut lectisternia di-

(1) Undè & quando Templum construeb. *Ex Vitruv. lib. 4. cap. 5.*

(2) Delubra veteres dic. *Serv. Æn. 2.* Alii dicunt delubrum esse locum antè Templum, ubi aqua currit, à diluendo. *lib. 4.* Delubrum dictum, propter lacum, in quo manus abluuntur.

(3) Fons autem in delub-corporaliter. *Omnia repetuntur lib. Offic. 2. cap. 24.*

(4) Quartus similis filio hominis. *Tertull. lib. 4. contra Martionem:* Hic erit visus Babylonio Regi in fornace cum martyribus suis quartus, tanquam filius hominis. *Et rursus.* Prospice igitur, & tu cum Rege Babylonio fornacem ejus ardentem, & invenies illic tanquam filium hominis. *Ut suspicari liceat, totum locum è Tertull. libro aliquo, qui non extat, desumptum.*

(5) Alii aras dicunt à precat. *Servius Æn. 2. ad illud.* Nequidquam Altaria circum.

(6) Analogium. *In Regula Sancti Benedicti cap. 9.* Super Analogium legantur tres lectiones.

(7) Cap. V. Sacrarium—consueverunt. *Verba Servii Æn. 12. ad illud.* Et diri sacraria Ditis.

dicuntur, ubi homines sedere consueverunt: ab inferendis igitur, & deportandis Sacris, Sacrarium nuncupatur.

2 (1) Donaria verò, eo quòd ibi dona reponantur, quæ in Templis offerri consueverunt.

3 Ærarium vocatum, quia priùs æs signatum ibi recondebatur. Hoc enim olim in usu erat auro, argentoque nondum signato, ex quorum metallis, quamvis postea facta fuisset pecunia, nomen tamèn ærarii permansit ab eo metallo, undè pecunia initium sumpsit.

4 Armarium locus est, ubi quorumcunque artium instrumenta ponuntur. Armamentarium verò, ubi tantum tela armorum. Undè Juvenalis: Quidquid habent telorum armamentaria Cœli. Dicta autem utraque ab armis, id est, brachiis, quibus exercentur.

5 Bibliotheca est locus, ubi reponuntur libri, βιβλος enim Græcè liber, γινωκη repositorium dicitur.

6 Promptuarium dictum, eo quòd inde necessaria victui promuntur, id est, proferuntur.

7 Cellarium, quòd in eo colligantur ministeria mensarum, vel quæ necessaria victui supersunt. (2) Inter Promptuarium autem, & Cellarium hoc interest, quòd Cellarium est paucorum dierum, Promptuarium verò temporis longi.

8 Apotheca autem, vel horrea à Græco, verbum ex verbo, reposito-

ria, vel reconditoria dici possunt, eo quòd in iis homines elaboratas fruges reponunt. (3) Undè & Enthecam Græco sermone repositam rei copiosam substantiam appellamus.

CAPUT VI.

De Operariis.

1 **E**Rgasterium (4) locus est, ubi opus aliquod fit. Græco enim sermone erga opera sterion statio, id est, operaria statio.

2 Ergastula quoque, & ipsa Græco vocabulo nuncupantur, ubi deputantur noxii ad aliquod opus faciendum, ut solent gladiatores, & exules, qui marmora secant, & tamèn vinculorum custodiis alligati sunt.

3 Gynæceum Græcè dictum, eo quòd ibi conventus fœminarum ad opus lanificii exercendum conveniat. Mulier enim Græcè γυνή nuncupatur.

4 Pistrinum, quasi pilistrinum, quia pilo antea tundebant granum. (5) Undè & apud veteres non molitores, sed pistores dicti sunt, quasi pinsores, (6) à pinsendis granis frumenti, molæ enim nondum usus erat, sed granum pilo pinsebant. Undè Virgilius: Nunc torrete igni fruges, nunc frangite saxo.

5 Clivanus à clivo dictus, ab eo quòd in erectione sit collectus. (7) Clivum enim ascensum dicimus, sive flexuosum.

6 (8) Furnus per derivationem à

Kk 2

far-

(1) Donaria. Ex eod. Georg. 3. Ad illud—alta ad donaria curus.

(2) Inter Promptuar—longe. Ex eodem Æn. 1. ad—cura penum struere.

(3) Undè Enthecam. Utuntur hac voce sapienter Scriptores Ecclesiastici. Cassian. lib. de Instit. Monach. cap. 4. Cumque totam enthecām cenobii suam esse credat substantiam. Gelat. 12. quest. 2. cap. Vobis enim si quis forte sub annua retentione expensa, electo idoneo ab utraque parte custode credatur enthecis.

(4) Cap. VI. Ergastula—ubi deputantur noxii. Vid. Lypsi. Elect. cap. 15.

(5) Undè & apud veteres—saxo. & Serv. Æn. 1. ad illud—Et torrete p. f. c. f. s.

(6) A pinsendis granis. A findendis granis. Goth. o. & mox, findebant, pro pinsebant: sed Servium, & editionem veterem sumus secuti.

(7) Clivum n. ascensum dicim. Festus, Clivia auspicia dicebant, quæ aliquid fieri prohibebant, omnia n. difficilia clivia vocabant, undè, & clivi loca ardua.

(8) Furnus à farre. A furvo porphyryon.

farre dictus, quoniam panis ex eo factus ibi coquitur.

7 Torcular dictum, eo quod ibi uvæ calcantur, atque extortæ exprimantur.

8 ⁽¹⁾ Forus est locus, ubi uva calcatur, dictus, quod ibi feratur uva, vel propter quod ibi pedibus feriat. Unde & Calcatorium dicitur, sed hoc nomen multa significat. Prima species Fori locus est in Civitate ad exercendas nundinas relictus. Secunda, ubi Magistratus judicare solet. Tertia, quam supra diximus, quam Calcatorium nominamus. Quarta, spatia plana in navibus. De quibus Virgilius: - Laxatque foros. Lacus dictus, quia ibi decurrit frugum liquor.

CAPUT VII.

De Aditibus.

1 **A**ditus ⁽²⁾ ab adeundo dictus, per quem ingredimur, & admittimur.

2 ⁽³⁾ Vestibulum est, vel aditus domus privatæ, vel spatium adjacens ædibus publicis. Et vestibulum dictum, eo quod vestiuntur fores, aut quod aditum tecto vestiat, aut à stando.

3 Porticus, quod standitus sit magis, quàm ubi standum sit, quasi porta, & porticus eo quod sit aperta.

4 ⁽⁴⁾ Janua à Jano quodam appellatur, cui Gentiles omnem introitum, vel exitum sacraverunt. Unde ⁽⁵⁾ Lucanus: Ferrea Belligeri compescat limina Jani. Est autem primus domus ingressus: ⁽⁶⁾ cætera intra januam ostia vocantur generalitèr. ⁽⁷⁾ Ostium est, per quod ab aliquo arcemur ingressu, ab obstando dictum, sive ostium, quia ostendit aliquid intus. Alii ajunt ostium appellari, quia hostem moratur. Ibi enim nos adversariis objicimus, hinc & Ostia Tyberina, quia hostibus sunt opposita. Fores, & Valvæ claustra sunt: ⁽⁸⁾ Sed Fores dicuntur quæ foras: Valvæ, quæ intus revolvuntur, & duplices complicabilesque sunt. Sed generalitèr usus vocabula ista corrupti.

5 Claustra ab eo quod claudantur dicta.

6 ⁽⁹⁾ Fenestræ sunt, quibus pars exterior angusta, & interior diffusa est, quales in horreis videmus, dictæ, eo quod lucem fœnerent. Lux enim Græcè φῶς dicitur, vel quia per eas intus positus homo, foras videt. Alii fenestram putant dictam, eo quod domui lucem ministrat, compositum nomen ex Græco, Latinoque sermone, φῶς enim Græcè lux est.

7 ⁽¹⁰⁾ Cardo est locus, in quo ostium

(1) Forus est locus, ubi uva. *Victorinus in fine lib. de Orthograph.* Forus autem status, tam in foro, quàm in navi, & torculari. *Collumell. lib. 12. cap. 18.* Tum lacus vinarii, & torcularia, & fora, omniaque vasa, si vicinum est mare, aqua marina, sint minus, dulci eluenda sunt. *De reliquis fori significationibus. Vid. Fest.*

(2) Cap. VII. Aditus ab adeundo. *Serv. Æn. 6. ad illud.* Quod lati dicunt aditus. Cum ab aliquo arcemur ingressu, id ostium dicitur ab obstando; cum ingredimur, aditus ab adeundo.

(3) Vestibulum. *Serv. Æn. 6. ad vestibulum* ante ipsum. Vestibulum, (*inquit*) ut Varro dicit, etymologie non habet proprietatem, sed fit pro capiti ingenii. Nam vestibulum, ut supra diximus, dictum ab eo, quod januam vestiat. Alii dicunt à Vesta dictum per imminutionem. Nam Veste limen est consecratum. Alii dicunt ab eo, quod nullus illic stet. In limine enim solus est transitus, quomodo vesanus dicitur non sanus, sic vestibulum, quasi non stabulum.

(4) A Jano cui Gentiles omnem introit. *Ipsæ apud Ovid. lib. 1. Fast.* Praxideo foribus Cæli cum mitibus horis. Et redit officio Jupiter ipse meo.

(5) Unde Lucanus. *Lib. 1.*

(6) Cætera intra januam. *Serv. Æn. 1. ad illud.* Foribus cardo stridebat ahenis: Janua est primus domus ingressus, dicta, quia Jano consecratum est omne principium. Cætera intra januam ostia vocantur generalitèr, sive valvæ sint, sive fores, quavis usus ista corripit.

(7) Ostium—ab obstando. *è Serv. Æn. 6. ad illud.* Quo lati dicunt adit.

(8) Sed fores dicuntur. *Serv. Æn. 1. loco citato.* Fores (*inquit*) propriè dicuntur, quæ foras aperiantur, sicut apud veteres fuit. Valvæ autem sunt, ut dicit Varro, quæ revolvuntur, & se velant.

(9) Fenestræ. *è Serv. Georg. 4. ad illud.* Quatuor à ventis obliqua luce fenestras. *Sed Servius non fenestras tantum, sed obliqua luce fenestras, interpretatus est, quod non advertit Isidorus, qui Commentaria Servii, sine Virgilio verbum, ut sæpe diximus, legebat.*

(10) Cardo. *Serv. Æn. 1. loco cit.* Cardo dictus, quasi cor januæ, quo movetur. *è eodem lib. ad illud.* haud tance cessabit cardine rerum, ut sit, *inquit*, de Proverbio tractum, res in cardine est.

tium vertitur, & semper movetur, dictus ἀπὸ τῆς κάρδιας, quod quasi cor hominem totum, ita ille cuneus januam regat, ac moveat. Unde & proverbiale est: In cardine rem esse.

8 Limina ostiorum dicta, eo quod transversa sint, ut limes; & per ea sicut in agro, aut introëatur, aut foras eatur.

9 ⁽¹⁾ Postes, & Antæ, quasi post, & antè. Et Antæ, quia antè stant, vel quia antea ad eas accedimus, priusquam domum ingrediamur. Postes, eo quod post ostium stent.

CAPUT VIII.

De Partibus Ædificiorum.

1 **F**undamentum dictum, quod fundus sit domui. Idem & ⁽²⁾ cæmentum à cædendo dictum, quod crasso lapide surgat.

2 Paries nuncupatus, quia semper duo sunt pares, vel à fronte, vel à latere. Sive enim tetragonum, sive hexagonum sit, qui se conspiciunt, ex pari erunt. Aliter enim structura facta deformis est.

3 Parietinas dicimus, quasi parietum ruinas. Sunt enim parietes stantes sine tecto, sine habitantibus.

4 Angulus, quod duos parietes in unum conjungat.

5 ⁽³⁾ Culmina dicta sunt, quia apud antiquos tecta culmo tegebantur,

ut nunc rustica. Hinc tecti summitas culmen dicitur.

6 Camerae sunt volumina introrsum respicientia, appellata à curvo, κάμψυλον enim Græcè curvum est.

7 ⁽⁴⁾ Laquearia sunt, quæ cameram subtegunt, & ornant, quæ & lacunaria dicuntur. ⁽⁵⁾ Principaliter autem lacus dicitur, ut Lucilius: Resultant aedesque, lacusque, cujus diminutio lacunar facit, ut Horatius: Nequæ aureum mea renidet in domo lacunar. Indè fit alia diminutio lacunarium, & per ἀντίσπυλον laquearium.

8 Absida Græco sermone, Latine interpretatur lucida, eo quod lumine accepto per arcum resplendeat. Sed utrùm absidam, an absidem dicere debeamus, hoc verbi genus ambiguum quidam Doctorum existimant.

9 ⁽⁶⁾ Testudo est camera Templi obliqua. Nam in modum testudinis veteres Templorum tecta faciebant, quæ idèò sic fiebant, ut Coeli imaginem redderet, quod constat esse convexum. Alii testudinem volunt esse locum in partem atrii adversum venientibus.

10 Arcus dicti, quod sint arcta conclusione curvati, ⁽⁷⁾ ipsi & fornices.

11 ⁽⁸⁾ Pavimenta originem apud Græcos habent elaborata Arte Picturæ. (Lithostrota parvulis crustis, ac tessellis tinctis in varios colores) ⁽⁹⁾ Vocata autem pavimenta, eo quod paviantur, id est, cædantur. Unde & pavor, quia cædit cor.

Kk 3

Os-

(1) Postes, & Antæ. Festus. Antes sunt extremi ordinis vinearum, undè etiam nomen trahunt antæ, quæ sunt latera ostiorum. Vid. Serv. Georg. 2. ad illud—Jam canit extremos effatus vinitor antes.

(2) Cap. VIII. Cæmentum—quod crasso lap. Sic o. l. Quod crasso lap. Malim.

(3) Culmina. & Serv. eclog. 1.

(4) Laquearia sunt. Repetitur totus hic locus auctor, etiam aliquanto, quam hic in optimis libris legitur, infra lib. 19. cap. 12.

(5) Principaliter autem—laquearium. Verba sunt Servii ad v. Pendet lychni laquearibus aureis. Æn. 1.

(6) Testudo est camera—convexum. & Serv. Æn. 1. ad v. Mediaque testudine Templi.

(7) Ipsi & fornices. Idem Æn. 6. ad illud—atque adverso fornice portas: Fornice (inquit) arcu. Cicero: Vidit ad ipsum fornitem Fabianum.

(8) Pavimenta originem—colores. Plin. lib. 36. cap. 25. Pavimenta originem apud Græcos habent elaborata Arte Picturæ ratione, donec lithostrota expulere eam. Celeberrimus fuit in hoc genere Sosus, qui Pergami stravit, quam vocant Asarotonæcon, quoniam purgamenta cenæ in pavimento quæque everti solent, veluti relicta fecerat parvis è tessellis tinctis in varios colores.

(9) Vocata autem pavim.—quod paviantur, id est, cæd. Videtur respicere ad Virgilii verba, corda pavor pulsant. Æn. 5. vid. sup. lib. 10. in voce Patiens. Repetitur totus hic locus inf. lib. 19. cap. 10.

12 Ostracus est pavimentum testaceum, eo quòd fractis testis calce admixta feriat. Testam enim Græci *δοτρακον* dicunt.

13 Compluvium dictum, quia aquæ partes, quæ circa sunt eò convenient.

14 Tessellæ sunt, è quibus domicia sternuntur, à Tesseris nominata, id est, quadratis lapillis per diminutionem.

15 Bases fulturæ sunt columnarum, quæ à fundamento consurgunt, & superpositæ fabricæ sustinent pondus. ⁽¹⁾ Bases autem nomen petrae est fortissimæ Syro sermone.

16 ⁽²⁾ Columnæ pro longitudine, & rotunditate vocatæ, in quibus totius fabricæ pondus erigitur. Antiqua ratio columnarum erat altitudinis, ⁽³⁾ tertia pars latitudinis (delubri.) Genera rotundarum quatuor: Doricæ, Jonicæ, Thuscanicæ, Corinthæ, mensura crassitudinis, & altitudinis inter se distantes. Quintum genus est earum, quæ vocantur Atticæ, quaternis angulis, ⁽⁴⁾ aut ampliùs, paribus laterum intervallis.

17 ⁽⁵⁾ Capitella dicta, quòd sint columnarum capita, sicut super columnam, caput.

18 Epistylia sunt, quæ super capitella columnarum ponuntur, & est Græcum, id est, super missa.

19 Tegulæ, quòd tegant ædes, & Imbrices, quòd accipiant imbres.

20 Lateres, & Laterculi, quòd lati formentur, circumactis undiquè quatuor tabulis.

21 Canalis, ab eo quòd cava sit in modum cannæ. ⁽⁶⁾ Sanè canalem meliùs genere fœminino, quàm masculino proferimus.

22 Fistulæ aquarum sunt dictæ, quod aquas fundant, & mittant. Nàm *στέλλειν* Græcè mittere est. Formæ earum pro magnitudine aquæ, & capacitatis modo fiunt.

CAPUT IX.

De Munitionibus.

1 **M**unitum, vel munimentum dictum, quia manu est factum.

2 Cors vocata, vel quòd coarctet cuncta, quæ interiùs sunt, id est, concludat: vel quòd coërceat objectu suo extraneos, & adire prohibeat.

3 Vallum est, quòd mole terræ erigitur, ut custodia prætendatur: dictum autem vallum à vallis. ⁽⁷⁾ Nàm valli fustes sunt, quibus vallum munitur. Et valli dicti, quòd figantur, & vellantur. Intervalla spatia sunt inter capita vallorum, id est, stipitum, quibus vallum fit, undè & cætera quoquè spatia dicuntur, à stipitibus scilicet.

4 ⁽⁸⁾ Agger est cujuslibet rei acervatio, undè fossæ, aut valles possunt repleri ab aggregando. ⁽⁹⁾ Agger propriè dicitur terra aggesta, quæ vallo fac-

(1) Bases autem nomen petrae est f. f. Basaltes, aut Basanites. Nàm Plin. lib. 36. cap. 7. Invenit eadem Ægyptus in Æthiopia, quem vocant Basaltem ferrei coloris, atque duritiæ, quem locum sumens Isidorus lib. 16. cap. 5. Basanitem, scribit non Basaltem. Plinius quoque eodem lib. cap. 22. Medici (inquit) ad mortaria præterere Basanitem, hic enim lapis nihil ex sese remittit.

(2) Columnæ, Ead. inf. lib. 19. cap. 10.

(3) Tertia pars altitudinis. Adde Templi, vel delubri ex Virgilio, lib. 4. cap. 7. & Plin. lib. 36. cap. 23.

(4) Aut ampliùs. Haud quidem Plinio Ancimæ, Propterea deleri has voces volebat Chacon.

(5) Capitella. Utitur hac voce D. August. & alii.

(6) Sanè canalem meliùs genere fœmin. Verba sunt Servii Georg. 3. qua etiam repetuntur inf. lib. 19. cap. 10. Vid. Non. Marcell.

(7) Cap. IX. Nàm valli f. s. q. v. m. Verba Servii sunt ad v. Ferro quis scindere vallum. Æn. 9.

(8) Agger est. Ejusdem ad v. Fossas aggere complent. Æn. 9.

(9) Agger propriè dicitur. Ejusdem Æn. 10. ad v. Aggeribus murorum.

facto proprius ponitur. Sed abusive & muros, & munimenta omnia aggerem dicimus.

5 Maceriae sunt parietes longi, quibus vineae, aliaeque clauduntur. Longum enim Graeci μακρὸν dicunt.

6 (2) Formatum, sive formatum in Africa, vel Hispania parietes de terra appellant, quoniam in forma circumdatis duabus utrinque tabulis inferiuntur verius, quam struuntur. Aëvis durant incorrupti, ventis, ignibus, omni cemento fortiores.

7 Sæpes munimenta satorum sunt, unde & appellatae.

8 (3) Caulae munimenta ovium, vel sepimenta ovilium. Est autem Graecum nomen c. detracta. Nam Graeci αὐλάς vocant animalium receptacula.

CAPUT X.

De Tentoriis.

1 TABernacula tentoria sunt militum, quibus in itinere Solis ardores, tempestatesque imbrum, frigorisque injurias vitant. Dicta autem tabernacula, quod cortinae distentae funibus, tabulis interstantibus appenderentur, quae tentoria sustinerent.

2 Tentorium vocatum, quod tendatur funibus, atque palis. Unde & hodie prætereundum dicitur.

3 Papiliones vocantur à similitudine parvuli animalis volantis, quod maximè abundat florentibus

malvis. Hæ sunt aviculæ, quæ lumine accenso conveniunt, & circa volitantes ab igne proximo interire coguntur.

CAPUT XI.

De Sepulchris.

1 SEPulchrum à sepulco dictum. (4) Prius autem quisque in domo sua sepeliebatur. (5) Postea vetitum est legibus, ne foetore ipso corpora viventium contacta inficerentur. Monumentum idè nuncupatur, eo quod mentem moneat ad defuncti memoriam. Cum enim non videris monumentum, illud est, quod scriptum est. Excidit tanquam mortuus à corde. Cum autem videris, monet mentem, & ad memoriam te reducit, ut mortuum recorderis. (6) Monumenta itaque, & memoriae pro mentis admonitione dictae.

2 Tumulus dictus, quasi tumens tellus.

3 Sarcophagus Graecum nomen est, eo quod ibi corpora absumantur, σὰρξ enim Graecè caro, φάγειν comedere dicitur.

4 Mausolæa sunt sepulchra, seu monumenta Regum, à Mausolæo Rege Cariae dicta. Nam eo defuncto (7) Uxor ejus miræ magnitudinis, & pulchritudinis sepulchrum extruxit, in tantum, ut usque hodie omnia monumenta pretiosa ex nomine ejus Mausolæa nuncupentur.

5 (8) Pyramis genus sepulchrorum quae-

(1) Quibus vineae alique clauduntur. Idem Georg. 1. ad v. Jam canit extremos effectus vinitor antes. Antes (inquit) alii extremos vinearum ordines accipiunt, alii macerias, quibus vinea clauduntur.

(2) Formatum, sive formatum. E lib. 35. cap. 14. Plinii, qui emendandus est ex hoc loco Isidori. Retinemus nos hodie idem nomen, nam formatum Hispani Hormigon dicimus.

(3) Caulæ, &c. à Servio Aen. 9. ad illud v. Cum sicmit ad caulas.

(4) Cap. XI. Prius quisque in domo. s. s. Verba sunt Servo, ad v. Sedibus hunc refert ante suis. Aen. 6.

(5) Postea vetitum est legibus. Idem. Aen. 11. ad illud-Urbique remittant. Ante, inquit, homines in Civitate sepeliebantur, quod postea, Duillio Consule, Senatus prohibuit, & lege cavet nequis in Urbe sepeliretur.

(6) Monumentum. Ex eodem in extremo lib. xii.

(7) Uxor ejus, &c. Locus expressus ex Hieronymo. lib. 1. advers. Jovin.

(8) Pyramis. à Solin. cap. 35. al. 45. Non ergo Isidoro obesse debent, quæ de umbris dicuntur.

quadratum, & fastigiatum ultra omnem excelsitatem, quæ fieri manu possit, undè & mensuram umbrarum egressæ nullam habere umbram dicuntur. ⁽¹⁾ Tali autem ædificio surgunt, ut à lato incipiant, & in angustum finiantur, sicut ignis. Πῦρ enim dicitur ignis. Has Ægyptus habet. ⁽²⁾ Apud majores enim potentes, aut sub montibus, aut in domibus sepelebantur. Indè tractum est, ut super cadavera, aut Pyramides fierent, aut ingentes columnæ collocarentur.

CAPUT XII.

De Ædificiis Rusticis.

1 **C**asa est agreste habitaculum palis, atque virgultis, arundinibusque contextum, ⁽³⁾ quibus possint homines tueri à vi frigoris, vel caloris injuria.

2 Tugurium casula est, quam faciunt sibi Custodes vinearum ad tegimen sui, quasi tegurium, sive propter ardorem Solis, & radios declinandos, sive ut indè, vel homines, vel bestiolas, quæ insidiari solent natis frugibus, abigant. ⁽⁴⁾ Hanc rustici Capannam vocant, quod unum tantum capiat.

3 ⁽⁵⁾ Tesqua quidam putant esse tuguria, ⁽⁶⁾ quidam loca prærupta, & aspera.

4 ⁽⁷⁾ Magalia ædificia Numidarum agrestium oblonga, incurvis la-

teribus tecta, quasi navium carinæ sint: sive rotunda in modum furnorum. Et ⁽⁸⁾ Magalia dicta, quasi Magaria, quia Magar Punici novam Villam dicunt, una littera commutata l. pro. r. Magaria, Tuguria.

CAPUT XIII.

De Agris.

1 ⁽⁹⁾ **A**ger Latine appellari dicitur, eo quod in eo agatur aliquid. Alii agrum ex Græco nominari manifestius credunt. Undè & Villa Græcè Choragros dicitur.

2 Villa à vallo, id est, aggere terræ nuncupata, quod pro limite constitui solet.

3 ⁽¹⁰⁾ Possessiones sunt agri latè patentes publici, privatiq;ue, quos initio non mancipatione, sed quisque, ut potuit, occupavit, atque possedit, undè & nuncupati.

4 ⁽¹¹⁾ Fundus dictus, quod eo fundatur, vel stabiliatur patrimonium. Fundus autem, & urbanum ædificium, & rusticum intelligendum est.

5 Prædium, quod ex omnibus Patrifamilias maximè prævidetur, id est, apparet, quasi prævidium, vel quod antiqui agros, quos bello ceperant, ut prædæ nomine habebant.

6 ⁽¹²⁾ Omnis autem ager, ut Varro docet, quadrifariam dividitur. Aut enim arvus est ager, id est, sationalis: aut consitus, id est, aptus arboribus:

aut

(1) Tali autem ædif. Vid. Amm. Marcell. lib. 22.

(2) Apud majores enim potent. Servius Æn. 11. ad illud. Fuit ingens monte sub alto. Apud majores, nobiles, aut sub montibus, aut in domibus sepelebatur. Undè natum est, ut super cadavera; aut Pyramides fierent, aut ingentes collocarentur columnæ.

(3) Cap. XII. Quibus possint homines tueri. Tueri dixit passivè, ut Vitruvius, & alii.

(4) Hanc rustici capannam. Ità hodie Itali, & nostri Capanna.

(5) Tesqua quidam putant esse tuguria. Sic o. libri Sabinum verbum ait esse Acron.

(6) Quidam loca prærupta, &c. Glossar. Tesqua, sive Tesca κατὰ τὴν φύσιν καὶ παλαιὰ καὶ ἐγγύς τῶν ποταμῶν.

(7) Magalia ædif. Num. &c. Verba sunt Sallustii in fugurib. de Mapalib. quæ idem sunt, quod Magalia, ut ait Servius.

(8) Et Magalia dicta q. Magaria, &c. & Serv. Æn. 1. ad illud. Miratur m. Æ. m. q. Novam. Addidit Isidorus, fortasse lingua punica magis scietis.

(9) Cap. XIII. Ager Latine, &c. Ità Varro lib. 4. Sed reprehenditur à Quintiliano.

(10) Possessiones, &c. Omnia è Fest. in—Possessiones.

(11) Fundus dictus. Serv. Georg. 2. Fundus dictus ab eo, quod sit rerum omnium fundamentum.

(12) Omnis ager. Serv. in princip. Georg. ex Varro.

aut pascuus, qui herbis tantum, & animalibus vacat: aut florens, in quo sunt horti apibus congruentes, & floribus. Quod etiam Virgilius in quatuor lib. Georg. secutus est.

7 Rura veteres incultos Agros dicebant, id est, sylvas, & pascua, Agrum verò qui colebatur. Nam rus est, quo mel, quo lac, quo pecus haberi potest. Unde & rusticus nominatur: hæc agrestium prima, & otiosa felicitas.

8 ⁽¹⁾ Seges ager est in quo seritur, unde & Virgilius: Illa seges demum votis respondet avari Agricola.

9 Compascuus ager dictus, qui à divisoribus agrorum relictus est ad pascendum communiter vicinis.

10 Alluvius ager est, quem paulatim fluvius in agrum reddit.

11 ⁽²⁾ Arcifinius ager dictus est, quia certis linearum mensuris non continetur: sed arcentur fines ejus obiectu fluminum, montium, arborum, unde & in iis agris nihil subsecivorum intervenit.

12 ⁽³⁾ Novalis ager est, primum proscissus, sive qui alternis annis vacat, novandarum sibi virium causa. Novalia enim semel cum fructu erant, & semel vacua.

13 Squalidus ager, quasi excolidus, eo quod jam à cultura exierit, sicut Exconsul, quod à consulatu discesserit.

14 ⁽⁴⁾ Uliginosus ager est semper uvidus. Nam humidus dicitur, qui aliquando siccatur. Uligo enim humor terræ naturalis est, ab ea nunquam recedens.

15 Subseciva sunt proprie, quæ de materia præcédens sutor, quasi supervacua abijcit. ⁽⁵⁾ Indè & subsecivi agri, quos in pertica divisos recusant, quasi steriles, vel palustres. Item subseciva quæ in divisura agri non efficiunt centuriam, id est, jugera cc.

16 Area dicitur tabularum æqualitas. Dicta autem area à planitie, atque æqualitate unde & ara. Alii aream vocatam dicunt, quod pro tritrandis frugibus eradatur, vel quod non triturentur in ea, nisi arida.

17 ⁽⁶⁾ Pratum est cujus fœni copia armenta tumentur, cui veteres Romani nomen indiderunt ab eo, quod protinus sit paratum: nec magnum laborem culturæ desideret. Prata autem sunt, quæ secari possunt.

18 ⁽⁷⁾ Paludes dictæ à Pale pastoralis Dea, quod paleam, id est, pabula nutriat jumentorum.

CAPUT XIV.

De Finibus Agrorum.

I Fines ⁽⁸⁾ dicti, eo quod agri funiculis sunt divisi. Mensura-

ra-

(1) Seges est. Servius ibidem.

(2) Arcifinius ager, &c. Frontinus de Agrorum qualitate. Ager est arcifinius, qui nulla mensura continetur: finitur secundum antiquam observationem fluminibus fossis, montibus, viis, arboribus, antemissis aquarum divortis, &c. Ergo pro voce unde, viarum fortasse legendum hoc loco.

(3) Novalis ager. Verba sunt Servii Georg. 1.

(4) Uliginosus. Eisdem ad illud. Dulcique uligine latus. Georg. 1.

(5) Indè & subsecivi—& item subseciva. Vidend. Siculus Flacc. & Frontinus cap. de Qualitate Agrorum, quod verò attinet ad centuria nomen, melius omnino Varro, qui à centum jugeribus dictam ait, quam flaccus, qui centum hominibus, virumque verba apponens, sed Varro is uti emendata sunt à Chacone. Sylvius igitur cum Romani (inquit) agrum ex hoste captem victori populo per bina jugera partiti sunt, centenis hominibus ducenta jugera dederunt, & ex hoc facto centuria istè appellata. Varr. 1. de Re Rust. cap. 10. Jugeri pars minima dicitur scrupulum, id est, decem pedes in longitudinem, & latitudinem quadratum. Ab hoc principio mensores nonnumquam dicunt, in subsecivum esse unciam agri, aut sextantem, aut quid aliud, cum ad jugerum pervenerunt, id habet scrupula. ccxxxviii. quantum as antiquas noster ante bellum punicum pendebat. Bina jugera, quæ à Romulo primum divisa dicebantur virgum, quod heredem sequerentur, heredium appellarunt, hæc postea à centum centuria dicta. Ac ne quid in ratione vocis requiratur. Idem lib. 5. de Ling. Latin. Centuria primo à centum jugeribus dicta, post duplicata retinuit nomen, ut tribus multiplicata eadem tenent nomen. Festus quoque: Centuria in agris ducenta jugera significat. Vid. Not. ad Varr. à Fulv. Ursin. edita.

(6) Pratum—ab eo quod sit protinus parat. Ità Varro. Prata dicta ab eo, quod sine Opere parata.

(7) Paludes dictæ à Pale. Varr. Palus, paululum aquæ in altitudinem, & palam latus diffusæ.

(8) Cap. XIV. Fines dicti eo q. a. funiculis. Diximus sapè de hoc genere notationum.

rarum enim lineæ in terrarum partitione tenduntur, ut dimensionis æquitas teneatur.

3 ⁽¹⁾ Limites appellati antiquo verbo transversi. Nam transversa omnia antiqui lima dicebant, à quo & limina ostiorum per quæ foras, & intrò itur: & Limites, quod per eos foras in agros eatur. Hinc & Limus vocabulum accepit, cingulum, quo servi publici cingebantur obligna purpura.

3 Termini dicti, quòd terræ mensuras distinguunt, atque declarant. His enim testimonia finium intelliguntur, & ⁽²⁾ agrorum intentio, & certamen aufertur.

4 Limites maximi in agris sunt duo: Cardo, & Decumanus. Cardo ⁽³⁾ quia Septentrio directus à cardine Cœli est: nam sine dubio Cœlum vertitur in Septentrionali Orbe. Decumanus est, qui ab Oriente in Occidentem per transversum dirigitur, qui pro eo quòd formam X faciat, Decumanus est appellatus. Ager enim bis divisus figuram denarii numeri efficit.

5 ⁽⁴⁾ Arca ab arcendo vocata. Fines enim agri custodit, eosque adire prohibet.

6 Trifinium dictum, eo quòd trium possessionum fines astringit. Hinc & Quadrifinium, quòd quatuor.

Reliqui limites angustiores, & inter se distant imparibus intervallis, & nominibus designatis.

CAPUT XV.

De Mensuris Agrorum.

1 **M**ensura ⁽⁵⁾ est quidquid pondere, capacitate, longitudine, altitudine, animoque finitur. Majores itaque ⁽⁶⁾ Orbem in partes, partes in Provincias, Provincias in Regiones, Regiones in loca, loca in territoria, territoria in agros, agros in centurias, centurias in jugera, jugera in climata, deindè climata in actus, perticas, passus, gradus, cubitos, pedes, palmos, uncias, & digitos diviserunt: Tanta enim fuit eorum sollertia.

2 ⁽⁷⁾ Digitus est pars minima agrestium mensurarum. Indè ⁽⁸⁾ uncia habens digitum, & trientem. ⁽⁹⁾ Palmus autem quatuor habet digitos: pes sedecim: passus pedes quinque: pertica passus duos, id est, decem pedes.

3 Pertica autem à portando dicta, quasi portica. Omnes enim præcedentes mensuræ in corpore sunt, ut palmus, pes, passus, & reliqua, sola pertica portatur. Est enim decem pedum, ad instar calami in Ezechiele templum mensurantis.

4 ⁽¹⁰⁾ Actus minimus est, latitudi-

ne

(1) Limites appellati a. v. transversi. Hyginus de Limitibus constituend. Limites appellati à limo, id est, antiquo verbo transversi. Nam & limum dictum, eo quod purpuram transversam habet. Item limina ostiorum, Serv. Æn. 12. ad illud. Velari limo, (sic etiam legit eo loco Servius) & verbera tempora vincit: Limus vestis est qua ab umbilico usque ad pedes teguntur pudenda poparum. Hæc autem vestis habet in extremo sui purpuram limam, id est, æxuosam. Undè & nomen accepit. Nam limum, obliquum dicimus.

(2) Et agr. intentio. Sic v. cc. Intentio. Productio.

(3) Quia Septentrio. Ità Salmast. vetustissimus.

(4) Arca—Trifinium. Vid. Hygin. de Limitibus agror. & Sicul. Flacc. de Condit. agr. Glossar. Arcæ, ἀρχα πρυμνίζω.

(5) Cap. XV. Mensura—finitur. Verba sunt Boëthii in Geometricis cap. 1.

(6) Orbem in partes. Goth. cc. In partibus, ut apud Boëthium.

(7) Digitus est pars minimi. agrest. mens. Ex Frontino.

(8) Indè uncia habens digitum, & trientem. Ità emendavit Chacon optimè, cum in omnibus libris esset, uncia habens digitos tres. Frontinus lib. 1. de Aqua ductibus. Est, inquit, digitus, ut convenit, sexta decima pars pedis, uncia duodecima, & paullo post: uncie ergo modulus habet diametri digitum unum, & trientem digiti.

(9) Palmus autem quatuor dig. Non videtur hic locus integer, nam proposuit omnes, quæ in hominis corpore reperiuntur, mensuras: palmos, pedes, cubitos, gradus, passus, neque tamen omnes explicat. Expleri hæc ità possent: Palmus autem quatuor digitos habet, pes sedecim, cubitus sesquipedem, gradus duos pedes, & semipedem, passus pedes quinque.

(10) Actus minimus, &c. Quæ restant omnia, usque ad finem capituli à Collumella sunt lib. 5. cap. 1.

CAPUT XVI.

De Itineribus.

ne pedum quatuor, longitudine centum viginti.

5 Climata quoque undique verum habent pedes sexaginta.

6 Actus quadratus undique finitur pedibus centum viginti. ⁽¹⁾ Hunc Bætica Arapennem dicunt, ab arando scilicet.

7 Actus duplicatus jugerum facit, ab eo quod est junctum, jugeri nomen accepit.

8 Jugerum autem constat longitudine pedum ducentorum quadraginta, latitudine centum viginti.

9 Actum Provinciae Bæticae rustici ⁽²⁾ Agnam vocant.

10 Porcam iidem Bætica triginta pedum latitudine, centum octoginta longitudine definiunt. Sed Porca est, quod in arando extat. Quod defossum est lira. Galli Candetum appellant in arvis urbanis spatium centum pedum, quasi Centetum. ⁽³⁾ In agrestibus autem pedum cl. quadratorum Candetum vocant. Porro stadialis ager habet passus cxxv. id est, pedes dcxxv. cujus mensura octies computata milliarius facit, quod constat quinque millibus pedum.

11 Centuria autem ager est ducentorum jugerum, qui apud antiquos à centum jugeribus vocabatur: sed postea duplicata est, nomenque pristinum retinuit. In numero enim centuriae multiplicatae sunt, nomen mutare non potuerunt.

1 **M**ensuras viarum ⁽⁴⁾ nos miliaria dicimus, Graeci stadia, Galli leucas, Aegyptii schoenos, Persae parasangas. Sunt autem proprio quaque spatio.

2 Milliarius mille passibus terminatur, & dictum milliarius, quasi mille adium, habens pedum quinque millia.

3 Leuca finitur passibus mille quingentis.

4 Stadium octava pars miliarii est, constans passibus cxxv. Hoc primum Herculem statuisse dicunt, eumque eo spatio determinasse, quod ipse sub uno spiritu confecisset: ac proinde stadium appellasse, quod in fine respirasset, simulque stetisset.

5 Via est, qua potest ire vehiculum, & via dicta à ⁽⁵⁾ vehiculorum incursum. ⁽⁶⁾ Nam duos actus capit propter euntium, & venientium vehiculorum occursum.

6 ⁽⁷⁾ Omnis autem via, aut publica est, aut privata. Publica est, quae in solo publico est, qua iter actus populo patet. Haec aut ad mare, aut ad oppida pertinet. Privata est, quae vicino municipio data est.

7 Strata dicta, quasi vulgi pedibus trita. Lucretius: Strataque jam vulgi pedibus detrita viarum. Ipsa est,

&c

⁽¹⁾ Hunc Bætica Arapennem. Sic fortasse legit Isidorus, qui ab arando nomen deducit: sed apud Columellam etiam in manuscriptis libris Arapennem: in legibus Gothicis lib. 8. cap. 4. l. 25. & lib. 3. l. Si inter Arapennem. Glossarium vero, Appendix ἀλάρη. Arripendum ἀρρίπος γινώσκοντες.

⁽²⁾ Agnam vocant. Acnam se reperisse in veteribus Columella, & Varronis libris testatur Victorius ad Varr. lib. 1. de Re Rust. cap. 10. & Colum. lib. 5. cap. 1. Acnam utrobique etiam in vet. Cod. legit Chacon, g. in c. ἀγρίων mutato, quare agnam ex cc. Goth. retinere visum est.

⁽³⁾ In agrestibus a. p. cl. quadratum justum Candetum vocant. Columella: In agrestibus autem pedum cl. quod aratores Cadetum nominant. Sed Candetum habent Isidoriani omnes Codices.

⁽⁴⁾ Cap. XVI. Nos miliaria, Galli leucas, &c. Hieron. in Joel. cap. 3. Nunc mirum, si unaquaque gens cetera viarum spatia suis appeller nominibus: cum & Latini mille passus vocent, & Galli leucas, & Persae parasangas, & restes universa Germania, atque in singulis nominibus diversa mensura sit. Et paulo post: Aegyptii ἀρρίωνες.

⁽⁵⁾ A vehiculorum incursum impulsu. Complut. Goth.

⁽⁶⁾ Nam duo actus capit. duo, ad vehicula referendum. Servius Aen. 4. ad illud. Convectant calle angusto; via est, actus dimidium; qua potest ire vehiculum. Nam actus duo carpenta capit propter euntium, & venientium vehiculorum occursum.

⁽⁷⁾ Omnis autem via, aut pub. Ex Ulp. c. Praetor. §. via-D. Nequid in loco publico.

& delapidata, id est, lapidibus strata. Primi autem Poeni dicuntur lapidibus vias stravisse, postea Romani eas per omnem penè orbem disposuerunt propter rectitudinem itinerum, & ne plebs esset otiosa.

8 ⁽¹⁾ Agger est media stratae eminentia coaggeratis lapidibus strata, ab aggere, id est, coacervatione dicta, ⁽²⁾ quam Historici viam militarem dicunt, ut: Qualis saepè viae deprensus in aggere serpens.

9 ⁽³⁾ Iter, vel itus est via, qua iri ab homine quaquà versum potest.

10 Iter autem, & itiner diversam significationem habent. Iter enim locus est transitu facilis, undè appellamus, & itum. Itiner autem est itus longae viae, & ipse labor ambulandi, ut quò velis, pervenias.

11 ⁽⁴⁾ Semita itineris dimidium est, à semi itu dicta. Semita autem hominum est, callis, ferarum, & pecudum.

12 ⁽⁵⁾ Callis est iter pecudum inter montes angustum, & tritum à

callo pedum vocatum, sive callo pecudum praeduratum.

13 Tramites sunt transversa in agris itinera, sive recta via, dicti quòd transmittant.

14 Divortia sunt flexus viarum, hoc est, viae in diversa tendentes: ⁽⁶⁾ eadem diverticula sunt, hoc est, diversae ac divisae viae, sive semitae transversae, quae sunt à latere viae.

15 Bivium, quia duplex est via.

16 ⁽⁷⁾ Compita, quia plures in ea competunt viae, quasi triviae, quatriviae.

17 ⁽⁸⁾ Ambitus inter vicinorum aedificia locus, duorum pedum, & semipedis ad circumeundi facultatem relictus, & ab ambulando dictus.

18 Orbita vestigium carri, ab orbe rotae dicta.

19 Porro actus, quo pecus agi solet.

20 Clivosum, iter flexuosum.

21 ⁽⁹⁾ Vestigia sunt pedum signa primis plantis expressa: vocata, quòd iis viae praecurrentium investigentur, id est, cognoscantur.

DI-

(1) Agger est media. à *Serv. Aen. 5. ad illud. Qualis saep. viae d. i. aggere 15.*

(2) Quam Historici viam militarem dicunt. *Ex cod. Aen. 12. ad illud. Vidit ab adverso venientes aggere Turnus.*

(3) Iter est via. *Vid. cap. 1. D. de Servit. rustic. praed.*

(4) Semita itineris dimid. *Servius Aen. 4. ad illud. Convectant calle angusto semita est semis via, undè & semita dicta, & Varro lib. 4. qua ibant, ab itu iter appellarunt; qua angustè semita, ut semi iter dictum.*

(5) Callis. *Serv. ibid. Callis semita est tenuior callo pecudum praedurata.*

(6) Eadem diverticula—à latere viae. *Serv. Aen. 9. ad illud. Obijciunt alii sese ad divortia nota: Diverticula sunt semitae transversae, quae sunt à latere viae militaris. Male ergo libri omnes, alterae viae.*

(7) Compita. *Idem Georg. 2. Ad—Pagos, & compita circum, id est, per quadrivia, quae compita appellantur ab eo, quòd multae viae in unam confluant.*

(8) Ambitus l. v. x. l. *Festi sunt verba. Varro lib. 4. Ambitus circumitus ab eoque XII. tabularum interpretes ambitum parietis circumitus esse describunt. Puto autem legem his verbis fuisse conceptam. Ambitus parietis sestertius per esto. Volusius Metianus lib. de Ponderibus. Lex etiam (inquit) XII. tabul. argumento est, in qua duo pedes, & semis sestertius pes vocatur.*

(9) Vestigia. *Serv. Aen. 11. ad illud—Vestigia plantis institorat: Signa pedum primis plantis expresserat, nam haec sunt vestigia, imagines pedum. Illud autem, primis non advertis Isidorus Virgilii esse, non Servii. Delvisset plane. Nihil enim ad verbi interpretationem.*

DIVI ISIDORI

HISPALENSIS EPISCOPI

ETYMOLOGIARUM

LIBER DECIMUS SEXTUS.

DE LAPIDIBUS, & METALLIS.

CAPUT PRIMUM.

De Pulveribus, & Glebis Terræ.

1 **P**ULVIS ⁽¹⁾ dictus, quòd vi ventii pellatur. Tollitur enim ejus flatu, nèc resistit, nèc stare novit, sicut ait Propheta: Tanquam pulvis, quem projicit ventus à facie terræ.

2 ⁽²⁾ Limus vocatus, quòd lenis sit.

3 Cœnum est vorago luti.

4 Cinis ex incendio dicitur, ab eo enim fit.

5 Favilla, quod per ignem effecta sit. Nàm *φῶς* ignis est.

6 Gleba, quòd glovus sit. Pulveris enim collectione compingitur, & in uno glomere adunatur. Terra autem ligata, gleba est soluta, pulvis.

7 Labina, eò quòd ambulanti-bus lapsum inferat, dicta per derivationem à labe.

8 Lutum vocatum quidam per antiphrasin putant, quòd non sit mundum, nàm omne lotum mundum est.

9 Volutabra appellata, quòd ibi apri volutentur.

10 ⁽³⁾ Uligo sordes limi, vel aquæ sunt.

11 Sabulum levissimum terræ genus.

12 ⁽⁴⁾ Argilla ab Argis vocata, apud quos primum ex ea vasa confecta sunt.

13 Creta ab Insula Creta, ubi melior est.

14 ⁽⁵⁾ Creta Cimolia candida est, à Cimæa Italiæ Insula dicta, quarum altera vestimentorum pretiosos colores emollit, & contristatos sulphure quodam nitore exhilarat: altera gemmis nitorem præstat.

15 Creta argentaria, & ipsa candida appellata, eò quòd nitorem argento reddat.

16 ⁽⁶⁾ Terra Samia à Samo Insula dicta, candida, & levis, & linguæ glutinosa, medicamentis, & vasculis necessaria.

17 ⁽⁷⁾ Pulvis Puteolanus in Puteolanis Italiæ colligitur collibus, opponiturque ad sustinenda maria, fluctusque frangendos. Nàm mersus aquis protinus lapis fit, undisque quotidie fortior effectus in saxum mutatur, ⁽⁸⁾

LI sicut

(1) Cap. I. Pulvis—quod v. v. pellatur. *Al.* pulscetur. *Sed videndum, quid voluerit Plinius, cum lib. 35. cap. 13. dicit:* Quis n. satis meretur pessimam (terræ) partem, ideoque pulverem appellatum.

(2) Limus vocatus, quod levis sit. *Mirum fugisse Isidorum verba Tertuliani in lib. de Anima.* Quid aliud limus, quam liquor optimus? Illud verò magis mirum, cum tam multa hujusmodi apud gravissimos Auctores legantur; quosdam, qui sibi videntur eam in solum Isidorum scire.

(3) Uligo. *Vid. præced. lib. cap. 13.*

(4) Argilla ab Argis. *Hezych. & Suid. ἀργίλλον, γῆν λευκὴν, καὶ καλὴν* interpretantur.

(5) Creta Cimolia. *Ex Plin. lib. 35. cap. 17. Vid. Strab. lib. 10.*

(6) Terra Samia. *Ex eodem lib. cap. 16. & cap. 22.*

(7) Pulvis Puteolanus. *Ex eod. cap. 13.*

(8) Sicut argilla igne in lap. vert. *Respexit ad Historiam de Diabete Sicyonio apud Plin.*

sicūt argilla igne in lapidem vertitur.

18 Sulphur vocatum, quia igne accenditur: ⁽¹⁾ Ur enim ignis est. Nam vis ejus in aquis ferventibus sentitur, nec alia res facilius accenditur. Nascitur in Insulis Æoliis inter Siciliam, & Italiam, quas ardere dicunt. Invenitur & in aliis locis effossum. ⁽²⁾ Hujus genera quatuor. Vivum quod foditur, translucetque, & viret, quo solo ex omnibus generibus Medici utuntur. Alterum quod appellant glebam, usibus tantum fullonum familiare. Tertium liquor est, usus ejus ad lanas suffendas, quia candorem, mollietiemque præstat. Quartum ad elychnia conficienda maximè aptum. Sulphuris tanta vis est, ut morbos comitiales deprehendat nidore suo impositus ignibus. Anaxilaus calicem vini, prunæque subdita circumferens exardescens percussu pallorem dirum, velut defunctorum convivis offudit.

CAPUT II.

De Glebis ex Aqua.

1 Bitumen ⁽³⁾ in Judææ lacu Asphaltite emergit, cujus glebas supernatantes nautæ scaphis appropinquantes colligunt. ⁽⁴⁾ In Syria autem limus est passim à terra exarsuans. Spissantur autem utraq; & densitate cœunt, & utraq; ⁽⁵⁾ Græci πῖσσαςφαλτον appellant. ⁽⁶⁾ Natura ejus

ardens, & igni cognata, & ⁽⁷⁾ nequaquam ferro rumpitur, nisi solis muliebribus inquinamentis, utilis ad compages navium.

2 Alumen vocatum à lumine, quod lumen coloribus præstat tingendis. Est autem ⁽⁸⁾ salsugo terræ, efficiturque hyeme ex aqua, & limo, & æstivis solibus maturatur. Hujus species duæ sunt, liquidum, & spissum.

3 Sal quidam dictum putant quod in igne exiliat. ⁽⁹⁾ Fugit enim ignem, dum sit igneus, sed naturam sequitur, quia ignis, & aqua semper inter se inimica sunt. Alii sal à salo, & Sole vocatum existimant, ⁽¹⁰⁾ nam ex aquis maris spontè gignitur, spuma in extremis littoribus, vel scopulis relicta, & Sole decocta. Sunt & lacus, & flumina, & putei, è quibus hauritur. Dehinc in salinis ingestus Sole siccat, sed & flumina densantur in Sale, amne reliquo sub gelu fluente. Alibi quoque detractis arenis colligitur, crescens cum Luna noctibus: nam in Cyrenæa Ammoniacus sub arenis invenitur. ⁽¹¹⁾ Sunt & montes nativi salis, in quibus ferro cæditur, ut lapis renascens, tantæ alicubi duritiæ, ut muros, domosque massis salis faciant, sicūt in Arabia.

4 In natura quoque salis differentiæ sunt. Nam alibi suavis, alibi salissimus: commune sal in igne crepitat. Tragasæum nec crepitat igne; nec exilit. Agrigentinum Siciliæ flammæ

(1) Ur enim ignis est. Ita Hieronym. in Q. in Genes. cap. 11. Ur Chasdem, id est, in igne Chaldeorum.

(2) Hujus genera quatuor. è Plin. lib. 35. cap. 15. Ex quo quedam sunt à nobis restituta.

(3) Cap. II. Bitumen in Judæa. Locus ex Hegesipp. lib. 4. cap. 18.

(4) In Syria autem limus est. Plinius, & bituminis vicina natura est, alibi limus, alibi terra; limus è Judææ lacu, ut diximus emergens, terra in Syria circa Sidonem oppidum maritimum. Spissantur utraq; & in densitatem cœunt.

(5) Græci Pissasphalton, vel Asphaltopissam; ut quidem legitur apud Ixx. Exod. 2. in manus. Vatie. καὶ κηρίῳ ἐν αὐτῷ ἀσφαλτοπίσσῃ.

(6) Natura ejus ardens, c. i. c. Hac non de bitumine, sed de naphtha Plinius, & fortasse aliena sunt.

(7) Et nequaquam ferro rump. Hegesipp. Hæere sibi fertur bitumen, ut ferro haud quaquam, vel aliqua præacuta metalli specie recidatur, &c.

(8) Est autem salsugo terr. Plin. 35. cap. 15.

(9) Fugit n. ignem. Ex eod. lib. 31. cap. 9.

(10) Nam ex aq. mar. Ex cap. 7.

(11) Sunt, & montes nativi. Ex eodem cap. Sustulimus hinc vocem majus, qua sola ex integra Plinii sententia de Vitiagilibus, vel remanserat, vel irreperat.

mæ patiens in aqua exilit, in igne fluit contra naturam.

5 Sunt & colorum differentiæ. Memphiticus rufus est, in parte quadam Siciliæ⁽¹⁾ purpureus, ubi Ætna mons est. Item in eadem Sicilia in Pachyno adeò splendidus, & lucidus, ut imagines reddat. In Capadocia crocinus effoditur.

6 Salis natura necessaria est ad omnem escam.

7 Pulmentis enim saporem dat, excitat aviditatem, & appetitum in omnibus cibis facit. Ex eo quippè omnis victus delectatio, & summa hilaritas. Hinc & salus nomen accepisse putatur.⁽²⁾ Nihil enim utilius sale, & Sole. Deniquè cornea videmus corpora nauticorum. Quin etiam pecudes, armenta, & iumenta sale maximè provocantur ad pastum: ⁽³⁾ multò largiores lacte, multòque gratiores casei dote. Corpora etiam sal astringit, siccatur, & alligat. Defuncta etiam à putrescendi labe vindicat, ut durent.

8 ⁽⁴⁾ Nitrum à loco sumpsit vocabulum. Nascitur enim in Oppido, vel Regione Ægypti Nitria, ex quo & medicinæ fiunt, & sordes corporum, vestiumque lavantur. Hujus natura non multum à sale distat. Habet enim virtutem salis, & similiter oritur canescentibus siccitate litioribus.

9 Aphronitrum Græcè, Latine spuma nitri est, ⁽⁵⁾ de quo quidam ait. Rusticus es, nescis quid Græco

nomine dicar. Spuma vocor nitri Græcus es Aphronitrum. Colligitur autem in Asia, in speluncis distillans, dehinc siccatur Sole. Optimum putatur, si minimè fuerit ponderosum, & maximè friabile, colore penè purpureo.

10 Chalcantum dictum, quia Chalcitidis est thymum, id est, flos, unde & apud Latinos æris flos appellatur. Fit autem nunc multis in Regionibus: ⁽⁶⁾ olim in Hispaniæ puteis, vel stagnis id genus aquæ habentibus, quam decoquebant, & in piscinas ligneas fundebant, appendentes super eas restes, lapillis extentas, quibus limus in similitudinem ⁽⁷⁾ vitrei acini adhærebat: sicque ejectum siccabatur diebus xxx. Fit autem nunc alibi in speluncis, quod liquidè collectum dehinc diffusum in quosdam botros solidatur: fit & in scrobibus cavatis, quarum de lateribus decedentes guttæ coalescunt: fit & salis modo ex flagrantissimo Sole. Adeò autem constrictæ virtutis est, ut in Leonum, & Ursorum ora sparsum, ⁽⁸⁾ tantam vim habeat ad stringendum, ut non valeant mordere.

CAPUT III.

De Lapidibus vulgaribus.

1 **L**apis à terra tanquàm densior, etiam vulgò discernitur. Lapis autem dictus, quod lædat pedem. ⁽⁹⁾ Lapis mobilis est, & sparsus.

Ll 2

Sal-

(1) Purpureus, *Solin. cap. de Sicil.* Purpureum salem Ætna mittit.

(2) Nihil n. virilius, &c. *Ex cap. 9.*

(3) Multò larg. l. multoq. grat. *Ex cap. 7. Virgil. Georg. 3.* Hinc & amant Auvios magis, & magis ubera tendunt: Et salis ocellum referunt in lacte saporem.

(4) Nitrum. *è cap. 10. Sozomen. lib. 6. Eccles. Hist. cap. 30. de Scithi Regione Ægypti:* Istum locum appellant Nitriam. Propterea quod est pagus finitimus, in quo nitrum colligunt. Meminit quoque Nitria *Cassian. collat. 4. cap. 1. & Hieron. Prov. cap. 25.*

(5) De quo quidam. *Martial. apud quem:* Dicor, & Aphr.

(6) Olim in Hispania è put. *Ex Plin. lib. 34. cap. 12.*

(7) In similitudinem vitrei acin. *Ex eod.*

(8) Tantam autem vim. *Verba sunt Plinii ibid.*

(9) Cap. III. Lapis mobilis est. *Ità proculdubio legendum repugnantibus omnibus libris, non molis, sequitur enim, Saxa hærent.*

2 Saxa hærent, & à montibus exciduntur.

3 Petra Græcum est.

4 Silex est durus lapis, eo quòd exiliat ignis, ab eo dictus.

5 ⁽¹⁾ Scopulus à saxo eminenti, quasi à speculando dictus, sivè à tegumento navium, ἀπὸ τῆς σκέπης.

6 Spelæa Græcè, ⁽²⁾ spelunca Latinè. Est autem rupis cavata.

7 ⁽³⁾ Crepido extremitas saxi abrupti, undè & crepido vocata, quòd sit abrupti saxi altitudo.

8 Cautes aspera saxa in mari, dictæ à cavendo, quasi cautæ.

9 Murices petræ in littore, ⁽⁴⁾ similes Muricibus vivis acutissimæ, & navibus perniciosæ.

10 ⁽⁵⁾ Echo saxum est, quod humanæ vocis sonum captans, etiam verba loquentium imitatur. Echo ⁽⁶⁾ autem Græcè, Latinè imago vocatur, eo quòd ad vocem respondens alieni efficitur imago sermonis: licèt, hoc quidè, & locorum natura eveniat, ac plerumque convallium.

11 ⁽⁷⁾ Calculus est lapillus terræ admixtus, rotundus, atque durissimus, & ⁽⁸⁾ omni puritate lenissimus. Dictus autem calculus, quòd sine molestia brevitate sui calcetur: ⁽⁹⁾ cui contrarius est scrupus, lapillus minutus, & as-

per, qui si inciderit in calciamentum, nocet, & molestia est animo: undè & animi molestiam dicimus scrupulum, hinc & scrupæ saxa, id est, aspera.

12 ⁽¹⁰⁾ Cos nomen accepit, quòd ferrum ad incidendum acuat: Cotis enim Græco sermone incisio nominatur. Ex ⁽¹¹⁾ his aliæ aquariæ sunt: aliæ oleo indigent in acuendo, sed oleum lenem, aquæ aciem acerrimam reddunt.

13 ⁽¹²⁾ Pumex vocatur, eo quòd spumæ densitate concretus fiat, & est aridus, candore parvus, tantamque naturam refrigerandi habens, ut in vase missus, musta fervere desinant.

14 ⁽¹³⁾ Rudos Artifices appellant, lapides contusos, & calci admixtos, quos in pavimentis faciendis superfundunt, undè & rudera dicuntur.

15 Gypsum cognatum calci est, & est Græcum nomen, plura ejus genera. ⁽¹⁴⁾ Omnium autem optimum lapis specularis. Est enim signis ædificiorum, & coronis gratissimus.

16 ⁽¹⁵⁾ Calx viva dicta, quia dùm sit tactu frigida, intus occultum continet ignem. Undè & perfusa aqua statim latens ignis erumpit. Natura ejus mirum aliquid facit. Postquàm enim arserit, aquis incenditur, quibus solet ignis extingui: oleo extinguitur, quo

so-

(1) Scopulus à saxo enim, &c. Verba sunt Servii Æn. 1. ad illud. Scopuloque infixit ac.

(2) Spelunca Latinè, est autem rupis cav. Idem ad illud. Sub rupe cavata, periphrasis est (inquit) speluncæ.

(3) Crepido—quòd sit abrupti saxi altitudo. Verba sunt Servii Æn. 10. ad illud. Forte ratis celsi conjuncta crepidine saxi—qua præterea sequuntur in editis, non Isidori sunt, sed ejus qui plura, quàm oporteret, è Servio descripsit.

(4) Similis muricibus vivis. Serv. Æn. 5. ad v. Acuto murice remi, Murex saxi acumen emens per tranquillitatem, & Nonius.

(5) Echo saxum est. Fit quidem in saxis sapius echo, sed saxum ipsam diſſam nollem.

(6) Echo autem Græcè, Latinè imago. Non quòd ἠχώ Græca vox, Latinè sit imago, si verbum verbo reddat, sed quia Latini imaginem vocis appellant, quàm Græci vocant ἠχώ. Virg. Georg. 3. Aut ubi concava pulsu Saxa sonant, vocisque offensa resultat imago. Horatius: redderet laudes tibi Vaticani Montis imago, & alibi: cujus recinit jocosa nomen imago: ergo non rectè quidam sinuè edidere.

(7) Calculus est. Serv. ad v. Dumosis calculus arvis Georg. 2. Calculus est lapis brevis terræ admixtus. Dictus calculus, quòd sine molestia sui brevitate calcetur.

(8) Et omni puritate lenissimus. f. Et omni parte lævissimus. Idem inf. lib. 18. cap. 62. Calculi vocati, quòd leves sint, & rotundi.

(9) Cui contrarius scrupul. Vid. Serv. ad—Scrupæ tuta lacu, Æn. 6.

(10) Cos. Vid. sup.

(11) Ex his aliæ aq. &c. Ex Plin. lib. 36. cap. 2.

(12) Pumex. Ex eod. cap. 21.

(13) Rudos. Ead. lib. 19. cap. 10. Vid. Vitruv. lib. 7. cap. 1. & Pallad. lib. 1. cap. 6.

(14) Omnium autem opt. lap. specul. & Plin. lib. 39. cap. 24.

(15) Calx viva. Hac & qua restant omnia repetuntur lib. 19. cap. 10.

solet ignis accendi. Usus ejus structuris fabricæ necessarius. ⁽¹⁾ Nam lapis lapidi non potest adhærere fortiùs, nisi calce conjunctus. ⁽²⁾ Calx è lapide albo, & duro melior structuræ: ex molli, utilis tectoriis.

17 ⁽³⁾ Arena ab ariditate dicta, non ab adhærendo in fabricis, ut volunt quidam. ⁽⁴⁾ Hujus probatio, si manu impressa stridat, aut si in vestem candidam sparsa, nihil sordis relinquat.

CAPUT IV.

De Lapidibus Insignioribus.

1 **M**agnes ⁽⁵⁾ lapis Indicus ab Inventore vocatus. Fuit autem in India ita primùm repertus: clavis crepidarum, baculique cuspidi hærens, cum armenta idem Magnes pasceret, postea & passim inventus. Est autem colore ferrugineus, sed probatur cum ferro adjunctus ejus fecerit raptum. ⁽⁶⁾ Nam adeò apprehendit ferrum, ut catenam faciat annulorum. Undè & eum vulgus ferrum vivum appellat. Liquorem quoque vitri, ut ferrum, trahere creditur, cujus tanta vis est, ⁽⁷⁾ ut refert Beatissimus Augustinus) quod quidam eundem Mag-

netem lapidem tenuerit sub vase argenteo, ferrumque super argentum posuerit: deindè subtermoveante manu cum lapide ferrum cursim desuper movebatur. ⁽⁸⁾ Undè factum est, ut in quodam Templo simulacrum ex ferro pendere in aère videretur. ⁽⁹⁾ Est quippè alius in Æthiopia Magnes, qui ferrum omne abigit, respuitque.

2 ⁽¹⁰⁾ Omnis autem Magnes tantò melior est, quantò magis cæruleus.

3 ⁽¹¹⁾ Gagates lapis primùm inventus est in Cilicia, Gagatis fluminis fluore rejectus. Undè & nominatus, licèt in Britannia sit plurimus. Est autem ⁽¹²⁾ niger, planus, lenis, & ardens igni admotus. ⁽¹³⁾ Fictilia ex eo scripta non delentur, incensus serpentes fugat, dæmoniacos prodit, virginitem deprehendit: mirum quia accenditur aqua, oleo restinguitur.

4 ⁽¹⁴⁾ Asbestos Arcadiæ lapis, ferrei coloris, ab igne nomen sortitus, eò quòd accensus semel nunquam extinguitur. De quo lapide mechanicum aliquid ars humana molita est, quod Gentiles capri sacrilegio mirarentur. Deniquè in Templo quodam fuisse Veneris fanum, (dicunt) ibique candelabrum, & in eo lucernam sub divo

Ll 3

sic

(1) Nam lapis lapidi non potest adhærere conjunctus. Ex Aug. lib. 5. de Civit. cap. 27.

(2) Calx è lapide albo. Plin. lib. 36. cap. 25. Pallad. lib. 1. cap. 10. Vitruv. lib. 2. cap. 5.

(3) Arena ab arid. Serv. Æn. 1. ad 4. Potiuntur Troes arena: Queritur, inquit, habeat ne hoc nomen aspirationem, & Varro sic definit, si ab ariditate dicitur, non habet, si ab hærendo, ut in fabricis videmus, habet: melior tamen est superior etymologia. Contra Charesius: Harena dicitur, quod hæreat; & arena quod areat, gratus tamen cum aspiratione sonat.

(4) Hujus probatio, si manu comp. è Pallad. lib. 1. cap. 10.

(5) Cap. IV. Magnes lapis Indicus. Plin. lib. 36. cap. 16. Magnes appellatus est ab inventore, ut Auctor est Nican- der, in Ida repertus, &c. Qua lectio si vera est, & vox Indicus expungenda erit, & Ida, non India, deindè scribere oportebit. Sed quoniam illa de Magnete Nicandri carmina non extant, & varietas etiam in Plinii Codicibus est, ut Hermolaus aduertit, nihil mutandum duximus: non quin Ida magis probemus. (nam & fabula pastoralis aptior est Ida) Sed quia India legisse Isidorum apud Plinium credimus. Quod verò Serapion Arabs, & Marbodæus Poeta Gallus Indicum lapidem Magnetem vocent, haud magni refert. Lucretio etiam, quàm Nicandro de Etymologia magis assentior ita scribenti: Magneta vocant patrio de nomine Graii, Magnetum, quia sit patris in finibus ortus.

(6) Nam adeò apprehendit ferrum, ut anul. cat. Ex Aug. 21. de Civit. cap. 4. & Plin. lib. 34. cap. 14.

(7) Ut refert Beatiss. Aug. lib. 1.

(8) Undè factum est, ut in Templo q. Idem cap. 6. & Ruffin. Eccles. Hist. lib. 11. & Plin. ibid. & Suid. in-μαγνῆτι.

(9) Est quippè alius in Æthiop. Ex Plin. 36. cap. 16.

(10) Omnis autem magnes. Ex Dioscorid. lib. 5. cap. 148.

(11) Gagates in Cilicia. Diosc. lib. 5. cap. 146. γαγάται ἢ ἐν κηλικίᾳ κατὰ τὴν ἀπὸ τοῦ Ἰσχυρίου εἰς θάλασσαν ἐκχέ- ρου, ἢ ἐν πλωρίῳ τῆς Ἀφρικανικῆς πύλης. Καλεῖται δὲ ὁ ὄψις, ὃ ἐν ποταμῷ γάγας. Plinius tamen lib. 36.

(12) Gagates lapis nomen habet loci, & amnis Gagis Lyciæ.

(13) Niger planus, & λευκός videtur legisse Plinius apud Dioscoridem, πῦρς πλατύς legitur, id est, crustaceus.

(14) Fictilia, &c. Ex Plin. ibid.

(15) Asbestos. Ex Aug. lib. 21. cap. 5. & 6.

sic ardentem, ut eam nulla tempestas, nullus imber extinguere.

5 ⁽¹⁾ Pyrites Persicus lapis, fulvus, aëris simulans qualitatem, cujus plurimus ignis: siquidem facile scintillas emittit: hic tenentis manum, si vehementius prematur, adurit, propter quod ab igne nomen accepit. ⁽²⁾ Est alius Pyrites vulgaris, quem vivum lapidem appellant, qui ferro, vel lapide percussus scintillas emittit, quæ excipiuntur sulphure, vel aridis fungis, vel foliis, & dicto celerius præbet ignem. Hunc vulgus focarem petram vocat.

6 ⁽³⁾ Selenites Latinè Lunaris interpretatur, eo quod interiorem ejus candorem cum Luna crescere, atque deficere ajunt. Gignitur in Perside.

7 ⁽⁴⁾ Dionysias lapis fuscus, & rubentibus notis sparsus. Vocatur autem ita, quia si aquæ mixtus coneratur, vinum flagrat: & quod in illo ardore mirum est, ebrietati resistit.

8 ⁽⁵⁾ Thracius niger, & sonorus, nascitur in flumine, cujus nomen est Pontus in Equitia.

9 ⁽⁶⁾ Phrygius lapis, ex loco traxit vocabulum. Nascitur enim in Phrygia, colore pallidus, mediocriter gravis. Est autem gleba pumicosa. Uritur antea vino perfusus, flatusque

folibus donèc rubescat: ac rursus dulci vino extinguitur, trinis vicibus, tingendis tantum vestibus utilis.

10 ⁽⁷⁾ Syrius lapis à Syria, ubi reperitur, appellatur: hic integer fluctuari traditur, comminutus mergi.

11 ⁽⁸⁾ Arabicus similis est ebori sine ulla macula. Hic defricatus ad cotem, succum dimittit croco similem.

12 ⁽⁹⁾ Judaicus lapis albus est, atque in schemate glandis scripturis sub invicem modulatus, quas Græci γλαυμάς appellant.

13 ⁽¹⁰⁾ Samius à Samo Insula, ubi reperitur, vocatus & est gravis, & candidus, poliendo utilis.

14 ⁽¹¹⁾ Memphitis vocatus à loco Ægypti, & est gemmantis naturæ. Hic trius, atque in iis, quæ urenda, & secanda sunt ex aceto illitus, ita obtupescere facit corpus, ut non sentiat cruciatum.

15 ⁽¹²⁾ Sarcophagus lapis dictus, eo quod corpora defunctorum condita in eo infra quadraginta dies absumuntur, σάρξ enim Græcè caro dicitur, φάγειν comedere. ⁽¹³⁾ Nascitur autem in Troade, fissilique vena scinditur. Sunt & ejusdem generis in Oriente saxa, quæ etiam viventibus alligata erodunt corpora.

He-

(1) Pyrites. Ex eod. cap. 5.

(2) Est & alius Pyrites vulgar. Ex Plin. 36. cap. 16.

(3) Selenites. Ex August. ibid.

(4) Dionysias. Ead. inf. cap. 11. ex Solin. cap. 50. & Plin. 37. ca.

(5) Thracius—in Equitia. Sic o. l. sed Scythia credo legendum: ita n. de eo Dioscorides lib. 5. γυνᾶται μὲν ἐν ἐκλίτῃ ἐν ποταμῷ λεγομένῳ πόντῳ. Nam quod Equitia παρ' Ἰσίδῳ sit, de qua Strab. lib. 11. non satis placet.

(6) Phrygius lapis. Ex Plin. 36. cap. 19.

(7) Syrius lapis. Ex Plin. 36. cap. 17. Sed quod apud eum à Scyro Insula vulgò legitur, advertendum, Syro quoque in manuscript. Plinianis Codicibus reperiri.

(8) Arabicus similis est ebóri sin. ull. mac. Ex Dioscorid. lib. 5. 149. Sed verba sumpta sunt à Plin. qui lib. 36. cap. 21. Arabus (inquit) lapis ebóri similis. Et cap. 20. de Hamatite tertium genus Arabioi facit, simili duritie vix reddentis succum ad cotem aquariam aliquando croco similem. Et posterior hac pars addita ex margine videbatur Chaconi, tam hoc loco, quam sequenti capite.

(9) Judaicus lapis. Dioscorides lib. cap. 155. ὃ δὲ ἰσραὴνικὸς λίθος γυνᾶται μὲν ἐν τῇ ἰσραὴλ τῷ σχήματι βασιλεῖδ' αὐτῶν, ὑποφύων ἰκανῶς, ἵσχυον καὶ γραμμὰς παραλλήλας ὡς ἀπὸ τόξου. Verba autem Isidori à veteri illius interprete sunt, apud quem pro scripturis, scriptulis legebat Chacon, sic enim γραμμὰς interpretabantur antiqui, quod verò modulatis idem versit ὡς ἀπὸ τόξου legisse videtur.

(10) Samius. Ex Plin. 36. cap. 21. & Dioscorid. 5. cap. 173.

(11) Memphitis. Ex Plin. lib. 36. cap. 7. & Diosc. cap. 158.

(12) Sarcophagus. Plin. 36. cap. 17.

(13) Nascitur autem in Troad. Ex Plin. ibid. Quæ autem post vocem corpora in plerisque omnibus libris sequuntur, maiores autem servandis corporibus, nec ab sumendis; relicta expunctis Vulcanius, sunt n. Plinii verba non jam de Sarcophago, sed de Chemit loquentis.

16 ⁽¹⁾ Hæmathites appellatus, eo quod cote resolutus, in colorem veniat sanguinis. Est autem admodum lividus. Est & ferrugineus. Nascitur in ultima Ægypto Babylonia, & Hispania.

17 ⁽²⁾ Androdamas colore niger, pondere, & duritia insignis, undè & nomen traxit: præcipuus reperitur in Africa. Trahere autem in se argentum, vel æs dicitur, quique attritus, ut Hæmathites in colorem redigitur sanguinis.

18 ⁽³⁾ Schistos invenitur in ultima Hispania, croco similis, cum levi fulgore, facile friabilis.

19 ⁽⁴⁾ Amiantos appellatus à veteribus, eo quòd ⁽⁵⁾ si ex ipso vestis fuerit contexta contra ignem resistat, & igni imposita non ardeat, sed splendore accepto nitescat, & est scissi aluminis similis, veneficiis resistens omnibus, specialitèr Magorum.

20 ⁽⁶⁾ Ostracites similis est testæ laminosus scissibilis.

21 ⁽⁷⁾ Gallactites colore cinereus, gustu suavis, sed idè sic vocatus, quòd quidam de se lacteum attritus dimittat.

22 ⁽⁸⁾ Obsidius lapis niger, translucidus, & vitri habens similitudinem. Ponitur in speculis parietum propter

imaginum umbras reddendas. Gemmas multi ex eo faciunt, nascitur in India, & in Samnio Italiæ.

23 ⁽⁹⁾ Mitridax lapis Euphratis, Sole percussus coloribus micat variis.

24 ⁽¹⁰⁾ Æthitæ lapides reperiuntur in nidis aquilarium: ajunt binos inveniri, marem & fœminam, nèc sine iis parere aquilas. Horum masculus, durus, similis gallæ, subrutulus: fœmineus verò pusillus, ac mollis. ⁽¹¹⁾ Alligati partus celeritatem faciunt, etiam aliquid vulvæ excidunt, nisi citò parturientibus auferantur.

25 ⁽¹²⁾ Phengites Cappadociæ lapis, duritia marmoris candidus, atque translucens, ex quo quondam Templum constructum est à quodam Rege foribus aureis, quibus clausis claritas intus diurna erat.

26 ⁽¹³⁾ Chernites eboris similis, in quo Darium conditum ferunt: Parioque similis candore, & duritia, minus tamen ponderosus, qui Porus vocatur.

27 ⁽¹⁴⁾ Ostracites vocatus, quòd similitudinem testæ habeat usus ejus est pro pumice.

28 ⁽¹⁵⁾ Melitites lapis dictus, eo quòd melleum, & dulcem succum emittat.

29 ⁽¹⁶⁾ Smyris lapis asper, & indol-

(1) Hæmathites. Ex eod. cap. 20. & Dioscorid. Vidend. etiam Georg. Agricol. lib. 5. de Natura Fossilium.

(2) Androdamas. Ex Plin. 36. cap. 20.

(3) Schistos. è Dioscorid. lib. 5. cap. 145.

(4) Amiantos. Ex eod. cap. 156.

(5) Si vestis ex eo fuerit contexta. Al. contexta: sed contexta legendum ex Dioscorid. lib. 5. cap. 93.

(6) Ostracites s. c. t. l. s. Verba sunt Dioscorides lib. 5. cap. 156. ἰσχυρὸς ἐμὸς ἰσχυρὸς πλακίδιον, καὶ ὡς χίτης. Quod autem paullo post de Ostracite agit ex Plinio; mirum ni mendoso Dioscorides Codice nisi Batrachites hoc loco legit. qui autem Bostrychitem hic legi voluit, nugæ agunt.

(7) Gallactites. è Dioscor. cap. 50.

(8) Obsidius. è Plin. 36. cap. 26.

(9) Mitridax. è Solin. cap. 50. Idem à Plinio mitrax dicitur lib. 37. cap. 10. Collocatur autem ab Isidoro inf. cap. 10. Inter gemmas.

(10) Æthites. Ex Plin. 36. cap. 21.

(11) Alligati partus celeritatem. Plinii verba referemus, si quis hac forè ex illo sarcinae ea sunt. Æthitæ oēs gravidis ad alligati mulieribus, vel quadrupedibus in pelliculis sacrificatorum animalium, continent partus; non nisi parturiant, removendi, alioqui vulvæ excidunt. Sed nisi parturientibus auferantur, omnino non pariunt. Nos Gotth. Codicum scripturam representavimus.

(12) Phengites. Ex eod. cap. 22.

(13) Chernites. Ex eod. cap. 17. vid. Theoph. lib. de Lapidibus.

(14) Ostracites. Ex eod. cap. 19.

(15) Melitites. Ex eod. cap. 19. & Diosc. cap. 151.

(16) Smyris--gemmæ teruntur. Tunduntur Gotth.

domitus, & omnia atterens, ex quo gemmæ teruntur.

30 ⁽¹⁾ Chrysites colore similis ochræ invenitur in Ægypto.

31 ⁽²⁾ Hammites similis nitro, sed durior gignitur in Ægypto, & Arabia.

32 ⁽³⁾ Thyites nascitur in Æthiopia velut viridis, sed lacteus, cum resolvitur remordens vehementer.

33 ⁽⁴⁾ Coranus albus est, duriorque Pario.

34 ⁽⁵⁾ Molotius veluti viridis, & grandis invenitur in Ægypto.

35 ⁽⁶⁾ Tusculanus à loco Italiæ dictus, dissilire igne traditur.

36 ⁽⁷⁾ Sabinus fuscus, addito oleo, etiam lucere fertur. ⁽⁸⁾ Est & quidam viridis lapis vehementer igni resistens.

37 Siphinius mollis, & candidus, excalectus oleo nigrescit, atque durrescit.

38 ⁽⁹⁾ Lapidis, quoque medicinalium mortariorum, & pigmentorum usibus apti. Ephesus præcipuus, & inde Chalazius.

39 Thebaicus quoque, & Basanites lapides nihil ex sese remittentes.

40 Specularis lapis vocatus est, quod vitri more transluceat, reperiuntur primum in Hispania citeriore, & circa Segobricam Urbem. Invenitur enim sub terra, & effossus exciditur,

atque finditur in quamlibet tenues crustas.

CAPUT V.

De Marmoribus.

1 **P**ost lapidum ⁽¹⁰⁾ genera venimus ad Marmora. Nam inter lapides, & Marmora differentia est. Nam Marmora dicuntur eximii lapides, qui maculis, & coloribus commendantur. Marmor sermo Græcus est à viriditate vocatus, & quamvis postea, & alii colores inveniantur: nomen tamen pristinum à viriditate retinuerunt.

2 ⁽¹¹⁾ Marmorum colores, & genera innumerabilia sunt. Non tamen omnia è rupibus exciduntur, sed multa sub terra sparsa sunt, & pretiosissimi generis: sicut Lacedæmonium viride, cunctis hilarius, repertum prius apud Lacedæmones, undè & vocabulum traxit.

3 Ophites serpentium maculis simile est, undè & vocabulum sumpsit, duo ejus genera, molle candidum, nigrum durum.

4 Augustæum, & Tiberium in Ægypto Augusti, & Tiberii primum Principatu reperta sunt. Differentia eorum est ab Ophite, cum illud, ut prædiximus, serpentium maculis sit simile. Hæc maculas diverso modo colligunt: nam Augustæum undatim

(1) Chrysites colore similis Ochre. Ità legendum etiam apud Plin. 37. cap. 10. Porro Ochra Attica meminit Dioscorides lib. 5. cap. 62.

(2) Hammites. Ex eod. Plin. lib. 27. cap. 10.

(3) Thyites gignitur in Æthiopia. Præclarè hunc locum restituit Chacon ex Diosc. lib. 5. cap. 154. Cujus verba appensisse sufficit: λίθος ὁ καλεῖται θύιτος γινέται μὲν ἐν τῇ Ἀιθιοπία· ἔστι δὲ ἀπόχλωρος, λευκῶς, ἐν δὲ τῇ Ἀιθιοπία γαλακταδὺς φανερώνεται, ἀνὰ δὲ τὸν αἰῶνα. Gothicorum autem librorum scriptura hæc est. Vi gignitur in Æth.

(4) Coranus albus est, duriorque Pario. Plin. lib. 36. cap. 18. E diverso albos Coranos, durioresque Pario. Ità n. legendum Plinii locum, & meliores Codices ostendunt, & hæc Isidori verba satis confirmant.

(5) Molotius. Ità VV. CC. Sed Morochthius puto scribendum ex Diosc.

(6) Tusculanus. Ex Plin. 36. cap. 18.

(7) Sabinus. Ex Plin. ibid. Neque est cur Corrector quisquam Gabinum hic pro Sabino à Tacito substituat, propter sequentia verba, quæ sumpta quoque sunt à Plinio, neque de Gabino, aut etiam Sabino lapide dicta.

(8) Est & quidam virid. lap. Ex eod. cap. 22.

(9) Lapidis quoque medicinal. mortarior. Ephes. Chalazius--Thebaicus--Basanites--Specularis. Omnia ex eod. cap. Capiti sumpta.

(10) Cap. V. Post lapidum col. Ex Plinii lib. 36. à cap. 5. usque ad 8.

(11) Marmorum colores, & gen. Ex cap. 7.

dim est crispum in vertices, Tiberium sparsa, non convoluta canitie.

5 Porphyrites ex Ægypto est, rubens candidis intervenientibus punctis. Nominis ejus causa, quod rubeat, ut purpura.

6 ⁽¹⁾ Basaltes ferrei coloris, sive duritiæ. Unde & nomen ei datum est, inventus in Ægypto, & Æthiopia.

7 ⁽²⁾ Alabastrites lapis candidus, interstinctus variis coloribus, ex quo Evangelici illius unguenti vasculum fuit. Cavant enim hunc ad vasa unguentaria, quoniam optimè servare incorrupta dicitur. Nascitur circa Thebas Ægyptias, & Damascum Syriæ cæteris candidior: probatissimus verò in India.

8 ⁽³⁾ Parius candoris eximii, Lychnites cognomento: hic apud Paron Insulam nascitur, unde & Parius nuncupatus. ⁽⁴⁾ Lygdinus magnitudine, quæ lances, craterasque non excedat, unguentis & ipse aptus.

9 ⁽⁵⁾ Coraliticus in Asia repertus, mensura non ultra cubitos binos, candore proximo ebori quadam similitudine. E diverso niger. Alabandicus terræ suæ nomine nuncupatus, purpuræ aspectu similis. Iste in Oriente igni liquatur, atque ad usum vitri funditur.

10 ⁽⁶⁾ Thebaicus interstinctus autem guttis invenitur in parte Africæ Ægypto adscripta, coticulis ad terenda collyria quadam utilitate naturali conveniens.

11 Syenites circa Syenem, vel Thebas nascitur: trabes ex eo fecere Reges.

12 Marmora autem, quæ in officinis sunt, rupibus gignuntur, ⁽⁷⁾ ex quibus Thasius diversis coloris maculis distinctus est, cujus primum usum Insulæ Cyclades dederunt.

13 ⁽⁸⁾ Lesbios lividior est paullò hoc, sed & ipse diversi coloris maculas habens.

14 Corinthæus, Ammoniacæ guttæ similis cum varietate diversorum colorum, Corintho primum repertus: ex eo columnæ ingentes, liminaque fiunt, ac trabes.

15 Carystium viride, optimum nomen ab aspectu habens, eo quod gratum sit iis, qui gemmas sculpunt: ejus enim viriditas reficit oculus.

16 ⁽⁹⁾ Numidicum marmor Numidia mittit, ad corem succum dimittit, croco similem: unde & nomen accepit, ⁽¹⁰⁾ non crustis, sed in massam, & liminum usum aptum

17 ⁽¹¹⁾ Lucullæum marmor nascitur in Chio Insula, cui Lucullus Consul nomen dedit, qui delectatus illo primum Romam invexit, solumque penè hoc marmor ab amatore nomen accepit.

18 ⁽¹²⁾ Est & Lunensis---

19 Tephria appellatur à colore cineris, cujus lapidis alligatio contra serpentes laudatur.

20 ⁽¹³⁾ Ebur à barro, id est, Elephant-

(1) Basaltes. Basantes libri o. sed Basaltes apud Plin. cujus sunt hæc verba, De Basanite superiori capite agit.

(2) Alabastrites. e cap. 8.

(3) Parius c. c. Lychnites cognom. d cap. 5.

(4) Lygdinus. e cap. 8. Nec male hunc locum à nobis restitutum putamus. Similitudo vocum lychnit, & lygdin. inspicitur utramque reddiderat. Ità alterutra tantum in Isidorianis libris remanserat, cum amba sint necessaria.

(5) Coraliticus. Ex eod. cap.

(6) Thebaic. Ex eod. vocem Africæ addimus prorsus necessariam.

(7) Ex quibus Thasius. Hanc lectionem veteres quoque libri confirmant, nam in plerisque Itasius, in aliis aperit legitur Thasius. Vid. Plin. cap. 6. qui locus medicina quoque eget.

(8) Lesbios livid. paul. Philostratus in lib. de Viris Sophist. de Lesbio lapide κατὰ φύσιν (inquit) ἰδίδεσθαι, καὶ μάλιστα.

(9) Numidicum--ad corem succ. dimitt. eroc. Expungebat hæc Chacon, item ut capite superiori.

(10) Non crustis, (tantum) sed in massam, & lim. usum apt. Vox tantum, quæ desiderabatur ex Plinio, ineptam sententiam reddebat, aptum etiam, quam aptum malim.

(11) Lucull--nascitur in Chio Insula. In Nili Insula Plinius.

(12) Est & Lunensis.--Lacuna est in melioribus lib. deinde Tephria diversum genus marmoris.

(13) Ebur à barro. e Serv. Æn. 1. v. Quale manus addunt ebori decus.

phante dictum. Horatius: Quid tibi vis mulier nigris dignissima barris?

CAPUT VI.

De Gemmis.

1 **P**ost marmorum genera Gemmæ sequuntur, quæ multum auro decorem tribuunt venustate colorum. (1) Primordia earum à rupe Caucasi. Fabulæ ferunt, Prometheum primum fragmentum saxi ejus inclusisse ferro, ac digito circumdeditis iisque initiis cœpisse anulum, atque gemmas.

2 Genera gemmarum innumeralia esse traduntur, è quibus nos ea tantum, quæ principalia sunt, sivè notissima annotabimus.

3 Gemmæ vocatæ, quod instar gummi transluceant.

4 Pretiosi lapides ideo dicti sunt, quia carè valent, sivè ut à vilibus discerni possint, seu quod rari sint. (2) Omne enim quod rarum est, magnum, & pretiosum vocatur, sicut & in Samuelis volumine legitur: Et sermo Domini pretiosus erat in Israël, hoc est, rarus.

CAPUT VII.

De Viridioribus Gemmis.

1 **O**mnium (3) gemmarum virentium Smaragdus principa-

tum habet, (4) cui veteres tertiam post Margaritas, & Uniones tribuunt dignitatem. Smaragdus à nimia viriditate vocatur. Omne enim (5) satis viride amarum dicitur. (6) Nullis enim gemmis, vel herbis major, quàm huic austeritas est. Nam herbas virentes, frondesque exuperat, inficiens circa se viriditate percussus aërem. Scalpentibus quoque gemmas nulla gravior oculorum refectio est. Cujus corpus si extentum fuerit, sicut speculum, ita imagines reddit. Quippè Nero Cæsar gladiatorum pugnas in Smaragdo spectabat. Genera ejus duodecim, sed nobiliores Scythici, qui in Scythica gente reperiuntur. Secundum locum tenent Bactriani. (7) Colliguntur enim in commissuris saxorum flante Aquilone, tunc enim tellure deoperta intermicant, quia iis ventis arenæ maximè moventur. Tertium Ægyptii habent. Reliqui in metallis ærariis inveniuntur, sed vitiosi. Nam aut ære, aut plumbo, aut capillamentis, vel salis similes notas habent.

2 Smaragdi autem mero, & viridi proficiunt oleo, (8) quamvis natura imbuantur.

3 Chalchosmaragdus dicta, quod viridis sit, & turbida æris venis. Hæc in Ægypto, vel Cypro Insula nascitur.

Præ-

(1) Cap. VI. Primord. ear. à rup. Caucas. Ex Prefatione Plinii in lib. 37.

(2) Omne enim quod rar. &c. Ex Hieronymo. in Is. cap. 13.

(3) Cap. VII. Omnium gemmar. Pleraque ex Plin. lib. 37.

(4) Cui veteres tertiam tribuunt dignitatem. Quin verba illa, quæ in omnib. libris legantur post margaritas, & uniones aliena sint, nemo dubitabit, qui quantum, & quicquid caput Plinii inspexerit, unde hæc sunt: Quid autem illum quisquis fuit, in errorem impulit haud obscurum est. Legerat videlicet cap. 35. lib. 9. apud Plinium hæc verba. Principium, culmenque omnium rerum pretii margaritæ tenent. In quibus uniones numerantur, locum unde hæc Isidorus habuit, ille non considerat: ita enim Plinius cap. 4. Maximum in reb. humanis, non solum inter gemmas pretium habet. Adamas, & in fine. Proximum apud nos Indicis, Arabicisque Margaritis pretium est, & initio cap. 5. Tertia auctoritas Smaragdus perhibetur.

(5) Satis viride amarum. Ita Gothici libri al. Smaragdum.

(6) Nullis n. gemmis, vel herbis major quam huic austeritas. Gemmis, vel herbis, abest ab omnibus Romanis libris. Porro sumi à coloribus, & Saporibus mutuo nomina satis constat, & Plin. lib. 33. cap. 6. In floridis, & anisotis calores dividit, nos quoque nostrum amarillo ab amaro, non alia ratione duximus.

(7) Colliguntur n. in commissuris saxorum. In commissuras legas oportet, si Plinium defensum vis, qui ex Theophrasti lib. de Lapidibus hæc vertit, δὴ καὶ οὕτως τὰ λίθονόδρα γίνονται. Quid autem λίθονόδρα sint, non est obscurum. Sed commissuris legit plane Solinus, qui: Alii (inquirit) minus nobiles in commissuris saxorum, vel in metallis ærariis apparent.

(8) Quamvis natura imbuantur. Verba sunt Solin. cap. 25. Eadem apertius Plin. Qui non omnino virides nascuntur, vino, & oleo meliores fiunt. Est itaque imbui, infici, apud Hor. Quo semel est imbuta recens servabit odorem Testa diu. Et Virg. Illius aram sæpe tener nostris ab ovilibus imbuet agnus.

4 Prasius pro viridanti colore dictus, sed vilis. Cujus alterum genus ⁽¹⁾ sanguineis punctis obhorret. Tertium distinctum virgulis tribus candidis.

5 Berillus in India gignitur, gentis suæ lingua nomen habens, viriditate similis Smaragdo, sed cum pallore. Politur autem ab Indis in sexangulas formas, ut hebetudo coloris repperussu angulorum excitetur. Aliter politus non habet fulgorem. Genera ejus novem.

6 Chrysoberyllus dictus, eo quod pallida ejus viriditas in aureum colorem resplendeat, & hunc India mittit.

7 ⁽²⁾ Chrysoprasius Indicus est, colore porri succum referens, aureis intervenientibus guttis, unde & nomen accepit, ⁽³⁾ quem quidam Beryllorum generi dicaverunt.

8 Jaspis de Græco in Latinum viridis gemma interpretatur. ⁽⁴⁾ Jas quippe viride, pina gemma dicitur. Est autem Smaragdo subsimilis, sed crassi coloris. Species ejus XVII.

9 ⁽⁵⁾ Volunt autem quidam Jaspidem gemmam, & gratiæ, & tutelæ esse gestantibus, quod credere non fidei, sed superstitionis est.

10 Topazion ex virenti genere est, omnique colore resplendens: inventa primum in Arabiæ Insula, in qua Troglodytæ prædones fame, & tempestate fessi, cum herbarum radices effoderent, eruerunt. Quæ Insu-

la post ea quæsita, nebulis cooperta, tandem à navigantibus inventa est. Sed ob hoc locus, & gemma nomen ex causa accepit. Nam *τοπαζιον* Troglodytarum lingua significationem habet quærendi. Est autem amplissima gemmarum, eadem sola nobilium limam sentit. Genera ejus duo.

11 ⁽⁶⁾ Callaica colore viridis, sed pallens, & nimis crassa, ⁽⁷⁾ nihil jucundius aurum decet, ⁽⁸⁾ unde & appellata. Nascitur in India, vel ⁽⁹⁾ Germania in rupibus gelidis, oculi modo extuberans.

12 ⁽¹⁰⁾ Molochites spissius virens, & crassius, quam Smaragdus, à colore malvæ nomen accepit, in reddendis laudata signis. Nascitur in Arabia.

13 ⁽¹¹⁾ Heliotropium viridi colore, & nubilo, Stellis puniceis super sparsa cum sanguineis venis. Causa nominis de effectu lapidis est. Nam dejecta in labris æneis radios Solis mutat sanguineo repperussu. Extra aquam autem speculi modo Solem accipit, deprehenditque defectus ejus, subeuntem Lunam ostendens. Magorum impudentiæ manifestissimum in hoc quoque exemplum est, quod admixta herba Heliotropio quibusdam additis precationibus, gerentem conspici negent. Gignitur in Cipro, & Africa, sed melior in Æthiopia.

14 ⁽¹²⁾ Sagda gemma prasini coloris apud Chaldaeos. Cujus tantavis est, ut permeantes naves è profundo

(1) Sanguineis punctis obhorret. Ex *Plin. cap. 8.*

(2) Chrysoprasius. Ex *eod. cap.*

(3) Quem quidam Beryllor. g. d. Ex *cap. 5.*

(4) Jas quippe viride, pina gemma dicitur. Hæc *Vulcanius* non habuit nobis retinuisse satis est. Scio *νίβω* Græcis esse *Gemma*. De *Jas* quærendum.

(5) Volunt autem quidam, *Vid. Plin. cap. 9.*

(6) Callaica. *Callais. Plin. & Solin.*

(7) Nihil jucundius aurum decet. *è Solin. 33.*

(8) Unde & appellata. *Quia καλὸς pulchrum.*

(9) Germania. *Ita Solin. Carmania Plinius.*

(10) Molochites. Ex *Plin. cap. 8. & Solin. cap. 35.*

(11) Heliotrop. Ex *cap. 10.*

(12) Sagda. Ex *eod. cap. & Solin. 50.*

do petat, & carinis ita tenaciter adhæreat, ut nisi abrasa parte ligni, vix separetur.

15 ⁽¹⁾ Myrrhites dicta est, quòd in eo myrrhæ color est. Compressus autem usque ad calorem, nardi spirat suavitatem. ⁽²⁾ Aromatites reperitur in Arabia, vel Ægypto myrrhæ coloris, & odoris, undè & nomen habet.

16 ⁽³⁾ Melichloros, bicolor ex una parte viridis, ex altera melli similis.

17 ⁽⁴⁾ Choaspites à flumine Persarum dicta est ex viridi fulgoris aurei.

CAPUT VIII.

De Rubris Gemmis.

1 **C**Orallium ⁽⁵⁾ gignitur in mari, forma ramosum, colore viride, & maximè rubens: ⁽⁶⁾ venæ ejus candidæ sub aqua, & molles, detractæ confestim durantur, & rubescunt, tactuque protinus lapidescunt. Itaque occupari, evellique retibus solet, aut acri ferramento præcidi, qua de causa corallium vocatur. Quantum autem apud nos Margaritum Indicum pretiosum est, tantum apud Indos Corallium. ⁽⁷⁾ Hunc Magi fulminibus resistere affirmant, si creditur.

2 ⁽⁸⁾ Sardius dicta, eò quòd primum reperta sit à Sardibus: hæc rubrum habet colorem marmoribus præstans, sed inter gemmas vilissima. Genera ejus quinque.

3 ⁽⁹⁾ Onyx appellata, quòd habet in se permixtum candorem in similitudinem unguis humani. Græci enim unguem *ὄνυχα* dicunt. Hanc India, vel Arabia gignit, distant autem invicem. Nam Indica igniculos habet albis cingentibus zonis: Arabica autem nigra est cum candidis zonis: genera ejus quinque.

4 Sardonyx ex duorum nominum societate vocata est. Est enim ex Onychis candore, & Sardo. Constat autem tribus coloribus: subterius nigro, medio candida, superius mineo. Hæc sola in signando nihil ceræ evellit. Reperitur autem apud Indos, & Arabes detecta torrentibus. Genera ejus quinque.

5 ⁽¹⁰⁾ Hæmatites rubore sanguineus, ac propterea Hæmatites vocatur, *αἷμα* quippè sanguis est. Gignitur in Æthiopia quidam principalis, sed & in Arabia, & in Africa invenitur. De qua promittunt Magi quiddam ad coarguendas barbarorum insidias.

6 ⁽¹¹⁾ Succinus, quem appellant Græci Electrum fulvi, cereique coloris, fertur arboris succus esse, & ob id Succinum appellari. Electrum autem vocari fabulosa argumentatio dedit. Namque Phaëtonte fulminis ictu interempto, sorores ejus lectu mutatas in arbores Populos, lacrymis Electrum omnibus annis fundere juxta Eridanum, amnem, & Electrum appellatum, ⁽¹²⁾ quoniam Sol voca-

(1) Myrrhites. Ex Solin. cap. 40. & Plin. *ibid.*

(2) Aromatites rep. Ex *eod. Plin. c.*

(3) Melichloros. Ex cap. 11.

(4) Choaspites. Ex cap. 10.

(5) Cap. VIII. Corallium—vocatur. *Corallium perpetuo apud Plinium, ut etiam apud Theophr. sunt autem hæc ex lib. 31. cap. 2.*

(6) Venæ ejus candidæ. Sic veteres libri, al. Baccæ, ut Plin.

(7) Hunc Magi fulminibus. Repetuntur hæc cap. 14. Plin. 37. cap. 10. Gorgonia nihil aliud est, quàm corallium, 20^a minis causa, quod in duritiam lapidis mutatur, emollit maria fulminibus, & Typhoni resistere affirmant.

(8) Sardius dict. Ex 37. cap. 7.

(9) Onyx. Ex cap. 6.

(10) Hæmatites. Ex cap. 10.

(11) Succinus. Ex cap. 2.

(12) Quoniam Sol vocitatus sit Elector. *Homerus 12. Z. ὃς ὕδρ' ἀπὸ πρὶν μὲν πάρι κατὰ πύργων ἄκρως πύχιστοι παμφαίνων, ὡς ὀλέκτωρ, ἰβρίβηκε.*

citatus sit Elector, ut plurimi Poëtae dixerunt. Constat autem eum non esse succum populi, sed pineæ arboris. Nam accensus tedæ nidore fragrat. Nascitur autem in Insulis Oceani Septemtrionalis sicut gummi, densaturque ut crystallum ⁽¹⁾ rigore, vel tepore. Ex ea fiunt decoris gratia agrestium fœminarum monilia, vocari autem à quibusdam harpaga, eo quod attritu digitorum, accepta caloris anima, folia, paleasque, & vestium fimbrias rapiat, sicut Magnes ferum. ⁽²⁾ Quocumque autem modo libeat, tingitur. Nam Anchusæ radice Conchylioque inficitur.

7 ⁽³⁾ Lyncurius vocatus, quod fiat ex urina lyncis bestię tempore indurata. Est autem sicut & Succinum, fulva, attrahens spiritu folia propinquantia.

CAPUT IX.

De Purpureis.

1 **I**nter purpureas gemmas Principatum Amethystus Indicus tenet. ⁽⁴⁾ Amethystus purpureus est permixto violaceo colore, & quasi rosæ nitore, lenitèr quasdam flammulas fundens. Alterum ejus genus descendit ad Hyacinthos. Causam nominis ejus afferunt, quia sit quidam in purpura illius non ex toto igneum, sed vini colorem habens. Est autem sculpturis facilis: genera ejus quinque.

2 Saphirus cæruleus est cum purpura, habens pulveres aureos sparsos, apud Medos optimus, nusquam tamen perlucidus.

3 ⁽⁵⁾ Hyacinthus ex nominis sui flore vocatur. Hic in Æthiopia invenitur, cæruleum colorem habens. Optimus qui nec rarus est, nec densitate obtusus, sed ex utroque temperamento luce, purpuraque refulgens. Hic autem non rutilat æqualitèr, sereno enim perspicuus est, atque gratus, nubilo coram oculis evanescit, atque marcescit, in os missus frigidus est, in sculpturis durissimus, nec tamen invictus, nam adamante scribitur, & signatur.

4 Hyacinthizon Indicus est Hyacinthum propè referens. ⁽⁶⁾ Quidam autem eorum crystallis similes, capillamentis intercurrentibus obscurantur, ex quo etiam vitio nomen illorum est.

5 Amethystizon appellatur, quia ejus extremus igniculus in Amethysti violam exit.

6 ⁽⁷⁾ Chelidonia ex hirundinum colore vocata, & duorum est generum, quarum una ex altera parte purpurea pura, & altera purpurea nigris intervenientibus maculis.

7 ⁽⁸⁾ Cyanea Scythiæ gemma, cæruleo coruscans nitore, pura interdum, & punctulis intermicantibus auratis pulvisculis varians.

8 Rhodites rosea est, & ex eo nomen accepit.

CAPUT X.

De Candidis.

1 **M**argarita, ⁽⁹⁾ prima candidarum gemmarum, quam
Mm in-

(1) Rigore, vel tepore. Plinius tepore autumnali. Eodem modo legendum apud Solinum non tempore autumnali cap- tendit Hermolaus Barbarus.

(2) Quocumque autem modo libeat, tingitur, &c. Ex cap. 3.

(3) Lyncurius. Ex cap. 1. & Solin. cap. 8.

(4) Cap. IX. Amethystus. Ex Plin. 37. cap. 4.

(5) Hyacinthus. Solin. cap. 33.

(6) Quidam autem eorum. Ex cap. 53.

(7) Chelidonia. Ex Plin. cap. 10.

(8) Cyanea. Ex Solin. cap. 20. & Plin. cap. 9.

(9) Cap. X. Margarita. Ex Plinio lib. 9. cap. 35. & lib. 37. cap. 9. 10. & 11. & Solin. cap. 50.

indè margaritam ajunt vocatam, quòd in conchulis maris hoc genus lapidum inveniatur. Inest enim in carne Cochleæ calculus natus, sicut in cerebro piscis lapillus. Gignitur autem de cœlesti rore, quem certo anni tempore Cochleæ hauriunt. Ex quibus margaritis quædam uniones vocantur: aptum nomen habentes, quod tantum unus, nunquam duo, vel plures simul reperiantur. Meliores autem candidæ margaritæ, quàm quæ flavescunt. Illas enim aut juvenus, aut matutini roris conceptio reddit candidas: has senectus, vel vespertinus aer gignit obscuras.

2 Pæderos, secunda post Margaritam candidarum gemmarum, de qua queritur in quo colore numerari debeat, toties jactati per alienas pulchritudines nominis, adeò ut decoris prerogativa vocabulo facta sit.

3 Asterites candida est, inclusam lucem continens, veluti stellam intus ambulantem, redditque Solis candicantis radios, undè & nomen invenit.

4 Galactites lactea est, quæ attrita reddit succum album ad lactis saporem, fœminis nutrientibus illigata fœcundat ubera. Infantium quoque collo suspensa, salivam facere fertur, in ore autem liquescere, & memoriam adimere. Mittunt eam Nilus, & Achelous amnes. Sunt, qui Smaragdum albis venis circumligatum Galactiten vocant.

5 Chalazias grandinis & candorem præfert, & figuram, duritie quo-

què invicta, ut Adamas: etiam in igne positæ manet suum frigus.

6 Solis gemma candida est, traxitque nomen, quòd ad speciem Solis in Orbem fulgentes spargit radios.

7 Selenites translucet candido, melleoque fulgore, continens Lunæ imaginem, quam juxta cursum astri ipsius perhibent in dies singulos minui, atque augeri. ⁽¹⁾ Nascitur in Perside.

8 Cynædia invenitur in cerebro piscis ejusdem nominis, candida & oblonga. Præsagire iis ferunt Magi signa tranquillitatis, vel tempestatis.

9 Belioculus albicans pupillam cingit nigram medio aureo fulgore lucentem. Hæc propter speciem Assyriorum Regi Belo dicata, undè & appellata.

10 Epimelas dicitur, cum in candida gemma supernè nigricat color, undè & nomen habet.

11 Exhebenus speciosa, & candida, qua Aurifices aurum poliunt.

CAPUT XI.

De Nigris.

1 **A** Chates ⁽¹⁾ reperta primùm in Sicilia juxta flumen ejusdem nominis, postea ⁽²⁾ plurimis in terris. Est autem Nigra habens in medio circulos Nigros, & albos junctos, & variatos, similis Hæmatiti. Magi suffitu earum, si creditur, tempestates avertunt, flumina sistunt.

2 Apsyctos nigra, & ponderosa, distincta venis rubentibus. Hæc excalefacta igni septem diebus calorem tenet.

Ægyp-

(1) Nascitur in Perside. *Plin. verò cap. 10. Nascique putatur in Arabia.*

(2) Cap. XI. Achates. *Ex Plin. 37. cap. 10. & 11. & Solin. cap. 50.*

(3) Plurimis in locis. *Quam multa Isidoro accesserint ex posteris, vel præposteris potius auctoribus hic locus satis ostendit. Cum enim ea, qua in omnibus libris, post hæc verba sequuntur. Est autem nigra, habens in medio circulos nigros, & albos, junctos, & variatos similis Hæmatiti. Nequè apud Plinium, nequè apud Solinum reperiremus, nequè Achates plane convenirent, incidit tandem Chacon in veteres quasdam glossas non admodum sanè bellas, in quibus ita erat: Achates dicit Isidorus tymolog. 14. Gemma est reperta primùm in Sicilia juxta flumen ejusdem nominis, postea plurimis in terris. Et Pappias addit, quod habet in medio circulos nigros, & albos junctos, & variatos. Et Hugutio dicit, quod reddit homines gratiosos.*

3 ⁽¹⁾ Ægyptilla nigra est radice, cerulea facie, ex Ægypto, ubi invenitur vocata.

4 Medea nigra est à Medea illa fabulosa inventa. ⁽²⁾ Habet venas aërii coloris, sudorem reddit croci, saporem vini.

5 Veientana Italica gemma est à Veis reperta, nigra facie, albis intermicantibus notis.

6 Baroptis nigra est cum sanguineis, & albis notis.

7 Mesomelas nigra, vena quemlibet colorem secante per medium.

8 Veneris crinis, nigerrimi nitoris, continens in se speciem rufi crinis.

9 Trichrus ex Africa nigra est, sed tres succos reddit, ab radice nigrum, medio sanguineum, ⁽³⁾ è summo ochræ.

10 ⁽⁴⁾ Dionysias nigra mixtis rubentibus notis, ex aqua trita vinum flagrat, & odore suo ebrietati resistere putatur.

11 Pyrites nigra quidem, sed attritu digitos adurit.

CAPUT XII.

De Variis.

1 **P** Anchrus varius ex omnibus penè coloribus constans, undè & nominatur.

2 ⁽⁵⁾ Orca barbari nominis ex fulvo, & nigro, viridique, & candido est.

3 Mitrydax Sole percussa, coloribus micat variis. Gignitur in Perside.

4 Droselytus varius, nominis causa, quia si ad ignem applicetur, velut sudorem mittit.

5 Opalus distinctus diversarum colore gemmarum. Est enim in eo Carbunculi tenuior ignis, Amethysti fulgens purpura, Smaragdi nitens viriditas, & cuncta paritèr sub quadam varietate lucentia. ⁽⁶⁾ Nomen habet ex patria. Sola enim cum parturit India.

6 Pontica à Ponto dicuntur, genere diverso ⁽⁷⁾ nunc auratis guttis micantes, aliæ habentes stellas, aliæ longis colorum ductibus lineatæ.

7 Hexecontalithus in parva magnitudine multicolor, undè & hoc nomen sibi adoptavit. Tam diversis enim notis sparsus est, ut sexaginta gemmarum colores in parvo ejus orbiculo deprehendantur. Nascitur autem in Libya apud Troglodytas.

8 Murrina apud Parthos gignitur, sed præcipua in ⁽⁸⁾ Germania, humorem sub terra putant calore densatum, ⁽⁹⁾ undè & nomen sumpsit. Varietas ejus in purpuram, candoremque, & ignem cum quodam colorum repercussu, qualis in cœlesti arcu spectantur. Cujus contraria causa crystallum facit, gelu vehementiore concreto.

CAPUT XIII.

De Crystallis.

1 **C** Rystallus resplendens, & aquosus colore traditur, ⁽¹⁰⁾ quòd nix sit glacie durata per annos.

Mm 2

Un-

⁽¹⁾ Ægyptill. nig. rad. cærul. fac. *Plin.* Ægyptillam Jachus intelligit per albam Sarda, nigraque vena transcurrente, Vulgus autem in nigra radice cærucam facit. *Considerandum uter ex altero restituendus.*

⁽²⁾ Habet venas aërii color. arei *Goth.* o. aurei legitur apud *Plin.*

⁽³⁾ E summo ochræ. *Al.* summo cæreum. *Al.* summo croceum.

⁽⁴⁾ Dionysias. *Ex Solin.* 50.

⁽⁵⁾ Cap. XII. Orca. Orca, vel Olea *Gothici libri.*

⁽⁶⁾ Nomen habet ex patria. *Adjecit hæc putamus.*

⁽⁷⁾ Nunc auratis. *Atis. Plin.*

⁽⁸⁾ In Germania. Carmania. *Plin.*

⁽⁹⁾ Undè & nomen sumpsit. *Hæc quoque aliena putabat Chacon.*

⁽¹⁰⁾ Cap. XIII. Quod sit nix glacie durat. *Ita Plin. cap. 2. & August. in Ps. 147. Solinus vero cap. 25. Putant (inquirit) glaciem coire, & in crystallum corporari, sed frustra: nam si ita foret, nequè Alabanda Asiae, nequè Cyprus Insula hæc materiam procrearet, quibus Regionibus incitissimus calor est. Sed nostrum non est hæc lites componere.*

Undè & nomen ei Græci dederunt. Gignitur autem in Asia, & Cypro: maximè in Septemtrionum Alpibus, ubi nèc æstate Sol ferventissimus invenitur. Idè ipsa udiuntur, & annosa duritia reddit hanc speciem, quæ crystallus dicitur. Hic oppositus radiis Solis adeò rapit flammam, ut aridis fungis, vel foliis ignem præbeat. Usus ejus etiam ad pocula destinatur. Nihil autem aliud, quam frigidum, pati potest.

2 Adamas Indicus lapis parvus, & indecorus, ferrugineum habens colorem, & splendorem crystalli. Nunquam autem ultra magnitudinem nucleï avellani repertus. Hic nulli cedit materiæ, ne ferro quidè, nèc igni, nèc unquam incalescit, undè & nomen interpretatione Græca indomita vis accepit. Sed dum sit invictus ferri, ignisque contemptor, hircino rumpitur sanguine recenti & calido maceratus, sicque multis ictibus ferri perfringitur. Cujus fragmentis scalptores pro gemmis insigniendis, perforandisque utuntur. ⁽¹⁾ Hic autem dissidet cum Magnete lapide in tantum, ut juxta positus ferrum non patiatu abstrahi, Magneti autem, si admotus Magnes comprehenderit, rapiat atque auferat. Fertur quoquè in Electri similitudine venena deprehendere, metus vanos expellere, maleficis resistere artibus. Genera ejus sex.

3 Chalazias grandinum, & candorem, & figuram adamantinæ duritiæ. Etiam in igne positæ manet suum frigus.

4 Cerauniorum duo genera sunt: ⁽²⁾ Unum quod Germania mittit crystalli similem, splendet tamen cæruleo, & si sub divo positus fuerit, fulgorem rapit siderum. ⁽³⁾ Ceraunium alterum Hispania in Lusitanis littoribus gignit, cui colore Pyropo rubenti, & qualitas, ut ignis. Hæc adversus vim fulgurum opitulari fertur, si credimus. Dicta autem Ceraunia, quoniam alibi non inveniuntur, quàm in loco fulminis ictui proximo. Græcè enim fulmen, *κέραυνος* dicitur.

5 ⁽⁴⁾ Iris apud Arabiam in mari rubro nascitur coloris crystallini, sexangulata, dicta ex argumento Iris. Nam sub tecto percussa Sole species, & colores arcus cœlestis ⁽⁵⁾ in proximos parietes emittit.

6 Astrios ex India est, crystallo propinqua, in cujus centro stella lucet fulgore Lunæ plenæ, sumpsit autem nomen, quòd astris opposita, fulgorem rapit, ac regerit.

7 ⁽⁶⁾ Aleçtria, quasi aleçtoria. In ventriculis enim gallinaceis invenitur, crystallina specie, magnitudine fabæ. Hac in certaminibus invictos fieri Magi volunt, si credimus.

8 Enhydros ab aqua vocata. Exudat enim aquam, ita ut clausam in ea putes fontancam scaturiginem.

CAPUT XIV.

De Ignitis.

1 OMnium ⁽⁷⁾ ardentium gemmarum principatum Car-

bun-

(1) Hic autem dissidet cum magn. d. Solin. cap. de India.

(2) Unum quod Germania mittit. Al. Carmania. Vid. Plin. lib. 36. cap. 9. & Solin. cap. 33. de Scandinavia. Utrum horum secutus sit Isidorus, non liquet.

(3) Ceraunium alterum Hisp. Solin. cap. de Hisp. Lusitanum litus pollet gemma Ceraunio plurimum, quod etiam Indicis præferunt, hujus color est c. Pyropo, qualitas igni probatur, quem si sine detrimento sui perferat, adversus vim fulgurum creditur opitulari. Ex quo loco quidam legebat, qualitas videtur igni, ut videri sit, quod Solinus dixit, probari.

(4) Iris. Hac paritè d. Solino, paritè d. Plin. Quod in Arabia, & sexangulato, d. Solino; reliqua ex Plinio.

(5) In proximos parietes imittit. Mendosè libri omnes imittitur. Plinius, ejaculatur.

(6) Aleçtoria. Ex Plin. 37. cap. 10.

(7) Cap. XIV. Omnium. Ex Plinio 37. & Solin.

bunculus habet. Carbunculus autem dictus, quod sit ignitus, ut carbo, cuius fulgor nec nocte vincitur. Lucet enim in tenebris, adeo ut flammam ad oculos vibret. Genera ejus XII. sed præstantiores, qui videntur fulgere, & velut ignem effundere. Carbunculus autem Græcè *ἀνθραξ* dicitur. Gignitur in Libya apud Troglodytas.

2 Anthracites vocatus, quod sit & ipse coloris ignei, ut Carbunculus; sed candida vena præinctus, cuius proprium est, quod jactatus in ignem velut intermortuus extinguitur, at contra aquis perfusus exardescit.

3 Sandasirus nascitur in India loco ejusdem nominis. Species ejus, quod veluti in translucido igne intus fulgent aureæ guttæ. Constat autem inter omnes, ⁽¹⁾ quantum numero stillarum accedit, tantum & pretio accedere.

4 ⁽²⁾ Lychnites ex eodem genere ardentium est, appellata à lucernarum fragrantia. Gignitur in multis locis, sed probatissima apud Indos. Quidam eam remissiore Carbunculum esse dixerunt. Hujus duplex facies: una quæ purpura radiat: altera, quæ cocci rubore. A Sole excalefacta, aut digitorum attritu paleas, & chartarum filam ad se rapere dicitur. Scalpturis resistit, ac si quando scalpta fuerit, dum signa imprimit, quasi quodam animali morsu partem ceræ retentat. Genera ejus quatuor.

5 Carchedonia hoc quod & Lychnites facere dicitur, quanquam multo vilior prædictis. Nascitur apud Nasamonas imbre, ut ferunt, divino.

Invenitur ad repercussum Lunæ plenæ. Omnia autem genera sculpturæ resistunt.

6 Alabandina dicta ab Alabanda Asiæ Regione, cuius color ad Carchedoniam vadit, sed rarus.

7 Dracontites ex cerebro draconis eruitur, quæ nisi viventi abscisa fuerit, non ⁽³⁾ ingemmescit: unde & eam Magi dormientibus draconibus amputant. Audaces enim viri explorant draconum specus, & spargunt ibi gramina medicata ad incitandum draconum soporem, atque ita somno sopitis capita desecant, & gemmas detrahunt. Sunt autem candore translucenti. Usu earum Orientis Reges præcipuè gloriantur.

8 ⁽⁴⁾ Chrysoprasus Æthiopicus est, quem lapidem lux celat, prodit obscuritas. Nocte enim igneus est, die aureus.

9 ⁽⁵⁾ Phlogites ex Persida est, ostentans intra se quasi flammam æstuantem, quæ non exeat.

10 ⁽⁶⁾ Syrtites vocata, quoniam in littore Syrtium inventa primum est in parte Lucaniæ. Color ejus croceus, intus stellas continens elanguidas, sub nubilo renitentes.

11 Hormesion inter gratissimas aspicitur, & igneo colore radians auro portante secum in extremitatibus candidam lucem.

CAPUT XV.

De Aureis.

1 **S**UNT quædam gemmarum genera ex specie metallorum,

(1) Quantum numero stillarum, Stellarum apud Plin.

(2) Lychnites. Ex Solin. cap. 65.

(3) Non ingemmescit. Sic V. CC. Plinius gemmescit.

(4) Chrysoprasus. In Solini manuscriptis, exemplar. cap. de Æthiop. sic legitur. Ubi hyacinthus, ibi & Chrysoprasus apparet, quem lapidem lux celat, produnt tenebræ; hæc enim in eo diversitas, ut nocte igneus sit, die pallidus. Quæ omnia Chrysolampi tribuunt Plin. & Isidorus cap. seq. & Solini edita exemplaria. Ergo deleri hæc tunc possunt.

(5) Phlogites. Ita dicitur à Solino, à Plinio Phlegontis.

(6) Syrtites. Ex Plin. cap. 10. aut possit ex Solin. cap. 8.

rum, vel lapidum cognominata.

2 ⁽¹⁾ Chrysopsis aurum tantum videtur esse.

3 ⁽²⁾ Chrysolithus auro similis est cum marini coloris similitudine, hunc Æthiopia gignit.

4 Chryselectrus similis auro, sed in colore electri vergens, matutino tantum aspectu jucundus, rapacissimus ignium, & si juxta fuerit celerimè ardescens.

5 ⁽³⁾ Chrysolampis ex auro, & igne vocata. Aurea est enim die, & noctu ignea: hanc Æthiopia gignit.

6 ⁽⁴⁾ Ammochrysus arenis auro intermixtis, nunc bractearum, nunc pulveris habet quadrulas. Gignitur in Perside.

7 Leucochrysus colore aureo, interveniente candida vena.

8 ⁽⁵⁾ Melichrysus dicta, quòd veluti per aurum syncerum mel: sic hæc gemma transluceat.

9 Chrysocolla gignitur in India, ubi formicæ erunt aurum. Est autem auro similis, & habet naturam Magnetis, ⁽⁶⁾ nisi quòd augere aurum traditur, undè & nuncupatur.

10 ⁽⁷⁾ Argyrites similis argento, habens stigmata aurea.

11 Androdamas argenti nitorem habet, & penè adamas, ⁽⁸⁾ quadrata semper tesseriis. Magi putant nomen impositum, ab eo quod animorum impetus, vel iracundias domare, & refrænare dicatur, si credimus. Gignitur in mari rubro.

12 Chalcites ærei coloris est.

13 Chalcophonos nigra est, sed lapidi illisa æris tinnitum reddit.

14 Balanitæ duo sunt genera: Subvirides, & Corinthii æris similitudine, mediam secante flammea vena.

15 ⁽⁹⁾ Sideritis à contemplatione ferri nihil dissonat: verum maleficus, quoquòd inferatur, discordias excitat.

16 Idæus dactylus, ex Insula Creta est ferrei coloris, causa nominis ejus, quia pollicem humanum exprimit.

17 Æthiopicus ferrei coloris est, qui dum teritur, nigrum succum emit.

18 ⁽¹⁰⁾ Zmilaces in Euphratis alveo legitur Proconesio marmoris similis, medio colore glauco, veluti oculi pupilla internitens.

19 Arabica ex patria dicta, aspectu eburnea est.

20 Hephæstistes speculi naturam habet, in reddendis imaginibus, quantum rutilet: experimentum ejus, si ferventi aquæ addita statim refrigeret, aut si Soli opposita aridam materiam accendat. Nascitur in Coryco.

21 Ostracites lapidosus, colore testaceo, durior. Altera Achari similis, nisi quòd Achates politura pinguescit. Duriori tanta inest vis, ut aliæ gemmæ scalpantur fragmentis ejus.

22 ⁽¹¹⁾ Clossopetra similis est linguæ humanæ, undè & nomen sumpsit. Fertur autem, deficiente Luna, è Cœlo cadere, cui non modicam

Ma-

(1) Cap. XV. Chrysopsis. Sic etiam dicitur ab aliis. Chrysopsis à Plinio.

(2) Chrysolithus cum marini coloris similitudine. Non dubito, quin ad Hieronymum, Isidorus respexerit; ille enim Daniel, 10. Pro Chrysolitho, (inquit) qui unus est ex XII. lapidibus, qui ponitur in Logio Pontificis, lxx. Interpretes mari appellaverunt.

(3) Chrysolampis. Al. Chrysolampsis.

(4) Ammochrysus. Ex Solino.

(5) Melichrysis. Plin. cap. 9. Sunt & Melichrysi, veluti per aurum syncero melle translucente.

(6) Nisi quòd augere aurum traditur. Agere aurum legebat A. Covarruvias, ut agere sit, quod Plinius dixit, trahere, vel jungere.

(7) Argyrites habens stigmata. Stemmata Gotthici.

(8) Quadrata semper tesseriis. Plin. Quadrata semper tessellis similis.

(9) Sideritis. & Solin. Plinius quoque cap. 10. Sideritis ferro similis, liqigio illata discordias facit.

(10) Zmilaces. Ex Plinio, & Solino.

(11) Clossopet. Diversa ab his tradit Plinius. Verum hæc à Solino sunt.

Magi tribuunt potestatem. Nam ex eo lunares motus excitari putant.

23 Sunt & quædam gemmarum genera cognominata ab animalibus.

24 Echites vipereas maculas exprimit.

25 Carcinias marini cancri coloris est.

26 Scorpitis scorpionem & colore, & effigie refert.

27 Myrmicites formicæ reptantis effigiem imitatur.

28 Taos pavoni est similis.

29 Hieracites accipris coloris.

30 ⁽¹⁾ Ætites aquilæ.

31 Ægophthalmos caprino oculi similis.

32 ⁽²⁾ Lycophthalmus quatuor colorum, ex rutilo sanguinea, in medio nigrum candido cingit, ut Lupo- rum oculus.

33 Meconites papaver exprimit.

34 Sunt & quædam gemmæ, quibus Gentiles in superstitionibus quibusdam utuntur.

35 Liparia suffita omnes bestias evocari tradunt.

36 ⁽³⁾ Ananchitide in hydromantia Dæmonum imagines evocari dicunt.

37 Synocitide umbras inferorum evocatas teneri, ajunt.

38 ⁽⁴⁾ Chelonites oculus est Indicæ testudinis, varius, & purpureus. Per hunc Magi impositum linguæ futura prænuntiari fingunt.

39 ⁽⁵⁾ Brontia à capite testudinum, cum tonitruis cadere putatur,

& restinguere fulminis ictus.

40 Hyænia lapis in oculis Hyæ- næ bestię invenitur, qui si sub lingua hominis subditus fuerit, futura eum præcinere dicunt.

41 Sed & Corallium tempestati, & grandini resistere fertur.

42 ⁽⁶⁾ Pontica est gemma quædam livore perlucida, habens Stellas rubeas, interdum & aureas. ⁽⁷⁾ Dicunt per eam interrogari Dæmones, & fugari.

43 ⁽⁸⁾ In quibusdam gemmarum generibus veras à falsis discernere magna difficultas est: quippè cùm inventum sit ex vero genere alterius in alia falsa transducere, ut Sardonicæ, ⁽⁹⁾ quæ ternis glutinantur gemmis, ita ut deprehendi non possint. Fingunt enim eas ex diverso genere, nigro, candido, minioque colore. Nam & pro lapide pretiosissimo Smaragdo quidam vitrum arte inficiunt, & fallit oculos subdolè quædam falsa viriditas, quoadusquè non est, qui probeat simulatum, & arguat: sic & alia alio, atque alio modo. Nequè est sine fraude ulla vita mortalium.

44 Omnes autem non translucidas gemmas, Cæcas appellant, eò quòd densitate sua obscurantur.

CAPUT XVI.

De Vitro.

I **V**ITRUM ⁽¹⁰⁾ dictum, quod visui perspicuitate transluceat. In aliis enim metallis quidquid intrin-

se-

(1) Ætites aquilæ. *Plinius*: Ætites à colore aquilæ candicante cauda.

(2) Lycophthalmus. *Ex Plin. cap. 11.*

(3) Ananchitide. *Plin.* Ananchitide in hydromantia dicunt evocari imagines Deorum.

(4) Chelonites. *De Chelonia hac prodit Plinius.*

(5) Brontia. *Plinius cap. 10.* Brontia capitibus testudinum similis, & cum tonitruis cadens, ut putant, fulmine icta restinguit. *Idem voluit Isidorus.*

(6) Pontica—stillas aureas. Stellas aureas *Solinus*—Stillas æreas *Plin.*

(7) Dicunt per eas interrogari d. e. effig. *Hæc unde sint, non constat.*

(8) In quibusdam gemmarum gener. veras à falsis disc. *Ex Plin. cap. 12.*

(9) Quæ ternis glutinantur gemmis. *Ex Plin. ibid.*

(10) Cap. XVI. Vitrum. *Vid. Plin. lib. 36. cap. 26.*

secus continetur, absconditur: in vitro verò quilibet liquor, vel species qualis est interiùs, talis exteriùs declaratur, & quodammodò clausus pater. Cujus origo hæc fuit. In parte Syriæ, quæ Phœnice vocatur, finitima Judææ, circa radicem montis Carmeli palus est, ex qua nascitur Belus amnis, quinque millium passuum spatio in mare fluens juxta Ptolemaidem: ⁽¹⁾ cujus arenæ de torrente fluctu sordibus eluuntur. Hic fama est, appulsa nave mercatorum nitri, cum sparsim per littus epulas pararent, nè essent pro attollendis vasis lapides, glebas nitri ex nave subdidisse, quibus accensis, permixta arena littoris, translucens ⁽²⁾ novi liquoris fluxisse rivos, & hanc fuisse originem vitri. Mox, ut est ingeniosa sollertia, non fuit contenta solo nitro, ⁽³⁾ sed & aliis mixturis hanc artem studuit. Levibus enim, aridisque lignis coquitur, adjecto cyprio, ac nitro, continnisque fornacibus, ut æs liquatur, massæque fiunt. Postea ex massis rursus funditur in officinis, & aliud flatu figuratur, aliud torno teritur, aliud argenti modo cælatur. Tinguuntur etiam multis modis, ita ut hyacinthos, saphirosque, & virides imitetur, & Onyches, vel aliarum gemmarum colores: neque est alia ⁽⁴⁾ speculis aptior materia, vel picturæ accommodatior. Maximus tamen honor in candido vitro, proximoque in crystalli similitudine. Undè & ad potandum argenti metalla, & auri pepulit vitrum. Olìm fiebat, & in Italia; & per Gallias, & Hispaniam arena alba molissima pila, molaque terebatur. De hinc miscebatur tribus partibus nitri

pondere, vel mensura, ac liquata in aliàs fornaces transfundebatur, quæ massa vocabatur Ammonitrum, atque hæc recocta fiebat vitrum purum, & candidum. In genere vitri & Obsidianus lapis annumeratur. Est autem urens interdum, & niger aliquandò, & traslucidus crassiore visu, & speculis parietum pro imagine umbras reddebat: gemmas ex eo multi faciunt. Hunc lapidem, & India, & in Italia, & ad Oceanum in Hispania nasci tradunt. ⁽⁵⁾ Ferunt autem sub Tiberio Cæsare quemdam Artificem excogitasse vitri temperamentum, ut flexibile esset, & ductile, qui dum admissus fuisset ad Cæsarem, porrexit phialam Cæsari, quam ille indignatus in pavementum projecit. Artifex autem sustulit phialam de pavimento, quæ complicaverat se tanquam vas æneum: ⁽⁶⁾ deinde marculum de sinu protulit, & phialam correxerat. Hoc factò, Cæsar dixit Artifici: Nunquid alius scit hanc condituram vitrorum? Postquam ille jurans negavit alterum hoc scire, iussit illum Cæsar decollari, nè dum hoc cognitum fieret, aurum pro luto haberetur, & omnium metallorum pretia abstraherentur. Et re vera, quia si vasa vitrea non frangerentur, meliora essent, quàm aurum, & argentum.

CAPUT XVII.

De Metallis.

I Metallum dictum Græcè ἀπὸ τοῦ μεταλλᾶν, quòd natura ejus ea sit, ut ubi una vena apparuerit, ibi spes sit alterius inquirendi.

Sep-

(1) Cujus arenæ de torrente fluctu sordibus eluuntur. *Aperta sententia.* Hoc est cujus arenas torrentis fluctus sordibus eluit. Nec est cur in ea ingeniosi videamur, quamvis paulò aliter eadem enuntiaverit Plinius.

(2) Novi liquoris. *Al.* Nobilis liquoris.

(3) Sed & aliis mixturis hanc art. stud. *Assentior Chaconi, qui adulterina ista censuit.*

(4) Speculis aptior. *Plinius sequacior.*

(5) Fertur autem sub Tib. *Vid. Plin. & Dio. lib. 57.*

(6) Deinde marculum. *Al.* Marculum.

Septem autem sunt genera metallorum: aurum, argentum, æs, electrum, stagnum, plumbum, & quod domat omnia, ferrum.

CAPUT XVIII.

De Auro.

Aurum ⁽¹⁾ ab aura dictum, id est, à splendore, quod repercusso aëre plus fulgeat. Unde & Virgilius: Discolor indè auri per ramos aura refulsit, hoc est, splendor auri. Naturale enim est, ut metallorum splendor plus fulgeat luce alia percussus. ⁽²⁾ Hinc & aurarii dicti, quorum fulgor splendidos reddit.

² ⁽³⁾ Obryzum aurum dictum, quod obradiet splendore: est enim coloris optimi, quod Hebræi Ophaz, ⁽⁴⁾ Græci χρῆδρον vocant.

³ ⁽⁵⁾ Bractea dicitur tenuissima lamina, ἀπὸ τοῦ βράχυν, quod est ἄχυν, id est, à crepitando.

⁴ Pecunia prius de pecudibus & proprietatem habebat & nomen. ⁽⁶⁾ De corio enim pecudum nummi incidebantur, & signabantur. Postea à Saturno æreus nummus inventus: Ipse enim signari nummos, & inscribi constituit: propterea & Ærarium Saturno à Gentilibus consecratum est. Alii, ut superius, pecuniam à pecudi-

bus appellaverunt, sicut à juvandoumenta dicta sunt. ⁽⁷⁾ Omne enim patrimonium apud antiquos peculium dicebatur à pecudibus, in quibus eorum constabat universa substantia, unde & pecuarius vocabatur, qui erat dives, ⁽⁸⁾ modò verò pecuniosus. Antiquissimi, nondum auro, argentoque invento, ære utebantur. Nàm prius ærea pecunia in usu fuit, post argentèa, deinde aurea subsecuta, sed ab ea, qua cœpit, nomen retinuit. Unde & ærarium dictum, quia prius æs tantum in usu fuit, & ipsum solum recondabatur, auro, argentoque nondum signato, ex quorum metallis, quamvis postea fuisset facta pecunia, nomen tamen ærarii permansit ab eo metallo, unde initium sumpsit.

⁵ Thesaurus juxta Græcam proprietatem ἀπὸ τῆς θέσεως à positione, hoc est, à reposito nominatur. Nàm θέσις positio dicitur, & est nomen ex Græco, Latinoque sermone compositum. Nàm ἑὲς Græci repositum dicunt, Latini aurum, quod junctum sonat repositum aurum.

⁶ Auraria nomen habet ab auro.

⁷ ⁽⁹⁾ Tributa verò, eo quod antea per tribus singulas exigebantur: sicut nunc per singula territoria. ⁽¹⁰⁾ Sic autem in tres partes divisum fuisse Romanum Populum constat, ut qui præ-

(1) Cap. XVIII. Aurum ab aura. à Serv. Æn. 6. ad illud, Discolor undè auri p. r. aura refulsit indè tamen habens constanter Goth. in versu Maronis.

(2) Hinc & aurarii dicti, q. f. sp. v. Verba sunt Servii ibidem, nisi quod apud illum aurati & favor legitur, sed idem Servius eodem lib. ad illud, Gaudens popularibus auris. Auris (inquit) favoribus, unde & aurarii dicuntur fautores.

(3) Obryzum aurum dictum quod obradiet. De hoc notationum genere semel monuisse fuit satis. Sed occasione fortasse sumpt ex verbis Hieron. ad Jerem. cap. 10. Septem (inquit) nominibus apud Hebræos appellatur aurum. Quorum unum Ophaz dicitur, quod nos dicere possumus Obryzum, ut splendet in superficie Idolorum. Et in Epist. ad Principiam; Ophir genus auri à loco India, vel à colore, nomine indito.

(4) Græci χρῆδρον. Ut de hac scriptura minus dubitari possit. Ciaron Latinis litteris scriptum est in Goth. Ovet. colleg. & in Silien. Est autem χρῆδρον fulvum.

(5) Bractea—ἀπὸ τῆς βράχυνος que est βραχύνος crepitandi: ἢ ἀπὸ τῆς βράχυνος quod est ἄχυν. Nè de hac quidam lectione, quantumvis in codicibus deformata, dubitare licet.

(6) De corio n. pecud. n. i. Cassiod. lib. 7. variat. Pecunia enim à pecudis tergo nominata. Gallis auctoribus, sine aliquo adhuc signo, ad metalla translata est. Vid. Suid. in ἀεράγιν.

(7) Omne n. patrimon. ap. antiq. à Serv. e. e. 1. ad illud, Nec cura peculi.

(8) Modò verò pecuniosus. Hieron. Ecclesiasti. Porro Tullius pecuniosus primitus dictos refert, qui plura habuisse pecunia, id est, pecora designantur, ita n. antiquitas appellabant; paullatim autem per abusum nomen ad aliud devolutum est.

(9) Tributa. Ità Varro lib. 4.

(10) Sic autem—nominarunt. Verba Servii Æn. 5. ad illud: Tres equitum numero turmæ, &c.

præerant in singulis partibus Tribuni dicerentur. Undè etiam sumptus, quos dabant populi, tributa nominaverunt.

8 Vectigalia, sunt tributa, à vehendo dicta.

9 Stipendium à stipe pendenda nominatum. Antiqui enim appendere pecuniam soliti erant magis, quàm annumerare.

10 Moneta appellata est, quia monet, nequa fraus in metallo, vel pondere fiat.

11 Nomisma est solidus aureus, vel argenteus, sivè æreus, qui ideò nomisma dicitur,⁽¹⁾ quia nominibus Principum, effigiisque signabatur. Primus nummus ἀργυρος nuncupabatur, quia quàm plurimum ex argento percutiebatur.

12 ⁽²⁾ Nummi autem à Numa Romanorum Rege vocati sunt, qui eos primùm apud Latinos imaginibus notavit, & titulo nominis sui præscripsit.

13 Folles dicuntur à sacco, quo conduntur: à continente id, quod continetur, appellatum.

14 In nomismate tria quæruntur: metallum, figura, & pondus. Si ex iis aliquid defuerit, nomisma non erit.

15 Tria autem sunt genera argenti, & auri, & æris: signatum, factum, infectum. Signatum est, quod in nummis est: factum est, quod in vasis & signis: infectum, quod in massis, ⁽³⁾ quod & grave dicitur, id est, massa. In notitiam autem forma-

rum metalla ita venerunt. ⁽⁴⁾ Dum enim quacumque ex causa ardentes sylvæ excoquerent terram, excalefactis venis fudit rivus ⁽⁵⁾ cujuscumque stricturæ. Sivè igitur æs illud fuerat, sivè aurum, cum in loca terræ depressiora decurreret, sumpsit figuram, in quam illud, vel profluens rivus, vel excipiens lacuna formaverat. Quarum rerum splendore capti homines, cum ligatas attollerent massas, viderunt in eis terræ vestigia figurata, hincque excogitaverunt liquefactas ad omnem formam posse deduci.

CAPUT XIX.

De Argento.

1 **A**rgentum non longè à Græca appellatione distat. Hoc enim illi ἀργυρος vocant. ⁽⁶⁾ Cui mirum in modum illud inest, ut dum candidum sit, impressum corpori lineas nigras reddat.

2 Argentum vivum dictum, quod excidat materias, in quibus injicitur: hoc & liquidum, quia percurrit. Invenitur specialitèr in metallis, sivè in argentariis fornacibus guttarum concretionem testis inhærens: sæpè etiam & in stercore vetustissimo cloacarum, vel puteorum limo. Fit etiam & ex minio imposito conchulæ ferreæ, patina testea superposita, tum circumlito vasculo circumdantur carbones, sicque argentum vivum ex minio destillat: ⁽⁷⁾ sine hoc neque argentum, neque æs inaurari potest. Tantæ autem virtutis est, ut si super

SEX-

(1) Quia nominibus principum. Repetuntur hæc inf. cap. 24.

(2) Nummi autem à Numa. Ex Epiphani, lib. de Ponderibus, idem refert Suid. in voce ἀργύρια ex Tranquillo.

(3) Quod & grave dicitur i. massa. Æn. 6. ad illud. Egregium forma juvenem, &c.

(4) Dum enim quacumque ex causa ardent sylvæ, &c. Usque ad finem cap. Totus locus adumbratus ex Lucretii lib. 5. Quidquid, id est, quacumque ex causa flammæ ardor horribili son, &c.

(5) Cujuscumque stricturæ. Sic Virg. Æn. 7. Stricturas Chalybum dixit. Est autem strictura, ut ait eo loco Servius. Terra ferri in massam coacta.

(6) Cap. XIX. Cui mirum in modum illud inest. Hujus rei meminere Plinius, & Augustinus lib. 21. de Civit. cap. 7.

(7) Sine hoc neque argentum, neque. Vitruvius lib. 7. cap. 8.

sextarium argenti vivi centenarium saxum superponas, oneri statim resistat. Sin verò auri scripulum levitatem ejus raptim sinu recipit, ex quo intelligitur, non pondus, sed naturam esse, cui cedit. Servatur autem melius in vitreis vasculis, nam ceteras materias perforat. ⁽¹⁾ Potui autem datum interficere ponderis causa.

3 Argenti purgamenta λιθάργυρος, quam nos spumam argenti appellamus. Fit enim ex argento, & plumbo.

CAPUT XX.

De Ære.

1 **Æ**S à splendore aëris vocatur, sicut aurum, & argentum. ⁽²⁾ Apud Antiquos autem prius æris, quam ferri cognitus usus. Ære quippè prius proscindebant terram, ære certamina belli gerebant, eratque in pretio magis æs: aurum verò, & argentum propter inutilitatem rejiciebantur. Nunc versa vice jacet æs, aurum in summum cessit honorem: sic voluenda ætas commutat tempora rerum. Et quod fuit in pretio, fit nullo denique honore. ⁽³⁾ Usus æris postea transit in simulacris, in vasis, in ædificiorum structuris, maxime & ad perpetuitatem monumentorum etiam publicæ in eis constitutiones scriptæ sunt.

2 ⁽⁴⁾ Cyprium æs in Cypro Insula prius repertum, undè & vocatum: factum ex lapide eroso, quam Cadmiam vocant, & est ductile; huic si addatur plumbum, colore purpureo fit.

3 ⁽⁵⁾ Aurichalcum dictum, quòd & splendorem auri, & duritiam æris possideat. Est autem nomen compositum ex lingua Latina, & Græca. Æs enim sermone Græcorum χαλκος vocatur. ⁽⁶⁾ Fit autem ex ære, & igne multo, ac medicaminibus perducitur ad aureum colorem.

4 Corinthium est commixtio omnium metallorum, quod casus primum miscuit Corintho, cum caperetur incensa. ⁽⁷⁾ Nam dum hanc Civitatem Hannibal cepisset, omnes statuas æreas, & aureas, & argenteas in unum rogi congegisset, & eas incendit. Ità ex hac commixtione Fabri substulerunt, & fecerunt paropsides. Sic Corinthia nata sunt ex omnibus in unum, nec hoc, nec illud. Undè & usque in hodiernum diem, sive ex ipso, sive ex imitatione ejus æs Corinthium, vel Corinthia vasa dicuntur. Hujus tria genera: unum candidum, ad argenti nitorem accedens: alterum, in quo ipsius auri fulva natura est: tertium, in quo æqualis cunctorum temperies.

5 ⁽⁸⁾ Coronarium ex ductili ære tenuatur in laminas, taurorumque felles tinctum speciem auri in coronis histriionum præbet, undè & appellatum.

6 Pyropum igneus color vocavit. Namque in singulas uncias æris, additis auri scripulis senis, prætenui bractea ignescit, flammæque imitatur, undè & Pyropum dicitur.

7 Regulare æs dicitur, quod ab aliis ductile appellatur, quale omne Cyprium est.

Duc-

⁽¹⁾ Potui autem datum interficere. p. c. à Dioscorid.

⁽²⁾ Cap. XX. Apud Antiquos autem prior æris. Lucetius lib. 5. & prior æris erat, quam ferri cognitus usus. Ex quo sunt omnia usque ad: Nullo denique honore. Reliqua hujus capituli à Plinio lib. 3.

⁽³⁾ Usus æris. à Plin. cap. 3. & seqq. usque ad 9. à quo extremo sunt pleraque hujus loci verba.

⁽⁴⁾ Cyprium æs. Ex cap. 2. 4. & 10.

⁽⁵⁾ Aurichalcum, quod & splendorem aur. & dur. ær. poss. Verba sunt Servii Æn. 12. ad illud. Ipse dehinc auro aequalentem, alboque orichalco. de Etymolog. vid. Fest.

⁽⁶⁾ Fit autem ex ære, &c. Querendus hujus medicaminis auctor, nequè n. hac ex Plin.

⁽⁷⁾ Nam dum hanc Civitatem Hannibal. μνημονεύει ἀμύγδαλα. Non enim Corinthum Hannibal, sed C. Mummius Consul cepit ann. ab Urb. cond. 101111.

⁽⁸⁾ Coronarium Regulare—Pyropum—Campanum. à cap. 2.

8 Ductile autem dicitur, eo quòd malleo producatur, sicut contra fusile, quod tantum funditur. Hoc & Caldarium, quod tantum funditur. Nam malleis fragile est. Siquidem omne æs diligentius purgatis igne vitiiis excoctisque regulare efficitur.

9 Campanum quoque inter genera æris vocatur à Campania Provincia, quæ est in Italiæ partibus, utensilibus, & vasis omnibus probatissimum.

10 ⁽¹⁾ Æs omne frigore magno melius funditur. ⁽²⁾ Æs rubiginem celerius trahit, nisi oleo perungatur: servari autem id optimè in liquida pice tradunt.

11 Inter omnia metalla æs vocalissimum est, & maximæ potestatis, ideò & ænea limina, undè & Virgilius: Foribus cardo stridebat ahenis. Purgamenta æris Cadmia, & Chalcitis. Cadmia ærugo æris: Chalcitis æris flos.

12 Cadmia gignitur in metallorum æris, atque argenti fornacibus, insidente nidore. Namque ut ipse lapis, ex quo fit æs, Cadmia vocatur: sic rursus in fornacibus existit, & nominis sui originem recipit.

13 Æris flos fit, seu gignitur conflationibus, resolutio atque reliquato ære, superfusa frigida. Repentina enim densatione, tanquam de sputo, reparatur flos.

14 ⁽³⁾ Æruginem æs quoque creat. Nam laminæ æræ super vas aceti asperrimi sarmentis superpositæ, ⁽⁴⁾ atque ita distillantibus, quod ex eo cecidit in ipsum acetum, teritur & cribratur.

CAPUT XXI.

De Ferro.

1 **F**errum dictum, quòd farra, id est, semina frugum terræ condant. Idem & Chalybs à Chalybe flumine, ubi ferrum optima acie temperatur. ⁽⁵⁾ Undè & abusivè dicitur chalybs ipsa materies, ut, Vulnificusque chalybs.

2 ⁽⁶⁾ Ferri usus post alia metalla repertus est. Cujus postea versa in opprobrium species. Nam undè prius tellus tractabatur, indè modo cruor effunditur. Nullum autem corpus tam densis inter se coherentibus, & implicitis elementis, quam ferrum: undè inest illi duritia cum frigore. ⁽⁷⁾ Ferri autem metallum penè ubique reperitur, sed ex omnibus generibus palma Serico ferro datur. Seres enim hoc cum vestibus suis, pellibusque mittunt. Secunda Parthico, nequè alia genera ferri ex mera acie temperantur. ⁽⁸⁾ Cæteris enim admiscetur mollior complexus.

3 Differentia ferri plurima juxta terræ genus. Nam aliud molle, plumboque vicinum, rotarum, & clavorum usibus aptum: aliud fragile, & ærosum, ⁽⁹⁾ culturæ terræ conveniens: aliud brevitate sola placet, clavisque caligariis: aliud rubiginem celerius sentit. Stricturæ vocantur hæ omnes, quòd non in aliis metallis, à ⁽¹⁰⁾ stringendo aptè vocabulo imposito. Aquarum

(1) Æs omne frigore mel. à cap. 9.

(2) Æs rubiginem celerius trahit. Plinius: æra extensa rubiginem celerius trahunt, quam neglecta, nisi oleo perungatur, &c. Ergo deesse hic videtur aliquid.

(3) Æruginem quoque creat. Nam laminæ æræ. Hoc de cerussa Plin. cap. 18.

(4) Atque ita distillantibus. Al. distillantibus.

(5) Cap. XXI. Unde & abusive, &c. à Serv. Georg. 1. ad illud. At Chalybes nudi ferrum.

(6) Ferri usus post alia metalla. rep. Lucretius. Inde minutatim processit ferreus ensis: Veræque in opprobrium species est falsæ ahenæ.

(7) Ferri autem metall. p. ubique rep. à Plin. 34. cap. 14. à quo sunt ferè, qua restant.

(8) Cæteris enim admiscetur mollior complexus. Sic etiam interpungendus locus Plinii.

(9) Culturæ terræ conveniens. Hæc utrum Plinio Isidorus, an Isidoro Alius adjecterit, non dixerim.

(10) A stringendo aptè vocabulo imposito. Sic o. l. ab stringenda acie v. imp. Plinius, uter ex altero restituendus, alii viderint. Mihi Isidorianorum cc. lectio non displicet. Serv. An. 8. Strictura est terra ferri in massam coacta. Nihil de acie.

CAPUT XXII.

De Plumbo.

rum verò summa differentia est, quibus ferrum candens immergitur, quo utilius fiat: ⁽¹⁾ sicut Bilbili in Hispania, & Tirasone, Comi in Italia.

4 In acuendo ferro ⁽²⁾ oleo delectatior fit acies, undè & tenuiora feramenta oleo restringi mos est, ne aqua infragilitatem durentur. ⁽³⁾ A ferro sanguis humanus sese ulciscitur. Contactum namquè celerius rubiginem trahit. Cum ferro Magnes lapis concordiam habet. Sola enim hæc materia vim ab hoc lapide accipit, retinetque longo tempore. Ex eodem lapide Architectus quidam Alexandriae templum concameravit, ut in eo simulacrum ferro in aëre pendere videretur. ⁽⁴⁾ Ferrum accensum igni, nisi duretur iſtibus, corrumpitur. Rubens non est habile ad tundendum, nequè antequàm albescere incipiat. Aceto, vel alumine illitum ferrum, fit æris simile.

5 Purgamenta ferri, rubigo, & scoria.

6 Rubigo est vitium rodens ferrum ipsum, vel segetes, quasi rodigo mutata una littera: hæc & ærugo ab erodendo. Nam ærugo vitium est ferri, ab erodendo dicta, non ab æramento.

7 ⁽⁵⁾ Scoria verò purgamenta, & sordes sunt, quæ igne excoquantur. Et dicta scoria, quia de ferro excutitur.

8 ⁽⁶⁾ Rubigine autem caret ferrum, si cerussa, & gypso & liquida pice perungitur. Item rubigo feramenta non vitiat, si eadem medulla cervina, vel cerussa mixta rosaceo ungatur.

1 PLumbum dictum, quòd ex eo primum pilis factis maris altitudo tentata est. ⁽⁷⁾ Hujus verò genera duo sunt, nigrum, & candidum: sed melius candidum, quod prius in Insulis Atlantici maris inventum est. Siquidem & in Lusitania, & in Gallecia gignitur summa terra arenosa, & coloris nigri, & ponderis gravis: interveniunt & minuti calculi, maximè torrentibus siccatis, lavant eas arenas, & quod subsidit, coquant in fornacibus. Inveniuntur & in aurariis metallis aqua missa calculi nigri, & graves, & dum aurum colligitur cum eo remanent, postea separati conflantur, & in plumbum album resolvuntur. Indè & eadem gravitas plumbi, quæ auri.

2 Nigrum plumbum circa Cantabriam abundat, cujus origo duplex est. Aut enim solum ex sua vena prodit, aut cum argento nascitur, mixtisque venis conflatur. Hujus primus in fornacibus liquor, stannum est: secundus, argentum: quod remanet superaddita vena, rursusque conflata, fit nigrum plumbum.

3 ⁽⁸⁾ India neque plumbum, neque æs habet, gemmis tantum, & margaritis hæc permutat: nigro plumbo ad fistulas, laminasque utimur. Laboriosius in Hispania, & Gallia eruitur plumbum. Nam in Britannia summo terræ corio.

Nn

CA-

(1) Sic ut Bilb. Aliquid deesse videtur. Vid. Plin.

(2) Oleo delectatior. S. o. libri. Delicatio apud Plin.

(3) A ferro sanguis hum. s. v. Verba sunt Plinii.

(4) Ferrum accensum. Ex cap. 15.

(5) Scoria. Ex Hieronym. in Ezech. 22.

(6) Rubigine autem car. f. Ex Plin. ibid.

(7) Cap. XXII. Hujus genera sunt nig. & Plin. 34. cap. 16.

(8) India nequè plumbum, & cap. 17.

CAPUT XXIII.

De Stanno.

I **S**Tanni⁽¹⁾ etymologia, ἀποχω-
ρίζων, id est, separans, & se-
cernens. Mixta enim, & adulterata
inter se per ignem metalla dissociat, &
ab auro, & argento æs plumbumque
secernit, alia quoque metalla ab igne
defendit, & cum sit natura æris ferri-
que durissima, si absque Stanno fue-
rit, uritur, & crematur.⁽²⁾ Stannum
illitum æreis vasis saporem facit gra-
tiores, & compescit virus æruginis.
Specula etiam ex eo temperantur. Ce-
russa quoque ex eo, sicut & ex plum-
bo conficitur.

CAPUT XXIV.

De Electro.

I **E**lectrum vocatum, quod ad
radium Solis clarius auro,
argentoque reluceat.⁽³⁾ Sol enim à
Poëtis Elector vocatur.⁽⁴⁾ Defæcatus
est enim hoc metallum omnibus me-
tallis.⁽⁵⁾ Hujus tria genera. Unum, quod
ex pini arboribus fluit, quod Succinum
dicitur. Alterum metallum, quod na-
turaliter invenitur, & in pretio habe-
tur: Tertium, quod fit de tribus par-
tibus auri, & argenti una. Quas par-
tes, etiam si naturale solvas, invenies.
Undè nihil interest, natum sit, an fac-
tum: utrumque enim ejusdem naturæ

est.⁽⁶⁾ Electrum, quod est naturale,
ejusmodi naturæ est, ut in convivio,
& ad lumina clarius cunctis metallis
fulgeat, & venenum prodat. Nam si
eo infundas venenum, stridorem edit,
& colores varios in modum arcus cœ-
lestis emittit.

CAPUT XXV.

De Ponderibus.

I **P**onderum,⁽⁷⁾ ac mensurarum
juvat cognoscere modum.
Nam omnia corporalia,⁽⁸⁾ sicut scrip-
tum est, à summis usque ad ima in
mensura, & numero, & pondere dis-
posita sunt, atque formata.⁽⁹⁾ Cunc-
tis enim corporeis rebus pondus natu-
ra dedit. Suum quoque regit omnia
pondus.

2 Primus Moyses, qui omnes an-
tecedit Gentilium Philosophos tempo-
re, nobis & mensuras, & numeros,
& pondus diversis in Scripturæ suæ
locis narravit.⁽¹⁰⁾ Primus Phidon Ar-
givus ponderum rationem in Græ-
cia constituit, & licet alii antiquiores
extiterint, sed iste hac arte experien-
tior fuit.

3 Pondus dictum, eo quod in
statera libratum pendeat, hinc & pen-
sum. Abusivè autem pondus libra una
est. Undè etiam dipondium dictum,
quasi duo pondera, quod nomen ad-
huc in usu retinetur.

4 Trutina est gemina ponderum
lan-

(1) Cap. XXIII. Stanni etymologia--crematur. Totus locus concinatus ex verbis Hieronymi in Zachar. cap. 4. Ex quibus, quæ ad etymologiam attinet retulisse sufficit. Lapis (inquit) id est, massa, qui apud Hebræos הכרדר scribitur, id est, stanneus ἀποχωρίζων, id est, separans, & secernens, ut quomodò stannum mixta, & adultera-
ta, &c.

(2) Stannum illitum--conficitur. Ex Plin. 34. cap. 17.

(3) Cap. XXIV. Sol enim à Poëtis Elector. è Plinio 37. c. 2.

(4) Defæcatus est enim hoc metall. è Serv. Georg. 3. ad illud, Purior electro.

(5) Hujus tria genera. Ex eod. Æn. 8. Ad Carmen. Quod fieri f. l. v. p. electro. Et Servii verba examinanda aliis
relinquimus.

(6) Electrum, quod est naturale, &c. Ex Plin. 33. cap. 4.

(7) Cap. XXV. Ponderum, ac mensurarum juvat. Rheimm. Palamon. Pondera Pæoniis veterum memorata libellis.
Nosse juvat.

(8) Sicut scriptum est. Sapient. 11.

(9) Cunctis corporeis rebus pond. n. Palamon. Pondus rebus natura locavit corporeis, elementa suum regit omnia
pondus.

(10) Primus Phidon. Ex Enseb. Chron. Strabo quoque à Phidone signari ceptum argentum ex Ephoro refert.

lances æquali examine pendens, facta propter talenta, ⁽¹⁾ & centenaria appendenda, sicut Momentana pro parva, modicaque pecunia. Hæc & Mone- ta vocata. Eadem & Statera nomen ex numero habens, quod duabus lanci- bus, & uno in medio stilo librata æqua- litèr stet.

5 ⁽²⁾ Examen est filum medium, quo trutinæ statera regitur, & lances æquantur. Undè & in lancèis amentum dicitur.

6 ⁽³⁾ Campana à Regione Italiæ nomen accepit, ubi primum ejus usus repertus est. Hæc duas lances non ha- bet; sed virga est signata libris, & unciiis, & vago pondere mensurata.

7 Unicuique autem ponderi cer- tus est modus, nominibus propriis designatus.

8 ⁽⁴⁾ Chalcus minima pars pon- deris, quarta pars oboli est, constans lentis geminis granis. Appellatur au- tem Chalcus, quòd sit parvulus, si- cut & lapis calculus, qui adèò mini- mus est, ut sine molestia sui cal- cetur.

9 Siliqua vigesima quarta pars solidi est, ab arboris semine vocabu- lum tenens.

10 Ceratum oboli pars media est siliquam habens unam, & semis. Hunc latinitas semiobolum vocat. Ceratum autem Græcè, Latinè cornuum inter- pretatur.

11 Obolas siliquis tribus appen- ditur, habens ceratia duo, chalcos qua- tuor. Fiebat enim olim ex ære ad ins- tar sagittæ. Undè & nomen à Græcis accepit, hoc est, sagitta.

12 ⁽⁵⁾ Scripulus sex siliquarum pondere constat. Hic apud Græcos gramma vocatur. Scripulus autem dictus per diminutionem à lapillo bre- vi, qui scrupus vocatur.

13 ⁽⁶⁾ Drachma octava pars un- ciæ est, & denarii, pondus argenti tri- bus constans scripulis, id est, xviii. si- liquis. Denarius autem à dando dictus, quia pro decem nummis imputatur.

14 Solidus nuncupatur, quia ni- hil illi deesse videtur. Solidum enim veteres integrum dicebant, & totum. Ipse quoque Nomisma vocatur, pro eo quòd nominibus Principum effi- giisque signetur. ⁽⁷⁾ Ab initio verò unum nomisma, unus argenteus erat. Hoc enim ab Assyriis coepit. Dicunt enim Judæi, quod Abraham in ter- ram Chanaan primò hanc advexit formam. Solidus apud Latinos alio no- mine ⁽⁸⁾ Sextula dicitur, quòd iis sex uncia compleatur. Hunc, ut diximus, ⁽⁹⁾ vulgus aureum solidum vocat, cu- jus tertiam partem idèò dixerunt tre- missem, eo quòd solidum faciat ter missus.

15 ⁽¹⁰⁾ Sextula bis assumpta Ducl- lam facit, ter posita Staterem reddit.

16 Stater autem medietas uncia est,

Nn 2

est,

(1) Et centenaria pondera. Utuntur hac voce Virg. lib. 7. cap. 8. Si super id lapidis centenarii pondus imponatur. & Plin. lib. 7. cap. 20. Fusius Salvius duo centenaria pondera pedibus totidem manibus, & ducentaria duo humeris contra scalas ferebat. Exstant Romæ centenarii hujusmodi lapides multi è durissimis silice, nonnulli etiam antiquissi- mis literis inscripti. Id centum pondium vocat de Re Rust. cap. 13. His verbis: Centum pondium incertum unum, & pondra certa, nisi incertum, & creta cum Chacone magis legere, ut incertum sit ex Festo indurissimum.

(2) Examen est filum. è Serv. An. 12. Jupiter ipse duas æquato examine lances.

(3) Campana. Eadem apud nos Romana dicitur. Octava pars oboli Polluci lib. 9. & Cleopatra in fragmento, quod extat: decima, Plin. lib. 21. cap. ultimi. Diodoro apud Suidam texta: Dioscoridi: tertia: ut fuisse appareat diversi ponderis Chalcos.

(4) Chalcus minima pars ponderis. Scripulum, & scribulum legitur in aliorum Auctorum vetustissimis ce, ut ab scribendo ducta vox videatur ad similitudinem Græci nominis γράμμα.

(5) Scripulus. Sic meliores libri, scripulum, & scribulum legitur in aliorum Auctorum vetustissimis ce, ut ab scribendo ducta vox videatur ad similitudinem Græci nominis γράμμα.

(6) Drachma-tribus constans scripulis. Fannius: la scripulis tribus drachmam, quo pondere doctis Argenti facili- signatur aurius Athenis.

(7) Ab initio verò formam. Ex Epiphan. lib. de Pond. & Mens.

(8) Sextula-quod his sex v. c. Fannius. Sextula quæ fertur, nam sex his uncia constat.

(9) Vulgus aureum solidum. Non solum vulgus, sed Apulejus etiam lib. 10. Centumque solidos aureos offerens pre- tium.

(10) Sextula bis assumpta ducllam. Fannius: Sextula cum dupla est, veteres dixere ducllam.

est, appendens aureos tres, undè & vocatur stater, quòd tribus solidis stet. Hic & Semiuncia, quia semis habet de uncia. Hic & semissis, quia ponderis semis est, quasi semis assis.

17 Quadrantem Hebræi ⁽¹⁾ similiter. Codrantem vocant, & ⁽²⁾ vocatur. Quadrans quod unciae quartam partem appendat.

18 ⁽³⁾ Sicel, qui Latino sermone Siclus corruptè appellatur, Hebræum nomen est, habens apud eos unciae pondus. ⁽⁴⁾ Apud Latinos autem, & Græcos quarta pars unciae est, & stateris medietas, drachmas appendens duas. Undè cùm in Litteris Divinis legitur Siclus, uncia est: cùm verò in Gentilium, quarta pars unciae est.

19 Uncia dicta, quod universitatem minorum ponderum sua unitate vinciat, id est, complectatur. ⁽⁵⁾ Constat autem drachmis viii. id est, scripulis xxiv. Quod proindè legitimum pondus habetur, quia numerus scripulorum ejus horas diei, noctisque metitur, vel quia libram efficit duodecies computatus.

20 Libra xii. unciiis perficitur,

& indè habetur perfecti ponderis genus, quia tot constant unciiis, quot mensibus annus. Dicta autem libra, quod sit libera, & cuncta intra se pondera prædicta concludat.

21 Mna in ponderibus centum drachmis appenditur, & est nomen Græcum, ⁽⁶⁾ quæ sunt siliquæ ∞ 10000. tremisses CCXXV. solidi LXXV. stateres xxv.

22 ⁽⁷⁾ Talentum autem summum esse pondus perhibetur in Græcis: nam nihil est Chalco minus, nihil Talento majus. ⁽⁸⁾ Cujus varium apud diversas gentes pondus habetur. Apud Romanos enim Talentum est LXXII. librarum, sicut Plautus ostendit, qui ait, duo talenta esse CXLIV. libras. Est autem triplex, id est, minus, medium, summum. Minus quinquaginta: ⁽⁹⁾ medium LXXII. libris: ⁽¹⁰⁾ summum cxx. constat.

23 Centenarium numeri nomen est, eo quòd centum librarum ponderis sit. Quod pondus propter perfectionem centenarii numeri Romani instituerunt.

CA-

(1) Quadrantem similiter Hebræi Codrantem. Ità quidem velle videtur Hieronymus in nominibus Hebræic. ex Matth. sed Hieronymus scire, quod scit, nescit, in eo libro, ut etiam Isidorus in hoc. Nam Græcas, & Latinas voces, quas Hebræas essent, interpretatus est.

(2) Et vocata Quadrans, quod unciae quart. p. Epiph. lib. de Pond. & Mens. Siclus, qui & quadrans dicitur, quarta pars est unciae, dimidium stateris habens drachmas duas. Sed deceptus est in Latina voce Græcus homo, Isidorumque ibidem labi fecit. Non enim quadrans uncia, sed assis est quarta pars. Neque eo confugere potest Isidorus ut dicat, assis unciales factos. Nam Plinio teste semunciales facti, deinceps in eo statu manserunt, ut etiam in iis, qui nunc infinito numero ciant, videantur.

(3) Sicel—uncia pondus. Verba quidem sunt Hieronymi in Quæst. in Genes. cap. 23. Verum præter Josephum (qui lib. 3. antiq. cap. 9. tradit, siclum pendere quatuor drachmas Atticas, hoc est, semunciam) ipse Hieronymus sui oblitus in Ezechiel. cap. 4. Siclus, (inquit) id est, stater, quatuor drachmas habet, drachmæ autem octo Latinam unciam faciunt. Hoc Isidorus non vidisse, mirum est.

(4) Apud Latinos autem, & Græcos. Ex Epiphania.

(5) Constat autem drachmis viii.—Mensibus annus. Fannius: Uncia fit drachmis bis quatuor, undè putandum Grammata dicta, quod hæc viginti quatuor in se Uncia habet, tot enim formis vox nostra notatur. Horis, quot mundus peragit noctemque, dieinque. Unciaeque in libra pars est, quæ mensis in anno.

(6) Quod sint siliquæ, &c. Ità plerique Gothi. ut tamen à quibusdam absit hæc summa.

(7) Talentum summum esse pond. perh. Idem in Talento: Quod summum doctis perhibetur pondus Athenis. Nam nihil his obolove minus, majusve talento.

(8) Cujus varium apud diversas gentes. Servius Æn. 5. ad illud: Argenti, aurique talenta. Talentum (inquit) secundum varias gentes, varium pondus est, sed apud Romanos talentum est lxx. libras, sicut Plautus ostendit in Mostellaria, qui ait, duo talenta esse xli. libras. Sed rectè meo judicio Chacon. Si talentum, ait, sex millia drachmarum continet, ut Fannius affirmat, libra vero drachmas xvi. efficitur profecto, ut talentum libras Romanas lxxii. tantum appendat, non lxx. ut apud Servium legitur, neque Plauti locus aliud suadet. Quare cum Isidori Codices lxxii. librar. & cxiiv. libras constanter habeant, non dubito quin lxxii. & cxxiv. de Doctissimi Viri sententia hoc loco legendum sit, atque ità Servium scripsisse, cum eodem existimamus, ut pro lxx. & xx. librariorum citio lxx. & xl. irreperint.

(9) Medium lxxii. Scribo lxxii.

(10) Summum cxx. De quo Vitruvius loquitur lib. 10. cap. 21. cum ait: Habentem pondus talentum quatuor millium quod fit quadringenta octoginta millia pondo.

CAPUT XXVI

De Mensuris.

1 **M**ensura est res aliqua modo suo, vel tempore circumscripta. Hæc aut corporis est, aut temporis. Corporis est, ut hominum, lignorum, & columnarum longitudo, & brevitatis. Sed & Solem istum propriam sui Orbis habere mensuram, quod Geometrici perscrutari audent. Temporis, ut horarum dierum, & annorum. ⁽¹⁾ Undè & metiri pedes horarum dicimus, hoc est, mensurare.

2 Propriè autem mensura vocata, quod ea fruges metiuntur, atque frumentum, id est, humida, & sicca, ut modius, artabo, urna, & amphora.

3 Mensurarum pars minima Cochlear, quod est dimidia pars drachmæ, appendens siliquas novem, quod triplicatum Chonculam facit.

4 Choncula drachma una, & dimidia adimpletur.

5 Cyathi pondus decem drachmis appenditur, ⁽²⁾ qui etiam à quibusdam Cuatus dicitur.

6 Oxybaphus fit, si quinque drachmæ adduntur ad x.

7 ⁽³⁾ Acetabulum quarta pars Heminae est, xii. drachmas appendens.

8 ⁽⁴⁾ Cotula Hemina est habens

Cyathos sex, quæ idcirco Cotula vocatur, quia Græco sermone Cote incisio dicitur, & ⁽⁵⁾ Hemina Sextarii in duo æqua inciditur, & Cotulam facit.

9 Hemina autem appendit libram unam, quæ geminata Sextarium facit.

10 Sextarius duarum librarum est, qui bis assumptus nominatur Bilibris: assumptus quater, fit Græco nomine Choenix: ⁽⁶⁾ quinquies complicatus Quinarem, sive Gomor facit. Adjice sextum, Congium reddit. ⁽⁷⁾ Nam Congius sex metitur sextariis, à ⁽⁸⁾ quo, & Sextario nomen dederunt.

11 Congius autem à congiendo, id est, per augmentum crescendo vocatur. Undè postea pecunia beneficii gratia dari cœpta, Congiarium appellatum est. Unusquisque enim sui temporis Imperator favorem Populi captans adjiciebat, ut largior videretur in donis.

12 ⁽⁹⁾ Congiarium autem specialiter mensura est liquidorum, cujus & rem simul, & nomen à Romanis impositum invenimus.

13 Metreta est mensura liquidorum. Hæc à mensura accepit nomen, μέτρον enim mensuram dicunt Græci: & indè appellata Metreta, licet, & urna, & amphora, & reliqua hujusmodi nomina mensurarum sint, tamen ista hoc nomen à denarii numeri perfectione accepit.

Nn 3

Me-

(1) Cap. XXVI. Undè & metiri pedes horat. Vide Pallad. in fine singulor. mensium.

(2) Qui etiam quibusdam Cuatus. Al. cauius, al. caulacus, al. causatus. Cuatum quidem Arabes hanc mensuram vocant, sed placet Chacon, qui Cuatum probat, sed ex margine hæc adscita existimat, Rabanum nihil moror.

(3) Acetabulum—xv. drachmas append. Ita Plinius. Isidoriani libri xii. drach. app. Error ex similitudine notarum q. & Rhemn. de cyato: Bis quinque hunc faciunt drachma, si appendere venter, Oxybaphus fiet, si quinque addantur ad illas.

(4) Cotyla—habens cyathos sex. Rhemn. At cotyle cyathos bis ternos una recepat.

(5) Et hemina sextarii. Idem: At Cotylas, quas si placet, dixisse licet Heminas, recipie geminas Sextarius unus: Qui quater assumptus fit Grajo nomine Choenix, & Epiphaneus: Cotyla dimidium Sextarii est, appellata est Cotyla ab eo, quod Sextarius in duas partes secuitur.

(6) Quinquies complicatus Quinarem, sive Gomor facit. Cum paullo post Gomor dicitur esse modiorum xv. modius vero sextarii xvi. aut secundum Isidorum hoc capite xxii. contineat, quomodo sibi Isidorus constet, non video. Sed abfuisse his libris summam manum scimus, & aliena illis infinita prope accessisse, tertio quoque verbo cernimus.

(7) Nam Congius sex metitur sextariis. Sic infr. eo quod quique modis metiatur, passivè dixit, & Jurisconsultis. cap. 35. §. penult. D. de Contrab. empt. & cap. 36. D. locati.

(8) A quo & Sextarii nomen ded. Rhemn. A quo Sextarii nomen fecisse Priores, credidurum.

(9) Congiarium autem spec. Ex Epiph. apud quem mendeis legitur apud Hebraeos.

14 Metrum ad omnem mensuram pertinet, μέτρον enim Græcè, Latine mensura dicitur. Nam & cyathus mensura est, & amphora mensura est, & quidquid plùs, minùsve capit, mensura est. Sed ideò hoc nomen specialitèr sibi assumpsit, quòd sit mensura perfecti numeri, id est, denarii.

15 ⁽¹⁾ Modius dictus ab eo, quod sit suo modo perfectus. Est autem mensura librarum XLIII. id est, sextariorum xxii. Cujus numeri causa inde tracta est, eo quod in principio Deus xxii. opera fecerit. Nam prima die septem opera fecit, id est, materiam informem, Angelos, Lucem, Cœlos Superiores, Terram, Aquam, atque Aërem. Secunda die Firmamentum solum. Tertia die quatuor: Maria, Semina, Sationes, atque Plantaria. Quarta die tria: Solem, & Lunam, & Stellas. Quinta die tria: Pisces, & Reptilia aquarum, & Volatilia. Sexta die quatuor: Bestias, Pecudes, Reptilia terræ, & Hominem. Et facta sunt omnia xxii. genera in diebus sex. Et xxii. Generationes sunt ab Adam usque ad Jacob, ex cujus semine nascitur omnis gens Israël. Et xxii. libri Veteris Testamenti usque ad Hester. Et xxii. litterarum sunt elementa, quibus constat Divinæ Legis Doctrina. His igitur exemplis modius xxii. sextariorum à Moyse, secundum Sacræ Legis mensuram effectus est. Et quamvis diversæ gentes huic mensuræ pondus, vel adjiciant ignorantèr, vel detrahant: apud Hebræos Constitutione Divina tali ratione servatur. Modius enim à modo dictus. Hinc & modica, id est, moderata. Modicis enim modius nomen imposuit. Nam modica

pro parvis abusivè, non propriè dicimus.

16 ⁽²⁾ Satum genus est mensuræ juxta morem Provinciæ Palestinæ unum & dimidium modium capiens. ⁽³⁾ Cujus nomen ex Hebræo sermone tractum est. Satum enim apud eos nominatur sumptio, sive levatio, eo quòd qui metitur, eandem mensuram sumat, ac levet. Est & aliud Satum mensura sextariorum xxii. capax, quasi modius.

17 Batus vocatur Hebraica lingua ab olearia mola, quæ bath apud eos, vel batha nominatur capiens quinquaginta sextarios, quæ mensura una molæ vice proteritur.

18 Amphora vocata, quòd hinc & inde levetur. Hæc Græcè à figura sui dicta dicitur, quòd ejus ansæ geminatæ videantur aures imitari. Recipit autem vini, vel aquæ pedem quadratum, frumenti verò modios italicos tres.

19 Cadus Græca amphora est, continens urnas tres.

20 Urna mensura est, quam quidam Quartarium dicunt. Propriè autem urna vas est, quòd pro condendis defunctorum cineribus adhiberi solet, de quo Poëta: Cœlo tegitur, qui non habet urnam.

21 Medimna est mensura quinque modiorum. Medimna autem Latina lingua vocatur, id est, dimidia, eo quòd quinque modiis meriatur, qui est dimidius numerus à perfectò denario.

22 Artaba mensura est apud Ægyptios sextariorum lxxii. compositus numerus, propter lxxii. gentes, vel linguas, quæ Orbem impleverunt.

Go-

(1) Modius--servatur. Omnia ex Epiphan.

(2) Satum genus est mens--capiens. Ex Hieronym. in Matth. 13.

(3) Cujus nomen ex Heb. Sc. Hæc & quæ restant usque ad finem cap. ex Epiphano sunt, in quibus si quid vitii est id nos non præstatimus, sed Isidorum satis scilicet tanto Ancilore ducimus.

23 Gomor xv. modiorum onus appendit.

24 Corus xxx. modiis impletur. Hic ex Hebraico sermone descendit, qui vocatur Cora à similitudine collis. Cora enim Hebraicè colles appellantur. Coacervati enim modii xxx. instar collis videntur, & onus cameli efficiunt.

CAPUT XXVII.

De Signis.

1 **P**onderis ⁽¹⁾ signa plerisque ignota sunt, & indè errorem legentibus faciunt. Quapropter formas eorum, & characteres, ut à Veteribus signata sunt subiciamus.

2 **Z**. Zeta littera significat dimidium Obolum.

3 **┐** Virgula æqualitèr jacens, & porrecta simpliciter significat Obolum.

4 **≡**. Geminata virgula, duo Oboli sunt.

5 **T**. Latinum significat Obolos tres.

6 **F**. Latinum significat Obolos quatuor.

7 **E**. Latinum demonstrat Obolos quinque.

8 Oboli verò sex proptereà characterem non habent, quod in una drachma sex veniant, quod est pondus Denarii argentei.

9 **H**. Hera littera significat siliquas viii. id est, Tremissem.

10 **N**. Latinum significat nomisma Græcum, id est, Solidum.

11 **IB**. Jota adjuncta beta significat dimidium Solidum.

12 **◁**. Virgulæ duæ ex uno angulo à læva in dextram se dividentes significant Drachmam, quam etiam Holcen appellant.

13 **N Γ**. **N**, Latinum adjuncto **Gamma** Græco significat Semiunciam.

14 **Γ°**, **Γ**, ⁽²⁾ **Gamma** autem Græcæ litteræ o Latinum in fine adjunctum significat Unciam.

15 **Λ**. **Lambda** Græcum per medium sui, i. Latino adjecto, significat Libram.

16 **Κ**. **Kappa** Græcum circa finem cornuum adjuncto, v. Græco significat Cyathum.

17 **Κ°** **Si**. o. Latinum habuerit adjunctum **Heminam** demonstrat, quam Græci **Cotylen** vocant.

18 **Ξ** ^E **XI** Græcum si acceperit junctum. **E**. Latinum significat Sextarium.

19 ⁽³⁾ **Ξ°** **Si**. o. Latinum adjunctum, indicat **Acetabulum**, quod Græci **Oxybaphon** vocant.

20 **Μ** Græcum superposito. **N**. Latino significat **Mnam**.

21 ⁽⁴⁾ **Τ** **T** Latinum in fine habens **Lambda** Græcum significat **Talentum**.

22 ⁽⁵⁾ **Χ°** **Chi** Græcum in dextro brachio superiori. o. littera conjuncta **Chœnix** est.

DI-

(1) Cap. XXVII. Ponderis signa—ut à veterib. *Favimus*, Hæc de mensuris, quarum si signa requiris. Ex ipsis veterum poteris cognoscere chartis. *Við. Galen. Dioscorid. Paul.*

(2) *Gammæ* autem. *Non displicet nota Neapolitani Codicis. Γ*

(3) *Si*. o. Latinum. *Paulus*, non o. sed v. adjungit.

(4) *T* Latinum in fine lambl. hab. *Hujus nota figura, & definitio fasit, ut uncia notari, qua est in Neapol. C. mæ-*

is probemus.

(5) *Chi* Græc. seu potius *Xv. Græcum*. Sic enim *Chœnix* notari solet.

DIVI ISIDORI HISPALENSIS EPISCOPI ETYMOLOGIARUM LIBER DECIMUS SEPTIMUS. DE REBUS RUSTICIS.

CAPUT PRIMUM.

De Auctoribus Rerum Rusticarum.

IRERUM ⁽¹⁾ Rusticarum scribendi sollertiam apud Græcos primus Hesiodus Bœotius humanis studiis contulit : Deindè Democritus, ⁽²⁾ Mago quoquè Carthaginensis in XXVIII. voluminibus studium agriculture conscripsit. Apud Romanos autem de agricultura primus Cato instituit, quam deindè Marcus Terentius expolivit, mox Virgilius laude carminum extulit. ⁽³⁾ Nèc minùs studium habuerunt postmodùm Cornelius Celsus, & ⁽⁴⁾ Julius Atticus, ⁽⁵⁾ Æmilianus, sive ⁽⁶⁾ Columella insignis Orator, qui totum corpus ejusdem disciplinæ complexus est.

2 ⁽⁷⁾ Primùm ad aratrum boves junxisse ferunt quemdam privatum hominem, & fulminatum nomine Homogirum. ⁽⁸⁾ Quidam autem Osirim dicunt esse Artis hujus Inventorem.

Quidam Triptoleum. ⁽⁹⁾ Et hìc quæstio est quomodo prima Ceres ferro in Græcia vertere terram instituit : sed ferro qualicumque, non specialitèr vomere, aut aratro. Stercorandi agri rationem primus induxit ⁽¹⁰⁾ quidam nomine Stercutius in Italia. ⁽¹¹⁾ Cujus ara à Pico dedicata est. Hic plura instrumenta agriculturæ reperit, primusque agros simavit. Eundem quidam Saturnum putaverunt, ut majorem illi nobilitatem facerent hoc nomine, quo splendidè sonaret, & dignitatem tituli compararet.

CAPUT II.

De Cultura Agrorum.

Cultura est qua frumenta, vel vina magno labore quæruntur, ab incolendo vocata. Divitiæ enim Antiquorum in iis duobus erant, benè pascere, & benè arare. ⁽¹²⁾ Cultura agri, cinis, aratio, intermissio, incensio stipularum, stercoratio, occatio, runcatio.

Ci-

(1) Cap. I. Rerum Rusticarum—complexus est. Hæc ferè ex Columell. lib. 1. cap. 1.

(2) Mago quoquè Carthaginens. in XXVIII. Ità Varr. lib. 1. de Re Rust. cap. 1.

(3) Nèc minùs studium habuer. Columell. Nèc minorem laudem meruerunt.

(4) Julius Atticus. Qui de viribus tantum scripsit. De quo Plin. in India lib. 15. & 17.

(5) Æmilianus. Palladius Rutilius Taurus Æmilianus, Vir Illustris.

(6) Sive Columella. Disjunctionem pro conjunctione more suo posuit.

(7) Primùm ad aratr. b. junxisse fet. Ex August. 18. de Civit. cap. 6.

(8) Quidam autem Osirim. q. Tript. & Serv. Georg. 1. Uncique puer monstrator aracti.

(9) Et hìc quæstio est. Ex eodem ad illud, Prima Ceres fert.

(10) Quidam nomine Stercutius. Ex Lat. lib. 1. cap. 20. idem Sterces, & Stercutus vocatur apud Aug. 18. de Civit. cap. 17. Stercutia apud Macrobi. lib. 1. Saturn.

(11) Cujus ara à Pico. Macrobius, à Jano Pici Patre.

(12) Cap. II. Cultura agri, cin. ar. interm. Serv. ad Georg. Initium. Pingues autem efficit terras cinis, intermissio arandi, incensio stipularum, stercoratio, undè etiam lartas ait. Nam fœmus, qui per agros jacitur, vulgo lartamen vocatur.

2 Cinis est incendium, ⁽¹⁾ per quod ager inutilem humorem exudat.

3 Aratio dicta, quia de aere prius terræ culturam exercebant, antequàm ferri fuisset usus reperiens. ⁽²⁾ Duplex est autem aratio: vernalis, & autumnalis.

4 Intermissio est, qua alternis annis vacuus ager vires recipit.

5 Stercoratio est lætaminis aspersio. Stercus autem vocatum, vel quia sternitur in agris, vel quia extergi oporteat quicquid sordium in Civitate redundat, sive quod verius est, à Sterce, qui & Stercutus dictus. Idem & finus est, qui per agros jacitur. ⁽³⁾ Et dictus finus, quod fiat mus, id est, Stercus, quod vulgò lætamen vocatur, eo quod suo nutrimento læta faciat germina, reddatque pingua arva, & fecunda.

6 Occatio est, cum rustici satione facta, bubus dimissis, ⁽⁴⁾ grandes glebas cædunt, ac ligonibus frangunt: & dicta occatio, quasi obcæcatio, quod operiat. Occare igitur est operire terra semina, vites, vel arbores.

7 Runcatio est à terra herbas evellere. Nam rus terra est.

8 Sulcus à Sole vocatus, quod proscissus Solem capiat.

9 Veruactum dicitur, quasi verè actum, id est, verno aratum.

10 Proscissio est aratio prima, cum adhuc durus est ager.

11 Satio dicta, quasi seminis ac-

tio, vel quasi satorum actio. Serere autem vocatum, quia hoc Cælo sereno faciendum est, non per imbres. Hinc est, & illud Virgilianum: Nudus ara, sere nudus. Messis à metendo, id est, recidendo dicta.

12 Seges autem de semine dicta, quod jacimus, sive à sectione.

CAPUT III.

De Frumentis.

1 **P**rima ⁽⁵⁾ Ceres cœpit uti frugibus in Græcia, & habere segetes translatis aliundè semminibus. Hujus meminit Ovidius dicens: Prima Ceres unco glebam dimovit aratro. Prima dedit fruges, alimenta que mitia terris.

2 ⁽⁶⁾ Frumenta sunt propriè, quæ aristas habent: ⁽⁷⁾ Fruges autem reliquæ Frumenta autem, vel fruges à frumendo, hoc est, à vescendo dictæ. ⁽⁸⁾ Nam frumen dicitur summa pars gulæ.

3 Primitiæ propriè sunt, quæ de frugibus præcerpuntur.

4 Triticum, vel à tritura dictum, quod purissimum horreo condatur, vel quia granum ejus commolitur, & teritur.

5 Far dicitur, eo quod initio frangeretur.

6 ⁽⁹⁾ Apud antiquos enim molarum usus nondum erat, sed fumentum in pila missum frangebant, & hoc erat genus molendi.

Ado-

(1) Per quod ager inutilem hum. exud. Virg. Atque exudar inutilis humor.

(2) Duplex autem est aratio. è Serv. ad v. Verè novo. Georg. 1.

(3) Et dictus finus, quod f. mus, id est, sterces. Mus terram interpretatus est suprâ lib. 2. cap. 3. sed hac aliena putat Chacon, & rectè: nam & verba Servii, quæ retulimus, ab Isidoro fidelitèr descripta credo, & finis etymologie Rabanus non meminit, dicitur etiam hodie ab Italis sterces lætame.

(4) Grandes glebas. Festus. Occare, & occatorem Verrius putat dictum ab occidendo, quod cædat grandes globos terræ, cum Cicero venustissime dicat ab occidendo fruges satas. Vbi glebas, non globos, est hoc loco legendum, sed prior etymologia mus est Varro lib. 1. de Re Rust. cap. 31. Vincas novellas fodere, aut arare: & postea occare, id est, comminere, nè sit gleba. Gloss. Occat. Avatonem.

(5) Cap. III. Prima Ceres cœpit uti frugibus in Græcia. Aug. 18. de Civit. cap. 6. Regnante autem Argo suis uti cœpit frugibus Græcia, & habere segetes in Agricultura delatis aliundè seminibus.

(6) Frumenta sunt prop. q. arist. hab. è Serv. Georg. 1. ad v. Siliqua quass. legumen.

(7) Fruges autem reliquæ. At Serv. Æn. 1. ad v. Frugesque recept. Extant (inquit) qui discernunt frumenta à frugibus.

(8) Nam frumen dicitur summa pars gulæ. Servius utrobique.

(9) Apud antiq. — molendi. è Serv. Æn. 2. ad illud. Et torcere p. f. & frang. saxo.

7 ⁽¹⁾ Adorēum tritici genus, ⁽²⁾ quod idem vulgò semen dicitur. Ador quondam appellatum ab edendo, quia primo eo usi sunt homines, sivè quia in sacrificio ipsius generis Panis ad aras offerebatur. Undè adorea sacrificia dicuntur.

8 Siligo genus tritici à selecto dictum. Nam in pane species ejus præcipua est.

9 Trimestre triticum idèd nuncupatum, quia satum post tres menses colligitur: ⁽³⁾ Nam ubi propter aquam, aliamvè causam matura satio omissa est, præsidium ab hoc petitur.

10 ⁽⁴⁾ Alica, Græcum nomen est.

11 ⁽⁵⁾ Alicastrum simile est alicæ, pondere, & bonitate præcipuum.

12 Hordeum dictum, quòd præcæteris generibus frumenti aridum antè fiat, vel quòd spica ejus ordines habeat. ⁽⁶⁾ Horum tria genera. Primum Hexaticum vocatur, eo quòd spica ejus sex ordines habeat, quod quidam Cantherinum appellant, quoniam animalia melius, quàm triticum pascit, & homines salubrius, quàm malum triticum. Alterum Distichon, eo quòd duos ordines habet, hoc plerique Galaticum vocant. Tertium Trimestre, quia dùm cogit necessitas, verno seminatur, & celeritè colligitur.

13 ⁽⁷⁾ Scandula, à divisione vocata. Duplex enim est, scanditurque, id est, dividitur.

14 ⁽⁸⁾ Centenum appellatum, eo quòd in plerisque locis factus seminis ejus in incrementum frugis centesimum renascatur.

15 Hinc & Milium à multitudinem fructus vocatum.

16 Panicium dictum, quòd multis in Regionibus ex eo Panis vice homines sustententur, quasi panificium.

17 Pistum, à pasto.

18 Sesamum, Græcum nomen est.

19 Farrago dicta à farre. Est enim herba hordeacea adhuc viridis: nec dùm granis ad maturitatemurgentibus.

20 ⁽⁹⁾ Spicam de maturis frugibus abusivè dicimus. Nam propriè spica est, cum per culmi folliculum, id est, extremum tumorem aristæ adhuc tenues in modum spiculi eminent.

21 ⁽¹⁰⁾ Arista appellata, quòd priùs ipsa areseat.

22 ⁽¹¹⁾ Culmus est ipse calamus spicæ, qui à radicibus nascitur. Et dictus culmus, quasi calamus.

23 Folliculus est theca frumeti, in qua granum servatur interiùs.

⁽¹²⁾ Hæc super spicam vallo instructa mu-

(1) Adorēum tritici genus. Festus. Ador farris genus, edor quamdam appellatum, ab edendo; vel quod aduratur, ut fiat tostum, unde in sacrificio mola salsa efficitur.

(2) Quod idem vulgò semen dicitur. Plinius de Zen lib. 18. cap. 8. Est & hæc Italiz in Campania maximè semen appellatur.

(3) Nam ubi propter aquæ, aliamvè caus. è Columell. lib. 2. cap. 6.

(4) Alica Græcum nomen est. Latinum putat Festus: Alica (inquat) dicitur, quod alic corpus. Carisius verò lib. 3. Alicam sine aspiratione dictam: Verrius tradit, & sic multi dixerunt: Lucilius xv. Nemo est halicarius posterior te, cum aspiratione dixit. Ergo sub iudice lis est.

(5) Alicastrum simile est alicæ. Columell. ibid. Semen trimestre, quod dicitur alicastrum, idque pondere, & bonitate est præcipuum.

(6) Horum tria gener. Ex eod. cap. 9. Nisi quod ad duo genera species omnes ordi resulit.

(7) Scandula. Al. scandalia. f. scandia. Sic enim apud nos appellatur.

(8) Centenum. Quod à Plinio Secale dicitur lib. 18. cap. 16.

(9) Spicam de mat. eminent. è Serv. Georg. 2. ad illud: Spicæ jam campis, &c.

(10) Arista appel. Ex eod. An. 7. ad illud: Cursu læsisset aristas.

(11) Culmus. Idem Georg. 1. ad v. Culmumque lev. stipulasque: Culmus dicitur ipse calamus, stipulæ verò folia, quæ ambiunt culmum.

(12) Hæc super spicam, &c. Ambros. lib. Hexam. 3. cap. 8. Tum super ipsam spicam vallum struitur, ut quasi quadam in arce præcedat, nè avium minorum morsibus spica suis exuatur fructibus, aut vestigiis procreatur. Expressit autem Ambros. locum Cicer. ex lib. de Senect.

munimen prætendit, nè avium minorum morsibus spica suis fructibus exuatur, aut vestigiis proteratur.

24 ⁽¹⁾ Stipulae sunt folia, seu vaginae, quibus culmus ambitur, atque fulcitur, ne pondere frugis curvetur, quæ ambiunt culmum. Et dicta stipula, quasi usta, & quasi ustipula. Stipula dicta ab usto: collecta enim messe uritur propter culturam agri. Item stipula, vel quia pars ejus uritur, pars interdum pro palea præciditur.

25 Palea à quibusdam vocari dicitur, quod pala ventiletur, ut frumenta purgentur. Gentiles autem paleam à quadam Pale frugum Inventrice nominaverunt, quam Cererem esse volunt. De qua Virgilius: Te quoque magna Pales, & te memorande canemus. Item alii à pabulo nuncupatam dicunt paleam, quod ea primum sola in pascendis animalibus præbeatur. ⁽²⁾ Cujus natura ex contrario tantum est frigida, ut obrutas nives fluere non sinat: adeo calida, ut maturare poma compellat.

CAPUT IV.

De Leguminibus.

1 **L**egumina ⁽³⁾ à legendo dicta, quasi electa. Veteres enim meliora quæque legebant, ⁽⁴⁾ sive

quod manu legantur, neque sectionem requirant.

2 Leguminum plurima genera, ex quibus Faba, Lenticula, Pisum, Faselus, Cicer, Lupinus gratiora in usum hominum videntur.

3 Faba Græca etymologia à vescendo vocabulum sumpsit, quasi faga. φαγεῖν enim Græcè comedere dicitur. ⁽⁵⁾ Primum enim homines hoc legumine usi sunt. Hujus species duæ, quarum altera communis, altera Ægyptia.

4 Faba Fresa dicta, eo quod eam homines frendant, id est, frangant, & molendo comminuant.

5 Lens vocata, quod humida, & lenta est, ⁽⁶⁾ vel quod adhæret humi.

6 ⁽⁷⁾ Faselus autem, & Cicer Græca nomina sunt, ⁽⁸⁾ sed Faselus vile genus leguminis, quia omne quod abundat vile est, hoc autem semen abundanter invenitur.

7 ⁽⁹⁾ Lupinus Græcum, & ipsum nomen est. De quo Virgilius: Tristisque lupini, quia vultum gustantis amaritudine contristat: unde eos præ amaritudine, nè vermis, nè ullum animal comedit.

8 Medica, Vicia, Ervum, pabulorum optima sunt.

9 Medica dicta, quia Medis translata est in Græciam, tempore ⁽¹⁰⁾ quo eam Xerxes Rex Persarum invasit. Hæc

(1) Stipulae sunt folia. à Serv. & Ambros. ibid.

(2) Cujus natura ex contrar. tantum est frigid. &c. Aug. lib. 21. de Civit. cap. 7. De palea sic frigente, ut fluere nivem non sinat, sic calente, ut maturare poma compellat.

(3) Cap. IV. Legumina à legendo—veteres enim meliora quæque leg. Serv. Georg. 1. ad illud. Maxima quæque manu legerat: Hinc, inquit, quidam volunt dictum legumen.

(4) Sive quod m. leg. n. s. r. Ex eod. ad v. Siliqua quassante legumen. Varro lib. 1. de Re Rust. cap. 23. de Cicer. Hoc enim quoque legumen: ut cætera, quæ velluntur è terra, non subsecantur, quæ quod ita legantur, legumina dicta.

(5) Primum n. homin. hoc leg. usi sunt. Plin. lib. 8. cap. 12. Sequitur natura leguminum, inter quæ maximus honor fabæ, quippe ex qua tentatus sit etiam panis.

(6) Vel quod adhæret humi. Al. Humida—Alii lentem, quasi lenem dictam voluit ex verbis Plinii Invenio apud Auctores aquanimitatem fieri vescitibus ea.

(7) Sed faselus, & cicer Græc. Cur cicer Græcum nomen dixerit, querendum.

(8) Sed faselus, vile genus. Vilemque faselum, dixit Virg. relinqua Serv. ibidem.

(9) Lupinus, Græcum & ipsum, ἀνὲ τῶν λόγων. Dictus lupinus, eo quod etiam videtur respexisse Virgilius.

(10) Quo eam Xerxes Rex Pers. Serv. Georg. 1. ad illud. Tunc te quoque. Medica putres Accipiant sulci: Hæc autem herba à Medis translata est in Græciam, quo tempore eam invaserunt. Plin. lib. 18. cap. 16. A Medis advecta per bella Persarum, quæ Darius intulit. Sed cur Xerxem pro Dario substituerit Isidorus, id anxie pervestigandum non putavimus.

⁽¹⁾ Hæc semel seritur, & decem annis permanet, ita ut quater, vel sexies possit per annum recidi.

10 ⁽²⁾ Vicia dicta, quod vix ad triplicem perveniat fructum, cum alia egumina proventum habeant fertilem. Unde & Virgilius: Aut tenues foetus vicia.

11 Pisa, quod ea pensabatur aliquid auri minutum. ⁽³⁾ Nam pis aurum dicitur.

12 Eruum à Græco trahit vocabulum. Hoc enim illi ἔρρον dicunt, quod dum sit quibusdam pecoribus infestum, ⁽⁴⁾ tauros tamen pingues efficit.

CAPUT V.

De Vitibus.

Vitis plantationem Noë primus instituit rudi adhuc sæculo. Apud Græcos autem inventorem vitis Liberum appellant. Unde & eum Gentiles post mortem Deum esse voluerunt.

2 ⁽⁵⁾ Vitis dicta, quod vim habeat citius radicandi. Alii putant vites dictas, quod invicem se vittis innectant, vicinisque arboribus reptando religentur. ⁽⁶⁾ Est enim earum natura flexibilis, quia quasi brachiis quibusdam, quidquid comprehenderint, stringunt.

3 ⁽⁷⁾ Labrusca est vitis agrestis, quæ in terræ marginibus nascitur. Unde & Labrusca dicta à labris, & extremitatibus terræ.

4 ⁽⁸⁾ Codex dictus, quasi Caudex. Sic enim & Veteres clodum pro claudum dicebant.

5 Sarmentum à serendo, quasi serimentum.

6 ⁽⁹⁾ Malleolus est novellus palmes innatus prioris anni flagello, cognominatusque ob similitudinem rei: quod in ea parte, quæ deciditur ex veteri sarmento prominens, utrinque mallei speciem præber.

7 ⁽¹⁰⁾ Spadones sunt surculi fruge carentes, ex ipsa appellatione, quod sint inhabiles fructui, & sterilitate affecti.

8 ⁽¹¹⁾ Sagittam rustici vocant novissimam partem surculi, sive quia longius recessit à matre, & quasi prosilit: seu quia acuminis tenuitate telli speciem præfert.

9 ⁽¹²⁾ Summitates vitium, & fruticum. Flagella nuncupantur, eo quod flatu agitentur.

10 ⁽¹³⁾ Palmes vitis materia molli, qui per novella brachia emissus fructum affert. Nam idè rustici partem vitis palmitem dicunt. Palmes enim derivativum nomen est, quod nomen paragogum dicitur, quod à palma derivetur. Palma enim habet

no-

(1) Hæc semel seritur—recidi. Ex Columell. lib. 2. cap. 11.

(2) Vicia dicta. Servius ad verba Virgilii ab Isidoro citata: Mirè tenues ait. Nam vicia vix ad triplicem pervenit fructum, cum alii leg. p. h. felicissimum, & fertilem. Ex his verbis Isidorus notationem qualemcumque conficit. Sed placet Varronis nobis etymologia lib. 1. cap. 31. Vicia dicta à vinciendo, quod item capreolos habet, ut vitis, quibuscum sursum vorsum serpit ad scapum lupini, aliumve quem, ut hærat, id solet vincire.

(3) Nam pis aurum dicitur. f. Nam inde Pisaurum dicitur. Serv. An. 6. ad illud. Aspicie Torq. & referentem signa Camilli. Nam Pisaurum (inquit) dicitur quod illic aurum pensatum est. Sed rejiciebat hæc Chacon, ut adulterina.

(4) Tauros tamen pingues eff. Virg. eclog. 3. Eheu! quam pingui macer est mihi Taurus in eruo.

(5) Cap. V. Vitis d. q. vim habeat citius radicandi. A vita scilicet, vel vi.

(6) Est enim earum natura flex—stringit. Ambros. Hexam. cap. 12. de Vite. Deinde quia natura flexibilis, (sive, ut est in veteri libro, fluxilis) & caduca est, quasi brachiis quibusdam ita claviculis, quidquid comprehenderit, stringit.

(7) Labrusca—terra. à Serv. eclog. 5.

(8) Codex d. q. caudex. Serv. Georg. 2. Quin & caudicibus sectis: Caudicibus posuit pro codicibus sicut caulem pro

(9) Malleolus—præber. à Columell. lib. 3. cap. 6.

(10) Spadonis. Ex eodem lib. cap. 10.

(11) Sagittam—præfert. è cap. 17.

(12) Summitates vitium. Ità Serv. Georg. 2. ad—Neve flagella Summa pete. Et Varro lib. 1. cap. 31.

(13) Palmes, &c. Quod nomen παραγυγιος dicitur. Charisius lib. 3. Sunt quedam verba, quæ παραγυγιος appellantur, quæ à primitivi verbi declinatione, & mutationem, & adjunctionem capiunt.

nomen prototypum, ⁽¹⁾ quod dicitur principale, ab eo quod ex se derivatum faciat.

11 ⁽²⁾ Pampinus est folium, cuius subsidio vitis à frigore, vel ardore defenditur, atque adversus omnem injuriam munitur. Qui ideo alicubi intercisus est, ut & Solem ad maturitatem fructus admittat, & umbram faciat. Et dictus pampinus, quod de palmite pendeat.

12 ⁽³⁾ Capreoli dicti, quod capiant arbores, sunt enim cincinni, si vè uncinoli, quibus se innectere vites, & suspendere solent arboribus, quo adminiculo freti palmites ⁽⁴⁾ ventos, ac turbines contemnere queant, & ⁽⁵⁾ sine lapsu periculorum fructus suos sustineant, ac sese vaga proceritate diffundant.

13 ⁽⁶⁾ Corymbi sunt annuli, qui proxima quæque ligant, & comprehendunt, ne longius laxati palmites ventorum flatibus dissipentur.

14 Uvæ dictæ, quod intrinsicus humore sunt plenæ, ⁽⁷⁾ succique & pinguedinis. ⁽⁸⁾ Nam humidum est, quod exterius humorem habet, uvidum, quod interius.

15 Acina---

16 Botrus---

17 ⁽⁹⁾ Racemus est botrionis pars, & botrio Græcum est.

18 ⁽¹⁰⁾ Suburbanæ uvæ quædam dicuntur, quia fructus earum ad escam velut pomum in Urbibus venditur. Commendat enim eas, & species, & saporis jucunditas, ex quibus sunt Præcoquæ, Duracinæ, Purpureæ, Dactyli, Rhodiæ, Lybicæ, Cerauniæ, Stephanitæ, Tripedaniæ, Unciariæ, Cidonitæ. Durabiles autem per totam hyemem Veniculæ, & Numisianæ

19 ⁽¹¹⁾ Præcoquæ vocatæ, quod citò maturescant, & antè omnes Sole coquantur. Has ⁽¹²⁾ Lageos dicunt, quod currant ad maturitatem velocitè, ut lepus.

20 Purpureæ, à colore dicuntur.

21 ⁽¹³⁾ Dactyli, à longitudine.

22 Rhodiæ, & Lybicæ, à Regionibus nuncupatæ sunt.

23 Cerauniæ verò, quod rubeant, velut ignis.

24 ⁽¹⁴⁾ Stephanitæ, à rotunditate.

25 Unciariæ, à magnitudine.

26 Genera autem uvarum, quæ vino deserviunt plurima. Ex quibus ⁽¹⁵⁾ Amineæ dictæ, quasi sine minio, id est, sine rubore. Album enim vinum,

Oo red-

⁽¹⁾ *πρωτότυπον*, quod dicitur principale. Idem lib. 1. cap. de Analogia. Nomina quædam sunt principalia, quæ Plinius secundo eodem libro, faciendi appellat, ut aqua; ex quibus possessiva nascuntur, quæ patiendi vocat, ut aqualis.

⁽²⁾ Pampinus est folium, &c. Ex Ambrosii lib. 3. Hexam. cap. 12.

⁽³⁾ Capreoli quod capiant arbores. Varr. lib. 1. cap. 51. Ex altera parte caprea dicta, quod parit capreolum. Is est coliculus vitæ, intortus, ut cincinnus, is enim vitæ ut teneat, scripse ad locum capiendum. Ex quo à capiendo capreolus dictus. Verius tamen, capreolum à nobis propter tenebritudinem dictum, ita ut à Græcis *μωρεος*, id est, vituli, dicuntur rami novelli.

⁽⁴⁾ Ventos, ac turbines contemnere. Ita omnino legendum ex veteribus libris, respexitque ad Virgilii verba Georg. 2. *ejusmodi de re*. Viribus enim quarum, & contemnere ventos assuescant.

⁽⁵⁾ Et sine lapsu periculorum. Lapsu periculorum libris omnes, pediculorum quidam reponunt, quod pediculi, & fructuum, & foliorum dicuntur. Quibus Plinius repugnat lib. xv. cap. 28. Dependunt (inquit) alia pediculis ut pyra, alia racemis ut uvæ, & palma, alia & pediculis, & racemis ut edere, sambuci. Quid si lapsus periculorum, dixit Isidorus, (ut Casullus casus alios periculorum.) sine lapsu periculo volebat Chacon.

⁽⁶⁾ Corymbi sunt annuli. Item inf. cap. 9. Corymbis, quos annulos vocamus, nisi forte Corymbi legendum, Herych. *ἀνθὸς ἀνθὸς τῶν γυμνασίων ἀνθὸς ἀνθὸς*. Nam quod masculino genere enuntiavit Isidorus, haud magni referre arbitror.

⁽⁷⁾ Succique & pinguedinis. Al. succique pinguedine.

⁽⁸⁾ Nam humidum est, quod extrinsecus. & Serv. eclog. 10.

⁽⁹⁾ Racemus est botrionis pars. Ex cod. Georg. 2. ad illud, Et turpes avibus prædam fert uva racemos.

⁽¹⁰⁾ Suburbanæ uvæ, & Columell. lib. 3. cap. 2. Vid. etiam Plin. lib. 14. cap. 3.

⁽¹¹⁾ Præcoquæ. Serv. Præciæ, quasi præcoquæ, quod ante alias sole coquantur.

⁽¹²⁾ Lageos. Serv. ad Tenuisque lageos: Lageos est, quæ Latine Lepotaria dicitur.

⁽¹³⁾ Dactyli. Dactylides.

⁽¹⁴⁾ Stephanitæ. Idem: Et coronatio naturæ lusu Stephanites acinos foliis intercurrentibus.

⁽¹⁵⁾ Amineæ q. sine minio. & Serv. ad illud. Sunt & Amineæ vitæ. Georg. 2. ubi multa Pierius de Voce, & de Vini genere.

reddit, quæ cum sit unius nominis, non unam speciem reddit. Amineæ duæ geminæ ab eo dictæ, quod duplices uvas mittant.

27 ⁽¹⁾ Amineæ lanata, quia plûs omnibus lanescit lanugine.

28 Rubeliana dicta, quia ejus materia rubet.

29 Fæcinia minuti acini, & duræ cutis uvas habet, ⁽²⁾ nobilitate Amineam sequitur, fœcunditate præcedit. Quam proindè Fæciniam vocat, quod plûs quàm cæteræ fæcis afferat.

30 ⁽³⁾ Apianæ vinum dulce faciunt, quas nisi citò legas, pluviis, & ventis, & maximè apibus infestantur, quarum deprædatione Apianæ cognominatæ sunt.

31 Balanitæ à magnitudine nomen sumpserunt, *βαλανίον* enim Græci glandem vocant.

32 Biturica à Regione nomen sortita est, turbines, & pluvias, & calores fortissimè sustinens, nè in macra terra deficiens, hujus meriti, & Basilisca est.

33 ⁽⁴⁾ Argitis græcula vitis, generis albi, fertilis.

34 Visula materiam & brevem, & latum folium mittens, cujus fructum nisi primo tempore colligas, aut ad terram decideret, aut humore putrescet.

35 ⁽⁵⁾ Inerticula nigra est, quam Græci Amethyston vocant, boni vini, & lenis, à quo etiam nomen traxit, quòd iners in tentandis nervis habeatur, quamvis gustui non sit hebes.

36 ⁽⁶⁾ Mareoticæ à Regione Ægypti Mareotis dictæ, undè priùs venerunt, sunt enim, & albæ, & nigrae.

37 ⁽⁷⁾ Helvolæ, quas quidam varias appellant, nequè purpureæ, nequè nigrae: ab helvo colore ità dictæ, subalbi tamen musti. Helvum enim est nigrum, candidumque colore. Nam helvum, nèc album, nèc nigrum est.

38 ⁽⁸⁾ Tertius locus vitium, quæ sola fœcunditate commendantur, abundantia copiosa, multumque vini fluens.

39 ⁽⁹⁾ Vitiscionia uvas grandes magis, quàm multas habet: nomen autem indè hoc sumens, quod multum vini fluat.

40 ⁽¹⁰⁾ Syriaca, vel quia de Syria allata, vel quia nigra est.

41 Multa autem genera vitium sunt, quæ tamen mutatione loci, & qualitate, & nomen amittunt.

42 Vitibus inter cætera magis ista conveniunt, oblaqueatio, putatio, propaginatio, fossio.

43 ⁽¹¹⁾ Oblaqueare est circa codicem

(1) Amineæ lanata. Ità dicitur à Columella, & Plinio.

(2) Nobilitate Amineam sequitur. Hac de Momentanis Columella, quas tamen cum Rubellianis, & Fæcinis ipse, & Plin. conjungunt.

(3) Apianæ, &c. à Columell.

(4) Argitis—Visula materiam brevem. à Columella, à quo Visulam suam in locum restitimus, qua hic nulla erat. Nisi siquis vulgatum lectionem secutus Vastam pro visula malit legere; ut hac omnis de Argite dicantur: sed accidisse hic credo quod in Inerticula, qua statim sequitur. Quod cum vivè in Iridora, vivè apud Columellam, vox materiis in Argite, præcederet, in Visula materiam brevem sequeretur: librarii sequentia verba distribuerent; qua de Argite interponenda fuerant, cum nomine ipso Visula omitterent. Itaque sic fortassis locus integer legendus. Argitis Græcula vitis generis albi, fertilis vastis materiis, & ubis exuberat. Visulæ brevem materiam, & latum folium, &c.

(5) Inerticula—hebes. Ex Columell. ibid. e quo Amethyston reposuimus in vitis omnibus libris. Nam vox Amaracion, quæ hic vulgo legitur, ex Helvinaevis visis, de quibus agit statim Columella, huc compulsam, nescit Chacon.

(6) Marcotice à Sero, ad v. Sunt & Marcotides albæ. Georg. 2.

(7) Helvolæ. Helvinaeas vocat Plinius, nos vulgo hebeses.

(8) Tertius locus—fluens. Hic tertio loco locus hic nullus est. Itaque expungendum censeo.

(9) Vitiscionia, &c. Vitiscionia nomen ignotum. De Spionia Columella: At Spionia dapsilis musto, & amplitudine magnis uvarum, quam numero fertilis.

(10) Syriaca. Plin. Est & nigra Aminxa, cui Syriacæ nomen imponunt.

(11) Oblaqueare—appellat. Ex Pallad. lib. 2. cap. 1. Video oblaqueare apud Auctores de Re Rust. passim scribi. Sed cur Goth. Libror. scriptura displicat, in quibus omnibus oblaqueare. Si Oblaqueare est lacus circum facere.

cem terram aperire, & velut lacus efficere. Hoc aliqui excodicare appellant.

44 Putare est virgam ex vite supervacuam resecare, cujus flagellis luxuriat. Putare enim dicitur purgare, id est, amputare.

45 Traducere, transducere. Propaginare verò flagellum vitis terræ submersum sternere, & quasi porrò pangere. Hic ⁽¹⁾ propagines à propagare, id est, protendere dicuntur.

46 Fodere verò est foveam facere, quasi fovere.

CAPUT VI.

De Arboribus.

Arborum nomen, sive herbarum, ab arvis inflexum creditur, eo quòd terris, fixis radicibus, adhærent. Utraque autem ideò sibi penè similia sunt, quia ex uno alterum gignitur. Nam dum sementem in terram jeceris, herba prius oritur, dehinc conforta surgit in arborem, & infra parvum tempus, quàm herbam videras, arbustum suspicis.

2 Arbustum arbor novella, & tenera, in qua insertio fieri potest, & dicta arbusta, quasi arboris hasta. Alii ⁽²⁾ arbustum locum, in quo arbores sunt, volunt accipere, sicut salictum. Sic & virectum, ubi virgulæ, & virentes.

3 Arbor autem & fructifera, & sterilis: arbos autem non nisi fructifera. Genere autem foeminino arbores dicimus, poma verò neutro.

4 Frutex brevis est appellatus, quod terram fronde tegat, cujus plurale nomen fruteta, arbor alta est.

5 Sylva verò spissum nemus, & breve. ⁽³⁾ Sylva dicta, quasi xylva, quod ibi ligna cædantur. Nam Græci ξύλον lignum dicunt. Multa enim Latina nomina Græcam, plerumque etymologiam recipiunt.

6 Nemus à nūminibus nuncupatum, quia Pagani ibi idola, constituebant. Sunt enim nemora arbores majores, umbrosæ frondibus.

7 Lucus est densitas arborum solo lucem detrahens, tropo antiphrasi, eo quòd non luceat, sive à luce, quòd in eo lucebant funalia, vel cerei propter nemorum tenebras.

8 Saltus est densitas arborum alta, vocata hoc nomine, eo quod exiliat in altum, & in sublime consurgat.

9 ⁽⁴⁾ Aviaria secreta nemora dicta, quod ea aves frequentant.

10 ⁽⁵⁾ Recidiva arborum sunt, quæ aliis sectis, repullulant. Alii recidiva à cadendo dicunt, quia post casum nascuntur. Alii à recidendo, & repullulando dixerunt, ergò recidivum, ubi mors, aut casus.

11 ⁽⁶⁾ Insitio dicitur, cum fisso trunco surculus foecundæ arboris sterili inseritur; aut oculorum impositio, cum inciso cortice, libro alienæ arboris germen immittitur.

12 ⁽⁷⁾ Plantæ sunt de arboribus: Plantaria verò, quæ ex seminibus nata sunt cum radicibus, & à terra propria transferuntur.

Oo 2

Ces-

(1) Propagines à propagare, i. protendi. Serv. Æn. 4. ad illud: Genus alto à sanguine Teucris proderet modò (inquis) protenderet, i. propagaret.

(2) Cap. VI. Arbustum locum--salictum, Verba sunt Servii eclag. 3.

(3) Sylva dicta q. xylva, F. xyla, dicta autem Sylva à πύξιν ὕλη. i. pro aspiratione succedente.

(4) Aviaria, è Serv. Georg. 2. ad illud--Rubent aviaria baccis.

(5) Recidiva, è Anon. Servii locis Æn. 4. ad--Recidiva manu p. P. v. & Æn. 10. ad illud. Dum Latium Teucris, recidivæ Pergamæ querunt.

(6) Insitio d. cum fisso trunco--immittitur. Ex eod. Georg. 2. ad illud--Arbutus horrida. Ubi fisso, non infixo ex hoc loco, & manuscripti. Servii lib. legendum est.

(7) Plantæ--Plantaria--transfer. Ex eod. ibid.

13 Cespites frutices sunt, quasi cuspites. vel quasi circa pedes.

14 Frondes, quòd ferant virgulta, vel umbras, sunt autem causa umbrarum.

15 Oculi nodi sunt, ex quibus frondes exeunt.

16 Radix appellatur, quòd quasi radiis quibusdam fixa terris, in profunda dimergitur.

17 ⁽¹⁾ Nàm Physici dicunt partem esse altitudinem radicum, & arborum. Alii radicem à similitudine radiorum dictam putant, vel quia si eradatur, non repullulat.

18 Truncus est statura arboris insistentis radici.

19 ⁽²⁾ Corticem Veteres corucem vocabant. Dictus autem Cortex, quòd corio lignum tegat.

20 ⁽³⁾ Liber est corticis pars interior, dictus à liberato cortice, id est, ablato. Est enim medium quoddam inter lignum, & corticem.

21 Rami sunt, qui de trunco manant, sicut à ramusculis cætera.

22 Surculi à præcisione serræ nuncupati.

23 ⁽⁴⁾ Virgultum est, quod de radice pullulat: Ramus, qui de ipso robore arboris: Virga quæ de ramis. Propriè autem Virgultum appellatur, quod ad radicem arboris nascitur, & quasi inutile ab Agricolis amputatur. Et hinc dictum virgultum, quia ex virga tollitur. Virga, vel à virtute dicitur, quòd vim in se multam habeat, vel à viriditate, vel quia pacis

indicium est, quòd vim regat. Undè hac utuntur Magi ad placandos inter se serpentes, ⁽⁵⁾ & idcirco in ea hos sustinent illigatos. Hac etiam Philosophi, & ⁽⁶⁾ Reges, ac Magistri, & Nuntii, & Legati utuntur.

24 ⁽⁷⁾ Flagella dicuntur, ut prædiximus, summæ arborum partes, ab eo quod crebros ventorum sustinent flatus.

25 ⁽⁸⁾ Cymas vocatas (dicunt) quasi comas.

26 Folia Græcè φύλλα dicuntur, indè est ad nos hoc nomen per derivationem translatum.

27 Flores nominati, quòd citò defluant de arboribus, quasi fluores, quòd citò solvantur. In his duplex gratia: coloris, & odoris. Austro enim flores solvuntur, Zephyros fiunt.

28 Germen dicimus surculum prægnantem, à gerendo: undè & geminatio.

29 Fructus nomen accepit ⁽⁹⁾ à frumine, id est, eminente gutturis parte, qua vescimur. Indè & fruges. Fructus autem propriè dicuntur agrorum, & arborum, quibus utique utimur. In animalibus verò abusivè, & translativè vocamus fructum.

30 Poma dicta ab opimo, id est, à copiæ ubertate. Matura dicuntur, quia apta sunt ad mandendum: sic & immatura, quia priusquàm matura fiant, dura sunt ad mandendum.

31 Ligna dicta, quia incensa convertuntur in lumen. ⁽¹⁰⁾ Undè & lychnum dicitur, quòd lumen det.

Has-

(1) Nàm Physici dicunt, &c. Ex eod. *Æn.* 4.

(2) Corticem Veteres corucem. *Corium* lubenter legerim ex vestigiis quantumvis lubricis, *Tarraconens. Codicis.* Truncus est statura arboris insistentis radice, Veteres quorum voce vocabatur.

(3) Liber. è *Serv.* *eclog.* 10.

(4) Virgultum, quia ex virga. *Al.* Quia hæc virga.

(5) Et idcirco in ea hos sustinent illigatos. *Ut in Mercurii caduceo videmus.*

(6) Reges, ac Magistri. *Magistri vel puerorum: vel magistratus: sic u. alibi Isidorus usurpat.*

(7) Flagella dicuntur. è *Serv.* *ubisup.* cap. 5.

(8) Cymas-q. comas. *Item inf. ead.* 10. cyma, quasi coma.

(9) A frumine i. eminent. g. p. è *Serv.* *Æn.* 1.--ad v. Frugesque receptas.

(10) Undè & lychnium. *F. Lychnus, vel ellychnium.*

32 Hastula à tollendo nuncupata, quasi abstula: ⁽¹⁾ Fomes est hastula, quæ ab arboribus excutitur recisione, aut hastulæ ambustæ, aut ligna cavata, à fungis nomine accepto, quòd ita capiat ignem. De quo Virgilius: rapuitque in fomite flammam.

33 ⁽²⁾ Torris lignum adustum, quem vulgus titionem appellat, extractum ex foco, semiustum, & extinctum.

34 ⁽³⁾ Quisquiliæ, stipulæ immixtæ surculis, & foliis aridis. Sunt autem purgamenta terrarum.

35 Caries putredo lignorum, dicta hoc nomine, quòd eveniat lignis virtute carentibus.

CAPUT VII.

De Propriis Nominibus Arborum.

1 Palma ⁽⁴⁾ dicta, quia manus victricis ornatus est, vel quòd oppansis est ramis, in modum palmæ hominis. Est enim arbor insignis victoriæ, proceroque, ac decoro virgulto, diuturnisque frondibus vestita, & folia sua sine ulla successione conservans. Hanc Græci Phœnicem dicunt, quòd diù duret, ⁽⁵⁾ ex nomine avis illius Arabiæ, quæ multis annis vivere perhibetur. Quæ dum in multis locis nascatur, non in omnibus fructus perficit maturitatem. Frequen-

tèr autem in Ægypto, & Syria. Fructus autem ejus dactyli, à digitorum similitudine nuncupati sunt, quorum etiam & nomina variantur. Nam alii appellantur palmulæ similes Myrobelani. Alii Thebaici, ⁽⁶⁾ qui & Nicolai. Alii ⁽⁷⁾ nucæ, quos Græci Caryotas vocant.

2 Laurus à verbo laudis dicta. Hac enim cum laudibus victorum capita coronabantur. Apud Antiquos autem Laudea nominabatur, postea d littera sublata, & subrogata r dicta est laurus, ut in auriculis, quæ initio audiculæ dictæ sunt, & medidies, qui nunc meridies dicitur. ⁽⁸⁾ Hanc arborem Græci *Σάφρον* vocant, quòd nunquam deponat viriditatem, indè illa potius victores coronantur. ⁽⁹⁾ Sola quoque hæc arbor vulgò fulminari minimè creditur.

3 ⁽¹⁰⁾ Malum à Græcis dictum, quòd sit fructus ejus pomorum omnium rotundissimus. Undè & hæc sunt vera mala, quæ vehementer rotunda sunt. ⁽¹¹⁾ Malum Matianum à loco vocatum, undè prius adjectum est. Nam multæ arbores nomina ex Provinciis, & Civitatibus, de quibus allatæ sunt, acceperunt. Virgilius: Amantibus, quid ex malo quæri soleat, ostendit.

4 Mala Cydonia nomen sumpserunt ex Oppido, quod est in Insula Creta, de qua dicere solent Græci

Oo 3

Ur-

(1) Fomes est hastula. Dicitur à nobis hodie vulgò astilla. Sed Festus: Fomites sunt hastulæ ex arboribus dum cæduntur excussæ. Opilii adustus jam vites vocari existimat fomites.

(2) Torris lignum adustum. Hieronym. in Zachar. cap. 3. Cur quasi torrem, quem vulgò titionem vocant, Jesum conatis obstruere, qui de Babylonica captivitate, quasi semiustus evasit?

(3) Quisquiliæ. Festus. Quisquiliæ, putant dici, quicquid ex arboribus minutis surculorum cadit, velut quicquid cadit.

(4) Cap. VII. Palma dicta, quia man. vict. Ambros. 3. Hexam. cap. 13. Laurus & palma ad insignem victoriæ: lauro victorum capita coronantur, palma manus victricis ornatus est.

(5) Ex nomine avis illius. Contra Plinius lib. 13. cap. 3. Ex arbore nomen avi inditum putari ait.

(6) Qui & Nicolai. A Nicolao Peripatetico, cujus consuetudine delectabatur Augustus: sed causam non uno modo referunt Plinius, Plutarchus, Athenæus, & Suidas.

(7) Alii Nucæ, quos Græci Caryotas. Sic Plin. *καρύωτιδες* vocat Diosc. lib. 3. cap. 149.

(8) Hanc arborem *Σάφρον* G. v. q. n. d. viriditatem. Respexisse quidam putabat ad Hegesippum, qui lib. 3. cap. 5. Prope Antiochiam lucum esse ait, qui, quod semper vireat, Daphne sit appellatus.

(9) Sola quoque hæc arbor fulm. Plin. lib. 14. cap. ultim. Fulmine sola non igitur.

(10) Malum à Græcis dictum. Sic sup. lib. 12. cap. 1. Melo, quod sit rotundissimo membro.

(11) Malum Matianum à loco. Aliter Plin. lib. 15. cap. 14. Sed idem Plinius Matii quoque Oppidi meminit lib. 6. cap. 4.

Urbium Cretensium matrem Cydoniam, ex cuius pomo ⁽¹⁾ cydonitum conficitur. ⁽²⁾ Fit quoque ex ea, & vinum, quo languentium desideria falluntur. Nam specie, & gustu, & odore cujuslibet vini veteris imaginem repræsentat.

5 ⁽³⁾ Melimelum à dulcedine appellatum, quod fructus ejus mellis saporem habeat, vel quod in melle servetur, ⁽⁴⁾ undè & quidam: Si tibi Cecropio saturata Cydonia melle ponentur dicas: hæc melimela placent.

6 Malum Punicum dicitur, eo quod ex Punica Regione sit genus ejus translatum. ⁽⁵⁾ Idem & Malogranatum eo ⁽⁶⁾ quod inter corticis rotunditatem granorum contineat multitudinem. Arbor autem Malogranata est generis fœminini, pomum verò generis neutri. ⁽⁷⁾ Flores malorum à Græcis appellati sunt κύτινοι: ⁽⁸⁾ Latini caducum vocant. ⁽⁹⁾ Agrestium autem malorum flores Græci βαλάνγρια appellaverunt, quorum alii albi, alii purpurei, alii rosei reperiuntur, similes floribus Mali Punici. ⁽¹⁰⁾ Negant Medici Mali Punici cibo corpora nostra nutriri: sed eo sic opinantur utendum, ut medicari potius, non alere videatur.

7 Malum Persicum, cui brevis admodum vita concessa est, ⁽¹¹⁾ trium

generum esse fertur: Duracinum, Armenicum, & Persicum. Duracinum nuncupatur, eo quod pomum ejus in gustu acorem referat. Armeniacum dicitur, quod primum genus ab Armenia sit advectum. Persicum vocatum, ⁽¹²⁾ quod eam arborem primus in Ægypto severit Perseus, à quo se oriundos Ptolemæi ferebant. Hæc in Perside fructum generat interfectorium, apud nos autem jucundum, ac suavem. ⁽¹³⁾ Horum aliud præcox, aliud vocatur æstivum.

8 ⁽¹⁴⁾ Medica arbor cuius nomen etiam in carminibus Mantuanis inclaruit, asportata primum à Medis, undè & vocabulum sumpsit. ⁽¹⁵⁾ Hanc Græci κεδρόμηλον Latini Citriam vocant, quod pomum ejus, ac folia cedri odorem referant. Malum ejus inimicum venenis, & hoc est, quod idem Poëta intelligi voluit, cum tradat ex illa foveri animam. ⁽¹⁶⁾ Hæc arbor omni penè tempore plena est pomis, quæ in ea partim acerba, partim matura, partim adhuc in flore sunt posita, quod in cæteris arboribus rarum est.

9 Mella, quam Græci Loton appellant, ⁽¹⁷⁾ quæ vulgò propter formam, & colorem Faba Syriaca dicitur. Arbor est enim magna: fructum fe-

(1) Cydonitum conficitur. Vid. Pallad. in Oñob.

(2) Fit quoque ex ea vinum. De quo Diosc. lib. 5. cap. 28.

(3) Melimelum. Plin. lib. 15. cap. 14. Mustica à celeritate mitescendi, quæ nunc melimela dicuntur à sapore mellico.

(4) Undè & quidam. Martial. lib. 13. epig. 24.

(5) Idem & malogranatum. Plin. 13. cap. 19. Aliqui granatum appellant.

(6) Quod intra corticis rotunditatem granorum contineat mult. Ex Hieronym. Agg. ult.

(7) Flores malorum à Græc. app. κύτινοι. è Dioscorid. lib. 1. cap. 153.

(8) Latini Caducum. Aurelian. lib. 5. tard. cap. 2. Mali Punici caduco, quod Latini ampullacium vocant. Sic n. legendum existimo apud Aurelianum à forma ampullæ. Nam idem lib. 4. cap. 3. Ampullagium vocari scribit. Ego utrobique ampullacium cum Chacono malo. Mallem quoque dixisset Iridorus mali Punici caducum ampullacium à Latinis vocari.

(9) Agrestium autem malorum flores Græci Balastium, &c. è Dioscorid. cap. 155. πρι έλαυγιων. Balastii meminit Plin. 26. cap. 3. & Arnob. lib. 6. Advers. gent.

(10) Negant Medici. Id uno verbo complexus est Dioscorides άρεθρον dicens.

(11) Trium generum. Pallad. lib. ult. cap. 6. Genera eorum hæc: Duracina, Præcoqua, Persica, Armeniaca.

(12) Quod eam arborem primus in Ægypto, &c. Vid. Plin. lib. 15. cap. 13.

(13) Horum aliud præcox. Quod à nobis albericoque, voce non prorsus immutata, dicitur.

(14) Medica, &c. Verba sunt Solin. cap. de Media.

(15) Hanc Græci κεδρόμελον. Ità dicitur à Diosc. lib. 1. cap. 167. Quamvis scio suspectam quibusdam hanc vocem, qui κεδρόμελον malunt. Illud verò sciendum à Nicandri interprete κεδρίσιον dici, quod à nobis naranja.

(16) Hæc arbor omni fer-posita. è Serv. Georg. 2.

(17) Quæ vulgò-faba Syriaca. è Serv. sed lotos à Pline faba Græca, ab Athenæo faba Ægyptiaca vocatur. De Mella nihil comperi.

ferens commestibilem, ⁽¹⁾ majorem pipere, gustu suavem, undè & Mel-la vocata est.

10 Coccimela, quam Latini ob colore Prunum vocant, alii ⁽²⁾ à multitudine enixi fructus Nixam appellant. Cujus generis Damascena melior, à Damasco Oppido, undè priùs asportata est, dicta: cujus Solum pomum stomacho mederi probatur, nam cætera noxia perhibentur. ⁽³⁾ Hæc sola arbor gummi glutinosum, & compactivum distillat, ⁽⁴⁾ quo & Medici, & Scriptores utuntur.

11 ⁽⁵⁾ Elæomeli nascitur in Palmyra Syriæ Civitate, ex eo ita appellata, quòd ex trunco oleum defluat in crassitudine mellis, saporis suavis.

12 ⁽⁶⁾ Epimelis Sorbo similis, mediocris arbor, & flore candidulo, dicta, quod dulcedine sit ejus fructus, & acuto sapore commixtus. Hæc arbor ætate durat exigua.

13 ⁽⁷⁾ Melopos arbor in Africa Punica lingua vocata, ex qua profuit lentus succus, quia à loco Ammoniacus nominatur.

14 ⁽⁸⁾ Mespilus arbor spinosa, fructu similis malorum, sed paulò brevior, undè & appellata, quòd pilulæ formam habeant ejus poma.

15 ⁽⁹⁾ Pyrus vocata videtur, quod in ignis speciem deformata est, nam hoc genus pomi ab amplo incipit, & in angustum finit, sicut ignis. Pyrus autem arbor, fructus ejus pyrum est: cujus multæ species, ex quibus ⁽¹⁰⁾ Crustumia sunt pyra ex parte rubentia, ab Oppido Crustumio nominata. ⁽¹¹⁾ Poma pyri jumentis imposita, vel si pauca, vehementer onerosa dicuntur esse.

16 ⁽¹²⁾ Cerasus à Ceraso Urbe Ponti vocata. Nam Lucullus, cum Cerasum Civitatem Ponti delesset, hoc genus pomi indè avexit, & à Civitate Cerasum appellavit. Arbor autem Cerasus, pomum cerasum dicitur. Hoc etiam & ante Lucillum erat in Italia, sed durum, undè & Cornum appellatum est. Est autem arbor apta hastilibus, undè & Virgilius: Bona bello Cornus.

17 Ficus Latine à fecunditate vocatur. Feracior enim est arboribus cæteris. Nam ter, quaterque per singulos annos generat fructum, atque altero maturescente, alter oboritur. ⁽¹³⁾ Hinc & Caricæ à copia nominatæ. Ficus Ægyptia fecundior fertur, cujus lignum in qua missum illico mergitur, & cum in limo aliquandiù jacuerit, dein-

(1) Majorem pipere. Ità Dioscorides.

(2) Alii à multitudine enixi fruct. nixam. In margine Codic. Rom. S. Petri hæc addita reperisse se, sed eandem manu ajebat Chacon. Hanc arborum Romani vocant prunum, Hispani nixum, Vandali, & Gothi, & Sævi, & Celsiberti ceruleam. Retinent hodie vestigia hujus vocis Lusitani, & Galleci, qui pruna omnia, amexas, sive amexas dicunt: & apud Aurelian. lib. 4. Tard. cap. 8. Pro decoctione nixarum, aut glycirrhizæ. Nixarum ego legerim; quod autem myxa pro nixa legendum quidam contendunt, ex Paulo Agin. lib. 7. *μύξα δὲν ἀπὸ καρπὸς ἵπτι μικρότερος μὲν τῶν κοκκινύων, ἀνὰ μέν τῶν παλαιόθεν.* Confirmat, quod de Galleciis diximus. Nam m. in locum n. aut etiam contra in multis vocibus successisse, passim videmus.

(3) Hæc arbor sola gummi. Ex Diosc. lib. 1. cap. 175.

(4) Quo & Medici, & Scriptores. Plin. lib. 13. cap. 11. Utilissimum pictoribus, & medicis, sed nihil muto.

(5) Elæomeli suavis. Verba sunt Diosc. lib. 1. cap. 37. Sed de oleo, non de arbore. Plinius lib. 16. cap. 7. Sponte nascitur in Syriæ maritimis, quod elæomeli vocant, manat ex arboribus pingue, crassius melle, resina tenuius, sapore dulce. Et lib. 23. cap. 4. Elæomeli, quod in Syria ex ipsis oleis manare diximus: & arbor fortasse eodem nomine appellata est.

(6) Epimelis. Genus mespili, ut ait Diosc. lib. 1. cap. 171. Vid. Macrob. lib. 3. cap. 19.

(7) Melopos. Solin. cap. 40. Et arbor est melops (Al. melopos) ex qua profuit lentus humor, quem ammoniacum nominamus. A Plinio meropium dicitur, à Diosc. lib. 3. cap. 98. Agasyllis.

(8) Mespila—quod pilulæ. Al. pirula.

(9) Pyrus q. in ign. sp. deformata. Sic Gorth. cc. alii formata.

(10) Crustumia sunt pyr.—nominata. è Serv. Georg. 2.

(11) Poma pyri jument. Ex Plin. lib. 23. cap. 7.

(12) Cerasus—appellatum est. è Serv. Gerg. 2.

(13) Hinc & caricæ à copia nomen. Est Caria ficum fertilissima Auctore Strabone, sed hæc adjecta credo ab aliquo, qui carica sarcinam significaret, quod Hispani ex ea voce carga Itali carico fecissent.

deindè in superficiem sustollitur, versa vice naturæ, quandò madefactum debuit humoris pondere residere. Antea athletæ ficis alebantur: ⁽¹⁾ priusquàm eos Pythagoras exercitator ad carnis usum, qui fortior cibus est, transtulisset. A senibus in cibo sæpiùs sumptæ ficus, rugas eorum feruntur distendere. ⁽²⁾ Tauros quoque ferocissimos ad fici arborem colligatos repente mansuescere dicunt.

18 Caprificus appellata, eo quod parietes quibus innascitur, carpit. Rumpit enim, & prodit ex lateribus quibus concepta est. Alii putant Caprificum dictam, quòd ficus arbor ejus remedio fecundetur.

19 Morus à Græcis vocata, quam Latini Rubum appellant, eo quod ⁽³⁾ fructus ejus velut virgulti rubent. ⁽⁴⁾ Est enim Morus sylvestris fructus afferens, quibus in deserto pastorum fames, ac penuria confovetur. ⁽⁵⁾ Hujus folia superjecta serpenti feruntur interimere eum.

20 Sycomorus, sicut & Morus Græca nomina sunt. Dicta autem Sycomorus, quod sit foliis similis Moro. Hanc Latini Celsam appellant ab altitudine, quia non est brevis, ut Morus.

21 Nux appellata, quòd umbra vel stillicidium foliorum ejus proximis arboribus noceat. Hanc alio nomine Latini ⁽⁶⁾ Juglandem vocant, quasi

Jovis glandem. Fuit enim hæc arbor consecrata Jovi, cujus pomum tantam vim habet, ut missa inter suspectos herbarum, vel fungorum cibos, quidquid in eis virulentum est, exsudet, rapiat, atque extinguat.

22 ⁽⁷⁾ Nuces autem generalitèr dicuntur omnia tecta corio duriori, ut Pineæ, Avellanæ, Juglandes, Castaneæ, Amygdalæ. Hinc & nuclei dicti, quod sint duro corio tecti. At contra poma, omnia mollia, mala dicta, sed cum adjectione terrarum in quibus antea nata sunt, ut Persica, Punica, Matiana, Cydonia, &c.

23 Amygdala nomen Græcum est, ⁽⁸⁾ quæ Latinè nux longa vocatur. ⁽⁹⁾ Hanc alii Nuciclam vocant, quasi minorem nucem. De qua Virgilius: Cùm se nux plurima sylvis induet in florem. Cunctis enim arboribus prior se flore vestit, & ad ferenda poma, arbusta sequentia prævenit.

24 ⁽¹⁰⁾ Avellanæ ab Avellano Campaniæ Oppido, ubi abundant, cognominatæ sunt. ⁽¹¹⁾ Hæ à Græcis Ponticæ appellantur, eo quod circa Ponticum mare abundant.

25 Castaneam Latini à Græco appellant vocabulo. Hanc enim Græci κάστανον vocant, propter ⁽¹²⁾ quod fructus ejus gemini in modum testiculorum intra folliculum reconditi sunt, qui dùm ejiciuntur, quasi castantur. Hæc arbor, ⁽¹³⁾ simul ut excisa

fue-

(1) Priusquàm eos Pythagoras exercit. Ex Plin. lib. 23, cap. 7. Sed hoc Dromio cuiusdam tribuit Pausanias in Heliat. posterioribus, cui Pythagoras Rheginus filior statuum fecit, & quidem id à Laertio omissum, qui Pythagora pugilis meminit, valde miror: ut Plin. deceptus videri possit.

(2) Tauros quoque ferocissimos. Ità Plutarch. lib. 6, εὐπρεπίας. Id non nisi de caprifico refert Plinius.

(3) Fructus ejus velut virgulti. Ex C. Rom. sed arbuti, quàm virgulti malleus.

(4) Est n. morus sylvestris fructus afferens. Hieronym. Ann. cap. 7, ad illud: vellicans sycomorus, &c. Nobis autem, quia solitudo in qua morabatur Amos, nullam hujuscemodi gignit arborem magis videtur rubos dicere, qui afferunt mora, ac pastorum famem, & penuriam consolantur.

(5) Hujus folia superjecta scrip. Verba sunt Ambrosii lib. 5. Hexam. cap. 8.

(6) Juglandem vocant q. Jovis gland. è Serv. eclog. 8.

(7) Nuces autem generalitèr dicuntur. è Serv. eclog. 2.

(8) Quæ Latinè nux longa. Serv. ad illud: cum se nux plurima: plurima, (inquit) id est, longa.

(9) Hanc alii nuciclam. Al. Nucellam, nucedam, nuculam.

(10) Avellanæ ab Avellano Camp. opp.—cognom. è Serv. Georg. 2, ad illud. Plantis & duræ coryli, &c.

(11) Hæ à Græcis Ponticæ. Sic Macrobi. lib. 3, cap. 18. Sed Athenæus lib. 2. Castaneam nucem Ponticam vocat.

(12) Quod fructus ejus gemini. &c. Cum Græcam vocem dixisset, tutum putavit in etymologia ludere. Nisi hæc aliena esse mavis. Nam Casteris. i. fibris meminisse (quod quidam credidit) ego minime puto.

(13) Simul ut excisa fuer. t. s. exp. c. Verba sunt Ambrosii Hexam. lib. 3, cap. 13.

fuerit, tanquàm sylvam ex sese expululare consuevit.

26 Ilex ab electo vocata. Hujus enim arboris fructum homines primum ad victum sibi elegerunt, undè Poëta: Mortales primi ructabant gutture glandem. Prius enim, quàm frumenti usus esset, antiqui homines glande vixerunt.

27 ⁽¹⁾ Suberies arbor, ex qua validissimus cortex natatorius extrahitur. Et idè appellata Suberies, eo quod fructus ejus sues edunt: porcorum enim sunt alimenta non hominum, & dicta Suberies, ⁽²⁾ quasi subedies.

28 Fagus, & Æsculus arbores glandiferæ idè vocatæ creduntur, quòd harum fructibus olim homines vixerint, cibumque sumpserint, escamque habuerint. Nàm ⁽³⁾ Æsculus ab esca dicta, ⁽⁴⁾ Fagus verò à Græco vocabulum traxit: φάγειν enim Græcè comedere dicitur.

29 ⁽⁵⁾ Xyliglycon, quàm Latini corruptè Siliquam vocant, idè à Græcis tale nomen accepit, eo quòd ligni ejus fructus dulcis, ξύλον quippè dicunt lignum γλυκὺ dulce. ⁽⁶⁾ Hujus arboris pomo succus expressus, Acatia à Græcis dicitur.

30 ⁽⁷⁾ Pistacia, quod cortex pomi ejus nardi pistici odorem referat.

31 Pinus arbor picea ab acu-

mine foliorum vocata. ⁽⁸⁾ Pinum enim Antiqui acutum nominabant. Pinum autem aliam Pitin, aliam ⁽⁹⁾ Græci πίνκην vocant, quam nos Piceam dicimus, eo quod desudet picem. Nàm & specie sibi differunt. In Germaniæ autem Insulis hujus arboris lacryma electrum gignit. Gutta enim defluens rigore, vel tepore in soliditatem durescit, & gemmam facit de qualitate sua nomen accipiens, id est, succinum, eo quòd succus sit arboris. ⁽¹⁰⁾ Pinus creditur prodesse cunctis, quæ sub ea seruntur, sicut nux nocere omnibus.

32 Abies dicta, quòd præ cæteris arboribus longè eat, & in excelsum promineat. ⁽¹¹⁾ Cujus natura expers est terreni humoris, ac proinde habilis, atque levis habetur. De qua Virgilius: Et casus abies visura marino: quia ex ea naves fiunt. Hanc quidam Gallicam vocant propter candorem. Est autem sine nodo.

33 Cedrus, quam Græci κέδρον vocant: quasi ⁽¹²⁾ καίωμενός δι' οὗτος ὑγρὸν, id est, arboris humor ardentis, cujus folia ad Cypressi similitudinem respondent. Lignum verò jucundi odoris est, & diù durans, nèc à tineæ unquàm exterminatur. De qua Persius: Et Cedro digna locutus. Scilicet propter durabilem perpetuitatem. ⁽¹³⁾ Undè & in Templis propter diuturnitatem ex hoc ligno

no

(1) Suberies. Legitur hac vox apud Fest. in Scuta.

(2) Quasi subedies. F. subedies.

(3) Æsculus ab esca. Serv. ad Æsculus imprimis Georg. 2. Æsculus arbor est glandifera, quæ licet ab esu dicta sit, tamen per æ scribitur. Sicut celacum, licet à celo celas habeat derivationem.

(4) Fagus. Ex eod. eclog. 1.

(5) Xyliglycon. Eandem alii vel ξυλόκλας, vel κηράτιον vocant.

(6) Hujus arboris pomo succ. exp. acatia. De Acatia Diosc. lib. 1. cap. 134. Sed apud illum arbor est, sicut spina potius instat arboris, & ejus siliquis succus exprimitur. Et apud Plinium nihil commune siliquis cum acatia. Ergo deesse hic credo aliquid.

(7) Pistacia. Vid. Dioscorid. lib. 1. cap. 178. & Plin. 25. cap. 22.

(8) Pinum n. antiqui acutum nom. Idem. sup. lib. 11. cap. 1. & lib. 19. cap. 19.

(9) Græci πίνκην. Ex Ambrós. Hexam. 3. cap. 3.

(10) Pinus creditur prodesse cunctis, &c. Ex Pallad. in Novemb. vid. Theoph. lib. 3. de Caus. Plant. cap. 15. cum Plinius e contra existimasse videatur lib. 17. cap. 12.

(11) Cujus natura expers est terreni humoris. Vitruv. lib. 2. cap. 9. Abies plurimum habens aëris, & ignis, minimumque humoris, & terrenis levioribus naturæ partibus comparata, non est ponderosa.

(12) Quasi καίωμενός δι' οὗτος ὑγρὸν, &c. & Serv. ad v. Procumbunt piceæ. Æn. 6. ex quo hac Cedria melius aptarentur: de qua statim.

(13) Unde in Templis propter diut. Ex Ambrós. 3. Hexam. cap. 13. & in fin. Ps. 118.

no lacunaria fiunt. ⁽¹⁾ Hujus ligni resina cedrea dicitur, quæ in conservandis libris adeo est utilis, ut perliti ex ea, nec tineas patiantur, nec tempore consenescent. Nascitur in Creta, Africa, atque Syria.

34 ⁽²⁾ Cyparissus Græcè dicitur, quod caput ejus à rotunditate in acumen erigitur, undè & *καρνοειδὴς* vocatur, id est, alta rotunditas. Hinc & fructus ejus conus, quia rotunditas ejus talis est, ut conum imitetur. Undè & coniferæ Cyparissi dicuntur. Hujus lignum Cedro penè proximam habet virtutem. Temporum quoque trabibus aptum, impenetrabili soliditate nunquam oneri cedit, sed ea qua in principio fuerit, firmitate perseverat. ⁽³⁾ Antiqui cypressi ramos propè rogum constituere solebant, ut odorem cadaverum, dum urerentur, operprimerent jucunditate odoris sui.

35 ⁽⁴⁾ Juniperus Græcè dicta, sive quod ab amplo in angustum finiat, ut ignis, sive quod conceptum diù teneat ignem: ⁽⁵⁾ adeo ut si prunæ ex ejus cinere fuerint opertæ, usque ad annum perveniant: *πύρ* enim apud Græcos ignis dicitur. ⁽⁶⁾ Juniperus autem alia parva, alia magna est.

36 ⁽⁷⁾ Ebenus in India, & Æthiopia nascitur, quæ cæsa durescit in lapidem. Cujus lignum nigrum est, & cortex levis, ut lauri, sed ⁽⁸⁾ Indicum maculosum est in parvulis distinctio-

nibus albis, ac fulvis. Æthiopicum verò, quod præstantius accipitur, in nullo est maculatum, sed est nigrum, leve, & corneum. ⁽⁹⁾ Est autem Mareotica palus in India, undè Ebenus venit. ⁽¹⁰⁾ Lucanus: Ebenus Mareotica, inquit, Ebenus autem crepundiis illigatur, ut infantem visu nigra non tereant.

37 Platanus à latitudine foliorum dicta, vel quod ipsa arbor patula sit, & ampla. Nam *πλάτος* Græci latum vocant. Expressit hujus arboris Scriptura & nomen, & formam dicens: Quasi platanus dilatata sum juxta aquam in plateis. Est autem tenerimis foliis, ac mollibus, & vitium similis.

38 Quercus, sive Quernus dicta, quod ea soliti erant Dii gentium quærentibus præcinere, arbor multum annosa, ⁽¹¹⁾ sicut legitur de quercu Mambre, sub qua habitavit Abraham, quæ fertur usque ad Constantis Regis Imperium per multa secula perdurasse. ⁽¹²⁾ Hujus fructus Galla appellatur. E quibus una agrestis *ομφακίτης* dicta, parva forma, sed firmo corpore, atque nodoso, quæ medicaminibus, & in caustis adhibetur. Altera *βάλανος* levis, ac lenis, ac nimium perforata, ⁽¹³⁾ lucernarum tantum usibus necessaria.

39 Fraxinus vocari fertur, quod magis in asperis locis, montanisque fra-

(1) Hujus ligni resina cedrea. Vid. Vitruv. lib. 2. cap. 9.

(2) Cyparissus Græcè dicitur, quod caput ejus. Serv. Aen. 3. ad v. Aerix quercus, aut coniferæ Cyparissi: Conus dicitur fructus cypressi, & ipsa *καρνοειδὴς* est. Nam à rotunditate in acumen levatur.

(3) Antiqui cypressi ramos. Ex eod. Aen. 6. ad v. Ferales ante cypressus.

(4) Juniperus Græcè. Juniperus Latina est vox. Nam Græcè *ἰουνίπος* dicitur.

(5) Adeo ut si prunæ ejus, &c. Ex Hier. Ep. ad Fabiolam 126. mansione 16.

(6) Juniperus autem alia parva. &c. Ita Diosc. lib. 1. cap. 104.

(7) Ebenus in Ind. & Æthiop. è Serv. ad v. Sola India nigrum fert ebenum. Georg. 2.

(8) Sed Indicum maculosum - fulvis. è Dioscorid. lib. 1. cap. 130.

(9) Est autem Mareotica palus in India. Serv. ad v. Mareotid. alb. Georg. 2. Ægyptiæ (inquit) Mareotis enim Ægypti pars est; & ad - Sola India nigrum fert ebenum: Atqui in Ægypto nascitur, sed Indiani omnem plagam Æthiopiæ acceperunt.

(10) Lucanus. Lib. 10.

(11) Sicut legitur de querc. Mamb. &c. Hierony. in Loc. Hebraic. Quercus Abraham, quæ est Mambre usque ad Constantii. (Al. Constantis.) Regis Imperium monstrabatur, & Mausoleum ejus in præseclatium cernitur.

(12) Hujus fructus galla. è Dioscorid. lib. 1. cap. 127.

(13) Lucernarum tantum usibus necessaria. Ex Plin. lib. 16 cap. 7.

fragis nascatur. Hinc per derivationem fraxinus, sicut à monte montanas. De quo Ovidius: & fraxinus utilis hastis.

40 ⁽¹⁾ Taxus venenata arbor undè, & toxica venena exprimuntur. Ex hac arcus Parthi, & aliæ gentes faciunt. Undè & Poëta: Ityreos taxi torquentur in arcus. ⁽²⁾ Ityreos autem dicit Parthicos.

41 Acer, coloribus impar.

42 ⁽³⁾ Robur autem generalitèr dicitur ex omni materia, quidquid est firmissimum.

43 Alnus vocatur, quod alatur amne. Proxima enim aquæ nascitur, nec facilè extra undas vivit. Hinc & tenera, & mollis, quia in humecto loco nutritur.

44 Ulmus nomen accepit, quod uliginosis locis, & humidis meliùs proficit. Nam in montanis, & asperis minùs læta est.

45 ⁽⁴⁾ Larix, cui hoc nomen à Castello Laricino inditum est, ⁽⁵⁾ ex qua tabulæ regulis affixæ flammam repellunt, nequè ex se carbonem ambustæ efficiunt.

46 Populus dicta, quod ex ejus calce multitudo nascatur. Cujus genus duplex est. Nam altera est alba, altera nigra. Alba autem populus dicta, quia folia ejus una parte sunt alba, altera viridia. Hæc igitur bicolor habens, quasi noctis, & diei notas, quæ tempora ortu Solis, occasuque cons-

tant. ⁽⁶⁾ Generat etiam resinam circa Eridanum fluvium, vel ut alii memorant, in finibus Syriæ.

47 Tiliam dicunt vocatam, eo quod utilis sit ad usum telorum nitore, & levitate jaculandi. Est enim genus materiæ levissimæ.

48 ⁽⁷⁾ Salix dicta, quod celeritèr saliat, hoc est, velocitèr crescat, ⁽⁸⁾ arbor lenta, vitibus habilis vinciendis. Cujus seminis hanc dicunt esse naturam, ⁽⁹⁾ ut si quis illud in poculo hauserit, liberis careat, ⁽¹⁰⁾ sed & foeminas infœcundas efficit.

49 ⁽¹¹⁾ Populus autem, & salix, & tilia mollis materiæ sunt, & ad sculpturam aptæ.

50 ⁽¹²⁾ Vimen vocatur, eo quod vim habeat, multam viroris. ⁽¹³⁾ Natura enim ejus talis est, ut etiam si arefacta adluatur, virescat: deindè excisa, atque in humo fixa, radicibus sese ipsa dimergat.

51 Myrica, quam Latini Tamaricem vocant, ex amaritudine nominata. Gustus enim ejus nimis amarus est. ⁽¹⁴⁾ Hæc arbor in solitudine, & saxosa humo nascitur, ex qua etiam arbore maleficis artibus *μισθρα*, id est, odia concitari dicuntur.

52 Myrtus à mari dicta, eo quod magis littorea arbor sit. Undè & Virgilius: Littora myrtetis lætissima, & amantes littora myrtos. Hinc est, quod à Græcis *μυρίνη* dicitur. ⁽¹⁵⁾ Medi-

CO-

(1) Taxus venenata arb. è *Serv. eclog.* 9.

(2) Ityreos autem dicit Parthicos. *Verba sunt Servii eo loco.*

(3) Robur autem general. *Servius An.* 12. ad v. In medioque focos, & D. c. 2. Gramineas: Robur, omne lignum, cum sit, & species.

(4) Larix cui hoc cognom. Ex *Vitruv.* lib. 2. cap. 9.

(5) Ex qua tabulæ regulis affix. Ex *Pallad.* in *Novemb.* tit. 15.

(6) Generat etiam resinam. *Electrum vocat Dioscorid.* lib. 1. cap. 114.

(7) Salix dicta. è *Serv. eclog.* 1.

(8) Arbor lent. vit. hab. v. Ex *Ambros.* lib. *Hexam.* 3. cap. 13.

(9) Ut siquis illud in poculo hauserit lib. carcat. Ex *Hieron.* *Isai.* cap. 5. vid. *Plin.* 16. cap. 26.

(10) Sed & fœmin. infœc. facit. Ex *Dionc.* lib. 1. cap. 137. At *Plinius* sterilitatis medicamen. fœminis esse ait.

(11) Populus autem, salix & til. Ex *Vitruv.* lib. 2. cap. 9. & *Pallad.* in *Novemb.* tit. 15.

(12) Vimen--quod vim habeat. Immo quasi vincimen.

(13) Natura enim ejus talis est demergat. Ex *Hilario* in *Ps.* 136.

(14) Hæc arbor--concitari. Ex *Hieronym.* *Is.* 17. dicuntur autem hæc de sylvestri myrica, non de sativa. Nam duo sunt

genera. Vid. *Plin.* *Theoph.* *Ambros.*

(15) Medicorum autem libri, &c. è *Serv. Georg.* 1. ad v. Solido Paph. de robore myrtus.

corum autem libri hanc arborem aptam scribunt mulierum necessitatibus plurimis.

53 Lentiscus, quod cuspis ipsius lenta sit, & mollis. Nam lentum dicimus quidquid flexibile est, undè & lentum vimen, & vites, Virgilius: Et lentæ vites, pro flexibiles. ⁽¹⁾ Hujus fructus oleum desudat, cortex resinam, quæ mastix appellatur, cujus plurima, & melior in Chio Insula gignitur.

54 ⁽²⁾ Terebinthus arbor Græcum nomen, generans resinam omnium resinarum præstantiorem.

55 Buxus Græcum est nomen à Latinis ex parte corruptum, *πύξος* enim appellatur apud eos, arbor semper vires, ⁽³⁾ & levitate materiæ elementorum apicibus apta. Undè & Scriptura, scribe in buxo.

56 ⁽⁴⁾ Rhododendron, quod corruptè vulgò Lorandrum vocatur, quod sit foliis lauri similibus, flore ut rosa. Arbor venenata interficit enim animalia, & medetur serpentium vexationes.

57 Herbitum vocaverunt Pastores, eo quod vice herbæ præbeatur pecoribus, ubi desunt pascua.

58 ⁽⁵⁾ Turbiscus, quod de uno cespite ejus multa virgulta surgant, quasi turba.

59 Stipa vocata propter quod ex eo stipentur tecta. Hinc & stipula per diminutionem.

60 Arundo dicta, quod citò arescat. Hanc Veteres cannam vocaverunt, arundinem verò postea Varro dixit:

Sanè sciendum, quod latinum canna de lingua Hebræa sumptum est. Apud eos enim calamus canna dicitur.

61 ⁽⁶⁾ Cicuta autem est, quod est inter cannarum nodos, ⁽⁷⁾ dicta, quod lateat. In indicis stagnis nasci arundines, calamique dicuntur, ex quorum radicibus expressum suavissimum succum bibunt, undè & Varro ait: Indica non magnum in arbore crescit arundo. Illius & lentis premitur radicibus humor: Dulcia cui nequeant succo concedere mella.

62 ⁽⁸⁾ Sambucus mollis, & pervia arbor.

63 Rhamnus genus est rubi, quam vulgò Senticem ursinam appellant, asperum nimis, & spinosum.

64 ⁽⁹⁾ Sentix dicta à situ, quod est terra inculta, in qua sentices, spinæque nascuntur. Majores autem nostri omnem arborem spinosam veprem dicebant, quod vi prenda.

65 Oleaster dictus, quod sit foliis olivæ similibus, sed latioribus: arbor inculta, atque sylvestris: amara atque infructuosa, cui insertus olivæ ramus vim mutat radicis, & vertit eam in propriam qualitatem. ⁽¹⁰⁾ Lacryma oleastri arboris duplex est. Alia enim gummi simulat sine ullo qualitatibus morsu, alia ammoniaci guttam ex stillatione collectam, ac remordentem.

66 Oliva Græcè *ἐλαίος* dicitur, ex quo in Latinum tractum est, ut oliva dicatur. ⁽¹¹⁾ Olea autem ipsa arbor est, fructus oliva, succus oleum.

Est

(1) Hujus fructus—gignitur. Ex Dioscorid. lib. 1. cap. 90. & 91.

(2) Terebinthus. Ex eod. cap. sequenti.

(3) Et levitate materiæ—scribe in buxo. Ex Ambros. lib. Hexam. 3. cap. 3. Locus autem Scriptura Isaac cap. 30.

(4) Rhododendron. Diosc. lib. 4. cap. 8. Nerium aliqui Rhododaphnem, alii Rhododendron vocant. Vid. Plin. lib. 16. cap. 2. A nobis adelfa dicitur.

(5) Turbiscus. Græci Thymelen.

(6) Cicuta autem est—nodos. & Serv. eclog. 2.

(7) Dicta quod lateat. Inf. cap. 9. Cicuta propter quod in Thyrso geniculato nodos habeat occultos, ut canna, sicut dicitur fossa exca, quæ occulta est.

(8) Sambucus. Goth. libri, Sabucus.

(9) Sentix dicta à situ. Lusi verbis Virgilii: Per loca senta situ. Æn. 6.

(10) Lacryma oleastri. Ex Dioscorid.

(11) Olea autem ipsa arb. fruct. oliv. &c. & Serv. Sed truncis olivæ melius. Georg. 2.

Est autem arbor pacis insigne, cujus fructus diversis nominibus appellatur.

67 ⁽¹⁾ Orchades, olivæ Græca etymologia à similitudine testiculorum vocatæ, quos Græci ὄρχεις vocant.

68 ⁽²⁾ Radiolæ, pro eo quod oblongæ sunt in modum radiorum.

69 Paphiæ à Papho Insula dictæ, undè priùs allatæ sunt.

70 ⁽³⁾ Lyciniæ, eo quod optimum dent lumen. Nàm λυχνος lumen est. Undè & lychnum nomen accepit, quia aptum est flammis, & luminibus.

71 Pausia, quam corruptè rustici Pusiam vocant, viridi oleo, & suavi apta. ⁽⁴⁾ Et dicta Pausia, quòd paviatur, id est, tundatur, undè & pavimentum.

72 Syria dicta, pro eo quòd de Syria est allata, sive quia nigra est.

73 ⁽⁵⁾ Crustumia eadem & volemis dicta, eo quòd volam compleat magnitudine, hoc est, mediam manum, undè & involare dicimus. Quidam autem volemum Gallica lingua bonum, & magnum intelligunt.

74 ⁽⁶⁾ Colymbades appellatæ---

75 Oleum autem ab olea nominatur. Nàm ut (diximus) ⁽⁷⁾ olea est arbor, undè derivatum fit oleum. ⁽⁸⁾ Sed quod ex albis fuerit olivis, expressum vocatur Hispanum, à Græcis ὀμψάκιον appellatum. Quod autem ex fulvis, & nondum mitibus fuerit expressum, viride appellatur. Quod verò ex ni-

mium maturis, commune dicitur. Ex iis ad usum vitæ primum est Hispanum, secundum viride, tertium commune.

76 ⁽⁹⁾ Amurca olei pars aquosa ab emergendo dicta, id est, quòd ab oleo se emergat, & fæx ejus sit. Hanc Græci amorgen vocant ex Latina lingua trahentes vocabulum.

77 Gumen Græcum nomen est, hoc enim illi γόμενι dicunt.

78 Resinam Græci ῥητίνην vocant, ῥέον enim Græcè dicitur, quid quid manat. Est enim lacryma sudore exhalata lignorum, ut cerasi, lentisci, balsami, vel reliquarum arborum, sive virgultorum, quæ sudare produntur, sicut & odorata Orientis ligna: sicut gutta balsami, ac ferularum, vel succinorum, cujus lacryma durescit in gemmam. ⁽¹⁰⁾ Prima est resina terebinthina omnium præstantior. Affertur autem ex Arabia Petræa, atque Judæa, & Syria, Cipro, & Africa, ex Insulis quoquè Cycladibus. Secunda est lentiscina, quæ mastix vocatur: hæc ex Chio Insula deportatur. Tertia pinalis, quarum alia πινυίνη, alia πευκίνη, alia liquida, alia arida, & afferuntur ex Tyrrenha Colophonia. Undè etiam nomen Colophonia resina sumpsit.

79 Pix Græcum nomen est, quam illi πίσσα vocant. Alii volunt ex

Pp

pi-

(1) Orchades. *Orchades* etiam legi in vetustis Virgilii libris, non ut vulgò, *Orchites*, admonuit Pierius.

(2) Radiolæ. Virg. *Orchites* & radii, & amara pausia bacca. *Radiolum* vocat Colum. lib. 12. cap. 47. Ut distinguat (credo) à Radio majore. De quo Cato cap. 6. In agro Crasso, & caldo oleam conditivam, Radium majorem, Salentinam, Orchitem.

(3) Lyciniæ. *Licina* meminist Plin. lib. 15. cap. 2.

(4) Et dicta Pausia. e Servio.

(5) Crustumia item, & Volema. Pyrorum genera hæc sunt propter inter oleas posita, quod Isidorus (ut diximus) Servio commentariis sine Virgilii carminibus est usus, id illi fraudi saepe fuit. Qui Servii locum inspexerit, id ita esse facile comperiet.

(6) Colymbades appellatæ. à Plin. Columell. Athen. lacunam facillè explens.

(7) Olea est arbor undè derivatio est Oleum. Verba sunt Servii.

(8) Sed quod ex alb. f. o. e. v. Hispanam à Græcis ὀμψάκιον, &c. Plin. lib. 12. cap. 7. Omphacion ex olea adhuc alba expressa; deterius ex drupa, ita vocatur priusquam cibo matura sit, jam cum colorem mutans; differentia, quod hoc viride est, illud candidum. Porro de Hispano Galenus lib. 6. de Simpl. Medicam. Si oleum (inquit) gustatum serichi quidpiam præterat, frigidum censetur, quale est quod ab Iberia advehitur, quod Spanum, hoc est, Hispanicum nominant. Meminit quoque Hispani olei Aurelianus sape, ut lib. 3. iard. cap. 2.

(9) Amurca—ab emergendo. Serv. Amurca per c scribitur, & per g pronuntiatur.

(10) Prima est resina terebinth. &c. à Dioscorid. lib. 1. cap. 91. 92. &c. 95.

pino picem vocari, ⁽¹⁾ hæc à Græcis appellatur Clonia: nos ramalem dicere possumus, cujus ⁽²⁾ probabilis splendens, lævis, & munda.

80 ⁽³⁾ Creandarum arborum naturaliter tria sunt genera: aut enim sua sponte nascuntur, aut ex seminibus fortuito jacentibus surgunt, aut ex radicibus pullulant. Nam cætera usus invenit, favente natura.

81 ⁽⁴⁾ Omnia poma Latinè neutri generis esse dicuntur: arbores autem foeminini sunt generis, exceptis paucis, ut hic oleaster, hoc siler, ut Virgilius: Molle siler. Itè hoc buxum, licèt & hæc buxus dicatur. Nam superfluum quidam volunt facere discretionem, ut hæc buxus de arbore dicamus: buxum verò de ligno composito.

CAPUT VIII.

De Arboribus Aromaticis.

1 **A**romata ⁽⁵⁾ sunt, quæque fragrantis odoris, quæ India, vel Arabia mittit, sive aliæ Regionēs. Nomen autem aromata traxisse videntur, sive quòd aris imposita divinis invocationibus apta videantur, seu quòd sese aëri inserere, ac miscere probantur. Nam quid est odor, nisi aër contactus?

2 Thus arbor Arabiæ, immensa atque ramosa, lenissimi corticis, ⁽⁶⁾ ra-

mis ad aceris qualitatem: Amigdalæ modo succum aromaticum fundens album, & masticatione velut in pulverem resolutum, & ⁽⁷⁾ cùm frangitur, intus pingue est, & igni appositum facillè ardescens. ⁽⁸⁾ Et appellatur apud nos masculum, eo quòd sit natura rotundum in modum testiculorum. Reliquum planum, & penè scabrosum, minus optimum. ⁽⁹⁾ Adulteratur autem admista resina, sive gummii, sed dignoscitur sua proprietate. Nam thus igni impositum ardescit, resina fumescit, gummii verò liquescit calefactum. ⁽¹⁰⁾ Thus autem à tundendo dicitur, quia dum gummii guttæ ex arbore cadunt in glebis miscentur: dum verò glebæ in pulverem rediguntur, thus carpitur, & virgulis tunditur, & sic indè manibus tollitur. Hoc & Libanum vocatum à monte Arabiæ, ubi Sabæi sunt. Nam mons eorum Libanus dicitur, ubi thura colliguntur.

3 ⁽¹¹⁾ Myrrha Arabiæ arbor altitudinis quinque cubitorum, ⁽¹²⁾ similis spinæ, quam ἀκανθας dicunt, cujus gutta viridis, atque amara, ⁽¹³⁾ undè & nomen accepit myrrha. ⁽¹⁴⁾ Gutta ejus spontè manans pretiosior est, elicita corticis vulnere vilior judicatur. Samenta ejus Arabes ignibus foveant, quorum fumo satis noxiò, nisi ad odorem storacis occurrant, plerumque insanabiles morbos contrahunt. ⁽¹⁵⁾ Myrrha

(1) Hæc à Græcis appellatur Clonia. Mendosè ergò apud Dioscoridem cap. 95. κλονία ἢ μέν βυζα, ἢν ἔστι κλων καλῶς. Cum legendum sit κλωνες.

(2) Probabilis splendens, lenis, & munda. Dioscorid. ἐστὶ δὲ καλὴ ἢ ἐρίδυσσα, καὶ λεία, καὶ καλὰ γὰρ.

(3) Creandarum arborum—natura. à Serv. Georg. 2. ad v. Princip. arboribus.

(4) Omnia poma—ligno composito. Ex eodem A. n. 2. ad v. Foliis Oleaster amaris: In eo quadam emendanda ex Isid.

(5) Cap. VIII. Aromata sunt quæque f. od. India. Quæque, id est, quæcumque.

(6) Ramis ad accris qualitatem, &c. à Solin. cap. 46.

(7) Cùm frangitur intus pingue. à Diosc. lib. 1. cap. 82.

(8) Et appellatur apud nos mascul. Ex Plin. lib. 12. cap. 14.

(9) Adulteratur autem admist. à Dioscorid. ibid.

(10) Tus autem sine asp. à Serv. ad v. Molles sua tura Sab. Georg. 2.

(11) Myrrha Arab. arb. alt. ad. q. c. à Solin.

(12) Similis spinæ quam ἀκανθας vocant. Serv. Georg. 2. Acanthus arbor est in Ægypto semper frondens. ἀκανθες ἵκτα, quia spinis plena est.

(13) Undè & nomen accepit. Nam myrrha à voce Hebræa fluxit: ut itè Cinnamomum, Nardus, Crocus: Agallochin sive Aloe Anctore Hieronymo.

(14) Gutta ejus sponte man. à Solin.

(15) Myrrha autem Trogloditica. à Dioscorid. lib. cap. 180. sed sine fortassè legendum pro Insula.

rhā autem Trōglodytica ab Insula Arabiæ dicta, ubi melior colligitur, & purior.

4 ⁽¹⁾ Storax arbor Arabiæ, ⁽²⁾ similis malo Cydonio, cujus virgulæ inter Caniculæ ortum cavernatim lacrymam fluunt. Distillatio ejus in terram cadens, munda non est, sed cum proprii corticis scrobe servatur. Illa autem, quæ virgis, & calamis inhæserit, munda est, & albida: dehinc fulva fit Solis causa, & ipsa Storax calamites pinguis, resinosa, odoris jucundi, humecta, & veluti mellosum liquorem emittens. Storax autem dicta, quod sit gutta arboris profluens, & congelata. Nam Græci stiriam guttam dicunt, Græcè autem *στυρία* Latine storax dicitur.

5 ⁽³⁾ Bdelium Indiæ, & Arabiæ arbor, cujus lacryma melior Arabica. Est enim lucida, subalbida, levis, pinguis, ⁽⁴⁾ æqualiter cerea, & quæ faciliè molliatur, nequè ligno, vel terræ commista, amara, odoris boni. Nam ex India sordida est, & nigra, & majori gleba. Adulteratur autem admixto gummi, qui non ita amarificat gustum.

6 ⁽⁵⁾ Mastix arboris Lentisci gutta est. Hæc Granomastix dicta est, quia in modum granorum est. Melior autem in Chio Insula gignitur, odoris boni, ⁽⁶⁾ candoris ceræ puniceæ. Unde & splendorem cutis pulchrificat. Adulteratur autem interdum resina, vel thure.

7 ⁽⁷⁾ Piperis arbor nascitur in

India, & in latere montis Caucasii, quod Soli obversum est, foliis ad Juniperi similitudinem. Cujus sylvas serpentes custodiunt, sed Incolæ Regionis illius, cum maturæ fuerint, incendunt. Et serpentes igne fugantur, & inde ex flamma nigrum piper efficitur. Nam natura piperis alba est, ⁽⁸⁾ cujus quidam diversus est fructus. Nam quod immaturum est, piper longum vocatur: quod incorruptum ab igne, piper album: quod verò cute rugosa, & horrida fuerit, ex calore ignis trahit & colorem, & nomen. Piper si leve est, vetustum, si grave, novellum: vitanda est autem mercatorum fraus. Solent enim vetustissimo piperi humecto argenti spumam aspergere, aut plumbum, ut ponderosum fiat.

8 Aloa in India, atque Arabia gignitur, arbor odoris suavissimi, ac summi. Denique lignum ipsius, vice thymiamatum altaribus adoletur, unde ⁽⁹⁾ & nomen traxisse creditur.

9 Cinnamomum dictum, quod cortex ejus in modum cannæ sit rotundus, & gracilis. Gignitur autem in Indiæ, & Æthiopiæ Regionibus, frutice brevi duorum tantum cubitorum, colore subnigro, vel cinereo, tenuissimarum virgarum. ⁽¹⁰⁾ Nam quod in crassitudinem extenditur, despectui est: quod verò gracilius provenit, eximium. Quod cum frangitur, visibile spiramentum emittit ad imaginem nebulae, seu pulveris.

10 Amomum vocatum, quod

Pp 2

ve-

(1) Storax arbor Arab. Donatus in Adelph. sc. 1. Storax (inquit) ab odore. Eadem vox legitur apud Solinum Syrax apud Plin. & alios.

(2) Similis malo Cydonio. e Dioscorid. cap. 80. Plinius 12. cap. 25. Cotonio malo similem.

(3) Bdelium. Vid. Diosc. cap. 81.

(4) Æqualiter cerea. Id est, undique cerea, Plinius: Esse autem debet translucidum simile ceræ.

(5) Mastix. e Dioscorid. cap. 91.

(6) Candoris ceræ puniceæ. Tyrrhena cera Diosc. sed hoc fortasse à Plinio, qui ceram Punicam candidissimam fieri dicit.

(7) Piperis similitudinem. e Solin. cap. de India.

(8) Cujus quidam diversus est fructus. Ex eod.

(9) Unde & nomen traxisse creditur. Ap. quia, cum Græcis hæret sit areæ; ara pro areæ in glossis legitur sive Isidorus, sive quod magis credo, qui hac illi augetur.

(10) Nam quod in crassum eximium, e Solin. cap. 43. Vid. Theophr. lib. 9. de Hist. Plant. cap. 5.

veluti odorem cinnamomi referat. Nascitur in Syria, & Armenia: ⁽¹⁾ frutex ejus botrosum semen reddens sibi connexum, flore albo veluti violæ, foliis similibus Brioniæ, odore etiam bono, somnos suavificat.

11 ⁽²⁾ Casia nascitur in Arabia, virga robusti corticis, & purpureis foliis, ut piperis. Est autem virtutis cinnamomi similis, sed potentia inferior: undè pro cinnamomi vice duplex ejus pondus in medicamentis admiscetur.

12 ⁽³⁾ Calamus aromaticus à similitudine calami usualis vocatur. Gignitur in India multis nodis geniculatus fulvus, fragrans spiritus suavitatem. Qui cum frangitur, in multas fit partes scissilis, simulans gustu Casiam cum levi acrimonia remordente.

13 ⁽⁴⁾ Balsami arbor in Judæa intra terminos tantum XX. jugerum erat. Posteaquàm eandem Regionem Romani potiti sunt, etiam latissimis collibus propagata est, stirpe similis viti, ⁽⁵⁾ foliis similis rutæ, sed albidioribus, semperque manentibus. ⁽⁶⁾ Arbor autem Balsamum, lignum ejus Xylobalsamum dicitur: fructus, sive semen Carpobalsamum: succus ⁽⁷⁾ Opobalsamum. Quod idè cum adjectione significatur, ⁽⁸⁾ eo quod percussus ferreis unguibus cortex ligni per cavernas eximii odoris guttam distillat: caverna enim Græco sermone $\delta\pi\eta$ dicitur. Cujus guttam adulterant admisto Cyprino oleo, vel melle.

Sed syncera probatur à melle, si cum lacte coagulaverit: ab oleo, si instillata aqua, aut admista facillè fuerit resoluta: præterea si laneæ vestes ex ipsa pollutæ non maculantur. Adulteratum quidè, nequè lacte coagulat, & ut oleum in aqua supernat, & vestem maculat. ⁽⁹⁾ Balsama autem si pura fuerint, tantam vim habent, ut si Sol excanderint, sustineri manu non possint.

CAPUT IX.

De Herbis Aromaticis, sive Communibus.

1 EXTant & quarundam herbarum nomina, quæ ex aliqua sui causa resonant, habentes nominum explanationem. Non tamen omnium herbarum etymologiam invenies. Nam pro locis mutantur etiam nomina.

2 ⁽¹⁰⁾ Folium dictum, quod sine ulla radice innatans in Indiæ littoribus colligitur. Quod lino perforatum, siccant Indi, atque reponunt. Fertur autem Paradisi esse herba gustu Nardum referens.

3 ⁽¹¹⁾ Nardus herba est spicosa, undè & à Græcis $\varphi\alpha\rho\delta\sigma\acute{\alpha}\chi\upsilon\varsigma$ appellata, quarum alia Indica, alia Syriaca vocatur, non quod in Syria nascatur, sed quod Mons, in quo invenitur, alio latere Indiam spectat, alio Syriam. Est autem Indica multiformis, sed me-

(1) Frutex ejus botrosum sem. à Diosc. lib. 1. cap. 14.

(2) Casia. Ex eod. cap. 12.

(3) Calamus aromatic. 2 cap. 17.

(4) Balsami arbor. à Solin. cap. 48.

(5) Foliis similis rutæ &c. a. s. q. m. à Dioscorid. cap. 18.

(6) Arbor autem balsamum. à Serv. Georg. 2.

(7) Opobalsamum, quod idè cum adjectione signif. &c. Ex Hegeipp. lib. 4. cap. 17.

(8) Eo quod percussus ferreis ung. ita quidem Diosc. & Theophrastus. Melius Plinius: Ferro ladi vitalia edit, & Ta-
cit. V. Hist. Si vim ferri adhibeat, pavens vena. Hegeipp. lib. 1. Virgultisque innascitur, quæ acutis lapidibus incidunt
pucti agricolæ.

(9) Balsama autem, si pura fuerint, à Serv. Georg. 2. ad illud. Quid tibi odorato referam sudantia ligno Balsama?

(10) Cap. IX. Folium dictum, &c. à Dioscorid. lib. 1. cap. 11.

(11) Nardus. Ex eod. cap. 6.

melior Syriaca, levis, fulva, comosa, spica parva, odoratissima, Cyperum simulans. Quòd si multum in ore tardaverit, linguam siccatur. Nardus Celtica à Regione Galliæ nomen traxit. Nascitur enim sæpiùs in Liguriæ Alpibus, ⁽¹⁾ & in Syria, frutice parvo, radicibus in manipulo collectis ligamentis. Flos ejus tantum propter odorem bonus. Thyrsi ejus, atque radiculae utiles probantur usibus nostris.

4 ⁽²⁾ Costum radix herbæ est nascentis in India, Arabia, & Syria, sed melius Arabicum: est enim album, & leve, suave, jucundi odoris: Indicum colore atro, & leve, ut ferula: Syriacum verò pondere grave, colore buxæ, odore acri, summum tamen album, leve, aridum, gustum incensens.

5 ⁽³⁾ Crocum dictum ab Oppido Ciliciæ, quod vocatur Coricium, quanquam & alibi nascatur, sed non tantum, vel tale, quale in Cilicia. Unde & à potiore parte nomen accepit. Nam multæ res nomina sumpserunt à locis, ubi plius provenit, & melius aliud. ⁽⁴⁾ Optimum est autem, quod fuerit recens, odoris boni, albedine parva, porrectæ longitudinis, integrum, & nequè in fragmenta comminutum, inspiratione bona, ⁽⁵⁾ & cum carpitur, manus inficiens, & levitèr acre. Quòd si ejusmodi non fuerit, aut vetustum, ⁽⁶⁾ aut infusum agnoscitur.

Adulteratur autem admixto crocomagmate. Augendi quoque ponderis causa spuma argenti contrita adjicitur, & proditur, si pulverulentum reperitur, ⁽⁷⁾ atque decoctum ab odore proprio fuerit lapsum.

6 ⁽⁸⁾ Crocomagma, expressis aromatibus crocini unguenti, atque informato sedimine in pannusculos fit, & ideo sic appellatur.

7 ⁽⁹⁾ Asarum nascitur in umbrosis montibus, ⁽¹⁰⁾ foliis Casiæ similibus, inter quæ flos juxta radicem purpureus, in quo semen continetur uvarum simile, radicibus pluribus, atque tenuissimis, & benè redolentibus, & est virtute similis Nardo.

8 ⁽¹¹⁾ Phu nascitur in Ponto, foliis Oleastro similibus.

9 Cyperus à Græcis vocatur, quòd habeat virtutem ferventem. ⁽¹²⁾ Radix ejus est junci trianguli, foliis porri similibus, radicibus nigris, sive contiguis, in similitudinem olivarum odoratissimis, atque acerrimis. Nascitur in paludibus, atque ⁽¹³⁾ vacuis locis. Traditur etiam alia species Cyperi, quæ in India nascitur, & appellatur lingua eorum Gingiber.

10 ⁽¹⁴⁾ Iris Illyrica à similitudine Iris Cœlestis nomen accepit. Unde & Latinis Arcumen dicitur, quod flos ejus coloris varietate eundem arcum Cœlestem imitetur. Illyrica autem dicitur, quia in Illyrico plurima, &

Pp 3

vio-

(1) Et in Syria. Istria legerim ex Dioscorid. cap. 7.

(2) Costum. Ex cap. 15.

(3) Crocum dictum ab Oppid. è Serv. Georg. 1. ad v. Croceos, ut Tmolus odores.

(4) Optimum autem, &c. è Dioscorid.

(5) Et cum carpitur manus inficiens. Dioscorid. βάπτειν ἐν πλῆθει τῶν χερῶν, hoc est, tingens humectatione manus.

(6) Aut infusum. Dioscorid. ἐκχυμένον, id est, dilatum.

(7) Atque decoctum. id est, defrutum. Dioscorid. καὶ τὸ τῶν ἱερῶν ψευδαλάτων τυχόντων. Qui in decoctum hic subsistunt, quid decoquere sit, non satis vident.

(8) Crocomagma. Dioscorid. cap. 26. & Plin. lib. 11. cap. 20.

(9) Asarum. è Dioscorid. cap. 9.

(10) Foliis Casiæ similibus. Immo hedera similibus Dioscor. φύλλα ἴσως κισσῷ ὅμοια. Et Plinius lib. 12. cap. 13. hederae foliis. Ergo nardus, pro κισσῷ legisse videtur vetus Dioscoridis interpret, quo est usus Lidorius.

(11) Phu. è Dioscor. cap. 10. Plinius lib. 12. cap. 11.

(12) Radix est junci trianguli. Hoc cauli tribuit Dioscor. καυλὸν γωνιάδου.

(13) Atque vacuis locis. Contra Dioscor. ἐν τοῖς κενῶν ἔρρηξις, id est, cultis, error ergo interpretis, qui ἀγχοῖς fortasse legis, aut ἀγχοῖς.

(14) Iris Illyrica. è Dioscor. cap. 1.

violentissima est: species ejus foliis gladioli similibus, radice aromatica, odoris boni.

11 ⁽¹⁾ Acorum foliis Iridis similibus, radicibus saporis ⁽²⁾ acerrimi, sed odoris jucundi, propter quod, & aromatica est.

12 ⁽³⁾ Meu.---

13 ⁽⁴⁾ Cardamomum.---

14 ⁽⁵⁾ Squinum melius, quod in Euphrate nascitur, quàm quòd in Arabia, fulvum, multiflorum, purpureum, tenue odoris rosei, cum manu fricatur, gustu multum incendit linguam, atque mordet. Hujus ⁽⁶⁾ flos $\sigma\chi\omega\delta\epsilon\iota\sigma\varsigma$ dicitur. $\Lambda\gamma\iota\sigma$ enim Græcè flos nuncupatur.

15 Thymum appellatum, quod flos ejus odorem refert. De quo Virgilius: Redolentque thymo fragrantia mella.

16 ⁽⁷⁾ Epithymum Græcum nomen, quod Latine dicitur flos thymi. Nam flos Græcè thymum vocatur. Est autem flos Tymbræ similis.

17 ⁽⁸⁾ Sampsuchus est, quem Latini Amaracum vocant. Cujus nominis usum Virgilius etiam ad Venerem referens ait: Ubi mollis Amaracus illum Floribus, & dulci aspirans complectitur umbra. Apta est autem hæc herba

unguentis. ⁽⁹⁾ Undè & nomen traxit Amaracus à puero cujusdam Regis, qui casu lapsus dum ferret unguenta, novum & gratissimum ex confusione odorem creavit.

18 ⁽¹⁰⁾ Hyacinthus herba est habens florem purpureum. Traxit autem nomen à puero quodam nobili, qui in saltibus inter purpureos flores repertus est interfectus, deditque nomen herbæ puerilis funeris casus. ⁽¹¹⁾ Est autem radice, & flore bulbi similis, pueros à pubertate retinens.

19 ⁽¹²⁾ Narcissus herba fabulosè impositum nomen habet, à quodam puero, cujus membra in hunc florem transierunt, qui & nomen Narcissi in appellatione custodit, & decus pulchritudinis in ⁽¹³⁾ candore retinet foliorum.

20 Rosa à specie floris nuncupata, quod rutilante colore rubeat.

21 Lilia lactei floris herba, undè & nuncupata, ⁽¹⁴⁾ quasi lictia, ⁽¹⁵⁾ cujus dum candor sit in foliis, auri tamen species intrus effulget.

22 ⁽¹⁶⁾ Viola propter vim odoris nomen accepit. ⁽¹⁷⁾ Hujus genera sunt tria, purpureum, album, melinum.

23 ⁽¹⁸⁾ Acanthus herba Ægyptia semper frondens, spinis plena, flexi-

li

(1) Acorum. Ex cap. 2.

(2) Acerrimi saporis, sed odoris jucundi. *For* saporis deerat in omnibus libris, quam à Dioscor. reposuimus: ille enim: $\delta\epsilon\iota\sigma\varsigma$ τῇ γινώσκειται τῇ σμυγνὴν ἀνδρῶν. Plinius quoque gustu acres, odore non ingratas.

(3) Meu. --- Vid. Dioscorid. cap. 3.

(4) Cardamomum. --- Idem cap. 5. & lib. 2. cap. 185.

(5) Schœnus melior. Vid. Dioscorid. cap. 6. Qui primam laudem Nabathæo Schœno. Secundam Arabico tribuit, Libyæum inutilem esse ait, Cætera conveniunt.

(6) Flos schœnantos. Squinantos apud Pallad. in Octob. tit. 14. apud Aurelianus non semel mendosè, sed ita fortasse tunc, & proferebant, & scribebant.

(7) Epithymum. Dioscorid. lib. 4. cap. 179. $\epsilon\pi\iota\theta\upsilon\mu\omega\varsigma$ ὀσμὴν ἔχειν ἄνδρος. Vid. Plin. lib. 26. cap. 8.

(8) Sampsuchus. Ità quoque ab Aureliano, & Hesychio: ab aliis sampsuchum effertur.

(9) Undè & nomen amaracus. E Serv. Aen. 1. Ubi Mollis amaracus illuui.

(10) Hyacinth. Serv. eclog. 3. & Ovid. lib. 10.

(11) Est autem radice, & flore bulbi. V. Dioscorid. lib. 4. cap. 63.

(12) Narciss. Ovid. lib. 3.

(13) In candore retinet folior. *Florum potius, nisi folia florum intelligas, ut mox de liliis, ex Ambros. cujus dum candor sit in foliis. Diosc. ἄλλος λευκόν.*

(14) Quasi lictia. Al. quasi liglia.

(15) Cujus dum candor sit in fol.-- effulget. Verba sunt Ambros. Hexam. 3. cap. 8.

(16) Viola propter vim odoris. Doloris libri omnes præter Rom. mendosè, ut apparet, Ambros. In quibus nescias, species ne amplius florum, an vis odora delocet.

(17) Hujus genera sunt tria. Quatuor retulit Dioscorid. λευκόν, μέλαν, ποικίλον, περσικόν. Trias Plinius: Purpureæ, luteæ, albæ.

(18) Acanthus. Locis confectus ex tribus Servii locis. Georg. 2. Aen. 1. & eclog. 4.

li virgulto. In cujus imitatione Arte vestis ornatur, quæ Acanthina dicitur, & Acanthis dicta.

24 ⁽¹⁾ Hedera dicta, quod arboribus reptando adhæreat. De qua Virgilius: Inter viatrices hederam tibi serpere lauros. Alii hederam ajunt vocatam, ⁽²⁾ quod hædis supra lactis abundantiam in escam à veteribus præbebatur. ⁽³⁾ Hederæ frigidæ terræ indices sunt secundum Physicos. Nam antipharmacum ebrietatis est, si quis potus hedera coronetur.

25 Elleborum memorant in Græcia circa Elleborum quemdam fluvium plurimum gigni, atque inde à Græcis appellari. Hoc Romani alio nomine Veratrum dicunt, pro eo quod sumptum, motam mentem in sanitatem reducit. Duo sunt autem genera, ⁽⁴⁾ album, & nigrum.

26 ⁽⁵⁾ Acone portus est Bithyniæ, qui proventu malorum graminum usque adeo celebris est, ut noxias herbas Aconita illinc nominemus. ⁽⁶⁾ Nam toxica venena ex eo dicta, quod ex arboribus taxeis exprimantur, maximè apud Cantabriam.

27 ⁽⁷⁾ Euphorbium dictum, quod ejus succus oculorum acuat visum. Cujus vis tanta est, ut duris carnibus superadjecta citius coqui compellat.

Nascitur in multis locis, sed plurima in Mauritania.

28 ⁽⁸⁾ Laser herba nascitur in monte Oscobagi, ubi & Ganges fluvius oritur, ⁽⁹⁾ cujus succus dictus primum Lacsir, quoniam manat in modum lactis, deinde usu derivante Laser nominatum est. Hoc est, à quibusdam Opium Cyrenaicum appellatum, quoniam & apud Cyrenas nascitur.

29 ⁽¹⁰⁾ Aloe herba amarissimi succi.

30 ⁽¹¹⁾ Panace herba fragrantis odoris, thyrso ferulæ similis, ex qua profluit succus, qui Opopanace dicitur, croceus & pinguis, odore gravis, & amarissimus.

31 Galbanum succus est ferulæ.

32 Dycta est mons Cretæ, ex quo Dyctamnnum herba nomen accepit, propter quam apud Virgilium cerva vulnerata saltus peragrat Dyctæos. Tantæ enim potentiæ est, ut ferrum à corpore expellat, sagittas excutiat: undè & ejus pabulo feræ percussæ sagittas à corpore inhærentes ejiciunt. ⁽¹²⁾ Hanc quidam Latinorum Polejum Martis dicunt propter belli tela excutienda.

33 ⁽¹³⁾ Mandragora dicta, quod habeat mala suave olentia, in magnitudinem mali Matiani. ⁽¹⁴⁾ Undè & cam

(1) Hedera. Festus. Hedera dicta, quod hæreat, sive quod edita petat, vel quia id, cui adhæserit, edat.

(2) Quod hædis supra lactis abund. &c. Columell. lib. 7. cap. 6. de Hædis: Qui ubi editi sunt eodem modo, quo agni, educantur, nisi quod magis hædorum lascivia compescenda, & arctius cohibenda est: Tum super lactis abundantiam Samera, vel Cychisus, aut hedera præbenda.

(3) Hederæ frigida terræ indices. è Servio Georg. 2. Hederæ pandunt vestigia nigra.

(4) Album & nigrum. Quæ post hæc leguntur in quibusdam editis, absunt ab omnibus manus. Sunt verò Ambrosii verba, lib. 3. Hexam. cap. 9. Quæ propterea hic adscribemus: Hanc autem periti loquuntur escam esse, & alimoniam coturnicum, eo quod naturalis quodam temperamento sui corporis vim pabuli nocentis evitant—&c. usque ad—solutem.

(5) Acone portus est Bithyniæ, qui proventu analor. gr. è Solin. cap. 55.

(6) Nam toxica venena ex eo dict. Plin. lib. 16. cap. 10. Sunt & qui taxica hinc appellata dicant venena, quæ nunc toxica dicuntur.

(7) Euphorbium dict. Etymologia, opinor, meminisse Isidorus noluist, & hic ut capd alias aliquid à Braulione, vel poetis à posteris addidit. Plinius ab Euphorbo fuba Regis Medico nomen duxisse putat.

(8) Laser herb. n. l. monte Oscobagi. Al. Osabagi. Quis verò hic mons, nos ad conjecturam evadere numquam quovimus.

(9) Cujus succus dictus primum Lac Sirpicum. Solin. cap. 40. Dictum primum lac Sirpicum, quoniam manat in modum lactem deinde usu derivante, laser nominatum. Columella verò lib. 6. Radix, quam Silphion Græci vocant, vulgus nostra consuetudine laserpitium appellat. Et diversum fuisse laserpitium, à sirpe videtur. Plantus in Rudens: Teque oro, & queso, si speras tibi hoc anno multum futurum sirpe, & laserpitium. Vid. Plin. lib. 19. cap. 3.

(10) Aloe herb. a. s. Dioscor. lib. 3. cap. 25.

(11) Panaces. è Dioscor. lib. 3. cap. 55.

(12) Hanc quidam latinorum Pulegium. Plin. lib. 20. cap. 14.

(13) Mandragora dicta, quod. Ne hic quidem de Veriloquio cogitavit.

(14) Undè & cam Latini malum terræ. Dioscor. Ραρμαίος μάλα καλὸν, εἰ δὲ μάλα τίψηται.

eam Latini malum terræ vocant. ⁽¹⁾ Hanc Poëtæ ἀνθρωπόμορφον appellant, quod habeat radicem formam hominis simulantem. ⁽²⁾ Cujus cortex vino mixtus ad bibendum datur iis, quorum corpus propter curam secandum est, ut soporati, dolorem non sentiant. Hujus species duæ: Fœmina, foliis lactucæ similibus, ⁽³⁾ mala generans in similitudinem prunorum. Masculus verò, foliis betæ similibus.

34 ⁽⁴⁾ Papaver herba somnifera. De qua Virgilius: Lethæo perfusa Papavera somno. Soporem enim languentibus facit. Ejus alia est usualis, alia agrestis, ex qua fluit ⁽⁵⁾ succus, quem Opium appellant.

35 Colocynthis cucurbita agrestis, & vehementer amara, quæ similiter, ut cucurbita flagella per terram tendit. ⁽⁶⁾ Dicta autem Colocynthis, quod sit fructu rotundo, atque foliis, ut cucumis usualis.

36 ⁽⁷⁾ Centauream Græci vocant, quoniam à Chirone Centauro fertur reperta. Eadem & λιμνῆσιος, quia locis humectis nascitur. Eadem & Fel terræ propter amaritudinem.

37 Glycyrrhiza Græcè ex eo dicta, quod dulcem radicem habeat, γλυκὺ enim dulce Græci dicunt. Eadem ἄδύφος, quia sitientibus sitim sedat.

38 ⁽⁸⁾ Dracontea vocata, quod hasta ejus varia sit in modum colubri,

similitudinemque draconis imitetur, vel quod eam herbam vipera timeat.

39 ⁽⁹⁾ Chelidonia idèò dicitur, vel quod adventu hirundinum videtur erumpere, vel quod pullis hirundinum si oculi auferantur, matres eorum illis ex hac herba mederi dicuntur.

40 ⁽¹⁰⁾ Heliotropium nomen accepit primò, quod æstivo solstitio floreat, vel quod Solis motibus folia circumacta convertat. Undè & à Latinis Solisequia nuncupatur. Nam & Sole oriente flores suos aperit, idem se recludit, cum Sol occubuerit. Ipsa est quam Latini Intubum Sylvaticum vocant. ⁽¹¹⁾ Hæc & Verrucaria, quod extinguat verrucas ex aqua pota, vel in cataplasmate posita abstergat.

41 ⁽¹²⁾ Pentaphyllum à numero foliorum dicta, undè eam Latini quinque folium vocant: herba adeò munda, ut purificationi, & templis adhiberi à Gentilibus solita esset.

42 ⁽¹³⁾ Hyssopus herba purgandis pulmonibus apta. Undè & in Veteri Testamento per Hyssopi fasciculos aspergebatur agni sanguine, qui mundari volebat. Nascitur in petris hærens saxo radicibus.

43 ⁽¹⁴⁾ Reubarbarum, sive Reuponticum: illud, quod trans Danubium in solo barbarico: istud, quod circa Pontum colligitur, nominatum est. Reu autem radix dicitur. Reubar-

ba-

(1) Hanc Poëtæ anthropomorphion. Quis imitatus est Columella: Quamvis semihominis vesano gramine fæta Mandragoræ pariat flores, morstamque cicutam.

(2) Cujus cortex vino mixt. è Dioscor. lib. 4. cap. 76.

(3) Mala generans in similitudinem prunorum. Dioscor. μήλα ὅσπερ ἰμυγῆς, id est, sorborum.

(4) Papaver. Dioscor. lib. 4. cap. 65.

(5) Succus quem Opion vocant. Sic Plinius lib. 20. cap. 18. Dioscor. τὸν ὀπὸν.

(6) Dicta autem Colocynthis quod s. f. r. Neque hic est, quod in etymologia moreris. Dioscor. κατὰ τὴν περὶ τὴν ἐμύσιν.

(7) Centaurcam. è Dioscor. 3. cap. 9. & Plin. 25. cap. 6.

(8) Dracontea. Ex eod. lib. 2. cap. 196.

(9) Chelidonia. Ex eod. lib. 2. cap. 211.

(10) Heliotrop. Vid. Dioscor. lib. 4. cap. 193. & Plin. lib. 22. cap. 21.

(11) Hæc & Verrucaria. Vid. Plin.

(12) Pentaphyllum. è Dioscor. lib. 4. cap. 42.

(13) Hyssopus herba purgand. pulm. &c. Ex August. in Ps. 50.

(14) Reubarbarum. Vid. Dioscor. lib. 3. cap. 2.

barum ergò, quasi radix barbara. Reu-
poniticum, quasi radix pontica.

44 Hyoscyamos à Græcis, à La-
tinis herba calicularis, quòd calculi
ejus in figuram cantharorum nascan-
tur, ut est mali Punici, ⁽¹⁾ quorum
ora serata sunt, habentia intrinsecùs
semina papaveris similia. Hæc herba,
& insana vocatur, quia ejus usus peri-
culosus est. Deniquè si bibatur, vel
edatur, insaniam facit, vel somni ima-
ginem torpidam. Hanc vulgus Mili-
mindrum dicit, propter quod aliena-
tionem mentis inducit.

45 Saxifraga vocata, quòd se-
men ejus petras in vesica frangat, at-
que comminuat.

46 Gentiana nomen sumpsit, ut
Medici memorant, ab inventore, ra-
dicibus Aristolochiæ similibus. Nasci-
tur sub Alpibus, atque Galatia Asiæ.

47 Satureia calida, & propè ig-
nita. Undè illi & nomen inditum cre-
dunt, quòd pronos facit in Venerem.

48 Satyrion dicta à Satyris prop-
ter incendium libidinis, ⁽²⁾ quam vul-
gus Stingum vocat: Venerem enim
suscitat. Eadem & Orchis, quod radix
ejus in modum testiculorum sit, quos
Græci *ἔρχεις* vocant. Itè & Lepori-
na, propter quod caulem mollem
emittat.

49 Urtica vocata, quòd tactus
ejus corpus adurat. Est enim igneæ
omninò naturæ, & tactu perurit, un-
dè & pruriginem facit.

50 ⁽³⁾ Artemisia herba Dianæ à
Gentilibus consecrata est, undè & nun-
cupata. Græcè enim Diana *ἄρτεμις* di-
citur.

51 ⁽⁴⁾ Chamæmelos Græcè dic-
ta, quòd mali Matiani odorem habeat,
sitque brevis, terræque vicina.

52 Chamædrys à Græcis appel-
latur, quòd sit brevis, & per terram
strata, & minuta foliis parvissimis.

53 ⁽⁵⁾ Pæon quidam Medicus fuit,
à quo Pæonia herba perhibetur inven-
ta, ut Homerus dicit. Hanc quidam
Glycysiden vocant, quòd dulcis sapo-
ris sit, vel Pentorobon à numero gra-
norum, vel ut alii, Daçtylosam à di-
gitorum similitudine. Nascitur in syl-
vis.

54 Buglossos à Græcis dicta, eo
quòd folia asperrima ad modum lin-
guæ bovis habeat. ⁽⁶⁾ Quæ mirum in
modum ob sapientiam nutriendam vi-
no infundenda à Veteribus memora-
tur. Convivii quoque hilaritatem præ-
bere fertur, pro odore etiam sumitur.

55 ⁽⁷⁾ Arnoglossos, id est, agni
lingua, quæ à Romanis Plantago dici-
tur, quod planta ejus citò adhæreat
terræ. Hac multi pro odore vescun-
tur.

56 ⁽⁸⁾ Herpyllus, quæ apud nos
Serpillus vocatur, pro eo quod radi-
ces ejus longè serpant. Eadem & Ma-
trisanimula, propter quod menstrua
moveat.

57 ⁽⁹⁾ Aristolochia dicitur, quòd
mulieribus foetis optima sit. Nam su-
persessa post partum, matricem bene-
ficio vaporis expurgat. Hujus herbæ
genera sunt duo: quarum una Aris-
tolochia rotunda dicitur, propter quod
rotundam radicem habeat: altera Aris-
tolochia longa, quia longam radicem
habet, cum ramis, & foliis longiori-
bus,

(1) Quorum ora serata. *Dioscor. Vid. alii.*

(2) Quam vulgus Stingum. f. *scincum. Vid. Dioscor. lib. 3. cap. 135. & Plin. lib. 28. cap. 28.*

(3) Artemisia. *Plin. lib. 25. cap. 7.*

(4) Chamæmelos. *Dioscor. 3. cap. 154.*

(5) Pæon. *Idem cap. 157. & Plin. 25. cap. 4.*

(6) Quæ mirum in modum ob saporis &c. Ob lætitiā. Itā enim reddidit Plinius, (*ὑπογαστρικὴ*) quæ est apud Dioscor.

(7) Arnoglossos. *Dioscor. 2. cap. 153.*

(8) Herpyllus. *Vid. Serv. eclog. 2.*

(9) Aristoloch. *Plin. 25. cap. 8. & Dioscor. 3. cap. 4. & 5.*

bus, quam etiam & Dactylitem vocant, quod sit radice robore digitali, & longa.

58 ⁽¹⁾ Erigeron nomen à Græcis dicitur, quod vere primo senescat. Unde & eam Latini Senecionem vocant. Nascitur per macerias.

59 ⁽²⁾ Psyllios dicta, quod semen pulicis simile habeat. Unde eam Latini herbam pulicarem vocant.

60 ⁽³⁾ Hierobotane, ideò à Græcis hoc nomen accepit, quod ⁽⁴⁾ remediis, ac ligamentis hominum, & purificationibus Sacerdotum à Gentilibus probaretur apta. Unde & eam Pontifices Sagmen appellabant, quasi Sancimen, hæc Verbenæ, quia pura.

61 ⁽⁵⁾ Paliurus herba asperrima, & spinosa.

62 ⁽⁶⁾ Struthios, quam quidam herbam lanariam vocant, eò quod plerique lanam ex ea lavent. Nascitur in locis cultis.

63 Splenos dicta, quod splenem auferat.

64 Cimicia propter similitudinem cimicis. Unde & eam Græci κορίον vocaverunt. Nascitur in locis asperis, atque cultis.

65 Marrubium, quod Græci Prasium dicunt, vocatum propter amaritudinem. Nascitur in campis.

66 ⁽⁷⁾ Pulegium apud Indos pi-

pere pretiosius est. ⁽⁸⁾ Habet autem vim thermanticam, calefacit, & deducit, extenuat, & purgat, & digerit.

67 ⁽⁹⁾ Absinthium Græcum nomen, cujus probabilius est, quod in Ponti Regione nascitur, unde & Absinthium Ponticum nominatur.

68 ⁽¹⁰⁾ Symphyton Græce dictum, eo quod tantam in radice virtutem habeat, ut frusta carnis aspersa in cacabo coagulet.

69 ⁽¹¹⁾ Polypodium herba, cujus radix hirta, atque crinita, ut est Polypus, ex quo derivatum, ut Polypodium diceretur. ⁽¹²⁾ Nascitur in teneris petrarum terris, sive quercubus vicinis.

70 ⁽¹³⁾ Polion à Græcis, à Latinis Omnimorbia, quod multis morbis subveniat. Nascitur in montibus, & duris locis.

71 ⁽¹⁴⁾ Scammonia, quam Latini Acridium vocant, herba succi plena; quæ colligitur sub cavata radice. Denique terram rotunda cavitate fodiunt: tum suppositis, aut cochleis, aut nucis foliis excipitur succus, atque siccatu aufertur. Venit autem sapius probabilior ex Mysia Asiæ. Huic contrarius, atque falsus ex Syria, atque Judæa.

77 ⁽¹⁵⁾ Daucus foliis fœniculi similis, thyrsu bipalmis.

Ci-

(1) Erigeron, à Diosc. 4. cap. 97.

(2) Psyllios. Ex Diosc. & Plin.

(3) Hierobotane. Vid. Plin. 25. cap. 9. & 22. cap. 2. & Diosc.

(4) Remediis, ac legationibus. Ligamentis libri omnes male, Plin. lib. 22. cap. 2. Quoniam non aliunde sagmina in remediis publicis fuisse, & in sacris legationibus verbenæ.

(5) Paliurus. & Serv. eclog. 5.

(6) Struthios. à Dioscorid. & Plin.

(7) Pulegium apud Ind. p. pretiosius. Verba sunt Hieronym. Ep. 83. ad Evangelium.

(8) Habet autem virtutem therm. &c. Ex Dioscor. lib. 3. cap. 36. Sed absumt hæc à veteribus lib.

(9) Absinthium. & Dioscorid.

(10) Symphyton. Ex eod.

(11) Polypodium. Ex eod.

(12) Nascitur in teneris petrarum terris. Id est, in muscosis petris. Si ita licet interpretari verba Diosc. ὅτι τὰς ἐν ἀνέροις ἐφύκειν. Sed malim ego cum Chacone legere, nascitur in teneris petrar. sive in terris quercub. vicinis.

(13) Polion. & Dioscor. Multa hic in editis, quæ absumt à manuscr. Gottbiciis.

(14) Scammonia. Ex eod.

(15) Daucus f. f. thyrsu bipalmis. Diosc. lib. 3. cap. 76. ὅτι ἂν μὴ οὐκ ἐνθάδε. Quod autem ἐνθάδε οὐκ ἐνθάδε bipalmem vertit vetus ejus interpres, mirari destinet, qui idem fecisse Plinium animadvertit lib. 27. cap. 4. Nam quod Dioscorides à segerato dixit: ὁ ἀγροῦ ἐστὶν ὁ γυμνασίου ἐνθάδε, ipse reddidit. Ageraton ferulacea est duorum palmiorum altitudine. Scio eandem Plinium ἐνθάδε variis interpretari: Aliquando palmum, ut lib. 12. cap. 19. & lib. 22. cap. 21. & lib. 26. cap. 7. & ex Dioscorid. & Theophrastro. Nonnunquam etiam semipedem, ut lib. 34. cap. 4. ex Theophrastro lib. ut p. 11.

73 Citocatia dicta, quod ventrem citò depurget, quam vulgus corruptè Citocotiam vocat.

74 ⁽¹⁾ Lappa dicta, quod habeat caulem ingentem per terram disposita. Hæc herba à Græcis *φιλάρθρωπος* vocatur, quod vestibis hominum inhæreat ob asperitatem sui. Nascitur juxta muros.

75 Capillus Veneris vocatus, si-
vè quod delapsos post alopeciam capillos recreat, vel quod capillorum fluores coercet, vel quod sit virgulis nigris lenibus cum splendore, quasi capilli. Nascitur in aquis locis.

76 ⁽²⁾ Rubia dicta, quod radix ejus sit rubra, undè & colorare lanas perhibetur.

77 ⁽³⁾ Anchusa, cujus radix contrita digitos inficit. Est enim colore sanguineo, undè etiam pictoribus ad purpuram effingendam usui est.

78 Chamæleon, quæ Latinè Viscarago vocatur, eo quod viscum signat, in quo hærent aves, quæ propria voluntate descendunt ad escam.

79 Cicuta propter quod in thyrso geniculato nodos habeat occultos, ut canna: sic dicitur fossa cæca, quæ occulta est. Hæc potui data interficit. Hanc in carcere Socrates bibit, & ex-
piravit. Persius: Dicere, sorbitio tol-
lit quem dira cicutæ. Hæc dum homi-

nibus venenum sit, capellas efficit pingues.

80 ⁽⁴⁾ Trifolium est, quod Græci *τρίφυλλον* vocant, quod sit foliis trinis per singulas adnationes.

81 Phlomos, quam Latini herbam lucernalem vocant, ab eo quod ad lychnia proficiat. Eadem & Lucubros, quod lucem præbeat umbris.

82 Pyretron, Græcè dicta, quod habeat radicem incendiosam, atque coacervantem.

83 ⁽⁵⁾ Althea, malva agrestis, si-
vè malvæ viscus, sed Althea, quod in altum surgit, & viscus, quia glutinosa est.

84 ⁽⁶⁾ Oryganum, quod Latinè Colena interpretatur, propter quod infusum coloret vinum.

85 ⁽⁷⁾ Tithymallum vocabulum sumpsit, quod foliorum comam ad radium Solis circumacta convertat. Nam Græci solem *τιτῆνα* vocant, *μαλ-
λόν* comam, ex quo confectum est, ut Tithymallum diceretur. Hujus species septem diversis locis nascentes.

86 ⁽⁸⁾ Strychnos, quæ Latinè herba salutaris vocatur, propter quod dolorem capitis, & stomachi incendium mitigat. Eadem & Uva Lupina propter semen ejus uvæ simile.

87 ⁽⁹⁾ Polygonus, quam Latini herbam sanguinariam vocant, quod mis-

Hist. Plant. 2. cap. 8. & lib. 20. cap. 8. & lib. 27. cap. ultim. Interdum verò cubitum, ut lib. 22. cap. 8. & lib. 26. cap. 8. de Hyperico oleraceo frutice, tenui, cubitali. Aliis autem locis rectè versit dodrantem, ut lib. 7. cap. 2. Aut duodecim digitos, ut lib. 8. cap. 21. Nisi forte hi omnes loci corrupti apud Plinium, notis haud multum distansibus, & pro bipalmeto tripalmeto, pro 14. digitos, xii. digitos, & pro tenui cubitali semicubitali, & pro semipede semicubitali apud illum legas.

(1) Lappa dicta quod habeat caulem ingentem. *Ανὰ τὸ τῷ λαπίον*, quod est, insolenter se genere? *Vid. Plin. lib. 27. cap. 5.*

(2) Rubia. *ῥυδρόκκρον*. *Diosc. lib. 3. cap. 160.*

(3) Anchusa. *Idem lib. 4. cap. 25.*

(4) Trifolium per singulas adnationes. *Adnata* vocat Plinius lib. 27. cap. 11. *Quas Dioscorid. παραφύματα. Al. adnationes.*

(5) Althea. *Dioscorid. lib. 3. cap. 163. Ἀλθαία ἵκναι δὲ ἰσίων καλῶσι. μαλάχνη ἴκναι ἀρχαί ἰδρι.* *Pallad. in Orib. lib. 14. Althea, hoc est, hibisci folia. Dicitur hodie à nostris malva visca.*

(6) Oryganum quod Latinè colina. *Al. colerina. al. colena, feratissè conyla* (quæ Authore Dioscoride, origani sylvestris est species) scribendum fuit: sed neque vox est Latina, neque ætymologia colorandi convenit, sed mendis, & additamentis tænent omnia.

(7) Tithymallum. Hoc quartum genus tithymali apud Plin. lib. 26. cap. 8. *Quod helioscopon appellari ait. Etymologiam præavit helioscopi significationi suo more lidorni.*

(8) Strychnos quæ Latinè herba salutaris. *Plin. lib. 22. cap. 31. Et nihil esse corporis malorum, cui non salutare sit Strychnos.* Xenocrates prædicat. *Vid. Diosc. lib. 4. cap. 69.*

(9) Polygonus. *Diosc. lib. 4. cap. 4. Plin. 26. cap. ult. Polygonus pota meatus ciet. Alii verò sanguinem sistere tradidere.*

missa in naribus sanguinem moveat.

88 Ambrosia, quam Latini Apium sylvaticum vocant. De qua Virgilius: Ambrosiæque comæ divinum vertice odorem spiravere.

89 Apiago, quod flores ejus apes maximè appetunt.

90 Portulaca----

91 ⁽¹⁾ Ros marinus, quam Latini ab effectu herbam salutare vocant: cujus folia fœniculi sunt similia, atque aspera, & rotatim terræ prostrata.

92 Colocasia----

93 Mentha agrestis, ⁽²⁾ quam Græci καλαμίτην, nostri vulgò Nepe- tam vocaverunt: majoris virtutis, & vehementis in calore.

94 ⁽³⁾ Genicularis herba subster- nitur ob scorpionum vim repellendam.

95 Gladiolus, quod sit foliis gladii similibus, thyrso cubitali, floribus purpureis.

96 Verbascum----

97 Agaricum ⁽⁴⁾ radix vitis albæ.

98 Calamites----

99 Lappa-----

100 Lapago-----

101 Lapella-----

102 Beneola-----

103 Orcibeta----

104 Mirobalanum----

105 ⁽⁵⁾ Asphodelus, quam Lati-

ni à colore Albutium vocant.

106 ⁽⁶⁾ Scylla, quod nocens sit, de ⁽⁷⁾ qua superstitio Gentilium dicit, quod si integra ad limen suspendatur, omnia mala fugat.

107 Chamæpitys à Græcis dicta, quod terræ adhæreat, & odorem pini habeat. Hanc Latini Cucurbitularem vocant, quod ex parte odorem cucurbitæ referat.

108 ⁽⁸⁾ Staphysagria nascitur in locis amœnis.

109 ⁽⁹⁾ Asplenos dicta, quod splenem auferat, sive Scolopendrios, eo quod folia ipsius scolopendro animali sunt similia. Nascitur ⁽¹⁰⁾ in humidis petris.

210 ⁽¹¹⁾ Volvus appellatus, quod radix ejus volubilis sit, & rotunda.

111 ⁽¹²⁾ Stœchas in Insulis Stœchadibus nascitur, undè & nuncupatur.

112 Cyclaminus Græcè dicta à quodam, qui κύκλος vocatus est, qui primus virtutem hujus herbæ invenit, sive quod habeat radicem rotundam. Græci enim κύκλον rotundum vocant. ⁽¹³⁾ Cujus radix, aut succus, si vino fuerit admistus, ebrios facit. Nascitur in sylvosis locis, & agris.

113 ⁽¹⁴⁾ Ampelos leuce, sive Brionia, quam Latini Vitem albam vocant, vel à qualitate coloris, vel quod

(1) Ros marinus, è Dioscorid. lib. 3. cap. 87. Sed quod aspera dixit folia, τριχότιχα legisse videtur interpret, non παχύτιχα, ut vulgò legitur.

(2) Quam Græci Calamintham. Vid. Dioscorid. lib. 3. cap. 42. & 43.

(3) Genicularis h. s. ob scorpion. Id mentastro tribuit Plin. lib. 20. cap. 14. Iisdem verbis, nequè de polygonato (quod sciam) quisquam id prodidit. Ac neque Isidorus quidem, nisi valde fallor.

(4) Agaricum radix, lià quidem Galenus, atque alii existimavere, sed compertum est truncis adnasci fungi instar. Hic vasta lacuna in Gothicis.

(5) Asphodelos albutum. Al. albutium. Gloss. albutinum. Dioscorid. λυκὸν ἀσφόδalon τίμνωται παρὰ τὸν λευκίαν in ἱερὶ χρί.

(6) Scylla quod nocens sit. Est n. ἀνύαν vexare, quo respexit fortasse Virgilini, cum de Scilla dixit eclog. 6. Dullichias vexasse rates.

(7) De qua superstitio Gentilium. Ex Dioscor. lib. 2. & Plin. 21. cap. 17.

(8) Staphysagria in locis amœnis. Hac tantum verba leguntur in Gothicis CC. quæ præterea leguntur in editis addita sunt ab aliquo Erculapii filio, ex Dioscorid. Avicenna, & Aserroes.

(9) Asplenium. Vid. Dioscorid. 3. cap. 151. & Plin. 27. cap. 5.

(10) Nascitur in humidis petris. Quæ post hæc leguntur in editis, non sunt in manu. Addita tamen sunt è Diosc. & Plin.

(11) Volvus. Apta scriptura etymologia. Plinius, & alii bulvum, Græci βόλβον dicunt.

(12) Stœchas. Ex Dioscorid. 3. cap. 31.

(13) Cujus radix, aut succus si vino, &c. è Dioscorid. 2. cap. 194. Plin. 25. cap. 9. Narrat ebrietatem representari addita in vinum.

(14) Ampelos leuce, sive Bryonia. Ex eod. lib. 4. cap. 154.

quòd ejus radix contrita, & corpori infricata teneriorem, & candidiorem cutem reddat. Nam & succus baccharum ejus lac uberibus siccis reddit.

114 ⁽¹⁾ Ampelos melæna, id est, vitis nigra, eademque Labrusca habens folia hederæ similia, in omnibus major, quàm vitis alba, baccas similiter habens, quæ in maturitate nigrescunt, undè & vocabulum sumpsit.

115 Viticella herba à Latinis appellata, quòd sicut vitis quidquid proximum habuerit, apprehendat corymbis, quos annulos appellamus.

116 ⁽²⁾ Buphthalmos florem habet croceum oculo similem. Undè à Græcis nomen accepit. Est autem caule molle, ⁽³⁾ foliis Coriandri similibus. Nascitur juxta muros Civitatum.

117 ⁽⁴⁾ Phlomos, quam Latini Verbascum vocant, quarum altera est masculus, albidioribus foliis, atque angustioribus: altera foemina foliis latioribus, atque nigris.

118 ⁽⁵⁾ Ferula vocata à medulla. Nam illam Varro tradit esse ferulam medullam, quam ἀρόδρον Græci vocant. Nonnulli à feriendo ferulam dicunt. Hac enim pueri, & puellæ vapulare solent: ⁽⁶⁾ hujus succus galbanum est.

119 ⁽⁷⁾ Papyrus dictus, quod igni, & cereis est aptum, πῦρ enim Græci ignem dicunt.

120 Juncus dicitur, eo quòd junctis radicibus hæreat.

121 ⁽⁸⁾ Scirpus, à quo tegetes texuntur sine nodo, de quo Ennius: Quærent in scirpo soliti quid dicere nodum. Et in proverbio: Qui inimicus est, etiam in scirpo nodum quærit.

122 ⁽⁹⁾ Fucus genus herbæ est, de qua tingitur vestis: dicta, ⁽¹⁰⁾ quia mentitur alienum colorem: undè & Virgilius:-- Discet mentiri lana colores.

123 Alga nascitur in aquis stagnatibus. Ità denique nomen sumpsit ab algore aquæ, vel quod alliget pedes, quia crassa est foliis aquam ex parte superantibus.

124 Ulva, & Typus herbæ, quæ circa fontes, & paludes, stagnaque nascuntur. Ex quibus ulva, id est, alga mollis, & quodammodo fungus, dicta ab uligine.

125 Typhæ verò, quæ se ab aqua inflat. Undè etiam ambitiosorum, & sibi placentium hominum tumor typhus dicitur.

126 ⁽¹¹⁾ Carex acuta herba, & durissima sparto similis, de qua Virgilius:-- Et carice pastus acuta.

127 ⁽¹²⁾ Spartus frutex virgosus sine foliis, ab asperitate vocatus. Volamina enim funium, quæ ex eo fiunt, aspera sunt.

128 Gramen à situ potius dictum, quòd plurimorum agrorum sit. ⁽¹³⁾ Undè illud Græci, ἀγροειν vocaverunt: ⁽¹⁴⁾ licet omnis herba gramen vocetur, ab eo quod germinetur: sicut

Qq

ro-

(1) Ampelos melæna. Ex eod. cap. 185.

(2) Buphthalmos. Ex eod. lib. 3. cap. 156.

(3) Foliis coriandri. Feniculi, Plinius, & Dioscorides.

(4) Phlomos. De qua paulò antè. Vid. Diosc. 4. cap. 104.

(5) Ferula vocata à medulla. Nempe quasi ferens hilum.

(6) Hujus succus galbanum est. Non cujuslibet, sed ὅστις ἐκ τῆς ἐν σὺνδρῳ γινώσκου, ut ait Dioscorides, id est, ferula em-judam, qua in Syria nascitur.

(7) Papyrus. Vid. Plin. & Diosc.

(8) Scirpus è quo tegetes texuntur. Plin. 21. cap. 18. & Festus in Scirpus.

(9) Fucus. è Serv. Georg. 4.

(10) Dicta, quia mentitur alienum colorem. More fuci illius, qui apem simulat.

(11) Carex. è Serv. Georg. 3.

(12) Spartum--ab asperitate. Etymologiam nihil moror.

(13) Undè illud Græci ἀγροειν. Ità interpretatur ἀγροειν Hieronym. Ep. 15.

(14) Licet omnis herba gramen--cum sit, & species. Verba Servii Æn. 12.

robur omne lignum, licet sit & species, ab eo quod firmissima.

129 ⁽¹⁾ Filix, à singularitate folii dicta. Denique ex una virgula altitudine cubitali una scissa folia gignitur replicata, velut pinna.

130 Avena----

131 Lolium----

132 Zizania, quod Poëtæ semper infelix lolium dicunt, quod sit inutile, & infœcundum.

133 Fœnum dictum, quod eo flamma nutritur *φῶς* enim flamma est.

134 Manipulum dicimus, fascem fœni. Et dictus manipulus, quod manum impleat.

CAPUT X.

De Oleribus.

1 **H**ortus ⁽²⁾ nominatur, quod semper ibi aliquid oriatur. ⁽³⁾ Nam cum alia terra semel in anno aliquid creet, hortus nunquam sine fructu est.

2 Olus ab alendo dictum, eo quod primum homines ab oleribus alerentur, antequam fruges, & carnes ederent. Tantum enim pomis arborum, & oleribus alebantur, sicut animalia herbis.

3 Caulis, est generaliter herbarum, vel olerum medius frutex, qui vulgò thyrsus dicitur, quod à terra sursum conscendat: ex quo derivatum est, ut specialiter ⁽⁴⁾ quoddam genus olerum caulis diceretur, quia thyrsus

ipsius amplius cæteris oleribus coalescit, id est, crescit. Est autem generale nomen. Omnis enim frutex caulis.

4 ⁽⁵⁾ Cyma dicitur, quasi coma. Est enim summitas olerum, vel arborum, in qua vigens virtus naturalis est.

5 ⁽⁶⁾ Malva ex parte Græco vocabulo appellatur ἀπὸ τοῦ μαλάσσειν, eo quod molliendi alvum, solvendique naturam habeat. ⁽⁷⁾ Cujus succo si quis se oleo mixto perunxerit, ab apibus negatur feriri. Folia ejus ex oleo trita, & imposita scorpionibus, ⁽⁸⁾ creduntur afferre torporem.

6 Pastinaca vocata, quod radix ejus præcipuus pastus sit hominis. Est enim odoratu jucunda, cibo delectabilis.

7 ⁽⁹⁾ Rapa dicta à rapiendo, id est, comprehendendo. Est autem radice amplior napo, sapore dulcior, & folio tenui.

8 Napus à similitudine rapæ vocatus, nisi quod foliis latior, & radicis gustu subacrior est. Nominis autem affinitas in utrisque indè penè communis, quia utrumque semen in alterum vicissim mutatur. ⁽¹⁰⁾ Nam rapa in alio solo, ut Æmilianus ait, per biennium mutatur in napum, alio vero, napus transit in rapam.

9 Napocaulis ex duobus oleribus compositum nomen habet, quia dum sit sapore napo similis: non in radice, sed in thyrsum conscendit, ut caulis.

Si-

(1) Filix una scissa folia gignit replicat. Diosc. lib. 4. cap. 188. & Plin. 27. cap. 9. Notandus verò Gothicismus, nam folia singulari numero non semel utitur. Sed hac librarium vitio magis putamus accidisse, quam Isidori.

(2) Cap. X. Hortus nom. q. s. i. a. o. Festus. Hortus apud Antiquos omnis Villa dicebatur, quod, ibi, qui arma capere possent, orirentur. Vel Longus: Hortus quoque non desiderabat aspirationem, quod ibi herbarum oriantur, id est, nascantur, sed tamen à consuetudine accepit.

(3) Nam cum alia terras, &c. è Servio, Georg. 4. ad—Hellepontiaci s. t. P.

(4) Quoddam genus olerum caulis. Brassica, Pallad. in Febr. tit. 24.

(5) Cyma d. quasi coma. Immo quasi κόμμη, hoc est, fœtus. Auctoribus Theophr. lib. 7. de Hist. Plant. & Galeno 2. de Facult. Elem. cap. 58. Utuntur hac voce Celsus, Columell. & Plin.

(6) Malva—eo quod molliendi. Plin. lib. 20. cap. 21.

(7) Cujus succo. Ex eod. & Diosc. lib. 2.

(8) Scorpionibus creditur afferre t. è Plin. lib. 20. cap. 4.

(9) Rapa d. à rapiendo. Immo à Græca voce ῥάπτω sive ῥάπτω, rapum neutro genere enuntiat Columella.

(10) Nam rapa in alio solo. Ut Palladius inquit lib. 8. cap. 2. Et Columell. lib. 2. cap. 10.

10 Sinapis appellatur, quod folii sit similis napsis.

11 Raphanum Græci, nos radicem vocamus, ⁽¹⁾ eo quod deorsum totus nititur: dum reliqua olera in summa magis prosiliant, ⁽²⁾ cuius semine macerato quisquis suas manus infecerit, serpentes impunè tractabit.

⁽³⁾ Siquidem ex ipsius radice etiam ebur albescit. In cibo quoque venenis ob-sistit. ⁽⁴⁾ Nam contra venena hujus radices, nuces, lupini, citrium, apium prosunt, sed contra futurum, non contra acceptum venenum. Unde & apud Veteres ante alias epulas hæc solebant mensis apponi.

12 ⁽⁵⁾ Lactuca dicta est, quod abundantia lactis exuberet, ⁽⁶⁾ seu quia lacte nutrientes foeminas implet. ⁽⁷⁾ Hæc & in viris Veneris usum coerces.

13 Lactuca agrestis est, ⁽⁸⁾ quam Sarralliam nominamus, eo quod dorsum ejus in modum serræ est.

14 ⁽⁹⁾ Intubus Græcum nomen est. Et intubus, quod intus sit tophus.

15 Ceba vocatur, quia non aliud est, nisi tantum caput.

16 ⁽¹⁰⁾ Ascalonia nuncupata ex una Urbium Palæstinæ, quæ Ascalon dicitur, unde prius advecta est.

17 ⁽¹¹⁾ Allium dictum quod oleat.

18 ⁽¹²⁾ Ulpicum appellatum, quod alii odorem habeat.

19 ⁽¹³⁾ Phaselus vocari ajunt, à Phaselo Insula Græciæ, ubi non procul mons Olympus est.

20 Porrum, cujus duo genera sunt capitatum, & sectile. Capitatum majus, sectile parvulum.

21 Beta apud nos oleris genus, apud Græcos littera est.

22 Blitum genus oleris, saporis evanidi, quasi vilis beta.

23 Cucumeres, quod sint interdum amari, ⁽¹⁴⁾ qui dulces nasci perhibentur, si lacte mellito eorum semen infundatur.

24 Cucurbita.---

25 Apopores.---

26 Pepo.-----

27 Melipepo.---

28 Ocymum.---

29 Olus molle.---

30 Atriplex.---

31 Brassica.-----

32 Olistrum.---

33 ⁽¹⁵⁾ Nasturtium sapor appellavit, quod acrimonia sui nasum tor-queat.

34 Fungi, quod aridi ignem acceptum concipiant, *φῶς* enim ignis est, ⁽¹⁶⁾ unde & esca vulgò dicitur, quod sit fomes ignis, & nutrimentum. Alii dicunt fungos vocatos, quod sint ex eorum genere quidam interemptorii, unde & defuncti.

35 Tubera tumor terræ prodit,
Qq 2 ca-

(1) Eo quod totus deorsum nititur. Ex eodem Palladio in Januario tit. 14.

(2) Cuius semine macer, &c. Ex Plin. 20. cap. 4.

(3) Siquidem ex ipsius radice etiam ebur albescit. Hæc si tollas, melius cohærebunt cætera, sed aliquid deesse credo. Plinius 9. cap. 5. de Raphanis: Utilissimi in cibis hyberno tempore existimantur, iidemque dentibus semper inimici, quoniam acriant: ebora certe poliunt.

(4) Nam contra venena radices--apponi, d. Servio Georg. 2. ad illud: Auxilium venit, ac meabrīs agit atra venena.

(5) Lactuca-exuberet. Verba sunt Palladii, in Jan. tit. 14.

(6) Seu quia lacte nutriunt. fœm. Vid. Diosc. lib. 2.

(7) Hæc in viris ven. us. Ità quoddam lactuca genus Eunuchium dictum refert Plinius lib. 19. cap. 8.

(8) Quam Sarralliam. Nos cerratia dicimus.

(9) Incubus Græcum nomen est. Romanum esse testantur Dioscorides, & Galenus.

(10) Ascalonia nuncup. ex una Urb. Pal. Ità Plin. 19. cap. 6.

(11) Allium dictum quod oleat. Vel quod halet, ut alii volunt.

(12) Ulpicum. Vid. Colum. lib. 11. & Plin. 19. cap. 6. De Erymologia non liquet.

(13) Phaselus. Cicero in Verr. Phaselis illa, quam cepit P. Servilius, non fuerat Urbs armæ Cilicium, atque prædo-

rum. Lycii itiam Greci homines incolebant.

(14) Qui dulces nasci perhibentur si lacte mellito. Si lacte, & multo Palladii, lib. 4. cap. 9.

(15) Nasturtium sapor. app. &c. Plin. 19. cap. 8. Nasturtium nomen accepit à narium tormento.

(16) Unde & esca vulgò dicitur. A nobis yessa.

eaque causa nomen illi dedit.

36 Bulbi appellati, quòd sint volubiles, & rotundi.

37 Asparagus, quòd sit spinosus, & asper frutex ejus, ex quo gignitur.

38 Capparis à Græcis nomen sumpsisse videtur, quod habeat rotunda in summitatibus seminum capitella.

39 ⁽¹⁾ Armoracia, hoc est, Lap-sana.

40 Lapistus----

41 Lappathum hæc in cibo sumpta stomachum confortat Venerem, re-primit.

42 ⁽²⁾ Carduus----

43 Eruca, quasi uruca, quòd ignita sit virtutis, & in cibo sæpè sumpta Veneris incendium moveat. Hujus species duæ: quarum altera usualis, altera agrestis acrioris virtutis, utraque tamen Veneris commovens usum.

CAPUT XI.

De Odoratis Oleribus.

1 **A**pium dictum, quòd ex eo apex, id est, caput Antiquorum triumphantium coronabatur. Hercules autem hanc herbam primus capiti circumtulit. Nam nunc Populum capite præferebat, nunc oleastrum, nunc apium. ⁽¹⁾ Cujus radices efficaciter pugnant contra insidias venenorum. Ejus generis sunt petroselinon, hipposelinon, & oleoselinon.

2 Petroselinon vocatum, quod sit simile apio, & nascatur in petris, montibusque præruptis, quod nos petrapium dicere possumus, Σίλινον enim Græcè apium dicitur, sed est summum, ac probabile Macedonicum, gustu suave, & odore aromatico.

3 Hipposelinon, quod sit durum, & austerum.

4 ⁽⁴⁾ Oleoselinon, quod mollius folio, & caule tenerum.

5 ⁽⁵⁾ Fœniculum Latini vocant, quòd ejus thyrsi, seu radices succus acuat visum, ⁽⁶⁾ cujus virtus traditur, ut serpentes annuam senectutem ejus gustu deponant. Hoc olus Græci μάχρον vocant.

6 ⁽⁷⁾ Ligusticum à Regione nomen accepit. Nascitur enim plurimum in Liguria, odore aromatico, & gustu acre.

7 Aneson, ut Græci dicunt, si-vè ut Latini, anesum, herba omnibus cognita, acerrimè fervens medicinalis.

8 Anethum.----

9 Cuminum.----

10 Coriandrum ex Græco nomine sumptum, quod illi κόριον vocant, ⁽⁸⁾ cujus semen in dulci vino datum proniores reddit in Venerem: si supra modum dederis, amentiam nutrit.

11 ⁽⁹⁾ Canos etiam ex coriandro infici traditum est.

12 Abrotanum.----

13 Ceræfolium.----

14 ⁽¹⁰⁾ Ruta dicta, quòd sit ferven-

(1) Armoraca. *Pallad.* lib. 11. cap. 11. Armoracam seremur, nunc hæc agrestis est raphanus. Non est verè Armoracia sedem cum lapidibus: de illa *Dioscorid.* lib. 2. cap. 13. de hoc cap. 142. foliis tamen similes esse ait.

(2) Carduus, succus ejus alopecias curat. *Plin.* 21. cap. 23. Antiquam florcat contritus, atque expressus illito succo alopecias replet.

(3) Cap. XI. Cujus radices. *è Dioscorid.* lib. 3.

(4) Oleoselinon. *Oroselinon* malim ex *Plinio*, aut etiam *helioselinon*, quod palastre est, aut ceræ oleoselinon.

(5) Fœniculum quod acuat visum. *Quasi phenoculum è Græca, & Latina voce.*

(6) Cujus virtus trad. *è Plin.* 20. cap. 23.

(7) Ligusticum. Ex eodem lib. 19. cap. 8. & *Dioscor.* lib. 3.

(8) Cujus semen-nutrit. *è Dioscorid.* lib. 3. cap. 71.

(9) Canos etiam ex coriandro infici. Id non nisi de hyperico prædicit *Plinius* lib. 26. cap. 15. Quod etiam corion (ut ipse ait) vocatur, sed *Dioscorides* id hyperici genus κόριον nominat.

(10) Ruta dicta quod sit ferv. An à ruendo, an potius à sono, quem fervens humor reddere solet? Non ruitor. neque de etymologia cogitavit, sed ad *Plinium*, & *Dioscoridem* respexit, quorum uterque ferventem rute naturam tribuit.

ventissima. Cujus altera agrestis, atque virtute acrior, sed utraque feruentissima comprobatur. ⁽¹⁾ Hanc venenis repugnare mustellæ docent, quæ dùm cum serpente dimicaverint, cibo ejus armantur.

15 Salvia.---
16 ⁽²⁾ Inula, quam rustici alam vocant, radice aromatica, odoris summi cum levi acrimonia.
17 Menta hujus genera sex.

DIVI ISIDORI

HISPALENSIS EPISCOPI

ETYMOLOGIARUM

LIBER DECIMUS OCTAVUS.

DE BELLO, & LUDIS.

CAPUT PRIMUM.

De Bellis.

1 **P**RIMUS ⁽³⁾ bella intulit Ninus Assyriorum Rex. Ipse enim finibus suis nequaquàm contentus, humanæ Societatis fœdus irrumpens, exercitus ducere, aliena vastare, liberos Populos aut trucidare, aut subijcere cœpit, universamque Asiam usque ad Libyæ fines nova servitute perdomuit. Hinc jam studuit Orbis in mutuo sanguine alterna grassari cæde.

2 Quatuor autem sunt genera bellorum, id est, justum, injustum, civile, & plusquàm civile. Justum bellum est, quod ex prædicto geritur de rebus repetitis, aut propulsandorum hostium causa. Injustum bellum est, quod de furore, non de legitima ratione initur. De quo in Republica dicit Cicero: Illa injusta bella sunt, quæ sunt sine causa suscepta. Nam extra ulciscendi, aut propulsandorum hostium causam, bellum justum geri nul-

lum potest. Et hoc idem Tullius paucis interjectis subdidit: Nullum bellum justum habetur, nisi denuntiatum, nisi indictum, nisi de repetitis rebus. Civile bellum est inter cives orta seditio, & concitatio tumultus, sicut inter Syllam, & Marium, qui bellum civile invicem in una gente gesserunt. Plusquàm civile bellum est, ubi non solum cives certant, sed & cognati: quale actum est inter Cæsarem, & Pompejum, quandò gener, & socer invicem dimicaverunt. Siquidem in hac pugna frater cum fratre dimicavit, & pater adversus filium arma portavit. Lucanus:--In fratrem ceciderunt præmia fratris. Item:--Cui cervix cæsa parentis cederet---

3 Bella itaque dicuntur interna, externa, servilia, socialia, piratica. Nam piratica bella sunt sparsa latronum manus per maria myoparonibus levibus, & fugacibus, ⁽⁴⁾ non solum navium commeatu intercipientibus, sed etiam Insulas; Provinciasque vastan-

Qq 3 ti-

(1) Hanc venenis repugnare mustellæ. *É Plin. 20. cap. 13.*

(2) Inula, quam rustici alam. *Quod nomen Hispani retinemus, de Inula vid. Plin. lib. 19. cap. 5.*

(3) Cap. 1. Primus bella intulit Ninus. *Ex Justinis, aut fortasse etiam à Trogo, aliquanto enim hac ampliora, quam apud Justinum, neque ejusmodi, ut ab Isidoro aucta videantur.*

(4) Non solum navium commeatu--vastantibus. *Verba sunt Orosii lib. 6. cap. 4.*

tibus, quos primum Cneus Pompejus post multam vastationem, quam terra, marique egerant, mira celeritate compressit, ac superavit.

4 Sicut autem Bellum vocatur, quod contra hostes agitur, ita Tumultus, qui civili seditione concitatur. ⁽¹⁾ Nam seditio est dissensio civium, dicta, quod seorsum alii ad alios eant. Alii æstimant dissensionem animorum seditionem vocari, quam Græci *διζα-σιν* vocant. Quo autem differat utrumque, ⁽²⁾ Cicero docet: Potest enim inquit esse bellum, ut tumultus non sit. ⁽³⁾ Tumultus autem esse sine bello non potest. Quid est enim tumultus, nisi perturbatio tanta, ut major timor oria-
tur? Unde etiam dictus tumultus, quasi timor multus. Gravior autem est tumultus, quam bellum. Nam in bello vacationes valent, in tumultu non valent.

5 Differt autem bellum, pugna, & prælium. Nam bellum universum dicitur, ut Punicum. Hujus partes sunt pugna, ⁽⁴⁾ ut Cannensis, Trebiensis. Rursum in una pugna sunt multa prælia. Aliud enim in cornibus, aliud in media, aliud in extrema acie geritur. Bellum igitur est totum, pugna unius diei, prælium pars pugnae est.

6 Bellum antea Duellum vocatum, eo quod duæ sint partes dimicantium, vel quod alterum faciat victorem, alterum victum. Postea mutata, & detracta littera, dictum est bellum. Alii ⁽⁵⁾ per antiphrasin putant dictum, quod sit horridum: unde illud, bella horrida bella, cum bellum contra sit pessimum.

7 Prælia dicuntur à premendo, hostis hostem. ⁽⁶⁾ Unde & prela, ligna, quibus uva premitur.

8 Pugna vocata, eo quod initio usus fuisset in bello pugnis contendere, vel quia primò bellum pugnis incipiebant. Unde etiam pugna duorum est aliquandò sine ferro.

9 Quatuor autem in bello geruntur. Pugna, fuga, victoria, pax. Pacis vocabulum videtur à pacto sumptum. Posterius autem pax accipitur, foedus primum initur. Foedus est pax, quæ fit inter dimicantes, vel à fide, vel à fœcialibus, id est, Sacerdotibus dictum. Per ipsos enim fiebant fœdera, sicut per seculares bella. ⁽⁷⁾ Alii fœdera dicta putant à porca fœdè, & crudeliter occisa, cujus mors optabatur ei, qui à pace resillisset, Virgilius: Et cæsa jungebant fœdera porca. Fœderis partes induciæ. Et dictæ induciæ, quasi in dies ocia.

CAPUT II.

De Triumphis.

1 OMne Regnum sæculi hujus bellis quæritur, victoriis propagatur. Victoria dicta, quod vi, id est, virtute adipiscatur. Hoc est enim Jus gentium, vim vi repellere. Nam turpis est dolo quæsita victoria. Certa autem victoria est: vel occisio hostis, vel exspoliatio, vel utrumque. ⁽³⁾ Non est autem jucunda victoria, quæ per immensa detrimenta contingit. Est hoc est, quod laudat Sallustius: Duces victoriam in cruento exercitu reportasse.

Pom-

(1) Nam seditio. *Eadem sup. lib. 10. in S.*

(2) Cicero docet. *Philippica 8.*

(3) Tumultus, quasi timor multus. *è Serv. Æn. 2. ad v. Gemitu microque tumultu.*

(4) Ut Cannensis, Trebiensis, Termensis. *CC. o. mendosè.*

(5) Alii per antiphrasin. *è Serv. ibid.*

(6) Unde & prela—premitur. *Ex eodem Georg. 2.*

(7) Alii fœdera—porca. *Ex eod. Æn. o.*

(8) Cap. II. Non est autem jucunda victoria—reportasse. *è Serv. Æn. 11. ad illud: Sin, & Trojanis cum multo gloria venit sanguine. Nisi quod apud illum judicanda victoria legitur.*

2 *Pompa dicta est Græca significatione, ἀπὸ τῆς πομπῆς, hoc est, publicè ostentari.* (1) Præcedit autem victoria pompam, idè quod ituris ad hoc certamen primum est victoriæ votum.

3 (2) *Trophæum dictum ἀπὸ τῆς τροπῆς, id est, conversione hostium, & fuga. Nam ab eo, quod hostem quis fugasset, merebatur trophæum: qui occidisset, triumphum: qui dictus est ἀπὸ τῆς τριάμβους, id est, ab exultatione. Plenæ enim victoriæ triumphus debetur: semiplenæ trophæum, quia nondum plenam est victoriam consecutus. Non enim obtinuit, sed fugavit exercitum. Hæc tamen nomina Scriptores confundunt. Tranquillus autem triumphum Latinè dicit potiùs appellatum, quod is, qui triumphans Urbem ingrederetur, triperito iudicio honoraretur. Nam primum de triumpho Duci concedendo exercitum judicare solitum erat: secundò Senatim: tertio Populum.*

4 *Erat autem apud Romanos, ut triumphantes quadrigis veherentur: ex illo quod soliti sint priores Duce ꝑ hoc habitu bella inire. Quicumque autem in conflictu vicisset, palma aurea coronabatur, quia palma stimulos habet. Qui verò sine conflictu fugientem prostrasset, laurea, eo quòd hæc arbor sine spinis est.* (3) *Namque & purpuream, & palmatam togam triumphantes induebantur, & scipio-*

nem cum sceptro in manu gerebant ad imitationem victoriæ Scipionis: licet, & scipio baculus sit, quo homines innituntur. Undè & ille primus Cornelius Scipio appellatus est, quia in foro Pater ejus cæcus innixus eo ambulabat. Super scipionem autem aquila sedebat: ob indicium quod per victoriam, quasi ad supernam magnitudinem accederent. (4) *Indè & colore ruffo perlinebantur, quasi imitarentur divini ignis effigiem:* (5) *Quod verò à carnifice contingebantur, id erat indicio, ut ad tantum fastigium evecti mediocritatis humanæ commonerentur.*

5 *Duobus autem generibus deletur exercitus, aut internecione, aut dispersione. Sallustius: Hostes, inquit, aut oppressi, aut dilapsi forent. Sic & utrumque Virgilius: Internecione, ut: - Submersasque obrue puppes. Dispersione, ut: Aut age diversos, & disjice corpora ponto.*

6 *Spolia hostium: præda, manubiæ, exuviæ, partes. Præda à prædando vocata. Manubiæ, eo quod manibus detrahuntur. Hæ & exuviæ ab exuendo dictæ, quia exuuntur. Hæ & partes à pari divisione (pro (6) personarum qualitate, & laborum justa divisione.) (7) Spolia autem à palliis, quasi ex pallia, victis enim detrahuntur.*

CA-

(1) Præcedit autem victoria. Id est, victoria statua curru invehita.

(2) Trophæum—ab exultatione. *Id est, Serv. En. 10. Ipsum te Laus trophæum.*

(3) Namque & purpuream, & palmatam togam. *Diversa Purpurea à Palmata: Festus: Picta, quæ nunc toga dicitur, purpurea antea vocitata est, eratque sine pictura, & ibidem: Tunica autem palmata à latitudine clavorum dicebatur, quæ nunc à genere picturæ appellatur. Livius lib. 30. Masinissa toga picta, & palmata tunica donatus, & lib. 31. Masinissæ dona missa, vasa aurea, toga purpurea.*

(4) Indè & colore ruffo perlin. *Serv. eclog. 10. Pan facie rubra pingitur propter ætheris similitudinem. Æther autem est Jupiter, unde etiam triumphantes habent omnia Jovis insignia, sceptrum, palmatam togam, faciem quoque de rubrica illinunt instar coloris ætherei.*

(5) Quod verò à carnifice contingebantur. *Non temerè carnificem dixit, quem alii servum publicum. Nam eodem venisse Plinium puto, lib. 24. cap. 4. Similis medicina linguæ, ut sit exorata à tergo fortuna, gloriæ carnifex. Ab eo servus suggererebatur triumphanti, (ut ait Tertullianus in Apologetico, cap. 33.) Respicie post te, hominem esse te monuit.*

(6) Pro personarum qualitate. *Id est, Sup. lib. 5. cap. 7. Sed hoc loco ab antiquioribus Gothiciis absumt hæc.*

(7) Spolia autem à palliis. *In quibusdam Gothiciis perpetuo legitur exspolia, ista melius procedit notatio, in vetustioribus tamen spolia.*

CAPUT III.

De Signis.

1 **S**igna bellorum dicuntur, quòd ex iis exercitus, & pugnandi, & victoriæ, & receptus accipit symbolon. Nam aut per vocem tubæ, aut per symbolon admonetur exercitus Legionum principalia signa aquilæ, dracones, & pilæ.

2 Aquilæ idèò, quòd eadem avis Jovis in armis auspicio fuerit. ⁽¹⁾ Nam dùm idem Jovis adversus Titanas proficisceretur, aquilam ei in auspicio apparuisse ferunt, quam ille pro indicio victoriæ acceptam tutelæ suæ auspicatus eam legioni signum dedit, quo factum est, ut deinceps militum signa comitaretur. Cujus meminit Lucanus dicens: Signa pares aquilas, & pila minantia pilis.

3 Draconum signa ab Apolline morte Pythonis serpentis inchoata sunt. Dehinc à Græcis, & Romanis in bello gestari cœperunt.

4 Pilam in signo constituisse fertur Augustus, propter nationes sibi in cuncto Orbe subjectas, ut meliùs figuram Orbis ostenderet.

5 ⁽²⁾ Vexillum, & ipsum signum bellicum tractum nomen habens à veli diminutione, quasi velillum. ⁽³⁾ Sub Romulo autem fasciculos fœni, pro vexillis milites habuerunt. Hinc & manipuli appellantur. Manipulos enim dicimus fasces fœni, quòd manum impleant. Cætera signa diversis prælata imaginibus secundum militarem con-

suetudinem existunt, per quæ se exercitus in permixtione præliorum agnoscit.

CAPUT IV.

De Buccinis.

1 **B**uccina est, qua signum datur in hostem, dicta à voce, quasi vocina. Nam pagani, agrestesque ad omnem usum buccina ad compita convocabantur. Propriè ergò hoc agrestibus signum fuit. De qua Propertius: Buccina jàm priscos cogeat ad arma Quirites.

2 ⁽⁴⁾ Hujus clangor buccinum dicitur.

3 ⁽⁵⁾ Tubam Tyrrheni primum invenerunt, undè Virgilius: Tyrrhenusque tubæ mugire per æthera clangor. Hanc enim à Tyrrhenis prædonibus excogitatam, (dicunt) cùm dispersi circa maritimas oras non facile ad quamque prædæ occasionem voce, aut buccina convocarentur, vento plerumque obstrepente. Hinc postea bellicis certaminibus adhibita est ad denuntianda signa bellorum, ut ubi exaudiri præco præ tumultu non poterat, sonitus tubæ clangentis attingeret. ⁽⁶⁾ Tuba autem dicta, quasi tofa, id est, cava. Itèò tuba, quasi tibia. Inter Tubam autem, & Buccinam Veteres discernabant. ⁽⁷⁾ Nam Buccina insonans solitudinem ad bella denuntiabat. Virgilius: Qua buccina signum Dira dedit. Tuba autem prælium indicabat, ut: At tuba terribilem sonitum

(1) Cap. III. Nam dùm idem Jovis-comitaretur. *è Serv. Æn. 9. ad illud: Pedibus Jovis armiger uncis.*

(2) Vexillum-diminutione. *Ex eod. initio lib. 8.*

(3) Sub Romulo autem. *Idem Æn. 11. ad 7.* Dissectique d. d. q. manipuli: Manipuli autem dicti sunt signiferi, quia sub Romulo pauper adhuc Romanos exercitus hastis fœni manipulos alligabant, & hos pro signis gerebant. Unde hoc nomen remansit.

(4) Cap. IV. Hujus clangor buccinum dicitur. *Est fortassè hoc aliquid, Plinius de Apib. lib. 11. cap. 10. Noctu quies in matutinum, donèc una exciet gemino, aut triplici bombo, ut buccino aliquo, Hieronymus quoque buccino otis sui, eodem sensu dixisse videri possit. Quamvis buccinum pro buccina etiam usurpetur.*

(5) Tubam Tyrrheni p. inven. *è Serv. lib. 8. Ad locum ab Isid. citatum.*

(6) Tuba autem dicta q. tofa. *Al. tova. Inde nos genus quoddam lapidis tovas, & quod fungosum est sofo dicimus. Digamma namque frequens in Gothicis pro b. & v.*

(7) Nam buccina insonans-sonitum. *è Serv. Æn. 11. Bello dat sig. r. c. Buccina.*

tum dedit ære canoro. ⁽¹⁾ Cujus sonitus varius est. Nàm interdùm canit, ut bella committantur: interdùm ut insequantur eos qui fugiunt, interdùm receptui. ⁽²⁾ Nàm receptus dicitur, quose exercitus recipit, undè & signa receptui canere dicuntur.

4 ⁽³⁾ Classica sunt cornua, quæ convocandi causa erant facta, & à callingo classica dicebantur. De quibus Virgilius: Classica jamque sonant.

⁽⁴⁾ Apud Amazonas autem non tuba sicut à Regibus, sed à Regina sistro vocabatur fœminarum exercitus.

CAPUT V.

De Armis.

1 **A**rma ⁽⁵⁾ generalitèr omnium rerum instrumenta sunt, undè & ubi reponuntur, armaria dicta sunt. Itèm arma, & tela omnium generum, sed arma sunt, quibus ipsi tuemur tela, quæ emitimus. Nàm arma duplicia sunt, id est, vel quibus percutimus, vel quibus tegimur. ⁽⁶⁾ Arma autem propriè dicta sunt, eò quòd armos regunt. Nàm arma, vel ab armis dicuntur, id est, humeris: ut, latos huic hasta per armos Acta tremittit. - vel ἀπὸ τοῦ ἄρμος, id est, à Marte.

CAPUT VI.

De Gladiis.

1 **G**ladius generalitèr dicitur ensis in prælio, sed ensis fer-

rum tantùm: gladius verò totus. Propriè autem appellatus gladius, quòd gulam dividit, id est, cervicem secat. Ad hoc enim primùm est factus: nàm cætera membra securibus magis cæduntur, collum gladio tantùm. Capulus autem gladii ab acumine dicta. Capulus vocatur, vel quia caput est gladii, vel quia ibi capitur, ut teneatur. Nàm alias acies ferri non sinit. ⁽⁷⁾ Mucro non tantùm gladii est, sed & cujuslibet teli acumen: dictus à longitudinè. Nàm μακρὸν Græci longum dicunt, hinc & machæra.

2 ⁽⁸⁾ Machæra autem est gladius longus ab una parte acutus.

3 Framea verò gladius ex utraque parte acutus, quam vulgò Spathan vocant. Ipsa est & Romphæa. Framea autem dicta, quia ferrea est. Nàm sicut ferramentum sic Framea dicitur, ac proindè omnis gladius Framea.

4 Spatha à passione dicitur verbo Græco, quoniam παθῆναι Græcè dicitur pati, undè & patior, & patitur dicimus. Alii Spatham Latine autumant dictam, eo quod spatiosa sit, id est, lata & ampla. Undè & spatula in pectoribus.

5 Semispathium gladius est à media longitudine spathæ appellatus, non ut imprudens vulgus dicit, sine spatio, dum sagitta velocior sit.

6 Pugio à pungendo, & transfigendo vocatur. Est enim gladius parvus bis acutus lateri adhærens. ⁽⁹⁾ Itèm

&

(1) Cujus sonitus varius—receptui. Ex eod. Æn. 9. ad v. Signa sequentum.

(2) Nàm receptus—dicuntur. Ex eod. Æn. 11. ad v. Planities 1. 1. turique receptus.

(3) Classica sunt cornua. Idem . . . 7. Classicum dicimus, & tubam ipsam, & sonum, & eod. libro ad Hortina classica. Hortius equites, qui & classes dicuntur, unde & eorum tubas classica dicimus, &c. Vid. Arcon, in Divinat.

(4) Apud Amazonas, &c. & Serv. Æn. 6. ad—Regina in 10. p. v. a. sistro.

(5) Cap. V. Arma generalitèr. &c. Serv. Æn. 1. ad v. Arma virum, tabuleque Arma dicuntur cunctarum artium instrumenta.

(6) Arma autem propriè dicta s. eo quod arm. Ex eod. Æn. 4. Erigi & arma viri, &c.

(7) Cap. VI. Mucro non tantum gladii est. & Serv. Æn. 11. ad v. Alto stat vulacere mucro.

(8) Machæra—framea—spatha. Ang. in Ps. 149. Framea appellatur, quoniam vulgo spatham dicunt. Sunt enim gladii ex una parte acuti, ipsi sunt machæra, ipsæ frameæ, etiam spathæ appellantur. Sed legendum fortasse apud Augustinum ex utraque parte non ex una.

(9) Idem & Clunabulum. Festus: Clunabulum cultrum sanguinarium dictum, vel quia clunes hostiarum dividat, vel quia ad clunes dependeat.

& Clunabulum dictum, quod religetur ad clunem.

7 Chelidoniacus gladius, ferrum est latum, cujus duplex mucro, ac bifurcus in modum caudæ hirundinæ formatur, undè & Chelidoniacus dicitur.

8 Sica à secando dicta est. Est enim gladius brevis, quo maximè utuntur, qui apud Italos latrocinia exercent, à quo & sicarii dicti sunt. Tranquillus autem dicit: Dùm cujusdam gladiatoris in ludum emissi gladius curvatus fuisset ex acie recta: procucurrit unus ad eum corrigendum, tumque à pugnante responsum est, sic hac pugnabo: indè sicæ nomen ductum.

9 Secures signa sunt, quæ ante Consules ferebantur, ne aut usum perderent belli, aut vacantes otio aspectum amitterent gladiatorum. Quas & Hispani ab usu Francorum per derivationem Franciscas vocant.

CAPUT VII.

De Hastis.

1 **H**Asta est contus cum ferro, cujus diminutivum facit hastile. Nomen autem hasta ab astu sumpsit, undè & astutia.

2 Contus ferrum non habet, sed tantum cuspide acuta est. Virgilius: Ferratasque ⁽¹⁾ trudes, & acuta cuspide

contos. Contus autem, quasi conitus. Est enim conus acuta rotunditas.

3 Trudes hæstæ sunt cum lunato ferro, quæ Græcis Aplustria dicuntur. Trudes autem dicuntur ab eo, quod trudunt, & derrudunt. Virgilius: Ferratasque trudes.-

4 ⁽²⁾ Venabula dicta, quasi venatui habilia. Vel quia venientem excipiunt, quasi excipibilia. Excipiunt enim apros, expectantque leones, intrant ursos, sit tantum firma manus.

5 ⁽³⁾ Lancea est hasta amentum habens in medio: dicta autem lancea, quia æqua lance, id est, æquali amento ponderata vibratur.

6 ⁽⁴⁾ Amentum vinculum est jaculorum hastilium, quod mediis hastis aptatur. Et indè amentum, quo media hasta religatur, & jacitur.

7 ⁽⁵⁾ Clava est, qualis fuit Herculis dicta, quod sit clavis ferreis invicem religata, & ⁽⁶⁾ est cubito semis facta in longitudine. ⁽⁷⁾ Hæc & Cateja, quam Lucilius Calam dicit. Est enim genus Gallici teli ex materia quàm maximè lenta, quæ jacta quidè non longè propter gravitatem evolat: sed quò pervenit, vi nimia perfringit: quod si ab artifice mittatur, rursus redit ad eum, qui misit. Hujus meminit Virgilius, dicens: Teutonico ritu soliti torquere catejas. Undè & eos ⁽⁸⁾ Hispani, & Galli Teutonos vocant.

Pha-

(1) Cap. VII. Virgil. ferratasque trudes. S. o. l. trudes etiam legi in antiquis quibusdā. cc. apud Virgilium amentum Pius.

(2) Venabula d. q. v. h. v. q. v. c. q. excipibilia. Serv. Æn. 4. Retia r. p. l. venabula f. venabula ob hoc dicta, quod sint apta venatui, quasi excipibilia. Puto tamen Servium ita scripsisse: Venabula ob hoc dicta quod sint apta venatui, vel quia venientem excipiunt, undè & excipia, (vel excipula) quasi excipibilia, aut excipibula, aut excipere habilia. Gloss. excipulum. *indoxior. Item indoxior exceptorium.* Excipulum *αἰγάγην. αἰγάγην* exemplum (*leg. excipulum*) arpaço.

(3) Lancea. Hispaniensis vox, Auctore Varrone apud Agell. lib. 15. cap. 30.

(4) Amentum. è Serv. Æn. 9. ad v. Amentaque torquent.

(5) Clava est qualis fuit Herculis. Festus. Clava teli genus, quo Hercules utebatur.

(6) Et est cubito semis in facta in longitudine. Servius Æn. 7. ad v. Teretes sunt acides illis Tela: Acides sunt tela, quædam antiqua adeo, ut nequè usquam commemorantur in bello. Legitur tamen quod sint clava cubito semis facta, eminentibus hinc, & hinc acuminibus, &c.

(7) Hæc & Cateja, quam Lucilius Calam. Pro Lucilio Horatius erat in omnibus libris mendosè: Servius initio *vt. Æneid.* Vallum autem dicebant calas: sic Lucilius: Scinde calam, ut calcas, id est, ò puer, frange fustes, & fac focum.

(8) Hispani & Galli Teutonos. *li fortasse, quos vulgò chucos dicimus.*

CAPUT VIII.

De Sagittis.

1 **S**agitta à sagaci jactu, id est, veloci ictu vocata. Pennis enim fertur, quasi avis, ut celeritèr mors percurrat ad hominem. His primum Cretenses usi sunt: quibus pennæ ideò, ut diximus, agglutinantur, ut leves sint, & pervolent.

2 Scaptos--

3 Spicula sunt sagittæ, vel lanceæ breves, ab spicarum specie nuncupatæ.

4 ⁽⁶⁾ Scorpio est sagitta venenata arcu, vel tormentis excussa. Quæ dum ad hominem venerit, ⁽⁷⁾ virus, qua figit, infundit: undè & Scorpio nomen accepit.

CAPUT IX.

De Pharetris.

1 **P**haretra ⁽⁸⁾ sagitarum thecæ, à ferendo jacula dicta, sicut & feretrum, ubi funus defertur, quæ ideò etymologiam communem habent, quia Pharetra mortem, feretrum mortuum portat.

2 Coriti propriè sunt arcuum thecæ: sicut sagittarum Pharetræ.

3 Vagina appellatur, eò quòd in ea mucro, vel gladius bajuletur.

4 Theca, ab eo quod aliquid receptum tegat, c. littera pro g. posita. Alii Græco nomine thecam vocari as-

se-

8 ⁽¹⁾ Phalarica est telum ingens torno factum, habens ferrum cubitale, & rotunditatem de plumbo in modum sphaeræ in ipsa summitate. Dicitur etiam & ignem habere affixum. Hoc autem telo pugnatur de turribus, quas Phalas dici manifestum est. Juvenalis: Consulit ante phalas, delphinorumque columnas. A phalis igitur dicta est phalarica, sicut à muro muralis. Sanè phalaricam Lucanus dicit nervis mitti tortilibus, & quadam machina, ut:-- Hunc aut tortilibus vibrata phalarica nervis. Virgilius verò ait: Turnum manu phalaricam jaculari potuisse.

9 ⁽²⁾ Pila sunt arma jaculorum, atque telorum à torquendo, vel emitendo vocata. De quibus Lucanus: signa, pares aquilas, & pila minantia pilis. Cujus singulare pilum dicitur.

10 ⁽³⁾ Telum vocatur secundum Græcam etymologiam, ἀπὸ τοῦ τηλόθεν, quidquid longè jaci potest, ⁽⁴⁾ quamquam abusivè dicatur & gladius, ut est illud: At non hoc telum mea quod vi dextera versat. Propriè autem telum à longitudine dicitur. Undè & mustela dicitur, quòd longior sit, quam mus.

11 Cuspis hostile amentatum, à cespite dicta, quod est virgultum. Virgilius: Et pastorem præfixa cuspide myrtum. ⁽⁵⁾ Propriè autem cuspis, posterior pars hastæ est.

(1) Phalarica telum ingens--jaculari potuisse. à Serv. Æn. 9. ad v. Contorta phalarica.

(2) Pila. Servius Æn. 7. ad v. Pila manuscript. q. g. i. b. d. Pilum propriè est hasta Romana, ut gessa Gallorum, saxisæ Macedonum.

(3) Telum--potest. à Serv. Æn. 8. ad v. Desuper Alcides telis premit.

(4) Quamquam abusivè dicatur & gladius. Serv. Æn. 9. At non hoc telum: Hoc loco telum gladium dixit à longitudine, unde & mustella dicitur, quasi mus longus. Vid. l. Si caluitur, de Verb. Signif.

(5) Propriè autem cuspis, posterior pars hastæ. Servius Æn. 10. ad v. Vibranti cuspis medium transverberat ictu: Sane cuspide abusivè pro hastæ mucrone posuit.

(6) Cap. VIII. Scorpio. Vegetius lib. 4. cap. 22. Scorpiones dicebantur, quas nunc manuballistas vocant, ideo sic nuncupati, quod parvis, sabulibusque spiculis inferant mortem.

(7) Virus, qua figit, infundit. Tertull. advers. Gnostic. Undè & bellicam machinam retractu tela vegetantem de scorpio nominant. Id spiculum, & fistula est, patula renuitate in vulnus, & virus, qua figit, effundit.

(8) Cap. IX. Pharetra sagittar. thecæ. & Coriti prop. Serv. Æn. 10. ad v. Coritque leves: Coriti propriè sunt arcuum thecæ, dicuntur etiam sagittarum, quas & pharetras vocamus.

serunt, quod ibi reponatur aliquid. Indè & bibliotheca librorum repositio dicitur.

5 ⁽¹⁾ Dolones sunt vaginæ lignæ, intra quas latet pugio sub baculi specie. Dolones autem à dolo dicti sunt, quòd fallant, & decipiant ferro, cùm speciem præferant ligni. Hos vulgus Græco nomine Oxos vocat, id est, acutos. Undè & apud Medicos ⁽²⁾ acutus morbus ὀξεῖα vocatur.

6 Arcus vocatur, eo quod arceat adversarium. Indè & arces dicuntur, à quibus arcentur hostes. Itèm arcus ob speciem, quod sint curvati arcetiùs.

CAPUT X.

De Fundis.

1 **F**unda dicta, eo quod ex ea fundantur lapides, id est, ⁽³⁾ emittantur.

2 Ballista genus tormenti, ab emittendo iacula dicta. βάλειν enim Græcè mittere dicitur. Torquetur enim verberare nervorum, & magna vi jacit, aut hastas, aut saxa. ⁽⁴⁾ Indè & Fundibalus, quasi fundens, & emittens. ⁽⁵⁾ Contra Ballistam Testudo valet. Series enim fit armorum umbonibus inter se colligatis.

CAPUT XI.

De Ariete.

1 **A**rieti ⁽⁶⁾ nomen species dedit, eo quòd cum impetu impingit murum in modum arietum pugnantium. Validæ enim, ac nodosæ arboris caput ferro vestitur, eaque suspensa funibus multorum manu ad murum impellitur: deindè retrorsum ducta majore impetu destinatur, sicque crebris ictibus concussum muri latus cedit, cavatumque irrupturis fenestram facit. Contra impulsu arietis, remedium est, saccus paleis plenus, & in eum locum demissus, quem aries percutit. Laxo enim saccorum sinu ictus arietis illisus mollitur. Duriora enim mollioribus faciliùs cedunt.

2 Plutei sunt crates corio crudo intectæ, quæ in opere faciendo hosti obijciuntur.

3 ⁽⁷⁾ Musculus cuniculo similis fit, quo murus perfoditur, ex quo & appellatur, quasi murusculus.

CAPUT XII.

De Clypeis.

1 **C**lypeus ⁽⁸⁾ est scutum majus dictus ab eo, quod clepet, id est, celet corpus, periculisque subducat ⁽⁹⁾ ἀπὸ τοῦ κλέπειν. Oppositus enim sua defensione ab hastis, & jaculis corpus munit. ⁽¹⁰⁾ Clypeus autem

(1) Dolones—præferant ligni. Ex eod. Æn. 7. ad v. Saxosque g. i. b. dolones.

(2) Acutus morbus. ὀξεῖα. Sic suprâ lib. 4. cap. 6.

(3) Cap. X. Emittantur. Quæ post hæc verba in editis quibusdam leguntur, usque ad Ballistam: in manuscriptis nulla sunt: sunt tamen sup. lib. 14. cap. 6. è Serv. Georg. 1.

(4) Indè & Fundibalus. Vid. cap. 6. lib. 4.

(5) Contra Ballistam Testudo valet, series n. fit arm. Serv. lib. 9. ad v. Accelerant acta p. testudine Volsci: Testudo est scutorum connexio curvata in testudinis modum.

(6) Cap. XI. Arieti—facile cedunt. Ex Hegeipp. lib. 3. cap. 11.

(7) Musculus—quasi murusculus. Musculos à marinis belluis, quæ balenis auxilio sunt, dictos putat Vegetius lib. 4. cap. 15.

(8) Cap. XII. Clypeus est scutum majus. Serv. non semel.

(9) Ἀπὸ τοῦ κλέπειν. Ex eod. Æn. 7. ad v. Nec clypei curvus sonant. Sed verius ἀπὸ τοῦ γλύφειν, id est, ab sculptendo dictum. Causam reddit Plin. 35. cap. 3. Scutis enim qualibus ad Trojam pugnatum est, continebantur imagines. Undè & nomen habuere clypeorum, non ut perversa Grammaticorum subtilitas voluit à cluendo. Origo plena virtutis, faciem reddi in scuto, cujusque qui fuerit usus illo, &c.

(10) Clypeus autem pedineum. è Serv. ad v. Tercetum scutati omnes. Æn. 9.

tem peditum est, scutum equitum.

2 Scutum appellatum, eo quod à se excutiat telorum ictum. Ut enim telis resistatur, clypeus antefertur.

3 Umbo scuti pars media est, quasi umbilicus.

4 (1) Ancile vocatur scutum breve, & rotundum. De quo Virgilius:--
Lævaque ancile gerebat. Et Ancile dictum ab ancisione, quod sit ab omni parte veluti ancisum, & rotundum. Ovidius: Idque ancile vocant, quod ab omni parte recisum. Quaque notes oculis, angulus omnis abest.

5 (2) Pelta scutum brevissimum in modum Lunæ mediæ. Cujus meminit liber Regum. Fecit Rex Salomon ducenta scuta de auro puro, & trecentas peltas ex auro probato.

6 (3) Cetra scutum loreum sine ligno, quo utuntur Afri, & Mauri, de quo Poëta: Lævas cetra tegit.

7 (4) Parma levia arma, quasi parva, non clypeus. Dicitur autem & testudo scutum. Nam in modum testudinis fit clypeus. (5) Est & testudo scutorum connexio curvata in testudinis modum. Namque in armorum generibus, milites etiam ab animalibus nomina sumunt, ut aries. Et Sallustius: In modum, inquit, hericii militaris.

CAPUT XIII.

De Loricis.

1 **L** Orica (6) vocatur, eo quod loris careat: Solis enim circulis ferreis contexta est.

2 (7) Squama est lorica ferrea ex laminis ferreis, aut æreis concatenata in modum squamæ piscis, & ex ipso splendore squamarum, & similitudine nuncupata est. (8) De ciliciis autem & poliuntur, & teguntur loricae.

CAPUT XIV.

De Galeis.

1 **C** Assis de lamina est: Galea de corio. Nam galerus corium dicitur. Cassidem autem à Thuscis nominatam. (dicunt) Illi enim galeam cassim nominant, credo à capite.

2 (9) Apex est, quod in summa galea eminet, quo figitur crista, quam Græci *κῆρυξ* vocant. Nam conus est curvatura, quæ in galea prominet & supra quam cristæ sunt.

CAPUT XV.

De Foro.

1 **F** Orus (10) exercendarum litium locus, à fando dictus. Qui locus & Prorostra vocatur, idcirco quod

Rr

ex

(1) Ancile--ab omni parte recisum. Ita etiam Varro, aut quasi ἀνέκτατος (addit Serv. Æn. 8.) id est, undique labrum habens. Vid. Platarch. in Num.

(2) Pelta. è Serv. Æn. 1. Ad lunaris agmina peltis.

(3) Cetra--Hispani. Ex eod. Æn. 7.

(4) Parma, levia arma. Servius Æn. 10. ad illud. Transiit & parmam mucro levia arma minacis: parmam, id est, levia arma, non clypeum.

(5) Est & testudo scutorum connex. Vid. sup. cap. 10.

(6) Cap. XIII. Lorica--quod loris careat, solis n. circulis ferreis. Non dubito, quin Isidorus apud Servium legeris Æn. lib. 10. Loricam esse proprie tegamen de loro factum, quo majores in bello uti consueverant. Sed loricis posterioribus notationem aptavit, qua conserta sunt hamis, ut ait Virgilius. Varro lib. 4. Lorica à loris, quod de corio crudo

pectoralia faciebant; postea succederant Galli è fetto sub id vocabulum ex annalis ferream tunicam.

(7) Squama est lorica ferrea, &c. Serv. Æn. 9. Nunc duplici squama lorica fid. &c. au. Squama sunt loricarum catenæ, in modum squamæ compositæ. Sane & squama splendorem significat, si a piscibus veniat, & sordes si à squalore.

(8) De ciliciis autem poliuntur loricae. è Serv. Georg. 3. ad illud. Usam in castrorum & miscris velamina nautis.

(9) Cap. XIV. Apex est q. in summi. gal. &c. Servius Æn. 12. ad v. Apicem tamen incita summum hasta tulit: galeæ eminentiam, quam Græci conum vocant, in qua eminent cristæ: & lib. 10. Apex conii altitudo.

(10) Cap. XV. Forus. Poterat duci cæna sine istis, sed Bravulonis aliter visum. Vid. sup. lib. 15. cap. 2.

ex bello Punico captis navibus Carthaginensium rostra ablata sunt, & in foro Romano præfixa, ut essent hujus insigne victoriæ. Constat autem Forus causa, lege, & judice.

2 Causa vocatur à casu, quo evenit. Est enim materia, & origo negotii, necdum discussionis examine patefacta, quæ dum præponitur causa est, dum discutitur judicium est, dum finitur justitia: vocatum autem judicium, quasi jurisdictio, & justitia, quasi juris status. Judicium autem prius inquisitio vocabatur. Unde & Actores judiciorum, & Præpositos, Quæstos, vel Quæsitores vocamus.

3 Negotium multa significat, modò actum rei alicujus, cui contrarium est otium; modò actionem causæ, quod est jurgium litis. Et dictum negotium, quasi nec otium, id est, sine otio. Negotium autem in causis, negotiatio in commerciis dicitur, ubi aliquid datur, ut majora lucentur.

4 Jurgium dictum, quasi juris garrum, eo quòd ii, qui causam dicunt, jure disceptent.

5 Lis à contentione limitis prius nomen sumpsit. De quo Virgilius: Limes erat positus litem, ut ⁽¹⁾ discerneret agri.

6 Causa aut argumento, aut probatione constat.

7 Argumentum nunquam testibus, nunquam tabulis dat probationem, sed sola investigatione invenit veritatem, undè & dictum argumentum, id est, argutum inventum.

8 Probatio autem testibus, & fide tabularum constat.

9 In omni autem judicio sex personæ quærentur. Judex, Accusator, Reus, & tres Testes.

10 ⁽²⁾ Judex dictus, quasi jus dicens Populo, sive quòd jure disceptet. Jure autem disceptare est justè judicare. Non est autem Judex, si non est in eo justitia.

11 Accusator vocatus, quasi ad-causator, quia ad causam vocat eum, quem appellat.

12 Reus à re, quam petitur, nuncupatus, quia quamvis sceleris conscius non sit, reus tamen dicitur, quamdium in judicio pro re aliqua petitur.

13 ⁽³⁾ Testes antiquitus superstites dicebantur, eò quòd super statum causæ proferebantur. Nunc, parte ablata nominis, testes vocantur.

14 Testis autem consideratur: conditione, natura, & vita. Conditione, si liber, non servus. Nam sæpè servus metu dominantis testimonium suppressit veritatis. Natura, si vir, non fœmina. Nam varium, & mutabile semper fœmina. Vita, si innocens, & integer actu. Nam si vita bona defuerit, fide carebit. Non enim potest justitia cum scelerato habere societatem.

15 Duo sunt autem genera testimonii: aut dicendo id, quod viderunt: aut proferendo id, quod audierunt. Duobus autem modis testes delinquunt: cum aut falsa promunt, aut vera silentio obtegunt.

CA-

(1) Discerneret agri. Arvis vulgò apud Virgil.

(2) Judex dictus. Ead. sup. lib. 9. cap. 4.

(3) Testes antiquitus superstites dicebantur. Melius omnino Isidorus, quam Servius, qui *Æn.* 3. ad illud: Superantes & vescitur aura? Superstes (inquit) præsentem significat. Fortius. Superstes testes præsentem significat, cujus rei testimonium est, quod superstitibus presentibus ii, inter quos controversia est, vindicias sanare jubentur, placuit in Arctimone: Nunc mihi licet quidvis loqui, nemo hic adest superstes. Quem locum ita legebat Chæcon: Superstites præsentis testes præsentem significat. Quam lectionem, & Plauti verba, & hic Isidori locus satis confirmant: Ciceronis quoque verba in *Muren.* ita emendabat. Carinen compositum est, cum cæteris rebus absurdum, cum verò nullo usu nisi quoque superstibus præsentibus (sumite vindicias) ite viam. Et utrisque. Actore & Reo interpretabatur: sumite vindicias, & Ferro supplebat.

CAPUT XVI.

De Spectaculis.

1 **S**pectacula, ut opinor, generaliter nominantur voluptates, sed per ea quæ illic geruntur. Dicta autem spectacula, eo quod hominibus publica ibi præbeatur inspectio. Hæc & ludicra nuncupata, quod in ludis gerantur, aut in scenis.

2 Ludorum origo sic traditur: (1) Lydi ex Asia transvenæ in Hetruria consederunt, Duce Tyrrheno, qui fratri suo cesserat Regni contentione. Igitur in Hetruria inter ceteros ritus superstitutionum suarum, spectacula quod religionis nomine instituerunt. Inde Romani accersitos Artifices mutati sunt, & inde ludi à Lydis vocati sunt. Varro autem dicit ludos à lusu vocatos, quod juvenes per dies festos solebant ludi exultatione delectare Populum. Unde & eum lulum juvenum, & diebus festis, & Templis, & Religionibus reputat. Nihil jam de causa vocabuli, dum rei causa idololatria sit. Unde & promiscuè ludi: Liberalia vocabantur, ob honorem Liberi Patris. Ob hoc respicienda est (2) originis macula, ne bonum æstimes, quod initium à malo accepit. Ludus autem Gymnicus est, aut Circensis, aut Gladiatorius, aut Scenicus.

CAPUT XVII.

De Ludo Gymnico.

1 **G**ymnicus Ludus est velocitatis, ac virium gloria. Cujus locus gymnasium dicitur, ubi exercentur athletæ, & cursorum velo-

citæ comprobatur. Hinc accidit, ut omnium prope artium exercitia gymnasia dicantur. Antea enim in jocos certantes cincti erant, ne nudarentur; post, relaxato cingulo, repente prostratus, & exanimatus est quidam cursor. Quare (4) ex consilii decreto tunc Archon Hippomenes, ut nudi deinceps omnes exercitarentur, permisit. Ex illo gymnasium dictum, quod juvenes nudi exercentur in campo, ubi sola tantum verenda operiuntur.

CAPUT XVIII.

De Generis Gymnicorum.

1 **G**enera Gymnicorum quinque: saltus, cursus, jactus, virtus, atque luctatio. Unde ferunt quemdam Regem tot filios adolescentem habentem, totidem generibus de Regno jussisse contendere.

CAPUT XIX.

De Saltu.

1 **S**altus dictus, quasi exilire in altum. Est enim saltus altius exilire, vel longius.

CAPUT XX.

De Cursu.

1 **C**ursus à velocitate crurum vocatur. Est enim cursus celeritas pedum.

CAPUT XXI.

De Jactu.

1 **J**actus dictus à jaciendo. Unde & piscatorium rete jaculum

Rr 2 di-

(1) Cap. XVI. Quæ non per semetipsa inquinant. Tertullianus lib. de Spectaculis cap. ult. Retulimus supra de locorum conditione, quod non per semetipsa nos inquinant, sed per ea, quæ illic geruntur.

(2) Lydii ex Asia transvenæ—liberi patris. à Tertull. ibid. cap. 2.

(3) Originis macula—accepit. Ex eod. loco.

(4) Cap. XVII. Ex consilii decreto tunc Archon Hippomenes. Auctor querendus.

dicatur. Huic arti usus est, ⁽¹⁾ arrip-
to lapide procul ferire, hastas pon-
dere librato jacere, sagittas arcu emit-
tere.

CAPUT XXII.

De Virtute.

1 **V**irtus est immensitas virium
in labore, & pondere cor-
poris.

CAPUT XXIII.

De Luctatione.

1 **L**uctatio à laterum comple-
xu vocatur, quibus ⁽²⁾ co-
minus certantes innitent, qui Græca
appellatione athletæ vocantur. Locus
autem luctationis palæstra dicitur.

CAPUT XXIV.

De Palestra.

1 **P**alæstram ⁽³⁾ autem, vel ἀπὸ
τῆς πάλης, id est, à luctatione,
vel ἀπὸ τοῦ πάλειν, id est, à motu rui-
næ fortis nominatam dicunt: scilicet
quòd in luctando cùm medios arri-
pant, ferè quatiunt, idque apud Græ-
cos πάλειν vocatur. Quidam opinantur
artem luctandi ursorum contentione
monstratam. Namque inter cæteras
feras eos solos, & erigi congressos, &
subsiderè celeritèr, ac reverti, & mo-
dò manibus tentare invicèm, modò
complexu abigere sese more luctan-
tium.

CAPUT XXV.

De Agone.

1 **Q**UÆ Latini certamina, Græ-
ci ἀγῶνας vocant, à frequen-
tia qua celebrabantur. Si-
quidèm & omnem coetum, atque con-
ventum agona dici: alii quod in circu-
lis, & quasi agonis, id est, sine angulo
locis, ederentur, nuncupatos agonas
putant.

CAPUT XXVI.

De Generibus Agonum.

1 **A**gonum genera fuere, im-
mensitas virium, cursus ce-
leritas, sagittandi peritia, standi pa-
tientia: ad citharam quoquè, vel ti-
bias incedendi gestus: de moribus quo-
què, de forma, de cantandi modula-
tione, terrestris quoquè belli, & nava-
lis proelii, perpetiendorumque suppli-
ciorum certamina.

CAPUT XXVII.

De Ludis Circensibus.

1 **L**udi Circenses sacrorum cau-
sa, ac Deorum Gentilium
celebrationibus instituti sunt. Undè &
qui eos spectant, Dæmonum culti-
bus inservire videntur. ⁽⁴⁾ Nàm res
equestris antea simplex agebatur, &
utiquè communis usus reatus non erat,
sed cùm ad ludos coactus est naturalis
usus, ad Dæmoniorum cultum trans-
latus est. Itaque & Castori, & Polluci
deputantur hæ species, quibus equos
à Mercurio distributos Stesichorus do-
cet:

(1) Cap. XXI. Arrepto lapide procul ferire. *Al.* Arreptos lapides procul ferre.

(2) Cap. XXIII. Cominus certantes innitent. *Ità* *VP. CC. Goth.* unus *Rom.* Innituntur.

(3) Cap. XXIV. Palæstram autem—sortis. *Serv.* *ad v.* Corporaque ag. nud. prædura palæstra. *Georg.* 2. Palæstra au-
tem dicta est, vel ἀπὸ τῆς πάλης, id est, à luctatione, vel ἀπὸ τοῦ πάλειν, hoc est, à motu ruinæ, nàm ducti sorte
luctabantur. *Hic locus pessime affectus erat in omnibus Isidorianis libris.*

(4) Cap. XXVII. Nàm res equestris—Hippiion vocant. *è Tertull.* cap. 6. *de Circo.*

cet : sed & Neptunus equestris est, quem Græci Hippiion appellant : sed & Marti, & Jovi in ludis equi sunt consecrati, & ipsi quadrigis præsumt.

(1) Circenses autem ludi ideò dicti, vel à circumeundo, vel quòd ubi nunc metæ sunt, olim gladii ponebantur, quos quadrigæ circuibant, & indè dicti Circenses, ab ensibus circa quos currebant. Siquidem in littore circa ripas fluminum currus agitantes, gladios in ordine in ripæ littore ponebant, & erat artis, equum circa pericula torquere. Indè & Circenses dicti putantur, quasi circum enses.

CAPUT XXVIII.

De Circo.

I **C**ircus (1) Soli principalitèr consecratus est à Paganis, cujus ædes medio spatio, & effigies de fastigio ædis emicat, quod non putaverint subrepto consecrandum, quem in aperto habent. Est autem Circus omne illud spatium, quod circuire equo solent. (2) Hunc Romani dictum putant à circuitu equorum, eo quòd ibi circum metas equi currant. Græci (4) verò à Circe Solis filia, quæ Patri suo hoc genus certaminis instituit, asserrunt nuncupatum, & ab ea Circi appellationem argumentantur. Fuit autem maga, & venefica, & sacerdos

Dæmonum, in cujus loci habitu, & opere Magicæ Artes, & cultus idololatricæ recognoscitur.

CAPUT XXIX.

De Ornamentis.

I **O**rnamenta Circi : ova, metata, obeliscus, carceres. (5) Ova, honori Castoris, & Pollucis adscribunt, qui illos ovo editos credendo de cygno Jove non erubescunt. Fingunt autem Circensia Romani (6) ad causas Mundi referri, ut sub hac specie superstitiones vanitatum suarum excusent.

CAPUT XXX.

De Metis.

I **M**etarum quippè appellatione propriè terminum, ac finem Mundi designari, volunt ab eo quod alicui emensus finis est, sivè ad testimonium Orientis, Occidentisque Solis.

CAPUT XXXI.

De Obelisco.

I **O**beliscum (7) Mesphres Rex Ægypti primus fecisse fertur tali ex causa. Cum quodam tempore Nilus violenta inundatione Æ-

Rr 3

gyp-

(1) Circenses autem ludi, &c. à *Serv. initio 3. Georg. & Æn. 8. ad v. Magnis Circensibus actis.*

(2) Cap. XXVIII. Circus Soli—in aperto habent. à *Tertull. cap. 5. de Loco.*

(3) Hunc Romani dictum put. *Sup. lib. 15. cap. 2.*

(4) Græci verò, &c. à *Tertull. ibidem.*

(5) Cap. XXXI. Ova honori Castoris—erubescunt. *Tertull. ibidem.*

(6) Ad causas mundi referri. *Servius ad v. Centum quadrijugos ag. a. f. currus: id est, unius (inquiri) dici exhibebat Circenses.* Quia, ut *Varrò* dicit in libris de *Gen. Pop. Romani*, olim xxv. missas fiebant, quarum quatuor & viginti pro numero horarum erant, sed vigesimusquintus ætarius dicebatur, eo quod de collatione Populi exhibebatur. Adde duodecim hostias, quæ xlii. Cæli signa, & septem metas, quæ Planetas vii. referebant. Fiebant autem Circenses hoc ordine : Quadriga, biga, aut triga quatuor sorte duæ à quatuor factionibus, Prætorina, Roæna, Alba, & Veneta in carceribus constituebantur. Deinde, mappa à magistratu, qui ludis præsidebat, missa, hoc est, signo dato, quadrigæ carceribus emissæ septem spatia, sivè curricula circa metas conficiebant, victorque coronato, missus unus pectus erat. Idem in reliquis viginti quatuor missibus fiebat : cum autem in singulis quadrigæ quatuor currebant, recte *Virgilius* : Centum quadrijugos agitato ad flumina curtus. *Vid. Sueton. in Domit. Senec. lib. Ep. 4. Epist. 30. Ovid. in Halæutic. Arnob. 7. contra gentes. Agell. lib. 3. cap. 3.*

(7) Cap. XXXI. Obeliscum Mesphres, Messeres & Messares habent manuscripti. *Plinii* manuscripti. libri Messeres, & Mestireti. *Exensi* Mesphrem, *Euseb. in Chronico* Mephres. *Josephus* Mephres. *De Pherone* Sesuistridis filio narrat *hæc Herodotus lib. 2.*

gypto nocuisset, indignatus Rex tanquam poenas à flumine exigeret, sagittam in undas misit. Non multò post gravi valetudine correptus, lumen amisit, qui post cæcitatem visu recepto duos obeliscos Soli sacravit. Obeliscus enim sagitta dicitur, qui ideò in medio Circo ponitur, quia per medium Mundum Sol currit. Medio autem spatio ab utraque meta constitutus obeliscus, fastigium summitatemque Cœli significat, cum Sol ab utroque spatio medio horarum discrimine transcendit. Summo obelisco superpositum est quoddam auratum in modum flammæ formatum, quoniam Sol plurimum in se caloris, atque ignis habet.

CAPUT XXXII.

De Carceribus.

I **N** ⁽¹⁾ Circo undè emittuntur equi Carceres dixerunt ab ea re, qua & ille Carcer, qui est in Civitate, quod ut ibi homines damnati, atque inclusi, ità hic equi coercentur, ne exeant, antequàm signum mitatur.

CAPUT XXXIII.

De Aurigis.

I **A**RS Circi auriga, & currus, equites, sive pedites. Auriga propriè dictus, quòd currum agat, & regat, sive quod feriat iunctos equos. ⁽²⁾ Nam haurit, ferit, ut, latus haurit apertum. Ipse est, & ⁽³⁾ agitator, id est, verberator ab agendo dictus. Au-

rigæ autem duobus coloribus sunt, quibus speciem idololatriæ vestiunt. ⁽⁴⁾ Nam prasinus terræ, venetus Cœlo, & mari à Paganis dicatus est.

CAPUT XXXIV.

De Quadrigis.

I ⁽⁵⁾ **E**RICThonius autem, qui regnavit Athenis, primus quatuor equos junxisse fertur, sicut Virgilius Auctor est dicens: Primus Ericthonius currus, & quatuor ausus. Jungere equos, rapidisque rotis insistere victor. Fuit autem Minervæ, & Vulcani filius de cadaua in terram libidine, ut fabulæ ferunt, procreatus, portentum dæmonicum, immò Diabolus qui primò Junoni currum dedicavit. Tali Auctore quadrigæ productæ sunt.

CAPUT XXXV.

De Curru.

I **C**URRUS à cursu dictus, vel quia rotas videtur habere, undè & ⁽⁶⁾ carrum, quasi curvum. Quadrigarum verò currus duplici temone olim erant, perpetuoque, & qui omnibus equis injiceretur jugo. ⁽⁷⁾ Primus Clysthenes Sicyonius tantum medios jugavit, eosque singulos ex utraque parte simplici vinculo applicuit, quos Græci σπειραφόρους ⁽⁸⁾ Latini funarios vocant, à genere vinculi, quo prius alligabantur.

CA-

(1) Cap. XXXII. In circo. à Serv. Æn. 1. ad v. Vinclis, & carcere frænatis.

(2) Cap. XXXIII. Nam haurit, ferit, ut lat. h. a. Verba sunt Serv. Georg. 3. ad v. Exultantiaque haurit corda pavore pulsans.

(3) Agitator. i. v. a. agendo. Ex eod. ad v. Tardi costas agitator ascell. Georg. 1.

(4) Nam prasinus terræ, &c. à Tertull. cap. 6. de Arte Circi.

(5) Cap. XXXIV. Ex eod. Tertull. loco.

(6) Cap. XXXV. Carrum q. curvum. Al. q. cursum al. q. currum.

(7) Primus Clysthenes. Sicyon. Pausan. in Phocæis.

(8) Latini funarios. Funales vocat Suetonius in Tiberio.

CAPUT XXXVI.

De Equis, quibus currunt.

I Quadrigæ, & bigæ, trigæ, & sejugæ ab equorum numero, & jugo dictæ. Ex quibus quadrigas Soli, bigas Lunæ, & trigas Inferis, sejugas Jovi, desultores Luciferi, ⁽¹⁾ & Hespero sacraverunt. Quadrigas idè Soli jungunt, quia per quatuor tempora annus vertitur, Ver, & Æstatem, Autumnum, & Hyemem. Bigas Lunæ, quoniam gemino cursu cum Sole contendit, sivè quia & nocte videtur, & die. Jungunt enim unum equum nigrum, alterum candidum. Trigas diis inferis, quia hi per tres ætates homines ad se rapiunt, id est, per infantiam, juventutem, atque senectam. Sejuga maximus currus currit Jovi, propter quod maximum Deorum suorum eum esse credunt.

2 Idè autem rotis quadrigas currere dicunt, sivè quia Mundus iste circuli sui celeritate transcurrit, sivè propter Solem, quia volubili ambitu rotat, sicut ait Ennius: ⁽²⁾ Indè patefecit radiis rota candida Cœlum.

CAPUT XXXVII.

De Septem Spatiis.

I Septem spatia quadrigæ currunt, referentes hoc ad cursum septem Stellarum, quibus Mundum regi dicunt: sivè ad cursum septem dierum præsentium, quibus per-

actis vitæ terminus consummatur, ⁽³⁾ quorum finis est creta, id est, iudicium.

CAPUT XXXVIII.

De Equitibus.

I Porrò Equites singulares idè currere dicunt, quia singularitèr unusquisque cursum vitæ hujus peragit, atque transit, alius alio tempore sequens alium, per unam tamen viam mortalitatis usque ad propriam metam mortis.

CAPUT XXXIX.

De Desultoribus.

I Desultores ⁽⁴⁾ nominati, quod olim prout quisque ad finem cursus venerat, desiliebat, sivè quod de equo in equum transiliebat.

CAPUT XL.

De Peditibus.

I Pedites autem ajunt propter eam pede currere, quia pedibus curritur mortalitati. Ob hoc à superiore parte currunt ad inferiora, id est, ab Oriente, ad Occidentem, quia mortales oriuntur, & occidunt. Nudi currunt, quia & homini in sæculo nullæ reliquæ sunt. Recto spatio currunt, quia inter vitam, & mortem nihil distat. Sed hæc propter eam fingunt, ut vanitates suas, & sacrilegia excusare conentur.

CA-

(1) Cap. XXXVI. Et Hespero. Absunt hæc duo voces ab Antiquioribus Gothi.

(2) Indè patefecit r. r. c. c. Citatur hic versus à quibusdam ex Sidonio.

(3) Cap. XXXVII. Quorum finis est creta. Sic est in optimis libris Neap. & Gothiciis quibusdam rectissime Seneca lib. 29. Ep. 109. Deindè transit ad ea, quæ consuetudo sæculi mutavit, tanquam, quod ait Cicero, quoniam sumus ab ipsa calce ejus interpellatione revocati; hanc, quam nunc in circo cretam vocamus, calcem antiqui dicebant. Gloss. Creta dicitur Candida calcis dixit Lucretius. Tu mihi currenti præscripta ad candida calcis.

(4) Cap. XXXIX. Desultores. Hygin. fabula 80. Undè & Romani servant institutum, eum desultorem mittunt, unus duos equos habet, pileum in capite * eq10 in equum transilit, quod ille sua, & fratris vice fungatur. Cassiod. lib. 3. Farr. Equi desultatorii, per quos Circensium ministri missus denuntiant exituros, luciferi præcursoris velocitates imitantur.

CAPUT XLI.

De Coloribus Equorum.

I **C**IRCA⁽¹⁾ causas quoque elementorum iidem Gentiles etiam colores equorum junxerunt : roseos Soli, id est, igni : albos aëri : prasinus terræ : venetos mari assimilantes. Itēm roseos ætati currere voluerunt, quod ignei coloris sint, & cuncta tūc flavescant. Albos Hyemi, quod sit glacialis, & frigoribus universa canescant : Veri prasinus viridi colore, quia tūc pampinus densatur. Itēm roseos Marti sacraverunt, à quo Romani exoriuntur, & quia vexilla Romanorum cocco decorantur, sive quod Mars gaudet sanguine. Albos zephyris, & serenis tempestatibus : prasinus flori & terræ : venetos aquis, vel aëri, quia ceruleo sunt colore : luteos, id est, croceos igni & Soli : purpureos Iri sacraverunt, quem arcum dicimus, quod Iris plurimos colores habeat. Sicque dū hac spectatione deorum cultibus atque elementis mundialibus prophantur, eosdem Deos, atque eadem elementa proculdubio colere noscuntur. Undē animadvertere debes Christiane, quot Circum nomina immunda possideant. Qua propter alienus erit tibi locus, quem plurimi Sathanae spiritus occupaverunt.⁽²⁾ Totum enim illum Diabolus, & Angeli ejus repleverunt.

CAPUT XLII.

De Theatro.

I **T**HEATRUM⁽³⁾ est, quo scena includitur, semicirculi figuram habens, in quo stantes omnes inspiciunt. Cujus forma primum rotunda erat, sicut & amphitheatri, postea ex medio amphitheatro theatrum factum est. Theatrum autem ab spectaculo nominatum⁽⁴⁾ ἀπὸ τῆς θεωρίας, quod in eo Populus stans desuper atque spectans ludos contemplaretur. Idem verò Theatrum,⁽⁵⁾ idem & prostibulum, eo quod post ludos exactos meretrices ibi prostarent.⁽⁶⁾ Idem & lupanar vocatum ab eisdem meretricibus, quæ⁽⁷⁾ propter vulgati corporis vilitatem lupæ nuncupabantur. Nam lupæ meretrices sunt à rapacitate vocatæ, quod ad se rapiant miseros, & apprehendant. Lupanaria enim à paganis constituta sunt : ut pudor mulierum infelicitum ibi publicaretur, & ludibrio haberentur, tam ii, qui facerent, quàm quæ paterentur.

CAPUT XLIII.

De Scena.

I **S**CENA autem erat locus infra theatrum in modum domus instructa cum pulpito :⁽⁸⁾ quod pulpitum Orchestra vocabatur, ubi cantabant Comici tragici, atque saltabant Histriones, & mimi.⁽⁹⁾ Dicta autem

(1) Cap. XII. Circa caus. *Vid. Tertull. cap. 6, de Arte Circi.*

(2) Totum n. ill. Diab. & Angeli ejus repleverant. *Tertull. cap. de Loco : Totum sæculum Satanas, & Angeli ejus repleverunt.*

(3) Cap. LXII. Theatrum. *De Theatro sup. lib. 15. cap. 2.*

(4) Ἀπὸ τῆς θεωρίας. *Id. Serv. ad En. 1. ad v. Mediaque in valle theatri.*

(5) Idem & prostibulum. *Vid. Tertull. cap. de Theatro.*

(6) Idem & lupanar. *Ex Aug. 18. de Civit. cap. 21. & Lañ.*

(7) Propter vulgati corporis vilitatem. *Lañ. lib. 1. cap. 20.* Fuit enim Faustuli uxor, & propter vulgati corporis vilitatem lupa inter pastores, i. meretrix nuncupata est, unde etiam lupanar dicitur.

(8) Cap. LXIII. Quod pulpitum Orchestra vocabatur. *Improprie.* Nam apertè distinguit Orchestrā à pulpito *Vitruvius lib. 5. cap. 6.* & scena pulpito, pulpitum altius erat orchestra : & apud Romanos Senatoribus, & honoratioribus viris loca erant in orchestra designata, in pulpito non item. Sed orchestra nomine pulpitum quoque continetur, non contra. *Grassi autem pulpitum boudon dicebant, de qua max. Isidorus.*

(9) Dicta autem scena. *Servius ad v. Sylvis scena coruscis :* scena, inunbratio : Dicta scena ἀπὸ τῆς σκιάς, i. umbræ. Nam apud Antiquos theatralis scena parietem non habuit, sed de frondibus umbracula querebant : postea tabulata componere coeperunt in modum parietis.

tem scena Græca appellatione, eo quod in speciem domus erat instructa. Unde & apud Hebræos tabernaculorum dedicatio à similitudine domiciliorum Scenopægia appellabatur.

CAPUT XLIV.

De Orchestra.

I Orchestra autem pulpitem erat scenæ, ubi saltator agere posset, aut duo inter se disputare. Ibi enim Poëtæ comœdi, & tragœdi ad certamen conscendebant, iisque canentibus, alii gestus edebant. Officia scenica: tragœdi, comœdi, thymelici, histriones, mimi, & saltatores.

CAPUT XLV.

De Tragœdis.

Tragœdi sunt, qui antiqua gesta, atque facinora sceleratorum Regum luctuoso carmine, spectante Populo, concinebant.

CAPUT XLVI.

De Comœdis.

Comœdi sunt, qui privatorum hominum acta dictis, atque gestu cantabant, atque supra virginum, & amores meretricum in suis fabulis exprimebant.

CAPUT XLVII.

De Thymelicis.

Thymelici autem erant musici scenici, qui in organis, & lyris, & citharis præcinebant. Et dicti thymelici, quod olim in orches-

tra stantes cantabant super pulpitem, quod thymele vocabatur.

CAPUT XLVIII.

De Histrionibus.

I Histriones sunt, qui muliebri indumento gestus impudicarum foeminarum exprimebant: ii autem saltando etiam historias, & res gestas demonstrabant: dicti autem histriones: sive quod ab Istria id genus sit adductum, sive quod perplexas historiis fabulas exprimerent, quasi historiones.

CAPUT XLIX.

De Mimis.

MIMI sunt dicti Græca appellatione, quod rerum humanarum sint imitatores: (1) Nam habebant suum Auctorem, qui antequam mimum agerent, fabulam pronuntiaret. Nam fabulæ ita componebantur à Poëtis, ut aptissimæ essent motui corporis.

CAPUT L.

De Saltatoribus.

Saltatores (2) autem nominatos Varro dicit ab Arcade Salio, quem Æneas in Italiam secum adduxit, quique primò docuit Romanos adolescentes nobiles saltare.

CAPUT LI.

Quid, quo Patrono agatur.

EST (3) planè in Artibus scenicis Liberi, & Veneris patro-

(1) Cap. XLIX. Nam habebant suum Auctorem. F. auctorem.

(2) Cap. L. Saltatores. e Festo in-Salios, nisi quod ille non Varronem, sed Polemonem citat Auctorem.

(3) Cap. LI. Est planè. Omnia è Tertull. cap. de Artibus Scenicis: sed lyris retinimus ex nostris Codicibus, ubi apud Tertull. litteris legitur.

cinium, quæ privata, & propria sunt, scenæ de gestu, & corporis flexu. Nam mollitiem Libero, & Veneri immolabant, illi per sexum, illi per flexum, dissolutis. Quæ verò ibi vocibus, & modis, & organis, & lyris transiguntur, Apollines & Musas, & Minervas, & Mercurios Patronos habent. Quod spectaculum odisse debes Christiane, quorum odisti Auctores.

CAPUT LII.

De Amphitheatro.

I Amphitheatrum locus est spectacula, ubi pugnant gladiatores. Et inde ludus gladiatorius dictus, quod in eo juvenes usum armorum diverso motu discant, & modo inter se aut gladiis, aut pugniscertantes: modo contra bestias incedentes, ubi non odio, sed præmio illlecti subeunt ferale certamen. Amphitheatrum dictum, quod ex duobus theatris sit factum. Nam Amphitheatrum rotundum est, theatrum verò ex medio amphitheatro est, semicirculi figuram habens.

CAPUT LIII.

De Ludo Equestri.

I Genera gladiatorum plura, quorum primum ludus equestrium. Duo enim equites, præcedentibus prius signis militaribus, unus à porta Orientis, alter ab Occidentis, procedebant in equis albis cum aureis galeis, minoribus, & habilioribus armis, sicque atroci perseverantia pro virtute sua inibant pugnam, dimicantes, quousque alter in alterius mortem prosiliret, ut haberet, qui cade-

ret, casum: gloriam, qui perimere. Quæ armatura pugnabat Marti duelli causa.

CAPUT LIV.

De Retiariis.

I Retarius ab armaturæ genere, in gladiatorio ludo contra alterum pugnantem occultè ⁽¹⁾ ferebat rete, (quod jaculum appellatur) ut adversarium ⁽²⁾ cuspidem insequente operiret, implicitumque viribus superaret. Quæ armatura pugnabat Neptuno tridentis causa.

CAPUT LV.

De Secutoribus.

I Secutor ab insequendo Retiarium dictus. Gestabat enim cuspidem, & massam plumbeam, quæ adversarii jaculum impediret, ut antequàm ille feriret reti, iste exsuperaret. Hæc armatura sacrata erat Vulcani. Ignis enim semper aquam insequitur: ideoque cum Retiario componebatur, quia ignis, & aqua semper inter se inimica sunt.

CAPUT LVI.

De Laqueariis.

I Laqueariorum pugna erat, fugientes in ludo homines injecto laqueo impeditos, consecutosque prosternere amictos umbone pelliceo.

CAPUT LVII.

De Velitibus.

I Velitum pugna erat, ut ultrocitròque tela objectarent. Erat

(1) Cap. LIV. Ferebat rete, quod jaculum appellabatur. Et uno verbo retejaculum: sed de retiario, secutore, & aliis gladiatorum generibus scripsit nuper eruditissimus Vir. Vid. Fest. in Retiario.

(2) Cuspidem insequente, ita manus, omnes, insequentem volebat Chæon: insistentem alii.

Erat autem eorum varia pugna, & spectantibus gratior, quàm reliqua.

(1) Velites autem nuncupati, sive à volitatione: (2) sive à Civitate Hetrusco- rum, que Veles vocabatur.

CAPUT LVIII.

De Ferali Certamine.

I **F**Erarum pugna erat, emissas bestias juvenes excipere, & pugnare adversus eas, ultroneo funere certare, non crimine, sed furore.

CAPUT LIX.

De Horum Execratione.

I **H**ÆC quippè spectacula crudelitatis, & inspectio vanitatum non solum hominum vitiis, sed de Dæmonum jussis instituta sunt. Proinde nihil esse debet Christiano cum Circensi insania, cum impudicitia theatri, cum amphitheatri crudelitate, cum atrocitate arenæ, cum luxuria ludi. Deum enim negat, quia talia præsumit, fidei Christianæ prævaricator effectus, qui id denuò appetit, quod in lavacro jam pridem renuntiavit, id est, Diabolo, pompis, & operibus ejus.

CAPUT LX.

De Alea.

I **A**Lea, id est, ludus tabulæ, inventa à Græcis in otio Trojani belli, à (3) quodam milite nomine Alea, à quo & ars nomen accepit. Tabula luditur pyrgo, calculis, tesserisque.

(1) Cap. LVIII. Velites autem--sive à volitatione. Fest. in Advolutio: Velites dicuntur expediti milites, quasi volites, i. volantes.

(2) Sive à Civitate Hetruscor. que Veles. Sic Goth. et. alii Velites.

(3) Cap. LX. A quodam milite nomine Alea. Auctor querendus.

(4) Cap. LXI. Pyrgus. Vasculum in Turricula figuram conformatum, ex quo tali in alveum conjiciebantur, nequis dolus in jaciendis manibus subesse posset. Turriculam vocat Martialis.

(5) Cap. LXII. Quia sine molestia, sui brevitate calcatur. Sup. lib. 16. cap. 6. de Serv. Georg. 1.

(6) Cap. LXIV. Quidam autem--physiologicè per allegor. Vid. Eustach. Iliad. α. ad illud: αρωαίαι η γανὰ πιδε το γάου

CAPUT LXI.

De Pyrgis.

I **P**Yrgus (4) dictus, quòd per eum tesseræ pergant, sive quòd turris speciem habeat. Nam Græci turrim πύργον vocant.

CAPUT LXII.

De Calculis.

I **C**Alculi vocati, quòd leves sint, & rotundi. Undè & calculus dicitur lapis brevis, (5) qui sine molestia sui brevitate calcatur. Item calculi, quòd per vias ordinales, quasi per calculas eant.

CAPUT LXIII.

De Tesseriis.

I **T**esseræ vocatæ, quia quadræ sunt ex partibus omnibus. Has alii Lepusculos vocant, eo quod exiliendo discurrunt. Olim autem tesseræ jacula appellabantur à jaciendo.

CAPUT LXIV.

De Figuris Aleæ.

I **Q**uidam (6) autem aleatores sibi videntur physiologicè per allegoriam hanc artem exercere, & sub quadam rerum similitudine fingere. Nam tribus tesseris ludere perhibent propter tria sæculi tempora, præterita, præsentia, & futura, quia non stant, sed decurrunt. Sed & ipsas vias senariis locis distinctas propter ætates ho-

hominum ternariis lineis propter tempora argumentantur. Indè & tabulam ternis descriptam dicunt lineis.

CAPUT LXV.

De Vocabulis Tesserarum.

1 **J**actus quisque apud luso- res à numero vocabatur, ut unio, binio, trio, quatrio, quinio, senio. Postea appellatio singulorum mutata est, & unionem canem, ⁽¹⁾ trionem suppum, ⁽²⁾ quattrionem planum vocabant.

CAPUT LXVI.

De Jactu Tesserarum.

1 **J**actus tesserarum ita à peritis aleatoribus componitur, ut afferat quod voluerit, ⁽³⁾ ut puta senionem, qui eis jactu bonum affert. Vitant autem canem, quia damnosus est, unum enim significat.

CAPUT LXVII.

De Calculorum Motu.

1 **C**alculi partim ordine moventur, partim vagè. Ideo alios ordinarios, alios vagos appellant. At verò qui moveri omninò non possunt Incitos dicunt. ⁽⁴⁾ Undè & egentes ho-

mines Inciti vocantur, quibus spes ultra procedendi nulla restat.

CAPUT LXVIII.

De Interdictione Aleæ.

1 **A**B hac arte fraus, & mendacium, atque perjurium nunquam abest, postremò & odium, & damna rerum, undè & aliquando propter hæc scelera interdicta legibus fuit.

CAPUT LXIX.

De Pila.

1 **P**ila propriè dicitur, quòd sit pilis plena. Hæc & sphaera à ferendo, vel feriendo dicta, de quarum genere, & pondere Dorcatus sic tradit: Neu tu parce pilos vivacis condere cervi. Uncia donèc erit geminæ superaddita libræ.

2 Inter species pilarum sunt, Trigonaria, & Arenata. ⁽⁵⁾ Trigonaria est, qua inter tres luditur. Arenata, qua in grege dum ex circulo astantium, spectantiumque emissa, ultra justum spatium pilam excipere, lusumque inire consueverunt. Cubitalem lusum appellant, cum duo cominùs ex proximo, ac penè conjunctis cubitis pilam feriant. ⁽⁶⁾ Suram dicitur dare, qui pila, crure prolato, feriendam collusoribus præbet.

DI-

(1) Cap. LXV. Trionem suppum. Græcè *τρίων*. Vid. Fest.

(2) Quattrionem planum. Immo pronum opinor, qui & Aristoteli *πρηνής*. Supino enim pronus opponitur, non planus.

(3) Cap. LXVI. Ut puta senionem. Qui & Venus, & Cans dicebatur, quoties ita quatuor tale cadebant, ut nullus cum alio congrueret. Arist. lib. 2. de Cael. 1711 *ἡ κατεφθῶν χαλκὸν ἢ τὸν πελλῶν, ἢ τὸν πελλῶν, εἴτε πολλὸς ἢ ὀλίγος καὶ ἐπὶ τὸν ἀμύχανον, ἀλλὰ ἴσα, ἢ διμαῖον.*

(4) Cap. LXVII. Undè & egentes homines Inciti dicuntur. Nonius: Incitas, egestas dicitur.

(5) Cap. LXIX. Trigonaria. Martialis lib. 14. epig. 46. Pila trigonalis: Si me nobilibus scis expulsare sinistris: Sum tua, si nescis rustice redde pilam.

(6) Suram dicitur dare. Plutarch, in Cicerone de Cornel. Lentulo, Catilina socio, cognomento Surra. *προσδόνον ἐπιχόμενον πᾶν, καὶ καταρρεντικόν, λόγον μὲν ἐν ἑκῇ δίδοναι, κατέχον δὲ τὴν κνήμην, ὥσπερ πᾶν σιδήρεον οἱ παιῖδες ἔταν ἐν τῷ σφαίριζαν ἀμύχανον.*

DIVI ISIDORI HISPALENSIS EPISCOPI ETYMOLOGIARUM

LIBER DECIMUS NONUS.

DE NAVIBUS, ÆDIFICIIS, & VESTIBUS.

CAPUT PRIMUM.

De Navibus.

1 **A**RTIUM quarumdam vocabula, quibus aliquid fabricatur, vel instrumenta Artificum, vel quæ ministerium exhibent, atque aliquid hujuscemodi, deinceps ex parte notanda studui.

2 ⁽¹⁾ Artifex generalitèr vocatus, quòd artem faciat: sicùt aurifex, qui aurum. Fazo enim Antiqui pro facio dicebant.

3 ⁽²⁾ Nauclerus, dominus navis est appellatus: ità quòd navis in sorte ejus sit, κληρος enim Græcè sors dicitur. Cæteri autem in navi in ⁽³⁾ contributione sunt.

4 ⁽⁴⁾ Gubernio, qui & gubernator, quasi cohybernator, quòd cohibeat prudentia sua hyberna, id est, tempestates maris.

5 Nauta à nave dictus per derivationem.

⁽⁵⁾ Navita autem pro nauta poëticè dicitur, sicùt Mavors, pro Mars. Nàm rectum est nauta.

6 Remex vocatur, quòd remum gerit, sic autem remex, ⁽⁶⁾ quomòdò tubex dicitur nominativo casu.

7 ⁽⁷⁾ Epibata Græco sermone appellatur, qui Latinè dicitur superveniens. Hic nihil habet negotii, sed naulo dato in alias terras transire disponit.

8 Navim quidam perhibent dictam, eo ⁽⁸⁾ quòd gnavum rectorem quærat, id est, peritum, sapientem, strenuum, qui continere, & gubernare novit propter maritima pericula, & casus, undè est illud Salomonis: Intel ligens gubernacula possidebit. ⁽⁹⁾ Lydii autem primum navim fabricaverunt, pelagique incerta petentes pervium mare usibus humanis fecerunt.

9 ⁽¹⁰⁾ Rates primum, & antiquissimum genus navigii, è rudibus tignis asseribusque consertum. Ad cujus simi-

Ss

mi-

(1) Cap. I. Artifex gener. nom. *Ut Græcis. τίκτωρ.*

(2) Nauclerus. *Qui & navicularius, & magister navis à jureconsultis dicitur, qui navem habes propriam, vel conductam, cujus obventiones, & redditus omnes accipit. At Isidoro inf. cap. 19. Navicularius, navium est fabricator, sicut carpentarius carpenti.*

(3) In contributione sunt. Contributionis vox apud jureconsultos frequens, ut tit. de *Leg. Rhod. de fact.*

(4) Gubernio, qui & gubernat. *Gloss. Guber. (mutila credo voce) nos, πρόεδρος. Gubernium pro gubernatore dixisse Labe rium in Ana Peranna ait Agellius lib. 16. cap. 7. Legitur quoque archigubernius, sive etiam archigubernus, lib. 36. Dig. tit. 1. cap. 46. Item gubernat pro gubernaculis, dixit Lucretius: Disjunctare solet magnam mare, transtra, gubernat, & Lucilius apud Non. Protras despoliate, & decundite gubernat.*

(5) Navita pro naut. è *Serv. Georg. 1. & Æn. 6. Sic Græci ναύτης, & ναύτης.*

(6) Quomodo tubex. f. quomodo & obex, de cujus genere vid. *Serv.*

(7) Epibata. *Inde ἐπιβατής, naves vectoria. Dicuntur etiam epibata, qui tutela causa adiunguntur. Vid. Poll.*

(8) Eo quòd gnavum rect. Ità libri Gotth. rectè. Assignat autem navo suam etiam etymologiam (ut navus sit, qui novit) quàm probam, nihil moror. Interpretantur quidem Glossaria eodem modo navum. Navus videtur. Navus ἡμῶν, si, ὡς παρὰ, ἡμῶν.

(9) Lydii primum navem. *Sumptum videtur ex Histro Græco Scriptore, quem Latinum à Hieronymo factum quidam existimant.*

(10) Rates prim. *Plin. lib. 7. cap. 56. Rate primus in Græciam ex Ægypto Danaus advenit, ante ratibus navigabatur invenit in mari rubro.*

militudinem fabricatæ naves, ⁽¹⁾ ratarix dictæ. Nunc jam ⁽²⁾ rates abusivè naves. Nam propriè rates sunt connexæ invicem trabes.

10 Trieris navis magna, quam Græci ⁽³⁾ durconem vocant, de qua in Isaia dicitur: Non transivit per eam trieris magna.

11 Carpasia navis à Carpatho Insula nominata: sicut à Rhodo Rhodia: sicut ab Alexandria Alexandrina.

12 ⁽⁴⁾ Liburnæ dictæ à Libyis: naves enim sunt negotiatorum. De quibus Horatius: Ibis liburnis inter alta navium.

13 Rostratæ naves dictæ ab eo, quod in fronte rostra ærea habeant ⁽⁵⁾ propter scopulos, ne feriantur, & colliduntur.

14 Longæ naves sunt, quas Dromones vocamus: dictæ eo quod longiores sint cæteris, quibus contrarius Musculus, curtum navigium. Dromo autem à decurrendo dicitur. Cursum enim Græci δρόμον vocant.

15 ⁽⁶⁾ Classis dicta est à Græco vocabulo ἀπὸ τῶν κάλων, id est, lignis, undè & calones, qui ligna militibus portant.

16 Ancyromagus dictus, pro eo quod celeritate sui anchoris, & instrumentis reliquis navium vehendis sit aptus.

17 Phaselus est navigium quod, nos corruptè baselum dicimus. De quo Virgilius: Putisque phaselis.

18 ⁽⁷⁾ Scapha, quæ κατάσκοπος, navigium, quod Latine speculatorium dicitur, σκοπεῖν enim Latine intendere dicitur.

19 Barca est, quæ cuncta navis commercia ad littus portat. Hanc navis in pelago propter nimias undas suo suscipit gremio. Ubi autem appropinquaverit portui, reddit vicem barca navi, quam accepit in pelago.

20 ⁽⁸⁾ Paro navigium piratarum aptum, & ex iis ita vocatum, Cicero: Tunc se fluctigero tradit, mandatque Paroni. Et alibi: Parunculis ad littus ludit celeribus.

21 Myoparo, quasi minimus Paro. Est enim scapha ex vimine facta, quæ contexta crudo corio genus navigii præbet, qualibus utuntur Germanorum piratæ in Oceani littoribus, vel paludibus ob agilitatem. De quibus Historia: Gens, inquit, Saxonum Myoparonibus, non viribus nituntur, fugæ potius, quam bello parati.

22 Celoces, ⁽⁹⁾ quas Græci κίλκτας vocant, id est, veloces biremes, vel triremes agiles, & ad ministerium classis aptæ. Ennius: Labitur uncta carina per æquora cana Celocis.

23 Biremes autem, naves sunt ha-

(1) Ratarix. De quibus Agell. meminit lib. 10. cap. 25. Sed Ratiarias appellari quidam malunt.

(2) Rates abusivè—invicem trab. è Servo. Æn. 1. ad illud: Disjunctique rat.

(3) Quam Græci durcon. Al. durchonem. Rectè fortasse hac absumt à Segunt. libro. Sed amplius querendum. Est n. is Codex sapè alias mutilus.

(4) Liburnæ. Videntur hac quoque ex Histro. Sed ut apud illum Liburnia pro Libya, ita hic Liburniis pro Libyis substituerim. Vid. Appian. in Bell. Illyr. Lucian. in τοῖς ἑσπερίαις, & Veget. lib. 4.

(5) Propter scopulos ne feriantur. Hister. Nam ipse rostratæ in altum erectæ, quasi cacumen syrticum emicentiorum à puppi, in fronte rostra habent propter scopulos, ne fortè, cum tantam vim discurrantium, & properantium habeant, aut feriantur, aut colliduntur.

(6) Classis dicta—portant. è Servo. Æn. 1. Pallasne exurx. class.

(7) Scapha, quæ & catascop. Vid. Veget. lib. 4. cap. 37. & Agell. lib. 10. cap. 25. apud quem catascopium forma diminutionis. Catascopus apud Hirtium lib. de Bell. Afric.

(8) Paro navigium piratarum. aptum. Id est, instructum, & quasi paratum, capiat enim hujusmodi notationes. Nisi manifestum aptum Gotthico compendio pro apertum scriptum fuisse. Id enim, & fluctigeri πικτήριον in Ciceronis versu comprobatur. & aperta, quæ à Græcis ἀπέρκτα dicuntur, navigia, rectis opponuntur. Livius lib. 36. C. Livius Prefectus Romanæ classis cum quinquaginta navibus rectis profectus ab Roma Neapolim, quo ab Sociis ejus oræ convenire jusserrat, apertas naves, quæ ex fœdere debebantur, &c.

(9) Quas Græci Celoces. Suid. κίλκται, δὲ μέγας ἵππος· καὶ δὲ ἵππὶ τότῃ φερόμενοι: & paullo post, κίλκται ἵπποι ποικίλῃ μετρίῃ, & Thucydidis interpres, μικρὸν ποικίλων ὅρ' ἵπποι· ἱερὸν τὸν ἀπὸ μεταφοράς τὴν κίλκται ἵπποι, & ἵππὶ ἀπὸν ἱπποδύλῃ.

habentes remorum ordinem geminum.

24 Triremes, & quadriremes, trium, & quatuor ordinum: sic & penteres, & hexeres quinos, vel senos ordines habentes.

25 ⁽¹⁾ Actuariæ naves sunt, quæ velis simul, & remis aguntur.

26 ⁽²⁾ Hippagogus, in quo equos transvehere solitum est.

27 ⁽³⁾ Pontonium, navigium fluminale, tardum, & grave, quod non nisi remigio progredi potest.

28 ⁽⁴⁾ Hinc & trajectus, id est, extentus. Est enim latus, undè & transenna dicitur extentus funis.

29 Lembus navicula brevis, quæ alia appellatione dicitur & Cymba, &

⁽⁵⁾ Caupilus, sicut & Linter, id est, Carabus, quo in Pado, paludibusque utuntur.

30 Carabus, parva scapha ex vimine facta, quæ contexta crudo corio genus navigii præbet.

31 ⁽⁶⁾ Portemia, navicula Syriaci generis, lata, & sine carina à portando vocata. Utuntur iis in Pannonia.

32 ⁽⁷⁾ Trabariæ, amnicæ naves, quæ ex singulis trabibus cavantur, quæ alio nomine Littorariæ dicuntur.

⁽⁸⁾ Hæ & Caudicæ ex uno ligno cavato factæ, & indè Caudicæ, quia à quatuor usque ad decem homines capiunt.

CAPUT II.

De Partibus Navium, & Armamentis.

1 PUPPIS posterior pars navis est, quasi post. Prora anterior, quasi priora.

2 ⁽⁹⁾ Cumba locus imus navis, quod aquis incumbat.

3 Carina à currendo dicta, quasi currina.

4 ⁽¹⁰⁾ Fori navium latera concava à ferendo onere dicta, sive tabulata navium, quæ sternuntur. Dicta, ab eo quod incessus ferant, vel foris emineant. De quibus Virgilius: Laxatque foros.

5 ⁽¹¹⁾ Columbaria, in summis lateribus navium loca concava, per quæ eminent remi, dicta credo, quod sint similia latibulis columbarum, in quibus nidificant.

6 ⁽¹²⁾ Agea, viæ sunt, vel loca in navi, per quæ ad remiges hortator accedit. De qua Ennius: Multa foro ponet, & Agea longa repletur.

7 Transtra sunt tabulæ, ubi sedent remiges, quod in transverso sint, dicta, ⁽¹³⁾ quæ Virgilius juga appellat.

8 ⁽¹⁴⁾ Tonsæ remi à removendis, & decutiendis fluctibus dicti, sicut

SS 2

ton-

(1) Actuariæ dictæ, quod citò agi possint, ait Nonius.

(2) Hippagogus. Hippaginem Latine appellari tradit Festus.

(3) Pontonium. Vox diminutionis. Nam pontones principaliter dicuntur.

(4) Hinc & trajectus. Serv. Æn. 5. Trajecto in fune columbam: trajecto (inquit) extento, undè transenna dicitur extentus funis. Quia, quomodo huic loco aptari possint, non quo satis dispiscere.

(5) Et Caupilus. Al. Caupolus. Agellio lib. 10. cap. 25. Capulica.

(6) Portemia. S. o. l. h. Et ita Isidorus scripsisse arguit etymologia. Est tamen vox Græca, eademque Diodoro Siculo nunc

neglecta, nunc negotia dicuntur.

(7) Trabariæ. Festus: Trabica navis, quod sit trabibus confixa.

(8) Hæ & Caudicæ. Et caudicaria, vel codicaria. Non. Fest. Agell. Nam ut trabis propriè duo ligna compacta, teste Festo,

ita caudex plurium tabularum contextus, ut ait Senec. lib. de Brevitate vitæ.

(9) Cap. II. Cumba. Vulgo gomba.

(10) Fori. Hæc utrumque contexta è Serv. nonnihil etiam aucta. At Charis. Fori sunt in navibus, quibus nautæ sedentes remigant, ἰσθία.

(11) Columbaria. Vid. Philand. in Vitruv. lib. 4. cap. 2.

(12) Agea viæ sunt. Fest. Agea via in navi est, dicta, quod in ea maxima quæque res agi soleat.

(13) Quæ Virgilius juga app. Æn. 6. Indè alias animas, quæ per juga longa sedebant, ubi Serv. Juga Græcè dixit,

ἴγῃ enim dicunt, quæ transtra nominamus.

(14) Tonsæ remi. È Serv. Æn. 7. In leato luctantur marmore tonsæ.

tonsores à tondendis, & decutiendis capillis.

9 ⁽¹⁾ Palmula est extrema latitudo remi, à palma dicta, qua mare impellitur.

10 ⁽²⁾ Antemnæ autem dictæ, quod ante amnem sint positæ. Præterfluit enim eas amnis. ⁽³⁾ Cornua extremæ partes antemnarum sunt, dicta per tropum.

11 ⁽⁴⁾ Malus est arbor navis, qua vela sustentur. Malus autem dictus, quia habet instar mali in summitate, vel quia, quasi quibusdam malleolis ligneis cingitur, quorum volubilitate vela facilius elewantur.

12 Modius est, cui arbor insit, ob similitudinem mensuralis vasis dictus.

13 Carchesia sunt in acumine arboris. ⁽⁵⁾ Cinna: Lucida confluent alti Carchesia mali.

14 ⁽⁶⁾ Trochleæ, quasi ϕ littera, per quas funes trahuntur. Trochleæ autem vocatæ, quod rotulas habeant, $\tau\rho\chi\lambda\epsilon\varsigma$ enim Græcè rota dicitur.

15 Parastatæ stipites sunt pares stantes, quibus arbor sustentur. Cato: Malum deligatum, parastatæ vincitæ.

16 ⁽⁷⁾ Clavus est, quo regitur gubernaculum. De quo Ennius: Ut clavum rectum teneam, navimque gubernem.

17 ⁽⁸⁾ Porticulus malleus in manu portatus, quo modus, signumque datur remigantibus. De quo Plautus: Ad loquendum, atque tacendum tute habeas porticulum. Aportando igitur porticulus.

18 Tonsilla uncinus ferreus, vel ligneus, ad quem in littore defixum funes navium illigantur. De quo Ennius: Tonsillas rapiunt, configunt litus aduncas.

19 Anchora, dens ferreus, ex Græca etymologia nomen ducit, quod quasi hominis manus comprehendat. vel scopulos, vel arenas. Nam manus Græcè $\chi\epsilon\iota\rho$ dicitur. ⁽⁹⁾ Apud Græcos autem aspirationem non habet, Nam $\alpha\chi\upsilon\rho\alpha$ dicitur, undè & apud majores sine aspiratione proferebatur.

20 Pulvini sunt machinæ, quibus naves deducuntur, & subducuntur in portum.

21 ⁽¹⁰⁾ Pons scala navium.

CAPUT III.

De Velis.

1 **V**ela ⁽¹¹⁾ Græci $\alpha\pi\upsilon\rho\alpha$ dicunt, proinde quod aëre moventur. Apud Latinos autem vela à volatu dicta. Undè est illud: velorum pandimus alas.

2 ⁽¹²⁾ Genera velorum Acatium, Epidromos, Dolon, Artemon, Siparum, Mendicum. Ex quibus Acatium

ve-

(1) Palmula. Vid. Fest. & Serv. *Æn.* 5. eadem ratione Græci $\tau\alpha\gamma\epsilon\delta\epsilon\rho$, & palmam manus, & remorum latitudinem dixerunt, ut ait *Illius* Dionysius apud Eustach. *schol.* 1. ad illud: $\tau\alpha\gamma\epsilon\delta\epsilon\rho\ \mu\eta\rho\ \tau\epsilon\gamma\epsilon\omega\nu$, &c.

(2) Antemnæ autem dictæ, &c. E Serv. *Æn.* 7. idem prope Festus in voce amnenses. Sed illi non de navium parte, sed de Urbibus prope amnem sitis loquuntur.

(3) Cornua. Ex cod. *Æn.* 3. ad illud. Cornua velatarum obv. antennæ.

(4) Malus arb. Ex cod. *Æn.* 5. nisi quod malis apud illum, non malleolis legitur.

(5) Cinna: lucida. Quod Catullo hic versus tribuitur ex Nonio potius esse communis.

(6) Trochleæ, quasi ϕ littera. Quasi ϕ littera legit Philander apud Vitruv. trochleas etiam Atheniens in navium armamentis numeravit in Hieronis nave. Gloss. trochleæ $\iota\sigma\tau\alpha\gamma\epsilon\delta\epsilon\rho$.

(7) Clavus. Clavum, fustem gubernaculi interpretatur Servius *Æn.* 5.

(8) Porticulus. Sic etiam Fest. & Non. nisi quod apud hos porticulus dicitur. Isidorus favens Gloss. in quibus porticulus $\mu\alpha\lambda\iota\sigma\tau\epsilon\rho$.

(9) Apud Græcos aspirationem non habet, & Serv. *Æn.* 1. ad illud. Unco non alligat anchora moysi.

(10) Pons scal. Ex cod. *Æn.* 10. Pontibus exponit.

(11) Cap. III. Vela Græci $\alpha\pi\upsilon\rho\alpha$. Homerum (ut ait Eustachius) secuti, nam vox ipsa multo est latior, ita ut instrumenta omnia, neque nautica solum, sed quævis alia complectatur dicta (ut ait Etymologites) $\pi\alpha\rho\alpha\ \tau\delta\ \alpha\pi\upsilon\rho\alpha\ \tau\delta\ \alpha\gamma\epsilon\delta\epsilon\rho\ \alpha\pi\alpha\rho\epsilon\mu\iota\sigma\tau\epsilon\rho\ \kappa\alpha\iota\ \kappa\alpha\tau\alpha\ \sigma\upsilon\nu\kappa\epsilon\pi\tau\epsilon\rho\nu\ \alpha\pi\upsilon\rho\epsilon\rho\nu$.

(12) Genera velor. Vid. Poll. Hezych. Suid. qui tamen artemonis non meminere.

velum maximum, & in media navi constitutum.

3 Epidromos secundæ amplitudinis, sed ad puppim.

4 Dolon minimum velum, & ad proram defixum.

5 ⁽¹⁾ Artemon dirigendæ potiùs navis causa commentatum, quàm celeritatis.

6 Siparum genus veli, unum pedem habens, quo juvari navigia solent in navigatione, quoties vis venti languescit. De quo Lucanus: Summaque tendens Sipara velorum perituras colligit auras: quod ex separatione existimant nominatum. ⁽²⁾ Pes extremus angulus veli, quem sic nautæ loquuntur.

CAPUT IV.

De Funibus.

1 Funes ⁽³⁾ dicti, quod antea in usum luminis fuerint circumdati cera, undè & funalia.

2 Restes, sivè quòd rates continent, seu quòd in iis retes tendantur.

3 ⁽⁴⁾ Rudentes sunt funes navium ex nimio stridore ita dicti.

4 Spiræ funes, quibus in tempestatibus utuntur, quas nautici suo more ⁽⁵⁾ Cucurbas vocant. ⁽⁶⁾ Spiræ autem à sparto vocatæ.

5 Propes funis, quo pes veli alligatur, quasi prope pedes. De quo Tur-

pilius: Quasi cum ventus fert navium in mare secundus, siquis propedem misit, si ⁽⁷⁾ veli sinistrum.

6 Tormentum funis in navibus longus, quo prora ad puppim extenditur, quo magis constringantur: Tormenta autem à tortu dicta, restes, funesque.

7 Saphon, funis in prora positus. De quo Cæcilius: Venerio cursu veni prolato pede usque ad saphonem.

8 Opisphora, funes, qui cornibus antennæ dextra, sinistraque tenduntur, & retroverso.

9 Prymnesius funis, quo navis in littore religatur ad palum.

10 Mitra funis, quo navis media vincitur.

11 Anquina, quòd ad malum antenna constringitur. De qua Cinna: Atque anquina regat stabilem fortissima cursum.

12 ⁽⁸⁾ Remulcum funis, quo deligata navis trahitur vice remi. De quo Valgius: Hic mea me longo succedens prora remulco, lætantem gratis sistit in hospitibus.

13 ⁽⁹⁾ Struppi vincula loro, vel lino facta, quibus remi ad scalmos alligantur. De quibus Livius: Tuncque remos jussit deligare strupis.

14 ⁽¹⁰⁾ Catapirates linea cum massa plumbea, qua maris altitudo tentatur. Lucilius: Hunc catapiratem puer

Ss 3

co-

(1) Artemon dirig. pot. navis. Rest. Vid. Chrysostom. Aff. 27.

(2) Pes extremus angulus veli. At Servius Æn. 5, ad illud: Una omnes fecere pedem, podiam (inquit) id est, funem, quo tenditur velum. Interpret quoque Apollonii lib. 2. funes, quibus vela, aut vertuntur, aut laxantur πόδας vocat. Unde apud Lucan. lib. 5. obliquit Levo pede carbas, id est, sinistro fune. Porro de Menedico Festus: Menedicum dici putant velum, quod in prora ponitur.

(3) Cap. IV. Funes dicti q. a. in usum lum. Ergo àδ τῇ φαίρει δούλῳ funem vult? Non opinor, sed locum Servii, unde hac sumi, non satis animadvertitur.

(4) Rudentes. Serv. Æn. 1. stridorque rudentum, propriè (inquit) nam stridor in funibus est.

(5) Cucurbas. Sic plerique Gothi. al. cucubas. Vid. Fest. in Spira.

(6) Spiræ autem ab sparto. Mirum ni notationi causam præbuit Pacuvii versus: Quid cessatis socii ejicere spiras spartas, cum potiùs spira ab σπρίσματος, hoc est, in Orbem convulso, ducatur.

(7) Si veli sinistrum. In veli sinistrum legit Lilius Girald.

(8) Remulcum. Vid. Fest. in Remulco, & Promulco.

(9) Struppi vincula—quibus remi ad scalmos alligantur. Vitruv. lib. 10. Etiam remi circa scalmos strophis religati. ubi strupis legunt eruditiores: sed multò perversius: strupis pro struppis apud Agell. lib. 10. 3. legitur. Vocabantur etiam struppi teste Festo, in pulvinaribus fasciculi de verbenis facti, qui pro Decorum capitibus ponebantur.

(10) Catapirates. Sic lego ex Codicibus vetustissimis Rom. Compl. Salm. & On. ita etiam postulante tentandi interpretatione. Alios, qui Catapiraten volunt, magis audiendos, quàm auscultandos censeo. Vid. Fest. in Rodus.

eodem deferat unctum plumbi pauxillum rodus, linique mataxam.

CAPUT V.

De Retibus.

1 **R**etes⁽¹⁾ vocatæ, sive à retinendis piscibus, sive à restibus quibus tenduntur.

2 Minus autem rete simplagium dicitur à plagis. ⁽²⁾ Nam plagas propriè dicimus funes illos, quibus retia tenduntur circa imam, & summam partem.

3 Funda genus est piscatoriæ retis, dicta ab eo quod in fundum mittatur. ⁽³⁾ Eadem etiam à iactando Jaculum dicitur. Plautus: Probus quidè anteà jaculator eras.

4 ⁽⁴⁾ Tragum genus retis ab eo quod trahatur, nuncupatum, ipsum est & Verriculum. Verrere enim trahere est.

5 Nassa.---

6 Cassis genus venatoriæ retis, quod capiat. ⁽⁵⁾ Hinc est, quod & incassum dicimus, id est, sine causa, quasi sine cassibus, sine quibus venatio inanis est.

7 Conopeum retes, qua culices excluduntur in modum tentorii, quo magis Alexandrini utuntur, quia ibi ex Nilo culices copiosi nascuntur: undè & Conopeum dicitur: Nam Canopea Ægyptus est.

CAPUT VI.

De Fabrorum Fornacibus.

1 **F**aber⁽⁶⁾ à faciendo ferro impostum nomen habet. Hinc derivatum est nomen ad alias artium materias: fabros vel fabricas dicere, sed cum adiectione, ut Faber lignarius, & reliqua⁽⁷⁾ propter operis, scilicet, firmitatem.

2 ⁽⁸⁾ In fabrorum autem fornace Gentiles Vulcanum Auctorem dicunt figuratè, per Vulcanum ignem significantes, sine quo nullum metalli genus fundi, extendique potest. Nihil est enim penè, quod igne non efficiatur. Alibi enim vitrum, alibi argentum, alibi plumbum, alibi minium, alibi pigmenta, alibi medicamenta efficit. Igne lapides in æra solvuntur, igne ferrum gignitur, ac domatur, igne aurum perficitur, igne cremato lapide cæmenta, & parietes ligantur. ⁽⁹⁾ Lapidès nigros ignis coquendo candificat, ligna candida urendo obfuscat, carbonès ex pruna fulgida nigros facit: de lignis duris fragiles, de putrilibus imputribiles reddit, stricta solvit, soluta restringit, dura mollit, mollia dura reddit. Habet & medicaminis usum. ⁽¹⁰⁾ Nam sæpè uri prodest. Pestilentia quoque, quæ obscuratone Solis contrahitur, auxiliari certum est. In opere quoque aliud gignitur primis ignibus, aliud secundis, aliud tertiis.

Ha-

(1) Cap. V. Retes vocatæ. Sic o. manus. Charisius quoque retes vocat, & Glossar. retes auguralcs.

(2) Nam propriè plagas—partem. E Serv. Æn. 4. ad illud: Retia rata plagæ.

(3) Eadem & Jaculum, Retejaculum. Serv. & ita hoc loco legit Turnebus adversar. lib. 18. cap. 26. Sed nihil mæ. Nam Isidorus sup. lib. 18. cap. 54. Retiarius (inquit) ab armaturæ genere in gladiatorio ludo contra alterum pugnantem occultè ferebat rete, quod jaculum dicitur.

(4) Tragum. S. o. l. trahum malim, ut etymologia postulat, & traha plaustrigenus est apud Virgil.

(5) Hinc est, quod in cassum, & Serv. Georg. 3.

(6) Cap. VI. Faber à faciendo factum. Hoc idem secutus in Regula Monachorum fabrum ferrarium dixit fuisse Joseph, ad sensus fortasse Leandro fratri in lib. de Institut. Virgin. cap. 33. Nec mirum cum Hylarius, & Beda idem existimavint. Ambrosius verò, & ferrarium, & lignarium fabrum illum fecisse videtur: sic enim scribit lib. 3. in Luc. Patet Christi igne operatur, & spiritus, & tanquam bonus anime faber vitia nostra circumdolat, citò securit admoventis artibilibus infrecandis, &c. Rigida mentium spiritus igne molliat.

(7) Propter operis scilicet firmitatem. Ferrarius fabri sibi generale nomen proprium fecit.

(8) In fabrorum autem forn. Eadem supra lib. 8. cap. 11.

(9) Lapidès nig. — candif. Ex Aug. lib. de Civitat. cap. 7.

(10) Sæpè uri prodest. Ex Plin. lib. 36. cap. ult.

CAPUT VII.

De Instrumentis Fabrorum.

3 ⁽¹⁾ Habet quoque & aliam in se diversitatem ignis. Nam alius est ignis, qui usui humano, alius qui iudicio paret Divino, sive qui de Caelo fulmen astringit, sive qui de terra per vertices montium eructat.

4 Ignis autem dictus, quod nihil igni potest ex eo. Est enim inviolabile elementum, absumens cuncta, quæ rapit.

5 Fabrica duabus rebus constat: ventis, & flamma.

6 Flamma verò propriè fornacis est dicta, quod flatu folium excitetur.

7 Fornax verò ab igne vocata: ⁽²⁾ enim ignis est.

8 ⁽³⁾ Caminus est fornax, & est Græcum derivatum à cauma.

9 Favilla est deserta igne scintilla.

10 ⁽⁴⁾ Pruna est quamdiù ardet: cum autem extincta fuerit, carbo nominatur. Pruna autem à perurendo dicta est, carbo verò, quod flamma caret.

⁽⁵⁾ Qui dum interiisse creditur, majoris fit virtutis. Nam iterum incensus fortiore luce calescit. Cujus tanta vis est etiam, & sine igne firmitas, ut nullo humore corruptatur, nulla vetustate vincatur. Extinctus enim tantum incorruptibiliter durat, ut ii, qui limites figunt, eos infossos terra substernant, & lapides desuper figant, ad convincendum litigatorem, ut post quantalibet sæcula, fixumque lapidem limitem esse cognoscant.

1 INCUS est, in quo ferrum tunditur, à ⁽⁶⁾ cudendo dictus, eo quod illuc aliquid cudamus, id est, feriendo producimus. Cudere enim cedere, & ferire est. Veteres autem non incudem vocabant, sed intudem, eo quod in ea metallum tundatur, hoc est, tendatur, ⁽⁷⁾ undè & tudes malleus, à tundendo, id est, tendendo dictus.

2 Malleus vocatur, quia dum quid calet, & molle est, cædit & producit.

3 Marcus malleus major, & dictus marcus, quod major sit ad cædendum, & fortior. ⁽⁸⁾ Martellus, mediocris. Marculus, malleus pusillus. Lucilius: Et velut in fabricam fervens cum marculus ferrum multorum magnis ictibus tundit.

4 Forcipes, quasi ferricipes, eo quod ferrum candens capiant, teneantque, sive quod ab iis aliquid forvum capimus, & tenemus, quasi forvica-pes. ⁽⁹⁾ Nam forvum est calidum, undè & fervidum, undè & formosos dicimus, quibus calor sanguinis ex rubore pulchritudinem creat.

5 Lima dicta, eo quod lene faciat. Nam limum lene est.

6 ⁽¹⁰⁾ Coelum est, undè operantur ar-

(1) Habet quoque & aliam in se diversitatem ignis-eructat. Tertull. Apolog. cap. 48. Noverunt & Philosophi diversitatem arcani, & publici ignis: ita longè alius est, qui usui humano, alius, qui iudicio Dei apparet, sive de Caelo flamma stringens, sive de terra per vertices montium eructans.

(2) Caminus est fornax. E Serv. Aen. 3.

(3) Caminus est fornax. E Serv. Aen. 3.

(4) Pruna. Ex cod. Aen. 11.

(5) Qui dum interiisse cred. E Plin. lib. 36. cap. ult. & lib. 33. cap. 5.

(6) Cap. VII. A cudendo dict. Sic Serv. Aen. 6. & Non. in striculis.

(7) Undè & tudes-dictus. Non sunt hæc in Rom. Cod.

(8) Martellus. Recentiores libri Marcellus. Vid. Capr. Grammat.

(9) Nam forvum-creat. E Serv. Aen. 8. ad illud: versantque tenaci forcepe massam. Vid. supr. lib. 10. in formosus.

(10) Cælum. Serv. Aen. 1. Cælataque in auro-cælata (inquit) insculpta. Nam Cælum dicitur ferrum ipsum, undè operantur Argentarii. Et Isidorus inf. lib. 20. cap. 4. cælata vasa à Caelo vocata, quod est genus ferramenti, quod vulgè cilionem appellant: ergo cilium ex cilionem vulgari voce in nostros codices irrepsit. Idem ferramentum celte dicitur Job c. 39.

& in periclitata, & facietissima Scitii parassiti, apud Salonem Dalmatia Urbem inscriptione, quam non pigebit adscribere. Juvat vobiscum loqui, ac ore meo pendulos detinere. Saxum hoc vos vocat. Quid inquam? vivus assuevi prudens.

imprudens, mortuus item vos fallo. Nam non vos vocat, quod vacat ore: verum is cuius cinis hic latet. Olim quum posuit, nunc hæc vos vocari voluit, valuitque hoc. Hæc olim sua voluntas volentes vos legere hoc scriptum, Vah. quid loquor, immo sculpeum. Quam agrè veritas adhuc se mecum conciliat. Nam neque hic atramentum, vel papy-

ris, aut membrana ulla adhuc, sed malleolo, & celte litteratus silex.

argentarii, à quo & cæлата vasa dicuntur.

CAPUT VIII.

De Fabricis Parietum.

I IN fabricis parietum, atque tectorum Græci inventorem Dædalum asserunt. Iste enim primus didicisse fabricam à Minerva dicitur. Fabros autem sive Artifices Græci τέκτονες vocant, id est, structores. Architecti autem cæmentarii sunt, qui disponunt in fundamentis. Unde & Apostolus de semetipso, quasi sapiens, inquit, Architectus fundamentum posui.

2 (1) Machiones dicti à machinis, in quibus insistent propter altitudinem parietum.

CAPUT IX.

De Dispositione.

I Ædificiorum partes sunt tres: dispositio, constructio, venustas.

2 Dispositio est aræ, vel soli, & fundamentorum descriptio.

CAPUT X.

De Constructione.

I Constructio est laterum, & altitudinis ædificatio. Constructio autem, vel structio vocata, eo

quòd instringat, & cohærere faciat, ut lapides luto, & ligna & lapides invicem sibi. (1) Nam & intinctio ferri in aqua strictura est. Nisi enim candens tingatur, stringi, & cohærere non potest ferrum. Item constructio à multitudine lapidum, & lignorum dicta, unde & strues. Aliud est enim ædificatio, aliud instauratio. Nam ædificatio nova constructio est. Instauratio (2) verò quòd reparatur ad instar prioris. Nam instar Veteres, pro similitudine ponebant. Indè & instaurare dicebant.

2 Constat autem constructio fundamento, lapidibus, calce, arena, & lignis.

3 Fundamentum dictum, quòd fundus sit ædificii. Idem & cæmentum à cedendo dictum, quòd cæso crasso lapide surgat.

4 (4) Lapidis in structuris apti: albus, tiburtinus, columbinus, fluviatilis, sfungia, rubrus, & reliqui.

5 Albus lapis, alius durus, alius mollis. Mollis dentata serra secatur. Tractabilis in opere est, ita ut in eo, quasi in ligno, litteræ scribantur.

6 Tiburtinus, à loco Italiæ dictus, qui dum sit ad fabricam fortis, (5) vapore tamen dissilit.

7 (6) Tophus ædificii inutilis est (fundamenti aptus) mortalitate, & mollitie. Ex æstu enim, & halitu maris (7) feritur, & verberatur imbris.

are-

(1) Cap. VIII. Machiones à machinis. Machina dicuntur hoc loco tabulata, quibus insistent, qui opus faciunt. Plin. lib. 35. cap. 10. de Amulio pictore. l'aucis horis pingebat idque cum gravitate, quòd semper rogatus, quamquam in machinis.

(2) Cap. X. Nam intinctio ferri in aqua strictura est. Mendori V. CC. instructura. Mos enim frequens librarius. Gostiborum in his, quæ ab s. incipiunt, vel addere, vel detrabere etiam i. ut instoria pro historia, Spania pro Hispania. Hæc verò eo pertinent omnia, ut constructio sit, quasi constructio, & instructio, quasi instructio, seu potius structura, quasi strictura, de qua supra lib. 16. cap. 21.

(3) Instauratio verò quòd rep. E. Serv. Æn. 2. ad v. Instar mont. eq.

(4) Lapidis in structuris apti. E. Pallad. lib. 1. cap. 10. Quo de genere lapidum Plin. lib. 36. cap. 22. Sed videndum an Isidoro cum illo satis conveniat.

(5) Vapore tamen dissilit. Ex Plin. Plinius ex Vitruvio, qui lib. 2. cap. 7. Tiburtina (inquit) omnia sufflunt, sed ab igne non possunt esse tuta, simulque sunt ab eo tacta dissiliunt.

(6) Tophus ædificii inutilis. Hæc quoque descripsit Plinius ex eod. Vitruvii loco. Sed is locus in valentis Plinii libris valde depravatus est, in Ecclesia Toler. Codice sic legitur: In reliqua multitudine lapidum tophus ædificii inutilis est. Quod verò sequitur in eo, mortalitate, mollitie, malo ex Isid. mortalitate, & mollitie. Postremo pro excutitur halitu maris, excutitur mavult A. Covarr. Sed ex æstu ferri potest ex Isidoro.

(7) Feritur. Plin. fricatur vento, & verberatur imbris. Salom. On. Compl. vetustiss. feritur. Valentinus fixatur contentis, ut cum vitruvio.

8 Arenatius, lapis concretus maris arenis, hic & bibulus dicitur. Servat enim humorem acceptum. Idem & in Bætica Gaditanus, ab Insula Oceani ubi plurimus exciditur.

9 ⁽¹⁾ Piperinus, subalbidus cum punctis nigris, durus, atque fortissimus.

10 Conchleatius, cocteis, lapillisque, & arena concretus asperrimus, & interdum fistulosus.

11 Columbinus à colore avis nuncupatus, natura vicinus gypso, & molitie simillimus.

12 ⁽²⁾ Molaris, in parietibus utilis, quia est quædam natura ejus pinguior, duraque & aspera, ex quo etiam & molæ fiunt, undè & nomen traxit. Hujus quatuor genera: albus, niger, permixtus, ac fistulosus.

13 ⁽³⁾ Sphungia ⁽⁴⁾ lapis creatus ex aqua levis, ac fistulosus, & cameris aptus.

14 Silex, durus lapis, ex cujus genere nigri silices optimi quibusdam in locis, & rubentes.

15 ⁽⁵⁾ Albi silices contra vetustatem incorrupti. Idem & in monumentis scalpti, & incorrupti permanent, quibus nè ignis quidem nocet. Nam ⁽⁶⁾ ex iis etiam formæ fiunt, in quibus ⁽⁷⁾ æra funduntur.

16 Viridis silex, vehementer & ipse igni resistens, sed nusquam copiosus, & ubi invenitur, lapis, non solum est.

17 Pallidus in cæmento rarò utilis.

18 ⁽⁸⁾ Globus contra injurias fortis, & in structura infidus, nisi fuerit multa suffractione devinctus.

19 Fluviatilis silex semper veluti madens est. ⁽⁹⁾ Hunc æstate exhiberi oportet, nè ante biennium inserere in structuris domorum. * ⁽¹⁰⁾ Fictilium operum ad parietes, & fundamenta coctilibus laterculis ad tecta imbricibus, tegulisque aptantur.

20 Tegulæ vocatæ, quod tegant ædes, & Imbrices, quod accipiant imbres. Tegulæ autem primæ positionis nomen, cujus diminutivum tigillum.

21 Laterculi verò vocati, quod lati formentur circumactis undiquè quatuor tabulis.

22 Lateres autem crudi sunt, qui & ipsi indè nominati, quod lati ligneis formis efficiuntur.

23 Quorum crates dicuntur, in quibus lutum pro eisdem lateribus crudis portare solent. Sunt enim connexiones cannarum, dicti ἀπὸ τῆς κρητῆς, id est, quod se invicem teneant.

24 Lutum autem vocatum quidam per antiphrasin putant, quod non sit mundum. Nam omne lutum mundum est.

25 ⁽¹¹⁾ Calx viva dicta, quia dum sit tactu frigida, intus occultum continet ignem: undè perfusa aqua statim latens ignis erumpit. Natura ejus mirum aliquid facit. Postquam enim arserit, aquis incenditur, quibus solet ignis extinguì: oleo extinguitur, quo solet ignis accendi. Usus ejus in struc-

tu-

(1) Piperinus—durus, atque fortissimus. Aut ita durus Roma. Sed durissimus, atque fortissimus Toleti, ubi multa ex ea columna, atque arcus in arce, & aliis aedificiis videntur.

(2) Molaris parietibus utilis. Plin. lib. 36. cap. 23. de Calce. Utilior è molari, quia est quædam pinguior natura ejus.

(3) Sphungia. De hac voce vid. sup. lib. 12. cap. 6.

(4) Lapis creatus. Al. concretus. Concrevit nunc Tiburi ex Anienis aqua.

(5) Albi contra vetust. è Plin.

(6) Ex iis formæ fiunt in quibus æ. f. Ex Plin. & Vitruv.

(7) Æra funduntur. Ex Vitruv. lib. 2. cap. 7. Mendocè Goth. arena funduntur.

(8) Globus. Globosus legerim ex Plin.

(9) Hunc æstate exhiberi. Sic libri nostri constanter legunt, eximi, ex Plinio & Vitruvio malim.

(10) Fictilium oper. pariet. &c. Hac adumbrata ex Plin. lib. 35. cap. 12. Sed quemadmodum in hunc locum venerint alius conjecerit.

(11) Calx viv. Ead. sup. lib. 16. cap. 3.

turis fabricæ necessarius. Nam lapis lapidi non potest adhærere fortiùs, nisi calce conjunctus.

26 ⁽¹⁾ Gypsum cognatum calci est, & est Græcum nomen. Plura ejus genera. Omnium autem optimum è lapide speculari. ⁽²⁾ Est enim in signis ædificiorum, & coronis gratissimus.

27 ⁽³⁾ Arena ab ariditate dicta, non ab adhærendo in fabricis, ut quidam volunt. ⁽⁴⁾ Hujus probatio si manu impressa stridet, aut si in vestem candidam sparsa, nihil sordis relinquat.

28 Columnæ pro longitudine, & rotunditate vocatæ, in quibus totius fabricæ pondus erigitur. ⁽⁵⁾ Antiqua ratio erat columnarum altitudinis, tertia pars latitudinum. Genera rotundarum quatuor: Doricæ, Jonicæ, Tuscanicæ, Corinthiæ, mensura crassitudinis, & altitudinis inter se distantes. Quintum genus est earum, quæ vocantur Atticæ: quaternis angulis, aut ampliùs, paribus laterum intervallis.

29 ⁽⁶⁾ Bases, futuræ sunt columnarum, quæ à fundamento consurgunt, & superpositæ fabricæ sustinent pondus. Bases autem nomen petræ est fortissimæ Syro sermone.

30 ⁽⁷⁾ Capitella, dicta quòd sint columnarum capita, quasi super columnæ caput.

31 Epistylia sunt, quæ super capitella columnarum ponuntur, & est Græcum.

32 Pavimenta originem operis à

Græcis habent: vocata autem pavimenta, eo quòd paviantur, id est, cædantur, undè & pavor, quia cædit cor.

33 ⁽⁸⁾ Ostracus, est pavimentum testaceum, eo quòd fractis testis calce admixta feriat. Testam enim Græci *ὄστρακα* dicunt.

34 ⁽⁹⁾ Rudos, Artifices appellant lapides contusos, & calce admixtos, quos in pavimentis faciendis superfundunt, undè & rudera dicuntur.

35 Canalis, ab eo quòd cava sit in modum cannæ. ⁽¹⁰⁾ Sanè canalem melius genere fœminino, quàm masculino proferimus.

36 Fistulæ aquarum sunt dictæ, quòd aquas fundant, & mittant. Nam Græcè *στίλλαι* mittere est. Formæ earum pro magnitudine aquæ, & capacitæ fiunt, per quas aquæ per certos modulos dividuntur. ⁽¹¹⁾ E quibus est uncia, & quinarîa, digitus quadratus, digitus rotundus, & ⁽¹²⁾ cæteri modi quique.

CAPUT XI.

De Venustate.

I Hucusque partes constructionis, sequitur de Venustate ædificiorum. Venustus est, quidquid illud ornamenti, & decoris causa ædificiis additur, ut tectorum auro distincta laquearia, & pretiosi marmoris crustæ, & colorum picturæ.

CA-

(1) Gypsum cognatum calci. è *Plin.* 36. cap. 3.

(2) Est enim insignis—gracissimus. Ex eod. cap. 24.

(3) Arcna. *Vid.* sup. lib. 16. cap. 3.

(4) Hujus probatio. e *Pallad.* lib. 1. cap. 10.

(5) Antiqua ratio erat column. *Totus locus* è *Plin.* & *Vitruv.*

(6) Bases. *Vid.* sup. lib. 15. cap. 8.

(7) Capitella. Capitula *Vitruvius*. *Utramque vocem usurpat Plinius.*

(8) Ostracus. *Ostra cum malum* ex *Plin.* cap. 25. & *Vitruv.* lib. 6. cap. 4.

(9) Rudos. *Sup.* lib. 16. cap. 3.

(10) Sanè canalem. *Sup.* lib. 15. cap. 8.

(11) Quibus est uncia, & quinarîa. *Vid.* *Plin.* 31. cap. 6. & *Vitruv.* 8. cap. 6. & *Frontin.* de *Aqua-du-ctibus.*

(12) Et cæteri modi quique. *Al.* cuiusque. *Al.* & cæteri modi cuique causæ. *Chacon*, & cæteri quique moduli, vel & cæteri modi usque ad centum. *Persequitur n.* *Frontinus* modulos à quinarîa, usque ad centenariam.

CAPUT XII.

De Laqueariis.

I Laquearia ⁽¹⁾ sunt quæ cameram subregunt, & ornant, quæ & lacunaria dicuntur, quòd lacus quosdam quadratos, vel rotundos ligno, vel gypso, vel coloribus habeant pictos, cum signis intermicantibus. Principalitèr autem lacus dicitur, ut Lucilius: Resultant ædesque, lacusque. Cujus diminutio lacunar facit, ut Horatius: Neque auerum mea renidet in domo lacunar. Indè fit alia diminutio lacunarium, & per antistichon laquearium.

CAPUT XIII.

De Crustis.

I Rustæ sunt tabulæ marmoris. Undè & marmorati parietes crustati dicuntur. Quis ⁽²⁾ autem marmora secandi in crustas rationem excogitaverit, non constat. Fiunt autem arena, & ferro, serraque in præternui linea premente arenas, tractuque ipso secante: sed crassior arena plus erodet marmoris. Nam tenuis fabricis, & polituris accommodata est.

CAPUT XIV.

De Lithostrotis.

I Lithostrota sunt ⁽³⁾ elaborata arte picturæ parvulis crustis, ac tessellis tinctis in varios colores. Tesselli autem à tesseri nominati, id est, quadratis lapillis per diminutionem.

CAPUT XV.

De Plastis.

I Plastica est parietum ex gypso effigies signaque exprimere, pingereque coloribus: πλαστικὴν autem dictum Græcè, quod Latine est pingere terra, vel gypso similitudines. Nam impressa argilla formam aliquam facere plastæ est. Undè & protoplastus est dictus homo, qui ex limo primus est conditus.

CAPUT XVI.

De Pictura.

I Pictura autem est imago exprimens speciem alicujus rei, quæ dum visa fuerit, ad recordationem mentem reducit. Pictura autem dicta, quasi fictura. Est enim imago ficta, non veritas. Hinc & fucata, id est, ficto quodam colore illita nihil fidei, & veritatis habentia. Undè & sunt quædam picturæ, quæ corpora veritatis studio coloris excedunt, & fidem dum augere contendunt, ad mendacium provehunt: sicut qui Chimæram tricipitem pingunt, vel Scyllam hominem sursum, caninis autem capitibus cinctam deorsum.

2 ⁽⁴⁾ Picturam autem Ægyptii excogitaverunt primum umbra hominis lineis circumducta. Itaque initio talis, secunda singulis coloribus, postea diversis: sicque paulatim sese ars ipsa distinxit, & invenit lumen, atque umbras, differentiasque colorum, undè & nunc pictores prius umbras quasdam, & lineas futuræ imaginis ducunt, deinde coloribus complent, tenentes ordinem inventæ artis.

CA-

(1) Cap. XII. Laquearia. Legitur integrum cap. sup. lib. 11. cap. 8.

(2) Cap. XIII. Quis autem marmora secand. è Plin. lib. 36. At nunc terra non è ferro, sed ex are fit. Laudaturque in primis ad id opus Toletana arena.

(3) Cap. XIV. Elaborata arte pict. Ead. sup. lib. 15. cap. 8.

(4) Cap. XVI. Picturam autem Ægypt. è Plin. 35. cap. 6.

CAPUT XVII.

De Coloribus.

1 **C**olores ⁽¹⁾ autem dicti sunt, quòd calore ignis, vel sole perficiuntur, sivè quòd in initio colabantur, ut summæ subtilitatis existent.

2 Colores autem, aut nascuntur, aut fiunt. Nascuntur, ut sinopsis, rubrica, paretonium, melinum, cretria, auripigmentum. Cæteri finguntur, aut arte, aut permixtione.

3 Sinopsis inventa primùm in Ponto est. Indè nomen à Sinope Urbe accepit. Species ejus tres: rubra, & minus rubens, & inter has media.

4 Rubrica vocata, quòd sit rubra, & sanguineo proxima. Hæc plurimis locis gignitur, sed optima Ponto, undè & Pontica dicitur.

5 Syricum rubri coloris pigmentum, ex quo & librorum capita scribuntur. Ipsum est & Phoeniceum appellatum ità, eo quòd in Syria colligatur in lictoribus rubri maris, ubi Phœnices inhabitant.

6 Aliud est autem Sericum, aliud Syricum. Nàm Sericum lana est, quam Seres mittunt: Syricum verò pigmentum, quod Syri Phœnices in rubri maris lictoribus colligunt. Est autem & inter factitios. Nàm sæpè fit, aut ⁽²⁾ sinopide, aut sandyce mixtus.

7 ⁽³⁾ Minium primi Græci in Ephesiorum solo invenisse traduntur.

⁽⁴⁾ Cujus pigmenti Hispania cæteris

Regionibus plus abundat, undè etiam nomen proprio flumini dedit. ⁽⁵⁾ Hujus distillatio argentum liquidum gignit. Minium autem hoc quidam dicunt esse cinnabarim.

8 ⁽⁶⁾ Cinnabaris à dracone, & barro, id est, elephanto cognominatum. Ajunt enim draconum esse sanguinem, dùm implicant elephantos. Ruunt enim belluæ, & dracones obruuntur, quorum fusus cruor terram inficit, fitque pigmentum quiddid solo tinxerit. Est autem pulvis coloris rubri.

9 Prasina, id est, creta viridis, etsi in aliquibus terris promiscuè generetur, ⁽⁷⁾ optima tamen in Libya Cirenensi.

10 ⁽⁸⁾ Chrysocolla colore prasino est, dicta, quòd vena ejus aurum habere traditur. Hæc & in Armenia nascitur, sed ex Macedonia probabilis venit. Foditur autem ex metallis æris, cujus inventio argentum, atque Indicum prodit. Nàm venæ ejus cum iis habent naturæ societatem.

11 Cypria ab Insula Cypro, ubi plurima reperitur.

12 ⁽⁹⁾ Sandaracha in Insula rubri maris Topazo nascitur, colore cinnabari, odore sulphureo. Invenitur autem in aurariis, & argentariis metallis, melior quo magis ruffa, quoque magis virus redolet. Quancquàm & cerussa, si torreatur in fornace, sandaracham facit, undè & color est flammæ. Quod si torreatur, æqua parte rubrica admixta, sandycem reddit.

13 ⁽¹⁰⁾ Arsenicum, quod Latini ob

(1) Cap. XVII. Colores aut nasc. Ex eod.

(2) Sinopide, aut sanlyce. *Disjunctio pro conjunctione. Vid. Plin.*

(3) Minium primi. *Plin. 33. cap. 7. & Viruv. 7. cap. 8.*

(4) Cujus pigmenti Hispan. *Iust. lib. 43.* Gallecie portio Amphilochi dicuntur, Regio cùm æris, & plumbi uberissima, cum minio, quod etiam vicino flumini nomen dedit.

(5) Hujus distillatio argent. liq. gign. à *Plin. 33. cap. 8.*

(6) Cinnabaris à drac. & barr. *Sup. lib. 8. cap. 11. Plin. 33. cap. 7. Solin. cap. 38.*

(7) Optima autem in Lib. Cirenensi. *At Viruv. 7. cap. 7.* Creta viridis pluribus in locis nascitur, sed optima Smyrna. *Ereò querendum, unde hæc sint.*

(8) Chrysocolla. à *Plin. lib. 33. cap. 5. & Dioscorid. lib. 5. cap. 4.*

(9) Sandarach. à *Plin. 33. cap. 5.*

(10) Arsenicum. *Ex eod. 33. cap. 4. & 8. & Dioscorid. lib. 5. cap. 55.*

ob colorem Auripigmentum vocant, colligitur in Ponto ex auraria materia, ubi etiam Sandarachæ. Optimum est, quod in auri colorem transit, purum, & fissile, gracili venarum discursu. Quod verò pallidius, aut Sandarachæ simile est, deterius judicatur. Est & tertium genus squamosum, quo miscetur aureus color. Vis eorum, ut Sandarachæ, sed acrior.

14 ⁽¹⁾ Ochra & ipsa in Insula maris rubri Topazo gignitur, ubi & Sandarachæ. ⁽²⁾ Fit quoque & Ochra, exusta rubrica, in ollis novis luto circumlitis, quæ quanto magis in camino arserit, tanto melior fit. Venetum.

15 ⁽³⁾ Cæruleum temperare primum Alexandria reperit. ⁽⁴⁾ In Italia ex arenæ pulvere, & nitri flore idem faciunt. Sed si Cyprium in fornace adustum huic pramixtioni addes, ⁽⁵⁾ Vestoriani similitudo erit.

16 ⁽⁶⁾ Purpurissimum ex creta argentaria cum purpuris pariter tingitur, bibitque eum colorem celerius lanis. Præcipuum est tamen, quod ⁽⁷⁾ adhuc vase rudibus medicamentis inebriatur. Proximum est, egesto eo, addita creta in jus idem, & quoties id factum est, elevatur bonitas pretiosissimæ purpuræ. Causa est, quod hysgino maximè inficitur, rubeaque.

17 ⁽⁸⁾ Indicum in Indicis invenitur calamis, spuma adhærente limo. Est autem coloris cyanei, mixturam purpuræ, cæruleque mirabilem reddens. Est alterum genus in purpurariis officinis, spuma in æreis cortinis innatans, quam infectores detrahentes siccant.

18 Atramentum dictum, quod sit atrum, cujus species & picturæ, & quotidiano usui necessaria est, istud inter factitios est. Fit enim, & fuligine plurimis modis super ardentes tædas resina adjecta, ⁽⁹⁾ lacusculo edificata, quæ fumum retineat. ⁽¹⁰⁾ Huic Pictores cum aqua admiscent gluten, ut illustrius resplendeat. Ad festinationem autem operis etiam sarmentorum veterum carbones cum glutino triti inducendis parietibus atramenti speciem reddunt. ⁽¹¹⁾ Sunt & qui vini facem siccata excoquant, affirmentque, si ex bono vino fæx fuerit, indicii speciem id atramentum præbere. Sed ⁽¹²⁾ & sarmentum uvæ nigræ, vino optimo tinctum, posteaquàm siccitate aruerit, si exuras, & conteras, adjecto glutino, nitorem indicii reddet. ⁽¹³⁾ Usta, quæ plurimum necessaria est, nullo negotio provenit. ⁽¹⁴⁾ Nam si glebam silis boni igne excoquas, & aceto acerrimo superfusam extinguas, madefacta sfungia colorem purpureum reddit. Eam

Tt ubi

(1) Ochra & ipsa. *Omnia* è Plin. 35. cap. 6.

(2) Fit quoque ex Ochra exusta rub. Sic legitur Plinii locus in Tolet. Cod. Nascitur autem in ferrariis metallis Ochra: ex ea fit exusta rubrica. Quam lectionem confirmat hic Isidori locus, & Dioscorid. de Fabrilis Rubricæ *γίνταται τῆς ὕλης παλαιούτης*. Et Theophr. lib. de Lapidibus. *γίνταται ἐν τῇς ὕλησις, ἀλλὰ χρίσιν*, apud quem mendoisè paullo-post *λίαν* pro *καίαν*, & *πάλαν* pro *παλιν* legitur.

(3) Cæruleum temperare. In Cod. Seg. continenter legitur: Venetum cæruleo temperare: Quod ferri poterat ex Virruv. lib. 7. cap. 11. Sed meliores libri Venetum habent sine interpretatione.

(4) In Italia ex arena. Puteolis ut Virruv. & Plin. tradidere.

(5) Vestoriani. Sic Virruv. lib. 7. cap. 11. Male vulgò apud Plin. Nesteriani. Nam & in Codice Plin. Toletano Vestoriani disertè scriptum est.

(6) Purpurissimum. Ex Plin. lib. 35. cap. 6. è quo, si quid deesse videatur, supplendum est.

(7) Adhuc in vase. Atheno in vase legebat A. Covarruv. ex Plin.

(8) Indicum. Ex eod. lib. 3. cap. 6.

(9) Lacusculo edificata. Plin. Propter quod officinas etiam edificaverat. Virruv. lib. 6. cap. 10. Edificatur locus, uti Laconicum, & ejus præfurnium magna diligentia comprimitur, ne flamma extra dissipetur. Porro lacusculi voce etiam Columella est n. lib. 12. cap. 50.

(10) Huic Pictores. Ità Plinius. Trifores Virruvius lib. 7. cap. 10.

(11) Sunt qui vini facem. è Plin. 35. cap. 3.

(12) Sed & sarmentum. è Virruv.

(13) Usta. è Plin. 35. cap. 6.

(14) Nam & si glebam silis boni. è Plin. mendoisè namque in libris omnibus silicis boni hoc loco legitur.

ubi contriveris, usta erit. Omne autem atramentum Sole perficitur.

19 Omnes colores calcis admixtione corrumpuntur.

20 ⁽¹⁾ Melinum dictum, quod ejus metalli ferax sit una ex Cycladibus Insula Melos nomine. Est enim candidum, nec utuntur eo pictores propter nimiam pinguedinem.

21 ⁽²⁾ Annulare, quod vocant candidum, est, quo mulieres picturae illuminantur. Fit & ipsum ex creta admixtis vitreis gemmis.

22 ⁽³⁾ Cerussa fit hoc modo: In vase enim aceto acerrimo impleto sarmenta Aminea in eodem vasculo collocabis, ac super sarmenta tabulas plumbi tenuissimas pones, deinde vas diligentissimè claudes, illinesque, ne aliquid inde spiraminis exeat. ⁽⁴⁾ Post dies autem xxx. vas aperitur, & ex distillatione tabularum innata cerussa invenitur. Quod ablatum, & arefactum teritur, atque iterum aceto admixto in pastillis dividitur, & in Sole siccatur. ⁽⁵⁾ Hac observantia, si laminas aëreas sarmentis superponas, æruginem creant.

23 ⁽⁶⁾ Chalcanthum.----

CAPUT XVIII.

De Instrumentis Ædificiorum.

1 INstructuram autem parietum ad normam fieri, & ad perpendiculum respondere oportet.

2 ⁽⁷⁾ Norma dicta Græco vocabulo, extra quam nihil rectum fieri potest. Componitur ⁽⁸⁾ autem ex tribus regulis, ita ut duæ sint binum pedum, tertia habeat pedes duos, uncias decem, quas æquali crassitudine politas extremitatibus ⁽⁹⁾ acuminibus sibi jungit, ut schema trigoni faciant. Id erit norma.

3 Regula dicta, quod sit recta, quasi rectula, & impedimentum non habeat.

4 ⁽¹⁰⁾ Perpendiculum est, quod semper appenditur. ⁽¹¹⁾ deniquè in fabrica nisi omnia ad perpendiculum, & certam regulam fiant, necesse est, ut cuncta mendosa instruantur, ut aliqua prava sint, aliqua cubantia, prona nonnulla, alia supina, & propter hoc universa ruunt constructa.

5 Linea genere suo appellata, quia ex lino fit.

6 Trullæ nomen factum, eò quod trudit, id est, includit calce, vel luto lapides.

Mar-

(1) Melinum dictum. à Vitruv. 7. cap. 7. & Plin. 35. cap. 6.

(2) Annulare-Vitreis gemmis. Ex vulgi (addit Plinius) annulis, unde & annulare dictum. Quia verba nunquam profecto Isidorus omisit, etymologias trahens, nisi huic operi summa abfuisse magis.

(3) Cerussa. Ex eod. 34. cap. ultim. & Vitruv. 7. cap. 12.

(4) Post dies autem XXX. per dies. X. Plinius.

(5) Hæc observantia. e Vitruv. 7. cap. 12. vid. Plin. 34. cap. 11. & Dioscorid. 5. cap. 47.

(6) Chalcanthum. Nulla est interpretatio in optima nota libris. In uno tantum Ovet. Colleg. Gotthico leguntur eadem fere verba que in editis, qua (sicut tanti fuerint) Chalcus pro Calcis, sive ut est in Gotthico Chalcitis, & Anthos pro Thymum legat: quamvis Thymum florem etiam interpretetur Isid. sup. lib. 17. cap. 9. sed quid Chalcanto cum Thymo? Sed neque cum argine, nisi sola apud Græcos (ut ait Plin.) cognatio nominis.

(7) Cap. XVIII. Norma à Græco vocab. γράμα.

(8) Componitur autem id erit Norma. Sumpta videntur à Vitruv. lib. 9. cap. 2. At exemplum hic non perinde exactum, quamvis non longe distet. Nam si pedes duos, hoc est, latus unum in uncias redigas, easque quadret, efficiunt uncias 576. Rursusque altero simili addito, conficiuntambo uncias quadratas 1152. Quadratum vero tertii lateris, quod est duorum pedum, & dextantis, hoc est, unciarum 34. continebit, uncias quadratas 1156. Superabit ergo duo quadrata reliquorum laterum unciis quatuor.

(9) Cactuminibus. Ità Onien. Valenti. cum Vitruvio. Reliqui acuminibus.

(10) Perpendiculum. Perpendiculum (ait Ascon. Linea laterum æqualitatem à summo ad imum latitudine probant.

(11) Denique in fab. -ruunt const. Totus locus expressus ex elegantissimis Lucetii versibus lib. 4. Denique ut in fabrica si prava est regula prima. Normaque, &c.

7 (1) Martellus.—

8 Machina.---

9 Scalæ à scandendo vocatæ, ⁽²⁾ hærent enim parietibus. Scalæ autem dicuntur, quæ aut unæ sunt, aut plures, ⁽³⁾ quia numeri tantùm pluralis est nomen, ut litteræ, quæ epistolam significant.

CAPUT XIX.

De Lignariis.

Ignarius generalitèr ligni
Opifex appellatur.

2 Carpentarius speciale nomen est. Carpentum enim solum facit, sicut navicularius, quia tantum navium est fabricator, & artifex.

3 ⁽⁴⁾ Sarcitector dictus, quòd ex multis hìnc indè conjunctis tabulis unum tecti sarciat corpus.

4 Idem & Tignarius, quia tectoria lignis inducit.

5 (s) Lignum vocatur Græca etymologia, quia incensum in lumen convertitur, & in flammam. Unde & lychnium dicitur, quod lumen det.

6 Materia indè dicitur omne lignum, quòd ex ea aliquid efficiatur:

vel si ad januam referas, vel ad statuam materia erit. Ad aliquid enim semper materia accipienda est, sicut elementa materiam rerum esse dicimus, quia inde ea, quæ sunt facta, videmus, & materia, quasi mater, dicta.

7 Trabes vocatæ, quòd in transverso positæ utrosque parietes contineant.

8 Aliud autem sunt tigna, aliud trabes. ⁽⁶⁾ Tigna enim juncta trabem faciunt. ⁽⁷⁾ Trabes autem sunt, cum sunt dolatæ.

9 ⁽⁸⁾ Tholus propriè est veluti scutum breve, quod in medio tecto est, in quo traves coeunt.

10 (9) Cuplæ vocatæ, quòd co-
pulent in se luctantes.

II Luctantes dicuntur, quòd erecti invicem se teneant more luctantium.

12 (10) Agrantes.---

13 (11) Asseres, ab asse dicti, quia soli ponuntur, nequè conjuncti.

14 (12) Scindulæ, eo quòd scindantur, id est, dividantur.

15 ⁽¹³⁾ Epigri clavi sunt, quibus
lignum ligno adhæret.

Tt 2

Cla-

(1) Martellus. *Sic Goth. o. Gloss.* Martellus *σφύρα* *al.* Marcellus. *Item Gloss.* Marculum *σφύριον* *σιδύριον*. & Marcus, Maliculus, & Malicus *σφύρα* *σιδύρα* *καὶ* *κοπαννόν*.

[3] Quia numeri tant. plur. è Serv. *ÆN.* 2. At jurisconsultus singulari est usus, cap. Sit prius. D. de Furt. & Hieron. in *QUEST.* in Genes.

(1) Cap. XIX. Sarcitector. Sic plerique omnes libri, & congruere videtur etymologia, neque eam vocem non probat vir gravissimus Jacobus Cujacius. Unus tantum codex Salmanticus, imprimis vetustus, Arcitector habet, sed de architector dixerat cap. 8. (2) Lignum Græca etymolog. At Pavro ab legendo (inquit) ligna, quod ea cadauere legebantur in agro, quibus in focum uterentur.

(7) Trabes, n. sunt cum sunt dolat, *é Serv. An. 9. ad v.* Has ego Dard. Sanè notandum, trabes, nisi jam casa

(9) Cuplæ. *Al.* coplæ. *Cupolam* vocant hodie Itali dimidiam testudinis partem Vitruvius hemispharium.

(10) *Agrantes*.—*Al. agentes, Al. canantes, sed irā, ut haec voces superiori sententiae annexantur, luctantium more agentes, vel canantes. Atlantes esse legendum, deinde lacunam relinquendam, existimabat Chacon. Vitruvius enim*

6, cap. 10. Si qua (*inquit*) virili figura signa multos, autoctonas sustinent, nostri telamones appellant, cuius rationis, quid ita, aut quare, ex historicis non invenitur, Graeci vero eos Atlantes vocant. Atlas n. historic formatur sustinent mundum. Hat ille, ejus vero rei rationem ita reddit Servius An. 1. Ennius dicit Nilum Melconem vocant, Atlanteum vero Telamonem. Priscos enim illos Romanos, qui Graeca verba emendate enuntiare non possent, pro Atlas non proferre solitos Telamon. Nam in glossis, sic legitur ἀτλας ὅπερ ubi forte scribendum ἀτλας τὸ ἄπει-

(11) Asseres ab asse dicti. Ab asso legerim est n. Nonio assa vox sola vox humana, nullo praeerea admixto sono. Festus aliter. Asseres quod assideant parieti, trabibusque. Alii asseres quasi axeres dictos putant antiqua declinatione axer axeris, ut pulver pulveris.

(12) *Scindula*: Ita quoque apud Rabanum. Eisdem apud alios Auctores scindulas videmus nominari. Manserit fortasse corrupta apud Isidorum vox.

(3) Epigri clavi sunt. *Epiri dicuntur apud August. lib. 15. de Civit. cap. 27. Unde hac sumpta puto. Nisi forte (inquit) lignum verò ligno per subscudines, epiros, clavos, & gluten bituminis non potest adherere, ut fabricaretur ar.*
& fortasse vox clavos glossa est rē epiros, sive epigros malis legere.

16 Clavi autem dicti, quasi chalybi, quia ex chalybe fiunt, id est, ferro. Chalybs enim ferrum est.

17 Tabulæ à Veteribus tagulæ vocabantur, à tegendo scilicet, undè & tegulæ.

18 Commissura dicitur tabularum conjunctio.

19 Sectio autem dicta à sequendo ea, quæ cœperit. ⁽¹⁾ Nàm secare, sectari, & sequi est.

20 Serræ autem nomen de sono factum est, id est, à stridore.

21 Serræ, circinique usum ⁽²⁾ Perdices quidam adolescens invenit, quem puerum Dædalus frater matris suæ, studiis perdocendum acceperat. Cujus pueri tantum ingenium fertur, ut dum materiæ dividendæ compendium quæreretur, spinam piscis imitatus de ferrò laminam exasperans dentium mordacitate armaverit, quam serram artifices nuncupant. Pro cuius artis inventione Dædalus Magister ejus, invidiæ livore permotus, præcipitem puerum ex arce dejecit. Dehinc ⁽³⁾ exulatus Cretam abiit, ibique aliquandiu fuit, ut fabulæ ferunt. Ex Creta pennis volavit, & in Ciliciam venit.

22 ⁽⁴⁾ Circinus dictus, quòd vergendo efficiat circulum. Hujus modus duplicata linea fit, quæ simplex per latitudinem extensa fuerat. Punctus autem in medio circini, centrum

à Græcis dicitur, in cuius medium cuncta convergunt.

23 Securis vocatur, eo quod ea arbores succidantur, quasi succuris. ⁽⁵⁾ Item securis, quasi semicuris. Ex una enim parte acuta est, ex altera fossoria. Hæc & apud Veteres penna vocabatur, utramque autem habens aciem, ⁽⁶⁾ bipennis. Nàm bipennis dicitur, quòd ex utraque parte habeat acutam aciem, quasi duas pennas. Pennum autem Antiqui acutum dicebant. ⁽⁷⁾ Undè & avium pennæ, quia acutæ. ⁽⁸⁾ Et ecce nomen, quod reservavit antiquitatem, quia Veteres dicebant pennas, non pinnas. Hæc & Dolabra, quòd habeat duo labra, nàm securis simplex est.

24 ⁽⁹⁾ Dextralis, dexteræ habilis.

25 Ascia ab hastulis dicta, quæ à ligno eximit, cuius diminutivum nomen est asciola. Est autem manubrio brevi ⁽¹⁰⁾ ex aversa parte referens, vel simplicem malleum, aut cavatum, vel bicornè rastrum.

26 Scalprus dictum, quòd scalp-tur, & foraminibus sit aptus, quasi scalforus. Cuius diminutivum scalpel-lus.

27 Terebra vocata à verme ⁽¹¹⁾ ligni, qui nuncupatur terebra, quem Græci *τερεβρυα* vocant. Hinc terebra dicta, quòd ut vermis terendo forat, quasi terefora, vel quasi transforans.

28 ⁽¹²⁾ Taratrum, quasi teratrum.

Sco-

(1) Nàm secare sectari, & sequi. *Serv. An. 10.* Quam quisque secat spem, secat (inquit) sequitur.

(2) Perdices quidam. è *Serv. Georg. 1. Vid. Ovid. Metam. 8.*

(3) Exulatus abiit. *Eodem modo Victor. lib. 2. de Persec. Vandal.* Fratrem verò Theodoricum nudum, atque destitutum similiter exulavit.

(4) Circinus dictus. *Elegantissimè descripsit Ovidius circinum.* Primus & ex uno duo ferrea brachia nodo. Junxit, ut aequali spatio distantibus illis. Altera pars staret, pars altera duceret orbem.

(5) Item securis q. semicuris. è *Serv. An. 1. ad illud.* Remo cum f. Quir.

(6) Bipennis dicitur, quòd ex utraque parte. *Ita Non.* in bipenni.

(7) Undè & avium pennæ, quia acutæ. *Quintil. lib. 1. cap. 6.* Ne miretur, cur ex scamno fiat scabellum, aut à pennas, quòd est acutum securis, securis utrinque habens aciem bipennis: illorum sequatur errorem, qui, quia à pennis (Al. pinnis) duabus hoc esse nomen existimant, pinnas, (Al. pennas) avium dici volunt.

(8) Et ecce nomen quòd servavit antiqui. *Serv. An. 2.* Corrupta dura bipenni, hoc (inquit) nomen servavit antiquitatem, quia Veteres pennas dicebant, non pinnas.

(9) Dextralis. *Utitur hac voce Victor. lib. 1. de Persec. Vandal.* Ubi fortè venerabilis aulæ clausas repererat portas, certatim ictibus dextralium aditum reserabant.

(10) Ex aversa parte. *Ex Pallad. lib. 1. cap. ultim.*

(11) A verme ligni, qui vocatur terebra. *Termitem vocavit supra lib. 12. cap. 5.*

(12) Taratrum. *Vulgo taladro.*

Scofina dicta, quòd hærendo scopphen faciat.

29 ⁽¹⁾ Cantherium.---

30 ⁽²⁾ Galla.-----

31 ⁽³⁾ Guvia.-----

CAPUT XX.

De Inventione Lanificii.

1 **M**inervam ⁽⁴⁾ quandam Gentiles multis ingeniis prædicant. ⁽⁵⁾ Hanc enim primam lanificii usum monstrasse, hanc etiam telam ordisse, & colorasse lanas perhibent.

2 ⁽⁶⁾ Olivæ quoque hanc dicunt inventricem, & fabricæ, multarumque artium repertricem. Ideoque illi vulgò Opifices supplicant. Sed & hoc poetice fingitur. ⁽⁷⁾ Non enim Minerva istarum artium Princeps est, sed quia sapientia in capite esse dicitur hominis, & Minerva de capite Jovis nata fingitur, hoc est, ingenium, ideòque sensus sapientis, qui invenit omnia, in capite est. Ideò & Dea artium Minerva dicitur, quia nihil excellentius est ingenio, quo reguntur universa.

CAPUT XXI.

De Veste Sacerdotali in lege.

1 **O**cto ⁽⁸⁾ sunt in lege generalia Sacerdotalium vestimentorum.

2 ⁽⁹⁾ Poderis est Sacerdotalis linea,

corpori astricta usque ad pedes descendens, undè & nuncupatur. Hæc vulgò Camisia vocatur.

3 Abaneth cingulum Sacerdotale rotundum polymita arte ex cocco, purpura, hyacinthoque contextum, ita ut flores, atque gemmæ in eo viderentur esse distinctæ.

4 ⁽¹⁰⁾ Pileum est ex bysso rotundum, quasi sphaera media, caput tegens Sacerdotale, & in occipitio vitta constrictum. Hoc Græci, & nostri Tiaræ, vel ⁽¹¹⁾ Galeriam vocant.

5 Mahil, quod est tunica talaris, tota hyacinthina, habens ad pedes LXXII. tintinabula, totidemque intermixta, ac dependentia punica mala.

6 Ephod, quod Latine interpretatur ⁽¹²⁾ superindumentum. Erat enim pallium superhumeralè, ex quatuor coloribus, & auro contextum, habens in utroque humero lapides duos smaragdinos, auro conclusos, in quibus sculpta erant nomina Patriarcharum.

7 ⁽¹³⁾ Logion, quod Latine dicitur Rationale, pannus duplex, auro, & quatuor textus coloribus, habens magnitudinem palmi per quadrum, cui intexti erant XII. pretiosissimi lapides. Hic pannus superhumerali contra pectus Pontificis annecebatur.

8 ⁽¹⁴⁾ Petalum, aurea lamina in fronte Pontificis, quæ nomen Dei Tetragrammaton Hebraicis litteris habebat scriptum.

Tt 3

Ba-

(1) Cantherium. Gloss. Cantherius κατ' ἄλλους μυχαρίδος.

(2) Galla. ---A pterisque libris abest Eucrit fortasse terebra Gallica, quæ bibrequi dicitur.

(3) Guvia. ---Retinet idem nomen hodie apud nos.

(4) Cap. XX. Minervam quand. Alii. quidam.

(5) Hanc primam lanific. Serv. Æn. 7. Bellatrix non illi. c. u. Minervæ; & armorum (inquit) dea est, & lanificiæ.

(6) Olivæ quoque. Virg. Georg. 1. Oleæque Minerva inventrix.

(7) Non n. Minerva istar. ---universa. e Serv. eclog. 1.

(8) Cap. XXI. Octo. Totum hoc caput sumptum e Hieronymi Ep. ad Fabiolam 128. de Veste Sacerdotali. Octo quidem vestimenta Sacerdotalia numerantur bis in Exodo: ut in Levit. septem (omittuntur n. femoralia) cuius rei causam reddit Hieronym.

(9) Poderis. Hebraicè כֶּתֶנֶת Chethoneth.

(10) Pileum. Heb. מִצְנַפֶּת Miznepheth.

(11) Galeriam voc. Hieron. Galerum.

(12) Ephod. Superindumentum, erat enim; absunt hæc ab Ovet. Colleg. Gothico.

(13) Logion. Heb. לֹגִיּוֹן Chosen.

(14) Petalum. Heb. צִיץ זָהָב Ziz zaab.

9 ⁽¹⁾ Badim, sivè fœminalia, id est, brachæ lineæ usque ad genua perringentes, quibus verecunda Sacerdotis velabantur.

CAPUT XXII.

De Nominibus Vestium cæterarum.

1 **D**iversitas vestimentorum, tegmen, tegumen, indumentum, vestimentum, & reliqua.

2 Tegmen dictum, eo quod tegat membra: sicut tegumen, tecta, quæ tegunt corpora.

3 Indumentum, quod intus ad corpus induitur, quasi intumentum.

4 Vestimentum verò est, quod usque ad vestigium protenditur, quasi vestigimentum, ut est tunica talaris. Sed & hæc consuetudo sermonis Auctorum confundit.

5 Amictus.---

6 Discernitur autem vestitus à cultu, quoniam lautior intelligitur cultus. Item cultus ab habitu. Nam habitus ad naturam pertinet, cultus ad homines.

7 Pleræque autem vestium, aut à tempore, quo maximè in usu sunt, appellantur, aut à locis, ubi vel primum confectæ, vel maximè venditantur, aut à genere coloris, aut à nomine repertorum.

8 Vestis antiquissima hominum

fuit ⁽²⁾ Perizoma, id est, succinctorium, quo tantum genitalia conteguntur. Hoc primum primi mortales è foliis arborum sibi fecerunt, quando post prævaricationem erubescences pudenda velarunt. Cujus usum quædam Barbaræ gentes, dum sint nudæ usque hodiè tenent. ⁽³⁾ Hæc & campestria nuncupantur, pro eo quod eisdem juvenes, qui nudi exercentur in campo, pudenda operiunt.

9 Tunica vestis antiquissima appellata, quia in motu incendensis sonum facit. Tonus enim sonus est. Primum autem fuere pellicæ tunica, quibus post offensam, & ejectionem de Paradiso, Adam & Eva induti sunt.

10 ⁽⁴⁾ Talaris tunica dicta, eo quod ad talos usque descendat, & ad pedes defluat, ⁽⁵⁾ sicut Pectoralis quia apud Antiquos brevis erat: ut tantum pectus operiret, licet nunc profusior sit.

11 ⁽⁶⁾ Manicleata tunica, id est, manicata, eo quod habeat manicas, quàm *χειριδῶτος* Græci vocant.

12 Dalmatica vestis primum in Dalmatia Provincia Græciæ texta est, tunica ⁽⁸⁾ Sacerdotalis candida cum clavis ex purpura.

13 ⁽⁹⁾ Russata, quàm Græci phœniceam vocant, nos coccineam, ⁽¹⁰⁾ reperta à Lacedæmoniis ad celandum coloris similitudine sanguinem, quorients quis in acie vulneraretur, nè contemplantis adversario animus augesceret. Hac sub Consulibus Romani usi sunt mi-

(1) Badim. כְּרִים Et magis proprio nomine מִכְנֶסֶי michnesi.

(2) Cap. XXII. Perizoma, i. succinctorium. Id quale fuerit vid. apud August. lib. 5. contra Julianum.

(3) Hæc & campestre. operiunt. Verba sunt August. 14. de Civit. cap. 17. Horatius Penula solstitio, campestre nivalibus auris.

(4) Talaris tunic. è Hieron. ad Ezech. cap. 9.

(5) Sicut pectoralis. Græcè ἱερίσις, quod (ut ait Agell. lib. 12.) substricta, & brevis esset, ac citra humerum deberet.

(6) Manicleata. S. o. l. Rabanus Manicleata. Ego manulecata lego, sic enim dicitur apud Plaut. in Pseud. & Sueton. in Caligul. Manicatis tunicis dixit Cicer. in 2. Catilin. Gloss. Manulca χυρίτι.

(7) Quam Chirodoton. Ità Agell. lib. 7. cap. 12. Quod χαγιδας, hoc est, manicas longas habeat. Eandem macrocheas vestes à Lampridio in Alexandro appellari puto.

(8) Dalmatica tunica. Eam Romanis in usu fuisse constat ex Lamprid. in Heliogabalo, quem ait dalmaticum in publico post cenam sæpe visum: Ut autem Diaconorum inter sacrificandum vestis esset, instituit Sylvester.

(9) Russata. Russus si Thylesio credimus, Latina quidem vox, sed aratorum magis, quàm oratorum.

(10) Repertam à Laced. Ità Philostrat. in Epistolis.

milites, undè etiam Russati vocabantur. ⁽¹⁾ Solebant etiam pridie, quam dimicandum esset, ante principia proponi, quasi admonitio, & indicium futuræ pugnæ.

14 Laculata est, quæ lacus quadratos quosdam cum pictura habet in textis, aut additis acu.

15 ⁽²⁾ Hyacinthina vestis est, ærio colore resplendens.

16 ⁽³⁾ Molochinia, quæ malvarum stamine conficitur, quam alii molocinam, alii malvellam vocant.

17 Bombycina est à bombice vermiculo, qui longissima ex se fila generat, quorum textura bombycinum dicitur, conficiturque in Insula Coo.

18 Apocalama.---

19 Serica à serico dicta, vel quòd eam Seres primi miserunt.

20 Holoserica, tota serica, ὅλον enim totum.

21 Tramoserica stamine lineo, trama ex serico.

22 ⁽⁴⁾ Holoporphyra tota ex purpura.

23 ⁽⁵⁾ Byssina candida confecta ex quodam genere lini grossioris. Sunt & qui genus quoddam lini byssum esse existiment.

24 Fibrina tramam de fibri lana habens.

25 Aprina.---

26 Masticina.---

27 ⁽⁶⁾ Mena.---

28 Linea, quæ ex solo lino fit.

29 Linostema vestis est ex lana, linoque contexta. Et dicta linostema, quia in stamine linum, in trama lanam habet.

30 ⁽⁷⁾ Recta dicitur vestis, quam sursum versum, stantesque texunt.

31 ⁽⁸⁾ Segmentata zonis quibusdam, & quasi præcisamentis ornata. Nam & particulas cuicumque materie abscissas præsegmina vocant.

32 ⁽⁹⁾ Levidensis, quòd raro filo sit, levitèrque densata.

33 Pavitensis contraria Levidensi dicta, quòd gravitèr pressa, atque calcata sit.

34 ⁽¹⁰⁾ Citrosa, quasi concrispa ad similitudinem citri. ⁽¹¹⁾ Nævius: Pulchramque ex auro, vestemque citrosam.

35 ⁽¹²⁾ Velensis tunica est, quæ affertur ex Insulis.

36 ⁽¹³⁾ Exotica vestis est, peregrina de foris veniens, ut in Hispaniam à Græcis.

37 ⁽¹⁴⁾ Polymina, multicoloris. Polymitus enim textus multorum colorum est.

38 Acupicta vestis, acu textilis, vel acu ornata. ⁽¹⁵⁾ Eadem & Phrygia. Hujus enim artis periti Phrygii omnes dicuntur: sive quia in Phrygia inven-

ta

(1) Solebant n. prid. *Plutarch. in Fabio, Bruto, & Pompejo.*
 (2) Hyacinthina vest. acr. col. *Hieron. ad Fabiol. Hyacinthus acris tribuitur propter coloris similitudinem.*
 (3) Molochinia, quæ malv. stamin. *Melius credo, Nonius: Molochinum à Græco, color est flori similis malvæ.*
 (4) Holoporphyr. *Primum trabea genus ex tribus, de quibus Serv. Æn. 7. Ipsi Quirinali trab.*
 (5) Byssina ex quodam genere lini. *Al. ligni. Male quamvis non desit, qui eam lectionem veram esse contendat, ex verbis Philostrati lib. 2. de Vit. Apol. Byssum autem ex arbore nasci ferunt, quæ altitudine Populus æquet, foliis autem salicis similis est: Nam idcirco verum est e ligno grossiori vestes confici? Rursus de Byssio infra cap. 27.*
 (6) Mena.---Masticina.---*Vid. inf. cap. 28.*
 (7) Recta. *Ex Festo in Recta, & Regillis.*
 (8) Segmentata. *Vid. Serv. Æn. 1. ad v. Colloq. monile.*
 (9) Levidensis. *Nihil moror varias aliorum apud Cicer. Ep. 12. lib. 9. sive scripturas, sive conjecturas.*
 (10) Citrosa. *Festus: Citrosa vestis à similitudine citri.*
 (11) Nævius pulchramque ex a. v. q. c. *Vid. Macrob. Saturn. 3. cap. 19.*
 (12) Velensis. *Al. Velencensis. Quid si Melensis à Melo una ex Cycladibus? aut Melitensis cuius meminit Cicer. lib. 2. in Perr. Dico te maximum pondus auri, argenti, eboris, purpuræ plurimam vestem, Melitensem plurimam, stragulam, &c.*
 (13) Exotica. *Nonius: Exoticum adventitium Plaut. Mostell. Non omnes possunt olere unguenta exotica.*
 (14) Polymita multicol. *Plin. Plurimis verò licis texere, quæ polymina appellant Alexandria instituit.*
 (15) Eadem & Phryg. & Serv. Æn. 3. vel *Plin. lib. 8. cap. 48.*

ta est. Undè & Artifices, qui id faciunt, Phrygiones dicuntur. Virgilius: Phrygiam Ascanio chlamydem.

39 ⁽¹⁾ Trilicis à tribus liciis, quia est simplex, & biley. ⁽²⁾

40 ⁽³⁾ Ralla, quæ vulgò rasilis dicitur.

41 ⁽⁴⁾ Interpola vestis, illa vocatur, quæ dum sit vetus ad novam speciem recuratur.

42 ⁽⁵⁾ Pannutia nuncupata, quòd sit diversis pannis obsita.

43 ⁽⁶⁾ Colobium dictum, quia longum est, & sine manicis. Antiqui enim magis hoc utebantur.

44 ⁽⁷⁾ Lebitonarium est colobium sine manicis, quali Monachi Ægyptii utuntur.

45 ⁽⁸⁾ Lumbare vocatur, quòd lumbis religetur, vel quòd lumbis hæreat. Hoc in Ægyptio & in Syria non tantum foeminae, sed & viri utuntur. Undè & Jeremias trans Euphratem tulit lumbare suum, ibique illud in foramine petrae abscondit, & postea scissum reperit. Hoc à quibusdam & Renale dicitur, quia renibus alligatur.

46 ⁽⁹⁾ Limus est vestis, quæ ab umbilico usque ad pedes producitur. Hæc autem vestis habet in extremo sui purpuram limam, id est, flexuosam. Undè & nomen accepit. Nam limum obliquum dicimus.

47 Licinum vocatum, quòd textura ejus ligata sit in totum, quasi di-

ceret lignum, c. pro g. littera commutata.

48 ⁽¹⁰⁾ Armelausa vulgò vocata, quòd antè & retrò divisa, atque aperta est, in armos tantum clausa, quasi armiclausula, c. littera ablata.

49 Camisas vocamus, quòd in his dormimus in camis, id est, in stratis nostris.

50 Femoralia appellata, eo quòd femora tegant. Ipsa & brachæ, quòd sint breves, & verecunda corporis iis velentur.

51 ⁽¹¹⁾ Tubrucus vocatus (dicunt) quòd tibias, brachasque tegant.

52 ⁽¹²⁾ Tubraci, quòd à brachis ad tibias usque perveniant.

CAPUT XXIII.

De Proprio quarumdam Gentium habitu.

I **Q**uibusdam autem nationibus sua cuique propria vestis est, ⁽¹³⁾ ut Parthis Sarabara, ⁽¹⁴⁾ Gallis Lenæ, ⁽¹⁵⁾ Germanis Rhonones. Hispanis Stringes. Sardis Mas-trucæ.

2 Sarabara sunt fluxa, ac sinuosa vestimenta, de quibus legitur in Daniele: Et Sarabara eorum non sunt immutata. Et Publius: Ut quid ergo in ventre tuo Parthi Sarabara suspenderunt? Apud quosdam autem Sarabara-

(1) Trilicis. S. o. l. Trilex, aut Trilix malim. Sed frequens in hoc opere huiusmodi obliquus pro recto, ut calceis pro calce.
 (2) Et biley. Virgil. Æn. 12. Rumpique infixa bilicem lorica. Gloss. bilicx ἀνιόντων δίπλων.
 (3) Ralla, quæ vulgò rasil. Ar Nonius: Ralla vestis, dicta à rasilac. Plaut. Epid. Tunicam rallam, tunicam spissam.
 (4) Interpola. Martianus cap. 45 D. de Contrah. empt. Labco libro posteriorum scribit: Si vestimenta interpola quis pro novis emerit, Trebatio placere; ita emptori præstandum, quod interest, si ignorans interpola emerit.
 (5) Pannutia. Sic animum Baucidem Persius pannutiam dixit.
 (6) Colobium-utebantur. e Serv. Æn. 9. Et tunica manic. c. h. r. m. Vid. Annot. in Cassian.
 (7) Lebitonarium. Hieron. in Præfat. ad Regul. S. Pachomii: Nihil habent (Monachi) in cellulis, præter psalterium, & duo lebitonaria, quod Ægyptiis Monachis genus est vestimenti sine manicis. Suid. ἀλφειονάγιον, χιτών μοναχική.
 (8) Lumbare. Vid. Hieron. ad Jerem. cap. 13. & in Proöm. comm. in Ose.
 (9) Limus est vestis. e Serv. Æn. 12. Velati lino (al. iimo) & verb. t. c.
 (10) Armelausa. Utitur hac voce Paulinus.
 (11) Tubrucus. Al. Tubricos, al. Tubraicos.
 (12) Tubraci-perveniant. Absunt hæc à Valent. & omitti sine fraude poterant.
 (13) Cap. XXIII. Ut Parthis Sarabara. Sic communis editio Græcorum, (quam sequi solet Luid.) Dan. 3. καὶ τὰ ἐσφάζα, ἃ αὐτῶν ἦν ἀλλοιότα, Aquila vero, Theodos. & Hieron. Saraballa, melius. Syriace enim סרבר Sarbal.
 (14) Gallis lenæ. Ità Sarab. lib. 4. de Helvetior. & Arvernorum vestitu.
 (15) Germanis Rhonones. Casar. lib. 4. de Bell. Gall.

bara quædam capitum tegmina nuncupantur, qualia videmus in capite Magorum picta.

3 Lenæ, saga quadra, & mollia sunt. De quibus Plautus : Lena cooperta est tetrina Gallia.

4 Rhenones sunt velamina humerorum, & pectoris usque ad umbilicum, atque intortis villis adeò hispida, ut imbres respuant, quos vulgò Reptos vocant, eò quòd longitudo villorum, quasi reptat. De quibus Sallustius : Germani intestum rhenonibus corpus tegunt. Dicti autem ⁽¹⁾ Rhenones à Rheno Germaniæ flumine, ubi iis frequentèr utuntur.

5 ⁽²⁾ Mastruca, vestis Sarda ex pelliculis ferarum, de qua Cicero pro Scauro : Quem purpura regalis non commovit, eum Sardonum mastruca mutavit. Mastruca autem dicta, quasi monstruosa, eò quòd qui ea induuntur, quasi in ferarum habitum transferuntur.

6 ⁽³⁾ Dinoscuntur & gentes ità habitu, sicut & lingua discordes. Persæ ⁽⁴⁾ brachia, & crura linamentis, caput tiara tegunt. Eminent apicibus fastigiatis Alani : ⁽⁵⁾ horrent & malè tecti cum latratoribus linguis Scotti : sagati sunt Alemanni ; linteati Indi : gemmati Persæ : sericati Seres : pharetrati Armenii.

7 Nonnullæ etiam gentes non solum in vestibus, sed & in corpore

⁽⁶⁾ aliqua sibi propria, quasi insignia

vindicant, ut videmus cirros Germanorum : granos, & cinnabar Gothorum : stigmata Britonum. Circumcidunt Judæi præputia : pertundunt Arabes aures : flavent capitibus intesti Geræ, nitent Albani albertibus crinibus. Mauros habet tetra nox corporum, Gallos candida cutis, sine equis inertes extant Alani, nèc abest genti Pictorum nomen à corpore, quòd minutis Opifex acus punctis, & expressus naviti graminis succus illudit, ut has ad sui specimen cicatrices ferat, pictis artubus maculosa nobilitas.

8 Habet & sexus institutam speciem habitus, ut ⁽⁷⁾ in viris tonsi capilli, in mulieribus redundantia crinium : quod maxime virginibus insigne est, quarum & ornatus ipse propriè sic est, ut concumulatus in verticem ipsam capitis sui arcem ambitus crinium contegat.

CAPUT XXIV.

De Palliis Virorum.

1 **P**allium est, quo ministrantium scapulæ conteguntur, ut dum ministrant expediti discurrant. Plautus : Si quid facturus es, appende in humeris pallium, & pergat, quantum valet, tuorum pedum pernecitas. Dictum autem pallium à pellibus, quia prius super indumenta pellicia Veteres utebantur, quasi pellea, sive à palla per derivationem.

Chla-

(1) Rhenones à Rheno G. f. *Alii ànd rên jênw, id est, ovib. Serv. Georg. 3.* Ut Sallustius dicit in historiis, vestes de pellibus Rhenones vocantur.

(2) Mastruca. Vestis Sarda. *Ità Tarrac. Simanc. Hispal. Majorad. Plures tamen à Gothicis. Mastruca vestis Germanica : qua lectio (nisi obstaret locus à Cicerone citatus) ferri poterat. Prudentius. Tentavit Geticus nuper delere tyrannus. Italiam patrio veniens juratus ab Istro, Has arcus æquare solo, tecta aurca flammis solvere, mastrucis proceres vestire rogatos.*

(3) Dinoscuntur gentes ità habit, & ling. *Respexisse videtur ad Virgilii verba :* Incedunt vidæ longo ordine gentes. Quam variæ ling. habitu tam vestis, & armis.

(4) Brach. & crur. linament. *Al. linamentis. Usurpat eam vocem Plinius.*

(5) Horrent & malè tecti. *Heteromalis tecti legit quidam lib. 1. Rer. German. id est, vestimentis altera parte villosis : rectè opinor.*

(6) Aliqua sibi propria q. insig. vend. *Tertull. libro de Veland. virg. Debeant & ipsi aliqua sibi insignia defendere, aut pennas Garamantum, aut strobilos barbarorum, aut cicadas Atheniensium, aut cirros Germanorum, aut stigmata Britonum.*

(7) In viris tonsi capilli. *Vir si comam nutriat ignominia est illi. 1. ad Corinth.*

2 Chlamys est, quæ ex una parte induitur, nequæ consuitur, sed fibula infrænatur. Hinc & Græcè nomen accepit.

3 Toga dicta, quòd velamento sui corpus tegat, atque operiat. ⁽¹⁾ Est autem pallium purum forma rotunda effusiore, & quasi inundante sinu, & sub dextro veniens supra humerum sinistrum ponitur, cujus similitudinem in operimentis simulacrorum, vel picturarum aspicimus, easque statuas togatas vocamus.

4 Toga autem Romani in pace utebantur: belli autem tempore paludamentis. ⁽²⁾ Mensura togæ justa, si sex ulnas habeat.

5 ⁽³⁾ Toga palmata dicebatur, quam merebantur ii, qui reportabant de hostibus palmas. ⁽⁴⁾ Ipsa vocabatur & toga picta, eò quòd victorias cum palmis intextas haberet.

6 Toga candida, eademque cretata, in qua candidati, id est, Magistratum petentes ambiebant, addita creta, quo candidior, insigniorque esset. Cicero orationem, quam habuit contra competitores, in toga candida inscripsit.

7 ⁽⁵⁾ Cinctus Gabinus est, cum ita imponitur toga, ut togæ lacinia, quæ postsecus rejicitur, atrahitur ad

pectus, ita ut ex utroque latere ex humeris picturæ pendeant, ut Sacerdotes Gentilium faciebant, ⁽⁶⁾ aut cingebantur Prætores.

8 ⁽⁷⁾ Trabea erat togæ species ex purpura, & cocco, qua operi Romanorum Reges initio procedebant. ⁽⁸⁾ Hanc primùm Romulus adinvenisse perhibetur, ad discretionem Regii habitus. Trabea autem dicta, quòd in majori gloria hominem ⁽⁹⁾ transbearet, hoc est, ultrà & in posterum ampliori dignitate honoris beatum faceret.

9 Paludamentum erat insigne pallium Imperatorum cocco, purpuræque, & auro distinctum. De quo Salustius: Togam, inquit, paludamento mutavit. Erat enim pallium bellicum, dictum, ut quibusdam videtur, quòd eo indutus palam faceret Imperator bellum futurum.

10 Circumtextum est, quòd Græcè *κύβηλος* dicitur, de quo Virgilius: ⁽¹⁰⁾ Et circumtextum croceo velamen acantho. Circumtextum autem dictum, quia est rotundum pallium.

11 ⁽¹¹⁾ Diplois, Græcum nomen, ab eo quòd sit duplex amictus. Horatius: Contra quem duplici panno patientia velat. ⁽¹²⁾ Est autem vestis militaris, cujus usus Gallicis primùm expeditionibus cepit è præda hostili. De quo

(1) Cap. XXIV. Est autem pallium purum. Toga pura dicebatur, qua sine purpura erat, purum pallium qui dixerit non video, itaque rō purum debebat Gnacon. Nām pura vestimenta alio sensu dicuntur a Festo, & à Serv. in Fragmentis.

(2) Mensura tog. just. si sex uln. Horat. in Epod. Videsne sacram merente te vium cum bis ter ulnarum toga: Ut oraretur huc & illuc, &c.

(3) Toga autem palin. Serv. eclog. 10. Sanguineis ebulli bacc. Palmata toga, qua utebantur illi, qui palmam merebantur.

(4) Ipsa vocatur & toga picta. Vid. Fest. in Picta.

(5) Cinctus Gabin. Vid. Serv. Æn. 7. Ipse Quirinali trabea, cinctusque Gabino: Quod autem postsecus dixit, sic in Gloss. Postsecus *επισπινθη*, & *επισπινθη* antiscelus.

(6) Aut cingebantur Prætores. Consules voluit dicere.

(7) Trabea erat tog. sp. &c. Serv. Æn. 7. Trabea toga est angustum de cocco, & purpura.

(8) Hanc primùm Romul. Plinius lib. 9. cap. 39. Purpuræ usum Romæ semper fuisse video, sed Romulo in trabea.

(9) Transbearet. Itā Catib. cc. alii transveheret.

(10) Et circumtextum. Servius. Velamen (circumtextum intellige) cycladem significat. Non ut velamen appositio sit rō circumtextum (quod putavit quidam) sed ut velamen sit circumtextum croceo acantho. Nām circumtextum participium est: nihil minus quam pictum, cum idem versus paullo post apud Maronem nonnihil mutatus repetitur: Pallamque & pictum croceo velamen acantho. Quamvis etiam circumtextum substantivè, vel vestis genus sit, vel positus vestimenti pars. Varro lib. 4. Amictus est dictum amjectum, id est, circumjectum, à quo etiam quod vestes se involvunt, circumjectum appellatur, & quod amictui habent purpuram circum, vocant circumtextum.

(11) Diplois. Serv. Æn. 7. Hæc fanus duplicem e. h. r. a. id est, abollam, quæ duplex est, sicut chlamys, Hor. contra quem duplici panno sapientia velat.

(12) Est autem vestis militaris. Perversus hæc diploidi in omnibus libris tribui, qui non videantur?

quo vox illa Senatus: ⁽¹⁾ Togis depositis, Quirites, (ite) ad saga.

12 Sagum autem, Gallicum nomen est, dictum autem sagum quadratum, eò quòd apud eos primum quadratus, vel quadruplex esset.

13 ⁽²⁾ Pænula, est pallium cum fimbriis longis.

14 ⁽³⁾ Lacerna pallium fimbriatum, quo olim soli milites utebantur. Undè & in distinguenda castrensi urbanaque turba hos rogatos, illos laceratos vocabant. ⁽⁴⁾ Indè autem lacerinae, quasi amputatis capitibus fimbriarum, neque ità laxis, ut sunt pænu-
larum.

15 ⁽⁵⁾ Mantum Hispani vocant, quod manus tegat tantum. Est enim breve amictum.

16 ⁽⁶⁾ Prætexta, puerile pallium est, quo usque ad sedecim annos pueri nobiles sub disciplinæ cultu utebantur. Undè & prætextati pueri appellati sunt. Dicta autem prætexta, quia prætexebatur ei latior purpura.

17 Casula, est vestis cucullata, dicta per diminutionem à casa, quod totum hominem tegat, quasi minor casa. Undè & cuculla, quasi minor cella: sic & Græci ⁽⁷⁾ Planetas dictos volunt, quia oris errantibus evagan-

tur. Undè & stellæ planetæ, id est, vagæ, eo quod vago sui errore, motuque discurrunt.

18 Birrus à Græco vocabulum trahit: illi enim birrum bibrum dicunt.

19 Melotes, quæ etiam pera vocatur, pellis est caprina, à collo pendens, præincta usque ad lumbos. Est autem habitus propriè necessarius ad operis exercitium. Fiebat autem prius, ut quidam æstimant, de ⁽⁸⁾ pelliculis melonum. Undè & melotæ vocatæ sunt.

20 Fimbriæ vocatæ.---

21 Ora vestimentorum, hoc est, fines ex Græco vocabulum trahentes. Græci enim terminum ὄρον vocant.

CAPUT XXV.

De Palliis Fœminarum.

1 Regillum, ⁽⁹⁾ est prælaatum Reginarum amiculum, undè & appellatum. ⁽¹⁰⁾ Peplum matronale pallium ex purpura signatum: cujus fimbriæ aurei staminis summitate resplendent.

2 ⁽¹¹⁾ Palla est quadrum pallium muliebris vestis deductum usque ad vestigia, affixis in ordinem gemmis.

⁽¹²⁾ Et palla dicta, ἀπὸ τοῦ πάλαι, id est,

(1) Togis depositis, Quirites, ad saga. Additur in quibusdam iverunt: in aliis, vel fuerunt, vel fugerunt, vel conversi faciunt. Nempe adulterina omnia. Ergo solemnia verba. Illa fuere in tumultu: Togis depositis, Quirites, ad saga. Vel etiam Togis depositis, Quirites, ite ad saga: Quod potius eor. Nam illud ite quod post: Quirites se, nebat: à librariis eandem syllabam (ut fit) non repetentibus, omissum: frequens apud Ciceronem ire, & redire ad saga. Itemque saga sumere, & togas deponere. Vid. Philipp. 5. 6. 8. & 14.

(2) Pænula est pallium cum fimb. long. Satis id confirmant Ciceron. verba in Miloniana: Quid minus promptum ad pugnam, cum pænula irretitus, rheda impeditus, uxore pene constrictus esset? Quin & pænula quoque ipsa stricta, & angusta fuit, & Grammaticorum, & Rhetorum. Tacit. de Causis corrupt. eloq. Quantum humilitatis putamus eloquentiæ attulisse pænulas istas, quibus astricti, & velut inclusi cum iudicibus fabulamur?

(3) Lacerna—quo olim soli milit. propri. Textitur hæc castris quarta lacerna tuis.

(4) Indè autem lacerinae, quasi amput. cap. Fest. in lacerare: lacerna quod minor capicio sit.

(5) Mantum Hispan. Pollux: μακρὸν, ἰσχυρὸν τὸ τῷ καλεμένῳ φαιδρὸν ἔμειν. Ergo fusiores agnovi hæc vestem Pollux, quam Isidorus, si notationem recipimus.

(6) Prætexta puerile pall. Redi, sed fuit etiam prætextæ magistratum. Vid. Fest. & Bayf.

(7) Planetæ—birrus—Melotes. Vid. Annot. in Caesian. quod autem in omnibus libris legitur birrum bibrum dicunt mendam puto. Nam βίβρυς apud Suidam dicitur, & in Gloss. βίβρυς birrus.

(8) De pelliculis melonum. Immo μελόν, id est, ovium, quauvis melonis animalis supra meminere lib. 12. cap. 1.

(9) Cap. XXV. Regillum. Vid. Fest. & Non.

(10) Peplum. Serv. Æn. 1. Peplum propriè est palla picta fœminæ Minervæ consecrata. Hodie tamen abutuntur hoc nomine.

(11) Palla est quadrum pall. Fortasse è Tertulliano, qui quadrangulum describit pallium. Nisi aliena hac esse dicamus.

Nam servius è quo sunt reliqua, Æn. 11. Palla (inquit) propriè est muliebris vestis deducta usque ad vestigia: Tibull. Eua sed ad teneros lutea palla pedes.

(12) Et palla dicta ἀπὸ τῆς πάλαι. Idem Æn. 1. Ferre jubet pallam s. a. g. r. significat tunicæ pallium, quod secundum Varro nem palla dicta est ab irrugatione, & mobilitate, quæ ex circa finem huiusmodi vestium. At idem Varro in libris de Ling. Latin. palla (inquit) quod palam sit, quemadmodum intusium quod intus.

est, à mobilitate, quæ est circa finem hujusmodi indumenti: sivè quòd rugis vibrantibus sinuata crispetur.

3 Stola, matronale operimentum, quod cooperto capite, & scapula à dextro latere in lævum humerum mittitur. Stola autem Græcè vocatur, quòd supermittatur.

4 ⁽¹⁾ Eadem & Ricinium Latino nomine appellatum, eò quòd dimidia ejus pars retrò ejicitur, quod vulgò Mavortem dicunt. Vocatum autem dicunt Mavortem, quasi Martem. Signum enim maritalis dignitatis, & potestatis in eo est. Caput enim mulieris vir est, indè & super caput mulieris est.

5 Amiculum, est meretricum pallium lineum. Hoc apud Veteres Matronæ in adulterio deprehensæ induebantur, ut in tali amiculo potiùs, quàm in stola polluerent pudicitiam. Erat enim ⁽²⁾ hoc apud Veteres signum meretriciæ vestis, nunc in Hispania honestatis.

6 ⁽³⁾ Theristrum, palliolum muliebri, dictum, quòd ἐν θέρει, id est, in æstu, & caumate corpora mulierum protegat, quo usque hodiè Arabiæ, & Mesopotamiæ mulieres velantur, quibus in æstu tutissimo teguntur umbraculo. De quo in Isaia.

7 ⁽⁴⁾ Anaboladium amictorium lineum foeminarum, quo humeri operiuntur, quod Græci, & Latini sindonem vocant.

CAPUT XXVI.

De Stratu, & reliquis quæ in usu habentur.

1 **S**tragulum ⁽⁵⁾ vestis est discolor, quòd manu Artificis diversa varietate distinguitur. Dictum autem, quod in stratu, & in amictu aptum sit. De quo Salomon: Stragulatam vestem fecit sibi.

2 ⁽⁶⁾ Ludices à ludis, id est, theatris vocatas quidam existimant. Cum enim egrediebantur de ludi prostibulo juvenes horum velamento tegebant caput, & faciem, quia solet erubescere, qui lupanar intraverit.

3 ⁽⁷⁾ Galnapes.---

4 ⁽⁸⁾ Fulcra sunt ornamenta lectorum, dicta quòd in iis fulcimur, id est, sustinemur, vel quòd toros fulciat, sivè caput, quæ Reclinatoria vulgus appellat.

5 Cervicalia autem, eò quòd ponantur sub cervice, vel cubito.

6 Pulvillus dictus à pulvinari, qui est divitum lectus.

7 ⁽⁹⁾ Culcitrae vocatae, quòd calcantur, id est, farciuntur pluma, sivè tomento, quo molliores, calidioresque sint.

8 Tapeta dicta, quòd pedibus primùm sternerentur, quasi tapedia.

9 ⁽¹⁰⁾ Sipla, tapeta ex una parte villosa, quasi simpla.

Am-

(1) Eadem & Ricinium. Serv. Æn. 1. ad illud, Gentemque tog. Ricinius dicitur ab eo quod post tergum rejicitur, quod vulgò Mavorte dicitur, de Mavorte Vid. Non. in Ricinio. Isidor. 2. Offic. & Annot. in Cassian.

(2) Hoc apud Vetr. Apud Romanos toga meretricum, & deprehensarum vestis fuit, vid. Horat. interp. 1. sermon. satyr. 2. de Amiculo ampliùs querendum.

(3) Theristrum. Totus locus ex Hieronym. Is. cap. 3. Qui mutilus est in Gathicis.

(4) Anaboladium. Ex eodem, Ambros. quoque libro de Bened. Patriarch. cap. 4. Id quod Gen. 49. apud Ixx. est ἀνὰ πλάτην anaboladum legit, & sanguinem uvæ anaboladii suum.

(5) Cap. XXVI. Stragulum vest. Sic Gothici omnes non stragulatam.

(6) Ludices. Lodicæ apud Martiæ. in Apophoret. vid. sup. lib. 18. cap. 42. de Prostibulis theatri.

(7) Galnapis.—Isidorus in Regul. cap. de Stratu Monach. Monachi stratus erit storia, & storagulum, pelles delanatae, galnapis quoque, & facistergium, geminusque ad caput pulvillus. Videndum etiam, num Varronis gaunacuma: sive ut alii volunt) gaunace, huc pertineat. Nam γαυνάκειν in γαυνάκειν abiisse, non admodum mirer. Sunt autem γαυνάκειναι (ut ait Hieronymus) γαυνάκειναι, ἢ ἀπὸ γαυνάκειναι ἰνὸν γαυνάκειναι.

(8) Fulera sunt. Fulcra, spondæ lectorum, quibus fulcimur, ait Serv. Æn. 6.

(9) Culcitæ.—quod calcantur. Ita Varr. lib. 4.

(10) Sipla tapeta. S. o. l. atque ut ita legamus, suadet notatio, quasi simpla: Sed sipla malim, & quia amphitapis pti-

10 Amphitapa, ex utraque parte villosa tapeta. Lucilius: Siplæ, atque amphitapæ villis ingentibus molles.

11 ⁽¹⁾ Mantelia nunc pro operiendis mensis sunt, quæ ut nomen ipsum indicat: olim tergendis manibus præbebantur.

12 ⁽²⁾ Mappæ convivii, & epularum appositarum sunt, quasi manupæ, atque ob id nominatæ, cujus diminutivum mapella est.

13 Toralia longæ, perpetuæque mappæ, à toro dictæ.

14 ⁽³⁾ Sabanum Græcum est.

15 Facitergium, & manitergium à tergendō faciem, vel manus vocatur.

16 Vela dicta, quòd objectu suo interiora domorum valent.

17 ⁽⁴⁾ Aulæa, vela picta, & grandia, quæ ⁽⁵⁾ ideo aulæa dicta sunt, quòd primum in aula Attali Regis Asiæ, cui successit Populus Romanus, inventa sunt.

18 ⁽⁶⁾ Cortinæ sunt aulæa, id est, vela de pellibus, qualia in Exodo leguntur, à quibus tabernaculum extrinsecus tegebatur. Dictæ autem cortinæ à coriis, eò quòd prius ex pellibus fuissent factæ. Undè & in eodem tabernaculo legis jubetur, corti-

nas fieri ex pellibus arietum rubris, & ex pellibus hyacinthinis.

19 ⁽⁷⁾ Cilicia Arabes nuncupant, velamenta pilis caprarum contexta, ex quibus sibi tentoria faciunt.

CAPUT XXVII.

De Lanis.

1 **L** Ana à laniendo, id est, velando dicta. Hinc & vellus dictum, quòd prius lanæ vellerentur, non tonderentur.

2 Linum ex terra oritur, deslexumque nomen ejus à Græco. ⁽⁸⁾ Nàm linum Græci λινάριον dicunt, sive quòd sit molle, & lene.

3 Stuppa verò cannabi est sive lini. ⁽⁹⁾ Hæc secundum antiquam orthographiam stippha dicitur, quòd ex ea rimæ navium stippentur.

4 ⁽¹⁰⁾ Undè & stippatores dicuntur, ⁽¹¹⁾ qui in navibus eam componunt.

5 ⁽¹²⁾ Tomentum appellatum, quòd aut in filo, aut in tela tumeat, nec subtilitatem habeat.

6 Cannabum à similitudine cannæ vocatum, sive à Græca etymologia. Nàm illi cannabum κάναβιν vocant.

7 ⁽¹³⁾ Byssum, genus est quoddam
Vv li-

la opponuntur, & quia apud Non. Lucilii versus ita legitur. Pileæ, atque amphitape villis ingentibus molles. Nisi si quis tibi persuadeat Lucilium quoque permittisse litteras, dum Romanis auribus tantisper servit, quod nihil necesse est.

(1) Mantelia—olim terg. man. Serv. Georg. 4. Mantelia quibus manus teruntur Varro: Mantelium, quasi manutergium.

(2) Mappæ quasi manupæ. Sic Gothici libri unus ex alijs manupæ, Rabanus, manubix. Quam scripturam doctissimi quidam viri ita amplectebantur, ut quovis pignore veram esse contenderent. Respexisse enim in notatione Inidorum ad Sancta manubias (sic enim ab eo appellari voluit) sordidas illas à convivio pradas, quas ridet faceto carmine Martialis: Dulci placenta sordidam hinc mappam. Illic & uvæ collocantur ollares, &c. Mihi quidem ob multa non fit verisimile. Atqui ipsis commentum placebat.

(3) Sabanum. Utitur hac voce sapius Theodorus Priscianus Medicus, & Victor. lib. 3. Ea sabana bajulabat, quibus enim dudum suscipiens de fonte texerat.

(4) Aulæa vela picta. Serv. Æn. 1. Cum venit aulæis—aulæis (inquit) velis pictis.

(5) Idco—aulæa—inventa sunt. Ex eod. Georg. 3. Purpurea int. r. aulæa. B.

(6) Cortinæ sunt aulæa de pellibus. Mirum discessisse à Servio qui Æn. 3. Cortina (inquit) locus undè oraculum exire, vel quia Apollinis tripus corio Pythonis textus est, vel quia ibi sunt certa responsa, quasi cetrina; vel quod est verius quia ibi cor vatis tenetur. Addeque lib. 6. aut certe secundum Græcam etymologiam ἐν τῷ κόρῳ τῆς τοῦ, &c. Sed illa ex alio genere.

(7) Cilicia. Solin. cap. 46. Ipsa autem tentoria cilicia sunt: ita nuncupant velamenta de caprarum pilis texta.

(8) Cap. XXVII. Græci linarion. Immo dixer potius λινάριον resia in Pamphilia Eustach. el. 6.

(9) Hæc secundum antiqu. orthog. r. serv. Æn. 5.

(10) Und. stippatores—componunt. Ex eod. Æn. 3. Stippantque carinis.

(11) Qui in navibus. Al. vallibus, f. navalibus.

(12) Tomentum. Al. Tumentum.

(13) Byssum—papatem vocant. Absunt hæc à Gothico Toletan.

lini nimium candidi, & mollissimi, ⁽¹⁾ quod Græci papatem vocant.

8 ⁽²⁾ Fibrinum lana est animalium, quæ fibros vocant, ipsos & castores existimant, quos dum veneratores sequuntur, ipsi sibi testiculos adiungunt.

9 ⁽³⁾ Aranea vocata, eò quòd aëris infusione in frondibus nutriatur.

10 ⁽⁴⁾ Sericum dictum, quia id Seres primi miserunt. Vermiculi enim ibi nasci perhibentur, à quibus hæc circum arbores fila ducuntur. Vermes autem ipsi Græcè βόμυκες nominantur.

11 ⁽⁵⁾ Placium est estupa, & quasi ⁽⁶⁾ crassedo serici, & est Græcum nomen.

CAPUT XXVIII.

De Coloribus Vestium.

1 **T**inctura vocata, quia tingitur, & in aliam fucatam speciem nitoris gratia coloratur. ⁽⁷⁾ κόκκον Græci, nos rubrum, seu vermiculum dicimus. Est enim vermiculus ex sylvestribus frondibus.

2 ⁽⁸⁾ Conchylium dictum, eo quod ex conchulis marinis color ejus colligitur. Idem & ostrum vocatur.

3 Ostrum, quod pro colore purpureæ temperatur, plurimis quidem

in locis, sed optimum in Insula Cypro gignitur, sivè in iis quos propius Solis cursus illuminat.

4 Conchyliæ autem sunt maris, quæ circumcisa ferro lachrymas purpurei coloris emittunt. His collectis color purpureus temperatur: Et ostrum exinde appellatum dicunt, quòd ex testæ humore elicitur.

5 ⁽⁹⁾ Purpura apud Latinos à puritate lucis vocata. Apud Græcos autem πορφύρα dicitur cum aspiratione: apud nos purpura sine aspiratione.

6 ⁽¹⁰⁾ Ferrugo est color purpureæ subnigræ, quæ fit in Hispania, ut ferrugine clarus Ibera. Dicta autem ferrugo, quòd omnis purpura prima tinctura hujusmodi coloris existat.

7 ⁽¹¹⁾ Glaucus color est ferrugineus, subniger.

8 ⁽¹²⁾ Elbidum ab elbo colore vocatum. Elbum enim est medius color inter album, & nigrum, & elbum ab albo derivatum.

9 ⁽¹³⁾ Luteus color rubicundus, quod est croceus: nam crocus lutei coloris est, ut croceo mutabit vellera luto.

10 ⁽¹⁴⁾ Menum, quòd sit colore nigro. Græci enim μέλαν nigrum dicunt.

11 Masticinum, quòd colorem masticis habeat.

12 Blatteum. Blavum. Mesticium. Os-

(1) Quod Græci papatem. Est n. πάππος ἀκάνθους λυκῶν ἰφάνθημα, ut ait Eustach. Festus quoque. Pappi, carduorum flores.

(2) Fibrinum. Sup. cap. 22.

(3) Aranea. Sup. lib. 12. cap. 5.

(4) Sericum. e Serv. Georg. 1. ad v. Velleræque ut folliis d. t. Seres.

(5) Placium. Vel plathium potius, ut sit ἀπὸ τοῦ πλᾶθω, quod est impleo, & stippo.

(6) Et quasi crassedo. Vulgò, seda cadarca.

(7) Cap. XXVIII. Coccum Græci. Frequentius apud lxx. κόκκινον quam κόκκος: ubi Hieronymus nunc vermiculum reddidit, nunc coccum, vel coccinum relinquit. φινικῶν τετὸν rubrum interpretari solet.

(8) Conchylium. elicitur. Ex Vitruv. lib. 7. cap. 13.

(9) Purpura. à puritate luc. Respexit fortasse ad Virgilii verba Æn. 1. Lumenque juvatæ Purpureum. Nam purpura πορφύρα quin sit, ne ipse quidem videtur ambigere.

(10) Ferrugo est color. in Hispan. Serv. Georg. 1. Cum caput obscura nitidum ferrugine textit: Ferrugo est purpura nigrior Hispana, alibi, & ferrugine clarus Ibera, ubi Hispana Gloss. fuit vocis Ibera. Ipse n. Servius in loco à se ex Æn. 9. citato Hiberam ferrugineam, non Hispanam, sed Ponticam intelligi vult. Erant ergo Isidori atque quadam (ut nunc sunt omnia) Servii exemplaria corrupta.

(11) Glaucus est color ferrug. Sup. in equor. coloribus lib. 12. cap. 1.

(12) Elbum. Sup. lib. 12. cap. 5.

(13) Luteus. e Serv. eclog. 4.

(14) Menum. Al. Melum. Al. melium, foris melinum, de quo alibi.

13 Osticium, quia ex usto est. Fit enim ex dependenti fuligine tectorum egesta assiduis ignibus, undè & color ejusdem tincturæ flammeus est.

CAPUT XXIX.

De Instrumentis Vestium.

1 **T**Ela⁽¹⁾ pro longitudine staminum dicta, cujus derivativum est telaria.

2 ⁽²⁾ Insubuli, quia infra, supra sunt, vel quia insubulantur.

3 Radii dicti, quia radendo fiunt.

4 Pectines, quòd pexa fila redant, & imprimant.

5 Colus, quòd sit in longitudine, & rotunditate, quasi columna.

6 Fusus, quòd per ipsum fundatur, quòd netum est.

7 ⁽³⁾ Alibrum, quòd in eo librantur fila, id est, volvuntur.

8 Calathus, leve gestamen ex ligno, vel canna, aut ex junco factum in quo, vel pensa ponuntur, vel leguntur flores, ⁽⁴⁾ καλαὸν enim Græcè lignum est, à quo derivatus est calathus.

⁽⁵⁾ Nàm Latinè quasillum dicitur. Cicero in Philippicis: At verò hujus domi inter quasilla pendebatur aurum.

9 Pensum mulierum, à pendendo dictum, undè pensa & impensa.

10 Netum.---

11 Fila dicta, vel quia ex pilis animalium sunt, vel quia lanificium filis tenuibus constat in modum pilo-

rum, id est, quasi filorum.

12 ⁽⁶⁾ Mataxa, quasi metaxa, à circuitu, scilicet, filorum. Nàm metacircuitus dicitur, vel quòd transferatur.

13 ⁽⁷⁾ Gubellum, corruptè à globò dictum per diminutionem, quasi globellum.

14 ⁽⁸⁾ Panuliæ, (vel panuclæ) quòd ex eis panni texantur. Ipsæ enim discurrunt per telam.

15 Stamen dictum, quia rectum stat.

16 Trama, quòd yia recta transmittatur per telam. Est enim filum intra stamen currens.

17 Licia sunt, quibus stamina ligantur, quasi ligia.

18 Ordiri.---

19 Texere.---

CAPUT XXX.

De Ornamentis.

1 **H**Athenus de veste, dehinc ad cæterum cultum veniamus.

2 Ornamenta dicta, quòd eorum cultu ora, vultusque decorentur. Primum ornamentum Corona insigne victoriæ, sivè regii honoris signum, quæ in capite Regum ponitur, ad significandum circumfusus in Orbe Populos, quibus accinctus, quasi caput suum coronatur. Hæc à Lucilio corolla, ab Homero στεφάνη dicta est. ⁽⁹⁾

Hujus principium à Libero quodam

Vv 2

Gen-

(1) Cap. XXIX. Tela pro longitudine, ἀπὸ τῆς τοῦ ὀφθαλμοῦ, scilicet.

(2) Insula. Gloss. Insubula ἀντίον, καὶ ἀντίον, & ἀντίον ἀντίον ὅσα ἐκείνου αἱ γράμματα. Lucetius lib. 5. Insubula, ac fusi, radii, scapique sonantes ubi insubula quidam legunt, nec syllaba productionem curant. Hieronymus litiatorum vocat Paralip. lib. 1.

(3) Alibrum q. l. c. librantur. Gothici liberantur, id est, solvuntur.

(4) Calon enim Græci ligni. Ità Serv. non semel. Vid. Æn. 6. Initiuro. Et Festus: Calones calcei ex ligno facti.

(5) Nàm Latinè quasill-aurum. Verba sunt Serv. eclog. 4.

(6) Mataxa. Vulgo madexa. Gloss. Mataxa ματά, & Mataxa ματά utitur ea voce Viruvius lib. 7. cap. 3. & Martianus lib. 39. DD. de Pign. & Hypothec. Unde metaxarii apud Justin. lib. 8. C. cod. tit.

(7) Gubellum. Al. Inbellum. Al. Iubellum. Al. Globicillum. Hispanè ovillo, aique etiam apud quosdam Jovillo.

(8) Panuliæ, vel panuclæ. Abiunt à Gothici duo posteriora verba. Vid. Eruditorum Virorum notas ad Varronis verba lib. 4. Pannis Grecum, paniculum dictum à panno, &volvendo filo.

(9) Cap. XXX. Hujus principium à Libero. Vid. Athen. lib. 15. cap. 5.

Gentiles existimant, quòd is in potando mota vino capita vincire fascioli instituerit, idcirco olim linei, & lanei generis corona fuit: ⁽¹⁾ sicùt erat in Sacerdotibus Gentilium.

3 ⁽²⁾ Nomen coronæ hac ex causa vocatum, quòd initio circum aras curreretur, atque ad imaginem circuitus, vel chori est formata, & nominata corona.

4 ⁽³⁾ Imperatores Romani, & Reges quidam gentium aureis coronis utuntur. Persæ tiaras gerunt: ⁽⁴⁾ sed Reges rectas, sarrapæ incurvas. Reperta autem tiara à Semiramide Assyriorum Regina. Quod genus ornamenti exindè usque hodie gens ipsa retinet. ⁽⁵⁾ Athenienses autem cicadas aureas gerebant, partim in verticem, nonnulli in fronte. Non enim eadem sunt insignia omnium regnorum. Gentilium Vates infula, apice, pileo, sivè galero utebantur.

5 ⁽⁶⁾ Infula est fasciola sacerdotalis capitis, alba in modum diadematis, à qua vittæ ab utraque parte dependent, quæ infulam vinciunt. Undè & vittæ sunt, quòd vinciunt. Infula autem plerumque tortilis de albo, & cocco.

6 ⁽⁷⁾ Apex est pileum sutile, quo Sacerdotes Gentiles utebantur, appel-

latus ab apiendo, id est, à ligando. ⁽⁸⁾ Nàm virgula, quæ in pileo erat, connectebatur filo, quod fiebat ex lana hostiæ. ⁽⁹⁾ Galerum, pileum ex pelle cesæ hostiæ factum. Pileum autem dictum à pelle hostiæ, undè fiebant.

7 ⁽¹⁰⁾ Cydaris, & ipsa Sacerdotum erat, quæ à plerisque mitra vocatur.

CAPUT XXXI.

De Ornamentis capitis Fœminarum.

1 **O**rnamenta capitis Fœminarum: Diadema, nimbus, capitulum & mitra.

2 ⁽¹¹⁾ Diadema est ornamentum capitis Matronarum ex auro, & gemmis contextum, quod in se circumactis extremitatibus retro astringitur, & exinde dictum Græcè, quòd præli-

3 Nimbus est fasciola transversa ex auro assuta in linteo, quod est in fronte fœminarum. Plautus: Quo magis eam aspicio, tam magis nim-bata est. ⁽¹²⁾ Nàm & lumen quod circa Angelorum capita pingitur, nimbus vocatur: licèt & nimbus sit densitas nubis.

Ca-

(1) Sicùt erat in Sacerd. Gentilibus. Ut in flaminibus. Nàm flamines dicti quasi flamines, ut ait Festus. Et in legatis. Livius lib. 1. Legatus, ubi ad fines eorum venit, undè res reperiuntur, capite velato. (filum lane velamen est) Audi Jupiter, &c: Quod autem lineas etiam coronas ait fuisse ex Virgilii versu. Velati lino & verbena tempora vincti. Æn.

12. Invenit id Servio, Capro, & Hyginio facit, qui limo legi eo loco maluit.

(2) Nomen coronæ. Fest. Corona, cum videatur à choro dici, caret tamen aspiratione.

(3) Imperatores Romani, & Reg. Vid. Plin. Agell. & Tertull. de Coron. Milit.

(4) Sed Reges rectas. Xenoph. lib. 8. καὶ δὲ κύριος ἐστὶν ἄριστος ἵππον τὴν τιάραν. Et Hesych. τιάρη ἡ κυρτή αὐτῆς

ἑστία, τὰντῃ δὲ ἐν πύλαις βασιλῆος μόνη ἔχουσα ὄρεα, οἱ Κεραιὶ οἱ ὑποκαλόμενα.

(5) Athenienses cicadas. Dicti propterea τιτλιγοῦσι.

(6) Infula. & Serv. Æn. 10. vid. Fest.

(7) Apex. Ex Fest.

(8) Nàm virgul. Serv. Æn. 2. Fundere lumen apex.

(9) Galerum. Idem Æn. 7. Galeris, genus est pilei, quod Fronto genere neutro dicit hoc galerum. Al. galerium.

Al. galearium. Fest. Galearia à galearum similitudine dicta.

(10) Cydaris. Ex Hieronym. ad Zachar. cap. 3. & Ezech. 12.

(11) Cap. XXXI. Diadema. Citantur à Festo ex Catone hæc verba in Rustico: Mulieres operatas auro, purpuraque ars

* inheret diadema, coronas aureas, &c. Sed quia Hieronymus ad Ezech. cap. 12. Et alii diadema non Matronarum, sed regii capitis insigne esse dicunt; anadema hic legebat Vir doctissimus ex Lucetio lib. 5. Fuit anademata, mitre. Cuius Poeta perstudiosum fuisse Isidorum constat ex pluribus huius operis locis.

(12) Nàm & lumen quod circa Angelorum capit. Servius Æn. 10. Hæc ubi dicta d. c. s. p. a. Misit agens hyemem nimbo succinta p. a. Nimbo succincta; nubibus, (inquit) quia præmisit agens hyemem, quod nisi esset, splendorem acci-

peremus, qui est circa corpus Deorum,

4 ⁽¹⁾ Capitulum est, quod vulgò Capitulare dicunt. Idem & Cappa, vel quod duos apices, ut cappa littera habeat, vel quia capitis ornamentum est.

5 ⁽²⁾ Mitra est pileum Phrygium caput protegens, quale est ornamentum capitis devotarum. ⁽³⁾ Sed pileum virorum est, mitræ autem fœminarum.

6 Redimicula autem sunt, quibus mitra alligatur. Pileum autem, ut prædiximus, à pelle erat. Nam mitra ex lana est.

7 ⁽⁴⁾ Rricula est mitra virginilis capitis.

8 Vittæ sunt, quæ crinibus innectuntur, quibus fluentes religantur capilli, & vittæ dictæ, quod vinciant.

9 ⁽⁵⁾ Tænia autem est vittarum extremitas dependens diversorum colorum.

10 Itèm vitæ est, qua corona vincitur: tænia verò extrema pars vittæ, quæ dependet coronæ.

11 ⁽⁶⁾ Retiolum est, quod colligit comas, dictum ab eo quod retinet crines, ne effundantur.

12 ⁽⁷⁾ Discriminalia capitis mulierum sunt vocata, ex eo quod caput auro discernant. ⁽⁸⁾ Nam discrimina dividere dicitur.

14 ⁽⁹⁾ Antiæ sunt cincini dependentes prope aurículas, Græco vocabulo ab auribus.

15 ⁽¹⁰⁾ Acus sunt, quibus in fœminis ornandorum crinium compago retinetur, ne laxiùs fluant, & sparsi dissipentur capilli.

16 Inaures ab aurium foraminibus nuncupatæ, ⁽¹¹⁾ quibus pretiosa grana lapidum dependent. ⁽¹²⁾ Harum usus in Græcia, puellæ utraque aure, ⁽¹³⁾ pueri tantum dextra gerebant.

17 Torques sunt circuli aurei à collo ad pectus usque pendentes. Torques autem & bullæ à viris geruntur, à fœminis verò monilia, & catellæ. Dictæ autem torques, quod sint tortæ: & bullæ, quod sint similes rotunditate bullis, quæ in aqua vento inflantur.

18 ⁽¹⁴⁾ Monile ornamentum ex gemmis est, quod solet ex fœminarum pendere collo, dictum à munere. ⁽¹⁵⁾ Hoc etiam & Serpentum dicitur, quia constat ex amphorulis quibusdam aureis, gemmisque variis in modum facturæ serpentis. ⁽¹⁶⁾ Nonnulli hoc & segmentum dicunt, ut Juvenalis: Segmenta, & longos habitus: licet & segmentatas vestes dicamus ut ipse: & segmentatis dormisset parvula cunis.

Vv 3

Ple-

(1) Capitulum. *Capital. lepo. Varro libro 4.* Item texta fasciola, qua capillum in capite colligarent: dictum capital à capite, quod sacerdotum etiam nunc in capite solent habere, & Festus: Capital, linteum quoddam, quo in sacrificiis utebantur.

(2) Mitra est pileum. *Serv. Æn. 4.* Mitra incurvum pileum, de quo pendebat, & baccarum tegmen.

(3) Sed pileum virorum. *Serv. Æn. 9.*

(4) Rricula est mitra virg. *cap. Vid. Varr. Fest. Non.*

(5) Tænia vittarum extremitas. *Serv. Æn. 7.* Fit longæ tænia vittæ.

(6) Retiolum retinet crines. *Reticulum dicit Varro lib. 4.*

(7) Discriminalia. *Discriminale dicit Hieronym. Isai. cap. 3.* quod Varroni, & Nonio est discerniculum, id est, acus, quæ capillos à media fronte (ut ait Nonius) dissepant. Quod in glossariis discrimen dici existimo, est enim inter ornamenta & discrimen διάκριμα.

(8) Nam discrimina dividere est. *Virgil. Æn. 11.* Et late discriminat agros.

(9) Antiæ sunt cincinni. *Festus:* Antiæ muliebres capilli demissi in frontem appellati ex Græco videntur, quod enim nos contra, illi auri dicunt. Cur ab auribus ducat Isidorus, non video. Utitur hac voce Tertull. in lib. de Pall.

(10) Acus dissipentur capilli. *Verba Hieronymi, Isai. cap. 3.*

(11) Quibus pretiosa grana lapidum dependent. *Sic Tertull. lib. de Cultu faminarum.* Ut ex illis ad ferrum nati corporis grana nescio, quæ penderent.

(12) Inaurium usus in Græcia. *Al. Harum usus. Utrumque (ut puto) à margine.*

(13) Pueri tantum dextra. *Tertull. in Pallio de Achille:* Aureum quoque foratu effœminatiss.

(14) Monile ornatum ex gemmis. *Ex Hieronymo Ezech. 16.*

(15) Hoc etiam Serpentum. *Sic Tertull. & Pollux lib. 6.* Idem: Inter ornamenta fœminarum numerat. *Al. serpentum, & Græci quoque ὀφρύων & Festus:* Serpula serpsit ait (idem) Messalla serpens interserpsit.

(16) Nonnulli hoc & segment. *Serv. Æn. 1.* Colloque monile Baccat.

19 ⁽¹⁾ Plerumque autem & per monile omnia ornamenta Matronarum significantur, quidquid illis munere datur.

20 ⁽²⁾ Muræna vulgò vocatur, quòd scilicet auri metallo in virgulas lentescente quædam ordinis flexuosi catena contextitur, in similitudinem murænæ serpentis, quæ ad collum ornandum aptatur. ⁽³⁾ Hæc interdum auri, atque argenti textitur virgulis. Unde & dicitur in Canticis canticorum: Muranulas aureas faciemus tibi vermiculatas argento.

21 Catellæ sunt catenulæ colli invicem se comprehendentes in modum catenæ, undè & appellatæ.

22 ⁽⁴⁾ Dextras communes esse virorum, ac foeminarum, quia utriusque sexus dextræ sunt.

23 ⁽⁵⁾ Armillæ autem propriè virorum sunt, collatæ victoriæ causa militibus ob armorum virtutem. Unde & quondam vulgò ⁽⁶⁾ Viriolæ dicebantur. Ab intellectu autem circuli armilla non discrepat, quia ipsa quoque hoc ubi ponitur ambiendo constringit. Sed armilla latius extenditur, circulus rotundus fit.

24 ⁽⁷⁾ Fibulæ sunt, quibus pectus foeminarum ornatur, vel pallium tenetur à viris in humeris, seu cingulum in lumbis.

25 ⁽⁸⁾ Lunulæ sunt ornamenta

mulierum, in similitudinem Lunæ bullulæ aureæ dependentes.

26 ⁽⁹⁾ Specula dicuntur, in quibus foeminæ vultus suos intuentur. Dictum autem speculum, vel quòd ex splendore reddatur, vel quòd ibi foeminæ intuentes considerent speciem sui vultus, & quidquid ornamentum deesse viderint, adjiciant.

27 Periscelides apud foeminas, crurum ornamenta, quibus gressus eorum ornantur.

28 Olfactoriola vascula sunt muliebræ, quibus odora menta gestantur.

CAPUT XXXII.

De Annulis.

1 PRIMUS ⁽¹⁰⁾ Prometheus fertur circulum ferreum, incluso lapide, digito ⁽¹¹⁾ circumdedisse.

2 ⁽¹²⁾ Qua consuetudine homines usu, annulos habere coeperunt. ⁽¹³⁾ Annuli autem per diminutionem dicti à circulis, & anis, qui sunt circa brachia, & circum crura. Unde & signa eorum per diminutionem sigilla. Nam signa majora sunt, sigilla verò quasi minora signa.

3 Annulos primùm homines gestare coeperunt quarto à pollice digito, quòd eo vena quædam usque ad cor pertingat, quàm notandam, ornandam-

(1) Plerumque autem & per monile omn. ornata. à Hieron. Isai. 3.

(2) Muræna--contextitur. Ex eod. Epist. 15. ad Marcell. de Laud. Asella.

(3) Hæc interdum--virgulis. Ex eod. Isai. 3.

(4) Dextræ, communes. Lego, Dextralia, communia. Quod enim lxx. ἀνδρῶν. Hieronymus dextralia vertit, quæ Ambrosius, itemque Isid. Capitolin. in Maximino dextrocheria vocant.

(5) Armillæ autem prop. viror. Vid.

(6) Viriolæ diceb. Leguntur in Pandectis sæpè viriola, & in Gloss. viriolæ, ὑψίλα. Est autem viriola diminutivum à viria, quæ vocatur Ambrosius lib. de Abrah. Patriarch. cap. 9. Has (inquit) in aures habebat, quæ non gravarent aures: has virias, quæ manum non materiali auro ornarent, sed spiritali actu levarent. Et Tertull. de Pall. Utique quæ vestigia castuum viria occupavit.

(7) Fibulæ. De his inf. cap. 32.

(8) Lunulæ. Ex Hieronym. Isai. 3. vox etiam Plauto nota.

(9) Specula--Periscelides. Ex eod.

(10) Cap. XXXII. Primus Prometheus. Plin. in Proxeno lib. 37. sed idem lib. 33. cap. 1. Fabulosa hæc indicaverat.

(11) Circumdedisse. P. C. C. circumdasse.

(12) Qua consuetudine homines. Ex Hygin. lib. 2. c. de Sagitt.

(13) Annuli autem per dim. Varr. lib. 5. Tempus à bruma ad brumam dum sol redit, vocatur annus, quod ut patuli circuli annuli: sic magni circites dicebantur anni. Sunt autem circites (ut ait Testus) circuli ex ære facti.

damque aliquo insigni Veteres putaverunt.

4 ⁽¹⁾ Apud Romanos annuli de publico dabantur, & non sine discrimine. ⁽²⁾ Nam dignitate præcipuis viris gemmati dabantur, cæteris solidi. Annulum aureum neque servus, neque libertinus gestabat in publico, sed ⁽³⁾ annulo aureo liberi utebantur, libertini argenteo, servi ferreo, licet & multi honestissimi annulo ferreo utebantur.

5 Apud Veteres ultra unum annulum uti infame habitum viro. Gracchus in Mænium: Considerate, Quirites, sinistram ejus, cujus auctoritatem sequimini, qui propter mulierum cupiditatem, ut mulier est ornatus. Crassus, qui apud Parthos periit, in senectute duos habuit annulos, causam præferens, quod pecunia ei imensa crevisset. Multi etiam Romanorum pro gravitate annulum gestare in digito abstinerunt. Fœminæ non usæ annulis, nisi quos virgini sponsus miserat, neque amplius quàm binos annulos aureos in digitis habere solebant. ⁽⁴⁾ At nunc præ auro nullum fœminis læve est, atque immune membrum.

6 Inter genera annulorum sunt: Ungulus, Samothracius, Thynnus.

7 ⁽⁵⁾ Ungulus est gemmatus, vocatusque hoc nomine, quia sicut ungula carni, ita gemma annuli auro accingitur.

8 ⁽⁶⁾ Samothracius aureus est quidem, sed capitulo ferreo, à loco ita vocatus.

9 Thynnus purus est, primum in Bithynia fabricatus, quam olim Thynniam vocabant. ⁽⁷⁾ Flaccus: Luge meam vitam, nec Smaragdos, Berillosque mihi, Flacce, nec nirentes per candida margarita quæro. Nec quos Thynnica lima perpolivit annulos, neque Jaspis lapillos.

CAPUT XXXIII.

De Cingulis.

1 Cinctus ⁽⁹⁾ est lata zona, & minus lata semicinctium, & utrisque minima cingulum. Nam à cinctu per diminutionem cingulum nominatur. Cinctu ⁽¹⁰⁾ autem juvenes in exercitatione campestri verecunda velabant, undè & campestres dicebatur.

2 ⁽¹¹⁾ Baltheus cingulum militare est, dictus, propter quod ex eo signa dependent, ad demonstrandam legionis militaris summam, id est, sex millium sexcentorum, ex quo numero, & ipsi consistunt. ⁽¹²⁾ Undè & balthe-

(1) Apud Romanos annuli de publ. lit tantum, qui legati ad externas gentes ituri essent, ait Plin. lib. 33. cap. 1.

(2) Nam dignitate præcip. ita unde sint, quarendum.

(3) Annulo auro lib. uteb. arg. libert. servi ferreo. Aureo tamen non opinor liberi omnes, nisi Senatores, aut equites neque ferreo servi soli, sed etiam milites.

(4) At nunc præ auro læve est membrum. Verba sunt Tertull. in Apologetico.

(5) Ungulus est gemmat. Plin. Quamquam & de nomine ipso ambigi video Græci à digitis appellavere. Apud nos prisce ungulum vocabant.

(6) Samothracius aut. sed c. ferr. Plinius: Necnon & servitia jam ferrum auro cingunt, alia per sese meto auro decorant, cujus licentiæ origo nomine ipso in Samothrace id institutum declarat.

(7) Quam olim Thynniam vocabant. ita Acron. od. 3. lib. 3.

(8) Flaccus lugente. Versus Flacci, ut erant in Goth. libris, in emendatos reliquimus, quos licebit, vel ex Alciato ita legere: Lucentes mea vita, nec Smaragdos Berillos mihi—nec nitentes, nec præcand. &c. Vel integros potius minimo periculo, commodissimo sensu, Ant. Covarr. Auctore, ita: Lugenti: Mea vita, nec Smaragdos, Berillos mihi mitte nec nitentes. Non mihi candida, &c. Nam post vocem mihi, omisisse librarios mitte propter similitudinem, quæ aliquando etiam est major in Gothicis characteribus, mihi sane fit valde verisimile. Et rō Flacce alienum esse, quis non videat? Veras autem sibi pretiosos lapides lugenti mitti, quod eorum (ut alter Flaccus ait) usus dolentem non queat delinire.

(9) Cap. XXXIII. Cinctus est lata zona. Varro: Cinctus, & cingulum à cingendo, alterum viris, alterum mulieribus attributum.

(10) Cincto autem juvenes, &c. Ead. sup. de Perizonate cap. 22.

(11) Baltheus, Varro: Balteum quod cingulum è corio habebant bullatum, balteum dictum.

(12) Unde & baltheus—dependent. à serv. Æm. 5.

theus dicitur non tantum quod cingitur, sed etiam à quo arma dependent.

3 Zona, Græcum est, quam illi *ζώνη*, nos cingulum nuncupamus.

4 Strophium est cingulum aureum cum gemmis, de ⁽¹⁾ quo ait Cinna: Strophio ⁽²⁾ lactentes cincta papillas. ⁽³⁾ Et Prudentius: Nomen hoc gemmæ strophio illigatum est.

5 ⁽⁴⁾ Limus est cinctus, quem publici habebant servi. Et dictus limus, quia transversas habet purpuras, id est, limas.

6 ⁽⁵⁾ Calculum, cinguli genus à coacto loro dictum.

7 ⁽⁶⁾ Fibula, Græcum est, quam illi *φίβυλον* dicunt, quod ligat.

8 ⁽⁷⁾ Suffibulum, subligaculum.

9 ⁽⁸⁾ Redimiculum est, quod succinctorium, sive brachile nuncupamus, quod descendens per cervicem, & à lateribus colli divisum, utrarumque alarum sinus ambit, atque hinc inde succingit, ut constringens latitudinem, vestes ad corpus contrahat, atque conjungendo componat. Hoc vulgò brachile, quasi brachiale dicunt, ⁽⁹⁾ quamvis nunc non brachiorum, sed renum sit cingulum. Succinctorium autem vocatum, quod, ut dictum est, sub brachiis ductum alarum sinum ambit, atque hinc inde succingit.

10 ⁽¹⁰⁾ Fascia est, qua tegitur pectus, & papillæ comprimuntur, atque crispante cingulo angustius pectus arctatur. Et dicta fascia, quod in modum fasciuli corpus alligat. Hinc & fasciolæ, quibus vulnera colligantur.

11 Vitta dicta, quod ea pectus vincitur instar vitis ligantis.

12 ⁽¹¹⁾ Limbus est, quem nos ornaturam dicimus.

13 Fasciola est, quæ ambit extremitatem vestium, aut ex filis, aut ex auro contexta, assutaque extrinsecus in extrema parte vestimenti, vel chlamydis. De qua Virgilius: Sidoniam picto chlamydem circumdata limbo.

CAPUT XXXIV.

De Calciamentis.

1 Sutores nuncupati sunt, quod insertis filo porcorum seris suant, id est, consuant, quasi sutores.

2 Caligarius verò, non à callo pedum, sed à calo, id est, ligno vocatus, sine quo consui calciamenta non possunt, ⁽¹²⁾ quas Græci *καλόποδας* dicunt. Fiebant autem prius ex salice tantum: hinc & calciamenta dicta, quod in calo, id est, in ligno fiant, vel quod calcentur.

Cre-

(1) De quo ait Cinna, S. o. l. id Hemistichium apud Catullum legimus in Nuptiis Pelei, sed fuisse illi commune cum Cinna, ut sunc nonnulla Maroni cum Catullo, & Lucretio, quid vetat? Itaque nihil muto.

(2) Lactentes. Al. Luctantes.

(3) Et Prudentius, non enim hoc gemmæ. *πρὸς ἐνφάνου* hymn. 4. & Tertull. Strophium pro capitis ornamento posuit in extremo lib. de Coron. milit. Quid caput strophio, aut draconario damnas diademati destinatum.

(4) Limus. Sup. cap. 22.

(5) Calculum. Ita omnes Gothici, præter unum Salmanticens. in quo Calculum. Neutrum rejicimus. Plautus in Epidie. Incusiatam, paragiataam calculam, ac crocopulam. Quæ verba eadem citantur à Varr. lib. 4. At de calulo Festus: Calulus genus quoddam vinculi, qui interdum canis appellatur, & Plautus: Catulo ut accebus ferreo.

(6) Fibula Græcum. Pro *φίβυλον* *ἄλεις* quibus dicebant.

(7) Suffibulum. Subligabulum. Hac separatim sine interpretatione legi malim, ut in quibusdam l'bris ponuntur: quàm ut alterum alterius sit glossa, quod fieri potuisse audent quidam suspicari ex verbis Varronis lib. 5. Eo præter Virgines Vestales, & Sacerdotem publicum, intocat nemo. Is cum eat, suffibulum haud habeat scriptum id dicitur, ut à suffiendo, subligaculum. Vid. Fest.

(8) Redimiculum. Totus locus expressus est ex Joann. Cassian. lib. de Instit. Monach. cap. 6.

(9) Quamvis nunc non brach. sed ren. Gestant hodie has duplices resticulas lauceas Monachi, qui S. Bernardi instituta sectantur.

(10) Fascia est-arctatur. Ex Hieron. Ep. 47. de Vitand. susp. contub.

(11) Limbus, è Serv. Æn. 4.

(12) Cap. XXXIV. Quas Græci calopodion. Al. quos Græci calopodas. Utrumque rectè. Latini formas. Horat. Si scalptra, & forinas non sutor. Ubi Acron etiam formas Græco vocabulo *καλόποδια* interpretatur.

3 ⁽¹⁾ Crepidas Græci ante reperi-
tas usi sunt. Est autem genus singulari
forma, & idem utrique aptum pedi,
vel dextro, vel sinistro. Crepidæ au-
tem dictæ, quod cum sono stringan-
tur, sivè à pedum crepitu in ambu-
lando.

4 ⁽²⁾ Calceis Reges utebantur, &
Cæsares.

Forma eorum.

5 Patritios Calceos Romulus re-
perit quatuor corrigiarum, assutaque
luna. Iis soli Patritii utebantur. Luna
autem in eis non sideris formam, sed
notam centenarii numeri significabat,
quod initio Patritii Senatores centum
fuerint.

6 ⁽³⁾ Ocreæ, tibialia calciamenta
sunt, dicta quod crura tegant.

7 ⁽⁴⁾ Cothurni sunt, quibus cal-
ciabantur tragœdi, qui in theatro dic-
turi erant, & alta, intonantique voce
carmina cantaturi. Est enim calcia-
mentum in modum crepidarum, quo
Heroes utebantur, sed tale est, ut dex-
tro, & lævo conveniat pedi.

8 ⁽⁵⁾ Baxeæ calciamentum comœ-
dorum erat, sicut tragœdorum co-
thurni. Quos quidam etiam calones
appellant, eo quod ex salice fierent.
Nam Græci, ut diximus, lignum κα-
λας vocabant.

9 Talares calcei, socci sunt, qui
indè nominati videntur, quod ea fi-
gura sint, ut contingant talum: sicut
⁽⁶⁾ subtolares, quod sub talo sunt,
quasi subtalares.

10 ⁽⁷⁾ Obstrigilli sunt, qui per
plantas consuti sunt, & ex superiore
parte corrigia trahitur, ut constringan-
tur, undè & nominantur.

11 Ossas puto ab osse primùm
factas, & quamvis nunc ex alio ge-
nere, tamen nomen pristinum reti-
nent.

12 ⁽⁸⁾ Mullei similes sunt co-
thurnorum solo alto: superiore autem
parte cum osseis, vel æneis malleo-
lis, ad quos lora deligabantur. ⁽⁹⁾ Dicti
autem sunt à colore rubro, qualis est
mulli piscis.

13 ⁽¹⁰⁾ Soleæ sunt, quibus tantùm
pedum plantæ teguntur, dictæ à solo
pedum. Itè̃m ⁽¹¹⁾ soleæ materiales ex
materia corio intectæ.

14 Socci, cujus diminutivum so-
celli, appellati indè, quod saccum
habeant, in quo pars plantæ injici-
tur.

15 Caliculæ.---

16 ⁽¹²⁾ Caligæ, vel à callo pedum
dictæ, vel quia ligantur. Nam socci
non ligantur, sed tantùm intromit-
tuntur.

Cer-

(1) Crepidas Græci. Et vox ipsa Græca. Agell. lib. 13. cap. 21. Omnia fermè id genus, quibus plantarum calces tantùm infime teguntur, cetera prope nuda, & teretibus habenis juncta sunt, soleas dixerunt, nonnumquam voce Græca crip-
pidulas.

(2) Calceis Reges utebantur. Drest fortissè auratis, vel gemmatis. Nam hujusmodi Calceis, & Cothurnus Reges, &
Imperatorum quosdam usos scimus. Plinius lib. 37. cap. 2. de Caligula: Super omnia muliebria soccos inducat e marga-
ritis. Et Lamprius, de Hellogab. Habuit in calceamentis gemmas, & quidem scalptas, quod risum omnibus movit, quasi
posset scalpturæ nobilium artificum videri in gemmis, quæ pedibus adhererant.

(3) Ocreæ quod crura. Varro: Ocrea quod opponeretur ob crura. Longè aliter Festus ex Atejo Philologo. Ocrem moniem
confragosum à veteribus dictum, inde ocreas dictas, quod sint inaequaliter tubercata.

(4) Cothurnus. Est etiam cothurnus. (ut ait Serv. Aen. 1.) Calcei species venatorii, quo etiam sura vincitur, & aptus
utrique pedi, propterea à singulari numero dixisse Maronem: Purpureoque alte sutas vincite cothurno.

(5) Baxeæ calciamentum comœd. Tertull. Si philosophus in purpura, cur non & in baxa (al. baxa) Tytia calciare,
nisi aurum minime Græcatos deceat. Et Apulejus lib. 2. de Assin. l'almeis baxeis indutum.

(6) Sic it subtolares q. s. t. s. Sic Onieus. Ovet. Salm. Silien. Gorthici. al. subtalares.

(7) Obstrigilli. Obstragula vocat Plinius calceorum vincula lib. 9. cap. 35. de Margaritis: Quia & pedibus, nec crepi-
darum tancum obstragulis, sed & toris socculis addunt.

(8) Mullei. Vid. Fest.

(9) Dicti autem à colore rubro, qualis est mulli piscis. Nisi potius pisces de Calceis nominati. Plin. lib. 9. cap. 17.
Nomen his Fonestella à colore mulleorum calceamentorum datum putat.

(10) Soleæ. Vid. Agellii verba addum ad Crepidas citata.

(11) Soleæ materiales. Materiarias dixisset Plinius ut lib. 7. cap. 56.

(12) Caligulæ -- Al. Galigulæ.

- 514 D. ISID. HISPAL.
 17 ⁽¹⁾ Cernui socci sunt sine solo. 20 ⁽⁴⁾ Perones, & ⁽⁵⁾ Sculponeæ
 18 Lingulati ⁽²⁾ quos nos foliatos rustica calciamenta sunt.
 vocamus. 21 Baxeæ, calciamenta mulie-
 19 Clavati, quasi chalybati, eo rum sunt.
 quòd minutis clavis, id est, acutis 22 Corrigiæ à coriis vocantur,
⁽³⁾ sola caligis vinciantur. vel à colligatione, quasi colligiæ.

DIVI ISIDORI HISPALENSIS EPISCOPI ETYMOLOGIARUM

LIBER VIGESSIMUS.

DE PENU, & INSTRUMENTIS domesticis, & rusticis.

CAPUT PRIMUM.

De Mensis.

1 PRIMUS Dædalus mensam & sellam fecit. ⁽⁶⁾ Coquinæ apparatus Apicius quidam primus composuit, qui in eo absumptis bonis morte voluntaria periit, & meritò : quia is, qui gulæ atque edacitati servit, & animam, & corpus interficit. Ab esu & comesu mensæ factum vocabulum. Nullum enim alium habet usum.

2 ⁽⁷⁾ Torus dicitur à tortis herbis, quæ accumbentium humeris supponuntur.

3 ⁽⁸⁾ Stibadium à stipitibus dictum, quasi stipadium : sic enim prius

cœptum est. Accubitus à cibo vocatus, ⁽⁹⁾ quasi ad cibatum epularum.

4 ⁽¹⁰⁾ Convivium apud Græcos à computatione *συνπρόσιον*. Apud nos verò à convictu rectius appellatur, vel quia vitæ colloctionem habet. Item convivium à multitudine convescens : nam privata mensa victus est, convivium non est. Convivii triplex est modus : discumbendi, edendi, & bibendi. Discumbendi, ut : Toris jussi discumbere pictis. Edendi & bibendi, ut : Postquam prima quies epulis, mensæque remotæ : Crateras magnos statuunt, & vina coronant.

Ci-

(1) Cernui, Festus : Cernuus calciamenti genus. Et fortasse huc referri possit versus Lucilii à Nonio citatus. Cernuus ex templo plantas convexit honestas. *Quamquam* & pro inclinato intelligi possit, ut vult Nonius.

(2) Quos nos foliatis. Hieronymus, in Epist. ad Eustach. Apud hos efficitata sunt omnia. Laxe manicæ, caligæ follicantes, vestis crassior. Et paullo ante : Omnis his cura de vestibus, si bene oleant, si pes laxa pelle non follicat.

(3) Sola caligis. Sic manuscr. d. Meminit clavorum caligiarum Plin. lib. 9. cap. 17.

(4) Perones. Serv. Æn. 7. Perones rusticum calceamentum. Vid. Fest. Mulleis.

(5) Sculponeæ. Cato de Re Rust. Sculponeas bonas alteris annis dare oportet. Vid. etiam Non.

(6) Cap. I. Coquinæ apparatus Apicius. De quo Senec. Ad Albinam matrem cap. 10.

(7) Torus à Tortis herb. & Serv. Æn. 2.

(8) Stibadium à stipitibus dictum. Quibus adclinari debeant. Stipibus. Tamen habent libri de meliore nota.

(9) Quasi ad cibatum. Al. ad cibum. Chacon ad cibatum.

(10) Convivium apud Græcos, à Hieronymus, in Isid. cap. 1.

CAPUT II.

De Escis.

¹ **C**ibus dictus, quia capitur ore: sicuti esca, quia eam os capit.

² Victus propriè vocatur, quia vitam retinet, undè & ad cibum vocare, invitare dicitur.

³ Alimonia dicitur, eo quòd ejus sumptu corpus alatur. Hanc juvenes accipiunt ad incrementum, senes ad perseverantiam. Neque enim subsistere poterit caro, nisi confortetur alimentis. Alimentum enim est, quo alimur, ⁽¹⁾ alimonium alendi cura.

⁴ Affluentia nuncupata, quasi rei nimium exuberantis effusio, ultra quàm satis est, modusque non est.

⁵ Opulentia ab ope dicta est, quam si discutias, invenies eam tenere modum. Nam quomodò opitulatur quod nimium est, cum incommodius sit sæpè, quàm parum?

⁶ Epulæ ab opulentia rerum dictæ. Epulæ autem simplices in duo necessaria dividuntur, panem & vinum, & in duo superflua, quæ terra & mari vescendi causa exquiruntur.

⁷ ⁽²⁾ Dapes autem Regum sunt, epulæ privatorum.

⁸ Deliciæ nuncupatæ, quòd iis delectentur homines, easque suaviter appetant.

⁹ Pulmentum vocatur à pulte, sive enim sola pultis, sive quid aliud

ejus permixtione sumatur, pulmentum propriè dicitur.

¹⁰ Satietas autem, & ⁽³⁾ saturitas sibi differunt. Nam satietyas ex uno cibo dici potest, pro eo quòd satis sit: saturitas autem à satyra nomen accepit, quòd est vario alimentorum apparatu compositum.

¹¹ Crapula est immoderata voracitas, quasi cruda epula, cujus cruditate gravatur cor, & stomachus indigestus efficitur. Immoderata enim voracitas vitium est, sed tantum id salutis est, quantum sustentationi, naturæque sufficiat.

¹² ⁽⁴⁾ Jantaculum est primus cibus, quo jejunium solvitur, undè & nuncupatum. Nigidius: Nos ipsi jejunia jantaculis levibus poliuimus.

¹³ Prandium ab apparatu edendi dictum: propriè autem Veteres prandium vocabant omnium militum cibum antè pugnam, ⁽⁵⁾ undè est illud Ducis alloquium: Prandeamus, tanquam ad inferos cœnaturi.

¹⁴ ⁽⁶⁾ Merenda est cibus, qui declinante die sumitur, quasi post meridiem edenda, & proxima cœnæ. Undè & antecœnia à quibusdam vocantur. ⁽⁷⁾ Itèm merendare, quasi meridiè edere.

¹⁵ ⁽⁸⁾ Annona, tractum est à tempore, quo Romani Veteres ad cibos advocabantur, sic Martialis: Imperat excelsos frangere nona toros, quod & usque hodie Persæ faciunt.

¹⁶ Cœna vocatur à communione

(1) Cap. II. Alimonium alendi cura. Varro 1. de Re Rust. cap. 8. Ubi natura humida ibi altius vitis attollenda, quòd in partu, & alimonio vinum non ut in calice querit aquam, sed Solem.

(2) Dapes Regum sunt. Sero. En. 1. ad v. Qui dapibus mens on. & p. p.

(3) Saturitas à satyra. Vid. Fest. in Satyra.

(4) Jantaculum. Ita meliores libri, & apud Festum in Silatium. Itemque in Abbreviatoris Pauli manuscripto libro, non ut in vulgatis jentaculum.

(5) Undè est illud Ducis. Leonida Spartanorum Ducis, apud Justin. & Cicer. Tuscul. 1.

(6) Merenda cib. q. d. d. sum. Non. Merenda cibus qui post meridiem datur. Gloss. Merenda ἀριστον ἀσπιδων Calpurnius: Seræ cum venerit hora merende.

(7) Itèm merendare, quasi meridiè edere. Ne hoc quidem auctore caret. Fest. Merendam antiqui dicebant pro prandio, quod, scilicet, medio die caperetur. Tamen adhuc eadem de re aliter cap. sequenti. Isidorus.

(8) Annona tractum, &c. Nihilò melius Suid. in voce Νόρραι, ἀνώνη ἢ παρ' ἀντὶς γινέσθαι, αἱ ἀννῶναι, ὥς εἴρηται τὰς νόρρας ἀσπιδωναι.

ne vescentium, κοινὸν quippè Græci commune dicunt. Undè & communicantes, quòd communiter, id est, paritèr convenient. ⁽¹⁾ Apud Veteres enim solitum erat in propatulo vesci, & communiter epulari, ne singularitas luxuriam gigneret. Est autem cœna vespertinus cibus, quam ⁽²⁾ Vespernam Antiqui dicebant. ⁽³⁾ In usu enim non erant prandia.

17 Panis dictus, quòd cum cibo apponatur, vel quòd omne animal eum appetat. πᾶν enim Græcè, omne dicitur. Cibarius est, qui ad cibum servitus datur, nè delicatus. ⁽⁴⁾ Fermentatius fermentis confectus. Azymus non fermentatus. Nam ἀζυμος est sine fermento, sincerus. Acrozymus, levitèr fermentatus, quasi acroazymus. Siligineus panis à frumenti genere nuncupatur. Siligo enim genus est tritici: ⁽⁵⁾ Rubidus, recoctus, & rubefactus. Subcineritius, cinere coctus, & reversatus. ⁽⁶⁾ Ipse est & Focatus. Clibanitius in testa coctus.

18 ⁽⁷⁾ Spongia, panis aqua diù malaxatus similam modicam accipit, & fermentum modicum, & habet humectationis plusquam omnis panis. Undè & spongiæ nomen accepit.

19 Placentæ sunt, quæ fiunt de farre, quas alii liba dicunt, eo quòd libeant, & placeant.

20 Laganum est latus, & tenuis

panis, qui primùm in aqua, postea in oleo frigitur.

21 ⁽⁸⁾ Dulcia sunt genera pistorii operis, à sapore dicta. Melle enim asperso sumuntur.

22 ⁽⁹⁾ Crusta est superficies panis. Ipsa & fragmenta, quia dividitur, ut fracta.

23 Simila.---

24 Amolum flos farinae tenuissimum præ levitate de mola egestum, undè & appellatum, quasi à mola.

25 Farina & furfures à farre dictæ, cujus sunt purgamenta.

26 Pollis.---

27 Fermentum à fervore nuncupatum, quod plùs una hora non potest contineri. Crescendo enim excedit.

28 Carnes dictæ, quia caræ sunt, sive à creando, undè & à Græcis ἀπὸ πίας vocatur.

29 ⁽¹⁰⁾ Crudum, quòd sit cruentum, est enim cum sanguine.

30 Coctum, quasi coactum, id est, ab igne, & aqua violenti modo actum, usuique comestitionis aptum.

⁽¹¹⁾ Sed & multi temporis aliquid coctum vocatur.

31 ⁽¹²⁾ Assum, quòd ardeat, quasi arsum.

32 Elixum, eo quòd in aqua sola decoquitur. Lixa enim aqua dicitur, ab eo quòd sit soluta, undè & soluta.

(1) Apud Veteres n. solitum erat in propatulo. Valer. lib. 2. cap. 1. & Macrob. lib. 3. cap. 17.

(2) Quam Vespernam Antiqui dicebant. Fest. Cœna apud Antiquos dicebatur, quod nunc est prandium: Vesperna, quam nunc cœnam appellamus. Item in Vesperna. Vesperna apud Plautum cœna intelligitur.

(3) In usu enim non erant prandia. à Serv. Æn. 4. ad v. Nunc ead. labente die c. q.

(4) Fermentatius. Ità plerique Gothi, ut clibanitius, & Focatus.

(5) Rubidus recoctus, & rubefactus. Festus: Rubidus apud Plautum panis vocatur parum coctus, sed locus è Catina ab eo citatus Isidoro potius faveat.

(6) Ipse est & Focatus. Vulgo bogaza.

(7) Spongia panis aqua diutius malaxatus. Ità meliores libri, & malaxandi vox citatur à Zanch. ex Varrone.

(8) Dulcia. Al. Dulciamina, haud male. Hieronymus in vita S. Pachomii. Qui ante fores convivii ingredientibus fratribus erogat dulciamina, in tribuendo medietur aliquid de scripulis. Hinc Dulciarii. Glossar. candorem præbent, Dulciarius. Et πᾶν τῶν πλεονάζοντων Placentarius. Dulciarius.

(9) Crusta est superfl. p. De crusto, & crusta. Vid. Serv. Georg. 3. & Æn. 7. & Varro lib. 4. Hoc autem loco tantum retinimus, quia in Veterioribus libris invenimus.

(10) Crudum quod sit cruentum. Serv. Æn. 10. Crudum per costas exigit enses, crudelem, cruentum.

(11) Sed & multi temporis coctum. à Serv. Æn. 11. ad v. Solitum nodis, & robore cocto.

(12) Assum q. arsum. Rectè quamvis Varroni: Assum quod ab igni assuescat. Dicitur placeat.

(13) Elixum—lixa n. aqua. Nonius: Elixum quidquid ex aqua molitur, nam lixam aquam Veteres dixerant.

lutio libidinis luxus, & membra loco mota luxa dicuntur.

33 Frixum à sono dictum, quando in oleo ardet.

34 Salsum, quasi sale aspersum, demptis è medio syllabis tribus.

35 Rancidum, ex vitio nuncupatum, quod raucos efficiat.

36 Succidia, carnes in usum repositæ, à succidendo dictæ.

37 ⁽¹⁾ Lardum, eo quod in domo repositum conservatur. Nam Antiqui domos lares dicebant.

38 ⁽²⁾ Taxea, lardum est gallicè dictum. Undè Afranius in Rosa: Galum sagatum, pingui pastum taxea.

39 Axungia, ab unctione vocata.

40 Sebum, à sue dictum, quasi suebum, quod plus pinguedinis hoc animal habeat.

41 ⁽³⁾ Offa est propriè frustum dentium, cujus diminutivum ofellam facit. Undè & offarii coci, quia particulatim, id est, offatim excoquunt.

⁽⁴⁾ Nunc offa latrantium, quia si in os canis jacitur, satiatus illicò compescitur, & silescit.

42 Frustum vocatum, quod capiatur à frumine. Est enim frumen summa pars gulæ.

43 ⁽⁵⁾ Pulpa dicta, quod cum pulte olim mixta vescebatur, undè & pulmentum, & pulmentarium dicitur. ⁽⁶⁾ Pulpa autem est caro sine pin-

guedine, dicta, quia palpitet, resilit enim sæpè. Hanc plerique viscum vocant, eo quod glutinosa sit.

44 Lucanicæ dictæ, quod prius in Lucania factæ sunt.

45 Farcimen, caro concisa, & minuta, quod eo intestinum farciatur, hoc est, impleatur, cum aliarum rerum commixtione.

46 ⁽⁷⁾ Minutal vocatum, quod fiat de piscibus, & isiciis, oleribusque minutatim concisis.

47 ⁽⁸⁾ Afratum, quod Latinè spumeum vocatur, ἀφρος enim Græcè spuma dicitur.

48 ⁽⁹⁾ Marcisia in mortario ex pisce fiunt, undè & nominata.

49 ⁽¹⁰⁾ Isocen piscem quemdam vocant, ex quo primum isicia facta sunt, & quamvis ex alio genere piscium fiant, initium tamen piscis vocabulum dedit.

50 Galaticæ à colore lacteo nominatæ. Græci enim γάλα lac dicunt.

51 Sphæra à rotunditate Græco vocabulo appellatur. Quidquid enim in rotundum formatur, σφαῖρα à Græcis dicitur.

52 Jus coquinæ Magistrì à jure nuncupaverunt, quia ea lex condimenti ejus. Hoc Græci ζωμὸν vocant.

53 Caseus vocatur, quod careat sero, quasi careum. Nam serum ei omne deducitur, ⁽¹¹⁾ ut ponderibus arguatur.

XX

Co-

(1) Lardum, eo quod in dom. rep. At Macrob. lib. 7. cap. 8. Lardum, quasi longè aridum, opinor, vocamus.

(2) Taxea. Hinc fortassis apud nos tocino, atque etiam tassajo.

(3) Offa—cujus diminutiv. ofella. Serv. An. 6. Melle soporatum, & indicatis frugibus offam. Hinc est diminutio ofella, sed f. non geminat, in diminutione enim multa mutantur.

(4) Nunc offa est latrantium. In Placidi gloriis: Offa latrantium est, diminutivum ofellam facit, quæ si in os cani jacitur, satiatus illicò compescitur, & silescit.

(5) Pulpa dicta quia cum pulte. Nam pulte (ait Plinius lib. 17. cap. 8.) non pane vixisse longo tempore, Romanos, manifestum est, quoniam inde pulmentaria hodieque dicuntur.

(6) Pulpa est caro sine pinguedine—glutinosa. Eadem sup. lib. 11. cap. 1.

(7) Minutal, Juven. Satyr. 14. Hæc sternum solitus medio servare minutal Septembri.

(8) Afratum. Al. Afrotum. Africa etiam apud Arnob. lib. 7. Genus libi esse videtur, aut certè pultis.

(9) Marcisia. Ex hoc loco, opinor, Martisfrum retulit in lexicon suum Alfonsus quidam Valentinus, (cui quantum tribuendum sit, alii viderint) illud constat multa eum ex Iridoro descripsisse. Is ergo: Martisfrum genus (inquit) condimenti ex piscibus. Ut videri alicui posset Martisfrum Græca vox, est enim ἀφρος pisciculus, de quo Athenæus lib. 7.

(10) Isocen—Isicia. Arnob. lib. 7. Quid sibi hæc volunt, apexabo, Isicia, silicernium, longanot? Quæ sunt numina, & farcimennum genera hirsutino alia de sanguine commistis alia inculcata pulmonibus.

(11) Ut ponderibus arguatur. Seri nihil remanens.

54 ⁽¹⁾ Colostrum, lac novum, quod neutri generis est.

55 Lac à Græco sermone derivatum est pro candore. Græci enim album λευκόν dicunt, lac verò & sanguis, quod nutrit, & quod nutritur. Nàm lacte ⁽²⁾ nutrimur, vivimus sanguine.

56 Quactum, quasi coactum, & quasi coagulatum. Accepta enim secum alia specie coagulat.

57 Mel Græcæ appellationis est, quod ab apibus nomen habere probatur. Nàm apis Græcè μέλισσα dicitur.

⁽³⁾ Antèa autem mella de rore erant, inveniebanturque in arundinum foliis, undè Virgilius: Hactenùs aërii mellis cœlestia dona. ⁽⁴⁾ Siquidem hucusque in India, & Arabia colligatum reperitur, ramis inhærens in similitudinem salis. Omne autem mel dulce dicitur.

⁽⁵⁾ Sardum, amarum est absinthii causa, cujus copia ejus regionis apes nutriuntur.

58 Favus vocatur, quia comeditur magis, quam bibitur: φάγειν enim Græci comedere appellant. ⁽⁶⁾ Ajunt autem Medici, & qui de humanorum corporum scripsere naturis, præcipuèque Galenus in libris, quorum titulus est περὶ υγίας puerorum, & juvenum, ac perfectæ ætatis viro- rum, mulieremque corpora insito calore fervere, & noxios esse iis ætati- bus cibos, qui calorem augeant sani- tatiq; conducere frigida quæque in esum sumere, sicut contrariò senibus, qui pituita laborant & frigore, cali- dos cibos, & vina vetera prodesse.

CAPUT III.

De Potu.

1 **P**Otio à Græca derivatione vocatur. Hanc enim illi ποτός dicunt.

2 ⁽⁷⁾ Aqua generalitèr vocata, quòd superficies ejus æqualis sit, hinc & æquora, quam indè recentem dici- mus, quia non est utilis vetusta, ut vinum, sed statim sublata de flumine, fonte, vel puteo, foetescit enim ve- tusta.

3 Vinum indè dictum, quòd ejus potus venas sanguine citò repleat. Hoc alii quòd nos cura solvat, Lyæum appellant. Veteres vinum venenum vocabant. Sed postquàm inventum est virus lethiferi succi, hoc vinum vocatum, illud venenum. Undè & Hieronymus in libro, quem de Virginitate conservanda scripsit: Adolescentulas, dixit, ità vinum de- bere fugere, ut venenum, ne pro æta- tis calore ferventi bibant, & pereant. Indè est, quòd ⁽⁸⁾ apud Veteres Roma- nos fœminæ non utebantur vino, nisi sacrorum causa certis diebus.

4 Merum dicimus, cùm vinum purum significamus. Nàm merum di- cimus quidquid purum, atque synce- rum est, sicut & aquam meram, nul- li utique rei mixtam. Hinc & meren- da, quòd antiquitùs id temporis pue- ris operariis, cibus panis merus daba- tur, aut quòd meridient eodem tem- pore, id est, soli, ac separatim, non ut in prandio, aut in cœna ad unam

(1) Colostrum lac novum. *Serv. eclog. 2.* Hoc verò laudabile est, quod quis habeat lac novum, id est, colostrum, quod neutri generis est.

(2) Lacte nutrimur, vivimus sang. *Idem Æn. 3.* Animamque sepulchro condimus, lacte corpus nutritur post animæ conjunctionem, & anima sine sanguine nunquam est.

(3) Antèa mella de rore erant. *Ex eod. initio Georg. 4.*

(4) Siquidem hucusque Ind. è *Dioscor. lib. 2.*

(5) Sardum autem amar. *Ex eod.*

(6) Ajunt Medici—prodesse. *Ex Hieron. Ep. 10. Ad Eufriam de Viduitate servanda.*

(7) Cap. III. Aqua—quod superficies ejus æqualis. Ità *Varro.* Aqua, quod aqua summa.

(8) Apud Veteres Rom.—diebus, è *Serv. Æn. 1. ad v.* Primaque libato s. t. 2. o.

mensam. Indè credimus etiam illud tempus, quod post medium diem est, meridiem appellari, quòd purum sit.

5 Mustum est vinum è lacu statim sublaturum. Dictum autem creditur mustum, quòd in se linum, & terram habeat mixtam. (2) Nam mus terra, undè & humus. Cujus tanta vis fervoris est, ut vasa, quamvis grandia, ex eo plena, absque spiramine relicta, illicò disrumpat.

6 (3) Roseum vinum, id est, cum rubore. Rosa enim rubet.

7 (4) Amineum verò, quasi sine minio, id est, sine rubore, nam album est.

8 Sucinatum, succinæ gemmæ simile est, id est, fulvi coloris.

9 Limpidum vinum, id est, perspicuum ab aquæ specie dictum, quasi lymphidum. Lympha enim aqua est.

10 Turbidum, quasi terbidum, id est, terra commixtum, quod est fece.

11 Falernum vinum vocatum à Falerna Regione Campaniæ, ubi optima vina nascuntur.

12 (5) Colatum, vas proprium nuncupant, in quo deportatur.

13 (6) Gazetum verò à Regione, undè defertur. Gaza enim Oppidum est Palæstinæ.

14 (7) Infertum vinum dicitur, quòd altari libatur, atque offertur.

15 (8) Spurcum, quòd offerri non licet, aut cui aqua admista est, quasi spurium, hoc est, immundum.

16 (9) Honorarium vinum, quòd Regibus, & Potentibus honoris gratia offertur. Cato de innocentia sua: Cùm essem in Provincia Legatus, complures ad Prætores, & Consules vinum honorarium dabant, nunquàm accepi, ne privatus quidè.

17 (10) Crucium vinum est insuave, quod servi potant.

18 Acetum, vel quia acutum, vel quia aqutum. Vinum enim aqua mixtum citò in hunc saporem redigitur. Undè & (11) acidum, quasi aquidum.

19 Conditum vocatum, quòd non sit simplex, sed commixtione pigmentorum compositum.

20 (12) Lactatum, est potio è lacte.

21 Mulsum ex melle mixtum. Est enim potio ex aqua, & melle, quod Græci μελίκρατον vocant.

22 (13) Oenomelum, mustum melle admixtum, vehementerque agitatum, atque commotum.

23 Hydromelum, quod fiat ex aqua, & malis Matianis.

24 (14) Saccatum, liquor est aquæ faci vini admixtus, & sacco expressus.

Xx 2

Lo-

(1) Meridiem appellari—quod purum. Idem sup. lib. 3. cap. 41. & 5. cap. 30. & 13. cap. 1.

(2) Nam mus, terra est, lià etiam lib. 12. cap. 3.

(3) Roseum. Rosete vocant nostri.

(4) Amineum—album est, è Serv. Georg. 2. ad v. Sunt, & Amineæ vitæ.

(5) Colatum vas prop. Serv. Georg. 2. ad v. Tu spisso vimine qualos, Colaq. prelor. qualos per quos vinum defluit, qui & ipsi à colando dicti sunt.

(6) Gazetum, Sidon. Apollinar. Vina mihi non sunt Gazetica, Chia, Falerna.

(7) Infertum, sic omnes libri. Sed inferum legebat vir doctissimus, cuius meminero Festus, & Arnob. lib. 7. & Cato cap. 34. de Fertis, vel ferto, vid. sup. lib. 6. cap. 19.

(8) Spurcum, quod offerri non licet, è Fest.

(9) Honorarium. Frumenti quoque honorarii meminit Cicero in Pisoniana.

(10) Crucium vinum. Festus: Crucium, quod cruciat: unde Lucilius vinum insuave crucium dixit.

(11) Et acidum q. aquidum. Qua post hæc leguntur in editis, interpretationem lora, qua paullo-post nuda relicta est, putabat Chacon: cui assensui sumus.

(12) Lactatum est potio è lacte. Plin. lib. 33. cap. 2. Muranas lactatu pinguescere dixit.

(13) Oenomeli. Vid. Pallad. in Octob.

(14) Saccatum liq. est aq. f. v. a. sacco expressus. Non deest, qui duo vini genera hoc loco confusa putet, itaque legat: Saccatum sacco expressum. Facatum, liquor est aquæ, faci vini admixtus. Nam saccato negant aquam admisceri, & Facati meminere Cato, & Plinius.

25 ⁽¹⁾ Lorea.—

26 Oxymeli appellatum, quòd aceti, & mellis permixta conficitur materia, undè & dulcedinem retinet, & acorem.

27 Rhodomeli dicitur, eo quòd in succo rosæ mel admisceatur.

28 Melicratum, vinum melle mixtum.

29 Medus, quasi melus, quia ex melle fit, sicut calamitas pro calamitas.

30 ⁽²⁾ Fæcula, uva pinguis, decocta usque ad crassitudinem mellis, ac refrigerata utilis stomacho.

31 ⁽³⁾ Passum, quidquid ex uva passa compressum effluxerit. Dicitur autem passum à patiendo. Nam percutitur uva siccior, & decoquitur, & indè fit passum.

32 ⁽⁴⁾ Defrutum dictum est, quòd defraudetur, & quasi fraudem patiatur.

33 Carenum, eo quòd fervendo parte careat. Tertia enim parte musti amissa, quod remanserit, carenum est, cui contraria. Sapa est, quæ fervendo ad tertiam redacta descenderit.

34 ⁽⁵⁾ Sicera est omnis potio, quæ extra vinum inebriare potest. Cujus licet nomen Hebræum sit, tamen Latinum sonat pro eo, quòd ex succo frumenti, vel pomorum conficiatur, aut palmarum fructus in liquorem exprimantur, coctisque frugibus ⁽⁶⁾ aqua pinguior, quasi succus colatur, & ipsa potio sicera nuncupatur.

35 ⁽⁷⁾ Cervisia à Cerere, id est, fruge vocata. Est enim potio ex seminibus frumenti vario modo confecta.

36 Cælia, à calefaciendo appellata. Est enim potio ex succo tritici per artem confecta. Suscitatur enim ignea illa vis germinis madefactæ frugis, ac deindè siccatur, & post in farinam redacta molli succo admiscetur, quo fermentato sapor austeritatis, & calor ebrietatis adjicitur. Quæ fit in iis partibus Hispaniæ, cujus ferax vini locus non est.

37 Fæx dicta, quòd sese vasis emergendo affigat.

38 Garum est liquor piscium salsus, qui olim conficiebatur ex pisce, quem Græci γάρου vocabant, & quamvis nunc ex infinito genere piscium fiat, nomen tamen pristinum retinet, à quo initium sumpsit.

39 Liquamen dictum, eo quòd soluti in salsamento pisciculi eundem humorem liquant, cujus liquor appellatur salsugo, vel muria.

40 Propriè autem muria dicitur aqua sale commixta, effectaque gustu in modum maris.

41 Succi dicti, quòd sacco exprimentur, ut ptisanæ.

42 Ptisanæ, Zema, Opozema, Græca vocabula sunt.

CAPUT IV.

De Vasis Escariis.

I VAS dictum à vescendo, quòd in eo escæ apponantur.

(1) Lorea. Est vilis potus servis aptus, quia aqua lavantur uva in torculari post expressum vinum. His enim verbis aliunde evocatis expleri hanc lacunam placebat Chaconi.

(2) Fæcula—utilis stomacho. Horat. lib. 2 Satyr. 8. Qualia lassum pervellunt stomachum, siser, hælec, fæcula, Co-

(3) Passum. Ex Pallad. in Octob. cap. 19.

(4) Defrutum, Carenum, sapa. Ex eodem cap. 18. Apud quem à defraudando, non à defervendo legisse videtur Isidorus.

(5) Sicera est omnis pot. Ex Hieron. Ep. 2. ad Nepotian. Itaque non inest apud Tertullianum pro שרר ebriamen legitur.

(6) Aqua pinguior, quasi succus colatur. Hieronymus. Aqua pingior coloratur.

(7) Cervisia—Cælia. Hispaniensis vox. Plinius lib. 22. cap. ult. Ex iisdem fiunt & potus Zethum in Ægypto, Cælia, & Ceria in Hispania, Cervisia, & plura genera in Gallia.

tur. Cujus diminutivum vasculum, quasi vesculum.

2 Fictilia dicta, quod fiant, & fingantur ex terra. Fingere enim est facere, & formare, & plasmare: undè & figuli dicuntur. Et vas fictile dicitur, non fictum illud quod mendacium est, sed quod formatur ut sit, & habeat aliquam formam, undè & Apostolus dicit: Nunquid dicit figmentum ei, qui se fingit, quare me sic fecisti?

3 ⁽¹⁾ Fictilia vasa in Samo Insula priùs inventa traduntur, facta ex creta, & indurata igne, undè & Samia vasa. ⁽²⁾ Postea inventum est rubricam addere, & ex rubra creta fingere. ⁽³⁾ Antiquiorem autem fuisse (dicunt) usum fictilium vasorum, quàm fundendi æris, aut argenti. ⁽⁴⁾ Apud Veteres enim, nèc aurea, nèc argentea, sed fictilia vasa habebantur: sicut ad vina doliis excogitatis, ad ⁽⁵⁾ aquas amphoris, hydriis ad balnea, ac reliquis, quæ in usibus hominum, aut rota fiunt, aut manu aptantur.

4 Argilla autem excocta testæ vocabulum suscipit, quia dum mollis esset, efficitur testa, nèc communicat cum vocabulo pristini generis, quia quod fuit, non est.

5 ⁽⁶⁾ Aretina vasa, ex Aretio municipio Italiæ dicuntur, ubi fiunt: sunt enim rubra. De quibus Sedulius: Rubra quod appositum testa ministrat olus.

6 Samia vasa quidam putant ab Opiddo Samo Græciæ habere nomen. Alii dicunt cretam esse Italiæ, quæ non longè à Roma nascitur, ⁽⁷⁾ quæ Samia appellatur.

7 Cæata vasa argentèa, vel aurea sunt, signis eminentioribus intus, extrà expressa: à Cælo vocata, quod est genus ferramenti, quem vulgò ⁽⁸⁾ Cilionem vocant.

8 ⁽⁹⁾ Chrysenedeta vasa deaurata, Græcum est.

9 ⁽¹⁰⁾ Anaglypha, quod superius sint sculpta, Græci enim *ἀνω* sursum, *γλυφὴν* sculpturam dicunt, id est, sursum sculpta.

10 Discus, antea iscus vocabatur à specie scuti: ⁽¹¹⁾ undè & scutella. Postea discus vocatus, quod det escas, id est, apponat. A quo & discumbentes dicti sive *ἀπὸ τοῦ δίκειν*, id est, quod jacent.

11 ⁽¹²⁾ Messorium vocatum à mensa per derivationem, quasi mensorium.

12 Parapsis, quadrangulum, & quadrilaterum vas, id est, paribus absidis.

13 Patina, quod dispansis, patientibusque oris sit lancis.

14 ⁽¹³⁾ Gabata, quasi cavata, g. pro c. littera posita. Hinc & concha, sed illa cavata, ista concava: sic & Græci hæc nuncupant.

15 Scutella, à scuto per diminutionem.

Xx 3 nu-

(1) Cap. IV. Fictilia vasa in Samo Insula. Ex *Plin. lib. 35. cap. 12.*

(2) Postea inventum & rubricam addere, *Plinius*: Dibutadis inventum est, rubricam addere, aut ex rubrica cretam fingere.

(3) Antiquiorem autem fuisse, Ex *ead.*

(4) Apud Veteres—sicut ad vina, *Plin.* Etiam fictilibus vasis ad vina excogitatis, & ad aquas.

(5) Ad aquas amphoris, ita *Pollux lib. 10. cap. 5.* Et *Hesych.* unde etiam *Interpres vulgat. edit.* *αμφύμων*, amphoram aquas reddidit, Amphoris vina quoque servari, nihil notius. *Horat.* Parcis deripere horreo, cessantem bibuli Consulie amphoram. Et, amphora funum bibere instituit *Consule Tullo.*

(6) Aretina vasa. De quibus *Martial. lib. 14. epig. 98.*

(7) Quæ Samia appellatur. *Quoniam de Samiis paullo-ante dixerat, Samnia hic quidam reponchat. Samnites enim non longe à Roma.*

(8) Quod vulgò cilionem. *Al.* cilicionem. *Sinzel* à nobis dicitur.

(9) Chrysenedeta. Vasa argentea auris crustis illigata, ait *Bayfus.*

(10) Anaglypha. *Serv. Æn. 5.* Atque aspera signis, id est, sculpta (*inquit*) anaglypha.

(11) Undè & scutella. Et scutula *Martialis*, & leves scutulas, cavasque lanceas.

(12) Messorium. *Missorium. C. Over. Colleg.*

(13) Gabata. *Martial.* Transcurret gabata, volantque lancea.

nutionem est enim ejusdem similis.

16 ⁽¹⁾ Apophoreta à Græcis à ferendo poma, vel aliquid nominata, est enim plana.

17 Salinum, vas aptum talibus.

⁽²⁾ Idem & Sulzica, quasi salzica.

18 Acetabulum, quasi acetaserum, quod acetum ferat.

19 Cochlear, ab usu prius cochlearum dictum. Hinc est illud ⁽³⁾ Veterum distichon: Sum cochleis habilis, & nec minus utilis ovis. Numquid scis, potius cur cochlare vocor?

20 ⁽⁴⁾ Trisceles, Græcè, Latine tripedes. Qui autem quatuor pedibus insistent, abusivè dicuntur.

21 In vasculis autem tria quæruntur, quæ placeant: manus Artificis, pondus argenti, splendor metalli.

CAPUT V.

De Vasis potoriis.

1 **P**OCULUM à potando nominatum. Est enim omne vas, in quo bibendi est consuetudo.

2 Phyalæ dictæ, quod ex vitro fiant. Vitrum enim Græcè *ψαλον* dicitur.

3 Pateræ, phyalæ sunt dictæ, vel quod in ipsis potare solemus, vel quod patententes sunt dispansisque labris.

4 Cratera, calix est duas habens ansas, & est Græcum nomen: decli-

natur autem apud eos, hic crater. ⁽⁵⁾ Nam Latine hæc cratera dicitur. Unde Persius: Si tibi crateras argenti. -- Virgilius: Crateras magnos statuunt, & vina coronant. ⁽⁶⁾ Fiebant autem primum à connexionibus virgultorum, undè & dictæ crateræ *ἀπὸ τῶν κραινῶν*, id est, quod invicem se teneant.

5 Cyathi quoque, & Scyphi, ⁽⁷⁾ Cymbia, & ipsa poculorum sunt genera. Ex quibus cymbia pocula dicta sunt ex similitudine cymbæ navis.

6 ⁽⁸⁾ Amystis species poculi, qua ductim, id est, uno spiritu bibitur.

7 ⁽⁹⁾ Baceea primum à Baccho, quod est vinum, nominata, postea in usibus aquariis transiit.

8 ⁽¹⁰⁾ Calices, & Calathi, & Scallæ ⁽¹¹⁾ poculorum genera, antea ex ligno facta, indè & vocata. Græci enim omne lignum *καλον* dicebant.

9 Ampulla, quasi ampla bulla: similis est enim rotunditate bullis, quæ ex spumis aquarum fiunt, atque ita inflantur vento.

CAPUT VI.

De Vasis Vinariis, & Aquariis.

1 **O**ENOPHORUS, vas ferens vinum: *οἶνος* enim vinum est, de quo illud est: ⁽¹²⁾ Vertitur œnophoris fundus, sententia nobis.

Phlas-

(1) Apophoreta. *Vi videantur non tantum munera, aut reliquia, qua è conviviiis tollerentur, sed vas quoque apophoreta nominata.*

(2) Idem & Sulzica. *Cujus vocis vestigium alibi nullum vidimus.*

(3) Veterum distichon. *Mart. lib. 3. epig. 121.*

(4) Trisceles. *τρισκελῆς.*

(5) Cap. V. Nam Latine hæc cratera--argenti. è *Serv. Æn. 1.*

(6) Fiebant autem primum connexionibus virgultorum. *Qua fortasse cratera dicebantur, de quibus Nonnius.*

(7) Cymbia--navis. è *Serv. Æn. 5.*

(8) Amystis. *Inde ἀμυστι αἶνον dicunt Græci uno haustu labris non clausis bibere Horat. Ne multi Damalis meri Bassum Thracia vincat amystide.*

(9) Baceea. *Al. Bacchia. Vulgò bazia.*

(10) Calathi *Virgil. eclog. 5.* Vina novum fundam calathis Arvisia nectar.

(11) Scallæ. *Quibus (credo) quasi per gradus aqua crepitans desiliret, qualia multa hodie scillia, & vitrea vasia sunt.*

(12) Cap. VI. Vertitur OEnophor. fund. *Diximus lib. 1. citari hunc versum à Nonio in sententia ex Lucil. lib. 3. Satyr.*

2 ⁽¹⁾ Phlascæ à Græco vocabulo dictæ. Hæ provehendis, ac recondendis phialis primùm factæ sunt, undè & nuncupatæ sunt. Postea in usum vini transierunt, manente Græco vocabulo, undè & sumpserunt initium.

3 Lagenæ, & ⁽²⁾ Sicula, Græca nomina sunt, inflexa ex parte, ut fierent Latina. Illi enim *λάγνος* nos lagenam, illi Sicile, nos siculam dicimus.

4 Cantharus---

5 Hydria vasis genus aquatilis per derivationem vocata, ὕδρις enim Græci aquam dicunt.

6 ⁽³⁾ Situla, quod sitientibus apta sit ad bibendum, quod vas ⁽⁴⁾ Græci cadum vocant.

7 ⁽⁵⁾ Catinum vas fictile, quod melius neutro genere dicitur, quàm masculino, sicut & salinum dicitur vas aptum salibus.

8 ⁽⁶⁾ Orca est amphoræ species, cujus minore vocabulo urceus, diminutivo urceolus est.

9 ⁽⁷⁾ Scyphus in quo manus lavamus.

10 Seriola est orcarum ordo directus, vel vas fictile vini, apud Syriam primùm excogitatum, sicut ⁽⁸⁾ Cilicises à Cilicia nuncupatæ, undè primùm advectæ sunt.

11 Dolium---

12 Cupos, & cupas, à capiendis, id est, accipiendo aquas, vel vinum vocatas volunt, undè & Caupones.

13 Utres ab utero.

14 ⁽⁹⁾ Mulgarium, vas, in quod mulgentur pecora. Idem & mulctrum, quod in eo mulgeatur lac.

15 Labrum vocatum, eo quod in eo lavationem solitum est fieri infantum, cujus diminutivum labellum. Idem & alveum, quod in eo ablucionem fieri solitum sit.

16 ⁽¹⁰⁾ Pelves vocatæ, quod pedes ibi laventur.

17 Siphon vas appellatum, quod aquas sufflando fundat, utuntur enim hoc Orientales. Nam ubi senserint domum ardere, currunt cum siphonibus plenis aquis, & extinguunt incendia, sed & ⁽¹¹⁾ camaras expressis ad superiora aquis emundant.

CAPUT VII.

De Vasis Oleariis.

1 Hemicadium, ⁽¹²⁾ vas olearium.

2 ⁽¹³⁾ Scorteæ, vas olearium, eo quod sit ex corio, dictum.

3 Alabastrum, vas unguentarium à lapide sui generis cognominatum, quem alabastritem vocant, qui incorrupta unguenta conservat.

Py-

(1) Phlascæ à Græco vocab. An quasi *φιάλων ἀερί*, hoc est, phialarum cullei. Nos vulgò frascos dicimus.

(2) Sicula. Mira hic in libris varietas, sicula, scicula, singula, sigula. Item paullo post illi sicile, illi scicille. Sicula tamen, & sicile in plerisque libris.

(3) Situla. Festus: Nautium Græci vas aquarium dicunt humile, & concavum, quod vulgò vocant situlum barbatum. Undè nani punitiones appellantur, &c.

(4) Græci cadum. Non n. cadus unius generis vas.

(5) Catinum vas fictile. Vid. Varr. lib. 4. & lib. 1. de Re Rust. cap. 43.

(6) Orca est amphor. Vocem esse Hispanensem innuit Varro 1. de Re Rust. cap. 13. Orca in Hispania fervore musti ruxæ, necnon & dolia in Italia.

(7) Scyphus in quo manus lavamus. Plutarch. in Anton. *παράδειγμα ἢ τίς ἀγχιγῶν σκύφον ὑπὲρ ἡμῶν ἔκειτο*, &c. Potiorum quoque fuisse vas, nemo ignorat.

(8) Sicut Cilicises. Al. Silicisses, Silicenses, Cilices, Cilicienses.

(9) Mulgarium vas. Quod Mulctræ, & mulctræ, vel mulctrare. Sed Georg. 3. More patrum nivea implebunt mulgaria vaccæ, in codicibus Antiquissimis legi admonuit Pierius. & eadem voce nunt ante Valgium. Sed nos ante casam tepidi mulgaria lactis.

(10) Pelvis. Varr. lib. 4. Pelvis à pedum lavatione, ut pedelvis.

(11) Et Camaras expressis ad superiora aquis emundant. Erant enim camera signis albario opere aliquantum eminentibus ornata, aut lacunaribus distincta, ea cum sordidatæ erant siphonibus emundabantur, quia propter altitudinem adiri alio pacto non poterant.

(12) Cap. VII. Hemicadium. Pollux lib. 10. cap. 20.

(13) Scorteæ. Festus, sive Paulus in voce Scorta. Omnia namque ex pellibus facta scorta appellantur.

4 Pyxides, vascula unguentaria ex buxo facta. Nam quod nos buxum, Græci *πύξον* vocant.

5 ⁽¹⁾ Lenticula vasculum olearium ex ære, aut argento factum à liniendo dictum. His enim Reges, & Sacerdotes linebantur.

CAPUT VIII.

De Vasis coquinariis.

1 OMnia vasa coquendi causa parata ⁽²⁾ Cocula dicuntur. Plautus: Æneis coculis mihi excocta est omnis misericordia.

2 Olla dicta, pro eo quod ebulliat in ea aqua igni subjecto, ut altius vapor emittatur. Unde & bulla dicitur, quæ in aqua venti intus spiritu sustentatur.

3 Patella, quasi patula. Est enim olla oris patentioribus.

4 Cacabus, & Cucuma à sono fervoris cognominantur. Hæc in Græcis, & Latinis communia nomina habent, sed utrum Latini à Græcis, an Græci à Latinis hæc vocabula mutuarint, incertum est.

5 ⁽³⁾ Lebetes ænei sunt Græco sermone vocati, sunt enim ollæ minores in usum coquendi paratæ.

6 Sartago à strepitu soni vocata, quando in ea ardet oleum.

7 Tripedes appellatæ, quod tripus pedibus constant, has Græci tripodas vocant.

8 ⁽⁴⁾ Mola à rotunditate sui vocata, ut mala pomorum, sic & Græci.

9 Cribrum, quod ibi currat frumentum, quasi curriffrum.

10 ⁽⁵⁾ Rotabulum dictum à proruendo stercora, sive ignem, panis coquendi gratia.

CAPUT IX.

De Vasis repositoriis.

1 GAZophylacium ⁽⁶⁾ arca est, ubi colliguntur in Templo ea, quæ ad indigentiam pauperum mittuntur. Compositum est autem nomen ex lingua Persica, & Græca.

2 ⁽⁷⁾ Gaza enim lingua Persarum Thesaurus, *φωλακή* Græcè custodia interpretatur.

3 ⁽⁸⁾ Arca dicta, quod arceat visum, atque prohibeat. ⁽⁹⁾ Hinc & arcivum: hinc & arcanum, id est, secretum, undè & cæteri arcentur.

4 Cibutum, Græcum nomen est, quod nos arcam dicimus.

5 Loculus ad aliquid ponendum in terra factus locus, seu ad vestes, vel pecuniam custodiendam, undè & per diminutionem dicitur.

6 Mozicia, quasi modicia: undè & modicum z. pro d. sicut solent Itali dicere ozie pro hodie.

7 Scrinia.---

8 Saccus à saggio dictus, quod eo consuto efficiatur quasi sagus.

9 Marsupium, sacculus nummo-

(1) Lenticula. Hieron. Abachue. 3. Lenticula vas fittile sic vocatur, id est, *φάνδρ*, & lenticulam à lentis forma dictam indicat Apulejus lib. 2. Florid. Ampallam oleariam, quam gestabat lenticulari forma, tereti ambitu, pressula rotunditate. Aquarium quoque vas utrumque fuisse videtur. Nam Reg. 1. cap. 26. ubi David. Saulis tabernacula hastam, & *φάνδρ* *ὄλας* antiqua translatio (quam citat Lucifer Caralitanus lib. 1. Pro Athanasio) lentem aque reddit.

(2) Cap. VIII. Cocula. Fest. Cocula vasa ænea coctionibus apta. Alii dicunt ligna minata, quibus facile decoquantur obsonia.

(3) Lebetes ærei sunt. Serv. Æn. 3. ad. v. Dodonæque lebetes, ollas arcas dixit.

(4) Mola, ut mala pomor. Nempe *μύλον* & *μύλον* confundit.

(5) Rotabulum. s. o. l. *Rotas*. Rotabulum est, quo rustici in proruendo igne panis coquendi gratia utuntur. Sed quod ad etymologiam attinet, nihil refert rotabulum: an *rotabulum* scribas, cum inf. cap. 12. Rotam à *ruendo* trahat. Gloss.

(6) Cap. IX. Gazophylacium—mittuntur. Verba August. in Ps. 63.

(7) Gaza n. lingua Pers. z. Serv. Æn. 1. & s.

(8) Arca ab arcend. Varro. Arca quod arcentur fures ab ea clausa.

(9) Hinc. & arcivum. *ἀρχίον* vocant Græci, vid. Suid.

tando sicūt quidam volunt. Prius
enim de sparto fiebant.)

De Vasis Luminariorum.

AB⁽⁸⁾ igne colendo culinam
Antiqui appellarunt fo

cum. Focus, quia *φως* Græcè, Latine ignis est, undè juxta Philosophos quosdam cuncta procreantur. Et reverà sine calore nihil nascitur, adeò, ut de Septemtrione Poëta dicat. ⁽⁹⁾ Sterili non quidquam frigore gigni. ⁽¹⁰⁾ Varro autem focus ait dictos, quòd foveant ignes, nam ignis ipsa flamma est: quidquid autem ignem fover, focus vocatur, seu ara sit, sive quid aliud, in quo ignis foveatur.

2 (11) *Lucerna à lychno dicta est.*
undè & brevis est *lu*, ut *Juvenalis*:
Dispositæ pinguem nebulam vomue-
re lucernæ. Si enim à luce diceretur,
non staret versus. *Lychnus* autem,
quasi *lucinius*. Est enim *cicendela lû-*
cernæ.

3 Candelabrum à candelis dictum, quasi candelaferum, quòd candelam ferat.

4 Cereus per derivationem à cera nomen habet ex qua formatur,⁽¹²⁾ de quo

quo

sitarcia navigium Veneris indiget sola. Sed extenditur ad

αἴρον, aut etiam κἀνίρον auctore Polluce dicitur.

780v, Aut. olim n. 41780v auctore Polluce dicitur.

(2) Fiscus sacculus—dicuntur, *Ex Augustin. in Psalm. 146.*

(3) Canistrum—alii Græcum asserunt. Non male. Νάμ καὶ

(4) Cophinus vas ex virgulis. *Al.* virgultis.

(f) Dictum autem cophinus q. covus. Notatio nata ex scriptura Covinus per digamom.

(6) Corbes—quia curvatis virg. Nisi ἀνὸ τὴ κορμὴ μᾶνις de quo Pollux lib. 10. cap. 14.

(7) Sporta, vel quod ex sparto. *Secundum interpretatio, qua priorem reformat, abest à quibusdam veteribus libris. Alia vero, qua in editis leguntur de fructice sparto, allata huc sunt; et lib. 17. cap. 9.*

cap. X. Ap. X. Ab igni colendo culinam Antip. apoc. focum. Mendaci? *Codices omnes* : Ab igni colendo, & ligna. Varro *apud Nonium lib. 1. de Vita Pop. Rom.* Quia hinc sit antica, & postica : in postica parte erat culina dicta ab eo, quod ibi collocabatur ignem. Neque dubium quia Nonius verba haec sint : Colinam Veteres coquinam dixrunt, non ut nunc vulgo dicunt : culinam, scilicet. Nihil enim aliud propositum illi, quam ut testimoniis evincat, colinam dixisse Veteres, non culinam. Erat item culina (in ait Festus) vas potorium. Sed cur per gr. culigena vas potorium potius, quam culina focus crebrius : si Varrovis etymologia credimus? Ergo ita existimo colinam verum priscumque nomen extitisse, dictamque culinam eadem domus patrem (quia, ut ait Varro, postica esset) à posteriore parte animalis, sed mutasse priorem vocalem Veteres honestati servientes : itaque Varonem ipsum vidisse, serioque dissimulasse textisse etiam eleganti notatione cum sedatissime, ut venerandiores aures posset offendere, aliisque, nemine abusi,se, funtium ea in re magis Philosophi, quam Grammatici fecerit. Quod Lidorus quoque persaepe facit. Ita verum quocumque reperitur, quod voluit Nonius, colinam dixisse Veteres. Illud magis reconditum, quod culinam vocati (ait Festus) locum, in quo epula in funere comburuntur.

(9) Sterili non quidquam frigore gigni. è *Lucan.* 4.

(10) Varro autem—quod foccant. *Et Festus & Ovidius Fast. 6.* At Focus à flammis, & quod fovet omnia dictus.

(1) Lucerna à lychno—non statet versus. è *Serv. Aen.* 1. *ad v.* Dependent lychni laq. aur.

12) De quo quidam. *Martial.* 14. *epig.* 42. Hic tibi nocturnos prestabit cercus ignes. Subducta est puero namque lu-

ina tuo. Neque tamen Isidorianorum Codicum consensus mutare nos quidquam sinit, cum hac quoque ferri possint.

quo quidam: Hic tibi nocturnos præstabo cereus ignes. Subducta luce altera lux tibi sum.

5 ⁽¹⁾ Candela à candendo dicitur, eo quòd candendo deletur.

6 Lacunaria pendentia sunt lumina, quasi lucanaria, id est, in aëre lucentia.

7 ⁽²⁾ Funalia sunt, quæ intra ceram sunt, dicta à funibus, quos ante usum papyri cera circumdatos habuere Majores, undè & funera dicuntur. Funalia autem Græci scolaces dicunt, ⁽³⁾ quòd sint scolæ, hoc est, intortiti. Hos Romani funes, & funalia nominabant. ⁽⁴⁾ Funalia candelabra apud Veteres, quibus funiculi cera, vel hujusmodi alimento luminis obliti figebantur. Idem itaque & stimuli præacuti funalia dicebantur.

8 ⁽⁵⁾ Lampas flamma est in vertice lucens, dicta, quòd lambentis motum ostendere videatur.

9 Fax dicta, quòd foccos faciat, cujus diminutivum facula.

10 Laterna indè vocata, quòd lucem interiùs habeat clausam. Fit enim ex vitro, intùs recluso lumine, ut venti flatus adire non possit, & ad præbendum lumen facilè ubique circumferatur.

11 Lucubrum vocatum, quòd luceat in umbra. Est enim modicus ignis, qui solet ex tenui stupa, ceraque formari.

12 ⁽⁶⁾ Pyra est, quæ in modum aræ ex lignis construi solet, ut ardeat,

πῦρ enim ignis dicitur. ⁽⁷⁾ Sed pyra est ipsa lignorum congeries, cùm nondum ardet: rogos est cùm ardere cœperit: bustum verò jam exustum vocatur.

13 ⁽⁸⁾ Pharus est turris maxima, quam Græci, & Latini in commune ex ipsius rei usu pharum appellaverunt, eo quod flammarum indicio longè videatur à navigantibus, sicut supra diximus, qualem Ptolemæus juxta Alexandriam construxisse octingentis talentis traditur. Usus ejus est, nocturno navium cursui ignes ostendere ad pronuntianda vada, portusque introitus, nè decepti tenebris navigantes in scopulos inciderent: nam Alexandria fallacibus vadis insidiosos accessus habet. Hinc igitur in portibus machinas ad prælucendi ministerium fabricatas pharos dicunt. Nam φῶς lux est ⁽⁹⁾ ὄψος visio dicitur, undè & lucifer Græcè φωσφόρος appellatur.

CAPUT XI.

De Lectis, & Sellis.

1 **L**ecticæ ⁽¹⁰⁾ à lectis herbis vocatæ.

2 Stratus à sternendo dictus, quasi storiatus. In iis solis Antiqui ad dormiendum accubabant: nondum laneis stramentis repertis.

3 Storia, quod sit terra strata.

4 Cama est brevis, & circa terram.

(1) Candela—lacunaria. Leguntur hæc in aliquibus Gothicis, sed absunt à melioribus.

(2) Funalia—funera dicuntur, è Serv. ibid.

(3) Quod sint σχολαί, hoc est, intortiti. Unde vulgò, antorchas.

(4) Funalia c. a. v. c. st. h. aut unc. Funus (ait Don. in And.) à funalibus dictum est, & cunis, vel cuneis candelabrorum, quibus delibuti funes, aut cerei formices infiguntur.

(5) Lampas—quod lambentis motum. Respexit (credo) ad Virgilii verba, lambrè flamina comas. Cùm aliqui vocem esse Græcam constaret.

(6) Pyra—solet, è Serv. Æn. 6. Aramque sepulchri.

(7) Sed pyra est ipsa ling. cong.—exustum vocant. Ex eod. Æn. 11. ad v. Constitueret pyras.

(8) Pharus est turris, &c. Ead. sup. lib. 15. cap. 2. Ex Hegeipp. Plin. & Solin.

(9) ὄψος visio ὄψομαι potius.

(10) Cap. XI. Leticæ à lectis herb. Leticæ quòd legebant, undè eam facerent stramenta, atque herbas ait Varro. Festus; lectus dictus, vel à collectis foliis. Ad cubitandum, &c.

ram. ⁽¹⁾ Græci enim χαμαι breve dicunt.

5 Cubile est cubandi locus.

6 (2) Grabatum Græcum est.

7 Bajonola est lectus, qui in itinere bajulatur à bajulando, id est, deportando.

8 Pulvinar lectus divitum est,
indè & pulvillus.

9 ⁽¹⁾ Spingæ sunt, in quibus sunt
spingatæ effigies, quos nos gryphos
dicimus.

10 (+) Punicani lecti, parvi, & humiles, primum à Carthagine advecti, & inde nominati.

II Lēctiçæ, sivè plutei, lēcti, de quibus Rutilius ⁽⁵⁾ Rufus de Vita Scipionis. Primùm, inquit, contra consuetudinem Imperatorum ipse pro lēctis lēcticis utebantur.

12 (6) Sponda autem exterior
pars lecti, pluteus interior.

13 ⁽⁷⁾ Geniales lecti propriè sunt,
qui sternuntur puellis nubentibus,
dicti à generandis liberis.

14 (8) Cunabula sunt lectuli, in quibus infantes jacere consueverunt, dicta quòd partui adhibeantur, quasi cynabula: nam *κύνειν* est Græcè eniti.

15 (9) Pheretrum dicitur, quòd in eo mortui deferantur, & est Græcum nomen. Nàm φέρετρον dicitur, ἀπὸ

τοῦ φέρειν, id est, à ferendo : nàm Latinè Capulus dicitur, quòd super capita hominum feratur, sic Plautus : Capularis senex, id est, vicinus capulo.

16 ^[10] Scamna sunt, quæ altioribus lectis apponuntur dicta à scandendo. Hinc & scabelli, qui lectis parvis, vel sellis ob ascensum apponuntur, scabellum autem, & suppedaneum dicitur. Nam quod Græci dicunt ὑποπόδιον, dixerunt Latini scabellum, & alii dixerunt suppedaneum, quòd sub pedibus sit.

17 ⁽¹¹⁾ Scansilia, gradus sunt, ubi honorati in sedibus hærent.

18 Sedes dictæ, quod apud Veteres Romanos non erat usus accubendi, undè & considerare dicebantur. Postèa, ut Varro ait de Vita Populi Romani : ⁽¹²⁾ Viri discumbere cœperunt, mulieres sedere, quia turpis visus est in muliere accubitus. Sedes singulari numero propriè Regni est, qui Græcè *θρόνος* dicitur.

19 Subsellia verò cæterorum,
(13) Cathedræ Doctōrum.

20 ⁽¹⁴⁾ Solium, in quo Rex sedet propter tutelam corporis sui, secundum quosdam à soliditate dictum, quasi solidum: secundum alios per antistichon, quasi sodium, à sedendo.

Un-

(1) Græci. n. χαμαι breve dicunt. *Idem lib. 12. cap. 1.* Camelis causa nomen dedit, seu quod quando onerantur, ut breviores, & humiliores fiant, accubant, quia Græci χαμαι humile, & breve dicunt.

(2) Grabatum Græcum. κραιβέλιτον.

(3) Spingæ in quibus sunt spingatæ. *Spinga spingatæ* legebat Chacon. Videndum an ab sphingis de quibus lib. 12 cap. 2. Sphingæ villosæ sunt comis.

(4) Punicani lecti. De quibus Cic. pro Muran. & Valer. lib. 9. cap. 3. & Senec. Ep. 96.

(4) *Punicani lecti. De quibus, scilicet, pro Muræ. & Valer. lib. 9. cap. 3. & Senec. Ep. 96.*
 (5) *Rutilius Rufus de Vita Scip. Cuius Appianus meminit in lib. de Bell. Hisp. ἡ ῥητορικὴ ἔξοις συγγραφὰ τῶν τε τοῦ ῥωμοῦ καὶ χυλίων ἱστορίαι. Cic. in Bruto. Memoria tenet Smyrnæ ex P. Rutilio Rodo audivisse, cū diceret adolescentulo se accidisse, ut ex sc. c. P. Scipio, & D. Brutus (ut opinor) Cos. de Re Atroci, magnaquererent, &c.*

se accidisse, ut ex s. c. P. cipio, & D. Brutus (ut opinor) Cos. de Re Atroci, magna quærerent, &c.

(7) *Geniales lecti. Ead. sup. lib. 8. cap. ultim.*

(8) Cunabula--eniti. è *Serv. eclog. 4.*

(9) Phœctrum—vicinus capulo. Ex cod. Æn. 11. *Quare illud quod super capita hominum feratur, aliena ducebat Chæcon, nequē id mihi dubium, cū præsertim addat Servius. Et dictus capulus, quod corpus capiat. Festus quoque Capulum à capiendo.*

(10) Scamna—Scabell. *Varro lib. 4.* Quo simplici scansionē scandeant in lectum non altum, scabellum: in altiore, scamnum.

(11) Scansilia—in sedibus hærent. *Al.* in ædibus hærent.

(12) Viri discumbere cœper.,—mulieres sedere. *Valer. Max. lib. 2. cap. 1.* Fœminæ cum viris cubantibus sedentes cœ-

[13] Cathedræ Doctorum. *Cassiod.* in *Ps.* 1. Cathedra propriè Doctoribus datur.

(14) Solium—dicta est, è *duob.* *Servii* locis. *Æn.* 1. 67.

Undè & sella, quasi seda, dicta est, & subsellia, quasi subseidia.

21 Sellæ curules erant, in quibus Magistratus sedentes jura reddabant. Dictæ autem curules, quia apud Veteres Prætores, & Consules propter itineris longinquitatem curru ad forum provehebantur: sellæ autem quæ post eos vehebantur, quibus sedentes dicere jura solebant, à curru curules sellæ sunt nominatæ.

22 ⁽¹⁾ Tripodes, scamnelli sunt, habentes tres pedes, sed & candelabra tripodæ sunt, quia similiter habent tres pedes.

CAPUT XII.

De Vehiculis.

1 Carrum à cardine rotarum dictum, undè & currus dicti, quòd rotas habere videntur.

2 Rota autem dicta, quòd ruat, & rotundum à rota vocatum.

3 Rheda, genus vehiculi quatuor rotarum. Has Antiqui retas dicebant propter eam quòd haberent rotas.

4 ⁽²⁾ Carpentum, pompaticum vehiculi genus, quasi carrum pompaticum.

5 ⁽³⁾ Plaustrum, vehiculum duarum rotarum, quibus onera deferuntur. Et dictum plaustrum, quia volvitur, quasi diceret pilastrum.

6 ⁽⁴⁾ Caracutium, vehiculum altissimarum rotarum, quasi carrum acutum.

7 ⁽⁵⁾ Capsus, carruca undique contexta, quasi capsæ.

8 ⁽⁶⁾ Pilentum, vel Petorum, contexta quatuor rotarum vehicula, quibus Matronæ olim utebantur. Virgilius: Pilentis Matres in mollibus Horatius: Plures calones, atque caballi pascendi, ducenda petorita. Erant autem antea pilenta veneti coloris, non ut nunc sunt russati, quibus nisi castæ Matronæ uti non poterant, sicut nec vittis.

9 ⁽⁷⁾ Basterna, vehiculum itineris, quasi viæ sternax, mollibus stramentis composita, à duobus animalibus deportata.

CAPUT XIII.

De reliquis, quæ in usu habentur.

1 Baculus, à Baccho repertore vitis fertur inventus, quo homines moti vino inniterentur. Sicut autem à Baccho baculus, ita à baculo bacillus per diminutionem.

2 ⁽⁸⁾ Fustes, quòd præfixi in terram stent, quos rustici palos vocant, quibus juvenes pro criminibus feriuntur.

3 ⁽⁹⁾ Vectes dicti, quòd manibus vectentur, undè ostia, saxaque veluntur.

4 ⁽¹⁰⁾ Forfices, secundum etymologiam si à filo dicuntur f. ponitur, ut for-

(1) Tripodes scamnelli. Sic apud Vitruv. lib. 3. cap. 3. & lib. 5. cap. 9. In vulgatis tamen exemplaribus scamilli, qui in aliis scabelli, & scamilli.

(2) Cap. XII. Carpentum-q. carrum pompatic. Ovid. Nam prius Ausonias Matres carpenta vehebant: Hæc quoque ab Evandri dicta parente reor. Ut sit Carpentum, quasi Carpentum, à Carmenta Evandri Matre.

(3) Plastrum q. pilastrum. Varro: Plastrum quod ex omni parte palam est vel potius à palando, hoc est, extendendo.

(4) Caracutium. Goth. Ovi. colleg. carrucium, idem à nostris carricoche dicitur.

(5) Capsum. Vitiur hac voce Festus in Ploxeo. Gloss. Capsum πλινθιον.

(6) Pilentum. & Serv. An. 8.

(7) Basterna. Meminit hujus etiam Hieronym. Is. 66.

(8) Cap. XIII. Fustes dicti q. stent. Sup. lib. 5. cap. 27. Fustes quòd præfixi in fossis stent.

(9) Vectes Eadem lib. 5. cap. 27.

(10) Forfices secundum etymolog. Vel. Longus in libro de Orthograph. Sed questio est in loquendo, ut forcipes, & forcipes: & arcesso, & accerso. His enim minime erit dignoscere quomodo dicantur. Proinde ac dixerit, scribes nihil, quibus tamen adnotavimus Veteres per transmutationem syllabæ forcipes dixisse. Nam & Virgilius: Versantque tenaci forcipe massam. Forcipes dicimus ab eo, quod forum capiant, id est, calidum.

forfices, quæ sunt sartorum: si à pilo per p. ut forpiceps, quæ sunt tonso- rum: si ab accipiendo per c. ut forci- pes, eo quòd formum capiant, quæ sunt fabrorum. Formum enim dixe- runt Antiqui calidum: undè & for- mosus.

5 Novacula, eò quòd innovat faciem.

6 Pecten dictus, eò quòd pexos capillos faciat, atque compositos.

7 ⁽¹⁾ Calamistrum est acus, quæ calefacta & adhibita calefacit, & intor- quet capillos. Undè & calamistrati ap- pellantur, qui comam torquent.

8 Clavis dicta quod claudat, & aperiat. ⁽²⁾ Catenatum, quod capiendi teneat.

9 Horologium, quòd ibi horas legamus, id est, colligamus. Est enim in solariis positum, ubi à clavo per lineas currit umbra, ut quancumque diei horam ostendat.

CAPUT XIV.

De Instrumentis rusticis.

1 Vomer dictus, quòd vi hu- mum eruat, seu ab evo- mendo terram. ⁽³⁾ De quo Lucretius: Vuncus aratri ferreus, occultò decres- cit vomer in arvis. ⁽⁴⁾ Sumitque per detrimenta fulgorem.

2 Aratrum ab arando terram vocatum, quasi araterrum

3 ⁽⁵⁾ Buris est curvamentum

aratri, dictum quasi βοὸς ἔρα, quod fit in similitudinem caudæ bovis.

4 ⁽⁶⁾ Dentale est aratri pars pri- ma, in quo vomer inducitur, quasi dens.

5 Cultelli, à cultura dicti, eò quòd ex ipsis putatione Veteres in ar- bore utebantur, & vite, priusquàm fal- ces essent repertæ.

6 ⁽⁷⁾ Falx est, qua arbores putan- tur, & vites. Dictæ autem sunt falces ⁽⁸⁾ quòd his primùm milites herbam filicem solebant abscondere. ⁽⁹⁾ Undè est illud: Pax me certa ducis placidos curvavit in usus. Agricola nunc sum, militis antè fui.

7 Falcastrum, à similitudine fal- cis vocatum. Est autem ferramentum curvum cum manubrio longo, ad den- sitatem veprium succidendam. Hi & ⁽¹⁰⁾ Runcones dicti, quibus vepres se- cantur, à runcando dicti.

8 Serrula est prætenus lamina ferri, dentium mordacitate resicans arbores, seu ramos.

9 ⁽¹¹⁾ Rastra quoquè aut à radendo terram, aut à raritate dentium dicta.

10 Ligones, quòd terram levent, quasi levones.

11 ⁽¹²⁾ Scudicia dicta, eo quòd circa codicem terram aperiat, & quamvis ejus usus in reliquis operibus habeatur, nomen tamen ex caudice retinet. Hanc alii generalitèr Fosso- rium vocant, quòd foveam faciat, quasi foveatorium.

Yy

Sar-

(1) Calamistrum, è Serv. Æn. 12. ad v. Crines vibratos calido ferro.

(2) Catenatum. Quod nos candado.

(3) Cap. XIV. Vomer—seu ab evomendo terr. Varro: Aratrum quod aravit terram, ejus ferrum vomer quòd vomit eo plus terram.

(4) Sumitque per detrimenta fulgorem. f. nitorem respexit fortassè ad Virgilii verba: Et sulco attritus splendescere vomer.

(5) Buris—cauda bovis. è Serv. Georg. 1.

(6) Dentale. Ex eod. nisi quod illic inducitur, non includitur.

(7) Falx est. Pallad. lib. 1. cap. ult. Falces putatorias quibus in arbore utuntur, & vite.

(8) Quod hac primùm milites. Vocem milites rejiciebat Chacon tanquàm è Martialis versu acceptam, cum Palladius, cujus hac sunt, militum non meminerit. Ille n. Item (inquit) falciculas brevissimas, quibus filicem solemus absconde- re. Falces vero vocem è Syriaca Falca fluxisse eruditissimus vir existimat.

(9) Undè est illud: Pax me certè. Martial. in Apophor.

(10) Hi & Runcones. Pallad. ibid. Runcones quibus vepreta persequimur.

(11) Rastra. è Serv. Georg. 1.

(12) Scudicia. Quam nos fortassè escoda vocamus.

12 ⁽¹⁾ Sarculi sunt, vel simplices, vel bicornes.

13 ⁽²⁾ Pastinum vocant Agricolaë ferramentum bifurcum, quo semina panguntur. Undè etiam repastinari dictæ sunt vineæ veteres, quæ refodiuntur.

14 ⁽³⁾ Cylindrus, lapis est teres in modum columnæ, qui à volubilitate nomen accepit, de quo Virgilius: Area cum primis ingenti æquanda cylindro; Et vertenda manu.

15 ⁽⁴⁾ Tribula, genus vehiculi, unde teruntur frumenta, & ob hoc ita vocatur.

16 ⁽⁵⁾ Pala, quæ ventilabrum vulgò dicitur, à ventilandis paleis nominata.

17 ⁽⁶⁾ Furcillæ dictæ, eo quòd iis frumenta, cilluntur, id est, moventur. Undè & oscilla dicta ab eo quòd cillantur, hoc est, moveantur ora. Nam cillere est movere.

18 ⁽⁷⁾ Tesseræ sunt, quibus frumentorum numerus designatur.

19 ⁽⁸⁾ Trapetum, mola olivaria.

20 ⁽⁹⁾ Prelum, trabes quo uva calcata premitur, à premendo vocatum, quasi pressorium.

21 Prelum, quo premitur oleum.

22 Lacus, quo liquatum profluit, & quo ab uvis, vel olivis torquendo oleum, vinumque exigitur.

23 Verennes à vehere, id est, exportare nominatæ.

24 ⁽¹⁰⁾ Qualus, per quem mustum fluit, à colando dictus.

25 ⁽¹¹⁾ Fisculum quasi fisculum, à colando oleum dictum, vel quasi fiscella olei.

CAPUT XV.

De Instrumentis hortorum.

1 **R**Ota ⁽¹²⁾ dicta, quòd quasi ruat. Est enim machina, de qua à flumine aqua extrahitur. Lucretius: Ut fluvios versare rotas, atque haustura videmus.

2 ⁽¹³⁾ Haustura autem, id est, rota, ab hauriendo aquas dicta.

3 Girgillus, quòd in gyrum vertatur. Est enim lignum in ⁽¹⁴⁾ transversa pertica mobile, ex quo funis cum situla, vel utre in puteum demittitur hauriendæ aquæ causa.

4 ⁽¹⁵⁾ Telonem hortulani vocant, lignum longum, quo hauriunt aquas. Et dictus telon à longitudine, ^{τέλον} enim Græcè dicitur quidquid longum est. ⁽¹⁶⁾ Undè & mustela vocata, quasi mus longus. Hoc Instrumentum Hispani Ciconiam dicunt, quòd imitetur ejusdem nominis avem, levantem, ac deponentem rostrum, dùm clangit.

Ha-

(1) Sarculi vel simpl. vel bicorn. Ex Pallad. *ibid.*

(2) Pastinum—refodiuntur, è Columell. *lib. 3. cap. 18.*

(3) Cylindrus lap. è Serv.

(4) Tribula. Ex eodem.

(5) Pala. *Oruntur hac voce Tertull. Cypr. Hieron. & August.*

(6) Furcillæ. è Serv. *Georg. 2.*

(7) Tesseræ sunt quibus frum. num. design. *Serv. Georg. 1.* Aut numeros impressit acervis, id est, aut caracteres facit, quibus pecora signantur, aut cesseras quibus frumentorum numerus designatur. Nam numeros pro litteris posuit, quibus numeri continentur.

(8) Trapetum, mola olcar. Ex eod. *Georg. 2.*

(9) Prelum. Ex eod.

(10) Qualus. Ex eod.

(11) Fisculum. *Aut hic fiscellum, aut apud Columell. lib. 12. cap. 38.* Fisculum, *legas.*

(12) Cap. XV. Rota. *Vid. Virruv. lib. 10. cap. 11.*

(13) Haustura. *Nov.* Haustura propriè rotarum dicuntur, sicuti Græcè ἀσθήματα.

(14) In transversa pertica. *Al. parte.*

(15) Telonem hortulani vocant. *Ità scripsisse Isidorum arguit etymologia, sed Tollenonem dixisse debuit Festus.* Tolleno genus machine, qua trahitur aqua, alteram partem prægravante pondere, dictus à tollendo. *Oruntur hac voce Livius, Plin. Vegetius.*

(16) Undè & mustella q. mus longus. *Verba sunt Serv.*

5 ⁽¹⁾ Hama.---

6 Lupus qui & Canicula, ferreus harpax, quia si quid in puteum decedit, rapit & extrahit, undè & nomen accepit. Harpax enim dictus quia arripit, ἀρπάζειν enim Græcè rapere est.

CAPUT XVI.

De Instrumentis equorum.

1 **P**haleræ, ⁽²⁾ ornamenta equorum sunt, & est sermo Græcus.

2 Fræna dicta, quòd equos frenare cogant: vel quòd hæc equi frendant, id est, imprimant dentibus, & obmordeant. Undè & nefrendes dicti, adhuc lætentes porculi, quòd nondum aliquid frendant, id est, comminuant dentibus. ⁽³⁾ Hinc & faba fresa quæ molita est.

3 ⁽⁴⁾ Lupata sunt fræni asperrimi. Dicti autem lupata à lupinis dentibus, qui inæquales sunt: undè etiam eorum morsus vehementer obest.

4 Chamus.---

5 Habênæ, ab habendo dictæ, quòd iis equos habeamus, hoc est, teneamus, undè & equi habiles dicti.

⁽⁵⁾ Hæc & Retinacula à retinendo.

6 Lora.---

7 Capistrum, à capite jumentorum dictum.

8 Sella à sedendo, quasi sedda.

9 ⁽⁶⁾ Antella, quasi ante sellam, sicut & postella, quasi post sellam.

10 ⁽⁷⁾ Cingulum hominum, generis neutri est, nam animalium genere scæminino dicimus has cingulas.

11 Sagma, quæ corruptè vulgò dicitur salma, à stratu sagorum vocatur. Undè & ⁽⁸⁾ caballus sagmarius, mula sagmaria.

12 Capulum, funis, à capiendo, quòd eo indomita jumenta comprehendantur.

13 Calcaria dicta, quia in calce hominis ligantur, id est, in pedis posteriore parte, ad stimulandos equos, quibus aut pugnandum est, aut currendum, propter pigritiam animalium, aut timorem. Nam ex timore stimuli nuncupati, licet sint & libidinibus stimuli.

14 Strigiles nuncupati à tergendò, quòd iis equi tergantur.

15 Character est ferrum calorum, quo notæ pecudibus inuruntur. χαρκτηρ autem Græcè, Latine forma dicitur.

16 Cauterium dictum, quasi cauturium, quòd urat, & provida sit in eum, severaque cautio, ut dum videtur cujus sit, avaritia refrænetur. Quòd interdum pro signo, interdum pro cura adhibetur, ut vis morbi ignis ardore siccetur.

(1) Hama—Ferramentum aduncum ad coercenda incendia. Plin. Ep. 250. Et alioqui nullus usquam in publico sipo, nulla hama, nullum denique instrumentum ad incendia compescenda. Et Paul. cap. 3. D. de Off. Pref. Vig. Sciendum est autem præfectum vigiliam per totam noctem vigilare debere, & coertare calciatum cum hamis, & dolabris. Et Vlp. cap. 12. D. de Fund. inst.

(2) Cap. XVI. Phaleræ Græcus serm. à Serv. Æn. 9.

(3) Hinc & faba fresa. Fest. Frenare est fraungere, undè est faba fresa, undè & dentibus dicimus frenare. Gloss. Faba fresa.

(4) Lupata. à Serv. Georg. 3.

(5) Hæc & retinacula. Respexit ad Maronis verba: Et frustra retinacula tendens. Georg. 1.

(6) Antella—Postella. Lege Antillæa, & Postillæa in vitis libris omnibus. Nam vitium proculdubio natum ex notationibus. Gloss. Antillæa sic itup. Postillæa verò etiam legitur in Casina. Plauti.

(7) Cingulum hom.—cingulis. à Serv. Æn. 9.

(8) Caballus sagmarius—mula sagmaria. Eod. modo legendum apud Serv. Æn. 1. ad illud: Scitisque recentibus halant. non saginatus. Vid. Suid. in σάγμα.

DIVI ISIDORI HISPALENSIS EPISCOPI

D I F F E R E N T I A R U M,
SIVE DE PROPRIETATE SERMONUM.

L I B E R P R I M U S.

P R Æ F A T I O.

ISIDORUS LECTORI SALUTEM.

PLERIQUE veterum sermonum differentias distinguere studuerunt, subtiliùs inter verba, & verba aliquid indagantes. ⁽¹⁾ Poëta autem ⁽²⁾ Gentiles necessitate metrica, confuderunt sermonum ⁽³⁾ proprietates. Sicque ex his consuetudo obtinuit, pleraque ab ⁽⁴⁾ Auctoribus indifferentè accipi, quæ quidè quavis similia videantur: quadam tamen propria inter se origine distinguuntur. De his apud Latinos Cato primus scripsit, ad cuius exemplum, ipse paucissimas partim edidi, partim ex Auctorum libris deprompsi: tibi que Lector, pro ⁽⁵⁾ delectatione subnotavi.

(1) Servius ad ill. 1. *Æn.* Nemora inter frondea. (2) *Aliàs.* Gentilium. (3) *Al.* Proprietatem. (4) *Al.* Auctoritatibus. (5) *Al.* Pro delectatione legentium.

De Littera A.

I NTER Aptum, & Utile: ^(a) Aptum ad tempus: Utile ad perpetuum.

2 Inter Amicum, & Socium: Amicus constat affectu: Socius re, quia consortio constat.

3 Inter Arrogantem, & Abro-

gantem: Arrogans, superbus: Abrogans, humilis. Arrogans assumit sibi fiduciam: Abrogans demit, id est, negans.

4 Inter Avarum, & Cupidum: ^(b) Avarus est, qui ^(c) suo non utitur: Cupidus, qui aliena desiderat.

5 Inter ^(d) Amorem, & Cupidinem: Aliud est, inquit Cato, Phil-

A

li-

(a) C. Fronto. Aptum loco venit, & tempori: utile usus fecit.

(b) *Etymolog.* lib. 10. Littera A. & C.

(c) *Al.* Sua.

(d) *Vid.* Non. in voce Cupido.

lippe, Amor longè, aliudque Cupido. Accessit illicò alter, ubi alter recessit: alter bonus, alter malus. Alii veriùs, Amorem & bonum dixerunt, & malum: Cupidinem sempèr malum. ^(e) Amoris quadripartita differentia est. Est enim justus Amor, pius, crudelis, obscænus. Justus amor est Uxorum, pius filiorum, crudelis contra naturam, ut Pasiphaë, obscænus meretricum.

6 Inter Auspicia, & Auguria: Auspicia sunt, ^(f) quæ inchoantur, & ultrò veniunt: Auguria, quæ ^(g) consuluntur, & consequuntur.

7 Inter Argumentum, & Argumentationem: Argumentum est, quod in principio libri breviter causam pandit: Argumentatio est, quæ in disputatione fidem ^(h) assertionibus facit.

8 Inter Artem, & Artificium: Ars est natura liberalis: Artificium verò ⁽ⁱ⁾ gestum manibus constat.

9 Inter Absconditum, & Absconsum. Absconsum est, cujuslibet arte celatum: Absconditum verò, naturalitèr abditum. Conditum est enim, non consum. Indè & consuere dicitur, quandò ^(k) rupta atque aperta quæque ^(l) texuntur. Porro ^(m) occultum ab occultendo, id est, claudendo, dictum. ⁽ⁿ⁾ Arcanum verò ab arca, vel ab arciendo: eò quòd ab eo omnes arcean-

tur, id est, prohibeantur. ^(o) Indè & Arces dicuntur, à quibus arceantur hostes. Indè & ^(p) Arca, eò quòd arceat ^(q) furem. Indè & ^(r) Arcus, eò quòd arceat adversarium.

10 Inter Ante, & Antea: Ante locum significat & personam: Antea tantum tempus.

11 Inter Abcubuit, & Recubuit, hæc differentia est: Accubuit in triclinio conviva: Recubuit in cubiculo dominus: Decubuit languidus. Accubare enim est corpore toto: adcumbere cubito.

12 Inter Abscedit, & Discedit: Abscedit, quòd à parte qualibet se subtrahit. Quod verò à medio dividitur, Discedit.

13 Inter Adulterium, & Fornicationem: quòd ^(t) Adulterium est, alienam uxorem appetere. Fornicatio verò non est adulteratio matrimonii foederis, sed cum aliis solutis moechari.

14 Inter Altum, & Excelsum, Sublime, & Arduum: ^(u) Altum, ex superiori parte, & inferiori est: Excelsum, ex superiori tantum: ^(v) Sublime, excelsum est, cum aliqua dignitate: ^(y) Arduum, excelsum est, cum aliqua difficultate. Itèr altus puteus, murus excelsus. Summa videbis in excelso, ima in alto.

15 Inter ^(z) Adnissum, Innixum, Sub-

(e) *Al.* Jam horum.

(f) *Malim*: Que inchoanti quid ultrò ven.

(g) Consolantur. *Al. m. s.* consulantur, *Al.* consulantur.

(h) *Al.* Assertionemque.

(i) *Al.* Gestu & manib.

(k) *Al.* Erupta.

(l) *Al.* Trahantur.

(m) *Al.* Occultatum.

(n) *Serv.* ad illud. *Æneid.* Arcana movebo. *Ipse Etymolog. lib. 10. cap. 9.*

(o) *Etymolog. lib. 15 cap. 2.*

(p) *Varro 4. de Ling. Lat. dict. arca*, & ipse *lib. Etymolog. 10. cap. 9.*

(q) *Vitruvius est in Etymolog.*

(r) *Etymolog. lib. 18. cap. 9.*

(s) *Vide Acron. Ode. 27. lib. 3. Horatii.*

(t) *Etymolog. lib. 5. cap. 26.*

(u) *Servii verba sunt ad ill. 2. Æn.* Terris jactatus, & alto. Altum tamen sciendum est, quod & superiorem, & inferiorem altitudinem significat.

(v) *Etymolog. lib. 10. l. 1. t. 1.*

(y) *Sic Serv.* interpretatur illud *Georg. 2.* Ardua palma, aut alta, aut ad quam difficilè pervenitur.

(z) *Adnissum in uno m. s. Servius tamen, quem Isidorus fere sequitur, alteram scripturam magis probat, ad illud 1. Æn. Triton adnissus acuto, &c.*

Subnixum, & Obnixum: Adnixum, ^(a) conantem ad aliquid: Innixum ^(b) innitentem in aliquo: ut si quis baculo innitatur, aut columna. Subnixum verò instructum aliquo consilio, aut suffultum ex omni parte: ^(c) Obnixum autem obstinatum, vel ^(d) perseverantem.

16 Inter Alloqui, ^(e) Obloqui, Eloqui: Alloqui, hortantis & jubentis. Obloqui, obtrectantis, Eloqui Oratoris.

17 Inter ^(f) Amare, & Diligere putat differre Cicero: Sæpiusque sic utitur, ut distinguat, atque amare ponat pro ardentèr amare, at diligere pro leviùs amare. Sicùt in Epistolis ad Brutum: Vale, inquit, & nos ama: vel, si id ^(g) majus est, ^(h) dilige. Et rursùs: sic igitur facies; me aut amabis, aut quo contentus sum, diliges. Itèm ⁽ⁱ⁾ ad Dolabellam: Quis erat qui putaret, ad eum amorem, quem erga te habebam, posse aliquid accedere? Tantùm accessit, ut mihi nunc denique, amare videar, antèa dilexisse. Alii dixerunt amare nobis naturalitèr insitum; ^(j) diligere verò electione.

18 Inter Abjicere, & Projicere distat, quod enim in despectione est, & neglectum, abjicitur. Quod verò

foris est penitus à salute, & à beatitudine alienum, hoc projicitur. ^(l) Projicere autem dictum, quasi porrò abjicere.

19 ^(m) Inter Arguere, & Coarguere: Coarguere est coercere, & compescere: Arguere modò accusare, modò aliquid ostendere, & patefacere est. Virg. ⁽ⁿ⁾ Degeneres animos timor arguit. Undè & Argumenta dicuntur, quæ causam ^(o) ostendant.

20 Inter Adlidere, & Elidere: Adliditur quis proximè: Eliditur longè.

21 Inter Aspicere, ^(p) & Respicere, &c. Aspicimus ante nos; Respicimus retrò; Suspiciamus sursùm; Despicimus deorsùm; Inspiciamus introrsùm: ^(q) Prospiciamus longè: Conspicimus circumquaque. Itèm Aspicimus præsentia: Respicimus præterita: Prospiciamus futura. Qui autem in dexteram, lævamque se convertit, hæc adspicit, non aspicit. ^(r) Norandum sanè, ^(s) quòd si & despiciens dixerimus, ^(t) nonnunquam diligentèr ^(u) inquirere significamus. Itèm ^(v) Circuminspicere, ^(y) quæ nec cernere possis. Nàm ^(z) Circuminspicere, est quærere.

22 Inter Adtendere, & Intendere: Adtendere aspicere est: ^(a) Inten-

A 2

ten-

(a) Al. Conari.

(b) Al. Inniti ad.

(c) Petus glossarium ἀντιλογου. Non. contra adversarium colluctantem.

(d) Al. Perseverans.

(e) Ex Agratio.

(f) Vid. Non. dict. amare, & diligere.

(g) Al. Minus.

(h) Al. Diliges.

(i) Fam. lib. 9. Ep. 24.

(j) Tunc diligentia Etymolog. lib. 9. littera D.

(l) Macrob. lib. Satur. 6. cap. 4.

(m) Ex Agratio, in quo male pro compescere est compensare, desuntque illa, modò accusare, modò aliquid, sicùt in Parisiens. editione.

(n) Æneid. 4.

(o) Causam causâ est in Agrat.

(p) Ex Agratio, in quo male est aspicimus sursum, qui hinc emendandus.

(q) Al. Perspicimus.

(r) Ex Serv. ad illud 1. Æn. Despicies mare velivolum.

(s) Al. Quia Servius.

(t) Serv.

(u) Inquirens. Servius.

(v) F. Circumspicere.

(y) Al. Quærit cernere.

(z) F. Circumspicere.

(a) Interpretes Torent. añ. 3. scen. 4. Eunuch. Propitiè intendere est crimen in adversarium jacere.

tendere verò criminari, aut ad cædem, aut ad injuriam : ^(b) Perrarò tamen in bono est.

23 Inter Audire, & Exaudire: quòd tam boni, quàm mali Audiuntur: Exaudiuntur tantùm boni.

24 Inter ^(c) Adolescere, & Inolescere: Adolescere augmenti est: Inolescere ^(d) consuescere.

25 Inter ^(e) Adnuntiatur, ^(f) Nuntiatur, ^(g) & Denuntiatur: Adnuntiatur de futuro: ^(b) Nuntiatur de longinquo: Denuntiatur ⁽ⁱ⁾ de præsenti: Renuntiatur de excusando, & repudiando.

26 Inter Advocatur, Invocatur, & Evocatur: ^(k) Advocatur, daturus patrocinium: Invocatur, præsriturus auxilium: Evocatur ^(l) præbiturus obsequium.

27 Inter ^(m) Abducitur, Perducitur, & Deducitur: Abducitur quis ad rem inhonestam: Perducitur ad ⁽ⁿ⁾ studia: Deducitur ad honorem.

28 Inter Adficimur, ^(o) & Afficimur: ^(p) Adficimur honore: ^(q) Afficimur injuria.

29 Inter ^(r) Adversum te, & Ad-

versus te: Adversum te, adversarius: Adversus te, imitator.

30 Inter ^(t) Alterum, & Alium: Alter de duobus dicitur: Alius de multis. Alter enim sine uno esse non potest.

31 ^(t) Inter ^(u) Apparet, & Paret: ^(x) Apparet, qui videtur: ^(y) Paret, qui obsequitur ^(z) non regulæ ratione, sed discernendi intellectus gratia.

32 Inter ^(a) Aditum, & Ostium: Aditus quibus ^(b) admittitur: Ostium, quo ^(c) excluditur.

33 Inter Arbitrum, & Judicem: Arbitr ex voluntate fit: ^(d) Judex ex lege.

34 Inter Advenam, & Convenam: ^(e) Advenæ de uno loco venientes: Convenæ de diversis.

55 Inter Album, & Candidum: ^(f) Album natura: Candidum studio, sivè cura: Albos ergo capillos, ceram candidam dicimus. ^(g) Itèr Candidum est quadam ^(h) nitenti luce perfusum: Album verò quod Auroræ constat esse vicinum.

36 Inter Albentem, & Albescent-

(b) *Al.* Prò raro.

(c) *Ex Agratio.* Vid. etiam Non. in dist. adolere.

(d) Fortè legi possit *ex Serv.* ad illud 6. *Æn.* Modis inolescere miris, concresecere, proprius tamen verò existimo, ut *ex Agratio* legamus inolescere coaugmenti, *Addamusque tertium membrum*: exolescere evalescendi.

(e) *Ex Agratio.*

(f) *Al.* Enuntiatum.

(g) *Al.* Denuntiatum, & renuntiatum.

(h) *Al.* Enuntiatum.

(i) *Al.* In præsenti.

(k) *Ascon. Pedian.* in *Divinationem.*

(l) *Al.* Præstiturus.

(m) *Ex Agratio*, in quo pro abducitur, est adducitur.

(n) *Al.* Studium.

(o) *Agrat.* afficimus honore, afficimus injuria, qui hinc fortè emendandus.

(p) *Al.* Afficimur.

(q) *Al.* Adficimur.

(r) *Ex Agratio.*

(s) *Ex Agrat.* Vid. *Serv.* ad ill. 11. *Æn.* Harum unam juveni, & ipse *Etymolog.* lib. 10. littera A.

(t) *Ex Agratio*, & *Serv.* ad ill. 1. *Æn.* Apparent rati nantes. Vid. etiam *Fest.* dist. apparer.

(u) *Al.* Adparet, & apparet.

(x) *Al.* Adparet.

(y) *Al.* Apparet.

(z) *Al.* Hæc ab *Agratio* absunt, & rectè.

(a) Videatur differentiam continuisse ex pluribus verbis *Servii* ad ill. 6. *Æn.* Ostia jamque domus patuere. Habet hæc etiam lib. *Etymolog.* 5. cap. 7.

(b) *Al.* Admittimur.

(c) *Al.* Excludimur.

(d) *Varrò* 4. de *Ling. Lat.*

(e) *Ex Serv.* ad ill. 8. *Æn.* Tum manus Ansoniæ. Ipse *Etymolog.* lib. 10. littera A.

(f) *Ex C. Front.* & ipso *Etymolog.* lib. 10. littera C.

(g) *Ex Serv.* ad ill. 3. *Georg.* Color deterrimus albis. Ex quo pro Auroræ leg. Pallori.

(h) *Al.* Auto.

centem : Albentem dicimus eum , qui jam ⁽ⁱ⁾ Albatus : Albescentem , eum qui incipit.

37 Inter Animum , & Animam hoc interest , quòd ^(k) Animus consilii est : Anima vitæ. Ista semper eadem est : ille pro affectu mutatur. Item mentem antiqui ab animo separaverunt : Mentem , ut sciat : Animum verò , ut velit , aut possit discere : ^(l) Præterea nonnunquam , & Animus pro viribus ponitur.

38 Inter Alvum , & Ventrem , & ^(m) Uterum : Alvus interior receptaculum cibi est , quo sordes defluunt : Ut Sallust. ⁽ⁿ⁾ Simulans sibi alvum purgari : Venter est aspectus ipsius partis extrinsecus , ut Juvenalis : Montani quoque venter adest. Uterus autem propriè prægnantis est. Sed & hoc à Poëtis metri necessitate variatur.

39 Inter Arma , & Tela : ^(o) Arma sunt , quibus ^(p) defendimur : ^(q) Tela , quæ ^(r) mittimus. Item Arma belli sunt : Armamenta navium.

40 Inter ^(s) Alluvium , & Colluvium : Alluvium consumptio est riparum ex aquis : Colluvium autem congregatio sordium , quæ fit à fluxione multa.

41 Inter ^(t) Aquatum , & Aquo-

sum : Aquatum potionem rectè dicimus : ^(u) Aquosum locum , qui ex se aquam fundit. Ità & meracam potionem , merosum autem vinum appellamus.

42 Inter Apricum , & Opacum : Apricum contrarium ^(x) est Opaco , quasi apertum Cælo , vel Soli ^(y) sine horrore frigoris. Et est Apricum , ^(z) quasi ^(a) sine flatu & frigore. Hinc & Africam dici quidam existimant , quasi Apricam. At contrà ^(b) Opacum condensum est , & umbrosum , ^(c) sicut & Amœnum. ^(d) Amœna autem dicta eò quòd amentur.

43 Inter ^(e) Acerbum , & Acervum : Acervus per duas vv. scribitur , & significat ^(f) molem. Acerbus per b. scriptus , significat immaturum.

44 Inter ^(g) Arbos , & Arbor : Arbor interdum , & sine fructu : Arbos verò non nisi fructifera. Similiter Sylva , & Nemus : Sylva interdum est fructuosa : Nemus verò Arbores umbrosæ , & infructuosæ intelliguntur.

45 Inter Acerbum , & Immaturum : Acerbum est longè à maturitate positum : Immaturum verò proximum maturitati.

46 Inter ^(h) Avenam , & Habenam :

A 3

(i) Al. Albus.

(k) Etymolog. lib. 11. cap. 1.

(l) Etymolog. lib. 10. littera A. Animosus quod sit animis , & viribus plenus.

(m) Ex Serv. ad ill. 2. An. Uterumque armato milite complent. Ipse etymolog. lib. 11. cap. 1.

(n) Ex fragmentis incertorum lib.

(o) Etymolog. lib. 18. cap. 5. Aliud discrimen apud Fest. dict. Arma.

(p) Al. Defendimus.

(q) Serv. ad ill. 9. Æn. Telorum effundere contra omne genus.

(r) Al. Enittimus.

(s) Etymolog. lib. 14. cap. 9.

(t) Ex Agratio , in quo tamen pro aquatum , est aquaticum.

(u) E. Addendum ex Agratio , quæ aquam aliunde recepit. Aquos.

(x) Al. Est opacum quasi opacum Cælo.

(y) Al. In horrore.

(z) Al. Quia.

(a) Putandum subesse scribendumque. ἄνω ῥίγναι , id est , sine frigore , sic & in Serv. leg. ad ill. 5. Æn. Apricis statio statistissima mergis. Et 6. Æn. ad ill. Tertis imittit apricis. Vsd. Fest. dict. apricum. Ipse etymolog. lib. 3. cap. 18.

(b) Sic Fest. dict. Opacum.

(c) Sic etiam vetus Glossar. Amœnum interpretatur αὐάνιος τόπος.

(d) Ipse etymolog. lib. 14. cap. 3. Fest. dict. Amœna. Servius ad illud. 5. Æn. Amœna piorum , & 6. Amœna vireta.

(e) Ex Agrat. ipse etymolog. lib. 17. cap. 6.

(f) Al. Nobilem. Agratius male.

(g) Ex Agrat. & ipse etymolog. lib. 17. cap. 6.

(h) Ex Agrat. 46. ipse etymolog. lib. 20. cap. 16.

nam : Avena per v. litteram herba est. Habena per b. litteram lorum est. Habenas autem ab habendo dictas putant, quòd his equos habemus, hoc est tenemus, undè & equi habiles dicti.

47 Inter Avem, & Volucrem: Aves dicimus, quæ per aëra ⁽ⁱ⁾ levibus volitant ^(k) pinnis: Volucres autem non solùm aves vocamus, sed quadrupedes nimia pernicitate currentes, sed tamen cum adjectione, ut puta volucrem equum, volucrem tigridem. Ut est illud Pacuvii: ^(l) Volucris currit axe quadriga. ^(m) Nam & sagittæ volucres dicuntur, quòd his ⁽ⁿ⁾ pinnæ conglutinantur. Nam sine adjectione tantùm alitem sonat.

48 Inter ^(o) Anguem, Serpentem, & Draconem: In mari Angues: in terra Serpentes: in templo Dracones. Ut Virgilius--Tranquilla per alta angues--& paullò--post.--Serpens amplexus uterque. Itèr :- Delubra ad summa dracones.

49 Inter Aureum, & Auratum: Aureum auro factum: Auratum ex alia materia factum, & mixtum auro operitur.

50 Inter Animalia, & Animantia: ^(p) Animalia sunt, quæ habent animam: Animantia tantùm ad animos pertinent.

51 Inter Austrum, & Ostrum:

Austrum ventum significat: Ostrum verò purpuram.

52 Inter Annuit, & Abnuat: ^(q) Annuit consentit: ^(r) Abnuat denegat.

53 Inter Æs, & Es: Æs metalli materia: Es verò verbum est.

54 Inter Animum, & Animam: Anima sine differentia: Animus verò varius est: ^(s) quòd Animo sapimus, Anima, qua vivimus.

55 Inter ^(t) Ad, & At: Ad præpositio est: At verò conjunctio.

56 Inter Adjuro, & Abjuro: Adjuro rogo, Abjuro nego.

57 Inter ^(u) Apud, & Penes: quòd Apud te tunc dico, quum aliquam partem omnem significo. Nam Penes possessionem significat: Apud autem quasi corpus, & librum; non ^(x) possessio. Dicimus autem, apud te habeo argentum meum, non penes te: quæ ergo redduntur apud te habeo, quæ possidentur, penes te habeo.

58 Inter Amburere, & Comburare, & Sepelire: Comburare est igni dare: Amburere ex utraque adurere: ^(y) Urere est igni adurere penitus, & ad medullam ignem sentire. ^(z) Sepelire est sepulcro cingere, vel corpus humo tegere & ossa. Indè Virgilius: ^(a) Corpus humo patiari tegi: ^(b) Aut si qua id fortuna vetabit: Absenti ferat inferias, decoretque sepulcro.

In-

(i) Al. Levius.

(k) Al. Pennis.

(l) Al. Volucris erit ex quad.

(m) Al. Sedet.

(n) Al. Pennæ.

(o) Ex Servio ad locum 2. Æn. citatum ad verbum.

(p) C. Fronto. Animantia animus facit, animalia animam habent.

(q) Vid. Non. dict. Innuere, & annuere.

(r) Sic Veteres membrana vocum in Terentio explicatur. Abnuo, nego, subtraho.

(s) Non Marc. dict. Animus, & anima.

(t) Etymolog. lib. 1. cap. 26.

(u) Vid. Fest. dict. Apud.

(x) Al. Possessionem.

(y) F. Legend. Uri est penitus, & ad medullam ignem sentire. Nam diciiones, est igni adurere, ex illis superioribus est igni dare, sic male irreperant.

(z) Etymolog. lib. 11. cap. 22.

(a) Corpus humo patiari tegi. 10. Æn.

(b) Æn. 9.

59 Inter Audacem, & Temerarium: ^(c) Audax non timet: Temerarius non æstimat periculum.

60 Inter Ad forum ire, & In forum ire: Ad forum, significatur aliquis locus, in quem imus: In forum in ipsum forum.

61 Inter Afrum & Africum, & Africanum: Afrum dicimus civem: Africum ventum: Africanum negotiatorem.

62 Inter Agnoscere, & Cognoscere: ^(d) Adnoscimus notos: Cognoscimus ignotos.

63 Inter ^(e) Auferre, Adimere, & Eripere: Auferimus rem, quam dedimus: Adimimus ^(f) jus: Eripimus quod ab ^(g) aliquo rapimus.

64 Inter Agere causam, & Dicere: quod Agit patronus: Dicit reus.

65 Inter Aquam, & Undam: Unda semper in motu est: Aqua verò stativa. Porro imbres nubium sunt: Latice fontium. Nam latex propriè liquor fontis est: & dictus, quòd in venis terræ lateat.

66 Inter Æquora, & Maria: ^(h) Æquora, non tantum aquæ, sed & campi ⁽ⁱ⁾ propter æqualitatem dicti: Mare autem, tantum congregatio aquarum.

67 Inter Ævum, & Seculum: ^(k) Ævum tantum tempus ostendit: Seculum verò perpetuitatem & tempus,

undè & in secula seculorum dicimus.

68 Inter ^(l) Æquum & Justum: Justus quippè ex lege est, quasi jus custodiens: Æquus autem est, qui secundum naturam justus. Etenim justus à jure vivendo, id est, juxta quod jus est faciendò, vocatur.

69 Inter Ægrum, & Ægrotum: ^(m) Æger propriè animo mœstus, nam corpore Ægrotus dicitur. ⁽ⁿ⁾ Proinde Æger est, & tristis, & malè valens: Ægrotus autem, sivè Ægrotans tantummodò malè valens.

70 Inter Ægritudinem, & Ægrotationem: ^(o) Sicùt Ægrotatio in corpore, sic Ægritudo in animo nomen habet non sejunctum à dolore. Dolor igitur Ægritudo, id est, causa efficiens Ægritudinem in animo, tantumquam Ægrotationem in corpore.

De Littera B.

71 I Nter Benignitatem, & Bonitatem Stoici ita ^(a) definiunt: quòd Benignitas sit virtus ad beneficiendum exposita, lenis, blanda, dulcis alloquio, ad omnium bonorum familiaritatem invitans: Bonitas autem benè quidem facere, & præstare quod poscitur parata est: non tamen novit suavis esse consortio, & sua cunctos invitare dulcedine.

72 Inter Beatum, & Felicem: ^(b) Beatus sibi tantum est: ^(c) Felix, ^(d) &

^(c) Ex *Agratii mente*, temeritas sine consilio, audacia post consilium, *C. Fronto*. Hinc fortè emendandus, audax non timet, temerarius non providet: nam malè alioqui, audax non providet, temerarius non rimet.

^(d) *Serv.* ad illud 8. *Æn.* Accipio, agnoscoque libens.

^(e) *C. Fronto*. Aufert, qui dedit, adimit, imperio coactus, eripit, qui plus valet.

^(f) *F. Jussi. Ut infra littera R.*

^(g) *Al. Alio.*

^(h) *Ex Serv.* ad ill. 2. *Æn.* Quæ me æquora possunt.

⁽ⁱ⁾ *Non dict.* Æquor.

^(k) *Serv.* ad ill. 6. *Æn.* Quem tibi longævo. Ævum (*inquit*) propriè æternitatis est. Undè quis in *Lidoro* fortè legendum censeat, Ævum tantum perpetuitatem ostendit.

^(l) *Erymolog. lib. 10. dict.* Æquus, littera A.

^(m) *Ex C. Fronton.* & *Agratio.*

⁽ⁿ⁾ *Ex Serv.* ad ill. 1. *Æn.* Curisque ingentibus æger. *Interpretes Terentii, Act. 1. scen. 2. Andr.*

^(o) *Al. Ut Cicero Tuscul. 3.*

^(a) *Al. Distinguunt.*

^(b) *Hoc sensu & Fronto.* Beatus, qui apud Græcos μακάριος.

^(c) *Ex Serv.* videtur ad ill. 1. *Æn.* Sis felix, & illud *eclog. 5.* Sis bonus, ò felixque.

^(d) *Al. Sequenter, & aliis.*

& aliis. Ut est illud Virgilianum : Sis felix nostrumque leves ^(e) quæcumque laborem. Felix autem dicitur , per quem datur , & accipitur felicitas : ut felix tempus , felix locus , felix eventus.

73 Inter Beatus, Honestus, Fortunatus : Beatus animo , Honestus moribus , Fortunatus substantia.

74 Inter Bibere , & Potare : Bibere naturæ est : potare luxuriæ.

75 Inter Balineum, & Balneum: In prosa quotidiano sermone Balineum , in versu Balneum dicimus.

76 Inter Barbam, & Barbas : ^(f) Barbam hominum , Barbas pecudum, vel herbarum dicimus : Barbas & hominum , ut apud Virgilium : Barbas, incanaque menta Regis Romani.

77 Inter Buccinam , & Buccinum : Buccina est tuba , qua signum datur in ^(g) hostes : Buccinus ipse clangor canoris.

78 Inter Bellum , & Proelium: ^(h) Bellum indicitur : Proelium geritur. In ⁽ⁱ⁾ bello enim non statim proelium: in proelio autem estatim , & bellum. Undè & apud Antiquos ^(k) tuba proelii signum erat , belli buccina. Itèm bellum totum est, id est , totus conflictus, ut ^(l) Jugurthinum, Civile, Punicum. Pugna unius diei : ^(m) Proelium pars pugnae , licèt & pugna duorum sit aliquandò , & sine ferro , undè & à pugno dicta est.

^(e) *Al.* Quicumque.

^(f) *Ex Serv.* ad ill. 3. *Georg.* Barbas , incanaque menta. Porro locus, quem Isidorus citat, est ex 6. *Æn.* in quo proceres , barbas legisse constat.

^(g) *Al.* Hostem.

^(h) *Vide Serv.* ad illud 8. *Æn.* Qui sese in bella sequuntur.

⁽ⁱ⁾ *C. Fronto.*

^(k) *Ex Serv.* 11. *Æn.* ad illud. Bello dat signum , & ipse *etymolog.* lib. 18. cap. 1. & 4.

^(l) *Al.* Jugurim.

^(m) *Sic Non.* dicit. Bellum.

⁽ⁿ⁾ *Ex Serv.* ad illud 3. *Georg.* Balsamaque & baccae.

^(o) *Vetus Glossar.* Bassus *ἰσχυλος*.

^(p) *Al.* Balsos.

^(q) *Etymolog.* lib. 1. cap. 32. *Vid. Agell.* lib. 5. cap. 20.

^(a) *Utrumque ostendit Varro lib. 4. ling. Lat. diff.* Cælum.

^(b) *F. Astrifer.*

^(c) *Ex Servio ad illud 3. Æn.* Nèc lucidus æthra Siderea polus.

^(d) *Al.* Sexus. p.

79 Inter Balsamum , & Opobalsamum : ⁽ⁿ⁾ Balsamum est arbor ipsa : Opobalsamum succus collectus ex arbore. Nàm opos dicitur succus. Probatio autem Balsami, ut dicit Plinius, hæc est : quod si contra solem feratur , & corruptum non sit, manum ferentis exurit.

80 Inter Bassos , & Bassus : ^(o) Bassos nomina propria sunt : ^(p) Bassus verò appellativa nomina sunt.

81 Inter ^(q) Barbarismum, & Solœcismum : Barbarismus fit in una loquela : Solœcismus in pluribus.

De Littera C.

82 **I**nter Cælum , & Ætheritâ distinguitur : quod non ^(a) tantum ille ^(b) astriferus locus , sed & iste aër Cælum vocatur. Æther autem sublimior Cœli pars est , in quo sidera constituta sunt. ^(c) Sanè & Æther aër igneus est superior: Æthra verò lux , & splendor est Ætheris.

83 Inter Cras , & Crastinum: Cras ad tempus pertinet : Crastinum ad opus ejusdem temporis.

84 Inter Castitatem , & Continentiam hoc interest : quod Castitas est corporis incorruptio : Continentia verò post corruptionem ^(d) sexui renuntiatio. * Primum ex his felicitatis est , non esse , quod metuas : secundum

dum virtutis est, prosternere hostem libidinis, à quo totiens victus atque dejectus es. Quo primum cedere humilitatis est: secundum patientiæ. * Harum prima felicitatis est, non nosse in totum, à quo postea liberari optabis: Secunda verò virtutis ^(e) contemnere vitium, quod optimè noveris. Alii Continentiam in ^(f) conjugii specialibus, Castitatem in virginibus intelligunt. Item quidam Castitatem accipiunt in mente: Virginitatem verò in corpore. Illa est autem vera castitas, quæ nec corpore, nec mente polluitur.

85 Inter Clamorem, & Clangorem: Clamor rationabilium, Clangor irrationalium: ut anserum, vel tubarum.

86 Inter Criminatorem, & Criminantem hoc interesse auctor Orbilius putat: quòd Criminator sit, qui alteri crimen inferat, & id sæpius faciat: Criminans autem, qui crimen inferat, & cum suspitione quoque, id faciat, quare quis magis noxius videatur. Ut Afranius. ^(g) Non sum, inquit, tam ^(h) criminosa, ⁽ⁱ⁾ quàm tu, Vipera, gannire ad aurem nunquam didici ^(k) Dominicam.

87 Inter Callidum, & Versutum: ^(l) Callidus est in disputando subdolos: ^(m) Versutus autem cujus mens in negotiorum actu ad quamlibet fraudem facile vertitur. Ergo ⁽ⁿ⁾ Callidum non pro astuto tantum, sed pro astute

docto dicimus: Versutum autem ab eo quòd animum citò vertat. Unde & ^(o) Plautus: Versutior es, quàm rota ^(p) figularis.

88 Inter ^(q) Curam, & Sollicitudinem: Sollicitudo moderata est, atque temperabilis: ^(r) Cura verò sine moderatione est, undè & Cura dicta est eò, quòd cor urat.

89 Inter Cognitionem, & Agnitionem quidam sic distinguunt: quòd Cognitio eorum sit quæ antè non scivimus, & ea postea scire permittimur: Agnitio verò eorum, quæ priùs scientes, deinceps scire desivimus, eorumque postea recordamur.

90 ^(s) Inter Commentarium, & Commentum, & ^(t) Comicum: Commentarium liber: Commentum, vel Commentatum volumen, id est, ex diversis libris ^(u) comatum: scilicet, ex Veteri, & Novo Testamento.

91 Inter Coràm, & Palàm: Coràm ad personam refertur, dicimus enim, Coràm illo: Palàm autem persona caret, quia id ipsum significat, quod omnes sciunt. Ergo Coràm ad personam certam refertur, Palàm ad omnes.

92 Inter Cavum, & Cavatum: Cavum naturaliter: Cavatum manu.

93 Inter Circitèr, Circa, & Circum: Circitèr ad numerum referendum est: Circa ad locum, & tempus: Circum verò undique. Ergo ^(x) dicimus circumisse nos orbem, non ^(y) circasse.

In-

(e) Al. C. ea quæ optima.

(f) Al. Conjugibus.

(g) Citat alterum versum Non. diſt. gannire, ex proſa (Catii, Roſa) Afranii.

(h) Al. Criminosus.

(i) Al. Quantum.

(k) Al. Domini.

(l) Vid. Donat. in Terent. Act. 3. Scen. 3. Adelpb.

(m) Sic Fest. diſt. Versutus, & ipſe lib. 10. Etymolog. littera C. & littera R.

(n) Etymolog. lib. 10. littera C.

(o) In Epidico, Scena, cujus princip. Ecceſti jam.

(p) Al. Figulari.

(q) Aliiſt. diſtinguit Donat. Act. 2. Scen. 4. Phorm.

(r) Ex Serv. ad illud 1. Æn. Curisq; ingentibus æger, & 4. Æn. Jam dudum ſauſcia cura.

(s) In uno manuſcripto hæc tantum. Inter Commentarios & Commentaria: Commentarii libri, Commentaria volumina.

(t) F. Commaticum.

(u) F. Concinnatum, aut Commatum.

(x) Al. Dicimus.

(y) Al. Circasse.

94 Inter ^(z) Circumpedes , & Antepedes : Circumpedes sunt obsequia servorum: Antepedes amicorum.

95 Inter ^(a) Contingit , Obtingit, Evenit , & Accidit : Contingit eventus: Obtingit sorte: Accidit casu: Evenit vel malo , vel bono.

96 Inter Corripere , Objurgare , & Castigare : Corripimus verberibus: Objurgamus verbo : ^(b) Castigamus verbis , cædibus , & verberibus.

97 Inter Cupere , & Ambire: Cupere est terrena lucra , vel quælibet mundi desideria inaniter quærere: Ambire verò honorum gradus , vel ordines potestatum appetere.

98 Inter Cantare , & Canere: Cantare tantum vocibus , vel clamore insonare est : ^(c) Canere autem interdum modulari , interdum vaticinari est , id est , futura prædicere.

99 Inter ^(d) Conscribere , Exscribere , & reliqua. Placidus , Conscribere , inquit , est multa simul scribere. Exscribere , quod alibi scriptum sit transferre. Transcribere , quum jus nostrum in alium transit. Inscribere accusationis ^(e) est. Adscribere ^(f) assignationis. Describere ^(g) dictionis , vel ^(h) ordinis.

100 Inter Construere , & Destruere : Construere est ædificare ; ⁽ⁱ⁾ Destruere verò , exterminare.

101 Inter Commodare , & Accommodare : ^(k) Commodare est præstare aliquid : ^(l) Accommodare verò aptare.

102 Inter Consuere , & Suere , vel Adsuere : Consuere vestium : Suere codicum : Adsuere coriorum.

103 Inter ^(m) Consequimur , & Assequimur : Consequimur pedibus: Assequimur studio.

104 Inter ⁽ⁿ⁾ Consuescimus , Insuescimus , Consuescimus bona : Insuescimus mala : Adsuescimus ^(o) utraque.

105 Inter Capió , & Capesso: Capió aliquando : Capesso frequenter.

106 Inter Cunctos , & ^(p) Omnes : Cuncti omnes sunt , si modò juncti sunt , & simul faciunt aliquid. ^(q) Aliter Omnes dicuntur non Cuncti.

107 Inter Cæteros , & Alios: Quòd Cæteri ex eodem numero sunt: Alii ex alio.

108 Inter Curulem , & Curialem : Curiales Officiales publici : Curules verò sellæ , in quibus Magistratus sedentes jura reddunt.

109 Inter Censorem , & Censualem : Censores ^(r) enim Judices vocantur : Censuales verò Officiales , qui census provincialem exigunt. ^(s) Interim & ^(t) Censorium hominem , pulchrum dicimus.

In-

(z) Ex Agravat. ad verbum.

(a) Vide aliud discrimen apud Agravatium.

(b) Al. C. cum credimus.

(c) Serv. in ill. 1. An. Atina, virumque cano. & 8. An. In limine adesse canebat.

(d) Ex Agravat. Omnia.

(e) Vel occasionis. Agravat.

(f) Significationis. Agravat. male.

(g) F. Dictionis.

(h) Ordinationis m. s. 1. & Agravat.

(i) Leg. destruere , nisi malis , præeunte Agravatio , extruere verò in excelsum struere.

(k) Agravat. dict. Commodatum.

(l) Non. dict. Accommodat.

(m) Agravat. Consequimur studio , assequimur voto.

(n) Ex Agravatio.

(o) Al. Utrumque.

(p) Vid. Front. dict. omnes. Festus eadem serè habet cum Isidora dict. cuncti , & Aicon. Pedian. in Divisionem.

(q) Apertior erit lectio ; aliter omnes dicuntur , non cuncti. Vid. Serv. ad illud 1. An. Toia armenta sequuntur.

(r) Al. Tantum.

(s) Al. Interdum.

(t) Al. Censorem.

110 Inter Cognatum, & Affinem, & Propinquum: Cognatus ejusdem generis: Affinis nuptiis veniens: Propinquus sanguine, vel affinitate conjunctus.

111 Inter Columem, & Incoluem: Incoluem animo accipimus: Columem corpore. Columen autem sanitas, vel ^(u) sustentaculum est, ^(x) quod à Columna est factum, undè & culmen, undè & culmus.

112 Inter Comptum, & Compositum: Comptum cura: Compositum natura.

113 Inter Crassum, ^(y) & Grassum: Crassum corporis est ^(z) pinguedinis. Nàm Grassari, ^(a) animi nimiae crudelitatis.

114 Inter Crassum, & Obesum: Crassus pinguis est: Obesus plùs est, quàm pinguis.

115 Inter ^(b) Cæruleum, & Cæruleum: Cæruleus est color: Cæruleus, qui ex eo colore confectus est natura. Nàm Cæruleum ipsum colorem dicimus.

116 Inter Corpus, & Carnem: quòd in omni carne corpus est, non in omni corpore caro. ^(c) Caro enim, propriè ossa, & sanguis est, quod tamen & corpus est. Corpus autem & lapis, & lignum est, quod tamen ca-

ro non est. Dictum autem corpus à corruptione, & caro à ^(d) carendo, vel à cadendo.

117 Inter Capillos, & Capillamenta: Capilli capitis sunt: ^(e) Capillamenta summitates ^(f) arborum.

118 Inter Collum, & Cervicem: ^(g) Collum semper Cervicem, ^(h) Cervix autem dùm singulari numero dicitur, significat collum: dùm plurali, superbiam. Ut Cicero ⁽ⁱ⁾ in Verrem: Prætorem tu accusas? ^(k) Frange cervices.

119 Inter Cóncidit, & Concídit: Cóncidit, correpta media syllaba, significat cecidisse: Concídit, producta media, significat ^(l) separasse.

120 Inter Cassidem, & Galeam: Cassis de lamina est: Galea de ^(m) corio.

Inter Clypeum, & Clupeum: ⁽ⁿ⁾ Clypeum sentum, Clupeum ^(o) ornamentum dicimus.

121 Inter Clypeum, & Clupeum: ^(p) Clypeus masculino genere est, quem scutum dicimus: Clupeum neutro dicitur imago, ab eo quod clueat, id est, dicatur, & nominetur, & clara sit. Sic & inclytus præclarus dicitur.

122 Inter Consuetudinem, & Ritum: Consuetudo est ^(q) solitæ rei usus,

(u) *Vetus glossar.* columina. *ἰνίτῃσι πύματα*, & *columen*. *ἰνίτῃσι*. *dict.* *columna ipse Etymolog. lib. 10. littera C.*

(x) *Al.* Quia.

(y) *Ex Agrar.* Crassari, grassari.

(z) *Al.* Pinguedo.

(a) *Al.* *ἄκριδ.* est Agrar. Aut animi, aut crudel.

(b) *Ex C.* Fronte dictio autem natura loco mota possessioni sua restituenda, legendumque, cæruleus est color naturæ.

(c) *Sic lib. Etymolog. 11. cap. 1.*

(d) *Circando in Etymolog.*

(e) *Capillamenta seminum, lib. 5.*

(f) *Al.* Arboris.

(g) 2. *Ex Serv.* *ad ill. 2. Æn.* Cervici imponere nostræ. *Etymolog. lib. 11. cap. 1.*

(h) *Al.* i. Collus.

(i) *Lib. 5.*

(k) *In altero exemplari*, Frangere cervices, & superbiam inclinare, *qua, ut glossematon, inducenda.*

(l) *Sic Acron, ed. 3. lib. 1. Horatii in illo versu:* Nequidquam Deus abscondit exponit abscondit, separavit.

(m) *Al.* C. sit.

(n) *Ex Carisio in C Frontone:* malè. Clupeum armorum clypeum imaginis.

(o) *Al.* Ornamenta.

(p) *Locus mutilus, quem sic ex Carisio suppleri posse existimo.* Clypeus masculino genere est, quem scutum dicimus, ab eo quod est Clepeo, *καλύπτω*, id est, celo: quum clupeum imago dicatur, & nominetur à cluco, quod clara sit. *Sic*

in Serv. *ad ill. 7. Æn.* Nec clypei cursusque sonant, dicti ab eo quod celant corpus *ἀπὸ τῆς κλινῆς*.

(q) *Al.* Solito rei consensu usus d.

usus, & consensu duorum, plurimorumque factus. Ritus verò ad justitiam ^(r) pertinet, quasi rectum, ex quo pium, æquum, ⁽ⁱ⁾ sanctumque.

123 Inter Cognitorem, & Procuratorem: ^(t) Cognitor non ^(u) nisi præsens à præsente præsenti datur: Procurator autem & ^(z) absens constituitur adversus absentem. Itèm Cognitor adversus eum solummodò ^(y) lite ^(z) contendit, adversus quem ad agendum constitutus est: Procurator verò apud omnes. Itèm Cognitor liti tantum dari solet, ^(a) id est, judicii expediendi gratia: Procurator verò & res omnes administrat.

124 Inter Coclearium, & Cocleare: Coclearius qui vendit: Cocleare verò species.

125 Inter Cœtum, & Cetum: Cœtus multitudo: Cetum belluam dicimus.

126 Inter ^(b) Commune, & Epicoœnum: Commune ^(c) generis est: Epicoœnum verò animalium.

127 Inter Capillatum, & Capillosum: Capillatus capillo grandi: Capillosus, pilosus & hirsutus.

128 Inter Cornua, & Corna: Cornua animalium, vel antemnarum: Corna verò pomorum genus.

129 Inter Cœpit, & Cepit: Cepit de capiendo: Cœpit de incipiendo.

130 Inter Calvum, & Calvatum: Calvus est natura: Calvatus manu. Indè & ^(d) decalvatus dicimus validè manu decalvator.

131 Inter ⁽ⁱ⁾ Circa, Circum, & Circiter: quòd Circa est incerti loci de aliqua parte: Circum certi undique: Circiter numeri penè infiniti.

132 Inter Causam, & Rationem: quòd Causa rem, vel rationem antecedit: Ratio in ipsa re est. Itèm ^(f) Causa est, propter quam fit aliquid: Ratio per quam fit.

133 Inter Civile, & Civicum: ^(g) Civile est, quod ad Civitatem pertinet: Civicum, quod ipsi cives faciunt.

134 Inter Cognoscimus, & Agnoscimus: Cognoscimus ignoratos mores: Agnoscimus, quæ nobis exciderant.

De Littera D.

135 **I**nter Diurna, Diutina, & Diuturna: Diurna ^(s) à die dicta sunt, ut diurna merces. Diutina dicta ab eo quod est, quòd diù duraverit: Diuturna verò à perpetuitate dicta, quasi æterna.

136 Inter ^(b) Disertum, & ⁽ⁱ⁾ Discretum: Disertus orator est: ^(d) Discretus est doctus, à discendo dictus.

In-

(r) *Al.* Pender quia.

(i) *Al.* S. Respicimus.

(t) *Fest. dict.* Cognitor. c. enim præsens à præsenti Præsede datur.

(u) *Al.* Jussu Præsidis præsentis præsenti d.

(z) *Al.* Quem a. constituit.

(y) *Al.* Litem.

(a) *Al.* Defendit.

(b) *Al.* Item.

(c) *Sic lib. 1. Etymolog. cap. 6.*

(d) *Al.* Gentis.

(e) Decalvationis mentio. *Concil. Tolet. 16. cap. 3. Emeritens. cap. 15. & alibi, passim verò in legibus Visigothorum eratque perpetua infamia nota.*

(f) *In uno m. s.* Inter circa & circum, quod circa est de aliqua parte loci, circum undique.

(g) *C. Fronto.* Causa docet factum, ratio solvit obscura.

(h) *Acron. & Porphy. in Od. lib. 2. Horat. ita tantum distinguunt, quòd civicum antiqua figura dicatur, civile non item.*

D

(a) *Aliiter adjecta nullo sensu.*

(b) *Ex Agrasio.*

(c) *Al.* Dissertum.

(d) *Lege, desertus, est derelictus, à deserendo dictus. Ex Agratii mente neutra harum lectionum, quas m. s. habent, tolerari potest. Al.* Dissertus est doctus à disserendo, ecc.

137 Inter Divitem, & Locupletem: ^(e) Dives est pecuniis: ^(f) Locuples autem fundis: quasi ^(g) locorum divitiis plenus.

138 Inter Defensorem, & Ultorem. ^(h) Defensor curat, nè fiat injuria: Ultor id facit, nè impunè sit facta injuria.

139 Inter Deformem, & Turpem: Deformis ad corpus pertinet: Turpis ad ⁽ⁱ⁾ animum.

140 Inter Dementem, & Delirum: ^(k) Demens est cujuscunque ætatis amens, ^(l) & sine mente: ^(m) Delirus autem per ætatem mente defectus: Dictus autem ita, cò quòd recto ordine, quasi lira aberret. Lira enim est arationis genus, ⁽ⁿ⁾ quum agricolæ ^(o) facta semente dirigunt ^(p) sulcos.

141 Inter Dirum, & Atroce: Dirus immisericors; quasi divinâ irâ ^(q) in id adactus. ^(r) Atrox, crudelis, hoc est, crudus, nequè ^(s) suavis.

142 Inter Dolum, & Dolorem: ^(t) Dolor est corporis incommoditas, sivè molestia. ^(u) Dolus verò occulta malicia, blandis sermonibus adornata.

143 Inter Dolum, Insidias, & Fraudes: Dolus animo fit: Insidiæ loco, sivè telo: Fraus circa fidem ^(x) mutuat.

144 Inter Dementiam, & Amentiam: Dementia temporale vitium est: Amentia perpetuum. ^(y) Dementia autem dicta, quasi diminutio mentis.

145 Inter ^(z) Distinctionem, & Subdistinctionem: Distinctio finem ^(a) sensus facit: Subdistinctio ^(b) suspendit.

146 Inter ^(c) Dimidium, & Dimidiatum: Dimidium, est æqua pars divisa: Dimidiatum, utique pars, ^(d) sed non æqualis.

147 Inter Divertit, & Divortit. ^(e) Divortit est separatio, quum mulier à viro discedit. ^(f) Divertit verò, qui à ^(g) via, vel ratione defleat.

148 Inter ^(h) Deluit, & Diluit: Deluit purgat: ⁽ⁱ⁾ Diluit temperat. Livius de morte Mitridatis, ^(k) quòd quum diluisset.

149 Inter Dilectum, & Delectum: ^(l) Dilectum à diligendo: Delectum à

B

lec-

(e) Rectius forè Fronto. Dives, quia dividendi facultatem habet. Varro à divo deduct.

(f) Al. Loci plenus.

(g) Sic ferè Fronto 9. Terent. Scavrus, & ipse Etymolog. lib. 10. littera L.

(h) Sic & Fronto. Ultio vindicat factum: vindicta, vel vindictio futura prohibet.

(i) Al. Animam crimen. Al. m. s.

(k) Fest. dict. Mentecaptum. Ipse Etymolog. lib. 10. littera D.

(l) F. Id est.

(m) Non. dict. Delirus, & ipse in Etymologiis.

(n) Al. Cum qua.

(o) Al. Jacta.

(p) In Etymolog. additur. In quos omnis seges decurrit, quòd cum minimè verum sit, fortassis, & illic ea verba solenda, aut scribendum ex Non. In quos omnis uligo decurrit.

(q) Indignatus. f. natus, ut Festus. Vide Serv. ad illud 2. Æn. Quæ mens tam dira.

(r) Fest. dictione. Atrocis.

(s) Al. Suasibilis.

(t) Sic Cic. Tusc. 2. Dolor motus asper in corpore, à sensibus alienus.

(u) Ipse Etymolog. lib. 10. littera D dicit. Dolosus.

(x) Al. Injuria.

(y) Lib. 10. Etymolog. littera D.

(z) Etymolog. lib. 1. cap. 18.

(a) Al. Mentis, vel sensus.

(b) Al. Mentem susp.

(c) Agras, & copiose Agell. lib. 3. cap. 14.

(d) Al. Si.

(e) F. Divortium.

(f) Non di. f. Divortium.

(g) Sunt enim diverticula, quæ ab hoc verbo, semitæ transversæ à latere, viz militares. Serv. ad illud 9. Æn. Ad divortia nota.

(h) Ex Agratio.

(i) Vel lavat, quòd tamen abest ab Agratio.

(k) Ex lib. 102. ut constat ex Flori epitome, erat locus.

(l) Ex eadem mente Agratius, diligi affectionis, deligi jucidij.

lectum ab ^(m) deligendo.

150 Inter Directum, & Directum, ⁽ⁿ⁾ Directum per latum est: Directum per longum.

151 Inter Discernere, & Secernere: Discernit, qui in duas partes dividit: Secernit, qui ex multis seorsum multa eligit.

152 Inter Dicere, & Memorare: Dicit enim, qui semel idem pronuntiat: ^(o) Memorat, non qui semel dicit, sed qui sæpius idem, memoriæ conservandæ causa, facit.

153 Inter Derigere, & Dirigere: Derigimus, quæ curva sunt: ^(p) Dirigimus, quum aliquod tendimus.

154 Inter Deportare, Comportare, & Exportare: ^(q) Deportare est aliquid afferre: Comportare in unum locum conferre: Exportare ^(r) tollere.

155 Inter Discedere, & Abscedere, & cætera: Discedere per divortium dicimus: Abscedere per absentiam: Secedere per singularitatem: Decedere per mortem.

156 Inter Deduco, & Diduco: ^(s) Deduco de amico ^(t) producendo. Diduco autem distraho, vel ^(u) divido: Item quantum ad ^(x) equos triumphapha-

les refertur: Si equi, duxere triumphos: Si boves, ^(v) deduxere. Item quantum ad naves: ^(z) Subducere in terram dicimus: ^(a) Deducere autem in mare. Ut, ^(b) Deducunt socii naves.

157 Inter Duo, & ^(c) Ambo: utique qui dicit ^(d) Duo, numerat: qui Ambo, jungit.

158 Inter Disparem, & Imparem: Dispar est inæqualis, vel dissimilis: Impar verò, sine pari.

159 Inter Duo, & Bina: ^(e) Cicerò in epistolis ad filium, Duas epistolas, non binas: binas litteras, non duas. Quia numeri tantum pluralis est nomen litteræ, quæ epistolam significant. Nam non dicimus bina, nisi ea quæ singularem numerum non admittunt: ut bina castra, bina arma. Ea autem dicimus duo, quæ singularem numerum admittunt.

160 Inter Domum, & Hospitium: Domus ad proprios habitatores pertinet. Nam Hospitium tunc vocatur, quum aut aliquem recipimus, aut quum ab aliquo ipsi recipimur: ^(f) undè & qui venit, & ad quem venit, hospes dicitur. Sic Plautus: ^(g) Hospes necavit hospitem captum manu.

161 Inter ^(h) Decentem, & Specio-

(m) *Al.* Eligendo.

(n) Hinc legendum constat apud Agrarium unde sumptus quondam sentium locus. Directum in latera aptatum. Sic & *Erymolog. lib. 10. lit. D.* Directus eo quod in rectum vadit.

(o) *Fest. dict.* Memorare.

(p) Sic Paulus ex *Festo*. Dirigere apud Plautum invenitur pro discedere, sed discindere legitur Vir erudit. Et quum aliquo. *Al.* quum ad aliquem.

(q) Fortè scribendum ex mente Agratii de Port. Ea deferre, malè tamen ipse, deponere. Apportare est aliquid afferre comp. &c.

(r) De loco tollere. *Agrat.*

(s) Sic Serv. ad ill. 1. *Æn.* Despicies mare velivolam, deduco prosequor, diduco divido.

(t) *Al.* Perducendo.

(u) *Al.* Seu pono. i. f. Seu dispono.

(x) *Malim.* Currus.

(y) *Al.* Duxere.

(z) Ex Serv. ad ill. 1. *Æn.* Subducere classem.

(a) *Al.* Diducere.

(b) 3. *Æn.* *Al.* Diducunt.

(c) *Al.* Duos ambos.

(d) *Al.* Duos ambos.

(e) Ex Serv. ad illud 8. *Æn.* Frænaque bina. Vide eundem ad illud 1. *Æn.* Bina manu lato crispans hastilia ferro. *Al.* Cie. *Epistolarum* ad fil.

(f) Ex Serv. ad illud 8. *Æn.* Ne verò hospes, ne quære.

(g) *Mostellaria scen.* cujus initium. Habeo Neptunè mag. grat.

(h) C. *Fronto*. Decens in gestu est, & motu corporis, speciosus: malè legitur, formosus ab excellenti specie dicitur, forma naturæ bonum, unde etiam formosus dicitur.

ciosum, & Formosum : Decens motu corporis probatur : Speciosus specie : Formosus, naturâ, sive formâ.

162 Inter Deformem, & Informem : Deformis est, ⁽ⁱ⁾ cui deest forma : ^(k) Informis ultra formam.

163 Inter Decus, & Decorem : Decus ad animum refertur : Decor ad corporis speciem.

164 Inter Delatorem, & Dilatorem : ^(l) Delator, qui defert ad ^(m) accusandum : Dilator, qui differt ad proferendum.

165 Inter Draconem, & ⁽ⁿ⁾ Traconem : Draco est immanis bellua : ^(o) Tracones verò sunt hiatus terræ.

166 Inter Divitem, Potentem, Fortunatum, Locupletem, & Honestum : Dives est potentiâ, & virtute : Potens, quasi Deo proximus : Locuples fundis, quasi locis plenus : ^(p) Fortunatus, ^(q) subito factus beatus : Honestus moribus, & honore usus.

167 Inter Do, & Cedo : ^(r) qui dicit Do, significat quibus detur : Qui dicit Cedo, de se tantum dicit.

168 Inter ^(t) Deum, & Divum : quod Deus semper est : Divus fit.

169 Inter Damnum, & Jacturam, & Detrimentum : Jacturam ^(v) scientes, & ultrò patimur : Damnum ^(u) subito, & non credentibus nobis fit : ^(x) Detrimentum, leve damnum fit in parte.

170 Inter Donum, & Munus : ^(y) Donum Deo offertur : Munus hominibus.

171 Inter Delicta, & Delecta : Delicta peccata : Delecta electa.

172 Inter Delictum, & Injustitiam : Delictum quidam leve putaverunt esse peccatum, quasi ^(z) negligentis derelictum : Injustitiam verò immane aliquod, seivumque commissum.

173 Inter Dolum, & Dolorem : Dolor tergiversatio : Dolor verò corporis inquietudo.

174 Inter Dolosum, & Inimicum : Dolosus est, qui occulta machinatione grassatur : Inimicus verò, qui mala facit apertius.

175 Inter Deduco, & Diduco : Deduco, amicum : Diduco, distraho.

176 Inter Directum, & Derectum : ^(a) Directum in rectum vadens : ^(b) Derectum in latere rectum.

177 Inter Disco, & Doceo : Discit, qui non novit : Docet verò, qui novit.

De Littera E.

178 **I**nter Externum, & Hesternum : Hesternum dicimus pridianum : Externum autem extraneum, hoc est, alienum.

179 Inter Eloquentem, & Lo-
B 2 qua-

⁽ⁱ⁾ *Al.* Ecce form.

^(k) *Lib.* 10. *Etymolog. littera I.*

^(l) *Ex Agrestio.*

^(m) *Al.* Causandum.

⁽ⁿ⁾ *Al.* Traconem.

^(o) *Al.* Tracones.

^(p) *C. Fronto.* Cui fortè aliquid contingit.

^(q) *F.* Substantia.

^(r) *C. Fronto.* Cedo sibi poscit, & est immobile : dat qui non finire facit datum.

^(t) *Ex Servo.* ad illud 5. *Æn.* Genus alto à sanguine divum.

^(u) *Al.* Scientur.

^(v) *Al.* Insolito & nobis nescientibus fit.

^(x) *Sic Atcon, Pedian.* 3. *orat. contra Vetr.* Detrimentum vel unius partis dici potest.

^(y) *Serv.* ad illud 5. *Æn.* Struereque suis altaria donis. Dona, ait, superorum, munera inferorum, & clariss. *C. Fronto.* Donum quod diis datur : munus, quod amicis vel clienti, vel libertus officii causa mittunt. *Ipsæ ead. libro Etymolog. 6. cap. 19.*

^(z) *F.* Negligentia.

^(a) *Al.* Directum.

^(b) *Al.* Directum.

quacem: ^(a) Sinceritas facundiæ, Eloquentum est: effusa & incondita temeritas, Loquacium: Undè est Sallustius: ^(b) Loquax magis, quàm facundus. Et Cicero: Hunc loquacem esse habitum, nunquàm disser tum.

180 Inter Expertem, & Expertum: ^(c) Si enim Expertum rerum dixerimus, significamus peritum: Si expertem, ^(d) ignarum.

181 Inter Exercitatum, & Exercitum: ^(e) Exercitus, laboribus fatigatus: Exercitatus, vel arte, vel studio peritus.

182 Inter Exosum, & Odiosum: Exosus dicitur, qui aliquem odit: Odiosus, qui oditur.

183 Inter Ebrietatem, & Ebriositatem: ^(f) quòd Ebrietas aliquandò est: Ebriositas frequens temulentia vini est. De qua Apostolus ait: ^(g) Neque Ebriosi Regnum Dei possidebunt. Pulchrè autem quidam non ignobilis Orator, quem ebrium ^(h) è somno describeret excitatum, ait: Neque dormire excitatus, nec vigilare ebrius poterat. Qua sententia expressit, quodammodò nec mortuum eum fuisse, nec vivum.

184 Inter Eventum, & Eventa: Eventus ipsa res est: ⁽ⁱ⁾ Eventa autem dicuntur, quæ ab eventu veniunt.

185 Inter Egestatem, & Paupertatem: quòd Egestas pejor est,

quàm paupertas: Paupertas enim potest esse honesta: nam Egestas semper ^(k) turpis est.

186 Inter Experientiam, & Scientiam: Experientia in malo dici potest, ut poenas expertus: Scientia autem in bono tantum.

187 Inter Emitit, & Admittit: Emitimus ^(l) alios à nobis: Admittimus alios ad nos. Sic quidam virgini cuidam ait: Murum sexui tuo exstrue: qui nec tuos emitat oculos, nec admittat alienos.

188 Inter Existimare, & Arbitrari: Existimare apud animum nostrum est: ^(m) Arbitrari judicium animi ⁽ⁿ⁾ proferre.

189 Inter Emere, & Redimere, id differt: quia qui Emit, alienum emit: qui autem Redimit, id emit propriè, quod suum fuit, & suum esse desiit.

190 Inter Spectare, & Exspectare: Exspectatur venturus: Spectatur, qui videtur, ^(o) vel adprobatur.

191 Inter Efferunt, & Eferunt: ^(p) Efferunt, qui ^(q) exportant, per duo ff. Eferunt autem, qui ^(r) laudandum extollunt, per unum ff. Cicero: Nimirum fortassè hæc illi eferunt.

192 Inter Exsequimur, Persequimur, & Prosequimur. Exequimur mortem, in qua vindicta est: Per-

se-

E

(a) Varr. 4. de Ling. Latin. Loquax, qui nimium loquitur: eloquens, qui copiosè loquitur. Ipse Etymolog. lib. 10. littera C. & L.

(b) Citatur idem fragmentum ab Agell. lib. 1. cap. 15. incertum unde.

(c) Ex Servo. ad illud 3. Æn. Exercite facis. Ipse Etymolog. lib. 10. littera E. dictionibus, expertus, & experts.

(d) De re vel causa quæ agitur: Ut glossæma rejiciendum, nec Servius agnoscit.

(e) Ex Servio loco citato. Exercite, inquit, fatigate: exercitatus peritus: exercitus laboribus: exercitatus studiis.

(f) Innuit idem discrimen Cicero. Tit. Quæst. lib. 4.

(g) 1. Corint. cap. 6.

(h) Al. A somno.

(i) Non, dict. Eventus: ex libro 1. Lucretii: Eventum dici poterit quodcumque crit actum.

(k) Epitheton Virgilianum, turpis egestas.

(l) Al. A nobis ad alios.

(m) Non, dict. Arbitrarii.

(n) Al. Animi nostri est.

(o) Ex Servio ad illud 1. Georg. Multò expectata labore, quin & expectare pro probare ab eodem usurpatur. 2. Georg. Crassaque terga, Expecta.

(p) Eodem Agratius, nihil tamen de Duplici. ff. effertur, inquit, qui portatur: & efferunt, qui laudando extollunt.

(q) Al. Asportant.

(r) F. Laudando.

sequimur fugientem : Prosequimur, quum fungimur officio.

193 Inter Extemplò , & Illicò :

(ⁱ) Extemplò, repentè, vel statim, vel subito : (ⁱⁱ) Illicò mox, vel continuò.

194 Inter Exinctum, & Restinctum : Exinctum dicimus lumen, ut Cicero : Lumina Civitatis extincta sunt : Restinctum verò incendium, ut idem Cicero : Subjectos propè jam ignes, circumdatosque restinximus.

195 Inter (ⁱⁱⁱ) Equitem, Equestrem, & Sequestrem : (^{iv}) Sequestris dicitur, qui certantibus medius intervenit : per quem utraque pars (^v) æquam fidem sequatur. Eques autem est, qui equo sedet (^{vi}) in armis. Equestris verò locus, vel ordo, ut si dicas : Ille homo Equestris est. Item, (^{vii}) militat ille in Equestri ordine. (^{viii})

196 Inter Exanimem, & Exanimatum : (ⁱ) Exanimis, est mortuus : Exanimatus verò, timens. Ut est illud : Exanimata sequens impingeret agmina muris.

197 Inter (ⁱⁱ) Eu, & Heus : Eu interjectio dolentis est : Heus adverbium vocantis.

198 Inter Ensem, & Gladium : (ⁱ) Ensis est ferrum tantum : Gladius verò totus. Mucro autem non tantum gladii, sed & cujuscumque teli acumen

est. Item Gladium generalitèr dicimus Ensem in prælio : Mucronem in opere.

199 Inter Spolia, & Exuvias : (ⁱ) Exuviae Ducum sunt : Spolia privatorum.

200 Inter eum, qui in Insulam Relegatur, & eum, qui Deportatur, magna differentia est : (ⁱⁱ) Primò, quòd (ⁱⁱⁱ) Relegatum, bona sequuntur, nisi fuerint sententia adempta : Deportatum non sequuntur, nisi palàm ei fuerint concessa. Ità fit, ut relegato, mentionem bonorum in sententia (^{iv}) haberi, non prosit, deportato noceat. Item distant & in loci qualitate. Quod cum Relegato quidè humanitèr transigitur : Deportatis verò solent Insulæ assignari, quæ sunt asperrimæ, quæque sunt paullò minus summo supplicio comparandæ.

201 Inter Eremum, & Desertum : Eremus est in via solitudo, ubi nunquam habitatum est : Desertum, ubi aliquandò habitatum, & derelictum est.

202 Inter (ⁱ) Execrationem, & Jurationem : Execratio, (ⁱⁱ) ut putà, si malum non patior : Juratio, si bonum mihi evenit.

203 Inter Expertum, & Experectum : (ⁱ) Expertum, aliquid ag-

Bb 3

ni-

(ⁱ) Varr. lib. 6. de Ling. Latin. Extemplò est continuò. Al. Extemplò subito, illicò, continuò.

(ⁱⁱ) Non. Illicò significat statim, mox.

(ⁱⁱⁱ) Al. Æquum.

(^{iv}) Serv. ad illud 11. Æn. Et pace sequestra : sequestor est medius inter duos altercantes, apud quem aliquid ad tempus seponitur. Et sic fere Fest. al. Aequus.

(^v) Al. Aqua fide aequatur.

(^{vi}) Duae illæ voces in armis, ab Isidoro lib. 9. Etymolog. cap. 3. Ubi agit de militibus equestribus, omittuntur & sanè mihi suspecta sunt. Fortassis adjecerat equitem, etiam pro equo ipso sumi adducto Virgilii loco 3. Georg. Atque equitem ducere sub armis. Insultare solo. Non diff. Equitem, & equites.

(^{vii}) Al. Miles.

(^{viii}) Al. Sequester suspector penoris dicitur. f. susceptor pignoris.

(ⁱ) Ex Serv. ad illud. 1. Æn. Exanimatumque auro corp. Et interpretibus Terentii actum 1. Scen. 4. Andria & alibi.

(ⁱⁱ) Ex Agravio.

(ⁱⁱⁱ) Lib. 8. Etymolog. cap. 6.

(^{iv}) Videtur ex Serv. ad illud 11. Æn. Ipsos terre Duces.

(^v) Etymolog. lib. 5. cap. 27.

(^{vi}) Al. Qui relegatum.

(^{vii}) Lego non haberi possit.

(^{viii}) Videtur ex Serv. ad illud 1. Æn. Vos aræ, ensesque nefandi : execratio est adversorum deprecatio : jusjurandum verò optare prospera.

(^{ix}) F. Ut malum non patiar.

(^x) Ex C. Frontone. Expertus est aliquid aut in bona parte, aut in mala : experectus de somno.

nitum : Experrectum à somno.

204 Inter En , & Em : En, quum ostendis : Em, quum increpas.

205 Inter Ebrium , & Ebriosum : Ebrius ad tempus multum bibit : Ebriosus semper multum bibit.

206 Inter Æquum , & Equum : Equus , quod est animal , per e. & u. sola scribendum. Quando verò pro justo ⁽ⁿ⁾ scribitur per æ. diphthongon geminata u u. est scribendum.

De Littera. F.

207 **I**nter Fidelem , & Fidum : ^(a) Fidus amicus dicitur : Fidelis famulus. Item Infidelis est , qui caret firmitate : Infidus , qui fide.

208 Inter Famosum , & Infamem : ^(b) Famosus est , de quo fama loquitur seu benè seu malè : Infamis verò , tantum malæ famæ est.

209 Inter Ferocem , & Ferum : ^(c) Ferox dicitur animus : Ferus leo.

210 Inter Fallacem , & Mendacem : Omnis homo fallax id agit , unde quisque fallatur : non autem omnis vult fallere , qui mentitur. Sicut Mimi , & Comœdiæ , & multa poëmata , ubi mendacium delectandi potius studio , quàm fallendi voluntate scribitur. Nam & omnes ^(d) ferè , qui jocantur , mentiuntur.

211 Inter Furiatum , & Furiosum : ^(e) Furiosus est , qui ferarum ritu fertur , & ab eo furor nunquàm recedit : Furiatus , qui furit ex causa.

212 Inter Furiosum , ^(f) Furentem , & Iratum : Furiosus est corde : ^(g) Furens causa : ^(h) Iratus merito.

213 Inter Ferocitatem , & Feritatem : Ferocitas sæpè laudi habetur. Est enim ferocitas militum : Et Ferox juvenus dicitur. Feritas autem dirus animi habitus.

214 Inter Formidinem , Pavorem , & Metum , sive Timorem : Formido obicitur , vel oculis , vel animo , sine adhibita ratione , & maximè parvulis. Pavor autem cum timiditate animi subita est conturbans occasio , quæ tamen solvitur ratione , vel tempore , nec stat. Item Metus est motus interior animi subitus , sive cordis , factus ex aliqua tristi recordatione. Timor verò , est accedens dolor mentis extrinsecus , ex aliqua accidenti occasione. Porro timiditas animi , vitium sempiternum est. Nam Timor , pro tempore est. Itaque in viro forti est aliquando Timor , Timiditas nunquàm. Est autem & bonus Timor & malus. Malus est , quum temporalia bona quisque sibi ⁽ⁱ⁾ subtrahi perhorrescit : bonus , quum quanto quis Deum ardentius diligit ; tanto eum diligentius offendere pertimescit. Nam timere interdum prodest , & decet , pro qualitate temporum , atque causarum.

215 Inter Facinus , & Flagitium : ita videtur distinguere Augustinus. Quidquid enim , inquit , agit indomita cupiditas ad corrumpendum animum , & corpus suum , Flagitium

VO-

(n) F. Accipitur.

(a) Ex interpretibus Terentii , act. 1. Scen. 2. Phorm.

(b) Vid. Non. dict. Fama.

(c) Ex C. Frontone.

(d) Al. Penè qui loquuntur.

(e) Ex Sero. ad illud 2. Æn. Furiata mente Chorebus.

(f) Al. Furientem.

(g) Al. Furiens.

(h) Ex interpretibus Terentii act. 1. Scen. 1. And. & act. 3. Scen. 1. Hecyra.

(i) Al. Abstrahi pertimescit.

vocatur : Quidquid verò agit , ut alteri noceat , dicitur Facinus. Et hæc duo genera sunt ^(k) omnium peccatorum. Sed Flagitia priora sunt , quæ quum corruerint animum in Facinora proliunt.

216 Inter Phantasiam , & Phantasma : Phantasia est imago alicujus corporis visa , & cogitando postea in animo figurata , ut putà : Avi , vel Patris species , quem aliquandò vidimus , ac dum cogitando memoramus , Phantasiam dicimus. Phantasma verò est ex imagine cognita , aliqua , quam vidimus , imago formata , ut putà : Species Avi quem nunquàm vidisse meminimus : sed tamen ejus species non memoria , sed motu animi figuratur. De cognitis ergò speciebus memoria collecta , Phantasia est : De incognitis species animo figurata , Phantasma. Nam figurata Phantasmata nihil aliud sunt , quam de specie corporis , corporeo sensu abstracta : figmentoque memoriæ , ut accepta sunt , vel partiri , vel multiplicare , vel contrahere , vel distendere , vel ordinare , vel turbare , vel quilibet figurare cogitando facillimum est , sed , quum verum quaeritur , cavere & vitare difficile. Item Phantasia est incognitarum rerum ex cognitis conjectura : Phantasma verò rerum incognitio cognitarum.

217 Inter Fiduciam , & Confidentiam : ^(l) Fiducia in bonis rebus : Confidentia in malis est.

218 Inter Famam , & Gloriam : Gloria quippè virtutum est : Fama verò vitiorum. Ennius in Achille. Summam tu tibi pro mala vita famam extolles : & pro bona ^(m) paratam gloriam : ⁽ⁿ⁾ Malevolentes enim famam tollunt : ^(o) Benevolentes gloriam.

219 Inter Fatum , & Fortunam , Pagani ita separabant : Quod enim fortuito venit , nulla palam causa , Fortunam vocabant : Fatum verò quidquid appositum singulis , & statutum erat , ^(p) ut putà : Fati esse dicebant , quòd nascimur , quòd occidimus : Fortunæ quidquid in vita varietatis ^(q) accidit.

220 Inter Falsitatem , & Mendacium : Negare quod ^(r) verum est , Falsitas est : Fingere quod ^(s) verum non est , Mendacium est. Undè & Cato : Tu , inquam , si ^(t) verum suppressis , Falsarius agnosceris : si falsa confingis , Mendax esse ^(u) videris.

221 Inter Falsum , & Fictum : ^(x) Falsum ad Oratores pertinet : ubi veritas sæpè ita luditur , ut quæ facta sunt , negentur : Fictum verò ad Poëtas : ubi quæ facta non sunt , facta dicuntur. Falsum est ergo , quod verum non est : Fictum , quod tantum verisimile est.

222 Inter Fertilem , & Fructuosum : Fertilis , est ager : Fructuosum , quod cuique compendium est.

223 Inter Frondeum , & Frondosum : ^(y) Frondeum est , totum factum de frondibus , ut torus : Frondo-

(k) *Al.* Hominum.

(l) *Ex Serv. ad illud.* 1. *Æn.* Genetis fiducia vestra.

(m) *Al.* Parata gloria.

(n) *F.* Male viventes.

(o) *F.* Bene viventes.

(p) *Ex Serv. mente ad ill.* 4. *Æn.* Quem dederat cursum fortuna peregi.

(q) *Al.* Occiderit.

(r) *Al.* Verè.

(s) *Al.* Vere.

(t) *Al.* Vera nobis comprimis.

(u) *Al.* Judicaberis.

(x) *Ex interpretum Terentii mente alt.* 1. *Ænuch. Scen.* 2.

(y) *Ex Serv. ad ill.* 2. *Æn.* Nemora inter frondæca. Unde locus antea musilis , restitutus.

dosus verò est. ^(z) locus. Licet enim abundet frondibus : non tamen est de frondibus totus. Sic & ⁽⁴⁾ Gramineum, & Graminostum.

224 Inter Flecti, & Deflecti: Flecti est ^(b) retrò, & in proximum: Deflecti verò longius, & in devium.

225 Inter Frui, & Uti hæc distinctio est: quòd Fruimur, quo nequaquam carere possumus: Utimur, quæ aliquandò, nèc semper habemus. Ac per hoc, Uti temporale est: Frui verò æternum.

226 Inter Fremere, & Frendere: Fremere, est furorem mentis, usque ad vocis tumultum excitare: ^(c) Frendere verò propriè, dentes comprimere, & concutere. Undè fræna dicta, quòd hæc equi frendant, id est, ^(d) premant dentibus, & mordeant. Hinc & frenetici dicti, eò quòd dentes concutiant.

227 Inter Flere, & Plorare: Flere est ubertim lacrymas fundere, quasi fluere: ^(e) Plorare, est quasi cum voce flere: ^(f) plangere, cum lacrymis pectus, aut faciem tundere. Lamentari, est cum aliquibus dictis miserabilibus flere. Mœrere, cum silentio dolere. Lugere, est cum habitus mutatione. Lacrymas autem à laceratione mentis dictas. Lugentes verò dicti, quasi luce egentes, undè & ^(g) luctus dicitur.

228 Inter Fodere, & Effodere: Fodere, est tantum sollicitare terram:

Effodere, hoc ipsum faciendo eruere aliquid, vel invenire, cui contrarium est Infodere.

229 Inter Famulari, & Obsequi: Famulari, est debiti: Obsequi, voluntatis propriè.

230 Inter Flagitare, & Flagitare: quòd Flagitare idem est, quod ^(h) acriter interpellare: Flagitare verò est ⁽ⁱ⁾ impurare.

231 Inter Fugiant, & Diffugiunt: Fugiant pariter: Diffugiunt divisi.

232 Inter Fateri, & Confiteri: Fateri, est proprii arbitrii est: ^(l) Nam fateri, coacti est animi, non voluntatis. ^(m)

233 Inter Fecisti, & Nunquid fecisti? Percontandi differentia est. Nam quo loco volumus nobis responderi factum esse, quod est imperatum, dicimus: Fecisti? Quo loco volumus negari, hoc modo dicimus: Nunquid fecisti?

234 Inter Fluit, & Defluit: Fluit quod naturaliter decurrit, ut humor: Defluit autem, quod ætate, vel vetustate dissolvitur, ut ætas hominum, folium arboris: Fluere autem tribus modis dicimus: humore rerum, ⁽ⁿ⁾ sanie vivorum, tabe mortuorum.

235 Inter Funebre, Funereum, & Funestum: Funebre, luctuosum: Funereum, quod ex funere constat: Funestum verò, quod ^(o) funere inquinatum est. Itaque funestus famulus dicitur.

(z) *Al.* Locus.

(4) *Al.* Germinum, & germinosum.

(b) *Al.* A retrò.

(c) *Lib.* 10. *Etyolog.* littera F.

(d) *Al.* Imprimant.

(e) *Fest. dict.* Plorare.

(f) *Sic vetus glossar.* Plangotibus.

(g) *F.* Lucus.

(h) *Vetus glossar.* Flagitaverit.

(i) Male impurare, *I. m. s.* Impura res est.

(l) *Non, dict.* Confiteri.

(m) *Serv.* ad illud 4. *Æn.* Anna fatebor enim.

(n) *Al.* Profteri, id est.

(o) *Serv.* ad ill. 8. *Æn.* Sanie taboque fluentes, *contra sentit.* Sanies mortui est, tabo viventis, scilicet, sanguinis.

(p) *Al.* In funere.

dicatur, qui aliquo funere pollutus est, quo minus sacra peragere potest.

236 Inter Fragat, & Flagrat: Fragrat per r. litteram ad odorem refertur: per l. ad flammam, & ignem. ^(t) Nam quando incendium significat, quòd flatu alitur, per l. dicimus: & quando odorem, ^(q) quia fracta specie major est, per r. ^(r) enuntiatur.

237 Inter Fratrem, & Germanum: ⁽ⁱ⁾ Fratres dicuntur, qui ex eodem Patre nascuntur, & non ex ⁽ⁱ⁾ eadem Matre. Qui verò ^(u) ex eodem Patre, & Matre, Germani appellantur. Et est Germanus ex eadem genitrice, vel ex eodem germine manans.

238 Inter Firmum, & Valentem: Firmus ex firmitate naturæ: ^(x) Valens verò ex præcipuis viribus, ut Athleta.

239 Inter Figuram, & Formam: Figura est ^(y) artis: Forma ^(z) naturæ.

240 Inter Farctum, & Partum: Farctum dicimus, qui non est editus, & intra ventrem jacet: Partum, qui editus est.

241 Inter Fessum, & Fatigatum, & Lassum: ^(a) Fessum animo

& ^(b) cura: Fatigatum, ex itineris longitudine: Lassum, labore.

242 Inter Frameam, & Machæram: ^(c) Framea appellatur gladius, ex utraque parte acutus, quam vulgò Spatam ^(d) dicunt: Machæra autem gladius est longus, ex una parte acutus.

243 Inter Fœdus, & Pacem: Fœdus namque pacem prævenit. Nam posterius Pax accipitur, prius Fœdus initur.

244 Inter Flumen, & Fluvium: ^(e) Flumen, torrentem &c. Fluvius, perennis aquarum decursus generalitèr, à fluendo dictus. Et propriè flumen ipsa aqua: Fluvius, cujus aqua: Torrens autem indè dictus, quia pluvia crescit, siccitate torrescit, id est, arescit. ^(f) Undè & Pacuvius flammeo vapore torrens torret. Porro Rivus vocatur, qui subito ex pluvia fit, celeritèrque decurrit, ac deficit: ^(g) Fons autem est ^(h) caput aquæ nascentis. Amnis autem fluvius est nemore, ⁽ⁱ⁾ & frondibus redimitus, ^(k) & ex ipsa amœnitate Amnis vocatur.

245 Inter Fulgura, & Fulmina: ^(l) Fulgur, est splendor ^(m) micantis

nu-

(p) Ex Serv. ad ill. 1. Æn. Frangantia mella, in altero m. s. erat, nam quando flammam & ignem, qui incendium significat. Fortè legendum, nam quando flammam & incendium significat, præunte Servio.

(q) Al. Qui à fracta.

(r) Al. Pronuntiatur.

(i) Sic lib. Etymolog. 9. cap. 6.

(u) Ex eod. lib. citatio videtur legendum, ex eadem Matre non Patre, & infra, est enim germanus ex eadem genitrice, non ex eodem germine manans. Alioqui sibi contrarius Isidorus his duobus locis, & Serv. unde sumptis ad illud 5. Æn. Hæc germanus Eryx.

(m) Al. Ead. in Matre, & Patre.

(x) Interpretes Terentii actus. 3. Scen. 5. Hecyr. Validus, robustus, & habitior corpore.

(y) C. Fronto. Figura artis opus, forma naturæ bonum.

(z) Al. Hominis.

(a) Vid. Serv. lib. 3. Æn. ad ill. Ter fessus valle resedit. Etymolog. lib. 10. littera F. Alièr Verrius apud Diomedem lib. 1. Quòd fatigatus sit, cum quis per alium laborare compellitur, fessus verò, cum quis labore deficit, ut lassus.

(b) Al. Corpore.

(c) Sic lib. 18. Etymolog. cap. 6.

(d) Al. Vocant.

(e) C. Fronto contra: Flumen idem fluit, & manet: Fluvius temporibus siccatur. Est autem totus ferè hic locus ex lib. 3. Etymolog. cap. 21. Ex quo verba fluvius cujus aqua, in fluvius decursus aquæ, mutanda videntur.

(f) Fest. dict. torrens, ex Antiopa citat, porro dictio torret, & hic & in Etymolog. in terra, mutanda, legendumque flammæo vapore torrens terræ factum exussit.

(g) Varr. lib. 4. Ling. Lat. dict. fons, & Festus à fundendo.

(h) Al. Corpus.

(i) Al. Ex frondibus.

(k) Varr. & Fest. melius à circumcundo, aut circummande.

(l) Sic ferè Non dict. Fulmen.

(m) Al. Micantibus nubibus.

nubis : Fulmen autem , mucro est fervidus , ventorum violentiâ è nubibus ad terras emissus. Tria sunt autem hæc, ⁽ⁿ⁾ Fulgor , Fulgur , & Fulmen : ^(o) Fulgor , qui tangit : Fulgur , quod incendit & urit : Fulmen , quod findit. Et ideo cum trinis radiis finguntur.

246 Inter Florida , & Florulenta : Florida , sunt arbores , & herba : Florulenta campi , vel prata. Sic & alia intelliguntur similia.

247 Inter Frumenta , & Fruges : ^(p) Frumenta sunt arida & sicca : Fruges verò liquidæ. Frumenti autem nomen tractum est à frumine , id est, eminente ^(q) gutturis parte.

248 Inter Feras , & Bestias : Omnis bestia Fera , non omnis Fera, Bestia : ^(r) Bestiæ namque sunt , quæ morsu , vel unguibus sæviunt : ut pardi , leones , tigrides , ^(s) à vastando dictæ. Feræ autem etiam illæ sunt , ^(t) quæ etsi non sæviunt, tamen sylvestres sunt , dictæ autem feræ , quòd ^(u) & naturali utantur libertate , & desiderio suo ferantur.

249 Inter Fastos , & ^(x) Fastos dies : ^(v) Fasti universaliter comprehensi , tam boni , quàm mali : Dies ^(z) fasti , quibus sunt contrarii nefasti.

250 Inter Fastos dies , & Nefastos dies : ^(a) quòd Fasti dies sunt , quibus judicia exercere , & causam dicere , vel agere licet : Nefasti dies dicti , ab eo quòd nefas sit , quidquam his

diebus agere , vel dicere , vel sacrum facere. Ergò festis diebus contrarii sunt nefasti.

251 Inter Festos dies , & Sollemnes : Festi dies ex consuetudine dicuntur : Sollemnes verò , qui ad omnes pertinent : ut Parentalia. Ut quum quis defuncti officia expleverit , dicitur sollempnia præstitisse.

252 Inter Fulmen , Fulgorem , & Fulgur : Fulmen , quod ferit : Fulgor est , quod appare : Fulgur , quod conditur , si cadat de Cælo.

253 Inter ^(b) Fœdus , & Fœdus : Fœdus turpis : Fœdus , placitum.

254 Inter Fides , & Fidis : ^(c) Fides in fide : Fidis de chorda.

255 Inter Fœnum , & Fœnus : Fœnum palea : Fœnus lucrum est.

256 Inter Fragrat , & Elagrat : Fragrat redolet : ^(d) Elagrat , verberat.

257 Inter Favorem , & Favum : Favor adiutorium est : Favum verò mel.

258 Inter Furatum , & Furtatum : Furatum , eum qui furtum facit : Furtatum , quod furatur fur.

259 Inter Fatum , & Fatuum : Fatuum , segnem : Fatum verò , fortunæ decretio est.

260 Inter Fastos , & Fastus : ^(e) Fastus de superbia : Fastos de libris.

261 Inter Fœminam , & Femina : Fœmina de homine : Femina femora sunt.

In-

(n) *Al. Fulgus. f. fulgos.*

(o) *Al. Fulgus.*

(p) *A Servo. dissentit, qui ad ill. 1. Æn. Frugesque receptas, qui frumenta, & fruges confundit, & lib. 1. Georg. Siliqua quassante legumen.*

(q) *Ex Servo. lege: Sub mento gutturis parte, sunt hæc lib. 7. Etymolog. cap. 3.*

(r) *Etymolog. lib. 12. cap. 2.*

(s) *Al. A vi, qua sæviunt, Etymolog.*

(t) *Al. Dictæ quod.*

(u) *Ex Servo. ad ill. 1. Æn. Pinguisque ferinæ, & in Etym.*

(x) *Al. Fastus.*

(y) *Festus dict. fasti, & Servo. ad illud 3. Æn. Scirpis Achillicæ fastus.*

(z) *Al. Fastus.*

(a) *Fest. dict. Festis diebus. Varr. lib. 5. de Ling. Lat. dict. Fasti dies.*

(b) *F. Inter fœdum, & fœdus: Fœdum turpe, fœdus placitum.*

(c) *Fortè ex Agratio legend. Fides de fidelitate, fidis de chorda.*

(d) *Hinc flagratores, quod mercede flagris cadebantur. Fest. dict. Flagratores.*

(e) *Ex Agratio.*

262 Inter Forfices, & Forcipes:

(^f) Forfices, id est, tisorias: Forcipes, tenaces.

263 Inter Fornicationem, & Adulterium: (^g) Adulterium est, conjugalis tori inquinamentum: Fornicatio verò, amor legitimo conjugio solutus, & vagus, explendæ libidinis consecretando licentiam. Scripturæ autem solent fornicationem vocare (^h) omnem illicitam corruptionem: sicut est idololatria, & avaritia, ex quibus fit transgressio legis: (ⁱ) propter illicitam concupiscentiam. Fornicatio autem sumpsit nomen à quibusdam ædificiis arcuatis quos fornices Antiqui vocabant, in quibus meretrices constitutæ prostituebantur. Meretrices autem dicuntur à merendo, id est, promerendo stipendia libidinis. Undè & milites, quum stipendia accipiunt, mereri dicuntur.

De Littera G.

263 **I**nter Grates, & Gratias: Grates Deo aguntur: Gratia verò hominibus, quoniam referri (^a) possunt. Idcirco optimè Deo convenit, quòd relationem significat ad (^b) latrām.

264 Inter (^c) Gaudium, & Lætitiam: Stoici sic distinguunt: Gaudium quippè esse ajunt elationem (^d) animi, in his quæ digna sunt exultantis: Lætitiam verò effrænatam (^e) animi elationem, quæ modum nesciat: & in his quoquè, quæ vitio sunt mixta, lætetur. Undè & Scriptura: (^f) Non est (^g) gaudium impiis, dicit Dominus.

265 Inter Gravitatem, & Gravitudinem: Gravitās ex pondere animi, & ex sententia constat: Gravitudo autem corporis est.

266 Inter Grave, & Gravidum: (^h) Grave de natura dicitur: Gravidum de (ⁱ) accedenti fœcunditate: ut arbor grvida pōmis.

267 Inter Garrire, & Loqui: (^k) Loquitur, qui rectè & (^l) temperantèr dicit: (^m) Garrit, qui aut multa verba dicit, aut sordidè loquitur.

268 Inter Gerere, & Ferre: (ⁿ) Gerimus nostra, & veluti natura aliqua, quæ in nobis sunt: Ferimus verò imposita nobis, veluti onus. Sed Virgilius permixtè utitur: (^o) Fidus quæ tela gerebat, Achates. Gerebat pro ferre posuit.

269 Inter Gravatur, & (^p) Ingravatur: (^q) Ingravatur pondere alieno: Gravatur suo.

In-

G

(^f) *Melius Serv. ad illud 8. Æn.* Versantque tenaci forcipe ferrum. Forfices sunt, quibus incidimus, Forcipes, quibus aliquid forum tenemus, nām forum est calidum. *Fest. dict.* Forcipes.

(^g) *Etymolog. lib. 5. cap. 26.*

(^h) *Ezechiel. 16. multis locis. Osea 2. cap. 14. Ali.*

(ⁱ) *Al.* Per illicitam.

(^a) *Al.* Non possunt.

(^b) *Al.* Latam.

(^c) *Cic. Tusc. 4.* Cum ratione animus movetur placidè, atque constantèr, tum illud gaudium dicitur: cum autem inanimèr, & effusc animus exultat, tum illa læticia gestiens, vel nimia dici potest: quam ita definiunt: sine ratione animi elationem.

(^d) *Al.* Animæ.

(^e) *Al.* Anima.

(^f) *Isaia cap. 18. & 57. Ubi in Vulgat. Non est pax imp. dicit Dominus.*

(^g) *Al.* Gaudere.

(^h) *Non. dict.* grave. *Serv. ad ill. 8. Æn.* Nodisque gravatum.

(ⁱ) *Al.* Accidenti.

(^k) *Ex Varronis Sententia lib. 5. de Ling. Latina, qui loqui à loco derivat, quod suo quoquè loco verba dicantur.*

(^l) *Al.* Temperantur.

(^m) *Non. dict.* Garrire.

(ⁿ) *Vid. Non. dictionibus, ferre, & gerere.*

(^o) *1. Æneid.*

(^p) *Al.* Ponderatur.

(^q) *Al.* Ponderatur.

270 Inter Gentem, & Gentes, & Genus: ^(r) Gens nationis est, ut Græciæ, Assyriæ. Hinc & Gentilitas dicitur: Gentes autem familiæ, ut Juliæ, Claudiæ: Genus verò ad qualitatem refertur, ut pecoris, pomi.

271 Inter Græcum, Græcanicum, & Græcense: ^(s) Græcus homo dicitur: Græcanica res: Græcense, quale in Græcia solet fieri.

272 Inter Gallum, & Gallicum, & Gallicanum: ^(t) Gallum in Gallia natum: Gallicum ex Gallia latum: Gallicanum, ^(u) quod aliquid ex Gallia affert.

273 Inter Germanam, & Sororem: Soror enim ab eodem germine, non ab eodem utero: ^(x) Germana verò ex utriusque manans germine.

274 Inter Genitorem, & Patrem: ^(y) Genitor naturæ vocabulum est, sive originis: Nam Pater dignitatis, & honoris nomen est. Unde & Sanctos Viros, ac Seniores, Patres dicimus. Genitores ^(z) verò nostri, à quibus nati sumus.

275 Inter Generat, & Parturit: Generare masculos dicimus: Parturire fœminas. Ut putà: ille generavit, illa parturit.

276 Inter Gubernatorem, & Nautam: quòd omnis Gubernator, nauta esse potest: omnis nauta Gubernator ^(a) esse non potest.

277 Inter Grande, & Maximum: ^(b) Grande ad corpus pertinet: Maximum ad animum.

De Littera H.

278 **I**nter Hodie, & Hoc die: Hodie est, quasi primum fiat: Hoc die, quasi aliquandò factum referamus.

279 Inter Hunc diem, & Hanc diem: Dies masculini generis bonum tempus apud Veteres indicabat: fœminini malum: Veluti in Job, male dicta dies.

280 Inter Habeo, & Ab eo: Habeo, retineo: Ab eo, hoc est, ab ipso.

281 Inter Hos, & Os: Si Hos cum h, scribimus, significamus personam. Sine h, significat vultum.

282 Inter Hæresim, & Schisma: Schisma esse eadem opinantem, atque eodem ritu colentem, quo cæteri, solo congregationis delectari discidio: Hæresim autem esse longè alia opinantem, quàm cæteri, aliamque sibi, ac longè dissimilem perversi dogmatis instituere culturam. Hæresis autem Græcè ab electione dicitur: quòd scilicet unusquisque id sibi eligat, quòd melius esse videtur. Secta autem à divisione dicta est, quasi sectio. Unde & sectæ Philosophorum, vel Hæreticorum dicuntur.

283 Inter Honos, & Onus: Honos ^(a) de honore: Onus de onere.

284 Inter Hora, & Ora: ^(b) Hora cum h, littera, dierum: Sine h, Regionum, vel finium, sive oris signifi-

(r) Gens, & Nationis, & familiæ. *Serv. ad ill. 1. Æn.* Gens inimica mihi.

(s) *C. Fronto* fere eodem sensu Corinthium Civem dicimus, Corinthiacum vas: Corinthiensem fontem.

(t) *Sic Fronto*, Gallus natione, Gallicus ex Gallia.

(u) *F. scrib.* Gallicanus qui al.

(x) *Sibi ipsi contrarius Isidorus supra.*

(y) *Servius tamen ad ill. 1. Æn.* Prospiciens genitor: Venerabilis, inquit, ut Tybri Pater, ergò nomen & ad verum pertinet, & ad honorem refertur.

(z) *Al.* Non nisi à quibus n. s.

(a) *Al.* Dici.

(b) *C. Fronto*, Grande incremento, magnum amplitudine.

H

(a) *Al.* Honus Regionum, sed vox Regionum, irrepsit ex sequenti articulo.

(b) *Ex Agratio.*

ficatio, quo loquutio exprimitur.

285 Inter Honustus, & Oneratus hoc interest, quòd ^(c) oneratus est, qualicunque pressus pondere: Honustus verò, cui ipsum onus honoris est, ut si quis spolia hostium ferat. Sed Oneratus aspirationem non habet, quia ab onere venit: ^(d) Honustus verò, quia ab honore descendit, retinet aspirationem.

286 Inter Hauritur, & Exhauritur: Hauritur aqua: Exhauritur puteus.

287 Inter Herbidum, & Herbosum: Herbidum dicimus locum, in quo herbarum viriditas nunquam cessat: Herbosum autem, qui facillè herbam generat, & ad tempus arescit.

De Littera. I.

288 **I**nter Inferum, & Infernum: Pars superior ^(a) Inferni Inferus est, ubi quieverunt ante adventum Christi animæ justorum. Pars verò inferior, Infernus, in quo ^(b) trunduntur animæ impiorum, qui plurimum peccavêrunt. De quo Propheta animam suam liberatam esse ^(c) gaudet, dicens: ^(d) Quia liberaasti animam meam ab Inferno inferiori.

289 Inter Initium, & Principium: Initium est rerum, à quo quid incipit: ut fundamenta domus, carina navis: Principium autem, verborum exordium est.

290 Inter Judicium, & Justitiam: Justitia est studium rectè vivendi: Judicium verò æquitas rectè judicandi: quisquis ergò benè ^(e) vivendo servit, Justitiam facit: quisquis rectè judicat in subditis, Judicium custodit. Prophanatur autem Judicium astutiæ tempore, non dignitate. Nam primùm oportet quemque esse justum, providere rectitudinem, & post hoc assequitur in Judiciis æquitatem. Horum primum virtutis est, alterum honoris. Neque enim quisquam potest pervenire ad honorem, nisi per virtutem. Differt enim Justitia à Judicio. Solet enim dici Judicium pravam, quòd injustum est: Justitia verò ^(f) nunquam & injusta esse non potest.

291 Inter Incantatorem, Magum, Aruspice, & Maleficum: ^(g) Incantatores sunt, qui rem ^(h) verbis peragunt. Magi, qui de sideribus philosophantur: Malefici, qui sanguine utuntur & victimis, & sæpè contingunt corpora mortuorum. Aruspices, qui ⁽ⁱ⁾ exta pecudum inspiciunt, & ex eis futura prædicunt.

292 Inter Indoctum, & Indocilem: ^(k) Indocilis est, qui penitus non potest ^(l) discere. Indoctus, qui nondum ^(m) discit, & tamèn discere potest. ⁽ⁿ⁾ Ad hanc formam similia distingues: ut putà, immotus, & immobilis, & his similia.

293 Inter Innoxium, & Innoxium:
C

(c) Ex Serv. ad ill. 1. Æn. Spoliis orientis onustum.

(d) Petus gloss. Honus honor *ἵμῳ τῶν τιμῶν ἀρῆζαντων*. Varro etiam 4. de Ling. Lat. Dicitur onus, & honos qui subest.

(a) Inferi infernum uterque m. s. mendozè.

(b) Al. Traduntur.

(c) Al. Congaudet.

(d) Psalm. 85. Et eruiisti animam meam.

(e) Al. Vivendi serviat.

(f) Al. Iniqua & injusta.

(g) Etymolog. lib. 8. cap. 9.

(h) Al. Verbo.

(i) Al. Secta.

(k) Ex Serv. Æn. lib. 8. Is genus in docile. Al. indocibilis.

(l) Al. Docere f. doceri.

(m) Didicit, ex Serv.

(n) Al. Ab hac forma.

cuum : ^(a) Innocuus est, cui non nocetur : Innoxius, qui non novit nocere.

294 Inter Impurum, & Impudicum : ^(p) Impudicus, qui turpitudinem flagitii infert : ^(q) Impurus, qui patitur.

295 Inter Immemorem, & Ignarum : ^(r) Immemor est, qui oblitus est : Ignarus, qui inscius. Unde & naves dictæ, quæ nos ^(s) odore admonent, ut ^(t) cognoscamus aliquid, & sciamus. Unde & ^(u) olfecisse, scisse Veteres dicebant.

296 Inter Inertem, & Segnem : ^(v) Iners sine arte, & ob hoc neque ^(y) operis quidam ullius. ^(z) Segnis, quasi sine igne : quomodo securus, sine cura, id est, frigidus : per quod inutilem accipimus.

297 Inter Insanum, & Insanientem : Insanus est, qui perpetuo animi furore tenetur : Insaniens subito incitatus indignatione, vel ira.

298 Inter Impium, & Peccatorem hoc distare solet, ^(a) quod omnis Impius peccator : non tamen omnis peccator impius habendus est. Impius quippe est, quisquis à fidei pietate alienus efficitur : Peccator verò, qui prava actione foedatur.

299 Inter Iniquitatem, & Peccatum sic distare dicit Ambrosius, quod Iniquitas ad mentis acerbitem

refertur : Peccatum verò ad prolapsionem corporis. Præcedit igitur Iniquitas, Peccatum sequitur. Sed gravior est Iniquitas, tanquam materia peccatorum, in cujus comparatione levius est peccatum. Item peccatum est, quod admittitur : piaculum autem id, quod admissum est, & id quod expiatur admissum. Iniquitatis autem tres sunt differentiæ : suggestionis, delectationis, & consensus. Inter iniquitates, & peccata Sanctus Hieronymus, hanc differentiam facit : Iniquitates dicimus, quæ ante susceptam fidem, sive per ignorantiam, sive per scientiam committuntur. Peccata verò, quæ post cognitionem fidei, vel gratiam baptismatis contrahuntur : ^(b) totidemque & peccata, verbi, operis, & consensionis.

300 Inter Invidum, & Invidiosum : quod ^(c) Invidus feliciori invidet : Invidiosus autem ^(d) is est, qui ab alio patitur ^(e) invidiam. Nihil autem honestum, quod non invidiosum. Nemo quippe invidet misero : quis autem bonus & non invidiosus ?

301 Inter Iram, & Iracundiam : ^(f) Ira præsens est, & ex causa nascitur : Iracundia autem vitium naturale, & perpetuum est. Item Iratus pro tempore concitatur : Iracundus autem ^(g) frequenter irascitur, & ad levem sermonis auram, quasi à vento folium com-

(a) Ex Serv. ad ill. 10. Æn. Omnes innocua.

(p) Al. Impurus.

(q) Al. Impudicus.

(r) Ex Serv. ad ill. 1. Æn. Neque enim ignari sumus ante malorum. Ipse Etymolog. lib. 10. littera L.

(s) Al. Ad odorem.

(t) Al. Noscamus.

(u) Al. Olfari res Veteres dicebant.

(v) Fest. dict. iners, est autem ex Serv. ad ill. 1. Æn. Instant ardentes Tyrii, ipse Etymolog. lib. 10. littera I.

(y) Al. Operique utilis.

(z) Etymolog. lib. 10. littera S.

(a) Ex Ambrosio.

(b) Al. Totidemque.

(c) Etymolog. lib. 10. littera L.

(d) Al. Idem est.

(e) Al. Malum.

(f) Terentii interpretes act. 4. scen. 6. Heauton. Ira de causa est, iracundia de vicio multum irascentis. Distinguit etiam Cicero 4. Tusc. & Fronto. Iratus ex offensa est, iracundus natura.

(g) Al. Frequens.

commovetur. De talibus dicit Scriptura : Vir Iracundus inhonestus est. Et iterum : Iracundus effodit peccata.

302 Inter Ignominiam , & Infamiam : ^(b) Ignominia ponitur ⁽ⁱ⁾ potestate alicujus : Infamia autem fit multorum consentiente sermone.

303 Inter Incusare , & Accusare : ^(c) Incusamus potiores : Accusamus pares. Item Incusamus verbo : Accusamus crimine , & facto.

304 Inter Jubere , & Imperare : Jubere apud Veteres non idem erat, quod Imperare : nam Jubere ibi dicebatur , ubi voluntatis erat obsequium : Imperare autem , ubi ^(l) debito quisque imperio parebat.

305 Inter Jactamur , & Fatigamur : ^(m) Jactamur in ⁽ⁿ⁾ maris fluctibus : Fatigamur in terris.

306 Inter Jaceo , & Jacio. Jaceo accubantem significat : Jacio verò mitto demonstrat.

307 Inter Ignem , & Focum : Ignis ipsa flamma est : ^(o) Focus verò fomes , ac nutrimentum ignis. Nam Varro Focus , ^(p) ait, dictus , quod foveat ignem. Focus ergò dictus à fori.

308 Inter Januam , & Ostium : ^(q) Janua est aditus primus in domum :

Ostium in quemlibet locum domus. Similiter verò Janua , vel ^(r) est clausa , vel patens : Fores autem & Valvæ ^(s) ipsæ clausæ sunt , sed fores , quæ foràs vertuntur : Valvæ , quæ intus aperiuntur , & duplices , multiplices , complicabilesque sunt. ^(t) Portæ verò propriè murorum dicuntur : atque ^(u) ideò dictæ , eo quòd antiquitùs ^(x) portato aratro designabantur , quando circumducebatur gyrys , atque ^(y) Urbs signabatur.

309 Inter Illius similis , & Illi similis : Illius similis ad mores refertur : Illi similis ad vultum.

310 Inter Juventam , & Juventutem : ^(z) Juventus est juvenum multitudo : ^(a) Juventa autem ^(b) hominum est ætas. Juventus verò ^(c) decus juvenutis , sed Auctores in plerisque locis aliter posuerunt.

311 Inter Inficere , & Officere : ^(d) Inficere est colorem mutare : Officere est alicui nocere.

312 Inter Invenire , & Reperire : ^(e) Invenimus inquisita : Reperimus ultrò occurrentia.

313 Inter Inquirere , & Quærere : ^(f) Inquirimus ea , de quibus dubitamus : Quærimus ^(g) ignota.

C 2

In-

^(b) Ex C. Fronto. Ignominia imponitur ab eo , qui potest animadversione notare , infamia ex multorum sermone nascitur.

⁽ⁱ⁾ Al. In potestate.

^(c) Ex Serv. ad ill. 1. Æn. Talibus incusat , qui tamen amplius , quàm noster.

^(l) Al. Dubio.

^(m) Ex Serv. ad ill. 1. Æn. Terris jactatus , & alto.

⁽ⁿ⁾ Al. Mars.

^(o) Fest. dict. focus , & Serv. ad ill. 12. Æn. In medioque focos.

^(p) Al. Autem.

^(q) Ex Serv. ad ill. 1. Æn. Foribus cardo stridebat ahenis.

^(r) Al. Cum claustris vel.

^(s) Al. Ipsa claustra.

^(t) Vid. Serv. ad ill. 2. Æn. Jamque propinquabant portis , & lib. 5. Æn. Ad illud , Urbem designat aratro. Ipse

^(u) Etymolog. lib. 15. cap. 2.

^(x) Al. Indè.

^(y) Al. Portatura rotæ designat.

^(z) Ex Serv. ad ill. 1. Æn. Lumenque juvenæ.

^(a) Al. Juventas.

^(b) Leg. Juvenum ex Serv.

^(c) Leg. Deus ex mente Serv. & Acron. in Od. 3. lib. 1. Horatii. Hac est ðþ , & sic feri Agratus. Vid. & Non. dið. Juventus.

^(d) Ex C. Fronto. Infector colorem mutat , offector , officio obest.

^(e) C. Fronto. Invenimus nostra , reperimus aliena.

^(f) Ex C. Frontone.

^(g) Al. Nota disciplinam Fronto.

314 Inter Impendere , & Impendêre : Impendere corruptè ab eo venit, quod est impendo , impendere. Impendêre autem , si E litteram producas , significat imminêre , ab eo quod est impendo.

315 Inter ^(b) Juvat , & Jubat: Juvat, delectat: Jubat, adjuvat.

316 Inter Illicem , & Illicem : ⁽ⁱ⁾ Illicem cum duobus ll. significat inductorem : Illicem per unum l. arborem indicat.

317 Inter It , & Id : Id , pronomen est: It verò, vadit.

318 Inter ^(k) Inquit , & Inquid: Ut putà ubi inquid dictum.

319 Inter Insitum , & Insertum: ^(l) Insitas arbores dicimus: Insertas verò ^(m) causas , aut fabulas.

320 Inter Illud , & Illùc : Illud pronomen : Illùc adverbium est.

321 Inter Imprecari , & Deprecari : Imprecari , maledicere : ⁽ⁿ⁾ Deprecari , excusare , & expurgare.

322 Inter Incolam , & Inquilinum : ^(o) Incola ^(p) quidè , & Inquilinus signum est perditæ patriæ. Sed Inquilinus dicitur , quamdiù peregrinatur : Incola quùm invenerit sedem.

323 Inter Indigenam , & ^(q) Indigentem , ^(r) Indigentes egeni sunt : ^(s) Indigenæ , indè geniti.

De Littera L.

324 **I**nter Libertatem , & Liberalitatem : Libertas conditionis est : Liberalitas verò beneficentiæ , & largitatis : ut nudum vestire , captivos redimere , pauperi victum ^(a) administrare.

325 Inter Laudabilem , & Laudandum : Laudabilis est , qui laudari potest: Laudandus , qui laudari debet.

326 Inter Luxuriosum , & Prodigum : ^(b) Luxuriosus , quasi solutus in voluptates , undè membra loco mota luxa dicuntur : ^(c) Prodigus autem sumptuosus , qui omnia porrò agit , & quasi projicit.

327 Inter Lascivum , & Petulantem : Lascivus luxu , Petulans temeritate. Petulantia autem libido dicitur , ab eo quod petit malè alienum pudorem.

328 Inter Litigiosum , & Litigatorem : Litigiosus est , de quo litigatur , quasi ager : Litigator , qui litigat.

329 Inter Lætitiā , & Exsultationem. Lætitiā est mentis gaudium: Exsultatio verò verborum , atque membrorum. Rursus exsultatio ^(d) à jubilatione distinguitur. Ubi enim verba sufficiunt lætitiæ , & lingua idonea est mentis gaudium explicare , exsultatio est. Ubi verò non potest quisque

con-

^(b) Puto inter juvat , & juvat , ut suprà inter parat , & parat , ut tantum juvat , discrimen significationis sub eadem voce , ut inter nobilit & nobilit , notus & notus , sed hoc in uno tantum Codice.

⁽ⁱ⁾ Ex Fest. dist. Index.

^(k) Corruptus locus , atque hoc quoquè abest ab altero m. s.

^(l) Ex Serv. ad ill. 2. Georg. Muratamque insita mala ferre pyrum , sed in altero lib. Insertas verò caules , aut fabulas , ut amplius de Servii loco deliberandum censiam.

^(m) Al. Caures , aut f.

⁽ⁿ⁾ Agrar. vid. Agell. cap. 16. lib. 6.

^(o) Vid. Etymolog. lib. 8. cap. 4. Fest. dist. inquilinus.

^(p) Al. Qui & inq.

^(q) Al. Indigetem.

^(r) Al. Indigetes.

^(s) Ex Serv. ad ill. 8. Æn. Tum manus Ausoniz.

L

^(a) Al. Tribuere , vel administrare.

^(b) Vid. Non. dist. luxum , & dist. luxuria , ipse lib. Etymolog. 10. littera L.

^(c) Fest. distione prodigis , & dist. prodigum hostis.

^(d) Al. Ad jubilationem.

conceptum gaudium verbis ^(e) annuntiare: sed ipsam animi ^(f) effusi lætitiā in vocem quamdam ^(g) exultationis erumpit, jubilatio est.

330 Inter Lethum, & Mortem quidam tentaverunt facere discretionem, dicentes: Lethum per se venit: Mors verò infertur.

331 Inter Libidinem, & ^(b) Libidinem: Libido per b. cupiditas est animi: ⁽ⁱ⁾ Livido per v. livor est corporis. Sunt autem multæ, variæque libidines: sicut Libido ulciscendi, quæ ira vocatur: sicut Libido habendi pecuniam, quæ avaritia nominatur: sicut Libido quomodocunque vincendi, quæ ^(k) pertinacia dicitur: sicut Libido gloriandi, quæ jactantia nuncupatur. Et cum sint multarum libidines rerum, neque cujus rei libido sit adjicitur, non solet animo occurrere, nisi illa tantum, qua obscenæ partes corporis ad flagitiorum immunditias excitantur: Sed meritò ista inter cætera hoc sibi nomen propriè obtinuit: quia in carne corruptibili plùs cæteris sævit. Dicta autem Libido, eò quòd libeat alienum pudorem, sivè quancunque rem appetere.

332 Inter Laudem, & Laudationem: Laus est ejus, qui laudatur: Laudatio verò ejus, qui laudat. Itèm

Laus ^(l) est, in qua virtus enitet: Laudatio, ipsa ^(m) laudantis oratio. ⁽ⁿ⁾ Laus & lætitia sine celebratione vocis in animi admiratione consistit: Laudatio verò rei cujusque prædicatio est, adminiculo orationis ornata.

333 Inter Largitatem, & Largitionem: ^(o) Largitas, humanitatis est: Largitio, ambitionis.

334 Inter Lætari, & Gratulari: ^(p) Lætamur de nostris bonis: Gratulamur de ^(q) amicorum.

335 Inter Legere, & Læctitare: Legere ad tempus refertur: Læctitare ad frequentiam: ^(r) interdum & Legere nauticum verbum est, quia & navis dicitur Legere, quidquid transit.

336 Inter Labium, & Labrum: ^(s) Labium superius dicimus: Labrum inferius. Rostrum, non ^(t) nisi avium quod incurvum est. ^(u) Vanissimè autem quidam ^(x) nititur facere discretionem: ut virorum labra, mulierum labia ^(y) dicantur.

337 Inter Lactantem, & Lactentem: ^(z) quòd Lactans est, quæ lac præbet: Lactens, cui præbetur.

338 Inter Leges, & Jura: ^(a) Jus dicitur: Lex scribitur. Undè & Virgilius: Jura dabat, legesque viris. Itèm leges humanæ: ^(b) Jura divina sunt. Ideoque & juramentum dicitur, id

C 3

est,

(e) *Al.* Nunciare.

(f) *Al.* Diffusi.

(g) *Al.* Exultationis.

(b) *F.* Libidinem.

(i) *F.* Livido.

(k) *Non, dict.* Pervicacia.

(l) *Al.* Ejus ipsa virtus enitens. *f.* Ejus in quo virtus enitet.

(m) *Al.* Laudatio orationum.

(n) *Al.* Laudem lætitiā, sine celeb.

(o) *Ex Agratio.*

(p) *Ex Agratio.*

(q) *Alienis Agrat.*

(r) *Ex Serv. ad ill. 1. Georg.* Primi lege littoris oram, & *ill. 3. Æn.* Littoraque Epiri legimus, & *2. Æn.* Pars cœtera pontum ponè legit.

(s) *Ex Agratio.*

(t) Est, nisi quod incurvum est. *Agrat.*

(u) *Ex Serv. ad ill. 2. eclog.* Calamo trivisse labellum.

(x) *Al.* Tentant.

(y) *Al.* Dicant.

(z) *Ex Serv. ad ill. 1. Georg.* Lactentia surgent.

(a) *Ex Serv. ad citata verba ab Isidoro, quæ sunt 1. Æn.*

(b) *Serv. ad locum citatum, qui est 2. Æn.*

est, Sacramentum in ^(c) Deo. Hinc & Virgilius : Fas mihi Grajorum sacra-
ta resolvere jura.

339 Inter Leges, & Mores : ^(d)
Lex est scriptis edita : Mos autem
lex quædam vivendi, nullo vinculo
^(e) adstricta, sive lex non scripta, sed
tantum cum usu retenta.

340 Inter Latronem, & Furem :
Qui alienum ^(f) involat, Fur est : qui
furatur, & occidit, Latro est. Proprie
autem ^(g) Latro à latitando ^(h) insidiis
dictus : ⁽ⁱ⁾ Fur autem à furvo vocatus,
id est, nigro : nam noctis utitur tem-
pore. Pulchrè autem Plautus ^(k) cui-
dam, qui furabatur, ait. ^(l) Tu trium
litterarum homo : id est, fur.

341 Inter Locum Religiosum,
& Sacrum, & Sanctum : Quod Sa-
crum vocamus, quod ad Deos supe-
ros pertinet : ^(m) Religiosum, quod
ad Deos inferos : Sanctum verò, quod
aliqua sanctitate sanctum est : ut sunt
tauri apud ⁽ⁿ⁾ Homerum ^(o) soli sancti,
sacri, sacrosancti.

342 Inter Labat & Lavat : La-
bat nutat : Lavat ^(p) lotorem esse.

343 Inter Lætum, & Lethum : Læ-
tum gaudentem : Lethum mors dicitur.

344 Inter Labium, & Labrum :
Labium oris : Labrum vasis, à rostro,
quòd incurvum est.

345 Inter Lympham, & Nym-
pham : ^(q) Lympham aquam : Nym-
pham deam.

346 Inter Litem, & Rixam : Lis
inter duos committitur, & mota fini-
tur. Rixa inter multos, & ^(r) jurgio
constat.

347 Inter Ligat, & Legat : Li-
gat quis vinculo : Legat testamento.

348 Inter Limen, & Limitem :
^(s) Limen, ædium est : Limes, regio-
num, vel finium.

349 Inter Libat, & Immolat :
^(t) Veteres Immolare dicebant, quan-
do victimas in ^(u) mole altaris ponen-
tes ignem ^(x) sacrificiis subiciebant. Li-
bare autem quando pateras mero ple-
nas aris fundebant. Nam libare pro-
prie fundere est. Undè & Liber voca-
tur : ^(y) qui vini usum in Græcia osten-
disse fertur. Nos ergo juxta verborum
distinctionem Immolamus panem : Li-
bamus calicem.

De Littera M.

350 **I**nter Misericordiam, & Mi-
serationem : Benè velle,
misericordiæ est : benè facere, misera-
tionis. Dicitur enim Misericordia, quasi
Misericordiæ actio. Nam ^(a) Misericor-
dia, affectus tantum cordis est, quo
com-

(c) *Al.* Domino.

(d) *Sic fere ipse lib. 2. Etymolog. cap. 10. & lib. 4. cap. 3.*

(e) *Al.* Adstrictus.

(f) *Al.* Aliquid subtrahit, fur est.

(g) *Sic ipse Etymolog. lib. 10. littera L. Varro, quod circa latera ferrum habeat. Fest. quid à latere adoratur, aut*

αὐτὸ λατρεύει.

(h) *F.* In insidiis.

(i) *Serv. ad ill. 3. Georg.* Nocturnum stabulis furem.

(k) *Al.* De quodam.

(l) *Plautus Aulularia.*

(m) *Vid. Fest. dict. Religiosus, & Macrob. lib. 3. Satur. cap. 3.*

(n) *à ἄσπερ.*

(o) *F.* Soli sancti, *dua sequentes dictiones, forse glossema.*

(p) *F.* Lotorem, aut lavatorem.

(q) *Etiā Fest. distinguit dict. Lympha.*

(r) *Al.* Injuria.

(s) *Ex Agratio, qui forse ex Isidoro supplendus.*

(t) *Eandem fere lib. Etymolog. 6. cap. 16.*

(u) *Al.* Mola.

(x) *Al.* Sacrificium.

(y) *Al.* Quia.

(a) *Al.* Misericordia.

compellimur, ut miseris subveniamus.

^(b) Quapropter Misericordia condole-
re misero novit: etsi non sit, undè
tribuatur. Miseratio autem ex opere
comprobatur.

351 Inter Memorare, & Com-
memorare: Memorantur pauca: Com-
memorantur multa.

352 Inter Mansuetum, & Mo-
destum: ^(c) Mansuetus est, qui nulli
injuriam irrogat: ^(d) Modestus, qui
nec læsus irascitur.

353 Inter Miserum, & Misel-
lum: ^(e) Miserum, viventem adhuc
dicimus: Misellum, mortuum.

354 Inter Miserandum, & Mi-
serabilem: ^(f) Miserabilis est, cui mi-
sereri possumus: Miserandus, cui mi-
sereri debemus.

355 Inter Memoriosum, & Me-
morem: ^(g) Memoriosus memoriam
habet. Memor verò, beneficii, vel
defensionis memor est.

356 Inter Moram, & Tardita-
tem: Mora est quæ impedit: Tarditas
quæ impeditur: Mora in re: Tarditas
in homine.

357 Inter Mendum, & Menda-
cium: ^(h) Mendum in libro propriè
dicitur, undè & emendare dicimus:
Nàm Mendacium in cæteris rebus est.

358 Inter Malitiam, & Malig-
nitatem: ⁽ⁱ⁾ Cogitatio quippè prava
mentis, Malitia dicitur: Malitiæ vo-
tum, vel opus Malignitas appellatur.

359 Inter Multationem, Pœ-
nam, & Supplicium: ^(l) Multatio po-
test esse, & sine sanguine, in damno
pecuniæ. Supplicium cum sanguine:
^(l) Pœna verò, dolor sine sanguine.

360 Inter Munus, & Donum:
^(m) Munus est debitum: ⁽ⁿ⁾ ut Patrono:
Donum, honorarium est. Itèm ^(o) Do-
num, dantis est: Munus, accipientis:
Dictum autem Donum à dando: Mu-
nus à muniendo, vel à ^(p) monendo.

361 Inter Meruit, & Prome-
ruit: ^(q) Meruit commune est, & ad
pœnam, & ad præmium: Promeruit
tantum ad præmium. Nàm promeri-
tus dicitur, qui benè facit: sic immeri-
tus, qui malè.

362 Inter Magnum, & Gran-
dem: Magnum ad animum ^(r) referi-
mus: Grandem ad corpus.

363 Inter ^(s) Mutuum dare, &
Commodare: ^(t) Qui mutuum dat,
aliud recepturus est: Qui commo-
dat, utique idem sibi reddi desi-
derat.

364 Inter Monere, & Admo-
nere: ^(u) Monet, qui præcipit: Admo-
net,

^(b) Quippe videtur in altero m. s.

^(c) Fest. dict. Mansuetus. Non dict. Mansuetum.

^(d) Non dict. Modestus. Ipse Etymolog. lib. 10.

^(e) Ex lib. 10. Etymolog. littera M. potius legendum videtur, misellum viventem adhuc, miserum mortuum.

^(f) Etymolog. lib. 10. littera M.

^(g) Ex C. Front. qui paullo copiosius, memoriosus habet ad dicta, factaque referenda memoriam: memor beneficii me-
moriæ, vel injuriæ refert. Undè in Isidoro pro defensionis malum offensionis reponi.

^(h) Carisius sic fere, mendum, & mendam discriminat: Mendum in mendacii significatione distinguitur, menda in
culpa operis, aut corporis.

⁽ⁱ⁾ Sic Cicero 3. de Natur. Deor. est enim malitia, versuta & fallax nocendi ratio.

^(l) Ex Varonis mente. 5. de Ling. Lat. Multa à pecunia, quæ à Magistratu dicta, ut exigì possit ob peccatum.

^(m) Varro. ibid. pœna à puniendo, aut pœnitendo, quod post peccatum sequitur.

⁽ⁿ⁾ Ex Front. & Etymolog. lib. 6. cap. 19. vide supra.

^(o) Al. In patrono.

^(p) Ex Agratio ad verbum.

^(q) Movendo Agratius: malè opinor.

^(r) Interpretes Terent. act. 2. scen. 2. Promeruit, adjuvit, profuit: Cui contrarium est commernit: unde quis pro im-
meritis commernit legendum suspicari possit. Vel ex illo loco Hecyr. act. 3. scen. 5. Quæ nunquam quidquam ciga me
commernita est pater. Ubi iidem interpretes mereri bona dicimus, commerni mala. Vid. Serv. ad ill. 4. Æn. Nunquam

Regina negabo Promeritam.

^(s) Al. Refertur.

^(t) Ex Agratio abbreviatum.

^(u) Al. Mutare.

^(m) C. Front. Monet propter benivolentiam, admonet, ut confirmet memoriam.

net, qui, quod exciderat, memoriæ reducit.

365 Inter Meretur, & Moeret. Qui meretur, dignus est aliquo beneficio: Qui moeret, tristis est.

366 Inter Miramur, & Admiramur: (x) Admiramur virtutes: Miramur opera.

367 Inter Miseremur, & Miserescimus: (y) Miseremur, quantum necesse est: Miserescimus amplius, quàm necesse est. Itèm Miseremur rogati: Miserescimus ultrò.

368 Inter Monemus, Admonemus, & Commonemus: Monemus futura: Admonemus præsentia: Commonemus præterita.

369 Inter Multitudinem, & (z) Numerum: Multitudo numero fit: Turba (a) loco posita. Possunt enim pauci in angusto turbam facere.

370 Inter Mihi, & Mi: Mihi dativus casus est: Mi vocativus.

371 Inter Municipem, & Municipalem: Municipes sunt Curialium majores, dicti eò quòd fisci munera accipiant: (b) Municipales autem (c) originales cives sunt, & in (d) locum officium gerentes.

372 Inter Mamillas, & Mamas, & Ubra. (e) Mamillæ virorum sunt: Mammæ mulierum: Ubra pe-

corum. Papillæ autem sunt nuclea summa mammarum, quæ sugentes comprehendunt.

373 Inter Matronam, & Matrem familias, (g) Melesius Grammaticus arbitratur hoc interesse, quòd Matrona dicatur mater primi pueri: Mater familias, quæ plures peperit. Alii dixerunt Matronam dici, quæ in matrimonium cum viro convenit, & (h) in eo matrimonium actum: Matrem verò familias eam esse, quæ in mariti manu, mancipioque est, aut (i) in cujus maritus manu, mancipioque esset: quoniam in familiam quoque mariti, & sui hæredis (k) venisset. (l) Matronæ autem & Virgines nobiles dicuntur, quæ matres jam fieri possunt. (m) Quoniam per quamdam juris solemnitatem in familiam migrant mariti.

374 Inter Mortuum, & Emortuum: Mortuum jam (n) exanimatum corpus: Emortuum verò, vicinum mortui.

375 Inter Mare, & Maria: (o) Mare, elementum est totum: Maria verò, partes maris. Sicut terræ sunt, Terra verò, tantum elementum.

376 Inter Montes, & Colles: Montes tumores terrarum: Colles prominentiora juga montium, quasi (p) colla. In-

(x) Ex Agratio.

(y) Ex Servo, sensus expressus ad ill. 2. Æn. Miserescimus ultrò.

(z) Lege (inducta dictione) numerum, quæ male ex sequenti versus irrepperit) turbam.

(a) F. Loci positu. C. Fronto. Turbam angustus locus facit.

(b) Etymolog. lib. 9. cap. 4.

(c) F. Loco.

(d) Al. Originis.

(e) Ex Etymolog. lib. 11. cap. 1.

(f) Al. Pecudum.

(g) Leg. Helius Melissus ex Agell. lib. 18. cap. 6. Ubi hac ejus opinio recensetur. Vid. etiam lib. Etymolog. 9. cap. 18.

(h) Al. Idcò matrimonium dictum.

(i) Al. In ejus: in cujus Agell. apertius.

(k) Locum venisset Agell.

(l) Vid. Servium ad illud 9. Æneid. Multis è matribus ausa.

(m) Locus non integer, & ex Servio, unde est ad illud 11. Æn. Tirrhena per oppida Matres, ita explendus. Matres familias verò, quæ in matrimonium conveniunt per coëmptionem, quoniam, &c. Nam aliqui descriptio illa minimè Matronis convenit, sed Matribus familias tantum. Vid. etiam Servo. ad ill. 7. Æneid. Quaritur hæres. & foris etiam tertium membrum de matre desideratur, consule lib. 9. cap. 8. Etymolog. Vid. Fest. diâ. Mater familias, & Non. diâ. Matronæ, & Matres familias.

(n) Al. Exanimæ.

(o) Ex Servo. ad ill. 6. Æn. Tor maria intravi.

(p) Varro à colendo 4. de Ling. Lat.

377 Inter Malogranatam, & Malogranatum: Malogranata foemini generis, arbor est: Malogranatum verò generis neutri, pomum est. Sicùt Persicus, & Persicum: Persicus generis foeminini, arbor: Persicum generis neutri, fructus est. Sicùt Buxus, & Buxum: Nàm Buxum ^(g) neutrum, lignum est: Buxus ^(r) foemininum, arbor est.

378 Inter Magis, & Potius: Magis est alterum ex duobus praeferre, utrum compareret: Potius alterum damnat.

379 Inter Mala, & Malas: Mala poma sunt: Malæ verò maxillæ.

380 Inter Mare, & Mare: Mare, masculum: Mare, elementum est aquæ.

381 Inter Mentientem, & Fallentem: Considerandum est, quòd ille mentitur, qui vult videri, quod non est: ^(t) Qui autem non volens aliud putat quàm est, non mentitur, sed fallitur. Inest ergò omni mentienti voluntas fallendi: ^(r) Res autem fallendi, voluntas non est mentiendi. Nàm & lapis fallit, & multa corpora ^(u) specie fallunt, ut remi fracti in unda, dùm sint integri: sed & turres, quasi currentes, oculos navigantium fallunt. Et tamèn hoc ^(x) naturæ agunt specie, non mentiendi voluntate.

382 Inter Monile, & Munile:

Monile dicitur harpago à monendo, eo quòd moneat mulierem esse sub potestate viri: Munile verò dicitur vestimentum, à muniendo: Vel munile dicitur ornamentum ex gemmis, quod solet ex foeminarum pendere collo; dictum à munere.

De Littera N.

383 I Nter Necessitatem, & ^(a) Necessitudinem: Necessitas aliquid fieri cogit: Necessitudo autem affectus est, vel vinculum propinquitatis.

384 Inter Nihil, & Nihili: ^(b) Nihil adverbium est: Nihili autem homo, nullius momenti.

385 Inter Nudum, & Nudatum: ^(c) Ea enim Nudata dicuntur, quæ vestiri solent: Ea Nuda, quæ non solent tegi. Itèm Nudus illius rei, aut illà re benè dicitur. Nudatus verò ab illo ^(d) denuntiatur.

386 Inter Negamus, & Abnegamus: Negamus, si quid objicitur: Abnegamus, si quid petitur.

387 Inter Neminem, & Nullum: ^(e) Neminem ad hominem referimus: Nullum ad omnia.

388 Inter Nomen, Prænomen, Cognomen, & Agnomen. ^(f) Nomen est vocabulum propriæ appellationis: ^(g) Prænomen, quod nominibus, ^(h) ob dig-

(g) Al. Neutri.

(r) Al. Foeminini.

(t) F. Qui.

(u) Al. Res autem fallunt, quibus tamen vol.

(u) F. Species etiam fallunt ut.

(x) F. Natura ag. species.

N

(a) Eodem sensu C. Fronto, & Scaurus de Orthographia.

(b) Agratius, & Carisius fere eadem.

(c) Ex Servo, sensus expressus ad illud 12. Æneid. Nudato capite.

(d) Al. Denuntiamus.

(e) Breviter Frontonem expressit. Nullus tàm in re, quàm in persona: nemo in persona dicitur; ut nemo homo, F. ne homo.

(f) Testibus Sosipatro, Donato, Diomede, & aliis. Nomen est, quod originem gentis declarat, ut Cornelius. Prænomen, quod nomini Gentilitio præponitur, ut Publius. Cognomen, quod nominibus Gentilitiis subiungitur, ut Scipio. Agnomen, quod extrinsecus addi solet, aliqua ratione, vel eventu quæsitum, ut Africanus. Hic verò in utroque manuscripto Cognomen, & Agnomen sedes permutarunt: Reduximus tamen utrumque in suum locum, non modo iis quos dixi auctoribus, sed ipso etiam Isidoro lib. 1. Etymolog. cap. de Nominibus.

(g) Al. Prænomen.

(h) Al. Dignitate.

dignitatem generis ⁽ⁱ⁾ præponitur : ut Publius Virgilius. Non enim ^(k) possumus dicere Virgilius Publius. Cognomen, quod ex familia generis venit : ut puta Scipio Cornelius, à Cornelia familia ortus. Agnomen, quod ex virtute, vel vitio trahitur : ut Scipio Africanus, pro eo quod Africam vicerit : vel Lentulus Sura, pro eo quod majores habuerat suras. Proindè Nomen à proprietate venit : ^(l) Prænomen à dignitate : ^(m) Cognomen ab origine : ⁽ⁿ⁾ Agnomen verò ab specie, vel actione.

389 Inter Nascitur, & Enascitur : ^(o) Nascitur, quod ^(p) ab utero decidit : Enascitur, quod ex terra, aut aqua exsurgit.

390 Inter Nautam, & Navitam : ^(q) Navita poetice est. Nàm dictus est à Nauta, sed causâ metri à Poëtis una littera addita est.

391 Inter Nûm, & Nûnc : Nûm, nunquid : Nûnc, modò.

392 Inter Ne, & Næ : Næ, si præponitur, adverbium est, & acuto accentu pronuntiatur : Ne verò si subjungatur, conjunctio est, & presso accentu.

393 Inter Nigro, & Migro. Nigro nigrum facio : Migro ^(r) demutatio est.

394 Inter Neutrum, & Neutrale : Neutrum, nomen, aut pronomen, vel participium : Neutrale verò verbum est.

395 Inter Notus, & ^(t) Notus : Notus, cognitus : Notus judicio : Notus, Auster.

396 Inter Nobilem, & Nobilem : ^(u) Nobilis, generosus : ^(v) Nobilis, notus omnibus.

397 Inter Nomina, & Numina : Nomina sunt vocabula : ^(x) Numina, potestas.

De Littera O.

398 **I**nter Osculum, & Pacem : ^(a) Pacem amicis, ^(b) filiis Osculum dari dicimus : Uxoribus Basium : Scorto ^(c) Suavium. Item Osculum charitatis est : Basium ^(d) blanditiæ : ^(e) Suavium voluptatis. Quod quidam etiam versibus his distinxit : ^(f) Basia conjugibus, sed & oscula dantur amicis : Suavia lascivis miscentur grata labellis.

399 Inter Occasionem, & Opportunitatem : Convenienter in litteris ponitur, Occasio arrisit : Opportunitas se præbuit, vel secunda successit.

400 Inter Observationem, & Observantiam : ^(g) Observatio curæ, doc-

(i) *Al.* Præponitur.

(k) *Al.* Dicimus.

(l) *Al.* Prænomen.

(m) *Leg.* Cognomen.

(n) *Leg.* Agnomen.

(o) *Ex Agratio.*

(p) *De Agratio.*

(q) *Fest. in dict.* Navitas.

(r) *Al.* De loco mutatio.

(s) *Al.* Notus.

(t) *Ex Non, dict.* Nobile.

(u) *Sic Titinnius male falsis nobilitarent, quod notificarent Non. exponit.*

(v) *Ex Serv. ad illud eclog. 4. Stabili fatorum numine Parex.*

(x) *O.*

(a) *Interpres Terentii scen. 2. act. 3. Eunuch.* Oscula officiorum sunt, basia pudicorum affectuum, suavia libidinum. Servius ad illud 1. *Æn.* Oscula libavit nata, sciendum osculum Religionis esse, suavius voluptatis.

(b) *Al.* Amicis, vel filiis osc.

(c) *Al.* Savium.

(d) *Al.* Blanditium.

(e) *Al.* Savium. *al.* Basia conjugibus sedet oscula d.

(f) *Al.* Quid si : conjugibus teneris bas.

(g) *Recte Ascen. 2. in Verr.* observant modò speculantur, alijs venerantur.

doctrinæ, & artis est: Observantia verò cultus, & religionis est.

401 Inter Opus, & Operationem: Opus dicitur, ipsum quod fit: Operatio autem, ipsa rei actio est.

402 Inter Omne, & Totum: (b) Omne ad multitudinem, & ad numerum pertinet: (i) ad numerum, ut omnes homines: ad multitudinem, ut omnis familia, omnis exercitus, omne pecus dicimus. Totum verò ad magnitudinem pertinet, ut totum corpus, tota terra, totum Cœlum. Ergò totus homo, si ad corpus referamus: Omnis homo, si de universis. Proinde Omne in diversis partibus ponitur: Totum autem sine partibus debet esse.

403 Inter Orare, & Exorare: (k) Orare, est poscere: Exorare, impetrare.

404 Inter Obesse, & Officere: Qui obest, nocet: Qui officit, vult nocere.

405 Inter Officere, & Inficere: (l) Officere est alicui velle nocere: Inficere colorem mutare.

406 Inter Olet, & Redolet: (m) Olet res, vel malè, vel benè: (n) Redolet tantum benè.

407 Inter Oracula, & Delubra: (o) Oracula templa sunt, ubi oratur; undè & responsa redduntur. (p) Delubra autem, templa fontes habentia ad purificandos, & ablundos fideles: Et

indè Delubra à diluendo appellata. Undè & priùs hæc loca altaria non habebant, ut tantum Delubra essent, non Tempia.

408 Inter Orbum, & Cæcum: (q) Orbus est, qui filios amittit: Cæcus est, qui oculos perdit.

409 Inter Occidit, & Occidit: Occidit correpta media, eum qui mortuus est, significat: Occidit autem producta media, eum qui interficit.

410 Inter Oleam, & Olivam: Auctores ita distinguunt, ut (r) Olea sit fructus: Oliva arbor, quia multitudo dicitur Olivetum, ut (s) quercetum, & (t) pometum. Enimverò sine (u) discrimine Poëta & oleam, & olivam (x) pro fructu sæpè posuerunt. Sed consuetudo obtinuit olivam fructum dicere. Nèc verat, quominus & arboris, & fructus idem nomen (y) sit.

411 Inter Odorum, Odorabile, & Odoriferum. (z) Quod enim per se odorem mittit, odorum est. (a) Odorabile verò, quod (b) aliundè accipit odorem. Odoriferum, quod odorem sequitur.

412 Inter (c) Operam, & Opera: Operam, quæ sit: Opera verò, quod fit.

413 Inter Ostium, & Hostiam: Ostium, quod aperitur: Hostia, sacrificium.

In-

(b) Vid. Servium in illud 1. Æn. Tota armenta sequuntur.

(i) Al. Ut omnis.

(k) Ex Serv. ad illud 3. Æn. Exorat pacem divum.

(l) Suprà ex C. Frontone.

(m) Al. Olent.

(n) Al. Redolent.

(o) Etymolog. lib. 15. cap. 4.

(p) Vid. Servium ad illud 2. Æn. Delubra ad summa dracones, & ill. 4. delubra adeunt. Ascon. Ped. in Divinationem Cicer.

(q) Vid. Fest. dist. Orba.

(r) Vide Servium ad illud 2. Georg. Sed Truncis oleæ melius.

(s) Al. Quercetum.

(t) Al. Vincetum.

(u) Al. Crimine Poëtarum.

(x) Al. Fructum dicere, nec.

(y) Al. Sumpsit.

(z) Ex Serv. ad ill. 4. Æn. Odora canum vis; ex quo pro odoriferum, odoris equum leg. videtur.

(a) Odoratium Serv.

(b) Alicunde Serv.

(c) Vel potius: Opera, quæ facit. Opus, quod fit.

414 Inter Ortus , & Hortos : Ortus processus : Hortos , agros ^(d) dicit.

415 Inter Oblitum , & Oblitum : Oblitum correptè , perfusum : Oblitum productè , immemorem.

416 Inter Offerre , & Inferre : Offerre , est ultrò præbere : Inferre , importare.

De Littera P.

417 **I**nter Prudentiam , & Sapientiam : ^(a) Prudentia in humanis rebus : Sapientia in divinis ^(b) distribuitur.

418 Inter Pudorem , & Pudicitiam : ^(c) Pudor , corporis est : Pudicitia , mentis.

419 Inter Pietatem , & Affecti-
nem : Pietas inter devinctos sanguine exhibetur : Affectio inter extraneos.

420 Inter Patientiam , & Tolerantiam : Tolerantia ^(d) animi est : Patientia corporis. Ut Sallustius : ^(e) Corpus patiens inediae , aloris.

421 Inter Peritum , Prudentem , Callidum , & Facundum : Peritus , usu doctus : ^(f) Prudens , veluti providens , utilis rerum futurarum ordinator : ^(g) Callidus , ^(h) per exercitationem artis instructus : Facundus , qui facile possit fari.

422 Inter Pudentem , & Verecundum hoc interest , quòd Pudens

opinionem veram , falsamque metuit : Verecundus autem non nisi ⁽ⁱ⁾ veram timet.

423 Inter Profanum , & Nefandum , & Nefarium : ^(k) Nefarius , ut Varro existimat , non dignus farre. Quo primo cibi genere vita hominum ^(l) sustentabatur. Nefandus , id est , nec nominandus quidè. Profanus autem , cui sacris non licet interesse. De quo Sallustius : Sacra polluet profanus. Profanus ergò , porrò , id est , longè à fano.

424 Inter Peccatorem , & Immundum , quòd omnis Peccator , Immundus est : non tamèn omnis Immundus Peccator. Peccator enim est , qui transgreditur præcepta Dei , & necesse est hunc & immundum esse , quia transgreditur. Immundus autem est & qui cum uxore sua dormierit , aut mortuum tetigerit , non tamèn idè Peccator est.

425 Inter Ploratum , Planctum , & Fletum : Ploratus , tantum lacrymarum est. Planctus , tantum vocum. Fletus ad utrumque pertinet.

426 Inter Pigritiam , & Torporè : Torpor , dormitantis est : Pigritia , vigilantis.

427 Inter Perseverantiam , & Pertinaciam : Perseverantia , in virtute est : ^(m) Pertinacia , in vitio.

428 Inter Præsidium , Auxilium , & Subsidi-
um : ⁽ⁿ⁾ Præsidium , aliquo loco utili positum. Auxilium , quod

(d) F. Dicimus.

(a) Lib. 2. Differentiarum 56.

(b) Al. Tribuitur.

(c) Sic ferè distinguit Non. inter castitatem & pudicitiam dist. castitas.

(d) Al. Animæ.

(e) Al. Catili.

(f) Sic Cicer. 6. de Repub. Prudentiam ait nomen nascam à providendo.

(g) Interpretes Terentii , act. 3. scen. 3. Adelpb. Callidus dicitur , qui callum sibi usu artis induxerit.

(h) Al. Pro exercitatione.

(i) Al. Vera.

(k) Ascon. Pedian. 3. in Verr. Non. dist. nefarius , ipse Etymolog. lib. 10. littera N.

(l) Al. Sustinebatur.

(m) Varr. 4. de Ling. Lat. initio. Non. dist. Pervicacia.

(n) C. Front. Subsidi-
um , quòd subest deficientibus , Præsidium imponitur , Auxilium repentinum est , itè subsidium ad secundos casus preparatur. Præsidium ad custodiam : Auxilium , ut possit , ex insperato venit. Vid. Fest.

quod ab exteris datur. Subsidium, quod postea supervenit.

429 Inter Potentiam, & Potentatum : Potentia est ^(a) sui cuiusque solius : Potentatus verò ^(p) auctoritas est judicialis.

430 Inter Pestem, & Pestilentiam : Pestis, ipsum est nomen ^(q) morbi. Pestilentia verò, id quod ex se ^(r) efficit. Pestilentiae autem tres modi sunt : aut ex terra, aut ex aqua, aut ex aëre.

431 Inter Passionem, & Propassionem Hieronymus in Matthæum distinguit, dicens : quod Passio reputatur in culpa : Propassio, licet ^(t) culpam habeat, tamen non ^(t) tenetur in crimine. Ergo qui viderit mulierem, & anima ejus fuerit titillata, hic propensione percussus est : Si verò consenserit, & de cogitatione affectum fecerit, (sicut scriptum est in David : transierunt in affectum cordis) de Propensione transit ad Passionem, & huic non voluntas deest, sed occasio.

432 Inter Percuntationem, & Interrogationem Augustinus hoc interesse existimat, dicens : ^(u) quod ad Percuntationem multa responderi soleant : veluti quid est hoc, aut illud? Ut respondeantur diversa, vel varia. Ad Interrogationem non multa respondentur : Sed aut non, aut ^(x) etiam pronuntiabitur. Veluti factum dictum-

vè est? Verum, aut falsum est? Respondetur, aut non, aut ^(y) etiam.

433 Inter Perfectum, & Consummatum hoc distat : quod perfectum est, cui jam addi nihil aliud potest. Consummatum verò est, quodlibet opus in finem deductum.

434 Inter Patens, & Patulum : ^(z) Patulum dicimus quod naturaliter semper patet ; ut nares, arbor. Patens verò, quod aperitur, & clauditur ; ut ostium, oculi. Sic ^(a) lucidum, & lucibile : Lucidum est, quod aliunde illuminatur : Lucibile, quod per se lucet.

435 Inter Penetrabile, & Penetrabile : ^(b) Quod penetrat, penetrabile dicitur : Quod autem penetratur, penetrabile. ^(c) Penetrabilia autem sunt domorum secreta : & dicta ab eo, quod est penitus.

436 Inter Post, & ^(d) Ponè hoc videtur interesse : quod Post semper chronicis ponimus : cum dicimus, Post ^(e) tempus veniam : Ponè verò, post tergum.

437 Inter ^(f) Præcari, & Imprecari, & Deprecari : Præcari, est rogare : Imprecari, ^(g) est optare : Deprecari, est excusare, vel expurgare. Cicero ^(h) Quid, inquit, faciat Hortensius? Avaritiæ ne crimina frugalitatis laudibus deprecetur?

438 Inter Poscere, & Exposcere : ⁽ⁱ⁾
D Pos.

(a) *Al. Sux. 2. m. ss.*

(p) *Al. Auctoritatis.*

(q) *Al. Verbi.*

(r) *Al. Efficit.*

(t) *Al. Pro culpa habeatur.*

(u) *Al. Retinetur.*

(v) *Ex interpretibus Terent. videtur sumpsisse D. Augustinus, ad. 15. scena 4. Andria.*

(x) *Al. Sic pronuntiabitur, forte, etiam pron.*

(y) *Al. &c.*

(z) *Ex Serv. ad ill. Eclog. 1. Tityre, tu parula.*

(a) *Ex Serv. ad ill. 6. Æn. Lucentemque globum lunæ, ex quo videtur legendum lucens, non lucidum. Fronto tamen*

ita etiam fere distinguit inter lucidum & luminosum.

(b) *Ex Serv. lib. 10. Æn. ad ill. Nostrum penetrabile telum.*

(c) *Ex Serv. ad ill. 7. Æn. Penetralibus altis, & ill. 6. Regnis penetrabilia nostris.*

(d) *Fest. dict. Ponè, & Serv. ad ill. 2. Æn. Ponè subit conjux.*

(e) *F. dictio Tempus superat.*

(f) *Ex Agrat. qui hinc forte augendus.*

(g) *Al. Exoptare.*

(h) *Lib. 2. in Verr.*

(i) *Serv. ad ill. 9. Æn. Si tibi, quæ posco, aliter, quàm Iulius,*

Poscere, minus est, quàm Exposcere. Nam Poscunt, qui simpliciter petunt: Exposcunt, qui desiderant.

439 Inter Polliceri, & Promittere: ^(k) Polliceri ^(l) dicimur, quod spontè promittimus, nè rogati, promittere, quod petitur. Ergo promittimus, rogati: Pollicemur ultrò. Itèm pollicemur ^(m) scripturà: promittimus verbo.

440 Inter Properare, & Festinare: ⁽ⁿ⁾ Marcus Cato sic distinguit dicens: Qui unumquodque maturè transigit, is Properat. Qui multa simul incipit, neque perficit, is Festinat. Ego ^(o) unumquodque, quod adortus eram, transigebam.

441 Inter ^(p) Primum, & Priorem: Primus è multis: Prior è duobus. Primarius à dignitate.

442 Inter Plures, & Pluris: ^(q) Pluris est, quod majori summa laxatur: Plures verò de multitudine ^(r) scribimus.

443 Inter Petivit, & Expetivit. Petivit, pro parùm ^(s) ponitur: Expetivit, pro satis petivit. Et ^(t) inimicissimè, ac vehementer adnitus est. Ex enim pro valdè ponitur.

444 Inter Pyram, & Rogum: ^(u) Pyra, est constructio lignorum,

antequàm ignis admotus est. Rogus est, dùm ardet: ^(v) Bustum verò, posteaquam arsit.

445 Inter Plebem, & Populum: ^(y) Plebs à Populo eò distat, quòd Populus est generalis universitas civium cum senioribus. Plebs autem pars humilis & abjecta.

446 Inter Pauperiem, & Paupertatem: ^(z) Pauperies damnum est: Paupertas ipsa conditio.

447 Inter Proclivum, & Declivum: Proclivus, est ascensus: Declivus, descensus facilis.

448 Inter Puerperam, & Puellam: ^(a) Puellam, investem dici, & ætate parvulam, quasi pullam: ^(b) Puerperam verò, quæ primum puerum enixa est, & in annis puerilibus parit. Undè & ^(c) Horatius: Laudantur simili prole puerperæ.

449 Inter Pampineum, & Pampinosum: ^(d) Pampineum, est totum de pampinis: Pampinosum, quod pampinis plenum est.

450 Inter Populum, & Populos: Quum enim Populos numero plurali dicimus, Urbes significamus: Quum Populum, unius multitudinem Civitatis intelligimus.

451 Inter Pontificem, & Vatem: Pon-

(k) Ex Serv. ad ill. 1. *Æneid.* Ditione tenerent, Pollicitus.

(l) f. Dicimur.

(m) *Al.* Minus. f. minis.

(n) In oratione quam de suis virtutibus habuit. *Agell. lib. 6. cap. 14.* Non. *dict.* festinare. *Fest. dict.* properare. *C. Front.* Qui properat, apparet non esse defessus, qui festinat, videtur esse defatigatus.

(o) *Al.* Nunquam quidquam, quod adortus eram, transigebam. *Ortus m. i. foris, orsus.*

(p) Ex *Agratio.*

(q) Ex *Agratio.*

(r) *Al.* Scribitur.

(s) f. Petivit.

(t) *Lego* enixissimè, aut intensissimè.

(u) Ex Serv. ad ill. 2. *Æn.* Constitueret pyras.

(v) *Fest. dict.* bustum.

(y) *Sic 9. Terent. Scaurus de Orthograph.* Populus est, in quo omnis pars Civitatis, omnes ejus ordines continentur: plebs ea dicitur, in qua gentes civium patritiæ non insunt.

(z) *Fest. dict.* Pauperies: ex quo forte scribendum, paupertas est damnum. quod quadrupes facit.

(a) *Lib. 10. Etymolog.* littera P. Puella est parvula, quasi pupilla, & *lib. 11. cap. 1.* Pupilla, quod pura sit, & impolluta, ut sunt puellæ: Et sic dictionem pullam in pupillam forte quis mutandam censet: cum & *Græcis* è νόη utrumque & pupillam, & puellam significet. Vox tamen pullam non temerè rejicienda, quandoquidem & *Non.* pullum, inquit ætatis novellæ, ab antiquo verbo pullare, quod vetus glossarium agnoscit, eisque παραγάδης βύδης: pulli παραγάδης. Ipse certis hanc eandem lectionem superiore libro habet.

(b) *Etymolog.* *lib. 11. cap. 2.*

(c) *Lib. 4. Od. 6.*

(d) Ex Serv. ad ill. 1. *Æn.* Nemora inter frondea.

(^e) Pontifex tantum Summum Sacerdotem significat : Vates autem plura significat : aut Sacerdotes , aut Poetas , aut Prophetas.

452 Inter Profugum , & Exsulem : (^f) Profugus voluntate : Exsul necessitate.

453 Inter Patrium , & Paternum : Paternum est , quod Patris fuit ; ut fundus paternus. Patrius dicitur (^g) Patri similis ; ut , patrius (^h) animus.

454 Inter Proprius , & (ⁱ) Proprius : (^k) Proprius , est nomen : Proprius verò , juxta me.

455 Inter Prægnantem , & Gravidam hæc differentia est : Prægnantem esse , quæ concepit : Gravidam , quam uteri gravado proximam partui ostendit.

456 Inter Pignera , & Pignora : (^l) Pignera sunt rerum : Pignora filiorum , & affectuum.

457 Inter Portentum , & Monstrum : (^m) Portentum est , quod ex formis diversis proponitur : Monstrum , quod extra naturam nascitur , vel nimis grande , vel nimis breve.

458 Inter Portentum , & Portentosum : (ⁿ) Portentum dicitur , quod ex omni parte naturæ mutationem sumens aliquid portendere futurum videtur : Sicut bicèps caput in corpus

unum , vel sicut in Xerxis (^e) regia ex equa vulpem ferunt creatam. Per quod ejus solvi Regnum ostensum est. Nam Portentosa dicuntur , quæ ex parte corporis sumunt (^p) mutationem : ut exempli causa , cum sex digitis nati , sive cum aliqua (^q) pravitate membro-

rum. 459 Inter Portentum , & Ostentum : Portentum nascitur , & in sua permanet qualitate : (^r) Ostentum verò subito offertur oculis , & subducitur : sic Portentum dicitur à portendendo , id est , porro ostendendo : sicut & Prodigium , quod porro dicat , id est , futura de longè prædicat. Monstrum sanè à monitu , vel monstrando dictum ; quod aliquid significando demonstret , & statim. Quinque sunt autem genera prodigiorum , ut Varro dicit , id est : Portentum , Ostentum , Prodigium , Miraculum , & Monstrum.

460 Inter Pueritiam , & Pubertatem : (^s) Pueritia est tenera , & parva ætas , à puritate ita vocata : (^t) Pubertas autem ætas adulta est , quæ jam gignere potest ; dicta à pube , id est , à pudendis corporis. Quod hæc loca tunc primum lanuginem (^u) inducunt. (^x) Pueritia autem à septimo anno : Pubertas à quarto decimo incipit.

D 2

In-

(^e) *Lib. Etymolog. 7. cap. 12.*

(^f) *Vid. Serv. ad ill. 1. Æn. Profugus , Lavinaque venit littora.*

(^g) *Al. Patri affectus.*

(^h) *Al. Amor.*

(ⁱ) *Al. Proprium.*

(^k) *Proprium. 2. m. 2.*

(^l) *Ex Agratio.*

(^m) *Fronto. Sic. Portentum , quod porro , & diutius manet , futurumque postmodum aliquid significat , monstrum est contra naturam , ut est Minotaurus , & infra in monstro rectus ordo naturæ vertitur : in portento differunt eventus.*

Non. dict. monstrum.

(ⁿ) *Etymolog. lib. 11. cap. 3.*

(^o) *Herodian.*

(^p) *Al. Notationem.*

(^q) *F. Pravitatem.*

(^r) *C. Fronto eodem sensu , ostentum , quod præter consuetudinem offertur , & infra , in ostento raritas administrationem (Lego admirationem) facit.*

(^s) *Hæc eadem ferè Etymolog. lib. 11. cap. 2. & libro secundo Different.*

(^t) *Fest. dict. Pubes.*

(^u) *F. Induunt.*

(^x) *Lib. 2. Different.*

461 Inter Percussum, & Perculsum: ^(y) Percussum corpore dicimus: Perculsum animo. Cicero ^(z) de signis: Tanquàm ipsa illa face ⁽⁴⁾ percussus esset.

462 Inter Parricidam, & Parricidam: ^(b) Parricidam dicimus, qui occidit Parentem: Parricidam, qui socium, atque parem.

463 Inter Procellam, & Tempestatem. ^(c) Procellas non tam terrarum, quàm Cœli esse: Tempestates autem fluctuum sunt.

464 Inter Plantas, & Plantaria: Quòd ^(d) Plantæ sunt raptæ de arboribus: Plantaria verò, quæ ex seminibus nata sunt, & cum radicibus, & terrâ propriâ transferuntur.

465 Inter Pomarium, & Pometum: ^(e) Pomarium est, ubi poma ^(f) ponuntur: Pometum, ubi poma nascuntur: ^(g) Pomerium, ^(h) ubi poma inveniuntur.

466 Inter Pyram, & Pyrum: Pyra est ⁽ⁱ⁾ rogos ardens: Pyrum verò pomum.

467 Inter Piscatorem, & Piscarium: Piscator est, qui capit: Piscarium est, qui vendit.

468 Inter Pulverem, & Pulverulentum: Pulverem, ^(k) factum: Pulverulentum est, pulvere plenum.

469 Inter Pennas, & Pinnas, & Pennum: Pinnæ sunt murorum:

Pennæ avium, à pendendo: Pennum extremitas ferri acuti.

470 Inter Prædam, Lucrum, & Compendium: ^(l) Præda ex hoste: Lucrum ex negotio: ^(m) Compendium propriè ex pondere.

471 Inter Pompeji Porticum, ⁽ⁿ⁾ Pompejam, ^(o) & Pompejanam: Pompeji, est ipsius Pompeji: Pompeja, publicata: Pompejana, si ad aliam ^(p) domum transit.

472 Inter Populum, & Plebem: Quòd Populus est universus cum Senatu, & Civibus Romanis: Plebs tantum vilior numerus.

473 Inter Partem, & Partim: Partem nomen: Partim adverbium est.

474 Inter Postremum, & Posteriores: Postremus de multis: Posterior de duobus.

475 Inter Principium, & Initium: Principium, prima pars: Initium, uniuscujusque rei incipientis cœptum.

476 Inter Pendent, & Pendunt: Pendent suspensi: Pendunt aliquid ponderantes.

477 Inter Péne, & Penè: Penè adverbium est: ^(q) Péne ^(r) turpissima pars corporis.

(y) Ex *Agratio*.

(z) Designat. 2. m. 1.

(4) Percussus esse. *Agrat.*

(b) Lib. 5. *Etymolog. cap. 25.*

(c) Ex *Sero*. ad ill. 1. *An.* Creberque procellis Africus, & ipse *Etymolog. lib. 13. cap. 11.*

(d) Ex *Sero*. ad ill. 2. *Georg.* Hic plantas tenero abscondens de corpore.

(e) Ex *Sosipatro Carisio*.

(f) *Al.* Transponuntur.

(g) Puto *glossema* proximè præcedentium verborum.

(h) *Al.* Ipse locus arborum.

(i) *Al.* Robur.

(k) *Lego* ex pulvere factum.

(l) *C. Fronto*. Præda victos spoliat.

(m) *C. Fronto*. Compendium utique ad pondus pertinet.

(n) Ex *C. Frontone*.

(o) Pompeigena. 2. m. 1.

(p) Dominationem transiit: *Lego ex Frontone*.

(q) *Fest. diſſ.* Penem.

(r) *Al.* Novissima.

De Littera Q.

478 **I**nter Quatenus, & Quatinus: ^(a) Quatenus adverbium est: Quatinus conjunctio causalis, ut si dicas: Quatinus hoc sine plaga non facis, en tibi plagas. Adverbium est autem quatenus, aut temporis, aut loci: Temporis cum dicimus: Quatenus hoc modo res exercebis.

479 **I**nter Quoniam, & Quia: Quoniam præponitur, & sic sequentem sensum alligat: vt, quoniam ^(b) dicis, dico. Quia postponitur, & superiorem sensum confirmat. Ut, scias, quia didici.

480 **I**nter Quamdudum, & Jamdudum: Quamdudum interrogantis est: Jamdudum respondentis.

481 **I**nter Quæritur, & Quiritur: ^(c) Quiritur de implorando: Quæritur, de inquirendo.

482 **I**nter Questus, & Quæstus: ^(d) Quæstus lucri: Questus lacrymarum.

483 **I**nter Quæ, & Que: Quæ pronomen est: Que verò conjunctio est.

484 **I**nter Quod, & Quot: Si per d. scribitur Quod, pronomen personale est: si per t. Quot, numerus.

De Littera R.

485 **I**nter Recens, & Novum: Recens nascitur: Novum

fit. Unde, & Virgilius: Lac mihi non æstate novum, non frigore deficit.

486 **I**nter Religionem, & Fidem: Fides est credulitas, quâ Deum confitemur: Religio est cultus, quem illi credentes exhibemus: ^(e) Dicta autem fides ab eo, quod fit id, quod inter utrosque placitum est. Quasi inter Deum, & hominem dicta quoque Religio, eò quod eâ homines religantur vinculo serviendi ad cultum divinitatis. Religio autem est in virtute: ^(f) Superstitio verò in cultu illicito.

487 **I**nter Rationale, & Rationabile: Rationale, ^(g) & Angelus, & homo: Rationabile, quod ratione, vel agitur, vel dicitur.

488 **I**nter Rusticum, & Rusticanum: Rusticus, operarius dici potest: Rusticanus, Pater familias.

489 **I**nter Rusticitatem, & Rusticationem: Rusticitas morum est: Rusticatio operis.

490 **I**nter Rationem, & Ratiocinationem: Ratio est mentis ^(h) motus in his, quæ ⁽ⁱ⁾ dicuntur discernere, vel connectere valens: Ratiocinatio autem rationabilis est, subtilisque disputatio, atque à certis ^(j) ad incertorum indagationem nitens cogitatio.

491 **I**nter Regium, & Regale: ^(k) Regium est ipsius Regis: Regale dignum Rege. Sic & Regia, & Regalis: Regia domus in qua est: Regalis Rege digna.

492 **I**nter Rubor, Robur, Ror:
D 3

(a) C. Fronto. Quatenus, quatinus, quatinus, quoniam. Fest. dict. Quatenus.

(b) Al. Dicit.

(c) Ex Agrav. unde legendum constat, inter quæritur, & queritur: queritur deplorando, quæritur de inquirendo, nisi malis quiritur in quiritatur mutandum.

(d) Ex Agravio, in quo male est lucro.

(e) Citer. Off.

(f) Non. dict. Superstitiosis.

(g) Al. Ut Angelus.

(h) Al. Motum.

(i) Al. Liscuntur.

(j) Al. A ac incertis ad certorum.

(k) Ex C. Front. dict. Regium.

bor : Rubor coloris est : Robur virtutis, ^(b) Robor arboris.

493 Inter Reptilia, & Repentia : ⁽ⁱ⁾ Reptilia aquarum sunt : Repentia terræ.

494 Inter Rivum, Fontem, Torrentem, & Flumen : Rivus subito fit : Fons est caput, atque decursus, in quem naturalis manat aqua : Torrens pluviae ^(k) fluctus præceps : Fluvius aquæ decursus generalitèr.

De Littera S.

495 **I**nter Sidera, Astra, Stellæ, & Signa : ^(a) Sidera illa dicuntur, quibus navigantes considerant, quod ad cursum dirigant consilium : Astra autem sunt stellæ grandes, ut Orion : Stellæ autem, multi-juges, ut Hyades, Plejades : Signum verò, quo animantis imago formata est : ut Taurus, Scorpio, & hujusmodi.

496 Inter ^(b) Sempiternum, & Perpetuum hoc ^(c) distat, quòd Sempiternitas ad Deum pertinet : Perpetuitas ad Angelos, vel ad ^(d) animas hominum. Primum enim sempèr fuit, nèc unquàm esse desinit : Alterum esse coëpit, sed esse perpetuum non desinit.

497 Inter Sensum, & Intellectum : Sensus ad naturam refertur : Intellectus ad artem.

498 Inter Sacrum, Religiosum,

& Sanctum : Sacrum vocamus, quod ad Deum pertinet : Religiosum, quod ad homines justos : Sanctum verò, quo aliquid sancitur, quoque violato, poëna committitur : Sacrum verò, & Sanctum est : Sanctum verò non continuò Sacrum. Item Sanctum in bonam partem ponitur : ^(e) Sacrum verò duo significat, & bonum, & malum : Bonum, ut illud ^(f) -- inter flumina nota, & fontes sacros : Malum, ut ^(g) Auri sacra fames. Et, ^(h) Sacræ panduntur portæ. Et, ⁽ⁱ⁾ Leno sacer. Et, ^(j) Sacer hircus. Undè & ignis sacer dicitur hulus horribile. Alma autem ab alendo dicta. Undè & apud Paganos Alma Ceres dicta est, alimentorum inventrix.

499 Inter Sapientem, & Prudentem ita discerni solet : ut Sapiens vocetur is, qui intellectum æternorum rimatur : Prudens verò, qui ea, quæ sensibus corporis experiuntur.

500 Inter Stultum, Fatuum, & Stupidum : ^(l) Quidam Veterum Fatuum existimant, qui nèc quod fatur ipse, nèc quod alii dicunt, intelligat : Stultum verò, hebetiorem corde. Undè Afranius. Ego, inquit, me stultum existimo, Fatuum esse non opinor. Id est, obtusis quidem sensibus, non tamèn nullis : ^(m) Stupidus verò dictus est quasi lapideus, quasi stolidus.

501 Inter Sævum, & Crudelem : Sævus in ira : Crudelis in sanguine. In-

(b) *Vetus Glossar.* Robor ῥοβος μιλανδρος.

(i) *Etymolog. lib.* 12. cap. 6.

(k) *Al.* Pluvia fluctus & præceps.

(a) *Etymolog. lib.* 3. cap. 59. c. 70.

(b) *Lib. Sententiarum D. Isidor.*

(c) *Al.* Discrepat.

(d) *Al.* Animam.

(e) *Serv. ad ill.* 1. *Æn.* Templis indicit honorem. Et illud 3. *Æn.* Auri sacra fames.

(f) *Virg. Eclog.* 1.

(g) *Æn. lib.* 3.

(h) *Æn. lib.* 2.

(i) *Plaut.*

(j) *Ovid.*

(l) *Etymolog. lib.* 10. littera S. Interpretes Terentii act. 5. scen. 9. *Eunuch.*

(m) *Non. dict.* Stupidus.

502 Inter Stuprum, Incestum, & Adulterium: Stuprum ⁽ⁿ⁾ in virgine: ^(o) Incestum in parente, vel vidua: ^(p) Adulterium in nupta. Dictum autem Incestum, quasi incastum.

503 Inter Satietalem, & Saturitatem: ^(q) Satietales vario genere spectaculorum contingit: Saturitas verò ciborum est.

504 Inter Superbiam, & Arrogantiam: ^(r) Arrogantia est inanis gloria, de eo quod quisque est. Superbia verò, supergrediens elatio mentis, de eo quod non est. Superbiæ autem gemina est differentia: Una, quæ spirituales, ac summos viros per virtutum jactantiam dejicit: Altera, quæ carnales erga seniorum imperium inobedientes reddit. Dicta autem superbia, quia ^(s) super vult, quàm quod est.

505 Inter Scientem, & Sciolum: Sciens est peritus scientiæ, & rebus: Sciolus, simulator scientiæ, ac peritiæ, scienti contrarius est: Et quidquid aliud sciat, ipse videri vellet scire; Aut qui se proficitur scire omnia, aut etiam futura prædicere.

506 Inter Spurcum, & Spurium: ^(t) Spurcus non tantum impurus, sed & sævus: ^(u) Spurius autem patre incerto, matre vidua genitus, quasi tantum Spurii filius. Quia mu-

liebrem naturam Antiqui ^(x) Spurium vocabant. Eosdem & Favonios quidam appellant, quia quædam animalia Favonii spiritu hausto concipere existimantur.

507 Inter Sceleratum, Scelestum, & Scelerosum: Grammatici dicunt, ^(y) Sceleratum illum esse, in quo ^(z) fit Scelus: Ut Cicero, O ^(a) te Scelestum, qui subactus, & prostitutus es. Scelestum autem, per quem fit. Ut Terentius, Scelestus, ovem lupo commisisti. Scelerosus, qui facit: ut idem, Ego illum Scelerosum misera nolens pertuli. Sed hæc Auctores non usquequaque custodiunt.

508 Inter Salutem, & Salubritatem: Salus est integritas corporis: Salubritas, saluti conveniens causa, per quam ^(b) sanitas, vel reservatur, vel restauratur.

509 Inter Super, & Supra hoc interest: ^(c) Super est, quod ^(d) imminet: Supra, quod substratum aliquid habet. Item ^(e) Super interdum, aut nimium, aut satis accipimus.

510 Inter Subter, & Subtus: ^(f) Subter est, quod re aliqua superiore deprimitur, & ^(g) proculcatur: Subtus quod demissum altius, non contingitur.

511 Inter Supremi, & Supprimi: ^(h) Supremi & summi, significat & imi:

(n) Cum viduis, Non, dict. Stuprum.

(o) Etymolog. lib. 10. littera I.

(p) Etymolog. lib. 5. cap. 26. & lib. 10. littera A.

(q) Caristius. Saturitas in cibo tantum dicitur, in cæteris verò satietales. C. Fronto brevius. Saturitas ventris, satietales animi.

(r) C. Fronto. Superbia à superhabendo: arrogantia etiam in pauperem cadit.

(s) Al. Semper vult, quod non est.

(t) Non, dict. Spurcum.

(u) Etymolog. lib. 9. cap. 5.

(x) Al. Jurisconsulti.

(y) Sic interpretes Terentii a. 4. sen. 3. Eunuch. Scelerosus, est multorum & Scelestus, vel unus: Scelerosus, proprie Auctor Sceleris: Sceleratus in quo scelus sit commissum, vel constitutum.

(z) Al. Sit scelus.

(a) Al. O tu.

(b) Al. Etas, vel salavatur, vel.

(c) Ex Agratio.

(d) Eminent Agratius.

(e) Serv. ad ill. 3. Æn. O mihi sola mei super Astyanactis imago.

(f) Ex Agratio.

(g) Al. Conculcatur.

(h) Fest. dict. Supremum. Non, dict. Supremum.

imi : Supprimi autem , occultari.

512 Inter Sumere , & Accipere :

⁽ⁱ⁾ Sumimus ipsi : Accipimus ab alio.

Cum enim damus , dicendum est, Accipe : Quum ^(k) permittimus ipsi tollere , ^(l) dicimus , Sume. Item Sumimus per nos : Accipimus à volentibus. Tollimus à ^(m) non volentibus. ⁽ⁿ⁾ Item Auferimus jure quidquid dedimus : ^(o) Assumimus jussu : Eripimus vi.

513 Inter Sperare , & Expectare : ^(p) Expectamus , & bona , & mala : Speramus autem tantum bona :

^(q) Miro autem modo Virgilius verbi hujus proprietatem à propria significatione secernit , dicens : ^(r) Hunc ego si potui tantum sperare dolorem , dum omne , quod exhorret animus , rectius timere dicatur : ^(s) Sed Grammatici hoc exponunt , dicentes : Sperare dixit pro timere. Quod & Lucanus distinguens ait : -- Liceat sperare timent.

514 Inter Scire , & Nosse : Scire est , reddere rationem , quam noveris : Nosse , referre tantummodò , quod audieris.

515 Inter Simulare , & Dissimulare : ^(t) Dissimulamus nota : Simulamus ignota. ^(u) Qui enim fingit se scire , quod nescit , Simulat : Qui autem quod scit , nescire se dicit , Dissimu-

lat. Undè & Sallustius : ^(x) Ille Simulator incerti , ac certi Dissimulator erat.

516 Inter Sistere , & Consistere , & Assistere : Sistere est interdum resistere , vel prohibere , id est , qui aliquam rem in loco stare facit. Ut Virgilius : Sistere aquam fluviis. ^(y) Assistere verò & ante unum , & coram multis : Consistere in medio adesse.

517 Inter Servire , & Inservire : Servire tantum dominis : Inservire cujusque præceptis.

518 Inter Spirare , & Exspirare : ^(z) Spirare vivere est : Exspirare mori.

519 Inter Surgere , & Exsurgere , & reliqua : Surgitur à loco : Exsurgitur à somno : Insurgitur ad vindictam : Consurgitur ad auxilium.

520 Inter Subjicitur , & Supponitur : Subjicitur citò : Supponitur lentè.

521 Inter Simul , & Semel : Semel ad numerum pertinet : Ut , Semel bis : Simul ad congregationem : Ut , ^(a) Globati simul feruntur in arma viri.

522 Inter Sepulcrum , & Monumentum : ^(b) Sepulcrum tantummodò tumulus defunctorum est : ^(c) Monumentum verò , nunc Sepulcrum , nunc historia rerum gestarum : ^(d)

Dic-

⁽ⁱ⁾ Sic C. Fronto. Sumimus , quæ posita sunt : accipimus , quæ porriguntur.

^(k) Al. Præcipimus.

^(l) Al. Dicendum est.

^(m) Al. Nolentibus.

⁽ⁿ⁾ Lege. Adimimus.

^(o) Ex Front. qui ita , aufert , qui dedit , adimit , (lege in Isidoro adimimus) imperio coactus : eripit , qui plus valet

^(p) Ex interpretibus Terentii act. 2. scen. 6. Andria.

^(q) Serv. ad versum citatum.

^(r) 4. Æneid.

^(s) Al. Quam sperare.

^(t) Ex Serv. ad ill. 1. Æn. Dissimulant , & nube cava speculantur amici. Al. Dissimulamus notum : Simulamus ignotum.

^(u) C. Fronto. Qui simulat probare vult , quod non est.

^(x) Puto Isidorum scripsisse adducto loco ex bello Catilinario & exposito : Cujuslibet rei simulator , ac dissimulator.

Simulator incerti , ac certi dissimulator erat. Nisi fortè ab alio glossema adjectum.

^(y) Nescio an scripserit Isidorus : Assistere verò ante unum , consistere coram multis : Et reliqua quæ alteri exemplari

deerrant , omittenda.

^(z) Ex Agratio , qui fortè hunc emendandus.

^(a) Al. Conglobati.

^(b) Fest. dict. Sepulcrum. Etymolog. lib. 15. cap. 11.

^(c) Isidor. ibidem.

^(d) Serv. ad ill. 6. Æn. Illa hæc monumenta reliquit.

Dictum eò quòd mentem moneat, vel ad memoriam defuncti, vel ad recordationem Rei scriptæ. ^(e) Porro Tumulus bifariè, nunc tumens tellus, nunc Sepulcrum vocatur. Sepulcrum autem à Sepulto dictum. Sepultus verò, eò quòd sine palpitazione, vel pulsu sit, id est, sine motu. ^(f) Cadaver autem à cadendo dictum.

523 Inter Sacrificium, & Hostiam hæc vetus erat discretio, quòd Sacrificium spontanea oblatio erat: ^(g) Hostia verò, quæ devictis hostibus immolabatur. Hæc & Victimam vocabatur: Alii Victimam idèò dictam putant, quia ictu percussa cadit, vel quia vincita ad aras perducitur.

524 Inter Sedes, & Thronos: ^(h) Sedes non tantum unius, sed multorum est. Nam ⁽ⁱ⁾ Solium unius tantum est, & Regum, ^(k) Sedes quibuscunque, proprium. Solium autem, vel à solius sessione, vel à soliditate dictum. Solium Latini, Græci Thronum dicunt: ^(l) Sedes autem dictæ, quia apud Veteres Romanos non erat usus accumbendi. Undè, & consedere antiquo more dicitur. Nam Veteres sedentes epulabantur. Postea, ut ait Varro de Vita Populi Romani, viri discumbere coeperunt, mulieres sedere. Quia turpe illis erat, ^(m) discumbere mulierem.

525 Inter Servum, & Famulum: ⁽ⁿ⁾ Servi sunt in bello capti, quasi Servati: sicut Mancipium, ab hos-

tibus quasi manu captum. Famuli autem ex propriis familiis orti.

526 Inter Servitutem, & Servitium: ^(o) Servitus est conditio serviendi: Servitium numerus ^(p) Servi-
tium.

527 Inter Socerum, & Socrum: Socerum virum dicimus: Socrum socerinam.

528 Inter Similitudinem, & Figuram: Similitudo est, quum secundum aliquam speciem visam, imago vel pingitur, vel formatur. Figura est, quum impressione formæ alicujus imago exprimitur, veluti si in cera ex anulo effigiem sumat: aut si figulus in argillam, manum vultumque aliquem imprimat, & fingendo Figuram faciat.

529 Inter Sanguinem, & Cruorem: ^(q) Sanguis est dum in corpore manet: Effusus verò, Cruor fit. Cruor autem à cruditate vocatur, undè & Crudelitas dicta, & Crudus. Alii dicunt, ^(r) Cruorem victimarum esse: Sanguinem hominum. Ut Virgilius: ^(s) Sanguine placastis ventos, & virgine cæsa: Id est, Sanguine virginis occisæ.

530 Inter Sinum, & Gremium: Sinum dicimus sinuatæ vestis receptaculum: Gremium interiùs ^(t) adcurtatæ.

531 Inter Senium, & Senectutem: ^(u) Senectus, est gravior ætas post juventutem succedens. Senium

au-

^(e) Etymolog. lib. 15. cap. 11.

^(f) Etymolog. lib. 11. cap. 2.

^(g) Etymolog. lib. 6. cap. 19.

^(h) Etymolog. lib. 20. cap. 11.

⁽ⁱ⁾ Servo, ad illud 1. Æn. Solioque altè subnixa resedit.

^(k) Al. Illud cujuscunque.

^(l) Isidor. proximè citato loco.

^(m) Al. Discumbere visum.

⁽ⁿ⁾ Etymolog. lib. 8. cap. 4.

^(o) Ex Sosipatro Caris.

^(p) Al. Servorum est.

^(q) Etymolog. lib. 11. cap. 1.

^(r) Servo, ad illud 8. Æn. Tepidusque cruor fumabat ad aras.

^(s) 2. Æneid.

^(t) Al. Adcurtatæ.

^(u) Etymolog. lib. 11. cap. 2.

autem, ultima ætas post gravitatem veniens. ^(x) Sic Senes, & Senior. Nàm Senior adhuc viridior. Ut illud Virgilianum: ^(y) Jam Senior, sed cruda Deo viridisque Senectus. Et Terentius: Quo jure sum usus adolescentior; non utique magis adolescens, sed minus. Ut Senior, minus Senex. Senecta autem est ipsa sors, ^(z) sive conditio Senectuti accedens.

532 Inter Sonum, & Sonitum: ^(a) Sonus est, quidquid auditur sensibile: ^(b) Sonitus verò, ^(c) confusio vocis tubarum.

533 Exuviæ, ad Exspoliatos: Spolia, ad Exspoliantes.

534 Inter Stillam, & Guttam Palæmon Grammaticus ita distinguit: ^(d) Gutta, inquit, stat: Stilla cadit.

535 Inter Stationem, & Portum: ^(e) Statio est, ubi ad tempus stant naves: Portus ubi hyemant. Nàm Portus locus ^(f) ignotus est ab accessu ventorum, ubi hiberna opponere solent.

536 Inter Serenum, & Tranquillum: Serenum enim ^(g) ad Cælum referri potest, ad mare non potest. Serenum enim Cælum dicimus: ^(h) Tranquillum mare.

537 Inter Saxa, & Lapides: Saxa tantum durissima. Nàm lapis, & dura, & mollis est petra.

538 Inter Specum, & Antrum: Specum Latini, Græci ⁽ⁱ⁾ Antrum dicunt. Sunt autem loca, ex quibus percussæ voces imaginem referunt.

539 Inter Semitam, Callem, & Tramitem: ^(k) Semita hominum est: Callis verò pecorum, vel ferarum est. Callis etiam dicitur via stricta, à calcando ita dicta. Tramites verò transversa sunt in agris itinera: propriè ergò Callis semita tenuis, Callo pecorum prædurata. Semita autem quasi ^(l) Semis via. ^(m) Semita dicta, qua potest ire unum vehiculum. ⁽ⁿ⁾ Hujus duplex ^(o) Actus vocatur: Propterea quòd duo capit, vel propter euntium, & venientium vehiculorum occursum.

540 Succipere est, de superiori aliquid cadens corporale: Suscipere causam incorporaliter. Susplicere sursum aspicere, aut venerari.

541 Inter ^(p) Simulare, & Dissimulare: Qui Simulat, vult videri facere, quæ non facit: Qui Dissimulat, non vult videri facere, quæ facit.

542 Inter Somnum, & Somnium: ^(q) Somnus, quo dormimus: Somnium, quod dormientes videmus.

543 Inter Sum, & Suum: Sum verbum est: Suum, pronomen est.

544 Inter Sæviti, & Sevit: Sæviti, irascitur: Sevit, Satorem dicit.

In-

(x) Fortè legendum, ex citato loco Isidori, sed sene minus est Senior.

(y) Vid. Serv. ibidem. Æneid. 6.

(z) Al. Atque conditio. s. a.

(a) Al. Sonitus est.

(b) Al. Sonus verò.

(c) Al. Confusæ vocis.

(d) Ex C. Fronto, qui tamen Palæmonem non nominat.

(e) Ex Servio ad ill. 2. Æneid. Statio malè fida carinis, & ill. 10. Frangere, nec tali puppes statione rectis.

(f) Fortè legend. Remotus, ex Etymolog. lib. 14. cap. 8.

(g) Sic Virg. Georg. 1. Cælo propetanda sereno, & hyemus optate serenæ, & alibi, undè serenæ Ventus agat nubes, & sape aliàs.

(h) Tranquilla per alta. 2. Æneid.

(i) Agnoscit etiam hanc vocem vetus glossarium.

(k) Ex Servio ad ill. 4. Æneid. Convecant calle angusto: Et ipse Etymolog. lib. 15. cap. 16.

(l) Varr. 4. de Ling. Lat. Quasi semi iter. Ipse Etymolog. lib. citato, à semi ite.

(m) Legend. Via dicta, neque enim semita vehiculum, sed via capit.

(n) Al. Cujus duplex.

(o) Paulus ad Festum diÆ. Actus. Varr. 4. de Ling. Lat. duobus locis. Ipse Etymolog. lib. 15. cap. 15.

(p) Vide suprâ.

(q) Ex Servio ad ill. 5. Æn. Tibi tristia somnia portans, qui tamen, somnium, quod dormientes videmus.

545 Inter Suus, & Sus: Suus, pronomen est: Sus, animal est.

546 Inter Syram, & Suram: Syra gentis suæ foemina: Sura pars pedis.

547 Inter Sartorem, & Sarcinatorem: ^(r) Sartorem, agrum Sarrientem: ⁽ⁱ⁾ Sarcinatorem, vestes Sarcientem.

548 Inter Similem, & Simulantem: Similem, talem: Simulantem, talem mentientem.

549 Inter Strenuum, & Externum: Strenuum, fortem: Externum, extraneum dicimus.

550 Inter Statum, & Staturam: ^(t) Statum, quæstionem, vel scenicam vestem: Staturam, quantitatem cujusque rei.

551 Inter Scripturam, & Lectionem: ^(u) Lectio in opere est: Scriptura in affectu, vel picturâ.

De Littera T.

552 **I**nter Terram, & Tellurem, & Humum: ^(a) Terra, squallida est, & inculta: Tellus, fructifera: Humus autem, inferior, & deorsum, & ^(b) humida. Unde & humati, sepulchri. Generaliter autem ubique Terra, est, non ubique Humus. Et in parietibus Terra est, hoc est, in lateribus, & non est Humus. Humus autem terra humida est, & ab humore vocata: sicut & Terra, quod naturali siccitate

torreat: Sicut & Tellus, quod ^(c) fructus ejus tollimus.

553 Inter Temperantiam, & Temperationem sic discernitur: ^(d) ut Temperantia animorum sit: Temperatio rerum.

554 Inter Timentem, & Timidum: ^(e) Timidus est, qui semper timet: Timens verò, qui ad tempus formidat ex causa. Tali intellectu distinguuntur pavidus & pavens, providus & providens, superbus & superbiens, languidus & languens, furibundus & furens, & cætera similia.

555 Inter Tremulum, & Trementem: Tremulus, est naturâ: Tremens, tempore.

556 Inter ^(f) Temeritatem, & Audaciam: Temeritas, sine consilio dicitur: Audacia, post consilium.

557 Inter Tum, & Tunc: ^(g) Tum, temporis est futuri: Tunc, præteriti.

558 Inter Tribuere, & Attribuere: Tribuimus, quum aliquid donamus: Attribuimus, dum ordines, officiaque distribuimus.

559 Inter Tulit, Abstulit, & Sustulit: Tulit, qui fert: Abstulit, qui ab alio tulit: Sustulit, qui sursum tulit.

560 Inter Tumidum, & Turgidum: Tumet corpus ægroti. Turget cadaver.

561 Inter Testor, Contestor, & Ob-

^(r) Ex Non. videtur diſſ. Sartores.

⁽ⁱ⁾ C. Fronto. Sarcinatrix, quæ sarcinas servat.

^(t) Interpretes Terentii ad. 3. scen. 5. Eunuch. Statura corpori adscribitur: status ad habitum refertur. Ergo status est ὕψος; statura longitudo corporis: pro quæstionem autem, malim quæstionis, aut quæstionum. Porro dictiones scenicam vestem forte in σχῆμα contrahenda: legendusque locus: statum quæstionis, vel schema: aut, statum quæstionis, vel schema, sive vestem. Vid. Aſcon. Padian. in 3. Oration. contra Verrem.

^(u) Quid si legamus, Inter scripturam, & scriptionem: Scriptio in opere, scriptura in affectu, u. p?

T

^(a) Etymolog. lib. 4. cap. 5. Varr. 4. de Ling. Lat. diſſ. Terra.

^(b) Al. Humida tellus.

^(c) Al. Fructum.

^(d) Ex Agri. qui addit temperies ventorum.

^(e) Ex Serv. ad ill. eclog. 7. Timidisque supervenit Ægle.

^(f) Vide supra.

^(g) Al. Tum temporis est præsentis, tunc temporis futuri est.

Obtestor: ^(b) Testor sæpenuerò ad iurandum pertinet, ut Virgilius— per sidera testor: Contestor autem ad Iudices: Obtestor ad adversarios.

562 Inter Terga, & Tergora: ⁽ⁱ⁾ Terga sunt hominis, quòd singularitèr Tergum facit: Tergus verò quadrupedum est. Undè pluralitèr tergòra coria dicuntur.

563 Inter Tumultum, & Bellum: Bellum est contra hostes exortum: ⁽ⁱ⁾ Tumultus verò, domestica appellatione concitatus. Hic & Seditio nuncupatur. Nàm Seditio est ⁽ⁱ⁾ discessio civium. Quòd enim seorsum alii ad alios eunt, Seditio dicitur. Alii putant propter, dissensionem animorum, Seditionem ^(m) vocari, quam Græci diastasin vocant.

564 Inter Turbidum, & Turbulentum: Turbidum de natura est: Turbulentum fit.

565 Inter Terrenum, Terrestre, & Terrosum: Terrenum, opus dicimus: Terrestre, ut maritimum: Terrosum verò, frumenti genus arenosum.

566 Inter Tuus, & Tus: Tuus pronomen est: Tus verò pigmentum.

567 Inter Tempore, & Tempori: Tempore, ablativo casu: Tempori, adverbium est.

568 Inter Tuum, & Tum: Tum adverbium est: Tuum pronomen.

569 Inter Tristitiam, & Mœstitiā: Mœstitia cordis est: Tristitia vultus. Mœstum ergò, vel mœrentem animo dicimus: Tristem aspectu. Itèr

Mœstitia temporis est, & fit aliquandò ex aliquo accidenti dolore. Tristitia verò, vitium naturæ perpetuum est.

De Littera V.

570 **I**Nter Vetus, & Antiquum: ^(a) Vetus annis enumeratur: Antiquum seculis.

571 Inter Virtutem, & Fortitudinem: Virtus in animi vigore, & habitu est, cujus pars est fortitudo mentis. Quæ ex quatuor virtutibus una est: licet & corporis robur, fortitudo vocetur.

572 Inter Vecordem, & Vesanium: ^(b) Vecors mali cordis: Sicut Vesanus non ^(c) probè sanus.

573 Inter Velocitatem, & Celeritatem: ^(d) Velocitas pedum est: Celeritas animorum.

574 Inter Vastitatem, & Vastitudinem: Vastitas corporis est: Vastitudo, solitudo.

575 Inter Voluptatem, & Voluntatem: ^(e) Voluntas, est desiderium nondum adeptæ rei: Voluptas verò, rei adeptæ delectatio, vel bonæ, vel malæ.

576 Inter Verbera, & Flagella: ^(f) Verbera, quodlibet genus flagellorum est. Nàm Flagella propriè virgarum sunt. Et ^(g) dicta, eo quòd flatu agitentur, & sonent.

577 Inter Valetudinem, & Infirmitatem: Valetudo, prospera esse potest, & adversa: Infirmitas semper infesta est.

In-

(b) Sic Serv. ad ill. 2. Æn. Testor numen aie.

(i) Caris. Brevius tergum hominis, tergum pecoris nominatur. Vid. Serv. ad ill. 1. Æn. Tergora discipiunt costis.

(m) Tumultus propriam significationem vide apud Serv. ad illud. 8. Æn. Ut belli signum, &c. Et illud. 7. Ipsa vocat pugnas.

(f) Al. Dissensio.

(m) Al. Vocata.

V

(a) C. Fronto sic. Antiquum est, quod excessit patrum memoriam. Vetus annorum multorum sentit utilitatem.

(b) Sic Fest. dict. Vecors.

(c) Al. Proprie sanus.

(d) Ex Agrat. qui amplius. Velocitas pedum, & corporum: celeritas animorum, atque factorum.

(e) Fronto brevius. Voluntas facto gaudet, voluptas fieri cupit, quem Isidor. velus explicavit.

(f) Etymolog. lib. 5. cap. ultimo.

(g) C. Ex Serv. ad ill. 2. Georg. Nève flagella summa pete. Etymolog. lib. 17. cap. 5. & 6.

578 Inter Vulnus, & Ulcus:

^(b) Vulnus ad animum refertur: Ulcus, ad corporis injuriam. Itē Vulnus, corporis recens plaga: Ulcus verò, inveteratum Vulnus.

579 Inter Verbum, & Sermone: Verbum unius pars orationis est, juxta Grammaticos. Nām Sermo plurimorum verborum oratio est. ⁽ⁱ⁾ Sermo autem à serendo dictus, quod nos cum præpositione dicimus à disse-
rendo. Hinc & Sermo Sancti Hilarii, & Augustini dicitur, id est, dissertio Hilarii, & Augustini.

580 Inter Ultra, & Citra: Ultra illuc, vel ampliùs: Citra, huc ad nos, intra nos.

581 Inter Ulcisci, & Vindicare: ^(k) Ulciscimur injuriam factam: Vindicamus, ne fiat.

582 Inter Videre, Aspicere, & Intueri: ^(l) Videmus naturā: Aspici-
mus voluntate: Intuemur curā.

583 Inter Veneunt, & Vendunt: Vendunt, qui venundant: Veneunt, qui venduntur.

584 Inter Volo, & Opto, & Cupio: Volo, minus est, quàm Opto: Opto, minus est, quàm Cupio.

585 Inter Unum, & Unicum: Unus, ex multis: Unicus, solus est. Solus itaque unus numeratur: Unicus intra numerum finitur.

586 Inter Unum, & Solum: Unus ad numerum pertinet: Solus è multis intelligitur.

587 Inter Uter, & Utrum: Si enim dicimus: Utrum vis, ^(m) eligere significat, aut hoc, aut illud. Uter autem accipitur pro personis: Sicūt verbi gratia: Uter vult, veniat ad me, id est, qui vult de duobus.

588 Inter Urbem, & Civitatem ita distinguit Cicero, ut ⁽ⁿ⁾ Urbem mœnia Civitatis significant: Civitas incolas Urbis. Nām ad Dolabellam sic scripsit: Liberasti Urbem à periculo, Civitatem à metu. ^(o) Urbem autem ab urbo, quem ^(p) aratrum, vel sulcum Veteres dicebant, aut ab ^(q) orbe dictam putant, cujus in se imaginem Respublica contineret. Porro Oppidum ad habitantes pertinet: Civitas ad leges: Urbs ad utrumque.

589 Inter Virum, & Hominem: Vir, ^(r) mas est, non fœmina: Homo mas est, & fœmina. Fœmina autem, naturale nomen est: generale Mulier: Speciale virgo, vel nupta, vel quæ etiam ætatis nomina accedunt.

590 Inter Vultum, & Faciem: ^(s) Facies est naturalis oris habitus, immutabilis: Vultus verò pro rerum, ac temporum qualitate varius, & ^(t) mutabilis: & secundum affectionem animi modò letus, modò tristis. Undè & ^(u) Vultuosi dicuntur, qui vultum sæpè commutant. Itaque Lucilius hæc quasi distinguens ait: Quæ facies, qui vultus viro.—Dicimus autem, & Vultum

E

rum

^(b) Agrarius. Ulcus est, quod nascitur: vulnus, quod ab alio inferitur. Et Serv. Ulcus recta, & clausa est malignitas: vulnus hians, & patens.

⁽ⁱ⁾ Etymolog. lib. 5. cap. 8.

^(k) Ex Frontone, qui ita. Ultio, vindicat factum: Vindicta, vel vindictio futura prohibet.

^(l) Ex Frontone, in quo tamen pro aspicere, & aspiciamus, rectius est spectare, & spectamus, nām aspicere ex impro-
viso, idem auctor docet.

^(m) Lego elige.

⁽ⁿ⁾ Ex Serv. ad ill. 2. Æn. Festa velamus fronde. per Urbem. Vid. Non. distionibus. Inter Urbem, & Civitatem. Al.
Ut Urbe mœnia Civitatis significet, Civitate incolas Urbis.

^(o) Serv. ad ill. 1. Æn. Urbs antiqua fuit: & Donat. ad ill. 5. Urbem designat aratro.

^(p) Pars aratri non aratrum, neque sulcus, sed quod sulcus fit, melius, distinctiusque ipse lib. Etymolog. 15. cap. 2.

^(q) Servius loco citato ab Orbe, quod antiqua Civitates in Orbem fiebant.

^(r) Vir maris, non fœminæ: homo, maris & fœminæ, m. s. mendose.

^(s) Ex veteribus Terentii interpretibus ad. 1. scen. 1. Æn. in quibus tamen pro facies, forma est. Vid. Non. d. fa-
cies, & potissimum dict. vultus, & facies, & Serv. ad ill. 1. Æn. Tu faciem illius.

^(t) Al. Commutabilis.

^(u) Non. dist. Vultuosum.

tum Coeli, & Vultum ^(*) maris. Quia & mare sæpè in varios motus, ventorum flatibus mutatur: & Coeli vultus ex luce in tenebras, & ex sereno in nubilum commutatur: sicut & hominum cum mentibus vultus.

591 Inter Virginem, & Viraginem: Virgo est, quæ virum nescit: Virago autem, quæ virum agit, hoc est, opera virilia facit. Non autem solum Virgines, Viragines, sed & corruptæ mulieres, quæ virilia faciunt, Viragines rectè dicuntur.

592 Inter Vivum, & Viventem: ⁽¹⁾ Vivum, de victuro dicimus: Viventem, de morituro.

593 Inter Ve, & Que: Ve, distinguit: Que, conjungit.

594 Inter Væ, & Ve: Ve sine a, conjunctio conjunctiva est: Væ cum a, interjectio dolentis est.

595 Inter Vocem, & Sonum: Vox est, hominis: Sonus, crepidinis.

596 Inter Uvidum, & Humidum: ⁽²⁾ Humidum est, quod extrinsecus habet aliquid humoris: Uvidum verò, quod intrinsecus: Undè, & Uvæ dictæ.

597 Inter Valles, & Convalles: ^(a) Valles sunt depressa ^(b) loca camporum: Convalles, montium intervalla.

598 Inter Undam, & Aquam: ^(c) Unda semper in motu est: Aqua verò, stativa. Porro Imbres nubium sunt, Latices fontium. Nam Latex propriè, liquor fontis: & ^(d) dictus, quod in venis terræ lateat.

599 Inter Vicum, & Viam, &

Plateam: ^(e) Vici, dicuntur ipsæ habitationes in Urbibus: Viæ autem, spatia angusta, quæ inter Vicos sunt, quarum perpetuas & latiores, Plateas vocamus. Nam Platea juxta proprietatem Linguae Græcæ, à latitudine nomen accepit.

600 Inter Viridia, & Virentia: Viridia sunt ligna: Virentia sunt campi, vel ^(f) prata.

601 Inter Visus, & Visos: Visos, participia dicta: Visus, nomina appellativa.

602 Inter Virum, & Virus: Virum, hominem: Virus, venenum dicit.

603 Inter Vivit, & Bibit: Vivit, de vita: Bibit, de potione.

604 Inter Vincitum, & Victum: Vincitum, vinculus: Victus, superatus.

605 Inter Vis, & Bis: Vis, quæ ad voluntatem pertinet: Bis, duabus vicibus.

606 Inter Ullam, & Ollam: Ullam, aliquam: Ollam, vas.

607 Inter Vallum, & Murum: ^(g) Non quod Murus, etiam Vallum: Nam utique, quod Vallum, Murus est.

608 Inter Vagire, Mugire, & cætera: Infans Vagit, bos Mugit, Equus Hinnit, Asinus ^(h) Ragit, vel Rudit: Leo Rugit, Elephas Barrit, Sus Grunnit, Ovis Balar, Serpens Sibilat, Rana Coaxat, Corvus Crocitat, Grus Arsat, Milvus Jugit, Canis Baubat, vel Latrat, Vulpes Gannit.

In-

(*) *Æneid.* 5. Mene salis placidi vultum, fluctusque quietos ignorare jubes? Et ibi *Serv.*

(1) *Ex Agratio.*

(2) *Ex Serv.* ad ill. 10. *Eclog.* Uvidus hyberna venit de glande Menalcas.

(a) *Etymolog. lib.* 14. cap. 8. *Fest. dict.* Convallis.

(b) *Al. Colla.*

(c) *Lib.* 13. *Etymolog.* cap. 20.

(d) *A lapsu. Fest. dict.* Latex.

(e) *Etymolog. lib.* 15. cap. 2. *dict.* vicus, & *dict.* Platea.

(f) *Al. Prati.*

(g) Ragit vel, *puro glossæ.* Vide nomen Ovidio attributum de variis animalium vocibus.

609 Inter Vesperescit , & Vesperascit : Vesperescit , id est , serò fit : Vesperascit , Sol ad Occasum declinat.

610 Inter Viperinum , & Viperum : Viperinus , Pullus : Vipereus , ad similitudinem Serpentis.

De Littera Z.

611 **I**nter Zelum , & Invidiam : Zelus , interdùm & in bonam partem accipi potest : Quum quis nititur ea , quæ meliora sunt æmulari : Invidia verò , ut dictum est , aliena felicitate torquetur , & in duplicem scinditur passionem : quum , aut quod ipse est , aliud esse non vult : aut alium videns esse meliorem , dolet , se non esse consimilem. Pulchrè autem quidam ^(a) Græcum versum transferens elegiaco metro , de Invidia lusit dicens :

Justius Invidiâ nihil est , quæ protinus ipsum.

Auctorem rodit , excruciatque animum.

^(b) Invidiæ autem nomen dictum est à nimis intuendo ^(c) felicitatem alterius , ut est illud : ^(d) Quisnam florem Invidit meum ?

IDEM DIFFERENTIARUM,

SIVE DE PROPRIETATE

SERMONUM , LIBER.

Ex Parisiens. Editione.

DIFFERENTIA PRIMA.

Inter Polliceri , & Promittere hoc interest : quòd Promitti-

mus , rogati : Pollicemur , ultrò.

2 Inter Nullum , & Neminem hoc interest : quòd Nullus , potest ad aliquid referri : Nemo , ad hominem : & est Nemo , quasi nèc homo.

3 Inter Intùs , & Intrò hoc interest : quòd Intrò eo , Intùs sum , Foris sum , Foràs eo.

4 Inter Lustra , productè , & Lustra correptè hoc interest : quòd Lustra sunt , certa tempora : Lustra , latibula feratum , vel turpium hominum receptacula.

5 Inter Servitium , & Servitutum hoc interest : quòd Servitus , necessitas serviendi : Servitium , dicimus munus servitorum.

6 Inter Terminum , & Finem hoc interest : quòd Terminus non sine manu ponitur : Finis , vel sermonis , vel voluntatis , vel cujusque rei intelligi potest.

7 Inter Asperum , & Feroce hoc interest : quòd Asper , ad tempus : Ferox , à nativitate.

8 Inter Flumen , & Fluvium , Amnem , & Torrentem hoc interest : quòd Flumen , à fluere dicitur : Fluvius , à temporali aqua est : Amnis , ab amœnitate cognominatur , quasi amœnus : Torrens , qui hyeme intumescit , & imbribus , nivibusque completur.

9 Inter Innocentem , & Innoxium hoc interest : quòd Innocens sanctitate morum intelligitur : Innoxius , qui non habet nocendi voluntatem.

10 Inter Generosum , & Nobilem hoc interest : quòd Generosus , nascitur : Nobilis , opibus fit.

E 2

In-

(a) Cujus Auctoris incertum.

(b) Cic. Tusc. 3.

(c) Fortunam, Cicer.

(d) Atili ex Menalippo, sed de truncatus versus, qui apud Ciceronem ita legitur: Florem quisnam liberum invidit meum. Apud Non. diſſ. Invidiæ. Unde aut quis mortalis florem liberum invidit meum. Truchitius memoris.

11 Inter Regium, & Regem hoc interest: quòd Regius, puer regalis est: Rex, qui regit Regnum.

12 Inter Dementem, & Amantem hoc interest: quòd Amens, in totum caret mente: Demens, partem retinet, dictus quasi diminuta parte mentis.

13 Inter Pecudes, & Pecora hoc interest: quòd Pecudes, tantum oves accipimus: Pecora autem mixtura omnium animalium est.

14 Inter Monstrare, & Demonstrare hoc interest: quòd Monstramus, semel: Demonstramus, sæpius.

15 Inter Divitem, & Honestum, Pecuniosum, Beatum, Locupletem, & Opulentum hoc interest: quòd Dives, auro, argentoque: Honestus, moribus dicitur: Pecuniosus, à pecoribus dicitur: Beatus, ab animo: Locuples, ab eo quòd oculis plenus: Opulentus, omnibus his plenus, tanquam opibus eminens.

16 Inter Palam, & Coram hoc interest: quòd Palam, hominum præsentiam notat: Coram, personam accipere desiderat.

17 Inter Album, & Candidum hoc interest: quòd Album naturale est: Candidum cura facit.

18 Inter Sensus, & Intellectum hoc interest: quòd Sensus naturale est: Intellectus, à re obscura.

19 Inter Exanimum, & Inanimum hoc interest: quòd Exanimus vitâ privatus est: Inanimus, nunquam habet animam.

20 Inter Imbrem, Nimbum, & Pluviam hoc interest: quòd Imber, à Græca significatione descendit, quasi umbrosum, qui summâ vi cadit, & citò descendit: Pluvia est, quam impulsu ventorum nubes expriment: undè & plorare est dictum, cum coacta dolore lacrymæ exprimentur.

Nimbus, etiam erumpit, ut aliquam partem minorem occupet Coeli, majorem serenam relinquit.

21 Inter Sanguinem, Cruorem, & Saniem hoc interest: quòd Sanguis dicitur, cum intra corpus est, dictus quòd nos sanciat, id est, contineat: Cruor, confusus ideò dictus, quòd corruiere cogat: Sanies, corpus putre.

22 Inter Terga, & Tergora hoc interest: quòd terga, hominum sunt: Tergora, animalium. Numero singulari, hominis Tergum dicimus, animalis Tergus.

23 Inter Mi, & Mihi hoc interest: quòd Mi, pronomen est simplex: Mihi, compositum, vel Mi, vox affectus, & casum vocativum semper desiderat.

24 Inter Tum, & Tunc hoc interest: quòd Tum, ordinis habet significationem: Tunc, temporis.

25 Inter Iram, & Iracundiam hoc interest: quòd Ira, ad tempus: Iracundia, continetur in corde.

26 Inter Noctu, & Nocte hoc interest: quòd Noctu, sic dicitur, quomodo interdium, & significat aliquam partem noctis: Nocte autem, totam noctem intelligimus.

27 Inter Fari, Loqui, Sermocinari, & Narrare hoc interest: quòd Famur, cum aliquid dicimus facundè: Loquimur, naturâ: Sermocinamur, quando contra aliquem sermone contendimus: Narramus, doctè.

28 Inter Tenere, Sumere, & Accipere hoc interest: quòd Teneamus, quæ sunt in nostra potestate: Sumimus posita: Accipimus, data.

29 Inter Aspicere, Suspiciere, Inspicere, Prospicere, Despicere, Intueri, Videre, Spectare, & Visere hoc interest: quòd nos Aspicimus, casu: Suspiciamus, in superiorem Patrem, vel veneramus: Inspiciamus, judicatur: Pros-

Prospicimus, quæ longè sunt : Despicimus, inferiorem partem : vel languidam. Intuemur, cum causa : Videmus, naturâ : Visimus, experta.

30 Inter Furorem, & Insaniam hoc interest : quòd Furor, vitium temporis est : Insania, perpetua.

31 Inter Alium, & Alterum hoc interest : quòd Alius, à multis : Alter, à duobus.

32 Inter Scelus, & Facinus hoc interest : quòd Scelus, crimen est : Facinus, etiam in laude rectè dicitur : Sallustius dicit bonum facinus.

33 Inter Dona, & Munera hoc interest : Quòd Dona, Deo dantur : Munera, hominibus tribuuntur. Et Munera, quibus homines, id est, milites officio funguntur, quæ quidèmunia vocantur.

34 Inter Vestem, & Vestimentum hoc interest : quòd Vestes, foeminarum dicuntur : Vestimenta, virorum.

35 Inter Humidum, & Uvidum hoc interest : quòd Humidum, omnino permaduit : Uvidum, quod ad medium usque pervenit.

36 Inter Vetus, & Vetustum hoc interest : quòd Vetus, novo comparatur : è contrario Vetustum, ad antiquitatem refertur.

37 Inter Terrere, & Deterrere hoc interest : quòd qui Terret, timere cogit : qui Deterret, prohibet perseverare.

38 Inter Solum, Unum, Solitarium, & Unicum hoc interest : quòd Solus, qui à cæteris relictus : Unus, initium multorum agit : Solitarius, qui semper sine cæteris vivit : Unicus, habetur solus, propter inopiam aliorum.

39 Inter Aphæresin, Syncopen, & Apocopen hoc interest : quòd sola Aphæresis, ex prima parte vocis fit,

litteras, & syllabas detrahens : ut, si genus humanum, & mortalia temnitis arma : pro contemnitis. Syncope, mediam perdit : ut, apparent rari nantes, pro natantes. Apocope, ex ultima fit, ut, domus luxu instruitur, id est, luxuria.

40 Inter Solœcismum, & Barbarismum hoc interest : quòd Solœcismus, in sensu fit : Barbarismus, in voce.

41 Inter Relictum, & Desertum hoc interest : quòd Relinquimus, voluntate : Deserimus, inviti.

42 Inter Misereri, & Miserari hoc interest : quòd Miseremur, cum eodem tempore, & de alicujus casu dolet nobis, & subvenimus laboranti : Miserari, est consolari tantum, & intra affectum doloris esse.

43 Inter Orare, & Precari hoc interest : quòd Orare dicitur, quoniam oris ratio dicitur, & qui Orat, etiam Precatur : qui rogat, deprecatur : non utique qui Precatur orat, quia etiam imperiti, ad preces descendunt.

44 Inter Nescire, & Ignorare hoc interest, quòd qui Nescit, omnium notitia caret : qui Ignorat, aliquid nescit.

45 Inter Legatum, & Oratorem hoc interest : quòd Legatus, electus est ad officium à Civitate, & est sacrosanctus : Orator, ad orandum missus, ut oris oratione exponat, quod petit.

46 Inter Tardum, Pigrum, Inertem, & Segnem hoc interest : quòd Tardus dicitur, qui trahit tempus : Iners, sine arte nullius officii capax : Piger, per omnia ægro similis : Segnis, emotus est à colore.

47 Inter Natum, & Gnatum hoc interest : quòd Natus particulariter à verbo nasci : Gnatus dicitur filius à generatione.

48 Inter infamem, & Famosum hoc interest : quòd Famosus, tam in bona cogitatione, quàm in mala : Infamis, tantùm in mala.

49 Inter Juventutem, & Juventam hoc interest : Juventus dicitur multitudo juvenum : Juventa, unius ætas, vel etiam Dea juventutis.

50 Inter Decus, & Decorem hoc interest : quòd Decus ad virtutem refertur : Decor, ad corpus.

51 Inter Suprà, & Super hoc interest : quòd Super est, quod eminet : Suprà, quod aliquid substratum habet.

52 Inter Metum, Timorem, & Pavorem hoc interest : quòd metus futura prospicit : Timor subita mentis consternatio est : Pavor autem, motus. Indè etiam pavidà jumenta dicimus.

53 Inter Omnes, Cunctos, & Universos hoc interest : quòd Omnes quorum mentio est : Cuncti, qui ubique sunt : Universi, qui in uno loco versi.

54 Inter Undam, & Aquam hoc interest : quòd Unda, copiosa aqua est : Aqua est, naturalis.

55 Inter Tacère, & Silère hoc interest : quòd qui desinit loqui, Silet : & qui non coëpit, Tacet.

56 Inter Auxilium, Præsidium, & Subsidiu hoc interest : quòd Auxilium laborantibus mittitur : Præsidium præparatur : Subsidiu servatur, ut cùm exegerit necessitas, detur.

57 Inter Insequi, & Consequi hoc interest : quòd Amicum consequimur præcedentem : Insequimur inimicum.

58 Inter Principium, & Initium hoc interest : quòd Principium, totius corporis est : Initium, quasi primum.

59 Inter Simulare, & Dissimulare hoc interest : quòd Simulamus,

quod nescimus, & negamus nescire : Dissimulamus, quæ scimus.

60 Inter Simul, & Simitum hoc interest : quod Simul, ut una res pariter clareat : ut Simul legimus, Simul scribimus. Simitum, lucri recipit significationem, quasi similitum.

61 Inter Scelestum, Sceleratum, & Scelerosum hoc interest : quòd Sceleratus, suo scelere, vel alieno contaminatus : Scelestus, scelerum cogitator : Scelerosus, quasi insidiosus, periculosus, * vel totus dies, vel animus propter arduitatem.

62 Inter Reliquos, & Cæteros hoc interest : quòd Reliquos, dicimus relictos ex omnibus : Cæteros, quos nescimus.

63 Inter Redibidum per b. litteram, & Redivivum per v. litteram hoc interest : quòd Redibidum est, quod nascitur : Redivivum, quod reviviscit.

64 Inter Patrium, & Paternum hoc interest : quòd Patrium, à Patria venit : Paternum, à Patre.

65 Inter Pometa, & Pomaria hoc interest : quòd Pomaria, vaga dicimus, sicut olearia, & ficaria : Pometa, quasi malera, ficeta, & olea.

66 Inter Ægrum, & Ægrotum hoc interest : quòd Æger, animo : Ægrotus, corpore.

67 Inter Prior Venit, & Antè Venit hoc interest : quòd Prior, ad dignitatem : Antè, ad tempus refertur.

68 Inter Inficere, & Officere hoc interest : quòd Officit, qui nocet : Inficit, qui lanam aut alia inficit.

69 Inter Contingere, Accidere, & Evenire hoc interest : quòd Contingunt bona : Accidunt mala : Eveniunt utraque.

70 Inter Grates, & Grantias hoc interest : quòd Grates referimus : Grantias agimus.

71 Inter Oleas, & Olivas hoc interest: Olivas, ipsum fructum dicimus, undè fit Oleum. Oleas, arbores dicimus, undè fiunt Oliveta.

72 Inter Nixus, & Nisus hoc interest: quòd Nixus ad corpus refertur: Nisus ad animum, id est, conatus.

73 Inter Nefandum, & Nefarium hoc interest: quòd Nefarius, à præteritis intelligitur, Nefandus, in opere.

74 Inter Nutrit, & Nutricat hoc interest: quòd Mulier nutrit: Nutricat nutritius.

75 Inter Maritimum, & Marinum hoc interest: quòd Maritimum proximum mari: Marinum ex ipso mari.

76 Inter Laniat, Lacerat, & Lancinat hoc interest: quòd Laniat, qui membratim distendit: Lacerat, qui partibus suis membra destituit: Lancinat, qui inutilitèr membra discerpit.

77 Inter Patulum, & Patens hoc interest: quòd Patulum, claudi, vel tegi non potest: Patens, quòd cum reseratum fuerit, iterum claudi potest.

78 Inter Guttam, & Stillam hoc interest: quòd Stilla cadit: Gutta stat.

79 Inter Delictum, & Peccatum hoc interest: quòd Delinquimus, cum jussa salubria non adimplemus: Peccamus, cum ea, quæ jubentur non agi, præsumimus agere.

80 Inter Incolam, Accolam, & Advenam: hoc interest: quòd Incola est, qui propriam terram, in qua natus est, excolit: Accola, qui terram nativitatis suæ, sed alienam colit: Advena, qui de sua terra in alienam venit.

81 Inter Hesternum, & Exter-

num hoc interest: quòd Hesternum, ab hesterna die dicitur: Externum verò, extraneum. Nam multi imperitorum externa dies dicunt, quod non admittitur.

82 Inter Baltea, & Balteos hoc interest: quòd Baltea, ipsa lora significamus: Cæteros Balteos, dicimus.

83 Inter Bibere, & Ebibere hoc interest: quòd Bibit, qui aliquid relinquit in poculo: Ebibit, qui totum exhaurit.

84 Inter Geminatum, Junctum, & Duplicatum quid intersit, quamvis acutè intelligentibus breviter exposuerimus, tamèn sub exemplis latius doceamus. Geminatum est, quod ex duabus rebus similibus constat, ut Cicero: gemina audacia. Junctum est, quod ex duabus rebus paribus constat, ut Virgilius: Jungentur jam gryphes equis. Duplicatum est, cum una res bis ponitur: Ingens ad terram duplicato poplite.

85 Inter Declive, & Declive hoc interest: quòd Declinus, Sol: Declivus, locus. Sic intelligendum est, Adcline, Adclive: ut Adclivus homo: Adclivus locus, ex hoc acclivum dicitur.

86 Inter Commentarios, & Commentaria hoc interest: quòd Commentarii, libri: Commentaria, volumina dicunt.

87 Inter Primum, & Priorem hoc interest: quòd Primus, è multis: Prior, ex duobus. Sic inter Postremum, & Posteriorem observabis.

88 Inter Disertum, & Desertum hoc interest: quòd Disertus, orator dicitur, Desertus, derelictus.

89 Inter Dilatorem, & Delatorem hoc interest: quòd Delator est, qui defert ad accusandum: Dilator, qui differt ad proferendum.

90 Inter Adversum, & Adversus

sus hoc interest : quòd Adversum te, adversarius : Adversus te, mutator.

91 Inter Pauperiem, & Paupertatem hoc interest : quòd Pauperies, damnum est : Paupertas, qui nihil habet.

92 Inter Exprobrare, & Obprobrare hoc interest : quòd Exprobrat, qui proprium objectat vitium: Obprobrat, qui maledictum infert.

93 Inter Accersire, & Arcesire hoc interest : quòd Accersit, qui evocat : Arcesit, qui accusat.

94 Inter Acervum, & Acerbum hoc interest : quòd Acervus, moles est : Acerbus, immaturus, & asper.

95 Inter Labrum, & Labium hoc interest : quòd Labrum, superius : Labium, inferius dicitur.

96 Inter Toga, Tuga, Tuba, & Tufa hoc interest : quòd Toga, vestimentum est : Tuga, quâ aqua deducitur : Tuba, quâ clangitur : Tufa, lapis, qui ex aqua coagulata efficitur, quod tufum dicimus.

97 Inter Comosum, & Comatum hoc interest : quòd Comosus, à comæ usu dicitur : Comatus, naturâ : ut comata Gallia.

98 Inter Certò, & Certiùs hoc interest : quòd Certò, est à certus : & Certiùs, à certè.

99 Inter Cæcitudinem, & Cæcitatem hoc interest : quòd Cæcitas, ipsa tanquàm viâ ceritas, & calamitas dicitur : Cæcitudo, autem, affectio: ut lippitudo dicitur.

100 Inter Castimoniam, & Castitatem hoc interest : quòd Castimonia, quasi cæremonia dicitur : Castitas autem tantum corporis.

101 Inter Copias, & Copiam hoc interest : quòd Copias, exercitus significatione dicimus : Copiam autem, rerum.

102 Inter Circum, Circa, & Circiter hoc interest : quòd Circum, ad tempus : Circa, ad locum : Circiter ad numerum refertur.

103 Inter Fidum, & Fidelem hoc interest : Famulus, dicitur fidus: Amicus fidelis.

104 Inter Illius similis, & Illi similis : hoc interest : quòd Illius similis moribus : Illi similis vultu.

105 Inter Flemma, & Plemma hoc interest : quòd Flemma sit, cum crura abundant sanguine : Plemma, cum in manibus, vel pedibus callosis sulci nascuntur.

106 Inter Mammæ, & Ubera hoc interest : quòd Mammæ hominum : Ubera, pecorum accipiuntur.

107 Inter Avena sine aspiratione, & Habena per aspirationem hoc interest : quòd Avena, germen est sterile: Habenæ, retinacula jumentorum.

108 Inter Donum, & Munus hoc interest : quòd Donum, dantis: Munus, accipientis. Illud, à dando, istud, à muniendo.

109 Inter Arguere, & Coarguere hoc interest : quòd Coarguere, coercere, vel compescere est : Arguere, ostendere, vel patefacere, ut Virgil. Degenères animos timor arguit. Undè & argumenta dicuntur, quæ causam ostendunt.

110 Inter Afficere, & Adficere hoc interest : quòd Afficimur, honore : Adficimur, morte vel injuria.

111 Inter Advocatum, Invocatum, & Evocatum hoc interest: quòd Advocatur, daturus patrocinium: Invocatur, præstaturus auxilium: Evocatur, præbiturus obsequium.

112 Inter Inluviem, & Ingluviem hoc interest : quòd Inluvies, sordium : Ingluvies, ventris. Illud, à non lavando : hoc, ab inglutiendo dictum.

113 Inter Commonere, Admonere, & Monere hoc interest: quòd Commonemus præterita: Admonemus præsentia: Monemus futura.

114 Inter Temeritatem, & Audaciam hoc interest: quòd Temeritas, sine consilio dicitur: Audacia, post consilium.

115 Inter Velocitatem, & Celeritatem hoc interest: quòd Velocitas pedum, & corporum dicitur: Celeritas, animorum, atque factorum.

116 Inter Vivum, & Viventem hoc interest: quòd Vivus, de vivente: Vivens, de morituro.

117 Inter Nasci, & Enasci hoc interest: quòd nascitur, quod de utero decit: Enascitur, quod de terra, aut aqua exurgit.

118 Inter Abducere, Perducere, & Deducere hoc interest: quòd Abducimur, à re inhonesta: Perducimur ad studia: Deducimur ad honorem.

119 Inter Eluxit, & Illuxit hoc interest: quòd Eluxit, qui lutum disposuit: Illuxit, qui cum lumine apparuit.

120 Inter Nuntiare, Denuntiare, & Renuntiare, ac Adnuntiare hoc interest: quòd Nuntiat, de longinquo: Denuntiat, in præsentia: Adnuntiat, de futuro: Renuntiat, de excusando, & repudiando.

121 Inter Conscribere, Exscribere, Transcribere, Inscribere, Adscribere, Describere hoc interest: quòd Conscribere, unà simul scribere est: Exscribere, scripturas transferre: Transcribere, cum jus nostrum ad alium transit: Inscribere, accusationis: Adscribere, assignationis: Describere, dictionis, vel ordinis. Scribere verò, verbum imperfectum est.

122 Inter Extruere, Instruere, Adstruere, Construere, Struere hoc

interest: quòd Extruere, est in altum proficere: Instruere, aciem, vel actionem: Adstruere, affirmare: Construere struendo conjungere: Struere reliqua super posita subter struere.

123 Inter Consuescere, Insuescere, & Adsuescere hoc interest: quòd Suescimus, bona: Insuecimus, mala: Adsuescimus utraque.

124 Inter Fungi, & Defungi hoc interest: quòd Fungi, agere est: Defungi, peragere est. Unde & mortui Defuncti vocantur, eò quòd peregerunt vitæ istius cursum.

125 Inter Adolescere, Inolescere, & Exolescere hoc interest: quòd Adolescere, augmentum est: Inolescere, coaugmentum: Exolescere, evanescendi.

126 Inter Deportare, Adportare, Comportare, & Exportare hoc interest: quòd Deportare, & Adportare, aliquid adferre est: Comportare, in unum locum conferre: Exportare, tollere.

127 Inter Temperantiam, Temperationem, & Temperiem hoc interest: quòd Temperantia, animorum est: Temperatio, rerum: Temperies, aurarum.

128 Inter Recipere, & Suscipere hoc interest: quòd Recipimus, rogati: Suscipimus, sponte.

129 Inter Arundinem, & Hirundinem hoc interest: quòd Arundo, canna est: Hirundo, Avis, quæ rignis adherere solet.

130 Inter Spirare, & Expirare hoc interest: quòd Spirare, vivere est: Expirare, mori.

131 Inter Pertinaciam, & Constantiam hoc interest: quòd Pertinacia, malæ rei dicitur: Constantia, bonæ.

132 Inter Consequi, & Assequi hoc interest: quòd Sequimur, pedibus: Assequimur, studio.

133 Inter Lætari, & Gratulari hoc interest : quòd Lætatur de nostris : Gratulamur de amicorum bonis.

134 Inter Herbosum, & Herbidum hoc interest : quòd Herbidum, locum in quo herba est, etiamsi aridus esse consuevit : Herbosum, qui herbam facillè generet, etiamsi ad tempus aridus sit. Et aquatam potionem dicimus rectè, quæ aquam aliundè recipiat. Aquosum enim locum, qui aquam ex se effundat, sic & Meracam potionem, & Merosum vinum appellamus.

135 Inter Subtèr, & Subtùs hoc interest : quòd Subtèr re aliquà superiore premitur, & conculcatur : Subtùs est, quod demissum altius non contingitur.

136 Inter Sinum, & Gremium hoc interest : quòd Sinum dicimus sinuatæ vestis receptaculum : Græmium verò, accinctæ vestis secretum.

137 Inter Largitatem, & Largitionem hoc interest : quòd Largitas, humanitatis est : Largitio, ambitionis.

138 Inter Muliebre, & Mulierarium hoc interest : quòd Muliebre dicitur, à Mulieribus factum : Mulierarium, à mulieribus ordinatum, & per viros gestum.

139 Inter Diligere, & Deligere hoc interest : quòd Diligi affectionis est : Deligi iudicii : undè & exercitus deligi jubetur.

140 Inter Commodare, & Mutuò dare hoc interest : quòd Commodamus amico pro tempore equum, vestem, servum, & similia : Mutuò autem damus pecuniam, triticum, vinum, vel cætera.

141 Inter Ligare, & Legare hoc interest : quòd Ligat quis, vinculo : Legat, Testamento.

142 Inter Loqui, Obloqui, Alloqui, & Eloqui hoc interest : quòd Loqui, hominis est : Obloqui, obrectatoris, qui objicit, aut opponit : Alloqui, hortantis, aut judicantis : Eloqui, honoris est.

143 Inter Percussum, & Percussum hoc interest : quòd Percussum corpore dicimus : Percussum animo.

144 Inter Fremorem, & Fremitum hoc interest : quòd Fremor murmur hominum est : Fremitus bestiarum.

145 Inter Flavum, Furvum, & Fulvum hoc interest : quòd Flavum, rubrum dicimus, ut Flava cæsaries : Furvum, nigrum : Fulvum nigro rubrum, ut Fulyum Leonem.

146 Inter Postulare, & Poscere hoc interest : quòd Postulatur incautè : Poscitur improbè.

147 Inter Frixum, & Frictum hoc interest : quòd Frixum à Frigore, Frictum à Frigendo dictum.

148 Inter Diutinum, & Diurnum hoc interest : quòd Diutinum est, quod diù fuit : Diurnum, quod diù duravit.

149 Inter Delitum, & Inlitum hoc interest : quòd Delitum, quia subitum : Inlitum verò lituratum.

150 Inter Damnum, Dispendium, & Detrimentum hoc interest : quòd Damnum, undè diminutum sit : Dispendium, ubi pondus absit : Detrimentum, quod à terendo nominatur.

151 Inter Dominium, & Dominatum hoc interest : quòd Dominium intelligitur, quod privati juris est : Dominatum autem, Imperii.

152 Inter Nixus, & Nisus hoc interest : quòd Nixus, in genua : Nisus à nitendo, id est, conando.

153 Inter Nubere, Enubere, & Denubere hoc interest : quòd Nubit civis civi : Enubit extraneo : Denubit,

bit , quæ in manum viri convenit.

154 Inter Noxa , & Noxia hoc interest : quòd Noxa , poena est : Noxia , ipsa culpa.

155 Inter Necessitatem , & Necessitudinem hoc interest : quòd Necessitas vim significat : Necessitudo conjunctionem sanguinis , aut animi.

156 Inter Clausum , & Obturatum hoc interest : quòd Clausum , à claustris , & clavibus dicitur : Obruratum autem , priorum foraminum sit , tanquàm aures obturatæ , non clausæ.

157 Inter Operire , Adoperire , Inoperire hoc interest : quòd Operimus operculo , Adoperimus fores : Inoperimus , cùm aliquid jacenti superponimus.

158 Inter Pometa , & Pomaria hoc interest : quòd Pometa , ubi poma nascuntur : Pomaria , in quo servantur.

159 Inter Palma , & Palmum hoc interest : quòd Palma in corpore : Palmum in mensura. Est autem hæc mensura à primo pollice , usque ad minimum digitum.

160 Inter Poplites , & Suffragines hoc interest : quòd Poplites , hominum : Suffragines , animalium.

161 Inter Præparare , & Apparare hoc interest : quòd Præparat , qui desiderium repetit parando , Apparat , qui parato adjicit , id est , accusare parat.

162 Inter Stipulationem , Restipulationem , Adstipulationem , & Constipulationem hoc interest : quòd Stipulatio , certum habet intellectum : Restipulatio , si aliquid sit factum , quod convenit : Adstipulatio , ejusdem pecuniæ , ut vel alter repetere possit : Constipulatio , conserta restipulatio , siqua dolo malo facta.

163 Inter Saturitatem , & Sati-

tatem hoc interest : quòd Saturitas , de cibo tantum : Satietas , de reliquis dicitur rebus.

164 Inter Viciniam , & Vicinitatem hoc interest : quòd Vicinia , loci esse dicitur : Vicinitas , personarum.

165 Inter Fluctuo , & Fluctuor hoc interest : quòd Fluctuo , animo , quasi fluctus ago , & huc illucque fluo : Fluctuor , fluctu feror , ideòque fluctuat mare , fluctuatur navis : sic inter luxurio , & luxurior discernendum.

166 Inter Potero , & Potuero hoc interest : quòd Potero , certum promittentis est : Potuero dubitantis.

167 Inter Hispanum , & Hispaniensem hoc interest : quòd Hispanus , natione dicitur : Hispaniensis , Massiliensis , & his similia.

168 Inter Escendere , Ascendere , Conscendere hoc interest : quòd Ascendimus , excelsa ; vel locum honoris : Escendimus , cùm in aliquid altius scandimus : Conscendimus , cùm equo vehimur.

169 Inter Uterque , & Utrique hoc interest : quòd Uterque , in singularibus : Utrique , in pluralibus dicitur.

170 Inter Pignero , & Pigneror hoc interest : quòd Pigneror , animum tuum : Pignero , cùm pignus tuum capio.

171 Inter Mereor , & Mereor hoc interest : quòd Mereor , pro merito servitii : Mereor pro opere mercedis : sic rumino , ruminor , & his similia.

172 Inter Laurum , & Lauream hoc interest : quòd Laurus , est ipsa arbor : Lauream , corona , vel virga.

173 Inter Cæruleum , & Cæruleum hoc interest : quòd Cæruleum dicimus , sicut aurum : Cæruleum , ex cæruleo , quasi argentum.

174 Inter Imum , & Infimum hoc

in-

interest : quòd Imus , loco : Infimus , ordine.

175 Inter Curam , & Diligentiam hoc interest : quòd Cura , cruciatum habet , qui commoveat : Diligentia , rerum administratio.

176 Inter Vires , & Virtutes hoc interest : quòd Vires , corporis sunt : Virtutes animi.

177 Inter Animam , Animum , Spiritum , & Mentem hoc interest : quòd Anima est , quâ vivimus : Animus , quo regimur : Spiritus , quo spiramus : Mens , qualitas , quæ bona , aut mala potest referre ad cogitationem.

178 Inter Grave , & Ponderosum hoc interest : quòd Grave , secundum ferentis qualitatem : Ponderosum , naturâ.

179 Inter Ultorem , & Vindicem hoc interest : quòd Ulciscimur , acceptâ injuriâ : Vindicamus , nè accipiamus.

180 Inter Fallacem , & Pellacem hoc interest : quòd Fallax , infidelis dicitur : Pellax , in verbis , ab appellando , id est , per se loquendo.

181 Inter Immolare , & Macâtare hoc interest : quòd Immolare , dicitur , cùm moles in caput injecta est : Macâtatum , hoc factum , quasi magis auctum.

182 Inter Hostiam , & Victimam hoc interest : quòd Hostia perhibetur tunc , cùm Dux in hostes proficiscitur : Victima , cùm vincit , sicût Ovidius in Fast. Victima , quæ dextra habet.

183 Inter Eruere , & Diruere hoc interest : quòd Eruuntur , latebræ : Diruuntur , eminentia.

184 Inter Nequicquam , & Nequaquam hoc interest : quòd Nequicquam , frustrâ : Nequaquam , non , significat.

185 Inter Iter , & Itiner hoc interest : quòd Iter , quo imus : Itiner , avia dicitur.

186 Inter Proprium , & Propius hoc interest : quòd Proprium , dominii est : Propius , autem loci.

187 Inter Vereor , & Revereor hoc interest : quòd Vereor , ad metum refertur : Revereor , ad affectum.

188 Inter Liberos , & Filios hoc interest : quòd Filii , masculino genere ponuntur : Liberi , in utroque sexu : & quòd Filii , in numero singulari vocari possunt. Nemo enim dicit , qui habet filium , unum Liberum habeo. Itèm , quòd Filii promiscuè omnis conditionis intelliguntur , tam ingenui , quàm servi , Liberi non dicuntur , nisi ingenui.

189 Inter Dulce , & Suave hoc interest : quòd Dulce , idem potest esse , quod Suave ; non utique Suave , quod Dulce. Dulce enim mel dicimus , & Suave acetum , quod Dulce non est.

190 Inter Bellum , & Avellum hoc interest : quòd Bellum , inter exterar gentes : Avellum , inter cives dictum , quod avellantur populi in duas partes.

191 Inter Exemplum , & Similitudinem hoc interest : quòd Exemplum , historia est : Similitudo , approbatio.

192 Inter Divinationem , & Divinitatem hoc interest : quòd Divinitas ad potentiam numinis refertur : Divinatio , futurorum præscios facit.

193 Inter Vim , & Virtutem hoc interest : quòd Virtus , hortari est : Vis , injuria.

194 Inter Rogum , & Pyram hoc interest : quòd Rogus , defunctis paratur : Pyra , sacrificiis.

195 Inter Arma , Armamenta , & Tela hoc interest : quòd Arma sunt , quibus corpora nostra in bello teguntur :

tur : Armamenta , navium : Tela, missibilia , ut jacula.

196 Inter Virum , & Masculum hoc interest : quòd Vir, specie intelligitur : Masculus, genere , & quòd Vir tribus modis intelligitur , naturâ, virtute , & nuptiis : Masculus etiam ab homine segregatur, ut in animalibus.

197 Inter Profugum , Exulem, Relegatum , & Transfugam hoc interest : quòd Profugus , quasi voluntariè reliquerit : Exul , qui damnatus expellitur : Relegatus , ad tempus : Transfuga , qui ad hostes transit.

198 Inter Altum , & Excelsum hoc interest : quòd Altum , tam in superiorem partem elatum intelligimus, quàm ad inferiora depositum : Excelsum , in superioribus tantum.

199 Inter Vim , & Vires hoc interest : quòd Vis , impetu , & injuriâ constat : Vires , ad bonum , & fortitudinem corporis referuntur : ita Vis , facit violentiam : Vires , viriosum.

200 Inter Sævum , & Crudelem hoc interest : quòd Sævus, circa verba est : Crudelis , monstratur sanguine.

201 Inter Bellum, Aciem, Prœlium , & Pugnam hoc interest : quòd Bellum dicitur totus conflictus : Acies ordinatur : Proelium committitur : Pugna geritur , & quòd Acies tam ferri , quàm oculorum est.

202 Inter Passum , & Expertum hoc interest : quòd Patimur , voluntate : Experimur , necessitate.

203 Inter Genus , & Gentem hoc interest : quòd Genus , tam hominum , quàm ferarum est : Gens ad congregationem plurium pertinet , & ab uno capite descendit : Dicimus enim , gens Gallorum.

204 Inter Terram , Tellurem , & Humum hoc interest : quòd Terra, pars mundi tertia est : Tellus , dea : Humus , locus sepulturæ dicitur , ab humando.

205 Inter Mœnia , & Ædificia hoc interest : quòd Mœnia publicorum sunt operum : Ædificia , privatorum.

206 Inter Omne , & Totum hoc interest : quòd Omne , numerositate constat : Totum , ad partes dicitur.

207 Inter Ulcus , Vulnus , & Plagam hoc interest : quòd Ulcus, per se exit : Vulnus , ferro : Plaga potest esse planus ictus : sic quòd Ulcus levitatis est : Vulnus , gravitatis : Plagæ etiam verbera vocantur.

208 Inter Sic , & Ita hoc interest : quòd Sic , quidè ostendit exempla , Ita , ad rationem refertur.

209 Inter Duos , & Ambos hoc interest : quòd Duo , numerantur : Ambo , congregantur.

210 Inter Paret , & Apparet hoc interest : quòd Paret , Imperio : Apparet , videntibus.

211 Inter Pullum , & Nigrum hoc interest : quòd Pullum albo contrarium est : Nigrum , colore accipimus.

212 Inter Putat , Æstimat , Opinatur , Arbitratur , & Suspiscatur hoc interest : quòd Putat , qui dubitat : Æstimat , qui existimatur , quæ acta sunt , dicit : Opinatur , qui opinioni aut suæ , aut alterius credit : Arbitratur , qui dubiæ rei finem imponit : Suspiscatur , qui latentis rei prospicit formam.

213 Inter Prohibere , & Inhibere hoc interest : quòd Prohibere , est jure non habere : Inhibere , vi dicitur : & quod Inhibemus jure , prohibemus imperio.

214 Inter Ostentum , Prodigium , & Monstrum hoc interest : quòd Ostentum , sine corpore solidum novum se ostendit , & oculis , & auribus : Prodigium verò , quòd solidis corporibus prospicitur , ut in Cœlo

cometes, aut stella, & in nocte lux, interdium tenebrae: Monstrum verò, contra naturam cognitum egreditur, ut serpens cum pedibus, aut cum quatuor alis.

215 Inter Conticuere, Obticuere, & Eticuere hoc interest: quòd qui Conticuit, undiquè silentium praestitit, ut antiqui: Conticuit tandem, factoque hìc fine quievit: Obticuit, qui nullam spem reliquit: Reticuit, qui silentio responsa finivit.

216 Inter Sepulcrum, Tumulum, Monumentum, & Bustum hoc interest: quòd Sepulcrum, est locus, quo corpora sepeliuntur, & à sepeliendo dicitur: Tumulus, qui cineres tegit: Monumentum, quo sepulcrum circumdatur, dictum à munitionibus: Bustum, in quo ossa sunt, quasi bene ustum.

217 Inter Astra, & Sidera hoc interest: quòd Astra sine sidere esse possunt, & Astra fixa sunt Caelo: Sidera moventur.

218 Inter Deripere, & Diripere hoc interest: quòd Deripimus, cum è superiori parte, in inferiora rapimus: Diripimus, cum laniamus, & in diversas partes diducimus.

219 Inter Causam, & Rationem hoc interest: quòd Causa, multas habet species: Ratio, paucissimas, & quòd Ratione efficitur, Causa desideratur.

220 Inter Italum, & Italicum hoc interest: quòd Italus, homo: Italicus, arcus dicitur: Ità illud ad personam refertur, hoc ad rem.

221 Inter Devium, Inviu, Avium, & Pervium hoc interest: quòd Inviu, est sine via secretum: Devium, desertus locus: Avium, extra viam: Pervium, per quod commeat.

222 Inter Dexteram, & Dex-

tram hoc interest: quòd quidam sine causa putaverunt litteram E abundare, sequuti consuetudinem antiquam: Ut rependo, & reprehendo: Ut vemens, & vehemens: ita Dextram manum, & Dexteram, prosperam partem dici.

223 Inter Leges, & Jura hoc interest: quòd Jura, reperta sunt ab honesta consuetudine: Leges, ex iis, quæ inter nos probanda facimus: & jura, ab uniuscujusque justitia dicuntur: Leges, quòd legantur.

224 Inter Invidum, & Invidiosum hoc interest: quòd Invidus, quoniam alteri invidet: Invidiosus, cui invidetur.

225 Inter Protinùs, & Protenùs hoc interest: quòd Protinùs, est statim, continuò, adverbium temporis, Protenùs, quasi porrotenùs.

226 Inter Demitto, & Dimitto hoc interest: quòd Demittit hic, qui de alto deorsum mittit: Dimittit, qui in multas partes mittit.

227 Inter Altaria, & Aras hoc interest: quòd Altaria Deo ponuntur: Aræ etiam defunctis.

228 Inter Dimidium, & Dimidiatum hoc interest: quòd Dimidium, potest significare partem *, nisi subicias integrum nomen, sine dimidiatum, est, ut plena hora dicitur, hora integrum nomen, quasi totum, sine hora non potest esse dimidia: Ergò, aut dimidiata hora, aut dimidium horæ, Dimidium est: Dimidiatum autem, diminuta portio.

229 Inter Fiduciam, & Confidentiam hoc interest: quòd Confidentiam, est cum vitio temeritatis: Fiduciam habet, siquis honestà constantia vivit.

230 Inter Legionem, & Dilectum hoc interest: quòd Legio, dicitur ab eo, quod legantur Viri fortes, &

& utiles militiæ: Dilecta, quæ maxime diligimus, ut filii, vel cognatio patris.

231 Inter Assiduè, & Quotidiè hoc interest: quòd Assiduè, sedulitatis est: Quotidiè autem, perseverantiæ.

232 Inter Mœret, & Meretur hoc interest: quòd qui Mœret, tristis est: Meretur autem, qui ex alterius judicio parem beneficio gratiam expectat.

233 Inter Plenitudinem, & Plenitatem hoc interest: quòd Plenitudo, corporis est: Plenitas rei: ita Plenitudinem obesorum hominum: Plenitatem, variæ rei cujuslibet dicimus.

234 Inter Precor, & Deprecor hoc interest: quòd Precamur Deum: Deprecamur homines.

235 Inter Fortunam, & Felicitatem hoc interest: quòd Fortuna, non est: Felicitas, opes hominis.

236 Inter Tueor, & Tuor hoc interest: quòd Tuor, custodio: Tueor, video.

237 Inter Ludibrium, & Ludicrum hoc interest: quòd Ludibrium, in alterius injuria: Ludicrum autem, quod ipso delectamur sine cujusquam injuria.

238 Inter Stillam, & Guttam hoc interest: quòd Gutta, imbrium: Stilla, situlæ, vel aceti.

239 Inter Fidum, & Fidelem hoc interest: quòd Fidus, etiam amicus dicitur: Fidelis, servus.

240 Inter Cognoscimus, & Agnoscimus hoc interest: quòd Agnoscimus, cognitos: Cognoscimus, quod nunquam vidimus.

241 Inter Clypeum, & Clupeum hoc interest, quòd Clypeum, scutum: Clupeum verò, in quod imagines ponuntur.

242 Inter Germanum, & Fratrem hoc interest: quòd Germanus,

est verus Frater, ex Patre & Matre: Frater verò, ex diverso Patre vel Matre.

243 Inter Mersare, vel Mergere hoc interest: quòd Mersare, sæpius: Mergere, semel.

244 Inter Agere Causam, & Dicere hoc interest: quòd Agit, patronus: Dicit, reus.

245 Inter Eminùs, & Cominùs hoc interest: quòd Eminùs, ex longinquo: Cominùs, pede.

246 Inter Capere, & Decipere hoc interest: quòd Capimus, merentes: Decipimus, innocentes: aut Capimus arte, Decipimus insidiosè.

247 Inter Consilium, & Sententiam hoc interest: quòd Consilium, cogitatio: Sententia, consilii pronuntiatio.

248 Inter Fors, & Fortunam hoc interest: quòd Fors, casus est: Fortuna, data est: ut quidam, sic valet Fors, tanquàm mors.

249 Inter Voluntatem, & Voluptatem hoc interest: quòd Voluntas, animi: Voluptas, corporis.

250 Inter Intereà, & Interdùm hoc interest: quòd Interdùm, adverbium temporis est: Intereà causa rei.

251 Inter Initium, & Principium hoc interest: quòd Principium, totius operis cujuscumque unum est, quasi primum operis caput: Initium, quod frequentius intelligimus: & totiens accipimus, quotiens, aut persona mutatur, quasi intus in alteram rem: & Principium semel: Initium sæpius: Principium, Arma, virumque cano. Initium, Musa, mihi causas memora. Inveniuntur tamèn Principia, quæ naturâ sui carent, & specie initia habent, ut: At Regina gravi jam dudùm saucia curâ. Et: Sic fatur lacrymans, classique immittit habenas.

252 Inter Meditari, & Velitari hoc

hoc interest : quòd Meditamur animo.
Velitatur corpore.

hoc interest : quòd Bestiæ ventri ser-
viunt : Homines rationi.

253 Inter Homines , & Bestias

DIVI ISIDORI HISPALENSIS EPISCOPI DIFFERENTIARUM. LIBER SECUNDUS.

Differentia prima.

1 INTER Deum , & Dominum ità quidam definierunt : ut in Dei appellatione Patrem : ⁽¹⁾ in Domino Filium intelligerent. Scriptura autem Sacra utrumque & Deum affirmat , & Dominum. Sed tamèn invicèm hæc vocabula discernuntur. Primum enim naturæ nomen est pertinens ad amorem : secundum potestatis , congruens ad timorem. Deniquè ex Dei vocabulo adverte , quid diligas : ex Domini appellatione cognosce , quid metuas.

2 Inter Trinitatem , & Unitatem hæc distinctio est : quòd Unitas , propter inseparabilem Deitatis substantiam : Trinitas verò , propter personarum diversitatem vocatur. In Personis enim discretio est : in Divinitate nulla distinctio. Est enim Gignens , Genitus , & Procedens. ⁽²⁾ Tria quidèm nomina , sed substantia una. Sicùt enim ignis , candor , & color , tria quidèm sunt vocabula , sed res una. In relatione enim personarum Trinitas est : in

substantia verò naturæ unus Deus est : Pater , scilicèt , & Filius , & Spiritus Sanctus. De Patre , quia Deus est , testatur Apostolus dicens , unus Deus Pater , ex quo omnia : ità de Filio , quia Deus est , alibi ipse dicit : quorum Patres , ex quibus Christus secundum carnem , qui est super omnia Deus benedictus in secula. De Spiritu autem Sancto , quia Deus est , idem qui & suprà , sic dicit : Divisiones donationum sunt , idem autem Spiritus : & divisiones operationum sunt , idem verò Deus. Ecce Pater , & Filius , & Spiritus Sanctus Deus , sed non triplex Deorum numerus in hac Trinitate est credendus. Scriptum est enim : Ego sum Deus , & non est aliud Deus præter me. Et illud : Audi Israël , Dominus Deus tuus unus est. Tres ergò Deos credere : profanum est : Trinitatem in personis non distinguere , impium est.

3 Inter Personam Patris , & Filii , & Spiritus Sancti , ità secernitur : Quòd Pater , nèc factus , nèc natus est.

(1) In Domino filium. Unde hi occasionem sumpsisse potuerint , indicat August. 2. de Trinit. cap. 10.

(2) Tria quidèm nomina. Nihil hic periculi à Sabellio , jam enim dixerat : in personis esse discretionem , & extrema verba hujus capituli sunt : Trinitatem in personis non distinguere impium est : Et capite sequenti cur tam laboraret in discretionem Personarum , si cum Sabellio consentiret , nihil fuit. Sed hæc multo plura , quàm opus est in re minimè dubia. Ita tamen Veteres Patres in eisdem locis ostendunt. D. Eucherii verba immeritò ipsi ab hominibus minimè malis adempta. Non enim tollenda , sed explicanda fuerunt , aut ex August. qui serm. 192. ità ait : Non enim nomina tantummodò , sed nominum etiam proprietates , id est , personas confitemur , & 11. de Civit. cap. 10. Nequè verò sola est ista nominis Trinitas , sine subsistentia personarum , sicut Sabelliani hæretici putaverunt : Aut etiam ex Gregorio Theologo , qui , ne in id incideret , non personarum nomina , sed nominum personas verè constare dixit : nequè verbum (inquis) sine re velut sonum vocis accipimus , sed tria nomina , & tres personas unius essentiae , unius majestatis , atque potentie credimus.

est. Filius natus, non factus: Spiritus Sanctus, nèc factus, nèc natus, sed ex Patre, Filioque procedens est. Proinde Pater æternitatem habet, sine nativitate: Filius nativitatem, cum æternitate: Spiritus verò Sanctus processionem, sine nativitate, cum æternitate. Pater ex nullo exordium ducit: Filius ex Patre originem sumit: Spiritus verò Sanctus, ex Patre, Filioque procedit. Hæc tamen à nobis ita dicuntur de Trinitate, ut potest humana natura capere. Nam quis considerare sufficiat ipsius Trinitatis interna mysteria? Quomodo Pater, Filius, & Spiritus Sanctus tres personæ sunt, una natura? Quomodo Pater ingenuus, Filius genitus, Spiritus Sanctus, nèc ingenuus, nèc genitus? Quomodo Filius de Patre natus est: Spiritus Sanctus de Patre procedit, & Filio? Quomodo Filius nascendo procedit: Spiritus autem Sanctus procedendo non nascitur? Quomodo Pater nunquam sine Filio, & tamen sine Filio Pater genuit Filium? Quomodo Filius nunquam sine Spiritu Sancto, & tamen ait: Nisi ego abiero, Paracletus non venit ad vos? Quomodo Filius non de se, sed de Patre est, nèc tamen ei est posterior de quo est? Quomodo Spiritus Sanctus de Patre procedit, & Filio, nèc tamen ab eis præceditur, à quibus procedit? Quomodo tria unum sunt, & unum tria? Quomodo ad se invicem relativè tria sunt, & essentialitèr unum sunt? Quis ista consideret? Quis ista comprehendat? Si enim humanæ nativitatis Christi secreta non capimus; divinæ naturæ mysteria, quomodo capiemus?

• 4 Inter Substantiam, & Essentiam Dei hoc quidam definierunt. Quòd Substantia est hoc, quod non est ab alio, sed semper ex sese est, hoc est, propriâ intra se virtute subsistit:

Essentia verò in Deo, idcirco est dicta, quia semper est, nèc incipiens quando, nèc desinens est. Sed esse semper, proprium ejus est.

5 Inter hoc, quod Filius nunc æqualis, nunc minor est Patre, ista est differentia. Primum æternæ substantiæ est: alterum humanæ naturæ. In forma enim servi, quia factus est ex muliere, Pater major illo est: in forma autem Dei, in qua erat antè carnis assumptionem, Patri coæqualis est. Propter illud dictum est, Pater major me est: propter hoc, Ego, & Pater unum sumus. Æqualis ergò Patri in quantum Deus est: subjectus verò in quantum homo est.

6 Quid differt inter id, quod Christus nunc Unigenitus, nunc Primogenitus esse prædicatur? Horum primum ad Patrem pertinet: alterum ad nos. Nam secundum Divinitatis excellentiam Unigenitus est à Patre juxta Evangelium, quod dicit: Et vidimus gloriam ejus, gloriam quasi Unigeniti à Patre, plenum gratiæ, & veritatis. At verò secundum fraternam societatem, Primogenitus universæ creaturæ, juxta id quod Apostolus ait: ut sit ipse Primogenitus in multis Fratribus. Est ergò Unigenitus, in substantia Deitatis: Primogenitus in susceptione humanitatis. Primogenitus in gratia: Unigenitus in natura. Primogenitus juxta Apostolum in multis Fratribus: Unigenitus tantum ex Deo solus: Indè est, quòd Frater nuncupatur, & Dominus: Frater, quia Primogenitus: Dominus verò, quia Unigenitus.

De variorum nominum distinctione, quæ Filio Dei attribuuntur.

7 **J**AM⁽¹⁾ verò differentiarum, vel significationes nominum, quæ in Dei Filio distinguuntur plurimæ sunt. Sed ex his quædam sunt naturalia ad Divinitatis ejus excellentiam pertinentia : quædam verò accidentia. Naturalia sunt : Deus, Omnipotens, Perfectus, Filius Dei, Verbum, Principium, Virtus, Sapientia. Imago, Splendor, sive Figura, Brachium. Accidentia sunt ista, Agnus, Sacerdos, Petra, Lapis, Homo, Leo, Vitulus, Aquila, & his similia. Deus dicitur, quia ex Deo genitus est : Omnipotens ab Omnipotente : Perfectus à Perfecto : Filius Dei est, quia dum hoc ipsum sit, quod Pater, non tamen ipse est, qui Pater. Verbum est Filius Dei, quia propriè de divino ore processit : vel quia nihil in substantia naturæ suæ visibile, vel corporeum est : vel pro eo, quòd Pater per eum omnia condidit, sive jussit, vel quia per illum innotuit. Pater principium ex eo, quòd rerum omnium origo, & causa sit. Dextera, propter effectum totius creaturæ, quæ per ipsum formata est. Brachium, quia ab ipso omnia continentur. Virtus pro eo, quòd omnem potestatem Patris in semetipsum habeat, & omnem Cœli, terræque creaturam gubernet, contineat, atque regat. Sapientia est pro eo, quòd ipse revelet omnia mysteria scientiæ, & arcana sapientiæ. Imago est propter similitudinis veritatem. Species enim Patris indifferens est habens in se indiscretam naturam, sive essentiam. Splendor appellatur, quia dum sit ipse Pater lux :

ita Filius ab eo inseparabiliter, quasi splendor ex luce procedit. Figura est, quia suscipiens formam servi, operum virtutumque similitudine Patris in se imaginem, atque immensam magnitudinem designavit. Mediator est, quia inter hominem, & Deum medius est, habens in se substantiam utriusque naturæ, id est, humanæ humilitatis formam, & divinitatis excellentiam. Porro, Agnus propter innocentiam, & passionem carnis appellatur. Sacerdos, quia semetipsum Patri hostiam pro nobis obtulit. Petra, quòd firmitas sit credentium, offensio & ruina incredulorum. Lapis angularis, quia Vetus, & Novum Testamentum, veluti duo parietes, ex adverso venientes, tanquam angulus, sibi invicem copulavit, ac fidei unitate conjunxit. Homo, quia secundum carnem ex Virgine natus est passibilis, atque mortalis. Leo, propter Regnum, & potentiam, per quam in morte Zabulum vicit. Vitulus, quia propter salutem gentium immolatus est. Aquila pro eo, quòd resurgens ad astra Cœli remeavit, & ad sedem paternam, unde venerat, iterum rediit.

8 Inter Nativitatem Christi, & nostram hoc interest. Quòd omnis homo ex delicti lege invenitur esse conceptus : ille autem non ex concupiscentia carnis, vel ex virili coitu, sed de Spiritu Sancto natus est. Naturam quippè traxit originis, non culpam prævaricationis. Corpus ex Virgine sumpsit : virginitatem maternæ carnis non abstulit. Item, nos ex una generatione subsistimus : ille autem ex duabus : divinitatis, & humanitatis. Ex prima nativitatem sumpsit, ex altera creationem. Natus enim divinâ generatione, factus humanâ. Primum fuit si-

(1) Jam verò, Pleraque ex Aug. serm. 2. de Trinit.

sine tempore : secundum in plenitudine temporis. Nos ex duabus subsistimus substantiis : corporis videlicet, atque animæ : ille verò ex tribus : verbi, corporis, & animæ. Indè est, quod perfectus prædicatur Deus, & homo, habens in se geminam substantiam, & divinitatis suæ, & humanitatis nostræ.

9 Itèm hoc distat inter mortem Christi, & nostram. Nos enim in mortem pro merito prævaricationis incurrimus : ille autem spontè mortem pro nostra salute suscepit secundum quod ipse testatur dicens : Potestatem habeo ponendi animam meam, & nemo eam tollit à me, sed ego pono eam.

10 Inter Resurrectionem Christi, & nostram sic discrepat. Quod nobis resurrectionis tempus, usque in finem seculi differtur : illius verò die tertio celebratur : ille nullius eguit, ut resurgeret : nos illo miserante resurgimus.

11 Inter Creationem Mundi, & Formationem ejus hæc est differentia.

(1) Quòd originalitèr secundum materiæ substantiam simul cuncta creata sunt, juxta illud quod dicitur : qui vivit in æternum, creavit omnia simul. At verò secundum distinctionem specierum per sex dierum alternationem formata sunt. Totius enim creaturæ origo simul extitit : species tamen, & forma per temporum incrementa processerunt. Nam primùm materia facta Coeli, & Terræ confusa atque informis, quam Græci Chaos appellant. De qua postmodum singillatim per species varias, formasque proprias prodierunt. De qua materia Scriptura loquitur : qui fecisti mundum de materia informi. Quæ ob hoc informis,

quia adhuc confusa erat, atque obscura, & necdum per visibiles species, variasque formas discreta. Sed materia facta est de nihilo. Mundi autem species de informi materia. Proindè duas res ante omnem diem, & tempus condidit Deus Omnipotens : Angelicam, videlicet, creaturam, & informem materiam : quæ quidè dùm sit ex nihilo facta, præcessit tamen res ex se factas non æternitate, sed solâ origine, sicut sonus cantum. Nam qui vivit in æternum, creavit omnia simul. Itaque non omnia ex nihilo condidit Deus, sed quædam ex aliquo, quædam autem ex nihilo. De nihilo Mundum, Angelum, & Animas : ex aliquo hominem, & cæteras mundi creaturas.

De Duplici Paradiso.

12 **U**Nus est terrenus, ubi primorum hominum corporalitèr vita extitit, alter Cœlestis, ubi animæ Beatorum, statim ut à corpore exeunt, transferuntur, atque dignâ felicitate latantes, expectant receptionem corporum suorum. De hoc Paradiso Dominus ad latronem dixit : Hodie mecum eris in Paradiso. Originalitèr autem primi hominis culpa nos de Paradiso expulit, & in hanc exilii peregrinationem dejecit. Indè est, quod prævaricationis suæ reatu astringimur. Undè & meritò sententiæ debito pœnam paternæ prævaricationis exolvimus. Nam ita primus homo est conditus, ut per augmentum ætatum sine media morte de vita corporalis Paradisi commutaretur ad vitam Paradisi Cœlestis. Sed quia hoc bono contentus esse noluit, protinùs suæ conditionis merito caruit, mortemque

ge-

(1) Quòd originalitèr secundum materiæ substantiam processerunt, ex Gregor. 32. Moral. cap. 9.

geminam animæ, & corporis invenit. Ignorantiam veri, & vetustatem obtinuit, atque in omnem progeniem peccati sui prævaricationem transmisit: non tantum in hos, qui proprio delinquant arbitrio; sed etiam in illos, qui nondum implicari valent actuali peccato. Indè est, quod parvulis lavacri gratia conceditur. Quia etsi non est illis peccatum proprii operis; inest tamen originalitèr noxa paternæ prævaricationis. Undè & Propheta David ex semetipso humanum genus deplorans conqueritur dicens: Ecce in iniquitatibus conceptus sum, & in peccatis⁽¹⁾ peperit me mater mea.

De Rerum Gradibus.

13 **G**Radus, vel differentiæ rerum sex sunt. Id est, non Viventia, Viventia, Irrationabilia, Rationabilia mortalia, Immortalia; novissimus Deus, qui est super omnia benedictus in secula. Primus gradus est eorum, quæ non crescunt, vitæ motuque carent: qualis est in lapidibus. Secundus gradus in iis, quæ crescunt, vitam motumque sine sensu habent: qualis est in herbis, vel in arboribus: quibus si minimè vita insensibilis, motusque inesset, nec germinare utiquè, neque crescere possent: atque ista, quæ vitam sine sensu habent, lapidibus præponuntur, & terræ. Tertius gradus est in iis, quæ non solum crescunt, & vivunt; sed etiam sentiunt, at non intelligunt: qualis est in pecoribus. Quartus gradus est in iis, quæ crescunt, vivunt, sentiunt, & intelligunt: sed tamen mortalia,

ut animalia sunt, qualis est in hominibus. Quintus est in iis, ⁽²⁾ quæ sentiunt, & intelligunt, & immortalia sunt, qualis est in Angelis. Sextus, id quod immutabile, & infinitum, & simplex est, à quo omnis hæc natura inspiratur, movetur, gubernatur, & regitur: quod est Deus. Sed hæc quidè omnia, sicut gradibus crescunt, ita sibi qualitate naturæ præcellunt. Nam arbor præfertur lapidi, & pecus arbori, & homo pecori, Angelus homini, & Deus præponitur Angelis.

14 Inter Angelos, Dæmones, & Homines hanc differentiam Veteres scripserunt: quod Angeli sint spiritualis substantia, ante omnem creaturam creati, naturâ mutabiles conditi, sed contemplatione Dei immutabiles facti, animo impassibiles, mente rationales, tempore æterni, beatitudine perpetui, felicitate securi, futuri præcii, jussi mundum regunt, missi corpora ex excellenti aëre sumunt, in cœlestibus commorantur. Dæmones sunt impuri spiritus, subtiles, & vagi, animo passibiles, mente rationabiles, ⁽³⁾ corpore aërei, tempore æterni, humanitatis inimici, nocendi cupidi, superbiâ tumidi, fallaciâ callidi, semper in fraude novi. Commovent sensus, fingunt affectus, vitam turbant, somnos inquietant, morbos inferunt, mentes terrent, membra distorquent, sortes regunt, præstigiis oracula fingunt, cupidinem amoris illiciunt, ardorem cupiditatis infundunt, in consecratis imaginibus delitescent: invocati adsunt, veris similia metiuntur, mutantur in diversis figuris, inter-

(1) Peperit me mater mea, ita apud Greg. lib. 7. Reg. cap. 53. & lib. 12. cap. 10.

(2) Quæ sentiunt & intelligunt, & immortalia sunt. Eodem modo Augustinus 8. de Civit. cap. 6. Vel vitam, quæ nutritorio subsidio non indiget, sed tantum continet, sentit, intelligitque qualis est in Angelis.

(3) Corpore aërei. Aug. de Divinat. Dæmon. cap. 3. Dæmonum ea est natura, ut aëri corporis sensu terrenum corporis sensum facile præcedant.

terdum in Angelorum imaginibus transformantur. Hi quondam à sede cœlesti ob superbiam lapsi, nunc in aëre commorantur. Homines sunt ratione capaces, intellectu sapientes, ore loquaces, naturâ magis quàm doctrinâ valentes, statu rigidi, vultu erecti, figurâ universi similes, & inter se dissimiles singuli, animo immortales, sensu imbecilli, corpore fragiles, mente leves, diversi moribus, impares erroribus, ad studia inertes, proni ad voluptates, cassi labore, divitiis caduci, sollicitudine anxii, singillatim mortales, prole mutabiles, vitâ queruli, tempore celeres, tardi ad sapientiam, veloces ad mortem, de præteritis nudi, de præsentibus exigui, de futuris incerti; concipiuntur in iniquitate, in peccato nascuntur, in labore vivunt, in dolore moriuntur: ⁽¹⁾ denudò alii ad gloriam, alii ad poenam de favilla surgentes debitum solvunt.

verò Diabolus, vel maligni spiritus, nec possunt habere veniam, nec merentur, sicut scriptum est de eodem Apostata, ⁽²⁾ cujus cor, quasi lapis indurabitur, scilicet, ut poenitentia compunctione non emolliatur.

16 Inter Hominem, & Pecus ista est discretio. Homo est animal ex corpore, animâque vivente compositum, atque spiritali compactione formatum, subsistens ratione, liberique arbitrii voluntate, vitiorum capax, atque virtutum: at contra Pecus est animal irrationale mortale, motu carnis, & sanguinis animatum; undè & anima eorum post mortem simul cum carne dissolvitur. (Adde ⁽³⁾ & aliud, per quod ab eis distinguitur. Illa prona sunt, & ad terram vergentia: nobis naturalitèr vultus in Cœlum erectus est: illis otium, & opulentiâ: nobis ratio, & sermo concessus est, per quæ intelligere, & Deum confiteri possumus.)

Inter prævaricationem Angelicam, & Humanam.

15 QUÆ sit discretio prævaricationis Angelicæ, & Humanæ naturæ: cur ista redimitur, illa sine fine damnatur? Prævaricatores quippè Angeli, idèò veniam non habent, eo quòd fragilitatis carnalis nullâ graventur infirmitate. Homines autem post peccatum idcirco ad veniam reverti possunt, propterea quòd pondus infirmitatis ex lutea traxerunt materia. Probat Psalmista, quòd propter carnis conditionem reductus eis pateat ad salutem: sic enim dicit, ipse scit figmentum nostrum. Memento Domine, quòd terra sumus. Et iterum, Memorare, quæ mea substantia: At

Inter humani corporis membra.

17 Rationem autem humani corporis, singulorumque membrorum differentiam Lactantius, sive plerique Auctorum, ita definiunt, dicentes: Homo dictus est ab humo. Hic ex diversis subsistit substantiis: ex mortali, & immortalis. Corpus autem ejus ex ossibus, & carnibus constat, dividiturque in quatuor elementa. Habet enim in se aliquid ignis, aëris, aquæ, & terræ. Ratio autem terræ in carne est: humoris in sanguine: aëris in spiritu: ignis in calore vitali. Siquidem quadripartita humani corporis ratio quatuor elementorum designat speciem. Caput namque ad Cœlum refertur, in quo sunt

(1) Denudò alii ad gloriam, & cap. Hac non sunt in manuscriptis libris.

(2) Eadem Sententia apud Greg. 4. Moral. cap. 9. & 20.

(3) Adde & aliud—confiteri possumus. Hac in uno tantum libro leguntur.

sunt duo oculi, quasi duo luminaria Solis, & Lunæ. Pectus aëri conjungitur: quia sic inde emittitur spiraminis flatus, sicut ex aëre ventorum spiritus. Venter autem mari assimilatur, propter collectionem omnium humorum, quasi congregationem aquarum. Vestigia postremò terræ comparantur, eò quòd sunt ultima membrorum arida, sivè sicca, sicut & terra. Jam verò in capitis arce Mens collocata est, tanquam in Cœlo Deus, ut ab alto speculetur omnia, atque regat. Factus est autem homo ad contemplationem Cœli rigidus, & erectus, non sicut pecora in humum prona, atque vergentia: in cujus summitate caput est collocatum, datumque illi hoc nomen, quòd hinc capiant initium sensus, & nervi. Capilli autem capitis, vel ad speciem sunt decoris, vel ad arcendam frigoris injuriam, sivè caloris. In capite autem, ut ait S. Aug. ⁽¹⁾ Tres tanquam ventriculi cerebri constituti sunt: Unus anterior ad faciem, à quo sensus omnis: Alter posterior ad cervicem, à quo motus omnis: Tertius inter utrumque, in quo Memoria vigere demonstratur: ne cum sensum sequitur motus, non connectat homo, quod faciendum est, si fuerit oblitus, quod fecit. Facies dicta est, eo quòd notitiam faciat hominis. Inter Faciem autem, & Vultum hæc est differentia, quòd Facies naturalis, & certus oris habitus est: Vultus verò varius, & secundum affectionem animi modò lætus, modò tristis. Undè, & vultuosi dicuntur, qui vultum sæpè commutant. Jam verò barbæ ratio quantam vultus confert decentiam. Barba est decoris signum, virilitatis indicium, quæ & juventutem significat,

& sexus naturam distinguit. Oculi autem in facie concavis foraminibus inclusi sunt, à quo foratu frons nominata est. Iidem quoquè oculi gemmarum habentes similitudinem membranis perlucetibus conteguntur. Per quas membranas, quasi per vitrum, vel speculum refulgentes, mens ea, quæ foris sunt, transpicit. In medio autem horum orbium scintillæ luminum conclusæ tenentur, quas Pupillas vocamus, quibus cernendi gratiâ continentur: & ut oculi munitiores essent ab injuria, eos Opifex Summus tegminibus oculuit. Undè & oculos esse dictos, quasi occultatos, (id est, undiquè munitos) quibus adhibitæ sunt Palpebræ, à palpitando dictæ. Quia concurrentes invicem oculorum obtutum reficiunt, pilis in ordine adstantibus ad munitionem eorum. Supercilia quoquè pilis brevibus adornata sunt, quasi quibusdam aggeribus oculis præbentes custodiam, ne quid supernè incidat. Aurium inde dictum nomen est, à vocibus hauriendis. Per immutationem enim litteræ Aures, veluti Audes sunt nominatæ. Per has enim sonum, vocemque, quasi per cochleam descendere. Quod aër ictus in circulum, orbemque moveatur. Genæ, à genibus dictæ. Quia complicatum in utero gigni, formarique hominem ajunt, ita ut genua sursùm sint, quibus oculi formentur, ut cavi, ac reconditi fiant. Ideòque & qui alicujus lacrymas elicere cupiunt, genua tangunt, ac per ea deprecantur: quòd in utero formaverint oculos, atque enutrierint. Ipse genarum tumor instar collium lenitèr exurgens ab omni parte contra imminentes ictus, oculos efficit tutos. Nares dictæ, quòd per

(1) Hæc eadem pleniora Etymolog. lib. 11. cap. 1. Ubi indicenti loci, & quibus sumpta sunt, locus Augustini de Cerebri ventriculis lib. 7. de Genes. ad litter. cap. 18.

per eas aër, vel spiritus nare non desinit. In his enim tria sunt officia: unum ducendi spiritus: alterum capiendi odoris: tertium purgamenta cerebri defluendi. Os dictum est, quasi corporis ostium. Cujus species in duobus constat officiis: sumendi videtur, & loquendi linguâ. Labia à lambendo nominata. Quod autem superius est, labium dicimus: quod inferius, labrum. Linguae nomen à ligando cibo impositum. Hæc interpretatur animæ vocem motibus suis in verba distinguit, vel illusione palati, ac dentium, vel compressione labiorum. Dentes dicti, quasi cibos dividentes. Siquidem escam incidunt, & comminunt, atque opportuniùs gurguri, & stomacho tradunt. Horum priores, qui cibum prædunt, adversi dentes dicuntur: Molares intimi, qui cibos subigunt: Canini, qui vigesimo ætatis anno existunt. Gingivæ, à gignendis dentibus nominatæ, quæ magnam pulchritudinem ori conferunt, dum nuditatem dentium tegunt. Fauces sunt, angustæ fistulæ, quasi focæ, per quas vocalis spiritus ab intimo pectore exiliens sonum vocis emittit. Mandibulæ maxillarum partes sunt, quibus mandimus. Dicta autem Maxilla per diminutionem, sicut paxillus à palo. Collum, ad instar columnæ vocatum. Est enim rigidum, & rotundum. Duæ sunt in eo fistulæ: una ciborum, altera aëris. Harum superior Rumen vocatur, qua cibum, & potio devoratur. Unde bestiae, quæ cibum revocant, ac remandunt, ruminare dicuntur: altera inferior vocatur Gurgulio ex ossibus compacta, & coherentibus, & flexuosis: hæc à naribus ad pulmonem patens ob transmeantem spiritum. Cujus opérculum Sublinguium dicitur, quasi parva lingua, quæ foramen ejus recludit, &

aperit: ne per partes juncta fistula impetueniens, violentè aër interna corrumpat. Manus dictæ, eo quod munus sint omni corpori, & quod ab ipsis mandimus. Palma, manus est dispansis digitis, sicut & arbor dispansis ramis. Item, sicut contractis digitis, Pugnus. Digitorum quoque numerus perfectus est, & ordo decentissimus. Ex his primus rector omnium, & moderator Pollex vocatur, eo quod plurimum inter cæteros polleat, id est, prævaleat. Secundus Index, & Salutaris vocatur, quia eo ferè ostendimus, & salutamus. Tertius Medius, vel Impudicus: quartus Medicus, quod eo tritum colyrium à Medicis colligitur. Quintus Auricularis, quod eo aurem scalpimus. Porro Pectus hominis ab aspectu vocatum. In mutis enim animantibus ad terram oppressum est, atque ab aspectu remotum: hominis autem aspectui patens & erectum. Plenum enim ratione non decebat esse latens, & humile. Papillæ sunt mammarum capitula. Mammæ autem, tumores pectoris leviter exurgentes: hæc sunt foeminis ad alendum foetum datæ: maribus ad solum decus: nè informe pectus esse videretur. Neque enim decebat in foeminis alibi esse, quàm ut animal intelligens ex corde alimoniam sumeret. Porro Umbilicus est nota impressa, quæ medium ventrem designat. Ad hoc factus, ut per eum foetus dum est in utero nutriatur. Splenis autem, & Jecoris viscera, quasi ex conturbato sanguine videntur esse concreta. Juxta eos autem, qui de Physicis disputant, voluptatem Venereæ concupiscentiæ consistere dicunt in jecore: Affectum autem iracundiæ in felle: pavoris in corde: in splene, lætitiæ. In pulmonibus verò aërem contineri, qui à corde per venas, quas Arterias

vocant, diffunditur, ut paulatim inspirandi, & respirandi tractu totum animet corpus. In Jecore ignis habet sedem, qui velut subvolare ostenditur in excelsum cerebri locum, tanquam in cœlum corporis nostri. Unde & radii emicant oculorum, & de cujus medio, velut centro quodam, quædam non solum ad oculos, sed ceteros sensus tenues fistulæ deducuntur. Siquidem in eo volunt esse officium voluptatis, & decoctionis ciborum complexu, & calefactu suo in sanguinem mutandorum. Intestinarum autem ratio, idcirco longis infractibus in circularum ordinata sunt modum, ut susceptos cibos paulatim egerant, & ex ipsis, ea, quæ intrinsicus sunt, humorem sensim suscipiant. Alvus dictus, eò quod in eum, quasi in alveum, omnis humor cibo permixtus defluat, ac recurat, & inenarrabili modo ciborum succo universum corpus, quasi è latere valles vicinas irrigando adimpleat. Porro Alvus, Venter, & Uterus differunt. Venter enim est, qui apparet extrinsecus, pertinetque à pectore ad Inguen. Alvus est interior pars, qua cibum recipi, & purgari solet. Uterum solæ mulieres habent, in quo concipiunt. Confundunt tamen hæc Auctores, & utrumque pro utriusque sexus ventre ponunt. Genitalia autem, sicut ipsum nomen docet, à gignendo dicta. Natium caro conglobata sedendi officio facta est, ne, premente corporis mole, ossibus cederet. Femina sunt femorum partes, quibus in equitando tergis equorum adhæremus. Unde & præliatores feminibus equos admisisse dicuntur. Genua à genis dicta, eò quod in utero cohæreant, & cognata sint oculis. Unde Ennius, genua com-

primit arta gena. Tibiæ dictæ sunt, quasi tubæ. Plantæ verò à planitie nuncupatæ: quia non rotundæ, ut in quadrupedibus, nè stare non possit homo, sed planæ, & longiores formatæ sunt, ut stabile corpus efficerent. Calces autem, à callo pedum sic nominatæ sunt. Pedum digiti & decorem, & usum ferunt. Nam currere non possemus, nisi digitis in humum pressis, soloque nitentibus impetum, saltumque capiamus. Reliqua ossa corporis, velut columnæ quædam, quibus caro sustentatur, inserta sunt, & nervorum vinculis colligata, ut aptissimo motu flectantur. Hæc Lactantius, ceterique de ratione corporis scriperunt.

18 Inter Virum, & Hominem quidam distinxerunt hoc interesse: Quod vir utraque scientiâ præditus eloquentiam cum sapientia retinet: Homo loquacitate tantum naturæ bestiis præpollat. ⁽¹⁾ Virum autem dixerunt ἀπὸ τῆς ἀρετῆς, id est, à virtute. Virtus autem apud Veteres scientia rerum omnium nuncupatur. Nos autem unum eundemque & virum, & hominem nuncupamus. Juxta quod & de Christo legitur, qui tam Vir in Sanctis Scripturis, quam & etiam Homo vocatur.

19 Inter Infantiam, & Pueritiam, & reliquas ætates Sapientes ita definierunt. Prima hominis ætas Infantia: secunda Pueritia: tertia Adolescentia: quarta Juventus: quinta Senectus: sexta Senium. Duæ primæ ætates singulis annorum terminantur hebdomadibus, propter simplicem vitam. Nam Infantia septimo anno finitur: quartodecimo Pueritia: dehinc sequens Adolescentia, duabus constat hebdomadibus propter intel-

(1) Hæc differentia in uno tantum m. s. legitur.

lectum, & actionem. Quæ duæ nondum erant in pueris, & porrigitur hæc ætas à quintodecimo anno usque ad xxviii. Post hæc succedens Juventus tribus hebdomadibus permanet, propter tria illa intellectum, & actionem, corporisque virtutem. Ista ætas à xxviii. anno exoritur, & quagagesimo nono consummatur, quando & in foeminis partus deficit. Porro Senectus quatuor hebdomadibus completur propter accedentem illis tribus animi, & corporis gravitatem. Incipit enim hæc ætas à quinquagesimo anno, & septuagesimoseptimo terminatur. Ultima verò Senium nullo certo annorum tempore definitur, sed solo naturæ fine concluditur.

20 Inter Senectutem, & Senium hoc differt: Quod Senectus vergens ætas à juventute in Senium, nondum tamen decrepita: Senium verò est fessa, atque extrema ætas, & vitam ultimam anhelans.

21 Inter Infantem, & Puerum quidam ex Sapientibus distinxerunt. Infans, inquit, dicitur, qui nondum fari potest. Puer autem ⁽¹⁾ à puritate vocatus quasi purus, ⁽²⁾ sive quia nondum lanuginem, floremque genarum inducunt. Puella autem à parvitate vocata, ⁽³⁾ quasi pulla. Undè pupillos, & pupillas non pro conditione, sed pro ætate puerili vocamus. ⁽⁴⁾ Puer olim & masculus, & foemina appellabatur, sicut Infans. Hinc consuetudo communis Puerperam vocat. Propriè autem Puerperas dici, quæ primum enixæ sunt pueros, eò quod puellæ admodum pariant: Egressi pueritiam masculi, Puberes appellan-

tur, quia jam gignendi potestatem sumunt: Foeminæ verò Virgines, vel Viragines dicuntur. Dicta autem Virago, vel quod à viro sumpta sit, vel quod sit masculini vigoris. Simul pubertatem egressi, Adolescentes appellantur. Adolescentes autem dicti ab adolescendo, atque crescendo. Undè, & quidam de agricultura loquens, maturescentem fructum, adolescentem vocavit. Post adolescentiam quæque juvenes fiunt. Juvenes autem dicti, quod juvare posse incipiunt, ut in bobus juvenus dicitur, cum à vitulo discedit. Jam verò mediæ ætatis propriè dicuntur Vir, & Mulier. Vir itaque nuncupatus, ut ait Lactantius, quia major in eo vis sit, quàm in foeminis, & hinc virtus nomen accipit. Item Mulier à mollitie dicta immutata, & detracta litera, quasi mollier. Sed idè viris plùs roboris datum est, ut faciliùs ad patientiam conjugalem foeminæ cogerentur. Mulier autem non pro corruptela integritatis, sed pro sola maturitate ætatis mulier nominatur: sicut & vir pro sola virilitate, etiamsi ab opere foemineæ admixtionis habeatur immunis. Extremæ jam ætatis, Senes, & Anus vocantur. Senes autem quidam dictos putant, eò quod se nesciunt, & per nimiam ætatem delirent, atque desipiant. Undè & Plato ait: In pueris crescit sensus, in juvenibus viget, in senibus minuitur. Anus autem ex multis annis dicta est, quasi annosa.

22 Inter Rationabile, & Rationale hoc interesse, sapiens quidam dixit: ⁽¹⁾ Rationale est, quod rationis utitur intellectu, ut homo: Rationabile

G

ve-

(1) *A puritate Non.* Puericia, id est, puritas. Varro rerum divinar. lib. 1. Quæ puericia est infrequens polluta.

(2) *Quia nondum lanug.* Fest. Puer, impubes tantum dicitur.

(3) *Quasi pulla.* Pullum est ætatis novellæ, ait Non.

(4) *Puerilitate, ita Codex H. p. Varro de Liber. Educand.* Velim, me Hercules, ipse usu magno puerilitatis formulam audire, al. puerili ætate.

(5) *Rationale est.* Verba sunt August. 2. de Ordin. cap. 11.

verò , quod ratione dictum , vel factum est.

23 Inter Mentem , & Rationem hoc differt. Mens est pars animæ præstantior , à qua procedit intelligentia. Ratio verò est motus quidam animi visum mentis acuens , veraque à falsis distinguens.

24 Inter Memoriam , Mentem , & Cogitationem talis distinctio est: Quòd memoria præterita retinet : Mens futura prævidet : Cogitatio præsentia complectitur.

25 Inter Sensum , & Memoriam hoc interest. Sensus , rei cujusque adinventio : Memoria , rei inventæ recordatio : ille excogitat , & reperit , hæc reperta custodit.

26 Inter Intelligibilia , ⁽¹⁾ & Sensibilia talitèr Veteres discreverunt : Intelligibilia esse , quæ mente , animoque percipiuntur : Sensibilia autem , quæ visu , tactuque corporeo sentiuntur. Sunt autem sensus corporei quinque : Visus , Auditus , Odoratus , Gustus , Tactus. Visui subjacet habitus , & color , seu magnitudo mensuræ. Auditui voces , & sonus : Odoratiui odorum fragrantia , vel quæ alitèr se habent : Gustui sapor amarus , seu dulcis. Tactui calida , vel frigida , aspera , vel mollia , seu lenia. Hi autem quinque sensus ex partibus elementorum sunt , sed non ex omnibus elementis quatuor ; sed ex aëre , terræque gignuntur. Ex aëre quidem Visus , Odoratus , Auditus ; ex terra Tactus , Saporque nascitur.

27 Inter Animam , & Corpus , ita secernitur : Anima est substantia incorporea , intellectualis , rationalis , invisibilis , atque mobilis , & immortalis , habens ignotam originem , nihil

tamen in natura sua mixtum concretum , vel terrenum , nihil humidum , nihil flabile , vel igneum : at contrà corpus est substantia visibilis , atque mobilis , mortalis , habens semen ex vitio , & ex terrena fæce materiam. Sed anima , quia spiritalis creatura est , initium novit , finem habere non novit. Sicut enim Angeli , ita & animæ sunt. Habent enim initium , finem nullum. Corpus autem , quia ex quatuor elementis constat : ignis , aëris , aquæ , & terræ , dum fuerit excedente animâ resolutum , redit rursus , undè fuerat ortum. Indè & partim mortales , partim immortales sumus. Animæ enim naturam communem habemus cum Angelis , carnem verò cum pecoribus.

28 Inter Carnem , & Corpus quidam sapiens distinxit dicens : Caro est , quæ propriè sanguine , nervis , ossibusque distinguitur : Corpus verò quanquàm & caro dicatur , interdum tamen , & aëreum nominatur , quod tactui , visuique non subiaceat , & plerumque est , visibile , atque tangibile. Paries corpus est , sed non caro : lapis corpus est , sed non caro. Sic & Apostolus corpora coelestia appellat , & corpora terrestria. Coeleste corpus Solis , Lunæ , & Stellarum : Terrestre ignis , aëris , aquæ , terræ , & reliquorum , quæ absque anima iis censentur elementis.

29 Inter Animum , & Animam Lactantius distinguere Philosophos quosdam ita existimat : quidam , inquit , ajunt aliud esse animam , qua vivimus ; aliud animum , quo sentimus & sapimus , quia , valente in corpore animâ , nonnunquam animus perit , sicut accidere dementibus solet. Ad-

dunt

(1) Intelligibile esse—sentiuntur , verba August. 8. de Civit. cap. 6.

dunt quoquè animam morte sopiri, animum somno. Ob hoc indè putant esse divisum, eò quòd actionis officio separentur. Qui verò utrumque indifferenter accipiunt, veratius argumentantur. Quod nèc vivere sine sensu possumus, nèc sentire sine vita. Idcirco nequaquàm posse esse divisum, quod à se minimè separatur. Sed idem unum, & vivendi habere vigorem, & sentiendi perfrui ratione: & dum sunt utraque unum, varia sumpserunt vocabula, pro diversitate effectuum. Sicùt enim spiritus pars animæ est, per quam imagines rerum corporaliùm imprimuntur: sic animus pars ejusdem animæ est, quo sentitur, & sapitur: sicùt & mens ejusdem portio est, per quam omnis ratio, intelligentiaque percipitur. Sicùt voluntas, qua intellecta consentiuntur: Sicùt memoria, qua meditata rememorantur. Et hæc quidem dum multiplici constant appellatione, non tamen ità dividuntur in substantia, sicùt in nomine; quia eadem una est anima. Quæ dum contemplatur, spiritus est: dum sentit, sensus est: dum sapit, animus est: dum intelligit, mens est: dum discernit, ratio est: dum consentit, voluntas est: dum recordatur, memoria est: & dum membra vegetat, anima est & modò sapit, modò desipit, modò remotis: paulispèr curis, corporis sopore delinita quiescit, rursùsque commota ad contemplandas rerum imagines protinus excitata recurrit.

30 Inter Animam, & Spiritum hoc differre Doctores dixerunt: Quòd anima ipsa vita est hominis, præstans sensum, motumque corporis: Spiritus autem ipsius animæ est quædam vis, & potentia rationalis, per quam lege naturæ præstare videtur cæteris pecoribus. Proindè anima flatus vitæ est, animale hominem faciens: Spi-

ritus autem, vis, quæ carnales concupiscentias calcat, atque mortalem ad immutabilitatem vitæ hominem provocat. Certissimè autem, Spiritum Animam esse, Evangelista testatur. Quia animam, quam Christus in carne suscepit, spiritum nominavit. Nàm cum dixisset Dominus, potestatem habeo ponendi animam meam: hanc sine dubio, tunc posuit, quando in cruce inclinato capite, Spiritum tradidit. Omnis autem Anima Spiritus esse potest, non tamen omnis Spiritus, Anima. Nàm ipse Deus Spiritus est, & tamen Anima non est: Angeli quoquè, & venti Spiritus sunt, & tamen Animæ non sunt. Ipsa autem Anima, quid sit, qualis sit, ubi sit, quam formam habeat, vel quam vim nullo modo certissimè Sapientes hujus mundi definierunt. Alii namque ignem animam, alii sanguinem esse dixerunt, alii incorpoream, neque habere ullam figuram. Nonnulli quoquè eandem divinæ naturæ esse partem impiâ temeritate crediderunt. Nos autem eandem non ignem, vel sanguinem, sed incorpoream dicimus, passibilem, atque mutabilem carentem pondere, figurâ, sivè colore. Nèc dicimus Animam partem, sed creaturam esse Dei; nèc de substantia Dei, vel de qualibet subjacenti elementorum materia, sed ex nihilo fuisse creatam. Nàm, ut ait quidam, si eam Deus ex semetipso fecisset, nequaquàm vitiosa, vel mutabilis, vel misera esset. Item, si ex elementis esset visibilibus facta, haberet utiquè, vel ex terra soliditatem, aut ex aqua humorum, aut flatum ex aëre, aut calorem ex igne: sed quia his omnibus caret, apparet eam indè non esse. Quia cum illis nihil probatur habere commune. Undè & pravè à quibusdam creditur esse corporea, quæ propter id, ad imaginem Dei facta est, ut si

non immutabilis, ut Deus esset : tamen incorporea, ut Deus existeret. Si enim corpoream credimus animam, ergo & Deum credimus habere corporis formam : quia eandem ad suam condidit imaginem. Hujus autem animæ partes nonnulli Veteres tres esse dixerunt : Rationale, Irascibile, & Concupiscibile : Rationale, per quod invisibilia conspicit. Irascibile, per quod impetus iræ suæ emendat, & corrigit. Concupiscibile, per quod concupiscentiam carnis spiritali virtute compescit. Cujus domicilium, quidam in pectore esse voluerunt : quidam verò, in capitis arce eam habitare dixerunt, tamquam in Cœlo rectorem, ut à summo omnia contempletur. Alii nullum ei certum locum definierunt, sed eam per omnes artus infusam discurrere dicunt. De origine ejus variæ habentur opiniones : verumtamen, sine affirmandi præsumptione, quid inde Patrum disputatio senserit, referamus. Inter quos Sanctissimus Fulgentius, incertam de hac quæstione sic profert sententiam, cujus breviter verba ponenda sunt. Utrum, inquit, sicut caro nascentium, sic omnes animæ ex Adam venire credantur, an novæ fiant, & ex parentibus minimè propagentur. Quæ quæstio in definiendo difficilis est, quia contrariis objectionibus destruitur. Nam illi, qui novas animas contendunt singulis corporibus dari : cum illis opponi cœperit, cur anima parvuli, quæ non propagatur, ut caro cum carne originalis peccati teneatur consortio? Nunquid injustus est Deus, ut cum carne mittat animam in ignem æternum, quæ cum carne non habet commune peccatum? Hoc cum illis opponitur, omninò deficiunt. At contra

illi, qui asserunt animas cum ipsis corporibus propagari, possunt quidem in parvulis justum Dei judicium firmare, ut commune habeant peccatum originale, sicut communem vindicant utriusque esse propagationem. Sed in consideratione seminum, quæ non concepta percunt, & ipsi penitus obmutescunt. Animam quippè humanam certum est, in ipso conditionis suæ munere percepisse. Quæ necesse est, ut corpus in quo hîc quantumcumque tempus vixerit, in resurrectione recipiat. Quis ergo dicat animata semina profluxisse, sive illa, quæ non concipiuntur, sive illa, quæ nocturnâ illusionem funduntur. Quod omnis sapiens videt, quàm sit absurdum, & à ratione omnibus modis alienum. His ergo propositionibus de origine animæ, partes se invicem vincunt. Quia unaquæque earum alteram propositionem destruit, & ipsa non valet adstruere, quod proponit. Ob hoc de hac quæstione cautius quærendum est : maximè quod à sanctis viris nihil certius definitum est, nè sanctarum scripturarum auctoritate, quidquam manifestius pronuntiatur. Illud tamen tenendum est, parvulorum animas nexu peccati originalis esse adstrictas, quæ nisi percipiant Baptismatis Sacramentum, Regni coelestis participes esse non possunt : sed cum carne commune habebunt peccatum, & pari judicio damnabuntur in ignem æternum.

31 (1) Inter Concupiscentiam carnis, & spiritus hoc interest : Concupiscentia carnis, est motus animæ turpis in effectum sordidæ delectationis : Concupiscentia verò spiritus, ardens intentio mentis in desideria sanctæ virtutis. Ista sibi consentientes mittit ad

(1) Vid. Cassian, lib. de Concupisc. Carn. & Spiritus, cap. 11. & seq.

ad regnum : Illa ad supplicium semipiternum. Illa lex peccati est , de primi hominis damnatione descendens : ista lex mentis est de munere redemptoris nostri procedens. Hæ autem sibi invicem pro affectu virtutum , ac vitiorum , quotidianâ colluctatione lethalitèr adversantur. Concupiscentia namque carnis primum illecebras vitiorum in cogitationibus gignit : Concupiscentia verò spiritus , è contrario cogitationes sanctas indesinentèr opponit. Illa fabulis vanis oblectatur , & verbis ; ista scripturarum meditationibus , atque præceptis : illa gaudet spectaculis rerum terrestrium : ista contemplatione coelestium gaudiorum. Illa terrena gaudia quærit , ista gemitus , & suspiria trahit : Illa torpore somni , atque pigritiâ corpus relaxat : ista vigiliis , & competentibus orationibus elaborat. Illa per ingluviem illecebris ventris , & desideriiis gutturis æstuat : ista semetipsam jejuniis , & abstinentiæ cruciatibus macerat. Illa luxuriæ subdita turpium perpetratorum affectus , quos intentione cogitationis agit , perfectione voluptatis explere contendit : ista castitatis , & pudicitie pulcritudinem diligit. Illa avaritiæ flammâ succensâ appetit lucrum , & fugit damna temporalium rerum : ista contemnens mundum , solum sibi vendicat Christum. Illa invidiâ nullum sibi superiorem , vel æqualem esse permittit , sed interno livore vulneris decunctorum profectu tabescit : ista de cunctorum virtutibus gaudet , & minores sibi per charitatem præponit. Illa irâ exæstuans , nihil æquanimitèr portat , sed perturbatam mentem usque ad vocis tumultum exaltat : ista nullâ exasperatione movetur , sed per tranquillitatem , & mansuetudinem , patientèr omnia sustinet. Illa tristitiâ inficitur , dum quælibet adver-

sa persenserit : ista nullo mærore frangitur , sed etiam mala de proximis portans , ab interiore gaudio non movetur. Illa ambitione honorum , inficitur humanis laudibus , vel illecebris vanæ gloriæ delinitur : ista humilitatem amat , & Soli Deo suo , qui inspector est mentis , placere delectat. Illa inflata superbiæ fastu cor miserum elevat : ista ne à celsitudine sua corruat , usque ad infima seipsam humiliat. Sed quid plura ? Concupiscentia carnis in omnium vitiorum multitudinem consentientes sibi præcipitat : Concupiscentia verò spiritus mentem lapsam , ne deficiat spe futuræ gloriæ , corroborat. Proindè illa , quamvis superet , nullatenus desperandum est. Quia reparato certamine , possumus de ea etiam gloriosius triumphare. Ista quamvis vincat , de victoria non est segura. Quia callidus hostis , etsi devictus interdum , tamen victoris ultima vincit. Et quos primâ congressione non percutit , decipere in finem contendit. Hinc est etiam , quòd ipsa concupiscentia carnis , usque in hujus vitæ terminum dimicare non cessat. Sed si concupiscentia spiritus usque in finem superet , victoriæ pace segura in æternum cum suis victoribus regnat. Quando , consummato concupiscentiæ aculeo , nè carni spiritus , neque caro spiritui adversabitur. Sed utræque invicem æternæ pacis concordia copulata , Redemptori suo sine ulla oppugnatione in perpetuum adhærebunt.

32 Inter Gratiæ divinæ infusionem , & humani arbitrii voluntatem hoc interest : Arbitrium , est voluntas liberæ potestatis , quæ per se spontè , vel bona , vel mala appetere potest : Gratia autem , est divinæ misericordiæ donum gratuitum , per quod & bonæ voluntatis initium , & operis

promeremur effectum. Nullus autem liberi arbitrii quidquam potest prævalere virtute, nisi supernæ gratiæ sustentetur juvamine: Divinâ quippè gratiâ prævenitur homo, ut bonus sit, nèc humanum arbitrium Dei gratiam antecedit: Sed ipsâ gratiâ Dei volentem hominem prævenit, ut etiam benè velit. Nam pondere carnis homo sic agitur, ut ad peccandum sit facilis, & ad poenitendum piger. Habet de se, undè corruat: & non habet, undè consurgat, nisi gratia conditoris, ut erigatur manum jacenti extendat. Deniquè homini per Dei gratiam ⁽¹⁾ liberum restauratur arbitrium, quod primus homo perdiderat. Nam ille habuit inchoandi boni liberum arbitrium, quod tamen Dei adjutorio perficeretur. Nos verò, & inchoationem liberi arbitrii, & perfectionem de Dei sumimus gratia. Quia & incipere, & perficere bonum de ipso habemus, à quo & gratiæ donum datum, & liberum arbitrium in nobis est restauratum. Dei est ergò bonum, quod agimus propter gratiam prævenientem, & subsequentem. Nostrum verò est, propter obsequentem liberi arbitrii voluntatem. Nam si Dei non esset, cur illi gratias agimus? Etsi nostrum non est, quare retributionem bonorum operum expectamus? Proindè ergò in eo, quod gratiâ prævenimur, Dei est: in eo verò, quod benè operando prævenientem gratiam sequimur, nostrum est. Nemo autem Deum meritis antecedit, ut tenere eum, quasi debitorem possit. Sed miro modo æquus omnibus conditor alios prædestinando præleigit, alios in suis moribus pravis justo judicio

derelinquit. Undè verissimum est, gratiæ munus non ex humana virtute, vel ex merito arbitrii consequi: sed solius divinæ pietatis bonitate largiri. Quidam enim gratissimæ misericordiæ ejus prævenientis dono salvantur, effecti vasa misericordiæ: quidam verò reprobī habiti ad poenam prædestinati, damnantur, effecti vasa iræ. Quod exemplum de Esau, & Jacob nondum natis colligitur. Qui dum essent unâ conceptione, vel partu editi, parique nexu peccati originalis adstricti, alterum tamèn eorum ad se misericordiæ divinæ prævenientis bonitas gratuita traxit: alterum quadam justitiæ severitate odio habitum in massa perditionis relictum damnavit. Sicut per Prophetam, idem Deus loquitur dicens: Jacob dilexi, Esau autem odio habui. Undè consequens est, nullis prævenientibus meritis conferri gratiam: sed solâ vocatione divinâ. Nequè quemquam salvari, sivè damnari, eligi, vel reprobari, nisi ex proposito prædestinantis Dei, qui justus est in reprobatis, misericors in electis. Universæ enim viæ Domini misericordia, & veritas. Ante gratiæ enim donum liberum quidèm est in homine arbitrium, sed non bonum, quia sine gratiæ adjutorio manet infirmum. Nam sicut oculus videre non valet, si caret officio luminis: ità humanæ voluntatis arbitrium nihil valet, si luminis gratiâ indigeat. Illud utique, quod illuminat omnem hominem venientem in hunc mundum. Liberum autem arbitrium ad omne malum promptum est per semetipsum: ad bonum verò nequaquàm nisi per gratiæ donum: & eadem præstat homini & bona

(1) *Liberum arbitrium, quod primus homo perdiderat. Eodem modo Aug. in Enchirid. cap. 30. Nam libero arbitrio male utens homo, & se perdidit, & ipsum. Quis quomodo accipienda sint, ex ipso Augustino, satis constat. Et ex Isidoro, qui pauld-post ita subiicit: Ante gratiæ donum liberum quidèm est in homine arbitrium, sed non bonum, quia sine gratiæ adjutorio manet infirmum.*

na velle, & facere, mala præterita flere, tam à cogitatione, quàm ab opere delicta præsentia cavere, quod etiam Apostolus manifestius scribit dicens. Non sumus sufficientes cogitare aliquid ex nobis, quasi ex nobis, sed sufficientia nostra ex Deo est. Itaque non in omne genus hominum gratiæ beneficium tenditur, sed in illis tantum, qui per fidem illuminantur: nec enim in cunctis gentibus fidei pervenit auditus. Undè & Apostolus: quomodo, inquit, invocabunt in quem non crediderunt? Aut quomodo credent ei, quem non audierunt? Ipsius etiam gratiæ donum quibuscumque datur, non æqualiter conceditur, sed ad mensuram pro merito accipientium distribuitur, juxta quod scriptum: qui reddet unicuique secundum opera sua. Omne autem donum gratiæ non omnibus ad integrum datur, sed singulis dona singula distribuuntur, ut scilicet, quasi membra corporis singula officia habeant, & alter indigeat altero, quod non habet alter: proindè omnia fiunt communia, dum fiunt sibimet membra invicem necessaria.

33 Inter Legem, & Evangelium hoc interest: quòd in Lege litera est, in Evangelio gratia: Illa habuit umbram, ista imaginem: Illa data est propter transgressionem, ista propter justificationem: Illa ignorantiae demonstrat peccatum, ista agnitum adjuvat, ut vitetur: Illa flagitiis deditis increpat, ista peccantes bonitate propria liberat: Illa talionem reddendum decrevit, ista etiàm pro inimicis orare jussit: Illa, conjugiorum indultis habenis, crescere, & generare præcepit, ista continentiam suasit: Illic prædicatur circumcisio sola carnis; hìc lavacrum in ablutione cordis, & corporis: Illic Chananitidis Reg-

num, & promissiones rerum temporalium continentur; hìc vita æterna, Regnumque Cœlorum promittitur: Illic Sabbati otium, & requies celebratur; hìc ipsa Sabbati requies in Christo habetur, qui dixit: Venite ad me omnes, qui laboratis, & onerati estis, & ego reficiam vos, & invenietis requiem animabus vestris. Illic esus animalium immundorum prohibetur; hìc in Corpore Christi, id est, in Sanctis suis non admittitur, quidquid per illa animalia immunda in mores hominum figurabatur: Illic, pecoribus immolatis, carnis, & sanguinis hostiæ offerebantur; hìc sacrificium Carnis, & Sanguinis Christi offertur, quod per illa animalia figurabatur: Illic ex carne Agni Pascha celebratur; hìc Pascha nostrum immolatus est Christus, qui est verus Agnus immaculatus. Illic Neomeniæ, id est, novæ Lunæ principia celebrantur; hìc nova creatura in Christo accipitur, sicut Paulus Apostolus ait: Siqua in Christo nova creatura, vetera transierunt, ecce facta sunt nova. Quid plura? In lege per figuram res gestæ in significationem futurorum annuntiabantur, in gratia verò, Evangelicæ Veritatis, quæ illic denuntiata fuerunt, explentur. Itèm in Lege mandata scripta sunt, & promissa: sed mandata legem implere, vel conservare jubebant, promissa verò, figuris obtecta Sacramentorum, futuram Evangelii gratiam prædicabant. In lege ergò mandata tenentur, promissa verò in Evangelii plenitudine consumantur. Legem enim Evangelia complent, & significationem præcepti plenitudo testamentorum. Itèm nihil aliud Lex præstitit, nisi quod solùm peccata monstravit, non abstulit, & sub suo terrore redactos omnes servos effecit, & indè spiritum servitutis habuisse prio-

priorem Populum Apostolus docuit: Evangelium verò veniens, crudelitatem legis amovit, peccata, quæ lex puniebat per spiritum servitutis, laxavit per spiritum adoptionis, filios ex servis reddidit, amorem implendæ legis omnibus condonavit, etsi deinceps puniendi commiserunt, per eundem spiritum adoptionis indulget: formam benè agendi præbuit, & ut possint agi, quæ docuit, adiutorem spiritum infudit. ⁽¹⁾ Nam præcepta legalia, quæ illi populo data sunt, comparatione meliorum etiam non bona dicuntur, quia quæ præcipiunt, non perficiunt: Gratia verò Evangelii quod exterius imperat, interiùs, ut perficiatur, juvat. Ezechielis etiam testimonio dicitur: Dedi eis præcepta non bona. Utiquè quia in eis quædam inutilia infirmioribus sensibus agenda permissa sunt, sicut illud: ubi Deus Israëlitarum cupiditatem spoliis Ægyptiorum satiari permisit. Nam pro eo, quòd carnalis populus modum egrederetur vindictæ, Lex permittit carnalibus vicem rependere mali, quod Evangelia firmioribus vident. Proinde ergò dicuntur non bona, quoniam Evangelio comparata, legis præcepta inferiora noscuntur. Antè adventum enim Redemptoris nostri, Gentilis Populus ideò non obtemperavit legi, quia nondùm intelligebatur sensu spirituali. Lex enim gravia, atque dura secundum litteram jubebat, ideò contemnebatur. Venit autem gratia Evangelii, temperavit legis austeritatem, applicavitque sibi Gentilem Populum.

34 Inter Activam, & Contemplativam vitam, hæc distinctio est: Activa vita est, quæ in operibus justitiæ, & proximi utilitate versatur:

Contemplativa, quæ vacans ab omni negotio, in sola Dei dilectione defigitur. Harum una, in opere bonæ conversationis: altera, in contemplatione immutabilis veritatis est: Una, quæ ex fide in hac peregrinatione vivit: altera, quæ benè viventes usque ad Regnum perducit. Activæ enim vitæ magna sunt præmia: sed contemplativæ potiora. Activa vita ex bonis operibus incipit; contemplativa pervenit ad quod intendit. Activæ vitæ opera cum corpore finiuntur: Contemplativæ autem gaudia in fine amplius crescunt. Illa autem, quamvis utilis & bona; tamen cum requies venerit, transitura: ista verò, boni operis transitori merces est, & requies permansura. Contemplativa vita per Rachel ostenditur, quæ erat pulchra, & sterilis. Quia per contemplationis otium minus operum filii generantur. Activam autem vitam, monstrabat Lia sine oculis, sed fœcunda. Quia actio laboriosa quidem est, minusque alta considerans. Sed in eo, quòd se erga proximi utilitatem, plus exhibet, fœcundior operibus, quasi in filiis crescit. Sic Martha, & Maria, quarum virtutibus mentem exercebat in opere: altera requiescebat defixa in contemplatione. Ii autem, qui ad contemplationis otium venire contendunt, prius se in stadio Activæ vitæ exercere debent: ut dum operâ justitiæ facies peccatorum exhauriunt, cor mundum exhibeant ad videndum Deum. Nam mens, quæ adhuc temporalem gloriam quærit, aut carnalis concupiscentiæ tentationibus cedit, à contemplatione proculdubio prohibetur. Unde & Populus, dum legem acciperet, à monte, id est, à sublimi contemplatione, quasi carnalium curiositas re-

mo-

(1) Nam præcepta legalia, &c. à Greg. 28. Moral. cap. 9.

movetur. Et in Evangelio curatus à Legione vult Dominum per contemplationem sequi; sed jubetur domum reverti, & in activæ vitæ operatione versari. In ipso autem contemplationis, & actionis usu interdum magna differentia animorum est. Nam quibusdam sola contemplatio proficit: quibusdam verò Activa sola est consolatio. His media, & de utrisque composita utilior est magis ad refrendas mentis angustias, quæ solent per unius intentionem nutriri, ut de utriusque partibus melius temperentur. Nam quòd Salvator per diem signis, & miraculis coruscabat in Urbibus, Activam nobis vitam commendabat. Quòd verò in monte orationis studio pernoctabat, vitam Contemplationis significabat. Idcirco Dei servus juxta imitationem Christi, nèc actualem vitam amittit, & contemplativam vitam agit. Aliter enim incedens offendit. Sicut enim per contemplationem amandus est Deus, ita per actualem vitam diligendus est proximus. Ac per hoc sic non possumus sine utraque esse vitæ: sicut & sine utraque in dilectione esse nequaquam possumus.

35 Inter Fidem, & Opus hoc distat: Per Fidem, possibilitas boni operis inchoatur: ex Opere, ipsa fides perficitur. Opus enim fide prævenitur: fides ex operibus consummatur. Opera autem ante fidem nequaquam prodesse. Quia nihil valet à malo declinare, & agere quod pertinet ad salutem ei, qui ipsum salutis, vel negat, vel nescit auctorem. Item fides sine operibus nequaquam prodest. Quia non potest per fidem Deo placere, qui Deum contemnit in opere. Ob hoc etiam fides sine operibus mortua est, juxta Jacobum: & opus extra fidem vacuum est, juxta Paulum. Horum

enim alter fidei studium: alter opus laudat. Paulus prædicat ante fidem, nullo modo esse opus bonum: Jacobus narrat fidem, nihil valere sine opere bono. Ac per hoc juxta primum opera fidem præcedentia, nihil prosunt: juxta alterum, subsequencia multum prosunt. Jacobus dicit: Abraham pater noster, ex operibus justificatus est. Paulus dicit: Credidit Abraham Deo, & reputatum est ei ad justitiam. Quid ergò? Utrique se destruunt? Absit. Sed utrique nos instruunt. Nam secundum Paulum, Abraham ex fide justificari meruit, quando credidit Deo: secundum Jacobum, ex operibus placuit, quando tentatus, immolandum filium non recusavit.

36 Inter Fidem, Spem, & Charitatem hoc differt: Fides, est divinitatis confessio, & religionis solidum fundamentum: Spes, est bonorum expectatio futurorum. Charitas, est perfecta dilectio in Deum, & proximum. Harum prima credulitatem fovet præsentem: Secunda promissa præstolatur futurorum: Tertia amorem complectitur æternum. Quæ quidem tria in hujus vitæ tempore, ita copulantur, ut altera sine altera stare non possit. Deniquè veraciter credere non possumus, nisi ea, quæ promissa sunt, speremus; nèc poterimus sustinere promissa, nisi sit Fidei credulitas firma, nec aderit fructus Spei, vel stabilitas Fidei, nisi fuerit perfecta Charitas Christi, quæ & Fidem, ut credat, adjuvet, & spem speculationis corroboret. Cujus specialiter secundum Apostolum inter has virtutes traditur principatus, & cultus manet æternus. Nam & Fides cessabit, dum futura, quæ creduntur, advenerint; & Spes finem habebit, dum beatitudinem, quam quisque bonus præstolatur, acceperit. Sola Charitas in æternum per-

severabit, ipsa sola utramque perdu-
cens ad Christum, ipsa sola gaudio
perfruens sempiterno.

37 Inter Amorem, & Dilectionem, sive Charitatem hoc differt: quod Amor, & Dilectio media sunt, & ad utrumque parata, modò in bonum, modò in malum vertuntur. Charitas autem non nisi in bonum: cuius etiam nomen eò usque extollitur, ut ipse Deus Charitas appelletur. Illa est enim perfecta Charitas, quæ inimicos & patienter sustinet, & benignè refovet. Qui verò hæc non agit, longè à Charitate discedit. Hæc enim summa sola sunt bona. Nam à quibus habentur, utique veraciter habentur. Aliæ verò virtutes media bona sunt, & quæ ad utilitatem possunt ab aliquibus haberi, & ad perniciem, si de his arrogantes tumuerint. Quatuor autem sunt diligenda: Deus scilicet, atque proximus, caro nostra, atque anima. Prior est autem amor Dei, sequens verò est & Proximi. Sed sicut per amorem Dei, amor fit Proximi: sic per amorem proximi, amor ostenditur Dei. Dilectio in Deum origo est dilectionis in proximum; & Dilectio in proximum cognitio est dilectionis in Deum. Porro dilectio Dei à timore inchoat, sed non sub timore perseverat. Nam dilectio ex timore servilis est, non libera: quia non constat ex amore Dei, sed ex timore supplicii. In tribus autem his rebus dilectio Dei exprimitur, ut nihil remaneat in homine, quod non divinæ dilectioni subdatur. Nam dum dicitur: Diliges Deum ex toto corde tuo, omnes cogitationes in Deum referendas præcipit: dum verò dicitur, ex tota anima, omnes affectiones animæ ad Deum referri iussit: dum verò adjecit, ex tota mente, indicat omnem rationem humanam, qua intelligimus, &

discernimus, in rebus divinis esse occupandam. Item duo sunt erga dilectionem proximi servanda. Ut ipse præstet aliis, quæ sibi præstari, & ab aliis vult; & quæ sibi inferri pertimescit, non inferat. Ex hac gemina dilectionis virtute in proximum omnes oriuntur virtutes, quibus aut utiliter ea quæ sunt appetenda, cupimus, aut quæ vitanda sunt, præcavemus. Quod enim Dominus dicit: Omnia quæcumque vultis, ut faciant vobis homines, & vos facite illis; pertinet ad boni impensionem in proximum. Item quod in Veteri Testamento legitur: Quod tibi non vis, alteri ne feceris; pertinet ad cavendum, ne quis malum inferat proximo. Ex his ergò duobus articulis congruè diligitur proximus, dum & beneficii impensione fovetur, & nullâ malitiâ læditur.

38 Inter Scientiam, & Sapientiam hoc interest: Scientia, ad agnitionem pertinet: Sapientia, ad contemplationem. Scientia, temporalibus benè utitur, atque in vitandis malis, seu intelligendis, vel appetendis bonis versatur: Sapientia autem, tantummodò æterna contemplatur. Item nonnulli viri inter Sapientiam, & Prudentiam intelligi voluerunt: ut Sapientiam in divinis: Prudentiam autem, vel Scientiam in hominis negotiis ponerent. Perfecta autem est scientia multa agere bona, & de illis laudem terrenam non quærere, quæ Deus præcepit facere, & servum inutilem ante oculos Dei se existimare.

39 Inter Sapientiam, & Eloquentiam ita distinguunt: Quòd Eloquentia constat ex verbis. Sapientiam sine Eloquentia prodesse non est dubium. Eloquentia sine Sapientia valere non potest. Melior enim est, indiscreta prudentia, quàm stulta loquacitas. Rerum enim studia prosunt,
non

non ornamenta verborum. Eloquētia enim , ut diximus , scientia est verborum : Sapientia autem , cognitio rerum , & intellectus causarum. Porro Sapientiam Veteres Philosophiam vocaverunt , id est , omnium rerum humanarum , atque divinarum scientiam. Hujus Philosophiæ , partes tres esse dixerunt , id est , Physicam , Logicam , Ethicam. Physica , naturalis est : Ethica , moralis : Logica , rationalis. Harum prima naturæ , & contemplationi rerum deputatur : Secunda in actione , & cognitione rectè vivendi versatur : Tertia , in discernendo verum à falso ponitur. Hoc trimodum Philosophiæ genus , juxta sapientes mundi in partibus suis , ita distinguitur. Ad Physicam pertinere ajunt disciplinas septem , quarum prima est Arithmetica , secunda Geometria , tertia Musica , quarta Astronomia , quinta Astrologia , sexta Mechanica , septima Medicina. Ratio autem earundem disciplinarum breviter , ista est.

40 Arithmetica namque est definitio , per quam numerorum omnium ratio , vel ordo consistit. Geometria est disciplina magnitudinis , & figuratum notis , lineamentisque propriis distincta , vel formis. Dicta autem Geometria à dimensione terræ , per quam uniuscujusque termini delineari solent. Hanc primùm Ægyptii invenerunt. Pro necessitate terminorum terræ , quos Nilus inundationis tempore confundebat. Musica est ars spectabilis voce , vel gestu habens in se numerorum , ac soni certam dimensionem cum scientia perfectæ modulationis. Hæc constat ex tribus modis , id est , sono , verbis , & numeris.

41 Astronomia est lex astrorum. Astrologia est ratio , quæ conversionem Cœli , & signorum definit , potestatesque , & ortus siderum , &

occasus. Hanc Mathematici sequuntur. Mechanica est quædam peritia , vel doctrina , ad quam subtiliter fabricas omnium rerum concurrere dicunt. Medicina est scientia curationum , ad temperamentum corporis , vel salutem inventa. E quibus quidam omnibus quædam religioni conveniunt , quædam verò longè modis omnibus aliena sunt. Digestis generibus , si vè differentis Physicæ artis ; nunc partes Logices exequamur. Constat autem ex Dialectica , & Rhetorica. Dialectica est ratio , si vè regula disputandi intellectum mentis acuens , veraque à falsis distinguens. Rhetorica est ratio dicendi , Jurisperitorum scientia , quam Oratores sequuntur. Hac , ut quidam ait , sicut ferrum veneno , sententia armatur eloquio.

42 Post Logicam sequitur Ethica , quæ ad institutionem pertinet morum. Hæc enim benè vivendi magistra est , dividiturque in quatuor principales virtutes : Prudentiam , scilicet , atque Justiciam , Fortitudinem , & Temperantiam. Prudentia est agnitio veræ fidei , & scientia scripturarum , in qua intueri oportet illud trimodum intelligentiæ genus. Quorum primum est , per quod quædam accipiuntur historialiter sine ulla figura , ut sunt decem præcepta : Secundum est , per quod quædam in scripturis permixto jure accipiuntur , tam secundum fidem rerum gestarum , quam etiam juxta figurarum intellectum , sicut de Sara , & Agar. Primum quod verè fuerint : de hinc quod tropicè duo testamenta figurentur. Tertium genus est , quod tantum spiritualiter accipitur , sicut de Canticis Cantorum. Quæ si juxta sonum verborum , vel efficientiam operis sentiantur , corporalis magis luxuria , quam virtus Sacramentorum accipitur. Defini-

to Prudentiæ genere, nunc partes Justitiæ subjiciamus, cujus primum est, Deum timere, religionem venerari, honorem referre parentibus, patriam diligere, cunctis prodesse, nocere nulli, fraterna charitatis vincula amplecti, pericula aliena suscipere, opem ferre miseris, boni accepti vicissitudinem rependere, æquitatem in judiciis conservare. Fortitudo est animi magnitudo, atque gloria bellicæ virtutis, contemptus honorum, & divitiarum. Hæc adversis aut patienter cedit, aut fortiter resistit, nullis emollitur illecebris, adversis non frangitur, non elevatur secundis, invicta est ad labores, fortis ad pericula, pecuniam negligit, avaritiam fugit, contra improbos animum ad pericula præparat, molestiis nullis cedit, gloriæ cavet appetitus.

43 Temperantia est modus vitæ in omni verbo, vel opere. Hæc verecundiæ comes est, humilitatis regulam custodit, tranquillitatem animi servat, continentiam, & castitatem amplectitur, fovet decus, & honestatem, restringit ratione appetitum, iram comprimit, nec rependit contumeliam. Sed ex his Prudentia agnitione veri delectatur: Justitia dilectionem Dei, & proximi servat: Fortitudo vim virtutis habet, metumque mortis contemnit: Temperantia affectiones carnis moderatur, & restinguit appetitum. Prima, credit & intelligit: Secunda, diligit: Tertia, appetitum cohibet: Quarta, modum imponit.

De Distinctionibus quatuor Vitiorum.

44 **C**ontra hæc tamen quatuor virtutum genera, totidem vitia Philosophi opposita dicunt. Metum, & Gaudium, Cupiditatem, & Dolorem: Nos autem hæc ipsa non perfecta vitia, sed media nuncupa-

mus, eò quòd propter diversitatem morum ad utrumque parata sunt, & modò ad bonum, modò ad malum pro arbitrii voluntate vertuntur. Sic enim nonnullæ malè usæ virtutes ex se vitia gignunt: veluti si ex mansuetudine interdum nascatur torpor, & ex pietate dissolutio disciplinæ, vel ex justitia crudelitatis immoderata vindicta. Ità quatuor ista si benè utantur, virtutes sunt: sin minùs ex virtutibus in vitia transeunt. Hoc modo denique, cum quisque metuit peccare, vel cupit beatificari, dolet pro peccatis, gaudet in bonis operibus: jam tum hi motus, qui ab amore, studioque procedunt, pro virtutibus accipiuntur. At contrà, dum quisque metu cendi re aliquâ terrenâ tenetur, vel dolore amissæ rei frangitur, dumque rerum temporalium cupiditate inflammatur, aut gaudio adeptæ rei extollitur: tunc non virtutes, sed verè vitia nuncupantur. Ex his autem duo sunt futuri temporis, antequàm quid eveniat, metus, & cupiditas: alia duo præteriti, cum quid acciderit, gaudium, & dolor. Octo sunt autem perfecta, vel principalia vitia, quæ omne genus humanum inquietant, ex quibus vitiorum turba exoritur copiosa, id est, Gulæ concupiscentia, Fornicatio, Avaritia, Invidia, Tristitia, Ira, Inanis gloria, novissima dux ipsa, & harum radix Superbia. Ex quibus omnibus duo sunt carnalia, Fornicatio, & Ingluvies ventris: reliqua spiritualia. Quæ quidem in membris suis taliter distinguuntur. Gulæ concupiscentia in quinque modis distinguitur: Primo modo, si ante tempus cibos quis appetat, sicut Jonathan gustu mellis jejunium solvit. Secundo modo, si lautiores escas quærat, sicut populus, eremi manna contempto, carnes Ægyptias concupivit. Tercio modo,

si diligentius quisquam communes cibos procuret, sicut filii Heli extra morem crudam ab offerentibus carnem tollebant, quam sibi accuratius præpararent. Quarto modo, si viles escas nimium quisque sumat. Unde & Propheta Sodomam de panis saturnitate accusat. Quinto modo, si quis ex desiderio quodcumque sumat: sicut Esau pro lenticulæ concupiscentia perdidit primogenita sua. Fornicatio quoque trimodo genere discernitur. Primo quidem, dum per voluptatem luxuriæ commixtio carnis expletur: Altero, dum sola attræctione luxus carnis per immunditiam provocatur: Tertio, dum intentione turpis cogitationis nocturnâ quisque illusionem polluitur. Est & quartum genus fornicationis juxta Scripturam, omnis, scilicet, illicita corruptio mentis, sicut idololatria, & avaritia, ex quibus fit prævaricatio legis propter illicitam concupiscentiam. Porro Avaritia in geminam distinguitur pœnam, id est, in concupiscentiam augendæ rei, & in metum rei carendæ. Sicut etiam quidam ait: non enim unquam expletur, neque satiatur cupiditatis sitis. Neque solum ea, quæ habent, amore augendi excruciantur, sed etiam amittendi metu. Ipsa quoque invidia duplici afficitur flammâ, id est, cum aut meliori invidet in id quod ipse non est, aut dum quemlibet consimilem esse sibi æqualem dolet. Sequitur Tristitia, cujus tria sunt genera, quarum prima, ut ait Cassianus, temperata, & rationabilis de delictorum pœnitutine veniens: altera perturbata irrationabilis de anxietate mentis, seu desperatione peccatorum exorients: Tertia de iracundia, vel de illato damno, vel desiderio præpedito procedens. Jam verò inanis gloria quadripartitam habet jactantiam. Nam sunt qui habent do-

na, & donantem ignorant. Et sunt, qui se dicant dona accipisse præcedentibus meritis, non pro gratia largientis. Item quidam sunt, qui, quod non habent, se habere per tumorem existimant. Item quidam sunt, qui contemnendo alios, se aliquid habere singulariter putant. Perniciosior autem est elatio de singularitate jactantiæ veniens.

45 Ultima Superbia, trimodam habet differentiam: Primum namque genus Superbiæ est eorum, qui per transgressionem culpæ contemptui habent divina præcepta: Secundum genus eorum, qui ex observatione attolluntur mandatorum, & elatione virtutum: Tertium genus est eorum, qui per contumaciam mentis subdignantur Seniorum Imperiis. Quæ quidem vitia, divinitus divinâ adjuvante gratiâ, è contrario curantur virtutibus. Gulæ concupiscentiam reprimunt vigiliæ, & compunctio cordis. Fornicationem extinguit contritio cordis, & corporis afflictio, & oratio assidua, vel laboris exercitium, metus Gehennæ, & amor Cœlestis Patriæ. Invidiam superat amor dilectionis fraternæ. Et quia Cœleste Regnum non accipiunt, nisi concordēs, abicere invidiam convenit, & diligere fratrem. Iram temperat patientia, & ratio æquanimittatis. Avaritiam subjugat eleemosyna, & spes æternæ retributionis. Tristitiam subjugant fraterna alloquia, & consolatio scripturarum. Arrogantiam, calcatur metus, ne vana gloria delinitum animum à virtutibus cunctis excludat, & per jactantiam perdat semetipsum, & pereat. Jam superbiam deprimit exemplum humilitatis Christi, atque diabolicæ metus ruinæ. Qui dum vult esse, quod non erat, & ipsum, quod erat, perdidit, & Tartari inferna promeruit.

DIVI ISIDORI HISPALENSIS EPISCOPI DE ^(a) NATURA RERUM. AD SISEBUTUM REGEM LIBER. P R Æ F A T I O.

DOMINO ET FILIO SISEBUTO ISIDORUS.

DUM te præstantem ingenio, facundiâque, ac vario flore litterarum non nesciam, impendis tamen amplius curam, & quedam ex rerum natura, vel causis à (b) me, tibi efflagitas suffraganda. (c) Ego autem satisfacere studio, animoque tuo decursa priorum monumenta non demoror, expediens aliqua ex parte rationem dierum, ac mensium, anni quoque metas, & temporum vicissitudinem, naturam etiam elementorum, Solis denique ac Lune cursus, & quorundam causas Astrorum, tempestatum, scilicet, signa atque ventorum, necnon & terræ positionem, alternos quoque maris æstus. Quæ omnia, secundum quod à Veteribus Viris, ac maxime sicut in litteris Catholicorum Virorum scripta sunt, proferentes, brevi tabellâ notavimus. Nequè enim earum rerum naturam noscere supersticiosa scientia est, si tantum sanâ, sobriâque doctrinâ considerentur. Quinimodò si ab investigatione veri modis omnibus procul abessent, nequaquam Rex ille Sapiens diceret: Ipse mihi dedit horum, quæ sunt, scientiam veram, ut sciam dispositionem Cæli, & virtutes elementorum, conversionum mutationes, & divisiones temporum, annorum cursus, & Stellarum dispositiones. Quapropter incipientes à die, cujus prima procreatio in ordine rerum visibilium extat: dehinc cetera, de quibus opinari quosdam Gentiles, vel Ecclesiasticos Viros novimus, prosequamur: eorum in quibusdam causis, & sensus, & verba ponentes, ut ipsorum auctoritas dictorum fidem efficiat.

(a) De Natura Rerum. Ex Cod. Goth. Ovet. Braulione, & Sigeberto in Isidori vita, atque etiam ex Beda, qui Isidori exemplo libros suos de Natura Rerum inscripsit cum aliâ de Astronomia, vel de Mundo, vel de Naturis Rer. liber his inscribat.

(b) A me tibi efflagitas suffraganda. Id est, supplenda, ut lib. 1. Sent. cap. 10. de Angelis: mutabilitatem itaque nature suffragatur in illis contemplatio creatoris. Hoc est, supplet, compensat mutabilitatis infirmam conditionem, & natura debili subsidio est. Gloss. suffrago, *suſtâ*. Itemque *suſtâ* adjuvo, suffrago, subvenio, opitulor.

(c) Ego autem satisfacere studio, animoque tuo decursa priorum monumenta non demoror. Hoc est: ego opere non parco, quominus evolvendis priorum scriptorum monumentis, ex ipsis studio, animoque tuo satisficiam.

CAPUT PRIMUM.

De ⁽¹⁾ Diebus.

I **D**IES ⁽²⁾ est Solis Orientis præsentia, quousque ad Occasum perveniat. Dies geminè appellari solet: propriè à Solis exortu donec rursus oriatur: abusivè à Solis ortu usquequò veniat ad Occasum. Spatia diei duo sunt, Interdia-

num, & nocturnum: & est dies, horarum xxiv: spatium, horarum xii. Partes abusivi diei tres sunt: manè, meridies, & suprema. Initia diei alii à Solis ortu putant: alii ab Occasu, alii à media nocte. Nam ⁽³⁾ Chaldæi à Solis exortu diei initium faciunt, totum id spatium unum diem appellantes. ⁽⁴⁾ Ægyptii autem ex initio noctis sequentis diei originem trahunt. Roman-

(1) De diebus. Ex Ovet. & lib. 5. Etymolog. al. De die.

(2) Dies est—suprema. Sunt hac eadem paullo-pleniora in Etymolog.

(3) Chaldæi ab exortu. Secundum Persas ab ortu Solis, in Etymolog. Babylonii Sole exorto, Agell. lib. 3. cap. 2. & Macrobius (e quo sunt hujus capituli pleraque) 1. Saturn. cap. 3.

(4) Ægyptii ex initio noct. Secundum Ægyptios ab occasu Solis, in Etymolog. ex Serv. 5. An.

mani autem à medio noctis oriri diem volunt, & in medio noctis finire. Dies in principio operum Dei à lumine habebat exordium ad significandum hominis lapsum. Nunc autem à tenebris ad lucem, ut non dies obscuratur in noctem, sed nox luceat in diem, sicut scriptum est: ⁽¹⁾ de tenebris lumen clarescere; quia à delictorum tenebris liberatus homo ad lucem fidei, scientiæque pervenit. Prophetice autem dies scientiam divinæ legis significat: nox verò ignorantiae cæcitatem secundum Osee Prophetam, qui dicit: Nocti assimilavi matrem tuam, factus est Populus meus tanquam non habens scientiam. Item nonnunquam dies prosperitatem significat seculi: nox verò adversitatem. ⁽²⁾ Fasti dies sunt, quibus jus fatur, id est, dicitur, ut Nefasti, quibus non dicitur. Feriati dies, in quibus res divina fit, & abstinere homines à litibus oportet. Profesti, festis contrarii, id est, sine religione: Festi tantundem otii, & religionis sunt: ⁽³⁾ Atri dies sunt, qui & Communes vocantur. Si-

derales, in quibus sidera moventur, & homines à navigationibus excluduntur: ⁽⁴⁾ Justi continui triginta. Præclares, quibus fas est hostem bello lacessere, de quibus Liber Regum testatur, dicens: Eo tempore, quo solent Reges ad bella procedere. ⁽⁵⁾ Intercalares dies sunt quinque, qui juxta Ægyptios supersunt duodecim mensibus, & ⁽⁶⁾ incipiunt à nono Calendas Septembris, & quinto Calendarum memoratarum finiunt. Dies epactarum sunt undecim, qui per singulos annos ad cursum Lunarem accrescunt. Nam dum in annum xii. Lunæ ccccliv. dies habeant, remanent ad cursum anni Solarem dies xi. quos Epactas Ægyptii vocaverunt, pro eo quòd ad inveniendam Lunam per totum annum adjiciantur. ⁽⁷⁾ Solstitiales dies sunt, in quibus Sol stat, crescenti spatio dierum, vel noctium. Æquinoctiales dies sunt, in quibus dies, & nox æqualibus horarum spatiis evolvuntur.

H 2

CA-

(1) De tenebris lumen clarescere. Ita m. s. Goth. & August. lib. primo Quæst. Evang. cap. 7. splendescere. Vulg. cap. 4. Epist. 2. ad Cor.

(2) Fasti sunt, in quibus jus fatur. Macrob. lib. 1. cap. 16. Fasti sunt in quibus licet Prætori fari tria verba solemnia, do, dico, addico. His contrarii sunt Nefasti. Noti sunt Ovidii versus.

Ille Nefastus erit, per quem tria verba silentur:

Fastus erit, per quem lege liebit agi.

(3) Atri dies sunt, qui & Communes. Macrob. ibid. Dies autem postriduanos ad omnia majores nostri cavendos putarunt, quos etiam atros velut infamata appellatione damnarunt, eosdem tamen nonnulli communes ad emendationem nominis vocaverunt. Ovid. 1. Fast.

Vendicat Ausonias Junonis cura kalendas,

Idibus alba Jovi grandior agna cadit,

Nonarum tutela Deo caret, omnibus istis,

Ne fallare, cave, proximus ater erit:

Omen ab eventu est, illis nam Roma diebus

Marce sub adverso tristitia damna tulit.

(4) Justi—Præclares. Macrob. cap. 17. Præclares ab Justis non segregaverim. Siquidem Justi sunt continui triginta dies, quibus exercitui imperato vexillum rufi coloris, in arce positum est. Præclares autem omnes, quibus fas est res repetere, vel hostem lacessere. Festus. Justi dies dicebantur triginta cum exercitus imperatus, & vexillum in arce positum esset. Aliud genus justorum xxx. dierum refert Agell. lib. 20. cap. 1. Confessi, inquit, æris ac debiti judicatis triginta dies sunt dati conquirendæ pecuniæ causâ, quam dissolverent, eosque dies Decemviri justos appellaverunt, velut quoddam justitium, id est, juris inter eos quasi interstitutionem quandam, & cessationem, quibus diebus nihil cum his agi jure posset. Post deinde nisi dissolverent, &c.

(5) Intercalares sunt dies quinque, qui juxta Ægyptios. Macrob. cap. 15. Tunc Horus: Dies hic, inquit, intercalaris, antequam quintus annus incipiat, inserendus, cum Ægypti matris artium ratione conscretit. Sed in illorum mensibus explicandis videtur operosum, quos tricennium dierum omnes habent. Eò quòd explicitis xii. mensibus, id est, cccxl. diebus exactis, tunc inter Augustum, & Septembrem reliquos quinque dies anno suo reddunt, adnectentes quarto quoque anno exacto intercalarem, qui ex quadrantibus confit.

(6) Et incipiunt ix. Kalend. Septemb. Hoc pugnare videtur cum Macrobij verbis recitatis. Nam Horus exactis cccxl. diebus reliquos quinque anno suo reddi dicit, Isidorus verò ultimo mense nondum expleto interseri, eadem ratione qua nos Februario diem unum bissextilem interjicimus.

(7) Solstitiales dies sunt. Solstitii nomine Brumæ quoguâ more suo comprehendit, & iâ inf. cap. 8. Solstitia duo sunt.

CAPUT II.

De Nocte.

I NOX est Solis absentia, quando ab Occasu rursus ad exortum recurrit. Noctem autem fieri ⁽¹⁾ umbra terrarum, ⁽²⁾ quam datam ad quietem corporis credimus, non ad alicujus operis officium. Duobus autem modis nox in Scripturis accipitur, id est, aut tribulatio persecutionis, aut obscuritas cæci cordis. Nox ⁽³⁾ à nocendo dicta, quod oculis noceat. ⁽⁴⁾ Noctis partes sunt septem: Crepusculum, vesperum, conticinium, intempestum, gallicinium, crepusculum, & matutinum. Crepusculum dicitur, id est, creperum, quod dubium dicimus, hoc est, inter lucem, & tenebras. Vesperum, oriente Stellâ, cui hoc nomen est. Conticinium, quando omnes silent: conticere enim silere est. Intempesta, id est, importuna, quando agi nihil potest, & omnia quieta sunt. Gallinicium autem dictum est, propter gallos lucis prænuntios. ⁽⁵⁾ Crepusculum matutinum, inter abscessum noctis, & diei adventum.

CAPUT III.

De Hebdomada.

I HEBDOMADA apud Græcos, & Romanos septem dierum cursu peragitur. ⁽⁶⁾ Apud Hebræos autem septem anni sunt. De-

clarat hoc Daniël de septuaginta Hebdomadis. Hebdomada autem septem feriis constat. FERIA quoque à fando dicta est, quasi fari: eò quod in creatione mundi per singulos dies, dixit Deus, Fiat. Itèm quia dies Sabbati, ab initio feriatu habetur. Indè dies Solis prima feria nuncupatur, quia primus est à feria. Itèm dies Lunæ proindè secunda feria, quia secundus est à feria, id est, Sabbatho, qui est feriatu. Sit, & cæteri dies tali ex numero sumpserunt vocabula. Apud Romanos autem hi dies à Planetis, id est, ab erraticis Stellis vocabulum acceperunt. Primum enim diem à Sole vocaverunt, qui princeps est omnium siderum, sicut idem dies caput est cunctorum dierum. Secundum à Luna, quæ Soli & splendore, & ⁽⁷⁾ magnitudine proxima est, & ex eo mutuatur lumen. Tertium à Stella Martis, qui ⁽⁸⁾ Pyrois vocatur. Quartum à Stella Mercurii, quam quidam ⁽⁹⁾ candidum circulum dicunt. Quintum à Stella Jovis, quam Phaëthonta dicunt. Sextum à Veneris Stella, quam Luciferum asserunt, qui inter omnia sidera plus lucis habet. Septimum à Stella Saturni, quæ septimo ⁽¹⁰⁾ Cælo locata, triginta annis fertur explere cursum suum. Proindè autem Gentiles ex his septem Stellis nomina diebus dederunt, eò quod per easdem aliquid sibi effici æstimarent, dicentes habere ex Sole spiritum: ex Luna, corpus: ex Mer-

cu-

(1) Umbra terrarum. *Ambros.* 4. *Hexam. cap. 3.* Est enim, Nox, ut peritiores probantur, qui nobis atare, vel munere præcurrerunt, umbra terræ. *Et paulo-post.* Undè liquet, quod noctem faciat umbra terrarum. *Indicat autem Basilium.*

(2) Quam datam ad quietem corporis. *Amb.* lib. 1. cap. 10. Noctem enim ad quietem corporis datam esse cognoscimus, non ad muneris alicujus, vel operis functionem.

(3) Nox à nocendo. *Uti in Etymolog. ex Atteja, Capitone, & aliis.*

(4) Noctis partes. *Vid. Etymolog. lib. 5.*

(5) Crepusculum. *Non.* Crepera res propriè dicitur dubia. Undè & crepusculum dicitur dubia lux.

(6) Apud Hebræos autem septem anni sunt. *Non apud illos dierum etiam hebdomas sit.* *Uti Levit. 12.* Sin autem facinoram pepererit, immunda erit duabus hebdomadibus.

(7) Quæ Soli magnitudine proxima. *Uti spectantibus quidem propter propinquitatem videtur, cum sit alioqui siderum omnium minima: Cicer. in Somn. Scip.* Erant autem ex Stellæ, quas nunquam ex hoc loco vidimus, & ex magnitudines omnium, quas esse nunquam suspicari sumus. Ex quibus erat ea minima, quæ ultima Cælo, citima terris luce lucebat aliena.

(8) Ab Stella Martis, quæ Pyrois. *Mendosè in omnibus libris Vesper pro pyrois invertis litteris.* *Uti etiam lib. 3. Etymolog.*

(9) Quam quidam candidum circulum. *Stilbonta potius.* *Vid. not. ad cap. 28. lib. 5. Etymolog.*

(10) Ab Stella Saturni quæ septimo Cælo locata: *Mendosè lib. 6. sexto Cælo, uti etiam in plerisque lib. Etymolog.*

curio ⁽¹⁾ linguam, & sapientiam: ex Venere voluptatem ⁽²⁾ ex Marte fervorem: ex Jove temperantiam: ⁽³⁾ ex Saturno tarditatem. Talis quippe extitit Gentilium stultitia, qui sibi finxerunt tam ridiculosa figmenta.

CAPUT IV.

De Mensibus.

MENSIS est luminis Lunaribus circuitus, ac redintegratio: ⁽⁴⁾ sive à nova ad novam cursus. Cujus figura plerumque hujus vitæ cursus intelligitur, quæ suis incrementis, quasi mensis peragitur, ac diminutionibus certissimis terminatur. Mensem autem ⁽⁵⁾ Antiqui definierunt: Quandiù Luna Zodiacum circum perducitur. ⁽⁶⁾ Antiqui autem Gentiles mensibus nomina quædam ex Diis suis, quædam ex causis, quædam verò ex numero, imposuerunt, incipientes à Martio, quia ex ipso anni exorientis ordinem servaverunt. Hunc autem Martium propter honorem Romuli sic appellaverunt: quia eum Martis filium esse crediderunt. Aprilem verò, nullo deorum suorum nomine, sed de re propria, quasi Aperilem nominaverunt: eò quòd tunc plurimum germinis aperiat in

florem. Indè mensem Majum, pro Maja Mercurii matre, quam deam sibi propter majores decreverunt. Deindè Junium à Junone, quam sororem, vel conjugem Jovis fuisse testantur. Alii autem sicut Majum pro majoribus: ità pro Junioribus Junium vocari dixerunt. Itèm Julium à Julio Cæsare: Augustum verò ab Octaviano Augusto vocaverunt. Nàm prius Julius, Quintilis: & Augustus, Sextilis vocabantur. Sed eorum nomina à Cæsaribus Julio, sive Augusto sunt commutata. Jàm September, eò quòd septimus sit à Martio, qui est principium veris. Simili quoque ordine October, ⁽⁷⁾ & November, & December ex numero imbrium, atque veris vocabulum acceperunt. Porro Januarium ex nomine Jani vocaverunt, sed specialitèr Januarius appellatur, eò quòd janua sit anni, atque principium. Februarium autem à Februis sacris Lupercorum appellaverunt. Itaque apud Antiquos Latinos decem mensibus cursus anni computabatur. Sed Januarium Romani, Februarium Numa Pompilius addidit, atque in duodecim menses annum distinxit. ⁽⁸⁾ Plerique autem asserunt Ancum Sabinorum Regem prius annum in menses divisisse, Idus, Calendasque, & intercalares dies instituisse.

H 3

tuis-

(1) A Mercurio, linguam & sapientiam: ingenium & linguam. In *Etymolog. ex Serv.*

(2) Ex Marte fervorem: à Marte sanguinem. *Ibid.*

(3) Ex Saturno tarditatem: à Saturno humorem. *Ibid.*

(4) Sive à nova ad novam cursus. Cujus, &c. Omiserant librarii vocem cursus similitudine sequentis vocis, cujus, decepti. Quam nos ex *Etymologiis* restitimus. Sic enim illic cap. 31. Unde & apud Hebræos, menses legitimi non ex Solis circulo, sed ex Lunæ cursu enumerantur, qui est de nova ad novam.

(5) Antiqui definierunt: quandiù Luna Zodiacum circum perducitur. Verba sunt Hygini extremo libro quarto.

(6) Antiqui autem Gentiles mensibus nomina quædam ex Diis—à sacris Lupercorum appellaverunt. Totus locus sumptus ex *Aug. lib. 18. cont. Faust. cap. 5. Paucis quibusdam inversis. Vidend. etiam Macrob. lib. 1. Sat. cap. 12.*

(7) October, November, December, ex numero imbrium atque veris. Nihil hujusmodi apud Augustinum, sed à numeris, vel à numerorum ordine. Ergo lausise Isidorum in notatione: an potius hac illi adjecta cum P. Chacone, putabimus? Quod item suspicari eadem causa licet de verbis illis: Sed specialitèr Januarius appellatur, eò quòd janua sit anni atque principium. Nàm hujus notationis, neque Augustinus, neque Macrobius meminit.

(8) Plerique Ancum Sabinorum Regem, Numa, qui Sabinus fuerat, ex filia, nepotem: quo respexit Catullus in *Hymno Diana.*

Sis, quocumque tibi placet,
Sancta nomine, Romulique,
Ancique ut solitas es, bona
Sospites ope gentem.

Quod mirum non videris Virum eruditissimum, qui veram scripturam ex libris antiquis restituit. Non enim Romanos tantum indicare voluit Catullus, cum Romulique Ancique dixit: sed Romanos, qui paternum genus ad Romulum, matrem verò ad Ancum, hoc est, ad Sabinos referrent.

uisse. In Codicibus autem Sanctarum Scripturarum ⁽¹⁾ duodecim menses fuisse anni etiā ante diluvium ostenditur. Sicut enim ibi legitur: Aqua autem imminuebatur usque ad undecimum mensem. Undecimo autem mense, primā die mensis apparuerunt capita montium. Sic enim tunc dinumerabatur mensis, sicut & nunc. Sed non quos Calendæ, sed quos Luna cœpta, & finita concludit. ⁽²⁾ Calendæ autem

à colendo dictas. Apud Antiquos enim semper mensium principia colebantur. Idus quoquē dictæ à diebus, ⁽³⁾ vel ab Idulio, & Nonæ ⁽⁴⁾ à nundinis. Menses autem omnes apud Latinos ex Calendis sumunt principia. Apud Hebræos ex Lunæ nascentis recursu. ⁽⁵⁾ Apud Ægyptios autem principia mensium ante Calendas quatuor, vel quinque dies pronuntiantur, juxta quod formula subjecta declarat.



Dehinc reverteris ad quartum Calendas Septembris, talique ratione com-

plentur dies ccclx. duodecim mensium Ægyptiorum. Quinque dies super-

(1) Duodecim menses fuisse anni etiā ante diluvium. Hoc itā esse nihil vetat, id tamen non satis probat locus ex Genesi adductus, cum præsertim ibi decimi tantum mensis fiat mentio, non (ut est in Isidorianis libris) undecimi. Id accidit, quia apud lxx. interpretes ubi nunc in τῷ δωδέτῳ μηνὶ legitur, ἰνδωδέτῳ μηνὶ in aliis exemplaribus legebatur.

(2) Calendæ autem à colendo dictas. Quid in Etymologiis non de sua, sed de aliorum sententia pronuntiavit. Constat autem à calendo, hoc est, vocando nominatas. Vid. Macrob.

(3) Vel ab Idulio, al. Edulio. Sed placet Idulio. Nām sacrum quod Jovi singulis idibus Iduli agna fiebat, Idulium dictum ait Festus in Sacra via. Immo Idulis (inquies) agna, & Idulium ab idibus ipsis potius dicta. Quasi id mirum, aut novum Isidoro, priora quæ sint è posterioribus ducere, dum de utrisque magis liquet? Sic enim apud illum quatuor à figura quadrata, & testis à testamento, & jejuniū à jejuno intestino, & sexcenta hujusmodi. Sed videnda alia elegantissima notationes Idulium apud Macrobium.

(4) Nonæ à nundinis. Nihil Nonis cum nundinis. Immo, quod aliquando nundina in Nonas incidebant, cautum, ait Macrobius, quomodo nundina in Nonas nō incurrerent.

(5) Apud Ægyptios autem principia mens. &c. Cur id faciant à Macrobii verbis cap. 1. Relatis constabit.

persunt, quos *παρομένους*, vel intercalares, sive addititios vocaverunt. De quibus superius memoratum est.

CAPUT V.

De Concordia mensium.

I **J**anuarius, ⁽¹⁾ cum Decembri in horarum mensura concordat. Februarius cum Novembri spatium æquale consumit. Martius consentit Octobri. Aprilis æquat Septembrem. Majus respondet Augusto. Junius compar est Julio.

CAPUT VI.

De Annis.

I **A**nus ⁽²⁾ est circuitus Solis, ac reditus per duodecim menses. Cujus quidem nomen figuratè significat omne tempus vitæ hujus, sicut per Isaiam dicitur: Prædicare annum Domini acceptabilem. Quoniam non ille, quo Dominus prædicavit, solus fuit acceptabilis, sed & totum tempus, juxta quod ait Apostolus:

Ecce nunc tempus acceptabile. Finem denique hujus anni diem judicii adiunxit, dicens: Prædicare annum Domini, & diem retributionis. Annum autem, quasi anum, dici quidam putant, id est, circulum. Unde & anuli dicti sunt diminutivè. Principium autem anni alii à bruma putant, ut Populi Romani: alii ab æquinoctio ⁽³⁾ verno, ut Hebræi: alii à ⁽⁴⁾ solstitio, ut Græci: alii ab autumno, ut Ægyptii. Annum autem Sapientes hujus mundi partim civilem, partim naturalem, partim magnum esse dixerunt. Civilis annus est, qui in unius Astrii recursum per menses duodecim terminatur. Annus naturalis est, cum se Soli Luna supponit, ut inter Orbem Solis, & oculos nostros media facta, tenebras totius efficiat Solis, quod dicitur eclipsis: cujus ratio diutius obscura fuit, sed à Milesio ⁽⁵⁾ quodam Philosopho exposita est. Annus inagnus dicitur, quo omnia sidera certis temporibus, numerisque completis, ad suum locum, vel ordinem revertuntur. ⁽⁶⁾ Quem annum Antiqui sexcentesimo

an-

(1) Vid. Palladii Horologium.

(2) Annus est circuitus Solis, ac reditus. Macrob. lib. 1. in Somn. cap. 6. Anfractum Solis, ac reditum annum vocant: anfractum propter Zodiaci ambitum; reditum, quia eadem signa per annos singulos certâ lege metiuntur.

(3) Alii ab æquinoctio verno, ut Hebræi. Post Moysen, nam antea ab autumno putabant.

(4) Alii à solstitio, ut Græci. Non dixit, à quo solstitio: Atqui constat Græcis duo anni fuisse initia, eaque à duobus solstitiis ducta. Unum naturale à Bruma, quo respexisse putatur Terentius in Phormione: Aruspex vctute ante Brumam aliquid novi incipere: Alterum civile, quâ ratione videri videtur: *ἡντὰ τὴν ἡμέραν τῆς ἡμέρας*. 6. de Legib. vocat Plato, idque propter Olympicum certamen, quod proximo post solstitium æstivum plenilunio celebrabatur. De hoc posteriori initio locutum Isidorum potius reor. Nam & hoc solum solstitium Veteres appellavere.

(5) Sed à Milesio quodam Philosopho. Laert. in Thalete, & Plutarch. 2. de Placitis Philosophorum. Sed quis hunc annum naturalem appellavit? Lunariorum, igitur, legendum? Ne id quidem satis placet.

(6) Quem annum Antiqui sexcentesimo anno. Cur ita ediderimus repugnantibus omnibus libris, ratio reddenda est. Nam in impress. & manuscriptis vetustioribus, ut in Ovet. Goth. vicesimo, in alio pervetusto xx. anno legitur. Hanc rationem qui expedit non quiverunt, undevicesimo fecerunt, ut est in aliis duobus recentioribus manuscriptis Valenti. & Malactian. Annum, scilicet, magnum cum decemcenales Luna cyclo nullo neque exemplo, neque ratione confusentes. Nam neque quisquam ita locutus est, neque in eo Lunari circulo sidera omnia, sed Luna sola ad ordinem suum redit. Ila sane (inquies) sed quid vicesimo, vel undevicesimo cum sexcentesimo, aut cur sexcentesimo vel scriptura putabitur? Verba, quæ hujus libri plurima in suis de Nat. Rer. & ratione temporum transtulit, cap. 9. Libri de Ratione temp. prioris editionis ita scribit. Annus magnus est, dum omnia sidera, certis cursibus exactis, ad locum suum revertuntur, quæ sexcentis annis Solaribus Josephus dicit impleri. Item lib. de Nat. Rer. posterioris edit. cap. 35. Annus magnus est, cum omnia simul errantia sidera ad sua quæque loca, quæ simul habere, recurrunt. De quo Josephus in primo antiquitatum libro, cum longævitate primorum hominum describeret, ita meminit: Nullus autem ad vitam modernam, & annorum brevitate, quibus nunc vivimus, vitam comparans antiquorum, putet falsa, quæ de illis sunt dicta: & eò quod nunc vita tanto non ducatur tempore, credat, neque illos ad vitam illius longitudinem pervenisse. Illi namque, cum essent religiosi, & ab ipso Deo facti, cumque eis pabula opportuniore ad majus tempus existerent præparata, tantorum annorum curriculum ritè vivebant: deinde propter virtutes, & gloriosas utilitates, quas jugiter perscrutabantur, id est, Astrologiam, & Geometricam, Deus eis amplius vivendi spatium condonavit; quæ nunc haud ediscere possunt, nisi sexcentis viverent annis, per tot enim annorum curricula, magnus annus impletur. Varietatem autem hanc reperit anceps lectori scriptura hujusmodi: *vic* & *quæ* vel *vicesimo*, vel *sexcentesimo* curvis promptum facere. Non est autem hic annus ille magnus vere vertens Platonici, de quo Cicero in Somn. Scip. in illo enim sidera omnino omnia in hoc verò errantia tantum ad loca, unde profecta sunt, simul revertuntur. Atque hunc etiam annum magnus definit lib.

anno finire, vel adimpleri dixerunt. ⁽¹⁾ Solstitialis annus est, cum Sol expleto per omnia signa circuitu, in id undè principium cursus sui sumpsit, recurrit: ipse est solaris annus, vel civilis, qui diebus cccclxv. peragitur. Annus lunaris, communis est, qui per xii. Lunares menses decurrit, id est, dies cccclv. Annus Embolismus est, qui Lunas xiii. & dies cccclxxxiv. habere monstratur, in quo anno longius dies Paschæ protenditur. Annus bissextilis est, in quo unius diei per quadriennium ex quadrantis ratione summa colligitur. ⁽²⁾ Annus Jubilæus est remissionis, qui septenis annorum hebdomadibus, id est, xlix. annis textitur, in quo juxta legem clangebantur tubæ, & ad omnes revertebatur antiqua possessio. ⁽³⁾ Olympias autem est apud Græcos annus quartus, ab Olympio agone, qui venit transactis annis quatuor. In quibus finem sortitur agonis tempus, propter quadriennii cursum Solis, & propterquod quod singulis annis trium horarum consumptione in quadriennium dies unus completur. Hoc tempore mittebant circum Civitates admonere, ut, non solum undique, sed etiam ab omni genere, omnique ætate, & sexu conveniretur. Lustrum, quinquennii tempus est apud Romanos. Dictum autem Lustrum: quia census per quinquennium in Republica agebatur: Deindè post peractum censum, sacrificio facto

Urbs Roma lustrabatur. ⁽⁴⁾ Indictiones Romani invenerunt, quæ per singulos annos usque ad quintum decimum venientes, rursus ad primi anni principium revolvuntur. Æra quæ Cæsaris Augusti tempore posita est. ⁽⁵⁾ Dicta autem æra, ex quo Orbis æs reddere professus est Romano populo. Æra à die calendarum Januariarum ad crescit. Bissextus autem, à sexto calendas Martii usque ad diem pridie calendarum, in Lunæ cursu apponitur. Annus Ægyptiorum sine bissexto habet initium quarto Calendas Septembr. cum bissexto autem, à tertio calendarum suprascriptarum.

CAPUT VII.

De Temporibus.

• SICUT ait Ambrosius: ⁽⁶⁾ Tempora sunt vices mutationum, in quibus Sol certâ cursus sui dimensione anni orbem diffusâ varietate distinguit. Tempora autem motus siderum sunt. Undè & Deus, cum hæc institueret, dixit: Et sint in signa, & tempora, & dies, & annos, id est, in aliquo mutabili motu: cujus aliud prius, aliud posterius præterit, eò quod simul esse non possint. Tempus juxta ⁽⁷⁾ Hebræos integer annus est, secundum illud in Danièle: Tempus, & tempora, & dimidium temporis. Per tempus, annum significat, per tempora, duos, & per dimidium, menses sex.

Jux-

lib. 5. Etymolog. Qui sit omnibus planetis in eundem locum recurrentibus post annos solstitiales plurimos. Et Balbus apud Ciceronem lib. 2. de Natura Deorum. Quarum ex disparibus motionibus magnum annum Mathematici nominaverunt. Cui tunc efficitur, cum Solis, & Lunæ, & quinque errantium ad eandem inter se comparationem, confectis omnium spatii, est facta conversio. Quod autem Antiquorum nomine unum Josephum intellexerit Isidorus, more suo fecit. Sed ne longius abeamus, eodem modo cap. 4. Præcedenti, de Hygino dixit. Mensem autem Antiqui definierunt, quandiu Luna Zodiacum circulum perducitur.

(1) Solstitialis annus. Verba sunt Ambrosii lib. 4. cap. 5.

(2) Annus Jubilæus. De quo Levit. 25.

(3) Olympias. Olympias quarto anno exacto, quinto inito, agebatur: Lustrum quinto expleto condebatur. Quare quinquennii Olympiadas, & quinquennia lustra apud Auctores reperiri nihil mirum. Vid. 5. Etymolog. cap. 36.

(4) Indictiones Romani invenerunt. Quar, initia & causas alii retulere, qui de emend. temporum scripserunt.

(5) Dicta autem Æra. Ead. lib. 5. Etymolog.

(6) Sicut ait Ambrosius. Cujus sunt hujus capituli pleraque lib. 4. cap. 5.

(7) Juxta Hebræos integer annus. Ità quidem apud Danielem loco citato. Aliis Hebræis idem significat tempus quod reliquus gentibus.

Juxta Latinos autem unius anni quatuor tempora adscribuntur : hyemis, veris, æstatis, atque autumnii. Hyems est, cum Sol in meridianis partibus immoratur, tunc enim Sol longius abest, terraque rigescit gelu, atque stringitur, & prolixiora sunt spatia noctis, quàm diei. Hinc causa oritur, ut hybernis flatibus nimia vis nivium, pluviarumque fundatur. Ver est, cum Sol ex meridianis decedens partibus super terram redit, & noctis ac, diei exæquat tempora, & temperiem aëris reducit, atque fovens omnia repetendos cogit in partus, ut terra germinet, ac resoluta sulcis semina reviviscant, atque omnium generum, quæ in terris, vel aquis sunt, annuis foetibus successio propagetur. Æstas est, cum Sol in Septemtrionem se subigit, & spatia diurna producit, noctes verò arctat, & stringit. Itaque quo magis usu assiduo aëri huic copulatur, atque miscetur, eò amplius aërem ipsum vaporat, & humore exsiccat terra fa-

tiscit in pulverem, & adolescere facit semina, & tanquam succos virides maturescere cogit poma sylvarum. Tunc, quia & Sol æstivis flagrat ardoribus, minores umbras facit in Meridiano, quoniam ex alto hunc illuminat locum. Autumnus est, dum rursus Sol à summo Cœli descendens, infrigit æstuum magnitudinem, & paulisper relaxato, ac deposito calore præstat temperiem, sequente tempestate ventorum, & turbine procellarum, & vi fulminum tonitruumque sonantium. Quoniam certis distinctionibus vicissitudines temporum juxta priorum definitiones perstrinximus: nunc qualiter eadem tempora naturalibus circulis sibi invicem colligantur, expediamus. Ver quippè constat ex humore, & igne: Æstas ex igne, & siccitate: Autumnus ex siccitate, & frigore: Hyems ex frigore, & humore. Undè etiam sunt tempora commotionis temperamenti dicta. Cujus communionis hæc est figura.



Quorum ⁽¹⁾ temporum hæc sunt principia: Ver exoritur octavo Calendas Martias, permanens dies nonaginta unum. *Æstas* incipit nono Calendas Junias, dies nonaginta unum. Autumnus sumit principium decimo Calendas Septembris, dies xciii. Hyems inchoat septimo Calendas Decembris, dies xc. undè fiunt anni dies cclxv. Hæc itaque secundum naturalem temporum differentiam. Cæterum juxta allegoriam, Hyems, temporalis intelligitur tribulatio, quando tempestates, & turbines seculi incumbunt. *Æstas* est, fidei persecutio, quando doctrina perfidiæ ariditate siccat. Ver autem, novitas est fidei, si vè pax, quando post hyemis tribulationem, tranquillitas Ecclesiæ redditur, quando mensis novorum, id est, Pascha agni celebratur, quando terra floribus, id est, Ecclesia Sanctorum cœtibus decoratur. Annus itaque ambitu Solis, & mensium explicatur. Tempora mutationum vicibus evolvuntur. Mensis Lunæ incremento, senioque conficitur. Hebdomada septenario dierum numero terminatur. Dies, & nox recursantium luminum, ac tenebrarum alternis vicibus reparantur. Hora motibus quibusdam, & momentis expletur.

CAPUT. VIII.

De Solstitio, & Æquinoctio.

I Solstitia duo sunt: Primum ⁽²⁾ hyemale octavo Calendas Ja-

nuarii, quo ⁽³⁾ Sol stat, & crescunt dies. ⁽⁴⁾ Alterum æstivum, octavo Calendas Julias, quo Sol stat, & crescunt noctes. His contraria duo æquinoctia sunt: Unum ⁽⁵⁾ vernale, octavo Calendas Aprilis, quo dies crescunt: Alterum autumnale, octavo Calendas Octobris, quo dies imminuuntur. Solstitium autem dicitur, quasi Solis statio. Æquinoctium verò, quod tunc dies, & nox in æquitatem horarum duodenarum revertantur, coæquatis spatiis suis. Solstitium autem æstivum idèò lampas dicitur, eò quod ex eo die lampas Solis claritatem majorem accipiat, caloremque nimium adventu æstatis infundat.

CAPUT IX.

De Mundo.

I **M**undus est universitas omnis, quæ constat ex Cælo & terra. De quo Apostolus Paulus ait: Præterit enim figura hujus mundi. Secundum mysticum autem sensum, mundus competentèr homo significatur: ⁽⁶⁾ quia sicut ille ex quatuor concretus est elementis: ita & iste constat quatuor humoribus uno temperamento commixtis. Undè & Veteres hominem in communionem fabricæ mundi constituerunt. Siquidem Græcè mundus κόσμος, homo autem μικρόσμος, id est, minor mundus est appellatus: licet & per mundum nonnuncquàm Scriptura peccatores insinuet: de quibus dictum est: Et mundus cum non

(1) Quorum temporum hæc sunt principia. Vulgus ternos menses singulis anni temporibus assignat. Astrologi ex Zodiaci signis æstatem, & Hyemem à solstitio & bruma: ver & autumnum ab æquinoctiis auspicantur. Medici temperiei rationem solum ducunt, duplo fere majore hyemem, & æstatem, quàm ver & autumnum faciunt. His enim ver æquinoctio incipit, Aprilis præpe finem desinit: Autumnus nondum exacto Augusto incipit, Novembris initio fere terminatur. Isidorus alia ratio placuit. Nam æquinoctiis, solstitioque, & bruma singulos menses præponens, anni tempora distinguit, quæ tamen ratio Bedæ non probata est lib. de Nat. Rer. 2. edit. cap. 34.

(2) Hyemale viii. Calend. Januat. Nunc ex Calendario Gregoriano xi. Calend. Januat.

(3) Quod Sol stat. Non quod Sol unquam stet, sed quod sistat cursum non ulterius descendens, sed regrediens. Quod idem de æstivo (quod solum solstitium appellaverunt Antiquiores) intelligendum. Nequè enim ulterius Sol ascendit.

(4) Alterum æstivum viii. Calend. Jul. Nunc xi. Calend. Jul.

(5) Vernale viii. Calend. April. Nunc xiii. Calend. April. Autumnale verò Calend. Octob.

(6) Quia sicut ille ex quatuor elem. Hæc magis expolivit lib. 1. Sentent. cap. 11.

non cognovit. Formatio mundi ita demonstratur. ^(a) Nam quemadmodum erigitur mundus in Septentrionalem plagam: ita declinatur in australem. Caput autem, & quasi facies, Orientalis regio, ultima pars Septentrionalis. Nam partes ejus quatuor sunt: Prima pars mundi est Orientis. Secunda Meridiana. Tertia Occidentis. Ultima verò & extrema Septentrionalis. De qua Lucanus:

Sic mundi pars ima jacet, quam Zona Nivalis

Perpetuæque premunt hyemes.

CAPUT X.

De quinque Circulis.

IN definitione autem mundi circulos ajunt Philosophi quinque, quos Græci ^(b) Zonas vocant, in quibus dividitur orbis terræ. Has Virgilius in Georgicis ostendit, dicens: Quinque tenent Cælum Zonæ. Sed

fingamus eas in modum dexteræ nostræ, ut pollex sit circulus: Arcticus, frigore inhabitabilis. Secundus circulus, Therinus, temperatus habitabilis. Medius circulus, Isemerinus, torridus inhabitabilis. Quartus circulus, Chimerinus, temperatus habitabilis. Quintus circulus, Antarcticus, frigidus inhabitabilis. Horum primus Septentrionalis est. Secundus Solstitialis. Tertius Æquinoctialis. Quartus Hyemalis. Quintus Australis. De quibus Varro dixit:


At quinque ætherius Zonis, ac cingitur orbis,

Ac vastant imas hyemes, mediamque calores:

Sic terræ extremas inter mediamque coluntur.

^(c) Qua Solis valido nunquam rota ferveat igne.

Quorum circularum divisiones talis distinguit figura.



Sed

Mun-

^(a) Nam quemadmodum erigitur mundus. *Virgil. 1. Georg.*

3 ⁽¹⁾ Sed ideò æquinoctialis circulus inhabitabilis est : quia Sol per medium Cœlum currens nimium istis locis facit fervorem : ita ut nèc fruges ibi nascantur propter exustam terram, nèc homines propter nimium ardorem habitare permittantur. ⁽²⁾ At contrà Septemtrionalis, & Australis, circuli sibi conjuncti, idcirco non habitantur : quia à cursu Solis longè positi sunt, nimioque Cœli rigore, ventorumque gelidis flatibus contabescunt. Solstitialis verò circulus, qui in Oriente inter Septemtrionalem, & æstivum est collocatus, & iste qui in Occidente inter Æstivum, & Australem est positus, ideò temperati sunt, quòd ex uno circulo rigorem, ex altero calorem habeant. De quibus Virgilius:

Has inter, medianque duæ mortalibus agris

Munere concessæ divûm.


Sed qui proximi sunt æstivo circulo,

ipsi sunt Æthiopes nimio calore perusti.

CAPUT XI.

De Partibus Mundi.

I **P**ARTES Mundi quatuor sunt: Ignis, Aër, Aqua, Terra. Quarum hæc est natura : Ignis tenuis, acutus, & mobilis : Aër mobilis, acutus, & crassus : Aqua crassa, obtusa, & mobilis : Terra crassa, obtusa, & immobilis. Quæ etiam sibi ita commiscentur. Terra quidè crassa, obtusa, & immobilis, cum aquæ crassitudine, & obtusitate colligatur. Deindè Aqua Aëri crassitudine, & mobilitate conjungitur. Rursus Aër, Igni communiione acuti, & mobilis colligatur. Terra autem, & Ignis à se separantur, sed à duobus mediis Aqua, & Aëre junguntur. Hæc itaque ne confusa minùs intelligantur, subjecta expressi pictura.



Cæ-

Mundus ut ad Scythiam, Rhiphasque arduus arcus,
Consurgit, præmitur Lybie devexus in Austros.

(b) Quas Græci Zonas vocant. Quas Græci parallelos, id est, Zonas vocant. *Libri omnes. Mendosè, ut apparet ex 3. Etymolog. cap. 43. & lib. 13. cap. 6. Ubi cum his eadem repantur, tamen hæc duæ voces, Parallelos, id est, non leguntur. Eas quisquis addidit parum Græcam vocem existimavit Zonas, legeratque apud Plinium lib. 6. cap. 33. Plura sunt segmenta mundi, quæ nostri circulos appellavere, Græci παραλλήλους.*

(c) Qui Solis valido nunquam rota fervet igni. Ex his qui fragmenta Poetarum edidit. Veterum tamen librorum scripturas relicturus, si quis forte mentis conficiat. Quam Solis valido nunquam vis afflaret igne. Ovet. Quam Solis valido nunquam aut auferat igne. Toletan. Malactian. & Valent. Quam Solis valido nunquam vis auxerat igne. Impres. unde quis fortasse fecerit. Quas Solis valido nunquam vis inserit igne. vel Qui Solis validos nunquam vis afflaret ignes. Nam illud auxerat ex æferat duobus digamini scripto confectum putamus, vel etiam. Quas Solis valido nunquam vis afflaret ab igni.

(1) Sed æquinoctialis circulus inhabitabilis. Primus Avicenna habitationi commodissimum dixit, quod reapse compertum est.

(2) At contrà Septemtrionalis, & Australis circuli sibi conjuncti. Sibi, id est, æquinoctiali conjuncti, & proximi. Alii qui inter se longè distantes.

Cæterum⁽¹⁾ Sanctus Ambrosius eadem elementa per qualitates, quibus sibi invicem quadam naturæ communionem commiscuntur, ita his verbis distinguit: Terra, inquit, arida, & frigida est: aqua frigida, atque humida: aër calidus, atque humidus: ignis calidus, atque siccus. Per has enim⁽²⁾ jugabiles qualitates sic sibi singula commiscuntur. Terra enim, cum sit arida, & frigida, conjungitur aquæ per cognationem qualitatibus frigidæ. Rursus aqua aëri per humorem, quia humidus est aër. Aqua verò quasi quibusdam duobus brachiis frigoris, atque humoris, altero terram, altero aërem videtur complecti: frigidus quidem terram,

aërem humido. Ipse quoque aër mediis inter duo compugnantia per naturam, hoc est, inter aquam, & ignem, utrumque illud elementum sibi conciliat, quia aquæ humore, & igni calore conjungitur. Ignis quoque, cum sit calidus, & siccus, calore aëri annectitur, siccitate autem in communionem terræ sociatur, atque ita sibi per hunc circuitum, quasi per⁽³⁾ quemdam chorum concordie societate conveniunt. Unde & Græcè⁽⁴⁾ *τοιχῆα* dicuntur, quæ Latine elementa vocantur, eò quòd sibi conveniunt, & concinunt. Quorum distinctam communionem subjecti circuli figura declarat.



CAPUT XII.

De Cælo.

I CŒlum spiritualiter Ecclesia est, quæ in hujus vitæ no-

ste Sanctorum virtutibus, quasi claritate siderum, fulget. Pluraliter autem Cœli nomine Sancti omnes, vel Angeli intelliguntur. Siquidem per Cœlos etiam Prophetas, & Apostolos accipe-

(1) Cæterum S. Ambrosius. Lib. 3. cap. 4

(2) Jugabiles qualitates. Ita Ovet. Jugales reliqui, & Ambros.

(3) Per quemdam chorum concordie societate conveniunt. Per quemdam chorum concordie societatisque Ambrosius.

(4) Unde & Græcè *τοιχῆα* Mendosa libri omnes nuntia. Nam, præterquàm quod apud Ambrosium, & Basilium *τοιχῆα* etiam 13. Etymolog. cap. 3. Græci autem elementa *τοιχῆα* nuncupant, eo quòd sibi societatis concordie, & communione quadam conveniant.

pere debemus. De quibus scriptum est: Cœli enarrant Gloriam Dei : utique quod ipsi adventum, & mortem, ipsi quoque Resurrectionem Christi, & gloriam mundo annuntiaverunt. De Cœli autem nomine sic dicit Sanctus ⁽¹⁾ Ambrosius in Libris, quos scripsit de Creatione Mundi : Cœlum Græco vocabulo *ἐσπερος* dicitur : apud Latinos autem propterea Cœlum appellatur, quia impressa Stellarum lumina, veluti signa habens : tanquam cœlatum dicitur, sicut argentum, quod signis eminentibus refulget, cœlatum vocatur. ⁽²⁾ Hujus enim esse subtilem naturam etiam Scriptura demonstrat, dicens, quod firmavit Cœlum sicut fumum.

2. Partes autem ejus : ⁽³⁾ Cœus, Axis, Cardines, Convexa, Poli, Sidera. Cœus, quod Cœlum continet. Unde Ennius : Vix solum complere chœum terroribus Cœli. Axis, linea recta, quæ per mediam pilam sphaeræ tendit. Cardines, extremæ axis partes sunt. Convexa, extrema Cœli. ⁽⁴⁾ Poli, ex cœlestibus circulis cacumina, quibus maximè sphaera nititur : quorum alter ad Aquilonem spectans Boreus, alter terræ oppositus Austronotus dictus est. Cœlum autem ab Oriente ad Occidentem, semel in die, & nocte verti Sapientes existimant. Hoc autem rotundum volubile, atque ⁽⁵⁾ ar-

dens esse dixerunt. Cujus sphaeram super aquas esse putaverunt, ut in ipsis volvatur, ejusque ⁽⁶⁾ incendium temperent. ⁽⁷⁾ Sphaeram autem confirmant, nec principium habere, nec terminum, pro eo quod rotunditate sui, quasi circulus, unde incipiat, vel ubi desinat, facile non comprehendatur. *Æqualiter* enim ex omni parte fertur esse collecta, & omnia similiter respiciens, atque à centro terræ æquis spatiis distincta : ipsaque sui æqualitate ita stabilis, ut eam in nullam partem declinare undique æqualitas collecta permittat, ac nullo fulcimento subvecta sustentetur. Cujus perfectionem sphaeræ, vel circuli multis argumentationibus tractans, rationabile Plato Fabricatoris mundi opus insinuat. Primum, quod ex una linea constat. Secundum, quod sine initio est, & sine fine. Tertiò, quod à puncto efficitur. Deinde, quod motum ex se habeat. Deinde, quod careat ⁽⁸⁾ indicio angulorum, & quod ⁽⁹⁾ in se cæteras figuras omnes includat, & quod motum inerrabilem habeat : siquidem sex alii motus errabiles sunt, antè, à tergo, dextrâ, lævâque, sursum, deorsum. Postremò, & quod necessitate efficiatur, ut hæc linea ultra circulum duci non possit.

3. Duo sunt autem, ut diximus, Poli, quibus Cœlum volvitur, Boreus, quem Aquilonium vocamus. Hic Ar-

(1) Ambrosius in Libris--cœlatum vocatur. *Lib. 2. cap. 4.*

(2) Hujus enim esse subtilem--sicut fumum. *Lib. 1. cap. 6. Sunt verò Isiaia verba, cap. 51. ex lxx. Interpret. ἵσταναι ὡς ὁ καπνὸς ἐξυψιῖται.*

(3) Cœus, vel Covus, vel Cohus. *Varro lib. 4.* Sub jugo medio Covum, quod bura extrema addita oppilatur, vocatur Covum à Covo. *Festus*, Cohum, lorum, quo temo buris cum jugo configilatur, à cohibendo dictum. Cohum Poëte Cœlum dixerunt à Chao, ex quo putabant Cœlum esse formatum. *Ego à cohibendo hoc quoque dictum arbitror. Quod etiam Iustinus videtur Isidorus, dicens.* Cohum, quod Cœlum continet.

(4) Poli ex cœlestibus circulis cacumina--dictus est. *Hyginus lib. 1.* Hujus autem (*de axe loquens*) cacumina, quibus maximè sphaera nititur, Poli appellantur, quorum alter ad Aquilonem spectans, Boreus; alter adpositus Austro Notius est dictus. Nihil tamen in Isidoro mutavimus. Nam, & Australem, & Notium, & Austronotum, vel Austronotium hunc Polum dici constat. Terra verò oppositum dixit Isidorus, quod objectu terra (*ut ait Arati interpret*) à nobis non videatur. *Vid. lib. 3. Etymolog. & lib. 13.*

(5) Atque ardens esse dixerunt. In his fuit etiam Plato, qui Cœlum, astraque ignea esse scripsit. Sed (*ut interpretatur Galenus*) non hoc igne, qui urendi vim habeat, sed alio, qui luminis tantum sit particeps. Antiquorum rationem refutavit Aristoteles: ita tamen, ut Basilio, & Ambrosio, (quos hic noster Auctores habet) suam ipse probare non poterit.

(6) Ejus incendium temperent. *Idem cap. seq. ex Ambrosio.*

(7) Sphaeram autem confirmant. *Hygin. lib. 1. Initio.*

(8) Quod careat indicio angulorum. *Ita o. l. Fortè Incisione angulis. Cicero, Nihil incisum angulis.*

(9) Quod in se cæteras. In se Stellarum. *Lib. 9. Mendoza.*

Arcti, id est, Septemtriones, qui nobis semper apparent. Cui contrarius est Notius, qui Australis dicitur. Hic est, qui terrâ, ut ait Cicero, tegitur, & ἀφανής à Græcis nominatur. ⁽¹⁾ Tantâ autem Polus celeritate ferri dicitur, ut nisi adversus ejus præcipitem cursum astra currant, mundi ruinam faciant. Fertur enim ejus præceps volubilitas cursu siderum temperari. Undè Lucanus :

Sideribus quæ sola fugam moderantur olympi,
Occurruntque Polo, diversa potentia prima
Mundi lege data est.

CAPUT XIII.

De Septem Planetis Cæli, & eorum conversionibus.

I AMBROSIIUS ⁽²⁾ Sanctus, in Libro Hexameron sic loquitur, dicens: Legimus in David: Laudate eum Cæli Cælorum. Utrum enim unum sit Cælum an plures, contentio est, dum aliqui multos esse asserunt: alii autem, præter unum, alios esse negant. Philosophi autem mundi septem Cælos, id est, Planetarum globos consono motu introduxerunt. Quorum orbibus connexa memorant omnia, quod sibi nexos, & velut insertos versari retro, & contrario cæteris motu ferri arbitrantur. Siquidem in Ecclesiasticis Libris, & Cæli Cælorum leguntur, & Apostolus Paulus usque ad tertium Cælum fuisse se intelligit raptum. Sed de numero eorum nihil sibi præsumat humana temeritas. Fecit autem eos Deus non informes, vel confusos, sed ratione quadam ordine

suo distinctos. Nàm superioris circuli Cælum proprio discretum termino, & æqualibus undique spatiis collectum ostendit, atque in eo virtutes spiritualium creaturarum constituit. ⁽³⁾ Cujus quidem Cæli naturam Artifex mundi Deus aquis temperavit, ne conflagratio superioris ignis inferiora elementa succenderet. Dehinc circulum inferioris Cæli, non uniformi, sed multiplici motu solidavit, nuncupans eum firmamentum propter sustentationem superiorum aquarum.

CAPUT XIV.

De Aquis, quæ super Cælos sunt.

I HÆC est Ambrosii sententia: ⁽⁴⁾ Aquas super Cælos Sapientes mundi hujus ajunt esse non posse, dicentes: Igneum esse Cælum, non posse concordari cum eo naturam aquarum. Addunt quoque, dicentes rotundum, ac volubilem, atque ardentem esse Orbem Cæli, & in illo volubili circuitu aquas stare nequaquam posse. Nàm necesse est, ut defluant, & labantur, cum de superioribus ad inferiora Orbis ille detorquetur, ac per hoc nequaquam eas stare posse ajunt, quòd axis Cæli concito se motu torquens eas volvendo effunderet. Sed ut tandem insanire desinant, atque confusi agnoscant: quia qui potuit cuncta creare ex nihilo, potuit & illam aquarum naturam glaciali soliditate stabilire in Cælo. Nàm cum & ipsi dicant volvi Orbem Stellis ardentibus refulgentem, nonnè Divina Providentia necessario prospexit, ut ⁽⁵⁾ inter Orbem Cæli redundarent aquæ, quæ illa ferventis axis incendia temperarent?

(1) Tanta autem polus celeritate, &c. *Endem lib. 3. Etymolog. cap. 34.*

(2) Ambrosius s. in Lib. Hexam. Cap. 1. lib. 2.

(3) Cujus quidem Cæli naturam Deus aquis temperavit. *Ibid. cap. 3.*

(4) Hæc est Ambrosii Sententia. *Lib. 2. cap. 3.*

(5) Ut inter Orbem Cæli: & supra orbem, addit Ambrosius.

CAPUT XV.

De Natura Solis.

I **H**ÆC⁽¹⁾ sunt verba Ambrosii in Libro Hexamerom. Solem, inquit, Philosophi negant calidæ esse naturæ, eò quòd albus sit, non rubicundus, aut rutilus in speciem ignis, & ideò quòd nec ignitus natura sit. Si quid habet caloris, ferunt præ nimio motu conversionis accidere. Quod ideò dicendum putant, ut nihil videatur humoris consumere: quia calorem, quo humor, vel minuitur, vel plerumque exhauritur, non habet naturalem. Sed nihil agunt, cum ista proponunt: quia nihil interest, utrum ex natura calorem quis habeat, an ex passione, vel ex alia causa.⁽²⁾ Nos autem credimus eum sicùt habere virtutem illuminandi, ità etiam vaporandi.⁽³⁾ Igneus est enim Sol: ignis autem & illuminat, & exurit. Quidam autem dicunt Solis ignem aqua nutriti, & ex contrario elemento virtutem luminis, & vaporis accipere: undè frequentèr Solem videamus madidum, atque rorantem: ⁽⁴⁾ in quo evidens dat indicium, quod elementum aquarum ad temperiem sui sumpserit. Hoc quantum ad naturam ejus pertinet. At verò juxta spiritualem intelligentiam, Sol, Christus est, sicùt in Malachia scriptum est: Vobis autem credentibus justitiæ Sol orietur, & sanitas in pinnis ejus. Meritò autem Christus Sol intelligitur dictus: quia ortus occidit, secundum carnem, & secundum spi-

ritum de occasu rursus exortus. Item Sol illuminat, & exurit, & opaco tempore confovet sanos, febricitantes verò flagrantia geminati caloris incendit: ità & Christus credentes fidei spiritu vegetante illuminat, negantes se æterni ignis ardore torrebit.

CAPUT XVI.

De Quantitate Solis, & Lunæ.

I **R**ursus⁽⁵⁾ in eodem opere Doctor idem ità testatur: Solis radius nulli propior, nulli longinquior est. Similiter, & Lunæ globus æqualis est omnibus. Similis Sol est, & Indis, & Britannis; eodem momento ab utrisque videtur, cum oritur, nec cum vergit in Occasum minor appareret Orientalibus: nec Occidentalibus, cum oritur, inferior, quàm Orientalibus æstimatur. Quantum distat, inquit, Oriens ab Occasu, tantum hoc sibi invicem distat. Sed Sol à nullo distat, nulli præsentior, nullique remotior est. Neque moveat quemquam, quod tanquam cubitalis in Orbe suo videtur, cum oritur: sed considerare oportet, quantum intersit spatii inter Solem, & Terram, quod aspectus nostri infirmitas, & quædam ægritudo vix valet intendere. Hunc⁽⁶⁾ autem ampliorem aliquot partibus, quàm terram esse Sapientes describunt.⁽⁷⁾ Lunam minorem esse dicunt, quàm Solem: omnia enim quæ proxima sunt nobis, majora videntur: longinquitate au-

(1) Hæc sunt verba Ambrosii, vel ex alia causa, *Lib. 2. cap. 3.*

(2) Nos autem credimus eum sicùt habere virtutem.—exurit. *Ejusd. lib. 4. cap. 3.*

(3) Igneus est enim Sol—rorantem. *Avanti Interpret.* Sol interea, dum igneus sit, præ nimio motu conversionis suæ amplius incalcescit. Cujus ignem dicunt philosophi aqua nutriti, & è contrario elemento virtutem luminis, & caloris accipere, undè videmus eum sæpius madidum, atque rorantem.

(4) In quo evidens—sumpsit. *Verba sunt Ambrosii loco citato.*

(5) Rursus in cod. op. Doctor idem, *lib. 4. cap. 6.*

(6) Hunc autem ampliorem, quàm terram. *Octies majorem terram, ait Macrob. lib. 1. in Somn. Scip. cap. 20. Vid. Plutarch. lib. 2. de Placit. Philoi.*

(7) Lunam minorem—majorem futurum. *Verba sunt Hygini, lib. 4. cap. de Luna. Sed corrigendus ex Isidoro Hyginus.*

autem locorum, visus languescit. Lunam ergò videmus prope nos esse, nec eam majorem aspectui nostro, quàm Solem. Ideòque, cum Sol longè superior sit à Luna, tamen nobis major videtur: jam, si propè nos accesserit, multò majorem futurum.

CAPUT XVII.

De Cursu Solis.

Dicunt ⁽¹⁾ Antiqui, Aratus, & Hyginus, Solem per seipsum moveri, non cum mundo verti uno loco manentem. Nam si fixus maneret, necesse erat eodem loco occidere, & exoriri, à quo pridè fuerat exortus: quemadmodum cætera siderum signa oriuntur, & occidunt. Præterea: si ita esset, consequens erat dies, & noctes omnes esse æquales, & quàm spatiosus hodiernus dies esset, tam longus semper esset futurus. Nox quoque simili ratione semper æqualis permaneret, sed quoniam inæquales dies aspicimus, & Solem alio loco cras occasurum, alio occidisse hesternum videamus, ideò qui diversis locis occidit, & exoritur, putant eum Philosophi nequaquam cum mundo fixum volvi, sed ipsum per se moveri. Qui ⁽²⁾ postquam ardentem rotam Oceano tinxerit, per incognitas nobis vias ad locum, undè exierat, regreditur, expletoque noctis circulo rursus de loco suo festinus erumpit: obliqua enim, & fracta linea per Austrum pergit ad Boream, & ita ad Orientem revertitur. Hyemis autem tempore per plagam meridianam currit. Æstate verò Septemtrioni vicinus est. Sed quando

per Austrum currit, vicinior terræ est: quando verò juxta Septemtrionem, sublimis attollitur. ⁽³⁾ Cui ideò Deus diversa cursus constituit loca, & tempora, ne dum semper in iisdem moraretur locis, quotidiano ea vapore consumeret. Sed, ut ⁽⁴⁾ Clemens ait, diversos accipit cursus, quibus aëris temperies pro ratione temporum dispensetur, & ordo vicissitudinum, permutationumque servetur. Nam dum ad superiora conscenderit, vel temperat: ubi autem ad summum Cælum venerit, æstivos accendit calores. Descendens rursus, autumnii temperiem reddit: ubi verò ad inferiorem redierit circulum, ex glaciali compage Cœli, rigorem nobis hyberni frigoris derelinquit. Ex ipso enim sunt horæ: ex ipso dies cum ascenderit, ex ipso etiam nox cum occiderit: ex ipso menses, & anni numerantur: ex ipso vicissitudines temporum fiunt, & cum sit iste minister bonus genitus ad vicissitudines temporum moderandas, tamen ubi secundum voluntatem Dei correctio mortalibus datur, incandescit acrius, & urit mundum vehementioribus flammis, & perturbatur aër, & plaga hominum, & corruptio terris injicitur, & lues animantibus, & pestilens per omnia mortalibus annus inducitur. Quòd autem Sol Oriens per Austrum, id est, meridianum, iter habet, & decursa Australi parte invisibilis vadit in locum suum rediens; ad instar quippè Ecclesiæ fabricatus est hic mundus, in quo Dominus Jesus Christus Sol æternus partem suam percurrit, undè & Meridianum vocant. Aquiloni verò, id est, adversæ parti non oritur, sicut iidem,

(1) Dicunt Antiqui Aratus, & Hyginus. *Arati interpret cap. penultimo. Et Hygin. lib. 4. capite de Sole. Cujus sunt hæc omnia verba:* Solem per seipsum moveri, usque ad illa, nequaquam per se ipsum volvi, sed ipsum per se moveri. Nisi quod ea, quæ illi sine cunctatione pronuntiant, ea Iridor, ipsi tribuens veluti addubitan profert.

(2) Qui postquam ardentem tinxerit Oceano rotam. Mirum, ni hæc Lucretii sunt,

(3) Cui ideò Deus—consumeret. *Verba sunt Ambrosii, lib. 2. cap. 3.*

(4) Sed ut Clemens ait, diversos accipit cursus—annus inducitur. *Verba sunt Clementis, lib. 8. Recognitionum.*

cum in iudicio venerit, dicent: *Justitiæ lumen non illuxit nobis, & Sol non est ortus nobis.* Timentibus autem Dominum oritur Sol *justitiæ*, & *sanitas* in pinnis ejus, sicut scriptum est. *Malis verò meridie nox est, sicut legitur: Dum sustinent ipsi lumen, factæ sunt illis tenebræ: Dum sustinent fulgorem, in obscura nocte ambulaverunt.*

CAPUT XVIII.

De Lumine Lunæ.

I **A**IT ⁽¹⁾ Sanctus Augustinus in Psalmi decimi expositione: *Quæritur, inquit, undè habet Luna lumen. Duæ tantum opiniones traduntur, sed quæ sit harum verax, dubium fertur quemquam scire posse. Alii namque dicunt proprium eam lumen habere, globique ejus unam partem esse lucifluam, aliam verò obscuram, & dum movetur in circulo suo, eandem partem, qua lucet, paulatim ad terras converti, ut videri à nobis possit, & idè prius quasi corniculato lumine fulget. Nam & si formes pilam ex parte media candidam, ex parte obscuram, tunc eam partem, quæ obscura est, si coram oculis habeas, nihil candoris aspicias: cum cœperis illam candidam partem paulatim ad oculos convertere, primum veluti cornua candoris videbis: dehinc sensim crescet, donec tota pars candens opponatur oculis, & nihil obscurum alterius partis videatur; quam si denuò paulatim converteris, incipit obscuritas apparere, & candor minui, donec iterum ad cornua redeat, ac sic totus candor ab oculis avertatur, & sola iterum obscura pars pos-*

sit videri. Quod fieri dicunt, cum lumen Lunæ videtur crescere usque ad quintamdecimam, & rursus usque ad tricesimam minui, & redire ad cornua, donec penitus nihil in ea lucis appareat. At contrà alii dicunt, Lunam non suo fulgere lumine, sed à Sole accipere lumen. Sol enim illi loco superior est. Hinc evenit, ut quando sub illo est, parte superiore luceat, inferiore verò, quam habet ad terras, obscura sit. Cum verò ab illo discedere cœperit, illustretur ex ea parte, quam habet ad terram, incipiens à cornibus. Sicque paulatim, Sole longius discedente, pars omnis subterior illuminatur, donec efficiatur quinta-decima Luna. Post dimidium autem mensem cum cœperit ex alio semicirculo propinquare Soli, quantò magis superiore parte illustratur, tantò magis ab ea parte, quam terris avertit, non potest excipere radios Solis, & propterea videtur decrescere. Illud certè manifestum est, & cuilibet advertenti facillè cognitum, quòd Luna non augeatur ad oculos nostros, nisi à Sole recedendo, nequè minuitur, nisi ad Solem ex parte alia propinquando. Ab illo ergò accipit lumen, & cum sub illo est, semper exigua est: cum verò ab illo longius abcesserit, fit ampla, suoque ambitu plena. ⁽²⁾ Si enim suo lumine uteretur, necesse erat semper eam esse æqualem, nec die xxx. exilem fieri: & si suo lumine uteretur, hujus nunquam eclipsis fieret. Cæterum, quantum ad intellectum pertinet mysticum, Lunæ hujus mundi speciem tenet: quia sicut ista menstruis completionibus deficit, ità mundus ad conflationem temporum currens quotidianis defectibus

ca-

(1) Augustinus in Ps. 10. Et lib. 3. de Genes. cap. 15.

(2) Si ea suo lumine uteretur—exilem fieri. Verba sunt Hygini cap. de Luna.

cadit. Luna quippè elementi sui varietate diversis cursibus desinit, ut crescat: crescit, ut desinat. Sed ideò alternis vicibus commutationem sideris representat, ut doceat homines ex ortu morituros, & ex morte victuros: atque ideò cum senescit, mortem corporum prodit: cum augetur, æternitatem indicat animarum. Nonnunquam verò eadem Luna etiam Ecclesia accipitur, pro eo quòd sicut ista à Sole, sic Ecclesia à Christo illuminatur. ⁽¹⁾ Sicut enim Luna deficit, atque crescit: ità Ecclesia defectus habet, & ortus. Frequentè enim defectibus suis crevit, & his meruit ampliari, dum persecutionibus minuitur, & confessorum martyrio coronatur. Item sicut Luna larga est ⁽²⁾ roris, & dux humentium substantiarum: ità Ecclesia Baptismi, & Prædicationum. Et quemadmodum, Lunà crescente, crescunt omnes fructus, atque eà minuente, minuuntur: non aliter intelligimus & Ecclesiam, in cuius incremento proficimus cum ipsa. Cum verò persecutionem patitur, & minuitur, & nos cum illa patimur, & minuihur. ⁽³⁾ Item sicut septem formas habet Luna, sic tot gratias meritorum habet Ecclesia. Primam enim figuram, bicornem habet: Secundam, sectilem: Tertiam, dimidiam ex maiore: Quartam, figuram plenam habet: Quintam, iterum dimidiam ex maiore: Sextam, iterum sectilem: Septimam, bicornem. Eodem constat numero etiam distributio charismatum, quæ per Spiritum Sanctum toti Ecclesiæ conferuntur. Sep-

tima autem semis, & vicesima secunda semis, in suo Orbe media est. Cæteræ proportionales sunt.

CAPUT XIX.

De Lunæ Cursu.

I **L** Unam ⁽⁴⁾ per alios ortus, & Occasus, Hyginus ait, necesse est moveri, non stare, idque facilius quàm de Solis luce intelligitur. Quia cum à Sole accipiat lumen, & ità nobis lucere videatur, non est dubium eam moveri potius, quàm stare. ⁽⁵⁾ Terris autem vicina Luna breviori Orbe convertitur, & iter, quòd Sol in diebus cclxv. peragit, ista per triginta dies percurrit. Undè & Antiqui menses in Lunæ, annos autem in Solis cursu posuerunt. ⁽⁶⁾ Itaque Luna per tricenos dies duodenis vicibus cursum perficiens, consummat annum secundum Hebræos, aliquibus diebus adiectibus: secundum Romanos, bissexto semel in quadriennio unius diei adiectione celebrato. Cujus etiam augmentis decrementisque mirà quadam providentiæ arte, omne quod gignitur, alitur, atque crescit. Nam ⁽⁷⁾ & defectui ejus compatiuntur elementa, & processu ejus quæ fuerint exinanita cumulantur, ut animantium cerebri maritumorum, siquidem echinus, ostreæque in augmento Lunæ pleniores reperiri feruntur.

CAPUT XX.

De Echysi Solis.

I **S**olem ⁽⁸⁾ Sapientes dicunt alitius currere: Lunam autem pro-

(1) Sicut enim Luna deficit—coronatur. *Ambrosii sunt verba lib. 4. cap. 8.*

(2) Larga roris. *Ambrosii lib. 4. cap. 7.*

(3) Item sicut septem formas. *Ead. lib. 3. Etymolog. totidemque species assignat Luna Clemens lib. 6. Strom ex Seleuco Mathematico. Ex quo, & Isidori ipsius mente has nos species tum hic, tum etiam in Etymologiis reformavimus. Sectilem autem, non sextilem ex veteribus libris appellamus dimidiam, vel semissem.*

(4) Lunam per alios ortus—potius quàm stare. *Verba sunt Hygini omnia, licet non continentur apud eum legantur.*

(5) Terris autem vicina Luna—percurrit. *Verba sunt Interpretis Arati, numero dierum Luna tantum mutato.*

(6) Itaque Luna per tricenos—celebrato. *Verba sunt Ambrosii lib. 4. cap. 5.*

(7) Nam & Defectui—feruntur. *Ambrosii cap. 7.*

(8) Solem Sapientes dicunt—transmittit. *Totus locus ex Hygini lib. 4. cap. de Luna.*

proximam esse terræ. Hæc ergò, dum deorsum ad idem signum, vel lineam, qua Sol vehitur, convenerit, objicit se Soli, & tenebras totius Orbis efficit. Quod tantum inter menstruo contingit. Nam tunc Luna in eadem parte signi est, qua Sol vehitur, ideòque fit illi proxima, & oppositione sui obscurari ab oculis nostris lumen ejus videtur: veluti si aliquis oculis manum expansam opponat, quantò magis id fecerit, eò minus illa videri poterit: quantò autem procul discesserit, eò magis illi omnia poterunt apparere. Simili itaque ratione cum ad Solis locum, vel lineam Luna pervenerit, tunc proxima ei esse videtur, & radios ejus ita coram oculis nostris obscurare, ut lumen non possint ejicere. Cum autem Luna ab eo loco discesserit, tunc Sol lumen ejicit, & ad oculos nostros transmittit. Quapropter ita Soli objicitur Luna, sicut Lunæ opponitur terra: quæ utraque lumina cum ad terras non perveniunt, defecisse dicuntur. Alii autem dicunt defectum Solis fieri, ⁽¹⁾ si foramen aëris, quo Sol radios fundit, aliquo spiritu contrahatur, sive obturetur. Hoc Physici, & Sapientes mundi dicunt. Cæterum Doctores nostri mysticè hujus eclipsis mysterium in Christo dixerunt esse completum, tunc cum interrupto æterni fœderis cursu insolito, turbata ordinem suum elementa perdiderunt, cum sacrilegæ factum conjurationis Sol iste verus horrescens, insertis in Populo Judaico errorum tenebris, paullulum semetipsum per mortem abscondit, ac de Cruce depositus, sese in Sepulcro abditus obscuravit, do-

nec tertia die augustior solito huic mundo, id est, gentibus claritatis suæ potentiam præsentaret: ac sicut Sol in virtute sua refulgens, tenebras operi seculi illuminaret.

CAPUT XXI.

De Lunæ Eclipsi.

I LUNA ⁽²⁾ non deficit, sed obumbratur, nec diminutionem sentit corporis, sed objectu obumbrantis terræ casum patitur luminis. Hanc enim Philosophi non habere lumen proprium, sed eandem à Sole illuminari defendunt: & quia ea dimensione distat à Sole, ut per mediam terram, si quid directum trajectiatur, contingere possit Solem sub terram, Lunam autem supra terram: & quia usque ad Lunarem circulum umbra terræ extenditur, ideò evenit nonnunquam, ut Solis radii, objiciente se mole terræ, vel umbrâ, ad eam non perveniant. Patitur autem hoc quintadecima Luna, quousque centrum, atque umbram obstantis terræ exeat, videatque Solem, vel à Sole videatur. Constat ergò Lunam ex Solis radiis lumen accipere, & dum objectu terræ Solem non aspexerit, tunc lumen amittere. ⁽³⁾ Nam dicunt Stoici omnem terram montibus claudi, quorum umbrâ fertur Luna subitò non apparere. Undè Lucanus:

Jam Phœbe totum fratri cum red-
deret Orbem,

Terrarum subita percussa expalluit
umbra.

2 Figuralitèr ⁽⁴⁾ autem per Lunæ defectum Ecclesiæ persecutiones intel-

li-

(1) Si foramen aëris, &c. *Quod Anaximandro placuit, Plutarch. 2. de Placit. cap. 20. & 24.*

(2) Pleraque ex eod. Hygin. cap. de Luna.

(3) Nam dicunt Stoici. ita m. s. o. historici impress. Hyginus. Etsi nonnulli dixerunt in Solis cursu evenire, ut cum pervenerit ad eum locum, ubi occidere dicatur: ibi montium magnitudine à nobis lumen averti Solis, & ita noctem videri. Quod si ita fit, nimirum eclipsis Solis verius, quam noctem dicimus.

(4) Figuralitèr autem. *Ex Aug. in Ps. 10.*

liguntur, quando martyrum cædibus, & effusione sanguinis, tanquàm illo defectu, & obscuracione, quasi cruentam faciem Luna ostendere videtur, ut à nomine Christiano terreantur infirmi. Sed sicùt ista post defectum perspicua illustratione clarescit, adeò ut nihil detrimenti sensisse videatur: ità Ecclesia, postquam per martyrum confessionem suum pro Christo Sanguinem fuderit, majore fidei claritate refulget, atque insigniori lumine decorata semetipsam latius in toto Orbe diffundit.

CAPUT XXII.

De Cursu Stellarum.

I **STELLÆ** ⁽¹⁾ quidè cum mundo vertuntur: non, stante mundo, Stellæ vagæ feruntur, exceptis his, quæ Planetæ vocantur, id est, errantes, quæ vagis moventur ordinibus. Cæteræ, quæ aplanes appellantur, uno loco fixæ cum mundo volvuntur. Ideò autem Planetæ, id est, errantes dicuntur, quia per totum mundum vario motu discurrunt. Partibus autem diversis inter se moventur sidera. Nàm quædam superiùs, quædam inferiùs currunt. Undè & illa, quæ terris propinquiora sunt, quasi majora nobis videntur, quàm ea, quæ circum Cœlum volvuntur. Longinquitate enim locorum visus languescit: Hinc accidit, ut intervallo longè interse distantium circulorum, alia celeriùs, alia tardiùs ad cursus sui exordium revertantur. Nàm quædam sidera celeriùs exorta, seriùs occidere existimantur: quædam etiam tardiùs cæteris exorta,

citiùs ad Occasum perveniunt. Quædam verò paritèr oriuntur, & non simul occidunt. Omnia autem suo tempore ad cursum proprium revertuntur. Radiis autem Solis præpedita sidera, aut anomala fiunt, aut retrograda, aut stationaria. Juxta quod, & Poëta meminit, dicens:

Sol tempora dividit ævi,
Mutat nocte diem, radiisque potentibus astra.
Ire vetat, cursusque vagos statione moratur.

CAPUT XXIII.

De Positione septem Stellarum errantium.

I **N** ambitu quippè septem Cælestium Orbium, primum in inferioris spheræ circulo Luna est constituta. Ideò proxima terris posita, ut nocte nobis facilius lumen exhibeat. Dehinc secundo circulo Mercurii Stella collocata, Soli celeritate par: sed vi quadam, ut Philosophi dicunt, contraria. Tertio circulo Luciferi circumvectio est, ⁽²⁾ indè à Gentilibus Venus ità dicta, quòd inter quinque Stellas plus lucis habeat. Nàm, ut prædiximus, quemadmodum Sol, & Luna, ⁽³⁾ ità, & hæc umbram facit. ⁽⁴⁾ Quarto circulo Solis cursus est collocatus, qui proindè, quia omnibus est lucidior, medius est constitutus, ut tam superioribus, quàm inferioribus lucem præstet. Ratione autem divinà sic constitutus est, quia præclara omnia in medio esse debent. Porro ⁽⁵⁾ quinto circ-

(1) Stellæ quidem cum mundo vertuntur. Id probat Hyginus ibid. Vid. lib. 3. Etymolog. à cap. 60. usque ad 70.

(2) Indè à Gentilib. Venus dicta. Non dicta est Venus, quòd plus lucis habeat, sed Lucifer. Ità enim 3. Etymolog. Quod inter omnia sidera lucis plus ferat.

(3) Ità & hæc umbram facit. Plinius lib. 2. cap. 8. de Venere. Claritatis quidem tantæ, ut unius hujus Stellæ radiis umbræ reddantur.

(4) Quarto circulo Sol. Cicero nem sequitur. Nàm Plato secundo circulo collocabat. Vid. Macrobi. lib. 1. in Somn. Scip. cap. 19.

(5) Porro quinto circulo Pyrois. Menelæi libri omnes hoc quoquè loco Vesper pro Pyrois habebant.

CAPUT XXIV.

De Lumine Stellarum.

I STellas⁽¹⁾ non habere proprium lumen, sed à Sole illuminari, dicunt, nec eas unquam de Cœlo abscedere, sed veniente Sole celari. Omnia enim sidera obscurantur, Sole oriente, non cadunt. Nam dum Sol ortus sui signa præmiserit, omnes Stellarum ignes sub ejus luminis fulgore evanescunt: ita ut præter Solis ignem nullus sideris splendor videatur. Hinc etiam, & Sol appellatus, eò quod solus appareat obscuratis cunctis sideribus. Nec mirum hoc de Sole, cum etiam plena Luna, & tota nocte fulgente, pleraque astra non luceant. Esse autem etiam per diem in Cœlo Stellas probat Solis deliquium, quòd quando Sol, objecto Orbe Lunæ, fuerit obscuratus, clariora in Cœlo videantur astra. Stellæ autem, secundum mysticum sensum, sancti viri intelliguntur. De quibus dictum est: Qui numerat multitudinem Stellarum. Sic enim omnes Stellæ à Sole illuminantur: ita Sancti à Christo gloriâ Cœlestis Regni glorificantur. Et sic præ fulgore Solis, & vi maximâ luminis ejus sidera obtunduntur: ita & omnis splendor Sanctorum in comparatione gloriæ Christi quodammodò obscuratur. Et quemadmodum Stellæ sibi differunt claritate: ita justorum diversitas meritorum discretione.

CAPUT XXV.

De Lapsu Stellarum.

I Falsa⁽²⁾ autem opinio, & vulgaris est: nocte Stellas cade-

re, cum sciamus ex æthere lapsos igniculos ire per Cœlum, portarique ventis, vagique lumen sideris imitari: Stellas autem immobiles, fixasque permanere in Cœlo. Nam illud quod ait Poëta:

Sæpè etiam Stellas vento impendente videbis

Præcípites Cœlo labi, noctisque per umbras

Flammarum longos à tergo albescere tractus.

Et iterum:

—lapsa per altum

Aëre disperso trahere candentia sulcos

Sidera, & summis etiam quæ fixa tenentur

Astra polis.

Sed hi Poëtæ voluntariè ad opinionem vulgi se contulerunt. Caterùm Philosophi, quibus curæ est mundi quærere rationem, illa assèrunt, quæ superius memorata sunt.

CAPUT XXVI.

De Nominibus Astrorum.

I Egitur in Job, dicente Domino: Nunquid conjungere vales micantes Stellas Plejades, & gyrum Arcturi poteris dissipare? Nunquid producis Luciferum in tempore suo, & vespereum super filios terræ consurgere facis? Et iterum alibi: Qui facit Arcturum, & Orionem, & Hyadas. Hæc nomina Stellarum dùm in Scripturis legimus vanis deliramentis assensum non præbeamus, qui falsis opinionibus vocabula ista in Astris ex hominum nominibus, vel aliarum creaturarum vocabulis imposuerunt. Ità enim Stellarum quarumdam Geniti-

(1) Stellas omnes non habere lumen. *Macrobius lib. 1. In Somn. cap. 19. Lunam unam alieno lumine, ceteras omnes Stellas suo lucere, ait.*

(2) Falsa autem opinio. *E Serv. 1. Georg. ad v.*

Sæpè etiam Stellas vento impendente videbis.
Præcípites Cœlo labi.

tilium Sapientes nomina, sicut & dierum, indiderunt. Quod verò eisdem nominibus Sacra utitur Scriptura, non eorum idcirco vanas approbat fabulas, sed faciens ex rebus visibilibus invisibilibus rerum figuras, ea nomina pro cognitione ponuntur, quæ latè sunt cognita, ut quidquid incognitum significat, facilius per id quod est cognitum humanis sensibus innotescat. ⁽¹⁾

Arcturus est ille, quem Latini Septemtrionem dicunt, qui septem Stellarum radiis fulgens, in seipso revolutus rotatur, qui ideò Plaustrum vocatur: quia in modum vehiculi volvitur, & modò tres ad summa elevat, modò quatuor inclinatur. Hic autem in Cœli axe constitutus semper versatur, & nunquam mergitur. Sed dum in seipso volvitur, & nox finitur. Per hunc Arcturum, id est, Septemtrionem, Ecclesiam septenaria virtute fulgentem intelligimus. Nam sicut in axe Cœli Arcturus semper inclinatur, rursumque erigitur, ita & Ecclesia diversis quidem adversitatibus humiliatur, sed mox consurgens spe, & virtutibus elevatur: & sicut ex tribus Stellis, & quatuor Septemtrio efficitur: ita Ecclesia ex fide Trinitatis, & operationibus quatuor virtutum principalium consummatur. Fide enim, & operibus homo justificatur. Bootes,

Stella est, quæ Plaustrum, id est, Septemtrionem sequitur, qui etiam ab Antiquis Arctophylax dicitur, sive minor Arctos. Unde & quidam eam Septemtrionem dixerunt. ⁽²⁾ Hanc spectant præcipuè, qui navigare noscuntur. De qua Lucanus:

Velox ubi nocte Bootes:

Quæ cum orta fuerit, citò facit Occasum.

⁽³⁾ Plejades sunt multæ juges Stellæ, quas etiam botrum appellamus à multitudinem Stellarum. Nam & ipsæ septem esse dicuntur, sed amplius quàm sex nullus conspiciere potest. Hæc ab Oriente surgunt, & appropinquante diei claritate Stellarum ejus ordo distenditur. Plejades autem ex pluralitate vocatæ sunt, quia pluralitatem Græci *πλειάδα* appellant. Has Latini Vergilias appellaverunt, eò quòd verè oriantur, & eò magis cæteris prædicantur, quòd his ex Orientibus ætas significatur, Occidentibus hyems ostenditur, quod aliis penitus non est traditum signis. His autem Stellis ab ⁽⁴⁾ eo quòd septem sunt, & splendide micant, Sancti omnes septiformi spiritus virtute fulgentes significantur: ab eo autem quòd sibi vicinantur, sed non se contingunt, charitate proximis, & tempore divisos Dei Prædicatores ostendunt. ⁽⁵⁾ Orion Stella est. *

Hic

(1) Arcturus est ille quem Latini Septemtrionem. Hæc eadem in 3. Etymologiar. de Arcto aliquanto aptius dicuntur. Sed hoc loco Arcton, & Booten, sive Arctophylacem, & Arcturum, quæ propinqua sunt, confudit, ut ipse paullo post fatetur.

(2) Hanc spectant præcipuè, qui navigare noscuntur. *Utravis ursæ minoris nullo periculo nauta, quod utraque Tolo proxima exiguam circumlucet, ita Ovidius:*

Esse duas Arctos, quarum Cynosura vocatur Sidiouis, Elicen Graja carina notat.

(3) Plejades. Eadem 3. Etymolog.

(4) Ab eo quòd septem sunt. *Clem. Strom. 6. septem esse sævè affirmat, & Basil. in cap. 3. Loci. septem, ait, appere, quævis parvas, & glomeratas, & Ovid. Fast. 4.*

Quæ septem dici, sex tamen esse solent.

Cic. ex Arato.

Hæ septem vulgò perhibentur more vetusto Stellæ, cernuntur verò sex undique parvæ. At non interisse putari convenit unam, Sed frustra temere à vulgo ratione sine ulla Septem dicere, ut Veteres statueret Poeta, Aeterno cunctas ævo, qui nomine dignant Aeyone, Meropeque Celeno, Taygeteque. Electre, steropæque simul sanctissima Maja.

(5) Orion Stella est. * Asterisco notavimus locum, quem facile explere possis, vel ex tertio Etymolog. vel ex Arati in-

(1) Hic autem Orion gladius dictus est. Undè etiam eum Latini Jugulam vocant, sidus, ut videtur, armatum, & Stellarum luce terribile, quod ignorare magnæ difficultatis est, adeò ut quamvis rudes oculos, tamen præ fulgoris splendore in seipsum rapiat. Hi quippè Oriones in ipso pondere temporis hyemalis exoriuntur, suoque ortu imbres, & tempestates excitant, & maria, terrasque perturbant. Oriones autem significant Martyres. Nam sicut isti nascuntur in Cœlo tempore hyemis: ita in Ecclesia Martyres procedunt tempore persecutionis. Procedentibus Orionibus, mare turbatur & terra: obortis verò Martyribus, terrenorum, & infidelium corda tempestate jactantur. Lucifer, (2) Stella nitens, quæ omnium maxima, & clarior esse videtur. Nam quemadmodum Sol, & Luna, ita hæc umbram facit. Ista igitur orientem Solem præcedit, atque manè nuntians tenebras noctis lumine sui fulgoris dispergit. Cujus figura est Christus, qui velut Lucifer, per Incarnationis Mysterium producit: per quem lux fidei, tanquam dies secutura, monstratur. Lucifer autem bipertitus est: sic hujus pars sancta est, sicut Dominus in Apocalypsi de se, & Ecclesiâ dicit: Ego sum genus, & radix David, Stella splendida, & matutina. Item: Qui vincit, dabo ei Stellam matutinam. Pars autem alia Luciferi, Diabolus esse dignoscitur. De quo scriptum est: Quomodo cecidisti de Cœlo, Lucifer, qui manè oriebaris, & qui etiam in Cœlo super Stellas Dei dicit se sedem

positurum, & cadens de Cœlo confringitur. Vesperus, est Stella Occidentalis noctem ducens. Hic Solem Occidentem sequitur, & tenebras succedentes præcedit. Hic autem Antichristi exprimit typum, qui tanquam vespere consurgit, ut ait Job, super filios terræ, ut cæcæ noctis successu carnalium corda offuscet. Quod ideò Auctore Deo fit, quia pro infidelitate præcedenti, quâ renuerunt Christo credere, Antichristum suscipere meruerunt. (3) Cometes, Stella est, quæ velut comas luminis ex se fundit. Hæc cum nascitur, aut regni mutationem fertur ostendere, aut bella, aut pestilentias surgere. De qua Prudentius ait: Tristis cometa intercedit. Et Lucas: Et terris minitantem regna cometem. Et Virgilius: Nec diri toties arsere cometæ. Genethliaci autem omnes Stellas erraticas quibusdam temporibus cometas fieri dicunt, & prout cuique sunt motus, ita secunda, vel adversa portendere. Sirius, Stella est, quam vulgò Canem appellant. Sirius (4) quippè appellata, propter flammæ candorem, quòd ejusmodi sit, ut præ cæteris lucere videatur.

2 Hæc oriens mundum ardoris nimio calore incendit, & æstu suo fractus exurit. Interdum & morbo afficit corpora, corrumpens aerem flagrantia ignis. Ab hac enim Stella dies Caniculares nominantur, quoniam hi plus flagrant ardoribus, quàm totius æstatis tempus.

K

CA-

terprete à quo Isidorus hac mutuatus est. Sic enim ille. Orion, qui & iacula dicitur, ante tauri vestigia fulget, & dicitur Orion ab urina, id est, ab inundantia aquarum. Tempore enim hyemis habet ortum, cum mare, & terras tempestatibus turbat. Hunc Romani jugulam vocant, eo quod sit armatus, ut gladius, Stellarum luce terribilis, &c.

(1) Hic Orion gladius. Ità impress. pejus multo manusc. o. Hic autem Orion à gladio dictus est.

(2) Lucifer Stella nitens. Plura hic leguntur in quibusd. libris, è tertio Etymologiar. hunc accito, neque enim in veterioribus reperitur.

(3) Cometes. Totidem fere. 3. Etymolog.

(4) Sirius quippè appellatur propter flammæ candorem. Rectissimè, ut ne suspicio quidem ulla vestes de emendatione loci libri 3. Etymolog. Arati interpres. Sirium autem Stellam vocatam putant propter flammæ candorem.

CAPUT XXVII.

Utrum Sidera Animam habeant.

SOlet autem quæri, ut ait Sanctus ⁽¹⁾ Augustinus, utrum Sol, & Luna, & aliæ Stellæ corpora sola sint, an habeant rectores quosdam spiritus suos. Et si habent, utrum ab eis etiam vitaliter inspicientur, sicut animantur canes per animas animalium, an sola sine ulla permixtione præsentia. Et dum motus alicujus corporis sine anima esse non possit: Stellæ, quæ cum tanto ordine, ac tantâ ratione moventur, ut in nullo prorsus aliquando cursus earum impediatur: utrum animantes sint, & rationabiles videantur, non faciliè comprehendi potest. Salomon autem cum diceret de Sole: Gyrens gyrendo vadit spiritus, & in circulos suos revertitur. Ostendit ipsum Solem spiritum esse, & quod animal sit, & spiret, & vigeat, & annuos Orbes suos cursu expleat, sicut & Poeta ait: Interea magnum Sol circumvolvitur annum. Et alibi: Lucen-temque globum Lunæ, Titaniaque astræ Spiritus intus alit. Quapropter si corpora Stellarum animas habent, ⁽²⁾ quærendum quid futuræ sint in resurrectione.

CAPUT XXVIII.

De Nocte.

Ambrosium ⁽³⁾ in Libro Hexameron legi dicentem: Quæritur qualiter spatium æris occupet umbra terræ efficiens nobis noctem, cum Sol recedit à nobis, diemque obducit, cum inferiora axis Septemtrionalis illuminat. Omne enim corpus umbram facit, & naturaliter umbra corpori adhæret, adeo ut etiam pictores umbras corporum, quæ pinxerint, nitantur exprimere. Idque artis asservunt, non intermittere vim naturæ. Ergo sicut in die cum à parte Solis aliquod corpus hominis, vel arboris occurrit, ex ea parte, qua lumen percipitur, umbra subsistit: sic cum recedente die ⁽⁴⁾ Sol ad eum locum pervenerit, ibi occidere dicitur, ibi montium magnitudine à nobis separatur, sicque ⁽⁵⁾ terræ objectu, à Septemtrionali parte obumbratur ær, adeo ut nobis noctem efficiat hæc ipsa umbra terrarum.

CAPUT XXIX.

De Tonitruo.

Tonitrua ⁽⁶⁾ autem ex fragore nubium generantur. Concepti enim intra sinum nubium ventorum spiritus versantur ibidem. Cumque vehementer sese erupturi eliserint,

(1) Ut ait S. Augustinus. *Extremo libro secundo de Genes. ad litteram.*

(2) Quærendum quid futuræ sint in resur. *Leguntur hæc in m. s. o. quæ videntur sumpta à lib. 10. de Civit. cap. 29.*

(3) Ambrosium in Libro Hexameron. 4. cap. 3.

(4) Ad eum locum pervenerit, ubi occidere dicitur, ibi montium magnitudine à nobis separatur. *Non sunt hæc Ambrosii, sed Hygini verba superius cap. 21. A nobis relata.*

(5) Sique terræ objectu, à Septemtrionali parte obumbratur ær. *Voces à Septemtrionali parte, addidit Isid. quæ aptius collocarentur sic: Obumbratur ær à Septemtrionali parte, ne objici terra videretur à Septemtrionali parte.*

(6) Tonitrua. *Amb. lib. 2. cap. 4.* Neque enim firmamentum hoc potest sine aliquo rumpi fragore, aut penetrari. Unde & de tonitribus, quæ concepto intra sinum nubium spiritu, cum se vehementer erupturus eliserit magno concupant sonitu, ait scriptura: firmans tonitrua. *Suspicio autem verba hæc Isidori: Et in morem exilientium de stabulis quadrigarum sonus fragoris ejus ad aures nostras emittitur: desiderari apud Ambrosium, restituendaque ex hoc loco: ante illa verba ait scriptura, ut parenthesi includantur, totusque locus ita legatur.* Neque enim firmamentum hoc potest sine aliquo rumpi fragore, aut penetrari. Idco & firmamentum dicitur, quod non sit invalidum, neque remissum. Unde & de tonitribus (quæ concepto intra sinum nubium spiritu, cum se vehementer erupturus eliserit, magno concupant sonitu, & in morem exilientium de stabulis quadrigarum sonus fragoris ejus ad aures nostras emittitur) ait scriptura.

rint, & virtutis suæ mobilitate in quamlibet partem eruperint, magno concrepant murmure, & in morem exilientium de stabulis quadrigarum sonus fragoris ejus ad aures nostras emititur. Aliàs autem tonitruum, divinæ vocis superna est increpatione, sive clara prædicatio Sanctorum, quæ clamore forti per totum Orbem terrarum in auribus fidelium per strepit, per quod possit culpam suam admonitus agnoscere mundus.

CAPUT XXX.

De Fulminibus.

I **A** Junt ⁽¹⁾ naturalium scrutatores causarum, quod ex collisione, atque attritu nubium fulgura generentur ad instar silicum duriorum: quos cum compulseris invicem sibi, medius ex his ignis elabitur, vel quemadmodum, si lignum ligno teras, ignem emitit. Undè & Papinius: Fulguraque attritis quotiens micuere procellis. Hac itaque ratione, cum nubila invicem in se fuerint collisa, illi cò fulmina mittuntur. Dehinc sequuntur tonitrua: quæ licet sonitu tardiora sunt, præcedenti concussi lu-

minis claritate, paritèr tamen cum fulgure emittuntur. Sed eorum sonitus tardiùs penetrat aures, quàm oculos splendor fulguris, ad instar securis arborem procùl cædentis: cujus quidem antè cernis ictum, quàm ad aures perveniat sonitus. Ergò nubium attritu fulmina nascuntur. Nunquam enim sereno Cælo fulgura micuerunt. ⁽²⁾ Undè & Virgilius:

Non alias Cælo ceciderunt plura sereno

Fulgura.

Fit enim fulmen nube, imbre, & vento. Nam cum ventus in nubibus vehementer agitato est, sic incalescit, ut incendatur. Dehinc, ut prædictum est, fulgura, & tonitrua simul exprimuntur. Sed illud celerius videtur, quia clarum est. Hoc autem tardiùs ad aures pervenit. ⁽³⁾ Post fulminis autem jactum, ventorum erumpere violentiam, sicque furorem tempestatis, quem in nubibus conclusi agebant, exeuntes ad terras emittunt. ⁽⁴⁾ Lucretius autem dicit: Fulmina ex minutis seminibus constare, idè penetrabilia esse: ubicumque autem fulmen ceciderit, sulphuris odorem emitit. Virgilius: Et latè circum loca sulphure

K 2

fu-

(1) Ajunt naturalium scrutatores---perveniat sonitus. *Concinnavit hæc ex Lucretii versibus hisce, lib. 6.*

Fulgit item nubes, ignis cum semina multa
Excussere suo concursu, ceu lapidem si
Percussit lapis, aut ferrum: nam tunc quoque lumen
Exiit, & claras scintillas dissipat ignis.
Sed tonitrum fit uti post auribus accipimus
Fulgere: quàm cernant oculi quia semper ad aures,
Tardius adveniunt, quàm visum, quæ movent res.
Id licet hinc etiam cognoscere, credere siquem
Ancipiti videas ferrò procùl arboris auctum.
Ante fit, ut cernas ictum, quàm plaga per aures.
Det sonitum: sic fulgorem quoque cernimus ante,
Quàm tonitrum accipimus, pariter qui mittit igni.
E simili causa & concursu natus eodem.

(2) Undè & Virgilius. Non alias Cælo ceciderunt p. sereno Fulgura. *Ad quæ verba Servius: Omen est (inquit) & in eo quod sereno Cælo fulgura missa sunt, & in eo quod plura missa sunt.*

(3) Post fulminis autem jact. *Ex eodem Lucretii loco.*

(4) Lucretius autem dicit. *Lib. 2. His verbis.*

Per facile est jam animi ratione exolvere nobis:
Quare fulmineus multo penetratior ignis,
Quàm noster fluat è terris terrestribus ortus.
Dicere enim possis, cælestem fulminis ignem,
Subtilem magis è parvis constare figuris.
Atque adèd transire foramina, quæ nequit ignis
Noster hic, è lignis ortus redaque creatus.

fumant, & Lucanus: Æthereoque nocens fumabit sulphure ferrum. In fulminibus, Sanctorum accipiuntur miracula, claritate signorum, ac virtutum micantia, atque ad intima cordis pervenientia. Sublimia loca amplius sentire dicuntur ventorum, vel fulminis injuriam, quam humilior terra. Unde & Horatius:

Feriantque summos ⁽¹⁾ fulgura montes.

Nimis autem excelsiora loca à tempestatibus esse secunda, ut Olympus, qui celsitudine sua nec impetus ventorum, nec fulminum ictus sentit, quia nubes excedit.

CAPUT XXXI.

De Arcu.

I Clemens ⁽²⁾ Romanus Antistes, & Martyr ita scribit: Arcus enim in aëre ex imagine Solis hoc modo formatur. Dum enim Sol in nubibus rarescentibus ex adverso refulserit, radiosque suos directâ lineâ humor in nubilo transfundens impresserit, fit percussio splendoris ejus in nubibus, è quibus fulgor emicans arcus speciem format. Sicut enim impressa cera anuli imaginem exprimit: sic nubes è contrâ ex rotunditate Solis figuram sumentes, orbem efficiunt, & arcus effigiem fingunt. Apparet autem hic non semper, sed cum rarescunt nubila Cœli. Nam rursus cum in se coeunt nubes, atque densantur, confestim arcus forma resolvitur. In nubium enim densitate arcus aërem in perfecto gyro complectitur. Denique sine Sole, & nubibus nunquam appareret arcus, quia ex typo radii Solis spe-

cies ejus formatur. ⁽³⁾ Quadricolor enim est, & ex omnibus elementis in se rapit species. De Cœlo enim trahit igneum colorem: de aquis purpureum: de aëre album: de terris colligit nigrum. Hic autem arcus, pro eo quod à Sole resplendet in nubibus, Christi gloriam indicat in Prophetis, ac Doctoribus refulgentem. Alii ex duobus coloribus ejus, id est, aquoso, & igneo, duo judicia significari dixerunt. Unum, per quod dudum impii perierunt in diluvio: alterum, per quod postmodum peccatores cremandi sunt in Inferno.

CAPUT XXXII.

De Nubibus.

I Notandum est ex Libro Job: Quod cogitur aër iste visibilis, ut conglobetur: conglobatus autem in nubes vertitur. Sic ipse dicit: Subito aër cogitur in nubibus, & ventus transiens fugabit eas. Et Virgilius:

Consurgunt venti, atque in nubem cogitur aër.

Nubes autem Sancti Prædicatores intelliguntur, qui verbi divini pluviam credentibus fundunt. Aër autem iste inanis, & tenuis, vacuas hominum mentes, vagasque significat, qui tamen densatus in nubes vertitur, quia collectæ ab inanitate fidelium mentes fide solidantur. Et sicut ex aëre inani fiunt nubes pluviales: sic ad fidem de mundi vanitate colliguntur Sancti Prædicatores. Nubes autem dictæ, quod æthera obtegant, unde & nuptæ dicuntur, quod vultus suos velent. Unde & Neptunus, quod nube, & mari terram tegat. ⁽⁴⁾

CA-

(1) Fulgura montes. Ita omnes libri, ut & Horatiani quidam.

(2) Clemens Romanor. — species ejus formati. Sunt hæc lib. 8. Recognitionum, sed apparet Isidorum alia interpretatione usum, ac dubitari posse, an ea quæ circumferuntur Ruffini sit.

(3) Quadricolor enim est. Tricolorem vult esse Aristoteles. Isidorum secutus est Beda.

(4) Vid. lib. 13. Etymolog. cap. 7.

CAPUT XXXIII.

De Pluviis.

I **L**Egitur in Amos Propheta: Qui vocat aquas maris, & effundit eas super faciem terræ. Aquæ enim amarissimæ maris vapore subtili calore aëreo suspenduntur, ⁽¹⁾ instar medicinalis cucurbitæ, quæ calore superioris circuli humorem, & sanguinem sursùm trahit. Hujusmodi itaque ratione aquæ maris per tenuissimos vapores in aëre suspensæ paulatim concrescunt, ibique igne Solis decoctæ in dulcem pluviarum saporem vertuntur. Dehinc gravescente nube modò vi expressæ ventorum, modò Solis calore dissolutæ, in terræ faciem asperguntur. A nubibus ergò rapiuntur aquæ maris, & iterùm ab ipsis redundant in terras. Sed sicut diximus, ut dulces possint esse in pluviis, coquuntur igne Solis. Alii autem dicunt, non tantummodò aquis maris nubes crescere, sed etiam exhalantis terræ vaporibus, nebulas adolescere, quibus densatis, coactisque nubes altiùs surgere. Atque iisdem labentibus pluvias effundere. Nubes autem, ut prædiximus, Apostoli significantur, atque Doctores. Pluviæ ergò nubium, eloquia sunt Apostolorum, quæ quasi guttatim, id est, sententialitèr veniunt, sed abundantius doctrinæ fecunditatem infundunt.

CAPUT XXXIV.

De Nive.

I **A**IT ⁽²⁾ Ambrosius, quòd plerumque glacialibus vento-

rum flatibus rigentes aquæ solidantur in Nivem, & rupto aëre nix funditur.

CAPUT XXXV.

De Grandine.

I **S**IMILI quoquè ratione grandinum coagulatio fit. Aquæ enim nubium rigore ventorum stringuntur in glaciem, atque durescunt. Dehinc glacies ipsa partim fragore ventorum comminuta in fragmina: partim Solis vapore resoluta, frustatim ad terras elabitur. Quòd autem rotunda videtur, hoc Solis calor efficit, & mora refrænantis aëris, dum per longum spatium à nubibus usque ad terras decurrit. Figuralitèr namque grando, perfidiæ duritia est, torpore malitiæ frigida: Nix autem, homines increduli sunt, frigidissimi atque pigri, & in infima torpore mentis depressit. Itèr alio intellectu, nives sunt homines dilectione frigentes, qui etsi existant candidi puritate baptismatis, non fervent spiritu charitatis.

CAPUT XXXVI.

De Ventis.

I **V**ENTUS est aër commotus, & agitatus ⁽³⁾ approbante Lucretio. Ventus enim fit ubi est agitando percitus aër. Quod etiam in loco tranquillissimo, & ab omnibus ventis quieto brevi flabello approbari potest, quo etiam muscas abigentes aërem commovemus, flatumque sentimus. Quod cum evenerit occultiori quodam motu Cœlestium, vel terrenorum corporum per magnum spatium mundi ventus vocatur ex diversis

K 3

sis

(1) Instar medicinalis cucurbitæ. Ex Ambros. lib. 2. cap. 3.

(2) Ait Ambros. --- nix funditur. lib. 2. cap. 4.

(3) Approbante Lucretio: Ventus n. f. v. g. a. p. a. Verum ex lib. 6. Quæ sententia fuit quoquè Anaximandri, & Stoicorum, quos reprehendit Aristoteles.

sis partibus Cœli nomina etiam diversa sortitus. Quidam autem ajunt : eo quòd ex aquis aër, ex aëre venti nascuntur. ⁽¹⁾ Clemens autem dicit : Eo quòd montes excelsi certis quibusdam habentur in locis, & ex his velut compressus, & coangustatus aër ordinatione Dei cogatur, & exprimitur in ventos, quorum inspiramine, & fructus germen concipiat, æstivusque ardor temperiem sumat, cum Plejades ignitæ Solis ardoribus incanduerint. Venti autem, interdum Angelorum intelliguntur spiritus, qui à secretis Dei ad salutem humani generis per universum mundum mittuntur. Itè nonnunquam venti, incentores spiritus poni solent, pro eo quòd malæ suggestionis flatu ad terrena desideria iniquorum corda succendunt, secundum quod scriptum est : Tollet eum ventus urens.

CAPUT XXXVII.

De Nominibus Ventorum.

I PRIMUS ⁽²⁾ ventorum cardinalis, Septentrio, frigidus, & nivalis, flat rectus ab axe, & facit arida frigora, & siccas nubes. Hic & Aparctias, Circius, qui & Thrascias, hic à dextris Septentrionis intonans facit nives, & grandinum coagulationes. Aquilo ventus, qui & Boreas vocatur, ex alto flans, gelidus, atque


siccus, & sine pluvia, qui non discutit nubes; sed stringit : undè & non immeritò Diaboli formam induit, qui iniquitatis frigore gentilium corda constringit. Secundus ventorum cardinalis, Subsolanus, qui & Apeliotes. Hic ab ortu Solis intonat, & est temperatus. Vulturnus ipse, qui & Cæcias vocatur, dexterius Subsolani. Hic dissolvit cuncta, atque desiccatur. Eurus, ex sinistro latere veniens Subsolani Orientem nubibus irrigat. Tertius ventorum Auster, plagæ meridianæ cardinalis, qui & Notus, ex humili flans, humidus, calidus, atque fulmineus, generans largas nubes, & pluvias lætissimas, solvens etiam flores. Euroauster, calidus ventus, à dextris intonat Austri. ⁽³⁾ Libonotus, vel Austroafricus ventus est temperatus, calidus à sinistris Austri spirans. Quartus est cardinalis Zephyrus, qui & Favonius ab Occidente interiori flans. Iste hyemis rigorem gratissimâ vice relaxat, flores producit. Africus, qui dicitur Lips ex Zephyri dextro latere intonans : hic generat tempestates, & pluvias, & facit nubium collisiones, & sonitus tonitruorum, & crebrescentium fulgorum visus, & fulminum impulsus. Corus, qui & Argestes, ex sinistra parte Favonii spirans, eo flante, in Oriente nubila sunt, in India serena.

Quos-

(1) Clemens autem eo quòd montes—incanduerint. *Verba sunt Clementis.*

(2) Primus ventorum cardinalis. Quatuor, quos hic cardinales vocat lib. 13. *Etymolog.* principales appellat. Nam cardinales illic duos tantum nominat Septentrionem, & Austrum, nequè à Septentrione illic, sed ab Oriente incipit. *Vid. Plin. lib. 2. cap. 27.*

(3) Libonotus. *Mendosè libri o. etiam Bæda, Euronotus, Idem enim Euronotus, qui & Euroauster.*



Quosdam autem Tranquillus proprios locorum status propriis appellat vocabulis, quo ex numero sunt: in Syria Syrus, Carbasus in Cilicia, ⁽¹⁾ in Propontide Thracidas, in Attica Sciron, in Gallecia Circius, in Hispania

Sucronensis. Sunt præterea quidam innumerabiles ex fluminibus, aut stagnis, at finibus nominati. Duo sunt tamen extra hos ubique spiritus magis, quam venti, ⁽²⁾ aura, & altanus.

CA-

(1) In Propontide Thracidas. Ità m. 1. c. *thracidas impressi*. nisi forte *Thracias* qui supra diam cum *Circio*.

(2) Aura, & altanus. *Vid. Serv. & Plin. lib. 2. cap. 14.*

Ventus, qui de his ventis in excussis libris corruptissimi feruntur, à manusc. absunt, in Ovetensi Goth. separati ab hoc opere leguntur propè integri, quos, quia non prius inelegantes, & antiquiores Isidoro vixi sunt, proponendos putavimus: sunt autem hi:

Versus de ventis.

Quatuor à quadro consurgunt limite venti.
Hos circumgemini dextra, lavaque jugantur:
Atque ità bissono circumdant flamine mundum.
Primus Aparctias, alto qui spirat ab axe:
Huic nomen nostra è lingua Septentrio fixit.
Circius huic dexter gelido circumtonat antro.
Thraciam Graii proprià dixerè loquelà.
Huic lævus Boreus glaciali turbine mugit:
Frigidus hic Aquilo nostris vocatur in oris.
At Subsolanus flat rectus Solis ab ortu:
Græcus Apeliotem apto quem nomine signat.
Huic at Vulturus dextra de parte levatur:
Attica Caciæ Graii quem littora signant.
Nubifero flatu levigatas irrigat auras
Dorica quem simili designat nomine lingua.
At Notus è medio Solis dat flamina cursu:
Austrum ritè vocant, quia nubila flatibus haurit.
Euronotus cui dexter adest, quem nomine mixto,
Euroaustrium Latia dixerunt voce Latini.
Libonotus lavam calidis adamanat auris:
Æstibus immensis ardens Austroafricus hic est.
Solis ab occasu Zephyri tuba florea servat,
Ex Italia nomen cui fixum est voce Favoni.
Huic dextram tangit dictus lips Attide linguæ:
Africus hic propria veniens Regione vocatur.

CAPUT XXXVIII.

*De Signis Tempestatis, vel
Serenitatis.*

I **T**Empeſtas, turbo eſt divini
judicii, ſicùt Propheta ait:
Deus in tempeſtate, & turbine viæ
ejus. Serenitas autem gaudium eſt lu-
cis æternæ. Signa autem tempeſtatum
navigantibus ⁽¹⁾ Tranquillus in pratis
ſic dicit: mutatio tempeſtatis expe-
ctanda eſt in aſperius, cum in noctur-
na navigatione ſcintillat ad remos, &
ad gubernacula aqua. In Austrum
venti mutatio eſt, cum lulligines, hi-
rundinesvè volant, aut cum delphini
totos ſe ſaltibus oſtendunt, & caudiſ
aquam feriunt. Nam ſempèr indè
ventus oritur, quò illi feruntur. Nec
mirum eſt muta animalia divinare
ſub gurgite. Sempèr enim incipientis
auræ motu aquæ inclinantur, quam
permutationem maris primi undarum
incolæ ſentiunt. Itaque propter impe-
tum pugnant: ſivè metu, nè deferan-
tur in littora: ſivè naturâ, nè averſo-
rum cervices unda præcipitet. Quid
ergò? Delphini tantùm hanc injuriam
timent? Imò & cæteri piſces. Sed hi
tantùm apparent, quia exiliunt. Itèm
Varro dicit: Signum eſſe tempeſtatis,
dùm ⁽²⁾ de parte Aquilonis fulgurat,
& dùm de parte Euri inſonat. ⁽³⁾ Nigi-

dus quoquè ait: Luna ſi ſummo cor-
niculo maculas nigras habuerit in pri-
mis partibus menſis, imbres fore, ſi
in medio, tunc cum plena ſint in ea
cornicula, ſerenitatem. Certè ſi rubet,
quasi aurum, ventos oſtendit. Fit
enim ventus ex aëris denſitate, denſi-
tate obductâ, Sol, & Luna rubescunt.
Itèm ſi cornua ⁽⁴⁾ ejus tecta fuerint ne-
bulâ, tempeſtas futura eſt. Aratus au-
tem dicit, ſi ⁽⁵⁾ Aquilonium cornu
Lunæ ſit correctius, Aquilonem im-
minere. Itèm ſi cornu Australe ſit ere-
ctius, Notum imminere. Quarta au-
tem Luna futurarum index certiſſima
habetur aurarum. Undè & Virgilius
dicit:

Sin ortu in quarto, nanque iſ cer-
tiſſimus Auctor,

Pura neque obtuſis per Cælum
cornibus ibit:

Torus & ille dies, & qui naſcentur
ab illis,

Exactum ad menſem pluvia, ven-
tiſque carebunt.

Itèm idem Virgilius dicit: ⁽⁶⁾ Si Sol in
ortu ſuo maculoſus ſit, atque ſub nu-
be latens, aut ſi dimidiâ parte appa-
ruerit, imbres futuros. Itèm Varro ait:
Si exoriens concavus videbitur, ita ut
in medio fulgeat, & radios faciat par-
tìm ad Austrum, partìm ad Aquilo-
nem, tempeſtatem humidam, & ven-
toſam. Item idem, ſi Sol, inquit, ⁽⁷⁾
ru-

At tu Core fremitu Zephyri de parte ſiniſtra:

Argentea Grajo vocitarunt ore Camœna.

(1) Tranquillus in pratis ſic dicit, *al.* Tranquillus in portis, *al.* Tranquillus in pratis, *al.* Tranquillus in partes: *Legere* Tranquillo in portu ſic diſces: *Nisi Tranquilli in cap. de Ventis meminisset, & quosdam Græcorum libros suos auquavit hoc est, prata inſcripſiſſe, diceret in præſatione Plinius.*

(2) Dùm de parte Aquilonis fulg. *Virgil.*

At Boreæ de parte truciſ cum fulminat, & cum
Euriſque Zephyrique tonat domus, omnia plenis
Rura natant foſſis.

(3) Nigidius quoquè—carebunt. *Verba ſunt interpretis Arati, è quo ſunt multa reſtituta, nam mendosiſſima in omni-
bus libris erant. Sed eadem longè elegantius Maro, Luna revertentes cum primum colligit ignes: Si nigrum obscu-
ro, &c.*

(4) Si cornua ejus tecta fuerint nebulâ. *Ita m. s. o.* tecta fuerint *apud Arati* interpretem.

(5) Si Aquilonium cornu Lunæ ſit correctius, Aquilonem imminere. Itèm ſi cornu Australe ſit erectus. *Ita conſtat in
omnes libri, & apud Arati interpr. Cur autem Luna, vel erecta, vel prona videri ſoleat. Vid. Bed. cap. 24. lib. de Nat.
Rer. edit. 2.*

(6) Si Sol in ortu ſuo maculoſus—tempeſtatem ſignificat. *Verba ſunt ejusdem interpretis.*

(7) Rubeat in occaſu. *Potes in occaſu deſcendit in omnibus noſtris libris.*

rubet in Occasu, ⁽¹⁾ sincerus ferè dies erit : si palleat, tempestates significat. Nigidius quoque, si pallidus, inquit, Sol in nigras nubes occidat, Aquilonem ventum significat. Itè Dominus in Evangelio: Si factò, inquit, vespere rubicundum fuerit Cœlum, manè serenum erit. Si manè rutilat triste Cœlum, tempestas futura erit, & cum Auster ventus flaverit, æstus erit.

CAPUT XXXIX.

De Pestilentia.

PESTILENTIA est morbus latè vagans, & contagio suo, quæque tetigerit, polluens. Hæc enim ægritudo non habet spatium temporis, quo aut vita speretur, aut mors, sed repentinus langor simul cum morte venit. Quæ sit verò causa hujus pestilentiae, ⁽²⁾ quidam dixerunt: quando pro peccatis hominum plaga, & corruptio terris injicitur, tunc aliqua ex causa, id est, aut siccitatis, aut caloris vi, aut pluviarum intemperantiâ aer cor-

rumpitur. Sicque, naturalis ordinis perturbata temperie, inficiuntur elementa, & fit corruptio aëris, & aura pestilens, & oritur pernicies, & corruptelæ vitium in homines, & cætera animantia. Undè & Virgilius: Corrupto Cœli tractu miserandaque venit, Arboribusque satisque lues. ⁽³⁾ Itè alii ajunt: pestifera semina rerum multa ferri in aërem, atque suspendi, & in externas Cœli partes, aut ventis, aut nubibus transportari. Deindè quaquà feruntur, aut cadunt per loca, & germina cuncta ad animalium necem corrumpunt; aut suspensa manent in aere, & cum spirantes auras, illa quoque in corpus paritèr absorbemus: atque indè languescens morbo corpus, aut ulceribus tetris, aut percussione subitâ exanimatur. Sicut enim Cœli novitate, vel aquarum corpora advenientium tentari consueverunt, adèò ut morbum concipiant: ità etiam aër corruptus ex aliis Cœli partibus veniens, subitâ clade corpus corumpit, atque repentè vitam extinguit.

CA-

(1) Sincerus ferè. Vox ferè non est in Arati interprete, legitur verò in omnibus nostris libris.

(2) Quidam dixerunt. Clementem significat lib. 8. Recogn. cujus hæc sunt verba. Quando pro peccatis — & cætera animantia.

(3) Itè alii ajunt: pestifera semina rer. Operapretium, quibus ex verbis Lucretii, quæ restant hujus capitis, constaret, inspicere. Is igitur ita lib. 6.

Primum multarum semina rerum
Esse, supra docui, quæ sint vitalia nobis.
Et contra quæ sint morbo, mortique necesse est.
Multa volare ea quom casu sunt forè coorta,
Et perturbant Cœlum: sic morbidus aer.
Atque ea vis omnis morborum, pestilientiasque,
Aut extrinsecus, ut nubes, nebulaque superne
Per Cœlum veniunt, aut ipsa sæpe coorta
De terra surgunt: ubi putorem humida nacta est
Intempestivis pluviisque, & solibus icta.
Nonne vides etiam Cœli novitate & aquarum,
Tentari proci à patria quicunque domoque
Adveniunt, idèò quia longè discrepat aer.

— Et paulò post.

Proinde ubi se Cœlum, quod nobis forè alienum est,
Commovet, atque aër inimicus serpere cepit:
Ut nebula, ac nubes paulatim repit, & omne,
Qui graditur conturbat, & immutare coëcat.
Fit quoque, ut in nostrum, quom venit denique Cœlum,
Corrumpat, reddatque sui simile, atque alienum,
Hæc igitur subitò clades nova, pestilientiasque,
Aut in aquas cadit, aut fruges persidit in ipsas,
Aut alios hominum pastus, pecudumque cibatus,
Aut etiam suspensa manet vis aere in ipso.
Et quom spirantes mistas hinc ducimus auras,
Illa quoque in corpus paritèr sorbere necesse est.

CAPUT XL.

De Oceano.

1 **C**UR Oceanus in se reciprocis aestibus revertatur: ⁽¹⁾ Quidam ajunt, in profundis Oceani esse quosdam ventorum spiritus, veluti mundi nares per quas emissi anhelitus, vel retracti alterno accedu, recessuque, nunc evaporante spiritu ⁽²⁾ efflent maria, nunc retrahente reducant. ⁽³⁾ Quidam autem volunt, cum augmento Lunari crescere Oceanum, & tanquam ejus quibusdam spirationibus retrorsum trahatur, & iterum ejusdem impulsu, ac retractu, in mensuram propriam refundatur. ⁽⁴⁾ Alii quoque Oceani undis ali sidera dicunt, Solemque de Oceano aquam haurire ignibus suis, & circum omnia sidera fundere, ut ea temperet, quia sunt ignea. Unde dicunt, quia cum haurit undas erigit Oceanum. Sed utrum ventorum spiritu aquae erigantur, an Lunari cursu increscant, an Sole trahente decrescant: hoc soli Deo cognitum est, cujus & opus mundus est, solique omnis mundi ratio nota est. Oceani autem magnitudo incomparabilis, & intransmeabilis latitudo perhibetur. Quod etiam Clemens Discipulus Apostolorum visus est indicare, cum dicit: Oceanus intransmeabilis est, & hi, qui ultra eum sunt, mundi. Philosophi autem ajunt: quod post Oceanum terra nulla sit, sed solo denso aëre nubium contineatur mare, sicut & terra subterius, ideò, & Lucanus:

Cum mare convolvit gentes, cum
littora Tethys,
Noluit ulla pari Cœlo contenta re-
nere:

Tunc quoque tanta malis moles
crevisset in astra,
Ni superum rector pressisset nubi-
bus undas.

CAPUT XLI.

Cur Mare non crescat.

1 **C**UR mare Majus non fiat, ac tantis fluviorum copiis nullatenus crescat: ⁽⁵⁾ Clemens Episcopus dicit, eo quod naturaliter falsa aqua fluentum dulce in se receptum consumat, eo quod fit, ut illud falsum maris elementum quantascumque recipit copias aquarum, nihilominus exhauriat. ⁽⁶⁾ Adde etiam quod venti rapiunt, & vapor, calorque Solis assumit. Denique videmus ⁽⁷⁾ lacus multasque lacunas parvo sub momenti spatio ventorum flatibus, Solisque ardore consumi. Salomon autem dicit: Ad locum, unde exeunt, flumina revertuntur. Ex quo intelligitur: Mare ideò non crescere, quod etiam per quosdam occultos profundi meatus aquae revolutae ad fontes suos refluant, & solito cursu per suos amnes recurrant. Mare autem propterea factum est, ut omnium cursus fluviorum recipiat. Cujus cum sit altitudo diversa, indiscreta tamen dorsi ejus aequalitas. Unde æquor appellatum creditur, quod superficies ejus aequalis sit, Physici autem dicunt Mare altius esse terris.

CA-

(1) Quidam ajunt in profundis Oceani esse quosdam meatus. Plato in *Phædon*.

(2) Efflent maria, nunc retrahente reducant. *E. effluant m. n. v. reducantur.* Ità enim paullo-post retrorsum trahi, & refundi dicit, nisi ad nares referri mavis.

(3) Quidam autem volunt cum augmento Lunari refundatur. *Verba sunt Ambrosii lib. 4. in fine capitis septimi.*

(4) Alii Oceani undis ali dixerunt sidera. *Vid. sup. cap. 15.*

(5) Clemens Episcopus dicit. *Lib. 8. Recognit.*

(6) Adde etiam quod venti rapiunt. *Lucetius.* Præterea magnam Sol partem detrahit æstu—*Et mox.* Tum porrò venti magnam quoque tollere partem. Humoris possunt, &c.

(7) Lacus, multasque lacunas. *Lucetii verbis luisse videtur:* Multosque lacus, multasque lacunas.

CAPUT XLII.

*Quare Mare salsam habeat
aquam.*

IRursus ⁽¹⁾ Ambrosius Doctor docuit, dicens: Mare idcirco dicunt Veteres salsas, atque amaras habere aquas, pro eo quod ea, quæ ex diversis fluviis in id influunt, solis ardore, ⁽²⁾ ac ventorum flatibus absumantur, tantumque diurno vapore consumi, quantum per singulos dies ex omnibus annium cursibus in ipsum invehitur. ⁽³⁾ Quod etiam Solis ratione fieri perhibetur, qui quod purum, ac leve est, ad se rapit: quod verò grave, ac terrenum, relinquit, quod etiam amarum, & impotabile sit.

CAPUT XLIII.

De Nilo.

IÆgyptus ⁽⁴⁾ aëris calorem semperque Solem habet: nunquam imbres, vel nubes recipit, cujus loca Nilus fluvijs æstatis tempore inundat, quo pro pluvijs utuntur. Oritur enim fluvijs idem inter Austrum, & Ortum. Etesiarum autem flatus à Zephyri parte, id est, ab Occiduo flat, & habet certum tempus. Nascuntur enim mense Majo, quarum flatus initio languens est, sed per dies aurescit. Nam flant ab hora sexta in decimam. Harum igitur flatu resistente undis, oppositisque etiam ostiis ejus, quibus in Mare influit, arenarum cumulis. Nili fluctus intumescunt, ac retrò reverti coguntur. Sic-

que aquæ erumpentes propelluntur in Austrum. Quibus congestis Nilus in Ægyptum erumpit. Quiescentibus quoque Etesiis, ruptisque arenarum cumulis, rursus in suum alveum redit fluvijs.

CAPUT XLIV.

De Positione Terræ.

IQualiter Terra super aërem fundata libratu credatur stare ponderibus, sic dicit ⁽¹⁾ Ambrosius: De Terræ autem qualitate, sive positione sufficiat secundum Scripturam Job sciendum, quia suspendit terram in nihilo. Philosophi quoque similiter opinantur, aëre densa terram sustineri, & quasi spongiæ mole suâ immobilem pendere, sicque, ut æquali motu hinc atque inde, veluti alarum suffulta remigijs, ex omni parte librata propendeat, nec in partem possint inclinari alteram. Verumtamen, utrum densitate aëris sustineatur, an super aquam pendeat, quia scribitur, qui fundavit terram super aquas: vel quomodo aër mollis tantam mollem possit sustentare terrenam: aut si super aquas est tam immane pondus, quomodo non demergatur: aut quomodo æquitatis libram teneat, ne in alteram partem propensa incumbat: hoc nulli mortalium scire fas est, nec nobis discutere, aut perscrutari licet cuiquam tantam divinæ artis excellentiam, dum constet eam lege majestatis Dei, aut super aquas, aut super nubes stabilem permanere. Quis enim, inquit, Salomon, sufficit narrare opera illius, aut quis

(1) Rursus Ambrosius—impotabile sit. Lib. 2. cap. 3.

(2) Ac ventorum flatibus. Hac verba non sunt Ambrosii: sed veluti ex præcedenti capite repetita.

(3) Quod etiam Solis ratione. Hoc est, solertia, & judicio, & discernendi quadam vi. Ita enim Ambrosius: Quod ex Solis quadam didicatione fieri perhibetur.

(4) Totius capituli sententia sumpta, è Lucretii ead. de Re elegantissimis versibus lib. 6. Nilus in æstate crescit, &c. Sed verba Lucretii (quibus libenter nri solet) hoc loco dedita opera fugisse videtur.

(5) Sic dicit Ambrosius. Lib. 2. cap. 6.

quis investigabit magnalia ejus? Ergò quod mortalium naturæ secretum est, divinæ potentiae relinquendum est.

CAPUT XLVI.

De Monte Ætna.

CAPUT XLV.

De Terræmotu.

I SAPIENTES ⁽¹⁾ dicunt: Terram in modum spongiæ esse, conceptumque ventum rotari, & ire per cavernas. Cumque tantum ierit, quantum terra capere non possit, huc atque illuc ventus fremitum, & murmura mittit. Dehinc quærentis ⁽²⁾ viam evadendi, dum sustinere eum terra non potuerit, aut tremit, aut dehiscit, ut ventum egerat. Indè autem fieri terræmotum, dum universa ventus inclusus concutit. ⁽³⁾ Undè & Sallustius: Veni, inquit, per cava terræ præcipitati, rupti aliquot montes, tumulique sedere. Ergò, ut diximus, tremor terræ, vel spiritu venti per cava terræ, vel ruina inferiorum, ⁽⁴⁾ motuque undæ existit. Sic enim & Lucanus ait: Terræque dehiscente insolis tremuerunt motibus Alpes. Terræ motum autem illic assidue fieri, ubi cava terrarum sunt, in quibus venti ingrediuntur, & faciunt terræmotum. Nam ubi arenosum est, aut solida est terra, non ibi fit terræmotus. Terræ autem motio pertinet ad iudicium, quando peccatores, & terreni homines spiritu oris Dei concussi commovebuntur. Item terræ commotio hominum terrenorum est, ad fidem conversio. Undè scriptum est: Pedes ejus steterunt, & mota est terra, utique ad credendum.

(1) Hujus quoque capitis sententia è sexto Lucretii sumpta.

(2) Quærentis vi viam evadendi. Omiserant librarii illud vi sequentis alterius syllaba vi similitudinis delusi. Notum illud: sit via vi.

(3) Undè & Sallust. Veni (inquit) per cava terræ. Citantur eadem verba initio 14. Etymolog. Gr. à Serv. Georg. 2. ad v. Undè tremor terris.

(4) Motuque undæ. Lucretius:

Fit quoque ubi magnas in aquæ, vastasque lacunas,

Gleba vetustate è terre provolvitur ingens,

Ut jactetur aqua, & fluctu quoque terra vacillet,

(5) Justinus. Initio libri quarti. Unda sunt hæc omnia usque ad allegorica.

I DE Monte autem Ætna ⁽¹⁾ Justinus in Libro Historiarum ita scribit, dicens: Siciliæ tellus tenuis, ac fragilis, & cavernis quibusdam, fistulisque ita penetrabilis, ut ventorum tota fermè flatibus pateat, necnon & ignibus generandis, nutriendisque soli ipsius naturalis materia, quippè intrinsecus strata sulphure, & bitumine traditur. Quæ res facit, ut spiritu cum igne introrsus coluctante frequentè, & compluribus locis nunc flammæ, nunc vapores, nunc fumum eructet. Indè deniquè Ætnæ montis per tot secula durat incendium, & ubi acrior per spiramenta cavernarum ventus incubuit, arenarum moles egeruntur. Accedunt & perpetua fomenta insularum Æolidum, veluti ipsis undis alatur incendium, neque enim in tam angustis terminis aliter durare tot secula tantum ignis potuisset, nisi & humoris nutritimentis aleretur. Hinc igitur fabulæ Scyllam, & Charybdim peperere. Hinc latratus auditus, hinc monstra, hinc reddita simulacra, dum navigantes, magnis vorticibus pelagi dissidentis, exterriti, latrare putant undas, quas sorbentis æstus vorago collidit. Eadem causâ etiam Ætnæ montis perpetuos ignes facit. Nam aquarum ille concursus raptum secum spiritum in imum fundum trahit, atque ibi suffocatum tandiù tenet, donè per spiram-

ramenta terræ diffusus , nutrimenta ignis incendat. Constat autem ad exemplum gehennæ , cuius ignis perpetua incendia spirabunt ad puniendos peccatores , qui cruciabuntur in secula seculorum. Nam sicut isti mon-

tes in tanta temporis diuturnitate usque nunc flaminis æstuantibus perseverant , ita ut nunquam extinguï possint : sic ignis ille ad crucianda corpora damnatorum finem nunquam est habiturus.

CHRONICON
DIVI ISIDORI
HISPALENSIS EPISCOPI
EMENDATUM,
SCHOLIISQUE ILLUSTRATUM
PER GARCIAM
DE LOAISA,
SACRÆ THEOLOGIÆ DOCTOREM,
ARCHIDIACONUM DE GUADALAXARA
ECCLESIAE TOLETANÆ CANONICUM.
POTENTISSIMO , ET CATHOLICO
PHILIPPO II.
HISPANIARUM REGI
GARCIA DE LOAISA , S. D.

LONGI temporis rationem exactè , accuratèque tradere , laboriosum magnisque difficultatibus refertum opus est : quum rerum casus , certique eventus prius hominum memoria mobili , & inconstanti , quam litteris , & libris temporis aternitati consecrentur , annalesque ipsi innumeris sint mortalium injuriis expositi , primò scribentium perturbationibus , & affectibus : dum unusquisque suæ gentis , patriæque gloriam immortalem præclarè gestorum commemorazione efficere querit , deinde rerum publicarum tumultibus , Provinciarum incursibus , omnia igne , ferro , seditione , & impetu Populi vastantibus. Deni-

L

que

quæ quum rerum præteritarum recordatio illibatam temporis veritatem continere nitatur : tamen temporis ipsius longinquitate senescit, & antiquatur, atque in interitum labenti annorum cursu ruit. Et quamvis hæc ita sint, tamen inter alia hoc unum maxime Virum Doctum, consummatumque, & omnibus ferè numeris absolutum efficit : nimirum in hac rerum incertitudine, & obscuritate studiose veritatem certam, perspicuamque investigare, inusitatasque, & occultas historiae vias indagare, cum nihil sit præstantius, vel ad sapientiam augendam, vel ad prudentiam confirmandam, vel ad Imperii gubernacula pie, & moderatè regenda, vel ad Reipublica mores intelligendos, motusque Populi coercendos, vel domesticorum conatus reprimendos, quam rerum præteritarum publicam memoriam, casus, eventus, seculorum omnium, ac gentium observationem cognitam, exploratamque tenere. Quæ omnia unico Chronologiae ambitu complectuntur. Accipe igitur, Potentissime Philippe, in quo religio, studium Christiani nominis, & cultus, singularis clementia, admirabilis quædam, planèque divina ad imperandum sapientia longissimo rerum usu, ut experimento, firmata elucet, Chronicon à D. Isidoro Hispalensi Archiepiscopo, Regiæ Gottthorum Gentis lumine, atque coronâ editum, quod Majestate tuâ jubente, emendandum, notisque illustrandum suscepam, ut ad te, unde exiit, tanquam in immensum totius probitatis, & aquitatis Oceanum revertatur : & si non ita ornatum, ut par erat, tamen quanto maximo potui lucubratum studio. Cum hoc mihi in primis jucundum, carumque sit, & ante mentis oculos semper positum, Catholicæ tuæ Majestati obnixè morem gerere, & humili animo deservire, tuumque Regium, & Augustum nomen, quoad possum, immortalitati dicare, pro teque Christo Regi Eterno assiduè vota solvere, ut in columis, inter tot Regnorum sollicitudines, & curas, integerque, & salvus permanear. VALE.

Anni ab Orb. c.

Prima Ætas seculi.

CCXXX.

CCCCXXXV.

DCXXV.

DCCXCV.

DCCCCLX.

MCXXII.

MCCLXXXVII.

Rerum omnium creaturas sex diebus Deus formavit. Primo die condidit lucem : Secundo Firmamentum Cœli : Tertio speciem Maris, & Terræ : Quarto sidera : Quinto pisces, & volucres : Sexto bestias, atque jumenta : Novissimè ad similitudinem suam, ^(a) primum hominem Adam.

^(b) Adam annorum ccxxx. genuit Seth, qui pro Abel natus est, interpretaturque resurrectio, quia in ipso resuscitatum est semen justum, quod est filiorum Dei.

Seth annorum ccv. genuit Enos, qui primus cœpit invocare nomen Domini.

^(c) Enos annorum cxc. genuit Cainam, cujus nomen interpretatur natura Dei. Per idem tempus Cain primus ante Diluvium, Civitatem condidit, quam de sola multitudine suæ posteritatis implevit.

Cainam annorum clxx. genuit Malaleël, cujus nomen dicitur plantatio Dei.

Malaleël annorum clxv. genuit Jared, qui interpretatur descendens, sive roborans.

Jared annorum clxii. genuit Enoch, qui translatus est à Deo, ^(d) qui etiam nonnulla scripsisse fertur ; sed ob antiquitatem, suspectæ fidei à Patribus refutata sunt.

^(e) Enoch annorum clxv. genuit Mathusalem, qui juxta annorum seriem vixisse xiv. annis post Diluvium reperitur.

^(f) Sed non reperitur in arca fuisse : propter quod eum

(a) *Al.* Primum hominum, quem appellavit Adam.

(b) Adam auctore Josepho lib. 1. cap. 2. *Antiquitat.* rufum sonat, quod è rubra terra formatus esset. Idem ex eodem Zonaras tom. 1. August. vero Psalm. 95. Adam orbem terrarum significare ait : quod toto orbe terrarum sparsus sit : quomodo & Cyprianus tractatu de Sina, & Sion. Observa verò Isidorum in annorum supputatione ferè 70. Interpretes sequi, ut Julius Africanus, Origenes, Eusebius, alique ex Patribus Antiquis, quam alii contra rejiciunt. Augustinus de Bibliotheca Ptolemæi, primus 70. interpretationem describendam sumpsisset. Editio nostra, vixit, inquit, Adam centum triginta annos, & genuit filium ad imaginem, & similitudinem suam, vocavitque nomen ejus Seth. Quam numerandi rationem etiam sequitur Philo, & Hebraeorum Chronicon, juxta Hebraicam divinæ Scripturæ veritatem. D. Hieronymus questionibus in Genes. sciendum, inquit, quod usque ad diluvium, ubi in nostris Codicibus ducentorum, & quod excurret annorum, genuisse quis dicitur : in Hebræo habet centum annos, & reliquos, qui sequuntur.

(c) Enos. Gen. 5. & Joseph. *Antiq. Judæi.* lib. 1. cap. 3. Et Cedrenus statim in initio. Eadem Ado Vienn. ex Isidoro, ut pleraque omnia.

(d) Judas Apostolus testimonium ex libro Enoch sumit : prophetavit, inquit, de his, septimus ab Adam, Enoch dicens : Ecce venit Dominus, &c. Rejicitur tamen liber ille à Canone : Et Augustinus lib. 18. de Civitate Dei, cap. 38. Affirmat non fuisse ab Enoch scriptum : quem Hieronymus inter Apocryphos connumerandum censet lib. Virorum Illustrum, de Juda Apostolo agens. Contra Tertullianus libro de Habitu mulierum, fuisse ab Enoch scriptum asserit, neque in armarium Judæicum admitti, à Christianis tamen non esse rejiciendum ; unde ipse integras sectiones citat, præsertim lib. de Idololatria, de Pudicitia, de Cultu Virginum. Idem facit Origenes Homilia 28. & in Anacephaleosi lib. 4. de Principiis. De Enoch, & libro ab eo scripto, eruditissime disserit in Epistolam judæ, loco vigesimo de Prophetia, Petrus Martinez, insignis Doctor Hispania nostra.

(e) De hac multorum hominum libris agitata questione fusè disputat Hieronymus, super Genesin. Et Augustinus super Genesin, questione 2. & lib. de Civitate Dei, 15. cap. 10. & 11. & Ado in Breviario, Bada denique libello de Sex aetatibus.

(f) Sed non reperitur--existimant. Hac in quibusdam m. s. desunt.

CHRONICON.

125

Anni ab Orb. c.

MCCCCLIII.

MDCXLII.

IIMCCXLII.

eum nonnulli cum patre suo Enoch, qui translatus fuerat, aliquantulum fuisse, donè Diluvium præteriret, falsa opinione existimant. Hac generatione concupierunt filii Dei filias hominum.

Mathusalem annorum ^(g) clxv i. genuit Lamech. Hac generatione Gigantes nati sunt. Hac quoque ætate Jubal ex genere Cain artem Musicam reperit, cujus etiam frater Tubal Cain æris, ferrique artium inventor fuit.

Lamech annorum clxxx. genuit Noë, qui divino oraculo Arcam ædificare jubetur, anno ætatis suæ quingentesimo. His temporibus, ut refert Josephus, scientes illi homines, quod aut igne, aut aquis perire poterant, in duabus columnis, ex latere, & lapide factis, studia sua conscripserunt, ne deleteretur memoria eorum, quæ sapienter invenerant. Quarum lapidea columna fertur Diluvium evasisse, & hætenùs in Syria permanere.

Noë anno sexcentesimo factum legitur Diluvium, cujus ^(h) Arcam Josephus sedisse refert in Montes Armeniæ, qui vocantur ⁽ⁱ⁾ Ararat. Fuerunt autem Noë filii tres: ex quibus ^(k) septuaginta duæ gentes sunt ortæ, id est, quindecim de Jepheth, triginta de Cham: vigintisepem de Sem.

Finitur prima ætas ^(l) per annos i m c c x l i i.

Secunda Ætas seculi.

IIMCCXLIII.

SEM ^(a) anno secundo post Diluvium, quum centum esset annorum, genuit Arphaxad, à
L 3 quo

(g) In hac Sententia est D. Augustin. lib. de Civit. 15. cap. 10. & 11. & D. Hieronymus Quast. in Genes. & Venerabilis Bedæ, in Chronico. A quo tamen numero Complutensis, & Regia Bibliorum editio duobus annis, qui in illis minuantur, discrepant. Alii verò aliter hac de re sentiunt, inter quos est Nicephorus, qui in Chronologia sua, centum & octoginta septem annos natum Mathusalem genuisse Lamech asseruit. Cujus sententia etiam Ado subscribit, conuenitque Aldina, & Germanica Bibliorum editio. Caterum in hac temporis diversitate, Hieronymi, Augustini, Isidorigue sententiam eo libentius amplector, quod lxx. quos hic noster, recte hoc pene opusculo, Auctores habet, in eadem fuisse animadvertam, ut testatur Lucas Diaconus in quadam præfatione, quam Isidori Chronico præfixit.

(h) Quod Moysi dicitur tabe, non tam Arcam significat, quam quodvis vas navigationi aptum. Ut apud Græcos πῶμα. Est autem Josephi locus 1. Antiq. cap. 5.

(i) Sunt hi montes in Armenia superiore, prope Persas, qui Græcis Taurus appellantur, & Armeniam scindunt. A Beroso, ut Auctor est Josephus, lib. 1. Antiq. cap. 4. Cordyus mons, & à Damasceno Baris appellatur. Vide Hieronym. de locis Hebraicis.

(k) Augustin. lib. 15. Civitat. cap. 3. colligit, 73. nimirum, 15. de Japhet, 31. de Cham, 27. de Sem: quamvis cap. 11. ejusdem lib. septuaginta duas linguas, & gentes totidem tantum exortas fuisse ex Noë probet.

(l) In his decem hominum atavibus eundem annorum numerum, ab Adam, usque ad diluvium, sequuntur Eusebius, Hieronymus, Zonaras, Isidorus lib. Etymolog. 6. cap. 39. & alii. Ex Hebraeorum verò sententia tantum sunt à creatione mundi, usque ad diluvium, anni M. DCLVI. ut patet ex Genes. cap. 4. & 5. & Hebraeorum Chronologia. Est & apud nos Chronicon Græc. m. 1. ἀνώνυμον τῶν ἀννῶν IIM. CCLXII. referuntur, cujus hæc sunt verba: ἵν τῶ ἀναρχῶν ἔτα τῶ 2. μ. ἰσχυροτατῶν ἡ τῶ Νου καὶ ἑτα γένους τῶ νεωτῆ β. σ. β. ἰσχυρὸν δὲ κατασκευαστὸν ἑτα τῶν γένων, anno centesimo Sem, sexcentesimo verò Noë, creationis autem mundi bis millesimo, sexagesimo secundo, factum est diluvium super terram. Quem numerum Antonius Contius in notis ad Nicephori Chronologiam, reponendum censuit. At Josephus lib. 1. Antiq. cap. 4. Diversam ab Hebraica veritate, & 70. Interpretum supputationem sequitur. At enim ab Adam, usque ad universalem pluviam, fluxisse annos bis mille sexcentos quinquaginta sex. Adhæc sunt varia, & discrepantes de mundi ætate sententia, quod Codicum corruptione accidisse arbitror, facie enim in votis numerorum erratur. Et inde tot ferè de anni mundi opiniones, quot Scriptores, invenies.

(a) Josephus lib. 1. Antiquit. cap. 14. Sem existimat fuisse tertium Noë filium. Japhet verò fuisse natum maximum. Et

IIMCCCLXXIX.

IIMDIX.

IIMDCXLVII.

IIMDCCLXXIII.

D. ISID. HISPAL.

quo gens Chaldæorum exorta est. Iste Sem fertur fuisse ^(b) Melchisedech, qui primus post Diluvium condidit Urbem Salem, quæ nunc vocatur ^(c) Jerusalem.

^(d) Arphaxad annorum cxxxv. genuit Sala, à quo antiqui Salaminæ, vel ^(e) Medi.

Sala annorum cxxx. genuit Heber, à quo Hebræi nuncupati sunt.

Heber annorum cxxxiv. genuit Phaleg, cujus tempore Turris Babel ædificata est, ^(f) factaque linguarum divisio. Hujus Turris altitudo ^(g) quatuor millia dicitur tenere passuum, paulatim à latioribus in angustias coarctata, ut pondus imminens facilius sustentaretur. Describunt ibi templa marmorea, lapidibus pretiosis, auroque distincta, & multa alia, quæ videntur incredibilia. Hanc turrim ^(h) Nembrot Gigas construxit, qui post confusionem linguarum migravit inde ad Persas, eosque ignem colere docuit.

Phaleg annorum cxxx. genuit Rehu. His temporibus primum templa constructa sunt, & quidam

licet Genes. 5. scriptum sit: Noë genuit Sem, Cham, & Japhet, & aliis locis primus numeretur in ordine, affirmant tamen aliqui Hebræorum, id propter ejus dignitatem tantum factum, ut potè ex quo Christus genus duxit fuisseque natum minimum: idque hac ratione adstrunt, quod fere semper minores natu in genealogia, & prædictionibus Salvatoris potissimum locum obtineant: ut de Isaac, Jacob, Joseph, Manasses, David, Salomon, D. Augustinus lib. 16. de Civit. Dei, cap. 2. Sem, Cham, & Japhet Historiam de Salvatoris vita, ac morte interpretatur.

^(b) Idem ait Hieronymus quest. in Genesim. & Epistola ad Evagrium affirmat, usque ad Sacerdotium Aaron, omnes primogenitos ex stirpe Noë, quorum series in hac secunda ætate describitur, Sacerdotes fuisse, vicissimque Deo immolasse. Et hæc sunt primogeniti, quæ Esau fratri suo Jacob vendidit, Genes. 25.

^(c) Hieronymus Epistola ad Dardanum, & ea, quæ est ad Evagrium sic inquit: Prius Jebus, postea Salem, tertio Jerusalem, nunc Ælia. Joseph. lib. 7. Antiquitat. cap. 3. ait: Quosdam fuisse, qui dixerint, etiam Homerum Portam Jerusalem, hunc Urbem appellasse, quæ appellatio ei primum à David, expulsi de summa arce Jebusæ, est attributa. Verum hæc Civitas postea, merito suo, ut rerum, ita nominum quoque, vagam, volubilemque fortunam experta est. De quibus omnibus vide, quæ illustrissimus Iulius de Mendoza, quem honoris causa nomino, eruditissime in suo libro memoriali concessit.

^(d) In editione 70. Interpretum dicitur Arphaxad, genuisse Cainam, & Cainam Sala, quod Hebræi rejiciunt, à quibus tantum decem generationes enumerantur, à Noë usque ad Abraham, sicuti ab Adam, usque ad Noë. Beatus tamen Lucas cap. 3. undecim recenset, Cainam in hanc generationis seriem inferens, in hoc Græcorum, ad quos scribebat, exemplaria sequutus, quibus lxx. editio illis temporibus receptissima, & tantum nota erat. D. Hieronymus hujus questionis difficultate penè obrutus fatetur ingenuè se, propter ingenii tarditatem, nodum hinc dissolvere non posse. Sic Beda Prologo in Acta Apostolorum, Augustin. lib. 2. contra Epist. Parmen. Recentiores etiam graviter in hac questione se torquent: præsertim Lipomannus, Catens in Genes. Sixtus, Senens. lib. 5. Bibliotæca, annot. 88. & lib. 7. hæres. 7. Et Hermæus Contrædictus, libello de sex ætatibus.

^(e) Sic rectè, ni fallor, ex Luca Tudesi hunc locum restitui, quum antea legeretur, Samaritani, vel Medi. Constat enim ex Josepho lib. 8. Antiq. cap. 12. Samaritas, à quodam Samaro, nomen sibi invenisse.

^(f) A diluvio, usque ad divisionem linguarum, fluxere, secundum Hebræicam supputationem, ducenti septuaginta duo anni, ex unaque lingua Hebræa, 72. lingua, ut ipsi Hebræi placet, facta sunt: quod colligunt à capitibus familiarum, teste Augustino, lib. 16. de Civitate Dei, cap. 11.

^(g) Locus hic in quibusdam mutilus, sed facile ex D. Hieronymo, unde ad verbum desumitur, in integrum restitutus. Is enim super Isaiam, cap. 14. ad illud: Perdam Babylonis nomen; Arx, inquit, id est, Capitolium illius Urbis, est turris, quæ ædificata post Diluvium, in altitudine quatuor millia dicitur tenere passuum, paulatim de lato in angustias coarctata, ut pondus imminens facilius à latioribus sustentetur. Describunt ibi templa marmorea, aureas statuas, plateas lapideas, auroque fulgentes, & multa alia, quæ videantur incredibilia. Josephus lib. 1. Antiq. cap. 9. hujus turris altitudinem, & latitudinem admirandam esse ait. Situm Urbis Strabo commemorat, lib. 16. Geographia, murorum circuitum refert Herodotus quadringentorum octoginta stadiorum fuisse. Multa de hac re ab aliis traduntur, qui Græcæ, Latinæque scripserunt Historias.

^(h) Josephus lib. 1. Antiq. cap. 9. ait, Nembrot fuisse nepotem Noë, ex filio Cham, turrimque eam Babylonis nomine vocatam, à confusione, Ceterum Genes. 10. dicitur Cham genuisse Chus, Chus porò Nembrot, idque etiam habes 1. Paralipomen. cap. 1. Nota obiter, quod de eo scribitur Genes. 10. Et erat robustus venator coram Domino, ab Augustino, de Civitate Dei, lib. 16. cap. 4. Legi, contra Dominum. Sic inquit, intelligendus est Gigas ille venator contra Dominum. Quid autem significat hoc nomine, quod est venator, nisi animalium terrigenarum deceptor, oppressor, ex-tinctor? Alii volunt illud: Coram Domino: hyperbolem esse, quod non fuit sub Cælo quisquam ei æqualis potentia: nade vertitur, potens venatione coram Domino.

Anni ab Orb. c.

IIMDCCCCV.

IIIMXXXV.

IIIMCXIII.

IIIMCLXXXIII.

dam Principes gentium, tanquàm ⁽ⁱ⁾ Dii, adorari cœperunt.

Rehu annorum cxxxii. genuit Seruch, ^(k) sub quo Scytharum Regnum exortum est, ubi primus regnavit ^(l) Tanaus.

Seruch annorum cxxx. genuit Nachor. Ægyptiorum Regnum sumit principium, ubi primus regnavit ^(m) Zoes.

Nachor annorum ⁽ⁿ⁾ lxxix. genuit Thare, sub quo Regnum Assyriorum, Sicyoniorumque exoritur. Sed primus in Assyriis regnavit ^(o) Belus, quem quidam ^(p) Saturnum existimant: primusque in Sicyoniis ^(q) Ægialeus, à quo Ægialea nuncupata est, quæ hætenus Peloponesus vocatur.

Thare annorum lxx. genuit Abraham. Per idem tempus Ninus Rex Assyriorum regnavit, qui primus ^(r) bella instituit, & armorum Instrumenta invenit. Hac ætate magica ars in Perside à Zoroaste Bactrianorum Rege reperta est. A Nino Rege occiditur. Muri quoquæ Babylonix à Semiramide Reginâ Assyriorum ædificantur.

A Diluvio usque ad nativitatem Abrahæ, anni DCCCLXII.

Finitur Secunda Ætas per annos IIIMclxxxiv.

Tertia Ætas.

IIIMCCLXXXIII.

Abraham annorum c. genuit Isaac, ex Sara libera. Nam primum ex ancilla Agar genuerat Ismaël, à quo Ismaëlitarum gens, qui postea Agareni, ad ultimum ^(a) Saraceni sunt dicti.

Isaac

(i) Hinc idololatria ortum habuit: Nam, mortuo Belo, Ninus ejus filius, in solatium doloris, statuum parvi dicitur, & honores sacrificiaque tribuit: Auctores sunt Hieronymus in Oream, cap. 2. Hegeſippus de Idolorum origine. Fulgentius, lib. 1. Mytholog. Cyrillus lib. 3. contra Julianum.

(k) Quatuor Regna uno ferè tempore exorta, Assyriorum ab Ortu, Sicyoniorum ab Occasu, Scytharum ab Aquilone: Ægyptiorum à Meridie. Eusebius auctor est. Sed Assyriorum multo erat potentius, & sublimius cæteris, ut tradit Augustinus lib. 16. de Civitat. Dei, cap. 17.

(l) Alii scribunt Taurus. Vid. Herman. Contraït.

(m) Minus dictus, auctore Herodoto, & Josepho, lib. 8. Antiq. cap. 6.

(n) LXXIX. Sic Nicephorus, at Genes. 11. secundum Heb. veritatem XXIX. secundum Septuag. clxxxix.

(o) Ità Eusebius in Chronico: Thare, inquit, anno vigesimo octavo Assyriorum Rex primus, Belus mortuus est, quem Assyrii Deum nominaverunt, & alii dicunt Saturnum: atque filio suo Regnum tradiderunt: vocabatur autem Ninus. Et eodem principio Regni Assyriorum: Primus omnium Asiæ, exceptis Indis, Ninus Beli filius regnavit annis LII. Quem eodem ità legi deprehendi in vetusto m. 1. Eusebii Codice: Primus omnis Asiæ, exceptis Indis, Ninus, Beli filius, regnavit. Eamque lectionem amplector, ex Augustino lib. 17. de Civitate Dei. Et ex ipso Eusebio lib. 10. de Preparatione.

(p) Cicero lib. 1. de Natura Deorum Physicam rationem, non inegantem, inclusam in fabula Saturni ait, dicique Saturnum, quod annis saturatur.

(q) Eusebius: Thare anno quadragésimo nono Sicyoniorum, in Græcia regavit Europs, defuncto Ægialeo: qui primus Sicyoniorum regavit, ex quo territorium Peloponesiorum Ægialeæ vocabatur. Pausanias Corinthiacis, & Clemens Alexand. Strom. lib. 1.

(r) Vide Eusebium, & Augustinum lib. 21. cap. 14. Civitat. Et Justinum initio Historiæ. Post verba autem: armorum instrumenta, in uno m. 5. erant hæc, quæ sequuntur: Cujus uxor Semiramis Babylonix muros instauravit. Ninus etiam bello vicit Cham, qui adhuc vivebat, & regnabat in Bactra, & dicebatur Zoroastes, id est, Magicæ artis inventor, qui & septem liberales Artes in quatuordecim columnis scripsit, septem æneis, & septem, lateritiis.

(a) Populi Arabiæ postea à Mahometo Dei flagello Saraceni dicti, is enim se Dei Prophetam ambitiosè, & mendaciter jactans, multos Asiæ, & Africa Populos ad fidei Christianæ defectionem commovit: quos falsâ religione imbuens, Sara-

Anni ab Orb. c.
IIIMCCCXLIII.

IIIMCCCCXXXV.

IIIMDXLV.

IIIMDCLXXXIX.

Isaac annorum lx. genuit geminos, quorum primus Esau, à quo ^(b) Idumæi, secundus Jacob, qui cognominatus est Israël, à quo & Israëlita sunt nuncupati. Hoc tempore Regnum Græcorum inchoat, ubi primus regnavit ^(c) Inachus.

^(d) Jacob annorum xc. genuit Joseph. His temporibus ^(e) Serapis Jovis filius Ægyptiorum Rex moriens, in Deos transfertur, & Memphis Civitas in Ægypto conditur. Tunc apud lacum Tritonidem Minerva in specie virginali apparuit, quæ plurimis claruisse ingeniis prædicatur. Hæc enim inventrix fabricæ fuisse dicitur: clypeum, & arcum hæc reperit: ordiri telam, & colorare lanas, hæc docuit. Hac etiam ætate Phoroneus Rex Inachi filius claruit, qui primus in Græcia leges, judiciaque instituit.

Joseph vixit annos cx. Ex hoc tempore Græcia ^(f) Argo regnante, habere segetes coepit, delatis aliunde seminibus.

^(g) Hebræorum servitutis, in Ægypto anni cxl v. post obitum Joseph reperiuntur. His temporibus ^(h) Prometheus fuisse scribitur, quem fingunt fa-

gens ex Dei precepto vocari dicebat, à Sara legitima uxore Abraha, tanquam legitimis divina promissionis heredes. Et inde Saracenorum Regnum sumit exordium, sub Heraclio Imperatore.

(b) Sic Genes. 36. Esau appellatur pater Idumæorum, & Eusebius in Chronico. Hos Strabo lib. 6. ait Populos esse inter Indiam, & Arabiam sitos ad Occasum, Casio monti proximos, & à Nabathis ortos.

(c) Eusebius in Chronico: Castor Chronographus de Argivorum Regno quod loquitur, consequenter persequuntur Reges Argivi ab Inacho, usque in Stelenium, filium Crotopi: Quem locum ex veteri. m. s. ita corrige: Castor de Argivorum Regno ita loquitur: persequuntur consequenter Reges Argivorum ab Inacho, usque in Scheneclatum, &c. Pausanias etiam lib. 2. Corinthiacis. Stenclæm filium Crotopi facit. De hoc August. lib. 18. cap. 8. Civitat. Phorobas, inquit, Rex Argivorum sextus fuit, & septimi Regis Triopæ filius Iasus, & Rex nonus Schenclæus, sive Schenclæus, sive Stenclæus, varie quippe in diversis Autoribus invenitur. Hac August.

(d) In ailo m. s. erat Jacob annorum lx. verum mendose, ut ex Sacris Literis manifesta computatione colligitur. Nam Joseph de carcere eductus, ut Pharaoni Regi omnium interpretaretur, annorum erat triginta, Princeps totius Ægypti constitutus. Genes. cap. 41. Idem, dum per fratres patrem accessit, annorum triginta novem. Nam septem ab exposito somnio sterilitatis elapsi fuerant, & secundo abundantia jam fere exacto Jacob in Ægyptum venit Genes. 45. & coram Pharaone respondit, se in contemto trigesimo ætatis anno constitutum. Genes. 47. si itaque subducamus xxxix. annos, à centum triginta, remanebunt utique nonaginta, & unus anni, quos agebat Jacob, dum Joseph in senectute genuit.

(e) Clemens Alexandrinus lib. 1. Strom. Apis, inquit, Rex, Argivorum ædificavit Memphim, ut dicit Aristippus in primo Arcadicorum. Aristæus vero Argivus dicit eum nominatum esse Sarapim, & eum esse, quem colunt Ægyptii. Nymphodorus autem Amphipolitanus, in tertio de Legibus Asia, dicit: Apin taurum mortuum, & conditum loculo, qui osephe Græci dicitur, fuisseque repositum in templo Damonis, qui colebatur: & hinc appellatum fuisse Sorapim, & postea quadam eorum, qui illic habitabant, consuetudine, Sarapim: est autem Apis tertius ab Inacho, qui locus ad verbum est apud Eusebium lib. 10. Preparat. Vide Augustin. ex Varron. lib. 18. cap. 5. Civitat. Tacitum lib. 10. Et fulvium Firmicum in evadito libello de Mysteriis, & Erroribus profanarum Religionum.

(f) Argus fuit quartus Argivorum Rex, filius Apis. Euse. Chre.

(g) Ægyptiaca servitus tribus modis supputari solet, juxta tria diversa temporum initia. Primum ab illa memorabili promissione facta Abraha Genes. 12. Egredere de terra tua, & de cognatione tua, & de domo patris tui, & veni in terram, quam monstravero tibi. Ab hac igitur profensione Abraha, de Haran, in terram Chanaan, usque ad exitum filiorum Israël de oppensione, & dura servitute Pharaonis, sunt anni 430. atque ita eos enumerat Paulus ad Galat. 3. Abrahæ dixit sunt promissiones, & semini ejus, &c. Et paulo post: Hoc autem dico: Testamentum confirmatum à Deo, quæ post quadringentos, & triginta annos facta est lex. Et Exod. 12. Habitatio autem filiorum Israël, quæ manserunt in Ægypto, fuit quadringentorum triginta annorum, quibus explicit eodem die egressus est omnis exercitus. Illud vero observandum post illa verba: quæ manserunt in Ægypto, in Græcis Codicibus amplius legi, ut ait in ysa. xlviii. & notavit Augustinus, questionibus in Exodum, expendens hunc locum, ita ut tota illa peregrinatio, in terra Chanaan, & in Ægypto fuerit, 430. annorum. Sic Cyrillus, & Rupertus. Secunda supputatio est, ab eo tempore, quo Jacob cum filijs suis descendit in Ægyptum, in qua numerantur ducenti & quindecim anni. Tertia & postrrema à morte Joseph, quo sublato, fuit vera illa, & oporosa servitus, quæ gens Hebræa exactiōibus, injurijs, persecutionibusque omnis generis aruit, tandem divino beneficio, Duce Myse, in libertatem asserta est. Duravitque per annos 144. ut colligitur Eusebius in Chronico. Augustinus lib. de Civitat. 16. cap. 43. Et questionibus in Exodum.

(h) Clemens Alexandrin. lib. 1. Stromat. Tempore Piropa Prometheus, & Atlas, & Epimetheus. Eusebius à Promethi

fabulæ de luto formasse homines. Tunc etiam frater ejus Atlas Astrologiam reperit, motumque Cœli, & rationem primus consideravit. Tunc fuit & Mercurius, nepos Atlantis, multarum artium peritus. Et ob hoc post mortem in Deos translatus. Hac etiam ætate primus ⁽ⁱ⁾ Proclytus quadrigam junxit, eodemque tempore Cecrops Athenas condidit, & ex nomine Minervæ Atticos Athenienses vocavit. Iste etiam bovem immolans primus in sacrificio gentili ritu Jovem adorari præcepit. Hoc tempore in Græcia Corinthus condita, ibique picturæ ars à Cleanthe reperta est. Tunc primi Curetes, & Corybantes modulatam in armis saltationem & consonam invenerunt. Tunc etiam fuisse scribitur in Thessalia sub Deucalione factum Diluvium, & Phaëthontis fabulosum incendium.

IIIMDCCXXIX.

Moses annos xl. in eremo rexit Populum de servitute Ægyptia liberatum. Hoc tempore Judæi per Moysem simul cum lege ^(k) & litteras habere cœperunt. Tunc templum Delphi constituitur: vitis in Græcia invenitur.

IIIMDCLVI.

Josue successor Moysi regit Populum annos xxvii. His temporibus primus ^(l) Erichthonius, Atheniensium Princeps, in Græcia quadrigam junxit.

IIIMDCCXCVI.

^(m) Othoniel annos xl. ⁽ⁿ⁾ Cadmus regnat Thebis, qui primus Græcas litteras invenit. Per idem tempus ^(o) Linus, & Amphion, primi tunc apud Græcos in musica arte claruerunt: ^(p) Idæique Dactyli ferrum metallum in Græcia eodem tempore invenerunt.

IIIMDCCCLXXVI.

Aod annos lxxx. His temporibus fabulæ fictæ sunt: De Triptolemo, quod jubente Cerere serpentium pinnis gestatus, ^(q) indigentibus frumenta

VO-

theo ob id homines factos fuisse creditum ait, quod cum esset sapiens, feritatem eorum, & nimiam imperitiam, ad humanitatem, & scientiam transfiguraret. Idem August. lib. 18. cap. 8. Civitat.

⁽ⁱ⁾ Proclytus. al. Procellus, Trochilus, atque etiam Atogilus.

^(k) Primus litterarum inventor fertur fuisse Tanusius, teste Eusebio, lib. 1. cap. 7. Preparat. Verum idem lib. 10. Probatur ab Hebrais repertam esse, & propagatam litterarum inventionem. Idem Isidorus lib. Etymolog. 1. cap. 3. Hieron. Præfat. in Libros Regum Theodor. super Genes. cap. 5. In illud. Ambulavitque cum Deo, & non apparuit: de Enoch, inquit, quod primus litteras didicit, & primus descripsit cœlestia signa.

^(l) Virgil. Georg. 3. Primus Erichthonius, curtus, & quatuor ausus Jungere equos.

^(m) De eo Judicum tertio. Iuda autem judicium Isidorus prætermittit, vel quia parum rexit Populum, vel quia non fuit Juxta, sed Dux belli tantum, ut est Judicum 1. A Josepho lib. 5. cap. 7. Othoniel. Genes vocatur.

⁽ⁿ⁾ Clemens Alexand. 1. Strom. Cadmus, inquit, fuit Phoenix qui Græcis litterarum inventor exiit, ut ait Ephorus: Unde etiam scribit Herodotus litteras appellatas fuisse Phœnicias. Alii autem dicunt, Phœnices & Syros, primos excogitasse litteras. Hæc Clemens.

^(o) Euseb. ann. 3780. Linus & Thebis, & in m. 1. Linus Thebanus.

^(p) De Idæis Dactylis Euseb. in Chronicis: Idæi, inquit, Dactyli, his temporibus erant, qui ferrum repperunt. Clemens Alex. 1. Strom. Idæos Dactylos fuisse sapientes tradit, inventores litterarum, & numerorum Musicorum: propter quam, inquit, causam sunt appellati, qui sunt apud Musicos Dactyli. Phryges autem erant, & barbari: Idæi Dactyli. Et paulo post, Celmis & Damnaneus Idæis Dactylis ferrum primi invenerunt in Cypro. Alius autem Idæos ferri invenit temporariam. Fuerunt autem Idæi Dactyli Minervæ filii, & Solis, vel ut alii volunt, Saturni, & Alcipoes: qui alio nomine Corybantes appellantur. Vide Stephanum de Orbibus, & Scholia in Apollonium. Et Suidam in dict. Ἰδαῖοι δάκτυλοι.

^(q) Aliis Eusebii Chronico: Triptolemus longâ navî Eleusim veniens, ibi frumenta distribuit. Augustinus lib. 18. cap.

IIIMDCCCCXVI.

IIIMDCCCCCLVI.

IIIMDCCCCCLIX.

IIIMDCCCCCLXXXII.

IIIMIIII.

D. ISID. HISPAL.

volando distribuerit: De Hippocentauris, quod equorum, hominumque fuerint naturam permixti: De Cerbero tricpite inferorum cane: De Phryxo, & Helle ejus^(r) sorore, quod ariete vecti per Mare tranaverint: De Gorgone meretrice, quod crinita serpentibus fuerit, & aspicientes se convertebat in lapides: De Bellerophonte, quod equo pennis volante sit vectus: De Amphione, quod citharæ cantu, lapides, & saxa commoverit.

Debbora annos xl. Per idem tempus Apollo citharam condidit, & Medicinæ artem invenit. Fabula quoque tunc ficta de fabro Dædalo, & de Icaro ejus filio, quod aptatis sibi pennis volaverint. Hac ætate primus regnat Latinis⁽ⁱ⁾ Picus, qui fertur fuisse Saturni filius.

^(r) Gedeon annos xl. Hac ætate Urbs^(v) Tyria construitur. Alter quoque^(x) Mercurius lyram reperit, & Orpheo tradidit. Hoc tempore^(y) Philemon primus apud Pythium^(z) chorum instituit. Tunc etiam dicitur fuisse Magister Herculis Thrax Linus, in arte Musica clarus, Argonautarum quoque navigatio tunc scribitur.

Abimelech annos IIII. Iste septuaginta fratres suos interfecit. Hercules Ilium vastavit, & in Libya Antheum palæstricæ artis inventorem interemit.

^(a) Thola annos XXI. Hujus temporibus in Troja, post Laomedonta regnavit Priamus. Tunc fabula ficta est de^(b) Minotauro bestia labyrintho inclusa.

^(c) Jair annos XXI. Per idem tempus Hercules agonem Olympicum instituit. ^(d) Carmentis Nympha Latinas litteras reperit.

Jeph-

cap. 13. cum Isidoro: His temporibus fabule fite sunt de Triptolemo: qui jubente Cerere anguibz portatus alitibus indigentibus retris frumenta volando contulerit.

(i) Sorore. In quadam m. s. additur. Quod ariete vecti per aëra volaverint.

(r) Sic Virgil. 7. *Æneid.* Fauno Picus pater, iisque parentem. Te Saturne refert, tu sanguinis ultimus auctor. Alii Eusebium quàm Isidorus, qui Picum facit tertium Regem Latinorum: Ante *Æneam*, inquit, Janus, Saturnus, Picus, Faunus, Iacinus in Italia regnaverant circiter anno. 150.

(v) Post Debboram, alienigena Hebræum Populum septem annis sibi subjecerunt, qui conjunguntur temporibus Gedeonis, ex Judæorum traditionibus ut refert Euseb. Chron.

(x) In oraculo Ezechielis de ea fit crebra mentio, & apud Melam lib. 1. cap. 12.

(y) Cicero, lib. 3. de Natura Deorum, Mercurius quinque fuisse ostendit.

(z) Philemon, Phidamon. Eusebius.

(z) Hieronymus Epistola ad Dardanum, tom. 4. de Diversis generibus musicorum Instrumentorum. Antiquis temporibus, inquit, fuit chorus quoque simplex pellis, cum duabus cicutis æreis: & per primam inspiratur, per secundam vocem emittit. Plura ibi habes de aliis Instrumentis Musicis, ut est, de organo, tuba, fistula, bombulo, cithara, sambuca, &c.

(a) Josephus lib. 5. *antig.* cap. 12. post Abimelech Jair Galadinus suscepit principatum, prætermittens Regnum Thola.

(b) Eusebius, anno orbis conditi 3960. ut nunc legitur, ea, inquit, quæ de Minotauro dicuntur, quem Philochorus in secundo Artidis libro, scribit magistratum, Minois fuisse Taurum nomine, inhumanum atque crudelem. Quo in loco corruptus est: magistratum Minois, pro magistrum militum, ut constat ex Plutarcho in Theseo, & Servio apud Virgilium, 6. Minos vero Rex à Græcis mire celebratus fuit, quod cum Jove per novem annos familiariter esses versatus, ut refert Clemens Alex. Strom. 2.

(c) Iair. Clem. Alex. prætermittit Iair.

(d) Carmentis Evandri mater, qui Roma Templum Panis, quod Lupercal appellatur, condidit, ut testatur Clemens Alex. Strom.

Anni ab Orb. c.
IIIMX.

IIIMXVII.

IIIMXXV.

IIIMXLV.

IIIMLXXXV.

IIIMCXXV.

IIIMCLXV.

Jephte annos vi. Hujus tempore Hercules quinquagesimum secundum annum agens, ob morbi dolorem, sese flammis injecit. Per idem tempus Alexander Helenam rapuit, Trojanumque bellum decennale surrexit.

^(c) Abesan annos vii. Amazones primum armasumpserunt.

^(f) Abdon annos viii. Hujus anno tertio Troja capta est, & Æneas Italiam venit.

Sampson annos xx. Ascanius Æneæ filius ^(g) Albam condidit. Ulyssis quoque fabulæ, sive Syrenarum eodem tempore fictæ sunt.

Heli Sacerdos annos ^(b) xl. Arca Testamenti ab alienigenis capitur. ⁽ⁱ⁾ Regnum Sicyoniorum finitur.

^(k) Samuël, & Saul annos xl. Lacedæmoniorum Regnum exoritur. Atque in Græcia ^(l) Homerus primus Poëta fuisse putatur. A promissione Abrahamæ usque ad David, anni DCCCXl.

Finitur tertia ætas per annos IIIMCXXV.

Quarta Ætas seculi.

DAvid regnat annos ^(a) xl. Codrus Atheniensium Rex sponte se pro salute patriæ hostibus offerens interimitur. Et Carthago à ^(b) Didone ædificatur, prophetantibus in Judæa ^(c) Gath, Nathan, & Asaphat. Sa-

^(a) Stro. 1. inde Carmentalis porta, apud Virgil. *Æneid.* 8. Et Carmentalem Romano nomine portam. Vide Servium. Et *Isidorum lib. 1. Etymolog. cap. 3.* Carmentis, inquit, dicta, quia carminibus futura canebat.

^(b) Sic est cap. 12. *Judic. Josephus lib. 5. Antig. cap. 12.* Absanis (habet) de tribu Juda, Civitatis Bethlehem. *Clementis Alex. 1. Strom. Abathan* appellat. In Eusebii Chronico est, Hesebon, ut in quibusdam *Isidori* exemplaribus.

^(c) Refert *Judicum Historia, cap. 12.* Post Abesan, qui septem annis judicavit Israel, successisse Ajalon, sive Elon, qui judicavit Israel decem annis. Post quem judicavit Abdon annis octo. Verum Eusebius in Chronico sequitur septuaginta annos, Ajalonis reticuit, ut ipse testatur. Post Hesebon, inquit, in libro Hebraeorum fertur Judex Ajalon rexitque Populum annos 10. qui non habetur apud 70. Interpretes. Idem *Josephus lib. 5. cap. 12.* Vocaturque ab eo Elon, de tribu Zabulon. Sic *Clementis 1. Strom.* à quo appellatur Eglon.

^(d) Livius ab situ porrecta in dorsum Urbis, longam Albam appellatam scribit lib. 1.

^(e) Eusebius Chron. Heli Sacerdos, annos 40. In Hebraeorum libro anni inveniantur 40. In septuaginta autem interpretatione 20. *Josephus lib. 5. cap. 6.* quadraginta annos affirmat tenuisse principatum vixisse verò nonaginta: atque ita *Clementis Alex. 1. Strom.*

^(f) Finem accepit Regnum Sicyoniorum post 862. annos, ut Eusebius testatur: It' nullum in terra imperium excellens, florens, perpetuumque est, quousque venerit seculum illud immortale, in illuminatione vultus Lei decoratum.

^(g) *Josephus lib. 6. Antig. cap. 13.* Loquens de morte Samuelis, qui prafuit, inquit, Populo solus, post mortem quidem Heli Sacerdotis, annis duodecim: cum Saul verò Rege, annis decem & octo. Venerabilis heda in libello de *Sax Attribus: Samuel, inquit, annis duodecim, ut docet Josephus.* Saul primus Hebræorum Rex annis viginti. Et hujus quia in Canonica Scriptura non habetur mentio, de antiquitatum Josephi libris, tempus Regni notavimus. *Clementis Alex. lib. 1. Strom.* Samuelem viginti septem annis, eum Saul Regnum obtinuisse scribit, & mortuum esse duobus annis ante Saul, Chronicon Græcum m. s. utrique annos viginti tribuit, ita ut Eusebius, & *Isidorus* non abs re tot etiam annos posuisse videantur.

^(h) *Clementis Alexand. lib. 1. Strom.* scribit Cratetem Grammaticum dixisse, Homerum fuisse circa reditum Heraclidarum, hoc est, octoginta annis post captam Trojam. Eratostenes verò centesimo anno post captam Trojam fuisse refert. Theopompus autem quingentis annis post eos, qui in illo militaverunt vixisse asserit. Alias de ætate Homeri opiniones vide eodem loco.

⁽ⁱ⁾ Lib. 3. Reg. cap. 2. Dicitur in Hebron regnasse septem annos, & in Hierusalem 33. qui collecti sunt quadraginta. Idem est 2. Paralip. cap. 9. Et *Clementis Alex. 1. Strom.*

^(j) Eusebius anno mundi 5980. ex sententia Philostrati scribit, à Zaro, & Carthagine Tyriis Carthaginem fuisse conditam. Idem tamen anno 4154. Cartago, inquit, condita est, ut quidam volunt à Carchedone Tyrio, ut verò alii à Didone filia post Trojanum excidium annis 133.

^(k) Sic Eusebius Chronico 2. Paralip. dicitur, quæd Asaph constituitur Princeps laudantium nomen Domini, & cap. 29. quod Hymnos composuit.

Anni ab Orb. c.
IIIMCCV.

IIIMCCXXII.

IIIMCCXXV.

IIIMCCLXVI.

IIIMCCXCI.

IIIMCCXCIX.

IIIMCCC.

IIIMCCCVII.

IIIMCCXLVII.

D. ISID. HISPAL.

Salomon regnat ^(d) annos xl. Iste quarto Regni sui anno templum Jerosolymis ædificavit, consummavitque anno ^(e) octavo.

Roboan regnat annos xv i i. Regnum Israël à Juda dividitur, sub quo decem tribus à duabus separatae sunt, & Reges in ^(f) Samaria habere cœperunt. Hac ætate Samos conditur : & Sibylla ^(g) Erythræa illustris habetur.

^(h) Abia regnat annos i i i. Sub quo Hebræorum Pontifex Maximus ⁽ⁱ⁾ Abimelech insignis est habitus.

Asa regnat annos xli. ^(k) Prophetabant in Judæa Achias, Amos, Jehu, Joël, & Azarias.

^(l) Josaphat regnat annos xxv. Prophetabant Elias, & Eliseus, & ^(m) Abdias, Azarias, & Michæas.

Joram regnat annos vi i i. Prophetabant Elias, & Eliseus, & Abdias.

Ochozias regnat annum i. Elias rapitur, cujus ⁽ⁿ⁾ septem insignia miracula numerantur.

^(o) Athalia regnat annos vi i i. ^(p) Jonadab, filius Rechab, Sacerdos clarus habetur, & ^(q) Jojada Pontifex, qui solus, post Moysen, vixisse annos centum triginta perhibetur.

Joas regnat annos xl. Zacharias Propheta interficitur. Eliseus moritur, ^(r) cujus virtutes quatuor-

de-

^(d) Sic 3. Regum cap. 11. & 2. Paralip. cap. 9. Clemens Alex. 1. Strom. Josephus autem lib. 8. cap. 7. Antiq. nit. cum regnasse annis octoginta, vixisse quatuor & nonaginta.

^(e) Regum 3. cap. 6. Ædificatum Domum Domini dicitur annis septem. Idem Josephus lib. 8. cap. 4. Sed hic Isidorus Eusebium sequens, animum quantum Regni, quo caput ædificare Templum, consummarat cum septem Beda ait, annis septem ædificatur, octavo dedicatur.

^(f) Ibi primo regnat Jeroboam, de quo 3. Regum cap. 12. & 2. Paralip. 12. & 13.

^(g) De Erythræa Sibylla vaticinio, vide August. lib. 18. cap. 23. Cirost. & Lactant. Firmian. lib. 1. de Divinis Institutionibus.

^(h) Abia 3. Regum cap. 15. & Paralip. 2. cap. 13. Euseb. Joseph. Bed. Verum Clem. Alex. huic annos 23. attribuit, nitque fuisse filium Sado.

⁽ⁱ⁾ Abimelech erat filius Sadoe, ut Clemens Alex. est Auctor Strom. 1.

^(k) In aliis m. 1. legitur. Prophetabant in Judæa Aggeus, & Jehu, Amos, & Joël, & Zacharias, & Michæas. Verum aliorum Codicum lectionem sequi malo: Nam & Eusebius Chronico: Prophetabant, inquit, Achias, Samcas, & is, qui fuerat apud altare Samaritæ Jehu, Joëde, Azarias, qui & Anania. Idem ait ipse Isidorus lib. 5. Etymolog. cap. 19. Aggeus autem temporibus Regis Davii prophetavit, ut constat ex ipsius prophetia, cap. 1. Similiter & Zacharias, ut ipse de se auctor est, prophetia sua initio, & Eusebius in Chronico. Hieronymus etiam prologo ejusdem prophetia.

^(l) In Clemente Alex. 1. Strom. scribitur: Josaphat annos tantum regnasse quinque. Quo tempore, inquit, prophetarunt Helias Theobites, & Michæas filius Joble, & Abdias filius Anania. De Prophetis Isidorus lib. 7. Etymolog. cap. 7.

^(m) Hieronymus in prologo ejus prophetia, ex Hebræorum scriptis colligit, hunc tempore Achab Regis Samaria floruisse centumque Prophetas, à persecutione impia Jezabelis, conservasse, eoque specubus inclusos pane, & aqua pavisse, ut etiam videre est 3. Reg. cap. 18.

⁽ⁿ⁾ Elia Tebitis, Sacerdotis magni, insignia septem miracula hæc sunt. 1. triennii siccitate Cælum clausit. 2. oravit rursum, & Cælum dedit imbrem. 3. mortuum mulieris filium ad vitam revocavit. 4. ejus virtute hydra farina non defecit: vas olei perpetuo fonte manavit. 5. ejus verbo ignis de Cælo super sacrificium descendit. 6. duos quinquagenarios cum militibus caelesti igne combussit. 7. Jordanem transiens tactu melotis abruptit, Isidorus lib. de Vita, & Morte Sanctorum.

^(o) Clemens Alex. lib. 1. Strom. Gotholla regnat octo annis: erat ex genere Achab.

^(p) Jonadab fuit filius Seirua, fratris David. Regum 2. cap. 13. Et alius Jonadab, filius Recab, qui vixit sub Jehu, & aliis Regibus 4. Reg. 10. & Jeremia 35.

^(q) Fuit Jojada Sacerdos bonus, & pietate vitæque innocentia insignis. De eo dicitur 2. Paralipom. cap. 24. Quod mortuus est, quam esset cxxx. annorum.

^(r) Elias Elia discipulus his miraculis claruit: primo Jordanem transitu suo divisum refricans, undam retrò convertit. 2. Aquas Hiterico steriles, sacundas fecit. 3. Pueros insultantes sibi, bestiis vorandos tradidit. 4. Sterilem mulierem fecundavit. 5. Et ejus filium suscitavit. 6. Decem panibus plebem refecit. 7. Naaman à lepra liberavit. 8. Leprosi aperiis disc-

Anni ab Orb. c.

IIIMCCCLXXVI.

IIIIMCCCCXXVIII.

IIIMCCCCXLIII.

IIIMCCCLX.

ΠΠΜСССCLXXXIX.

IIIMDXLIII.

decim prædicantur. ^(s) Lycurgusque Legislator
apud Græciam insignis habetur.

Amasias regnat annos ^(t) xxix. Carthaginem
hoc tempore quidam asserunt conditam: alii verò
superius.

(^u) Azarias annos 111. (^x) Olympias primum Græcis instituitur. Agnus in Græcia loquitur. Sardapalus Rex sponte incendio concrematur. Assyriorumque Regnum in Medos transfertur. Tunc Hesiodus Poëta claruit. Atque Phidon Argivus mensuras, & pondera reperit: Osee, Amos, Isaias, & (^y) Jona, in Judæa, hac ætate prophetantibus.

Joathan regnat annos xvi. Remus, Romulus-
que nascuntur, prophetantibus in Judæa, Osee,
Joël, Isaia, & Michæa.

Achaz regnat annos xv i. Cujus temporibus Romulus Roman^(z) condidit. Et ^(a) Sennacherib, Assyriorum Rex decem tribus ^(b) ex Samaria in Medos transtulit: atque in Judæam Samaritanos accolos misit.

Ezechias regnat annos **xxix**. Sub quo propheta-
bant Isaias, & Oseë. Hoc tempore ^(c) Romulus
primus milites ex Populo sumpsit, centumque à
Populo nobilissimos Viros elegit; ^(d) qui ob ætatem
Senatores, ob curam, ac solitudinem Reipublicæ
Patres vocati sunt.

Manasses regnat annos lv. Per idem tempus Ro-

*cupulum. 9. Ferrum aquis supernatare fecit. 10. Hostes Syria cecitate percussit. 11. Incredulo mortem praelixit. 12. Hostem quadrigarum fragore fugavit, obidionemque dispersit. 13. Famen repulit. 14. Post mortem cadaveri vitam dedit. Sic se-
lidorus lib. de Vita. & Obitu Sanctorum Patrum.*

(1) In uno m. s. est, *Lycurgusque Legislator Apollonius. Existimo legendum Legislator Apollinis: ut ita dictum accipiamus, quod quascunque leges Lacedaemonis ferebat, id Apollinis instinctu facere se dicitaret. Vide Plutarch. in ejus vita, Valerium Maximum, atque alios.*

(1) Apud Clement. Alexand. 1. Strom. corruptè legi existimo: Amasias ejus filius annis xxxix, pro xxix. Nam isd Eusebius, Josephus, Nicéphorus, & alii.

(ut) In alio m. 1. erat Ozias, quomodo & apud Nicephorum in et Chronico Grato, quod apud me est: recte, sic enim etiam appellatur lib. 2. Paralip. cap. 26. & a Clemente Alex. 1. Strom. Ozias, inquit, sedecim annorum erat, cum regnare cepisset, & 52. annis regnavit super Jerusalem, fuitque leprosus. Idem annotavit Procopius Gazzi, in Commentariis, super Isaiam, ad titulum prophetiae, Hajus autem tempore Regnum Assyriorum ad Medos translatum fuisse, tradunt Eusebius, Beda, Ado, Tundensis, alii.

(x) De tempore, quo prima Olympias fuerit constituta, à perivite dubitatum est. Eusebius Chronico, ex Africani Sententia scribit, esse tempore Joathan Regis Hebraeorum, primum numerari coeptam. Idem lib. 10. Praefat. cum ad Italia tempora trahit. Clemens Alex. 1. Strom. in §4. anno Nicanori, primam Olympiadem cum alijs poenit. Chrono connumerum Gracium, omnium clarissime: ΝΑ Ιστὸ Οἶμα καὶ Ἀΐαρι βασιλευσά τῶν ἀπὸ τοῦ Ὀλύμπου ἐκείνου χρόνου καὶ οὐκ ἀποφασίζοντες Ἡρώδης δὲ Αΐαρι, Ὁσίη εἰς 88 βασιλ., τῷ αὖτὲ Βαβυλῶν, 69, καὶ Μιχαὶας εἰς Μιχαήλ τε. Quinte sequentes Hæc dat Aΐαρι, Ὁσίη εἰς 88 βασιλ., τῷ αὖτὲ Βαβυλῶν, 69, καὶ Μιχαὶας εἰς Μιχαήλ τε. Quinquagesimo primo, inquit, anno Oziz Regis Juda, qui etiam Azarias appellatur, prima Olympias instituta est ab Iphito: quo tempore prophetabar Isaias filius Amos, Osee filius Beeri, Joel filius Bathan., Obed, & Michas Masabithæsthes. Et mox: οὗ ποῦτι δυνάμεις ἔρχοντο παρὰ τοῖς Ἰσραελιν, οὗτε ἱερὺς τινα παρέστιν. Prima Olympias apud Græcos, incerto, quo quatuor cent. annorum.

(y) Hieronymus in Prologo super *Jonam*, affirmat *Jonam* Prophetasse temporibus *Jeroboam*, filii *Joaz*. *Augustinus lib. 18. de*
Gig. *Jonam* super *Jonam*. *Barthelemy* auctor est. Idem in *Clemens Alex. 1. Strom.* sicis *Isidorus*.

(2) Romam condidit. Olympiad. 7. Dionys.

(4) Quod hic Sennacherib tribuitur 4. Reg. cap. 17. & 18. & Tobia, cap. 1. de Salmanasar dicitur, quem Eusebius metro-
que nomine censerit ait: quum tamen Tobia 1. pater Salmanasar, filius Sennacherib dicatur. Josephus lib. 10. Antiq. cap.
1. Patrem vocat Sennacherib. Clemens 1. Strom. Salmanasar.

2. Dne voces : ex Samaritanis, à plerisque m. s. deficient, non recte, ut constat ex Adone, & Clemente, primo Sirom. ubi est Samaritanorum. Rarum Auturorum transmigratione fecisse eos, qui habitabant in Samaria, ad Medos, & Baby. onem.

(c) Romulus. Liv. Euseb. Aurel. Dionys.

(d) Qui obstat, *Liv. Vict. Dionys.*

IIIMDLVI.

IIIMDLXXXVIII.

IIIMDXCIX.

IIIMDCX.

manis præfuit Numa Pompilius, qui primus apud Romanos, Pontifices, & Virgines Vestales instituit, falsorumque Deorum numerositate Civitatem implevit. ^(d) Duos menses, in annum Romanis ad decem menses adjecit: Januarium Diis superis: Februarium Diis inferis dedicavit. Tunc quoque Sibylla Samia claruit.

^(f) Ammon regnat annos xxi. Hujus temporibus Tullus Hostilius, Romanorum Rex, prior in Repub. censum egit: quod adhuc per Orbem terrarum incognitum erat, primusque Purpura, & fascibus usus est.

^(g) Josias regnat annos xxxi. ^(h) Thales-Milesius Philosophus Physicus claruit, qui defectibus Solis acutissima perscrutatione comprehensis, Astrologiæ numerum primus investigavit, prophetantibus in Judæa, Jeremia, Oida, & Sophonia.

⁽ⁱ⁾ Joachim regnat annos xi. Hujus tertio anno Nabuchodonosor, Judæam captam tributariam fecit. Tunc Daniël, Annanias, Azarias, & Misael in Babylone claruerunt.

Sedechias regnat annos xi. Hunc, Rex Babylonis, secundo veniens ad Jerusalem, cum Populo captivum duxit, templo incenso, anno ædificationis suæ ^(k) ccccli v. Per idem tempus Sappho Mulier in Græcia diverso poemate claruit. Solon Leges Atheniensibus dedit.

A David usque ad transmigrationem Babylonis anni cccclxxxv.

Finitur quarta ætas, per annos quaternille sexcentos, & decem.

Quin-

(d) Sic Eusebius in Chronic. Duos menses anno addidit, Januarium, & Februarium: cum ante hunc tantum decem menses, apud Romanos, fuissent: adeo, ut ultimus Decembris diceretur. Capitulum quoque à fundamentis ædificavit, & congiarium dedit Axes (lege asses) lignos, & scorteos.

(f) Reg. 4. cap. 21. Viginti duorum annorum erat, quum regnare cœpisset, duobus quoque annis regnavit in Jerusalem, interfectus à servis suis occubuit. Idem Clemens Alex. 1. Strom. & Josephus lib. 10. cap. 4. Antiq. qui eum visisse quatuor & viginti annos, & in Regno esse duos ait. Nicephorus tamen, ut Isidorus, duodecim ejus regni annos enumerat. Idem facit Eusebius 70. supputationem sequutus, cum ipse testetur, Hebræos tantum duos annos Regni illius agnoscere. Verum hæc discrepantes sententiæ facile conciliari poterunt, si decem annos, quibus Ammon cum Patre regnavit, duobus jungas, quibus solus.

(g) Regum 4. cap. 22. de Josia Rege justo, & aequi observantissimo habes. De eodem cap. 25. dicitur: Non fuit similis illi, neque post eum surrexit similis, triginta uno anno regnavit in Jerusalem. Idem Clemens Alex. 1. Strom. & Josephus lib. 10. cap. 6. Eusebius annum unum addit, ut Isidorus.

(h) Euseb. Chron. agnoscit ait Olympiade 36. Lærtius nascit eundem anno 1. Olympiadis 35. mercio quam bene utrumque. Plinius de his Consule lib. 2. Natur. Histor. cap. 12.

(i) Ante hunc regnavit Joachaz tribus mensibus, ut præter Sacras Litteras, Auctor est Eusebius, Josephus, Nicephorus, Theodoretus, & Chronicon nostrum Græcum. Hinc Eliachim vocat Jeremias, teste Anastasio, post quem successit Joachim, qui alio nomine Eliachim dicitur, teste Josepho lib. 10. cap. 7. Antiq.

(k) Eusebius 442. annos hic ponit ex Sententia Clementis Alex. 1. Strom. Josephus verò, lib. 10. cap. 10. Templum crematum, post quadringentos septuaginta annos, & menses sex, diesque decem. Niceph. in Chronologia post annos 424. Anastasius 434. Ità sunt varia, & discrepantes de Temporibus Sententiæ.

Quinta Ætas seculi.

Anni ab Orb. c.
IIIMDCLXXX.

HEbræorum captivitas annorum ^(a) LXX. in quibus ignis ab altari Dei sublatus, & absconditus in puteo, post septuagesimum regressionis suæ annum, adsumitur inventus vivus. Per idem captivitatis tempus, Judith Historia conscribitur. Pythagoras quoque Philosophus, & Arithmeticæ artis inventor; & Pherecydes, historiarum primus Scriptor: atque Xenophanes, Tragediarum inventor, insignes habentur.

IIIMDCCXIII.

Darius regnat annis ^(b) xxxi v. ^(c) Hujus secundo anno Judæorum est resoluta captivitas; à quo tempore in Jerusalem non Reges, sed Principes fuerunt, usque ad Aristobulum. Tunc Romani, pulsus Regibus, Consules habere cœperunt.

IIIMDCCXXXIII.

Xerxes regnat annis ^(d) xx. Æschylus, Pindarus, Sophocles, & Euripides, Tragediarum Scriptores, celebrantur insignes. Herodorus quoque historiarum scriptor, & Zeuxis agnoscitur pictor.

IIIMDCCCLXXIII.

Artaxerxes, qui & Longimanus, regnat annis xl. Eo regnante Esdras Sacerdos incensam à Gentibus Legem renovavit, & Nehemias Jerosolymorum muros restituit. Aristarchus etiam, & Aristophanes, atque Sophocles, Tragediarum Scriptores habiti sunt. Hippocrates quoque Medicus, ac Socrates Philosophus, & Democritus claruerunt.

IIIMDCCXIII.

Darius, qui & Nothus, regnat annis ^(e) xix. Hæc ætas habuit Philosophum Platonem, & Gorgiam primum Rhetorem.

M 2

Arta-

(a) Ità est apud Jeremiam cap. 25. Servient omnes gentes istæ Regi Babylonis septuaginta annis, & cap. 29. Cum cœperint impleri in Babylone septuaginta anni, visitabo vos. Paralipom. etiam 2. cap. 36. Dicitur Cyrus dimisisse Populum captivum anno Regni sui primo, ad explendam sermonem Domini, quem locutus fuerat, per os Jeremia. Idem Esdra lib. 1. cap. 1. & 2. Idem Daniel cap. 9. Josephus lib. 11. cap. 1. Nicephor. Chronolog. Clemens Strom. 1. fuisse, ait hanc captivitatem septuaginta annorum.

(b) Eusebius annis 36. Sic Herodotus, & alii. Clemens Alexand. 1. Strom. quadraginta sex numerat, qui ita colligit Regum Persarum tempora. Cyrus regnavit annis 30. Cambyses 19. Darius 46. Xerxes 26. Artaxerxes 41. Darius 8. Artaxerxes 42. Ochus, vel Arsaces 3. ita ut sint in universum anni 235. Alexander Macedo, extincto Dario Rege Persarum. Et inde ortum habuit Regnum Macedonum. Hæc Clemens; unde apud eundem mendum innumeris esse existimo, quum ad annos ducentos triginta quinq. Persarum extendat imperium, quæ summa cum annis Regum non convenit. Observa hoc insuper loco, alios præter Reges ab Eusebio poni, sed rejici à Clemente, Isidoro, & aliis, quod eamdem ob causam à plerisque omittantur Imperatores Otho, Galba, Vitellius, ut notavit Plutarchus in vita Galba. De eadem ob causam à plerisque omittantur Imperatores Otho, Galba, Vitellius, ut notavit Plutarchus in vita Galba. De eadem ob causam à plerisque omittantur Imperatores Otho, Galba, Vitellius, ut notavit Plutarchus in vita Galba. De eadem ob causam à plerisque omittantur Imperatores Otho, Galba, Vitellius, ut notavit Plutarchus in vita Galba.

(c) Ità Eusebius, & Clemens Alexand. 1. Strom. Josephus lib. 11. cap. 2. & 3.

(d) Ità Eusebius, & Clemens Alexand. 1. Strom. Josephus lib. 11. cap. 2. & 3.

(e) Ità Eusebius, & Clemens Alexand. 1. Strom. Josephus lib. 11. cap. 2. & 3.

(f) Ità Eusebius, & Clemens Alexand. 1. Strom. Josephus lib. 11. cap. 2. & 3.

IIIMDCCCXXXIII.

IIIMDCCCLIX.

IIIMDCCCLXIII.

IIIMDCCCLXIX.

IIIMDCCCLXXIII.

IIIMDCCCCXIII.

IIIMDCCCCLII.

D. ISID. HISPAL.

Artaxerxes regnat annis ^(f) xl. Hujus tempore Esther Historia docetur esse expleta. Plato quoque, & Xenophon Socratici, insignes habentur.

Artaxerxes, qui & Ochus, regnat annis ^(g) xxvi. Demosthenes Orator primus agnoscitur, & Aristoteles Dialecticus primus prædicatur. Plato moritur.

Arses, Ochi filius, regnat annis ^(h) iiii. Xenocrates Philosophus illustris habetur.

⁽ⁱ⁾ Darius regnat annis vi. Alexander Illyricos, & Thraces superans, dehinc Hierosolymam capit. Atque Templum ingressus, Deo hostias immolat. Hucusque Persarum Regnum stetit. Dehinc Reges Græcorum incipiunt.

Alexander Macedo regnat annis ^(k) v. Hujus enim quinque anni postremi in ordine temporum numerantur, quibus Monarchiam Asiæ, destructo Persarum Regno, obtinuit. Nam septem ejus priores in Persarum Regibus supputantur. Dehinc Alexandriæ Reges incipiunt.

Ptolemæus, Lagi filius, regnat annis xl. ^(l) Hic Judæam capiens, plurimos Hebræorum in Ægyptum transtulit. Hoc tempore Zeno Stoicus, & Menander Comicus, & ^(m) Theophrastus Philosophus claruerunt. Per idem tempus Machabæorum Liber inchoatur primus.

Ptolemæus Philadelphus regnat annis xxxvi. Hic Judæos, qui in Ægypto erant, absolvit, & vasa sancta Eleazaro Pontifici restituens, septuaginta Interpretes petiit, ac Divinas Scripturas in Græcum eloquium ⁽ⁿ⁾ transtulit. Per idem tempus Aratus Astrologus agnoscitur, atque argentei nummi Romæ primum ^(o) cuduntur.

Pto-

^(f) Eusebius, Nicephorus, Tertull. adversus Judæos, Bedæ, & alii. Hic ab Hebræis Assuerus dicitur à 70. Interpretibus Artaxerxes cognomento Mnemon, non Memnon, ut in Eusebio, & aliis.

^(g) Eusebius, Bedæ, & Chronicon Græc. Nicephor. 22. habet. Tertullianus adversus Judæos 24. Clemens Alex. 3. qui hunc eundem cum Arse facit.

^(h) Eusebius, Nicephor. Bedæ, Ado autem 3. dumtaxat ponit. Alii dè Tertull. adversus Judæos.

⁽ⁱ⁾ Josephus lib. 11. cap. 7. & 8. Diodorus Siculus lib. 17. Hic fuit Arsacis filius, Ochi nepos; cujus meminit Quintus Curtius, Plutarchus, Arianus: breviter omnes, qui Res Alexandri Magni memoria tradiderunt. Tertulliano, & Curtio hic Melas cognomento dicitur: Codmanus primum appellatus fuit, lib. 19.

^(k) Sic Josephus, & ipse in Etymologia, lib. 5. Tertull. annos 10. Nicephorus in Chronico, sublato Dario, regnasse ait annos 6. verumque potitum, ante Darii mortem annis 12. mortuum in Babylonia atatis anno trigesimo quinto, vel ut alii, trigesimo sexto. Odo decim igitur annis ex Anastasii sententia Regnum obtinuit. Atque ita Clemens Alexand. 1. Strom. qui ita Macedonum Reges enumerat. Alexander annis regnavit 18. Ptolemæus Lagi F. 40. Ptolemæus Philadelphus 27. Evergetes 25. Philopater 17. Ephines 24. Philomater 35. Fuscon 29. Lathurus 36. Dionysius 29. Cleopatra 21. Postquam dies odo decim. Hæc Clemens: Tertull. lib. ad versus Judæos aliter.

^(l) Fuit de hac re habes apud Josephum lib. 15. cap. 19. Et Zonaranto. 1.

^(m) Apud Euseb. in Chronic. ita habet: Theophrastus Philosophus agnoscitur, qui à divinitate loquendi, ut ait Cicero, nomen accepit. Theodoros Athenæus agnoscitur. Ubi nota corruptè legi Athenæus pro Atheus: Æthiæ enim dictus fuit, ut constat ex Lærtio in Aristippo.

⁽ⁿ⁾ De hac re, an. 70. Interpreter: fuerint spiritus Dei afflati, necne, est questio inter Augustinum, & Hieronymum. Vide August. lib. 18. cap. 42. & 43. Civit. & Hieronym. in Proœmio Paralip. & in Epist. ad August. Consule, etiam Justin. in Apologetico, Tertull. adversus gentes. Joseph. lib. 12. cap. 2. Philonem denique Judæum in vita Moysis.

^(o) Euseb. Chron. Argentæus numus primum in Urbe figuratus, ubi lego, signatus.

CHRONICON.

137

Anni ab Orb. c.
IIIMDCCCCLXXVIII.

IIIMDCCCCXC.

VMXIX.

VMLIII.

VMLXXXIII.

VMX.

VMCX.

VMCXVIII.

VMCXLVIII.

Ptolemæus Evergetes regnat annis ^(p) xxxvi. Sub quo Jesus, filius Sirach Sapientie Librum composuit.

Ptolemæus Philopator regnat annis xxvi. ^(q) Ab isto Judæi prælio victi, lx. millia armatorum corruerunt. Per idem tempus Siciliam Marcellus Consul obtinuit.

Ptolemæus Epiphanes regnat annis xxi. ^(r) Hujus tempore gesta sunt, quæ secundi libri Machabæorum Historia continet. Hac ætate Romani victos Græcos liberos esse jusserunt, dicentes: Impium est, servos esse, apud quos Philosophia primum orta est, magistra morum, inventrix liberalium disciplinarum. Per idem tempus ^(s) Ennius, primus Poëta Latinus insignis Romæ celebratur.

Ptolemæus Philometor regnat annis xxxv. Tunc ^(t) Antiochus prælio superavit, & Judæos varia calamitate oppressit. Per idem tempus Scipio Africam vicit. Terentius Comicus claruit.

Ptolemæus Evergetes regnat annis ^(u) xxix. Hoc tempore Consule Bruto, Hispania à Romanis ob-
tenta.

Ptolemæus Soter regnat annis ^(x) xvi. Varro, Ciceroque nascuntur. Thraces Romanis subjiciuntur.

Ptolemæus Alexander regnat annis x. ^(y) Syria, per Gabinium ducem, in Romanorum dominium transit. Poëta quoque Lucretius nascitur, qui postea se furore amatorio interfecit.

Ptolemæus, Cleopatæ filius, regnat annis vi. Per idem tempus ^(z) Plotius Gallus Romæ Latinam Rhetoricam docuit primus. Tunc quoque Sallustius Historiographus nascitur.

Ptolemæus Dionysius regnat annis xxx. ^(a) Pompejus, Hierosolyma capta, Judæos Romanis tributarios fecit. Per idem tempus Cato Philosophus claruit.

M 3

Vir-

(p) xxvi. Ità quidem Euseb. xxv. Niceph. Tertull. Clem. xxiv. Epiph.

(q) xviii. Sic Clem. Euseb. Nicephor. Tertullian. Ado xx. Epiph.

(r) xxiv. Ità Euseb. xxvii. Niceph. xxi. Epiph.

(s) Locum de Ennio, qui apud Eusebium corruptus est, obiter emendare libet. Sic enim nunc legitur: Ennius Poëta septuagenario major, articulari morbo perit, sepultusque est in Scipionis monumento, via Appia, intra primum ab Urbe miliarium. Quidam ossa ejus Rhodiam ex Janiculo translata affirmant, ubi pro, Rhodiam substituo Rudias, fidei, scripti Codicis adjunctus, reique veritate id ità congruente, fuit enim Ennii patria Rudia, vetus Apulie oppidum, teste Mela lib. 2. Post Barium, inquit, Egnatia, & Ennio civis nobiles Rudia, quo ejus ossa translata verisimile est.

(t) Leguntur hac Machabæorum 2. ubi Antiochus radix peccati appellatur.

(u) Ità Eusebius, Niceph. Epiphanius, & alii Tertullian. 27. Hic Clementi Fusco est. Male in lib. Etymologicarum D. Isidori Parisiis, anno 1580. impresso. Evergetes, annis 24. duumtaxat regnasse scribitur.

(x) xviii. Ità Euseb. xvi. & menses sex, Niceph. xv. Epiph.

(y) x. Epiph. xii.

(z) De hoc Eusebius in Chron. Plotius, inquit, Gallus primus Romæ Latinam Rhetoricam docuit, de quo Cicero sic refert: memoria teneo primum Latine docere cepisse Plotium quemdam. In m. s. est amplius memoria teneo pueris nobis primum, &c.

(a) xxx. Epiphani. xxxi.

- VMCL.

- VMCLV.

- VMCCXI.

D. ISID. HISPAL.

Virgilius nascitur Mantuæ, Horatius Venusii. Tunc etiam ^(b) Apollodorus Præceptor Augusti, clarus habetur, & Cicero laude Oratoria celebratur.

Cleopatra regnat annis ^(c) I I. Hæc Ptolemæi Regis Ægyptiorum fuit filia, & fratris Ptolemæi soror, & conjux effecta. Quem dum fraudare Regno voluisset tempore belli civilis, in Alexandria occurrit Cæsari, Urbem obsidenti, & ^(d) per speciem atque stuprum, Regnum sibi, & necem Ptolemæo, apud Julium impetravit. Atque Alexandriæ Regnum, tertio anno regni Cleopatæ, per Julium Cæsarem in ditionem Romanorum transit.

Cajus Julius Cæsar regnat annis v. ^(e) Hic antea Consul creatus, Gallias obtinuit: de Britannia triumphavit: postremum civili bello adversus Pompejum adhibito, monarchiam totius Imperii obtinuit. Ex cujus nomine sequentes Imperatores, Cæsares vocati sunt.

A transmigratione Babylonis usque ad nativitatem Domini nostri Jesu Christi, anni DLXXXVII.

Finitur quinta ætas per annos quinquies mille centum quinquaginta quinque.

Sexta Ætas seculi.

Octavius ^(a) Augustus regnat annis ^(b) LVI. Iste in Imperio, post Siculum bellum, triumphos tres egit: Dalmaticum, Asiaticum, postremo Alexandrinum adversus Antonium, inde Hispanum: Deinde, terra, marique pace toto orbe parata, Jani portas clausit. Sub cujus Imperio ^(c) septuaginta

ra

(a) Apollodorus Pergamensis, Græcus Orator, Præceptor Claudii, & Augusti, ut constat ex Suetonii Oratione.

(b) Eusebius annos 22. habet, & Plutarchus in Antonio, & Nicephorus, & alii. Epiphanius amplius ponit 32. Isidorus duos tantum ponit. Nam Julius Cæsar, tertio Cleopatæ regni anno, solus post occisum à spadonibus Alexandrini Regis Pompejum, obtinuit quiddam Romano parebat Imperio. Indeque, Alexandrinum Regnum in Romanorum ditionem transiit, ut idem infra affirmat. Idem est apud Tandenem, in Cod. m. s. & ideo hunc annum numerum placuit retinere, quem etiam Etymologiarum m. s. Cod. habent. Idque exigit locus in Tiberio ubi dicitur Christus passus annis per ætate à principio mundi 5229. à qua supputatione Eusebius ipse tantum duos annos discrepat.

(c) De Cleopatæ sic ferè Niphiellus, ex Dione, in Julio Cæsare: Cleopatra, inquit, forma pulcherrima fuit, cum verò flore ætatis, & facundia omnibus præstans, eratque apud omnes, quibus cum versabatur, gratiosa. Et Paullo post de Cæsare loquens: Ipse Ægyptum in suam potestatem, ditionemque redegit, tradiditque Cleopatæ, cujus causam bellum gesserat.

(a) Augusti nomen inde sumptum ait Suetonius in Augusto, quod loca religiosa, & in quibus auguratio quid consecratur, augusta dicuntur, ab ætate, vel ab avium gestu, gustu. Dio etiam in Monarchia, Augustum dictum ait, quasi qui hominum naturam excederet, propterea quod ea, quæ sacrosancta, & in maximo honore sunt, augusta esse dicuntur: quamobrem, inquit, cum Græci *εὐαγέτωρ* nominabant, scilicet, cultu & honore dignissimum. Cujus nominis appellatio, quemadmodum Imperatoris, ad ceteros, qui eum subsequuti sunt, pertinuit propter summum, & amplissimum eorum Imperium.

(b) Sic Eusebius, Victor, & alii, Nicephorus, & Cassiodorus menses sex adjiciunt. Clemens 1. Strom. an. 46. menses 4. die 1. Dion mortuus est, inquit 14. Calend. Septembris, quo die primum Consul factus fuerat, vixitque annos septuaginta quinque, menses decem, dies 26. Erat enim nono Calendis Octobris natus. Regnavit, postquam victoria potius est apud Actium, quatuor & quadraginta annos, diebus tredecim exceptis. Verum Eusebius, & Isidorus ejus Imperium numerant à morte Julii Cæsaris.

(c) Septuaginta hebdomada, al. Septuaginta novem. Vid. Dan. cap. 9.

Anni ab Orb. c.

VMCCXXXIII.

VMCCXXXVIII.

ta hebdomadæ ^(d) in Daniële scriptæ complentur, & cessante Regno, & Sacerdotio Judæorum, Dominus Jesus Christus in Bethlehem Judæ ex Virgine nascitur, anno regni ejus xlii.

Tiberius, ^(e) filius Augusti regnat annis ^(f) xx i. Iste, dum per cupiditatem ^(g) Reges ad se venientes non remitteret, multæ gentes à Romano Imperio recesserunt. ^(h) Hujus decimo octavo regni anno Dominus crucifixus est, annis peractis à principio mundi quinquies mille ducentis viginti novem.

Cajus ⁽ⁱ⁾ Caligula regnat annis iv. ^(k) Hic avaritia, crudelitate, & luxuria sævus fuit, atque in Deos se transferens, in Templo Jerosolymorum statuum Jovis Olympii, sub nomine suo poni jussit. Per idem

^(d) Locus est insignis Danielis 9. quem Tertull. adversus Judæos multo aliter interpretatur, quam ceteri Chronographi, sic enim inquit: A primo anno Latii debemus computare quando hanc visionem vidit Daniel. Videmus igitur anni quomodo impleantur usque ad adventum Christi. Darius enim regnavit ann. 19. Artaxerxes regnavit ann. 40. I. eundè Rex Ochus, qui & Cyrus, regnavit ann. 24. Argus anno uno. Alius Darius, qui & Melas nominatus est, ann. 22. Alexander Macedo ann. 12. Deinde, post Alexandrum, qui & Medis, & Persis regnavit, quos reverterat, & in Alexandria Regnum suum firmaverat, quando & noniue suo eam appellavit. Post eam regnavit illic in Alexandria Soter annis 35. cui succedens Philadelphus regnavit annis 38. Huic succedit Evergetes annis 25. Deinde Philopator annis 17. Iste sibi Epiphanes ann. 24. Item alius Evergetes ann. 29. Soter ann. 38. Ptolemæus ann. 38. Cleopatra anni. 10. mensibus 6. Item adhuc Cleopatra conregnavit sub Augusto an. 13. Post Cleopatram Augustus aliis ann. 43. Nam omnes anni Imperii Augusti fuerunt anni 56. Videmus autem quoniam quadragesimo, & primo anno Imperii Augusti, quo post mortem Cleopatæ imperavit, nascitur Christus. Et supervixit idem Augustus, ex quo nascitur Christus, annis 15. Et erunt reliqua tempora annorum in diem nativitatæ Christi, & in annum Augusti 41. post mortem Cleopatæ anni 437. menses 6. Unde adimplentur 61. hebdomadæ, & dimidia quæ efficiunt annos 437. menses 6. in diem nativitatæ Christi. Et manifestata est justitia æterna, & unctus est Sanctus Sanctorum, id est, Christus, & signata est v. o. & Prophetes, & dimissa sunt peccata, quæ per fidem nominis Christi, omnibus in eum credentibus remittuntur. Et infra.

Itaque ostendentes, & numerum annorum, & tempus 60. duarum, & dimidiæ hebdomadarum adimpletarum, tunc venisse Christum, id est, natum, videamus quid aliæ 7. & dimidiæ hebdomadæ, quæ sunt subdivisæ, in abscissione priorum hebdomadarum, in quo actu sint adimpletæ. Post enim Augustum, qui supervixit post nativitatem Christi, anni 15. efficiuntur, cui successit Tiberius Cæsar, & imperium habuit annis 22. mensibus septem, diebus viginti: hujus quinto decimo anno Imperii passus est Christus, annos habens quasi 50. quum pateretur. Item Cajus Cæsar, qui & Caligula annis 3. mensibus 8. diebus 13. Nero Cæsar annis 9. mensibus 9. diebus 13. Galba mensibus 7. diebus 6. Otho mensibus 3. diebus 5. Vitellius mensibus 8. diebus 10. Vespasianus anno primo Imperii sui debellavit Judæos, & sunt anni 42. menses 6. Non imperavit annis 9. acque ita in diem expugnationis suæ Judæi impleverunt hebdomadas 70. prædictas à Daniële. Igitur expleti his quoque temporibus, & debellatis Judæis, postea cessaverunt illie libamina, & sacrificia, quæ exinde celebrari non poterunt. Nam & unctio illie exterminata est post passionem Christi. Erat enim prædictum exterminari illie unctiorem, sicut est in Psalmis prophetatum. Exterminaverunt manus meas, & pedes. Quæ passio hujus exterminii intra tempora 70. hebdomadarum perfecta est sub Tiberio Cæsare, Coss. Rubellio Geminio, & Rufio Geminio, mense Martio, temporibus Paschæ, die 8. Calendarum Aprilium, die prima azyumorum, quo agnum, ut occiderent ad vespertam, à Moysæ fuerat præceptum. Itaque omnis synagoga filiorum Israël eum interfecit, dicentes ad Pilatum, quum veller eum dimittere: Sanguis hujus super nos, & super filios nostros, & si hunc dimiseris, non es amicus Cæsaris: ut adimpleri possent omnia quæ de eo fuerant scripta.

Hæc Tertullianus, verum Clemens Alexand. 1. Strom. existimat, natum Dominum nostrum 28. anno Augusti, cum primum juberet censum, descriptionemque fieri, hebdomadæque Danielis, ita fere connumerat, ut Tertullianus, patrumque Christum quinto decimo anno Imperii Tiberii, dum ægeret annum 30. quavvis in annorum computatione discrimen est inter eos. Eusebius vero ab utroque dissentit, & 10. anno Imperii Augusti existimat Danielis vaticinium in Hircano ultimo Judæorum Sacerdote completum, & hebdomadas facere annos 483. Ità in amorem ratione nihil est constans, neque certum. De hac re vide etiam Augustinum lib. de Civitat. Dei x8. cap. 34. & Cedrenum in Compend. & inter nostros neotericos. Finum, atque Galatinum, & Burgensem Hispanum in doctissimo Scrutinio scripturarum.

^(e) Adoptione intelligi. Erat enim filius Livia uxoris ipsius, & Caii Drusi Neronis.

^(f) Sic Eusebius, vel 21. inquit) ut ajunt nonnulli. Nicephorus, Orosius, Victor, Cedrenus, Tertull. adversus Judæos est tantum annos 22. tribuit menses 7. dies 20. Dion Nicæus an. 22. mens. 7. dies 5. Sic Zenaras nisi quid dies 7. habet.

^(g) De hoc ita Eusebius in Chron. Tiberius multos Reges ad se, per blandicias evocatos, nunquam remisit: in quibus Archelaum Cappadocem, cuius in Provinciam versam Mazacam nobilissimam Civitatem Cæsaream appellari jussit: Lege verò ex m. i. Cujus Regno in Provinciam, verso, &c. Hæc de re scribitur Tacitus, & Dion in Tiberio.

^(h) De die, & anno mortis Christi, varia Sanctorum sunt sententia, ut apud Tertull. adversus Judæos; Clementem, & Eusebium, ceteroque Antiquos Patres, quæ omnia Onuprius Pamvinius Augustinianus in unum collegis elegantè edito Scholio lib. 2. Comment. in Fastos.

⁽ⁱ⁾ Dion in Tiberio Caligula cognomen propterea huic datum scribit, quod quum fuisset magna ex parte in exercitu educatus, caligis militaribus pro urbanis uteretur. Augustum etiam Cæsarem Caligam à militibus per illusionem hæc via caligatum vocatum fuisse testatur Dion in Augusto.

^(k) Eusebius, Clemens, Nicephorus, & Cassiodorus ann. 3. mens. 10. Josephus lib. 2. Belli Judaici cap. 10. ponti ann. 3. mens. 6. Aliter lib. 19. Antiquit. cap. 2. Extinctus est inquit) Cajus quarto imperii sui anno, minus mensibus quatuor. Tertull. adversus Judæos an. 3. mens. 8. dies 13. ponti.

VMCCLII.

VMCCLXVI.

VMCCLXXVI.

D. ISID. HISPAL.

idem tempus⁽¹⁾ Matthæus Apostolus Evangelium primus in Judæa scripsit.

Claudius regnat annis xlv.^(m) Eo regnante Petrus Apostolus, contra Simonem Magum, Romam pergit.⁽ⁿ⁾ Marcus quoque Evangelista Alexandria Christum prædicans, Evangelium scripsit.

Nero regnat annis^(o) xlv. Hic injuriæ, crudelitati, & luxuriæ deditus, retibus aureis piscabatur:^(p) Matrem, &^(q) Sororem prostituit, & interfecit: Senatum multum extinxit: multas Reipub. Provincias, & Urbes amisit: Urbem quoque Romam incendit, ut Trojani excidii imaginem spectaret. Hujus temporibus Simon Magus, cum altercationem proposuisset, cum Petro, & Paulo, Apostolis, dicens se quamdam virtutem esse Dei magnam, medio die, dum ad Patrem volare promittit in Cælum, à Dæmonibus, à quibus in aëre ferebatur, adjunkte eos Petro, per Deum, Paulo verò orante, dimissus crepuit.^(r) Ob cujus necem à Nerone Petrus crucifigitur, Paulus gladio cæditur. Hac tempestate Persius Poëta moritur. Lucanus quoque, ac^(s) Seneca præcepto Neronis interficiuntur.

^(t) Vespasianus regnat annis x.^(u) Iste in Disciplina Militari strenuus multas Provincias, quas Nero amiserat, bellando Repub. restituit, Immemor offensarum fuit, convicia in se dicta levitèr tulit. Hujus secundo anno Titus Jerosolymam cœpit, atque

(1) Graecè, an Hebraicè scriptis Matthæus quiri solet. Hieronymus in Catalogo Hebræicæ, inquit, Evangelium ejus habetur usque hodie in Bibliotheca Casariensi. Idem lib. 3. contra Pelagian. Similiter Eusebius lib. 3. Hist. Ecclesiast. cap. 18. & lib. 4. cap. ultimo. Nazianzen. etiam Irenæus, & Nicephorus cap. 45. lib. 2. Testantur eum patriæ sermone Evangelium suum scripsisse.

(m) Nicephorus agnovit annos dumtaxat 13. mens. 1. Epiphanius annos totidem menses 2. Josephus lib. 10. cap. 10. Antiq. imperatæ scribit ann. 13. mensibus 8. diebus 20. Sic ut Dion, & Zonaras, Suetonius simpliciter ait, eum decimoquarto imperii anno excessisse. Euseb. & Cassiod. numerant ann. 13. menses 9. dies 28. Tertull. annos 13. menses 7. dies 20.

(n) Euseb. lib. 2. Hist. Ecclesiast. cap. 5. & 16. Niceph. lib. 2. cap. 15. & 16.

(o) Sic Eutropius, Sueton. Chronicon Græcum, Aldo, alii, Euseb. ann. 11. mens. 7. diebus 28. Epiph. ann. 11. mens. 7. dieb. 27. Niceph. ann. 13. mens. 1. Dion Nicæus vixisse ait ann. 30. regnasse 13. mens. 8. biduo minus. Paulus Orosius lib. 7. principatum, inquit, acceptus est, mansitque in eo annis non plenis 14. Tertull. contra omnium sententiam undecim tantum annos mens. 9. dies 13. ponit Cassiod. ann. 13. mens. 7. dies 27.

(p) Dion in ejus vitâ existimat eum non habuisse consuetudinem cum matre Agrippina, sed cum alia huic simili, ad quam alludens, dicebat se cum matre consuetudinem habere. De matris morte Dion copiose, & Suet.

(q) Idè Niceph. lib. 2. cap. 36. Chrysostomus lib. 1. adversus vituperatores Vita Monastica. Res gestas Petri cum Simone Magico conscripsit Linus Thuscus.

(r) Mores & mortem Seneca ita describit Dion in Nerone, nescio an verè, & utraque maximè aliena fuisse à viri philosopho: Quum enim Tyrannidem, inquit, improbare, Tyranni preceptor erat: quumque insultaret eis, qui cum principibus versarentur, ipse à pelatio non decebat: assentatores detestabatur, quum ipse Reginas coleret, & libertos: devotes reprehendebat, cujus facultates erant aureorum ricies centena milia: quique luxum aliorum damnabat, quingentos tripodas habuit de ligno cedrino, pedibus churneis, similes, & pares inter se in quibus cenabat. Mortuus denique est, contra quam Philosophum decebat, animo abjecto, atque imbecillo.

(s) Ante Vespasianum imperaverunt, Galba, Otho, & Vitellius annum unum, mens. 9. teste Eusebio: qui propter à forte etiam ab Isidoro omittuntur, & ab Orosio, quod Plutarchus in Galba hos non tam Romani Imperii, quam consilia cupipiam fuisse Imperatores scribat. Ex Dione Galba imperavit mens. 9. dies 13. Otho dies 90. Vitellius annum unum, dieb. decem exceptis. Ex Clemente vero, Galba mens. 7. dies 0. Otho mens. 5. diem unum, Vitellius mens. 7. diem unum.

(t) Eusebius, Nicephor. Chronicon Græcum, & Cassiodorus ann. 9. mens. 11. dieb. 22. Epiphanius ann. 9. mens. 7. dieb. 11. Dion ann. 10. dieb. sex minus: sic, & Zonaras Orosius nono Principatus anno profluvio mortuam scribit. Tertullianus ait annis 11. regnasse. Cedrenius ann. 10. dieb. 8.

(u) Sic Eusebius: Titus Judæa capta, & Jerosolymis subversis, sexcenta milia virorum interfecit. Josephus verò scribit undecim centena milia fame, & gladio periisse, & alia centum milia captivorum publice vendidisse: hac Eusebius.

Anni ab Orb. c.

VMCCCLXXXVIII.

VMCCXCIII.

VMCCXCV.

que subvertit : ubi ^(x) undecies centena millia Judæorum fame , & gladio perierunt. Sed & præter hos quoquè centum millia publicè venundata.

Titus regnat annis ^(y) 11. Iste in utraqùè lingua tanto facundissimus extitit , ut causas Latinè ageret, poëmata , & tragœdias Grecè componeret : tanto autem bellicosissimus fuit , ut in oppugnatione Jerosolymorum , sub patre militans , ^(z) duodecim propugnatores, duodecim sagitarum confoderet ictibus. Porro in Imperio tantæ bonitatis fuit , ^(a) ut nullum omninò puniret , sed convictos adversùs se conjurationis dimitteret , atque in eadem familiaritate , qua antè habuerat , retineret. Hujus etiam inter omnia fuit illud celebre dictum , ^(b) perdidisse diem , quo nihil boni fecerat.

Domitianus frater Titi regnat annis ^(c) xvi. Hic post Neronem secundus , superbia execrabilis , ^(d) Deum se appellari jussit , ^(e) Christianos persequi Paganis institui. Sub quo Apostolus Joannes in Pathmos insulam relegatus , Apocalypsin scripsit. Iste multos Senatorum in exilium misit , ac peremit ; cunctos quoquè , qui de genere David erant , interfici jussit , ut nullus Judæorum ex regali supereset origine.

Nerva regnat anno 1. ^(f) Vir Imperio moderatus , æqualem se , & ^(g) communem omnibus præbuit.

Hu-

(x) Suetonio , & Dion regnavit annis 2. mensibus totidem , diebus 10. Eusebio annis 2. mens. 8. Eutrop. ann. 1. mens. 8. diebus 20 Nicephoro , Cassiodoro , Beda , & aliis annis 2. mens. 2. Epiphan. ann. 2. mens. 2. diebus 2. cum Isidoro Orosius facit lib. 7. Zonaras ponit annos duos sex diebus minus. Cedrenus ann. 3.

(y) Dion in hujus vita : Titus , inquit , non modo Senatorem , quam diu principatum tenuit , nullum interfici jussit , sed nec alius quisquam sub ejus imperio morte affectus est. De crimine impietatis nunquam cognovit , neque permisit aliis , ut cognoscerent : Nemo enim , inquit , injuria me afficere , aut insequi contumelia potest , propterea quod nihil ago , quod reprehendi mereatur. Ea vero quæ falso de me dicuntur , prorsus negligo.

(z) Suetonius memorabilem , inquit , meritoque laudatam vocem dedit : Amici diem perdidit.

(a) Euseb. ann. 15. mens. 5. sic Epiph. Cassiodor. & Niceph. Suetonius simpliciter decimoquinto imperii anno mortuum asserit sicut Orosius. Dion Niceus regnavit , inquit , ann. 15. dieb. 5. Zonaras ann. 15. mensibus 11.

(b) Eusebius : Primus Domitianus Dominum se , & Deum appellari jussit. Idem Dion. Suetonius : pati , inquit , arrogantia , cum procuratorum suorum nomine formalem dictaret Epistolam , sic cepit. Dominus & Deus noster , sic habet : unde institutum post hac , ut ne scripto quidem , ac sermone cujusquam appellaretur aliter.

(c) Hac fuit secunda Ecclesiæ persecutio : prima enim fuit sub Nerone , de qua Eusebius lib. 3. Historia Ecclesiæ , cap. 13. & Aug. lib. 18. cap. 52. de Civitat. Dei , & Paalas Orosius lib. 7. & Alex. Monachus libello sit ὑποπτεῖν τῷ ζῳεῖν καὶ ἀποφθῆναι , qui in Bibliotheca mea est nondum editus.

(d) Eusebius anno uno mens. 4. Sic Nicephor. Cassiodorus , Epiphanius , Clemens , & Zonaras , Dion , Eutropius , Beda , Ado , & alii 9. dies adjiciunt.

(e) Mores hujus eleganter Xiphilinus ex Dione depinxit : statuas , inquit , aureas , aut argentæas sibi fieri vetuit , bonaque quæcumque adhuc inventa sunt in Palatio , restituit iis , quibus ea Domitianus per injuriam ademerat. Civibus Romanis , qui in summa fœrent egestate , agrum dedit , ad aurorum sexcenta millia i ejus agri emptione , divisioneque quibusdam Viris Senatorii ordinis imperata. Quæcumque egeret pecunia , magnum numerum vestium , multaque vasa argentea , atque aurea , & reliquam suppellectilem , non modo de privatis suis , sed etiam de principalibus rebus : multa etiam prædia , multasque domos , atque in summa omnia , præter ea , quæ necessaria erant , vendidit. Neque verò in precitis harum rerum sordidus , sed in hoc ipso benignus erga multos , & liberalis fuit. Hæc Dion , qui & alia adjungit , quæ summam hujus viri moderationem arguunt.

(f) Sic Epiphanius , Chronicon Græcum , Orosius , cum aliis. Euseb. ann. 19. mens. 6. ut Nicephorus , & Zonaras , Clemens , d. ann. 19. mens. 7. dieb. 15. A Dione , Eutropio , Beda , Cedreno , & Adone ponuntur ann. 19. mens. 6. dies 15. ut & à Cassiodoro.

(g) In alio m. s. erat : Asiam , Babyloniam , & Arabiam cepit : Eusebius ita : Trajanus , victo Rege Decebalo , Daciam , fecit Provinciam. Hebræos Sautomatas Astrucos (lege Adiabenos) Arabes Bosphoranos , Colchos in fidem accepit , Seleuciam , & Ctesiphontem , & Babylonem occupavit. Quod autem pro Astrucos Adiabenos legam facit Dion apud Xiphilinum , qui ait : hunc Adiabensem omnem , quæ pars Assyria ad Ninam pertinet , in potestatem suam red gisse. Fuit autem Trajanni , ut est apud Xiphilinum , à Nerva Cæsar , & Imperator factus : quum tamen ipi propinqui non decissent.

VMCCCXIII.

VMCCCXXV.

VMCCCLVII.

D. ISID. HISPAL.

Hujus tempore Joannes Apostolus ab exilio Ephesum rediit, atque efflagitatus ab Asiæ Episcopis, Evangelium novissimus edidit.

Trajanus regnat annis xix. ^(b) Iste mirabili virtute Romanum Imperium, usque in Orientem, longè, lateque produxit. ^(c) Babyloniam, & Arabiam cepit, & usque ad Indiæ fines, post Alexandrum, accessit, ^(d) liberalis cunctis, atque tranquillus. Cujus inter alia dicta, illud fertur egregium, ut dum interrogaretur, quòd nimium circa omnes communis esset, respondit, talèm se Imperatorem esse privatis, qualèm sibi Imperatorem privatus opresset. Simon Cleophas, Jerosolymorum Episcopus, hujus tempore crucifigitur, & requiescit Joannes Apostolus.

^(e) Adrianus regnat annis xxi. ^(m) Iste Trajani gloriæ invidens, Provinciæ Orientis Persis reddidit, & Euphratem fluvium finem Imperii Romani posuit. Idem quoquè Judæos secundo effectos rebelles subjugat, Urbemque Jerosolymam restaurat, eamque ex suo nomine ⁽ⁿ⁾ Æliam vocat. Per idem tempus Aquila Ponticus, Interpres secundus post Septuaginta, oritur: Et ^(o) Basilides Haresiarcha agnoscitur.

Antoninus Pius regnat annis xxi. ^(p) Iste propter clementiam tale cognomen accepit, quia in omni Regno Romano, cautionibus incensis, cum-

Etto-

sent. Neque enim ille conjunctionem sanguinis anteposuit publicæ utilitati: Neque rursum cum deterruit, quod Trajanus homo Hispanus, nec Italus erat, nec Italicus, quodque ante eum nemo alterius nationis Imperium Romanum obtinuerat, de Trajano præter alios ex antiquis scribere: Dion, Sextus Aurelius, Eutropius, Sextus Rufus, Ammianus Marcell. lib. 14. Plinius in Panegyrico, & lib. 11. Epistolarum.

^(b) Postquam (inquit Dion) Romam venit, multa fecit ad emendandum, corrigendumque statum Reip. atque in gratiam bonorum, quorum in primis eam gessit: n. m. Civitatibus Italiæ multa largitus est, ad educationem liberorum in quos magna beneficia contulit. Et mox: Trajanus, inquit, nulli invidetur, perdebaturque naminè: bonos omnes ornabat honoribus, & dignitatibus augebat; ex quo fiebat, ut neque timeret quemquam, nec haberet odio. Nullam fidem habebat calumniatoribus, nulla ira tenebatur, abstinere ab aliena pecunia, non minus quam ab iniquis creditibus, magnos sumptus fecit, belli, pacisque temporibus multa eaque aptissime necessitatibus ædificavit. *Legit apud eundem plura, quæ hujus viri mores, vitæque commendant.*

^(c) De hoc ita Spartianus: Origo Imperatoris Adriani verstior à Picentibus, posterior ab Hispaniensibus. Siquidem Adria ortos majores suos, apud Italicam Scipionum temporibus resedisse, in libris vitæ suæ Adrianus ipse commemorat. Adriano pater Ælius Adrianus, cognomento Afer, fuit consubrinus Trajani Imperatoris, mater Domitilla Paulina Gadibus orta. Dion, quod erat municipis Trajani dicit.

^(d) Sic Eusebius, Orosius, Nicephorus, alii. Dion, & Zonaras ann. 20. mens. 9. Eutropius ann. 21. mens. 10. dieb. 10. & ita Cassiodorus, nisi quod diem auferat. Libellus de Vitis Imperatorum ann. 21. mens. 11. ut Spartianus, Cedrenus an. 24. ^(l) Dion, Eliam, inquit, Capitolinam appellavit, & coloniam deduxit: & ubi Templum Dei fuerat, alterum Jovi ædificari curavit, Judæis graviter ferentibus; quod æterna gentes in sua Urbe habitarent, sacræque peregrina in ea fierent.

^(m) De Basilide heretico Euseb. lib. 4. Hist. Eccles. cap. 7. & Irenæus lib. 1. cap. 27. August. de Hæresib. Niceph. dixerat in locis.

⁽ⁿ⁾ Sic Epiphanius: Eusebius verdè ann. 23. mens. 1. Orosius, & ex eo Ado Viennensis annis 10. & non plenis tribus imperasse tradunt, Eutropius 23. integros agnoscit, ut Chronicon Græcum, Nicephorus 22. tantum, mens. 3. Libellus de Vitis Imperatorum nupèr sub Aurelii Victoris nomine Antuerpiæ editus 20. dimittat agnoscit: contra Xiphilinus ex Dionis 24. & cum eo Cedrenus.

^(o) Fortè legendum ex Eusebio, & Paulo Orosio lib. 7. cap. 9. Valentinus, & Cerdo Magister Marcionis. Quamvis contra ex eodem Euseb. lib. 4. Hist. Eccles. cap. 10. Martionem, & Cerdonem, eodem tempore Roma perversa sua dogmata disseminasse.

^(p) Ille cognomento Philorophus fuit vir bonus, ut ait Dion, quippe in quo nihil fidi, simulatque inesset. Fuit Orosius annis 14. tantum imperasse posuit. Euseb. Beda. & Ado, ann. 19. mens. 2. Niceph. ann. 19. mens. 2. Zonaras ann. 19. dieb. 11. Cedrenus 19. dies omittit.

Anni ab Orb. c.

ſtorum debita relaxavit : undè & Pater Patriæ appellatus eſt. Iſte primus Imperium Romani orbis, cum Antonino Juniore, æquata poteſtate, diviſit. Eo regnante ^(q) Valentinus, & Marcion Hæreſiar- chæ produntur, atque Galenus Medicus Pergamo genitus, Romæ clarus habetur.

VMCCCLXXV.

^(r) Antoninus Minor regnat annis xvi i i i. Hic ad Parthos profectus, Seleuciam Aſſyriæ Urbem, cum quadringentis millibus hominum cepit. De Par- this, & Perſis triumphavit. Eo regnante Monta- nus Cataphrygarum Auctor, & Tatianus, à quo hæreſis ^(t) Encratitarum, exorti ſunt.

VMCCCLXXXVIII.

Commodus regnat annis x i i i. ^(t) Iſte luxuriæ multæ fuit. Sub hoc Theodotion Ephæſius, inter- pres tertius apparuit : atque Irenæus Episcopus Lugdunensis doctrina habetur inſignis.

VMCCCLXXXIX.

Ælius Pertinax regnat anno ^(u) i. ^(x) Hic, ſup- plicante Senatu, ut uxorem Auguſtam, & filium Cæſarem faceret, renuens, ait ſufficere ſibi debere, quod ipſe imperaret invitus.

VMCCCCVII.

^(y) Severus Pertinax regnat annis ^(z) xvi i i. Iſte multa bella feliciter gessiſt : Parthos viciſt, Arabiam obtinuit, ^(a) Britanniam bellando recepit, litterarum, & Philoſophiæ ſcientiam habuit. Hujus tempore ^(b) Symmachus, interpres quartus, agnoſcitur : Narcisus Hieroſolymorum Episcopus virtutibus plurimis celebratur : Tertullianus Afer in Ecce- ſia illuſtris habetur : Origenes Alexandriæ ſtudiis eruditur.

VMCCCCXIII.

Antoninus ^(c) Caracalla, Severi filius, regnat an- nis ^(d) vi i i. Hic impatiens libidinis fuit : novercam ſuam

[q] De hac hæreſi vide Eusebium lib. 4. cap. 27. Hiſtor. Eccles. & Irenaum lib. 1. adverſus hæreſ. cap. 9. Dicunturque Encratita quaſi continentes, poſtea Severiani à Severo Taitiani ſucceſſore appllati. De quibus vide præterea Nicephorum lib. 4. Eccles. Hiſtor. cap. 4. & cap. 11.

[r] Sic Eusebius, Oroſius, Herodianus, Beda, Nicephorus, alii. Eutropius verò ann. 12. menſ. 8. Dion ann. 12. menſ. 9. dieb. 14. ut Clement. & Zonaras, Cedrenus. 14. dies omittit.

[s] Eusebius, Epiphanius, & Nicephorus, & alii 6. tantum menſes ponunt, Eutropius 81. dies. Dion 57. ut etiam Zonaras, & Cedrenus.

[t] Ità Eusebius, ſed aliſiter Capitoli- nus : Pertinax, inquit, neque uxoris Auguſtæ appellacionem recepit, & de filio dixit : quum metuſcit.

[u] Ante Severum Pertinacem, ponendus erat Didius Salvius, Julianus, qui ut tradit Dion, imperaviſt dies 66. ſeu, ut Eutropius, & Oroſius, menſ. 7.

[x] Sic Euseb. Epiphanius, Nicephorus, aliique penè omnes. Eutropius ann. 18. menſ. 10. Dion, ann. 17. menſ. 8. dieb. 3. Zonaras in Dione annos legis. 16. in diebus, & menſibus ei alioqui par. Cedren. ann. 17. menſ. 8.

[y] Tempore Titi Cn. ſulius Agrippa primus Romanorum Britanniam circumſuſam undique mari cognovit. Dion in Tito.

[z] De Symmacho, Eusebius lib. 6. Eccles. Hiſtor. cap. 13. Ubi de Narcisso, & Origine celebriſ ſit mentio.

[a] Antoninus Caracallus dictus, ut ſcribit Dion, quod proprium genus indumenti excoſitavit in modum penulæ. Id bar- barum diſciſſumque, & conſuetum erat ex multis partibus, eoque indutus erat ſemper, ex quo Caracallus cornominatus eſt : juſſitque militibus, ut ſe eodem genere veſtis induerent, vide Eutrop. & alios. Noverca ejus appellabatur Julia ex Eusebio, & Dion. & alii.

[b] Sic Epiphanius, Nicephorus, & alii. Spartianus, & Cedrenus ann. 6. ut & Eusebius, & Eutropius. Oroſius in Impe- rio manſiſſe, aut annis non legiſt. 7. Dion. 6. menſ. 2. dieb. aliquot.

[c] Ità Eusebius, Niceph. Oroſius, alii. Dion, & Zonaras anno. 1. menſ. 2. tribus diebus exceptis, Eutropius ann. 1. menſ. 2. penimè Cedrenus ann. 8.

[d] Eusebius Chronicon : Macrinus occiditur in Archelaide : Herodianus, in Chalcedone Bithynia Urbe. Verum Dion de ejus morte ſic habet : Chalcedonem navigavit, ibique remanſit : eò venire milites miſſi à Pſeudantonino, à quibus compre- hen-

Anni ab Orb. c.

VMCCCCXV.

VMCCCCXIX.

VMCCCCXXXII.

VMCCCCXXXV.

VMCCCCXLI.

VMCCCCXLVIII.

VMCCCCXLIX.

D. ISID. HISPAL.

suam Uxorem duxit. Nihil memorabile gessit. Hujus tempore in Hierico quinta editio Divinarum Scripturarum inventa est; cujus auctor non apparet.

Macrinus regnat anno ^(e) 1. Hic cum filio regnans, nihil memorabile temporis brevitate gesserunt. Nam post annum unum, seditione militari, pariter interfecti sunt.

^(f) Aurelius Antoninus regnat annis ^(g) 14. Hic dum obscœnissimè viveret, & ipse tumultu militari interemptus est. Cujus temporibus sexta editio inventa est Nicopoli: Sabellius Hæresiarcha oritur.

Alexander regnat annis 111. Hic ^(h) Persas gloriosissimè vicit: Civibus favorabilis fuit. Hujus temporis Origenes Alexandriæ claruit, & Romæ Ulpianus insignis Jurisperitus.

Maximinus regnat annis ⁽ⁱ⁾ 11. Iste primus ex militari ^(k) corpore, absque Decreto Senatus, Imperator efficitur, & Christianos ^(l) persequitur.

Gordianus regnat annis ^(m) 6. Hic rebellantes Parthos, & Persas afflixit. Rediens victor de Persis, fraude suorum interiit. Hujus temporibus ⁽ⁿ⁾ Zepherinus, testimonio Spiritu Sancti in specie Columbæ super caput ejus descendens, Romæ Episcopus ordinatur.

Philippus regnat annis ^(o) 21. Iste primus inter Imperatores credidit Christo. Hujus etiam primo anno millesimus annus Romanæ Urbis fuisse docetur expletus.

Decius regnat anno ^(p) 1. Hujus temporibus Sanctus Antonius Monachus in Ægypto docetur exortus: à quo primum Monasteria condita sunt.

Gal-

hensis perductus est in Cappadociam: ubi postquam intellexit filium suum captum esse, deiecit se ex vehiculo (nec enim victus erat) frenisque humerum: nec ita multo post occisus est.

(e) Ità Eusebius, Nicephorus, Orosius, alii. Eutropius ann. 2. mens. 8. Dion. ann. 3. mens. 9. dieb. 4. Herodian. ann. 6. Zonaras, & Cedren. ann. 3. mens. 9. dieb. 4.

(f) Eusebius Chronico: Antoninus Romæ occiditur tumultu militari cum matre Semasyra. Semiamira, Lampridius, Soenida, Herodianus, Semca, Eutropius.

(g) Sic plerique omnes: unus Herodianus annos 14. Eutropius ann. 13. dies 8. Cedren. ann. 13. mens. 8. Zonaras, 10. tantum annos habet.

(h) Euseb. in Chron. Alexand. Xerxem Regem Persarum gloriosissimè vicit, ubi ex Lampridio, & Herodiano, Alexander videri legendum, sicut & in Orosio, & Cassiodoro.

(i) Sic Eusebius, Niceph. Chronicon Græcum, & alii. Eutropius ann. 3. & dieb. aliquot. Zonaras, & Cedrenus, necisio quomodo ann. 6.

(k) In alio erat: militari cohorte: verum censi legendum: ex militari corpore, auctoritate Eusebii: sic enim, inquit, prius ex corpore militari, & aliorum Codicum.

(l) De hac persequutione præter alios scribit Aymon lib. 6. cap. 7. & Alexander Monachus *επι ιστοριαις ταις*.

(m) Ità Eusebius, Niceph. Paulus Eutropii interpollator, Orosius, atque alii omnes.

(n) In alio m. s. est. Flavianus, verum id lego Zepherino accidisse apud Eusebium lib. Eccles. Hist. cap. 21. & apud Niceph. lib. 4. cap. 26. Idem etiam Fabianus evenisse refert Aymon lib. 6. cap. 10. In m. s. etiam ubi Flavianus legitur post dictam ordinatur, adjicitur: Licet quidam hoc veretur de Zepherino affirmant.

(o) Sic Eusebius, Nicephorus, Orosius, Cedrenus, aliique penè omnes. Zonaras à quibusdam traditum ait annos 5. imperasse à nonnullis 6. & totidem menses.

(p) Sic Chronicon Græcum m. s. Eusebius verò, Nicephorus, Ado, & alii annum unum ponunt, & 3. menses Eutropius ipsum cum filio imperasset tradit biennio: Orosius triennio: Cassiodorus biennio, mensibus 4.

Anni ab Orb. c.

VMDV.

VMDXXXV.

VMDLIX.

D. ISID. HISPAL.

sopotamia. Qui postea, pariter fastigio Imperii relicto, privati vixerunt.

Galerius regnat annis ^(d) 11. Hujus Imperii brevis nihil dignum Historia contulit.

Constantinus regnat annis ^(e) xxx. Hic Persis bellum paravit; ad cujus adventum adeo trepidaverunt, ut supplices occurrerent, promittentes imperatorem perficere. ^(f) Christianus quoque effectus, licentiam dedit Christianis liberè congregari, & in honorem Christi Basilicas construi. His temporibus hæresis Arriana exoritur. Nicæum quoque Concilium à Costantino, ad condemnationem Arrii congregatur. Tunc & Donatistarum schisma oboritur. Per idem tempus ^(g) Crux Christi, ab Helena, Constantini matre Hierosolymis reperta est. Constantinus autem, in extremo vitæ suæ, ab Eusebio Nicomediensi Episcopo baptizatus, in Arrianum dogma convertitur: heu, pro dolor, ^(h) bono usque principio, & fine malo.

Constantius, & Constans regnaverunt annis ⁽ⁱ⁾ xxiv. Constantius crudelitate morum terribilis, à Persis multa perpesus est. Deinde Arrianus effectus Catholicos toto Orbe persequitur. Cujus etiam favore Arrius fretus, dum Constantinopolin, ad Ecclesiam pergeret, adversus nostros, de fide dimicaturus, divertens ^(k) per forum Constantini ad necessariam causam, viscera ejus repente simul cum vita effusa sunt. Per idem tempus Athanasius, & Hilarius doctrina, & confessione fidei celebrantur. Hæresis Anthropomorphitarum in Syria, & Macedonia, & Constantinopoli nascitur. Donatus artis Grammaticæ Scriptor, ac ^(l) Præceptor Hieronymi, Romæ illustris habetur. Antonius Monachus mo-

ri-

(d) Eusebius Chronico, Galerius, inquit, biennio Augustus Imperium tenuit, mox cum alio annis sex.

(e) Eusebius, Beda, & Ado 10. menses addunt, Nicephorus 31. annos habet Chronicon Græcum m. 1. 30. ann. & mensum 1. Ex Aurelio Victore colliguntur anni, 32. Cedrenus trigesimo tertio Imperii anno mortuum scribit. Aurelius etiam Victor ponit post Galerium alios duos Galerios, Armentarium, & Galerium Maximinum, & Alexandrum.

(f) De Baptismo Constantini, præter Eusebium, & Zonaram, initio tom. 3. scripsit copiose Cedrenus, in ejus vita. Quod fuerit à Sylvestro Sanctissimo Romæ Papa Baptizatus septimo Imperii sui anno, & à lepra liberatus, refert Niceph. lib. 7. cap. 41. Ambrosius vero de obitu Theodosii, quod in vita extremo baptismi gratiam obtinuerit, affirmat. Idem testatur Alexander Monachus lib. de Inventione salutiferæ Crucis; quem Nicomedia obiisse ait, hoc opportune adeptum, ut in Jordane, quod summo pere desideraverat, baptizaretur; quam sententiam etiam probat Hermes, Socrates, & Theodoretus, ut auctor est Nicephorus lib. 8. cap. 54. quibus consentiunt Rufinus, Oros. Cassiodor. & alii.

(g) An Crux, in qua salus nostra, vitæque auctor pendit, habuerit quatuor brachia: & an corpus Domini nostri, quatuor fuerit clavibus transfixum, disputat pie & eleganter Lucas Episcopus Tudenis Hispanus adversus Albigenas, quem m. 5. in Bibliotheca habeo. De ejus inventione Alexand. Monachus nondum editus, qui apud me est Græci m. 1.

(h) Hanc sententiam doctè refellit Cedrenus in Compendio Histor. in vita Constantini.

(i) Sic Orosius, Niceph. Cedren. & Chronic. Græcum. Hieronymus in suo ad Eusebium Chronico, mens. 5. diesque 12. addit. In Adone ponuntur anni 18. mens. 5. dies 14.

(k) De morte Arrii Rufinus lib. 10. Eccles. Histor. cap. 13. Et Cedren. cum Epiph. lib. 2. contra Hæres. sic inquit: noctu Arrius ad scellam progressus, necessarii oneris deponendi gratia, crepuit, quemadmodum, & Judas quondam. Idem Theodoretus lib. 1. Eccles. Histor. cap. 14.

(l) Hieronymus Donatum vocat Præceptorem suum multis in locis; præsertim in Commentariis in Eccles. cap. 1. In illud: quid est quod fuit: & in Apologia, adversus Rufinum. Et scripsit Commentarios in Virgilium ait.

Anni ab Orb. c.

VMDLXI.

ritur. ^(m) Ossa Andreae, & Lucae Apostolorum Constantinopolin transferuntur.

Julianus regnat annis ⁽ⁿ⁾ 11. Hic ex Clerico Imperator, ac Paganus effectus, ad idolorum cultum convertitur, ac Christianis martyria intulit. Liberales litteras Christianos docere, vel discere veruit. Qui etiam, dum in odium Christi Templum Hierosolymis Judæos reparare permisisset, atque ex omnibus Provinciis Judæi collecti, nova templi fundamenta jacerent, subito nocte oborto terræ motu, saxa ab imo fundamentorum excussa, longè, lateque sparsa sunt. Igneus quoque globus ab interiori æde templi egressus, plurimos eorum suo prostravit incendio. Quo terrore reliqui pavefacti, Christum confitebantur inviti. Et, ne hoc casu crederent factum, sequenti nocte in vestimentis cinctorum Crucis apparuit signum. Julianus autem contra Persas procedens, facta congressione, jaculo suscepto, ^(o) interiit.

VMDLXII.

Jovianus regnat anno ^(p) 1. Qui dum se ab exercitu Imperatorem legi conspiceret, seque Christianum affirmans, Paganis præesse non posse adserebat: & nos, inquit omnis exercitus, qui per Julianum nomen Christi abjecimus, tecum Christiani esse volumus. Quibus ille auditis imperii sceptrum suscepit, firmataque pace cum Persis, rediit: ^(q) qui lege protinus data, Christianis privilegia reddidit, ac Tempia Idolorum claudi præcepit.

VMDLXXVI.

Valentinianus, & Valens frater ejus regnant annis ^(r) xiv. Gothi apud Istrum bifariè, in duobus Fridigerno, & Athalarico divisi sunt Regibus. Sed ^(s) Fridigernus Athalaricum Valentis, Arriani Imperatoris auxilio superans, suadente eodem, in hujus beneficii gratiam, ex Catholico Arrianus cum omni gente Gotthorum effectus, errorem sequutus

N 2

est

(m) Postea Melphin ossa Andrea Apostoli translata sunt, Caput Pio secundo Romam allatum, & in Basilica D. Petri collocatum.

(n) Consentit Nicephorus, & Chronicon Græcum, Hieronymus à quibusdam anno 1. mens. 7. ab aliis ann. 2. mens. 8. regnasse traditum ait, Orosius 1. ponit Imperii annum, & mens. 8. Paulus Diaconus 3. imperii anno extingui assertit.

(o) De morte Juliani varia sunt opinionem, ut est apud Niceph. lib. 10. cap. 24. Et Hieronym. in additionibus in Chronicon Eusebii, & Zonar. lib. 3. & Cedrenum, & Aimonem de Christianarum rerum memoria lib. 9. Paulus Orosius sic lib. 7. cap. 30. Itaque postquam à Ctesiphonte castra movit, dolo cujusdam transige in deserta perducitur, cum vi sitis, & ardore solis, atque insuper labore arenarum confectus, periret exercitus, Imperator tanto rerum periculo anxius, dum per vasta deserti incautus evagatur, ab obvio quadam hostium equite, conto idus, interiit.

(p) Menses 8. Hieronymus, & Orosius 9. Niceph. Cedrenus amplius 15. dies ponunt, Chronicon Græcum mens. 10. dies 15.

(q) Cedrenus ait edictum per totum Romanum Imperium emisisse, idem Niceph. lib. 10. cap. 39. Ammianus Marcellinus Christiana legis studiosum fuisse assertit.

(r) Sic, & Chronicon Græcum & Cedrenus, inquit, imperat à αυτορ θεοκρατος ιωαννις βασιλεως (tu id. Niceph. ann. 10. mens. 9. Orosius lib. 7. cap. 32. in imperio mansisse ait ann. 11. Cedrenus Valentinianum 11. annis imperasse, Valentinianum, postea relictum, scribit.

(s) Id alio m. 1. erat, sed Fridigernum Alaricus superans: verum corruptè, ut constat ex Eutropio in Valente, qui Athalaricum à Fridigerno, auxilio Valentis vicum affirmat.

VMDLXXXII.

VMDXC.

VMDXCIII.

VMDCVI.

est ipsius. Tunc quoque ⁽¹⁾ Gilsulas Gotthorum Episcopus, ad instar Græcarum litterarum, Gotthis tunc reperit litteras, & utrumque testamentum linguam in propriam transtulit. ⁽²⁾ Photinus quoque, & ⁽³⁾ Eunomius, atque Apollinaris Hæresiar- chæ eodem tempore agnoscuntur.

Gratianus cum fratre Valentiniano regnat annis ⁽⁴⁾ VI. Ambrosius, Mediolanensis Episcopus in Catholicorum dogmate claruit. ⁽⁵⁾ Priscillianus hæresin infandam nominis sui in Hispaniam invexit. Martinus, Episcopus Turinorum Galliæ Civitatis, multis miraculorum signis effulsit.

Valentinianus cum Theodosio regnat annis ⁽⁶⁾ VII. Synodus Constantinopoli. CL. Sanctorum Patrum colligitur à Theodosio, in qua omnes hæreses condemnantur. Hieronymus Presbyter in Bethlehem toto mundo clarus habetur. Priscillianus, accusante Itacio, à Maximo tyranno gladio cæditur. Per idem tempus caput Joannis Baptistæ Constantinopoli est perductum, & in septimo millario Civitatis humatum. Gentium quoque templa per totum Orbem, juvente Theodosio, eodem tempore subvertuntur. Nam adhuc intemerata manebant.

Theodosius, cum Arcadio, & Honorio regnat annis ⁽⁷⁾ III. Per idem tempus Joannes Anachorita virtutum miraculis habetur insignis, qui etiam Theodosio consulente, de ⁽⁸⁾ Eugenio tyranno victoriam illi prædixit.

Arcadius cum fratre Honorio regnat annis ⁽⁹⁾ XII. Hujus temporibus Augustinus Episcopus, doctrinæ scientia insignis habetur. Joannes quoque Cons-

(1) Eutropius lib. 11. in Valente, Ulfias Episcopus Arrianus qui moratus sub Constantio fuerat, & cum Eudoxio, & Ar- tio Arrianis. Niceph. lib. 11. cap. 48. Eum vocat Ulfilam, Rodericus Toletanus in sua Historia Gudilam lib. 2. cap. 1. Ado Ulfilam. Sunt qui Gulsam, & Gulsilam.

(2) Concilium Syriacense adversus eum congregatur Niceph. lib. 9. cap. 3. Socrat. lib. 1. cap. 29. Sozomenus lib. 4. cap. 5. & 6. A Damaso damnatur Niceph. lib. 12. cap. 71. & 18.

(3) Rufinus lib. 10. cap. 25. August. lib. de Hæres. cap. 54. Hieronym. in 4. Osee. Adversus eum scripsit Basilus, & primum Concilium Constantinopolitanum in eum est habitum Damaso P. M. De Hæresi Apollinaris, est apud Augustin. hæres. 55. & Theodor. lib. 5. cap. 10.

(4) Concordanti Orosius, Prosper, Paulus Diaconus, Zonaras, & alii, Ado. 7.

(5) De Priscilliano vide D. Augustinum lib. de Hæresi, Hæres. 7. & Hieronymum, ad Ctesiphontem, & in Catalogo: Leonem Papam Epist. 93. Severum Sulpitium lib. 2. Eccles. Historia. Concilium Toletan. 11. & Bracarense: ubi ejus erro- res, & impietas recensentur.

(6) In alio exemplari 9. sed 8. scribendum existimo ex supputatione Coss. qui apud Cassiodorum recensentur. Prosper 7. tantum ponit. In Etymologiarum m. 1. eod. nunc 6. nunc 7. aliquoties etiam 8. & 9. habentur.

(7) Convenit Prosper, & ipse in Etymologiis. Eutropius lib. 13. Mansitque in Imperio annis undecim, cum jam in Orien- tis partibus sex annis, Gratiano largiente, & simul imperante regnasset. idem Paulus Orosius, lib. 7. cap. 35. Idem Pau- lus Diaconus lib. 13. in princip.

(8) De isto Eugenio Grammatico, & litterarum Doctore, postea milite, vide Paulum lib. 13. in principio. De Joanne autem Anachorita est insignis mentio apud Rufinum lib. 11. cap. 32. & 19. Et Prosperum cum Zonara, & Paulo Diacono lib. 13.

(9) Ita Prosper, Cassiodorus, Siebertus, & Tullens, Niceph. addit mens. 3. Cedrenus, & Cronicon Græcum 14. an- nos ponunt, Epitome Chronicorum Severi cognomento Sulpitii, quæ apud me est m. 1. 12. tantum agnoscit. Paulus Oro- sius lib. 7. cap. 36. Post patris excessum 12. annis regnasse affirmat.

Anni ab Orb. c.

Constantinopolitanus, & Theophilus Alexandrinus, illustres Episcopi prædicantur. Per idem tempus ^(e) Donatus Epiri Episcopus, virtutibus insignis est habitus. Qui draconem ingentem, expuens in ore ejus peremit, quem octo juga boum ad locum incendii vix trahere potuerunt: ne aërem putredo ejus corrumperet. Per idem tempus corpora Sanctorum, Habacuc, & Micheæ Prophetarum, divina revelatione produntur. Gotthi Italiam depredantur. Wandali, atque Alani Gallias aggrediuntur.

VMDCXXI.

Honorius, cum Theodosio minore, fratris filio, regnat annis ^(f) xv. His imperantibus Gotthi Roman capiunt, Wandali quoque, & Alani, & Suevi, Hispanias occupant. Hac tempestate Pelagius, adversus Christi gratiam erroris sui dogmata prædicat; ad cujus damnationem Concilium, apud Carthaginem, ccxlv. Episcoporum congregatur. Hoc tempore Cyrillus, Alexandria Episcopus insignis est habitus.

VMDCXLVIII.

Theodosius Minor, Archadii filius, regnat annis ^(g) xxvi. Wandali ab Hispania, ad Africam transeunt. Ibi Catholicam fidem Arriana impietate subvertunt. Per idem tempus Nestorius, Constantinopolitanus Episcopus, suæ perfidiæ molitur errorem: adversus quem Ephesina Synodus congregata, ejus impium dogma condemnat. Hoc etiam tempore Diabolus in specie Moysi Judæis in Creta apparens, dum eos per mare pede sicco ad terram repromissionis promittit perducere, plurimis necatis, reliqui, qui salvati sunt, confestim ad Christi gratiam convertuntur.

VMDCLIII.

Martianus regnat annis ^(h) vi. Cujus initio Chalcodonense Concilium gritur: ubi Eutyches cum Dioscoro Alexandrino Episcopo condemnantur. Hujus autem sexto Imperii anno, ⁽ⁱ⁾ Theodoricus Rex Gotthorum, cum ingenti exercitu Hispaniam ingreditur.

VMDCLXX.

Leo Major, cum Leone Minore regnat annis

N 3

xvi.

(e) Ex Sozomeno lib. 7. cap. 25. Constat Sanctum Donatum Eudrea, in Epiro fuisse Episcopum, & Nicephoro lib. 12. cap. 45. ubi Eudrea, in Epiro dicitur Episcopus.

(f) Ita Cassiodorus, Tudenis, Ado, & ipse in Etymologiis. Sigebertus annum unum detrahit: Prosper unum adjicit. (g) Ita Cassiodorus, Paulus Diaconus, Tudenis, & alii. Sigebertus tradit eum utrique Regno solum 3. annis imperasse, posteaque sibi Valentinianum P. uicida amita sua, ex Constantio, filium adscivisse, cum eodemque aliis 24. annis regnasse, qui simul collecti nostrum numerum expleant, Prosper 30. ann. ponit. Beda 26. Martinus Pol. 27. ut noster hic.

(h) Ita Paulus Diaconus, Sigebertus, Tudenis, & alii. Cassiodorus cum Cedreno 7. Ado Viennensis, Martianus, inquit, Imperator obiit sexto imperii sui anno, sexto mense completo.

(i) In alio m. s. Theodoricus, August. & Sigebertus, Theodoricus, similiter Ado Viennensis, Rodericus Toletanus lib. 2. cap. 8. Theodoricus.

VMDCLXXXVII.

VMDCCXIII.

(^k) xv i. Alexandria, & Ægyptus Synodum Chalcedonensem detrectans, errore Dioscori hæretici languens, immundo repleta spiritu, canina rabie latrat. Per idem tempus apparuit hæresis Acephalorum Chalcedonense Concilium impugnantium, qui ideò (^l) Acephali, id est, sine capite nominantur, quia, quis primus eam hæresin introduxerit, non invenitur: cujus hæresis peste plurimi hætenus orientalium languent.

Zenon regnat annis (^m) xv i r. Ab isto Acephalorum hæresis defenditur, & decreta Chalcedonensis Concilii abdicantur. Iste (ⁿ) Zenon Leonem Augustum filium suum interficere quærens, pro eo mater ejus alium figura similem obtulit, ipsumque Leonem occultè clericum fecit, qui in clericatu usque ad Justiniani tempora vixit. Per (^o) idem tempus Corpus Barnabæ Apostoli, & Evangelium Matthæi ejus stylo scriptum, ipso revelante, repertum est.

Anasthasius regnat annis (^p) xxv i r. Iste Acephalorum errorem vindicans, Episcopos Chalcedonensis Synodi defensores exilio damnat: Evangelia quoquè, tanquam ab idiotis Evangelistis composita, reprehendit, atque emendat. Eo tempore Fulgentius Episcopus in confessione Dei, & scientia claruit. Trasemundus Wandalorum Rex, in Africa Catholicas Ecclesias claudit, & cxx. Episcopos in Sardiniam mittit, contra Catholicos sævit. Per idem tempus apud Carthaginem Olympus quidam Arrianus in balneis Sanctam Trinitatem blasphemans tribus igneis jaculis Angelo immittente, visibiliter est combustus. (^q) Barbas quoquè quidam Ar-

ria-

(^k) Ità Nicephorus, Cassiodorus, Paul. Diacon. Sigebertus, Palmerius, & alii. Beda cum Cedreno 17. Zonaras 18.

(^l) Nicephorus lib. 18. cap. 45. Ducem hujus hæresis facit Severum Antiochenum, & tribuit Acephalos ob eam causam sic dictos, quod sub Episcopis non essent.

(^m) Ità Niceph. Cassiod. Ado, & alii. In Sigeberti Chronico scribitur 19. ann. regnasse. Sunt qui dicant ann. 17. mens. 6. Consule Chronicon Mercatoris, & Onuphrii fastos. Cum Isidoro faciunt Græci nostri annales ἡ ἀσπίς τοῦ Ζωνῆος ἀνέστη ἐν τῷ 17.

(ⁿ) Gotfridius in Pantheo, historicus non indiligens, Conradi III. à sacris scriniis præfectus Chron. part. 16. versibus id extulit.

Zeno pater patriæ regna paternæ tenet,
Inclutus ejus erat Leo filius, unicus hæres,
Militia validus, prælia sæpè gerens
Ille necem quasisset patris falso reputatur.
Zeno pater, cui dicta patent, jubet, ut moriatur,
Mater ab oppositis obviat arte satis, &c.

(^o) Cedrenus eo, inquit, tempore reliquæ B. Apostoli Barnabæ inventæ sunt. In Cypro jacebat cadaver id sub arbore ceraso, Evangelium, quod S. Matthæus composuerat, in pectore gerens manu Barnabæ scriptum.

(^p) Sic ipse in Etymologiis, Tudensis, & Ado, cum Paulo Diacono. Nicephorus verò, & Cedrenus mens. 4. addunt: Zonaras 3. Evagrius lib. Hist. 3. cap. 44. imperii anno vigesima septimo, mensibus, & diebus 3. additis, excessisse tradit. Consule Onuphrium Godofredus anno imperii 28. fulmine ictum interisse scribit. Pomponius Latius ponit ann. 24. mens. 2. dies 29.

(^q) Legendum, contra omnium exemplarium scripturam, Historia veritate cogente, Barbam quoquè quidam Arrianus Episcopus, dum contra regulam fidei baptizans, dixisset: Baptizo te Barba, &c. Ex Paulo Diacono lib. 15. Cæterum, inquit, Deuterius Episcopus Arrianorum Byzantii baptizans quendam Virum Barbam nomine, cum contra regulam fidei, &c. & Cedren.

CHRONICON.

151

Anni ab Orb. c.

VMDCXXIII.

VMDCCLXII.

VMDCCLXXIII.

rianus Episcopus, dùm contra regulam fidei quandam baptizans dixisset: Baptizat te Barbas, in nomine Patris, per Filium, in Spiritu Sancto, statim aqua fontis illius, quæ fuerat ab baptizandum deportata, nusquam apparuit. Quod aspiciens qui baptizandus erat, confestim ad Catholicam Ecclesiam abiit, & juxta morem Evangelicæ Fidei Baptismum Christi suscepit.

Justinus Major regnat annis ^(r) 1x. Iste Synodi Chalcedonensis amator Acephalorum hæresin abdicat. Hujus tempore, post Trasemundum Childericus, ex Valentiniani Imperatoris ⁽¹⁾ captiva filia genitus, in Wandalis Regnum suscepit: qui Sacramento à Trasemundo astrictus, ne Catholicis in Regno suo faveret, antequam Regnum susciperet, Episcopos ab exilio reverti jussit, eisque proprias Ecclesias reformare præcepit.

Justinianus regnat annis ⁽²⁾ xxxix. Iste Acephalorum hæresin suscipiens, omnes in Regno suo Episcopos ^(u) tria Chalcedonensis Concilii Capitula damnare compellit. In Alexandria Theodosiana, & Gajana hæreses oriuntur. In Hispaniam, per Athaïldum tyrannum, Romanus miles ingreditur. Belisarius Patricius mirabiliter de Persis triumphavit. Qui deinde à Justiniano in Africam missus, Wandalorum gentem delevit. In Italia quoque Totila Ostrogothorum Rex, à ^(x) Narse Romano Patricio superatur. Per idem tempus corpus Sancti Antonii Monachi divina revelatione repertum Alexandriam perducitur, & in Ecclesia S. Joannis Baptistæ humatur.

Justinus Minor regnat annis ^(y) xi. Hic ea, quæ adversus Chalcedonensem Synodum fuerant edita, destruxit, & ^(z) Symbolum cl. Patrum sacrificii tempore concinendum Populo præcepit. Armenii tunc primùm fidem Christi suscipiunt. Gepidæ extinguuntur à Longobardis. Per idem tempus Martinus, Bra-

(r) Sic Beda, Cedrenus, Chronicon Græcum, Palmerius, & alii Nicephorus 3. menses adjungit. Zonaras 20. dies, Marcelinus, Theodorus Lecttor, & Evagrius lib. 4. Histor. cap. 9. ann. 9. dies 23. Siebertus ann. 10. Paulus Diaconus. 11.

(1) Ex Eudoxia Valentiniani Principis filia, qua Trasemundo nupsit, ex quo Childericus suscepit.

(2) Convenit Tudensis, Ado, & ipse in Etymologiis. Siebertus 30. tantum habet annos: quibus Nicephorus dies 7. adjungit. Zonaras, & Cedrenus ann. 38. mens. 7. dies. 13. Paulus Diaconus 38. ann. mens. & dies omittit lib. 16.

(u) Isidorus de Viris Illustribus in Justiniano: De Synodo Chalcedonensi. Tria Capitula dannare contendit, id est, Theodori Mopsuesteni Episcopi dicta, & rescripta Theodoretii, & Epistolam, quæ dicitur Ibe Edes. Epis.

(x) Narses Eunuchus, Cubicularius Justiniani, Exarchus Italia factus Paulus lib. 16. & Ado.

(y) Justinus Minor Sieberto 12. annis imperavit. Nicephoro 12. ann. mens. 2. dieb. 20. Zonara, & Cedreno ann. 13.

(z) Tempore Justiniani sub Vigilio Papa congregatum est Concilium Constantinopolitanum: verum non intelligitur, nisi de prima Synodo Constantinopolitana 150. Patrum sub Theodosio seniore celebrata, in qua Symboli forma data est, quam tota Græcorum, & Latinorum prædicat confessio in Ecclesiis. Vid. de hac re Valafrius, de Rebus Eccles. cap. 22. & Concil. Toletan. 4.

VMDCCLXXX.

VMDCCL.

VMDCCLXIX.

VMDCCLXIII.

D. ISID. HISPAL.

Bracarensis Episcopus, apud Galleciam prudentia, & doctrina Catholicæ Fidei clarus habetur. Narses Patricius, postquam sub Justiniano Augusto, Tottilam Gotthorum Regem in Italia superavit, Sophiæ Augustæ Justinii conjugis minis perterritus, Longobardos à Pannoniis invitavit, eosque in Italiam introduxit. Hac tempestate Leovigildus Rex Gotthorum, quasdam Hispaniæ Regiones sibi rebelles, in potestatem sui Regni, superando redegit.

Tiberius regnat annis ^(a) vii. Longobardi, pulsis Romanis, Italiam adeunt, Gotthi, per Hermenegildum Leovigildi Regis filium, bifariè divisi, mutua cæde vastantur.

Mauricius regnat annis ^(b) xxi. Suevi à Leovigildo Rege obtenti Gotthis subjiciuntur: iidem quoque Gotthi, Recaredo religiosissimo Principe provocante, ad Fidem Catholicam convertuntur. Abares adversus Romanos dimicantes auro, magis quàm ferro pelluntur. Ab Hunnis Thracia occupatur. Hoc tempore ^(c) Leander Episcopus in Hispaniis ad gentis Gotthorum conversionem doctrina fidei, & scientiarum claruit.

Phocas regnat annis ^(d) vii. Iste seditione militari Imperator effectus, Mauricium Augustum, & multos nobilium interfecit. Hujus tempore ^(e) Præsini, & Veneti per Orientem, & Ægyptum civile bellum faciunt, ac sese mutua cæde prosternunt. Proelia quoque Persarum gravissima adversus Rempub. excitantur: à quibus Romani fortiter debellati, Provincias plurimas, usque ad Euphratem fluvium, & ipsam, ut dicunt, Hierosolymam amiserunt.

Heraclius dehinc quintum agit Imperii annum. Cujus initio Sclavi Græciam Romanis tulerunt. Persæ Syriam, & Ægyptum, plurimasque Provincias. In Hispania quoque ^(f) Sisebutus Gotthorum

(a) Convenit Beda, Ado, & ipse in Etymologiis, Cedrenus, & annales Græci ann. 4. Zonaras, ann. 4. mens. 10. dies 8. Niceph. ann. 5. Siebert. & Tudens. ann. 6. De varietate annorum Tiberii, Continui in notis ad Niceph. Chronologiam disserit.

(b) Concordat Siebertus, Ado, & Beda. Niceph. ann. 20. mens. 4. Cedren. ann. 20. mens. 3. dies 2. Palmerius ann. 20. sic Zonaras, & ipse Niceph. Eccles. Hist. similiter Pomponius Latas.

(c) Leandri vitam describit, D. Isidorus Libello de Viris Illustribus.

(d) Sic Niceph. Zonaras, Cedrenus, Ado, Tudens, & alii. Onuphrius ann. 8. mens 4. dieb. 9.

(e) Aniquis quatuor aurigaurium, teste Cardodoro, factiones à colore nominatae fuere, Veneta, Prasina, Alba, Rosæ, quibus, ut scribit Suetonius, duas alias addidit Domitianus, alteram aurati, alteram purpurei panni. Igitur id genus hominum seditionum à coloribus nomina accepit. Xiphilinus in Caligula tradit huic Imperatori aurigam quandam, à colore vestis viridis, Prasinum appellatum, maxime in deliciis fuisse.

(f) Sisebutus Rex optimus, & religiosissimus Fidei Catholicae propugnator, & cultor acerrimus, Gundimari Regis successore Concilium quartum Toleranum, quæ magna Synodus appellatur, congregavit: ubi cap. 55. dicitur: temporibus religiosissimi Principis Sisebuti Judæos ad Fidem Christianam coactos fuisse. Ad hunc Isidor. librum de Naturæ & Rerum scriptis.

rum Rex quasdam ejusdem Romanæ militiæ Urbes cepit, & Judæos sui Regni subditos ad Christi Fidem convertit.

Fiunt igitur ab exordio mundi usque in præsentem æram DCLV. hoc est in anno quinto Imperatoris Heraclii, & ^(g) quarto gloriosiss. Principis Sisebuti, anni quinquies mille octingenti quatuordecim.

Residuum seculi tempus humanæ investigationi incertum est: omnem enim de hac re quæstionem Dominus noster Jesus Christus abstulit, dicens: Non est vestrum scire tempora, vel momenta, quæ Pater posuit in sua potestate. Et alibi: De die autem, inquit, illa, & hora, nemo scit, neque Angeli Cœlorum, nisi Pater solus. Unusquisque ergo de suo cogitet transitu: sicut Sacra Scriptura ait: In omnibus operibus memorare novissima. Quando enim unusquisque de seculo migrat, tunc illi consummatio seculi est.

DI-

(g) In alio m. i. erat quinto: verum male cum ex Isid. ipso in Historia Gothorum constet, Sisebutum Heraclii ann. 2. ad publica gubernanda eveitum. Observa autem esse quosdam, qui existimant, Isidorum hic Chronicon suum edidisse, primo usque ad annum quintum Heraclii, & quintum Sisebuti, nempe ad annum Mundi 5814. deinde vero additis ann. 13. usque ad 18. Heraclii, & 7. Suintil. nempe ad annum ab Orbe condito 5827. In multis exemplaribus primam invenio conclusionem hujus Chronici: In exemplari autem Sariani, quod omnium antiquiss. est, duplex ejus conclusio legitur, prior quidem, quam nos posuimus, posterior vero hoc modo: Heraclius dehinc 18. agit Imperii annum, & cujus initio Sclavi, &c. Fiunt igitur ab exordio mundi, usque in præsentem æram. 665. hoc est, in anno 18. Imperii Heraclii, & 7. religiosi Principis Suintilani 5826. Residuum seculi tempus, &c. ut sup. Pappus lib. 1. Annalium Hispanicorum cap. 4. affirmat se invenisse Chronicon Isidor. usque ad 5. annum Suintilani, qui fuit annus Domini 626. Est etiam apud me Chronicon Isidori m. i. diversam ab omnibus aliis conclusionem habens. Verum de hac duarum editionum opinatione dicam quod sentio: Existimo Chronicon hoc D. Isid. semel dumtaxat ab eo vulgatum fuisse, cum in præfatione dicit (ut in antiquiss. quibusq. & emendatissimis exemplaribus legitur) se scribere usque ad Sisebuti tempora: Aliquot vero annis post, librum Etymologiarum ab eodem fuisse conscriptum, in cujus lib. 5. cap. 37. usque ad 5. (alias 7.) Suintilani annum, & Heraclii 18. progreditur. Nam illud certum est, Isidorum ultimis librum Etymologiarum ad Brailionis Casaraugustani petitionem scripsisse, ut testatur D. Adelfonsus in Additione virorum Illust. Scripsit quoque, inquit, ultimo, ad petitionem Brailionis Casaraugustani Episcopi, Librum Etymologiarum: quem cum multis annis conarerat perficere, inexplorato opere, diem extremum visus est clausisse. Idem affirmat Brailio ipse in ejus vita, atque opus hoc reliquum fuisse titulum, non libris distinctum, quod postea ab ipso factum est. Puto itaque conclusionem, quæ est in Etymologiis, ab aliquo in Chronicon translata, & vicissim Chronici in Etymologias: & in Chronicis legendam usque ad 5. Sisebuti annum, in Etymologiis usque ad 7. Suintilani. Hac mihi occurrunt: qui secum sentit, non rejicio ejus conjecturam.

DIVI ISIDORI HISPALENSIS EPISCOPI DE VIRIS ILLUSTRIBUS LIBER.

PRÆFATIO.

QUAMVIS ^(a) superius plurimi veterum tractatorum inter Græcos, & Latinos Scriptores, doctissimi annotentur: tamen reor ipse etiam paucorum memoriam facere, quorum lectionem recolo me attigisse.

(a) Superius, id est, in Hieronymo, & Gemadio.

I	Sixtus Papa Romanus.		Episc. Constantinop.
II	Macrobius Diaconus.	XX	Sedulius Presbyter.
III	Philastrius Episcopus Bri-	XXI	Possidius Episc. Africanus.
	xien.	XXII	Primasius Episcop. Afri-
IIII	Theodorus Episc. Mop-		canus.
	suestenus.	XXIII	Proterius Episcop. Ale-
V	Osius Episc. Corduben.		xandrinus.
VI	Toranius Rufinus Presby-	XXIIII	Paschasinus Episcop. Si-
	ter Aquilejen.		ciliensis.
VII	Verecundus Episc. Afri-	XXV	Julianus Pomerius.
	canus.	XXVI	Eugippius Abbas Lucul-
VIII	Victorinus Episcopus.		lanensis.
IX	Itatius Episcopus Galle-	XXVII	Fulgentius Episcop. Rus-
	ciæ.		pen. in Africa.
X	Eusebius Episc. Doroli-	XXVIII	Eucherius Episcop. Lug-
	tanus.		dun. Franciæ.
XI	Cerealis Episc. Castella-	XXIX	Hilarius Episc. Arelaten.
	nens. in Africa.	XXX	Apringius Episc. Pacen-
XII	Ferrandus Diaconus Car-		in Hisp.
	thagin.	XXXI	Justinianus Imperator.
XIII.	Petrus Episcop. Ilerden.	XXXII	Facundus Episc. Hermia-
XIIII.	Marcellinus Presbyter.		nen.
XV	Itatius Clarus Episc. His-	XXXIII	Justinianus Episc. Valen-
	panus.		tinus.
XVI	Siricius Pont. Romanus.	XXXIIII	Justus Episcop. Urgelli-
XVII	Paulinus Presbyter Me-		tanus.
	diolan. postea Episc.	XXXV	Martinus Episcop. Du-
	Nolanus.		miensis.
XVIII	Proba uxor Adelphii.	XXXVI	Avitus Episcop. Vien-
XIX	Joannes Chrysostomus		nenensis.

Dia-

XXXVII	Dracontius.	XLIII	Joannes Episc. Gerundens.
XXXVIII	Victor Episc. Tunnensis.	XLV	Eutropius Episcop. Valentinus.
XXXIX	Joannes Episcop. Constantinop.	XLVI	Maximus Episcop. Cæsaraugustan.
XL	Gregorius Papa Romanus.		Haftenus Isidorus.
XLI	Leander Episc. Hispal.		Hinc Braulio Episcop. Cæsaraug.
XLII	Lucinianus Episc. Carthagin.	XLVII	Isidorus Episc. Hispal.
XLIII	Severus Episcop. Malacitanus.		

CAPUT PRIMUM.

SIXTUS ⁽¹⁾ Episcopus Romanæ Urbis, & Martyr, composuit ad instar Salomonis Librum Proverborum, tam brevi eloquio, ut in singulis versiculis singulæ explicentur ⁽²⁾ sententiæ. Cui quidem opusculo hæretici quædam contra Ecclesiasticam Fidem inseruerunt, quò facilius sub nomine tanti Martyris, perversorum dogmatum reciperetur assertio. Sed is, qui Catholicum sese meminit, probando legat, & ea, quæ veritati-contraria non sunt, recipiat. Quidam autem putant eundem Librum ⁽³⁾ ab hæreticis, non à Sixto, fuisse dictatum. Refellit autem hanc opinionem beatissimus Augustinus, qui in quodam Opere suo, ab eodem Martyre, hoc opus compositum esse fatetur.

CAPUT II.

MACROBIUS ⁽⁴⁾ Diaconus studium Sancti Cypriani, ingeniumque sequutus, complexus est congrua ex utroque testamento adversus ver-

sutias hæreticorum capitula, de scilicet Dei Patris majestate, & Filii Dei adventu, ejus Incarnatione, sive Passione, Resurrectione, & Ascensione in Cælos, parique modo, & de electione gentium, & reprobatione Judæorum. Deindè subjecit etiam cætera ad utilitatem Vitæ, & Disciplinæ religionis pertinentia, omnia hæc in centum distincta Capitulis.

CAPUT III.

PHILASTRIUS Brixienensis Episcopus, hic ⁽⁵⁾ longè ante beatissimum Augustinum edidit Librum de Hæresibus, singulas quasque demonstrans, sive quæ in Populo Judæorum ante Incarnationem Christi fuerunt, quas viginti octo enumerat, sive quæ post Domini Adventum Salvatoris, adversus Catholicam Fidem exortæ sunt, quas idem centum viginti octo esse describit, sicut de eo idem vir magnæ gloriæ ⁽⁶⁾ Augustinus, & Doctor clarissimus meminit.

CA-

(1) Vel primus anno Christi 117. Vel secundus anno 257. Hic, & qui sequuntur tredecim usque ad Marcellinum, ex unico exemplari Fontis Sancti, apud Galitæum Cauriensis Diocesis descripti sunt. In reliquis libris desiderabantur, qui ab Osio incipiebant, & ex ipso, & Marcellino unum fecerant caput.

(2) Sententias esse Xysti Philosophi, non Martyris, ait Hieronym. ad Ctesiphontem, & 18. Ezech. & 1. lib. in Jovianam, quo deceptus Rufinus, & retrahat Augustinus.

(3) Ab hereticis ait Gelasius 15. distinct.

(4) Apud Gennadium dicitur Presbyter Afer, hæreticus, Donatianus, sive Montensis.

(5) Anno Christi 350.

(6) August. ad quod vult Deum, de Hæresibus

CAPUT IV.

Theodorus ⁽¹⁾ Mopsuestenæ Urbis Episcopus, ita clare, copioseque scientiæ doctrina refulsisse refertur, ut prædicaretur (si referre fas est) mille voluminum summam in Græco conscripsisse, adversus omnium hæreticorum errores. ⁽²⁾ Hunc Acephalorum Episcopi in præjudicio Chalcedonen- sis Concilii, Justiniano Principe compellente, damnare post mortem cum Iba, & Theodoro Episcopis censue- runt. ⁽³⁾ Dum constet, eum laudabilem virorum Testimoniis clarissimæ Eccle- siæ Doctorem fuisse: vixit usque ad Imperium senioris Leonis.

CAPUT V.

Osus Cordubensis Ecclesiæ Civi- tatis Hispaniarum Episcopus, eloquentiæ viribus exercitatus. Scrip-

sit ad sororem suam de laude virginita- tis Epistolam pulchro, ac diserto comp- tam eloquio: composuitque, & aliud opus de interpretatione vestium Sa- cerdotalium, quæ sunt in Veteri Tes- tamento, egregio quidem sensu, & ingenio elaboratum. In ⁽⁴⁾ Sardicensi etiam Concilio, quam plurimas edidit ipse sententias. Hic autem post lon- gum senium verustatis, id est, post centesimum primum annum in ipso jam limine vitæ à fidei limitibus sub- ruens, serpentis jaculo concidit. Nam accersitus à Constantio Principe, mi- nisque perterritus, metuens, ne senex, & dives damna rerum, vel exilium pateretur, illico Arrianæ impietati consensit, & vocabulum homousion, quod simul cum Patribus Sanctis cæ- teris Ecclesiis sequendum tradiderat, arreptus impietatis furore, damnavit: ⁽⁵⁾ cujus quidem vitam, ut meruit, confestim exitus crudelis finivit.

CA-

(1) Etiam laudatur à Theodoro Sozomono, & Evagrio, sed damnatur à Synodo Constantinop. 5. & à Gregorio lib. 6. Epist. 195.

(2) Isidorus aliquot locis hujus libri, nempe agens de Theodoro, Justiniano Imperatore, Facundo, & Victore Tunnemi, quin, & lib. 8. Etymolog. cap. 5. & in Chronico, loquens de Justiniano, aliquibus videri potest non satis fuisse equis Concilio quinto Oecumenico Constantinopolitano. Res tota sic gesta est: Theodoretus Cyrenensis Episcopus, cujus multa ha- buimus doctissima opera, & Ibas Episcopus Edessenus, anno Christi 448. in Concilio Hæretico Ephesino secundo (scilicet Dioscori Episcopi Alexandrini, qui fuit hæreticus Eutychianita) absentes damnati sunt, iisque Ecclesiis pulsati. Vide Evagrium lib. 1. Hist. Eccles. cap. 10. Causa est addita, quod Theodoretus adversus duodecim anathematia Cyrilli scripsisset: Ibas vero ad Marin Periam Epistolam haud Catholicam misisset. Deinde anno 451. in Chalcedonensi Synodo Gen. cap. sub Leone Papa Romano illa secunda Ephesina Synodus abrogata, & Theodoretus, atque Ibas Episcopi Ecclesiis suis resti- tuti sunt. Evag. lib. 1. cap. 4. & lib. 2. cap. ult. Inde magna Tragedia orta Provinciis, & Imperatoribus ipsis dicitur à sententiis de recipienda Synodo Chalcedonensi, qua in hoc ipso Evagrio, & Liberato Carthaginensi, atque Paulo Dia- cono leges. Donec tandem in quinta Synodo Generali Constantinopoli habita sub Vigilio Papa, & Justiniano Imperatore an- no 553. damnata sunt scripta Theodreti adversus Cyrillum, & Iba Edesseni, Epistola ad Marin Theodorigue Mopsues- tensi Episcopi opera, qua in ea Epistola valde laudabantur. Hac quidem graviter à multis accepta sunt, quasi in ea Chal- cedonensis Synodi auctoritas improbaretur. Evag. lib. 4. cap. 37. Legentes enim in Chalcedonensi Synodo illos Ecclesiis suis restitutos, simul illorum opera approbata fuisse existimant. At distinguere Auditores ab operibus valde oportuit, ut docet Justinianus Imperat. in fidei sua professione, & Proclus Constantinopolitanus in Epistola, qua in ista Synodo Constantinopolitana recitatur. Inde postea diutina contentiones in Ecclesia vignerunt, de recipienda hac Synodo Constanti- nopolitana. Cujus defensores ab adversa parte per calumniam vocabantur hæretici Acephali, & impugnatores trium ca- pitulorum Synodi Chalcedonensis. Itaque Ægyptus, & Africa, ut Liberatus, & Victor Tunnensis, novum editus, testan- tur: Illyricum quoque, ut est apud Paulum Diaconum Aquilejen. lib. 18. Romanis Pontificibus hac Concilium Constanti- nopolitanum probantibus aliquandiu resistenter, in qua noluisse adesse Papam Romanum auctoritate, hinc fa- ctum patet, ut Isidorus sexto lib. Etymolog. cap. 16. post quatuor Synodos Generales hujus quinta Constantinopolitana jam pridem habita non meminisset, quam tamen Papa Gregorius ejus equalis ceteris quatuor prioribus parem esse auctoritate definitio. Plura leges in ipso Gregorio de hujusmodi defensoribus trium capitulorum, nempe 2. lib. Registri, Epistol. 16. & Indictione 11. Epistol. 10. & lib. 3. Epistol. 4. Nam vitiatum fuisse exemplar, Synodi Chalcedonensis à Constantinopoli- tanticis, ait Gregorius 5. lib. Regist. Epist. 14. & lib. 7. Epist. 52. Indictione 2.

(3) Ann. Christi 457. At Theodoretus ait, sub Theodosio juniore.

(4) Anno Christi 447.

(5) Vide infra in Marcelino.

CAPUT VI.

TOranius ⁽¹⁾ Ruffinus scripsit ad quendam Paulinum Presbyterum de Benedictionibus Patriarcharum triplici intelligentia librum satis succinctum, & clara brevitate compositum. Hic autem juxta mysticum sensum, ea quæ de Dan filio Jacob scripta sunt, non rectè de Domino nostro interpretatur, dum proculdubio ad Antichristum eadem pertinere Sanctorum Patrum probet assertio.

CAPUT VII.

Verecundus ⁽²⁾ Africanus Episcopus studiis liberalium litterarum disertus edidit carmine dactylico, duos modicos brevesque libellos, quorum primum de Resurrectione, & Judicio scripsit, alterum verò de Pœnitentia, in quo lamentabili carmine propria delicta deplorat.

CAPUT VIII.

Victorinus ⁽³⁾ Episcopus composuit, & ipse versibus duo opuscula admodum brevia: unum adversus Manichæos reprobantes Veteris Testamenti Deum, veramque Incarnationem Christi contradicentes; alium autem adversus ⁽⁴⁾ Marcionistas, qui duo principia, id est, duos Deos fingunt: unum malum justum creaturarum conditorem, & retributorem factorum: alterum bonum, animarum susceptorem, & indultorem criminum.

CAPUT IX.

⁽⁵⁾ **I**tatius ⁽⁶⁾ Provinciæ Galliciæ Episcopus, sequutus Chronicam Eusebii Casariensis. Episcopi, sive Hieronymi Presbyteri, quæ usque hodiè in Valentis Augusti Imperium edita declaratur, dehinc ab anno primo Theodosii Augusti, usque in annum Imperii Leonis octavum subjunctam sequitur historiam, in qua magis

O

gis

(1) Meminit Gennadius, vidè Gelas. dist. 15.

(2) Anno Christi 552. Verecundus quidam Funensis Episcopus in Provincia Africa Bizacena defensor trium capitulorum, anno antiè habitam Synodum Constantinopolit. quantam generalem jussu Justiniani Imperatoris exul Chalcedone mortuatur. Hac Victor Tunnensis narrat. Putò autem omnino hunc fuisse, de quo loquitur Isidorus. Vidi porò hujus Verecundi, ipsum libellum de Pœnitentia Hexametris scriptum, cujus hoc est initium. Quis mihi mœsta dabit lacrymosis imbutibus ota. Is liber Gothicis litteris descriptus fuit olim Ecclesiæ Ovettensis, postea apud Michaelem Ruzium Azagrium amicū meum, Rodolphi Imperatoris Secretarium.

(3) Victorini duo referuntur à Hieronymo, unus Episcopus Pitabionensis Martyr: alter Rhetor Afer. Alii quoque duo à Gennadio, unus Rhetor, & Poëta Massiliensis, qui commentaria in Genesim versibus scripserit, quæ ad nos, usque pervenerunt, & postremus Aquitanus. Ego opus Victorini adversus Manichæos, & Marcionistas, quod ab Isidoro refertur, non vidi, neque utquam scio extare, sed putò fuisse illius Massiliensis Poëtæ, nam Episcopum fuisse non meminit Gennadius.

(4) Vidè Augustin. de Hæres. lib. 1. cap. 21. & Irenæum, lib. 1. cap. 28.

(5) Anno Christi 481.

(6) Idacius, sive Itacius, duos ponit Isidorus, quos quia falso in unum multi etiam nostrates confundunt, fallurus rem gratam videbor, si Idacius omnes distinguam. Reperio enim quinque hoc nomine Hispanos, qui ad tres redigi potè videntur. Vidè Scholion de Idaciis tribus. Primus est Itacius (sic enim hic scribitur in vetustis omnibus Codicibus) cognomento Clarus Episcopus Osseobensis, relegatus ab eadem Priscilliani cum Ursacio, anno ferè Christi 390. de quo Sulpitius Severus in Historia Ecclesiastica, Hieronymus, & Isidorus. Is scripsit contra Priscillianum, ut ait Isidorus, sed non extat. Secundus Idacius Episcopus Emeritensis isidem temporibus cum superiore, persequuntur quoque Priscilliani, ex eodem Sulpicio Severo. Uterque verò subscribit in Synodo Casaraugustana. Tertius Idacius, sive Itacius (nam utroque modo scriptum reperio) Episcopus Lamecensis in Gallicia, auctor Chronicæ nondum editi, quod manu scriptum habeo. Is se conversum ait anno Christi 417. scripsisse verò, usque ad octavum annum Leonis, ait Isidorus, nempe annum 481. Siebertus ait usque ad annum 490. Tritheimius primum cum tertio confundit. Poterat, & videri quartus Idacius, Clarus, cujus opus extat adversus Varidamam Arrianum. Sed is, ut putò, idem est cum primo Osseobensi exule. Potuit enim dum peregrinatur, opus Varidami videre Nicapoli Urbe Campaniæ, quod de se ipse narrat. Quartum etiam adderet aliquis illum Idacium Episcopum, qui cum Turibio Asturicensi Concilium celebravit adversus Priscillianistas, jussu Leonis Papa anno 447. ut est in Epistola Leonis ad Turibium, & in altera Epistola ipsius Turibii ad Idacium, & Ceponium, quam habeo manuscriptam. Sed hic Idacius ex comparatione temporis, & Galliciæ Provinciæ potuit esse idem cum tertio illo Lamecensi Cronographo.

gis Barbararum Gentium bella crudelia narrat, quæ premebant Hispaniam. Decessit sub Leone Principe, ultima jam penè senectute, sicut etiam præfationis suæ demonstratur indicio.

CAPUT X.

Eusebius Borolitanae Urbis Episcopus, hic in cœtu ⁽¹⁾ Calcedonensis Concilii contra Dioscorum hæreticum Alexandrinae Urbis Episcopum librum obtulit, ac præsentì Synodo omnes Dioscori errores, & blasphemias recitavit. Hunc enim ac Sanctum Flavianum Constantinopolitanum Episcopum idem Dioscorus in ⁽²⁾ Ephesina secunda Synodo excommunicationis sententia dejecerat, eò quòd pro orthodoxa fide contra hæresin repugnarent. Undè postea idem Eusebius in ⁽³⁾ in Chalcedonensi Synodo innumerabilium malorum ejus crimina, vel blasphemias detegens, damnationis ejus sententiam super eum à Sancto Concilio imprecatur, scilicet, ut quod justè ille aliis intulerat, in eo justè retorqueretur.

CAPUT XI.

Cerealis Castellanus Ecclesiae Episcopus. Hic, dum apud Carthaginiensem Africae Provinciae Urbem venisset, de fide Sanctæ Trinitatis cum Maximiano Ammonitarum Episcopo, concertatus est, respondens propositionibus ejus, non eloquiorum argumentis, sed de Testimoniis Sanctarum Scripturarum. ⁽⁴⁾ Extat hoc ipsum ejusdem opusculum

novem, & decem responsionum capitulis præsignatum.

CAPUT XII.

Ferrandus Carthaginiensis Ecclesiae Diaconus, multum in Sacris Scripturis floruisse asseritur, multasque cum Beato Fulgentio propositiones alternis Epistolis habuisse narratur. Iste ad Pelagium, & Anatolium Romanos Diaconos consulentes eum, utrum liceat quenquam damnare post mortem, edidit ⁽⁵⁾ rescriptum, ubi inter alia sic loquutus est, dicens: ⁽⁶⁾ Quid prodest dormientibus Ecclesiam perturbare? Si quis adhuc in corpore mortis hujus accusatus, & damnatus, antequam mereretur absolvi, de Ecclesia raptus est, absolvi non potest humano judicio. Si quis accusatus, & absolutus in pace Catholicae Ecclesiae transivit ad Deum, condemnari non potest ulterius humano judicio. ⁽⁷⁾ Si quis accusatus ante diem sacri examinis, repentina vocatione præventus est, intra sinum matris Ecclesiae constitutus, divino intelligendus est judicio reservari, & de hoc nullus homo potest manifestam proferre sententiam, cui si Deus indulgentiam dedit, nihil nocet nostra severitas, sed si supplicium præparavit nihil prodest nostra benignitas.

CAPUT XIII.

Petrus Ilerdensis Hispaniarum Ecclesiae Episcopus, edidit diversis solemnitatibus congruentes orationes, & Missas eleganti sensu, & aperto sermone.

CA-

(1) Agione 3. Concil. Chalced.

(2) Anno Christi 448.

(3) Anno 451.

(4) Extat cum aliis in Hæresologia.

(5) Editus est Roma ab Achille Statio.

(6) Idem scripsit Pontianus Episcopus Afer ad Justinianum Imp.

(7) Contra definit. Concil. 5. Constantinopol. act. 5. de Theodoro Mopsuesteno, vide 24. quart. 2.

CAPUT XIV.

Marcellinus ⁽¹⁾ Italiae Presbyter, scripsit Theodosio Minori, Arcadioque Imperatoribus opusculum unum: in quo retexit gesta Episcoporum, qui ad destructionem homouision Arimini ⁽²⁾ convenerunt: quique ita totum mundum perfidia impii dogmatis turbaverunt, ut vix pauci antistites existerent, qui in inviolabili fidei cultu perseverarent. Exponit quoque de Arrio, dum ad Synodum pergeret cum Alexandro disputaturus, qualiter conversus in via ad necessariam causam, viscera ejus fuissent diffusa. De fine quoque Osii ⁽³⁾ Cordubensis Urbis Episcopi, qui metu Imperatoris fidem pravaricatus, perfidiae assertor, & impietatis effectus fuerat assequutor, sic talia profert. Nam post impiam, inquit, Osii pravaricationem, dum Sanctus Gregorius Eliberitanus Episcopus in Cordubensi Urbe juxta imperiale decretum fuisset adductus, ac minimè vellet illi communicare, commotus Osius dicit Clementino Constantii Praefecto Vicario, ut mitteret eum in exilium. At ille inquit: Non audeo Episcopum in exilium mittere, nisi prius eum ab Episcopatu dejeceris. Ut autem vidit Sanctus Gregorius, quod Osius vellet ferre sententiam, appellat Christum totis fidei suae visceribus, exclamans ita: Christe Deus, qui venturus es judicare vivos, & mortuos, ne patiaris adhuc humanam proferri sententiam adver-

sus me minimum servum tuum, qui pro fide nominis tui, ut reus assistens spectaculum factus sum: sed tu ipse, quæso, in causa tua hodie judica, ipse sententiam proferre dignare per ultionem. Non ego, quasi metuens exilium, fugere cupio, cum mihi pro tuo nomine nullum supplicium grave sit: sed ut multi pravaricationis errore liberentur, cum præsentem viderint ultionem. His dictis, ecce repente Osius residens fastu, quasi regalis Imperii, cum sententiam conaretur exprimere: os vertit, distortuens pariter, & cervicem, ac de sessu in terram eliditur, atque illico expiravit. Tunc admirantibus cunctis etiam Clementinus ille Gentilis expavit, & licet esset judex, tamen timens ne in se simili supplicio judicaretur, prostravit se ad pedes sancti viri obsecrans, ut sibi parceret, qui in eum divinæ legis ignorantia peccasset, & non tam proprio arbitrio, quam mandantis imperio. Indè est, quod solus Gregorius ex numero ⁽⁴⁾ vindicantium integram fidem, nec in fugam versus est, nec passus est exilium, unusquisque enim timuit de illo ulterius judicare.

CAPUT XV.

Itatius Hispaniarum Episcopus, cognomento, & eloquio Clarus, scripsit quemdam librum sub Apologetici specie, in quo detestanda ⁽⁵⁾ Priscilliani dogmata, & maleficiorum ejus artes, libidinumque ejus probra demons-

O 2

trat:

(1) Hujus meminit Gennadius in Faustino Presbytero.

(2) Anno 559.

(3) Marcellini Historia de Osii Cordubensis morte iisdem verbis, sed paullo fusior extat in Codice Gotthico Bibliotheca Complutensis ad finem Isidori de Viris Illustribus, sine nomine Auctoris Marcellini. Porro Osius nobilissimus olim confessor, & doctissimus, ab Augustino, & Athanasio laudatus, Constantino Imperatori etiam per litteras familiaris (ut est in Cod. Theodoti, tit. de Sacrosanctis Ecclesiis) quique in Concilio Eliberitano, Nicæno, & Sardicensi, cum magna laude fuerat Catholicorum propugnator, tandem senio delirans, in Syrmienti Synodo ad Arrianos defecit. De quo videtur etiam Hilarius, lib. de Synodis: Athanasium, lib. de Unitate Trinitatis: Sulpitii Severi Historiam, & Memoriam Augustiniani, lib. de Scripturis Eccles.

(4) Vindicat Martyres apud Optatum, lib. 1.

(5) Vide Epiphani. lib. 1. cap. 34. & Iren. lib. 1. cap. 8. & 9.

trat : ostendens Marcum quemdam Memphiticum Magicæ artis scientissimum, discipulum fuisse ⁽¹⁾ Manis, & Priscilliani magistrum. Hic autem cum Ursatio Episcopo ob necem ejusdem Priscilliani, cujus accusatores extiterant, Ecclesiæ communionem privatus, exilio condemnatur, ibique die ultimo fungitur, Theodosio Majore, & Valentiniano regnantibus.

CAPUT XVI.

Siricius ⁽²⁾ clarissimus Pontifex, & Romanæ Sedis antistes scripsit ⁽³⁾ decretale opusculum directum ad ⁽⁴⁾ Eumerium Tarraconensem Episcopum. In quo inter alias Ecclesiasticas Disciplinas, constituit hæreticorum baptisina nequaquam ab Ecclesia rescindendum. Reperimus, & ⁽⁵⁾ aliam ejus Epistolam ad diversos Episcopos missam, in qua condemnat Jovinianum hæreticum, atque Auxentium, cæterosque eorumdem sequaces. Præfuit Romæ annos quatuordecim. Obijt Theodosio, & Valentiniano regnantibus.

CAPUT XVII.

Paulinus ⁽⁶⁾ Presbyter explicuit in benedictionibus Patriarcharum triplici intelligentiæ genere librum sa-

tis succinta brevitate compositum. ⁽⁷⁾ Idem etiam, petente Augustino, conscripsit Ambrosii vitam signis florentem, atque doctrinis, & meritis Apostolorum non imparem. Siquidem, & Constantius Episcopus Germani vitam contexit : obitumque Paulini Oranium edidit.

CAPUT XVIII.

Proba ⁽⁸⁾ uxor Adelphii Proconsulis, fœmina, idcirco inter Viros Ecclesiasticos posita sola, pro eo quod in laude Christi versata est, componens ⁽⁹⁾ centonem de Christo Virgilianis coaptatum versiculis. Cujus quidem non miramur studium, sed laudamus ingenium. ⁽¹⁰⁾ Quod tamen opusculum inter apocryphas Scripturas inseritur.

CAPUT XIX.

Joannes ⁽¹¹⁾ Sanctissimus Constantinopolitanæ Sedis Episcopus, cognomento Chrysostomus : cujus oratio, & plurimam cordis compunctionem, & magnam suavi loquentiam tribuit, condidit Græco eloquio multa, & præclara opuscula. E quibus utitur Latinitas duobus ejus delapsis libellis, scriptis ad quendam Theodorum lamentis, & exhortationibus plenius, ut-

(1) De mane Cyrillus cateches. 60. & Epiphan. lib. 2. cap. 661.

(2) Anno 385.

(3) Extant Epistola.

(4) Eumerius semper vocatur in v. c. non Himerius.

(5) De qua vide Ambros. Epist. 8. & 81.

(6) Anno 410. fuit Episcopus Nolanus.

(7) Paulinus hic est Episcopus Nolanus, de quo multa mentio apud Hieronymum, Augustinum, Ambrosium, Gregorium, & Gennadium. Frustra enim multi nostra ætate Honorium Augustulanensem sequuti Paulinos duos faciunt, unum Nolanum Episcopum, alterum Presbyterum Mediolanensem Auctorem vite Sancti Ambrosii. Cum ipse Paulinus in Epistola ad Alypium scribat, se licet in Hispania ordinatus fuerit Presbyter à Lampio Episcopo Barcinonensi; tamen beneficio Sancti Ambrosii assequuntur esse, ut ubicumque terrarum degeret, Ambrosii Presbyter diceretur. Porro hujusmodi vita, quæ ab Isidoro commemorantur, nempe Ambrosii Mediolanensis, Germani Antisiodorensis, & Paulini Nolani Episcoporum edita à Paulino Constantio, & Oranio extant in vetustissimo exemplari Ecclesiæ Toletanæ, & feruntur impressa apud Laurentium Surium.

(8) Anno Christi 410. extat cognomine Falconia Valeria.

(9) Meminit Hieron. ad Paulinum.

(10) Apocryphum vocat Gelasius, dist. 15.

(11) Anno 398.

CAPUT XX.

pote illum à bona conversatione dejectum. Et quia Monachi vitam cum eo in uno eodemque Monasterio exercuerat, idèò conversationis ibi factæ eum in libris ipsis admonuit, provocans eum ad propositum, atque ostendens, nulli peccatori, vel impio, si ad poenitentiam redeat, desperandum. Legimus ejusdem, & librum alium, cujus prænotatio est: Neminem posse lædi ab alio, nisi à semetipso. Ad personam quoquè cujusdam nobilissimæ Matronæ Gregoriæ reperitur opus ejus insigne de conversatione vitæ, & institutione morum, sivè de compugnancia virtutum, & vitiolorum. Est etiam, & alius liber ejusdem apud Latinos de compunctione cordis. Alter quoquè scriptus ad quandam Eutropium, cum palatio pulsus ad altarium confugisset. Multos præterea composuit diversosque tractatus, quos enumerare per longum est. Cujus quidem studii, etsi non omnia, tamen quam plurima eloquentiæ ejus fluentia de Græco in Latinum sermonem translata sunt. Hic autem ⁽¹⁾ decimo tertio anno Episcopatus sui discordia Theophili Alexandrini Episcopi oppressus. Faventes Episcopi nostri Arcadio Imperatori damnaverunt eum innocentem, atque ab Episcopatu ⁽²⁾ dejectum Pontum in exilium retruserunt. ⁽³⁾ Corpus trigesimo quinto anno, die functionis ab exilio Constantinopolin revocatur, etiam in Apostolorum Ecclesia sepelitur.

Sedulius ⁽⁴⁾ Presbyter edidit ⁽⁵⁾ tres libros, Dactylico Heroico Metro compositos, quorum primus signa, & virtutes Veteris Testamenti potentissimè resonat, reliqui verò gestorum Christi Sacramenta, vel miracula intonant.

CAPUT XXI.

Possidius ⁽⁶⁾ Africanæ Provinciæ Episcopus. Hic stylo persequutus est vitam Sancti Augustini, cui etiam operi subjecit indiculum scriptorum ejus, enumerans quanta idem beatissimus Doctor scripsit, ubi plusquam quadringentorum librorum volumina supputantur. Homiliarum verò, & Epistolarum, quæstionumque infinitus modus est, ut penè vix possit quisquam articulo suo aliena tantà scribere, quantà ille proprio labore composuit.

CAPUT XXII.

Primasius ⁽⁷⁾ Africanus Episcopus, composuit sermone Scholastico de Hæresibus tres libros directos ad ⁽⁸⁾ Fortunatum Episcopum, explicans in eis quod olim beatissimus Augustinus in libro Hæreseon imperfectum, morte interveniente, reliquerat. ⁽⁹⁾ In primo namque ostendens quid hæreticum faciat: in secundo, & tertio, diggerens, quid hæreticum demonstret.

O 3 CA-

(1) Fortè anno 7. nùm annos 6. sedisse constat ex Marcellino, & Niceph. Constantin.

(2) Dejectus anno Christi 404. ex Marcellino mortuus exul, anno 407. ex Paulo Dia.

(3) Hic addatur in uno exemplari.

(4) Anno 430.

(5) Laudat Gelasius dist. 15.

(6) Ità v. c. non Possidius fuit Episcopus Calamensis in Numidia, in 7. Concil. Carthag. anno 418. extat.

(7) Anno 553.

(8) Provincia Byzæna dicitur in 5. Concil. Constantinop. collat. 2.

(9) Extant ejus Comment. in Apocalyp.

CAPUT XXIII.

Proterius ⁽¹⁾ Alexandrinæ Ecclesiæ antistes scripsit Epistolas ad Leonem Romanæ Sedis Episcopum de festivitate Paschali. ⁽²⁾ Hunc autem Leonis Augusti temporibus Dioscori hæretici successores, Auctore Timotheo, seditione facta crudelissimè peremerunt, ipsumque Timotheum sibi pro Alexandrino Episcopo statuerunt.

CAPUT XXIV.

Paschasius Siciliensis Episcopus, edidit unam ⁽³⁾ Epistolam Paschalem ad Leonem supradictum Papam directam, in qua refert Paschalis Mysteriorum miraculum his verbis: Est, inquit, possessio, quæ appellatur Melitina, in montibus arduis, ac silvis densissimis constituta, illic per parva atque vili opere constructa Ecclesia est, ⁽⁴⁾ in cujus baptisterio nocte sacrosancta Paschali, baptizandi hora, cum nullus canalis sit, vel fistula nec aqua omninò vicina, fons ex sese repletur: paucisque, qui fuerint, consecratis, cum deductorium nullum sit, ut venerat aqua, ex sese discedit. Claruit sub Theodosio Juniore Arcadii Imperatoris filio.

CAPUT XXV.

Julianus ⁽⁵⁾ quidam ⁽⁶⁾ Gallus, cognomento Pomerius, hic octo libros de Animæ natura in Dialogi morem conscripsit. Horum primus

continet, quid sit anima, vel qualiter credatur ad Dei imaginem facta. In secundo loquitur, utrum anima corporea, an incorporea sit. In tertio diserit, primo homini undè anima sit facta. In quarto, utrum nova anima sine peccato fiat: an peccatum primi hominis ex illo propagata originaliter trahat. In quinto describit, quæ sit facultas animæ. In sexto eloquitur, undè sit illa discordia, qua carni spiritus, vel caro spiritui adversatur. In septimo autem scribit de differentia vitarum, & mortium, vel resurrectione carnis, & animæ, si vè de morte carnis, ac de ejus resurrectione. In octavo loquitur de his, quæ in fine mundi futura sunt, vel de quæstionibus, quæ solent de resurrectione proponi, si vè de finibus bonorum, atque malorum. Hic tamen in secundo ejusdem operis libro, Tertulliani erroribus consentiens, animam corpoream esse dixit, quibusdam hoc fallacibus argumentis adtruere contendens. Edidit etiam unum libellum de Virginibus instituendis, alios quoque tres de futuræ vitæ contemplatione, vel actuali conversatione, necnon de vitiis, atque virtutibus.

CAPUT XXVI.

Eugipius ⁽⁷⁾ Abbas Lucullanensis oppidi, Neapoli Campaniæ. Hic ad quemdam Paschasium Diaconum libellum de vita Sancti Monachi Severini transmissum brevi stylo composuit. Scripsit, & Regulam Monachis consistentibus in Monasterio Sancti Severini, quam eisdem moriens quasi

tes-

(1) Nicephorus lib. 15, cap. 15. Liberatus cap. 16.

(2) Anno 457.

(3) Anno 445, scripta est Epistola. Extat cum Epistolis Leonis, tom. 1. Concil. contigit anno 417. Paschasius hic Libetanus Episcopus fuit, legatus Leonis Papa in Concil. Chalcedonens. anno 451.

(4) Simile miraculum in Hispania, anno 583, ex Gregor. Turonens. lib. 10, cap. 22. & Sieberto.

(5) Anno 450.

(6) Maurum ait fuisse, Gennadius. Falso ergo confundunt quidam Pomerium cum Juliano Episcopo Tolitano, qui obiit anno 640.

(7) Extat vita apud Surium. De Severino Gregor. lib. 7. Epist. 84. Paul. Diac. lib. 1. cap. 12.

testamentario jure reliquit. Claruit post consulatum ⁽¹⁾ Importuni Junioris Anastasio Imperatore regnante.

CAPUT XXVII.

Fulgentius ⁽²⁾ Afer Ecclesiæ Ruspensis Episcopus, in confessione Fidei clarus, in Scripturis Divinis copiosissimè eruditus, in loquendo quoquè dulcis, in docendo, ac disserendo subtilis, scripsit multa. E quibus legimus, de Gratia Dei, & Libero arbitrio libros responsionum septem, in quibus Fausto Galliæ Regiensis Urbis Episcopo Pelagianæ pravitati consentienti respondens, obnititur ejus profundam destruere calliditatem. Legimus, & ejusdem librum de Sancta Trinitate ad Felicem directum Notarium. Librum quoquè Regulæ veræ Fidei, & alium de Sacramento Incarnationis Domini nostri Jesu Christi. Extant, & duo ejusdem libri de Veritate prædestinationis ad Episcopos missi, in quibus demonstratur: quod gratia Dei in bonis voluntatem humanam prævenit, & quod Deus quosdam prædestinationis suæ munere justificans præeligit, quosdam verò in suis reprobis moribus occulto quodam judicio derelinquit. Est, & liber altercationis ejus, quo de fide cum Thrasamundo Rege idem Beatus Fulgentius disputavit. Ad Ferrandum quoquè Ecclesiæ Carthaginiens. Diaconum unum de interrogatis Quæstionibus scripsit libellum. Inter hæc composuit multos tractatus, quibus Sacerdotes in Ecclesiis uteren-

tur. Plurima quoquè feruntur ingenii ejus monumenta. Hæc tantum ex pretiosis doctrinæ ejus floribus carpsimus. Sors melior, cui delicias omnium librorum ejus præstiterit Dominus. Claruit sub Thrasamundo Rege Wandalorum Anastasio Imperatore regnante.

CAPUT XXVIII.

Eucherius ⁽³⁾ Franciæ Episcopus, elegans sententiis, ornatus in verbis, edidit ad Hilarium Arelatensem antistitem eremi deserta petentem unum opusculum de laude ejusdem eremi luculentissimum, & dulci sermone dictatum, in quo opere laudamus Doctorem, & si pauca, tamen pulchra dicentem. ⁽⁴⁾ Brevitas, ut ait quidam, laus est interdum in aliqua parte dicendi, in universa eloquentia laudem non habet.

CAPUT XXIX.

Hilarius ⁽⁵⁾ Arelatensis Episcopus scripsit Vitam parentis, & prædecessoris sui sanctissimi, ac venerabilis Honorati Episcopi, suavi, ac præclaro prædictatam eloquio.

CAPUT XXX.

Apringius ⁽⁶⁾ Ecclesiæ Pacensis Hispaniarum Episcopus, disertus lingua, & scientia eruditus, interpretatus est Apocalypsin Joannis Apostoli subtili sensu atque illustri sermone meliùs penè, quam Veteres Ecclesias-

(1) Importunus eos. Anno Christi 509. ad Eugipium extat Epist. Fulgentii Ruspensis. Eugipium se vidisse, ait Cassiodor. lib. 1. Divin. Inst.

(2) Anno 500.

(3) Anno 450. Lugdunensis Episcopus fuit apud Gennadium, & Marcellinum.

(4) Cicronis sunt verba.

(5) Anno 432. De hæc Gennadius.

(6) Anno Christi 530. Apringii nomine multorum manibus circumfertur opus ingens manuscriptum in Apocalypsin. Sed ego, cum viderem Codicem ipsum Gothicum Legionensem scriptum era millesima octava, animadverti inde Auctoris nomen non constare, sed editum opus in gratiam cujusdam Eterii. Quin, & in Præfatione ille Auct. ait, se collegisse sua ex libris Veterini, Isidori, & Apringii. Ut manifesto constet non esse illum Apringium cujus Isidorus meminit.

tici Viri exposuisse videntur. Scripsit, & nonnulla quæ tamen ad noticiam nostræ lectionis minimè pervenerunt. Claruit temporibus Theudis Principis Gotthorum.

CAPUT XXXI.

Justinianus ⁽¹⁾ Imperator, quosdam libros de Incarnatione Domini edidit, quos etiam per diversas Provincias misit. ⁽²⁾ Condidit quoque, & rescriptum contra ⁽³⁾ Illyricianam Synodum, & adversus Africanos Episcopos Chalcedonensis Synodi defensores perverso studio: in quo tria capitula damnare contendit, id est, Theodori Mopsuesteni Episcopi dicta, ⁽⁴⁾ si vè rescripta Theodoret, & Epistolam, quæ dicitur Ibæ Edesseni Episcopi.

CAPUT XXXII.

Facundus ⁽⁵⁾ Afer, Hermianensis Ecclesiæ Episcopus, duodecim libros pro defensione trium capitulorum scripsit, quorum stylo elicit; præfata tria capitula in præscriptione Apostolicæ Fidei, & Chalcedonensis Synodi impugnatione, fuisse damnata. Id est, epistolam Ibæ Edessini Episcopi ad Marim Persam directam, & Theodorum Mopsuestenum Episcopum, & Theodoret Cyri Episcopi dicta. ⁽⁶⁾ Claruit post Consulatum Basilii, anno decimo regnante Justiniano Imperatore.

CAPUT XXXIII.

Justinianus ⁽⁷⁾ de Hispania, Ecclesiæ Valentinæ Episcopus, ex quatuor fratribus Episcopis eadem mare progenitis unus, scripsit librum responsionum ad quemdam Rusticum de interrogatis Quæstionibus: quarum prima responsio est de Spiritu Sancto: secunda est contra Bonosianos, qui Christum adoptivum Filium, & non proprium dicunt: tertia responsio est de Baptismo Christi, quod iterare non licet: quarta responsio est de distinctione Baptismi Joannis, & Christi: quinta responsio est, quia Filius sicut Pater invisibilis sit. Floruit in Hispaniis temporibus Theudis Principis Gotthorum.

CAPUT XXXIV.

Justus Urgellitanæ Ecclesiæ Hispaniarum Episcopus, & frater prædicti Justiniani, ⁽⁸⁾ edidit libellum expositionis in Cantica Canticorum, totum valdè breviter, atque apertè per allegoriam sensum discutiens. Hujus quoque fratres ⁽⁹⁾ Nebridius, & Elpidius quædam scripsisse feruntur, è quibus, quia incogniti sumus, magis reticenda fatemur.

CAPUT XXXV.

Martinus ⁽¹⁰⁾ Dumiensis Monasterii Sanctissimus Pontifex, ex Orien-

(1) Anno 553.

(2) Sumpta hac ex Liberato, & Victore Tunnensi.

(3) Illyriciana anno 549. Damnat etiam Justinianus in fidei sua professione, quæ extat 1. tom. Concil.

(4) Vide Scholion de Theodoro sup. Mopsuesteno ad cap. 4.

(5) Sumpta ex Victore Tunnensi.

(6) Anno Christi 551.

(7) Anno 531.

(8) Extat.

(9) Nebridius Episcopus Egarenensis subscribit in 2. Concil. Tolet. anno Christi 527. & in Concil. Tarrac. anno 516.

(10) Martinus Episcopus Dumiensis, natione Pannonius fuit, ut ex Gregorii Turonensis Historia constat, & ex ipsius Martini epitaphio ab se composito, quod ex vetusto libro descriptum habemus. Ejus hoc est initium.

Pannoniis genitus transcendens aquora vasta
Gallaciæ in gremium divinis nubiis actus, &c.

Fundavit Monasterium Dumiense in Gallaciæ, ut dicitur in decimo Concil. Tolet. itaque subscribit Martinus Episcopus

Orientis partibus navigans, in Gallæciam venit, ibique conversis ab Ariana impietate ad Fidem Catholicam Suevorum Populis, regulam fidei, & Sanctæ Religionis constituit, Ecclesiis confirmavit, Monasteria condidit, copiosaque præcepta piæ institutionis composuit. Cujus quidem ego ipse legi librum de differentiis quatuor virtutum, & aliud volumen Epistolarum in quibus hortatur vitæ emendationem, & conversationem fidei, orationis instantiam, & elemosynarum distributionem, & super omnia cultum virtutum omnium, & pietatem. Floruit, regnante Theodemiro Rege Suevorum, temporibus illis, quibus Justinianus in Reipublica, & Athanagildus in Hispaniis Imperium tenuerunt.

CAPUT XXXVI.

AVitus ⁽¹⁾ Viennensis Episcopus, scientia secularium litterarum doctissimus edidit quinque ⁽²⁾ libellos heroico metro compositos, quorum primus est de Origine Mundi, secundus de Originali peccato, tertius de Essentia Dei, quartus de Diluvio Mundi, quintus de transitu Maris Rubri. Scripsit, & ad Fuscina sororem de Laude Virginitatis librum unum pulcherrimo compositum carmine, & eleganti epigrammate coaptatum.

CAPUT XXXVII.

DRacontius composuit heroicis versibus ⁽¹⁾ Hexameron Creationis Mundi, & luculenter quidem composuit, & scripsit.

CAPUT XXXVIII.

Victor ⁽⁴⁾ Tunnensis Ecclesiæ Africanus Episcopus. Hic à principio Mundi usque ad primum Justinianus Imperii annum brevem per Consules annuos bellicarum, Ecclesiasticarumque rerum nobilissimam promulgavit Historiam, laude, & notatione illustrem, ac memoria dignissimam. Hic pro defensione trium capitulorum à Justiniano Augusto Ecclesia sua pulsus, exilio in Ægyptum transportatur. Indè rursùm Constantinopolin vocatus, dum Justiniano Imperatori, & Eutychio Constantino-politanæ Urbis Episcopo obrectatoribus eorundem trium capitulorum resisteret, rursùm in Monasterio ejusdem Civitatis custodiendus mittitur, atque in eadem damnatione (ut dicunt) permanens, moritur.

CAPUT XXXIX.

JOannes sanctæ memoriæ Constantinopolitanus Episcopus, natione Cappadox, ad quem Beatus Gregorius librum Regulæ Pastoralis scripsit,

vir

in Concil. primo Bracar. anno Christi 561. indè factus Archiepiscopus Bracaren. subscribit in secundo Concil. Bracar. anno 562. præfuit vero his Ecclesiis annos triginta ex Gregorio Turonens. in Chron. & lib. primo de Miraculis Martini Turonensis cap. 15. & Aimoino lib. 3. cap. 39. Ejus aliqua opuscula feruntur impressa: plura nos habemus nondum edita.

(1) Anno Christi 490. Vide Gregor. Turonens. Siebertum, & Adonem.

(2) Extant impressa.

(3) Extant impressa. vide infra in Eugenio III.

(4) Victoris Tunnensis Episcopi habeo Chronicon manuscriptum, in quo, post Eusebium, Hieronymum, & Prosperum tempora persequitur à consulatu xviii. Theodosii junioris, id est, anno Christi 444. usque ad annum primum Justinianus Imperatoris, id est, Christi 527. ibi suum deplorat exilium, quo mihi valde dignus fuisse videtur. Restitit enim Vigilius Papa Justiniani Imperatoris Synodi Constantinopol. decretis, dum tria capitula, de quibus supra diximus, mordacius defendit. Hic apud Isidorum lib. 5. Etymolog. cap. 38. falso Turonensis scribitur, ab aliis Tunanensis, Trithemio Cummenensis, sed ipse se in vetusto Codice Tunnensem vocat. Puto esse oppidum Africa Proconsularis, quod Tunis Polybio, & Straboni vocatur, Tunnensis Plinio, Libro autem Tunis Tannetis inscribitur. Nobile his temporibus ob expeditionem Caroli Quinti Cesaris. Hujus Victoris meminerunt etiam Ado Viennensis, & Otho Frisingen. lib. 5. cap. 4.

vir⁽¹⁾ inæstimabilis abstinentiæ, & elemosynis tantùm largissimus, ut zelo avaritiæ adversùs eum Imperator Mauritius permotus, Urbe pauperes pellendos ediceret. Hic Græco eloquio edidit de Sacramento Baptismatis rescriptum ad bonæ recordationis Dominum nostrum, & prædecessorem Leandrum Episcopum, in quo nihil proprium ponit, sed tantummodò antiquorum Patrum replicat de trina mersione sententias. Claruit temporibus Mauriti Principis, defunctusque est Augusto eodem regnante.

CAPUT XL.

Gregorius Papa Romanæ Sedis Apostolicæ Præsul, compunctione timoris Dei plenus, & humanitate summus, tantoque per gratiam Spiritus Sancti scientiæ lumine præditus, ut non modò illi in præsentibus temporibus quisquam Doctorum, sed nec in præteritis quidem par fuerit unquam. Hic in exordio Episcopatus edidit librum Regulæ Pastoralis, directum ad⁽²⁾ Joannem Constantinopolitanæ Sedis Episcopum. In quo docet, qualis quisque ad officium regiminis veniat, vel qualiter, dum venerit, vivere, vel docere subjectos studeat. Idem etiam, efflagitante Leandro Episcopo, librum Beati Job mystico ac morali sensu disseruit, totamque ejus Propheticam Historiam triginta quinque voluminibus largo eloquentiæ fonte explicuit. In quibus quidem quantà Mysteria Sacramentorum aperiantur, quantaque sint in amorem

vitiæ æternæ præcepta, vel quanta clareant ornamenta verborum, nemo sapiens explicare valebit, etiam si omnes artus ejus vertantur in linguas. Scripsit etiam,⁽³⁾ & quasdam Epistolas ad prædictum Leandrum, è quibus una in eisdem libris Job, titulo præfationis adnectitur: ⁽⁴⁾ altera eloquitur de mersione Baptismatis, in qua inter cætera ità scriptum est. Reprehensibile, inquit, esse nullatenùs potest infantem in Baptismate mergere, vel semel, vel ter, quando in tribus mersionibus Personarum Trinitas, & in una potest divinitatis singularitas designari. Fertur tamen idem Sanctissimus Vir, & alios libros Morales scripsisse, eorumque textum quatuor⁽⁵⁾ Evangeliorum sermocinando in Populis exposuisse, incognitum scilicet nobis opus. Felix tamen, & nimium felix, qui omnia studiorum ejus potuit cognoscere: Floruit autem Mauricio Augusto Imperatore: ⁽⁶⁾ obiit in ipso exordio Phocatis Romani Principis.

CAPUT XLI.

Leander genitus patre Severiano Carthaginensis Provinciæ,⁽⁷⁾ professione Monachus, & ex Monacho Hispalensis Ecclesiæ Provinciæ Bethicæ constitutus Episcopus, vir suavis eloquio, ingenio præstantissimus, vita quoque etiam atque doctrina clarissimus, ut, & fide ejus atque industria Populi gentis Gotthorum⁽⁸⁾ ab Arriana insaniam ad Fidem Catholicam reverterentur. Hic namque in exilii sui

(1) Jesunator vocatur à Niceph. Constantinop.

(2) Ita 1. lib. Registr. Epist. 4. non ergo ad Joannem Ravennatem, ut in impress.

(3) Et alia lib. 4. Registr. Epist. 46. cap. 90. & lib. 7. Epist. 125.

(4) Primo lib. Registr. Epist. 41.

(5) Extant Homil. 40. in Evangelia.

(6) Anno Christi. 604.

(7) Falso Lucas Tundensis, & alii addunt, Duce.

(8) In Concil. 3. Tol. ann. 589. Greg. 3. Dialog. cap. 31. & Gregor. Turon.

CAPUT XLII.

sui peregrinatione composuit duos adversus hæreticorum dogmata libros, eruditione Sacrarum Scripturarum ditissimos, in quibus vehementi stylo Arrianæ impietatis confodit atque detegit pravitatem : ostendens scilicet, quid contra eosdem habeat Catholica Ecclesia, vel quantum distat ab eis Religione, vel Fidei Sacramentis. Extat, & aliud laudabile ejus opusculum adversus instituta Arrianorum, in quo, propositis eorum dictis, suas responsiones opponit. Præterea edidit unum ad Florentinam sororem ⁽¹⁾ de institutione Virginum, & contemptu mundi libellum, titularum distinctionibus prænotatum. Siquidem, & in Ecclesiasticis Officiis idem non parvo laboravit studio : in toto enim Psalterio duplici editione orationes conscripsit : in sacrificio quoque, Laudibus, atque Psalmis multa dulci sono composuit. Scripsit, & Epistolas multas : ad Papam Gregorium de Baptismo unam, alteram ad fratrem, in qua præmonet, cuique mortem non esse timendam. Ad cæteros quoque Episcopos plurimas promulgavit familiares Epistolas, & si non satis splendidas Verbis, acutas tamen sententiis. ⁽²⁾ Floruit sub Reccaredo viro religioso, ac Principe glorioso, cujus etiam temporibus mirabili obitu ⁽³⁾ vitæ terminum clausit.

Lucinianus ⁽⁴⁾ Carthaginis Spartariæ Episcopus, in scripturis doctus : cujus quidem multas Epistolas legimus, de Sacramento denique Baptismatis unam, & ad Eutropium Abbatem (qui postea Valentiae Episcopus fuit) plurimas. Reliqua verò industriæ, & laboris ejus ad nostram notitiam minimè venerunt. ⁽⁵⁾ Claruit temporibus Mauriti Augusti : occubuit Constantinopoli, veneno (ut ferunt) extinctus ab æmulis, sed ut scriptum est, justus quacumque morte præoccupatus fuerit, anima ejus in refrigerio erit.

CAPUT XLIII.

Severus Malacitanæ Sedis antistes, collega, & socius Luciniani Episcopi, edidit libellum unum adversus ⁽⁶⁾ Vincentium Cæsaraugustanæ Urbis Episcopum, qui ex Catholico ad Arrianam pravitatem fuerat devolutus. Est, & alius ejusdem de Virginitate ad sororem libellus, qui dicitur annulus : cujus quidem fatemur cognovisse titulum, ignorare eloquium. ⁽⁷⁾ Claruit temporibus prædicti Imperatoris, quo etiam regnante vitam finivit.

CA-

(1) Lib. de Virgin. extat Oveti.

(2) Anno Christi, 600.

(3) Leander Hispalensis quo anno fuerit mortuus, ambigunt nostri Historici. Itaque libet in gratiam nostri Isidori, qui & illius Germanus, & successor in Ecclesia Hispalensi fuit, annum mortis Leandri certo constituere. Ego Leandrum anno Christi 600. mortuum, colligo ex his conjecturis. Primum quod illum, ait Isidorus frater, vitæ functum tempore Reccaredi Regis, quem Regem constat obisse anno Christi 600. Nam successisse Reccaredo Liviam Regem æra 639. id est, Christi 601. tradit Isidorus libro de Gothis. Non verò mortuum Leandrum ante istum annum 600. ex eo liquet, quod Gregorius Papa ad Leandrum Hispalensem scribit 7. lib. Registr. Epist. 125. Indictione 2. anno nono sui Pontificatus, nempe anno Christi 599. Ità constabit summa annorum Episcopatus Isidori, qui fratri Leandro successit, ut diximus. Præfuit enim Isidorus suæ Ecclesie Hispalensi prope quadraginta annos, Auctore Sancto Ildefonso. Cum verò certissimum sit Isidorum mortuum anno Christi 636. id quod paullo post in Isidoro confirmabimus. Siquis retrocedat, facile, & mortem Leandri, & initium Isidori reperiat, utraque illud de quadraginta prope annis ab Ildefonso dictum cognoscat.

(4) Lucinianum sive Licinianum (utroque enim modo scriptum reperio) quidam ex nostris nuper tradiderunt Carthagine translatum fuisse ad Episcopatum Valentinum, non satis intellectis verbis Isidori, qui non Lucinianum, sed Eutropium ait fuisse Episcopum Valentinum, ad quem scriperit Lucinianus multas Epistolas. Hujus Luciniani Epistola ad Papam Gregorium edita est cum ipsis Moralibus. Ego verò præterea habeo, & hujus Luciniani, atque Severi ejus collegæ doctissimam Epistolam manuscriptam ad Epiphanium Diaconum, ubi Angelos probat esse incorporeos, & alteram ad Vincentium, non Cæsaraugustanum, sed Ebusitanæ Insule Episcopum, credentem Epistolas quasdam de Culo eccidisse.

(5) Circa ann. 590. Sapient. 4.

(6) De Vincentio Isidorus lib. de Gothis in Leovigilda.

(7) Anno 590.

CAPUT XLIV.

JOannes ⁽¹⁾ Gerundensis Ecclesiæ Episcopus nativitate Gotthus, Provinciæ Lusitaniæ Scalabinatus. Hic, cum esset adolescens, Constantinopolin perrexit, ibique Græca, & Latina eruditione munitus, post decem, & septem annos in Hispanias reversus est, eodem tempore, quo incitante Leovigildo Rege, Arriana fervebat insania. Hunc supradictus Rex, cum ad nefandæ hæresis crudelitatem compelleret, & hic omninò, resisteret, exilio trusus, & Barcinonem relegatus, per decem annos multas insidias, & persecutiones ab Arrianis perpesus est. Qui postea condidit Monasterium quod nomine Biclaro dicitur, ubi congregata Monachorum societate, scripsit Regulam ipsi Monasterio profuturam, sed, & cunctis Deum timentibus satis necessariam. Addidit in Libro Chronicorum ab anno primo Justinii Junioris principatus, usque in annum octavum Mauriti Principis Romanorum, & quartum Reccaredi Regis annum, Historico compositoque sermone valdè utilem Historiam: & multa alia scribere dicitur, quæ ad nostram notitiam non pervenerunt.

CAPUT XLV.

Eutropius ⁽²⁾ Ecclesiæ Valentiniæ Episcopus, dum adhuc in Monasterio ⁽³⁾ Servitano degeret, & pater

esset Monachorum, scripsit ad Papam Lucinianum, cujus supra fecimus mentionem, valdè utilem Epistolam, in qua petit ab eodem, quare baptizatis Infantibus Chrisma, post hæc unctio tribuatur. Scripsit, & ad Petrum Episcopum ⁽⁴⁾ Ircavicensem de distributione Monachorum salubri sermone compositam Epistolam, & valdè Monachis necessariam.

CAPUT XLVI.

Maximus ⁽⁵⁾ Cæsaraugustanæ Civitatis Episcopus multa versu, prosaque componere dicitur. Scripsit, & brevi stylo historiolum de iis, quæ temporibus Gotthorum in Hispaniis acta sunt, Historico, & composito sermone, sed, & multa alia scribere dicitur, quæ necdum legi.

CAPUT XLVII.

Prænotatio librorum Divi Isidori à Braulione Cæsaraugust. Episcopo edita.

Isidorus ⁽⁶⁾ Vir egregius, Hispalensis Ecclesiæ Episcopus, Leandri Episcopi successor, & Germanus, floruit à tempore Mauriti Imperatoris, & Reccaredi Regis, in quo quiddam sibi antiquitas vindicavit, immò nostrum tempus antiquitatis in eo scientiam imaginavit, Vir in omni locutionis genere formatus, ut imperito, doctoque secundum qualitatem sermonis

(1) Joannis Biclarenensis Abbatis Chronicon cujus Isidorus meminit habeo descriptum ex vetustissimo libro Gotthico. Hic Auctor, ut de se ipse ait, Victoris Tunnensis Chronicon ulterius perduxit ab anno Christi 566. usque ad 590. ubi nostrorum Regum Leovigildi, & Reccaredi Historiam per singulos Imperatorum annos doctissime persequitur.

(2) Penes Eutropium Abbatem Servitanum, & Leandrum Episcopum fuit Summa Concilii tertii Tolet. ait Joann. Biclaren. anno 589.

(3) De Servitano Ildefonsus in Donato.

(4) Forè Ircavicens.

(5) Subscribit in tribus Concil. m. s. Barcinon. Tolet. & Egaren. anno 599. 610. 614. Itaque Isidorus scribit hunc librum usque ad annum 610.

(6) Braulio Episcopus Cæsaraugustanus, cujus Ildefonsus meminit, auctor est hujus vitæ Isidori, ut ex libris vetustis constat, & ex his Epistolis Braulionis, quæ Etymologiis Isidori solent præponi. Nam, & hic testatur rogatu suo Etymologiarum librum ab Isidoro compositum.

nis existeret aptus, congrua verò opportunitate loci, incomparabili eloquentia clarus. Jam verò quantus sapientia fuerit, ex ejus diversis studiis, & elaboratis opusculis perfacile prudens lector intelligere poterit. Denique de iis, quæ ad noticiam nostram venerunt, ista commemoravi. Edidit libros Differentiarum duos, in quibus subtili discretionem ea, quæ confusè usu proferuntur, sensu discrevit. Proœmiorum librum unum, in quo, quid quisque liber Sanctæ contineat Scripturæ, brevi subnotatione distinguit. De Ortu, & Obitu Patrum librum unum, in quo eorum gesta, dignitatem quoque, & mortem eorum atque sepulturam sententiali brevitate subnotavit. Ad germanum suum Fulgentium Episcopum Astigitanum officiorum libros duos, in quibus originem officiorum, cur unumquodque in Ecclesia Dei agatur, interprete suo stylo, non sine majorum auctoritate elicuit. Synonymorum libros duos, quibus ad consolationem animæ, & ad spem percipiendæ veniæ, intercedente rationis exhortatione, erexit. De Natura Rerum ad Sisebutum Regem librum unum, in quo tam de Ecclesiasticorum Doctorum, quàm etiam de Philosophorum indagine obscura quædam de Elementis absolvit. De numeris librum unum, in quo Arithmeticam propter numeros Ecclesiasticis Scripturis insertos ex parte tetigit disciplinam. De nominibus Legis, & Evangeliorum librum unum, in quo ostendit: quid memorate personæ mysterialiter significant. De Hæresibus librum unum, in quo majorum sequutus exempla, brevitate qua potuit, dif-

fusa collegit. Sententiarum libros tres, quos floribus ex libris Papæ Gregorii Moraliis decoravit. Chronicorum à principio Mundi usque ad tempus suum, librum unum, nimia brevitate collectum. Contra Judæos, postulante Florentina germana sua proposito virgine, libros duos, in quibus omnia, quæ Fides Catholica credit, ex legis, & Prophetarum testimoniis approbavit. De Viris Illustribus librum unum, cui nos ista subjunximus. Monasticæ Regulæ librum unum, quem pro patriæ usu, & invalidorum animis decentissimè temperavit. De origine Gotthorum, & Regno Suevorum, & etiam Wandalorum Historia, librum unum. Questionum libros duos, quos qui legit, Veterum tractatorum multam suppellectilem recognoscit. Etymologiarum codicem nimia magnitudine, distinctum ab eo titulis, non libris: quem quia rogatu meo fecit, quamvis imperfectum ipse reliquerit, ego in viginti libros divisi. Quod opus omnimodò Philosophiæ conveniens quisquis crebra meditatione perlegerit, non ignotus divinarum, humanarumque rerum scientia meritò erit. Ibi redundans diversarum artium elegantia, ubi quæcumque ferè sciri debentur, restricta collegit. Sunt, & alia ejus Viri multa opuscula, & in Ecclesia Dei multo cum ornamento inscripta. Quem Deus post tot defectus Hispaniæ, novissimis temporibus suscitans, credo ad restauranda antiquorum monumenta, ne usquequaque rusticitate veteraceremus, ⁽¹⁾ quasi quandam apposuit destinam. Cui non immeritò illud Philosophicum à nobis aptatur: Nos, inquit, in nostra Urbe peregrin-

P

nan-

(1) Quasi quandam apposuit destinam, &c. Ita omnino in vetusto Codice, quem locum alii non intelligentes, ex ingenio reposuerunt: Quandam apposuit lucem destinare. Utitur ea voce Corippus Poeta Afer libro de Laudibus Juliani Junioris nuper edito à doctissimo Raynbro Aengrio:

Et Thomas Lybice mutantis destina terras.

nantes, errantesque tanquam hospites, tui libri quasi domum reduxerunt: ut possimus aliquando, qui, & ubi essemus, agnoscere. Tu ætatem patriæ, tu descriptiones temporum, tu sacrorum jura, tu Sacerdotum, tu domesticam, publicamque disciplinam, tu sedium, regionum, locorum, tu omnium divinarum, humanarumque rerum nomina, genera, officia, causas aperuisti. Quo verò flumine eloquen-

tiæ, & quot jaculis Divinarum Scripturarum, seu Patrum Testimoniis Acephalitarum hæresin confoderit, Synodalia gesta coram eo Hispali acta declarant. In qua contra Gregorium præfatæ hæresis antistitem eam asseruit veritatem. Obiit temporibus Heraclii Imperatoris, & Christianissimi⁽¹⁾ Chintilani Regis, sana doctrina præstantior cunctis, & copiosior operibus charitatis.

(1) Isidorum mortuum sub Chintila Gothorum Rege ait Braulio, Ex quo multorum nonstratium errores convincuntur de anno mortis Isidori, in quo mirum est, quam variant inter se Hispani Historici. Itaque in gratiam nostri Auctoris Isidori, quem in primis illustrandum suscepimus, diem, & annum, quo mortuus fuerit, designamus. Ajo, certissime mortuum anno Christi 636. Primum quia Redemptus ejus Discipulus, qui obiit Isidori, quem præsens viderat, describent ait, mortuum æra 664. de quo nemo dubitat, quin sit annus Christi 636. Idem quoque Redemptus Isidorum inducit Populum alloquentem qua triduo ante mortem his verbis. Ità (inquit) Sacri Fontis unda, quam hodie devotus est Populus percipitur, sit vobis in remissionem peccatorum. Cum verò compertum sit ex omnibus Martyrologiis, Isidorum mortuum pridie nonas Aprilis, si Paschales Cyclos consulas, reperies planè isto anno 636. Pascha fuisse pridie kalendas Aprilis, & ità baptismum Catechumenorum solemnem qua triduo præcessisse mortem Isidori. Præterea si mortuus est sub Chintila, ut ait Braulio, necesse est anno primo Chintila mortuum, nam Chintilam cepisse æra 674. id est, Christi 636. cognoscitur ex Concilio quinto Toletano, anno autem secundo Chintila videmus habitum sextum Concilium Toletanum, cui jam non Isidorus (erat enim vita functus) sed Honoratus Isidori successor interfuit. Itaque verè dictum ab Ildefonso cognoscimus, floruisse Isidorum usque ad Sisenandum Regem, nulla omnino facta mentione Chintila, qui Sisenandum sequutus est: nempe quod ipso primo anno Chintila Isidorus decesserit. Verè quoque illud ab eodem Ildefonso dictum, præfuisse Isidoro Ecclesia Hispalensis ferè quadraginta annis: nempe quod omnino triginta septem anni fuerint, ab anno 600. usque ad 636. ut paullo ante in Leandro, & nunc in Isidoro supputavimus.

DIVI ILDEFONSI TOLETANÆ SEDIS EPISCOPI

DE VIRO RUM ILLUSTR IUM SCRIPTIS

P R Æ F A T I O.

VIRORUM^(a) adnotationem illorum, quorum edictis atque doctrinis Sancta Ecclesia toto terrarum orbe diffusa illustratur in bonis, atque defenditur ex adversis, mox post Ascensionem Christi ab Apostolorum exordio, vir beatus atque Doctissimus Hieronymus Presbyter plenè dicitur adnotasse, qui singulatim nomina eorum, seriem temporum, monumenta librorum, diversitates opusculorum, in laudabilem, necessariamque memoriam usque ad seipsum stylo evidenti conscribens, & innotescendo monstravit, & retexendo posteris commendavit. Hunc sequutus Gennadius, renotationis, ordinem textu simili percurrit. Deinceps Vir prudentissimus Hispalensis Sedis Isidorus Episcopus eodem ductu quosque Viros optimos reperit, in adnotationem subjunxit. Siquidem non omnia perscrutatus abscessit. Post hunc
in

(a) Sancti Ildefonsi librum de Viris Illustribus addidimus, quoniam propter argumenti similitudinem in omnibus nostris libris Isidoro adjunctus reperitur. Quin, & Ildefonsus ipse eum se Isidoro addidisse præfatur.

in nostris partibus incuria cunctos invasit, ita ut quaedam vetusta antiquitas operiret, & quam plurima nova neglectus oblivionis absconderet. Ast ego procul valde impar, & his quos adnotatio retinet, & illis quos renotatio delectavit, indignusque satis, & absque substantia totius boni operis, successorque sanctæ memoriæ alterius Eugenii factus in Sede illa gloriosa Toletana Urbis (quam non ex hominum immenso Conventu gloriosam dico, cum hanc, & gloriosorum illustret presentia Principum, sed ex hoc, quod coram timentibus Dominum iniquis atque justis habetur locus terribilis, omnique veneratione sublimis) conatus sum, & si non elegans studium, vel obsequelam voluntatis bonæ illorum miscere memoriæ gloriosæ Sedis: ne incurrerem ex silentio damnum, si tam gloriosæ Sedis, tamque gloriosorum Virorum clarescentem memoriæ lucem tenebrosa nube silensii contexissem. Fertur namque ex antiquitate veteri, quod potuisse fieri cernitur exemplo temporis novi. Nam Montanus Sedis ejusdem Beatissimus Præsul, ut à se conjugalis conversationis infamiam propulsaret, tandiū adsumptos veste candentes narratur tenuisse carbones, donec Domino consecrans oblationem, totius per semetipsum compleret Missæ celebritatem. Quo sacrificio expleto, prunarum ignis cum decore vestis adeò in concordiam venit, ut nec vestis vim exstingueret ignis, nec vis ignis statum læderet vestis. Rursùm cum Helladio Episcopo Sedis ejus Justus Diaconus fastu superbia insultaret, post mortem quidem sui Pontificis vixit Episcopus, & ipse tabefactus sed in reprobum versus sensum, ob intemperantiam morum à Ministris Altaris sui dormiens, strangulatus laqueo expiravit. Item cum successori ejus Justo Episcopo Gerontius Presbyter, Principis oblectamine fatus, contemptum adversitatemque deferret, tam repentino motu vim perdidit intellectus, ut multis Medicorum curationibus actò quidquid in medelam fieret, totum in pestis augmentum cresceret. Sicque perinvaluit commotio mentis, ut usque ad obitum suum horror esset homini ejus, vel participatio visionis, vel colloquium oris. Adhuc etiam successori in locum ejus Eugenio Priori Lucidius Diaconus suus, cum in nexus amicitie seculari, violenter honorem Presbyterii, & quaedam prædia extorsisset, tam in reprobum sensum tamque in languoris supereminentem pervenit statum, ut cum vivere recusaret, tam mori esset quod viveret, quam vivere, quod mori vellet. Horum ergò bonorum studiis provocatus, quaque vetera, antiquorum relatu reperi, quaque nova exhibitione temporis didici, orsu linguae, quo potui subnotavi, ut illorum bonæ memoriæ jungar, à quibus prava operatione disjungor. Et qui cum illis in templo Dei non infero doctrinæ copiam, offerentium commendem fideli obsequela memoriæ, obsecrans omnes, ut me divinæ ingerant pietati. Quare illos humanæ memoriæ ex qua labi poterant, tenaciter commendavi. Sanè beatissimum Grego-

rium sanctæ memoriæ Isidorus adnotaverat : sed quia non tantum de operibus ejus dixit , quantum nos sumus experti , ideo renotationem illius submoventes , quaque de illo novimus stylo pleniore notamus.

I	Gregorius Papa Romanus.	IX	Isidorus Episcopus Hispalensis.
II	Asturius Episcopus Toletanus.	X	Nonnitus Episcopus Girundensis.
III	Montanus Episcopus Toletanus.	XI	Conantius Episcopus Palentinus.
IIII	Donatus Monachus Afer.	XII	Braulio Episcopus Cesar-August.
V	Aurasius Episcopus Toletanus.	XIII	Eugenius Episcopus Toletanus.
VI	Joannes Episcopus Cæsaraugust.	XIIII	Eugenius alter Episcopus Toletanus.
VII	Helladius Episcopus Toletanus.		
VIII	Justus Episcopus Tolenatus.		

CAPUT PRIMUM.

Gregorius ⁽¹⁾ Papa Romanæ Sedis, & Apostolicæ Præsul, compunctione timoris Dei plenus, & humilitate summus, tantoque per gratiam Spiritus Sancti scientiæ lumine præditus, ut non modo illi præsentium temporum quisquam, sed nec in præteritis quidem par fuerit unquam. Ità enim cunctorum meritorum claruit perfectione sublimis, ut exclusis omnibus illustrium virorum comparisonibus, nihil illi simile demonstret antiquitas. Vicit enim sanctitate Antonium, eloquentia Cyprianum, sapientia Augustinum: Hic namque in exordio Episcopatus sui edidit librum Regulæ Pastoralis, directum ad Joannem ⁽²⁾ Constantinopolitanæ Sedis Episcopum, in quo docet qualis quisque ad officium regiminis veniat, vel qualiter dum venerit, vivere, vel docere subjectos studeat. Scripsit præterea, exceptis

opusculis de quibus Isidorus Beatæ memoriæ mentionem facit, idem excellentissimus Doctor, & alios libros Morales, videlicet, super Ezechielem Prophetam Homilias viginti duas in libris duobus compactas, in quibus multa de Divinis Scripturis mystico, ac morali sensu luculentè necnon, & facundo sermone disseruit. Super librum Salomonis, cui titulus est Canticum Canticorum, quam mirè scribens, morali sensu opus omne exponendo percurrit. De Vitis Patrum per Italiam commemorantium edidit etiam libros quatuor, quos volumine uno compegit, quem quidem codicem Dialogorum maluit appellari. In quibus libris, quanta divinitatis lateant Sacramenta, & in amore cœlestis Patriæ mira documenta, studiosus potest facile cognoscere lector. Extant, & ipsius ad diversos Epistolæ plurimæ, limato quidem, & claro stylo digestæ, quas qui perlegerit, liquido adverteret, &

(1) Gregorii Papa Vita, quam se scripsisse Ildefonsus ait, in omnibus desiderabatur exemplaribus Ildefonsi, præter unum illud Monasterii Fontis Sancti, unde nos bonam partem libelli Isidori de Viris Illustribus sumpsimus.

(2) Ità Isidorus, licet in impressis, Ravennatim,

& in eo ad Deum rectam fuisse intentionem, & ad animarum zelum omni vigilantia, & cura exitisse solertem. Has itaque uno volumine artans, in libris duodecim distinxit, Registrum nominandum esse decrevit. Fertur, & alia opuscula edidisse egregia, sed ad manus nostras nondum pervenerunt. Felicissimus tamen, & nimium felix, cui dedit Deus studiorum ejus omnia perpendere dicta. Floruit namque vir iste sublimis, ac Beatissimus Doctor, & Præsul Mauricio Augusto regnante.

CAPUT II.

Asturius ⁽¹⁾ post ⁽²⁾ Audentium in Toletana Urbe, Sedis Metropolis Provinciæ Carthaginis Pontifex successor obvenit, Vir egregius adsignans opera virtutum plus exemplo vivendi, quam calamo scribentis. Hic, & sacerdotio beatus, & miraculo dignus, quia quibus jungeretur in Cœlo, eorum terreno reperire membra meruit in sepulcro. Nam cum Sedis suæ sacerdotio fungeretur, divina dicitur revelatione commonitus Complutensi sepultos municipio, quod ab Urbe ejus ferme sexagesimo milliario situm est, ⁽³⁾ Dei Martyres perscrutari. Qui concitus adcurrrens, quos, & tellus aggeris, & oblivio temporis præserat, in lucem, & gloriam terrenæ cognitionis provehendos invenit. Quibus repertis, redire in sedem renuens, servitute simul, & assiduitate sanctis innexus, diem clausit extremum. Cujus tamen Sedem, donec vixit, nemo adiit. Indè, ut antiquitas fert, in To-

leto Sacerdos nonus, & in Compluto agnoscitur primus.

CAPUT III.

Montanus ⁽⁴⁾ post Celsum primæ Sedis Provinciæ Carthaginis Toletanæ Urbis Cathedram tenuit: homo, & virtute spiritus nitens, & eloquii opportunitate decorus, regimen honoris retentavit, ac disposuit, condigno, cœlestique jure simul, & ordine. Scripsit Epistolas duas Ecclesiasticæ utilitatis disciplina consertas, è quibus unam Palentinæ habitatoribus, in qua Presbyteros chrisma conficere, Episcoposque alienæ Diocesis alterius territorii Ecclesias consecrare, magna perhibetur, prohibere auctoritate, Sacrarum Litterarum testimoniis affirmans, id ipsum fieri penitus non licere. Amatores quoque Priscillianæ sectæ, licet non operarentur eadem, quia tamen memoriam ejus amore retinerent, abdicat, & exprobrat commemorans quod in libris Beatissimi Turibii Episcopi ad Leonem Papam missis, eadem Priscillianorum hæresis detecta, convicta, atque decentè maneat abdicata. Aliam verò Epistolam ad Turibium religiosum, in qua collaudans eum, quod culturam destruxerit idolorum, committit ei Sacerdotalis auctoritatem vigoris, per quam Presbyteros chrisma conficere, & Episcopos alienæ sortis alterius Diocesis Ecclesias consecrare magna compescat invectione. Hic vir antiquissima fidelique relatione narratur, ad exprobationem infamiæ tamdiù prunas tenuisse in vestimento ar-

P 3

den-

(1) Asturius, fortè qui in 1. Concil. Tolet.

(2) Audentii Episcopi Hispani meminit Gennadius.

(3) Sanctos factum, & Pastorem pastos sub Datiano, de quibus Prudentius.

(4) Montani Archiepiscopi Toletani duas Epistolas, quarum Ildesontus meminit, nos habemus nondum editas. Itè verò Turibius, ad quem Montanus scribit, Monachus, fuit Palentinus, valde diversus à Sancto Turibio Asturicensi Episcopo, cujus corpus Lebana apud Astures colitur. Est, & tertius Turibius Notarius Romana Sedis, cujus mentio fit primo Concilio Bracarense.

dentes, donec coram Sedis suæ sacro Altari totius Missæ celebritatem per semetipsum expleret. Peraçtis autem sollemnibus, nec prunæ ignem, nec vestis inventa est amisisse decorem. Tunc Deo relatis gratiarum actionibus, per simplicem naturam ignis convicta est, & fallacia detestabilis accusantis, & innocentia beatissima Sacerdotis. Gloriosus habitus fuit ⁽¹⁾ temporibus Amalarici Regis: annis novem Pontificatus tenuit dignitatem.

CAPUT IV.

DOnatus, ⁽²⁾ & professione, & opere Monachus, cujusdam eremitæ fertur in Africa extitisse discipulus. Hic violentias barbararum gentium imminere conspiciens, atque ovilis dissipationem, & gregis Monachorum pericula pertimescens, ferme cum septuaginta Monachis, copiosisque librorum codicibus navali vehiculo in Hispaniam commeavit. Cui ab illustri, religiosaque foemina Minicea, subsidiis, ac rerum opibus ministratis, ⁽³⁾ Sirvitanum Monasterium visus est construxisse. Iste prior in Hispaniam monasticæ observantiæ usum, & Regulam dicitur adduxisse: tam vivens virtutum exemplis nobilis, quam defunctus memoriæ claritate sublimis. Hic in præsentī luce subsistens, & in crypta sepulcri quiescens, signis quibusdam proditur effulgere salutis, undè, & Monumentum ejus honorabiliter colere perhibentur incolæ regionis.

CAPUT V.

AUrasius Toletanæ Ecclesiæ Pontifex, Metropolis Urbis; post Adelphium in loco asciscitur Sacerdotis, Vir bonus, regiminis auctoritate præclarus, domesticis rebus bene dispositus, adversitatibus infixis constantè erectus: qui quantò extitit temperior mansuetis, tantò fortior semper fuit inventus adversis. Plus illi intentio in defensione veritatis, quam in scribendi exercitio mansit: undè perfectissimis Viris compar habetur, quia, quæ de verbo illorum prædicatione seminavit, defensionis hujus custodia præmunivit. Vixit in sacerdotio temporibus Witterici, Gundemari, & exordiis Sisebuti Regum, annis ferme duodecim.

CAPUT VI.

JOannes ⁽⁴⁾ in Pontificatu ⁽⁵⁾ Maximum secuutus, Ecclesiæ Cæsaraugustanæ Sedem ascendit. Primo Pater Monachorum, & ex hoc Præsul factus in regimine populorum: Vir in Sacris Litteris eruditus, plus verbis intendens docere, quam scriptis, tam largus, & hilaris dato, quam hilaris, & vultu. Unctionem namque spiritus Dei, qua fovebatur interius, tam largitate muneris, quam habitudine vultus adeo præferebat, ut, & datum gratia commendaret, & non datum gratia excusaret. In Ecclesiasticis Officiis quædam elegantè, & sono, & oratione composuit. Annotavit inter hæc, inquirendæ Paschalis sollemnitatis tam subtile, atque utile argumentum, ut

le-

(1) Et ita subscribit Montanus in 2. Concil. Tolet. anno 5. Amalarici.

(2) Donatum mirabilem operatorem vocat Joann. Biclav. anno 572.

(3) De Sirvitano Isidorus in Eutropio.

(4) Joannes frater Braulionis infra cap. 12.

(5) De Maximo Isidorus de Viris Illustribus cap. 46.

lectori, & brevis contracta, & veritas placeat patefacta, duodecim annis tenuit sedem honoris, adeptus vitam gaudio, ad quam anhelavit desiderabili voto. Substitit in sacerdotio temporibus Sisebuti, & Suinthilani Regum.

CAPUT VII.

Helladius, post Aurasium, Sedis ejus adeptus est locum. Hic, cum regiae aulae illustrissimus, publicarumque rector existeret rerum, sub seculari habitu Monachi votum pariter explebat, & opus. Nam ad Monasterium nostrum (illud, Agaliense dico, cujus me susceptio Monachum tenuit, quod munere Dei, perennisque ac patentis sanctitatis decore, & opinabile cunctis, & palam est totis) quam sæpè discursantium negotiorum ductus itinere perveniret, remota clientum, seculique pompa decoris, adeo Monachorum peculiaritatibus inhærebat, ut turmis junctus eorum, stipularum fasciculos ad clibanum deportaret. Cumque inter decorem insolentiamque seculi, solitudinis, & amaret, & sectaretur arcana, celeri fuga, relictis omnibus, quæ esse noverat mundi, adiit sanctum Monasterium, quod frequentaverat voto, venit permansurus optabili usu. Ibi factus Monachis Pater, meritis, studiisque Sanctis, & vitam Monachorum debite rexit, & statum Monasterii totius, communis rei divitias cumulavit. Ex hoc fessis penè senio artubus, ad Pontificatus apicem evocatur, & quia vocaretur vi coactus, pariter, & ignotus, illic majora virtutum exempla, quam Monachus dedit. Quia statum mundi, quem contempsit virtute,

magna perhibetur rexisse discretionem, miserationes, eleemosynarumque copias tam largitè egenis intulisse probatur, ac si de illius stomacho putasset inopum, & artus descendere, & viscera confoveri. Scribere renuit, quia quod scribendum fuit, quotidianæ operationis pagina demonstravit. Me ad Monasterium rediens memoratum, ultimo vitæ suæ tempore Levitam fecit. Senex obiit, decem, & octo annis sacrum regimen tenuit. Temporibus Sisebuti Suinthilani, & exordiis Sisenandi Regum beatus habitus fuit: qui post beatorum Gloriam Cœlestis Regni bona plenus senectute promeruit.

CAPUT VIII.

Justus Helladii Discipulus, illique successor innexus est: Vir habitudine corporis, ingenioque mentis decorus atque subtilis, ab infantia Monachus, ab Helladio ad virtutem Monasticæ institutionis affatim educatus, pariter, & instructus, in Agaliensi Monasterio tertius post illum rector est factus. In Pontificatu autem mox illi successor inductus, Vir ingenio acer, & eloquio sufficiens, magna spe profuturus, nisi hunc ante longævam vitam dies abstulisset extrema. Scripsit ad Richilanem Agaliensis Monasterii Patrem Epistolam debita, & sufficienti prosecutione constructam, in qua patentèr adstruit susceptum gregem relinquere penitus non debere. Exiit rector annis tribus, ⁽¹⁾ tempore Sisenandi obiit, qui Rex post hunc die nona decima defunctus accessit.

CA-

(1) Subscribit in 4. Concil. Toletan. ann. 3. Sisenandi.

CAPUT IX.

Isidorus post Leandrum fratrem Hispalensis Sedis Provinciæ Bethicæ Cathedram tenuit, Vir decore simul, & ingenio pollens: nam tantæ iucunditatis affluentem copiam in eloquendo promeruit, ut ubertas admiranda dicendi ex eo in stuporem verteret audientes, ex quo audita bis, qui audisset non nisi repetita sæpius commendaret. Scripsit Opera, & eximia, & non parva, id est, librum de Genere Officiorum, librum Procemiorum, librum de Ortu, & Obitu Patrum, librum Lamentationis quem ipse Synonymorum vocavit, libellos duos ad Florentinam sororem contra nequitiam Judæorum, librum de Natura Rerum ad Sisebutum Principem, librum Differentiarum, librum Sententiarum, collegit etiam de diversis Auctoribus, quod ipse cognominat, secretorum expositiones Sacramentorum: quibus in unum congestis, idem liber dicitur Quæstionum. Scripsit quoque in ultimo ad petitionem Braulionis Cæsaraugustani Episcopi librum Etymologiarum, quem cum multis annis conaretur perficeret, in ejus Opere diem extremum visus est conclusisse. Floruit temporibus Reccaredi Liuvani, Witterici, Gundemari, Sisebuthi, Suinthilani, & Sisenandi Regum, annis ferè quadraginta tenens Pontificatus honorem, insignemque doctrinæ sanctæ gloriam pariter, & decorem.

CAPUT X.

Nonnitus post ⁽¹⁾ Joannem in Gerundensi Sede Pontifex accessit, Vir professione Monachus, simplicitate perspicuus, Actibus Sanctus; non hominum diutina deliberatione, sed Dei per homines celeri definitione in Pontificatum adscitus: adhærens instantèr obsequiis Sepulcri Sancti ⁽²⁾ Felicis martyris. Rexit Ecclesiam Dei meritorum exemplis amplius, quam verborum edictis. Hic, & in corpore degens, & in sepulcro quiescens, fertur salvationis operari virtutes. Substitit temporibus Suinthilani, & Sisenandi Regum.

CAPUT XI.

Conantius ⁽³⁾ post Murilanem ⁽⁴⁾ Ecclesiæ Palentinæ Sedem adeptus est, Vir tam pondere mentis, quam habitudine speciei gravis, communi eloquio facundus, & gravis, Ecclesiasticorum Officiorum ordinibus intentus, & providus: nam melodias soni multas novitèr edidit. Orationum quoque libellum de omnium decentèr conscripsit proprietate Psalmorum. ⁽⁵⁾ Vixit in Pontificatu amplius triginta annos, dignus habitus fuit ab ultimo tempore Witterici per tempora Gundemari, Sisebuthi, Suinthilani, Sisenandi, & Chintilæ Regum.

CAPUT XII.

Braulio ⁽⁶⁾ frater Joannis in Cæsaraugusta decedentis adeptus est lo-

(1) Joannem Biclarensis Abbatem, de quo Isidorus cap. 44.

(2) Felix Gerundensis Martyr, de quo Prudentius in 18. marty. & Eulogius.

(3) Conant, in Concil. Tolet. 456.

(4) Attila subscribit in 3. Concil. Tolet. Episcopus Palentinus non Amalensis, ut in impres.

(5) Itaque moritur circa annum 638.

(6) Ad quem scribit Isidorus.

locum, vir sicut germanitate conjunctus, ita non ⁽¹⁾ minimum ingenio minoratus. Clarus, & iste habitus canonicus, & quibusdam opusculis. Scripsit ⁽²⁾ vitam Æmiliani cujusdam Monachi, qui, & memoriam hujus, & virtutem illius Sancti Viri suo tenore commendat pariter, & illustrat. Habuit sacerdotium ferme viginti annis: quibus expletis clausit diem vitæ præsentis. ⁽³⁾ Duravit in regimine temporibus Sisenandi, Chintilæ, Tulfanis, & Chindasuinthi Regum.

CAPUT XIII.

Eugenius ⁽⁴⁾ Discipulus Helladii conlector, & consors Justi, Pontifex post Justum accedit, ab infantia Monachus, ab Helladio cum Justo pariter sacris in Monasterio institutionibus eruditus. Hunc secum Helladius à Monasterio tulit ad Pontificatum tractus, qui rursus ab eo clericalibus institutus ordinibus, sedis ejus post illum tertius rector accessit. Et bonum meritum senis, qui duobus discipulis sanctisque filiis Ecclesiæ Dei hæreditatem meruit relinquere gubernandam. Idem Eugenius moribus incessuque gravis, ingenio callens. Nam numeros, statum, incrementa, decrementaque cursus, recursusque lunarum tanta peritia novit, ut considerationes disputationis ejus auditorem, & in stuporem verterent, & in desiderabilem doctrinam inducerent. Vixit in

sacerdotio fere undecim annis, regnantibus Chintila, Tulfane, & Chindasuintho Regibus.

CAPUT XIV.

Item Eugenius alter post Eugenium Pontifex subrogatur. Hic cum Ecclesiæ regni Clericus esset egregius, vita Monachi delectatus est. Qui sagaci fuga Urbem Cæsaraugustanam petens, illic Martyrum Sepulcris in hæsit, ibique studia sapientiæ, & propositum Monachi decenter incoluit: undè principali violentia reductus, atque in Pontificatum adscitus, vitam plus virtutum meritis, quam viribus egit. Fuit nanque corpore tenuis, parvus robore, sed validè fervescens spiritus virtute, studiorum bonorum vim persequens, cantus pessimis usibus vitiatos, melodiæ cognitione correxerat, officiorum omissos ordines, curamque discrevit: Scripsit de Sancta Trinitate libellum, & eloquio nitidum, & rei veritate perspicuum, qui Libyæ, & orientis partibus mitti quam totius poterat, nisi procellis resultantia freta incertum pavidis iter viatoribus distulissent. Scripsit, & duos libellos, unum diversi carminis metro, alium diversi operis prosa, concretos, qui ad multorum industriam, ejus ex hoc tenaciter sanctam valuerunt commendare memoriam. Libellos quoque ⁽⁵⁾ Dracontii de Creatione mundi conscriptos, quos antiquitas protulerat vitia-

(1) *Al. Nimum.*

(2) *Extat manuscripta.*

(3) *Itaque mortuus circa annum 646.*

(4) Eugenius Archiepiscopus Toletanus videntur Gotthi cognovisse duos tantum, Itaque secundum, siquid alterum vocant Ildefonsus, Julianus, & Felix illum, quem nos tertium. Temporis enim vetustas oblivione obruerat Eugenium primum Martyrem à Dionysio Areopagita Toletanus missum, de quo meminit Ildephus Abbas, & Sancti Gerardi vita, & concors denique Ecclesia Parisiorum, atque Toletanorum. Anno tandem Christi 1148, Raymundus Archiepiscopus Toletanus ad Concilium Remense profectus in Eugenii monumentum Lutetia incidit, & rei gesta Historiam sepulchrique locum nostris primis nuntiavit. Nuper autem Philippus II. Rex Hispaniarum religiosissimus, hujus S. Eugenii Martyris Corpus ex Gallia ad se allatum anno 1565, celeberrima pompa excepit, & Ecclesiæ donavit Toletana, Dracontius porro Poeta cujus hic fit mentione jam diu fertur impressus, non tamen ut fuerat ab Eugenio emendatus, sed hanc Eugenii emendationem vidi in illo vetusto Codice Ruyzii Azagrilii, cujus supra mentionem feci.

(5) *De Dracontio Isidor. cap. 37.*

Hactenus Ildefonsus.

tios, ea, quæ inconvenientia reperit, subtrahendo, immutando, vel meliora conjiciendo, ita in pulchritudinis formam coegit, ut pulchriores de artificio corrigentis, quàm de manu processisse videantur Auctoris. Et quia de die septimo idem Dracontius omninò reticendo, semiplenum opus visus est reliquisse, iste, & sex dierum recapitulationem singulis versiculis renotavit, & de die septimo, quæ illi visa sunt, elegantè dicta subjunxit. Clarus habitus fuit temporibus Chindasuinthi, & Reccesuinthi Regum, fere duodecim annis tenens dignitatem simul, & gloriam Sacerdotis, sicque post lucis mundialis occasum, in Basilica Sanctæ Leocadiæ tenet habitatione sepulcrum.

Hinc (1) Julianus.

Ildefonsus memoria sui temporis clarus, & irriguis eloquentiæ fluminibus exornans secula ætatis nostræ, novissimè Toletanæ Sedis ascitus in Cathedram, Præsul post secundum Eugenium in Sacerdotium consecratur, Vir tantâ laude dignissimus, quantâ, & virtutum gratia numerosus. Fuit denique timoris Dei instantia præditus, religione compunctus, compunctione profusus, incensu gravis: honestate laudabilis, patientia singularis, secreti tacitus, sapientia summus, disserendi ingenio clarus, eloquendi facultate præcipuus, linguæ flumine copiosus, tantoque eloquentiæ cothurno celebris habitus, ut disputationum ejus profusa oratio dum porrectè dirigitur, meritò non homo, sed Deus per hominem affatim eloqui crederetur. Hic igitur sub rudimentis adhuc infantiae degens, divino tactus spiritu, vita dele-

ctatus est Monachorum, contemptisque parentum, rerumque mundanarum affectibus, Agaliense Monasterium petiit, cujus fugam rabido furore insequens pater, uno tantum maceriæ impeditus est obice, quo, & furoris est delusa quæsitio, & fugientis salvata devotio. Nempè parentis furor dum percitus in interiora prætenderet, latibulum, quo hic Vir oculabatur, reliquit. Sicque præterita incurata pertransiit, & in anterioribus, quæ præterierat, inquisivit. Armata deindè manu Agaliensem cellam impetens gladio, dum quæsitus non invenit, rediens in propriam, ut perditum deploravit. Percognita igitur præfatus Vir absentia parentali, Agaliense illico Monasterium adiit, Monachumque se in eo multis ferè annis decentè exhibuit. Cœnobium quoque Virginum in Deibienſi villula construxit, ac propriis opibus decoravit. Rector deindè effectus Agaliensis Cœnobii Monachorum mores exercuit, rem discrevit, vitamque servavit. Principali post hæc violentia Toletum reducit, atque inibi post decessoris sui obitum Pontifex subrogatur. Scripsit sanè quam plurimos libros luculentiori sermone potissimos, quos idem in tot partibus censuit dividendos, id est, librum Prosopopejæ imbecillitatis propriæ, libellum de Virginitate Sanctæ Mariæ contra tres infideles, opusculum de Proprietate Personarum Patris, & Filii, & Spiritus Sancti, opusculum Annotationum actionis diurnæ, opusculum Annotationum in Sacris, librum de Cognitione Baptismi unum, & de Progressu spiritualis deserti alium. Quod totum primæ partis voluit volumini connectendum. Partis quoque secundæ liber

Epis-

(1) Julianus Archiepiscopus Toletanus, de quo infra. Felici hæc etiam tribuuntur in aliquibus Codicibus.

Epistolarum est, in quo diversis scribens, ænigmaticis formulis egit, personasque interdum induxit. In quo etiam à quibusdam luculentiora scriptorum responsa promeruit. Partem sanè tertiam missarum esse voluit, hymnorum, atque sermonum, ulterioris denique partis liber est quartus versibus, prosaque concretus, in quo epitaphia, & quædam sunt epigrammata annotata. Scripsit autem, & alia multa quæ variis rerum ac molestiarum occupationibus impeditus, aliqua cœpta, aliqua semiplena reliquit. Ascitus autem in Pontificatum nono gloriosi Reccesuinthi Principis anno, novem annis, & duobus ferè mensibus, clarus habitus fuit vitæ meritis, & retentatione regiminis, expletoque octavo decimo prædicti Principis anno, sequenti die decimo Kalendas Februarii, domicilio carnis exiit, atque in Ecclesia Beatæ Leocadiæ⁽¹⁾ tumulatur ad pedes sui conditus decessoris, cum quo creditur æterno frui receptaculo claritatis.

Hinc (2) Felix.

Julianus Discipulus Eugenii Secundi, Carthaginis Provinciæ Metropolitanus, post beatæ memoriæ Quiricum quarto in loco præceptorem suum sequens, Urbis Regiæ Pontificale culmen adeptus est: cujus videlicet Civitatis proprius Civis extitit, atque in ejusdem Urbis principali Ecclesia Sacrosancti Baptismatis fluentis est lotus, & illic ab ipsis rudimentis infantia enutritus. Deniquè dum ad puerilis formæ devenisset ætatem, sanctæ memoriæ collegæ sui⁽³⁾

Gudilani Levitæ ità sociali vinculo est innexus, & individuae charitatis unione conjunctus, ut, & ambos inviolabilis charitas unum esse ostenderet, & unitas in ambobus præfixa non duas animas, sed unam his inesse monstraret. Tanta itaque erat inter eos adeptæ unanimiatis communio, ut secundum Actuum Apostolorum Historiam in duobus corporibus unum cor tantum putaretur, & anima una: sistebant quippè in consilio providi, in definitione uni, in laudabili operatione concordes. Quique divino afflante spiritu theoreticæ, id est, contemplativæ quietis delectati sunt perfrui bono, & Monasticæ institutionis constringi repagulo. Sed quia aliter in superni numinis fuit judicio, eorum est nihilominus frustrata devotio. Quamquam tamen minimè peregissent desiderati itineris cursum, non tamen desierunt à piæ devotionis studio. Et dum sibi mallent tantum prodesse perfugam, cœperunt postmodum proximorum salute votis gliscentibus niti. Erant enim in subditis docendis operosæ virtutis, in profectu eorum desiderabiles, in servitute Dei ferventes, in desiderio decoris domus Domini strenui, in seniorum obedientia præsto, atque si fieri posset, ut omnium emolumentum obtinerent virtutum, animis ferventioribus studebant. Igitur divinorum judiciorum dispensatione, sanctæ recordationis Gudila Diaconus sexto Idus Septembris funestæ mortis eventu, anno octavo Wambanis Principis sub digna confessione Dei clausit supremum curriculum, cujus corpusculum in Monasterio S. Felicis, quod est Cabensi in vil-

(1) Nunc Corpus est Zamora.

Haftenus Julianus.

(2) Felix Archiepiscopus Tolitanus.

(3) Gudila in Concil. Tolet. 11.

villula dedicatum , dilectissimi socii sui exhibitione honorificè requiescit humatum. Post ejus itaque discessum aliquantula intercapedine temporum, post sanctæ memoriæ Quiricum idem egregius Julianus præfatæ Urbis est unctus Primatu , tantò laudis titulo prædicandus , quantò diversarum virtutum ope suffultur , suis temporibus mirificè composuit Ecclesiam Dei. Quinimmodò ut ex quo tempore clarescere cœperit , per hunc trutinum , & telam stamine piæ relationis pandam. Post decessoris sui obitum divinæ memoriæ Ildefonsi , à ⁽¹⁾ decimo septimo fermè anno Reccesuinthi Principis , necnon , & per omne Wambanis Imperii tempus usque ad tertium Regni gloriosissimi Egicanis Regis annum , in Levitici Presbyterii , ac Pontificatus honore consistens , celebre nomen obtinuit. Fuit enim Vir timore Domini plenus , prudentia summus , consilio cautus , discretionis bono præcipuus , eleemosynis nimium deditus , in revelatione miserorum promptissimus , in succellu oppressorum devotus , in interveniendo discretus , in negotiis dirimendis strenuus , in providendis judiciis æquus , in sententia parcus , in vindicatione justitiæ singularis , in disceptatione laudabilis , in oratione jugis , in divinarum laudum exolutione mirabilis. Quod si forsàn in Oficiis Divinis , quidquam , ut solet , difficultatis occurreret , ad corrigendum facillimus , pro sacris luminibus vehementer admonitus , in defensione omnium Ecclesiarum eximius , in regendis subditis pervigil , in comprimendis superbis erectus , in sustentatione humilium apparatus , debita auctoritate munificus , amplectendæ humilitatis bono opi-

mus , ac generalitèr universa morum probitate conspicuus , in pietate affluens , ut non esset , cui in angustiis constituto non subvenire vellet : ita unius charitatis exuberans , ut non à se boni quidpiam cuique postulanti ex charitate præstare desisteret , sic denique se Deo charum maluit exhibere in omnibus , & præstabilem hominibus cunctis ostenderet , ut , & illi usquequaque placeret , & hominibus propter Deum , si fieri potest , devota satisfaceret mente. Tantò nobilium præcedentium Virorum dignis meritis cœquans , quantò ab eis in nullo virtutum corpore extitit infimus. Ecclesiasticos itaque benè habitos ordines in sui regiminis sede sollicitiori cura servavit , vitiatos utilitèr sub correxit : minus habitos prudenti dispositione instituit , ac de officiis quam plurima dulciflavo sono composuit. At nunc , quoniam Sancti Spiritus ubertate repletus , & irrigui fontis affluentia præditus fuit , summam librorum ejus , quos per eum Deus ad utilitatem Ecclesiæ suæ deprompsit , istinc Lector addisce. Conscriptis etenim librum Prognosticorum futuri seculi ad beatæ memoriæ Idalium Episcopum directum , habentem in capite Epistolam , quæ ipsi est directæ , & orationem. Cujus Codicis opus discretum in tribus libris habetur. Ex quibus , primus de Origine Mortis humanæ est editus : secundus de Animabus Defunctorum , quomodò sese habeant antè suorum corporum resurrectionem : tertius de Suprema Corporum resurrectione. Item librum responsionum ad quem suprâ directum , in defensionem Canonum , & Legum , quibus prohibentur Christiana mancipia dominis infidelibus deservire. Item

Apo-

(1) 18. dicitur in Ildefonso.

Apologeticum fidei, quod Benedicto Romanæ Urbis Papæ directum est. Item aliud Apologeticum de tribus capitulis, de quibus Romanæ Urbis Prasul frustra visus est dubitasse. Item libellum de Remediis blasphemiarum cum Epistola ad Adrianum Abbatem. Item librum de sextæ Ætatis comprobatione, qui habet in capite orationem, & Epistolam ad Dominum Ervigium Regem. Et tamen idem codex tribus libris distinctus. Nam primus eorum habet Veteris Testamenti quàm plurima documenta, quibus absque aliqua supputatione annorum, Christus Dei Filius non nasciturus, sed jam natus patulè declaratur. Secundi verò series libri decurrit per ostensam Apostolorum doctrinam, quæ dilucidè monstrat, Christum in plenitudine temporis de Maria Virgine natum, non in annis à principio mundi collectis. Terti quoque libri excursus sextam ætatem, in qua Christus natus est, haud dubiè adesse veris documentis ostendit. In quo quinque præteritæ ætates seculi non in annis, sed præfixo generationum limite, distinguuntur. Item librum carminum diversorum, in quo sunt hymni, epitaphia, atque de diversis causis epigrammata numerosa. Item librum plurimarum Epistolarum. Item librum sermonum, in quo est opusculum modicum de vindicatione Domus Dei, & eorum qui ad eam confugiunt. Item librum de Contrariis quod Græcè ἀντικειμένων voluit titulo adnotari, qui in duobus divisus est libris, ex quibus primus dissertationes continet Veteris

Testamenti, secundus Novi. Item librum Historiæ de eo quod Wambæ Principis temporis Galii extitit gestum. Item librum Sententiarum, ex decade Psalmorum B. Augustini breviter, summarimque collectum. Item excerpta de libris S. Augustini contra Julianum hæreticum collecta. Item libellum de Divinis Judiciis, ex sacris voluminibus collectum, in cujus principio est Epistola ad Dominum Ervigium, comitatus sui tempore, pro eodem libello directæ. Item librum Responsionum contra eos, qui confugientes ad Ecclesiam persequuntur. Item librum Missarum de toto Circulo anni, in quatuor partes divisum: in quibus aliquas vetustatis incuria vitiatas, ac semiplenas emendavit atque complevit, aliquas verò ex toto composuit. Item librum Orationum de Festivitatibus, quas Toletana Ecclesia per totum circulum anni est solita celebrare, partim stylo sui ingenii depromptum, partim etiam inolita antiquitate vitiatum, studiosè correctum in unum congescit, atque Ecclesiæ Dei usibus ob amorem reliquit sanctæ religionis. Præsulatus autem honorem, & Sacerdotii dignitatem annis decem obtinuit, mense uno, diebus septem. Quique etiam inevitabilis mortis præventus occasu, anno tertio⁽¹⁾ Egicanis Principis pridie Nonas Martii, æra septingentesima vigesima octava diem vitæ clausit extremum, ac sic in Basilica gloriosissimæ S. Leocadiæ virginis sorte sepulchrali est tumulatus.

Q

DI-

(1) Juliani Archiepiscopi Toletani feruntur, jam alio quot opera typis excusa: nempe Prognosticon ad Italium Barcinonensem Episcopum, & de sexta ætatis comprobatione ad Eurigium Regem Gothorum: quamquam hoc falso inscribitur contra Jud. os. Sed illud multo minus ferendum, quod aliqui hunc nostrum vocent Pomerium, cum ille Pomerius cujus Gennadius & Lidoius meminere longe sit nostro antiquior, & sæpi ab ipso citetur. Reddamus quoque nostro Juliano Toletano, ut verè Auctor, librum ἀντικειμένων, sive contrariorum, qui hactenus sine nomine Auctoris fertur cum Junilio Africano. Eum nos Juliani esse deprehendimus admoniti verbis Felicis, & multis locis, quos ex libro ἀντικειμένων Juliani citat Samion Abbas libro adversus Hostigesium Episcopum Malacitanum, quod opus scriptum anno Christi 864. legi in Bibliotheca Ecclesiæ Toletana. Habeo, & Historiam à Juliano editam de Rebelle Pauli Ducis Narbonensis in Wambam Regem Gothorum. Eum idcirco cum aliis veteribus cogito, volente Deo: in lucem dare.

DIVI ISIDORI HISPALENSIS EPISCOPI DE ORTU, ET OBITU PATRUM, QUI IN SCRIPTURA LAUDIBUS EFFERUNTUR PRÆFATIO.

QUORUMDAM Sanctorum Patrum nobilissimorumque Virorum ortus, vel gesta cum genealogiis suis in hoc libello indita sunt: dignitas quoque, & mors eorum, atque sepultura, sententiali brevitatem notata. Quæ, quamvis omnibus nota sint, qui per amplitudinem percurrunt scripturarum: facilius tamen ad memoriam redeunt, dum brevi sermone leguntur.

EX VETER. TESTAMENT.

I	Adam.	XXVII	Josué.
II	Abel.	XXVIII	Phinees.
III	Enoch.	XXIX	Gedeon.
IIII	Noë.	XXX	Jephth.
V	Melchisedec.	XXXI	Samson.
VI	Abraham.	XXXII	Samuël.
VII	Isaac.	XXXIII	David.
VIII	Jacob.	XXXIII	Salomon.
IX	Lot.	XXXV	Elias.
X	Joseph.	XXXVI	Eliseus.
XI	Judas.	XXXVII	Isaias.
XII	Ruben.	XXXVIII	Jeremias.
XIII	Simeon.	XXXIX	Ezechiel.
XIV	Levi.	XL	Daniël.
XV	Zabulon.	XLI	Osec.
XVI	Issachar.	XLII	Joël.
XVII	Dan.	XLIII	Amos.
XVIII	Gad.	XLIII	Abdias.
XIX	Aser.	XLV	Jonas.
XX	Nephtalim.	XLVI	Micheas.
XXI	Beniamin.	XLVII	Nahum.
XXII	Ephraim.	XLVIII	Habacuc.
XXIII	Manasses.	XLIX	Sophonias.
XXIV	Job.	L	Aggæus.
XXV	Moyses.	LI	Zacharias.
XXVI	Aaron.	LII	Malachias.

LIII	Nathan.
LIIII	Achias.
LV	Addo.
LVI	Azarias.
LVII	Zacharias.
LVLII	Tobias.

LIX	Tres pueri.
LX	Esdras.
LXI	Zorobabel.
LXII	Esther.
LXIII	Judith.
LXIIII	Machabæi.

De his vid. Hieron. Epiphani. Doroth. Synopsin, & Josephum.

CAPUT PRIMUM.

ADAM protoplastus, & colonus paradisi, Princeps humani generis, & delicti, ad imaginem Dei factus, universitati prælatus, qui creaturis nomina dedit atque in eis potestatem dominandi accepit. Hic in deliciis florentis Paradisi constitutus, inter redolentes aromatum sylvas, ac vernantia floribus arva, ruris habitator, novæ vitæ gaudia peragebat: ubi tellus fecunda viret perpetuo vere, ubi fons decurrens quadrifluo labitur amne. Sed postquam serpentis dolo, lingua etiam pollutus fœminea, per tactum ligni, loci beatitudinem profanavit: paradiso projectus, terram sentibus squallentem operarius gemens incoluit. Amisissaque immortalitate, in pulverem, undè carnis sumpserat ortum, post cursum annorum non gentorum triginta rediit. Hinc jam posteritas in crimine hujus parentis exulem se Paradiso factam, ac labori mortique subactam ingemuit. Sepultus est autem in loco Arbee, qui locus nomen à numero sumpsit, hoc est, quatuor; nam tres Patriarchæ ibidem sunt sepulti, & hic quartus Adam. Distat autem locus iste non procul ab Hebron Metropoli Urbe Allophylorum, in qua fertur quondam fuisse habitatio gigantum, ubi etiam, & David postea unctus est in Regem. Est autem Ci-

vitas sortis Judæ in Sacerdotibus separata, distans ad Australem plagam milibus XXI. ab Hierusalem.

CAPUT II.

ABel filius Adam, & Pastor ovium, in vita innocens, in morte patiens, post mortem non silens, in martyrio primus, in obedientia summus, in Sacrificiis Deo placens, in meritis fratri disciplicens; quem Cain impius, & parricida novus, stimulante invidia innocuum ferro nondum sanguine maculato prostravit, cum adhuc innocens ferrum cruoris humani facinus non haberet.

CAPUT III.

ENoch filius Jared, septimus ab Adam, placens Deo, malorum nescius, mortis ignarus, qui sceleratorum hominum non ferens angustias, à perniciosis ⁽¹⁾ contractibus mundi substractus, meruit in eum locum transferri vivens, undè fuerat protoplastus expulsus. Sublatus est autem annorum trecentorum sexaginta quinque. Manet autem hætenus in corpore, in consummatione mundi restituet ⁽²⁾ cum Elia mortalem vitæ conditionem.

Q₂

CA-

(1) *Alias* Contagiosis.
(2) *Al.* Seculi restituens.

CAPUT IV.

NOë filius Lamech decimus ab Adam, secundus Pater Orbis atque reparator, justitia insignis, longanimis in spe, sapiens in opere, solus in terris justus. Iste jussus Arcam condidit, admonitus introivit, nec horruit turbulentos diluvii fluctus, nec fragores ventorum, vel marmura Cœli expavit, gestaturque per procellas, nec mergitur, serpentibus sociatur, & bestiis, nec terretur: cui feræ colla submitunt, alites famulantur. Namque avem misit, redeuntem sustinuit, sed perfida fraude corvi decipitur, ministerio columbæ gestantis ore ramum paciferae arboris edocetur. Reseratisque foribus arcæ, bestias, & cuncta animantia per septem dies abire permittens, ipse postmodum egressus cum liberis, Deum collaudat ac lætus victimas immolat. Cujus Arcam veteres resedisce testantur in Armenia super montes Ararath. Hic nonagesimo quinquagesimo anno mortuus est.

CAPUT V.

Melchisedech Rex Salem, Sacerdos Dei altissimi primus, verique oblator sacrificii, cujus origo secreta. ⁽¹⁾ Hunc esse ajunt Hebræi Sem primogenitum Noë, tritavum Abrahæ. Ipse est enim Pater patrum, Prophetarum, & Apostolorum origo, ipse est qui paternæ pietatis benedictione, dominus fratris esse promeruit. Quique versis incedens vestigiis patris genitalia texit, nec derisit ebrium, ut procax, & reprobus filius, sed vela-

vit, ut verecundus. Unde accidit, in lege Judæorum parentes à filiis nunquam viderit nudatos. Iste Abrahæ revertenti post victoriam benedixit, idem in typo veri sacrificii de frugibus terræ prior Panem, & Vinum Deo Hostiam obtulit, quia Sacerdotium, & Regnum verè primogenitis debebatur, antequàm Aaron Sacerdotio fungeretur. Hic etiam prior omnium post Diluvium Urbem Salem condidit, in qua etiam, & regnavit, quæ postea Jebus sive Solyma dicta est, & nunc derivato vocabulo Hierosolyma vocitatur, vixit annis sexcentis, & perduravit usque ad septuagesimum ætatis Isaac annum, mortuusque est, ac sepultus in Civitate sua Hierusalem.

CAPUT VI.

Abraham pater gentium filius Thare, de Stirpe Sem, Natione Chaldæus fide primus, exul spontaneus, obediens in præceptis, credulus in promissis, pauper in patria, in peregrinatione locuples, in præliis victoriosus, in victoria non avarus, Reges quinque superavit, & spoliis exiit, captivumque ⁽²⁾ parentem reduxit. Eo summus ut trinitatem in typo videret, & unitatem in Mysterio veneraretur: eo fidelis, ut in promisso genere contra spem naturæ Deo crederet: adeo justus atque devotus, ut indulgentiam unici pignoris divinitati non præponeret. Sed incunctanter præcipienti parens ad immolandum filium religiosus parricida gladio dexteram armaret. Qui dum distrinxit ferrum, unicum pignus in victimam oblaturus, nec natum perdidit, nec hostiam amisit. Filium enim in Sacrificium obtulit, &

arie-

(1) Hieron. Epist. ad Evagrium, Isidorus, 15. lib. Etymolog. cap. 1.

(2) Parentem, id est, cognatum, vel consanguineum, ut inf. cap. 9.

arietem pro filio immolavit. Vixit autem centum septuaginta quinque annos, sepultusque est in agro Ephron, in spelunca duplici: in cujus interiori parte sepultum ferunt Adam, in exteriori verò Abraham. Distat autem hic locus, ut Josephus edocet, septimo ab Urbe Hebrom stadio, ibique adserit Abraham, & filios ejus sepulcrum habere pulcherrimo instructum marmore. Illic etiam, & terebintum magnam arborem à constitutione mundi fuisse adseverat. Hanc Beatus Hieronymus usque ad Constantini Imperium perdurasse scribit, ipsa est enim quercus Mambrae Amorrhæi, qui fuit amicus Abrahæ, quæ apud Gentiles in tanta extitit veneratione, ut eam muri ambitu circum septam sollemni veneratione colerent.

CAPUT VII.

Isaac filius Abrahæ ex promissione in terra Chanaam genitus, semen æternum vocatus, conjugalis vitæ castimonia clarus, promptus ad gratiam, ad ignoscendum paratus, qui excludentes non armis expulit, sed patientia vicit, qui ⁽¹⁾ poenitentes cum bonitate recepit, qui per amorem Dei eo usque detulit honorem parenti, ut ad Aram sponte sacrificandum accederet, atque in figuram Christi mortem non recusaret. Obiit centum octoginta annorum, sepultusque est juxta patrem suum.

CAPUT VIII.

Jacob filius Isaac, natus in terra Chanaam, dilectus matris, supplantator fratris, humillis quoque, &

simplex, & ⁽²⁾ innocentem habitans domum. Hic autem, postquam primogeniti præripuit benedictionem, obedivit matri, & fraternæ iracundiæ patienter cessit, patriamque, & parentes relinquens, exul effectus servitutem longam sustinuit, laborem famis pertulit, & frigoris, servivit socero, ut pastor mercenarius pavit gregem, expectans non de divisione, sed de gregis lucro mercedem: qui peregrè profectus, dum consortio egeret hominum, comitatum meruit Angelorum. Hic Domino colluctatus prævaluit, hic facie ad faciem Deum vidit: hic famis inopia pulsus, cum præclara progenie ingressus est in Ægyptum. Emensis centum quadraginta septem annis, naturæ reddidit debitum, sepultusque est cum patribus suis.

CAPUT IX.

Lot filius Aram consanguineus Abrahæ, pater Moab, & Amon apud Caldæos natus, homo justus, hospitalis, in Sodomis piè, castèque inter nefariam gentem conversatus, qui propter solum hospitalitatis officium etiam susceptor effectus est Angelorum. Sulphureumque exitium ac Sodomitarum evasit incendium: mansitque postmodum in Urbe Segor, quæ est juxta Mare mortuum, ubi balsamum gignitur, & copiosa poma palmarum.

CAPUT X.

Joseph Princeps Ægypti, filius Jacob ex Rachel, ortus in terra Chanaam, benedictus in primogenitum

Q 3

tum

(1) *Pœnitentes Abimelech, & Ochozack, & Phicol, Genes. 26.*

(2) *Al. Innocens habitans domi. Al. Innocenter.*

tum Israël, & accipiens primatum Ruben, dilectus patri, & solus præ cæteris hæres paternæ possessionis. Hic zelo sublatus à fratribus in lacum mittitur, ob invidiam venditur, factus humilis usque ad servitutem, patiens usque ad carcerem, pudicus usque ad passionem, fit in interpretatione sapiens, in consilio futuri prudens, in Regno particeps, in fœcunditate ordinator providus, in fame dispensator justus, ad reddendam pro malo bonæ retributionis gratiam promptus, dum injuriam fratribus non rependit, sed fame depulsa necessitatis subsidia contulit. Principatus est in Ægypto annis octoginta. Exactisque ætatis centum, & decem annis, longæ quietis gratia diem ultimum clausit. Sepultusque est in Ægypto, cujus ossa translulerunt filii Israël in Sichem Civitatem patris sui Jacob, quàm Græci Sichimam vocant. Ipsa est autem quæ nunc vocatur Neapolis Urbs Samaritanorum, ubi sepulcrum ejus usque in hodiernam diem cernitur.

CAPUT XI.

Judas regalis successionis insignis prosapia, cui ducatus bellorum, & Israël traditur Regnum, qui nomen genti ex suo nomine dedit, præpotens ut leo in regni virtute, & clarus splendore potentiae. Cujus quidem Imperii posteritas non cessavit, quousque Christus, quasi catulus Leonis, ex germine ejus ortus ascenderet, atque spes gentium ex virginali procedens utero mirabiliter coruscaret.

CAPUT XII.

Ruben primogenitus filius Israël, ætate fratribus major, sed pos-

teritatis numero minor: paternum totum polluit, atque ordinem primogenitæ dignitatis amisit.

CAPUT XIII.

Simeon Princeps scribarum, & violatæ puditiæ vindex, non habens hæreditatem, sed manens in Tribu Juda, particeps in possessione.

CAPUT XIV.

Levi Sacerdotalis auctor originis, cum Tribu Juda permixtione generis junctus, sed in Israël toto divisus, carens propriæ sortis funiculo, & habitans in universis sortibus fratrum.

CAPUT XV.

Zabulon, possessor maris magni, & littorum, & dominans in cunctis Urbibus Phœnicum, & Sidoniorum.

CAPUT XVI.

Isachar studiosus in laboribus terræ, possidens Galilæam, è de benedictionis suæ fructibus dona porrigens Regibus.

CAPUT XVII.

DAN, cujus ex germine Samson, sceptrum tenet Israël, fortis Nazaræus, & triumphator in hostibus, obsidens in morem serpentis Philistinorum semitas, & equitatum ejus, ut regulus, spiritu oris sui depulans.

CAPUT XVIII.

GAD, in procinctu prælii expeditus, pro fratribus trans Jordanem

nem relictis adversus hostes, gentesque dimicat, & forti brachio victor triumphat.

CAPUT XIX.

ASer, divitiis insignis, replens delictis Principes.

CAPUT XX.

NEphthalim in pinguedine terræ uberrimus, & in doctrina legis abundans.

CAPUT XXI.

Benjamin inter fratres ortu posterior, Imperio prior, cujus natalitatis processus, matri dedit occubitus. Ipse est lupus vorax, & sanguinarius, qui super basem sortis suæ manè hostiæ sanguinem fudit, & ad vesperam escas Principibus, & Sacerdotibus dividit.

CAPUT XXII.

Ephraim semen Joseph, & adoptivus filius Israël, atque in numero Patriarcharum benedictioni testamento relictus: minor ætate fratre, sed majori prælatus gratia benedictionis, in cunctis tribubus fortior, & inter fratres dominator invictus. Hic partem tribus Levitarum accepit.

CAPUT XXIII.

MAnasses dilatatus in millibus, una cum Joseph patre suo

mysticè ⁽¹⁾ passus tributum. Hi sunt ⁽²⁾ Patres Apostolorum, & Principes Populi Judæorum, Tribus Jacob, & præclara progenies Israël. Quibus pater moriens pro divitiarum copiis, sanctificationis gratiam dereliquit. Quique, regnante Joseph in Ægypto, regnaverunt, ibique etiam post longam vitæ quietem occubuerunt atque sepulti sunt.

CAPUT XXIV.

JOB Zaræ ⁽³⁾ filius de Bosra Rex Idumæorum, quartus post Esau, successor Balach filii Beor, homo gentilis, fide clarus, humilitate summus, hospitalitate præcipuus, in disciplina mansuetus, in eleemosynis largus, dives in censu, extemplo factus egenus, locuples in liberis, repente orbustentationi traditur, sed contra tentationem fidei ⁽⁴⁾ lorica armatur, factus gloriosus in certamine, æquanimis in dolore, damna rerum pertulit, funera pignorum doluit, corporisque vulnera patienter ⁽⁵⁾ accepit, & inter supplicia semper Deum glorificavit, malè ⁽⁶⁾ suadentem insuper sapienter sustinuit conjugem: verba amicorum ratione superavit, undè, & pro tanta virtute patientiæ, duplici in fine remuneratione sublevatur, recipiens post rerum casum multiplicem claritatem ⁽⁷⁾ bonorum. Post noctem enim tristiæ, diem genuit: post fœtores ulcerum, Casiæ fragrantiam edidit, post abjectionem, Cornu unctionem Regni promeruit, & tibiam in accentu laudis adsumpsit. Vixit autem post

pla-

(1) *Al.* Possedit tributum.

(2) *Al.* Propagines.

(3) *Idem cum Ambrosio, & August. putat eundem Job, & Job Genes. 36. alièr Hieronym. In Heb. Quasi. & Quasi.*

36. in Genes.

(4) *Al.* Fide Religionis armatur.

(5) *Al.* Exceptit.

(6) *Al.* Sua damna, insuper patientem substituit conjugem.

(7) *Al.* Donorum.

plagam centum quadraginta annis, & fuerunt omnes dies vitæ ejus ducenti quadraginta octo anni, & mortuus est atque sepultus in regione sua. Hunc Hebræi adserunt non fuisse de genere Esau, sed de Nachor fratris Abraham descendisse stirpe, & fuisse eum temporibus Patriarcharum. Nachor enim genuit Hus, de cujus stirpe creditur generatus, secundum quod in exordio voluminis ejus notatur: Vir erat in terra Hus nomine Job.

CAPUT XXV.

MOyses ⁽¹⁾ filius Amram ex tribu Levi, Dux, & Propheta Israël, Regis filiæ adoptivus, Dei amicus, Pharaonis dominus, in rubo flammante, & non urente, vocibus Angelicis evocatur, quem ut exemplo firmaret Deus, insinuatam ejus manum jussit emori, & rursus retractæ vigorem, & motus reddidit, & ⁽²⁾ calor: cujus facies ⁽³⁾ spe futuræ gloriæ illuminatur, humilis, ut ait quidam sapiens, in recusando ministerio, subditus in suscipiendo, in conservando fidelis, in exquirendo pervigil, in regendo papulo vigilans, in corrigendo vehemens, in amando ardens, in sustinendo patiens, qui pro subjectis se Deo interposuit consulenti, opposuit irascenti. Hic pro Populi libertate propriam objecit salutem, Regis sævissimi non minas, non tela trepidavit. Quin etiam extulit contra dracones ejus virgam, ac per manum Dei oppugnatores Israël decem plagis ejus Imperium verberavit. Primum in cruorem vertit fontes, & flumina, dehinc ranarum multitudinem Urbes, muscarum nubibus aëra complevit, locus-

tis vastavit cuncta virentia, mortem intulit jumentorum, percussit ulcere homines, vastavit grandine terras, obdixit tenebris Cælum, eorumque primogenita valido terrore peremit. Post hæc expoliavit Ægyptios, eductisque Populis eremi pandit iter flammea præcedente columna. Nec mora, mare transiens dividit, refrenatisque hinc indè aquarum cumulis, per genti Populo viam sicco vestigio præbuit. Hostes dehinc operuit fluctibus, atque amaras aquas per tactum ligni in suavitate convertit. Quin etiam inter hæc esurienti Israël Cœleste præbuit pavulum, volucrumque escis replevit loca castrorum. Percussit insuper petram, atque ex templo dura saxorum crepidine, copiosa fluentia manarunt. Ascendit quoque verticem Montis Sinai, faciem Domini contemplaturus, ibi quadraginta dierum jejunia pertulit: descendens incendit vitulum, sacrilegos prostravit gladio, legem acceptam à Deo Populo tradidit, ritumque religionis instituit. Inter hæc quoque bella gessit, victoriis claruit, virgam in manu tenens; hostes quos non contigit, superavit: lethiferos aspidum morsus ærei serpentis adspectu sanavit. Dathan, & Abiron, terræ compagibus ruptis, viventes profundo hiatu dejecit. Ad extremum conscendit montem Nebo, terramque re-promissionis, demonstrante Domino, aspicit. Mortuusque est, jubente Domino, in Monte Abarim: sepultusque est à Domino in Valle Moab, quæ est in Arabia. Rexit autem Populum Dei in eremo annis quadraginta, obiitque annorum centum viginti. Quidam autem eum vivere testantur, pro eo quod sepulcrum ejus non reperi-

(1) Nomen esse Ægyptiacum Moyses ajunt Philo, Josephus, & Aven Ezra.

(2) Al. Coloris.

(3) Foris specie.

ritur. Et quia apparuit Domino in Monte Thabor cum Eliâ: mortuum autem illum esse, non raptum, certissimè Sacra Scriptura testatur.

CAPUT XXVI.

Aron frater Moysi, & insignis miraculorum socius, atque in Lege Sacerdos Domini primus, cujus virga sorte electa, fronde, & germine floruit. Quique thuribulum in dextra gestans, furenti se flammæ opposuit, atque stans inter vivos, & mortuos, objectu sui corporis transire ignem ad agmen viventium non permisit. Hic per hostiam victimarum, & sacrificium sanguinis, futuram Christi Passionem expressit: hic jus, & Principatum Sacerdotii per ordinem generis, & successionis suæ transmisit. Anno autem quadagesimo egressionis filiorum Israël de terra Ægypti, cum esset annorum centum viginti trium, mortuus est juxta præceptum Domini in Monte Hor, qui est juxta Petram insignem Arabiæ Urbem. Ibi, & sepulta jacet soror ejus Maria, ubi etiam, & nunc usque ostenditur rupes, qua percussa, Moyses aquas sitienti Populo præbuit. Est autem hic locus in extremis finibus Idumæorum.

CAPUT XXVII.

Josue filius Nun, ex Tribu Ephraim in Ægypto natus, Moysi discipulus, & potestatis successor, novique prælii triumphator. Qui, quousque expediret victoriam, ut Sol staret, Cœlo imperavit. Jordanis etiam cursum transitu suo ⁽¹⁾ resistere fecit. Hiericho inexpugnabiles muros clangentium tubarum sono dejecit. Chana-

næorum evertit Regna, Reges extinxit, ac Populum Dei solus in terram repromissionis induxit, eamque sorte distribuit. Viginti septem annis præfuit in Israël. Occubuitque centum, & decem annorum, atque sepultus est in Tamnathsare Civitate sua, quæ sita est in latere Montis Gaas, contra Aquilonem, ubi usque hodiè insigne monumentum ejus ostenditur. Est autem in tribu Dan.

CAPUT XXVIII.

Phinees Sacerdos filius Eleazari Sacerdotis filii Aaron, zelum Domini agens, Zambri cocuntem impudicum simul cum scorto Madiantide telo percussit, atque perpetuas Sacerdotii infulas, præmiumque victimarum in generationibus Israël meruit, pro eo quod zelo divini amoris accensus iram Domini feriendo placavit.

CAPUT XXIX.

Gedeon filius Joas ex Tribu Manasse, genitus in solitudine, liberator Populi, & multorum pater exitit filiorum, manu fortis, consilio strenuus, signis explorans futuræ documenta victoriæ, potentiamque Dei invellere. Hic cum trecentis Viris aquam lingua lambentibus, non tela in dextris, sed tubas: nec læva clypeum, sed hydrias præferentibus, hostem terrore perculit, ac victor de Amalech fortiter triumphavit. Judicavit Israël annos quadraginta, mortuusque est senex, & sepultus in sepulcro Joas Patris in Ephra de familia Ezri.

CA-

(1) *Al. Stare.*

CAPUT XXX.

JEphthe Galaadites, felix in proeliis, fidelis in promissis, affectum pietatis exuperans tolerantia mentis. Hic enim voverat Deo, ut si quid illi post victoriam revertenti primum occurreret, immolaret. Nam rediens ex hostibus. Ammonitarum triumphator, ne pollueretur labe perjurii, pollicitam sponsionem complevit, ac filiam, quæ victori occurrerat, immolavit. Judicavit Israël sex annis, & mortuus est, sepultusque in Civitate Galaad, quæ est in dimidia Tribu Manassæ.

CAPUT XXXI.

SAmson, filius promissionis, genitus Patre Manue ex Tribu Dan, Nazaræus vocatus, liberator Israël, & omnium fortissimus. Iste rugientem mactavit leonem, favumque ab ore mortui tulit, seras quoque portarum humeris tollens, in vertice montis imposuit. Vulpium caudis igne vinctis, totam regionem Philistinorum succendit. Vinctus etiam rescissis funibus, maxilla asini mille Viros perremit. Nervis intexta vincula, ut lanæ fila, dirupit. Post hæc avaritia illecebrosæ mulieris deceptus, detonsis crinibus, vim suæ virtutis amisit: nec mora effossis oculis, columnas Templi concutiens, ruina oppressus pariter cum hostibus defecit. Judicavit Israël annis viginti, & positus est in sepulcro Patris sui in Civitate ⁽¹⁾ Eschaol, quæ est in Tribu Juda, decimo procul lapide ab Eleutheropoli, contra Septemtrionalem plagam, juxta viam quæ ducit Nicopolim.

CAPUT XXXII.

SAmuel Propheta, filius Elcana, de Ramatha, ex Tribu Ephraim, connumeratus Moysi in Sacerdotibus Dei, ab ipsis cunabulis Domino consecratus, sedulus in ministerio, in gente Princeps, in Templo vates, cujus verbo obtemperaverunt Cæli, occurrerunt nubila effusi sunt imbres. Hic triumphator ex hostibus: Adjutorii lapidem posuit: hic primum Principem in Regno unxit. Sepultus est autem in vico suo Ramatha quæ est in Bethlehem: cujus ossa Arcadius Augustus de Judæa in Traciam transtulit: & super tumulum ejus Christi aram crexit.

CAPUT XXXIII.

David, Rex idem atque Propheta, ortus de genere Juda, filius Jesse, natus in Bethlehem, puer Pastor Ovium inter fratres ætate minor, virtute præstantior, à Domino in Regnum vocatus, à Propheta in Regem unctus, belliger juvenis, in certamine singularis, in triumpho gloriosus, vincendo veteranus, patiens in adversis, prudens in periculis, in peccato proprio dolens in alieno funere lugens, pronus ad poenitentiam, velox ad veniam, in convicio mitis, ad misericordiam facilis. Qui inimicum Regem, dum posset, innocuum non tantum reservavit traditum, sed, & vindicavit occisum. Hic Leonem, & ursum sine gladio interfecit, citharæ suavitate immundum spiritum depulit, Gigantem expugnavit. Igitur quadragésimo Regni, & septuagesimo ætatis anno diem vitæ supremum consum-

ma-

(1) *Al.* Inter Sara, & Eschaol. *Jud.* 16.

mavit, sepultusque est in Civitate sua Bethlehem, quæ aliò vocabulo dicitur Ephrata, ubi etiam Dominus noster Jesus Christus secundum carnem est natus. Ibi quoque, & Rachel, cum Benjamin peperisset, occubuit. Ibi etiam Sepulcrum Jesse Patris David ostenditur. Est autem hic locus in Tribu Juda sexto ab Jerusalem milliario, positus contra meridiem in itinere, quo pergitur in Hebron.

CAPUT XXXIV.

Salomon filius David editus ex Bethsabæe in Jerusalem, antequam nasceretur, vocatus sapientissimus omnium, & Dominici dedicator Templi felix Imperio, paternis meritis impar, dilectus à Deo, sapiens in iudicio, in sententia justus, pacificus in Regno. Qui poposcit sapientiam, & impetravit, ut sciret dispositionem orbis terrarum, & virtutes elementorum, naturas animalium, & cogitationes hominum. Hic quoque mores composuit, rerum naturas reperit, Sacramenta Christi, & Ecclesiæ revelavit. Cujus principia bona fuerunt, novissima verò mala. Nam, post multarum virtutum gloriam, amore depravatus fœmineo, & acceptam sapientiam perdidit, & in profundum idolatriæ flenda ruina demersus est. Quadraginta annis regnavit, quinquaginta, & duobus ætatem peregit. Dehinc finem Imperio, & vitam dedit sepultusque est in Civitate patris sui Bethlehem.

CAPUT XXXV.

Elias Thesbites Sacerdos magnus atque Propheta, habitator soli-

tudinis, fide plenis, devotione summus, in laboribus fortis, industria solers, excellenti ingenio præditus, in exercitatione disciplinæ structus, in sancta meditatione assiduus, metuque mortis intrepidus, verberavit tyrannos, sacrilegos interfecit, multisque signis virtutum effulsit. Triennii namque siccitate clausit imbris Cœlum. Oravit rursum, & Cœlum dedit pluvias, mortuumque mulieris filium suscitavit. Cujus virtute hydria farinæ non defecit, vas olei perpetuo fonte manavit. Cujus verbo super sacrificium ignis de Cœlo descendit. Hic duos quinquagenarios cum militibus Cœlesti igne combussit. Jordanem transiens, tactu melotis abruptit. Post igneo curru in Cœlum raptus ascendit, venturus juxta Malachiam Prophetam in fine mundi, ac præcessurus Christum, nunciaturus ultimum ejus adventum cum magnis virtutibus prodigiisque signorum: ita ut etiam in terra bellum gerat Antichristus adversus eum, vel qui cum eo venturus est, & occidet eos, cadavera quoque eorum in plateis insepulta jacebunt. Dehinc suscitati à Domino Regnum Antichristi plaga magna percutient. Post hæc veniet Dominus, & interficiet Antichristum gladio oris sui, & eos qui adoraverunt eum. Et regnabit Dominus cum omnibus Sanctis suis in Gloria sempiterna.

ITEM ⁽¹⁾ Elias Thesbites de terra Arabum, de Tribu Aaron, cum esset in utero matris suæ Galaath, Sobac pater ejus somnium vidit, quod nascentem Eliam Viri candidis vestibus salutabant, ignisque eum ⁽²⁾ vestimentis obvolvebant, atque pro cibo ignem

ei

(1) Hac addebantur in tribus exemplaribus Isidori, & habet Epiphanius. in Vita Elia.

(2) Al. Institis.

ei ad nutriendum subministrabant. Hoc visum Pater ejus Prophetis in Jerusalemis indicavit, hocque ab eis accepit responsum. Ne timueris (inquiunt) erit enim natio ejus lumen, Verbumque ejus fixis sententiis. Judicavit enim Israël in gladio, & igne.

CAPUT XXXVI.

ELisæus Eliæ Discipulus, ex ⁽¹⁾ Abel Meula oppido, ex Tribu Ruben in cujus ortu aurea vitula in Galgalis mugitum dedit, ejusque vox in Jerusalem personavit. Tunc quidam præsagus vates prædixit, hodiè in Israël natus est Propheta, qui cuncta eorum destruet idola. Hic gemino Eliæ glorificatus spiritu, plurimis atque magnis virtutum signis emicuit. Jordanem transitu suo divisum, refrenatis undis, retro convertit: aquas Jericho steriles, demerso vasculo, ad fœcunditatem perduxit: pueros insultantes sibi verbo, tradidit bestiis repente vorandos: sanguineas aquas in necem hostium decurrere fecit: inter hæc sterilem conceptionem verbo fœcundavit, ejusque filium mortuum suscitavit: ciborum temperat amaritudinem: denique ex decem panibus, plebe refecta, reliquias collegit. Et Naaman lepræ stigmatibus lavacro Jordanis purgavit; lepra quoque maledictum aspersit discipulum: ferrum securis in Jordane mersum, ligno in aquas misso, supernatare fecit. Hostes Syriæ cæcitate percussit, mortem incredulo prædixit, fragore quadrigarum fugavit hostem, obsidionem dispersit, famem repulit. Postremò post mortem exanimi cadaveris vitam de-

dit. Cujus sepulcrum usque hodiè in ⁽²⁾ Sebastia Civitate ostenditur honore satis dignum, & digna habitum veneratione.

CAPUT XXXVII.

ISaias filius ⁽³⁾ Amos, non Amos Prophetæ, sed alterius, qui simili nuncupatus est nomine: Ille enim ex numero Pastorum fuit de oppido Thecuc: Hic autem genere nobili ortus in Jerusalem: quem etiam ajunt Hebræi socerum fuisse Manasse. In quo tanta fuit sanctitatis, & vitæ excellencia: ut unam tantum dicatur habuisse tunicam, & hanc cilicinam, quaque etiam postmodum pro delicto Populi abjecta, sacco membra cooperuit. Sed, & hoc ad extremum deposito, juxta Domini Imperium nudo corpore, nudoque vestigio in Conventu Populorum versatus est, sicque fervorem æstivum, hyemisque pruinas atque imbrium tempestates sustinuit, ut, & Dei præceptis obediret, & Populi deploraret delicta. Hic quindecim gradibus ascendentem umbram, retrodescendere jussit. Hujus oraculo Rex Ezechias mortis dilationem promeruit. Hunc autem Manasses extensum à vertice per medium secuit, atrociq; supplicio excruciatum extinxit. Tradunt ⁽⁴⁾ autem Hebræi duabus ex causis interfectum fuisse Isaiam: una, quod eos appellaverit Principes Sodomorum, & Populum Gomorrhæ: altera, quòd testante Domino ad Moysen: Non poteris videre faciem meam iste ausus est exclamare: Vidi Dominum sedentem super solium excelsum, & elevatum. Non animadvertentes

cæ-

(1) Abel Meula 3. Reg. 19. Abel Muth. in Epiphania. Abel Buel in Dorothæa.

(2) Sebastopoli Samariæ, ait Epiphanius.

(3) Hebræi asserunt Amos patrem Isaiæ fuisse fratrem Amasia Regis Judæ, de quo 4. Reg. 14.

(4) Origen. in Isaiam, & Hieronym.

cæcati mente Judæi, quod insequentibus faciem, & pedes Dei Seraphim texisse narraverat, ac media tantum ejus vidisse Prophetam ascribat. Jacet sub quercu Ragel, juxta decursus aquarum, quas Ezechias Rex Juda mole constructa terræ ⁽¹⁾ exposuerat.

Dei motus cuncta eorum crimina, turpitudinesque arguens. Quem Dux Populi Israël interfecit, pro eo quod severitate, & auctoritate Pontificali corripere ab eo ob impietatem sacrilegii. Sepultus est à Populo in agro Maurim in sepulcro Sem, & Arphaxat.

CAPUT XXXVIII.

CAPUT XL.

Jeremias ex Tribu Sacerdotali ortus, in vico Anathor, qui est tribus millibus ab Jerusalem, Sacerdos in Judæa positus, Propheta in gentibus consecratus, antequam plasmaretur agnitus, antequam procederet sanctificatus, & ut virgo permaneret, admonitus. Hic prædicare puer cœpit, arguens Populum ob delicta, & sæpius cohortans ad pœnitenciam, sed Plebis perfidæ sævientis crudelitate afficitur sæpè, atque ligatur, in carcerem etiam mittitur, projicitur in lacum, catenis cingitur, ad ultimum apud Taphnas in Ægypto à Populo lapidatur. Sepultus est in eo loco, ubi Pharaon Rex Ægypti habitavit. Verumtamen, quia precibus suis, serpentibus ab eo loco effugatis, Ægyptios à noxio ⁽²⁾ aspidum morsu eripuit, insigni cum veneratione, amplissimoque honore iidem Ægyptii colunt, sepulcrumque ejus insigni cultu hætenus venerantur.

CAPUT XXXIX.

Ezechiël Sacerdos, filius Buzi, genitus in terra Sarira, in typo Christi filius hominis nuncupatur. Hic captivus cum Joachim in Babyloniam ductus, ad concaptivos prophetavit, corripiens eorum offensiones, & zelo

DAniël, ⁽³⁾ de Tribu Juda in Bethron superiore natus, genere nobilis, Princeps omnium Chaldæorum, regumque prosapia, & florens Patriæ nobilitate. Hic sub Joachim Rege Juda, post excidium Jerusalem, cum tribus pueris admodum puer in Babylonem translatus, & Princeps Chaldæorum effectus est, Vir gloriosus, & aspectu decorus, mente humilis, corpore castus, perfectus in fide, egregius in opere, in virtute summus, in prodigiis clarus, terribilis in signis, cognitor secretorum cœlestium, præcius futurorum, visionum interpres, vindex castimonie; qui continuatis jejuniis, & orationis instantia futura prænosceret meruit Sacramenta. Hic inter cætera visionum mysteria, his virtutum gestis, atque signis effulsit. Principio sceleratorum senum mendacium reprehendens, castitatem sceminæ revelavit: tribus hebdomadibus dierum exorans pro Populo jejunavit; simulacrum Bel divinæ aspirationis argumentis elisit: draconem Babylonie numen ejusdem gentis, ossa pice, & adipe, & capillis confecta, divinæ mentis instinctu, incredibili admiratione disruptit: in lacum quoque missus, rabiem mitigavit ferarum, atque virtute animi fortis, inter frementes securus epulatur leones. Hunc Darius,

R

post-

(1) Obstruxerat ait Hieronym.

(2) Aspidum Hieronym. crocodilorum ait Epiphanius. & Doroth.

(3) Vid. Epiph. Hieronym. Joseph.

postquam Babylonium subvertit Imperium, honore maximo habitum, secum tulit, & in Medos abduxit. Qui etiam fertur dedisse signa in montibus super Babyloniam, dicens: Dùm montes à Borea fumaverint, finem instare Babylonis: dùm visi fuerint incendiis conflagrare, finis erit totius mundi. Item dùm ad partem Noti refluxerit Tigris, regressio erit Populi ad Jerusalem. Vixit autem usque ad tempus Darii Regis Persarum, annis centum, & decem: sepultusque est jam senex in spelunca regia, solus in captivitate cum gloria.

CAPUT XLII.

O See de Tribu Issachar, ortus in ⁽¹⁾ Belemoth; hic prænuntians dedit signum: Veniet Dominus in terram suam, si ⁽²⁾ quercus, quæ est in Silo, ex semetipsa in duodecim divisa fuerit partes, totidemque quercus effecerit. Hic in terra sua sepultus, placida quiete dormivit.

CAPUT XLII.

J Oël, ⁽³⁾ hic fuit de Tribu Ruben, natus in agro Betheron, ubi etiam in pace mortuus est, atque sepultus.

CAPUT XLIII.

A Mos, Pastor, & rusticus, & ruborum mora distringens, Prophetæ non genere, sed gratiæ vocatione. Hic autem fuit ex Oppido Tecue, quod distat ad Australem plagam sex millibus contra Bethlehem. Ultra autem nulla est habitatio, sed sola eremi

diffusa vastitas patens, usque ad Mare Rubrum, atque ⁽⁴⁾ Judæorum fines, solis tantum Pastoribus conscia, & latè vagantium pecorum. Ex hac itaque pastorali regione fuit Amos, unus de numero Pastorum, quem Dominus ablatum indè misit ad Populum Israël, præcipiens ei, ut in Samariam pergeret, & ibi, quæ ventura erant prophetaret, quem Amasias Rex frequenter plagis affecit; novissimè Ozias filius ejus, veste per tempora transfixo, crudeli morte necavit. Post hæc semivivus, evehctus in terram suam, post aliquot dies dolore nimio vulneris animam ⁽⁵⁾ cunctantèr efflavit, sepultusque est cum patribus suis.

CAPUT XLIV.

A Bdias, de Terra Sichem, ortus in agro Bethacaram. Iste est ille, qui sub Ochozia Rege Samariæ, centum pavit Prophetas. Iste est, tertius ille Dux, cui pepercit Elias, qui postmodum, relicto Ochoziæ Regis ministerio, Eliæ factus Discipulus prophetavit. Quique etiam morte propria obijt, sepultus cum patribus suis in Sebastia Civitate, ubi, & Elisæus Prophetæ, & Joannes Baptista venerabiliter requiescunt.

CAPUT XLV.

J Onas, Columba, & dolens, filius Amathi, qui fuit de Geth, quæ est in Opher, ad gentium præconia mittitur, missus contemnit, contemnens fugit, fugiens dormit: propter quem periclitabatur navis, sed Magister navis latentem reperit, cetus abjectum

(1) Belemoth etiam Epiphan. & Doroth.

(2) Al. Quasi quercus, quæ est in silo, cum ex semetipsa.

(3) Hieronym. Epiphan.

(4) Al. Indorum.

(5) Al. Cunctantem.

ctum devoravit , orantem revomit: rejectus prædicavit subversionem. Sed contristatus in pœnitentia Urbis , & saluti gentium invidit: gaudet etiam sub hederæ virentis umbraculo , & dolet subito arescente. Tradunt Hebræi , hunc esse viduæ filium , quem à mortuis suscitavit Elias. Cujus sepulcrum in quodam Urbium Geth viculo demonstratur , quod est in secundo miliario à Sephorim in itinere , quod pergitur Tiberiadem.

CAPUT XLVI.

MIchæas , de Tribu Ephrem in Morasthi ortus est. Hic quoniam peccantem Achab sæpius arguebat , sub Joram filio ejus de præcipitio magno projectus occubuit. Sepultus est in terra sua juxta Polyandrum , quod est propè Naim.

CAPUT XLVII.

NAhum , de Tribu Simeon , in Helcesitrans Betharim natus , ibique mortuus , suo jacet in tumulo.

CAPUT XLVIII.

HAbacuc , de Tribu Simeon , in agro Bethsachar ortus est , hic ante biennium regressionis filiorum Israël de captivitate , in agro Sabarith , qui est in Ceila à vita decessit.

CAPUT XLIX.

Sophonias , de Tribu Simeon , filius Chusi , in agro Sarabath ortus , & gloriosa majorum suorum stirpe progenitus , prophetavit , mortuusque est atque sepultus in agro suo.

CAPUT L.

AGgæus , natus in Babylonia , juvenculus Jerusalem venit , ædificationem Templi ex parte aspexit , ac juxta Sacerdotum Monumenta gloriosè sepultus requiescit.

CAPUT LI.

ZAcharias ⁽¹⁾ de Regione Chaldæorum valdè senex in terram suam reversus est , in qua , & mortuus est , ac sepultus juxta Aggæum , quiescit in pace.

CAPUT LII.

MAlachias post egressionem Populi , in Sophia est genitus , Vir justus , & aspectu decorus , quem Judæi Malachiam , id est , Angelum Domini idèò asserunt vocitatum , quia quæcumque prædicebat , confestim , Angelo de Cœlis veniente , confirmabantur. Hic autem admodum juvenis moritur , atque in agro proprio sepelitur.

CAPUT LIII.

NAtham Propheta , ex Gabaonitis , qui David Regem Legem Dei docuit , & peccatum , quod esset in Bethsabæe prævaricatus , manifestavit. Hic etiam quod non ædificaret David Domino Templum , prædixit. Hic Salomonem ungens , in Principem consecravit. Obijt autem senex in terra sua , sepultusque est cum dignitate.

(1) Hoc caput deest in aliis vide , infra cap. 57.

CAPUT LIV.

Achias Silonites de Civitate Eli Sacerdotis, ubi primùm Tabernaculum, & Arca Dei erat, Salomoni Regi prædixit, quòd per mulieres gentium à mandatis Dei declinaret, & divisionem Populi in prole non tacuit. Mortuus est ergò Achias, atque sepultus juxta quercum in Silo.

CAPUT LV.

Addo in ⁽¹⁾ Samaria natus est. Hic est qui ad Jeroboam immolantem vitulum missus, in sermone Domini venit, eumque arguit immolantem. Hunc ad propria revertentem propter inobedientiam leo in via strangulavit, sepulchrumque tenet Bethel; & Prophetam illum, qui eum fefellerat.

CAPUT LVI.

Azarias in terra oritur Sabatha, mortuusque est, ac sepultus in agello suo.

CAPUT LVII.

Zacharias Propheta, atque Sacerdos, filius Jojadae Sacerdotis, qui, & Barachias cognominatus est, quem congregatus in atrio domus Domini Populus, juxta Joas Regis Imperium, missis in eum lapidibus extinxit. Hunc sublevatum continuo Sacerdotes juxta patrem suum sepelierunt in Jerusalem.

CAPUT LVIII.

Tobias filius Ananiël, ex Tribu Nephthalim de Civitate Cibel,

quæ est in Regione Galilææ. Hic captivus ductus est à Salmanasar Rege Assyriorum in Ninive: Vir in timore Dei summus, in opere magnificus, in misericordia gloriosus, in exequiarum curis devotus: qui dum mortuos sepeliret, & inopes pasceret, cæcitate lumine caruit, & post tenebras reseratis oculis, lumen claritatis promeruit. Jacet in Ninive Civitate sepultus in pace.

CAPUT LIX.

Tres pueri, ex Stirpe Regia clari, memoria gloriosi, scientia eruditi, fide pares, devotionem stabiles, incorrupti corpore, sobrii mente, judices Provinciarum, & Regionum Principes, paternarum quoque memores legum, & à cibis gentilium, vel immolatis nequaquam polluti, leguminibus vitam degentes, & oleribus. Hi vigore virtutis contempserunt mortem, idolorum non adoraverunt ritum, Regem sævissimum fidei virtute vicerunt, restinxerunt quoque camini flammantis incendia, & inter horrendas spissa caligine flammæ hymnum apertis vocibus cecinerunt. Jacent in Babylonia pariter sub uno specu positi, & cum magna veneratione sepulti.

CAPUT LX.

Esdras Sacerdos Dei, qui à plerisque Malachias, id est, Angelus Dei vocatur. Hic Sacræ Scriptor extitit Historiæ, atque alter lator legis post Moysem, namque post captivitatem legem incensam ex gentibus renovavit, Hebraicarumque litterarum elementa invenit. Hic reduxit Israel,

(1) *Al. Sama Samaria.*

& reædificare fecit Jerusalem. Mortuus est autem ac sepultus cum patribus suis humatus in Jerusalem.

CAPUT LXI.

Zorobabel, & Nehemias, ex Tribu Juda, sub Dario Rege Templum Domini ædificant, muros Jerusalem exstruunt, atque Israël ad pristinum statum reducunt, cultum quoque religionis, jusque Sacerdotum, & Levitarum restituunt. Item, & ipsi in Jerusalem sepulti quiescunt.

CAPUT LXII.

Esther Regina filia fratris Mardochæi, de Stirpe Benjamin, captiva de Jerusalem in Urbem Susim translata est, atque aspectu formæ, & perspicua virginitatis excellentia Regi Persarum conubiis copulata. Hæc, ut Populum suum à periculo liberaret, morti se obtulit, amicumque Regis adversus Populum Dei nefaria persuadentem, cruci tradendum persuasit, gentemque liberam ab excidio eruit, atque à servitute eripuit. Jacet sepulta in Susis Urbe Medorum, in qua etiam regnavit.

(1) *Aspali.*(2) *Al. Babylon.*(3) *In sex exemplaribus hoc posterius tantum legitur.*

CAPUT LXIII.

Judith Vidua, filia Merari, de Tribu Simeon, magnanimis in gloria, Viris præstantior. Hæc pro salute Populi morti se obtulit, nec trepidavit furorem regium. Nam dormientem necavit Principem, salvo pudore suis Civibus triumphum victoriæ reportavit. Vixit autem annis centum, & quinque, sepultaque est in spelunca Viri sui Manasse in ⁽¹⁾ Bethulia Civitate, quæ est in Tribu Juda inter Dothain, & ⁽²⁾ Balmon.

CAPUT LXIV.

Machabæi septem fratres, in Fide stabiles, in spe fortes, Divinæ Legis constantissimi observatores, inter tormenta acerbissima patientes, ab Antiocho Rege pro Lege Dei cum matre eorum atrociter interempti, coronas martyrii meruerunt.

Machabæi ⁽¹⁾ quoque, quos triumphos gesserint adversus gentem Persarum, vel de circumfinitimis aliis Nationibus, & quomodo pro legis observantia plurimum sunt puniti, eorum plenissimè narrat Historia.

EX NOVO TESTAMENTO.

LXV Zacharias.
LXVI Joannes.
LXVII Maria.
LXVIII Simon Petrus.
LXIX Paulus.
LXX Andreas.
LXXI Jacobus Zebedæi.
LXXII Joannes.
LXXIII Philippus.
LXXIV Thomas.
LXXV Bartholomæus.

LXXVI Matthæus.
LXXVII Jacobus Alphæi.
LXXVIII Judas Jacobi.
LXXIX Mathias.
LXXX Simon Zelotes.
LXXXI Duodecim Apostoli.
LXXXII Lucas Evangelista.
LXXXIII Marcus Evangelista.
LXXXIV Barnabas.
LXXXV Timotheus.
LXXXVI Titus.

CAPUT LXV.

Zacharias, & Elisabeth ante Deum justī, steriles in juventute, fecundi in senio, requiescunt in Jerusalem.

CAPUT LXVI.

Joannes Baptista filius Zachariæ, ex Tribu Levi, in Jerusalem ortus, Angelo denuntiante conceptus, prænuntius Christi, præco Judicis, Propheta Altissimi, vox Verbi, amicus Sponsi, testis Domini, lucerna Luminis, terminus Prophetarum, Baptismatis initium: qui prænuntius parentis vocem abstulit: genitus Officium linguæ resolvit, qui necdum editus Christum prophetavit, salutavit in utero, in columba agnovit, in deserto monstravit. Cujus vestimentum lanugo fuit camelorum, habitatio eremus, victus mellis, & locustarum cibus. Hic, dum Herodi prohiberet fraternum violare connubium, carceralibus tenebris mancipatur. Cujus caput Regis filia ludi præmium à patre postulavit: at ille desectum malè poscenti filiæ ebrius inter pocula dedit. Sepultus est in Sebastia Oppido Palæstinæ, quæ olim Samaria vocabatur: quam Herodes Rex Judææ, Antipatri filius, ob honorem Cæsaris Augusti Græco sermone Augustam vocavit.

CAPUT LXVII.

Maria (quæ interpretatur Domina, sive Illuminatrix) clara Stirps David, Virga Jesse, hortus conclusus, Fons signatus, Mater Domini, Templum Dei, Sacrarium Spiritus San-

cti, virgo sancta, virgo foeta, virgo ante partum, virgo post partum, salutationem ab Angelo accepit, & Mysterium Conceptionis agnovit: partus qualitatem inquit, & contra legem naturæ obsequii fidem non renuit, quam Dominus ipse in Cruce positus, per sanguinem Testamenti virgini commendavit Discipulo, ut ipsum Mater haberet vitæ comitem, quem filius noverrat integritatis esse custodem. ⁽¹⁾ Hanc quidam crudeli necis passioneasserunt ab hac vita migrasse, pro eo quod justus Simeon complectens brachiis suis Christum, prophetaverit, Matri dicens: Et tuam ipsius animam pertransibit gladius. Quod quidem incertum est, utrum pro materiali gladio dixerit, an pro Verbo Dei valido, & acutiori omni gladio ancipiti. Specialitèr tamen nulla docet Historia, Mariam gladii animadversione peremptam, quia nec obitus ejus uspiam legitur. Dum tamen reperiatur ejus Sepulcrum, ut aliqui dicunt, in Valle Josaphat.

CAPUT LXVIII.

Simon Petrus filius Joannis, frater Andreæ, ortus in vico Bethsaida Provinciæ Galilææ, qui est juxta stagnum Genesareth, cujus prima vocatio nominis Bar-Jona, legis directæ generatio est. Petrus in Christo Ecclesiæ firmamentum est. Cephas Corporis Christi principatus, & ⁽²⁾ caput est. Simon Joannis, virginitatis regeneratio incorrupta est. Qui dum juxta Joannem habeatur tertius, juxta Matthæum eligitur primus: nec immerito, quia Apostolorum Principes est. Et confessor primus filii Dei, & Discipulus, & Pastor humani gregis, Petra Ec-

(1) Vid. Ambros.

(2) Quasi nuptia.

Ecclesiæ, clavicularius regni, amator Domini, atque negator; confitendo laudatus, præsumendo elatus; negando lapsus, lacrymando purificatus, confitendo probatus, patiando coronatus, cui nomen ex opere datur, titulus ex merito potestatis imponitur. Hic in Galatia, Ponto, Cappadocia, Bithynia, Asia, atque Italia Evangelium prædicavit, atque harum virtutum signis effulsit. Pendulo gressu fervidum mare calcavit, præteriens umbra sua mortuos animavit, claudis pristinum reiteravit officium, paralyticis fluida membra in proprium reparavit statum. Inter hæc defunctam viduam suscitavit. Ananiam, & Saphiram reos perfidiæ, mortis animadversione damnavit. Simonem etiam Magicis artibus Cælum conscendentem ad terram elisit. Hic postquam Antiochenam Ecclesiam fundavit, sub Claudio Cæsare contra eundem Simonem Magum Romam pergit, ibique prædicans Evangelium viginti-quinque annis, ejusdem Urbis tenuit Pontificatum. Sexto autem, & tricesimo anno post passionem Domini, à Nerone Cæsare in Urbe Roma deorsum, ut ipse voluit, crucifixus est. Sicque post Apostolicum meritum, etiam Martyrio coronatur. Sepultus Romæ in Vaticano, secus viam triumphalem, tertio lapide ab Urbe, ad orientalem plagam.

CAPUT LXIX.

PAulus, qui ante Saulus, Apostolus Gentium, advocatus Judæorum, à Christo de Cælo vocatus, in terram prostratus, qui oculatus cecidit, cæcatus surrexit, ex persecutore effectus est Vas electionis, ex lupo ovis, inter Apostolos vocatione novissimus, prædicatione primus. In le-

ge Gamalielis discipulus, in Evangelio Christi servus. Cujus Patria Tharsus fuit, genus Benjamin. Hic secundo post Ascensionem Domini anno baptizatus, dignitatem meruit Apostolatus, atque plus omnibus laborans, multo latius inter cæteros verbi gratiam seminavit, atque Doctrinam Evangelicam sua prædicatione implevit. Incipiens enim ab Jerosolymis, usque ad Illicum, & Italiam, Hispaniasque processit, ac nomen Christi multarum manifestavit gentium nationibus, quibus ante nondum fuerat declaratum, cujus miracula ista esse noscuntur. Raptus sursùm in tertium Cælum conscendit, demersus deorsùm nocte, & die in profundo maris fuit, seducentem Pythonis spiritum imperata discessione damnavit, adolescenti mortuo vitalem redintegravit spiritum, cæcitate percussit magum, claudio proprium reformavit incessum: diri quoque serpentis, nec sensit, nec horruit morsum, sed igni dedit arsurum, patrem etiam Publîi à febris orando sanavit. Hic ob amorem Christi multas passiones, graviæque corporis substinuit tormenta. In primis Judæicas persequutiones, & gentium misérias, & laborem, famem, sitim, frigus, & nuditatem, naufragia, & mille pericula, rabiem ferarum, verbera, carcerales tenebras, & tormenta catenarum, squallores, & vincula. Inter hæc ligatur à Judæis, traditur gentibus, lapidatur ad necem, in sporta per murum demittitur, virgis cæditur, poenis arctatur, in carcere vinctus terræmotu facto resolvitur, ad ultimum à Nerone gladio ceditur eo die, quo, & Petrus crucifixus est. Sic enim oportuerat: ut hi, qui simul confessi sunt, uno die coronarentur. Sepultus Romæ in via Ostiensi, anno post passionem Domini tricesimo sexto, tertio ab

ab Urbe milliario , contra Occidentalem plagam.

CAPUT LXX.

ANdreas , qui interpretatur Decorus , frater Petri , secundum Joannem primus , juxta Matthæum à primo secundus. Hic in sorte prædicationis Scythiam , atque Achajam accepit , in qua etiam Civitate Patris cruce suspensus occubuit.

CAPUT LXXI.

Jacobus filius Zebedæi , frater Joannis , quartus in ordine , duodecim tribus quæ sunt in dispersione gentium ⁽¹⁾ scripsit , atque Hispaniæ , & occidentalium locorum gentibus Evangelium prædicavit , & in occasu mundi lucem prædicationis infudit. Hic ab Herode Tetrarcha gladio cæsus occubuit. Sepultus in ⁽²⁾ Marmarica.

CAPUT LXXII.

Joannes Apostolus , & Evangelista , filius Zebedæi , frater Jacobi , virgo electus à Domino , atque inter cæteros magis dilectus , qui etiam super pectus Magistri recumbens , & Evangelii fluentia de ipso sacro Dominici pectoris fonte potavit , & quasi unus de Paradisi fluminibus , Verbi Dei gratiam in toto terrarum Orbe diffudit. Quique in locum Christi , Christo jubente , successit , dùm suscipiens Matrem Magistri Discipulus , etiam ipse pro Christo alter quodammodò dilectus est filius. Hic , dùm Evangelium Christi in Asia prædicaret , à Domitiano Cæsare in Pathmos Insu-

lam Metallo relegatur , ubi etiam positus Apocalypsim scripsit. Interfecto autem à Senatu Domitiano , exilio resolutus , recessit Ephesum , ibique ob hæreticorum refutandas versutias , efflagitatus ab Asiæ Episcopis Evangelium novissimus edidit. Cujus quidem inter alias virtutes , magnitudo signorum hæc fuit. Mutavit in aurum sylvestres frondium virgas , littoreaque saxa in gemmas. Item gemmarum fragmenta in propriam reformavit naturam , viduam quoque ad precem Populi suscitavit , & redivivum juvenis corpus revocata anima reparavit. Bibens lethiferum haustum , non solum evasis periculum , sed eodem prostratos poculo in vitæ reparavit statum. Hic anno sexagesimo septimo post Passionem Domini Salvatoris sub Trajano Principe longo jam vetustatis senio fessus , cum diem transmigrationis suæ imminere sibi sentiret , jussisse fertur effodi sibi sepulcrum , atque inde vale dicens fratribus , facta oratione vivens tumulum introivit , deinde tanquam in lectulo in eo requievit. Undè accidit , ut quidam eum vivere asserant , nec mortuum in sepulcro , sed dormientem jacere contendant , maxime pro eo quod illic terra sensim ab imo scaturiens , ad superficiem sepulcri conscendat , & , quasi flatu quiescentis , deorsum ad superiora pulvis ebulliat. Quievit autem apud Ephesum sexto Kalendas Januarii.

CAPUT LXXIII.

Philippus à Bethsaida Civitate , unde , & Petrus , Gallis prædicat Christum , Barbarasque gentes , vicinasque tenebris , & tumentis Oceano

con-

(1) Assentimur iis , qui verbum scripsit alienum censent. Reliqua ex iis , quæ Hieronymi Catalogo à Græcis adjec-ta sunt , sumpta videntur.

(2) *Al.* Carmarica , vel Archis Marmaricæ , vel Achimarmarica.

conjunctas, ad scientiæ lucem, fideique portum deducit. Deindè in Hierapoli Phrygiæ Provinciæ Urbe crucifixus, lapidatusque obiit, rectoque sepultus cadavere, simul cum filiabus suis ibidem requiescit.

CAPUT LXXIV.

Thomas Apostolus Christi, Didymus nominatus, & juxta Latinam linguam Christi geminus, ac similis Salvatori, audiendo incredulus, videndo fidelis. Hic Evangelium prædicavit Parthis, & Medis, & Persis, Hyrcanisque, ac Bactrianis, & Indis tenentibus Orientalem plagam, & intima gentium penetrans, ibique prædicationem suam usque ad titulum suæ passionis perducens, lanceis enim transfixus occubuit in Calamina Civitate Indiæ, ubi, & sepultus est in honore.

CAPUT LXXV.

Bartholomæus Apostolus, nomen ex Syra lingua suscipiens, Lycaoniam in sorte prædicationis accepit, atque Evangelium juxta Matthæum apud Indos in eorum linguam convertit. Ad ultimum in ⁽¹⁾ Albano Majoris Armeniæ Urbe, vivens à crudelissimis gentibus Barbaris decoriatur, sicque terræ conditur.

CAPUT LXXVI.

Matthæus Apostolus, & Evangelista, qui etiam ex Tribu sua Levi sumpsit cognomen, ex Publicano à Christo electus, ex peccante translatus. Hic primum quidem in Ju-

dæa evangelizat, postmodum in Macedonia prædicat, requiescit in Montibus Parthorum.

CAPUT LXXVII.

Jacobus Alphæi, Episcopus Jerusalemorum primus, cognomento Justus, sororis matris Domini filius, undè, & frater Domini vocatus homo lucis, & operarius veritatis, tantæque etiam sanctitatis, ut fimbriam vestimenti ejus certatim cuperent attingere Populi. Hic, dum in Jerusalem Christum Dei Filium prædicaret, de Templo à Judæis præcipitatus, lapidibus opprimitur, ibique juxta Templum humatur. Quem Josephus tantæ sanctitatis, & venerationis in Judæa perhibet extitisse, ut propter ejus interfectionem Jerosolyma credatur esse diruta.

CAPUT LXXVIII.

Judas Jacobi frater in Mesopotamia, atque interioribus Ponti Evangelizans, feras, & indomitas gentes, quasi belluarum naturas suo dogmate mitigat, & fidei Dominicæ subjugat, sepultus est autem ⁽²⁾ Berytho Armeniæ Urbe.

CAPUT LXXIX.

Mathias, de septuaginta Discipulis unus, & pro Juda Iscarioth duodecim inter Apostolos subrogatus, electus est sorte, & solus sine cognomine. Huic datur Evangelii prædicationis in Judæa.

CA-

(1) *Al. Abano.*

(2) *Sic Dorotheus, alii Nerito.*

CAPUT LXXX.

Simon Zelotes, qui priùs dictus est Chananæus, zelo Domini fervens, par in cognomento Petri, & similis in honore, accepit Ægypti principatum, & ⁽¹⁾ post Jacobum Justum Cathedram tenuit Jerosolymorum. Post annos autem centum viginti meruit sub Trajano per crucem sustinere martyrii passionem. Jacet in Bosphoro.

CAPUT LXXXI.

Hi fuerunt Christi Discipuli, Prædicatores Fidei, & Doctores Gentium, qui cum omnes unum sint, singuli tamen eorum propriis, certisque locis in mundo ad prædicandum sortes proprias acceperunt. Petrus namque Romam accepit, Andreas Achajam, Jacobus Hispaniam, Joannes Asiam, Thomas Indiam, Matthæus Macedoniam, Philippus Galliam, Bartholomæus Lycaoniam, Simon Zelotes Ægyptum, Mathias Judæam, Jacobus frater Domini Jerosolymam, Judas frater Jacobi Mesopotamiam. Paulo autem cum cæteris Apostolis nulla sors propria traditur, quia omnibus gentibus Magister, & Prædicator elegitur. Nam sicut Petro, & reliquis, circumcisionis est Apostolatus datus: ita Paulo præputii in gentibus. Hic autem septem Ecclesiis, & tribus evangelizat Discipulis.

CAPUT LXXXII.

Lucas Antiochenus, Evangelista, & Apostolicæ conscriptor historiæ; Natione Syrus, arte medicus, Græco eloquio eruditus, quem plerique

tradunt proselytum fuisse, & Hebræas literas ignorasse. Hic tamen fuit Pauli Discipulus, & individuus comes peregrinationis ejus. Quique ab ineunte pueritia castissimus fuit, & evangelicæ prædicationis opus exercuit. Obijt septuagesimo quarto vitæ suæ anno. Sepultus in Bithynia, cujus quidem ossa regnante Constantino Constantinopolim fuerunt translata.

CAPUT LXXXIII.

Marcus Evangelista, Petri Discipulus, ejusque in Baptismate filius. Cujus quidem Evangelium nonnulli à Petro Romæ dictatum ferunt. Hic, ne ad Sacerdotium promoveretur, abscidisse sibi pollicem fertur. Primus autem Alexandriae Cathedram tenuit, primusque Ecclesias Ægyptiorum fundavit, tantis doctrinæ, & continentiae virtutibus florens, ut omnes Discipuli Christi ejus imitationem sequerentur. Mortuus est octavo Neronis anno in Alexandria, placida quiete sepultus.

CAPUT LXXXIV.

Barnabas, qui, & Joseph, natione Cypriæ Civitatis à Cyro Rege Persarum conditæ, cum Paulo in gentibus Apostolatum adeptus, deinde propter Joannem Discipulum, qui etiam cognomento Marcus appellatur, sejunctus à Paulo, nihilominus evangelicæ prædicationis injunctum sibi opus exercuit.

CAPUT LXXXV.

Timotheus Ephesiorum Episcopus de Civitate Listrensium, patre Græ-

(1) Ex adjectis Hieronymi Catalogo à Græcis, qua tamen non h. i. Simoni, sed Simponi conveniunt.

Græco, id est, Ethnico, matre autem Judæa, ut refert Apostolus dicens: Quia habitavit fides in avia tua Loide, & matre tua Eunice, certum autem scio, quod in te quoquē. Hic autem fuit Discipulus Pauli, ejusque spiritualis filius, quem puerum propè secum idem Paulus assumpsit. Qui pudicus, & virgo permansit: quique apud Ephesum in monte qui vocatur Phion, cum magno honore sepultus quiescit.

CAPUT LXXXVI.

Titus Pauli Discipulus, & in Baptismo filius, natione Græcus, ex gentibus solus à Paulo Apostolo post Evangelium circumcisis, quem ad instruendas Cretæ Ecclesias præfatus reliquit Apostolus. Ibi in pace defunctus est, atque sepultus.

DIVI ISIDORI HISPALENSIS EPISCOPI HISTORIA DE REGIBUS GOTTHORUM, WANDALORUM, ET SUEVORUM.

I GOTTHORUM antiquissimam esse gentem certum est: quorum originem quidam de Magog, filio Japhet suspicantur educi à similitudine ultimæ syllabæ, & Magis de Ezechiele Propheta id colligentes.⁽¹⁾ Retro autem eruditio eos magis Getas, quàm Gog, & Magog appellare consuevit. Gens fortissima etiam Judæam terram vastatura describitur. Interpretatio autem nominis eorum in linguam nostram tecti, quo significatur fortitudo: & re verà, nulla enim gens in Orbe fuit, quæ Romanum Imperium adeò fatigaverit, ut hi. Isti⁽²⁾ enim sunt quos etiam Alexander vitandos pronuntiavit, Pyrrhus pertimuit, Cæsar exhorruit. Per multa quippè retro secula Ducibus usi sunt, postea Regibus, quorum oportet tempora per ordinem cursim exponere, & quo nomine actuque regnaverint, de historiis libata retexere.

2 ANNO ante æram conditam. x i i. dum pro arripiendo Reipublicæ Imperio, Gn. Pompejus, & C. Julius Cæsar arma civilia commovissent: Gotthi, ad præbendum Pompejo auxilium, in Thessaliam adversus Cæsarem pugnaturos venerunt. Ubi dum in Pompeii exercitu Æthiopes, Indi, Persæ, Medi, Græci, Armeni, Scythæ, ac reliquæ Orientis gentes evocatæ adversus Julium dimicassent, isti præ cæteris Cæsari fortius restiterunt. Quorum Cæsar copia, & virtute turbatus fertur fugam meditatus esse, nisi nox prælio finem dedisset. Tunc Cæsar ait: Nec Pompejum scire vincere, nec Cæsarem posse vinci. Nam si Pompejus vincere nosset, hodiè cum tam asperis Viris Cæsarem superasset.

3 Æra ccxciv. Anno Imperii
Va-

(1) Hieronym. in Quæst. Heb. Genes. 10. Et certè Gotthos omnes retro eruditi magis Getas, quàm Gog, & Magog, appellare consueverant.

(2) Ex Orig.

Valeriani , & Gallieni secundo , Gotthi descensis montibus Alpibus quibus inhabitabant , Græciam , Macedoniam , Pontum , Asiam , atque Illyricum , vastaverunt. Ex quibus Illyricum , & Macedoniam. xv. ferme annis tenuerunt. Deindè à Claudio Imperatore superati sedes proprias repetunt. Romani autem Claudium Augustum pro eo , quod tam fortissimam gentem à finibus Reipublicæ removisset , insigni gloria honorantes , in foro illi aureum clypeum , in capitolio auream statuam collocaverunt.

4 Æra ⁽¹⁾ CCLXVIIII. anno xvi. Imperii Constantini, Gotthi Sarmatarum regionem aggressi copiosis-
simis super Romanos irruerunt agminibus , vehementi virtute cuncta gladio , & deprædatione vastantes. Adversus quos idem Constantinus aciem instruxit , ingentique certamine vix superatos ultra Danubium expulit , de diversis gentibus virtutis gloria clarus , sed de Gotthorum victoria amplius gloriosus. Quem Romani acclamante senatu publica laude prosequuti sunt , quòd tantam gentem vicerit , quod Patriam Rempublicam reformaverit.

5 Æra ⁽²⁾ CDVIIII. Anno V. Imperii Valentis , primus Gotthorum gentis administrationem suscepit Athanaricus regnans annos xiiii. qui persecutione crudelissima adversus fidem commota , voluit se exercere contra Gotthos , qui in gente sua Christiani habebantur , ex quibus plurimos , qui Idolis immolare non acquieverunt , martyres fecit : reliquos autem multis persecutionibus affectos , dum pro multitudine horreret interficere , dedit licentiam , immò magis coëgit de Regno suo exire , atque in Romani Soli migrare Provincias.

6 Æra CDXV. anno xiiii. Imperii Valentis , Gotthi in Istrium adversus semetipsos in Athanarico , & Frigiderno divisi sunt , alternis sese caedibus depopulantes. Sed Athanaricus Frigidernum Valentis Imperatoris suffragio superat. Hujus rei gratia legatos cum muneribus ad eundem Imperatorem mittit , & Doctores propter suscipiendam Christianæ Fidei regulam poscit. Valens autem à veritate Catholicæ Fidei devius , & Arianæ hæresis perversitate detentus , missis hæreticis Sacerdotibus , Gotthos persuasione nefanda sui erroris dogmati adgregavit , & in tam præclaram gentem virus pestiferum semine pernicioso transfudit , sicque errorem , quem recens credulitas ebibit , tenuit , diuque servavit. Tunc Gulfilas eorum Gotthorum Episcopus Gotthicas litteras condidit , & scripturas Novi , ac Veteris Testamenti in eandem linguam convertit. Gotthi autem , statim ut litteras , & legem habere cœperunt , instruxerunt sibi dogmatis sui Ecclesiæ , talia juxta eundem Arium de ipsa divinitate documenta tenentes : ut crederent : Filium Patri majestate esse minorem , & æternitate posteriorem. Spiritum autem Sanctum , nec Deum esse , neque substantiam Patris existere , sed per Filium creatum esse , utriusque ministerio deditum , & amborum obsequio subditum. Aliam quoquæ Patris sicut personam , sic , & naturam asserentes : Aliam Filii , aliam denique Spiritus Sancti , ut jam non (secundum Sanctæ Scripturæ traditionem) unus Deus , & Dominus coleretur : sed juxta idolatriæ superstitionem tres dii venerantur. Cujus blasphemix malum per decessum tempor-

(1) *Al.* cclxxii.

(2) *Al.* cdviii.

porum, Regumque successum annis cxxi i. tenuerunt. Qui tandem reminiscentes salutis suæ renuntiaverunt inolitæ perfidiæ, & per Christi gratiam ad unitatem Fidei Catholicæ pervenerunt.

7 Æra CDXVI. anno XLV. Imperii Valentis, Gotthi, qui primum Christianos à terra sua expulerant, rursus ipsi ab ⁽¹⁾ Ugnis cum Rege suo Athanarico expulsi sunt, transitoque Danubio, cum vim ferre non possent Valentis Imperatoris, sese non depositis armis tradunt, & Thraciam ad inhabitandum accipiunt. Sed ubi viderunt se opprimi à Romanis contra consuetudinem propriæ libertatis ad rebelandum coacti sunt. Thraciam ferro incendiisque depopulantur, dejectoque Romanorum Exercitu ipsum Valentem jaculo vulneratum, in quadam Villa fugientem succenderunt, ut meritò ipse ab eis vivus temporali cremaretur incendio, qui tam pulchras animas ignibus æternis tradiderat. Invenierunt autem eo prælio Gotthi Confessores Priores Gotthos, quos dudum propter fidem à terra sua expulerant, & voluerunt eos sibi ad prædæ societatem conjungere. Qui, cum non acquievisset, aliquanti interfecti sunt. Alii ⁽²⁾ montuosa loca tenentes, & refugia sibi qualiacumque construentes, non solum perseveraverunt Christiani Catholici, sed etiam in concordia Romanorum, à quibus dudum excepti fuerant, permanserunt.

8 Æra CDXIX. anno Imperii Theodosii Hispani III. Athanaricus cum Theodosio jus amicitiamque disponens, mox, Constantinopolim pergit, ibique quinto decimo die postquam fuerat à Theodosio honorabili-

tèr susceptus interiiit. Gotthi autem, proprio Rege defuncto, aspicientes benignitatem Theodosii Imperatoris, inito fœdere, Romano se Imperio tradiderunt, & fuerunt cum Romanis xxv i i. annis.

9 Æra CDXX. anno Imperii Theodosii IV. Gotthi patrocinium Romani fœderis recusantes, Alaricum Regem sibi constituunt, indignum iudicantes Romanæ esse subditos potestati, eosque sequi, quorum jam pridem leges Imperiumque respuerant, & de quorum se societate prælio triumphantes averterant.

10 Æra CDXXXVII. anno Imperii Honorii, & Arcadii quarto, Gotthi in Alarico, & Radagaiso divisi, dum semetipsos in duabus Regni partibus variis cædibus lacerarent, ob excidium Romanorum concordēs effecti, consilium in commune constituunt, parique intentione ad prædandas quascumque Regiones Italiæ ab invicem dividuntur.

11 Æra CDXLIII. anno Honorii, & Arcadii x. Rex Gotthorum Radagaisus genere Scythæ, cultui idolatriæ deditus, barbaricæ immanitatis feritate sævissimus, cum ducentis armatorum millibus Italiæ partes vehementi vastatione aggreditur, spondens in contemptum Christi Romanorum sanguinem Diis suis libare, si vinceret. Cujus exercitus ab Stilicone Duce Romano in montuosis Thuscæ locis circumclusus, fame est potius, quàm ferro consumptus. Ipse postremum Rex captus, & interfectus est.

12 Æra ⁽³⁾ CDXLVII. An. Imperii, & Arcadii xv. extincto Radagaiso Alaricus consors Regni, nomine quidem Christianus, sed professione

S

hæ-

(1) *Al. Hannis.*

(2) *Vide Eutropium*

(3) *Vide Procopium. Jordanem, Marcellinum, Paulum Diaconum.*

hæreticus, dolens tantam multitudinem Gotthorum à Romanis extinctam, in vindictam sanguinis suorum adversus Romam prælium gessit, obsessamque impetu, igne, gladiis irrumpit: sicque Urbs cunctarum gentium victrix, Gotthicis triumphis victa succubuit, eisque capta subjugataque servivit. Tàm autem Gotthi clementes ibi extiterunt, ut votum antea darent, quod si ingrederentur Urbem, quicumque Romanorum in locis Christi inveniretur, in vastationem Urbis non mitteretur. Post hoc igitur votum, aggressi Urbem omnibus, & mors, & captivitas indulta est, qui ad Sanctorum limina confugerunt. Sed, & qui extra loca Martyrum erant, & nomen Christi, & Sanctorum nominaverunt, & ipsis simili misericordia pepercunt. In reliquis autem, etsi præda hostium patuit, ferendi tamen inhumanitas refrænata est. Incursantibus autem in illa vastitate per Urbem Gotthis, dum quidam potens virginem consecratam ætate provectam reperisset, eamque honestè admoneret: ut, si quid apud se auri, argenteque esset, proferret: illa fideli conscientia quod habuit protulit: cumque ille vasorum formam, & pulchritudinem, ex illa antiqua Romanorum opulentia miraretur, virgo ait: Hæc vasa mihi de sacrario Petri Apostoli deposita sunt: præsume, si audes. Ego sacram hostiam dare non audeo. Gotthus ille ad nomen Apostoli magno pavore perterritus, Regi hoc per nuntium refert, qui confestim Rex reportari omnia ad sacrarium Sancti Petri, per Virginem illam summa cum reverentia iussit, dicens: Cum Romanis gessi bellum, non cum Apostolis Dei. Rediit igitur virgo reverentissimis officiis ho-

norata, redeunt, & cum illa omnes, qui ei se sociaverant, super capita sua vasa illa aurea, & argentea cum hymnis, & canticis reportantes. Exercitus undique jussu Regis ob defensionem armatorum custodiis concurrunt. Undique ad voces canentium de latibulis agmina Christianorum. Concurrunt etiam, & pagani, atque admisti inter eos, dum servos Christi se esse fingunt, etiam, & ipsi calamitatis excidium evaserunt. Hac tempestate Gotthi ⁽¹⁾ Placidiam Theodosii Principis Imperatoris filiam, Arcadii, & Honorii Imperatorum sororem, cum ingenti auri, argenteque thesauro Romæ capiunt, Adeptisque multis opibus Romanorum, tertia die, incensa, eversaque in partibus Urbe, discedunt, indè conscensis navibus, cum ad Siciliam exiguo ab Italia freto divisam transire disponent, infesto mari periclitati, multum exercitum perdidērunt. Quibus tanta fuit gloria de Romanæ Urbis obtentu, ut in ejus comparatione nihil se mali passos tempestate illa arbitrarentur, damna navis fragii eventu victoriæ compensantes. Mors Alarici confestim sequuta, vigesimo octavo Regni anno defunctus est in Italia.

13 Æra CDXLIX. anno Imperii Arcadii, & Honorii XVII. & sexto Theodosii Minoris, Alarico post captam Urbem, defuncto, Athaulfus à Gotthis Italiæ Regno præficitur annis VI. Iste quinto Regni anno de Italia recedens, Gallias adiit, Placidiam Theodosii Imperatoris filiam, quam Romæ Gotthi ceperant, conjugem sibi assumpsit. In qua prophetia Danielis à quibusdam creditur fuisse completa, quibus ait: filiam Regis Austri conjungendam Regi Aquilonis, nulla

ta-

(1) *Al. Placidam.*

tamen de germine ejus sobole subsistente. Sicūt, & idem in sequentibus Propheta subjungit dicens: nec stabit semen ejus. Nullus enim de utero illius extitit genitus, qui patris in Regno succederet. Athaulfus autem dūm, relictis Galliis, Hispanias peteret, à quodam suorum apud Barcinonam inter familiares fabulas jugulatur.

14 Æra CDLIV. ann. Imperii Honorii, & Arcadii XXII. post obitum Athaulfi, à Gotthis Sigericus Princeps electus est, qui dum ad pacem cum Romanis esset promptissimus, mox à suis est interfec̃tus.

15 Æra, & anno, quo supra. Walia Sigerico succedens, tribus annis Regnum tenuit, belli causa Princeps à Gotthis effectus, sed ad pacem Divina Providentia ordinatus, mox enim cum regnare cœpit, fœdus cum Imperatore Honorio pepigit, Placidiam sororem ejus, quæ à Gotthis Romanæ capta fuerat, ei honorificè reddidit, promittens Imperatori propter Rempublicam omne certamen implendum. Itaque ad Hispanias per Constantium Patritium evocatus, Romanj nominis causa cædes magnas barbaris intulit. Wandalos, Selinguos in Bæthica omnes bello extinxit. Alanos, qui Wandalis, & Suevis pōtentabantur, adeò cecidit: ut extincto Atace Rege ipsorum, pauci qui super fuerat, obliito Regni nomine, Gunderici Regis Wandalorum, qui in Gallecia resederat, se regimini subjugarent. Confec̃to igitur Walia bello Hispaniæ, dum instructa navali acie, in Africam transire disponeret, in freto Gaditani maris vi gravissimæ tempestatis effractus, mem̃or etiam illius sub Alarico naufragij, omisso navigationis periculo, relictis Hispaniis, Gallias repetit. Dataque ei ab Imperatore ob meritum victoriæ secunda

Aquitania, cum quibusdam Civitatibus confinium Provinciarum usque ad Oceanum.

16 Æra CDLVII. anno Imperii nono Theodosii Minoris, Rege Walia defuncto, Theoderedus successit in Regnò annis xxxiii. Qui Regno Aquitanico non contentus, pacis Romanæ fœdus recusat, pleraque municipia Romanorum vicina sedibus suis occupat, Arelas nobilissimum Galliæ oppidum multa vi obsessum oppugnat. A cujus obsidione, imminente virtute Aëtii Romanæ militiæ Ducis, non impunitus abscedit. Remoto igitur Valentiniiani Imperatoris jussu à potestate militari Aëtio, dum Theoderedus Narbonensi Urbī diutina obsidione, ac fame esset infestus rursus à Litorio Romanæ militiæ Duce, Ugnis auxiliantibus, effugatur. Litorius autem dum primūm res prosperas adversus Gotthos gessisset, denūo Dæmonum signis aruspicumque responsis deceptus bellum cum Gotthis imprudentèr iniit, amissoque Romano Exercitu, miserabiliter superatus interiit. Fecitque intelligi, quantum illa, quæ cum eodem periit multitudo, prodesse potuerit; si fide potius, quàm fallacibus Dæmoniorum ostentis uti maluisset. Extincto igitur Litorio, pace deindè Theoderedus cum Romanis inita, denūo adversus Ugnos Galliarum Provincias sæva populatione vastantes, atque Urbes plurimas evertentes in campis Catalaunicis, auxiliante Aëtio Duce Romano, aperto Marte conflixit, ibique præliando victor occubuit. Gotthi autem, dimicante Thurismundo Theuderidi Regis filio, adeò fortiter congressi sunt: ut inter primum prælium, & postremum trecenta ferè millia hominum in eo certamine prostrarentur. Multa eodem tempore Cœli, & terræ

ræ signa præcesserunt, quorum prodigiis tam crudele bellum significatur. Nam, assiduis terræmotibus factis, à parte orientis Luna fuscata est, à Solis occasu stella cometes apparuit, atque ingenti magnitudine aliquandiù fulsit. Ab Aquilonis plaga Cælum rubens, sicut ignis, aut sanguis, effectus est, permistis per igneum ruborem lineis clarioribus in speciem hastarum rutilantium deformatis. Nec mirum, ut tam ingenti cæsorum strage, divinitus tam multà signorum demonstraretur ostensio. Ugni autem usque ad internicionem penè cæsi cum Rege suo Athila, relictis Galliis, Italiam perfugiunt, aliquantis Civitatibus irruptis. Qui, & ibi partim fame, partim Cœlestibus plagis percussi interierunt. Misso insuper à Martino Imperatore exercitu, forti plaga cæduntur, affectique nimium, ac diminuti, sedes proprias repetunt, ad quas Rex eorum Athila, mox, ut remeavit, occubuit. Post ejus obitum Ugnorum gens proprio se insuper excidio devastavit. Statimque inter filios ejus de obtinendo Regno magna sunt exorta certamina. Atque ita Ugni, qui tot cladibus antea diminuti fuerant, rursùm mutuis sese gladiis conciderunt. In quibus illud mirum est: ut, dum omne prælium detrimentum habeat Populorum isti vice versa cadendo, proficiant. Sed proinde est, quia in Disciplinam fidelium positi sunt, sicut Populus est gentis Persarum. Virga enim furoris Dei sunt, & quoties indignatio ejus adversus fideles procedit, per eos flagellantur, ut eorum afflictionibus emendati, à seculi cupiditate, & peccato semetipsos coërceant, & Cœlestis Regni hæreditatem possideant. Adeo autem hæc gens horrida est: ut cum famem in bello fuerit passa, venam tangat equi, & sic excludat hausto sanguine famem.

17 Æra CDXC. ann. primo Imperii Martiani, Turismundus filius Theoderedis, provehitur ad Regnum anno uno. Qui dum in ipsis Regni sui exordiis feralis, ac noxius hostilia inspiraret, & multà ageret insolentiùs, à Theuderico, & Frigidarico fratribus est occisus.

18 Æra CDXCI. ann. 11. Imperii Martiani Theudericus, post fraternali necem, in Regnum succedens Imperavit annis XI. qui pro eo quod Imperatori habito sumendi imperialis fastigii cum gallis auxilium præbisset, ab Aquitania in Hispaniam, cum ingenti multitudine Exercitus, & cum licentia ejusdem Aviti Imperatoris ingreditur anno Regni quinto. Cui cum magna copia Rex Suevorum Recchiarius occurrens duodecimo ab Asturicensis Urbis milliario apud fluvium, qui Urbicus appellatur, inito mox certamine, superatus est, cæsis Suevorum agminibus, aliquantis captis, plurimisque fugatis. Ipse postremo Rex telo saucius fugit, præsidioque suorum carens ad locum Portucale capitur, Regique Theuderico vivus offertur. Quo perempto, multis, qui de priore certamine super fuerant sese tradentibus, aliquantis nihilominus trucidatis, Regnum penè destructum est, finitumque Suevorum Regnum. Reliqui autem Suevi, qui remanserant in extrema parte Galleciæ, Massilæ filium nomine Masdram sibi Regem constituunt, Regnum reparatur Suevorum. Occiso Recchiario, Theudericus de Gallecia ad Lusitaniam victor succedens, dum Emeritensem Urbem deprædari moliretur, Sanctæ Martyris Eulaliæ ostentis perterritus, cum omni protinus Exercitu discedit, & Gallias repetit. Mox deinde partem unam Exercitus Duce Ceurila ad Beticam Provinciam mittit: partem aliam

aliam sub Singerico, & Nepotiano Ducibus ad Gallectiam dirigit, qui Suevos apud Lucum sæva deprædatione vastaverunt. In Galliis autem Agrippinus Comes, & Civis, Ægidio Comiti Romano æmulus, ut Gotthorum mereretur auxilia, Narbonam tradidit Theudericò. Post aliquot Legati à Remismundo Masdræ filio Rege Suevorum missi, ad Theudericum venerunt, pacem amicitiamque poscentes. Similiter Theudericus ad Remismundum remittit cum armorum adjectione, vel munerum, directa etiam conjuge, quam haberet. Sallanem quoque Legatum denuo Theudericus mittit ad Remismundum. Qui reversus ad Gallias Theudericum ab Eurico fratre suo reperit interfectum.

19 Æra D I V. ann. Imperii Leonis I X. Euricus pari scelere, quo frater succedit in Regnum ann. X V I I. In quo honore provectus, & crimine, statim Legatos ad Leonem Imperatorem dirigit. Nèc mora partes Lusitanie magno impetu deprædatur. Exercitum inde alium mittit, qui captam inde Pampilonam, & Cæsaraugustam, misso exercitu, capit, superiorem quoque Hispaniam in potestatem submittit. Tarraconensis etiam Provincia nobilitatem, quæ ei repugnaverat, exercitus irruptione evertit. In Gallias autem reversus Arelatum Urbem, & Massiliam bellando obtinuit, suoque Regno utrasque adjecit. Iste quodam die, congregatis in colloquio Gotthis, tela, quæ omnes habebant in manibus, à parte ferri, vel acie alia viridi, alia roseo, alia croceo, alio nigro colore naturalem ferri speciem vidit aliquandiu habuisse mutatam. Sub hoc Rege Gotthi legum statuta in

scriptis habere coeperunt. Nam antea tantum moribus, & consuetudine tenebantur. Obijt Arelati Euricus Rex morte propria defunctus.

20 Æra ⁽¹⁾ D X X I. ann. x. Imperii Zenonis, Eurico mortuo, Alaricus filius ejus, apud Tolosanam Urbem Princeps Gotthorum constituitur, regnans ann. X X I I. adversus ⁽²⁾ quem Fludujus Francorum Princeps Galliarum Regnum affectans, Burgundionibus sibi auxiliantibus, bellum movet, fusisque Gotthorum copiis, ipsum postremo Regem apud Pictavium superatum interficit. Theudericus autem Italiae Rex, dum interitum generi comperisset, confestim ab Italia profiscitur, Francos proterit, partem Regni, quam manus hostium occupaverat, recepit, Gotthorum juri restituit.

21 Æra D X L I V. an. X V I I. Imperii Anastasii Gisaleicus, superioris Regis filius ex concubina creatus, Narbonæ Princeps efficitur regnas annos quatuor, sicut genere vilissimus, ita infelicitate, & ignavia summus Denique dum eadem Civitas à ⁽³⁾ Gundebado Burgundionum Rege direpta fuisset, iste cum multo sui dedecore, & cum magna suorum clade apud Barcinonam se contulit, ibique moratus, quousque etiam Regni fascibus à Theudericò fugæ ignominia privaretur. Inde profectus ad Africam, Wandalarum suffragium poscit, quo in Regnum posset restitui. Qui, dum non impetrasset auxilium, mox de Africa rediens ob metum Theudericì Aquitaniam petiit, ibique anno uno delitescens, in Hispaniam revertitur, atque à Theudericì Regis Duce duodecimo à Barcinona, Urbe milliaro,

(1) *Al.* D X I.

(2) *Al.* Fludvildus Clodoveum *sic* *Aimennus*.

(3) *Al.* Gundebaldo.

commisso proelio, superatus in fugam vertitur, captusque trans fluvium Druentium Galliarum interiit, sicque prius honorem, postea vitam amisit.

22 *Æra* DLXIX. anno XXI. Imperii Anasthasii Theudericus Junior, cum jam dudum Consul, & Rex à Zenone Imperatore Romæ creatus fuisset, peremptoque Odovacro Rege Ostrogothorum, atque devicto fratre ejus Honoulfo, & trans confinia Danubii effugato, XI IX. annis in Italia regnasset, rursus extincto Gisaleico Rege Gotthorum, Hispaniæ Regnum xv. annis obtinuit, quod supersediti Amalarico nepoti suo reliquit. Inde Italiam repetens aliquandiu omni cum prosperitate regnavit, per quem etiam Urbi Romæ dignitas non parva est restituta. Muros namque ejus iste redintegravit, cujus Rei gratia à Senatu inauratam statuam meruit.

23 *Æra* DLXIV. ann. Imperii Justiniani I. regresso in Italiam Theudérico, & ibidem defuncto, Amalaricus nepos ejus v. annis regnavit. Qui, cum à Childeberto Francorum Rege apud Narbonam proelio superatus fuisset, ad Barcinonam trepidus fugit, effectusque omnium contemptibilis ab exercitu jugulatus Narbonæ in foro interiit.

24 *Æra* DLXIX. anno Imperii Justiniani VI. post Amalaricum Theudis in Hispania creatus, in Regnum annis XVI I. mensibus v. qui dum esset hæreticus, pacem tuam concessit Ecclesiæ. Ad eum ut licentiam Catholicis Episcopis daret, in unum apud Toletanam Urbem convenire, & quæcumque ad Ecclesiæ disciplinam necessaria extiterunt, liberè licenterque disponere. Eo regnante, dum Franco-

rum Reges, cum infinitis copiis in Hispaniam convenissent, & Tarracensem Provinciam bello depopularent: Gotthi, Duce Theudisclio obicibus Hispaniæ interclusis, Francorum exercitum multa cum admiratione victoriæ postraverunt. Dux idem, prece, atque ingenti pecunia sibi oblata, viam fugæ hostibus residuis unius diei noctisque spatio præbuit. Cætera infelicitum turba, cui transitus collati temporis non occurrit, Gotthorum perempta gladio concidit. Post tam felix successum victoriæ, transfretum in consultè Gotthi se gesserunt: Denique, dum adversus milites, qui ⁽¹⁾ septem Oppidum, pulsus Gotthis, invaserant, Oceani freta transissent, idemque castrum magna vi certaminis expugnarent: adveniente die Dominico, deposuerunt arma, ne diem sacrum proelio funestarent. Hac igitur occasione reperta, milites repentino incursu aggressi, exercitum mari undique, terraque conclusum, ignavum atque inermem adeo postraverunt, ut ne unus quidem superesset, qui tantæ cladis excidium præteriret. Nec mora prævenit mors debita Principem. Vulneratur enim à quodam in Palatio, qui jam dudum dementis speciem, ut Regem deciperet, simulaverat. Finxit enim arte insaniam, perfoditque Principem, quo vulnere ille postratus occubuit, & vi gladii indignantem animam exhalavit. Fertur autem inter effusionem sanguinis conjurasse, ne quis interficeret percussorem dicens, se congruam meriti recepisse vicissitudinem, quod, & ipse privatus ducem suum sollicitatus occiderat.

25 *Æra* DLXXXVI. ann. Imper. Justiniani XXII. interempto Theudi Theudisclus superioris Principis Dux

Got-

(1) *Al.* Septem.

Gotthis præficitur, regnans ann. i. menses iiii. qui dum plurimorum potentum connubia prostitutione publica macularet, & ob hæc instrueret animum ad necem multorum, præventus conjuratorum manu Hispali inter epulas jugulatur, confossusque gladio extinguitur.

26 ⁽¹⁾ Æra ⁽²⁾ dxxcvi. Imper. Justiniani xxiii. extincto Theudisclo, Agila Rex constituitur regnans ann. v. iste adversus Cordubensem Urbem proelium movens, dum in contemptum Catholicæ Religionis, beatissimi Martyris Aciscli injuriam inferret, hostiūque, ac jumentorum cruore sacrum sepulcri ejus locum, ut profanator, pollueret, inito adversus Cordubenses Cives certamine, poenas dignas Sanctis inferentibus meruit. Nam belli præsentis ultione percussus, & filium ibi cum copia exercitus interfectum amisit, & thesaurum omnem cum insignibus opibus perdidit. Ipse victus, ac miserabili metu fugatus Emeritam se recepit. Adversus quem interjecto aliquanti temporis spatio, Athanagildus tyrannidem regnandi cupiditate arripiens, dum exercitum ejus contra se Hispali missum virtute militari prostrasset: videntes Gotthi proprio se everti excidio, & magis metuentes, ne Hispaniam milites Romani auxilii occasione invaderent: Agilanem Emeritæ interficiunt, & Athanagildi sese regimini tradiderunt.

27 Æra dxcii. ann. Imper. Justiniani xxix. occiso Agilane, Athanagildus Regnum, quod invaserat tenuit ann. xiv. Hic cum jam dudum sumpta tyrannide, Agilanem Regno privare conaretur, militum sibi auxilia ab Imperatore Justiniano poposce-

rat, quos postea submovere à finibus Regni molitus non potuit. Adversus quos hucusque conflictum est. Frequentibus antea præliis cæsi, nunc verò multis casibus fracti atque finiti. Decessit autem Athanagildus Toleti propria morte vacante Regno mensibus v.

28 Æra dcv. ann. ii. Imperii Justini Minoris post Athanagildum Liuva Narbone Gotthis præficitur, regnans ann. iiii. qui secundo anno, postquam adeptus est principatum, Leuvigildum fratrem non solum successorem, sed, & participem Regni sibi constituit, Hispaniæque administrationi præfecit, ipse Galliæ Regno contemptus. Sicque Regnum duos cepit, dum nulla potestas patiens consortis sit. Huic autem unus tantum annus in ordine temporum reputatur Liuvæ Regis, reliqui Leuvigildo fratri annumerantur.

29 Æra dcvi. ann. iii. Imper. Justini Minoris Leuvigildus adeptus Hispaniæ, & Galliæ principatum, ampliare Regnum bello, & augere opes statuit. Studio quippè ejus, exercitus concordante favore, victoriarum multa præclarè sortitus est. Cantabros namque iste obtinuit, Aregiam iste cepit, Sabaria ab eo omnis devicta est, cesserunt etiam armis illius plurimæ rebelles Hispaniæ Urbes. Fudit quoque diverso prælio milites, & quædam castra ab eis occupata dimicando recepit. Herminigildum deinde filium Imperiis suis tyrannizantem, obsessum exuperavit. Postremum bellum Suevis intulit, Regnumque eorum in jura gentis suæ mira celeritate transmisit. Hispania magna ex parte potitus. Nam antea gens Gotthorum

an-

(1) DLXXXVII.

(2) xxiv.

angustis finibus arctabatur , sed obfuscavit in eo error impietatis gloriam tantæ virtutis.

30 Denique Arianæ perfidiæ furore repletus , in Catholicos persecutione commota , plurimos Episcoporum exilio relegavit. Ecclesiarum redditus , & privilegia abstulit , multos quoque terroribus in Arianam pestilentiam impulit , plerosque sine persecutione illectos auro, rebusque decepit. Ausus quoque inter cætera hæresis suæ contagia , etiam rebaptizare Catholicos , & non solum ex plebe , sed etiam ex Sacerdotalis ordinis dignitate , sicût Vincentium Cæsaraugustanum de Episcopo Apostatam factum , & tanquam à Cœlo in infernum projectum. Exstitit autem , & quibusdam suorum perniciosus : nàm quoscumque nobilissimos , ac potentissimos vidit , aut capite truncavit , aut , opibus ablatis , proscripsit , & proscriptos in exilium misit: Fiscum quoque primus iste locupletavit , primusque ærarium de rapinis civium , hostiumque manubiis auxit. Primusque etiam inter suos regali veste opertus in solio resedit. Nàm antè eum , & habitus , & consessus communis , ut Populo ità , & Regibus erat. Condidit etiam Civitatem in Celtiberia , quam ex nomine filii Reccopolim nominavit. In legibus quoque ea , quæ ab Eurico inconditè constituta videbantur , correxit , plurimas leges prætermittas adjiciens , plerasque superfluas auferens. Regnavit autem ann. *xviii*. defunctus propria morte Toleti.

31 *Æra dcccxiv. ann. iiii.* Imper. Mauriti , Leuvigildo defuncto , filius ejus Reccaredus Regno est coronatus , cultu præditus religionis , & paternis moribus longè dissimilis. Namque ille irreligiosus , & bello promptissimus. Hic fide pius , & pace

præclarus , ille armorum artibus gentis Imperium dilatans , hic gloriosus eandem gentem fidei trophæo sublimans. In ipsis enim Regni sui exordiis Catholicam Fidem adeptus totius Gothicæ gentis Populos , inoliti erroris labe deserta , ad cultum rectè Fidei revocat. Synodum deindè Episcoporum ad condemnationem Arianæ hæresis , de diversis , Hispaniæ , & Galliæ Provinciis congregat. Cui Concilio ideim religiosissimus Princeps interfuit , gestaque ejus præsentia sua , & subscriptione firmavit , abdicans cum omnibus suis perfidiam , quam hucusque Gotthorum Populus , Ario decente , didicerat , & prædicans trium Personarum unitatem in Deum , Filium à Patre consubstantialitè genitum esse , Spiritum Sanctum inseparabilitè à Patre Filioque procedere , & esse amborum unum Spiritum , undè , & unum sunt. Egit etiam gloriose bellum adversus infestas gentes fidei suscepto auxilio. Francis enim sexaginta fermè millium armatorum copiis Gallias irruentibus , misso Claudio Duce adversus eos , glorioso triumphavit eventu. Nulla unquam in Hispaniis Gotthorum victoria , vel major in bello , vel similis exstitit. Prostrati sunt enim , & capti multa millia hostium residua verò exercitus pars præter spem in fugam versa , Gotthis post tergum insequentibus , usque in Regni sui finibus cæsa est. Sæpè etiam , & lacertos contra Romanorum insolentias , & irruptiones Vasconum movit. Undè non magis bella tractasse , quàm potius gentem , quasi in palestra ludo pro uso certaminis videretur exercuisse. Provincias autem , quas pater bello acquisivit , iste pace conservavit , æquitate disposuit , moderamine rexit. Fuit autem placidus , mitis , egregiæ bonitatis , tantamque in vultu gratiam habuit , & tantam in animo be-

benignitatem gessit, ut omnium mentibus influens, etiam malos ad affectum amoris sui attraheret. Adeò liberalis, ut opes privatorum, & Ecclesiarum prædia, quæ paterna labes fisco associaverat, juri proprio restareret. Adeò clemens, ut Populi tributa sæpè indulgentiæ largitione laxaret. Multos etiam ditavit rebus, plurimos sublimavit honoribus. Opes suas in miseris, thesauros suos in egenis recondens, sciens ad hæc illi fuisse collatum Regnum, ut eo salubriter fruere-
tur, bonis initiis bonum finem adeptus. Fidem enim rectæ gloriæ, quam initio Regni percepit, novissimè publica confessione pœnitentiæ cumulavit. Toleti fine pacifico transiit, qui regnavit anno xv.

32 Æra DCXXXIX. an. Imperii Mauriti XXIX. post Reccaredum Regem regnat Liuva filius ejus an. II. ignobili quidem matre progenitus, sed virtutis indole insignitus. Quem in primo flore adulescentiæ Wictericus sumpta tyrannide, innocuum Regno dejecit, præcisæque dextra occidit, anno ætatis XX. Regni vero II.

33 Æra DCLXI. an. Imp. Mauriti XXI. extincto Liuvane, Wictericus, Regnum quod vivente illo invaserat, vindicat ann. VII. Vir quidem strenuus in armorum arte, sed tamen expers victoriæ. Namque adversus militem Romanum proelium sæpè molitus, nihil satis gloriose gessit præter quod milites quosdam Sagontia per Duces obtinuit. Hic in vita plurima illicita fecit in morte autem, quia gladio operatus fuerat gladio periiit. Mors quippè innocentis inulta in illo non fuit: inter epulas enim prandiit conjuratione quorundam est interfectus, corpus ejus vilitè est exportatum atque sepultum.

34 Æra DCLXIX. an. Imp. Pho-

catis sexto Gundemarus post Wictericum regnat an. II. Hic Vascones una expeditione vastavit, alia militem Romanum obsedit morte propria Toleti decessit.

35 Æra DCL. an. Imperii Heraclii II. Sisebutus Christianissimus post Gundemarum, ad regale fastigium evocatur regnat ann. IX. mens. VI. qui initio Regni Judæos ad Fidem Christianam permovens æmulationem quidem habuit, sed non secundum scietiam, potestate enim compulit, quos provocare fidei ratione oportuit. Sed, sicut est scriptum, sive per occasionem, sive per veritatem, donec Christus annuntiatur. Fuit autem eloquio nitidus, sententia doctus, scientia litterarum magna ex parte imbutus. In judiciis justitia, & pietate strenuus, ac præstantissimus, mente benignus, splendore Regni præcipuus, in bellicis quoque documentis, ac victoriis clarus. Astures enim rebellantes, misso Exercitu, in ditionem suam reduxit. Ruccones montibus arduis undique consepultos perduces evicit. De Romanis quoque præsens bis feliciter triumphavit, & quasdam eorum Urbes expugnando sibi subjecit, residuas inter fretum omnes exinanivit, quas gens Gotthorum post in ditionem suam facile redegit. Adeò post victoriam clemens, ut multos ab Exercitu suo, hostili præda in servitutem redactos, pretio dato, absolveret, ejusque thesaurus redemptio existeret captivorum. Hunc alii proprio morbo, alii immoderato medicamenti haustu, alii veneno asserunt interfectum. Cujus exitus non modo religiosus, sed etiam optimis laicis exitiit luctuosus. Relicto Reccaredo filio parvulo, qui post Patris obitum Princeps paucorum dierum morte interveniente, habetur.

Æra

36 Æra DCLIX. ann. Imperii Heraclii x. gloriosissimus Suintila gratia divina Regni suscepit sceptrum. Iste sub Rege Sisebuto Ducis nactus officium Romana castra perdomavit, Rucones superavit. Postquam verò apicem fastigii regalis conscendit, Urbes residuas, quas in Hispanis Romana manus agebat, proelio conserto obtinuit, auctamque triumphum gloriam præ cæteris Regibus felicitate mirabili reportavit. Totius Hispaniæ infra Oceani fretum Monarchia Regni primus idem potitus, quod nulli retro Principum est collatum. Auxit eo proelio virtutis ejus titulum duorum Patritiorum obtentus, quorum alterum prudentia suum fecit, alterum virtute proelii sibi subjecit. Habuit quoque, & initio Regni expeditionem contra incursus Vasconum Tarraconensem Provinciam infestantium, ubi adeò montivagi Populi terrore adventus ejus perculsi sunt, ut confestim, quasi debita jura noscentes, remissis telis, & expeditis ad precem manibus supplices ei colla submitterent, obsides darent, ⁽¹⁾ Ologitum Civitatem Gotthorum, stipendiis suis, & laboribus conderent, pollicentes ejus Regno ditionique parere, & quidquid imperaretur, efficere. ⁽²⁾ Præter has militaris gloriæ laudes plurimæ in eo regiæ majestatis virtutes, fides, prudentia, industria, in judicis examinatio, strenua in regendo Regno cura, præcipua circa omnes munificentia largus, erga indigentes, & inopes misericordia satis promptus. Ità, ut non solum Princeps Populorum, sed etiam pater pauperum vocari sit dignus. Hujus filius Racimirus in consortium Regni assumptus, pari cum pa-

tre solio conlætatur, in cuius infantia ità sacre indolis splendor emicat, ut in eo, & meritis, & vultu paternarum virtutum effigies prænotetur. Pro quo ex orandus est coeliatque humani generis rector, ut sicut extat concessu patrio socius, ità post longævum parentis Imperium sit, & Regni successionem dignissimus. Computatis igitur Gotthorum Regum temporibus ab exordio Athanarici Regis, usque ad quintum gloriosissimi Suintilæ Principis annum, Regnum Gotthorum per annos CCLVI. Deo favente, reperitur esse porrectum.

*Item recapitulatio ejusdem
Isidori in Gotthorum
laudem.*

I Gotthorum antiquissima origo de Magog filio Japhet fuit, undè, & Scytharum genus exitit. Nam iidem Gotthi Scythica probantur origine sati. Undè nec longè à vocabulo discrepant. Demutata enim, ac detracta littera, Getæ, quasi Scythæ, sunt nuncupati. Hi igitur Septemtrionis glacialia juga in habitantes circa Scythica Regna, quæque sunt ardua montium cum cæteris gentibus possidebant, quibus sedibus imperu gentis Ugnorum pulsi, transgressoque Danubio, Romanis se dederunt. Sed, dum injurias eorum non sustinerent, indignati Regem sibi ex sua turba legunt, Thraciam irruunt, Italiam vastant, obsessam Urbem capiunt, Gallias aggre-diuntur, patefactisque Pyrenæis montibus Hispanias, usque perveniunt, ibique sedem vitæ, atque Imperium locaverunt. Populi natura perniciēs, ingenio alacres, conscientie viri-

(1) *Al. Theologitum.*

(2) *Hac vivo Suintila scripta. Atqui damatur in Concilio 4. Toletano, in quo subscribit Isidorus.*

ribus freti, robore corporis validi, staturæ proceritate ardui, gestu, habituque conspicui, manu prompti, duri vulneribus, juxta quod ait Poëta de ipsis: Mortem contemnunt laudato vulnere Getæ. Quibus tanta exitit magnitudo bellorum, & tam extollens gloriosæ victoriæ virtus, ut Roma ipsa victrix omnium Populorum, subacta captivitatis jugo Geticis triumphis accederet, & domina cunctarum gentium illis, ut famula, deserviret. Hos Europæ omnes tremuere gentes, Alpium his cessere obices. Wandali- ca, & ipsa crebro opinata barbaries, non tantum præsentia eorum exterrita, quam opinione fugata est. Gotthorum vigore Alani extincti sunt, Suevi quoque hæcenus intra inaccessos Hispaniarum angulos coarctati, etiam eorum armis periculum finis experti sunt, & Regno, quod desidiioso torpore tenuerunt, turpiori nunc dispendio caruerunt, quamquam tenuisse hucusque valde sit mirum, quo sine experimento defensionis carere potuerunt. Sed quis poterit tantam Gotthicæ gentis edicere Virium magnitudinem, quandoquidem dum multis gentibus vix precum causa, & munus, regnare licuerit. His tamen libertas magis de congressione quam depetita contigit pace. Atque ubi sese necessitas bellandi opposuit, Vires eos potius, quam preces adhibuisse. Porro in armorum artibus spectabiles sat- tis sunt, & non solum hastis, sed, & jaculis equitando configunt. Nec equestri tantum proelio, sed, & pedestri incedunt: veruntamen magis equitum præpeti cursu confidunt, undè, & Poëta: Getes, inquit, quo pergit equo. Exercere enim se telis, ac prælis

præludere maximè diligunt. Ludorum certamina usu quotidiano gerunt. Hac sola tantum armorum experientia hucusque carebant, quod classica bella in mari gerere non studebant. Sed postquam Sisebutus Princeps cælesti gratia Regni sumpsit sceptrum, ejus studiis ad tantam felicitatis virtutem profecti sunt: ut non solum terras, sed, & ipsa maria suis armis adeant, subactusque serviat illis Romanus miles, quibus servire tot gentes, & ipsam Hispaniam videt.

Wandalorum (1) Historia.

I **Æ**RA CDXLIV. ante bien-
nium irruptionis Roma-
næ Urbis excitatæ per Stiliconem gen-
tes Alanorum, Suevorum, & Wan-
dalorum, trajecto Rheno fluvio, in
Gallias irruunt, Francos proterunt,
directoque impetu ad Pyrenæum us-
que perveniunt, cujus obice per Di-
dymum, & Veranium Romanos
nobilissimos, ac potentissimos fratres
occupato, ab Hispania tribus annis re-
pulsus, per circumjacentes Gallia Pro-
vincias vagabantur. Sed postquam
iidem fratres, qui privato præsidio
Pyrenæi claustra tuebantur, ob suspi-
cionem tyrannidis insontes, & nulla
culpa obnoxii à Constantio Cæsare in-
terfecti sunt. *Æra CDXLVI.* memora-
tæ gentes Hispaniarum Provincias ir-
rumpunt.

2 *Æra (2) CDLVI.* Wandali,
Alani, & Suevi Hispanias occupan-
tes neces vastationesque cruentis dis-
cursionibus faciunt, Urbes incen-
dunt, substantiam direptam exhau-
riunt, ita ut humanæ carnes vi famis
devorarentur à Populis. Edebant fi-
lios

(1) Chronicon in v. c.
(2) *Al.* CDXLVI.

lios suos matres, bestię quoquē morientium gladio, fame, ac peste cadaveribus assuetę, etiam in vivorum efferebantur interitum, atque ita quatuor plagis per omnem Hispaniam sævientibus, divinę iracundię per Prophetas scripta olim prænunciatio adimpletur.

3 Æra CDLIX. post plagarum diram perniciem, quibus Hispania cæsa est, tandem barbari, ad pacem ineundam, Deo miserante conversi, sorte in possessionem sibi ejus Provincias dividunt. Galleciam enim Wandali, & Suevi occupant: Alani Lusitaniam, & Carthaginensem Provinciam: Wandali autem, cognomine Silingi, relicta Gallecia, & postquam Tarraconensis Provincię Insulas devastarunt, regressi, Bethicam sortiuntur. Hispani autem per Civitates, & Castella residua plagis afflictī barbarorum dominantium sese servituti subjiunt. Primus autem in Hispania Gundericus Rex Wandalorum successit regnans Gallecię partibus annis XIX. Qui, dum rupto fœdere pacis, Suevorum gentem in Erbasis montibus obsideret, relicta obsidione Suevorum, Balearicas Tarraconensis Provincię Insulas deprædatur. Deinde, Carthagine Spartaria eversa, cum omnibus Wandalis, ad Bethicam transit, Hispalim diruit, actaque cæde, in direptionem mittit. Qui cum auctoritate regię potestatis irreverenter manus in Basilicam Vincentii Martyris Civitatis ipsius extendisset, mox Dei judicio in foribus Templi Dæmonio correptus interiit.

4 Æra CDLXIX. ⁽¹⁾ Gisericus frater Gunderici succedit in Regnum annis XL. Qui ex Catholico effectus apostata in Arianam primus fertur

transisse perfidiam. Hic de Bethicę Provincię littore cum Wandalis omnibus, eorumque familiis ad Mauritaniam, & Africam, relictis Hispaniis, transfretavit. Cui Valentinianus Junior Occidentis Imperator non valens obsistere, pacem mittit, & partem Africę quam Wandali possiderent, tanquam pacificę dedit, conditionibus ab eo Sacramenti acceptis, ne quid ultra invaderet. Ille autem, de cujus amicitia nihil ambigebatur, violata Sacramenti religione, Carthaginem dolo pacis invadit, omnesque opes ejus, excruciatīs diverso tormentorum genere civibus, in jus proprium vertit. Deinde Siciliam deprædatur, Panhormum obsedit, Ariam pestilentiam per totam Africam intromittit, Sacerdotes Ecclesiis pellit, Martyres plurimos facit, & juxta prophetiam Daniëlis, demutatis mysteriis, Sanctorum Ecclesias Christi hostibus tradidit. Nēc jam Divini Cultus loca, sed suorum esse habitacula jussit. Adversus quem Theodosius Minor Orientis Imperator bellum paravit, quod ad effectum non venit. Ugnis enim Thraciam Illyricumque vastantibus, exercitus ad Wandalos missus ad defendendos Thraces Illyrianosque ex Sicilia revocatur. Majorianus autem Imperator de Italia Hispanias veniens cum in Carthaginensem Provinciam aliquantas naves sibi ad transitum adversus Wandalos præparasset, eas de littore Carthaginensi compositi Wandali per proditores arripiunt. Sicque Majorianus à sua dispositione frustratus Italiam revertitur, atque à Ricchimiro patritio fraude circumventus occiditur. Quo comperto, Gisericus non contentus solis Africę vastationibus, navibus advectus Romanam

(1) Gisericus in v. c.

nam ingreditur, direptisque per xlv. dies opibus Romanorum relictam Valentiniani, & filias ejus, & multa milia captivorum secum tulit. Mox Carthaginem redit: & per Legatos ab Imperatore, postulata pace, Valentiniani relictam Constantinopolim remittit: quarum unam ex filiabus suis filio suo Hugnerico jure matrimonii copulavit. Sicque post multarum Provinciarum clades Christianorumque spolia, atque neces moritur Regni sui anno xl.

5. *Æra dlxx:* post Gisericum Ugnericus Giserici filius regnat annis vii. mensibus v. habens in conjugio Valentiniani filiam, quam pater ejus ex Roma cum matre captivam adduxerat, qui, & ipse Ariano suscitatus furore, Catholicos per totam Africam atrocior patre persequitur, Ecclesias tollit, Sacerdotes, & cuncti ordinis Clericos in exilium mittit. Monachos quoque, atque Laicos quatuor circiter milia exiliis durioribus relegavit, Martyres fecit, Confessoribus linguas abscidit qui linguis abscissis perfectè usque ad finem loquuti sunt. Tunc Latus Neptensis Civitatis Episcopus gloriôsè martyrio coronatur. Qui dum Ariani contagii labe variis pœnis maculari non potuit, victor repente Coelos obtinuit. Ugnericus autem inter innumerabiles suarum impietatum strages, quas in Catholicos exercuerat, octavo Regni ann. ut Arius pater ejus, interioribus cunctis effussis, miserabiliter vitam finivit.

6. *Æra dxv.* Ugnerico succedit Guntamundus, regnas ann. xli. qui statim Ecclesiæ pacem reformans, Catholicos ab exilio revocavit.

7. *Æra dxxvii.* Guntamundo mortuo; Trasemundus regnat ann. xxvii. mens. iv. Iste Ariana insania

plenus Catholicos insectatur; Ecclesias claudit, Sardiniam exilio ex omni Africana Ecclesia cxx. Episcopos mittit, Carthagine moritur. Cujus tempore Fulgentius Ruspensis Episcopus in nostro dogmate claruit.

8. *Æra (1) dliv.* post Trasemundum Ildericus Ugnerici filius ex Valentiniani Imperatoris filia natus, regnat ann. vii. mens. iiii. Iste Sacramento à decessore suo Trasemundo obstrictus, ne Catholicis in Regno suo aut Ecclesias aperiret, aut privilegia restauraret, priusquam regnaret, ne religionem Sacramenti violaret, præcepit, & Sacerdotes Catholicos ab exilio reduci, & Ecclesias aperiri, quem Gilimer, assumpta tyrannide, Regno privat, & cum filiis carceris custodia mancipat.

9. *Æra dlxi.* Gilimer Regnum cum tyrannide sumpsit, multos nobilium Africæ Provinciæ creduliter extinguens, multorumque substantias tollens, adversus quem Justinianus Imperator visitatione Læti Episcopi, qui ab Ugnerico Wandalorum Rege martyr fuerat factus, exercitum cum Belisario magistro militum Duce mittit. Initoque idem Belisarius prælio Guntemirum, & Gebamundum Regis fratres primo prælio superatos interficit, deindè ipsum Gilimirim in fugam versum. Africam capit nonagesimo septimo Wandalorum ingressione anno. In ipso autem Belisarii occurso priusquam congressio fieret, Gilimer tyrannus Ildericum Regem cum quibusdam generis ejus affinibus occidit. Belisarius autem Gilimirim tyrannum capit, eumque cum divitiis ex rapinis Provinciarum, & Africæ conquisitis Constantinopolim Justiniano Imperatori adducit. Sicque Regnum Wanda-

T

lo-

(1) *Al. dlxii.*

lorum cum Populo, atque stirpe deletur æra ⁽¹⁾ DLXIV. quod permansit cxi. ann. à Gunderico Rege, usque ad Gilimiri interitum.

Suevorum Historia.

1. **Æ**RA CDXLVI. Suevi, Princeps Hermerico, cum Alanis, & Wandalis simul Hispanias ingressi sunt, atque omnem Galleciam cum Wandalis occupant. Wandalis autem Africam transeuntibus, Galleciam soli Suevi sortiti sunt, quibus præfuit in Hispaniis Hermericus annis xxxii. Galleci autem in parte Proviæ Regno suo utebantur. Quos Hermericus assidua vastione deprædans, tandem morbo oppressus, pacem cum eis fecit, Recchilanem filium suum in Regnum substituit, qui cum magna parte exercitus missus, Andevotum Romanæ militiæ Ducem cum multis copiis ad ⁽²⁾ Singilium Bethicæ Provinciæ fluvium, inito bello, prostravit, magnis ejus auri, argenteque copiis occupatis. Indè Emeritam obsessam ingreditur, atque obtentam proprio Regno associat. Hermericus autem pater ejus per annos vii. diuturno langore affectus interiit.

2. **Æ**RA CDLXXI. Hermærico defuncto, Recchila filius ejus regnat ann. ⁽³⁾ vii. qui post obitum patris, Hispali obtenta, Bethicam, & Carthaginensem Provincias in suam potestatem reducit, atque indè Emeritam, sub cultu, ut ferunt, gentilitatis vitam finivit.

3. **Æ**RA CDXXCVI. Recchiarus Recchilanis filius Catholicus factus succedit in Regnum annis ix. accepta

in conjugium Theuderedi Regis Gotthorum filia. Initio Regni auspicatus Vasconias deprædatur, mox ad Theuderedum socerum suum profectus, Cæsaraugustanam Regionem remeans Gotthis auxiliantibus vastat. Tarracensem Provinciam, quæ Romano Imperio deserviebat, invadit. Carthaginenses Regiones quas Recchila Pater ejus Romanis reddiderat, in prædam mittit. Ad ultimum, dum Theudericus Rex Gotthorum in Hispaniam ingrederetur, inito proelio adversus eum, primo fugatur, deindè captus occiditur.

4. **Æ**RA CDXCV. extincto Recchiaro, Suevi, qui remanserant in extrema parte Galleciæ, Maldram Massilæ filium Regem sibi constituunt. Mox bifariam divisi, pars Frantanem, pars Maldram Regem appellant. Nec mox, Frantane mortuo, Suevi qui cum eo erant, Recchimundum sequuntur, & cum Maldra pace inita, pariter partes Lusitanæ deprædantur. Maldra autem tertio Regni anno à suis jugulatur.

5. **Æ**RA CDXCI. Maldra interfecto, inter Frumarium, & Rechimundum oritur de Regni potestate dissensio: sed Frumarius cum manu Suevorum, quam habebat, Flavien-sis Urbis Conventum gravi evertit excidio. Recchimundus autem vicina sibi pariter Auriensium, & Lucensis Conventus maritima populatur.

6. **Æ**RA DII. Frumario mortuo, Remismundus, omnibus Suevis in suam ditionem regali jure revocatis, pacem cum Gallecis reformat, Legatos foederis ad Theudericum Regem Gotthorum mittit, à quo etiam per Legatos, & arma, & conjugem, quam ha-

(1) DLXIII. in v. c.

(2) Al. Singilim.

(3) Annis viii. in v. c.

haberet, accepit. Inde ⁽¹⁾ ad Lusitaniam transit. Conimbriam pace deceptam diripit. Olysipona quoque ab eo occupatur, cive suo, qui illi præerat, tradente Lusidio. Hujus tempore Ajax Natione Galata effectus apostata Arianus inter Suevos Regis sui auxilio, hostis Catholicæ Fidei, & Divinæ Trinitatis emergit, de Gallicana Gotthorum Regione hoc pestiferum virus afferens, & totam gentem Suevorum lethalis perfidiæ tabe inficiens. Multis deinde Suevorum Regibus in Ariana hæresi permanentibus, tandem Regni potestatem Theudemirus suscepit. Qui confestim Arianæ impietatis errore destructo, Suevos Catholicæ Fidei reddidit, innittente Martino Monasterii Dumiensis Episcopo, fide, & scientia claro, cujus studio, & pax Ecclesiæ ampliata est, & multa in Ecclesiasticis disciplinis Gallicæ Regionibus instituta. Post Theudemirum ⁽²⁾ Miro Suevorum Princeps effi-

citur, regnans ann. **XI I I**. Hic bellum secundo Regni anno contra ⁽³⁾ Ruccones intulit. Deinde in auxilium Liuvigildo Gotthorum Regi adversus rebellem filium expugnandum Hispalim pergit, ibique terminum vitæ clausit.

7 Huic Heboricus filius in Regnum succedit, quem adolescentem ⁽⁴⁾ Andeca, sumpra tyrannide, Regno privat, & Monachum factum in Monasterio damnat, pro quo non diu est dilatat sententia. Nàm Liuvigildus Gotthorum Rex Suevis mox bellum inferens, obtento eodem Regno, Andecanem dejecit, atque detonsum, post Regni honorem, Presbyterii officio mancipavit. Sic enim oportuit, ut quod ipse Regi suo fecerat, rursus idem congrua vicissitudine pateretur. Regnum autem Suevorum deletum in Gotthos transfertur, quod mansisse **CLXXVI I**. annis scribitur.

T 2

GOT-

(1) Citatur in Epistola Innoc. III. ad Petrum Compostell. Isidorus in Chronicis de Gothis, titulo de Suevis.

(2) Miro capit era DCIX. ex Concil. 2. Bracchar.

(3) Ruccones in v. 6.

(4) Andeca in v. 6.

GOTTHORUM HISPANIÆ REGUM CATALOGUS.

Visum est addere Catalogum Gotthorum Hispania Regum ex Isidoro, & Juliano, (quem Vulsam alii crediderunt) & ex Conciliis vetustis non sine labore collectum: & alterum quoque Catalogum veterum Archiepiscoporum Toletanorum ex Gothico Codice Monasterii Sancti Emiliani in primis descriptum, ad Historiam Gothicam, & libri 8. Ildefonsi de Viris Illustribus intelligentiam.

Æra	Anno Christi	REGES WISEGOTTHORUM in Hispania.
407	369	Athanaricus regnavit, ann. 13.
420	382	Alaricus, ann. 28.
449	411	Athaulfus, ann. 6.
454	416	Sigericus.
454	416	Wallia, ann. 3.
457	419	Theuderedus, ann. 33.
490	452	Turismundus, ann. 1.
491	453	Theudericus, ann. 13.
504	466	Euricus, ann. 17.
521	483	Alaricus, ann. 23.
544	506	Gesaleicus, ann. 4.
549	511	Theudericus, ann. 15.
561	523	Amalaricus, ann. 5.
vel	vel	
564	526	
569	531	Theudis, ann. 17. mens. 5.
586	548	Theudisclus, ann. 1. mens. 5. dies 13.
587	549	Agila, ann. 5. mens. 3.
592	554	Athanagildus, ann. 15. mens. 6.
605	567	Liuva, ann. 1.
606	568	Liuvigildus, ann. 18.
624	586	Reccaredus, ann. 15. mens. 1. dies 10.
639	601	Liuva, ann. 2.
641	603	Witericus, ann. 6. mens. 10.
648	610	Gundemarus, ann. 1. mens. 10. dies 13.
650	612	Sisebutus, ann. 8. mens. 6. dies 16.
659	621	Reccaredus, mens. 4.
659	621	Suinthila, ann. 10.
669	631	Sisenandus, ann. 3. mens. 11. dies 16.
674	636	Chintila, ann. 3. mens. 8. dies 9.
678	640	Tulga, ann. 2. mens. 4.
680	642	Chindasuinthus, ann. 6. mens. 8. dies 10.
687	649	Reccesuinthus, ann. 23. mens. 6. dies 11.
710	672	Wamba, ann. 8. mens. 1. dies 14.
718	680	Ervigius, ann. 6. mens. 10.


725	687	Egica, ann. 15.
739	701	Witiza, ann. 10.
749	711	Rudericus, ann. 1. <i>Alii ajunt</i> 3.
750	712	Mauri invadunt Hispaniam.

Æra	Anno Christi	<i>ARCHIEPISCOPI TOLETANI VETERES collecti potissimum ex Libello Sancti Ildefonsi de Vi- ris Illustribus, & Catalogis veteribus Ecclesie To- letana, & Codice Gotthico Monasterii Sancti Emiliani.</i>	
	circa		
350	112	S. Eugenius.	<i>Missus à S. Dionysio, & Martyr Parisiis.</i>
350	312	Melantius.	<i>In Concilio Elibertano.</i>
	circa		
363	325	1. Pelagius.	<i>Hinc numerat S. Ildefonsus, & Catalogus S. Emil. for- te à pace Constantini.</i>
		2. Patrunus.	
		3. Turibius.	
		4. Quintus.	
		5. Vincentius.	
		6. Paulatus.	
		7. Natalis.	
		8. Audentius.	<i>De quo Gennadius: octavum vocat Ildefonsus.</i>
443	405	9. Asturius.	<i>Subscribit, ut puto, in primo Concil. Tolet. Reperit Com- pluti Reliquias SS. fusti, & Pastoris, ex Ildef.</i>
		10. Isicius.	
		11. Martinus.	
		12. Castinus.	
		13. Campejus.	
		14. Sinticio.	
		15. Praumatus.	
		16. Petrus.	<i>Hic aliqui Heflorem inserunt ex Concilii Tarraconen- sis vetusto Codice.</i>
		17. Celsus.	
565	527	18. Montanus.	<i>Annos 5. ex Ildef. Subscribit in 2. Concil. Tolet.</i>
		19. Julianus.	
		20. Bacauda.	
		21. Petrus.	
627	589	22. Euphimijs.	<i>Subscribit in 3. Concil. Tolet.</i>
		23. Exuperius.	
635	597	24. Adelphijs.	<i>Subscribit in quodam Concil. Tolet. ann. 12. Reccaredi.</i>
		25. Conantius.	
641	603	26. Aurasius.	<i>Ann. 12. ex Ildef.</i>
653	615	27. Helladius.	<i>Ann. 18. ex Ildef.</i>
671	633	28. Justus.	<i>Ann. 3. ex Ildef. Subscribit in 4. Concil. Tolet.</i>
674	636	29. Eugenius.	<i>Ann. 11. ex Ildef. Subscribit in Concil. Tolet. 8. 9. 10.</i>
685	647	30. Eugenius alter.	<i>Ann. 12. ex Ildef. Subscribit in Concil. Tolet. 8. 9. 10. Magister S. Juliani, à quo saepe citatur.</i> S.

697	659	31. S. Ildefonsus.	<i>Ann. 9. mens. 2. ex Juliano, sanctitate, & scriptis clarissimus.</i>
706	668	32. Quiricus.	<i>Subscribit in Concil. 11. Tolet.</i>
719	681	33. S. Julianus.	<i>Ann. 10. mens. 1. dies 7. ex Felice. Subscribit in Concil. Tolet. 12. 13. 14. 15.</i>
729	691	34. Sisibertus.	<i>Depositus in Concil. Tolet. 16.</i>
731	693	35. Felix.	<i>Subscribit in Concil. Tolet. 16.</i>
	circa		
738	700	36. Guntericus.	
750	712	37. Sinderedus.	<i>Romam Sarracenorum tempore fugiens, subscribit in Concil. Rom. sub Greg. II.</i>

Æra	Anno Christi	<i>HINC SEQUENTES EPISCOPI sub jugo Sarracenorum.</i>	
	circa		
778	740	Sunieredus.	<i>Hic Oppa intrusus, & Urbanus sanctus munere abiectionis Episcopi.</i>
798	760	Concordius.	
813	775	Cixila.	<i>Scribit vitam S. Ildef. & ad illum scribit Adrianus Papa.</i>
822	784	Elipandus.	<i>Ejus opinio damnata in Concil. Franefordien. ann. 794.</i>
858	820	Gumesindus.	
888	850	Wistremirus.	<i>De quo, & meminit S. Eulogius Cordubens. hoc tempore.</i>
		Bonitus.	
988	950	Joannes.	<i>Obiisse a. 994. dicitur in Codice S. Emiliani. Hinc caret Toletum Episc. donec Sarracenorum jugo liberatur ann. 1083.</i>

FINIS.



L FD/1954



UNIVERSIDAD DE SEVILLA



600714342

110824145557

128244783

SANCTI
ISIDORI
OPERA.

TOM. I.

FD
1904